


Mayogo



Mayogo: Gandja na Mbia (New Testament)

Mayogo

Mayogo: Gandja na Mbia (New Testament)

copyright © 2015 Wycliffe Bible Translators, Inc.

Language: Mayogo

Contributor: Wycliffe Bible Translators, Inc.

All rights reserved.

2025-05-13

PDF generated using Haiola and XeLaTeX on 13 May 2025 from source files dated 13
May 2025

6b4904fb-f8ce-5931-8218-7cee8914232c

Contents

| | |
|------------------------|-----|
| Matié | 1 |
| Maloko | 83 |
| Luka | 133 |
| Djaa | 217 |
| Kulu | 277 |
| Loma | 356 |
| 1 Kolito | 395 |
| 2 Kolito | 433 |
| Galate | 458 |
| Efeso | 471 |
| Filipoi | 483 |
| Kolosai | 492 |
| 1 Tesalonike | 500 |
| 2 Tesalonike | 508 |
| 1 Timoté | 513 |
| 2 Timoté | 524 |
| Tito | 532 |
| Filemo | 537 |
| OmaEbele | 540 |
| Djaki | 566 |
| 1 Piele | 576 |
| 2 Piele | 587 |
| 1 Djaa | 594 |
| 2 Djaa | 604 |
| 3 Djaa | 606 |
| Djude | 608 |
| Apokalipisi | 611 |

Bádha Ngali gba Yesu Kilisito maka li Matié aye lie ko Eli na kalanú

Bádha Ngali inde li Matié aye e ngakpokpo me Yesu ne Mákobho inde li Ebhe abhú nani e-o. A ko kpála inde li Ebhe amene li pápá gba e ongú inde ani apa nani bhú Gandja na Didili-e me ni améne e pi okpála gba ni-o. Bádha Ngali ango-o bha bini pi opiga gba omaYuda ade inde u azu Yesu bhú e di ne bhe ani abhele bhú e-o. Engú bini, a la di pi ndú okpála na píla doto hana.

Bádha Ngali ango-o ngasuno Yesu maka 'ngbé mésuno inde ne angu nambamba 'ta lili gba Ebhe, inde la di ngasuno pindji Naú gba Ebhe-o . Ongú na ngbengbengbe inde bhú nasuno gba ani-e a bhuluvue: (1) Nasuno a pi 'ta (alo 5-7). (2) Olili pi omukpata ndjíkpa ne ká bhisi (alo 10). (3) Ogbitaku píndji Naú na abhúlá (alo 13). (4) Nadú mukpata gba Yesu (alo 18). (5) Ekpí na soso (oalo 24-25).

Ongbengbe ongú inde bhú bhuku inde-e ngae inde:

Onguo ogbi Yesu Kilisito di ne nazu lie ka ani 1:1 - 2:23

Kulu gba Djaa bhúlú nabatisa okpála 3:1-12

Batisimo di ne nale inde li Djabúlú ale Yesu ne e-o 3:13 - 4:11
Kulu inde li Yesu amene e bhú ká okpála na Galilaya 4:12 - 8:34
Dhukú gba Yesu nayie bhú Galilaya ngú nanú abhú Yelusalema 9 - 20:34
Oekpí na soso gba Yesu abhú Yelusalema 21:1 - 27:66
Nakpi ne nazuku gba Yesu di ne nakoto ka ani li okpála 28:1-20

Onguo ogbi Yesu Kilisito (Tsia bhú Luk. 3:23-38.)

¹ A inde-e 'li onguo ogbi Yesu Kilisito , inde u azu e bhú piga gba 'ngbé ngámá Davidi, di ne bhú piga gba Abalahama-o.

² Abalahama azu Isaka, Isaka azu Yakobho, Yakobho azu Yuda di ne ondaise e,

³ Yuda azu Peledje ne Djala li Tamala,

Peledje azu Esilome, Esilome azu Lama,

⁴ Lama azu Aminadaba, Aminadaba azu Nasone, Nasone azu Salimona,

⁵ Salimona azu Boadja li Laaba,

Boadja azu Obede li Luta, Obede azu Yese,

⁶ Yese azu 'ngbé ngámá Davidi.

Davidi azu Salomo li ele gba Ulia,

⁷ Salomo azu Loboama, Loboama azu Abia,

Abia azu Asa,

⁸ Asa azu Djodjafata, Djodjafata azu Djloma,

Djloma azu Odjiiasi,

⁹ Odjiasi azu Djoatama,
Djoatama azu Akadji,

Akadji azu Edjekia,

¹⁰ Edjekia azu Manasi,

Manasi azu Amosi,

Amosi azu Djodjiasi,

¹¹ Djodjiasi azu Djekonia

di ne ondaise e. Ab-

homu-o, u atsia abha

omaſsalaele bhú bali

abhú kúti na Babilona.[†]

¹² Pita nabha uo bhú bali

bhú Babilona-a,

Djekonia azu Salatiele,

Salatiele azu Djolobabele,

¹³ Djolobabele azu Abiuda,

Abiuda azu Eliakime,

Eliakime azu Adjole,

¹⁴ Adjole azu Sadoka,

Sadoka azu Akime,

Akime azu Eliude,

¹⁵ Eliude azu Eleadjali,

Eleadjali azu Matana,

Matana azu Yakobho,

¹⁶ Yakobho atsia azu Djod-

jefu 'ko Malia inde azu

Yesu, u a'i e me Masiya-

o.

¹⁷ Nako ndu opiga bhomu-o hana-a, nayie li Abalahama nakolo li Davidi-e, a ko opiga ndjikpa ne ká badha, nayie li Davidi nakolo li namba omaſsalaele bhú bali na Babilona-a, a ko opiga ndjikpa ne ká badha, nayie li nanu bhú bali abhú Babilona-a nakolo li nazu Masiya-a, a ko di opiga ndjikpa ne ká badha.

Malia azu Yesu

(*Tsia bhú Luk. 2:1-7.*)

¹⁸ A inde-e lele maka u azu Yesu Kilisito lie ko. Malia, 'hi ani-e adu adjeke kúva gba

o ne Djodjefu-o. Engú bini, kala me u mbila lio na ele ne bhoko-o, ani abi ebhi bhú angu gba Bu Bhopua.

¹⁹ Abhomu-o, 'ko ani Djodjefu inde adu nani kpála namanga Ebhe-e, du akunda naha némü pi ani bhú ká djila okpála de. Ani atsia au ndjindji me ni tse ani bhú pepe.

²⁰ Nedhinga ani adu abhundja lie mo-o, andjelu bini gba Ngámá akoto li ani bhú loto. Ani atsia apa pi ani me: «Djodjefu, ndili gba Davidi, mo okpé naha wala mu Malia de, anga ebhi inde ani nde ne e ayie ka Bu Bhopua.

²¹ Ani azú ndili na bhobhoko inde mo ogísila 'li e me Yesu,* anga ani akóbho omaha e bhú osisiti 'ngú gba o-o.»

²² Ndú 'ngú bhomu-o hana amene lie ngubula me engú li Ebhe Ngámá apa nani e bhú 'li polofeta mene lie. Engú inde ani apa nani e me:
²³ «Tsia nga, ele inde i mbila nga 'ngú na bhoko de e abí 'bhi, ani tsia zú ndili na bhobhoko inde u agísila 'li e me Imanueli.[†]»

(A akunda napa me: Ebhe bhú dabili bini ne ni.)

²⁴ Li Djodjefu azukú lie, ani amene maka li andjelu gba Ngámá apa pi ani lie-o. Ani atsia aha Malia maka wala e,

²⁵ Engú bini, u si ne ani pi polo bini maka ele ne bhoko de nakolo li 'kpí li Malia azu

* ^{1:21} ^{1:21} ^{1:21} **Yesu:** 'Ili inde me Yesu-o, a akunda napa me Ebhe ne mukobho gba okpála. † ^{1:23} ^{1:23} ^{1:23} **Tsia bhú Isa.** 7:14.

[†] **1:11** ^{1:11} **Tsia bhú** 2 Ong. 24:12-16. a akunda napa me Ebhe ne mukobho gba okpála.

ndili na bhobhoko inde li Djodjefu agisila 'li e me Yesu-o lie-o.

2

Obhulu imbilangü ago ngú nadhégə Yesu

(*Tsia bhú Luk. 2:8-20.*)

¹ U azu nani Yesu bhú Beteleme.* Kuti bini na ndu doto na Yudaya, bhú nedhinga gba 'ngbé ngámá Elode[†] me-e, obhulu imbilangü ayie ne andjongu, u akolo bhú Yelusalema.

² U atsia ayi me: «'Ngbé ngámá gba omaYuda inde u azu e mbia inde-e su? Padhá de, anga ya au ikupala inde asuno me u azu ani-e akoto ne andjongu, abhomu-o, ya atsia ago ngú nadhégə ani.»

³ Li Elode adje lie mo-o, mabhundja gba ani di ne bhe gba ndu okpála na Yelusalema hana angbingi.

⁴ Abhomu-o, ani apo bhúla ongbengbe odimande gba Ebhe, di ne omusuno na líli gba Moidje-o. Ani atsia ayi uo me: «Bili inde a ayo me u zu Masiya li e ngae dho?»

⁵ U agie pi ani me: «Abhú Beteleme, bhú ndu doto na Yudaya, anga polofeta aye nani me:

⁶ *<Ngamu, Beteleme inde bhú ndu doto na Yudaya,*

mu mbomboye ane okuti koko na Yudaya mane ade.

Padhá de, anga ngámá inde alila okpála gba ma

na Isalaele, akoto bhú mu.[†]»

⁷ Abhomu-o, Elode a'i obhulu imbilangü-o bhú pepe. Ani ayi uo li kükülu nedhinga inde li ikupala ango-o akoto lie-o.

⁸ U agie 'ngú lie pi ani téte-e, ani atsia atima uo bhú Beteleme ne napa pi uo me: «Yi nunu, yi gili 'ngú pindji ndili-e na paká paká. Li yi u ani-e, yi de go pa muma, amba ngama di-e, ma nu dhégə ani.»

⁹ Pita u adje engú li 'ngbé ngámá Elode apa e lie, u atsia aholo 'nu. Me-e, ikupala u au e andjongu-o adu adholo kala uo, a atsia anu alu pi bili inde li ndili-e adu li e-o.

¹⁰ U au matá ikupala-a lie me-e, u abedhe ne djali bedhe.

¹¹ U ali abhú 'ti-o, u atsia au ndili-e ne 'hi e Malia. Abhomu-o, u akikita lipukü o kuto, u atsia adhégə ani. U abhulu okili gba o-o. U atsia aha apepe pi ani li olo, ne mangotsi, la di ne mangotsi koko na mase naali inde 'li e me mila. ¹² Pipita-a, Ebhe atsia apa pi uo bhú loto me u agié matá lio agba Elode de. Abhomu-o, u atsia agie lio agba o li kpadji koko.

Malia ne Djodjefu akpe kpata bhú Edjipeto

¹³ Pita li obhulu imbilangü-o agbida lie, andjelu bini gba Ngámá-a akoto li Djodjefu bhú loto,

* **2:1 2:1 Beteleme:** A ko kuti inde u azu nani 'ngbé ngámá Davidi bhú e-o.

† **2:1 2:1** Tsia bhú Mik. 5:1. † **2:6 2:6** Tsia bhú Mik. 5:1.

ani atsia apa pi ani me: «Yie bhúlá, ha ndili-e ne 'hi e, amba mu kpe ne uo bhú Edjipeto. Du oo akólo li nedhinga inde ma agáma 'ngú pi mu lie-o. Padhá de, anga Elode agfíli ndili-e ngú nabhélè ani.»

¹⁴ Sukpe-e, Djodjefu ayie bhúlá, ani aha ndili-e ne 'hi e, ani atsia akpe ne uo bhú Edjipeto.

¹⁵ Ani adu oo akolo li 'kpí li Elode akpi lie, ngubula me engú inde li Ebhe Ngámá apa nani e pi polofeta-a, amene lie. Ngámá apa nani pi opolofeta me: «Ma a'i ndili gba ma me ani koto bhú Edjipeto kokoto.†»

Elode abhili ongisi na djedjedje

¹⁶ Li Elode au lie me obhulu imbilangú-o apite ni-e, ani abi 'gú naali. Abhomu-o, ani atsia aha lili me u nu bhú Beteleme di ne bhú ndu doto gba ni-e hana, amba u bhili ndu ongisi na djedjedje hana nayie bhú kalanga bhisi ake ne kuto. Ani aha lili bhomu-o nakpata lele kalanga inde li obhulu imbilangú-o aha e pi ani-o.

¹⁷ Abhomu-o, engú inde li polofeta Djelemi apa nani e, atsia amene lie. Djelemi apa nani me:

¹⁸ «U adje eli bini bhú kuti na Lama, oegbá di ne omulopolo. A ngaku 'gbá ongisi gba e bhomu-o Lasele.

Ani kunda de me u yoko ni-e de, anga ndu ongisi gba ani-e hana amu.†»

Djodjefu, ne Malia di ne Yesu agie lio bhú Nadjaleta (Tsia bhú Luk. 2:39-40.)

¹⁹ Pita li Elode akpi lie-e, andjelu bini gba Ebhe Ngámá-a akoto li Djodjefu bhú loto bhú Edjipeto.

²⁰ Ani atsia apa pi ani me: «Yie bhúlá, ha ndili-e ne 'hi e, yi holo kpadji, amba yi gie liyi ne uo bhú doto na Isalaele. Padhá de, anga okpála inde adu nako nakunda nabhélè ndili-e amu.»

²¹ Djodjefu ayie bhúlá, ani aha ndili-e ne 'hi e, ani atsia agie lie bhú doto na Isalaele.

²² Engú bini, ani adje la lie me Alikilausi ne 'ngbé ngámá bhú ndu doto na Yudaya bhú da 'dyi e Elode-e, ani atsia adje tsulu ngú nanu oo. Ebhe agbele matá 'dje ani bhú loto, ani atsia agie lie bhú ndu doto na Galilaya.

²³ Ani anu asi kuti bhú gudhu na Nadjaleta, ngubula me engú inde li opolofeta apa nani e, amene lie. Opolofeta apa nani me: «U adu a'i ani me Kpála na Nadjaleta.»

3

Djaa bhulu nabatisa okpála apa pi okpála me u dji bua o

(Tsia bhú Mlk. 1:2-6; ne bhú Luk. 3:1-6; di ne bhú Dja.

† 2:15 2:15 Tsia bhú Oz. 11:1. † 2:18 2:18 Tsia bhú Djlm. 31:15.

1:19-23.)

¹ Bhú oekpí bhomu-o, Djaa bhulú nabatisa okpála akoto nani abhú mili bili na ndu doto na Yudaya. Ani adu atotobhila me:

² «Yi dji bua yi, anga Naú na abhúlá akolo masikpe!»

³ Djaa nani ne kpála inde li polofeta Isaya akpokpo 'ngú gba e me:

«Kpála bini ngatotobhila bhú mili bili me:

«Yi leke kpadjí gba Ngámá-o.

Yi leke bua yi ngú nago ka ani-o.[†]»

⁴ Djaa adu adyi bongo inde u adu e li su enu, ani adu agbite ekpú na kó 'nu ludu e. Ani atsia adu azu omakin-dolo di ne nadha eú.

⁵ Abhomu-o, okpála na Yelusalema di ne okpála na Yudaya libhomu ne obhende na ndu doto inde lingo ngade 'ngu na Djuludani libhomu adu ago nadje engú inde ani adu akpokpo e-o.

⁶ U adu ambamba ta osisiti 'ngú gba o-o kala ndu okpála hana. Djaa atsia adu abatisa uo bhú ngade 'ngu na Djuludani.

⁷ Bhti omuFalisai di ne oSadukai adu ago ngú nasia batisimo. Li Djaa au lie mo-o, ani atsia ayi uo me: «Ngayi opiga kpulu inde-e, a asuno pi yi da me yi kpe egú gba Ebhe inde ngago-o?

⁸ La-a, yi suno bhú okulu gba yi-e me yi adji bua yi adji,

⁹ amba yi 'o nabhundja li bhobua yi makpe me: *<Engú*

li ya ade anga Abalahama ne ogbi ya. Padhá de, anga ma ngapa pi yi me, Ebhe ti da nagbe ongisi pi Abalahama bhú ká oteme yi ngau e inde-e mada yi.

¹⁰ 'E-e! Mbia inde-e, ngbakpa a'o lie bhú li 'dhú ondula-a ngubula nadodolo. Ndú ndula hana inde i li lili na babadha de-e, u adé, u tsia bhíke bhú djua.

¹¹ Ngama-a, ma ngabatisa yi bhú engu ngú nasuno me yi adji bua yi adji. Engú bini, kpála bhende i ngago pita ma-a, ane ma ne angu. Ma la ne mangua tetele kpála dho me ma gbe maleké bhú 'dhú ani-e! Ngaani-e, ani abátisa yi ne Bu Bhopua di ne djua.

¹² Ani aholo kakpa gba e sa 'kpa e ngú nafe fufukudha bhú nguwa gba e amba ni bu nguwa bhú ngbokopi. Engú bini, fufukudha-a, ani atsúlu bhú djua inde na dudu ma ne dudu ma.»

*Yesu asia batisimo
(Tsia bhú Mlk. 1:9-11; ne bhú Luk. 3:21-22; di ne bhú Dja. 1:29-34.)*

¹³ Abhomu-o, Yesu ayie bhú Galilaya, ani anu abhaka Djaa bhú ngade 'ngu na Djuludani ngú nasia batisimo ká ani.

¹⁴ Djaa di me yala. Ani atsia adu apa me: «Ma sía mangbo batisimo ka mu ngama. Mu ngago matá abhaka ma ngamu!»

¹⁵ Engú bini, Yesu atsia agie pi ani me: «Ziba me

[†] 3:3 3:3 Tsia bhú Isa. 40:3.

amene lie moko mbia inde, Padhá de, anga a ayo me ní mene ndú 'ngú hana inde li Ebhe ayo e ka ní-o.» Abhomu-o, Djaa atsia aziba me amene lie moko.

¹⁶ Li Yesu asia batismo lie, ani atsia akoto bhú 'ngu-o. Me-e, kokpí abhulu lie. Ani atsia au Bu Bhopua gba Ebhe-e ngaké maka pidjo, a nde ngago pi ani. ¹⁷ Abhomu-o, eli bini atsia ayie abhúlá ne napa me: «A inde-e ndili gba ma na mukunda-o. A ko kpúkpú na bua ma.»

4

Djabulú ale Yesu

(Tsia bhú Mlk. 1:12-13; di ne bhú Luk. 4:1-13.)

¹ Abhomu-o, Bu Bhopua atsia amba bhúla Yesu abhú mili bili ngubula me djabulú le ani.

² Pita namene ngbíkpi ndjíkpa badha ne sukpe ndjíkpa badha mandi nazú 'he-e, ani adje gúmu.

³ Djabulú, kpála inde adji ale ani-e atuto lie de ani. Ani atsia apa pi ani me: «I du me mu nde ne Ndili gba Ebhe-e, ha líli pi oteme inde-e me akolo mapa.»

⁴ Engú bini, Yesu agie me: «U aye bhú Bhuku me:

«Kpála kóbho bha bini ka ezu de,
engú bini, ani akóbho ka
ndú oeli hana inde
i ngakoto bhú 'bhé Ebhe-
o.†»

⁵ Abhomu-o, Djabulú aha ani, anu ne ani bhú Yelusalema, gúdhú na bubu-o. Ani atsia a'o ani pi tulundji 'ngbé 'ti Ebhe gba omaYuda-o.

⁶ Do ani pi Yesu de me: «I du me mu nde ne ndili gba Ebhe-e, 'ulu mu ke kuto! Padhá de, anga u aye bhú Bhuku me:

<Ebhe ahá líli pi oandjelu gba e ngú mu.

U tsia bí mu sa 'kpa o ngubula me mo otú 'dhú mu li teme bini de.†»

⁷ Yesu apa pi ani me: «U aye di bhú Bhuku gba Ebhe-e me: <Mo olé Ebhe, Ngámá gba mu-o de.†»

⁸ Djabulú anu a'o matá ani pi 'ndjá eta na ndjándjá nane mane. Ani atsia apana pi ani ndú naú na doto hana bhú dabili bini ne sangu gba o-o.

⁹ Ani atsia apa pi ani me: «Ndú 'he inde-e hana, ma ahá pi mu i du me mu nde akikita lipéku mu kuto kala ma ngú nadhégé ma-o.»

¹⁰ Abhomu-o, Yesu atsia apa pi ani me: «Yie oo ko, Satana! Padhá de, anga u aye bhú Bhuku me:

<Dhége Ebhe 'ngbé Ngámá gba mu-o,
amba mu yo la bhadi ani
kpi e kpi.†»

¹¹ Abhomu-o, Djabulú a'o ka ani. Me-e, oandjelu ago de ani, u atsia aholo nateteke ani.

† 4:4 4:4 Tsia bhú Det. 8:3. † 4:6 4:6 Tsia bhú Ets. 91:11-12. † 4:7 4:7 Tsia bhú Det. 6:16. † 4:10 4:10 Tsia bhú Det. 6:13.

Yesu asuno bhú Galilaya
(*Tsia bhú Mlk. 1:14-15; ne
bhú Luk. 4:14-15; di ne bhú
Dja. 4:1-3, 43-46.*)

¹² Lí Yesu adje lie me u
aholo Djaa-a,* ani atsia agbe
lie ne abhú ndu doto na
Galilaya.

¹³ La-a, ani ná bhú kuti
na Nadjaleta de, ani aná
mangbo bhú Kapalanauma,
dengo ekpø na Galilaya, bhú
kuti gba okpála na Djabu-
lona ne Nefitali.

¹⁴ Aní amene mo-o
ngubula me engú nani lí
polofeta Isaya apa e amene
lie. Engú nani aní apa e me:

¹⁵ «Ngayi okpála na doto na
Djabulona ne Nefitali,
ne yi okpála na kpadji
na ekpø,

ne yi okpála na kuti inde ayi
'ngu na Djúludani,
inde akolo mbia inde-e
okpála na Galilaya
inde lí ogandji okpála
ngadúlu bhú e-e,
yi dje nga engú inde!

¹⁶ Ngayi okpála inde
adúdu bhú biti má
ndundulundu-o,
yi au zí 'kpí na
ngbéngbé na kuo kuo.

A akunda napa me zi 'kpí
ango-o akóto pi yi
okpála inde abedhe ndu
'kpí hana ne tsálu
kuo-o.†»

¹⁷ Nayie lí nedhinga
bhomu-o, Yesu aholo
akpokpo mbámbá me: «Yi
dji bua yi. Padhá de,

anga Naú na abhúlá akolo
masikpe.»

**Yesu a'i omukpata na gig-
ina**

(*Tsia bhú Mlk. 1:16-20; ne
bhú Luk. 5:1-11; di ne bhú
Dja. 1:35-51.*)

¹⁸ Lí Yesu adú adhákú
lie lingo ekpø na Galilaya-
a, ani au obhosí bhisí me u
nde ngagbe sungu. A adú
ondaise. A adú Simo inde u
agisila 'lí e me Piele ne ndai
e Andili.

¹⁹ Aní atsia apa pi uo me:
«Yi go kpata ma, amba ma
mene me yi du ibili nagili
okpála pi Ebhe maka yi ag-
begbe osungu lie-o.»

²⁰ Ma gala kolo me-e, u
abala 'kpa lí onado gba o-o,
u atsia aná ne uo.

²¹ Yesu adyudo matá lie
ne kalanú, ani au obhosí
koko bhisí, a adú Djaki ne
uo ne ndai e Djaa, ongisi
gba Djebedayo-o. U adú bhú
zabu gba o bhú dabili bini
ne 'dyi o me u nde ngaleke
onado gba o-o. Aní a'i uo me
u go kpata ni.

²² Ma gala me-e, u a'o ka
'dyi o ne zabu gba o-o. U
atsia aná ne uo.

**Yesu asuno pi okpála, ani
atsia akobho di obhúlu kuo**
(*Tsia bhú Mlk. 1:39; di ne
bhú Luk. 4:44, 6:17-18.*)

²³ Abhomu-o, Yesu adhákú
bhú Galilaya libhomu. Aní
adú asuno bhú oeti nadje
lili gba Moidje inde na ndu
doto bhomu-o. Aní adú di
akpokpo Bádhá Ngali Naú na

* **4:12 4:12 Djaa:** A ko Djaa bhende Bhálu nabatisa okpála-o. † **4:16 4:15-16**
Tsia bhú Isa. 8:23 - 9:1.

abħúlá-o. Ani atsia adu di akobho ndu okuo hana di ne ndu eze hana li okpála adu ne e-o.

²⁴ Abhomu-o, ngali gba ani ayangba bhú ndu doto na Silia libhomu. U atsia ago pi ani ne okpála inde adu ne okuo ngangá-a hana: obhende li osisiti bua adu ato mbolo li o, obhende li kuo nagbulu magbulu adu amene o, ne obhende na eze. Ani atsia akobho uo.

²⁵ Abhomu-o, okpála bħelé inde ayie bhú Galilaya, ne bhú ogħadha Ndjikpa, ne bhú Yelusalema, ne bhú Yudaya la di ne ayi 'ngu na Djuludani atsia akpata ani.

5

Djali na kukulu

(Tsia bhú Mlk. 3:13; di ne bhú Luk. 6:12-13, 20-23.)

¹ Li Yesu au bħiti okpála lie-e, ani a'u apí 'ta. Ani adu kuto, omukpata gba ani-e atsia adyudyo lio de ani.

² Abhomu-o, ani aholo nasuno pi uo me:

³ «A ko djali pi okpála inde ngau lio padħá kala Ebhe,
anga ngauo-o, Naħħ na abħúlā-a pi uo.

⁴ A ko djali pi obhende ngaku 'gbá,
anga ngauo-o, Ebhe akúo ngula sala uo ngae.

⁵ A ko djali pi obhende na bhukku bua,
anga ngauo-o, u agbógho bhussu o li doto inde li Ebhe apana e pi uo-o.

⁶ A ko djali pi obhende akħanda bha ndju namene ngibili 'ngú,
anga ngauo-o, Ebhe améne me u du bedhe ngú namemene.

⁷ A ko djali pi obhende ngadje ndjinga okpála koko,
anga ngauo-o, Ebhe adjé ndjinga uo.

⁸ A ko djali pi obhende bubu li bua o,
anga ngauo-o, u aú Ebhe.

⁹ A ko djali pi obhende ngato guo 'ngú sunda okpála,
anga ngauo-o, u a'í uo me ongisi gba Ebhe.

¹⁰ A ko djali pi obhende u ngato mbolo li o ka anga u ngamene ngibili 'ngú,
anga ngauo-o, Naħħ na abħúlā-a pi uo.

¹¹ A ko djali pi yi i du me okpála nde ngasobho yi, u nde ngato mbolo li yi, u nde di ngapa ndu sisiti 'ngú li yi hana ne eu ka yi abhuka ma lie-o.

¹² Yi mbila me, u ato bħadi nani mbolo li opolofeta na kalanu-o moko. Kaka-a, yi du bhú djali, amba yi du di bhú ndjili, anga makalá gba yi inde abħúlā-a adu ngbéngħé.»

Yi ne ngutu di ne zi 'ke na pila doto

(Tsia bhú Mlk. 9:50; di ne bhú Luk. 14:34-35.)

¹³ «Ngayi-e, yi ne ngutu na pila doto. I du la me

ngatú nde andapa-a, a akólo matá dédé lele pi? A matá li kulu ade. A ayo bha ibili nababala kilidjo, li okpála tsia dédele ne 'dhú o.

¹⁴ Ngayi-e, yi ne zi 'ke na pila doto. Gudhu inde ayiki lie pi eta-a, a awó lie belegu de bini.

¹⁵ U dhedhe eke-e, a ko ngú na'o'o asa lusa de. Engú bini, a ko ngú na'o'o apí misa ngubula me aziga ndu okpála inde abhú 'ti-e hana.

¹⁶ A bhadi pi yi moko. A ayo me zi yi suno lie bhú djila ndu okpála hana ngubula me u u babadha kulu gba yi-e, u de dhége 'Dyi yi inde abhúlá-o.»

Yesu go ngú nabhélə líli gba Moidje-e de

¹⁷ «Yi abhúndja de me ma ago ngú nabhélə líli gba Moidje di ne me ma ago nabhélə nasuno gba opolofeta-a* de. Ma go ngú nabhebhéle de. Engú bini, ma ago mangbo ngubula nambamba tata hana.

¹⁸ Ma apa pi yi na paká me: abana li kokpí ne doto bhue bha pi-ie, ndu 'ngú hana inde bhú líli gba Moidje-e, améne lie. U búlu belegu mboyé 'dhú balua, i du di-e mboyé 'kpí balua bini bhúbhú de, nakolo bha li sokpí.

¹⁹ Kaka-a, kpála bhende i gúmú mboyé 'ngú bhú ká olíli gba Moidje-e, ani suno

la di pi okpála koko namene mo-o, ani adú kpála na yeye bhú Nau na abhúlá. Engú bini, kpála bhende i lila-a, ani nde di ngasusuno pi okpála koko-o, ani adú kpála na ngbéngbé bhú Nau na abhúlá.

²⁰ Ma pa pi yi mo-o padhá de, anga li ngbili 'ngú gba yi-e du ngbéngbé nane bhende gba omusuno na líli gba Moidje ne omuFalisai-e mane de-e, yi ti da nali bhú Nau na abhúlá-a de.»

Yesu asuno pindji nake 'ngú lio

(Tsia bhú Mlk. 11:25; di ne bhú Luk. 12:57-59.)

²¹ «Yi adje me u apa nani pi onguo ogbi yi me: <Mo obhéle kpála de. Kpála bhende i bhéle kpála bhú gandji-e, a ayo me u gbe ani kala Libi okpála natsia 'kpí li 'ngú gba omaYuda .>†

²² Engú bini, ngama-a, ma ngapa pi yi me: kpála bhende i bi 'gú ne ndai e, a ayo me u gbe ani bhú tilibinale. Kpála bhende i pa pi ndai e me: <Mu ne ngingi>, a ayo nagbe ani kala Libi okpála natsia 'kpí li 'ngú gba omaYuda-o. Kpála bhende i sobho ndai e me: <Mu ne bhúlú pele>, a ayo me u bhike ani bhú dé djua na duduuma-o.

²³ I du me mu nde adjí naha makiso pi Ebhe li bili natsulu enu pi ani-e, i du la me mu nde abhundja me ni

* **5:17** 5:17 Líli gba Moidje di ne ongú inde li opolofeta aye e, a ko Gandja na Didili-e libhomu. † **5:21** 5:21 Tsia bhú Eki. 20:13; di ne bhú Det. 5:17.

amene siti 'ngú li pabili gba ndai ni-e,

²⁴ mʉ de 'o ka makiso gba mʉ-o kala bili natsulu enʉ-o oo, amba mʉ gie ngaiza limʉ nato guo 'ngú sonda yi ne ndai mʉ. Pipita la-a, mʉ go ha makiso gba mʉ-o pi Ebhe.

²⁵ I du di me kpála nde akʉnda nagbe mʉ kala odjudji-e, yi de dje kolo liyi ne ani me yi nde nga bha li kpadji, ngubula nalila me kpála yi nde ne e bhʉ 'ngú-o agbe mʉ bhʉ tilibinale de, amba djudji a'i polisi de me ani to mʉ bhʉ tikpu-o de.

²⁶ Ma apa pi mʉ na paká me, mʉ ti da nakoto oo padhá de i du me mʉ nde di mangimbo bhomʉ-o nakolo li senge na soso-o de ko.»

Nasuno pindji nakunda bhoko, i du di-e ələ koko

(Tsia bhʉ Mat. 18:8-9; di ne bhʉ Mlk. 9:43, 47-48.)

²⁷ «Yi adje me u apa nani me: <Mo okʉnda bhoko, i du di-e ələ koko de.†>

²⁸ Engú bini, ngama-a, ma apa pi yi me: kpála bhende i tsia ələ koko ne gʉmu ani-e, kpála ango-o akʉnda ələ ango-o li bhobua e akʉnda.

²⁹ I du me li djila mʉ na kokpa nde ngato mʉ bhʉ siti 'ngú-o, mʉ de gbe, mʉ bhike de mʉ tsutsu. Padhá de, anga nakpi ka yá mʉ bini-e, a pi mʉ ndjindji ane me u bhike 'lá mʉ libhomu bhʉ djua na dʉdʉma.

³⁰ I du la di me 'kpa mʉ na kokpa nde ngato mʉ bhʉ

siti 'ngú-o, mʉ de kodho, mʉ bhike de mʉ tsutsu. Padhá de, anga nakpi ka yá mʉ bini-e, a pi mʉ ndjindji ane me u bhike 'lá mʉ libhomu bhʉ djua na dʉdʉma.»

Nasuno pindji nagbo bhʉsʉ o bhʉ kʉva
(Tsia bhʉ Mat. 19:7-9; ne bhʉ Mlk. 10:4-5; di ne bhʉ Luk. 16:18.)

³¹ «U apa di nani me: <I du me kpála bini nde agie wala e-e, a ayo me ani ye balua inde li ongámási adéle 'kpa o bhʉ e pi ani. Balua ango-o asúno ngae me ani atse ani atse.†>

³² Engú bini, ngama-a, ma apa pi yi me, kpála bhende i 'e wala e me ani nde holo ani ne bhoko koko de-e, ani ngakata ani bhʉ nakʉnda bhoko koko. A akʉnda napa me, kpála bhende i ha ələ inde li bhoko koko agie e, ani akʉnda bhomʉ-o ələ gba kpála koko.»

Nasuno pindji natʉ silika

³³ «Yi adje matá nani me u apa pi onguo ogbi ní me: <Mo ogúlu silika mo otʉ e de. Engú bini, mene engú mo otʉ silika li e kala Ngámá-o.›

³⁴ La ngama-a, ma apa pi yi me, yi atʉ silika belegʉ de bini: yi atʉ silika ne 'li kokpí de, anga a bhomʉ-o bili li Ebhe ngadʉ li e-o.

³⁵ Yi atʉ silika ne 'li doto de, anga a ko bili inde ani nga'o 'dhu e li e ko. Yi atʉ silika ne 'li Yelusalema de,

† 5:27 5:27 Tsia bhʉ Eki. 20:14; di ne bhʉ Det. 5:18. † 5:31 5:31 Tsia bhʉ Det. 24:1.

anga a ko gudhu gba Ebhe, 'Ngbé Ngámá.

³⁶ Mo otá la di silika ne 'lí 'ndji mʉ de, anga mʉ ti da nadji lí sundjo mʉ bini de me akolo bubu, i dʉ di-e bibili-e de.

³⁷ I dʉ me yi nde ngagama 'ngú-o, yi de pa bha me: «A moko», di ne me «A mo-o ade.» Padhá de, anga ndʉ ongú bhe pépé-e hana ayie ka Djabulu.»

Nasuno pindji nagie siti pi siti

(*Tsia bhú Luk. 6:29-30.*)

³⁸ «Yi adje nani me u apa me: «Li kpála dʉ djila mʉ-o, mʉ de dʉ di djila ani», u apa di me: «Li kpála gumʉ 'te mʉ-o, mʉ de gumʉ di 'te ani.»[†]

³⁹ La ngama-a, ma apa pi yi me, i dʉ me kpála nde amene siti 'ngú lí yi-e, yi agísila de. Engú bini, i dʉ me kpála bini nde asʉ pabhe mʉ na kokpa-a, mʉ de dji di pabhe mʉ na galí-e pi ani, amba ani sʉ di.

⁴⁰ I dʉ me kpála bini nde akündá nagbe mʉ bhú ng-banga ngubula simisi gba mʉ-o, mʉ de 'o di ká koti gba mʉ-o pi ani.

⁴¹ I dʉ me kpála nde aholo mʉ ne kpéke me mʉ bi 'he gba ni-e ngubula kilometele bini-e, mʉ de bi bha ibili pi ani ngú kilometele bhisi.

⁴² I dʉ me kpála nde ayo 'he ka mʉ-o, mʉ de ha pi ani. I dʉ me kpála nde ayo bopulu ka mʉ-o, mʉ de ha pi

ani. Mo oyála naha bopulu pi kpála inde akündá nayoyo ka mʉ-o de.»

Nasuno pindji nakündá bhʉlʉ yala gba o

(*Tsia bhú Luk. 6:27-28, 32-36.*)

⁴³ «Yi adje me u apa nani me: «Kündá kilí mʉ, amba mʉ yala bhʉlʉ yala gba mʉ-o.»[†]

⁴⁴ Engú bini, ngama-a, ma apa pi yi me, yi kündá obhʉlʉ yala gba yi ko. Yi yo Ebhe pi obhende ngato mbolo li yi-o.

⁴⁵ Yi mene mo-o, yi dʉ ne kükʉlʉ ongisi gba 'Dyi yi inde abhʉlá-o. Padhá de, anga ani ngagbe zindjila gba e pi osisiti okpála di ne pi obabadha okpála. Ani ngatuko ebha pi okpála na ngingbili di ne pi obhende na ngingbili ade ko.

⁴⁶ Ma pa mo-o padhá de, anga i dʉ me yi nde ngakündá bha obhende ngakündá yi-e, yi asia téte mangua makalá dho? Ondembí na mandjandja bhadi ngamemene moko!

⁴⁷ I dʉ la di me yi nde ngayi bha bini ondaise yi-e, yi ngamene bhomʉ-o mangua ngamba 'ngú dho? Omupagano bhadi ngamemene moko.

⁴⁸ La ngayi-e, yi dʉ ngingbili bhú ndʉ 'ngú hana maka li 'Dyi yi inde abhʉlá-a nde lie ngingbili ko.»

[†] 5:38 5:38 *Tsia bhú Eki. 21:24; ne bhú Lev. 24:20; di ne bhú Det. 19:21.* [†] 5:43

5:43 *Tsia bhú Lev. 19:18.*

6

Nasuno pindji napu 'he pi obhulü ndibhili

¹ «Yi lila liyi me yi améne bádha 'ngú gba yi-e kala okpála de me u u yi mau-o de. I du mo-o de-e, yi sia makalá ka 'Dyi yi inde abhúlá-a de.

² Nedhinga inde mu ngapu 'he lie pi bhulü ndibhili-e, mo oméne de me ni bhi téte makpe maka li obhulü kali amemene lie bhú otí nadje lílì gba Moidje di ne li ohi kpadji-e de. U memene mo-o ngubula me okpála dhége o. Ma apa pi yi na paká me u asia makalá gba o asia.

³ La pi mu-o, nedhinga mu ngapu 'he lie pi bhulü ndibhili-e, a ayo de me 'kpa mu na gali-e mbila ehe inde li 'kpa mu na kokpa ngamene e de.

⁴ A moko, a ayo me napu 'he gba mu-o tigala bhú pepe, amba 'Dyi mu inde ngau 'kpí bhú pepe-e gie pi mu ngae.»

*Nasuno pindji nayo Ebhe
(Tsia bhú Luk. 11:2-4.)*

⁵ «Nedhinga yi ngayo Ebhe lie, yi adú maka obhulü kali de. Padhá de, anga u kükunda nayo Ebhe me u nde alü malü bhú otí nadje lílì gba Moidje di ne li odi-kpadji, amba okpála du au o mau. Ma apa pi yi na paká me u asia makalá gba o asia.

⁶ La pi mu-o, nedhinga mu ngayo Ebhe lie, a ayo me li bhú tina 'ti gba mu-o. Dho

bhèbhè nganda mu madho, amba mu yo 'Dyi mu inde li bili na pepe bhomu-o. Abhomu-o, 'Dyi mu inde a uu 'kpí bhú pepe hana-a, tsia há makalá pi mu ngae.

⁷ Nedhinga yi ngayo Ebhe lie, yi agié liyi pi oeli bini bhutsibhutsi maka omupagano de. Padhá de, anga u ngabhundja me Ebhe adjé o i du me o nde ngakpokpo kambi oeli.

⁸ Yi améne maka uo de, anga 'Dyi yi mbila ehe yi nde ne gumu e hana kala me yi yo ka ani-o.

⁹ Ngayi-e, yi yoyo Ebhe me:
<'Dyi ya inde abhúlá,
a ayo me kpála ne kpála
mbila me,
mu ne Ebhe inde bubu.

¹⁰ A ayo me mu go u ngámá
píla doto.

A ayo me kpála ne kpála píla
doto mene mukunda
gba mu-o maka i
ngamene lie lie
abhúlá ko.

¹¹ Ha ezü inde ati ne ya li 'kpí
na naki-e pi ya.

¹² 'E siti 'ngú gba ya inde ya
amene e li pabili gba
mu-o.

Padhá de, anga ngaya
makpe ya ngambu di
li obhende ngamene
osisiti 'ngú li pabili
gba ya-o.

¹³ I du me ya nde ali bhú
nale-e,
mo o'o de me ya mene
siti 'ngú-o de.
Engú bini, lila ya sakpa
Djabulü malila.

[Padhá de, anga Nau ne angu
la di ne sangu ,
a ko naamu 'he,
dudama ne dudama.
A ada moko.]

¹⁴ I du me yi nde ngambu
li osisiti 'ngú gba okpála-a,
'Dyi yi inde abhúlá-a a'é
bhadi osisiti 'ngú gba yi-e
moko.

¹⁵ Engú bini, i du me yi
nde mbu li osisiti 'ngú gba
okpála de-e, 'Dyi yi 'é di
osisiti 'ngú gba yi-e de.»

*Nasuno pindji natse 'zú
ngú nayo Ebhe*

¹⁶ «Nedhinga yi ngatse 'zú
lie ngú nayo Ebhe-e, yi aná
bhúla yi maka obhúlu kali
amemené lie de. U memene
mo-o ngú nasuno pi okpála
me o ngatse 'zú ngú nayo
Ebhe. Ma apa pi yi na paká
me u asia makalá gba o asia.

¹⁷ La pi mu-o, nedhinga
mu ngatse 'zú lie ngú nayo
Ebhe-e, vúlu bhúla mu,
amba mu pulu ne emu
ndjindji,

¹⁸ amba okpála ambíla de
me mu ngatse 'zú-o de. 'Dyi
mu inde ne ndu bili hana,
abana bhú bili na pepe-e,
mbíla bha ngae kpi e kpi.
Abhomu-o, 'Dyi mu inde a
uu 'kpí bhú pepe hana-a, tsia
há makalá pi mu ngae.»

*Yesu apa me yi po bhúla
tia gba yi-e abhúlá*

(Tsia bhú Luk. 12:33-34.)

¹⁹ «Yi apó bhúla tia pi yi
pila doto inde-e de. Padhá
de, anga yi po bhúla tia pi yi

ei-e, opálanga ne mbelende
sítí, li obhúlu 'zi dudu pabu
'ti-e, u tsia zí.

²⁰ Engú bini, yi po mangbo
bhúla tia pi yi abhúlá. Padhá
de, anga oo, opálanga ne
mbelende ngú nasisiti ade,
obhúlu 'zi di ngú nadudu
pabu 'ti-e me u zi-e ade.

²¹ Padhá de, anga bili inde
li tia gba mu nde lie, bua mu
du bhadi oko.»

*Djila kpála ne zi 'ké na
kute ani*

(Tsia bhú Luk. 11:34-36.)

²² «Djila kpála ne zi 'ké
na kute ani. I du me djila
mu nde ndjindji-e, kute mu
libhomu du li zi 'kpí.

²³ Engú bini, i du li djila
mu ne kuo-o, kute mu lib-
homu du bhú biti. I du me
zi 'kpí inde mu ngabhundja
me a bhú ni-e nde biti-e,
biti ango-o né la matá dada
mane.»

*Yi 'o bha nabhuka gba yi-e
bhú Ebhe, yi a'ó bhú tia de*

(Tsia bhú Luk. 16:13.)

²⁴ «Kpála bini ti da
namene kulu pi ongámási
bhisi de. A akunda napa me,
ani ú bhe bini-e padhá, ani
tsia tsé ani, ani kúnda bhe
koko-o, ani tsia dhíka li ani.
Yi ti da nadu bali pi Ebhe ne
pi tia* bhú nedhinga bini de.

²⁵ Kaka-a, ma apa pi yi me,
yi a'ó bua yi abhúlá ngúbulu
mukobho gba yi-e de. Yi adú
akina liyi de me ya azú si ni,
di ne me ya andjí si ni-ie de.
Mukobho gba kpála ane ezú

* **6:24 6:24 Tia:** Bhú eli na Giliki-e, u aye me «Mamo», a akunda napa me na'o tia maka ebhe.

mane adi? Yi akína di liyi de me ya adyí si ni-ie de. Kute kpála ane bongo mane adi?

²⁶ Yi tsia nga maka li odhu nde lie abhúlá: u lulu 'dyí de, u gbegbe di nguwa abhiye de, u 'o'o la di 'he bhú ngbokopi de. Engú bini, 'Dyi yi inde abhúlá-a ngakú uo! La ngayi-e, yi ane uo ne tata.

²⁷ A ko da bhú ka yi ka nakina lie i ti da na'o mbo ekpí koko pí mukobho gba e?

²⁸ Ka ni la yi ngabhéle bua yi lie li 'ngú na bongo-o? Yi tsia nga maka li ofelete ngabhele lie abhiye: u memene kulu de, u dudu di bongo de.

²⁹ Ma apa la pi yi me, abana 'ngbé ngámá Salomo bhú ká tia gba e hana-a, ani dyi belegú nani bongo maka suka uo de.

³⁰ I du me Ebhe nde ngato bongo li ulu inde abhiye mo-o, ulu inde naki oo-o, inde u abhíke la mambi e bhú djua-a, ani méne pi yi ane mane di? Nabhuka gba yi-e yeze mo-o ka ni?

³¹ Ka 'ngú ango-o, yi akína liyi de me: <Ya azú ni? Ya andjí ni? Ya adyí li ya mangua bongo dho?>

³² Ndu ongú bhomu-o hana, omupagano ngagigili ngao. U gili ne ndala de. La-a, 'Dyi yi inde abhúlá-a, mbila ndjindji me yi ne gumu ndu 'he bhomu-o hana.

³³ Yi gili ngaiza Naú gba Ebhe-e bhú dabilí bini ne namene ngbili 'ngú inde ani akunda e-o. Pipita-a, li Ebhe

tsia há di ndu oehe koko bhomu-o hana pi yi.

³⁴ Kaka-a, bua yi angámba li 'ngú na mambi de. Mambi abhúndja 'ngú gba e ngae. A li ekpí bini ne bini ne likabhu inde ati ne e.»

7

*Yi akódho 'ngú gba okpála koko de
(Tsia bhú Luk. 6:37-38,
41-42.)*

¹ «Yi akódho 'ngú gba okpála koko de, amba Ebhe akódho di engú gba yi-e de.

² Padhá de, anga lele maka yi ngakodho 'ngú gba okpála koko lie, Ebhe akódho bhadi engú gba yi-e moko. La di-e, ani améne bhadi pi yi maka yi ngamemene lie pi okpála koko-o.

³ Ka ni mu ngau mboye ku musoli inde bhú djila ndai mu-o lie, mu nde u la pála ndula inde bhú djila mu-o de?

⁴ Lele pi mu ti da napa pi ndai mu lie me: <Djedjeke, ma go gbe ku musoli inde bhú djila mu bhomu-o>, me a nde bhú djila mu ne pála ndula-a?

⁵ Bhúlú kali, gbe ngaiza pála ndula inde bhú djila mu-o, amba pipita-a, mu tsia ú la 'kpí ndjindji ngú nagbe mboye ku musoli inde bhú djila ndai mu ko.

⁶ Yi ahá ehe na bubu gba Ebhe-e pi obulá de, anga i du mo-o de-e, u gó sisidha yi má tsue tsue! Yi abála

omayaka gba yi na tia bhelé-e pi opame de, ngú nakpe me u anú adedele ne 'dhú o de.»

*Nazi 'ndji o bhú mayo
(Tsia bhú Luk. 11:9-13.)*

⁷ «Yi yo 'he, amba u ha pi yi. Yi gili 'he, amba yi sia. Yi bhi bhoti, amba u 'u pi yi.

⁸ Padhá de, anga kpála bhende ngayo 'he ngasisia. Kpála bhende ngagili 'he ngauu. Kpála bhende ngabhi bhoti-e, u nga'uhu pi ani.

⁹ Bhú ká yi-e, a ko da inde i du me ndili gba ani-e nde ayo mapa ka ani-e, ani tsia há pi ani teme?

¹⁰ I du di-e me ndili nde ayo sungu ka 'dyi e, ani tsia há pi ani kpulu?

¹¹ I du la me, ngayi okpála-kuti inde sisiti-e, yi nde ambila naha ohe na babadha pi ongisi gba yi-e, lele pi li 'Dyi yi inde abhúlá-a há ohe na babadha lie pi obhende ngayoyo ka ani-e de-e?»

*Líli na kúkúlu
(Tsia bhú Luk. 13:24.)*

¹² «Ndú 'ngú hana inde yi ngakunda me okpála mene e pi yi-e, yi mene di engú ango-o pi uo. A bhomu-o engú inde li líli gba Moidje apa e, la di ne ongú inde li opolofeta aye e-o.»

Nasuno pindji okpadji bhisi kpikipikpi

(Tsia bhú Luk. 13:25-27.)

¹³⁻¹⁴ «Yi li li bhoti bhende na mbomboye ko! Padhá de, anga a ngato kpála bhú mukobho ngae. La-a, kpadji

ango-o dada kpekpeke. Kaka-a, okpála ngali li kpadji ango-o bhelé ade. Yi alí li bhoti bhende na ngbéngré-e de. Padhá de, anga a ngato kpála bhú ngita ngae. La-a, dada kpekpeke ade. Kaka-a, okpála bhelé ngagbida li kpadji ango-o.»

Opolofeta na eu

(Tsia bhú Luk. 6:43-44.)

¹⁵ «Yi lila liyi ka opolofeta na eu-o malila. Padhá de, anga u ngago agba yi me u nde adyi kó kandélé, engú bini, abhú uo-o, a ko onuete.

¹⁶ Yi ambila uo li okulu gba o-o. U koko manga li ondula na eti de. U koko la di malibhombi li kobe de.

¹⁷ A moko, ndula na babadha ngali bhadji olíli na babadha. Engú bini, ndula na sisiti ngali bhadji olíli na sisiti.

¹⁸ Ndula na babadha ti da nali olíli na sisiti de, la di-e, ndula na sisiti ti da nali olíli na babadha de.

¹⁹ Ndú ndula hana inde i li líli na babadha de-e, u adé, u tsia bhike bhú djua.

²⁰ A moko, yi ambila opolofeta na eu li okulu gba o-o.»

Omukpata na kúkúlu

(Tsia bhú Luk. 13:25-27.)

²¹ «A ko de me okpála bhende ngapa muma me <Ngámá, Ngámá-a!> alí ndú o hana bhú Naú na abhúlá-a de. Engú bini, a alí bha bini ne obhende ngamene engú inde li 'Dyi ma inde abhúlá-a ngakunda e ko.

²² Li 'kpí nakodho 'ngú-o, okpála bhelé apá mūma me: <Ngámá, Ngámá, ya mene nani kulu na polofeta ne 'li mū di? Ya pandja nani osisiti bua bhú okpála ne 'li mū di? Ya mene nani ongamba 'ngú bhelé ne 'li mū di?>

²³ La-a, ma tsia gie pi uo me: <Ngayi obhulü namene siti 'ngú inde-e, ma mbila nani yi belegü de bini. Yi gbe liyi de ma tsutsu!>

Oeti bhisi

(*Tsia bhú Luk. 6:47-49.*)

²⁴ «A moko, ndu kpála hana inde adje eli inde ma apa e, ani atsia amene maka li eli ango-o apa lie, ani maka kpála na imbilangü inde a'o 'dhü 'ti gba e pí teme.

²⁵ Ebha adhi, engu asi, anvi ago ne engu-o, a atsia atü lie li kute eti-o. La-a, eti-e ti de, anga odhüdhü adü me a nde pí teme.

²⁶ Engú bini, ndu kpála hana inde adje eli inde ma apa e, ani tsia mene maka li eli ango-o apa lie de-e, ani maka kpála bini na ngingi inde ayiki eti gba e pí sike.

²⁷ Ebha adhi, engu asi, anvi ago ne engu-o, a atü lie li kute eti bhomü-o. Eti ango-o atuko kuto, a atsia atsambala hana!»

²⁸ Li Yesu andjia nakpo ongú bhomü-o lie, ndu okpála hana atsia angamba li nasuno gba ani-e naali.

²⁹ Padhá de, anga ani du nasuno pi uo maka omusuno na lili gba uo-o de. Engú bini, ani adü asuno pi uo maka ngámá.

8

Yesu akobho bhulü kába bini

(*Tsia bhú Mlk. 1:40-45; di ne bhú Luk. 5:12-16.*)

¹ Li Yesu ake eta-a lie, okpála bhelé atsia akpata ani.

² Abhomü-o, bhulü kába bini adyudyo lie, ani atutu lipuku e kuto kala ani. Ani atsia apa me: «Ngámá, i du me mū nde akunda-a, mū ti da nakobho ma.»

³ Yesu ato 'kpa e, ani 'o li kute ani ne napa me: «Ma akunda moko, kokobho!» Ma 'li ma me-e, kába agulü bha kolo li ani hana.

⁴ Abhomü-o, Yesu atsia apa pi ani me: «Gbo dje mū, mo opá 'ngú inde-e pi kpála bini de. Engú bini, nu suno bha limü pi dimandø gba Ebhe, amba mu ha makiso maka li lili gba Moidje apa lie ngubula nasuno pi okpála me mo okobho.*»

Yesu akobho kpála na kulu gba ngámá gba osudha na Loma

(*Tsia bhú Luk. 7:1-10; di ne bhú Dja. 4:43-54.*)

⁵ Abhomü-o, Yesu ali bhú kuti na Kapalanauma.

* **8:4 8:4 Nasuno pi okpála me mo okobho:** A ko nasuno me ni akpata lili gba Moidje ndjindji. Tsia bhú Lev. 14:2-32. † **8:5 8:5 Ngámá bini gba osudha na Loma:** Ngámá ango-o nani ne ngámá pí 'ndji osudha kámá bini. A adü nani maYuda de.

Ani adu ali lie oo, ngámá bini gba osudha na Loma† adyudyo lie de ani. Ani atsia akikiliki lie pi ani

⁶ me: «Ngámá, kpála na kulu gba ma-a asi kuto abhú 'ti. Ani agugumá kuto, ani ngadje likabhu na kuo kuo.»

⁷ Yesu apa pi ani me: «Ngama-a, ma adji akobho ani.»

⁸ Engú bini, ngámá gba osudha-a atsia agie me: «Ngámá, ma ne tetele kpála‡ ade, ngubula me mu li bhú 'ti gba ma-o. La-a, mu pa bha koli eli bini-e, li kpála na kulu gba ma-a kóbho.

⁹ Padhá de, anga ngama makpe-e, ma sa lili gba ngámá, ma la di ngaha lili pi osudha. Ma pa pi bhe bini-e me: <Nanu!> Ani ná. Ma pa pi bhe koko-o me: <Gogo!> Ani gó. Ma pa pi bali gba ma-a me: <Mene 'he inde!> Ani méne.»

¹⁰ Li Yesu adje engú bhomu-o lie, ani angamba naali. Ani atsia apa pi okpála inde adu akpata ani-e me: «Ma apa pi yi na paká me, ma bhaka nga ngua nabhuka inde-e bhú kpála bini bhú ká omafsalaele de!»

¹¹ Ma atsia apa la di pi yi me: okpála bhelé ayié ne andjongu di ne akati, u tsia dálü pi dabili na anokomia bhú dabili bini ne Abalahama, ne Isaka, la di ne Yakobho bhú Naü na abhúlako.

¹² Engú la bini, obhende ayo nani me u sia dabili bhomu-o, u abála uo bhú biti akilidjo. Oo, u adu naku 'gbá di ne nazu tate o.»

¹³ Abhomu-o, Yesu atsia apa pi ngámá gba osudha-a me: «Gie limu agba mu! Maka mo obhuka lie, a ayo me amene lie pi mu moko.» Kpála na kulu-o atsia akobho bha bini li nedhingga ango-oko.

*Yesu akobho 'hi wala Piele
(Tsia bhú Mlk. 1:29-34; di ne bhú Luk. 4:38-41.)*

¹⁴ Pipita-a, Yesu ali bhú 'ti gba Piele. Ani abhaka me 'hi wala ani nde asi kuto, kute ani nde kpákpá.

¹⁵ Yesu a'o 'kpa e li 'kpa ani, kute ani atsia aguo. Ani ayie bhúlá, ani atsia aholo nalü 'zu pi ani.

Yesu akobho okpála bhelé

¹⁶ A akolo lie tagolo-o, u ago pi Yesu ne okpála bhelé inde li osisiti bua adu nadu bhú o-o. Ani apandja osisiti bua ango-o ne 'li e, ani atsia akobho di ndu okpála na kuo hana.

¹⁷ Ani amene mo-o ngubula me eli inde li polofeta Isaya apa nani e amene lie. Engú inde ani apa nani e me:

«Ani abha ndu olikabhu gba ya hana,
ani atsia abi ndu okuo gba ya hana li kute e.†»

‡ 8:8 8:8 Ngámá bhomu-o ambila nani ndjindji me lili gba omaYuda ziba de me maYuda bini li bhú 'ti gba kpála inde ne maYuda ade-e de. † 8:17 8:17 Tsia bhú Isa. 53:4.

*Lílì pi okpála inde akündá
nakpata Yesu*

(*Tsia bhú Luk. 9:57-62.*)

¹⁸ Li Yesu au kambi okpála lie língó e, aní atsia aha lílì pi omukpata gba e me o kodho 'kpí ne ayi ekpè na Galilaya.

¹⁹ Abhomu-o, mäsuno bini na lílì gba Moidje adyudyo lie, aní atsia apa pi Yesu me: «Mäsuno, ma akpáta mu li ndu bili mo onú li e hana.»

²⁰ Yesu apa pi aní me: «A ka onekpe ne gudho u asisi bhú e, a di ka odhu ne 'ti o. Engú la bini, ngama Ndili gba kpála-a, dabili ka ma ngú nasi téte ngú naguo ade.»

²¹ Kpála koko inde adu di súka omukpata gba aní-e apa pi aní me: «Ngámá, ha kpadijí mäma, amba ma nüzi ngaiza 'dyi ma.»

²² Engú bini, Yesu apa pi aní me: «'O okpála koko u zi aní ngao. [§] La ngamu-o, go kpata ma.»

*Yesu ayoko anvi na
kpekpeke*

(*Tsia bhú Mlk. 4:35-41; di
ne bhú Luk. 8:22-25.*)

²³ Pipita-a, Yesu a'u bhú zabu, omukpata gba aní-e atsia a'u'u nganda aní.

²⁴ Ma gala kolo me-e, anvi bini na kpekpeke aholo nape pi ekpè-o masikpe de me zabu-o linda ka ngbo 'ngu-o. La ngaani Yesu-o, aní adu tila.

[§] **8:22 8:22 'O okpála koko u zi aní ngao:** Bhú eli inde u aye nani Gandja na Mbia bhú e-e (eli gba oGiliki), u aye me: «'O okpála bhende amu-o, u zi okuo gba o-o.» A akündá napa me: «'O okpála bhende i bhuka nga de-e me u zi okpála bhende amu-o.» ^{*} **8:28 8:28 Gadala:** A ko nani gudhu ka omaYuda de.

²⁵ Abhomu-o, omukpata-a adyudyo lio de aní masikpe, u atsia azukú aní ne napa me: «Yaka! Ngámá, kobho ní, ní adjí amú!»

²⁶ Yesu atsia agie pi uo me: «Yi ne tsulu mo-o ka ni? Nabhuka gba yi-e nga bha yeye!» Aní ayie bhúlá, aní ambe bhú 'ndji anvi di ne engu-o. Abhomu-o, ndundu hana atsia akolo guguo!

²⁷ Okpála angamba, u atsia adu apa me: «Kpála inde-e, a ko mangua kpála dho ngubula me belegu anvi di ne engu du namanga aní-e!»

*Yesu akobho okpála bhisi
li osisiti bua adu nadu bhú o-
o*

(*Tsia bhú Mlk. 5:1-20; di
ne bhú Luk. 8:26-39.*)

²⁸ Li Yesu akolo lie ayi 'ngu, bhú doto gba okpála na Gadala-a,* okpála bhisi ayie bhú ká olata, u atsia ago abhaka aní. A adu bhú okpála ango-o ne osisiti bua, u atsia adu azi 'gú naali. Kaka-a, okpála du apu li kpadijí li pápá bhomu-o de.

²⁹ Abhomu-o, u aholo nasusula me: «Mo okündá namene ngú ya pi, Ndili gba Ebhe? Mo ogo ei ngú nato mbolo li ya kalanu me nedhingga nakodho 'ngú-o nde kolo nga di?»

³⁰ A abhaka me de bili
ango-o, 'ngbé piga opame[†]
nde oo, u nde ngazu 'he.

³¹ Osisiti bua adu nakikili
ki lio pi Yesu me: «I
du me mu nde akunda na-
pandja ya-a, mba ya bhá
piga opame inde.»

³² Ani apa pi uo me: «Yi
nunu.» U aze bhá okpála
bhomu, u atsia anu alili bhá
opame-o. Me-e, ndu opame
ango-o hana aké eta ne holo,
u anu atuko bhá 'ngu má
dhululu, ne namu ka o.

³³ Omulila gba uo atsi ne
holo, u agbida bhá gudhu, u
atsia akpokpo ndu 'ngu hana
di ne engu inde akodho 'kpí
li okpála bhisi inde adu ne
osisiti bua bhá o-o.

³⁴ Me-e, ndu okpála hana
na gudhu ang-o anu ngu
nabhaka Yesu. U au ani lie,
u atsia akikiliki lio pi ani me
ani yie bhá kuti gba o mayie.

9

*Yesu akobho kpála inde
agugumu kuto*

(Tsia bhá Mlk. 2:1-12; di
ne bhá Luk. 5:17-26.)

¹ Pipita-a, Yesu a'u bhá
zabu, ani agulu matá ekpéo,
ani atsia akolo bhá Kapalanauma,
gudhu ani adu nadu bhá e-o.

² Me-e, okpála ago pi ani
ne bhoko bini inde agugumu
kuto. U ago ne ani pi
kalagba. Li Yesu au nab-
huka gba uo lie, ani atsia
apa pi kpála inde gugumu e

bhomu-o me: «Atou, ndika
ma, u a'e osisiti 'ngu gba mu-
o a'e.»

³ Abhomu-o, omusuno
koko na lili gba Moidje atsia
apa li bua o me: «Kpála
inde-e ngasobho Ebhe!»

⁴ Li Yesu ambila mab-
hundja gba uo lie, ani atsia
apa pi uo me: «Ka ni yi
ngabhundja lie li bua yi sisiti
mo-o?»

⁵ Padhá de, anga ane ne
bhukku ne bhedho? Ne napa
me: «U a'e osisiti 'ngu gba
mu a'e», ne napa me: «yie
bhála, dhudhukku?»

⁶ Ngu nasuno me ngama,
Ndili gba kpála, ma ne angu
pila doto ngu na'e osisiti
'ngu-o, a ayo me ma kobho
bhoko inde.» Abhomu-o,
ani atsia apa pi kpála inde
agugumu-o me: «Yie bhála,
ha kalagba gba mu, amba
mu gie limu agba mu!»

⁷ Kpála ang-o ayie bhála,
ani atsia atapa agba e.

⁸ Li okpála au 'ngu ang-o
lie, a'o tsulu li uo naali, u
adhege Ebhe inde aha ngua
angu bhomu-o pi okpála-
kuti-o.

*Yesu a'i Matié
(Tsia bhá Mlk. 2:13-17; di
ne bhá Luk. 5:27-32.)*

⁹ Pipita-a, Yesu ayie oo.
Ani adu akodho 'kpí lie, ani
au kpála bini, a adu 'li ani
me Matié. Ani adu me ani
nde adu kuto bhá bilo inde
u adu akala mandjandja bhá
e-o. Ani apa pi ani me:

[†] **8:30 8:30 Opame:** Pi omaYuda-a, pame nani ne enu na sisiti. Kaka-a, u 'o
nani uo de. A du bha nani na'o opame ne okpála inde naao ne omaYuda ade
ko. Tsia bhá Mlk. 5:11.

«Kpata ma!» Matié ayie bhúlá, ani atsia akpata ani.
 10 Pipita-a, Yesu anu nazu 'he abhú 'ti gba ani. Abhomú-o, bhti ondembí na mandjandja di ne okpála koko na sisiti ago adulé nazu 'he bhú dabili bini ne Yesu di ne omukpata gba e-o.

11 Li omúFalisai au lie mo-o, u atsia ayi omukpata gba ani-e me: «Ka ni li m̄usuno gba yi-e ngazu 'he lie bhú dabili bini ne ondembí na mandjandja di ne okpála na sisiti-e?»

12 La-a, Yesu adje engú ango-o, ani atsia apa me: «Okpála bhende ne kuo ade-e, u ne gumu mutia ade. Engú bini, okpála bhende ne kuo mangbo ne gumu mutia ngao.

13 Kaka-a, yi nu gili ta 'ngú inde li Bhuku gba Ebhe-e apa e me: <Engú inde anga li ma naali-e, a ko nadje ndjinga okpála koko, a ko naha makiso de.> Padhá de, anga ma go na'i okpála bhende apa me o ngingbili-e de. Engú bini, ma ago mangbo na'i okpála bhende au lio me o ne osisiti okpála-o.†»

Yesu apa me u amáta nasuno gba ni-e ne nasuno koko de

(Tsia bhú Mlk. 2:18-22; di ne bhú Luk. 5:33-39.)

14 Ekpí bini, omukpata gba Djaa bhúlú nabatisa okpála adyudyo lio de Yesu, u atsia ayi ani me: «Ka ni li ngaya ne omúFalisai, ya ngatse 'zú

lie gémé ngú nayo Ebhe-e, la-a, omukpata gba mu-o ngamemene mo-o ade-e?»

15 Yesu atsia agie pi uo me: «Okpála bhende u a'i o bhú anokomia na kúva ti da nayala nazu 'he uu me 'ko ele-o nde ngabha bhú dabili bini ne uo-o? Engú bini, oekpí akólo makolo, ekpí inde u a'é 'ko ele-o lie bhú ká uo-o, li oekpí bhomú-o, u tsia tsé 'zú.

16 Kpála bini ti da nadú pálá bongo na mbia li bhe na didili de. Padhá de, anga pápála bhende u a'o e pépé-e sídha bongo-o, li kaka-a tsia dú la matá sisiti naali.

17 U 'o'o pandi na mbia bhú odidili dhudhu na kó 'nu de. I du mo-o, li odhudhu-o úpa, li pandi-e túko, li odhudhu-o tsia siti di. U 'o'o mangbo pandi na mbia bhú odhudhu na mbia. Abhomú-o, ndundú hana tsia líla lie ndjindji.»

Yesu akobho øle bini, ani atsia azuku di ndili na øøle gba Yailo

(Tsia bhú Mlk. 5:21-43; di ne bhú Luk. 8:40-56.)

18 Li Yesu adu agie 'ngú pi omukpata gba Djaa lie, ngámá bini adyudyo lie de ani masikpe, ani atutu lipukú e kuto kala ani. Ani atsia apa pi ani me: «Ndili gba ma na øøle-o andjili mbia inde. Engú bini, go 'o 'kpa mu pi ani, amba ani zuku.»

19 Abhomú-o Yesu ayie bhúlá, ani atsia akpata ani

† 9:13 9:13 Tsia bhú Oz. 6:6.

bhú dabili bini ne omukpata
gba e-o.

²⁰ Bha li nedhingga bhomu-o, ele bini inde li ngute adu natuko lie ngubula kalanga ndjikpa ne ká bhisi-e ago de Yesu ne akele ani, ani atsia abu 'kpa e li 'so bongo gba ani-o.

²¹ Padhá de, anga ani adu apa li bua e me: «I du bha me ma nde abu 'kpa ma li bongo gba ani-e, ma kóbho.»

²² Engú bini, Yesu adji lie, ani au ani, ani atsia apa me: «Atou, ndika ma! Nab-huka gba mu-o akobho mu akobho.» Bha li nedhingga bhomu-o, ele ango-o atsia akobho.

²³ Yesu akolo agba ngámá-o. Ani abhaka me okpála nde má dja dja dja ngú nanu azi kuo-o, omavulu mbálá-a nde nga'u mbálá.

²⁴ Abhomu-o, ani atsia apa me: «Yi gbe liyi ne sidi, anga ndili na oele inde-e kpi de, engú bini, ani ngala.» Abhomu-o, u aholo namu ani.

²⁵ Li u apandja ndu okpála hana lie kilidjo-o, Yesu ali abhú 'ti. Ani aha 'kpa ndili-o. Abhomu-o, ndili-e atsia ayie bhúlá.

²⁶ Ngali na engú ango-o atsia ayangba bhú ndu doto bhomu-o libhomu.

*Yesu akobho okpála bhisi
inde i u 'kpí de*

²⁷ Li Yesu aholo 'nú lie, okpála bhisi inde i u 'kpí de-e, aholo akpata ani ne nasusula me: «Ndili gba Davidi, dje ndjinga ya!»

²⁸ Ani ali lie abhú 'ti-e, okpála bhisi inde i u 'kpí de bhomu-o adyudyo lio de ani. Yesu atsia ayi uo me: «Yi abhuka me ma ti da nateteke yi?» U agie pi ani me: «Heni, Ngámá.»

²⁹ Abhomu-o, ani abu 'kpa e li djila uo ne napa me: «A ayo me amene lie pi yi maka nabhuka gba yi-e nde lie ko.»

³⁰ Abhomu-o, djila uo ab-hulu, Yesu atsia agbele 'dje uo kpekpeke me: «Yi gbo 'dje yi! A ayo de me kpála bini mbila engú inde-e de!»

³¹ Engú bini, bha naze ka uo me-e, u apandjala ngali gba ani-e bhú ndu doto ango-o libhomu.

*Yesu akobho kpála bini
inde i bhú 'ngú de*

³² Nedhingga li okpála bhisi inde li Yesu akobho o bhomu-o adu nanu lie, bha li nedhingga bhomu-o, okpála ago pi Yesu ne kpála bini inde i bhú 'ngú de ka siti bua inde adu nadu bhú ani-o.

³³ Li Yesu agbe siti bua ango-o lie bhú ani-e, kpála ango-o atsia aholo nagama 'ngú. Abhomu-o, kambi okpála angamba, u atsia adu napa me: «Ngua 'ngú inde-e u nga lie bhú ká omafsalaele belegu de bini!»

³⁴ La-a, omuFalisai adu napa me: «Ngámá gba osisiti bua ngaha angu pi ani ngú napandja osisiti bua ngae bha-a!»

*Yesu adje ndjinga kambi
okpála*

³⁵ Abhomu-o, Yesu adu adholo bhú ndu ogudhu di ne bhú ndu okutí hana. Ani adu nasuno bhú oeti nadje lili gba Moidje . Ani adu akpokpo Bádha Ngali Na gba Ebhe , ani atsia adu nakobho ndu kuo hana di ne ndu oeze hana.

³⁶ Li ani au kambi okpála lie, ani adje ndjinga uo naali, anga u adu me u nde andala, angu uo nde la di andjia maka piga okandelé inde li mülila nde ka o ade.

³⁷ Abhomu-o, ani atsia apa pi omukpata gba e me: «Nguwa abhiye-e bhelé, engú la bini, okpála na kulu-o bhelé ade.

³⁸ Yi yo ka bhulü 'dyi-e me ani tima okpála na kulu bhú edyi gba e ngú na'e nguwa-o.»

10

*Yesu atima omukpata ndjikpa ne ká bhisi gba e-o
(Tsia bhú Mlk. 3:13-19; di ne bhú Luk. 6:12-16.)*

¹ Pipita-a, Yesu a'i omukpata ndjikpa ne ká bhisi gba e-o. Ani aha angu pi uo ngú napandja osisiti bua bhú okpála, di ne nakobho ndu okuo hana, la di ne ndu oeze hana.

² A inde-e 'li obhulü titima ndjikpa ne ká bhisi-o: kpála na kalanu-o, a ko Simo inde li Yesu agisila 'li e me Piele, ne uo ne ndai e Andili, a la di-e ongisi bhisi gba Djebedayo-o. A adu nani

Djakì ne uo ne ndai e Djaa ,
³ a la di-e Filipo ne uo ne Batelemi; a la di-e Tuma ne uo ne Matié, ndembì na mandjandja-o; a la di-e Tade ne uo ne Djakì, ndili gba Alafayo-o;

⁴ a la di-e Simo kpála na Kanana ngauo ne Yuda Isikaliote. Simo naní ne súka omaYuda inde adu agili ne kpéke me o ze bhú bali sa kpa okpála na Loma zeze-o. Yuda Isikaliote naní ne kpála inde apú ngbángá Yesu pi obhulü yala-o.

⁵ Abhomu-o, Yesu atima obhulü titima ndjikpa ne ká bhisi bhomu-o. Ani atsia aha olili inde-e pi uo me: «Yi adji-e, yi anú agba okpála inde ne omaYuda ade-e de. Yi alí di bhú ogudhu gba okpála na Samalia de.

⁶ Engú bini, yi nu mangbo agba omafsalaele. Padhá de, anga uo maka okandelé inde angita.

⁷ Li kpadji-e, yi kpokpo Bádha Ngali gba Ebhe-o. Yi pa pi okpála me: «Naú na abhulá akolo masikpe!»

⁸ Yi kobho okpála na kuo, yi zuku okpála inde amu, yi kobho obhulü kába, yi pandja osisiti bua bhú okpála. Yi asia padhá, yi ha bhadi pi okpála koko padhá.*

⁹ Yi ahá belegü ku li falanga de bini.

¹⁰ Yi ahá gonia ngú enú-o

* **10:8 10:8** Li bili inde-e, Yesu ngakpokpo 'ngú bhomu-o pindji angu inde ani aha e pi obhulü titima gba e ngubula nateteke okpála-o.

de. Yi ahá bongo na mbulu bhisi de, yi nü bha ne koli maleke inde bhú 'dhú yi ko, yi ahá ndula de. Padhá de, anga okpála inde yi adji amene kulu bhú ká o-o abí mukobho gba yi-e ngao.

¹¹ Yi li bhú gudhú bini, i du di-e bhú kuti bini-e, yi de gili kpála inde bedhe ngú nasia yi, amba yi du gba kpála ango-o akólo bhú nayie ka yi ko.

¹² Yi li bhú eti bini-e, yi de yi okpála inde bhú 'ti ango-o mayi.

¹³ I du me okpála na eti ango-o nde asia yi-e, guo 'ngú yi adhukú ne e de du ne uo. Engú bini, i du la me okpála ango-o nde sia yi de-e, guo 'ngú gba yi-e de gie lie pi yi.

¹⁴ I du me u nde sia yi de-e, u dje la di 'li yi de-e, nedhinga inde yi ngakoto lie bhú 'ti ango-o, i du di-e bhú gudhú ango-o, yi de dyiki ndju doto na 'dhú yi ngú nasuno pi uo me yi atse uo atse.

¹⁵ Ma apa pi yi na paká me, li 'kpí nakodho 'ngú-o, okpála na gudhú ango-o asia likabhu kpekpeke ané okpála na Sodomú ne Gomolo mane.»

Okpekpeke da 'ngú inde akólo li omukpata gba Yesu

(Tsia bhú Mlk. 13:9-13; di ne bhú Luk. 21:12-17.)

¹⁶ «Yi gbo nga 'dje yi! Ngama-a, ma ngatima yi maka okandøle bhú ká onute. 'E-e! Yi alá-a de,

amba yi du di ne bhukú bua maka opidjo.

¹⁷ Yi lila liyi ka okpála ndjindji. Padhá de, anga u ambá yi bhú otolibinali, u tsia bhí yi ne fimbo bhú oti gba o nadje líli gba Moidje-o.

¹⁸ U anú ne yi kala ongámási na ndu doto di ne kala ongbengbe ongámási anga yi abhuka ma. A améne lie mo-o ngubula me yi kpokpo 'ngú gba ma-a kala uo di ne kala okpála inde ne oma Yuda ade-o.

¹⁹ Nedhinga u anú ne yi lie kala okpála ango-o, yi akina liyi li 'ngú inde yi apá e de, di ne lele maka yi ayipa 'ngú li 'ngú ango-o lie de. Ongú inde a ayo me yi pa e, a ahá bha lie pi yi li nedhinga ango-o.

²⁰ Padhá de, anga engú inde yi agáma e yíe ka yi de. Engú bini, Bua gba 'Dyi yi-e agáma 'ngú bhú yi ngae.

²¹ Okpála apú ondaise o me u bhili uo. 'Dyi ndili apú ndili gba e me u bhøle ani. Ongisi akólo ne kpekpeke 'ndjí pi okpála inde azu o, u tsia pú okpála azu o me u bhili uo.

²² Ndú okpála hana ayála yi ka 'li ma. Engú bini, kpála bhende akibila nakolo bha bini makolo ali soso-o, ani tsia kóbho.

²³ U mene yi sisiti bhú gudhú bini-e, yi de kpe bhú gudhú koko. Ma apa la pi yi na paká me yi ndjia nadhukú bhú ogudhú na Isalaele hana de me Ndili

gba kpála nde go de-e de.

²⁴ Yi mbila ndjindji me mukpata ne musuno gba e ne engbé de, kpála na kulu ne di ngámá na kulu gba e ne engbé de.

²⁵ A ayo me mukpata kolo maka musuno gba e-o. A ayo di me kpála na kulu kolo maka ngámá na kulu gba e-o. I du me u nde nga'i bhuluh eti-e me Baladjebulu-a,[†] u a'i la ibili okpála na eti gba ani-e pi!

²⁶⁻²⁷ Kaka-a, yi akpé okpála inde améne yi sisiti-e de! Engú inde ma apa e pi yi bhú biti-e, yi pa ibili ne ngebikpi. Engú inde u apa e pi yi bhú tipele-e, yi totobhila ibili ne di apí ongbuti. Padhá de, anga ndu 'he inde awo lie mawo-o hana akóto bhú mbasú, la di-e, ndu 'he inde na pepe hana ambila lie mambila.

²⁸ Yi akpé obhende ngabholé kute yi, inde i ti da nabholé bua yi de-e de. Yi kpe mangbo Ebhe inde i ti da nabholé bua yi, la di ne kute yi libhomu bhú djua na duduuma ko.

²⁹ Li mu tsindji oindjilindjili bhisi-e, mo osia téte mangua tetele tia dho? La-a, súka uo bini kpi padhá de me 'Dyi yi Ebhe nde ziba de-e de.

³⁰ La pi yi-e, Ebhe atanga belegu osundjo yi hana.

³¹ Kaka-a, yi akpé ehe bini de. Ngayi-e, abana u po bha bhála oindjilindjili bhelé-e, yi ane uo ne tata.

³² Li kpála bini pa bhú ká djila okpála me ni ne kpála ka ma-a, ngama-a, ma apá bhadi bhú djila 'Dyi ma inde abhúlá-a me a ko naama kpála.

³³ Engú bini, li kpála bini pa bhú ká djila okpála me ni ne kpála ka ma ade-e, ngama-a, ma apá bhadi bhú djila 'Dyi ma inde abhúlá me a ko naama kpála de.»

*Yesu ago nato egú sunda
okpála*

(Tsia bhú Luk. 12:51-53,
14:26-27.)

³⁴ «Yi abhúndja de me ma ago ngú na'o guo 'ngú píla doto de. Ma go ngú na'o guo 'ngú de, engú bini, ma ago mangbo ngú nagbogbo bhusu okpála.

³⁵ A moko, ma ago nagbogbo bhusu kpála ne 'dyi e.

Ma ago nagbogbo bhusu ndili na eele ne 'hi e.

Ma ago nagbogbo bhusu ole gba ndili-e ne ogbi e na eele.

³⁶ Kaka-a, obhuluh yala gba kpála adú bha okpála na abhú 'ti gba ani ko.[†]

³⁷ Kpála bhende ngakunda 'dyi e, i du di-e 'hi e ane ma mane-e, kpála ango-o ti ne ma de. La di-e, kpála bhende ngakunda ndili na bhobhoko gba e, i du di-e ndili na eele gba e ane ma mane-e, kpála ango-o ti ne ma de.

[†] **10:25 10:25 Baladjebulu:** A bhomu-o súka 'ili gba Djabuluh. [†] **10:36**

10:35-36 Tsia bhú Mik. 7:6.

³⁸ Kpála bhende i bì kulusi gba e‡ de, i tsia kpata ma de-e, kpála ango-o ti ne ma de.

³⁹ Kpála bhende alila mukobho gba e-e, ani kpí. Engú bini, kpála bhende atsé la mukobho gba e ngubula ma-a, ani sia mukobho na kukulu.»

Makalá gba kpála inde asia omukpata gba Yesu

(*Tsia bhú Mlk. 9:41.*)

⁴⁰ «Kpála bhende asia yi-e, ani asia bhomu-o ma. La di-e, kpála bhende asia mama, ani asia bhomu-o kpála bhende atima ma ko.

⁴¹ Kpála bhende asia polofeta anga a ko polofeta-a, ani asia makalá inde ati ne opolofeta. La di-e, kpála bhende asia kpála na ngingbili anga a ko kpála na ngingbili-e, ani asia makalá inde ati ne okpála na ngingbili-o.

⁴² Ma apa pi yi na paká me kpála bhende ahá ngabha kópo kpina 'ngu bini pi súka okpála inde li okpála ngau o padhá inde-e anga a ko mukpata gba ma-a, kpála ango-o asia makalá gba e masia.»

11

¹ Li Yesu andjia naha olili bhomu-o lie pi omukpata gba e ndjikpa ne ká bhis-i-e, ani ayie oo. Ani atsia anu ngú nasuno di ne nakpokpo eli gba Ebhe-e bhú ogudhú na ndu doto na Galilaya.

Djaa bhúlú nabatisa okpála atima okpála nayi 'ngú pindji Yesu

² Li Djaa bhúlú nabatisa okpála adu lie bhú tikpú-o, ani adje ngali okulu li Kilisito adu amene e-o. Abhomu-o, ani atsia atima omukpata gba e

³ me u nu yi ani me: «Mu ne Masíya inde ayo me Ebhe tima e? Ne me ayo me ya adjeke kpála koko?»

⁴ Yesu agie pi uo me: «Yi nu kpokpo engú inde yi ngadje e ne bhende yi ngau e pi Djaa:

⁵ okpála i u 'kpí de-e ngau 'kpí, obhende ne eze li 'dhú o-o ngadhukú ndjindji, obhúlú kába ngakobho, obhende i dje 'kpí de-e, la di ngadje 'kpí, obhende amuo ngazuku, okpála bhende ngau lio padhá kala Ebhe-e la di ngadje Bádha Ngali .

⁶ A ko djali pi kpála inde li engú gba ma-a bhélo nab-huka gba e mabhélo de ko.»

Yesu akpokpo 'ngú pindji Djaa bhúlú nabatisa okpála
(*Tsia bhú Luk. 7:18-35.*)

⁷ Li omukpata gba Djaa aholo 'nu lie, Yesu atsia aholo nakpokpo 'ngú li 'ngú gba Djaa pi kambi okpála inde adu oo me; «Yi anu igini natsia abhú mili bili-e ni? Yi anu igini natsia mbamba inde li anvi ngadyiki e? A mo-o ade.

⁸ I du mo-o de-e, yi anu nga igini natsia ni? Yi anu

‡ 10:38 10:38 *Nabi kulusi gba e:* A ko naziba nazu likabhu di ne nakpi kabula Yesu.

iginí natsia kpála inde adyi babadha bongo-o ? La-a, okpála bhende adyi ñiyi obabadha bongo-o, u dudu bhú oeti gba ongbengbe ongámási.

⁹ Yi anu nga la iginí natsia ni? Yi anu iginí natsia polofeta ? A moko. Ma apa pi yi me, yi anu iginí natsia kpála inde ane belegü polofeta mane.

¹⁰ Padhá de, anga a ko kpála inde li Bhuku gba Ebhe-e apa nani li 'ngú gba e me:

<Ebhe apa me, ma ngatima bhulü titima gba ma-a pi mu kalanu
ngú naleke kpadjí pi mu.[†]

¹¹ Ngama-a, ma apa pi yi na paká me, bhú ká okpálakuti-e, kpála bini inde akoto, inde ngbéngbé ane Djaa bhulü nabatisa okpála belegü ade bini. La-a, ndu okpála hana inde aziba Naú na abhúlá-a , abana ani du bha mbomboyé pi-ie, ani ane Djaa ne engbé.

¹²⁻¹⁴ Padhá de, anga ndu opolofeta hana di ne lili gba Moidje akpokpo ngali Naú na abhúlá nakolo makolo li nedhinga gba Djaa-o. I du me yi nde akunda naziba engú ma apa e, Djaa ne Eliya inde a ayo nani me ani go-o ngae. Nayie bhú nedhinga gba Djaa bhulü nabatisa okpála akolo pi mbia inde-e, Naú na abhúlá bhú gbene. La di-e, omangopu ngamene

ne kpéke hana me o siti masiti.

¹⁵ A ayo me kpála inde li e ne djedje ngú nadje 'kpí-e djedje!

¹⁶ Ma tí da nasuno okpála na naki inde-e li da? Uo maka ongisi inde adulu bhú mbadhasu.

¹⁷ Okoko nga'u mbálá na ebi pi obi o,
engú bini, obhe u a'u mbálá angó-o pi o ayala nadho 'bi!

U ali matá etsi na da kuo pi ue,
engú bini, u ayala naku 'gbá!

¹⁸ Yi maka ongisi inde ayala nadho 'bi di ne naku 'gbá bhomu. Padhá de, anga a maka li Djaa ago nani lie-o. Ani ago maka kpála inde bhú dá kuo. Ani zu 'he de, ani ndji di vino de, yi atsia apa me: <A bhú ani ne siti bua !>

¹⁹ Ndili gba kpála ago di. Ani ago maka kpála inde bhú dá 'bi. Ani azu 'he, ani andji di vino, do yi de me: <Yi tsia nga kpála inde. Ani bha bini ngab-hundja nazu 'he ne nandji vino! A ko olia ondembí na mandjandja, di ne okpála na sisiti!> Engú bini, bhú natsia nganda okulu gba Ebhe-e, a ngasuno pi yi me imbilangu gba ani-e ngingbili.»

Okpála na ogudhu gba omaYuda inde ayala nadji bua o
(*Tsia bhú Luk. 10:13-15.*)

[†] **11:10 11:10** Tsia bhú Mal. 3:1.

²⁰ Abhomu-o, Yesu aholo nagama 'ngú ne ndje djila pi okpála na ogudhu inde ani amene nani ongamba 'ngú gba e bhelé bhú e-o. Padhá de, anga okpála ango-o dji nani bua o de.

²¹ Ani adu apa me: «A ko likabhu pi yi, okpála na gudhu na Koladjina! A ko likabhu pi yi, okpála na gudhu na Betesaida! Padhá de, anga ma amene ongamba 'ngú bhelé bhú ogudhu gba yi-o. Engú bini, yi dji bua yi de. La-a, ma méne nani ongamba 'ngú bhomu-o bhú ogudhu na Tile ne Sidona-a,* okpála na ogudhu ango-o de adyi nani gonia, u túko embi bhú 'ndji o didili naali, u tsia dji bua o.

²² A moko. Ma apa pi yi me, li 'kpí li Ebhe akódho 'ngú gba okpála lie, likabhu gba yi-e ané bhende gba okpála na Tile ne Sidona mané.

²³ Ne yi di, okpála na gudhu na Kapalanauma, yi abhundja naayi me u a'é'e yi akolo abhúlá-a? A mo-o ade. U aké yi ne kuto, akólo bha bini li bili gba okpála inde amu. Padhá de, anga ma amene ongamba 'ngú bhelé bhú gudhu gba yi-o. Engú bini, yi dji bua yi de. La-a, ma méne nani ongamba 'ngú bhomu-o bhú gudhu na Sodomu-o, gudhu ango-o de nga bha bhúka, nakolo pi

nakí.

²⁴ Kaka-a, ma apa pi yi me, li 'kpí li Ebhe akódho 'ngú gba okpála lie, likabhu gba yi-e ané bhende gba okpála na Sodomu mane.»

*Ako djali pi okpála inde ngau lio padhá kala Ebhe
(Tsia bhú Luk. 10:21-22.)*

²⁵ Bhú nedhinga bhomu-o, Yesu atsia apa me: «Ma ngadhége mu, 'Dyi ma, Ngámá na abhúlá ne Ngámá na doto. Padhá de, anga engú inde mo owo e pi okpála inde ngabhundja me a bhú 'ndji o ne imbilangu-o, mo ombamba tata pi obhende ngau lio me o ne okpála na padhá kala mu!

²⁶ A moko, 'Dyi ma, anga bhú bádha bhú 'bu gba mu-o, mo okanda bha nani me a adu moko.

²⁷ Yi mbila ndjindji me 'Dyi ma asuno ndu 'ngú hana mu'ma. Kpála bini mbila Ndili-e de, bha bini 'Dyi Ndili-o. Kpála bini mbila la di 'Dyi Ndili-e de, bha bini Ndili gba ani-o, a la di-e kpála bhende li Ndili-e akunda nasuno ani pi e ko.

²⁸ Yi andala ka okpekpeke lili di ne okpekpeke da 'ngú inde u ngabu e pi yi-o. Mbia inde-e, yi go bhaka ma, ma 'e pi yi ma'e, amba ma ha naguo pi yi.

²⁹ Yi mene olili gba ma-o, amba yi 'o me ma suno engú pi yi. Padhá de, anga ma suno pi yi ne bhuku bua

* **11:21 11:21** Tile ne Sidona nani ne ogudhu ka omaYuda ade. Tsia bhú Iса. 23, ne bhú Edj. 26-28, di ne bhú Ams. 1:9-19.

di ne na'o líma ne kuto. Yi mene mo-o, yi tsia sía naguo pi yi makpe.

³⁰ A moko, da namene ongú ìnde ma akündà e di ne olíli gba ma-a kpekpeke ade.»

12

Yesu ne ngámá pí 'ndji ekpí naguo gba omaYuda

(*Tsia bhú Mlk. 2:23-28; di ne bhú Luk. 6:1-5.*)

¹ Bhú oekpí bhomu-o, Yesu ne omukpata gba e adu akodho 'kpí bhú ngu 'zú ìnde u a'i e me ngano. A adu ekpí naguo gba omaYuda-o. Omukpata gba aní adu ne gümü. Abhomu-o, u aholo nakodho 'ndji 'ndji, u atsia adu nazuzu.

² Li omuFalisai au lie mo-o, u atsia apa pi Yesu me: «Ka ni li omukpata gba mu-o ngamene kulu lie bhú 'kpí naguo me lili gba ní-e nde ziba mo-o de-e?»

³ Yesu agie pi uo me: «Yi tanga nga engú ìnde li Davidi amene naní e di, nedhingga ìnde li ngaani makpe ne okpála gba e, u adu lie ne gümü-o?

⁴ Aní ali naní bhú 'ti Ebhe, ngaani ne okpála gba e, u atsia azu mapá ìnde u aha e pi Ebhe-o. A ayo la naní pi súka uo bini nazuzu de. Engú bini, a ayo bha naní me azu mapá ango-o ne odimandø gba Ebhe.

⁵ Ne me engú ìnde bhú lili gba Moidje-e, yi tanga nga di? Lili gba Moidje apa me,

li 'kpí naguo gba omaYuda-a, odimandø ìnde ngamene kulu bhú 'ngbé 'ti Ebhe-e ngagümü bhomu-o lili na ekpí naguo-o. La-a, u 'ó 'ngú pi uo kaka de!

⁶ Engú bini, ma apa la pi yi me kpála bini bhú ká yi si, aní ane 'ngbé 'ti Ebhe mane.

⁷ I dú me yi mbíla engú ìnde li Bhuku gba Ebhe-e apa e uu-o, yi de 'ó engú pi okpála bhomu-o de. Padhá de, anga Bhuku gba Ebhe apa me: «Engú ìnde a nga li ma naali-e, a ko nadje ndjinga okpála koko, a ko naaha makiso de.†»

⁸ Yesu atsia abu tata-a me: «Ngama, Ndili gba kpála-a, ma ne ngámá pí 'ndji ekpí naguo.»

⁹ Pipita-a, Yesu ayie oo, aní atsia anu ali bhú eti gba uo nadje lili gba Moidje-o.

¹⁰ Bhú 'ti oo, kpála bini ìnde li 'kpa e andia adu oo. OmuFalisai adu akündà na'o 'ngú pi Yesu. Kaka-a, u ayi aní me: «Lili gba ní-e aziba me u kobho kpála bhú 'kpí naguo uu?»

¹¹ Yesu agie pi uo me: «A ko da bhú ká yi ìnde i dà ka e ne koli kandølø bini-e, li kandølø ango-o ti bhú 'dú li 'kpí naguo, aní nü nagbe aní de-e?»

¹² La-a, kpála-kuti ane kandølø bhütsibhütsi! Kaka-a, lili aziba namene bádha 'ngú bhú 'kpí naguo.»

¹³ Abhomu-o, aní atsia apa pi kpála ango-o me: «Gbele 'kpa maa.» Kpála ango-o ag-

† 12:7 12:7 Tsia bhú Oz. 6:6.

bele 'kpa e, 'kpa ani atsia akolo ndjindji maka 'kpa ani bhe koko-o.

¹⁴ Pipita-a, omuFalisai aze kilidjo. U apo bhúla o ngú nagili kpadjí me o bhéle Yesu.

Yesu ne kpála inde li Ebhe abhú e ngú kulu gba e-o

¹⁵ Li Yesu ambila lie me omuFalisai ngagili nabhéle ni-e, ani ayie li bili ango-o. Bhti okpála akpata ani, ani atsia akobho ndu obhende adu ne kuo hana.

¹⁶ Engú bini, ani agbele 'dje uo kpekpeke me u apá pi kpála bini de me ni ne daie de,

¹⁷ ngubula me engú inde li polofeta Isaya apa nani e amene lie. Polofeta Isaya apa nani me:

18 «Ebhe apa me:

<Tsia nga bali gba ma inde
ma abhú nani e-o,
ma kunda ani naali,
engú gba ani-e nga li
ma naali.

Ma a'ó Bu Bacobua gba ma-a
pi ani,
ani tsia kpókpo ngibili
'ngú pi ndu opiga
hana.

19 Ani bí bhaiki ne kpála bini
de, ani gáma kpéke
'ngú de.

U djé 'li ani li okpadji de.

20 Ani bú dú mbamba inde
agumú-o de,
ani bülü dhégü eke inde
ngatsi-e de.

Ani améne mo-o akolo li 'kpí
inde

ani a'ó lie me ngibili 'ngú
colo angu e píla doto
ko.

21 Abhomú-o, li ndu opiga
hana tsia 'ó nabhuka
gba o-o bhú ani.[†]»

*OmuFalisai apa me Yesu
ngamene kulu ne angu
gba Baladjebula*

(*Tsia bhú Mlk. 3:22-30; di
ne bhú Luk. 11:14-23.*)

22 Abhomú-o, u ago pi Yesu
ne kpála bini inde i u 'kpí de,
i bhú di 'ngú de, anga adu
bhú kpála ango-o ne siti bua.
Yesu akobho kpála ango-o,
ani atsia aholo nagama 'ngú
di ne nau 'kpí.

23 Bhti okpála hana
angamba, u atsia aholo napa
me: «A inde-e Ndili gba
Davidi-e di?»

²⁴ Li omuFalisai adje engú
bhomú-o lie, u atsia apa me:
«Kpála bhomú-o ngapandja
osisiti bua padhá ade, Bal-
adjebula, ngámá gba osisiti
bua-a, ngaha angu pi ani
ngae!»

25 Engú bini, Yesu adu
ambila mabhundja gba uo
hana. Abhomú-o, ani atsia
apa pi uo me: «Ndú kuti
hana, i du me okpála kpála
nde dje lio de-e, kuti ango-o
pípilo me a nde akpédhéle.
Okpála na gudhú bini, i du
di-e piga bini, i du me u nde
dje lio de-e, gudhú ango-o, i
du di-e piga ango-o lú-u de.

26 I du me Satana nde
ngabhiike Satana-a, amba ani
agbogbo bhomú-o bhúsú e

[†] 12:21 12:18-21 Tsia bhú Isa. 42:1-4.

ngae makpe. I du la mo-o, kuti gba ani-e lu lele pi?

²⁷ I du me ngama-a, ma nde ngapandja osisiti bua ka angu gba Beledjebula-a, omukpata gba yi-e ngapandja naao uo ka angu gba da? Kaka-a, omukpata gba yi-e akódho galikpe 'ngú gba yi-e ngao makpe.

²⁸ Engú bini, i du la me ma nde ngapandja osisiti bua ka angu gba Bua gba Ebhe-e, bhobhomu-o asuno me Na gba Ebhe-e akolo li yi akolo.

²⁹ Kpála bini ti da nali bhú 'ti gba kpéke kpála, ani tsia bhá ohe gba ani-e de. Ani kunda nali bhú 'ti gba ani ngú nabha ohe gba ani-e hana-a, ani gbíte ngaiza ani kalanu. Pipita-a, ani tsia lí bhú 'ti gba ani ngú nabha ohe gba ani-o.

³⁰ Kpála bhende ne ma bhú dabili bini ade-e, a ko bhulü yala gba ma. Kpála bhende ngapo la di bhúla okpála bhú dabili bini ne ma ade-e, ani ngatsambala uo matsambala.

³¹ Kaka-a, ma apa pi yi me, okpála asia mambu li ndu osisiti 'ngú di ne li ndu osobho inde li okpála ngasobho Ebhe ne e hana. Engú la bini, li kpála sobho Bu Bhobua-a, ani sia mambu de.

³² I du me kpála nde apa siti 'ngú li kute ma, ngama Ndili gba kpála-a, Ebhe mbu li ani téte. Engú la bini, i du me kpála nde asobho Bu Bhobua-a, Ebhe mbú li ani téte bhú nedhingga na

naki inde-e de, ani mbú di li ani téte bhú nedhingga inde ngago-o de.»

*U mbimbila ndula li lí e
(Tsia bhú Luk. 6:43-45.)*

³³ «I du me ndula nde ndjindji-e, líl-e du bhadi ndjindji. I du me a nde bhú ndula ne kuo-o, líl-e du sisiti. U mbimbila ndula li lí e.

³⁴ Ngayi opiga mbúma inde-e, yi ti da napa ongú na babadha lele pi, me yi nde ne okpála na sisiti-e? Padhá de, anga ebhe ngapa engú inde abedhe li bhobua mabedhe ko.

³⁵ Kpála na babadha-a, ka bádha 'ngú inde li bhobua ani-e, ani apá bhadi bádha 'ngú. Engú bini, kpála na sisiti-e, ka siti 'ngú inde li bhobua ani-e, ani apá bhadi engú na sisiti.

³⁶ Kaka-a, ma apa pi yi me, bhú nedhingga nakodho 'ngú gba okpála-a, okpála apá ta oeli na padhá padhá inde li u apa e hana.

³⁷ Padhá de, anga Ebhe akódho 'ngú gba mu-o li nakpata 'li mu. I du me mu nde apa oeli na babadha-a, ani 'ó mangimbo pi mu de, i du me mu nde apa oeli na sisiti-e, ani 'ó mangimbo pi mu.»

*Omusuno na líli gba
Moidje ne omuFalisai ayo
ngamba 'ngú ka Yesu*

*(Tsia bhú Mlk. 8:11-12; di
ne bhú Luk. 11:29-32.)*

³⁸ Abhomu-o, omusuno koko na líli gba Moidje di ne omuFalisai koko apa pi Yesu

me: «Mūsuno, ya akunda me mene ehe bini pí ya inde asuno me mo oyie bha ndjú agba Ebhe.»

³⁹ Do ani pí uo me: «Okpála na naki inde-e sisiti, u bhuka la di Ebhe ne bua o bini de, u ngayo ngamba 'ngú. Engú bini, Ebhe méne ngamba 'ngú pí uo bini de, bha bini bhende ani amene nani e li polofeta Djonasi ko.

⁴⁰ Padhá de, anga maka li Djonasi asi nani lie ekpí bata, di ne sukpe bata bhú 'bu 'ngbé sungu-o, ngama Ndili gba kpála-a, ma asi bhadi bhú lata ekpí bata di ne sukpe bata moko.

⁴¹ Li 'kpí li Ebhe akódho 'ngú gba okpála lie, okpála na Ninive akóto kala Ebhe bhú dabili bini ne okpála na naki inde, li okpála na Ninive tsia 'ó 'ngú pí okpála na naki-o. Padhá de, anga u adji nani bua o li nedhingga u adje ngali gba Ebhe inde li Djonasi adú akpokpo e-o. Yi mbila la ndjindji me, kpála bini si, ani ngbéngbé ane Djonasi mane!

⁴² Matá di-e, li 'kpí li Ebhe akódho 'ngú gba okpála lie, 'ngbé ngámá na eele inde adú nani atsia 'kpí li ndu doto na Saba-a, akóto kala Ebhe bhú dabili bini ne okpála na naki inde. Ani tsia 'ó 'ngú pí uo, anga ani ayie nani tsutsu ngú nanu nadje eli na imbilangú gba Salomo-o. Yi mbila la ndjindji me,

kpála bini si, ani ngbéngbé ane Salomo mane! Engú bini, ngayi-e, yi dje ani de.»

Gbitaku pindji nagie matá lie ka siti bua bhú kpála
(Tsia bhú Luk. 11:24-26.)

⁴³ Abhomú-o, Yesu atsia apa matá gbitaku pí kambi okpála me: «Adú nani bhú kpála bini ne siti bua. Nedhinga li siti bua akoto lie bhú ani-e, siti bua ango-o anu ne djakadha abhú obili inde li engu nde li e ade* ngú nagili bili naguo ka e téte. Engú bini, ani u de.

⁴⁴ Ani atsia apa li bua e me: «Ma gie nga lima bhú 'ti gba ma inde ma akoto nako bhú e-o.» Ani akolo oo, ani abhaka me a nde padhá, u nde apo mapo, u nde aleke ndjindji.

⁴⁵ Abhomú-o, ani anu, ani abha osisiti bua koko mananika inde ane ani ne siti. U agie lio, u ali bhú 'ti-o, u atsia dulu oo. Múkobho gba kpála ango-o atsia akolo la matá pipita-a sisiti naali ane bhende na kalanu-o mane. A adú bhadi pi osisiti okpála na naki inde-e moko.»

'Hi Yesu ne ondaise Yesu ngao dho?

(Tsia bhú Mlk. 3:31; di ne bhú Luk. 8:19-21.)

⁴⁶ Yesu adú ngabha nagama 'ngú pí kambi okpála-o. Me-e, 'hi ani di ne ondaise ani akolo. U alulu

* **12:43 12:43** Bili li engu nde lie ade-e, a ko bili inde li kpála ti da nasi kuti li e de ka ndibhili engu. La pi omaYuda-a, a ko bili inde li osisiti bua ngadulu li e ko.

akilidjo, u adu agili me o gama 'ngú ne ani. [

47 †]

48 Yesu agie pi kpála inde apa 'ngú pi ani-e me: «'Hi ma ngae dho, ondaise ma la di ngao dho?»

49 Pipita-a, ani a'e 'kpa e, ani asuno omukpata gba e-o. Ani atsia apa me: «Yi tsitsia, 'hi ma ne ondaise ma ngao inde.

50 Padhá de, anga kpála inde ngamene engú li 'Dyi ma inde abhúlá-a ngakunda e, kpála ango-o, a ko ndai ma na bhobhoko, a ko ndai ma na øølø, a ko la di 'hi ma-a ngae.»

13

Gbitaku gba kpála nalu nguwa

(*Tsia bhú Mlk. 4:1-9; di ne bhú Luk. 8:4-8.*)

1 Bha li 'kpí ango-o, Yesu akoto kilidjo. Ani atsia anu adu kuto lingo ekpe.

2 Abhomu-o, bhti okpála na bhibhti ago apo bhúla o de ani. Kaka-a, ani anu a'u bhú zabu bini, ani atsia adu bhábhá 'ngú nasuno pi uo. Bhti okpála bhomu-o atsia alulü naao lingo 'ngu-o.

3 Ani atsia aholo nakpokpo 'ngú pi uo bhelé bhú ogbitaku. Ani adu apa pi uo me: «Ekpí bini, kpála bini nalu nguwa anu abhiye gba e ngú nabala nguwa.

† 12:47 12:47 Lukuluku inde-e, a bhú obhuku koko na didili u aye e bhú eli na giliki ade. [Kpála bini apa pi ani me: «Tsia nga 'hi mu ne ondaise mu alulü akilidjo aoo. U ngagili nagama 'ngú ne mu.»]

4 Nedhinga ani adu abala lie, té nguwa koko abala lingo 'hi kpadjì. Odhu ago, u atsia ahopo nguwa ango-o hana má kpékébhé!

5 Olí nguwa koko abala li bili na teme, inde li doto du li e bhelé de. I nde lie me doto du sasa bhelé de-e, ezú-o akø má gala ka li doto akpa sasa lie-o.

6 Li ela akolo la lie kpekpeke-e, a atsulu ezú-o, ezú atsia a'ulü ka ndibhili sisie-o.

7 Olí nguwa koko abala li bili li lí oulu na eti adu lie. Oeti abhele, a atsia anguvo bhobhomu-o hana.

8 Olí nguwa koko abala bhú doto na dobho, a atsia ali lñí: bhe bini-e ali lñí kámá bini, koko-o ali lñí ndjikpa madhia, koko-o ali lñí ndjikpa bata.»

9 Yesu atsia apa matá me: «Yi dje ndjindji, i du me a nde li yi ne djedje ko!»

Yesu adu akpo 'ngú pi okpála bhú ogbitaku ka ni?

(*Tsia bhú Mlk. 4:10-12; di ne bhú Luk. 8:9-10.*)

10 Abhomu-o, omukpata gba Yesu adyudyo lio de ani, u atsia ayi ani me: «Mu ngakpokpo 'ngú pi okpála bhú ogbitaku ka ni?»

11 Do ani de-e: «Ma ngakpó 'ngú pi uo bhú ogbitaku anga Ebhe ha nambila ngbadhu 'ngú na Naü na abhúlá-a pi uo de. Ani aha mangbo pi yi.

¹² Padhá de, anga kpála inde ani aha ngbadhu 'ngú ango-o pi e-e, ani a'ó matá koko pi ani pépé. Kpála ango-o tsia dú ne di bhelé. Engú bini, kpála bhende ani ha pi e de-e, ani adhépe belegü dhegü bhende ka ani-o.

¹³ Ka 'ngú ango-o, ma ngakpo 'ngú pi uo bhú ogbitaku.

Padhá de, anga u ngatsia 'kpí, u u la 'kpí de, u ngagbo 'dje o, u dje la 'kpí de, u ke la di mboli 'ngú bini de.

¹⁴ Abhomu-o, engú inde li polofeta Isaya apa e, a atsia amene lie pi uo, engú inde me:

<Ebhe apa me: Yi adú adje 'kpí, yi ké la mboli engú ango-o de.

Yi adú atsia 'kpí, yi ú la 'kpí de.»

¹⁵ <Padhá de, anga Ebhe apa me: okpála inde-e agbite bua o, ngubula me o ké matá mboli 'ngú de.

U anini djila o, amba o ou matá 'kpí de, u anini 'dje o,

amba o odjé matá 'kpí de.

U kündá naní nadji bua o de, abhomu-o, ma tsia ti nani da nakobho uo de.[†]

¹⁶ La pi yi-e, a ko djali pi yi anga djila yi ngau 'kpí, 'dje yi la di ngadje 'kpí.

¹⁷ Ma apa pi yi na paká me opolofeta bhelé, di ne okpála

na ngbingbili bhelé adú nani ne gümü nau ongú yi ngau e inde, la-a, u tsia u de. U adú nani ne gümü nadje ongú yi ngadje e inde, la-a, u tsia dje de.»

Yesu ambamba ta gbitaku gba kpála nalu nguwa

(*Tsia bhú Mlk. 4:13-20; di ne bhú Luk. 8:11-15.*)

¹⁸ Abhomu-o, Yesu atsia apa matá pi omukpata gba e me: «Ngayi-e, yi dje nga la ta gbitaku gba kpála nalu nguwa-o.

¹⁹ Obhende ngadje ngali na Naú gba Ebhe-e, i ke mbolimboli de-e, uo maka ngo 'hi kpadji inde li nguwa ati li e-o. Djabulu ngago, ani tsia dhépe 'li Ebhe inde u asia e li bua o-o.

²⁰ Okpála koko maka bili na teme inde li nguwa ati li e-o. U ngadje eli-o, u tsia sía kolo ne djali.

²¹ Engú bini, u 'o de me eli-e toto sie e abhú o-o de. U ngaha lio ngánga bha ngubula nedhinga bedi. Abhomu-o, i du me likabhu, i du di-e mbolo nde ago kabula eli gba Ebhe-e, u ngabala 'kpa li nabhuka má gala!

²² Okpála koko maka bili li lí oulu na eti adú lie-o. U adje eli-o, engú bini, gümü 'he na doto inde bhú dabili bini ne eu li tia na doto inde-e ngapite uo ne e, nganguvo eli gba Ebhe-e bhú uo. Kakaa, a tsia lí lili belegü de bini.

²³ Engú bini, okpála koko maka doto na dobho. U ngadje eli-o, u la di ngake

[†] 13:15 13:14-15 Tsia bhú Isa. 6:9-10.

mbolimboli. Kaka-a, kulu gba uo ngazu nguwa. Kulu gba okpála koko ngazu nguwa kámá bini, bhe gba okoko ndjíkpa madhia, bhe gba okoko ndjíkpa bata.»

Gbitaku pindji siti ulu

²⁴ Yesu atsia apa matá gbitaku koko pi okpála adu adje ani-e me: «Naú na abhúlá-a mana lie ne engú inde: bhoko bini alu nani bádha nguwa abhiye gba e.

²⁵ Sukpe bini, nedhinga li ndu okpála hana adu lie tila-a, bhúlú yala gba ani-e ago. Ani atsia alu siti ulu bhú ká nguwa-o, ani atsia atapa.

²⁶ Ezú-o aké, abhele, atsia aba lílí. Abhomu-o, siti ulu-o atsia akoto di.

²⁷ Okpála na kulu gba bhúlú edyi-e ago ayi ani me: «Ngámá, siti ulu inde-e ayie bhú bádha nguwa mo olu nako e bhú 'dyi gba mu-o su?»

²⁸ Do ani pi uo me: «Bhúlú yala amene engú bhomu-o ngae.» Abhomu-o, okpála na kulu-o atsia ayi ani me: «Mo okúnda me ya nü luko siti ulu ango-o?»

²⁹ Ani agie pi uo me: «Yi alúko de, anga yi luko-o, yi nü luko siti ulu bhomu-o ne ezú-o bhú dabili bini.

³⁰ Yi 'o me ndéndu bhisi hana bhele bhú dabili bini akólo nedhinga na'e nguwa abhiye-o. Nedhinga na'e nguwa abhiye-e, ma apá pi okpála na'e nguwa-a me u 'e ngaiza siti ulu-o. U gbigbite 'i'i ngubula natsutsulu,

amba pipita-a, u 'o nguwa-a bhú ngbokopi gba ma-o.»

Gbitaku pindji lí mutadi (Tsia bhú Mlk. 4:30-32; di ne bhú Luk. 13:18-19.)

³¹ Yesu akpokpo matá gbitaku koko pi okpála adu adje ani-e pindji lí ndula inde u a'i e me mutadi.* Ani pi uo me: «Naú na abhúlá-a mana lie ne lí mutadi. Kpála bini aha, ani atsia alu abhiye gba e.

³² A ko lí ndula na ye ye ane mane bhú ká olí nguwa hana. Engú la bini, i du me a nde ake-o, i né ndu ezú inde abhú 'dyi-e hana ne endjá, i kólo 'ngbé ndula da napa me odhu na abhúlá go nayiki 'ti o bhú oyáyá-o.»

Gbitaku pindji levile

(Tsia bhú Luk. 13:20-21.)

³³ Yesu akpokpo matá gbitaku koko pi okpála adu adje ani-e me: «Naú na abhúlá mana lie ne levile inde li ele aha e, ani atsia akpédhéle ne bhti fufú. Abhomu-o, fufú-o hana atsia afuka.»

Yesu adu akpo 'ngú bhú ogbitaku ka ni?

(Tsia bhú Mlk. 4:33-34.)

³⁴ Yesu adu akpokpo ndu 'ngú bhomu-o hana pi bhti okpála bhú ogbitaku. Ani kpo 'ngú pi uo mandi gbitaku belegu de bini.

³⁵ Ani adu amene mo-o ngubula me engú inde nani li polofeta akpokpo e-e amene lie, engú inde me:

* **13:31 13:31 Lí mutadi:** A ko mboye lí ndula maka lí kundju.

«Ma akpókpo 'ngú bhú ogbitaku.

Ma akpókpo 'ngú inde awo lie nayie maka

u abho naní doto lie-o.†»

Yesu ambamba ta gbitaku pindji siti ulu

³⁶ Abhomu-o, Yesu a'o ká bhití okpála inde ani adú akpo 'ngú pi o-o, ani atsia agie lie li bili ani adú nadú li e-o. Omukpata gba ani-e adyudyo lio de ani. U atsia apa pi ani me: «Kpokpo nga ta gbitaku pindji siti ulu inde abhiye-e pi ya.»

³⁷ Yesu atsia agie pi uo me: «Kpála bhende i ngalu bádha nguwa-a, a ko ma Ndili gba kpála-o.

³⁸ Edyi-e, a ko doto. Bádha nguwa-a, a ko okpála inde i ngaziba nadú sa líli na Naú na abhúlá-o. Siti ulu-o, a ko okpála bhende ngaziba nadú sa líli gba Djabúlú-o.

³⁹ Bhúlú yala inde alu siti ulu-o, a ko Djabúlú. Nedhinga na'e nguwa abhiye-e, a ko ekpí na soso-o. Obhúlú na'e nguwa abhiye-e, a ko oandjelu.

⁴⁰ Maka u akukuo siti ulu lie ngú nabubu bhú djua-a, a adú bhadi li sokpí-e moko.

⁴¹ Ndili gba kpála atíma oandjelu gba e, u tsia kúo ndú obhúlú nato okpála bhú nale ne ndú obhúlú namene siti 'ngú hana-a ngú napandja uo bhú ká omaha e mapandja.

⁴² Pipita-a, u tsia bála uo bhú dé djua. Oo, u adú aku 'gbá, u tsia dú di nazú tate o.

⁴³ Abhomu-o, okpála bhe na ngingbingbili-e adú nasú má ngbi ngbi ngbi maka ela bhú Naú gba 'Dyi o-o. Yi dje ndjindji, i dú me a nde li yi ne djedje-o!»

Gbitaku pindji tia awo lie di ne pindji léké

⁴⁴ «Naú na abhúlá-a mana lie ne tia inde li kpála awo e abhú 'dyi. Kpála bini akoto téte, ani atsia awo ne toto. Li djali abhélé la ani lie má kusu-o, ani anú atsindji ndú 'he gba e hana, ani atsia ago akala edyi bhomu-o.

⁴⁵ Naú na abhúlá-a mana di matá lie ne kpála natsindji 'he inde ngagili nakala babadha léké.

⁴⁶ Nedhinga ani au léké bini na kpéke mase lie, ani anú atsindji ndú 'he adú ka e hana. Ani atsia ago akala léké na kpéke mase-o.»

Gbitaku pindji nado

⁴⁷ «Naú na abhúlá-a mana matá lie ne nado inde u abhike e bhú 'ngu, inde i ngadhe ndú djua osungu hana.

⁴⁸ Nedhinga abedhe lie, obhúlú nagbe sungu-o gbélingo 'gø. Pipita-a, u dálú, u bhá osungu na babadha-a bhú kíli, u tsia bála obhende azi-o.

⁴⁹ A adú bhadi li sokpí-e moko: oandjelu agó, u tsia gbogbo bhússu okpála na

† 13:35 13:35 Tsia bhú Ets. 78:2.

ngbingbili-e ne obhende na sisiti-o.

⁵⁰ U tsia bála okpála na sisiti-e bhú dé djua. Oo, u adú aku 'gbá, u tsia dú di nazú tate o.»

⁵¹ Yesu atsia ayi omakpata gba e me: «Yi aké mboli ndú ongú bhomú-o hana aké?» U agie me: «Heni.»

⁵² Abhomú-o, aní atsia apa pi uo me: «A moko, yi maka ndú omusuno na líli gba Moidje hana inde aziba engú pindji Naú na abhúlá-o. Yi maka obhúlu 'ti. Yi ngalo bhú ká oehe inde bhú 'ti gba yi-e obhe na mbia, yi tsia ló di obhe na didili.»

*Okpála na Nadjaleta ziba
Yesu de*
(Tsia bhú Mlk. 6:1-6; di ne
bhú Luk. 4:16-30.)

⁵³ Li Yesu andjia nakpokpo ogbitaku bhomú-o lie, aní ayie oo.

⁵⁴ Aní atsia anú bhú Nadjaleta, kúti inde aní abhele bhú e-o. Aní aholo nasuno bhú 'ti nadje líli gba Moidje na kúti bhomú. Nasuno gba aní-e atsia adú nangamba okpála naali. Kaka-a, u atsia adú ayi lio me: «Aní asia ngua imbilangu inde-e su? A aha angu pi aní ngú namene ongamba 'ngú inde-e da?»

⁵⁵ A inde-e ndili gba salapaté-e di? A 'li 'hi aní me Malia adi? Djaki, ne Djodjefú, ne Simo la di ne Djude ne ondaise aní ngao adi?

⁵⁶ Ondaise aní na olisilisi-e, ndú uo hana gba ní sii adi? Aní ayie la ne ndú 'ngú bhomú-o hana su?»

⁵⁷ Ka u ambila dú aní lie ndjindji-e, u tsia kúnda nabhuka aní de. Abhomú-o, Yesu atsia apa pi uo me: «U mamanga polofeta ne ndú bili hana, naneke bha bini bhú kúti u azu aní bhú e di ne bhú piga gba aní.»

⁵⁸ Yesu atsia amene bha mbo oo ongamba 'ngú bedi ka u bhuka aní lie de-o.

14

*Elode aha líli me u bhølo
Djaa bhølu nabatisa okpála
(Tsia bhú Mlk. 6:14-29; di
ne bhú Luk. 9:7-9.)*

¹ Li nedhinga bhomú-o, Elode Atipasi inde adú ngámá na ndu doto na Galilaya adje engú gba Yesu-o.

² Aní atsia apa pi omaha e me: «Kpála u ngakpo 'ngú gba e bhomú-o, a ko Djaa bhølu nabatisa okpála! Aní azuku bhú ká okpála amu-o bhomú ngae. Kaka-a, angu namene ongamba 'ngú bhú aní.»

³ Elode pa mo-o padhá de. Aní apa mo-o, anga aní aha nani líli me u holo Djaa, u gbigbite aní, amba u bhike aní bhú tìkpú li 'ngú gba Elodiade, wala Filipo, ndai aní-o.

⁴ Aní aholo nani Djaa, anga Djaa adú apa pi aní me: «A ayo de me mu ha Elodiade maka wala mu-o de.»

⁵ Elode adú akunda nabhøle Djaa na paká. Engú bini, aní adú akpe okpála makpe. Padhá de, anga u adú au Djaa maka polofeta .

⁶ La-a, li ekpí nakina nazu Elode-e, ndili na eele gba Elodiade adho 'bi kala okpála u a'i o bhú 'bi-o. Ebí ango-o atsia anga li Elode naali.

⁷ Kaka-a, ani atsia atu silika me ni ahá pi ndili na eele bhomu-o ndu 'he hana inde ani ayó e-o.

⁸ 'Hi ani atsia ato pi ani me ani yo 'ndji Djaa bhul Nabatisa okpála. Abhomu-o, ndili-e atsia anu apa pi ngámá Elode me: «Ha 'ndji Djaa, Bhul Nabatisa okpála muma mbia inde-e bhú tsakpa saani!»

⁹ Ngámá adje likabhu li bua e naali. La ka silika ani atu e di ne nakpe djila okpála ani a'i o bhú 'bi-e, ani atsia aha lili me u ha 'ndji Djaa pi ani haha.

¹⁰ Abhomu-o, ani atsia atima kpála bini me ani nu kodho ngulu Djaa bhú tikipu.

¹¹ Kpála ango-o, anu. Ani akodho ngulu Djaa, ani atsia ago ne di bhú tsakpa saani. Ani atsia aha pi ndili na eele bhomu-o. Abhomu-o, ndili na eele ango-o atsia anu ne di pi 'hi e.

¹² Omukpata gba Djaa anu aha kuo ani, u anu azi. U atsia anu akpokpo engú akodho 'kpí bhomu-o pi Yesu.

Yesu aha 'zu pi okpála kutu bhuluvue

(Tsia bhú Mlk. 6:30-44; ne bhú Luk. 9:10-17; di ne bhú Dja. 6:1-14.)

¹³ Li Yesu adje engú li omukpata gba Djaa akpokpo

e pi ani-e lie, ani agbe lie li bili bhomu. Ani a'u ne omukpata gba e bhú zabu, u atsia anu adulu kpi o kpi li bili li kpála nde li e ade. Li okpála ambila lie, u aloko ne ogudhu ngangá, u aha 'nu ne 'du o lingo 'ngu-o ngú nanu napkata ani.

¹⁴ Li Yesu aké lie bhú zabu-o, ani au bhti okpála-o. Ani adje ndjinga uo, ani atsia akobho okpála na kuo inde adu bhú ká uo-o.

¹⁵ A akolo lie tagolo-o, omukpata adyudyo lio de ani. U atsia apa pi ani me: «Ngámá, ekpí-e asegele, bili inde-e la di mimili, gie bhti okpála inde-e, amba u nu kala ehe nazu mazu pi o bhú okuti.»

¹⁶ Engú bini, Yesu agie pi uo me: «Tata li nagie lie ka uo ade. Yi ha ezu pi uo ngayi makpe.»

¹⁷ Abhomu-o, omukpata apa pi ani me: «A bha ka ya si ne koli mapa bhuluvue ne osungu bhisí má kpikili!»

¹⁸ Yesu agie pi uo me: «Yi go muma ne di ei.»

¹⁹ Pipita-a, ani aha lili pi bhti okpála bhomu-o me u dulu kuto pi ulu-o. Ani atsia aha mapa bhuluvue ne osungu bhisí-o. Ani a'e djila e ne abhulá, ani agie hení pi Ebhe. Pipita-a, ani agugumu mapa-o, ani aha pi omukpata, omukpata-a atsia agapa li bhti okpála me u zuzu.

²⁰ U azu ndu o hana, u atsia a'u'u. U alo dudu bhe atigala-o, a atsia abebedhe

okíli ndjíkpa ne ká bhisi.

²¹ Okpála hana inde azú-o, u adú masikpe de okpála kutu bhuluvue mandi natanga olisí ne ongisi.

Yesu adholo pí 'ngu

(*Tsia bhú Mlk. 6:45-52; di ne bhú Dja. 6:15-21.*)

²² Pipita kolo me-e, Yesu akata omukpata gba e me u 'u' u bhú zabu, amba u gulu 'ngu pí ni kalanu bhú nedhinga ni nde nga lie ngaha kpadji pí bhití okpála-o.

²³ Pita ani aha kpadji pí bhití okpála lie, ani a'u apí 'ta ngú nayo Ebhe. Ekpí abi li ani kpi e kpi me ani nde nga bha oo.

²⁴ Li zabu li omukpata-a adú bhú e akolo lie mbo ne atu 'ngu-o, anvi aholo nape pí 'ngu-o, atsia adú nandi uo ne sidi. Zabu-o atsia adú adimba ka ngbo 'ngu-o.

²⁵ Bhú 'gbá 'ngu na bini-e, Yesu aholo nago ne li pápá ne apí uo me ani nde ngadholo pí 'ngu.

²⁶ Li omukpata au ani lie ngadhuku pí 'ngu-o, tsulu aholo uo naali. U adú apa me: «A ko igbadyibhe!» U atsia aholo atu 'ue ka tsulu-o.

²⁷ Engú bini, Yesu atsia apa kolo pí uo me: «A ko ma, yi adjé tsulu de. Yi gbite bua yi.»

²⁸ Abhomu-o, Piele atsia apa pí ani me: «Ngámá, i dñ me a nde mu na paká-a, ha líli me ma go bhaka mu me ma nde ngadhuku pí 'ngu.»

²⁹ Do Yesu de-e: «Gogo.» Abhomu-o, Piele ake bhú zabu-o, ani aholo 'ná nabhaka Yesu me ani nde ngadholo pí 'ngu.

³⁰ Engú bini, ani au lie me anvi-e ngape kpekpeke-e, ani adje tsulu. Abhomu-o, ani aholo nalinda bhú 'ngu. Ani atsia asula me: «Ngámá, kobho ma!» ³¹ Ma 'li ma me-e, Yesu ato 'kpa e, ani atsia aholo ani ne napa pí ani me: «Ngamú, kpála li nabhuka gba e nde yeye, mo osia bua na bhisi bhisi ka ni?»

³² Pipita-a, u a'u' u ndu o bhisi hana bhú zabu-o. Anvi atsia aguo.

³³ Abhomu-o, omukpata bhe adú iginí bhú zabu-o akikita lipuku o kuto kala Yesu. U atsia apa pí ani me: «A na paká me mu ne Ndili gba Ebhe!»

Yesu akobho okpála na kuo bhú ndu doto na Genedjaleta

(*Tsia bhú Mlk. 6:53-56.*)

³⁴ Pita li Yesu ne omukpata gba e agulu 'ngu-o lie, u akolo bhú ndu doto na Genedjaleta.

³⁵ Okpála na kuti ango-o ambila lie me a ko Yesu-o, u agapa ngali nago ka ani-e bhú ndu doto ango-o libhomu. Okpála atsia ago pí ani ne ndu obhuku kuo hana.

³⁶ U atsia adú akikiliki lio pí ani me ani 'o o me o bu nga bha mbo 'kpa o li 'so bongo gba ani-o. Abhomu-o, ndu obhende hana adú abu 'kpa o téte-e adú akobho.

15

*Kpekebhø pindji dasündu
gba omüFalisai*

(Tsia bhú Mlk. 7:1-13, 14-23.)

¹ Abhomü-o, omüFalisai di ne omüsuno na lili gba Moidje inde ayie bhú Yelusalema anü abhaka Yesu. U atsia ayi ani me:

² «Omükpara gba mü-o ngagumü lili li onguo ogbi ya a'o nani e ka ni? Padhá de, anga u ngavülu 'kpa o kala nazü 'he maka lele li lili-e apa lie ade.»

³ Ani atsia agie pi uo me: «Ala yi-e, yi ngagumü lili gba Ebhe-e ne 'li dasündu gba yi-e ka ni?»

⁴ Padhá de, anga Ebhe apa me: «Manga 'dyi mü ne 'hi mü mamanga.» Ani apa di matá me: «Kpála inde agbó nganda 'dyi e, i du di-e 'hi e, a ayo me u bhøle ani mabhøle.»[†]

⁵ Engü bini ngayi-e, yi ngapa me: «I du me kpála bini nde apa pi okpála inde azu ani-e me, tia inde a ayo igini me ni teteke uo ne e, ni a'o pi Ebhe-e,»

⁶ kpála ango-o matá ne engü namene mamene pi uo ade.» Yi ngagumü lili gba Ebhe-e li onguo okpadji bhomü ngü nakpata lele odasündu gba yi-o.

⁷ Yi ne obhülu kali! Polofeta Isaya pa nani li 'ngü gba yi-e tala me Ebhe apa me:

⁸ «Opiga inde-e ngadhøgø bha ma ne 'bhø-o, engü bini, bua uo de ma tsutsu.»

⁹ Mayo u ngayo ma lie, tata téte ade.

Padhá de, anga nasuno inde u ngasuno e, a ko bha ndü olíli li okpála ngagbe e ngao.»[†]

¹⁰ Pipita-a, Yesu a'i bhti okpála inde adü oo me u dyudyo lio de ni masikpe, ani atsia apa pi uo me: «Yi djedje nga, amba yi ke di mboli engü inde ma adji apa e inde:»

¹¹ A ko de me oehe inde ngali bhú 'bhø kpála ngamene ngae me ani adü bubu kala Ebhe de-e de. Oehe bhe ngakoto bhú 'bhø kpála mangbo ngamene ngae me ani adü bubu kala Ebhe de.»

¹² Abhomü-o, omükpara-a adyudyo lio de ani, u atsia apa pi ani me: «Musuno, mü mbila uu me engü mo opa e ake li bua omüFalisai make-e?»

¹³ Ani agie pi uo me: «Ndü 'he hana inde li 'Dyi ma inde abhüla-a lu e ngae de-e, u aluko maluko.»

¹⁴ Yi 'o uo: a ko okpála i u 'kpí de inde aholo 'kpa obi o ngü nasuno kpadji pi uo. La-a, i du me kpála i u 'kpí de-e nde aholo 'kpa kili e ngü nasuno kpadji pi ani-e, ndü uo bhisi hana bála bhú 'dú!»

¹⁵ Piele atsia apa pi ani me: «Kpokpo nga ta gbitaku

[†] 15:4 15:4 Tsia bhú Det. 5:16; ne bhú Eki. 20:12, 21:17; di ne bhú Lev. 20:9.

[†] 15:9 15:8-9 Tsia bhú Isa. 29:13.

bhomu-o pi ya.»

¹⁶ Do Yesu de-e: «Ngayi di-e, imbilangu nga bhú yi adi?»

¹⁷ Yi mbila de me ndu 'he hana inde ngali bhú 'bhe kpála ngakodho 'kpí abhú 'bu, u tsia bhike bhú pedu-o di?

¹⁸ Engú bini, ndu 'he hana inde ngakoto bhú 'bhe kpála ngayie li bua ani. A la bhomu-o bhende i ngamene me ani adú bubu kala Ebhe de-o.

¹⁹ Padhá de, anga bua kpála ngamene ngae me ani du ne mabhundja na sisiti, ani bhele kpála bhú gandji, ani kunda ele, i du di-e bhoko koko, ani kunda olisi, i du di-e obhos*i* ngangá, ani zi 'he, ani pa 'ngú li obi e ne eu, ani sobho la di kpála.

²⁰ A bhomu-o ndu ongú inde ngamene me kpála adú bubu kala Ebhe de-o. A ko de me nazu 'he mandi navulu 'kpa o ngamene me kpála adú bubu kala Ebhe de-e de.»

*Yesu akobho ndili na eele
gba igba Kanana*

(Tsia bhú Mlk. 7:24-30.)

²¹ Pipita-a, Yesu ne omukpata gba e ayie li bili bhomu, u atsia anu li pápá na ndu doto li ogudhu na Tile ne Sidona adu bhú e-o.

²² Óle bini du nani nadu bhú ndu doto ango-o. A adu nani igba mayuda de, a ko nani naae igba Kanana. Me-e, ani ago abhaka Yesu ne nasusula me: «Ngámá, ndili gba Davidi, dje nga bha-a mbo ndjinga ma! Siti bua

ngato mbolo li ndili na eele gba ma-a naali.»

²³ Engú bini, Yesu gie engú pi ani belegu de bini. Omukpata gba ani adyudyo lio de ani, u atsia apa pi ani me: «Musuno, mu ti da namene engú ani ngayo e ka mu-o pi ani di, amba ani 'o nakpata ní ne tolo gba e bhomu-o?»

²⁴ Yesu agie pi uo me: «Ebhe atima bha ma ngú nagili okpála na Isalaele inde maka okandele inde angita-o.»

²⁵ Engú bini, ele ango-o ago atutu lipuku e kuto kala ani ne napa me: «Ngámá, go teteke nga bha mbo ma!»

²⁶ Yesu agie pi ani bhú gbitaku me: «A ndjindji ade me u ha ezu gba ongisi-e, u bhike pi obulu-o de.»

²⁷ Óle ango-o agie me: «A ko paká Ngámá, la-a, obulu ngazu okulu 'zu inde ngabala sa misa gba omakulasi o-o.»

²⁸ Abhomu-o, Yesu agie pi ani me: «'Hi ma-a, nab-huka gba mu-o ngebéngbé! A ayo me Ebhe ha ehe inde mo okunda e pi mu.» Abhomu-o, ndili gba ani-e atsia akobho bha li nedhinga bhomu.

*Yesu aha 'zu pi obhos*i*
kutu badha*

(Tsia bhú Mlk. 8:1-10.)

²⁹ Abhomu-o, Yesu ayie oo, ani atapa lingo ekpe na Galilaya. Ani a'u apí 'ta, ani atsia adu kuto.

³⁰ Okpála bhelé ago abhaka ani. U ago ne okpála

adu ne eze li 'dhu o, ne okpála li djila o adudu, ne okpála li yá o apu, ne obhe i bhu 'ngú de, la di ne okpála koko bhelé inde adu li o ne kuo. U abu uo bhu li 'dhu Yesu, ani atsia akobho uo.

³¹ Okpála atsia adu angamba naali nedhinga u adu au okpála i bhu 'ngú de-e lie ngagama 'ngú-o, obhe li yá o apu adu lie akólo ne angu-o, nedhinga di li obhe adu ne eze li 'dhu o adu adholo lie ndjindji-o, ne nedhinga li obhe i u 'kpí de-e adu lie au 'kpí-o. U atsia aholo nadhögø Ebhe gba omaſsalaele-o.

³² Abhomu-o, Yesu a'i omukpata gba e-o. Ani atsia apa pi uo me: «Ma ngadjé ndjinga bhti okpála inde, anga akolo mbia inde-e 'kpí bata u bha ngadu de ma si, ehe nazu mazu la matá di ka uo ade. Ma kunda nagie uo gümu de, anga angu uo ti da nandjia li kpadjì.»

³³ Omukpata atsia ayi ani me: «Ní ti da nasia mapana tetele bhu mili bili inde-e su, inde i ti da nale ne bhti okpála inde-e?»

³⁴ Yesu atsia ayi uo me: «A ka yi ne mapa madho?» U agie pi ani me: «A ka ya ne mapa mananika ne mbo odjedje sungu.»

³⁵ Abhomu-o, Yesu apa pi bhti okpála me, u dulu kuto.

³⁶ Ani atsia aha mapa mananika ne osungu-o. Pi a nagie henpi Ebhe-e, ani agugumu, ani aha pi omukpata-o, u atsia agapa

li bhti okpála me u zuzu.

³⁷ U azu ndu o hana, u atsia a'u'u. Omukpata apo bhula dudu-o, atsia abebedhe okili mananika.

³⁸ Okpála hana inde azu-o, adu obhosí kutu badha mandi nako olisi ne ongisi.

³⁹ Pi a li Yesu aha kpadjì pi bhti okpála lie, ani a'u bhu zabu, ani atsia atapa bhu ndu doto li gudhu na Magadana adu bhu e-o.

16

*OmuFalisai ne oSadukai
ayo ngamba 'ngú ka Yesu
(Tsia bhu Mlk. 8:11-13; di
ne bhu Luk. 12:54-56.)*

¹ Abhomu-o, omuFalisai ne oSadukai ago abhaka Yesu. U adu akunda nale ani. Kaka-a, u atsia ayo ka ani me ani mene nga bha ngamba 'ngú bini pi o inde asúno me Ebhe atima ani ngae.

² Ani agie pi uo me: «I kolo tagolo-o, yi pá me: <Ekpí-e adu babadha, anga bhula 'kpí-e akodho má ngebí, oikupala aze la di bhelé.»

³ I du di-e kékpi-e, yi pá me: «Naki-e, ekpí-e adu sisiti, anga bhula 'kpí-e mbe-mbe, a la di ne biti.» Yi mbila hana me bhula 'kpí-e du me-e, a akunda napa pi-ie. La-a, ongú inde ngakodho 'kpí bhu onedhinga inde-e, yi mbila de me akunda napa pi-ie de!

⁴ Okpála na naki inde-e sisiti, u bhuka la di Ebhe ne bua o bini de! U ngayo ngamba 'ngú. Engú bini,

Ebhe méne ngamba 'ngú bini pi uo de, bha bini bhende ani amene nani e li polofeta Djonasi ko.» Pipita-a, Yesu a'o ka uo oo, ani atsia atapa.

Yesu agbele 'dje omukpata gba e li 'ngú gba omuFalisai ne oSadukai (Tsia bhú Mlk. 8:14-21.)

⁵ Li Yesu ne omukpata gba e agulu ekpoe na Galilaya lie, omukpata-a a'ili 'to o li naha mapा.

⁶ Yesu atsia apa pi uo me: «'E-e! Yi lila liyi ka levile gba omuFalisai ne oSadukai-e malila!»

⁷ Abhomu-o, omukpata aholo napa sunda o me: «Ani ngapa mo-o, anga ní go ne mapा de.»

⁸ Engú bini, Yesu ambila engú ango-o, ani atsia apa pi uo me: «Nabhuka gba yi-e yeye. Ka ní yi ngapa lie sunda yi me, yi go ne mapा di-e?»

⁹ Yi ke nga mboli engú bini di? Yi a'ili 'to yi li mapा bhuluvue inde ma agapa nako e li okpála kutu bhuluvue a'ili? Yi atsia a'ili la di 'to yi me o obebedhe nako okili madho-ie ne dudu-o?

¹⁰ La di-e, yi a'ili 'to yi li mapा mananika inde ma agapa nako e li okpála kutu badha a'ili? Yi atsia a'ili la di 'to yi me o obebedhe nako okili madho-ie ne dudu-o?

¹¹ Ma apa igini lie pi yi me yi lila liyi ka levile gba omuFalisai ne oSadukai

malila-a, ma pa igini bhomu-o engú na mapा de. Yi ke mbolimboli de ka ni?»

¹² Abhomu-o, omukpata-a atsia akè la mboli 'ngú angoo me ani pa engú nalila lie ka levile na mapा de, engú bini, a ko nalila lie ka nasuno gba omuFalisai di ne oSadukai ko.

Piele apa me Yesu ne da-ie (Tsia bhú Mlk. 8:27-30; di ne bhú Luk. 9:18-21.)

¹³ Li Yesu ne omukpata gba e akolo lie bhú ndu doto li gudhu na Sedjale gba Filipo adu bhú e-e, ani ayi uo me: «Okpála ngapa me ngama Ndili gba kpála-a, ma ne da?»

¹⁴ U agie pi ani me: «Pi okpála koko-o, mu ne Djaa bhulü nabatisa okpála. Pi okoko-o, mu ne Eliya. Pi okoko matá-a, mu ne Djelemi, i du di-e súka opolofeta koko.»

¹⁵ Ani apa pi uo me: «A la yi-e, yi ngapa naayi me ma ne da?»

¹⁶ Simo Piele atsia agie pi ani me: «Mu ne Masiya, Ndili gba Ebhe inde uu-o.»

¹⁷ Abhomu-o, Yesu atsia apa pi ani me: «A ko djali pi mu, Simo, ndili gba Djaa, anga ambamba ta engú na kükülu inde-e pi mu ne kpála de, engú bini, ambamba tata pi mu ne 'Dyi ma inde abhúlá ko.»

¹⁸ Kaka-a, ma apa pi mu me a 'li mu me Piele, mu

* **16:18 16:18 Piga gba ma-a alú pi teme bhomu:** A akunda napa me Piga gba Ebhe-e alu pi 'li Piele inde ani apa e me Yesu ne Masiya, Ndili gba Ebhe inde uu-o. Tsia bhú Mat. 16:16, di ne bhú Efe. 2:20.

maka teme. Piga gba ma-a alá pí teme ango-o.* Angu kuo kólo téte de.

¹⁹ Ma ahá olifungula na Nau na abhúlá-a pi mū. Ne angu inde ma aha e pi mū bhomu-o, ndu 'he hana inde mo ogbite e píla doto-o, agbite bhadi lie abhúlá moko. Ndu 'he hana inde mo obhúlu e píla doto-o, abhúlu bhadi lie abhúlá moko.»

²⁰ Abhomu-o, Yesu atsia aha lili pi omukpata-a me u apá belegu pi kpála bini de me ni ne Masiya-a de.

Yesu akpo 'ngú pindji nakpi ne nazuku ka e

(*Tsia bhú Mlk. 8:31, 9:1; di ne bhú Luk. 9:22-27.*)

²¹ Nayie bhú nedhinga bhomu-o, Yesu aholo nasuno pi omukpata gba e mbámbá me: «A ayo me ma nü bhú Yelusalema. Oo, ma djé likabhu naali sakpa obhelesi okpála, sakpa ongbengbe odimandø gba Ebhe , di ne sakpa omusuno na lili gba Moidje-o . U abhélo ma. La-a, bhú 'kpí na bata-a, ma tsia zúku..»

²² Abhomu-o, Piele agbele ani ne li ngongo, ani aholo naboyo ani ne napa pi ani me: «Ngámá, a ayo me Ebhe lila mū! A mo-o ade, engú bhomu-o kólo li mū de!»

²³ Engú bini, Yesu adjí lie, ani atsia apa pi Piele me: «Yie oo ko, Satana ! Mū ne ndjukudu li kpadjì gba ma-o. Padhá de, anga omabhundja

gba mu-o, a ko bhende gba Ebhe-e de, engú bini, a ko bhende gba okpála.»

A ayo namene ni ngú nakpata Yesu-o?

²⁴ Abhomu-o, Yesu atsia apa pi omukpata gba e me: «I du me kpála bini nde akunda bha nakpata ma na paká-a, a ayo me ani 'o nabhundja 'ngú gba e makpe. A ayo me ani bi kulusi gba† e-o, amba ani kpata ma.

²⁵ Padhá de, anga i du me kpála nde akunda nalila mukobho gba e, ani kpi. I du la me kpála nde atse 'kpa li mukobho gba e ngubula ma-a, ani sia mukobho na kükulu.

²⁶ La di-e, i du me kpála nde asia ndu 'he hana na doto, engú la bini, ngaani makpe ani kpi-e, ani asia bhúbhú mangua 'he dho? Kpála ti da nakala mukobho gba e ka Ebhe ne mangua 'he dho?

²⁷ Padhá de, anga Ndili gba kpála agó ne oandjelu gba e bhú sangu gba 'Dyi e-o. Abhomu-o, kpála ne kpála tsia sia mbini kulu gba e sakpa ani nakpata lele kulu inde ani amene e-o.

²⁸ Ma apa pi yi na paká me, okpála koko bhú ká obhende inde si-e, mū padhá de, u aú ngaiza nago gba Ndili gba kpála maka 'ngbé ngámá kalanu.»

† 16:24 16:24 *Nabi kulusi gba e:* A ko naziba nazu likabhu di ne nakpi kabula Yesu.

17

*Zi Ebhe asa Yesu ngbalina
(Tsia bhú Mlk. 9:2-13; di-
ne bhú Luk. 9:28-36.)*

¹ Pita ekpí madhia, Yesu aha Piele, ne Djaki ne ndai e Djaa. Aní anu ne uo tití o apí 'ndjá 'ta.

² Bha si me-e, aní adjí lie kala uo kpi. Bhúla aní aholo nasu má ngbi ngbi ngbi maka zi 'ndji 'la! Obongo li kute aní-e, akolo bububu maka zi 'kpi.

³ Kolo me-e, Moidje ne Eliya aze li uo, u atsia aholo agama 'ngú ne aní.

⁴ Abhomú-o, Piele atsia apa pi Yesu me: «Ngámá, a ndjindji me ní dulu si. I du me mu nde akunda-a, ma yiki 'ti ngbangbali bata: bini pi mu, bini pi Moidje, bini pi Eliya.»

⁵ Nedhinga aní adu nga bha lie nagama 'ngú-o, ndindi inde adu li e ne zizi-e ago abuku uo hana. Me-e, eli akoto bhú ndindi ango-o atsia apa pi uo me: «Kpála inde-e ne Ndili gba ma na mukunda. Engú gba aní-e nga li ma naali. Yi dje aní!»

⁶ Li omúkpata adje lie mono, u adje tsulu naali. Kaka-a, u atuko kuto, u atsia atutu bhúla o bhú doto.

⁷ Abhomú-o Yesu adyudyo lie de uo, aní a'o 'kpa e li kute uo, aní atsia apa me: «Yi yie bhúlá! Yi adjé tsulu de!»

⁸ Na'e djila o ka uo me-e, u u kpála bini de, u au bha Yesu kpi e kpi.

⁹ Nedhinga u adu naké eta-a lie, Yesu atsia aha líli inde-e pi uo me: «Yi apá engú inde yi au e pi kpála bini de, nakolo bha li nedhinga li ngama Ndili gba kpála ma azúku lie ko.»

¹⁰ Abhomú-o, omúkpata ayi aní me: «Ka ni li omusuno na líli gba Moidje ngapa lie me, a ayo me Eliya go ngaiza kala me Masiya go-o?»

¹¹ Aní agie me: «A moko, Eliya agó mago, aní tsia léke ndu 'ngú hana ndjindji.»

¹² Engú la bini, ma apa pi yi me Eliya ago nani ago. Okpála mbila aní de, engú bini, u amene ndu 'ngú hana li kute aní maka u akunda lie. A ayo me ngama Ndili gba kpála ma dje bhadi likabhu ka uo moko.»

¹³ A la bhomú-o, nambila ka omúkpata-a me aní adu akpo 'ngú pi o pindji Djaa bhulu nabatisa okpála.

*Yesu akobho ndili bini na
bhobhoko li siti bua adu nadu
bhú e*

*(Tsia bhú Mlk. 9:14-29; di-
ne bhú Luk. 9:37-43a.)*

¹⁴ Yesu ne omúkpata gba e bata aké eta-o. U akolo lie de kambi okpála-a, kpála bini adyudyo lie de Yesu. Aní atutu lipukü e kuto kala aní,

¹⁵ aní atsia apa pi aní me: «Ngámá, dje nga mbo ndjinga ndili gba ma na bhobhoko-o. A li aní ne kuo na gbulu magbulu. A ngagbo 'i aní bhú djua, i du di-e bhú 'ngu piko. Aní ngadje likabhu naali.»

¹⁶ Ma anu ne ani pi omukpata gba mu-o, la-a, u ti da nakobho ani de.»

¹⁷ Do Yesu de-e: «Ngayi-e, nabhuka gba yi-e su? Yi ne okpala na sisiti. Ma adu bhá dabili bini ne yi akólo bhá mangua nedhinga dho? Ma akíbila yi akólo bhá mangua nedhinga dho? Yi go ne ani muma ei.»

¹⁸ U ago pi ani ne ndili-o. Yesu ambe bhá 'ndji siti bua-o, siti bua ango-o atsia akoto bhá ndili-o. Nayie bha li nedhinga bhomu-o, ndili ango-o atsia akobho.

¹⁹ Abhomu-o, omukpata-a adyudyo lio de Yesu, u atsia ayi ani me u nde ne uo kpi o kpi me: «Musuno, ka ni ngaya makpe ya ti iginí da nagbe siti bua bhomu-o lie di-e?»

²⁰ Yesu agie pi uo me: «A ko anga nabhuka gba yi-e mbomboyé. Padhá de, anga ma apa pi yi na paká me, i dú me li nabhuka gba yi-e dú nga bha bhá 'ngbé lie maka lí kündju-o, yi de pá pi eta inde-e me: <Yie si, nu aoo>, i tsia nu oo. Kpéke da 'ngú de dú pi yi de. [

²¹ La di-e, ngua siti bua bhomu-o tí da nakoto bha ka mayo bhá dabili bini ne natse 'zu ngú nayo Ebhe.]

Yesu akpo 'ngú pindji nakpi ne nazuku ka e bhutsibhutsi na bhisi

(Tsia bhá Mlk. 9:30-32; di ne bhá Luk. 9:43b-45.)

²² Ekpí bini, Yesu ne omukpata gba e anu apo bhála o ndu o hana abhá

ndu doto na Galilaya. Ani atsia apa pi uo me: «A ayo me u pu ma Ndili gba kpála pi okpala na doto,

²³ amba u bhelé ma, engú bini, bhá ekpí na bata-a, ma tsia zúku.» Abhomu-o, bua omukpata atsia asia likabhu naali.

Yesu akala mandjandja na 'ngbé 'ti Ebhe gba omaYuda-o

²⁴ Yesu ne omukpata gba e akolo bhá Kapalanauma. Li u akolo lie oo-o, okpala atsitsindji mandjandja na 'ngbé 'ti Ebhe gba omaYuda-a adyudyo lio de Piele, u atsia ayi ani me: «Musuno gba yi-e kakala naae mandjandja na 'ngbé 'ti Ebhe-e di?»

²⁵ Piele agie me: «A mo ade, ani kala makala.» Li Piele ali la lie abhá 'ti-e, Yesu akpo nagama 'ngú ngae. Ani ayi Piele me: «Simo, mo obhundja pi? A kakala mandjandja, i du di-e otakisi gba ongbengbe ongámási na doto da, ne me a ko ongisi gba uo, ne me a ko okpala koko?»

²⁶ Piele agie me: «A kakala ne okpala koko.» Abhomu-o, Yesu atsia apa pi ani me: «I du mo-o, ongisi gba ongámási kála naao de, anga uo bhá ngú o.

²⁷ La-a, ngú napa me bua okpala inde-e asíti de-e, nu abhá ekpè. Bhike engbe bhá 'ngu. Sungu na kalanu inde mo ogbé e, bhulu 'bhé ani. Mo obháka oo lí falanga bini. Haha, amba mu ha pi uo, ngubula ní ne mu.»

18

A ngbéngbé bhú Naú na abhúlá-a da?

(*Tsia bhú Mlk. 9:33-37; di ne bhú Luk. 9:46-48.*)

¹ Bhú nedhingga bhomú-o, omukpata adyudyo lio de Yesu, u atsia ayi aní me: «A nga ngbéngbé bhú Naú na abhúlá-a da?»

² Yesu a'i mboye ndili bini, aní a'o aní tu uo,

³ aní atsia apa me: «Ma apa pí yi na paká me, i du me yi nde li bua yi de, yi ké liyi ne kuto ngú nakolo maka ongisi na djedjedje de-e, yi lí belegú bhú Naú na abhúlá-a de.

⁴ Padhá de, anga gagala 'ngú bhú ndili ade. Kaka-a, kpála bhende i ngaké lie ne kuto maka mboye ndili inde-e, kpála ango-o ngbéngbé bhú Naú na abhúlá-a ngae.»

Yi ató okpála koko bhú siti 'ngú de

(*Tsia bhú Mlk. 9:42-48; di ne bhú Luk. 17:1-2.*)

⁵ Yesu atsia apa matá pí omukpata gba e me: «Kpála bhende asia nga bha belegú kpála bhende ngaké lie ne kuto maka mboye ndili inde-e ka 'li ma-a, kpála ango-o ngasia bhomú-o ma makpe.

⁶ Engú bini, li kpála bini to súka ongisi bini inde abhuka ma-a bhú siti 'ngú-o, a ndjindji pí aní me u gbite ngingi tangulu aní, amba u bhike aní bhú 'ngbé 'ngu.

⁷ A ko likabhu pí okpála na doto, anga a ne ongú bhelé inde ngato uo bhú siti 'ngú!

A moko, engú na sisiti néke galikpe 'kpí bini de, engú la bini, a ko likabhu pí kpála inde i ngayie ka e ko!

⁸ I du me 'kpa mu, i du di-e 'dhú mu nde ngato mu bhú siti 'ngú-o, mu de kodho, amba mu bhike de mu tsutsu. Padhá de, anga a ndjindji pí mu nali bhú mukobho na kükulu ne ekpa bini, i du di-e edhú bini. Bhabhomú-o ane ne bádha me u bhike mu ne 'kpa mu bhisi, i du di-e ne 'dhú mu bhisi hana bhú djua na dudu'ma!

⁹ I du di me lí djila mu bini nde ngato mu bhú siti 'ngú-o, mu de gbe, amba mu bhike de mu tsutsu. Padhá de, anga a ndjindji pí mu nali ne djila mu bini bhú mukobho na kükulu. Bhabhomú-o ane ne bádha me u bhike mu ne djila mu bhisi hana bhú djua na dudu'ma!»

Gbitaku gba kandølø inde angita

(*Tsia bhú Luk. 15:3-7.*)

¹⁰ Yesu atsia apa matá pí omukpata gba e me: «'E-e! Yi aú súka okpála inde ngaké lio ne kuto maka ongisi inde-e padhá de, anga ma apa pí yi me abhúlá-a, oandjelu gba uo ngalú ndu nedhingga hana kala 'Dyi ma.

[
¹¹ Padhá de, anga ngama Ndili gba kpála ma ago nani ngú nakobho kpála bhende angita ko.]

¹² Yi ngabhundja pí? Li kpála bini du ne okandølø kámá bini-e, li súka uo bini

ngita-a, ani 'ó ká obhende ndjíkpa odukpabini ne ká odukpabini-e apí 'ta di, ani tsia ná nagili bhende angita-a di?

¹³ I du la me ani nde au ani au-o, ma apa pi yi na paká me, ani bédhe ne djali bedhe ane djali inde ani nde ne e ngú obhende ndjíkpa odukpabini ne ká odukpabini inde i ngita naao de ko.

¹⁴ A moko, 'Dyi yi inde abhúlá-a kúnda de me súka okpála inde ngaké lio ne kuto maka ongisi inde-e ngita belegü de bini.»

Naleke 'ngú sunda o ne ondaise o

¹⁵ Yesu apa matá pi omukpata gba e me: «Li ndai mu mene mu sisiti-e, mu de nu bhaka ani, amba mu suno siti 'ngú gba ani-e pi ani me yi nde bhisi ka yi ne ani. Ani dje mu-o, amba mo osia ndai mu asia.

¹⁶ Ani dje mu de-e, mu de nu, mu ha kpála bini, i du di-e okpála bhisi, amba engú ango-o lu li 'li okpála bhisi, i du di-e okpála bata[†] maka li Bhuku gba Ebhe apa lie ko.

¹⁷ Ani dje uo de-e, mu de pa engú ango-o bhú Piga gba Ebhe. I du la me ani nde ayala nadje belegü okpála na Piga gba Ebhe-e, a ayo me ani kolo pi mu maka mupagano, la di maka ndembí na mandjandja.

¹⁸ Ma apa pi yi na paká me, ndu 'he hana inde yi agbíte e

píla doto-o, a agbíte bhadi lie abhúlá moko. Ndú 'he hana la di yi abhúlu e píla doto-o, a abhúlu bhadi lie abhúlá moko.»

Nayo bhú dabili bini

¹⁹ Do Yesu pi omukpata gba e de-e: «Ma apa matá pi yi me, i du me píla doto, okpála bhisi bhú ká yi nde adje lio ngú nayo 'he, abana i du bha mangua 'he dhoie, 'Dyi ma inde abhúlá-a há ehe ango-o pi uo.

²⁰ Padhá de, anga bili inde li okpála bhisi, i du di-e okpála bata apo bhúla o lie ne 'li ma-a, ma bhú ká uo oo.»

Yi mbu li ondaise yi

²¹ Abhomu-o, Piele adyudyo lie de Yesu, do ani pi ani me: «Ngámá, li ndai ma mene siti 'ngú li pabili gba ma-a, ma de mbu li ani bhútsibhútsi madho? A apise li bhútsibhútsi mananika?»

²² Yesu agie pi ani me: «Ma pa pi mu de me a apise li bhútsibhútsi mananika-a de, engú bini, a apise li bhútsibhútsi ndjíkpa mananika bhútsibhútsi mananika.

²³ A bhadi moko, Naú na abhúlá-a, a maka tsingu gba 'ngbé ngámá bini inde akúnda nani naleke 'ngú na tia gba e ne okpála na kulu gba e-o.

²⁴ Kalanu-o, u ago pi ani ne bhe bini inde adu ne tia gba ani-e bhelé na kuo kuo.

[†] 18:16 18:16 Tsia bhú Det. 19:15.

²⁵ Li tia du la lie ka ani ngú nagigie de-e, ngámá-a atsia aha líli me u tsindji ani, ne wala ani, ne ongisi gba ani, la di ne ndu 'he gba ani-e hana, amba ni sia tia gba ni-e bhábhá.

²⁶ Abhomu-o, kpála na kulu-o ati bhá 'li 'dhú ani, ani atu 'ndjí e ne kuto, ani atsia akikiliki lie pi ani me: <Du nga mbo ne 'ndjá bua li pabili gba ma, ma agie ndu tia gba mu-o hana.›

²⁷ Ngámá adje ndjinga ani, ani ambu li ndu bopulu gba ani-e hana. Ani atsia a'o ani me ani nñuu.

²⁸ Li kpála na kulu angoo akoto lie, ani akø lie ne suka kili e na kulu-o bini. Kpála angoo adu ne bopulu gba ani na lí falanga kámá bini má kpikili! Ani ati li ngulu kpála na bopulu gba e bhomu-o má gbu! Ani aholo nafele ngulu ani me ni ngabhele ani ne napa pi ani me: <Gie falanga gba ma inde ka mu ko.›

²⁹ Kilí ani angoo ati bhá li 'dhú ani, ani aholo nakikiliki lie pi ani me: <Du nga mbo ne 'ndjá bua li pabili gba ma, ma agie pi mu magie.›

³⁰ Engú bini, bhe koko ayala. La matá pépé-e, ani aha ani, ani anu ne ani me u to ani bhá tikpu akólo bha bini li ani agie bopulu gba e lie-o.

³¹ Li obi ani koko au lie mo-o, u adje likabhu li bua o naali. Kaka-a, u anu akpokpo ndu 'ngú bhomu-o hana maka a akodho 'kpí lie pi ngámá gba o-o.

³² Abhomu-o, ngámá gba ani-e atsia apa me u 'i ani. Do ngámá-a pi ani de-e: <Mu ne siti kpála na kulu! Ma ambu li ndu bopulu gba mu inde-e hana, anga mo okikiliki limu muma.›

³³ Ngamu di-e, a ayo igini de me mu dje di ndjinga kili mu maka ngama makpe ma adje ndjinga mu lie di?›

³⁴ Bua ngámá-a ake naali. Ani aha ani, ani anu ne ani pi okpekpeke obhosí me u mene ani kpekpeke, ngú nakolo bha bini li 'kpí inde ani agie ndu bopulu gba e lie hana ko.

³⁵ 'Dyi ma inde abhulá améne bhadi pi yi moko, i du me kpála ne kpála nde mbu li ndai e ne bua e hana de ko.»

19

*Yesu asuno pindji nagbo bhushu o bhá kuya
(Tsia bhá Mlk. 10:1-12.)*

¹ Nedhinga li Yesu andjia nagama ongú bhomu-o lie, u ayie ne omukpata gba e bhá ndu doto na Galilaya. U atsia anu bhá ndu doto na Yudaya inde língo ngade 'ngu na Djuludani-o.

² Bhti okpála akpata ani oo. Abhomu-o, ani atsia akobho okpála na kuo inde adu bhá ká uo-o.

³ OmuFalisai koko adyudyo lio de ani. U atsia ayi ani ngú nale ani me: «Líli gba ni-e aziba pi bhoko uu me ani gie wala e abana i du bha mangua 'ngú dhoie?»

⁴ Ani agie me: «Yi tanga nga engú li Bhuku gba Ebhe-e apa e de me nani li lilita-a, Ebhe abho uo ele ne bhoko-o di?†

⁵ Bhuku ang-o-o atsia apa matá me: ka 'ngú ang-o-o, bhoko a'ó ká 'dyi e ne 'hi e, ani tsia dhédhe li wala e. Ndú uo bhisi hana tsia kólo koli kpála bini.†

⁶ Kaka-a, ma apa pi yi me, uo matá bhisi ade. Engú bini, u akolo koli kpála bini. A ayo de me kpála gbo bhusú 'he inde li Ebhe agbite e de!»

⁷ Abhomu-o, omukpata ayi ani me: «Ka ni la li Moidje aha nani líli lie me bhoko ha balua nagbo bhusú e pi wala e nedhingga ani agie ani lie?»

⁸ Yesu agie me: «Moidje aha nani kpadji pi yi ngú nagie olisi gba yi-e ka kpéke 'ndji gba yi-o. Engú la bini, a li lilita-a, adú nani mo-o de.

⁹ Ma apa pi yi me: i du me kpála nde agie wala e, a nde de me ele ang-o-o akunda gala bhoko de-e, i du me kpála ang-o-o nu ha ele koko-o, kpála ang-o-o akunda bhomu-o ele koko.»

¹⁰ Omukpata-a apa pi ani me: «I du me líli gba bhoko li pabili gba wala e nde mo-o, tata li naha lio ade.»

¹¹ Ani agie pi uo me: «Ndú okpála hana ke mboli engú bhomu-o de, bha bini obhende li Ebhe aka kpadji pi o téte-o.»

¹² A ne engú bhelé bhelé inde nga'o me kpála dudu

bhú lingbangi. Pi okpála koko-o, u azu uo me angu na ele nde bhú uo ade. Pi okoko, okpála asiti uo ngao. A la di ne okoko i ha olisi de, ngubula na'o lio kpi ngubula Naú na abhúlá . A ayo me kpála inde ati da naké mboli nasuno inde-e, ani ke mbolimboli keke.»

Yesu atuko bisagu pi ongisi

(*Tsia bhú Mlk. 10:13-16; di ne bhú Luk. 18:15-17.*)

¹³ Abhomu-o, okpála ago pi Yesu ne ongisi ngubula me ani 'o 'kpa e pi 'ndji uo, amba ani yo Ebhe pi uo. Engú bini, omukpata aholo nayoko okpála ang-o-o.

¹⁴ Yesu atsia apa pi omukpata-a me: «Yi 'o ongisi bhomu, u go bhaka ma, yi ayóko uo de, anga Naú na abhúlá pi okpála bhende li bua o nde maka ongisi ko.»

¹⁵ Ani a'o 'kpa e pi 'ndji uo, pipita-a, ani atsia ayie li bili bhomu-o.

Bhulu tia bini ayi 'ngú pindji mukobho na dudu

(*Tsia bhú Mlk. 10:17-31; di ne bhú Luk. 18:18-30.*)

¹⁶ Abhomu-o, makombi bini adyudyo lie de Yesu. Ani atsia ayi ani me: «Musuno, a ayo me ma mene mangua bádha 'ngú dho ngú nasia mukobho na dudu-a?»

¹⁷ Yesu agie pi ani me: «Mu ngayi ma pindji bádha 'ngú ka ni? Koli bádha kpála bha bini. I du me

† 19:4 19:4 Tsia bhú Dje. 1:27, 5:2. † 19:5 19:5 Tsia bhú Dje. 2:24.

mʉ nde akʉnda nali bhʉ mʉkobho na dʉdʉma-a, lila olíli-e malila.»

¹⁸ Makombi ango-o ayi Yesu me: «Olíli bhedho?» Yesu agie pi ani me: «Mo obhéle kpála de, mo okʉnda ele, i dʉ di-e bhoko koko de, mo ozí 'he de, mo opá 'ngú li kilí mʉ bhʉ djila okpála ne eu de.

¹⁹ Manga 'dyi mʉ ne 'hi mʉ mamanga. Kʉnda kilí mʉ maka mo okʉnda limʉ lie ngamu makpe-o.†»

²⁰ Makombi-e apa pi ani me: «Ndʉ 'he bhomʉ-o hana, ma amene. A aneke matá ma ne bhedho?»

²¹ Yesu apa pi ani me: «I dʉ me mʉ nde akʉnda nadʉ ngingbili-e, nu tsindji ndʉ 'he inde ka mʉ-o hana, amba mʉ ha tia ango-o pi obhʉlʉ ndibhili. Abhomʉ-o, mʉ tsia sía tia abhʉlá. Pipita-a go kpata ma!»

²² Li makombi bhomʉ-o adje 'ngú bhomʉ-o lie, ani agie lie ne likabhu naali, anga tia adʉ nani ka ani na mugwe mugwe.

²³ Abhomʉ-o, Yesu atsia apa pi omukpata gba e me: «Ma apa pi yi na paká me, da nali ka bhʉlʉ tia bhʉ Naʉ na abhʉlá-a kpekpeke.

²⁴ Ma amata apa pi yi ne toto me da nali ka enʉ maka eya li gudho mʉsana kpekpeke. La-a, da nali ka bhʉlʉ tia bhʉ Naʉ gba Ebhe-e ane la matá ne kpéke.»

²⁵ Li omukpata adje eli bhomʉ-o lie, u angamba na kuo kuo. U adʉ apa me:

«I dʉ mo-o, a ati la ibili da nakobho da?»

²⁶ Yesu atsia uo, ani atsia apa pi uo me: «Pi okpála-a, a tí da namene lie de, engú bini, pi Ebhe-e, a tí da namene lie.»

²⁷ Abhomʉ-o, Piele atsia ayi ani me: «Mʉsuno, djedje nga. Ngaya-a, ya a'o ká ndʉ 'he hana ngú nakpata mʉ. Engú bhe gba ya-a adʉ lele e pi?»

²⁸ Yesu agie pi omukpata-a me: «Ma apa pi yi na paká me, nedhingga li doto adjí lie lie na mbia-a, Ndili gba kpála adʉ pi kití na asasaua gba e-o. Ngayi obhe akpata ma-a, yi tsia dʉ di pi okiti na ngámá ndjikpa ne ká bhisi ngú nakodho 'ngú gba opiga ndjikpa ne ká bhisi gba omafsalaele ko.

²⁹ La di-e, kpála ne kpála inde a'o ká oeti gba e, i dʉ di-e ondaise e na obhosibhosí ne obhe na olisilisi, i dʉ di-e 'dyi e ne 'hi e, i dʉ di-e ongisi gba e, i dʉ di-e edyi gba e ngubula 'li ma-a, ani asia matá koko bhelé. Ani tsia sía di mʉkobho na dʉdʉma.

³⁰ Yi mbila ndjindji me, bhelé na obhende mbia inde-e ne okpála na kalanʉ-o, akólo okpála na asidi, li obhende mbia inde asidi-e, tsia kólo okpála na kalanʉ.»

20

Gbitaku gba bhʉlʉ 'dyi vino ne okpála na kulu gba e

† **19:19 19:18-19** Tsia bhʉ Eki. 20:12-16; ne bhʉ Det. 5:16-20; di ne bhʉ Lev. 19:18.

¹ Abhomu-o, Yesu atsia apa matá me: «Yi gbo nga 'dje yi. Nau na abhálá mana lie ne tsingu gba bhulü 'dyi bini. Bhulü 'dyi ango-o akoto agba e kókpí má bhé ngubula naha okpála ngú kulu na edyi na vino gba e-o.

² Ani au uo lie, u adje lio ne uo me ni ahá kuo 'kpa pi uo li lele kulu na ekpí bini. Ani atsia atima uo ngú nanu amene kulu abhiye na vino gba e-o.

³ Ani akoto matá bhú saa na odukpbabini na kókpí. Ani au okpála inde alulü li bili bini bhomu-o mandi kulu.

⁴ Ani pi uo me: «Ngayi di-e, yi nu abhiye gba ma-o. Kuo 'kpa ma ahá e pi yi-e, adú li lelele.»

⁵ Abhomu-o, u atsia agbida oo. Bhulü 'dyi-e akoto matá tulukpe. Pipita-a, ani akoto matá bhú saa na bata pita tulukpe. Ndú nedhinga ani adú akoto lie hana, ani adú abhaka okpála koko alulü li bili bini bhomu. U adje lio ne uo, ani atsia apa pi uo me u nu abhiye gba ni ko.

⁶ Nakolo matá bhú saa na bhuluvue pita tulukpe-e, ani akoto. Ani abhaka okpála koko alulü oo. Ani atsia ayi uo me: «Yi alulü si ngbolo 'kpí libhomu mandi kulu ka ni?»

⁷ Do uo pi ani de-e: «A ko anga kpála bini ha ya bhú kulu de.» Ani pi uo me: «Ngayi di-e, yi nu mene kulu abhiye na vino gba ma-o.»

⁸ Li ekpí akolo lie tagolo-o, bhulü 'dyi-e apa pi kapita

gba e me: «I okpála na kulu-o, amba mu ha kuo 'kpa gba kpála ne kpála pi e, naye li obhe ago sidi ngú nabu soso li obhe ago iginí kalanu-o.»

⁹ Obhe akpo iginí lita kulu bhú saa na bhuluvue pita tulukpe-e ago. Kpála ne kpála atsia asia kuo 'kpa maka u adje iginí lio ne uo lie-o.

¹⁰ Li obhe ago iginí kalanu-o ago lie, u abhundja naao me o osía tia bheldé nané obhe ago iginí sidi-o. Engú bini, ngauo di-e, kpála ne kpála asia kuo 'kpa aviti bini ne obhe ago iginí sidi-o.

¹¹ U adú asisia lie, u aholo adi mutokono li bhulü 'dyi-o.

¹² U adú apa me: «Okpála inde-e ago sidi. U amene kulu bha koli saa bini má kpikili, la-a, mu ngaha uo aviti bini ne ya, ngaya okpála inde andala ne kulu ngbolo 'kpí libhomu bhú ke ku 'la!»

¹³ Engú bini, bhulü 'dyi-e agie pi suka uo me: «Olia ma, mu ti da nadi mutokono de. Ma aha tia gba mu-o pi mu maka ni adje iginí liní ne mu lie-o.»

¹⁴ Ha tia gba mu-o, tatapa. Ma ti da naha pi obhende ago sidi-e bha maka ma aha pi mu lie-o.

¹⁵ Mu mbila de me ma ti da namene ne tia gba ma-a maka ma akunda lie di? Ne me mu ngatsia ma ne ndje djila ka ma amene okpála bhe ago sidi-e lie ndjindji-e!»

¹⁶ Yesu atsia abu tata-a me:

«Okpála inde asidi-e akólo okpála na akalanu, li okpála na kalanu-o tsia kólo okpála na asidi.»

*Yesu apa matá bhutsibhutsi
na bata engú nakpi
ne nazuku ka e*

(*Tsia bhú Mlk. 10:32-34;
di ne bhú Luk. 18:31-34.*)

¹⁷ Li Yesu adu lie nanu bhú Yelusalema-a, ani a'i omukpata gba e de e titi o. Ani atsia apa pi uo me:

¹⁸ «Yi djedje nga! Ní adji bhú Yelusalema, bili inde u apú ma Ndili gba kpála lie pi ongbengbe odimandé di ne omusuno na líli gba Moidjedo. U akódho 'ngú gba ma-a me ma kpi bha makpi.

¹⁹ U apú ma pi okpála inde ne omaYuda ade ngubula me u mu ma. U abhí ma ne fimbo, u tsia gí ma li kulusi. La-a, ekpí na bata-a, ma tsia zúku.»

*Mayo gba wala Djebedayo
(Tsia bhú Mlk. 10:35-45.)*

²⁰ Abhomu-o, wala Djebedayo adyudyo lie de Yesu bhú dabili bini ne ongisi gba e bhisi na obhosibhosí, Djaki ne uo ne Djaa, inde adu nani omukpata gba Yesu-o. Ani atu 'ndji e ne kuto kala Yesu ngú nayo 'he ka ani.

²¹ Yesu ayi ani me: «Mo okunda me ma mene pi mu ni?» Ani agie pi Yesu me: «Tsia nga ongisi gba ma bhisi inde. Ha líli me u duu bhú Na gba mu-o: bhe bini li pá 'kpa mu na kokpa, bhe koko li pá 'kpa mu na galí.»

²² Do Yesu de-e: «Yi mbila ehe inde yi ngayo e de. Yi ti

da nazu likabhu inde ma azú e uu?» U agie me: «Ya ti da nazuzu.»

²³ Yesu atsia apa pi uo me: «A moko, likabhu ma azú e, yi azú mazu. La-a, ngú nadu ka yi li pá 'kpa ma na kokpa ne bhe na galí-e, a ko 'ngú ka ma nakodho 'ngú téte de. Obili bhomu-o pi okpála inde li 'Dyi ma aleke pi o ko.»

²⁴ Li omukpata bhe ndjikpa adje 'ngú bhomu-o lie, u ake 'ngú lio pi omukpata bhe bhisi bhomu-o.

²⁵ Abhomu-o, Yesu a'i ndu omukpata hana me u go de ni. Ani atsia apa pi uo me: «Yi mbila ndjindji me ongámási na doto a'o omaha o pi o ma'o, ongbengbe okpála adele omaha o sa 'dhú o.»

²⁶ A ayo de me a du bhú ká yi mo-o de. A ayo mangbo me i du me kpála nde akunda nadu 'ngbé kpála bhú ká yi-e, ani de du kpála na kulu gba yi.

²⁷ La di-e, li kpála bini kunda nadu kpála na bini bhú ká yi-e, ani de du bali gba yi-o.

²⁸ A bhadi moko, ngama Ndili gba kpála ma go ngú napa de me okpála mene kulu lio pi ma-a de. Engú bini, ma ago mangbo ngubula namene kulu líma pi okpála, amba ma ha di mukobho gba ma-a maka tia ngú nagbegbe okpála bhelé bhú siti 'ngú gba o-o.»

*Yesu akobho okpála bhisi
inde i u 'kpí de*

(*Tsia bhú Mlk. 10:46-52;
di ne bhú Luk. 18:35-43.*)

²⁹ Nedhingga li Yesu ne omukpata gba e adu akoto lie bhú gudhu na Djeliko-o, bhti okpála atsia akpata ani.

³⁰ Abhaka me okpála bhisi inde i u 'kpí de-e nde adu lingo kpadji oo. U adje me Yesu ngakodho 'kpí bhomu-o ngae. Abhomu-o, u aholo nasusula me: «Ngámá, ndili gba Davidi, dje ndjinga ya!»

³¹ Bhti okpála bhomu-o adu ambembe bhú 'ndji uo ngubula me u ndjili má bulu! Engú bini, u aholo matá nasusula kpekpeke me: «Ngámá, ndili gba Davidi, dje ndjinga ya!»

³² Abhomu-o, Yesu alu. Ani a'i uo. Ani atsia ayi uo me: «Yi akunda me mame pi yi mangua 'ngú dho?»

³³ Do uo pi ani de-e: «Ngámá, mene me djila ya u 'kpí.»

³⁴ Yesu adje ndjinga uo, ani abu 'kpa e li djila uo. Ma gala kolo me-e, u aholo nau 'kpí. Abhomu-o, u atsia akpata ani.

21

*Yesu ali bhú Yelusalema
(Tsia bhú Mlk. 11:1-11; ne
bhú Luk. 19:28-40; di ne bhú
Dja. 12:12-19.)*

¹ Yesu ne omukpata gba e akolo masikpe de Yelusalema. U adu ibili de

kuti na Betefadje, li ngba 'ta na ondula na Olive. Abhomu-o, Yesu atsia atima omukpata bhisi bhú ká omukpata gba e-o.

² Ani apa pi uo me: «Yi nu bhú kuti inde kala yi aoo. Yi akólo lie oo, yi abháka kolo me u nde agbite punda na oele bini, la di ne ndili punda bini bhú dabili bini ne ani. Yi bhulu uo, amba yi go ne uo muma.

³ Li kpála bini yi yi me yi adji ne uo su-oie, yi de gie me: «Ngámá ne gumu uo.» Abhomu-o, ani 'ó bha kolo me yi nu ne uo nunu.»

⁴ Engú bhomu-o améne lie mo-o ngubula me engú inde li polofeta apa nani e, amene lie. Polofeta apa nani me:

⁵ «Yi pa pi okpála na Siona me.»

«Yi tsitsia nga, 'ngbé ngámá gba yi-e ngago agba yi.

Ani aké lie ne kuto.
Kaka-a, ani adu pi 'ngbu ndili punda.†»

⁶ Omukpata-a anu, u atsia amene maka li Yesu apa pi uo lie-o.

⁷ U ago ne ndili punda ne 'hi e. U aha okoti gba o-o, u abu pi 'ngbu uo. Abhomu-o, Yesu atsia adu pi 'ngbu ndili punda-o.

⁸ Bhti okpála na bhibiti apa okoti gba o kuto li kpadji. Okoko adu atsolo 'kpá ngulu, u atsia adu napapa li kpadji.

⁹ Bhti okpála inde adu adholo kala ani di ne ob-

† 21:5 21:5 Tsia bhú Djk. 9:9.

hende adu nakpata ani-e
adu asusula me:

«Odjana* pi ndili gba Da-
vidi!

A ayo me bisagu du pi
kpála inde ngago ne 'li
Ngámá-o!

Odjana pi Ebhe inde
abhlá-o!†»

¹⁰ Li Yesu ali lie bhú
Yelusalema-a, gúdhú-o
adimba madimba. Okpála
adu ayi me: «A ko da?»

¹¹ Bhti okpála atsia adu
agie me: «A ko polofeta Yesu,
kpála na Nadjaleta bhú ndu
doto na Galilaya.»

*Yesu apandja okpála
natsindji 'he bhú
'ngbé 'ti Ebhe gba omaYuda*

(Tsia bhú Mlk. 11:15-19;
ne bhú Luk. 19:45-48; di ne
bhú Dja. 2:13-22.)

¹² Pipita-a, Yesu ali bhú
'ngbé 'ti Ebhe gba omaYuda-
o. Ani apandja ndu okpála
hana inde adu natsindji onu
di ne odhu inde u adu aha
o pi Ebhe, a la di-e ob-
hende adu akakala kilidjo.
Ani abala omisa gba okpála
nayipa falanga, di ne odabili
gba okpála natsindji opidjo-
o kuto.

¹³ Abhomu-o, ani atsia apa
pi uo me: «U aye bhú Bhuku
gba Ebhe-e me, Ebhe apa me,
<u a'í eti gba ma-a me a ko eti
na mayo.> La ngayi-e, yi adji,
a tsia akolo bili gba obhulu
'zi!†»

¹⁴ Abhomu-o, okpála inde
i u 'kpí de ne obhende na
eze-e adyudyo lio de ani bhú
'ngbé 'ti Ebhe gba omaYuda,
ani atsia akobho uo.

¹⁵ Li ongbengbe odimande
gba Ebhe , di ne omusuno na
lili gba Moidje au ongamba
'ngú inde ani amene e lie,
la di ne ongisi inde adu
asusula bhú 'ngbé 'ti Ebhe
gba omaYuda me: «Odjana
pi ndili gba Davidi-e», u asia
siti bua.

¹⁶ Abhomu-o, u atsia ayi
Yesu me: «Mu ngadje engú
inde li ongisi bhomu-o ngapa
e uu?» Yesu atsia agie pi
uo me: «Heni, ma ngadjedje
hana. Yi tanga nga engú
inde li Davidi apa nani e
bhú Bhuku gba Ebhe-e be-
legu de bini? Davidi apa
nani me, Ebhe amene me
belegu ongisi na djedjedje
ne obhende ngandji 'ka toko
ni.†»

¹⁷ Pipita-a, ani a'o ká
ongbengbe odimande di ne
omusuno na lili gba Moidje-
e bhú gúdhú oo. Ani atapa
bhú kuti na Betania, ani at-
sia asi oo ko.

*Yesu atu pedjo li 'lá figi
inde i li lili de*
(Tsia bhú Mlk. 11:12-14,
20-24.)

¹⁸ Kekpí li ekpí aseke lie,
li Yesu aholo nagie matá lie
lie abhú gúdhú-o, ani aholo
nadje gúmu.

¹⁹ Abhomu-o, ani au 'lá
figi dengo 'hi-kpadji. Ani

* **21:9 21:9 Odjana:** A akunda napa bhú eli gba oebele me «Sangu.» Tsia bhú Ets. 118:25-26. † **21:9 21:9** Tsia bhú Ets. 118:25-26. † **21:13 21:13** Tsia bhú Isa. 56:7; di ne bhú Djlm. 7:11. † **21:16 21:16** Tsia bhú Ets. 8:3.

adyudyo lie dede masikpe, engú bini, ani bhaka 'he bhábhá belegü de bini, bha bini ndü mbülü kpákpa padhá. Ani atsia apa pi ndula na figi-e me: «Mu lí matá lílí belegü de bini!» Kolo me-e, 'lá figi a'ülü hana má kekele!

²⁰ Li omukpata au lie mo-o, u angamba naali, u atsia ayi Yesu me: «Lele pi li 'lá figi-e a'ülü bha lie ma 'li mu-o?»

²¹ Do Yesu pi uo me: «Ma apa pi yi na paká me, i du me yi nde ne nabhuka , yi du ne bua na bhisi bhisi de-e, yi méne bha bini engú inde ma amene e li kute 'lá figi-e de. Engú bini, yi ti da napa belegü pi eta inde-e me: «Yie oo, amba mu nu ti bhá ngade 'ngu», i tsia méne lie moko.

²² I du me yi nde ne nabhuka-a, ndü 'he hana inde yi ayó e bhá mayo-o, yi asia masia.»

A ngaha angu pi Yesu da?

(Tsia bhá Mlk. 11:27-33; di ne bhá Luk. 20:1-8.)

²³ Yesu akolo lie bhá gudhu-o, ani ali matá bhá 'ngbé 'ti Ebhe gba oma Yuda-o. Ani atsia aholo nasuno pi okpála. Abhomu-o, ongbengbe odimande gba Ebhe, ne obhelesi okpála adyudyo lio de ani. U atsia ayi ani me: «A aha kpadji pi mu ngú namene ongú inde-e da? A aha la di angu ango-o pi mu ngánga da?»

²⁴ Yesu agie pi uo me: «Ngama di-e, ma ayí yi li koli engú bini. I du me yi

nde agie 'ngú muma téte-e, ma tsia pá di pi yi me ma ngamene ehe inde-e ne mangua angu dho-ie.

²⁵ Ma ngayi yi me: «A aha nani kpadji pi Djaa ngú nabatisa okpála da? Ne me aha nani kpadji pi ani ne okpála, ne me aha kpadji pi ani ne Ebhe?» U atsia aholo natoto bua o súnda o me: «I du me ní nde apa me: «A aha kpadji pi ani ne Ebhe-e», ani yi ní me: «Ka ni la yi bhuka nani ani lie de-e?»

²⁶ I du la di me ní nde apa me: «A aha kpadji pi ani ne okpála-a», ní de tsia 'kpí liní ka okpála-a ndjindji, anga ndü okpála hana du nani nau Djaa me a ko polofeta.»

²⁷ Abhomu-o, u atsia agie pi Yesu me: «Ya mbila de me aha nani kpadji pi ani da-ie de.» Ngaani di-e, ani atsia apa pi uo me: «Ngama-a, ma pá di pi yi de me aha angu muma ngú namene ongú inde-e da-ie de.»

Gbitaku pindji ongisi bhisi

²⁸ Yesu atsia ayi matá me: «Yi apa nga naayi li 'ngú inde-e pi? Kpála bini adu nani ne ongisi gba e bhisi. Ani anu abhaka bhe na kalanu-o, ani atsia apa pi ani me: «Ndíka ma, naki-e, nu mene kulu abhiye na vino.»

²⁹ Ndili agie me: «Ma nu de.» Pipita-a, ani adjí bua e, ani atsia anu abhiye-o.

³⁰ 'Dyi uo anu apa di pi bhe na bhisi-e me ani nu abhiye na vino-o. Bhabhomu-o agie

pí ani me: «Ma adji, 'dyi ma.» La-a, ani tsia nü de.

³¹ Bhá ká ongisi bhisi bhomu-o, a amene engú inde li 'dyi uo adu akunda e da?» U agie me: «Bhende na kalanu-o.» Yesu atsia apa pí uo me: «Ma apa pí yi na paká me, ondembí na mandjandja, di ne obambakuya ali pí yi kalanu bhá Naü gba Ebhe-o.

³² Padhá de, anga Djaa ago agba yi ne nasuno pí yi kpadji na ngibili 'ngú, yi tsia bhuka ani de. Engú bini, ondembí na mandjandja di ne obambakuya atsia abhuka ani. Abana yi au ndu 'ngú bhomu-o hana lie ne djila yi-e, ngayi-e, yi bhuka ani de.»

Gbitaku pindji osisiti okpála na kulu

(Tsia bhá Mlk. 12:1-12; di ne bhá Luk. 20:9-19.)

³³ Yesu atsia apa matá me: «Yi dje nga matá gbitaku koko inde. Bhá bili bini alu nani ngu vino, ani asa ngongo-o hana ne aga. Ani adji edú ngú napi olífe bhábhá, ani atsia ayiki 'ndjá 'ti abhúlá bhábhá ngubula nalila edyi-o. Pipita-a, u adje lio ne okpála ngú namene kulu bhá 'dyi-o, amba o du agbó bhábu o ne uo li nguwa-o. Abhomu-o, ani atsia atapa dhukú.

³⁴ A akolo lie li nedhinga nako lífí-e, ani atima okpála na kulu gba e agba okpála inde ngamene kulu bhá 'dyi

vino me u ha nguwa bhe gba ni-e pí ni haha.

³⁵ Engú bini, okpála namene kulu bhá 'dyi vino azamú bha okpála ango-o hana. Bhe bini-e, u abhi ani má kpu! Bhe koko-o, u abhélé ani, bhe na bata-a, u atátlú ani ne teme.

³⁶ Abhomu-o, bhá bili 'dyi-e atima matá okpála na kulu koko bhelé nane obhende na kalanu-o mane. U amene bhadi uo moko.

³⁷ Ali soso-o, ani atima ndili gba e agba okpála ango-o ne nabhundja me: «U amánga ndili gba ma-a manga.»

³⁸ Engú bini, li okpála namene kulu bhá 'dyi vino au ndili-e lie, u apa sunda o me: «Kukulu kpála inde atigala la ndju ne edyi-e ngae inde. Yi gógo, ní bhéle ani, amba ní tigala ibili ne edyi-e nganí!»

³⁹ Abhomu-o, u ati pí ani má kii! U aha ani, u agbe ani bhá 'dyi na vino-o, u atsia abhélé ani.

⁴⁰ Mbía inde-e, nedhinga li bhá bili 'dyi vino agó lie, ani améne ngú okpála na kulu bhomu-o pi?»

⁴¹ U agie pí ani me: «Ani abhili omabhébhélé kpála bhomu-o hana, ani djé ndjinga uo de. Pipita-a, ani há 'dyi vino pí okpála koko ngú namene kulu bhábhá, obhende ahá nguwa pí ani bhá nedhinga u adje lio ne uo li e-o.»

⁴² Yesu atsia apa pí uo me yi ngagama 'ngú mugito

me yi tanga nga engú inde
li Bhuku gba Ebhe-e apa
e belegú de bini. Bhuku
gba Ebhe-e apa li 'ngú gba
Masíya me:

«Teme inde li okpála nayiki
eti-e au me a ne tata
ade-e,
a akolo teme inde abi
eti-e libhomu-o ngae.

Ebhe Ngámá amene mo-o
ngae.

Bhú djila ní-e, a ko 'ngú
na ngangamba!†»

⁴³⁻⁴⁴ Kpála bhende atí pí
teme ango-o, ani gúgumú.
Kpála bhende la di li teme
ango-o atí pí e, teme ango-o
bá mbu ani má mbu! Ka yi
au teme li Bhuku gba Ebhe-e
apa 'ngú e lie padhá-a, ma
apa pi yi me, ngayi-e, Ebhe
ani 'bhé bhoti na Naú gba
e pi yi mani, ani tsia bhúlu
pi okpála bhende ngamene
engú inde ani akúnda e-o.

⁴⁵ Li ongbengbe odimande
di ne omúFalisai adje
gbitaku ango-o lie, u atsia
ake mbolimboli me ani
de ngagama 'ngú bhomu-o
pindji o.

⁴⁶ U aholo agili kpadji ngú
naholo ani, engú bini, u adú
ne tsélú ka okpála, anga
okpála adú au me a ko
polofeta.

22

*Gbitaku pindji 'ngbé
anokomia na kúva
(Tsia bhú Luk. 14:15-24.)*

† 21:42 21:42 Tsia bhú Ets. 118:22-23.

¹ Abhomu-o, Yesu apa
matá gbitaku pi okpála ani
adú akpo 'ngú pi o-o me:

² «Yi tsia nga engú inde
li Naú na abhúlá akpo 'ndji
e ne e-o: A maka tsingú
gba 'ngbé ngámá bini inde
amene anokomia na kúva
pi ndili gba e na bhobhoko.
Ani atsia a'i okpála bhú
anokomia ango-o.

³ Ekpí na anokomia ale lie,
ani atima okpála na kulu gba
e na'i okpála inde ani a'i o
me u go bhú anokomia ango-o.
Engú bini, u zíba nago li
e'i ango-o de.

⁴ Ani atima matá okpála
na kulu koko. Ani aha líli
pi uo me u ná pa pi okpála
ani a'i o-o me: <Mbía inde-e,
ma alú ezú gba ma-a alú.
Ma abhili obagala gba ma ne
onú na tsíkpa abhili, ndündu
hana ibili bedhe. Yi go bhú
anokomia ango-o gogo!>

⁵ Engú bini, ngauo-o, u
adje bha ne 'dje o. U atsia
agbida bhú ongú gba o. Bhe
bini aholo ne enú abhú 'dyí
gba e, koko bhú natsindji
mase gba e.

⁶ Okoko aholo okpála na
kulu inde u atima o-o, u
amene uo kpekpeke, u atsia
abhili uo.

⁷ Li 'ngbé ngámá-a adje lie,
ani abi 'gú naali. Abhomu-o,
ani atsia atima osúdha gba
e me u bhili omabhébhéle
kpála bhomu, amba u to di
djua li gúdhú gba uo-o.

⁸ Pipita-a, ani atsia apa pi
okpála na kulu gba e me:

«Anokomia na kúva-a bedhe. Engú bini, okpála ma a'i o-o ti matá da nago bhúbhú de.

⁹ Kaka-a, yi nü li odi kpadijí, yi 'i ndü okpála inde yi abháka o hana, amba u go zu 'he-o.»

¹⁰ Okpála na kulu bhomu-o aze li okpadji. U atsia apo bhúla okpála bhende u adü abhaka o-o hana, obabadha okpála di ne osisiti okpála. U anü ne uo bhú 'ti na anokomia-o. Abhomu-o, tina 'ti na anokomia atsia abedhe ne uo bedhe.

¹¹ Abhomu-o, 'ngbé ngámá-a ali bhú 'ti na anokomia ngubula natsia okpála inde ani a'i o-o. Ani au kpála bini inde i dyi bongo na anokomia de.

¹² Ani ayi kpála ango-o me: «Wai, mo oli ei lele pi me mu nde dyi bongo na anokomia di-e?» Kpála ango-o andjili bha má bulu!

¹³ Abhomu-o, 'ngbé ngámá-a apa pi okpála na kulu-o me: «Yi gbigbite 'kpa ani ne 'dhü ani, amba yi bhike ani bhú biti akilidjo. Oo-o, ani adü aku 'gbá ne nazü tate e.»»

¹⁴ Yesu atsia abu tata-a me: «A moko, Ebhe a'i okpála bhelé, engú la bini, obhende ani alo o-o, uo bhelé ade.»

Omufalisai ato Yesu pindji nakala mandjandja gba 'ngbé ngámá Kaisala

(Tsia bhú Mlk. 12:13-17; di ne bhú Luk. 20:20-26.)

¹⁵ Abhomu-o, omufalisai anü nadi bula ngubula nagili kpadijí ngú nateke Yesu li 'li e.

¹⁶ U atsia atima té omukpata gba o bhú dabili bini ne okpála gba Elode ngubula napa pi Yesu me: «Müsuno, ya mbila ndjindji me mu ngapa ngbili 'ngú . Mu ngasuno bhadi kpadijí gba Ebhe-e ngbingbili. Tsulu kpála belegü li mu ade bini, anga mu tsia di engbé gba kpála de.

¹⁷ Mu ngabhundja naamü pi? A ayo me ya kala mandjandja gba 'ngbé ngámá Kaisala ne me ya kala de. Pa nga pi ya.»

¹⁸ Engú bini, li Yesu ambila siti kali gba uo-o lie, ani atsia apa pi uo me: «Obhulü kali inde-e, ka ni yi ngato ma lie?»

¹⁹ Yi suno nga falanga inde u akakala mandjandja ne e muuma.» U atsia ago pi ani ne lí falanga bini.

²⁰ Yesu atsia ayi uo me: «Kulu kpála, ne balua inde pi lí falanga inde-e, a ko naa da?»

²¹ U atsia agie pi ani me: «A ko naa Kaisala.» Abhomu-o, ani atsia apa pi uo me: «Yi ha oehe bhende li Kaisala ngayo e pi Kaisala, amba oehe bhende li Ebhe ngayo e, yi ha pi Ebhe.»

²² U adje lie mo-o, u angamba naali. U a'o ká ani, u atsia agbida.

Osadukai ayi 'ngú pindji nazuku ka okpála

(Tsia bhú Mlk. 12:18-27; di ne bhú Luk. 20:27-40.)

²³ Bha li 'kpí bhomu-o, osadukai ago abhaka Yesu. (Ngauo-o, u ngapa naao me

okpála inde amu-o zúku de.)
U atsia ayi Yesu me:

²⁴ «Músuno, Moidje apa nani me: «I du me bhoko bini kpi me ani nde zu ongisi de-e, ndai ani na bhobhoko-o bhe ake pita ani-e de ha eke ani ngubula nazu ongisi pi ndai e inde akpi-o.»

²⁵ Gbo nga la 'dje mu. Obhosí mananika adu nani agba ya. A adu nani ondaise. Bhebhele-e aha ele, ani atsia akpi me ani nde zu de. Bhende ake pita ani-e atsia aha eke ani-o.

²⁶ Bhende na bhisi bhomu-o akpi bhadi moko, ani nde zu de. A ake li bhende na bata, nakolo makolo li bhende na mananika-o. Ndu uo hana amu me u nde zu de.

²⁷ Pita namu ka ndu uo hana-a, ele-o atsia akpi di.

²⁸ Li 'kpí li okpála inde amu-o azúku lie, bhú ká obhosí mananika bhomu-o, ele bhomu-o adú naa da? Padhá de, anga ndu uo hana aha nani ani.»

²⁹ Yesu atsia agie pi uo me: «Yi angita, anga yi ke mboli engú li Bhuku gba Ebhe-e ngapa e de. Yi mbila di angu gba Ebhe-e de.»

³⁰ Padhá de, anga li okpála inde amu-o azúku lie, olisi ne obhosí há lio de. Engú bini, u adú ibili maka oandjelu abhúlá.

³¹ Pindji 'ngú bhende atsia nazuku ka okpála inde amu-o, yi tanga nga eli gba Ebhe-e di? Ebhe apa nani pi yi me:

³² «Ngama-a, ma ne Ebhe inde li onguo ogbi yi Abal-ahama, Isaka, ne Yakobho ngamene kulu lio pi e ko.» Ebhe-e, a ko Ebhe gba okpála bhende amu-o ade. Engú bini, a ko Ebhe gba okpála inde uu ko.»[†]

³³ Ndu okpála hana inde adje engú bhomu-o angamba naali li nasuno gba ani-o.

Nasuno pindji líli inde ane ne engbé

(Tsia bhú Mlk. 12:28-34; di ne bhú Luk. 10:25-28.)

³⁴ Abhomu-o, Yesu atsia agbite 'bhe oSadukai ne engú ani agie e pi uo-o. Li omuFalisai adje lie mo-o, u anu apo bhúla o de ani.

³⁵ Suka uo adu müsuno na líli gba Moidje. Ani adu akunda nato Yesu. Kaka-a, ani atsia ayi ani me:

³⁶ «Músuno, bhú ká olíli-e, bhende ane ne engbé-e ngae dho?»

³⁷ Yesu atsia agie pi ani me: «A ayo me kunda Ebhe, Ngámá gba mu-o ne bua mu hana, ne mukobho gba mu-o hana, di ne mabhundja gba mu-o hana.»[†]

³⁸ A bhomu-o líli inde ane ne engbé, inde di líli na kalanu-o.

³⁹ Bhende pipita, inde bhadi ngbéngbé maka bhe na kalanu-o ngae inde: «A ayo me kunda kilí mu maka mo okunda limu lie ngamu makpe-o.»[†]

[†] 22:32 22:32 Tsia bhú Eki. 3:6. [†] 22:37 22:37 Tsia bhú Det. 6:5. [†] 22:39

⁴⁰ Engú li u aye e bhú lílì gba Moidje ne bhende li opolofeta aye e hana alá pi olílì bhisi bhomu.»

Masiya ne Ngámá gba Davidi

(*Tsia bhú Mlk. 12:35-37; di ne bhú Luk. 20:41-44.*)

⁴¹ OmúFalisai adú nga bha nagama 'ngú ne Yesu. Aní atsia ayi uo me:

⁴² «Yi ngabhundja pindjí Masiya pi? A ko ndili ka da?» U atsia agie pi aní me: «A ko ndili ka Davidi.»

⁴³ Yesu atsia ayi uo me: «I du mo-o, lele pi li Davidi, bhú angu gba Bu Bhopua-a nga'i Masiya lie me Ngámá gba ni-e? Padhá de, anga Davidi apa nani me:

⁴⁴ *«Ebhe Ngámá apa pi Ngámá gba ma-a me: go du li pá 'kpa ma na kokpa, amba ma mene me mu ha angu obhúlú yala gba mu-o.»*

⁴⁵ I du la me Davidi nde nga'i Masiya me *«Ngámá gba ni-e»*, lele pi li Masiya ti da nadu lie ndili ka aní-e?»

⁴⁶ Abhomu-o, kpála bini tsia du ne eli nagigie pi aní li 'ngú aní ayi e de. Nayie li 'kpí bhomu-o, kpála bini tsia le matá nayi aní li 'ngú belegu de bini.

23

Yesu apa me yi améne 'ngú maka omúsuno na lílì

† 22:44 22:44 Tsia bhú Ets. 110:1.

gba Moidje di ne omúFalisai-e de

(*Tsia bhú Mlk. 12:38-39; di ne bhú Luk. 11:43, 46, 20:45-46.*)

¹ Abhomu-o, Yesu apa pi bhti okpála di ne omúkpata gba e me:

² «Kulu gba omúsuno na lílì gba Moidje di ne omúFalisai-e, a ko nambamba ta olílì gba Moidje pi okpála.

³ Kaka-a, yi mene ndu 'ngú hana inde u apá e pi yi-o, amba yi tsia lila di ndjindji. Engú la bini, yi akpáta kulu gba uo-o de, anga engú u ngapa e, u mene maka u ngapapa lie de.

⁴ U ngagbite titili 'he na titili, u nga'o'o de-ngulú okpála. La-a, ngauo makpe, u ngayala na'o nga bha téte ndjili 'kpa o ngú nateteke okpála li tili 'he inde u a'o e de-ngulú uo-o.

⁵ Ndú 'ngú gba uo hana, u ngamemene me okpála u o mau. Kaka-a, u ngaye 'li Ebhe ne baba djila balúa, u ngagbigbite pidi o ne li 'kpa o. U la di ngadu 'so kandju gba o ndjandjandja ane mane.

⁶ U ngakunda nadulú bhú dá oanokomia li bili gba ongbengbe okpála, u kunda di nadulú bhú otí nadje lílì gba Moidje li bili inde li okpála adú au o lie mau.

⁷ U kükunda me u du nayi o bhú odaposo, di ne me okpála du a'i o me *«Músuno.»*

⁸ Pi yi-e, yi améne de me okpála du a'i yi me <Musuno-o> de. Padhá de, anga yi bha ne koli Musuno bini, yi la bhadi ndu yi hana ne ondaise.

⁹ Yi a'í kpála bini pña doto de me <'Dyi yi-e> de, anga koli 'dyi yi bha bini ngae inde abhúlá ko.

¹⁰ Yi améne di de me okpála du a'i yi me <Ngámá-a> de, anga koli Ngámá gba yi-e bha bini ne Kilisito .

¹¹ A ayo me kpála inde ane ne engbé bhá ká yi-e du kpála na kulu gba yi ko.

¹² Kpála bhende a'ó lie ngae makpe ne abhúlá-a, u aké ani ne akuto. Kpála bhende a'ó la lie ngae makpe ne akuto-o, u a'e'e ani ne abhúlá.»

Yesu ambamba ta kali gba omusuno na líli gba Moidje di ne omuFalisai-o

(Tsia bhá Mlk. 12:40; di ne bhá Luk. 11:39-52, 20:45-47.)

¹³ Yesu apa matá me: «A ko likabhu pi yi, omusuno na líli, di ne omuFalisai. Yi ne obhúlu kali! Padhá de, anga yi ngani 'bhe bhoti na Naú gba Ebhe-e pi okpála. La ngayi-e, yi li oo de, yi ka la di kpadjí pi obhende akúnda nali-e de. [

^{14 *}]

¹⁵ A ko likabhu pi yi, omusuno na líli di ne

omuFalisai. Yi ne obhúlu kali! Padhá de, anga yi ngadholo ne ndu bili hana pña doto ne pi 'ngbé 'ngu ngubula me gandji kpála bini bhuka líli gba Moidje-o. I du la me ani nde abhuka-a, yi ngamene me ani kolo kpála na djua na duduama nane yi bhútsibhútsi bhisi.

¹⁶ A ko likabhu pi yi, djila yi adudu. Yi la ngale me yi suno kpadjí pi okpála! Yi ngapa me: «I du me kpála nde atu silika ne 'li 'ngbé 'ti Ebhe gba omaYuda-a, engú téte ade. Engú la bini, i du me kpála nde atu silika ne 'li olo na 'ngbé 'ti Ebhe gba omaYuda-a, a ayo me kpála ango-o mene engú inde ani atu silika ngú e-o.»

¹⁷ Ngayi-e, yi ne ongingi, djila yi adudu! A ane ne engbé ne bhedho? Ne me a ko olo, ne me a ko 'ngbé 'ti Ebhe inde ngamene me olo-o kolo bubu kala Ebhe-e?

¹⁸ Yi ngapa matá me: «I du me kpála nde atu silika ne 'li bili natsulu enu pi Ebhe-e, engú téte ade. Engú la bini, i du me kpála nde atu silika ne 'li enu inde u ngatsulu e pépé-e, a ayo me kpála ango-o mene engú inde ani atu silika ngú e-o.»

¹⁹ Ngayi-e, djila yi adudu! A ane ne engbé ne bhedho? Ne me a ko enu inde u ngat-

* **23:14 23:14** Lukuluku inde-e, a bhá obhuku koko na didili u aye e bhá eli na giliki ade. [A ko likabhu pi yi, omusuno na líli di ne omuFalisai. Yi ne obhúlu kali! Padhá de, anga yi ngabha ndu 'he inde ka oékési-e hana. Yi la di ngayo Ebhe ngengele bhá djila okpála, amba u u me yi ne obabadha okpála. Kaka-a, u akódho 'ngú gba yi-e kpekpeke naali!] Tsia bhá Mlk. 12:40.

sulu e pi Ebhe, ne me a ko bili inde ngamene me enu ango-o kolo bubu kala Ebhe-e? Ndundu hana viti bini.

²⁰ Kaka-a, kpála bhende ngatu silika ne 'li bili natsulu enu-o, ani bhomu-o ngatu ne 'li bili natsulu enu, la di ne 'li ndu 'he hana inde pépé-o.

²¹ La di-e, kpála bhende ngatu silika ne 'li 'ngbe 'ti Ebhe, ani bhomu-o ngatu ne 'li 'ngbe 'ti Ebhe, di ne 'li Ebhe inde ngadu bhúbhú ko.

²² Kpála bhende ngatu la di silika ne 'li kokpi-e, ani bhomu-o ngatu ne 'li kitu na ngámá gba Ebhe, la di ne 'li Ebhe inde ngadu pépé-o.

²³ A ko likabhu pi yi omusuno na lili di ne omuFalisai. Yi ne obhulu kali! Padhá de, anga yi ngaha belegu bini bhú ká ndjikpa na oulu na babadha sese. La-a, ongbengbe 'ngú inde li lili-e ngasuno e pindji nakodho 'ngú li lelele bhú dabili bini ne bua na ndjinga, a la di-e namene engú inde li Ebhe akunda e, yi ngauu padhá. A la bhomu-o engú inde a ayo me yi de amene e, me yi nde 'ili di 'to yi li okoko de ko.

²⁴ Ngayi-e, djila yi adudu, Yi la ngale me o suno kpadji pi okpála! Yi ngapandja ondjindji bhú 'he nandji mandji gba yi-o. La-a, yi ngabhi enu maka eya libhomu bhú 'bu yi má ngbi!

²⁵ A ko likabhu pi yi omusuno na lili di ne omuFalisai. Yi ne obhulu

kali! Padhá de, anga yi ngavulu kute okópo ne osaani gba yi-e má ngbi, la-a, ohe inde yi nga'o e bhúbhú-o, a ko ohe inde yi asia e li kpadji na ezi bhú dabili bini ne kundu 'he inde bhú yi-o.

²⁶ Ngayi omuFalisai-e, yi u 'kpí de! Yi vulu ngaiza bhú kópo-o ngubula me kükute kolo di babadha.

²⁷ A ko likabhu pi yi omusuno na lili di ne omuFalisai. Yi ne obhulu kali! Padhá de, anga yi maka olata inde u apulu embú pi e, inde i ngau lie akilidjo babadha. Engú bini, abhúbhú abedhe ne tsagala biki okpála bhende amu di ne ondu 'he na sisiti hana.

²⁸ A bhadi pi yi moko. Bhú djila okpála-a, yi ngau liyi me yi ne okpála na ngingibili. La abhú yi-e, yi abedhe ne kali di ne ongú na sisiti bedhe.

²⁹ A ko likabhu pi yi omusuno na lili di ne omuFalisai. Yi ne obhulu kali! Padhá de, anga yi ngaleke olata opolofeta ndjindji, yi di ngaye obabadha tele li olata okpála na ngingibili-o.

³⁰ Yi la ngapa me: <Ya dú nani bhú 'kpí odyi ya u-o, ya de kpëtse 'kpa ya ne uo ngú nabhili opolofeta de.>

³¹ Kaka-a, yi ngakpokpo bhomu-o engú gba yi makpe, me yi ne ongisi gba okpála inde abhili opolofeta-o!

³² Atoú! Yi bedhe 'bhe engú li odyi yi akpo nani lita e bebedhe!

³³ Yi ne okpálu, yi ne pigā ombūma! Yi anéke mangimbo nanu bhú djua na duduuma lele pi?

³⁴ Kaka-a, yi djedje nga: ma ngatima opolofeta ne obhulu imbilangu, la di ne okukulu omusuno na lili pi yi. Yi abhili okoko bhú ká uo, yi gí okoko li kulusi. Yi abhí okoko ne fimbo bhú oeti nadje lili gba yi-o, yi tsia ná ne nato mbolo li okoko bhú gudhu bini ne bini.

³⁵ Yi améne mo-o ngubula me ngute ndu okpála na ngingbili hana inde yi abhili nani o píla doto libhomu-o tuko pí 'ndji yi. Padhá de, anga yi abhili nani okpála na ngingbili bhelé, nayie li Abele, nakolo li Djakalia, ndili gba Balasi-o. Yi abhelo nani Djakalia bhú mbadhasu na 'ngbé 'ti Ebhe, sonda bili natsulu enu pi Ebhe ne titina na bubu-o.

³⁶ A moko, ma apa pi yi me ndu 'ngú bhomu-o hana atuko pí 'ndji okpála na naki inde.»

Yesu aku 'gbá ngú okpála na Yelusalema
(Tsia bhú Luk. 13:34-35.)

³⁷ Yesu apa matá me: «Ngayi okpála na Yelusalema, ngayi okpála na Yelusalema, ngayi-e, yi ngabhili opolofeta, yi la di ngabhili okpála inde li Ebhe atima o pi yi-e ne teme! A ko bhutsibhutsi madho, ma akunda napo bhúla ongisi gba yi-e lie maka li 'hi 'ngú

apopo bhúla ongisi gba e lie sa mbudha e? La-a, yi tsia kunda de!

³⁸ Kaka-a, kuti gba yi-e atigala padhá.

³⁹ Padhá de, anga ma apa pi yi me nayie pi mbia inde, yi ú matá ma belegu de bini akólo li 'kpí inde yi apá lie me: «A ayo me Ebhe tuko bisagu pí kpála inde ngago ne 'li ani-o!†»

24

Yesu apa me u agúgumú 'ngbé 'ti Ebhe gba omaYuda-a kuto

(Tsia bhú Mlk. 13:1-2; di ne bhú Luk. 21:5-6.)

¹ Abhomu-o, Yesu akoto bhú 'ngbé 'ti Ebhe gba omaYuda-o. Li ani aholo ne 'ná lie, omukpata gba ani atsia adyudyo lio de ani ngú napana pi ani maka li 'ngbé 'ti Ebhe gba omaYuda-a ayiki lie lie-o.

² Yesu atsia apa pi uo me: «Yi ngau ndu 'he bhomu-o hana? Ma apa pi yi na paká me, ekpi bini akólo makolo, u agúgumú 'ngbé 'ti Ebhe-e hana kuto. Teme bini tígala pi kili e de.»

Engú inde akólo kala sokpí-o

(Tsia bhú Mlk. 13:3-13; di ne bhú Luk. 21:7-19.)

³ Abhomu-o, Yesu anu adu kuto pi 'ta na ondula na Olive. Omukpata gba ani-e adyudyo lio de ani, u atsia ayi ani me u nde ne uo kpi o kpi me: «Musuno, pa nga

† 23:39 23:39 Tsia bhú Ets. 118:26.

pí ya, engú mʉ de ngapa e bhomʉ-o améne lie nadho? Ehe inde asúno nago ka mʉ-o ne ni? Ehe inde asúno la di me sokpí-e akolo ne ni?»

⁴ Yesu agie pí uo me: «'E-e! Yi lila liyi me kpála bini apité yi de.

⁵ Padhá de, anga okpála bhelé agó ne 'li ma. U adú abhi 'kpa o pí mbulu o me o ne Masiya, u tsia píte okpála bhelé naali.

⁶ Yi adjé tolo egú ne ngali 'ngú na egú. 'E-e! Yi adjé tsʉlʉ de, anga a ayo me ndʉ 'ngú bhomʉ-o hana mene lie. Engú bini, a nga bhomʉ-o sokpí-e de.

⁷ Padhá de, anga okpála na kʉti bini ahá 'gú pi okpála na kʉti koko, li ngámá na kʉti bini há 'gú pi ngámá na kʉti koko. Adyindi adú li obili ngangá, li adjigidjo dyíki doto li obili ngangá.

⁸ Ndʉ 'ngú bhomʉ-o adú maka likabhu inde adúdʉ kala nazu ka øe.

⁹ Abhomʉ-o, ndʉ okpála hana ayála yi ka 'li ma, u apú yi me u mene yi sisiti. U tsia bhíli yi.

¹⁰ Li okpála bhelé bhú ká yi 'ó ká nabhuka gba o. U apú ngbángá o sʉnda o, u tsia yála di lio sʉnda o.

¹¹ Opolofeta na eu azé bhibhit naali, u tsia píte di okpála bhelé.

¹² Siti 'ngú abé ndʉ e naali, li mʉkʉnda gba okpála bhelé tsia bí zini.

¹³ La-a, kpála bhende alú kpekpéke bhú nabhuka nakolo makolo ali soso-o, kpála angó-o tsia kóbho.

¹⁴ U akpókpo Bádha NgaliNaʉ na abhúlá inde-e pɏla doto libhomu, amba ndʉ opiga hana mbila 'ngú téte ndjindji. Pipita-a, li sokpí-e tsia kólo.»

Okpála azú likabhu naali kala sokpí-o

(*Tsia bhú Mlk. 13:14-23; di ne bhú Luk. 21:20-24.*)

¹⁵ Yesu atsia apa matá pi omukpata gba e me: «Yi aú kpála u a'i e me <'Ngbé Siti bhʉlʉ nabhʉlʉ kʉtì>, inde li polofeta Danyele apa nani engú gba e adʉ bhú tina 'tì na bubu inde bhú 'ngbé 'tì Ebhe gba omaYuda-o. A ayo me kpála inde atánga engú nani li Danyele aye e bhomʉ-o ke mbolimboli ndjindji!†

¹⁶ Abhomʉ-o, obhende abháka o abhú Yudaya-a, a ayo me u kpe apí oeta.

¹⁷ Kpála bhende abháka e kilidjo-o, a ayo de me ani djidji matá lie ngú nanʉ nabha oehe inde abhú 'tì gba e de.

¹⁸ Kpála bhende abháka e abhiye-e, a ayo de me ani gie matá lie asidi ngú na ha koti gba e de.

¹⁹ A ko la mangua likabhu dho pi olisi inde adú ne ebhi di ne obhende adú a'o 'ka bhú 'bhø ongisi li 'kpí angó-o!

²⁰ Yi yo Ebhe me ekpí nakpe ka yi-e adú bhú

† 24:15 24:15 Tsia bhú Dan. 9:27, 11:31, 12:11.

nedhinga na zini di ne li 'kpí naguo gba omaYuda-a de.

²¹ Padhá de, anga a adú 'ngbé likabhu na ngbéngbé, inde li okpála u nga e de, nayie maka li Ebhe abho nani kokpí ne doto lie, nakolo pi mbia inde. Okpála ú la matá di galikpe ngua likabhu ango-o belegu de bini.

²² Ebhe amene me oekpí ango-o adú ngengele de. I du me Ebhe gbétele oekpí ango-o de-e, kpála bini de kóbho de. La-a, ani agbétele oekpí ango-o kabula okpála bhende ani alo o-o.

²³ Li nedhinga bhomu-o, li kpála bini pa pi yi me: <Yi tsitsia nga, Masiya si-i>, i du di-e me: <Ani abhe-e>, yi abhúka ani de.

²⁴ Padhá de, anga omasiya na eu di ne opolofeta na eu azé bheldé. U améne ongá na ngbengbengbe di ongá na ngangamba ngubula napite okpála. Li angu uo kólo makolo-o, u de pité belegu okpála inde li Ebhe alo o ko.

²⁵ Kaka-a, ma apa engá ango-o pi yi kalanu.

²⁶ A moko, i du me u nde apa pi yi me: <Yi tsitsia nga, Masiya abhá mili bili-e>, yi anú oo de. U pa di pi yi-e me: <Yi tsitsia, ani awo lie ki>, yi abhúka de.

²⁷ Padhá de, anga maka li ekpí andjendjengene lie nayie andjongu nakolo akati-e, nago ka ma Ndili gba kpála-a adú bhadi moko.

Ndu okpála hana au ne djila o.

²⁸ A viti bini maka bili li kuo 'he nde lie me okpála nde mbila de-e, okpála ambila ka odhu inde azuzu kuo apékébhé bhadi bhúla o lie dede-o.»

Yesu akpokpo lele nago ka e-o

(*Tsia bhú Mlk. 13:24-27; di ne bhú Luk. 21:25-28.*)

²⁹ Yesu atsia apa matá me: «Pita likabhu na oekpí bhomu-o, ma 'li ma me-e, biti abúku bhúla ela libhomu,

epé sú matá-a de,
oikupala abála kuto,

li oangu na abhúlá tsia dyíki má djigi djigi!†

³⁰ Abhomu-o, ehe bini inde asúno me ngama Ndili gba kpála ma ngago-o akóto abhúlá. Ndu okpála hana píla doto libhomu adú bhú 'gbá. U tsia ú ma, ngama Ndili gba kpála me ma nde ngago pi ndindi abhúlá, ma nde abedhe ne angu la di ne sangu bedhe.

³¹ U adjé gili toti na kpekpeke ngau. Ngama, Ndili gba kpála-a, ma tsia tíma oandjelu gba ma me u nu po bhúla okpála bhende li Ebhe alo o ne ndu 'dje doto badha hana, nayie li pápá bini, akólo makolo li pápá koko.»

Kpála bini mbila nedhinga nago ka Ndili gba kpála-a de

(*Tsia bhú Mlk. 13:28-31; di ne bhú Luk. 21:29-33.*)

† 24:29 24:29 Tsia bhú Isa. 13:10, 34:4; ne bhú Edj. 32:7; di ne bhú Djl. 2:10.

32 Yesu akpokpo matá gbitaku koko me: «Nago ka ma, Ndili gba kpála-a, adú maka engú inde asuno lie pi yi li ndula na figi-o . Yi ke mbolimboli ndjindji. Padhá de, anga nedhingga li 'ndji 'ndji aholo asú lie, li okpákpá holo nake-o, yi mbila me gbokokpi akolo masikpe.

33 Kaka-a, nedhingga yi aú ndu ongú inde ma akpokpo e pi yi bhomu-o lie hana-a, yi mbila ndjindji me nago ka ma, Ndili gba kpála akolo masikpe, me ma bha ibili li obhe bhoti gba yi-o.

34 Ma apa pi yi na paká me, ndu 'ngú inde ma akpokpo e pi yi pindji nago ka ma, Ndili gba kpála-a akódho 'kpí me okpála na naki inde-e nde mu nga ndu o hana de.

35 Kokpí ne doto akódho 'kpí makodho, engú bini, 'li ma kódho 'kpí belegu de bini.

36 La-a, kpála bini mbila ekpí di ne nedhingga nago ka ma Ndili gba kpála-a de, abana bha oandjelu inde abhélá, u mbila de, abana bha ma Ndili-o, ma mbila de. Kpála bini mbila de, ambila bha bini ne 'Dyi ma kpi e kpi.

37 Maka engú inde akodho nani 'kpí bhú nedhingga gba Nua-a, nago ka ma Ndili gba kpála adú bhadi moko.

38 Padhá de, anga bhú nedhingga bhomu-o, kala me engu-o si na eu eu-o, okpála adú mugito me engú ade. U adu nazu 'he, u atsia adu di

nandji pandi. Obhosí ne olisi adu naha lio, u atsia adu di amba ongisi gba o na olisilisi bhú kúva, akolo li 'kpí inde li Nua ali lie bhú 'ngbé zabu-o.

39 'To uo du 'to 'ngú bini de, akolo li nedhingga inde li engu asi lie, a atsia abha ndu uo hana má kpékébhé! Nago ka ma, Ndili gba kpála-a adú bhadi moko.

40 Abhomu-o, i bhaka okpála bhisi abhiye-e, oandjelu gba Ebhe-e ahá bini, u tsia 'ó ká bhe koko-o.

41 I bhaka olisi bhisi ngatu mapunga-a, oandjelu gba Ebhe-e ahá bini, u tsia 'ó ká bhe koko-o.

42 Yi lila liyi ndjindji, anga yi mbila ekpí inde li Ngámá gba yi-e agó lie de.

43 A ayo me yi mbila ndjindji me, i dú me bhulu 'ti-e mbila nedhingga inde li bhulu 'zi agó lie sukpe uu-o, ani de dú bha bini li zuku. Ani de 'ó de me bhulu 'zi gamu eti gba ni-e de.

44 Kaka-a, ngayi di-e, yi du bedhe, anga nedhingga yi nde lie bhú 'ili 'to-o, a la bhomu-o nedhingga inde li ngama Ndili gba kpála ma agó lie-o.»

*Kpála na kulu inde ngingbili inde di na imbilangu
(Tsia bhú Luk. 12:41-48.)*

45 Yesu atsia apa matá me: «Kpála na kulu inde ngingbili inde di na imbilangu-o ngae dho? Yi tsitsia nga, a ko ngua kpála na kulu inde li ngámá gba e a'o e pi 'ndji okpála na eti gba e me ani du

naha ezə pi uo li nedhingga
ayo lie-o.

⁴⁶ A ko djali pi kpála na kulu bhomu i du me ngámá gba ani-e nde ago, ani bhaka me ani nde ngamemene mo-o.

⁴⁷ Ma apa pi yi na paká me, ngámá a'ó ani pi 'ndji ndu 'he gba e hana.

⁴⁸ Engú bini, i du me a nde kpála na kulu na sisiti-e, ani pá li bua e me: <Ha-a, ngámá gba ma nga bha ngabhue.›

⁴⁹ Abhomu-o, ani hólo nabhi obi e koko na kulu-o, ani hólo nazu 'he, ani hólo nandji pandi ne omülangba.

⁵⁰ Li ngámá gba kpála na kulu ango-o go li 'kpí ani djeke ani lie de, di li nedhingga inde ani mbila e de-e,

⁵¹ ani 'é ani bhú kulu, ani tsia méne ani kpekpeke maka li Ebhe améne galikpe obhulu kali lie li bili ani abú uo lie-o. Oo-o, u adu akan 'gbá, u tsia du di nazu tate e-o.›

25

Gbitaku pindji otsalisi ndjikpa na kúva

¹ Abhomu-o, Yesu apa matá me: «Ekpí li ngama Ndili gba kpála ma agó lie, engú inde akódho 'kpí bhú Naú na abhálá adu maka gbitaku inde: a adu nani otsalisi ndjikpa inde aha otala gba o ngú nanu nake lio ne bhoko inde adu akunda naha ele.»

² Bhú ká uo, obhe bhuluvue adu ongingi, obhe

bhuluvue koko adu obhulu imbilangu.

³ Otsalisi bhe na ngingi-e aha otala gba o-o, la-a, 'to uo a'ilí li naha otsupa 'mu koko dede.

⁴ Engú bini, obhe na imbilangu-o aha otala gba o bhú dabili bini ne otsupa 'mu koko dede.

⁵ Li bhoko-o go lie má gala de-e, ela aholo ndu uo hana, u atsia atuko ne ela.

⁶ Tutu sukpe-e, tolo 'ue akoto: <Bhoko-o ki-e! Yi ze ngú nake liyi ne uo.›

⁷ Abhomu-o, ndu otsalisi-e hana azukú. U atsia aholo naleke otala gba o-o.

⁸ Otsalisi bhe na ngingi-e apa pi obhende na imbilangu-o me: <Yi ha mbo té emu gba yi-e pi ya, anga otala gba ya-a ngabulu.›

⁹ Obhe na imbilangu-o agie pi uo me: <A mo-o ade, anga bhe ka ya-a bhelé da nale li lele ní ne yi ade. Yi nu bhaka mangbo okpála i ngatsitsindji, amba yi kala pi yi ka uo.›

¹⁰ Obhe na ngingi-e anu nakala emu-o. Engú bini, nedhingga u adu anu lie nakakala-a, bhoko-o akolo. Otsalisi bhuluvue inde adu bedhe ali ne ani bhú 'ti na anokomia-o. U atsia adula bhoti-o.

¹¹ A abhue bedi, otsalisi bhe koko akolo. U atsia aholo nasusula me: <Ngámá, ngámá, bhulu bhoti-e pi ya!›

¹² Engú bini, bhoko-o agie pi uo me: <Ma apa pi yi na paká me, ma mbila yi de.›

¹³ Yesu atsia abu tata-a me: «Yi lila liyi, anga yi mbila

ekpí lí ngama Ndili gba kpála ma agó lie de, yi mbila la di nedhinga ango-o de.»

*Gbitaku pindji okpála na kulu bata
(Tsia bhú Luk. 19:11-27.)*

14 Yesu apa matá me: «Ekpí lí ngama Ndili gba kpála ma agó lie, engú inde akódho 'kpí bhú Nau na abhúlá adú maka gbitaku inde: a adú nani bhoko bini inde adú akunda nanú dhukú. Kala nanú ka ani-e, ani a'i okpála na kulu gba e-o. Ani atsia a'o tia gba e sakpa uo.

15 Ani aha pi bhe bini-e lí falanga kámá bhuluvue. Ani aha pi bhe koko lí falanga kámá bhisi. Ani atsia ahá pi bhe koko lí falanga kámá bini. Ani aha pi kpála ne kpála li lele angu gba e. Pipita-a, ani atsia atapa.

16 Kpála na kulu bhe asia kámá bhuluvue-e, anú kolo nabe ndündú. Ani atsia asia di lí falanga koko pépé kámá bhuluvue.

17 Bhende asia kámá bhisi-e amene bhadi moko. Ani atsia asia di lí falanga koko pépé kámá bhisi.

18 Engú bini, bhende asia kámá bini-e anú bha naae nadjji edú bhú doto. Ani atsia awo tia gba ngámá gba e bhúbhú.

19 Pipita abhue naali, ngámá na kulu gba okpála bhomú-o ago. Ani atsia aholo nagama 'ngú ne uo pindji lele maka u amene kulu ne tia gba ni-e lie-o.

20 Bhe asia nako lí falanga kámá bhuluvue adyudyo lie. Ani agbe lí falanga kámá bhuluvue koko-o ne napa me: «Ngámá, mo oha nako muma lí falanga kámá bhuluvue. A inde-e lí falanga kámá bhuluvue koko inde ma asia e pépé ko.»

21 Do ngámá gba ani pi ani me: «So! Mu ne bádha kpála na kulu, mu la di ngbingbili. Mo omene nako ngbili 'ngú bhú ongú inde djedjedje, ma a'ó ibili mu me mu du atsia 'kpí lí ongú na ngbengbengbe. Go kpi djali bhú dabili bini ne ma.»

22 Kpála na kulu bhende asia nako lí falanga kámá bhisi-e adyudyo di lie. Ani pi ngámá-a me: «Ngámá, mo oha nako muma lí falanga kámá bhisi. A inde-e lí falanga kámá bhisi koko inde ma asia e pépé ko.»

23 Do ngámá gba ani pi ani me: «So! Mu ne bádha kpála na kulu. Mu la di ngbingbili. Mo omene nako ngbili 'ngú bhú ongú inde djedjedje, ma a'ó ibili mu me mu du atsia 'kpí lí ongú na ngbengbengbe. Go kpi djali bhú dabili bini ne ma.»

24 Li soso-o, kpála bhende asia nako lí falanga kámá bini-e ago di. Ani pi ngámá-a me: «Ngámá, ma adú nako ambila ndjindji me mu ne kpála na gúgú. Mu ngaha 'zu li bili inde mu lu 'zu li e de. Mu ngazu 'he li kulu inde li okpála koko andala lie ngao.

25 Ma adje tsʉlʉ mʉ. Ma atsia anʉ awo tia gba mʉ-o bhʉ doto. A la bhadi ii. Tia gba mʉ-o ki.»

26 Engú bini, ngámá gba ani agie pi ani me: «Mʉ ne siti kpála na kulu! Mʉ di ne bhʉlʉ ipio! Ka nɨ mo odʉ nako ambila lie ndjindji me ma ngaha 'zʉ li bili inde ma alu 'zʉ lie de, me ma ngazʉ 'he li kulu inde li okpála koko andala lie ngao,

27 mʉ tsia 'o nako tia gba ma-a bhʉ bakɨ de ka nɨ, amba ma agó lie, ma de bhaka me a nde abe ndʉ e abe-e?

28 Yaka! Yi gbʉlʉ lí falanga kámá bini bhomʉ-o ka ani, amba yi ha pi kpála inde ka e kutu bini ko.»

29 Ngámá bhomʉ-o apa mo-o, anga kpála inde ka e ne ehe, u ahá matá koko pi ani pépé. Ani tsia dʉ bhʉ mʉndeyi. Engú bini, kpála li ehe nde ka e belegʉ ade bini-e, u agbʉlʉ belegʉ dhegʉ bhende i ti da nadʉ ka ani-o.

30 Ngámá-a atsia abu 'so 'ngú gba siti kpála na kulu bhomʉ-o ne napa me, u bhike ani bhʉ biti akilidjo li bili inde li okpála nde lie bhʉ 'gbá di ne nazʉ tate o-o.»

Yesu akpokpo lele maka anɨ akódho 'ngú gba okpála lie-o

31 Yesu atsia apa matá me: «Ekpí li ngama Ndili gba kpála ma agó lie bhʉ sangu gba ma bhʉ dabili bini ne oandjelu hana-a, ma adʉ pi

kiti na ngámá gba ma na sangu-o.

32 Ndʉ okpála na píla doto hana apó bhʉla o kala ma. Ma tsia gbógbó bhʉsʉ uo maka li mʉlila agbogbo bhʉsʉ okandələ lie ne omeme-o.

33 Ma a'ó okandələ li pá 'kpa ma na kokpa, ma tsia ó omeme-e li pá 'kpa ma na galí.

34 Abhomʉ-o, ma tsia pá pi obhende adʉ li pá 'kpa ma na kokpa-a me: «Yi gógo, ngayi okpála asia bisagu ka 'Dyi ma-o. Yi go sia ngámá inde li ani aleke nani e pi yi nayie li nedhinga ani abho kokpí ne doto lie ko.

35 Padhá de, anga ma adje gʉmʉ, yi atsia aha ezu mʉma. Ma adʉ adje gʉmʉ 'ngu, yi atsia aha engu nandji mandji mʉma. Ma adʉ ne gomago, yi atsia asia ma agba yi.

36 Ma adʉ ndumbu, yi atsia ato bongo li ma. A adʉ li ma ne kuo, yi atsia ateteke ma. Ma adʉ bhʉ tikpʉ, yi atsia ago natsia ma.»

37 Abhomʉ-o, obhende amene mukʉnda gba Ebhe-e tsia yí ma me: «Ngámá, ya au mʉ ne gʉmʉ nadho, ya atsia aha 'zʉ pi mʉ-o? Ya au mʉ ne gʉmʉ 'ngu nadho, ya atsia aha engu nandji mandji pi mʉ-o?»

38 Ya au mʉ me mʉ nde ne gomago nadho, ya atsia asia mʉ agba ya-a? Ya au mʉ ndumbu nadho, ya atsia ato bongo li mʉ-o?»

³⁹ Ya au mʉ ne kuo, i dʉ di-e me mʉ nde bhʉ tikpʉ nadho, ya atsia anʉ ateteke mʉ-o?»

⁴⁰ Ma tsia gie pɨ uo me: «Ma apa pɨ yi na paká me, ndʉ nedhingga hana inde yi amene bádha 'ngú lie pɨ suka ondaise ma inde li okpála ngau o padhá inde-e, yi amene bhomʉ-o mʉma.»

⁴¹ Abhomʉ-o, ma tsia pá di pɨ obhende adú li pá 'kpa ma na galí-e me: «Yi yie si yiyie, yi gbida de ma tsutsu, ngayi okpála li Ebhe atʉ pedjə lio-o! Yi nʉ bhʉ djua na dʉdʉma inde li Ebhe aleke naní e pɨ djabʉlʉ ne omaha e-o!

⁴² Padhá de, anga ma adʉ adje gʉmu, yi tsia ha 'zʉ mʉma de. Ma adʉ adje gʉmu 'ngu, yi tsia ha engu nandjí mandjí mʉma de.

⁴³ Ma adʉ ne gomago, yi tsia sia ma agba yi de. Ma adʉ ndumbu, yi tsia to bongo li ma de. Ma adʉ ne kuo di ne bhʉ tikpʉ, yi tsia go nateteke ma de.»

⁴⁴ Abhomʉ-o, u tsia yí di ma me: «Ngámá, ya au mʉ nadho me mʉ nde ne gʉmu, i dʉ di-e gʉmu 'ngu-o? Ya au mʉ nadho me mʉ nde ne gomago, mʉ nde ndumbu, i dʉ di-e me mʉ nde ne kuo, i dʉ di-e me mʉ nde bhʉ tikpʉ-o, ya tsia nʉ teteke mʉ di-e?»

⁴⁵ Ma tsia gie pɨ uo me: «Ma apa pɨ yi na paká me, ndʉ nedhingga hana yi mene bádha 'ngú lie pɨ suka ondaise ma inde li

okpála ngau o padhá inde-e de-e, yi mbila me yi aneke di namemene bhomʉ-o mʉma.»

⁴⁶ Abhomʉ-o, obhende i mene mʉkʉnda gba Ebhe-e de-e, gbida nazʉ likabhu na dʉdʉma. Engú bini, obhende amene mʉkʉnda gba Ebhe-e, tsia gbida naao bhʉ mʉkobho na dʉdʉma.»

26

*Ongámási gba omaYuda
agili kpadji ngʉ nabhələ Yesu
(Tsia bhʉ Mlk. 14:1-2; ne
bhʉ Luk. 22:1-2; di ne bhʉ
Dja. 11:45-53.)*

¹ Li Yesu andjia nakpo ongú bhomʉ-o lie hana-a, ani atsia apa pɨ omukpata gba e me:

² «Yi mbila hana me pita 'kpí bhisi-e, adú anokomia na Pasika . Li 'kpí ango-o, u apú ma Ndili gba kpála ngʉbula me u gi ma li kulusi.»

³ Yesu adʉ akpo 'ngú bhomʉ-o pɨ omukpata gba e lie, abhaka me ongbengbe odimande ne obhelesi okpála gba omaYuda nde apo bhʉla o agba bhele kpála gba odimande , u a'i e me Kaifa.

⁴ U atsia aziba lio ngʉbula naholo Yesu bhʉ pepe, amba o bhələ ani.

⁵ Engú bini, u adʉ apa me: «A ayo de me ní holo ani bhʉ nedhingga na anokomia de, anga li okpála gbe tolo.»

*Өlə bini atuko mængotsi
pí 'ndjì Yesu*

(Tsia bhú Mlk. 14:3-9; di ne bhú Dja. 12:1-8.)

6 Ekpí bini, Yesu ne omækpata gba e adu bhú kuti na Betania, abhú 'ti gba Simo nani li kába amene e-o.

7 Nedhinga u adu azu 'he lie, ele bini ago de ani ne gili inde u abho e li alabatele.* Gili ango-o adu me a nde abedhe ne mængotsi na kpéke mase bedhe. Ani atsia atuko mængotsi ango-o pí 'ndjì Yesu.

8 Li omækpata gba ani-e au lie mo-o, u ake 'ngú lio, u atsia apa me: «Ta nasiti mængotsi inde-e padhá me-e ne ni?»

9 U ti igini da natsitsindji bhú kpéke mase, u tsia há tia ango-o pí obhulu ndibhili.»

10 Li Yesu ambila engú u adu apa e lie, ani atsia apa pí uo me: «Yi ngato mbolo li ele inde-e ka ni? Engú inde ani amene e li pabili gba ma-a, a ko bádha 'ngú.

11 Padhá de, anga obhulu ndibhili-e, yi adu ne uo ndu nedhinga hana. Engú bini, ngama-a, ni dú ne yi ndu 'kpí hana de.

12 Ani atuko mængotsi inde li kute ma, ngubula naleke ngú ekpí inde u azí ma lie ko.

13 Ma apa pí yi na paká me, píla doto libhomu, ndu bili hana inde u akpókpo

Bádha Ngali gba Ebhe-e lie, u akpókpo di engú inde li ele inde-e amene e ngú nab-hundja ani.»

*Yuda adje lie ne ongámási
gba oma Yuda ngú napu
Yesu pi uo*

(Tsia bhú Mlk. 14:10-11;
di ne bhú Luk. 22:3-6.)

14 Abhomu-o, súka omækpata ndjikpa ne ká bhisi anu nabhaka ongbengbe odimande. A adu 'li mækpata ango-o me Yuda Isikaliote.

15 Ani atsia apa pí uo me: «Yi akunda naha muma ni, amba ma pú Yesu pí yi-e?» Abhomu-o, u adje lio ne uo li mase-o. Ongbengbe odimande atanga lí falanga ndjikpa bata,† u atsia aha pí ani.

16 Nayie bhú nedhinga bhomu-o, Yuda adu nagili nedhinga na ndjindji ngubula napu Yesu pí uo me u bhelé ani.

*Yesu atima omækpata gba
e naleke da anokomia na
Pasika*

(Tsia bhú Mlk. 14:12-21;
ne bhú Luk. 22:7-14, 21-23;
di ne bhú Dja. 13:21-30.)

17 Li 'kpí na kalanu na anokomia nazu mapá inde li levile nde bhú e ade-e, omækpata gba Yesu ago nayi ani me: «Mo okunda me ya leke dá Pasika pí mu su?»

18 Yesu agie pí uo me: «Yi nu abhú gudhu, agba

* 26:7 26:7 *Alabatele:* A ko teme na mase naali inde u abhobho oehe maka gili lie ko. † 26:15 26:15 *Lí falanga ndjikpa bata:* A ko nani tia bhelé de, ati di nani da nakala bali bini de. Tsia bhú Eki. 21:32, di ne bhú Djkl. 11:12.

kpála bini me, amba yi pa pi ani me: «Mʉsuno apa me, nedhinga gba ni-e akolo masikpe. Ngani ne omukpata gba ni-e, o ozá anokomia agba mʉ.»»

¹⁹ Omukpata amene maka Yesu apa lie pi uo-o. Abhomʉ-o, u atsia anʉ aleke da anokomia-o.

Yesu apa me suka omukpata gba ni bini apú ni

²⁰ Li akolo lie tagolo-o, Yesu ne omukpata gba e ndjikpa ne ká bhisi-e aholo nazʉ 'he.

²¹ Nedhinga uo adʉ azʉ 'he lie, do Yesu de-e: «Ma apa pi yi na paká me, suka yi bini apú ma.»

²² Omukpata-a asia likabhu naali. Abhomʉ-o, kpála ne kpála aholo nayi ani me: «Ngámá, a adʉ bha ndjʉ ma?»

²³ Ani agie pi uo me: «Kpála inde ya ngato 'kpa ya ne e bhʉ saaní bini-e, kpála ango-o apú ma ngae.

²⁴ Ngama Ndili gba kpála, ma adjí akpi maka u aye 'ngú gba ma lie-o. Engʉ bini, a ko likabhu pi kpála inde ngapʉ ma-o! A naní pi kpála ango-o ndjindji me u azú ani de!»

²⁵ Abhomʉ-o, Yuda, kpála inde apú ani atsia ayi me: «Mʉsuno, a adʉ bha ndjʉ ma?» Yesu atsia agie pi ani me: «Mo opa ngamʉ!»

Yesu agapa mapa ne vino li omukpata gba e ndjikpa ne ká bhisi-o
(*Tsia bhʉ Mlk. 14:22-26; ne bhʉ Luk. 22:14-20; di ne bhʉ 1 Kol. 11:23-25.*)

²⁶ Nedhinga u adʉ azʉ 'he lie, Yesu aha mapa-o. Ani agie hení pi Ebhe, ani agamʉ bhʉsʉ bhʉsʉ, ani atsia aha pi omukpata gba e ne napa me: «Yi zuzʉ, a inde-e kute ma.»

²⁷ Pipita-a, ani aha kópo na vino-o, ani agie hení pi Ebhe, ani atsia aha pi uo ne napa me: «Yi ndjí ndʉ yi hana,

²⁸ anga a inde-e ngʉte ma. A ko ngʉte inde ngasuno me Ebhe akodho gandja ne okpála-o. Ngʉte ango-o atuko ngú na'e osisiti 'ngú gba okpála bhelé.

²⁹ Ma apa pi yi me: Nayie pi mbia inde-e, ma ndjí matá vino belegʉ de bini, akólo li 'kpí inde ma andjí lie ne toto bhʉ dabili bini ne yi bhʉ Naʉ gba 'Dyí ma-o.»

³⁰ Pipita-a, u ali etsi na anokomia-o. U aze, u atsia agbida apí eta na ondula na Olive.

Yesu apa me Piele apá me ni mbila ni de

(*Tsia bhʉ Mlk. 14:27-31; ne bhʉ Luk. 22:31-34; di ne bhʉ Dja. 13:36-38.*)

³¹ Abhomʉ-o, Yesu atsia apa pi omukpata gba e me: «Sukpe na naki inde-e, ndʉ yi hana a'ó ká ma. Padhá de, anga Ebhe apa bhʉ Bhuku gba e me:

[†] 26:31 26:31 Tsia bhʉ Djkl. 13:7.

«Ma abhéle mulila gba okandélé-o,
li okandélé-o tsámbala ne bili ngangá.†»

³² Engú bini, ngama-a, ekpí ma azúku lie, ma anú adjeke yi abhú Galilaya.»

³³ Piele atsia apa pi ani me: «Abana li ndú okpála hana 'o ká mu-o, ngama-a, ma 'o ká mu belegü de bini.»

³⁴ Abhomu-o, Yesu atsia agie pi ani me: «Ma apa pi mu na paká me, sukpe na naki inde-e, kala me engú ku 'gbá-a, mo opá bhútsibhútsi bata me ni mbila ma de.»

³⁵ Piele atsia apa matá pi ani me: «Abana i du bha me a nde ayo me ní kpi bhú dabili bini ne mu-o, ma 'o ká mu de.» Abhomu-o, ndú omukpata koko hana atsia apa bhadi moko.

Yesu ayo Ebhe bhú Getesemaní

(*Tsia bhú Mlk. 14:32-42; di ne bhú Luk. 22:39-46.*)

³⁶ Abhomu-o, Yesu akolo ne omukpata gba e li bili bini inde u a'i e me Getesemaní. Ani atsia apa pi uo me: «Yi du si nedhinga ma adjí lie nayo Ebhe aoo ko.»

³⁷ Ani aha Piele ne ongisi bhisi gba Djebedayo-o. Ani anu ne uo bhú dabili bini. Tsélu aholo ani, likabhu atsia abedhe di li bua ani bedhe.

³⁸ Abhomu-o, ani atsia apa pi uo me: «Bua ma abedhe ne likabhu bedhe ka ma adjí akpi lie-o. Yi du si, yi du la di ne ma li zukú bhú dabili bini.»

³⁹ Pipita-a, ani adyudyo mbo lie tsutsu bedi. Ani atatú lipukú e kuto, ani atu bhúla e pi doto, ani atsia ayo Ebhe me: «'Dyi ma, i du ndjindji-e, mu de dyudyo likabhu inde-e de ma tsutsu! Engú la bini, mo oméne maka ma akunda lie de, mene mangbo maka mo okunda lie ko!»

⁴⁰ Ani agie lie li bili li omukpata bata adu lie-o. Ani abhaka me u nde atuko ne 'la má dhululu! Do ani pi Piele de-e: «Yi ti iginí da nadú li zukú ngabha ne ma ngubula saa bini di?»

⁴¹ Yi du li zukú, yi yo Ebhe, amba yi alí bhú nale de. Bua kpála bedhe ndú 'kpí hana ngú namene bádha 'ngú, engú bini, kute ani bhúbhukú.»

⁴² Matá bhútsibhútsi na bhisi-e, ani adyudyo lie de omukpata bata-a tsutsu. Ani atsia ayo Ebhe me: «'Dyi ma, i du me likabhu inde-e nde ti da naneke ma de-e, a nde ayo bha me a kolo li ma-a, a ayo me engú mo okunda e mene lie ngae!»

⁴³ Abhomu-o, Yesu agie matá lie li bili li omukpata-a adu lie-o. Ani abhaka me u nde tila. Padhá de, anga djila uo adu me a nde ne ela má yikpokpo!

⁴⁴ Ani a'o ká uo, ani adyudyo matá lie de uo tsutsu. Ani atsia ayo Ebhe bhútsibhútsi na bata ne napa bha oeli bini bhomu-o.

⁴⁵ Abhomu-o, ani ago abhaka omukpata gba e bata-

o, ani atsia apa pi uo me: «A ndjindji! Yi la nga lala, amba yi guo! La-a, nedhingga akolo, nedhingga inde u apú ma, Ndili gba kpála lie pi osisiti okpála-o.

⁴⁶ Yi tsitsia nga, kpála inde apú ma akolo. Yi yie bhúlá, ní nu bhaka uo!»

*U aholo Yesu
(Tsia bhú Mlk. 14:43-50;
ne bhú Luk. 22:47-53; di ne
bhú Dja. 18:3-12.)*

⁴⁷ Bha li nedhingga li Yesu adú agama 'ngú lie, me-e, Yuda, súka omukpata ndjíkpa ne ká bhisi-e akolo. Ani ago nani ne bhti okpála inde adú sa 'kpa o ne ombotia di ne ondula. A atima nani uo ne ongbengbe odimandø di ne obhelesi okpála gba omaYuda.

⁴⁸ Yuda adje nani lie ne uo kalanú me: «Kpála inde ma akáma e, a ko ani. Yi holo ani!»

⁴⁹ Me-e, ani adyudyo lie de Yesu, ani atsia ayi ani me: «Músuno, mū oo!» Ani atsia akama ani.

⁵⁰ Yesu atsia apa pi ani me: «Olia ma, engú inde mo ogo namene e, memene!» Abhomú-o, okpála koko inde ago bhú dabili bini ne Yuda-a, adyudyo lio de Yesu, u abu 'kpa o li ani, u atsia aholo ani.

⁵¹ Kolo me-e, súka okpála inde adú bhú dabili bini ne Yesu-o agbe mbotia gba e, ani asú kpála na kulu gba bhele kpála gba odimandø-o ne nakodho 'dje ani má tse!

⁵² Yesu atsia apa pi ani me: «Gie mbotia gba mū-o bhú 'ti e. Padhá de, anga ndú okpála hana inde ngagu 'gú ne mbotia-a, amú bhadi li mbotia. ⁵³ Mū mbila de me ma ti igini da nayo ka 'Dyi ma me ani go teteke ma-a dì? Ma yo ka ani-e, ani kolo tíma libi oandjelu mūma nane ndjíkpa ne ká bhisi mane.

⁵⁴ I du la mo-o, engú inde u aye e bhú Bhuku gba Ebhe-e améne lie lele pi? Padhá de, anga Bhuku gba Ebhe-e apa me, a ayo me engú inde ngamene lie inde-e, amene lie moko.»

⁵⁵ Abhomú-o, Yesu atsia apa pi kambi okpála bhomú-o me: «Ndú 'kpí hana ma adú nako nadú bhú 'ngbé 'ti Ebhe gba omaYuda ngú nasuno. La-a, yi holo nako ma de. Ka ní yi ngago lie ngú ma ne ombotia di ne ondula sa 'kpa yi mágito me ma ne siti bhúlu 'zi-e?»

⁵⁶ Engú bini, ndú 'ngú bhomú-o hana amene lie ngubula me engú inde li opolofeta aye e amene lie.» Abhomú-o, ndú omukpata hana atsambala de ani má mæe, u atsia agbida!

*U anú ne Yesu kala Libi
okpála natsia 'kpí li 'ngú
gba omaYuda*

*(Tsia bhú Mlk. 14:53-65;
ne bhú Luk. 22:54-55, 63-71;
di ne bhú Dja. 18:13-14, 19-24.)*

⁵⁷ Abhomú-o, okpála inde u atima nani o ngú naholo Yesu-o anú ne ani kala Kaifa,

bhele kpála gba odimandeo, li bili inde li omusuno na lílì gba Moidje ne obhesesi okpála apékébhé bhúla o lie-o.

⁵⁸ Piele atsia adú naae nakpata Yesu mbo tsutsu, nakolo makolo bhú mbadhasu gba bhele kpála gba odimande-o. Ani ali bhú mbadhasu-o, ani atsia adú kuto bhú ká okpála na kulu ngubula natsia me engú ango-o abú 'ta e lele pi-ie.

⁵⁹ Abhomu-o, ongbengbe odimande bhú dabili bini ne ndu okpála koko na Libi okpála natsia 'kpí li 'ngú gba omaYuda libhomu adú agili kpála inde agó napa 'ngú li Yesu sisiti, abana i du eu, amba o kodho 'ngú gba ani-e me ani kpi bha makpi.

⁶⁰ Engú bini, belegu li bhití okpála adú apa 'ngú li Yesu lie ne eu-o, u u kpála bini de inde apa engú inde u ti da nabhéle ani ka e. Li soso-o, okpála bhisi adyudyo lio masikpe.

⁶¹ U atsia apa me: «Bhoko inde-e apa nako me, *«ni ti da nabhéle 'ngbé 'ti Ebhe gba omaYuda-o, ni tsia yíki matá ne toto súnda ekpí bata.»*

⁶² Abhomu-o, 'ngbé dimandeo ayie bhúla, ani atsia ayi Yesu me: «Mu gie 'ngú li 'ngú inde li okpála inde-e ngapa e li kute mu-o belegu de bini?»

⁶³ Engú bini, Yesu andjili bha má bulu! Abhomu-o, bhele kpála gba odimandeo atsia ayi matá ani me:

«Ma ngayi mu ne 'li Ebhe inde uu-o me pa nga pi ya: ngamu-o, mu ne Masiya , Ndili gba Ebhe-e?»

⁶⁴ Yesu agie pi ani me: «Mo opa ngamu. Mbila la me, nayie pi mbia inde-e, yi au Ndili gba kpála adú li pápá na kokpa gba Angbamili me ani nde ngago pi ndindi na abhúlá.[†]

⁶⁵ Engú bhomu-o ake li bua bhele kpála gba odimande-o naali. Abhomu-o, ani asidha bongo li e má tsue! Ani atsia apa me: «Ani asobho Ebhe, anga kpála-kuti ti da nakpo 'ndji e ne Ebhe de! Ní matá ne gámu okpála koko ngá nakpokpo 'ngú gba ani-e ade! Yi adje sobho ani asobho Ebhe ne e ne 'dje yi makpe.

⁶⁶ Yi abhundja naayi me ní mene ngú ani pi?» U agie me: «A ayo me u bhéle ani mabhele.»

⁶⁷ Abhomu-o, u aholo akuku ngusu bhúla ani, u adú asu ani, u atsia adú di abhi bhúla ani.

⁶⁸ U atsia adú apa pi ani me: «I du me mu nde bha ndju ne Masiya na paká-a, pa nga pi ya me asu mu da?»

Piele apa me ni mbila Yesu de

(*Tsia bhú Mlk. 14:66-72; ne bhú Luk. 22:56-62; di ne bhú Dja. 18:15-18, 25-27.*)

⁶⁹ Nedhinga u adú ato mbolo li Yesu lie, abhaka me Piele nde adú kilidjo tu mbadhasu gba bhele kpála

[†] 26:64 26:64 Tsia bhú Ets. 110:1; di ne bhú Dan. 7:13.

gba odimande-o. Kpála bini na kulu na eele adyudyo lie de ani. Ani atsia apa pi ani me: «Ngamu di-e, mo odu nako bhú dabili bini ne Yesu, kpála na Galilaya-o.»

⁷⁰ Engú bini, Piele ayala kala ndu okpála hana me: «Ma mbila engá inde mu ngakunda napa e de.»

⁷¹ Abhomu-o, Piele adyudyo lie de 'bhe aga-o. Kpála na kulu koko bini na eele au ani. Ani atsia apa pi okpála inde adu oo me: «Kpála inde-e adu nako bhú dabili bini ne Yesu, kpála na Nadjaleta-o.»

⁷² Piele ayala matá, ani atsia apa me: «Ne 'li Ebhe, ma mbila kpála inde yi ngapa 'ngú gba e bhomu-o de!»

⁷³ Pipita kolo me-e, okpála inde adu oo adyudyo lio, u atsia apa pi Piele me: «A ko kukulu 'ngú. Ngamu di-e, mu bha ne suka uo, anga nagama 'ngú gba mu-o ngambamba ta mu ngae..»

⁷⁴ Abhomu-o, Piele aholo natu silika ne nasima me: «Ne 'li Ebhe, ma mbila kpála bhomu-o de!» Bha li nedhinga bhomu-o, engú atsia aku 'gbá.

⁷⁵ Abhomu-o, Piele abhundja eli inde li Yesu apa igini e pi ani me: «Kala me engú ku 'gbá-a, mo opá bhutsibhútsi bata me ni mbila ma de.» Ani akoto kilidjo, ani atsia abhéle kuo e ne egba má kusu!

*U anu ne Yesu kala Pilato
(Tsia bhú Mlk. 15:1; ne
bhú Luk. 23:1-2; di ne bhú
Dja. 18:28-32.)*

¹ Kekpi má bhe, ndu ongbengbe odimande hana di ne obhelesi okpála gba omaYuda adje lio me o méne lele pi me o bhéle Yesu-o.

² U agbigbite ani, u anu ne ani, u atsia aha ani pi guvelenele Pilate.

*Yuda agi ngúlu e
(Tsia bhú Kul. 1:18-19.)*

³ Abhomu-o, Yuda, kpála inde apu Yesu-o au lie me u akodho 'ngú gba ani-e me ani kpi bha makpi-e, ani adje likabhu li bua e naali. Ani atsia anu nagie lí falanga ndjikpa bata-a pi ongbengbe odimande di ne obhelesi okpála.

⁴ Do ani pi uo de-e: «Ma amene siti 'ngú, anga ma apu kpála inde i tu 'ngú de-e pi yi me u bhéle ani!» Engú bini, u agie pi ani me: «Naaya bhúbhú ne ni? A ko naamu 'ngú!»

⁵ Abhomu-o, Yuda abala lí falanga kuto bhú 'ngbé 'ti Ebhe gba omaYuda ne nakoto bini. Ani atsia anu nagi ngúlu e.

⁶ Ongbengbe odimande-o aha tia-o. U atsia apa me: «Líli gba ní-e ziba de me ní 'o tia inde-e bhú ká tia na 'ngbé 'ti Ebhe gba omaYuda-a de, anga a ko tia inde u asia e li ngute kpála.»

⁷ Pita u adje lio lie, u atsia akala ne tia bhomu-o edyi gba kpála bini inde apopo

lusa ngubula me u du azi
ogomago bhúbhú.

⁸ Kaka-a, u nga'i 'li edyi
ango-o nakolo pi naki me:
«Edyi inde u akala e ne tia
na ngute kpála.»

⁹ Abhomu-o, engú nani li
polofeta Djelemi apa e atsia
amene lie. Ani apa nani me:
«U aha lí falanga ndjikpa
bata-o.

A bhomu-o mase inde li
omaſsalaele ato e li
ani-o. †

¹⁰ U atsia akala ne di edyi
gba bhúlu napo lusa.

A bhomu-o engú inde li
Ebhe Ngámá aha nani
lili muma me ma pa e pi uo-
o.»

*U akodho 'ngú gba Yesu-o
me ani kpi bha makpi*

(Tsia bhú Mlk. 15:2-5; ne
bhú Luk. 23:3-5; di ne bhú
Dja. 18:33-38.)

¹¹ Nedhingga u akolo ne
Yesu lie kala guvelenele
Pilate-o, ani ayi ani me:
«Ngamu-o, mu ne 'ngbé
ngámá gba omaYuda-a?»
Yesu agie me: «Mo opa
ngamu.»

¹² Abhomu-o, ongbengbe
odimande di ne obhelesi
okpála gba omaYuda adu
apa 'ngú li ani sisiti. La-a,
ani gie 'ngú téte de.

¹³ Pilate atsia ayi ani me:
«Mu dje engú inde u ngapa
e li kute mu bhomu-o di?»

¹⁴ Engú bini, Yesu gie engú
bini pi ani téte de. Abhomu-
o, Pilate atsia angamba
naali.

¹⁵ Bhú ndu Pasíka hana,
guvelenele du nani natse
'kpa li bhúlu 'kpú bini,
bhende li bhti okpála adu
akunda me ani tse 'kpa lie-
o.

¹⁶ A abhaka me 'ngbé
bhúlu 'kpú bini inde adu 'li
e me Balabasi nde bhú tikpu.

¹⁷ Pilate atsia ayi bhti
okpála inde apo bhúla o me:
«Yi akunda me ma tse 'kpa
li da pi yi-e? Ne me ma tse
'kpa li Yesu Balabasi, ne me
ma tse 'kpa li Yesu inde u a'i
e me Masiya-a?»

¹⁸ Pilate yi mo-o padhá de.
Ani ayi mo-o, anga ani adu
ambila ndjindji me u apu
Yesu pi ni anga u adu adje
siti bua li ani.

¹⁹ Nedhingga li Pilate adu
lie pi kiti nakodho 'ngú-o,
wala ani atima kpála bini pi
ani, ne tobhila me: «Mo olí
bhú 'ngú gba ngibili kpála
bhomu-o de, anga sukpe na
naki inde-e, ma aloto siti loto
li 'ngú gba ani-o.»

²⁰ Ongbengbe odimande,
di ne obhelesi okpála gba
omaYuda ato bhú 'ndji bhti
okpála me u yo ka Pilate me
ani tse 'kpa li Balabasi, amba
ani ka kpadji me u bhéle
Yesu. Okpála atsia amene
bhadi moko.

²¹ Pilate atsia apa pi uo
me: «Ma atsé 'kpa li bhúlu
'kpú bini pi yi matse. Bhú
ká Yesu ne Balabasi-e, yi
akunda me ma tse 'kpa li
da pi yi-e?» U agie me:
«Balabasi!»

† 27:9 27:9 Tsia bhú Djk. 11:12-13.

²² Pilaté ayi uo me: «Ma mene la ngú Yesu inde u a'i e me Masiya pi?» Do uo de-e: «Gi ani li kulusi!»

²³ Pilaté atsia ayi uo me: «Ani amene la mangua siti 'ngú dho?» Engú bini, u atsia adu asusula matá kpekpeke me: «Gi ani li kulusi!»

²⁴ Li Pilaté au lie me angu ni kolo de-e, di ne me tolo ngakolo kpekpeke-e, ani aha engu, ani atsia avulu 'kpa e kala bhiti okpála ne napa me: «Ngama-a, ma bhú ta nakpi gba kpála inde-e ade! A ko naayi 'ngú.»

²⁵ Ndú okpála hana agie me: «A ayo me ngute ani tuko pi 'ndji ya ne ongisi gba ya-o!»

²⁶ Abhomu-o, ani atse 'kpa li Balabasi pi uo. Ani aha lili me u bhi Yesu ne fimbo. Ani atsia aha ani pi uo me u gi ani li kulusi.

*Osudha amu Yesu
(Tsia bhú Mlk. 15:16-20;
di ne bhú Dja. 19:2-3.)*

²⁷ Abhomu-o, osudha gba guvelenele anu ne Yesu bhú mbadhasu gba o dengo 'ti gba guvelenele-o. Ndú osudha hana atsia apo bhúla o de ani.

²⁸ U agbe bongo li ani, u atsia ato koti na mbembe li ani mugito me a ko ngámá.

²⁹ U agala 'he na kilikili li kute yá ndula na eti, u atsia ato bhú 'ndji ani. U ato mbamba sa 'kpa ani na kokpa, u atsia atutu lipuku o kuto kala ani. U adu amu ani

ne napa me: «'Ngbé ngámá gba omaYuda, mu oo!»

³⁰ U adu aku ngusu li ani, u aha mbamba-a, u atsia adu asu 'ndji ani ne di.

³¹ U andjia namu ani lie, u agbe koti u de ato e li ani-o, u atsia ato matá bongo gba ani-e li ani. Pipita-a, u atsia anu ne ani ngú nagi ani li kulusi.

*Osudha agi Yesu li kulusi
(Tsia bhú Mlk. 15:21-32;
ne bhú Luk. 23:26-43; di ne
bhú Dja. 19:17-27.)*

³² Osudha akoto ne Yesu bhú gudhú-o. U adu akoto lie, u ake lio ne kpála bini na kuti na Silene, adu 'li ani me Simo. Osudha aholo ani ne kpéke me ani bi kulusi gba Yesu-o.

³³ Li u akolo lie li bili inde u a'i e me Gologota-a, inde akunda napa me «Bili na pelege 'ndji-e»,

³⁴ osudha aha vino inde u amata e ne 'he na susu-o pi ani. Ani ale lie, ani tsia kunda nandjindji de.

³⁵ Osudha-a agi Yesu li kulusi. Pita u agi ani lie li kulusi-e, u agu gbanda ngú obongo gba ani-o. U atsia agbogbo bhusu o téte.†

³⁶ Pipita-a, u atsia adulu kuto oo ngú nalila ani.

³⁷ U a'o nani abhúlá pi 'ndji ani balua inde asuno ta nagi ani li kulusi-o. U aye nani balua ango-o me: «A INDE-E YESU, 'NGBÉ NGÁMÁ GBA OMAYUDA-O.»

³⁸ U atsia agi osisiti obhulu 'zi bhisi li okulusi de ani:

† 27:35 27:35 Tsia bhú Ets. 22:19.

bini li kulusi gba e li pá 'kpa ani na kokpa, koko li kulusi gba e li pá 'kpa ani na galí.

³⁹ Okpála ìnde adú akodho 'kpí-e, adú asobho Yesu ne nako 'ndjí o.

⁴⁰ U adú apa pi ani me: «Ngamú, bhálu nagugumú 'ngbé 'ti Ebhe gba omaYuda ne nayiyiki bhá 'kpí bata-a, kobho límu ngamú makpe! I du me mu nde ne ndili gba Ebhe-e, ke li kulusi-e kuto.»

⁴¹ Ongbengbe odimande, omusuno na líli gba Moidje bhá dabili bini ne obhelesi okpála, adú bhadi amú ani moko. U adú apa me:

⁴² «Ani akobho okpála koko. Ka ni ani ti da nakobho lie lie ngae makpe di-e, ngaani ìnde 'ngbé ngámá gba omañsalaele-e? Ani ke nga kuto li kulusi mbia ìnde, amba ya bhuka ani!»

⁴³ Ani a'o nabhuka gba e bhá Ebhe. A ayo me Ebhe kobho ani mbia ìnde, i du me Ebhe nde akunda ani na paká-o, anga ani apa me ni ne Ndili gba Ebhe!»

⁴⁴ Abana osisiti obhálu 'zi ìnde u agi o li kulusi lingo Yesu-o, u adú bhadi asobho ani moko.

Yesu andala 'kpa li bua e
(Tsia bhá Mlk. 15:33-41;
ne bhá Luk. 23:44-49; di ne
bhá Dja. 19:28-30.)

⁴⁵ Abhomú-o, nayie tulukpe akolo bhá saa na bata pita tulukpe-e, biti agba píla doto libhomu.

⁴⁶ Bhá saa na bata pita tulukpe-e, Yesu asúla kpekpeke me: «Eli, Eli, lema sabakatani?» A akunda napa me: «Ebhe gba ma, Ebhe gba ma, mo o'o ka ma ka ni?»[†]

⁴⁷ Bini bini bhá ká okpála ìnde adú oo adje ani lie, u atsia adú apa me: «Ani nga'i Eliya!»

⁴⁸ Ma 'li ma-e, súka osudha-a agu holo. Ani anu aha epondje, ani ato bhá kpongadha pandi. Ani atsia ato li 'ndjí mbamba, ani aha pi Yesu me ani ndjindji.

⁴⁹ Engú bini, okoko apa pi ani me: «Djedjeke, ní u nga ne me Eliya ngago nakobho anil!»

⁵⁰ Yesu atsia asúla matá kpekpeke, ani atsia andala 'kpa li bua e.

⁵¹ Me-e, 'ngbé 'kpá bongo ìnde adú abuku 'bhe tina 'ti na bubu bhá 'ngbé 'ti Ebhe gba omaYuda-a asidha bhásu e bhisi má tsue nayie abhála, akolo akuto. Doto adyiki, ongbengbe teme atsia aúupa.

⁵² Abhomú-o, olata-a ada bhásu o, bhti omabhuka ìnde amu nani-e atsia azuku.

⁵³ U aze bhá olata gba o-o. Pita li Yesu azuku lie, u atsia agbida bhá Yelusalema, gádhu na bubu-o. Okpála bhéle atsia au uo.

⁵⁴ Ngámá gba osudha na Loma bhá dabili ne osudha gba e ìnde adú alila Yesu nedhinga ani adú lie li kulusi-e au engú inde akodho 'kpí ne nadyíki ka

[†] 27:46 27:46 Tsia bhá Ets. 22:2.

doto-o. Abhomu-o, u adje tsulü naali. U atsia apa me: «Kpála inde-e bha ndju nako ne Ndili gba Ebhe na paká!»

⁵⁵ Olisi bhelé adu li bili bhomu-o. U adu atsia 'ngú bhomu-o mbo tsutsu. Olisi ango-o ayie nani ne Yesu bhú Galilaya, nakolo makolo bhú Yelusalema ngú nateteke ani.

⁵⁶ Bhú ká uo, a adu nani Malia , kpála na gudhu na Magadala, Malia 'hi Djaki ne Djodjefu , a la di-e 'hi ongisi gba Djebedayo-o.

Djodjefu azi Yesu

(Tsia bhú Mlk. 15:42-47; ne bhú Luk. 23:50-56; di ne bhú Dja. 19:38-42.)

⁵⁷ A akolo lie tagolo-o, bhulu tia bini ago. A adu kpála na gudhu na Alimatayo. A adu 'li ani me Djodjefu . Kpála ango-o du di nani mukpata gba Yesu.

⁵⁸ Ani anu abhaka guvelenele Pilate, ani atsia ayo kuo Yesu ka ani. Pilate atsia aha lili me u ha pi ani haha.

⁵⁹ Abhomu-o, Djodjefu aha kuo Yesu, ani agagala ne daladeli na mbia inde ani akala e bhú kpéke mase.

⁶⁰ Ani anu ato bhú lata na mbia inde ani aleke nani e pi e makpe bhú teme-o. Pipita, ani awawala 'ngbé teme bini li bhébhé ngú nanini, ani atsia atapa.

⁶¹ Nedhinga bhomu-o, Malia, kpála na gudhu na Magadala ne Malia bhe koko adulu kuto bhúla lata-o.

U abu osudha ngú nalila lata Yesu

⁶² Li ekpí aseke lie, a akunda napa me bhú ekpí naguo gba omaYuda-a , ongbengbe odimande di ne omuFalisai anu bhú dabili bini agba Pilate.

⁶³ U atsia apa pi ani me: «Ngámá, 'ndji ya ago mbia inde-e li engú li bhulu eu bhomu-o apa nako e nedhinga ani adu lie uu-o me pita 'kpí bata ni zuku-o.

⁶⁴ Kaka-a, a ayo me ha lili me u lila lata ani nakolo bhú 'kpí na bata. Padhá de, anga i du mo-o de, omukpata gba ani-e ti da nago nazi kuo ani. U tsia pá pi okpála me ani azuku. Li okpála dje la ibili mo-o, eu bhende-e né la ibili da bhende ani apa nako e kalanu-o mane.»

⁶⁵ Pilate atsia apa pi uo me: «Yi ha osudha-a haha. Yi nu ne uo, amba u lila lata a maka yi au lie ndjindji-o.»

⁶⁶ U atsia anu naleke lele nalila lata-o. U ayele bhébhé ne teme, u atsia a'o osudha ngú nalilila.

28

Yesu azuku

(Tsia bhú Mlk. 16:1-10; ne bhú Luk. 24:1-12; di ne bhú Dja. 20:1-10.)

¹ Pita ekpí naguo gba omaYuda-a , bhú 'kpí yinga kékpi má bhé-o, Malia , kpála na gudhu na Magadala ne Malia koko-o, agbida ngú natsia lata-o.

² Me-e, doto adyiki ne adjigidjo na ngbéngbé, anga

andjelu bini gba Ngámá-a ayie abhúlá, ani ago awawala teme inde adú li 'bhé lata-o, ani atsia adú pépé.

³ Kute ani adú asú má ngbí ngbí ngbí! La di-e, bongo gba ani-e avu má tuu!

⁴ Li osúdha inde adú alila lata-a au lie mo-o, u aholo nagukú ka tsúlu má kpi kpi kpi, u atsia abala kuto mágito me a ko okpála inde amú.

⁵ Engú bini, andjelu-o apa pi olisi-e me: «Yi akpé-e de, anga ma ambila me yi ngagili Yesu inde u agi nako e li kulusi-o. ⁶ Ani sii ade. Ani azuku maka ani apa nako lie-o. Yi go tsia bili inde u aseke nako ani lie-o.

⁷ Yi nü pa kolo pi omúkpata gba ani-e má gala me, ani azuku. Ani adjí kala yi bhú Galilaya bhomú. Yi aú ani oo. A bhomú-o ngali ma de ago napa e pi yi-o.»

⁸ Abhomú-o, olisi-e ayie bha kolo bhú lata-a má gala me u nde abedhe ne tsúlu di ne djali bedhe. U anu ne holo, u atsia anu ngú napa ngali ango-o pi omúkpata gba Yesu-o.

⁹ Ma 'li ma me-e, Yesu ago aké lie ne olisi ango-o. Ani atsia ayi uo me: «Yi oo!» Abhomú-o, u adyudyo lió de ani, u atuko kuto bhú li 'dhé ani, u atsia adhégo ani.

¹⁰ Pipita-a, Yesu atsia apa pi uo me: «Yi akpé-e de. Yi nü pa pi ondaise ma me u nü abhú Galilaya, u aú ma oo ko.»

Ongámási gba omaYuda ato kali me u bubuku engú nazuku gba Yesu-o

¹¹ Li olisi-e adú nga bha lie li kpadji-e, okpála koko bhú ká osúdha inde adú nalila lata-a anu abhú gudhu. U atsia akpokpo ndú 'ngú hana inde akodho 'kpí abhú lata-a pi ongbengbe odimande gba Ebhe-o.

¹² Abhomú-o, ongbengbe odimande apo bhúla o ne obhelesi okpála gba omaYuda-o, u atsia adje lió me o méne pi-ie. Pita nadje lie ka uo-o, u aha tia bhelé pi osúdha-a me u apá kúkulu 'ngú inde akodho 'kpí-e de.

¹³ U atsia apa pi uo me: «I dú me kpála bini nde ayi yi-e, yi de pa me: < Nedhinga ya adú lie tila-a, omúkpata gba ani-e ago, u atsia azi kuo ani li ya. »

¹⁴ La di-e, i dú me guvelenele nde adje-e, ya ambíla lele ya akpókpo pi ani lie ngaya, amba yi asia mangimbo de.»

¹⁵ Osúdha abha tia-o, u atsia amene bha maka u apa lie pi uo-o. Abhomú-o, ngali ango-o ayangba bha súnda omaYuda moko nakolo pi naki.

Eli na soso gba Yesu pi omúkpata gba e-o

(*Tsia bhú Mlk. 16:14-18; ne bhú Luk. 24:36-49; ne bhú Dja. 20:19-23; di ne bhú Kul. 1:6-8.*)

¹⁶ Abhomú-o, omúkpata ndjikpa ne ká bini-e anu bhú Galilaya, pi eta inde li Yesu

apana nani e pi uo me ni aké
lini ne uo pi e-o.

¹⁷ U akolo lie oo, Yesu
akoto li uo. U au ani lie, u
atuko kuto bhá li 'dhá ani, u
atsia adhegə ani. Engú bini,
okoko bhá ká uo adá ne bua
na bhisi bhisi.

¹⁸ Abhomá-o, Yesu
adyudyo lie de uo, ani atsia
apa pi uo me: «Ebhe aha
ndá angu na abhálá ne bhe
na píla doto hana muma.

¹⁹ Kaka-a, yi nu bhá ndá
opiga hana. Yi mene me u
kolo omákpata gba ma. Yi
batisa uo ne 'li 'Dyí ní, ne 'li
Ndili, la di ne 'li Bu Bhopua

· ²⁰ Yi suno pi uo me u lila
ndá líli inde ma aha e pi yi-e
hana. Yi mbila la me ngama-
a, ní ne yi bhá dabili bini
ndá 'kpí hana akólo bha bini
makolo ali sokpí.»

Bádha Ngali gba Yesu Kilisito maka li Maloko aye lie ko

Eli na kalanu

Bádha Ngali maka li Maloko aye lie-e, akpo lita e ne naziba me Bádha Ngali ango-o a ko na Yesu Kilisito , Ndili gba Ebhe. Ani asuno Yesu maka kpála na kulu di na angu. Angu gba ani ngau lie bhú nasuno gba ani, ne bhú angu gba ani pi si siti bua di ne bhú nambu li osisiti 'ngú gba okpála. Yesu ngakpokpo 'ngú gba e makpe maka Ndili gba kpála inde ago ngú na ha mukobho gba e ngubula nagbegbe okpála bhú sisiti 'ngú gba o-o.

Maloko akpokpo 'ngú gba Yesu-o mbámbá, ani agama 'ngú naali píndji kulu li Yesu amene e ane bhende li Yesu akpokpo e di ne bhende ani asuno e-o. La-a, li omukpata gba Yesu adu la lie abhue ne ani bhú dabili bini-e, u atsia ambila ani ndjindji. Engú bini, obhulü yala gba ani adu matá akolo pi ani ne siti bua naali.

Olukuluku (9-20) inde u a aye e súnda oehe bhisi me-e, ngau lie me aye ne kpála koko. Maloko ye ngae de.

Ongbengbe ongú inde bhú bhuku inde-e ngae inde:

Lita Bádha Ngali-o 1:1-13
Kulu li Yesu amene e bhú ká okpála abhú Galilaya 1:14 - 9:50
Dhukü gba Yesu nayie bhú Galilaya ngú nanu abhú Yelusalema 10:1-52
Oekpi nasoso gba Yesu abhú Yelusalema 11:1 - 15:47
Nazuku gba Yesu 16:1-8
Nakoto ka Yesu li okpála, ne na'u ka ani abhúlá 16:9-20

*Djaa bhulü nabatisa
okpála aleke kpadji pi Ngámá
Yesu*

*(Tsia bhú Mat. 3:1-12; ne
bhú Luk. 3:1-18; di ne bhú
Dja. 1:19-28.)*

¹ A inde-e lita Bádha Ngali gba Yesu Kilisito , Ndili gba Ebhe-o.

² Maka li polofeta Isaya aye lie bhú bhuku gba e me: «Ebhe apa me: Djedje nga! Ma atíma bhulü titima gba ma-a pi mu kalanu ngubula naleke kpadji pi mu.

³ Kpála ango-o ngatotobhila abhú mili bili me: «Yi leke kpadji pi Ngámá!

Yi lili odjedje kpadji pi ani má ngbuu ngbuu![†]»

⁴ Kaka-a, Djaa bhulü nabatisa okpála akoto nani abhú mili bili. Ani adu a'i okpála me u go sia batismo ngú nasuno me u adji bua o adji, amba Ebhe 'e siti 'ngú gba uo-o. ⁵ Abhomu-o, ndu okpála hana na ndu

[†] 1:3 1:2-3 Tsia bhú Mal. 3:1; di ne bhú Isa. 40:3.

doto na Yudaya, di ne ndu okpála hana na gúdhú na Yelusalema adu ago abhaka ani. U adu ambamba ta osisiti 'ngú gba o-o kala ndu okpála hana. Djaa atsia adu abatisa uo bhú ngade 'ngu na Djuludani.

⁶ Djaa adu adyi bongo inde u adu e li su enu u a'i e me «Samo.» Ani adu agbite ludu e ne ekpú na kó 'nu. Ani adu azu omakindolo di ne nadha 'mú eú.

⁷ Ani atsia adu apa pi uo me: «Kpála bini ngago pita ma. Kpála ango-o ane ma ne angu. Ma ne tetele kpála ade ngubula me ma kita ne kuto ngubula me ma bhulu ekpú na maleké gba ani-o.

⁸ Ngama-a, ma ngabatisa yi ne engu. Engú bini, ngaani-e, ani abátisa yi ne Bu Bhopua .»

Djaa abatisa Yesu

(Tsia bhú Mat. 3:13; di ne bhú Luk. 3:21-22.)

⁹ Bhú okpí bhomu-o, Yesu ayie bhú Nadjaleta, gúdhú bini na ndu doto na Galilaya, Djaa atsia abatisa ani bhú ngade 'ngu na Djuludani.

¹⁰ Nedhinga li Yesu adu akoto lie bhú 'ngu-o, ani au kokpí ngada bhúsú e. Ani atsia au di Bu Bhopua ngake pi e maka bebhe.

¹¹ Abhomu-o, eli bini akoto abhálá, atsia apa me: «Mu ne Ndili gba ma inde ma kunda e naali, mu ne kpíkpú na bua ma.»

* **1:14 1:14** Bhú obhuku koko-o mo obháka me u nde aye me «Bádha Ngali Nau gba Ebhe .» Tsia bhú Mlk. 6:17.

*Satana ale Yesu
(Tsia bhú Mat. 4:11; di ne bhú Luk. 4:1-13.)*

¹² Pipita kolo me-e, Bu Bhopua atsia amba bhúla Yesu abhú mili bili.

¹³ Ani adu oo ngubula ekpí ndjikpa badha me Satana nde ngale ani. Yesu adu nadu li bili li onu na bili adudu li e-o. Oandjelu atsia adu nateteke ani.

Yesu a'i omukpata na gigina

(Tsia bhú Mat. 4:12-22; di ne bhú Luk. 4:14-15, 5:1-11.)

¹⁴ Ekpí bini, pita li Elode Atipasi aholo Djaa lie, ani atsia ato ani bhú tikpu-o, Yesu anu bhú ndu doto na Galilaya. Ani adu akpokpo Bádha Ngali gba Ebhe-e* pi okpála. Ani adu apa me:

¹⁵ «Nedhinga nani li Ebhe a'o e akolo. Nau gba ani-e akolo di masikpe. Yi dji bua yi, yi bhuka Bádha Ngali gba Ebhe-o.»

¹⁶ Li ani adu akpangba ngo 'kpé na Galilaya lie, ani au Simo ne ndai e Andili me u nde ngabhike nado bhúbhú. Padhá de, anga u du nani obhúlú nagbe sungu.

¹⁷ Yesu atsia apa pi uo me: «Yi kpata ma, ma adjí ibili yi obhúlú nagili okpála pi Ebhe.»

¹⁸ Kolo me-e, u a'o ka onado gba o-o, u atsia akpata ani.

¹⁹ Pipita-a, Yesu adyudyo mbo lie ne kalanu masudha, ani au ongisi gba Djebedayo: Djaki ne ndai e Djaa . U adu

me u nde bhú zabú gba o, u nde ngaleke onado gba o-o.

²⁰ Abhomú-o, ani a'i uo. Má gala kolo me-e, u a'o ka 'dyi o, Djebedayo bhú zabú bhú dabili bini ne okpála na kulu-o. U atsia akpata ani.

*Yesu akobho kpála bini
inde li siti bua adú nadú bhú e*

(*Tsia bhú Luk. 4:31-37.*)

²¹ Abhomú-o, Yesu ne omékpata gba e akolo bhú kuti na Kapalanauma. A akolo lie bhú 'kpí naguo gba omaYuda-a, Yesu ali bhú 'ti nadje lili gba Moidje, ani atsia aholo nasuno.

²² Okpála inde adú nadje ani-e, adú nangamba naali li nasuno gba ani-o. Padhá de, anga ani du asuno maka omusuno na lili gba Moidje de. Engú bini, ani adú asuno ne angu.

²³ A abhaka me bhú 'ti nadje lili oo, kpála bini inde li siti bua adú bhú e nde oo. Abhomú-o, kpála ango-o asula me:

²⁴ «Yesu, kpála na Nadjaleta, mo okunda namene ngú ya pi? Mo ogo ngú nandjia angu ya? Ma mbila hana me mne da-ie. Mne Kpála na Bubu inde li Ebhe atima e ko!»

²⁵ Engú bini, Yesu ambe bhú 'ndji siti bua ango-o me: «Gbite 'bhé m, amba m koto la di bhú kpála ango-o makoto!»

²⁶ Abhomú-o, siti bua adyiki kpála bhomú-o má djigi djigi! Ani atu 'ue, ani atsia akoto bhú ani.

²⁷ Ndú okpála hana angamba naali. Kaka-a, u aholo nayi lio súnda o me: «A inde-e mangua 'ngú dho? Nasuno na mbia inde-e abedhe ne angu! Kpála inde-e ngaha belegü lili pi osisiti bua, u la bhadi ngamemene!»

²⁸ Abhomú-o, ngali gba Yesu-o ayangba bha kolo bhú ndu doto na Galilaya libhomu.

Yesu akobho okpála bhelé na kuo

(*Tsia bhú Mat. 8:14-17; di ne bhú Luk. 4:38-41.*)

²⁹ Yesu akoto lie bhú 'ti nadje lili-e me-e, u atsia anu ne Djaki di ne Djaa bhú 'ti gba Simo ne Andili.

³⁰ A abhaka me 'hi wala Simo nde asi kuto, ka anga adú li ani ne kuo, kute ani adú kpákpá. Abhomú-o, u atsia apa kolo engú gba ani-e pi Yesu.

³¹ Ani dyudyo lie de ani. Ani aha 'kpa ani, ani a'e ani bhúlá. Kuo ayie li ani, ani atsia aholo nalú 'zu pi uo.

³² A akolo lie tagolo pita natí ka ela-a, okpála aholo nago ne obhúlu kuo di ne obhende adú ne osisiti bua bhú o pi Yesu.

³³ Okpála na gudhu libhomu adú apo bhúla o li 'bhé bhoti-o.

³⁴ Abhomú-o, Yesu akobho okpála bhelé inde adú ne okuo ngangá. Ani atsia apandja di obua na sisiti bhelé inde adú nadú bhú okpála-o. Ani ha la di

nedhingga pi osisiti bua ango-o ngú nagama 'ngú belegü de bini. Padhá de, anga a adu me u nde ngambila ani hana.

Yesu akpokpo Ngali gba Ebhe-e bhú Galilaya

(*Tsia bhú Luk. 4:42-44.*)

³⁵ Bhú sikikpi-e, me biti nde ani nga bha má gbu-o, Yesu ayie bhúlá, ani akoto. Ani atsia atapa abhú mili bili. Oo, ani aholo nayo Ebhe.

³⁶ Abhomú-o, Simo ne okpála bhende u adu ne o-o, aholo nagili ani.

³⁷ U au ani lie, do uo pi ani me: «Ndú okpála hana ngagili mú.»

³⁸ Abhomú-o, Yesu atsia apa pi uo me: «Ní nü li obili koko, bhú okuti na ngongo, amba ma kpokpo di Ngali gba Ebhe-e oo. Padhá de, anga a bhomú-o engú inde ma ago ngú e ko.»

³⁹ Abhomú-o, Yesu adholo nani bhú ndu doto na Galilaya libhomu. Ani atsia adu akpokpo Ngali gba Ebhe-e bhú otí nadje líli na kuti gba uo-o. Ani adu di napandja osisiti bua inde adu nadu bhú okpála-o.

Yesu akobho bhúlú kába bini

(*Tsia bhú Mat. 8:1-4; di ne bhú Luk. 5:12-16.*)

⁴⁰ Bhú oekpí bhomú-o, bhúlú kába bini adyudyo lie de Yesu. Ani atutu lipukü e kuto kala ani, ani atsia akikiliki lie pi ani me: «I du

me mú nde akunda-a, mú ti da nakobho ma.»

⁴¹ Yesu adje ndjinga ani, ani a'o 'kpa e li kute ani. Ani atsia apa pi bhúlú kába ango-o me: «Ako, ma akunda. Kokobho!»

⁴² Ma 'li ma me-e, kába agulu li ani hana má da! Ani atsia akobho.

⁴³ Kolo me-e, Yesu agie ani sidi ne nagbele 'dje ani kpekpeke.

⁴⁴ Ani atsia apa pi ani me: «Djedje! Mo osú 'kpá li 'ngú inde-e de kpála bini belegü de má kpo! Engú bini, nü suno límu pi dimandø gba Ebhe, amba mū ha makiso gba mū-o maka li Moidje aye nani lie-o. Bhabhomú-o asúno pi okpála me mo okobho.»

⁴⁵ La-a, li kpála ango-o ayie lie oo, ani aholo bha ne kpokpo 'ngú bhomú-o pi ndú okpála hana li ndú bili hana inde ani adu apu li e-o. Kaka-a, Yesu ti matá nani da nasuno lie mbámbá bhú gudhu de. Engú bini, ani adu bha ibili nadu ne alingo gudhu, bhú omili bili. Okpála adu ayie ne ndú bili hana, u atsia adu ago nab-haka ani.

2

Yesu akobho dükuto

(*Tsia bhú Mat. 9:1-8; di ne bhú Luk. 5:17-26.*)

¹ Pita 'kpí masudha-a, Yesu agie lie bhú Kapalanauma. Okpála atsia adje me ani akuti.

² Abhomu-o, kambi okpála ago apo bhúla o oo. Kaka-a, bili na padhá tsia du de, belegü de ali 'bhe bhoti. Ani atsia adu akpokpo eli gba Ebhe-e pi ue.

³ Bhú nedhinga bhomu-o, obhosí badha ago pi ani ne dukuto bini me u nde abi ani mabi.

⁴ Engú bini, li okpála adu la lie bhelé-e, u tsia ti nani da nakolo ne ani li Yesu de. Abhomu-o, u atsia a'u ne ani apí 'ngbu 'ti. U adu gudho li 'ngbu 'ti-e li lele bili inde Yesu adu lie-o. U atsia akoto dukuto-o pi kalagba gba e téte. ⁵ Li Yesu au nabhuka gba uo lie, ani atsia apa pi dukuto-o me: «Ndika ma, osisiti 'ngú gba mu-o a'e lie a'e.»

⁶ Omusuno na lili koko gba Moidje adu me u nde adulu kuto oo. U atsia adu nabhundja li bua o me:

⁷ «Kpála inde-e ngagama 'ngú mo-o ka ni? Ani ngasobho Ebhe. A ti da na'e siti 'ngú gba kpála da, bha bini Ebhe kpi e kpi di?»

⁸ Yesu atsia ambila bha kolo me u ngabhundja li bua o mo-o. Abhomu-o, ani atsia apa pi ue me: «Yi ngabhundja li bua yi mo-o ka ni?»

⁹ A ane ne bhuku ne bhedho: ne napa pi dukuto-o me «Osisiti 'ngú gba mu-o a'e lie a'e», ne napa me «Yie bhúlá, ha kalagba gba mu-o, amba mu dhuku?»

¹⁰ Engú bini, ma adji asuno pi yi me «Ndili gba kpála ne angu na'e osisiti 'ngú gba okpála na pila doto.»

Abhomu-o, ani atsia apa pi dukuto-o me:

¹¹ «Ma apa pi mu me yie bhúlá, ha kalagba gba mu-o, amba mu gie limu agba mu!»

¹² Kolo me-e, bhoko ango-o ayie bhúlá, ani aha kalagba gba e-o, ani akoto bhú ká djila ndu okpála hana, ani atsia atapa. Ndú okpála hana adu angamba. U adu adhögé Ebhe. U atsia adu apa me: «Ya u nga ngua engú inde-e belegü de bini!»

Yesu a'i Levi

(*Tsia bhú Mat. 9:9-13; di ne bhú Luk. 5:27-32.*)

¹³ Pipita-a, Yesu anu matá lingo ekpè na Galilaya. Bhti okpála adu ago abhaka ani, ani atsia adu asuno pi ue.

¹⁴ Ani adu akodho 'kpí lie, ani au Levi, ndili gba Alafayo me ani nde adu bhú 'ti inde u adu akala mandjandja bhú e-o. Yesu apa pi ani me: «Kpata ma.» Levi ayie bhúlá, ani atsia akpata ani.

¹⁵ Pipita-a, Yesu atsia anu nazu 'he bhú 'ti gba ani. Ondembí na mandjandja di ne okpála namene siti 'ngú bhelé adulu de Yesu ne omukpata gba e-o. Padhá de, anga onguia okpála bhomu-o bhelé adu akpata ani.

¹⁶ Li omusuno na lili inde adu bhú ká omukpata au lie me Yesu ngazu 'he ne onguia okpála bhomu-o, u atsia ayi omukpata gba ani-e me: «Ani ngazu 'he bhú dabilí bini ne ondembí na mandjandja di ne okpála namene siti 'ngú ngú ni?»

¹⁷ Yesu adje uo napa engú bhomu-o lie, ani atsia apa pi uo me: «Okpála inde ne kuo ade-e ne gúmu mutia ade. Engú bini, okpála na kuo mangbo ne gúmu ani ngao. Ma go ngú na'i okpála bhende apa me o ngingbili-e de. Engú bini, ma ago mangbo ngú na'i obhende ngau lio me o ne osisiti okpála ko.»

*Yesu akpo 'ngú pindji
natse 'zú ngú nayo Ebhe*

(*Tsia bhú Mat. 9:14-17; di ne bhú Luk. 5:33-39.*)

¹⁸ Ekpí bini, omukpata gba Djaa bhúlú nabatisa okpála di ne omúFalisai adú atse 'zú ngú nayo Ebhe. Abhomu-o, okpála ago ayi Yesu me: «Ka ní li omukpata gba mu-o tsetse ezu lie ngú nayo Ebhe de-e, obhende gba Djaa bhúlú nabatisa okpála di ne obhende gba omúFalisai-e nde la ngatsetse-e?»

¹⁹ Yesu agie pi uo me: «Yi abhundja naayi me okpála inde ago bhú da anokomia na kúva ti da natse nazú 'he me 'ko ele-o nde bhú dabili bini ne uo? 'Kpí bini de! Nedhinga inde li 'ko ele-o nde nga bha lie bhú dabili bini ne uo-o, u ti da natse nazú 'he de.»

²⁰ Engú bini, ekpí akólo makolo nedhinga inde li u a'é 'ko ele-o lie bhú ká uo-o, ekpí angó-o, u tsia tsé nazú 'he.

²¹ Kpála bini ti da naleke bongo na didili ne pála

bongo na mbia de. I dú mo-o de-e, pála bongo bhe na mbia sídha té bhe na didili-o, li eka angó-o kólo ngbéngbé ane bhe na kalanu-o mane.

²² La di-e, kpála bini túko pandi na mbia bhú odidili dhudhu na kó 'nú de. I dú mo-o de-e, pandi-e úpa bhúsú odhudhu-o. Ani tsia néke pandi-e ne odhudhu-o hana. Engú bini, pandi na mbia ayo bha ne odhúdhú na mbia.»

*Yesu ne Ngámá pi 'ndji
ekpí naguo gba omaYuda*

(*Tsia bhú Mat. 12:1-8; di ne bhú Luk. 6:1-5.*)

²³ Ekpí bini naguo gba omaYuda-a, Yesu ne omukpata gba e adú akodho 'kpí bhú ngu 'zú inde u a'i e me ngano. Omukpata gba ani-e aholo akodho 'ndji 'ndji, u atsia adú nazuzu.

²⁴ OmúFalisai apa pi Yesu me: «Tsia nga engú u ngamene e li 'kpí naguo-o. Líli gba ní-e zíba namene kulu bhú 'kpí naguo de.»

²⁵ Ani atsia gie pi uo me: «Yi tanga nga engú inde li Davidi amene nani e di? Ekpí bini, ngaani ne okpála inde adú adhukú bhú dabili bini ne ani-e adje gúmu.»

²⁶ Abhomu-o, ani ali bhú 'ti Ebhe, ani atsia azú mapá inde u a'o e pi Ebhe-o (a adú me Abiatali nde ne bhele kpála gba odimande li nedhinga bhomu-o ngae). La-a, líli gba ní aziba me odimande zazu bha ngao kpi o kpi. Engú bini, Davidi azú, ani atsia aha di pi okpála

inde adu adhuku bhú dabili bini ne ani-o.»

²⁷ Yesu atsia apa matá pi uo me: «U a'o ekpi naguo pi kpála-kuti. Engú la bini, u bho kpála-kuti pi ekpi naguo de.

²⁸ Kaka-a, Ndili gba kpála di ne Ngámá pi 'ndji ekpi naguo.»

3

*Yesu akobho bhoko bini li
'kpí naguo gba omaYuda*

(*Tsia bhú Mat. 12:9-14; di ne bhú Luk. 6:6-11.*)

¹ Ekpí koko, Yesu ali matá bhú 'ti nadje lili gba Moidjedo. Bhú 'ti oo, kpála bini inde li 'kpa e andia adu oo.

² Omufalisai adu akunda na'o 'ngú pi Yesu. Kaka-a, u aholo atsia ani ne kpéke djila, atigala ani kóbho kpála inde adu me 'kpa e nde andia-a li 'kpí naguo.

³ Abhomu-o, Yesu atsia apa pi kpála ang-o me: «Yie bhúlá, amba mu lu si bhú ká djila ndu okpála hana.»

⁴ Pipita-a, Yesu atsia ayi okpála inde adu oo me: «Li 'kpí naguo gba omaYuda-a, lili gba ní-e aziba bhedho: U mene bádha 'ngú ne me u mene siti 'ngú? U kobho kpála ne me u bhele kpála?» Engú bini, u tsia du ne engú na gigie de!

⁵ Ani aholo atsia ndu uo hana bini ne bini na gúgú. Bua ani ake, ka kpéke 'ndji gba uo-o. Abhomu-o, ani atsia apa pi kpála li 'kpa e

andia me: «Gbele 'kpa mu.» Kpála ang-o agbele 'kpa e, 'kpa ani atsia akolo matá ndjindji.

⁶ Li omufalisai aze lie oo, u atsia apo kolo bhúla o ne omaha Elode.* U atsia adje lio me ogili kpadji nabhele Yesu.

*Kambi okpála akpata
Yesu*

⁷ Pipita-a, Yesu ne omukpata gba e agbida língo ekpè na Galilaya. Kambi okpála atsia akpata ani. Okpála ang-o ayie nani bhú ndu doto na Galilaya ne Yudaya,

⁸ bhú gádhá na Yelusalema, bhú ndu doto na Idumé, bhú ndu doto inde ayi 'ngu na Djuludani, bhú odoto na Tile ne Sidona. Kambi okpála ang-o adje nani ngali na ongú li Yesu adu amene e lie, u atsia ago abhaka ani.

⁹ Yesu atsia aha lili pi omukpata gba e me u'o zabu pi ni bini masikpe, amba i du me okpála bhomu-o nde asulá ni má wakaka-a, ni de 'u bhúbhú.

¹⁰ Padhá de, anga ani akobho nani okpála bhelé. Kaka-a, okpála na kuo adu agbene lio me o bu 'kpa o li ani amba o kobho.

¹¹ Li okpála inde li osisiti bua adu ato mbolo li o adu au ani lie, u adu ago atuko ne 'ue bhú li 'dhú ani me: «Mu ne Ndili gba Ebhe.»

* **3:6 3:6 Okpála gba Elode:** A ko okpála inde adu bhú dabili bini ne Elode. Tsia bhú Mat 22:16.

¹² Engú bini, Yesu adú apa pi uo na gúgú me u ambámba ta ni pi okpála koko de.

Yesu alo obhulü titima ndjikpa ne ká bhisi

(*Tsia bhú Mat. 10:1-4; di ne bhú Luk. 6:12-16.*)

¹³ Pipita-a, Yesu a'ü apí 'ta. Ani atsia a'i obhende ani adú akwanda o-o. U atsia ago abhaka ani.

¹⁴ Abhomü-o, bhú ká okpála angó-o, ani alo okpála ndjikpa ne ká bhisi. Ani agisila 'li uo me obhulü titima. Ani a'o uo ngubula me ni dñ adú ne uo bhú dabili bini, la di ngubula me ni tima uo ngú nakpokpo Ngali gba Ebhe-o.

¹⁵ Ani aha di pi uo angu ngú napandja osisiti bua bhú okpála.

¹⁶ A inde-e obhe ndjikpa ne ká bhisi inde ani alo nani o-o: Simo (inde li Yesu agisila nani 'li e me «Piele»),

¹⁷ Djaki ne ndai e Djaa (ongisi gba Djebedayo inde li Yesu aha nani 'li koko pi o me «Boaneledjesi», a akwanda napa me «ongisi gba mugbálá»),

¹⁸ a la di-e, Andili, Filipo, Batelemi, Matié, Túma, Djaki (ndala Alafayo), Tade, Simo (kpála nakwanda doto gba e naali),

¹⁹ di ne Yuda Isikaliote, kpála inde apí Yesu-o.

Okpála na piga gba Yesu abhundja me ani ati pele

²⁰ Abhomü-o, Yesu agie matá lie li bili ani adú nadú li e-o, bhití okpála atsia ago

apo matá bhúla o de ani. Kaka-a, Yesu ne omukpata gba e sia belegü nedhinga ngú nazü 'he de.

²¹ Li okpála na piga gba ani adje ngali angó-o lie, u aké kpadji ngú nanu aholo ani. Padhá de, anga u adú apa me: «Yesu akolo bhulü pele!»

Yesu agie 'ngú pi omusuno na lili gba Moidje

(*Tsia bhú Mat. 12:22-32; di ne bhú Luk. 11:14-23, 12:10.*)

²² Abhomü-o, omusuno na lili gba Moidje inde ayie nani bhú Yelusalema adú apa me: «A bhú kpála bhomü-o ne Beledjebula!» U adú di apa matá me: «A ngaha angu nato holo bhú 'dhü osisiti bua pi ani ne ngámá gba osisiti bua.»

²³ Abhomü-o, Yesu atsia a'i omusuno bhomü-o. Ani atsia apa pi uo bhú gbitaku me: «Lele pi Satana ti da nato holo lie bhú 'dhü Satana-a?»

²⁴ I du me okpála gba ngámá bini nde ngagü gbele súnda o, kütì angó-o lú-u de.

²⁵ I du me okpála na piga bini nde ngagü gbele súnda o, piga angó-o lú-u de.

²⁶ I du me Satana nde ngagü lie ngae makpe, nau gba ani-e gbogbo bhúsü e. Ani ti da nabhue de, li 'ngú gba ani-e ndjia.

²⁷ Kpála ti da nali bhú 'ti gba kpéke bhoko bini de, ani tsia bhá ndu 'he gba ani-e me ani nde gbigbite

4

ngaiza kpéke bhoko bhomu-o kalanu de-e de. Engú bini, ani de agbigbite ani agbigbite-e, ani tsia bhá ndu 'he gba ani-o.

²⁸ Ma apa pi yi na paká me, u tí da nambu li osisiti 'ngú gba okpála di ne osobho inde u ngasobho Ebhe ne e hana.

²⁹ Engú la bini, li kpála sobho Bu Bhopua-a, Ebhe 'é siti 'ngú gba kpála angoo de. Padhá de, anga ani amene bhomu-o siti 'ngú na duduuma.

³⁰ Yesu adu apa nani pi uo mo-o, anga u adu apa me: «A bhú ani ne siti bua.»»

'Hi Yesu ne ondaise Yesu ngao dho

(Tsia bhú Mat. 12:46-50; di ne bhú Luk. 8:19-21.)

³¹ Pipita-a, 'hi Yesu ne ondaise ani akolo li bili ani adu asuno li e-o. U alulú akilidjo, u atsia atima kpála bini ngú na'i ani.

³² Kambi okpála adulu nani de ani. U atsia apa pi ani me: «Tsia nga, 'hi mu di ne ondaise mu alulú akilidjo, u ngagili mu.»

³³ Ani atsia gie pi uo me: «'Hi ma ne ondaise ma ngao dho?»

³⁴ Abhomu-o, ani atsia bhti okpála asa dengo ani ngbalina-o. Ani atsia apa me: «Yi tsitsia nga, 'hi ma ne ondaise ma ngao inde!»

³⁵ Ndú kpála hana inde ngamene engú li Ebhe akunda e, kpála angoo, a ko ndai ma na bhobhoko, a ko ndai ma na eelø, a ko la di 'hi ma.»

Gbitaku gba bhulú nalu nguwa

(Tsia bhú Mat. 13:1-9; di ne bhú Luk. 8:4-8.)

¹ Li Yesu akolo lie lingo ekpè na Galilaya-a, ani aholo matá nasuno. Abhomu-o, bhti okpála na bhibhiti ago apo bhúla o de ani. Kaka-a, ani atsia a'u bhú zabu bini, ani anu adu bhúbhú apí 'ngu. Bhti okpála-a atsia adu naao apigo dengo 'ngu-o.

² Yesu atsia adu asuno ongú pi uo bhelé bhú ogbitaku. Ani adu apa bhú nasuno gba e me:

³ «Yi djedje nga! Ekpí bini, kpála bini anu abhiye gba e ngú nalu 'zu.

⁴ Nedhinga ani adu alulu lie, téte abala lingo kpadji. Odhu ago, u atsia azu hana má kpékébhe!

⁵ Koko atsia abala li bili na teme, doto du li bili angoo bhelé de. Kaka-a, a atsia ake má gala, anga doto du sasa bhelé de.

⁶ Engú bini, li ela akolo lie kpekpeke-e, ezu angoo atsia atsulu ka ndibhili sisio-o. Abhomu-o, a atsia a'u.

⁷ Té koko abala li bili na oeti, oeti atsia abhele, a anguvu ezu-o. Kaka-a, a atsia li lili de.

⁸ Lí nguwa koko atsia abala li bili na dobho, a ake, a abhele a atsia ali lili. Lí nguwa bini ali lili ndjikpa bata. Koko ali lili ndjikpa madhia. Koko ali lili kámá bini.»

⁹ Yesu atsia abu tata me: «I du me a nde li kpála ne djedje ngú nadje 'kpí-e, ani de dje!»

Yesu ngakpo 'ngú bhú ogbitaku ká ni?

(*Tsia bhú Mat. 13:10-17; di ne bhú Luk. 8:9-10.*)

¹⁰ Pipita-a, li Yesu atigala bha lie ne omukpata ndjikpa ne ká bhisi di ne okpála inde adu nadu de ani titi o-o, u aholo nayi ani pindji ogbitaku-o.

¹¹ Ani atsia agie pi uo me: «Ngayi-e, Nau gba Ebhe ambamba ta e pi yi ambamba. La-a, pi okpála bhende kilidjo-o, ma bha ngapapa pi uo bhú ogbitaku.

¹² A ko ngubula me engú inde bhú Bhuku gba Ebhe-e mene lie. Engú inde me:

«Abana u du atsia 'kpí-e, u ú 'kpí de,
abana u du adje 'kpí-e, u ké mbolimboli de.
Kaka-a, u djí bua o de,
Ebhe 'é di siti 'ngú gba uo-o de.†»

Yesu ambamba ta gbitaku gba bhulu nalu nguwa

(*Tsia bhú Mat. 13:18-23; di ne bhú Luk. 8:11-15.*)

¹³ Pipita-a, Yesu atsia apa pi uo me: «Yi ké mboli gbitaku bhomu-o de! La mbia inde-e, yi aké mboli ndu ogbitaku koko hana lele pi?

¹⁴ Bhulu nalu nguwa inde ma de apa 'ngú e ngalu eli gba Ebhe .

¹⁵ Okpála koko maka ngo 'hi kpadji li bili inde li eli gba Ebhe-e alu lie li e-o. Nedhinga u adje eli-e lie, kolo ma 'li ma me-e, Satana gó, ani tsia 'é eli inde alu lie bhú uo-o.

¹⁶ Okpála koko ngasia eli-e bhú doto na ká teme. Nedhinga u ngadje eli-e lie, a bhúe de u ngasisia ne djalihana.

¹⁷ Engú bini, u 'o de me eli bhomu-o si kuti e ali bua o-o de. U nga'o 'to o téte bha mbo ngú nedhinga bedi. Kaka-a, nedhinga li okpekpeke da 'ngú ngago lie, i du di-e mbolo ka 'li Ebhe-e, u nga'o ká nabhuka gba o kolo má gala!

¹⁸ Matá-a, okoko ngasia eli-e bhú ká oeti. A bhomu-o, obhende i di me ziba eli inde u ngadje e-o.

¹⁹ Engú bini, u ngabhundja naali pindji ongú na doto inde. Tiatia ngapipite uo. La di-e, ndu ogumu 'ngú ngangá ngali bhú uo, i tsia ngúvo eli-o. Kaka-a, eli-e zú nguwa de.

²⁰ Ngú nabu tata-a, okoko ngasia eli-e bhú doto na dobho. U ngadje eli-o, u ngasisia, u la di ngali lili. Bhú okoko-o, lili bini ngali lili ndjikpa bata, bhú okoko ndjikpa madhia, bhú okoko kámá bini.»

Yesu akpokpo gbitaku na eke

(*Tsia bhú Luk. 8:16-18.*)

²¹ Pipita-a, Yesu atsia apa pi uo me: «U dhedhedhe

† **4:12 4:12** Tsia bhú Isa. 6:9-10.

eke ngubula na'o'o asa lusa
i du di-e asa mako uu? U
dhedhedhe mangbo ngubula
na'o'o pi misa.

²² Padhä de, anga ehe bini
ade inde adädu bhü pepe,
inde i koto bhü mbasu de-e
ade. La di-e, ndü 'he hana
inde awo lie mawo inde li
kpala u e de-e ade.

²³ I du me a nde li kpala ne
djedje ngü nadje 'kpí-e, ani
de dje!»

²⁴ Yesu atsia apa pi uo
me: «Yi 'o 'to yi li 'ngü ma
ngapa e ndjindji, anga yi dje
ndjindji-e, yi ke bhadi mboli
engü bhelé.

²⁵ Padhä de, anga kpala
inde ngake mboli engü
ndjindji-e, Ebhe ambamba
bhadi ta engü bhelé pi ani.
Engü bini, kpala inde i ke
mboli engü ndjindji de-e, u
a'e belegü mboye bhende ka
ani-o.»

Naü gba Ebhe-e maka ni?

²⁶ Yesu atsia apa matá pi
uo me: «Yi tsia nga ehe inde
li Naü gba Ebhe-e nde maka
e ko. A maka kpala inde adji
abhiye ngü nalu nguwa.

²⁷ Ngbikpi ne sukpe, abana
ani du bha tila, ne me ani
du li zukü, li nguwa du bha
me a nde ngaze, a nde la di
ngabhele. Ani mbila la de
me a ngamene lie lele pi-ie
de.

²⁸ Doto ne titi e ngake
ngaiza müsana. Pipita-a, i bí
'bhi. Li soso-o, i bá lili inde
ato na paká paká.

²⁹ Li lili mbe-e, kpala alu-
o tsia kodho anga a ko

nedhinga na'e nguwa ab-
hiye.»

³⁰ Yesu atsia apa matá me:
«Ní ti da nakpo 'ndji Naü
gba Ebhe-e ne ni, ne me ní
ti da nasusuno li mangua
gbitaku dho?»

³¹ A maka lí 'lá u a'i e me
mütadi. Li u lu ani bhü doto-
o, a ko lí nguwa bhe na yeye
ane mane bhü ká oli nguwa
hana na pila doto.

³² Engü bini, nedhinga u
alu ani lie, a ngabhele, i tsia
kolo ngbengbéké ane ondula
koko hana. Li oyáyá-a kolo
ngbengbengbe da napa me
odhu ti da nayiki otí gba o
bhü bhti kpákpá-o.»

³³ Abhomü-o, Yesu adü
asuno bhü ogbitaku bheté
maka obhende bhomü. Ani
adü akpokpo li Ebhe pi
uo li lele bhende li okpala
adü adje ani-e, ti da nake
mbolimboli lie ko.

³⁴ Ani du nani agama
'ngü pi uo padhä de
mandi gbitaku. Engü bini,
nedhinga ani adü nadü lie
ne omukpata gba e titi o, ani
atsia adü ambamba tata-a pi
uo hana.

*Yesu ayoko kpéke anvi pi
'ngü*

*(Tsia bhü Mat. 8:23-27; di
ne bhü Luk. 8:22-25.)*

³⁵ Bha tagolo bhü ekpí
bhomü-o, Yesu atsia apa pi
omukpata gba e me: «Ní
gulu 'ngü ayi 'ngü.»

³⁶ Abhomü-o, u a'o ká bhti
okpala-o, u anü ne Yesu bhü
zabü ani adü bhü e-o. Ozabü
koko adü di bhü dabili bini
ne uo.

³⁷ Kolo me-e, kpéke anvi na gipi aholo ape. Ongbo 'ngu-o adu atuko bhá zabú masikpe de me zabú-o bedhe ne engu.

³⁸ La ngaani, Yesu-o, ani adu me ani nde ala atabhu zabú-o. Ani a'o 'ndji e pi kuse. Omukpata gba ani anu azukú ani ne napa pi ani me: «Musuno, ní adji amú. A zi 'ngú bhá djila mu di?»

³⁹ Ani azukú lie, ani ambe bhá 'ndji anvi-o. Ani atsia apa pi ngbo 'ngu-o me: «Gba 'bhe mu! Ndjili má bulu!» Anvi a'o nape, engu atsia akolo guguo má bi!

⁴⁰ Yesu atsia apa pi omukpata gba e me: «Yi ne tsulu mo-o ka ni? Nabhuka nga bhá yi adi?»

⁴¹ Engú bini, u adu adje tsulu naali. U atsia adu apa sunda o me: «Ae mangua kpála dho i ngadje belegü e ne anvi di ne engu-o?»

5

Yesu akobho kpála bini inde li siti bua adu nadu bhá e

(*Tsia bhá Mat. 8:28-34; di ne bhá Luk. 8:26-39.*)

¹ Pipita-a, Yesu ne omukpata gba e akolo ayi 'ngu, bhá ndu doto gba okpála na Gelasa.

² Li Yesu akoto lie bhá zabú-o, kolo me-e, kpála bini akoto li bili na olata, ani atsia ago abhaka ani. Kpála ango-o, siti bua adu nadu bhá ani.

³ Kpála ango-o adu nadu bhá ká olata. Kpála bini

ti naní da nagbite ani de, belegü de ne gbindjili.

⁴ Padhá de, anga bhátsibhátsi, u adu agbite 'dhá ani di ne 'kpa ani ne ogbindjili. Engú bini, ani adu akokodho ogbindjili bhomu-o má dhu dhu dhu! Kpála bini ko naní angu e pi ani de.

⁵ Ndú 'kpí hana sukpe ne ngbikpi ani adu bha nasusula bhá ká olata di ne bhá ká oeta. Ani atsia adu natsotsolo eka li kute e ngae makpe ne oteme.

⁶ Ani au Yesu lie me ani nde nga bha tsutsu-o, ani ago ne holo, ani atutu lipukú e kuto kala ani.

⁷ Ani atsia asula kpekpeke me: «Yesu, Ndili gba Ebhe Apí 'Kpí, mo okunda namene ngú ma pi? Ma akikiliki lima pi mu! Ne li Ebhe, mo otó mbolo li ma de.»

⁸ (Ani asula mo-o, anga Yesu apa nani pi siti bua ango-o me ani koto bhá kpála bhomu-o makoto!)

⁹ Abhomu-o, Yesu ayi ani me: «A li mu pi?» Ani agie pi ani me: «A li ma me Bhelé, anga ya bhibhiti.»

¹⁰ Abhomu-o, osisiti bua-a akikiliki lio pi Yesu naali me ani agbe o bhá ndu doto bhomu-o de.

¹¹ A abhaka me 'ngbé piga opame nde ngazu 'he li pabu 'ta oo.

¹² Osisiti bua atsia akikiliki lio pi Yesu me: «Tima ya bhá ká opame inde, amba ya li bhá oo.»

¹³ Abhomu-o, Yesu atsia aziba pi uo. U aze bhú kpála ango-o, u atsia ali bhú opame-o. Piga opame bhomu-o libhomu aké eta ne holo, u anu atuko bhú ekpe-o, u atsia amu ndu o hana. U adu masikpe de kutu bhis*i*.

¹⁴ Abhomu-o, omulila gba opame atsi naao ne holo. U anu akpokpo 'ngú ango-o pi okpála abhú gúdhu ne bhú okut*i* na ngongo. Okpála atsia ago ngú nau engú inde akodho 'kpí-o.

¹⁵ U ago de Yesu, u au kpála inde li bhti osisiti bua adu nadu bhú e-o: an*í* adu me an*í* nde adu kuto, an*í* nde ato bongo li e, an*í* nde ngab-hundja 'ngú ndjindji. Abhomu-o, u atsia adje tsulu naali.

¹⁶ Okpála bhende au engú ango-o, atsia akpokpo engú inde akolo li kpála bhomu-o, di ne li opame-e pi uo.

¹⁷ Abhomu-o, u atsia aholo nakikiliki lio pi Yesu me an*í* yie bhú ndu doto gba o yiyie.

¹⁸ Li Yesu adu a'u lie bhú zabu-o, kpála li siti bua adu igini bhú e, adu akikiliki lie pi an*í* me ni du bha ibili ne an*í* bhú dabili bini.

¹⁹ Yesu tsia ziba pi an*í* mo-o de. Engú bini, an*í* apa pi an*í* me: «Gie limu agba mu, bhú ká okpála na piga gba mu-o, amba mu kpokpo ndu 'ngú hana li Ngámá amene e pi mu-o maka an*í* adje ndjinga mu lie pi uo.»

²⁰ Abhomu-o, kpála ango-o atapa. An*í* atsia aholo nakpokpo ndu 'ngú hana

li Yesu amene e pi ani-e bhú ndu doto na Ogudhu Ndjikpa. Okpála inde adu adje ani-e, ndu uo hana adu angamba naali.

*Yesu akobho ndili na øøle
gba Yailo di ne øøle bini*
(*Tsia bhú Mat. 9:18-26; di
ne bhú Luk. 8:40-56.*)

²¹ Li Yesu agie matá lie lie ayi ekpe-o, kambi okpála abedhe de ani bedhe lingo ekpe-o.

²² Abhomu-o, suka ongámási na eti nadje lili gba Moidje ago. A du li ani me Yailo. An*í* au Yesu lie, an*í* ati bhú li 'dhu an*í*.

²³ An*í* atsia akikiliki lie pi an*í* ne kekele ne napa me: «Ndili na øøle gba mama masikpe de nakpi. Gogo, nu 'o 'kpa mu pi 'ndji an*í* ngubula me an*í* kobho, amba an*í* akpi-i de.»

²⁴ Abhomu-o, Yesu anu ne an*í* bhú dabili bini. Bhti okpála na bhibhiti naali adu akpata an*í*. U aholo nasulu an*í*.

²⁵ Abhomu-o, øøle bini inde asi ne kuo naze ka ngute kalanga ndjikpa ne ká bhis*i*e adu oo.

²⁶ Bhti omutia inde atia nani an*í*-e, aha nani likabhu pi an*í* naali. Padhá de, anga an*í* andjia nani tia nganda e hana má kpekebhe, an*í* kobho de! Engú bini, kuo gba an*í*-e adu mangbo nakolo sisiti naali.

²⁷ An*í* adje ngali gba Yesu-o lie, abhomu-o, an*í* ago bhú ká bhti okpála ne akele an*í*,

ani atsia abu 'kpa e li bongo gba ani-o.

²⁸ Padhá de, anga ani adu apa li bua e me: «I du me ma nde abu nga bha bini 'kpa ma li bongo gba ani-e, ma kóbho.»

²⁹ Abhomu-o, kolo ma 'li ma me-e, ngute-e akodho má ká! Ani atsia ambila bhú e me Yesu akobho ni ne kuo gba ni-e akobho.

³⁰ Bha li nedhinga bhomu-o, Yesu ambila bhú e makpe me angu nakobho kpála akoto bhú ni. Abhomu-o, ani atsia tsia 'kpí ne lingo e hana, ani atsia ayi me: «A abu 'kpa e li bongo gba ma-da?»

³¹ Abhomu-o, omukpata gba ani-e agie pi ani me: «Mu ngau hana me bhti okpála asulu mu má wakaka! Lele pi mu ti da nayi lie me: <Abu 'kpa e li ma da-ie?»»

³² Engú bini, Yesu adu bha natsitsia 'kpí lingo e ngú nau kpála inde amene engú bhomu-o.

³³ Ólø ang-o-o adu adje tsulu, ani aholo nagaku. Padhá de, anga ani ambila nani engú inde akolo li ani-e ndjindji. Ani ago ati bhú li 'dhé Yesu, ani atsia apa ndu 'ngú hana na kúkulú pi ani.

³⁴ Abhomu-o, Yesu atsia apa pi ani me: «Ndi ólø-e, nabhuka gba mu-o akobho mu akobho, nu ne guo 'ngú. Mo okobho ne kuo gba mu-o akobho.»

³⁵ Yesu ndjia nga nagama 'ngú de, okpála inde ayie

agba Yailo akolo. U atsia apa pi ani me: «Ndili gba mu-o akpi. Mo ondála matá Musuno de.»

³⁶ Engú bini, Yesu 'o 'to e li 'ngú u adu apa e de. Ani apa bha pi Yailo me: «Mo odjé tsulu de, du bha ne nabhuka.»

³⁷ Yesu tsia ziba pi kpála koko nanu ne o de. U anu bha bhú dabili bini ne Piele ne Djaki, a la di-e Djaa ndai Djaki-o.

³⁸ U akolo akutí gba Yailo. Yesu au me okpála má dja dja dja! U adu aku 'gbá naali, u atsia adu di atu 'ue.

³⁹ Abhomu-o, ani ali abhú 'ti, ani atsia apa pi uo me: «Yi má dja dja dja di ne naku 'gbá naali me-e ka ni? Ndili-e kpi de, engú bini, ani tila.»

⁴⁰ Abhomu-o, u aholo amu ani.

Engú bini, ngaani-e, ani apandja ndu okpála hana kilidjo. Ani aha bha bini 'dyi ndili-e ne 'hi ndili-o, la di ne omukpata gba e bata-o. Abhomu-o, u atsia ali ne uo abhú tina 'ti inde li ndili-e adu bhú e-o.

⁴¹ Ani aha 'kpa ndili-o, ani atsia apa pi ani me: «Talita kumi!» (Tata-a me: «Ndi ólø-e, ma apa pi mu me yie bhúlá!»)

⁴² Ndi ólø ang-o-o (inde adu nani ne kalanga ndjikpa ne ká bhisí ayie kolo bhúlá má gala! Ani atsia aholo nadhukú). Bhú nedhinga bhomu-o, bhú 'bhé okpála akpina má di!

⁴³ Abhomu-o, Yesu agbele 'dje uo kpekpeke me u apá

engú angó-o pí kpála belegú de bini. Pipita-a, ani atsia apa pí uo me u ha ezú pí ani.

6

Okpála na Nadjaleta ayala Yesu

(*Tsia bhú Mat. 13:53-58; di ne bhú Luk. 4:16-30.*)

¹ Yesu ayie lì bili bhomú-o, ani atsia gie lie bhú Nadjaleta, kuti inde ani abhele bhú e-o. Omukpata gba ani-e atsia anú di bhú dabili bini ne ani.

² A akolo lie bhú 'kpí naguo gba omaYuda-a , ani aholo nasuno bhú 'ti nadje lili gba Moidje-o . Abhomú-o, bhití okpála inde adú nadje ani-e, adú angamba naali. U adú apa me: «A asuno ongú inde-e pí ani da? Ani ayie ne imbilangú di ne angu namene ongu ongamba 'ngú inde-e su?

³ A inde-e kpála nagolo ndula-a di? A ko ndili gba Malia di? A ko ndai Djaki ne Djodje, ne Djude, la di ne Simo-o di? Ondaise ani na olisilisi la bhadi bhú dabili bini ne ní sii adi?» Kaka-a, u atsia ayala nabhuka ani.

⁴ Abhomú-o, Yesu atsia apa pí uo me: «U mamanga polofeta ne ndu bili hana. La-a, u mamanga ani de-e bha bhú kuti inde u azu ani bhú e-o, ne bhú ká omaha ani, ne la di bhú ká okpála na bhú 'bu 'ti gba ani-o.»

⁵ Ka ndi nabhuka gba uo-o, ani ti nani da namene ongamba 'ngú oo bheldé de. Ani akobho bha obhulu kuo

bedi me ani nde nga'o 'kpa e pí uo.

⁶ Abhomú-o, ani atsia adú angamba naali ka ndi nabhuka gba uo-o.

Yesu atima omukpata gba e ndjikpa ne ká bhisi bhú kulu

(*Tsia bhú Mat. 10:5-15; di ne bhú Luk. 9:1-6.*)

Pipita-a, Yesu adholo bhú ndu okuti na ngongo hana me ani nde ngasuno pí okpála.

⁷ Abhomú-o, ani a'i omukpata ndjikpa ne ká bhisi gba e-e ngú natima uo bhisi bhisi. Kala natima uo-o, ani aha angu pí uo ngú napandja osisiti bua bhú okpála.

⁸ Ani atsia aha lili inde-e pí uo me: «Yi ahá ehe bini ngú enú-o de, yi ha bha ndula bini. Yi abí ezú de, yi ahá gonia de, yi ató falanga lì yi bhú 'ti bongo de.

⁹ Yi dyi maleké bhú 'dhú yi, engú bini, yi adyí bongo na mbulu bhisi de.

¹⁰ Nedhinga yi lì lie bhú gudhu bini-e, yi de du bha nasi gba koli kpála bini akólo lì 'kpí yi akóto bhú gudhu angó-o lie ko.

¹¹ I du me okpála na kuti bini nde sia yi de-e, i du la di me u nde dje yi de-e, yi de yie oo, amba yi pulu ndju doto na kuti bhomú-o lì 'dhú yi hana. Bhabhomú-o asúno ngae me yi abala uo ne ndu 'ngú gba o hana abala.»

¹² Abhomú-o, omukpata ndjikpa ne ká bhisi-e agbida. U atsia adú akpokpo

ngali gba Ebhe-e pí okpála ne napa pí uo me a ayo me u dji bua o.

¹³ U adú apandja osisiti bua bhelé bhú okpála. U atsia adú akobho okpála na kuo bhelé ne napulu 'má pí 'ndjí uo.

Elode Atipasi aha líli me u bhélə Djaa bhélə nabatisa okpála

(*Tsia bhú Mat. 14:1-12; di ne bhú Luk. 9:7-9.*)

¹⁴ Abhomú-o, 'ngbé ngámá Elode Atipasi adje engú gba Yesu-o, anga 'lí ani ayangba nani ne ndú bili hana. Okpála adú apa me: «Djaa bhélə nabatisa okpála azuku! Kaka-a, a bhú ani ne angu namene ongamba 'ngú.»

¹⁵ Okpála koko adú apa naao me: «A ko polofeta Eliya.» Do okoko me: «A ko polofeta koko maka súka obhende na kalanú-o.»

¹⁶ Li Elode adje engú gba Yesu lie-e, ani atsia apa me: «A ko Djaa bhélə nabatisa okpála! Ma ha nani líli ngama makpe me u kodho ngálə ani. La-a, ani azuku bhomú-o ngae!»

¹⁷ A na paká me Elode atima nani osúdha me u nü holo Djaa bhélə nabatisa okpála, amba u to ani bhú tíkpú ngabula Elodiade. Elodiade nani ne olé gba ndai ani Filipo. Engú bini, Elode atsia aha nani ani maka olé ka e.

¹⁸ Abhomú-o, Djaa adú apa pí Elode me: «Líli ziba pí mu

ngú naha olé gba ndai mu-o de.»

¹⁹ Kaka-a, Elodiade adú nayala Djaa, ani atsia adú akúnda me u bhele ani. Engú bini, ani ti nani da naha líli de me u bhele ani mandí napa me Elode ziba.

²⁰ La pí Elode, ani ambila nani lie me Djaa ne kpála na ngingbili di na bubu-o, ani adú namanga ani naali, ani atsia adú di nalila ani. Nedhinga li Elode adú adje 'li Djaa lie, mabhundja gba Elode adú angbingi naali. Engú bini, ani adú ne djali naali ngú nadje ani.

²¹ Abhomú-o, li ekpí u azu Elode akolo lie, a adú ekpí na babadha pí Elodiade. Elode amene anokomia pí olubasa gba e, pí ongámási na súdha, di ne pí ongámási na ndu doto na Galilaya hana.

²² Ndíli olé gba Elodiade ango-o ago. Ani atsia ali bhú 'ti na anokomia-o. Ani adho ebi, a atsia anga li Elode di ne okpála inde ani a'i o bhú anokomia-o. Abhomú-o, Elode atsia apa pí ndíli olé ango-o me: «Yo 'he inde mu nde ne gámu e ka ma, amba ma ha pí mu.»

²³ Ani atsia atu silika pí ani me: «Ehe inde mo oyó e ka ma-a, ma há bha pí mu e, abana i du bha nagbo bhúsú nau gba ma ko.»

²⁴ Abhomú-o, ndíli ango-o akoto, ani anu ayi 'hi e me: «Mo okúnda me ma yo ka ngámá ni?» 'Hi ani atsia agie pí ani me: «Yo 'ndjí Djaa bhélə nabatisa okpála ko.»

²⁵ Ani agie lie ne holo agba ngáma. Ani atsia apa pi ani me: «Ma akunda me ha muma mbia inde-e, bhú tsakpa saani, 'ndji Djaa bhulú nabatisa okpála!»

²⁶ Abhomu-o, Elode asia likabhu li bua e naali. Engú bini, ani ti naní da nayayala de ka silika inde ani atu e kala okpála inde ani a'i o bhú anokomia-o.

²⁷ Abhomu-o, Elode atima kolo súka omúlila gba e me ani nu, amba ani go ne 'ndji Djaa bhulú nabatisa okpála-o. Múlila angó-o anu, ani atsia akodho ngulú Djaa bhulú nabatisa okpála bhú tikpu-o má tse!

²⁸ Pipita-a, ani aha 'ndji Djaa-a, ani ago ne di bhú tsakpa saani, ani aha pi ndili élé angó-o. Abhomu-o, ndili élé angó-o atsia anu aha pi 'hi e.

²⁹ Li omúkpata gba Djaa adje engú angó-o lie, u ago aha kuo ani, u atsia azi.

Yesu aha ezú pi obhosí kutu bhuluvue

(Tsia bhú Mat. 14:13-21; ne bhú Luk. 9:10-17; di ne bhú Dja. 6:1-14.)

³⁰ Pita nagie lie ka obhulú titima ndjikpa ne ká bhisi-e bhú kulu-o, u apo bhúla o de Yesu. U atsia akpokpo ndu 'ngú inde u amene e di ne bhende u asuno e hana pi ani.

³¹ Do ani pi uo me: «Yi gógo, ní nu li bili inde li kpála nde lie ade, amba yi guo nga mbo masudha.» Padhá de, anga okpála inde

adu nago, di ne obhende adu agie lio-o, u adu bhibiti naali. Kaka-a, Yesu ne omúkpata gba e sia belegu nedhinga ngú nazu 'he de.

³² Abhomu-o, u a'u'u bhú zabu-o, u atsia atapa bha ngao kpi o kpi li bili li kpála nde li e ade ko.

³³ Engú bini, okpála bhelé au maka u adu anu lie hana. U atsia ambila me a ko uo. Abhomu-o, okpála ayie ne ndu ogudhu bhelé, u agu holo ne 'dhú o, u atsia akolo li bili angó-o pi Yesu ne omúkpata gba e kalanu.

³⁴ Li Yesu akoto lie bhú zabu-o, ani au bhti okpála-o. Ani adje ndjinga uo, anga u adu maka okandele inde li múlila nde ka o ade ko. Abhomu-o, ani atsia aholo nasuno engú bhelé pi uo.

³⁵ A akolo lie masíkpe de nabi ka ekpí-e, omúkpata gba ani-e adyudyo lio de ani. U atsia apa pi ani me: «Ekpí-e ngabi, a la di-e mili bili.

³⁶ Ha kpadji pi okpála inde, amba u nu kala ezú nazu mazu pi o li ongangba di ne bhú okuti na ngongo si.»

³⁷ Engú bini, Yesu agie pi uo me: «Yi ha ezú pi uo ngayi makpe!» Abhomu-o, u atsia ayi ani me: «Ya ayié ne bhti tia ngú nakala ezú nazu mazu pi bhti okpála inde-e su?»

³⁸ Abhomu-o, ani ayi uo me: «Mapa ka yi madho? Yi nu tsitsia!» U atsia lie, u atsia apa me: «A ka ya ne mapa bhuluvue, la di ne sungu bhisi.»

³⁹ Abhomu-o, Yesu atsia aha lili pi uo me: «Yi pa pi ndu okpala hana me u popo bhala o, amba u duhu kuto pi ulu-o.»

⁴⁰ U apopo bhala o, u aduhu kuto: okoko kama kama, okoko ndjikpa bhuluvue ndjikpa bhuluvue.

⁴¹ Abhomu-o, Yesu aha mapu bhuluvue ne sungu bhisi-o. Ani atsia 'kpí ne abhulá, ani atsia agie henri pi Ebhe nganga. Pipita-a, ani atsia agugum mapu angu-o, ani aha pi omukpata gba e-o, amba u gapa li okpala. Ani atsia agapa di sungu bhisi-e pi ndu okpala hana.

⁴² Ndú uo hana azu 'he, u atsia a'u'u má kpe-e kpe-e!

⁴³ Pipita-a, omukpata alo du mapu ne sungu inde atigala-o, a atsia abebedhe okili ndjikpa ne ka bhisi.

⁴⁴ Bhú ka obhende azu 'he angu-o, obhosu nani kutu bhuluvue. (Mandi natanga olisi ne ongisi.)

Yesu adholo pi 'ngu

(Tsia bhú Mat. 14:22-33; di ne bhú Dja. 6:15-21.)

⁴⁵ Pipita kolo me-e, Yesu apa pi omukpata gba e me: «Yi 'u'u bhú zabu. Yi kodho 'kpí muma kalanu ayi 'ngu li papá na gudhu na Betesaida li nedhinga ma nde nga lie na ha kpadji pi okpala ko.»

⁴⁶ Pita nagbo bhusu e ne uo-o, ani anu a'u apí 'ta ngu nayo Ebhe.

⁴⁷ Li ekpi abi lie, omukpata adu ne zabu atu 'ngu, Yesu atsia atigala apí 'go kpi e kpi.

⁴⁸ Ani au me omukpata gba ni-e ale nadjele zabu pima anga anvi adu amene uo kpekpeke. Abhomu-o, akolo lie bhú 'gbá 'ngu na bini-e, ani aholo nadholo pi 'ngu, ani atsia akolo masikpe de uo. Ani di me ne uo mane.

⁴⁹ Engú bini ngauo-o, u au ani lie ngadholo pi 'ngu-o, u abhundja naao me a ko ighbadyibhe. Kaka-a, u aholo natu 'ue.

⁵⁰ Padhá de, anga u adu au ani ndu o hana. Kaka-a, u atsia abedhe ne tsulu na kuo kuo. La-a, ani atsia apa bha kolo pi uo me: «Yi sia kpéke bua! A ko ma, yi adjé tsulu de!»

⁵¹ Abhomu-o, ani a'u nganda uo bhú zabu-o, anvi e a'o nape. U atsia adu ne nangamba na kuo kuo.

⁵² Padhá de, anga ngamba 'ngu inde ani amene e li mapu-a, u mbila nga nani de ka ndi nabhuka gba o-o.

Yesu akobho kpala na kuo bhú ndu doto na Genedjaleta

(Tsia bhú Mat. 14:34-36.)

⁵³ Pita u agulu ekpo na Galilaya lie, u atsia akolo bhú ndu doto na Genedjaleta. Abhomu-o, u atsia agbite zabu lingo 'kpó-o.

⁵⁴ U aze lie bhú zabu-o me, okpala ambila bha kolo me Yesu ngae inde.

⁵⁵ Abhomu-o, okpala adjí ndu doto angu-o libhomu ne holo. U aholo nabu obhulu kuo pi okalagba, ne nanu ne uo li bili inde u adu adje lie me Yesu li e-o.

56 Ndu bili hana inde li ani adu anu li e, li ongangba, bhú ogádhú, i du di-e bhú okuti, okpála adu nabu obhúlú kuo bhú oda-poso. Obhúlú kuo ango-o adu akikiliki lio pi ani me ani ha kpadij*i* me o bu nga bha 'kpa o li 'so bongo li ani-o. A na paká me ndu okpála hana inde adu nabu 'kpa o li ani-e, adu nakobho.

7

Ongú inde ngayie li bua kpála nga'o kpála sisiti kala Ebhe ngae

(*Tsia bhú Mat. 15:1-9.*)

1 Abhomú-o, omúFalisai di ne omúsuno koko na lili gba Moidje inde ayie nani bhú Yelusalema-a, ago apo bhúla o de Yesu.

2 U au me okoko bhú ká omúkpata gba Yesu-o ngazú 'he mandi navúlú 'kpa o kalanu. Kaka-a, omúFalisai adu abhundja me omúkpata bhomú-o bubu kala Ebhe ade.

3 (Padhá de, anga omúFalisai ne ndu omaYuda hana ngalila odasúndu gba onguo ogbi o-o. Kaka-a, kala nazú 'he-e, u vúvúlú ngaiza 'kpa o i lí mali.

4 I du me u nde kolo bhú daposo-o, u vúvúlú 'kpa o ndu 'kpí hana kala nazú 'he. U ngalila di olíli koko u asia e ka onguo ogbi o naali maka: navúlú okópo, obhende maka zulubho di ne obhende maka zikio.)

5 Abhomú-o, omúFalisai di ne omúsuno na lili-e ayi Yesu me: «Omúkpata gba mu-o ngakpata 'ngú maka li dasúndu gba onguo ogbi ní apa lie ade. U ngazú 'he me u nde vúlú 'kpa o de. U ngamene la mo-o ka ní?»

6 Yesu agie pi uo me: «Polofta Isaya pa nani tala li 'ngú gba yi-e me, yi ne obhúlú kali. Ani aye nani bhú bhuku gba e me:

<Okpála inde-e ngamanga ma bha ne 'bhe o padhá.

La-a, bua uo de ma tsutsu.

7 Nadhégé gba uo zi bhú djila ma de.

Padhá de, anga ongú inde u ngasuno e a ko bha bhende i ngayie ka okpála.[†]

8 Yi nga'o ká olíli gba Ebhe-e ngú nazí 'ndjí yi bhú olíli gba onguo ogbi yi.»

9 Ani atsia apa matá pi uo me: «Yi nga'o olíli gba Ebhe-e li ngongo ngubula nalila odasúndu gba onguo ogbi yi-o.

10 Padhá de, anga Moidje apa nani me: «Manga 'dyi mu ne 'hi mu mamanga.» Ani atsia apa matá di me: «Kpála bhende i sobho 'dyi e, i du di-e 'hi e, a ayo me u bhéle ani mabéle.»[†]

11 Engú bini, ngayi-e, yi ngasuno pi okpála me, kpála bini ti da napa pi 'dyi e, i du di-e 'hi e me: «Mbu li ma, anga ehe inde ayo igini me

[†] 7:7 7:6-7 Tsia bhú Isa. 29:13. [†] 7:10 7:10 Tsia bhú Eki. 20:12; ne bhú Det. 5:16; ne bhú Eki. 21:17; di ne bhú Lev. 20:9.

ma ha e pi mu-o, a ko makiso
inde ma adji naha e pi Ebhe.»

¹² Ngayi omuFalisai-e, yi
ngaziba bhomu-o pi okpala
me u amene 'he pi odyi o di
ne pi ohi o belegu de bini.

¹³ Kaka-a, yi bhomu-o
ngalila odasundu gba onguo
ogbi yi-e ane eli gba Ebhe-e
mane. Yi la di ngamene ndu
ngua ongú bhomu-o bheldé.»

¹⁴ Pipita-a, Yesu a'i matá
bhití okpala-o. Abhomu-o,
ani atsia apa pi uo me: «Yi
dje ma ndu yi hana, amba yi
ke la di mboli engú inde:

¹⁵ Ehe bini ade inde yi zu e,
i 'ó yi sisiti-o. La-a, engú inde
ngakoto li bua yi-e, maka
oeli di ne okulu-o, a bhomu-o
ongú inde nga'o yi sisiti-o.»

[
^{16 *}]

¹⁷ Li Yesu ayie lie bhú ká
bhití okpala bhomu-o, ani atsia
ali abhú 'ti-e, omukpata
gba ani atsia ayi ani li ta
gbitaku bhomu-o.

¹⁸ Abhomu-o, Yesu atsia
apa pi uo me: «Ngayi di-e,
yi mbila 'ngú inde-e di? Yi
mbila de me ndu 'he hana li
kpala ngazu e ti da na'o ani
siti kpala de-e di?

¹⁹ Padhá de, anga ezu
ango-o ngali li bhubua ani
ade. Engú bini, a ngali bhú
'bu ani. Pipita-a, i tsia koto.»
(Yesu adu apa bhomu-o me
ndu 'zu hana ndjindji ngú
nazuzu.)

²⁰ Abhomu-o, Yesu atsia
abu tata-a me: «Engú inde

ayie li bua kpala, a bhomu-o
bhende i nga'o kpala sisiti-o.

²¹ Padhá de, anga osisiti
'ngú inde ngayie li bhubua
kpala ngae inde: omab-
hundja na sisiti, zabhe, ezi,
nabhili okpala,

²² nakunda olisi, i du di-
e obhosí gba okpala koko,
kundu tia, guma namene osi-
siti 'ngú, kali, bambakuya,
guma 'he gba okpala koko,
osobho, 'ngbe 'ndji di ne
pauu 'ngú.

²³ Ndú osisiti 'ngú bhomu-
o hana ngakoto li bhubua
kpala, i tsia 'ó kpala ango-o
sisiti bhú djila Ebhe.»

*Gandji ele bini abhuka
Yesu*

(Tsia bhú Mat. 15:21-28.)

²⁴ Pipita-a, Yesu ayie oo,
ani atsia atapa bhú doto inde
lingo gudhu na Tile. Ani ali
bhú 'ti bini, ani tsia kunda
de me u mbila de me ni oo
de. Engú bini, ngali nago
ka ani-e adje lie ne ndu bili
hana.

²⁵⁻²⁶ Ma 'li ma me-e, gandji
ele bini adje 'ngú gba Yesu-o.
Ele ango-o du nani maYuda
de. Du ani ayie nani bhú ndu
doto na Fenisia, bhú doto na
Silia. Ndili gba ani na ee-e
adu me siti bua nde bhú ani.
Abhomu-o, ele bhomu-o ago
ati bhú li 'dhú Yesu, ani atsia
ayo ka Yesu me ani gbe siti
bua bhú ndili ele gba ni-o.

²⁷ Yesu atsia apa pi ani me:
«O nga ongisi me u zu 'he
gba o, amba u 'u'u. Padhá

* **7:16 7:16** Lukuluku inde-e, a bhú obhuku koko na didili u aye e bhú eli na
giliki ade. [La bhú okoko-o, u aye me: «Kpala inde ne djedje ngú nadje 'kpí-e,
ani de dje.»]

de, anga a ndjindji ade me u ha mapa gba ongisi ngú nabhibhike pi ongisi bülü-o de.»

²⁸ Olé ango-o atsia agie pi Yesu me: «Ngámá, belegü ongisi bülü ngazu okulu 'zu bhende i ngabala asa miso-o.»

²⁹ Yesu apa pi ani me: «Bha bini ka 'li mu bhomü-o, nunu, siti bua-a akoto bhú ndili gba mu na eele-o akoto.»

³⁰ Abhomü-o, olé ango-o agie lie agba e, ani atsia abhaka ndili-e me ani nde asi pi mako me siti bua nde akoto bhú ani akoto.

Yesu akobho bhoko inde i bhú 'ngú de, i dje di 'kpí de

³¹ Pipita-a, Yesu ayie bhú ndu doto na gudhu na Tile. Ani apu bhú Sidona. Ani anu li pápá na ekpé na Galilaya, ani atsia akolo bhú ndu doto na Ogudhu Ndjkpa.

³² U atsia ago pi ani ne bhoko bini inde i dje 'kpí de. Bhoko ango-o da nagama 'ngú ka ani adu kpekpeke. U atsia akikiliki lio pi Yesu me ani 'o 'kpa e pi bhoko ango-o, amba ani kobho.

³³ Abhomü-o, Yesu atsia aha ani, ani anu ne ani li ngongo masudha de bhti okpála-o. Ani atsia 'o likpa e bhú 'dje ani. Ani aku ngusu li likpa e, ani atsia 'o pi 'mi bhoko ango-o ko.

³⁴ Pipita-a, Yesu atsia 'kpí ne abhúlá, ani awo má fe, ani atsia apa pi bhoko ango-o me: «Efata!» (A akunda napa me: «A ayo me bhulu limu!»)

³⁵ Ma 'li ma me-e, 'dje ani abhulu lie, 'mi ani ayaka, ani aholo agama 'ngú ndjindji.

³⁶ Yesu atsia aha lili pi okpála me u avó 'ngú ango-o pi kpála belegü de bini. Engú bini, ani adu ayoko uo lie, engú ango-o tsia dje yoko de.

³⁷ U adu angamba na kuo kuo. Kaka-a, u atsia adu apa me: «Ani ngamene ndu 'ngú hana ndjindji. Ani ngaha pi obhende i dje 'kpí de-e nadje 'kpí. Ani ngaha pi obhende i bhú 'ngú de-e nabhu 'ngú.»

8

Yesu aha 'zu pi okpála kutu badha

(*Tsia bhú Mat. 15:32-39.*)

¹ Bhú oekpí bhomü-o, bhti okpála apo matá bhúla o de Yesu. Abhomü-o, li ehe nazu mazu du la lie ka uo de-e, Yesu atsia a'li omukpata gba e, ani atsia apa pi uo me:

² «Ma ngadje ndjinga bhti okpála inde, anga akolo mbia inde-e 'kpí bata u bha ngadu de ma si, ehe nazu mazu la matá di ka uo ade.

³ I du me ma nde agie uo agba o ne gümü mo-o, angu uo ndjia li kpadji, anga a di bhú ká uo ne okpála bhende ayie tsutsutsu.»

⁴ Omukpata gba ani agie pi ani me: «Ní aú ezu bhú mili bili si-e ngubula nazuzu ka uo su?»

⁵ Abhomü-o, Yesu atsia ayi uo me: «A ka yi ne mapa madho?» U agie me: «Mananika.»

⁶ Abhomu-o, ani apa pi bhiti okpála me u dulu kuto. Ani aha mapa mananika-o, ani agie hení pi Ebhe. Ani aguguma mapa-o, ani atsia aha pi omukpata gba e me u gapa li okpála. U atsia agapa li uo.

⁷ U adu di nani ne djedje osungu. Ani agie di hení pi Ebhe ngu osungu-o, ani atsia apa me u gapa di osungu-o li uo.

⁸ Okpála azu 'he, u a'u'u. Pipita-a, omukpata apo bhula dudu inde atigala, atsia abebedhe okili mananika.

⁹ Okpála inde adu oo, u adu masikpe de kutu badha. Pipita-a, Yesu atsia aha kpadijí pi uo.

¹⁰ Kolo má gala me-e, ani a'u ne omukpata gba e bhu zabu, u atsia atapa bhu ndu doto na Dalamanuta.

OmuFalisai ayo ngamba 'ngu bini ka Yesu

(*Tsia bhu Mat. 16:1-4.*)

¹¹ Abhomu-o, omuFalisai ago, u aholo namene kpekebho ne Yesu. U adu akunda nale ani. Kaka-a, u ayo ka ani me ani mene nga bha pi o ngamba 'ngu bini inde asúno me Ebhe atima ani ngae.

¹² Li Yesu adje lie mo-o, ani atsia apa me: «Okpála na naki inde-e ngayo ngamba 'ngu ngubula ni? Ma apa pi yi na paká me, ma méne ngamba 'ngu bini pi uo de!»

¹³ Ani a'o ka uo oo, ani a'u matá bhu zabu, ani atsia akodho 'kpí ayi 'ngu.

Yi lila liyi ka levile gba omuFalisai di ne bhe gba Elode malila
(*Tsia bhu Mat. 16:5-12.*)

¹⁴ Li omukpata a'u lie bhu zabu-o, u a'ili 'to o li naha mapa. Kokoli adu bha ka uo bini bhu zabu-o.

¹⁵ Abhomu-o, Yesu atsia agbele dje uo me: «'E-e! Yi lila liyi ka levile gba omuFalisai di ne bhende gba Elode malila.»

¹⁶ Omukpata aholo namene kpekebho sunda o me: «Ani ngapa mo-o, anga ní go ne mapa de.»

¹⁷ Li Yesu ambila engu inde u adu apa e sunda o lie, ani atsia ayi uo me: «Yi ngamene kpekebho sunda yi li 'ngu na mapa li 'to yi a'ili li e ka ni? Yi ke nga mbolimboli dí? Yi mbila la di dí? Yi ne nabhuka adí?»

¹⁸ Ali yi ne djidjila, yi ngau 'kpí adí ka ni? Ali yi ne djedje, yi ngadje 'kpí adí ka ni? 'To yi a'ili li ndu ongamba 'ngu inde ma amene e hana?

¹⁹ Nedhinga ma aku nako obhosí kutu bhuluvue lie ne mapa bhuluvue, dudu inde atigala-a, yi abebedhe nako okili ne di madho?» U agie pi ani me: «Ndjikpa ne ká bhisi.»

²⁰ Abhomu-o, Yesu atsia ayi matá uo me: «La di-e, mapa mananika inde ma aku nako okpála kutu badha ne e, dudu inde atigala-a, yi abebedhe nako okili ne di madho?» U agie me: «Mananika.»

²¹ Abhomu-o, Yesu atsia apa pi uo me: «Yi ke nga mbolimboli siii di?»

Yesu akobho kpála bini inde i u 'kpí de

²² Pipita-a, Yesu ne omukpata gba e akolo bhú gudhu na Betesaida. Oo, okpála ago ne kpála bini inde i u 'kpí de-e pi Yesu. U atsia akikiliki lio pi ani me, ani 'o 'kpa e li ani amba ani kobho.

²³ Yesu aholo 'kpa kpála inde i u 'kpí de-o. Ani agbe ani bhú gudhu-o. Aniaku ngusú e bhú djila ani, ani abu 'kpa e li ani, ani atsia ayi ani me: «Mu ngau mbo-o 'he uu?»

²⁴ Kpála ango-o atsia 'kpí li ngo e, ani atsia apa me: «Ma ngau okpála, u mana ndula inde ngadhukh.»

²⁵ Pipita-a, Yesu abu matá 'kpa e li djila ani. Kpála ango-o atsia 'kpí má suu, ani atsia adu au 'kpí ndjindji. Ani atsia akobho.

²⁶ Abhomu-o, Yesu agie ani agba e, ani atsia apa pi ani me: «Mo onú abhú gudhu de.»

Piele apa me Yesu ne Kilisito

(Tsia bhú Mat. 16:13-20; di ne bhú Luk. 9:18-21.)

²⁷ Pipita-a, Yesu ne omukpata gba e anu bhú okuti inde li ngo gudhu na Sedjale gba Filipo-o. Li kpadji-e, ani ayi uo me: «Okpála ngapa li ma me ma ne da?»

²⁸ U agie pi ani me: «Okoko ngapa me mu ne

Djaa bhú nabatisa okpála, okoko me mu ne Eliya, okoko matá me mu ne súka opolofeta.»

²⁹ Yesu atsia ayi uo me: «A la yi-e, yi ngapa naayi me ma ne da?» Piele atsia agie pi ani me: «Mu ne Kilisito.»

³⁰ Abhomu-o, Yesu atsia aha líli pi uo kpekpeke me u apá 'ngú gba ni-e pi kpála bini de.

Yesu akpo 'ngú pindji nakpi ne nazuku ka e

(Tsia bhú Mat. 16:21-28; di ne bhú Luk. 9:22-27.)

³¹ Pipita-a, Yesu aholo nasuno pi omukpata gba e me: «A ayo me ngama Ndili gba kpála-a, ma dje likabhu naali. Obhelesi okpála, ongbengbe odimande gba Ebhe di ne omusuno na líli gba Moidje ayála ma. U tsia bhéle ma. La-a, pita ekpi bata-a, ma tsia zúku.»

³² Ani du apa 'ngú ango-o lie ne tsulú de-e, Piele atsia agbele ani li ngongo. Do ani pi Yesu de-e: «Mo opá mo-o de.»

³³ Engú bini, Yesu adjie lie, ani atsia omukpata gba e-o, ani ambe bhú 'ndji Piele me: «Yie de ma mayie, ngamu Satana ! Padhá de, anga mabhundja gba mu-o, a ko bhende gba Ebhe-e de. Engú bini, a ko bhende gba okpála.»

A ayo namene ni ngú nakpata Yesu-o?

³⁴ Pipita-a, Yesu apo bhúla bhití okpála di ne omukpata gba e de e. Ani atsia apa pi

uo me: «I dʉ me kpála nde akʉnда nakpata ma-a, a ayo me ani 'o nabhundja engú gba e makpe, ani bɨ la di kulusi gba e, amba ani kpata ma.

³⁵ Padhá de, anga kpála bhende ngalila mʉkobho gba e pi e makpe, akpí makpi. La-a, kpála bhende ngaha mʉkobho gba e libhomu ngʉbula ma di ne ngʉbula Bádha Ngali gba Ebhe-e, ani akóbho makobho.

³⁶ I dʉ me kpála nde asia ndʉ tia na doto hana, tata-a pi ani ne ni i dʉ me ani nde akpi na dʉdʉma-a?

³⁷ Ehe bini ade inde li kpála-kuti ti da na'o e bhú da mʉkobho gba e.

³⁸ I dʉ me kpála bini nde adje nʉmʉ li ma di ne li oeli gba ma kala obhʉlʉ namene sisiti 'ngú na naki inde-e, inde i bhuka di Ebhe ne bua o bini de-e, ngama Ndili gba kpála ma adjé bhadi nʉmʉ li ani nedhingga ma agó lie bhú sangu gba 'Dyi ma bhú dabili bini ne oandjelu na bububu ko.»

9

¹ Yesu atsia apa matá pi uo me: «Ma apa pi yi na paká me, okpála koko bhú ká obhende si-e, mʉ padhá de, u aú ngaiza Naʉ gba Ebhe-e me, a nde ngago ne angu kalanʉ.»

Kute Yesu ayipa ka sangu gba Ebhe

(Tsia bhú Mat. 17:1-13; di

ne bhú Luk. 9:28-36.)

² Pita ekpí madhia, Yesu aha Piele ne Djaki, di ne Djaa , ani anʉ ne uo tití o apí 'ndjá 'ta. Bha si me-e, ani adjí lie kala uo kpi,

³ bongo gba ani avu má tuu! Píla doto libhomu-o, kpála bini ti da navʉlʉ bongo, i tsia vú mo-o de.

⁴ Kolo me-e, Eliya ne Moidje aze li uo, u atsia aholo agama 'ngú ne Yesu.

⁵ Piele atsia apa pi Yesu me: «Mʉsuno, a ndjindji maka ní nde lie si. Ziba pi ya me ya yiki otí ngbangbali bata: bini pi mʉ, bini pi Moidje, bini pi Eliya.»

⁶ Engú bini, Piele dʉ ambila de me ní apa pi-ie de, anga ngaani makpe ne omʉkpata bhisi inde adʉ bhú dabili ne ani-e, adʉ me u nde abedhe ne tsʉlʉ na kuo kuo.

⁷ Abhomʉ-o, ndindi ago abuku uo má kagbu! Eli atsia akoto bhú ndindi ango-o me: «Kpála inde-e, a ko Ndili gba ma inde ma akʉnда e naali-o. Yi dje ani!»

⁸ Ma gala kolo me-e, li omʉkpata atsia 'kpí lie lingo o-o, u u matá kpála bini de, bha Yesu kpi e kpi bhú dabili bini ne uo.

Omʉkpata ayi 'ngú pindji polofeta Eliya

⁹ Li Yesu ne omʉkpata gba e adʉ ake eta-a lie, ani atsia apa pi uo me: «Yi apá engú yi au e inde-e pi kpála belegu de bini, akólo li nedhingga inde ngama Ndili gba kpála

ma azúku lie bhú ká okpála
inde amu ko.»

¹⁰ Abhomu-o, u awo eli
bhomu-o li bua o, u atsia
adú ayi lio súnda o pépé
me: «Nazuku bhú ká okpála
inde amu-o, ani akunda igini
napa bhomu-o pi?»

¹¹ Pipita-a, u ayi Yesu me:
«Ka ní li omusuno na lílí
gba Moidje ngapa lie me kala
nago ka Masiya-a, a ayo me
Eliya go ngaiza kalanu-o?»

¹² Yesu atsia agie pi uo me:
«A na paká me Eliya ngago
ngaiza kalanu, naleke ndú
'ngú hana. Engú bini, ka ní u
aye naní lie bhú Bhuku gba
Ebhe-e me, Ndili gba kpála
adjé likabhu naali, la di-e li
okpála tsia yála ani-e?»

¹³ La-a, ma apa pi yi me,
Eliya ago naní ago, okpála
atsia ato mbolo li ani má
gbekpe maka u a aye lie bhú
Bhuku gba Ebhe ko.»

*Yesu akobho ndili na
bhobhoko li siti bua adú nadú
bhú e*

(*Tsia bhú Mat. 17:14-21;
di ne bhú Luk. 9:37-43a.*)

¹⁴ Li Yesu ne omukpata
bata ake eta-a lie, u anú
abhaka omukpata kokoo-o.
A abhaka me bhiti
okpála nde asa uo ngbalina.
La di-e, omusuno na lílí
nde ngamene kpekebhé ne
omukpata angó-o.

¹⁵ Li bhiti okpála-a au Yesu
lie, ndú uo hana angamba, u
atsia agu holo ngú nago ayi
ani.

¹⁶ Yesu ayi omukpata gba e
me: «Yi ngamene kpekebhé
ne uo pindji ni?»

¹⁷ Kpála bini bhú ká bhiti
okpála bhomu-o, atsia agie
pi ani me: «Musuno, ma ago
ne ndili gba ma-a pi mu me
kobho ani, anga a bhú ani ne
siti bua inde ngagbite 'bhé
ani me ani agáma 'ngú de.

¹⁸ Ndú nedhinga hana li
siti bua ango-o agbugbulu
ani lie, a ngagu 'i ani kuto, li
efu holo naze bhú 'bhé ani,
ani holo nazu tate e, kute ani
kpekpeke má ki ki ki! Ma
ayo ka omukpata gba mu-o
me u gbe siti bua ango-o,
engú bini, u ale pima.»

¹⁹ Yesu atsia apa pi uo
me: «Ngayi okpála na
nakí-e, nabhuka bhú yi
ade! Ma adú matá ne yi
ngubula nedhinga madho?
Ma akíbila matá yi ngubula
nedhinga madho? Yi go ne
ndili-e muma ei.»

²⁰ Abhomu-o, u ago ne ani
pi Yesu. Li ndili-e au Yesu
lie, siti bua adyíki ani má
djigi djigi, ani agu 'i ani kuto!
Ndili-e aholo nawawala kuto
me efu nde ngaze bhú 'bhé
ani.

²¹ Yesu atsia ayi 'dyi ndili-e
me: «Kuo inde-e amene
ani me-e ngubula kalanga
madho?» Ani agie me:
«Nayie bhú ndili li ani.

²² La di-e, siti bua ango-o
ngagu 'i ani bhú djua di ne
bhú 'ngu bhutsibhutsi ngú
nabhele ani. Engú bini, i du
me mu nde ti da namene 'he-e,
mu de dje mbo ndjinga ya,
teteke ya!»

²³ Yesu agie pi ani me:
«Mu ngapa me: «I du me mu
nde ti da namene 'he.» La-a,

ndu 'ngú hana ti da namene lie pi kpála inde ngabhuka ko.»

²⁴ Má gala kolo me-e, 'dyi ndili-e asúla me: «Ma abhuka. La-a, go teteke ma, amba nabhuka gba ma-a kolo kpekpeke!»

²⁵ Li Yesu au bhti okpála ngago ne holo li pápá gba o lie, ani atsia ambe bhú 'ndji siti bua me: «Ngamú siti bua inde ngagbite 'bhé ndili inde-e ne nanini 'dje ani, ma aha lili pi mʉ me: <Koto bhú ndili inde, la di-e, mo ogié matá limu bhú ani belegu de bini!>»

²⁶ Abhomʉ-o, siti bua atu 'ue, ani adyiki ndili-e má djigi djigi, pipita-a, ani atsia akoto bhú ani! Ndili na bhabhoko ango-o, akolo maka kpála inde akpi. Okpála bhabé adu apa me: «Ani akpi.»

²⁷ Engú bini, Yesu aholo 'kpa ani, ani a'e ani bhúlá, ndili-e atsia alu malu.

²⁸ Pipita-a, Yesu ne omukpata gba e agie lio li bili u adu nadu li e-o. Nedhinga u adu lie ne uo titi o-o, u atsia ayi ani me: «Ka ni ya ti iginí lie da nagbe siti bua bhomʉ-o bhú ndili inde-e lie de-e?»

²⁹ Yesu atsia agie pi uo me: «U ti da nagbe ngua bua bhomʉ-o bha bini ne mayo.»

Yesu akpo matá 'ngú pindji nakpi ne nazuku ka e

(Tsia bhú Mat. 17:22-23; di ne bhú Luk. 9:43b-45.)

³⁰ Li Yesu ne omukpata gba e ayie lie oo, u agulu ndu

doto na Galilaya. Yesu du akunda de me okpála mbila bili inde ni adu li e de,

³¹ anga ani adu asuno pi omukpata gba e-o. Ani adu apa pi uo me: «U apú ngbángá Ndili gba kpála pi okpála, li okpála ango-o tsia bhéle ani. La-a, pita 'kpí bata-a, ani tsia zúku.»

³² Engú bini, omukpata du ambila nani ta engú bhomʉ-o de. U adu la di ne tsulu ngú nayi ani.

A ngbéngbé da?

(Tsia bhú Mat. 18:1-5; di ne bhú Luk. 9:46-48.)

³³ Abhomʉ-o, Yesu ne omukpata gba e anu bhú gudhu na Kapalanauma. Pipita-a, u ali lie bhú 'ti bini me-e, Yesu atsia ayi omukpata gba e me: «Yi de iginí ngamene kpekebhé sunda yi li kpadji-e pindji mangua 'ngú dho?»

³⁴ Engú bini, u andjili má bulu, anga li kpadji-e, u amene kpekebhé sunda o me a ngbéngbé bhú ká o daie.

³⁵ Abhomʉ-o, Yesu adu kuto. Ani apo bhúla omukpata ndjikpa ne ká bhisí-e de e masikpe. Ani atsia apa pi uo me: «I du me kpála bini nde akunda nadu kpála na kalanʉ-o, a ayo me ani du pita ndu okpála hana, ani du di bali gba ndu okpála koko hana.»

³⁶ Pipita-a, ani aha mboye ndili, ani a'o ani bhú ká uo, ani abi ani sa 'kpa e, ani atsia apa pi uo me:

³⁷ «Kpála inde ngasia mboye ndili maka bhende-e ka 'li ma-a, ani ngasia bhomu-o ma makpe. La di-e, kpála inde ngasia ma-a, ani sia bha bini ma kpi ma kpi de, engú bini, ani ngasia di bhomu-o 'Dyi ma inde atima ma ko.»

Kpála inde i gu ní de-e, a ko naaní kpála

(Tsia bhú Luk. 9:49-50.)

³⁸ Abhomu-o, Djaa apa pi Yesu me: «Musuno, ya au kpála bini ngapandja osisiti bua ne 'li mu. Ya atsia ayoko ani, anga a ko súka ní de.»

³⁹ Engú bini, Yesu agie pi uo me: «Yi ayóko ani de, anga kpála inde amene ngamba 'ngú ne 'li ma-a, ti da napa kolo siti 'ngú li ma pipita-a de.

⁴⁰ Padhá de, anga kpála inde i gu ní de-e, a ko naaní kpála.

⁴¹ Ma apa pi yi na paká me, kpála inde ngaha kópo na engu pi yi bini kabula me yi ne okpála gba Kilisito-o , ani asia makalá gba e masia.»

Ongú inde ngato kpála bhú siti 'ngú-o

(Tsia bhú Mat. 18:6-9; di ne bhú Luk. 17:1-2.)

⁴² Yesu atsia apa matá pi omukpata gba e me: «Kpála inde ngato súka odjedje ongisi inde ngabhuka ma

inde-e bhú siti 'ngú-o, a pi ani ndjindji me u gi ngingi tangulu aní, amba u bhike ani bhú 'ngbé 'ngu.

⁴³ I du me 'kpa mu nde ngato mu bhú siti 'ngú ngae-e, mu de kodho. A ndjindji pi mu nali bhú mukobho na dudu ma ne koli 'kpa mu bini, ane mane nanu ka mu bhú djua na dudu ma ne dudu ma ne 'kpa mu bhisi hana. [

^{44 *}]

⁴⁵ I du di me 'dhú mu nde ngato mu bhú siti 'ngú ngae-e, mu de kodho. A ndjindji pi mu nali bhú mukobho na dudu ma ne koli 'dhú mu bini, ane mane me u bhike mu bhú djua na dudu ma ne dudu ma ne 'dhú mu bhisi hana. [

^{46 †}]

⁴⁷ I du me li djila mu nde ngato mu bhú siti 'ngú ngae-e, mu de gbe. A ndjindji pi mu nali bhú Nau gba Ebhe-e ne koli li djila mu bini, ane mane me u bhike mu bhú djua na dudu ma ne dudu ma ne djila mu bhisi hana.

⁴⁸ Oo, okéké maka bangili inde ngazu kute kpála mumu de, djua bubulu la di-i de.†

⁴⁹ Padhá de, anga Ebhe alé nabhuka gba ndu okpála hana bhú djua, amba a kolo kpekpeke.

⁵⁰ Ngutu ne bádha 'he.

* **9:44 9:44** Lukuluku inde-e, a bhú obhuku koko na didili u aye e bhú eli na giliki ade. [Oo, okéké maka bangili inde ngazu kute kpála mumu de, djua bubulu la di-i de.] † **9:46 9:46** Lukuluku inde-e, a bhú obhuku koko na didili u aye e bhú eli na giliki ade. [Oo, okéké maka bangili inde ngazu kute kpála mumu de, djua bubulu la di-i de.] † **9:48 9:48** Tsia bhú Isa. 66:24.

Engú bini, i dū me a nde abolo, u tì da nagie matá kpokpo bhébhé ne ni? Nab-huka gba yi dū maka ngutu inde i bolo de, yi dū la di ne guo 'ngú sànda yi.»

10

*Nasuno pindji nagbo bhúsú o ne élé
(Tsia bhé Mat. 19:1-12; di ne bhé Luk. 16:18.)*

¹ Li Yesu ayie lie oo, ani anu bhé ndu doto na Yudaya, ayi 'ngu na Djuludani. Bhti okpála ago matá de ani. Ani aholo nasuno pi uo maka ani amemene lie-o.

² Abhomu-o, omukpata koko adyudyo lio de Yesu, ngú naholo ani li 'li e. Kaka-a, u atsia ayi ani me: «Lílì gba ní-e aziba uu me bhoko gbo bhúsú e ne élé gba e?»

³ Yesu atsia agie pi uo me: «Moidje aha nani pi yi li 'ngú bhomu-o mangua lílì dho?»

⁴ U atsia apa me: «Moidje aha nani pi bhoko kpadjí me ani ye balúa ngú nagbo bhúsú o ne wala e, amba ani gie ani agba o.»

⁵ Engú bini, Yesu agie pi uo me: «Moidje aye nani lílì bhomu-o pi yi ka kpéke 'ndjí gba yi-o.

⁶ La li lilita-a, nedhinga li Ebhe abho ndu 'he lie han-a <ani abho uo bhoko ne élé.[†]

⁷ <Kaka-a, bhoko a'íli ka 'dyi e ne 'hi e, ani tsia dhédhe li wala e,

⁸ ndu uo bhisi hana kólo koli kpála bini.[†] Abhomu-o, uo matá okpála bhisi ade. Engú bini, u akolo koli kpála bini.

⁹ Kaka-a, a ayo de me kpála-kuti gbo bhúsú uo de, anga Ebhe akpotsé uo ngae.»

¹⁰ Li Yesu ne omukpata gba e agie lio lie li bili u adu nadu li e, u atsia ayi ani li 'ngú ango-o.

¹¹ Yesu apa pi uo me: «I dū me bhoko bini nde a'e wala e ngú naha élé koko-o, ani a'o bhomu-o ká wala e na kalanu-o ngú nakunda élé koko.

¹² I dū la di me élé nde atse 'ko e ngú naha bhoko koko-o, ani a'o bhomu-o ká 'ko e ngú nakunda bhoko koko.»

Yesu atuko bisagu pi 'ndjí ongisi

(Tsia bhé Mat. 19:13-15; di ne bhé Luk. 18:15-17.)

¹³ Abhomu-o, okpála adu ago ne ongisi gba o me Yesu 'o 'kpa e pi uo, ne natuko bisagu pi uo. Engú bini, omukpata ake 'ngú lio pi okpála ango-o.

¹⁴ Yesu au lie mo-o, bua ani ake, ani atsia apa pi omukpata gba e me: «Yi 'o ongisi me, u go li pabili ma nde li e-o, yi ayóko uo de. Padhá de, anga Naú gba Ebhe-e, a pi obhende maka uo ko.

¹⁵ Ma apa pi yi na paká me, kpála bhende nabhuka gba e nde maka bhe gba ndili ade-e, kpála ango-o ti da nali

[†] **10:6 10:6** Tsia bhé Dje. 1:27, 5:2. [†] **10:8 10:7-8** Tsia bhé Dje. 2:24.

bhú Naú gba Ebhe-e belegú de bini.»

¹⁶ Abhomú-o, Yesu adú abi ongisi bhomú-o, ani atsia adú atuko bisagu pí uo me ani nde nga'o 'kpa e pí uo.

*Bhúlú tia bini ayi 'ngú
pindji mukobho na duduuma
(Tsia bhú Mat. 19:16-30;
di ne bhú Luk. 18:18-30.)*

¹⁷ Li Yesu adú a'e ne enú lie, bhoko bini ago ne holo nabhaka ani, ani akikita lipukú e kuto kala ani. Ani atsia ayi ani me: «Músuno na babadha, a ayo me ma mene pí ngú nasia mukobho na duduuma-a?»

¹⁸ Yesu atsia apa pí ani me: «Ka ní mu nga'i ma lie me bádha kpála-a? Bádha kpála belegú ade bini, bha bini Ebhe kpi e kpi.

¹⁹ La-a, mu mbila olíli-e ndjindji: «Mo obhéle kpála de, mo osí ne ole, i du di-e bhoko gba kpála koko de, mo ozi 'he de, mo opá 'ngú li kilí mu bhú djila okpála ne eu de, mo ozi kpála bhú nyali de, manga 'dyi mu ne 'hi mu mamanga.†»

²⁰ Bhoko angó-o apa pí ani me: «Músuno, nayie bhú ndili li ma-a, ma amene ndu olíli bhomú-o hana.»

²¹ Yesu atsia ani ne mukunda hana. Ani atsia apa pí ani me: «Mo oneke bha koli 'he bini. Nunú, tsindji ndu 'he inde mu nde ne e hana, amba mu ha tiatia pí obhúlú ndibhili, mo osia

tia abhúlá. Pipita-a, go kpata ma.»

²² Engú bini, nedhinga li bhoko angó-o adje lie mo-o, ani atu 'ndji e ne kuto, ani atsia agie lie ne babuma naali, anga tia adú nani ka ani bhelé.

²³ Abhomú-o, Yesu atsia omukpata gba e inde adú me u nde asa ani ngbalina-o. Ani apa pí uo me: «A ko kpéke da 'ngú pí obhúlú tia ngú nali bhú Naú gba Ebhe-o!»

²⁴ Abhomú-o, omukpata atsia angamba ka eli angó-o. La-a, Yesu apa matá pí uo me: «Odi ma, a ko kpéke da 'ngú ngú nali bhú Naú gba Ebhe-o!

²⁵ Da nali ka samo* li gudho mísana kpekpeke. A la matá kpekpeke naali pí bhúlú tia nali bhú Naú gba Ebhe-o.» ²⁶ Omukpata angamba matá bha naali, u atsia adú apa súnda o me: «I du mo-o, a ti da nakobho da?»

²⁷ Yesu atsia uo má suu, ani atsia apa pí uo me: «Pi okpála-a, a ko kpéke da 'ngú. Engú bini, pí Ebhe-e, a ko kpéke da 'ngú de, anga ani ti da namene ndu 'ngú hana.»

²⁸ Abhomú-o, Piele apa pí ani me: «Djedje nga, ya a'o ndu 'he hana ngú nakpata mu.»

²⁹ Yesu atsia apa pí ani me: «Ma apa pí yi na paká me, kpála inde a'o ka eti gba e, inde a'o ka ondaise

† **10:19 10:19** Tsia bhú Eki. 20:12-16; di ne bhú Det. 5:16-20. * **10:25 10:25** Enu inde li Yesu abhú lie si-e a ko samo. Li pápá gba uo oo enu inde adú nani ngbéngbé ne samo.

e na obhosibhosí, i du di-e obhende na olisilisi, inde a'o ka 'hi e, i du di-e 'dyi e, i du di-e ongisi gba e, i du di-e edyi gba e ngubula ma, la di ne ngubula Bádha Ngali-e ,

³⁰ kpála ango-o asia mbia inde-e bhütsibhütsi kámá bini: oeti, ondaise na obhosibhosí ne obhende na olisilisi, oehi, ongisi, la di ne oedyi bhü dabili bini ne olíkabhu. Ani tsia sía di bhü nedhinga inde ngago-o, mukobho na dudu'ma.

³¹ Engú bini, bhelé na okpála inde u ngau o maka okpála na akalanu mbia inde-e, akólo okpála na asidi, li obhende u ngau o maka okpála na asidi mbia inde-e kólo okpála na akalanu..»

Yesu akpo 'ngú bhütsibhütsi na bata pindji nakpi ne nazuku ka e,

(Tsia bhü Mat. 20:17-19; di ne bhü Luk. 18:31-34.)

³² Li Yesu ne omukpata gba e a'e ibili ne enú lie ngú nanu bhü Yelusalema, ani akó pi uo kalanu. Omukpata-a adu angamba. Obhende adu akpata uo-o, adu ne tsulu, Yesu aha matá omukpata gba e ndjikpa ne ká bhisi titi o, ngú nagama 'ngú pi uo. Ani atsia aholo akpokpo 'ngú pi uo pindji ongú inde akólo li ani-o.

³³ Ani apa pi uo me: «Yi dje nga 'ngú inde. Ní adji bhü Yelusalema. Oo, u apú ngbángá Ndili gba kpála pi ongbengbe odimandé gba Ebhe ne omusuno na líli-o . U akódho 'ngú gba ani me

ani kpi bha makpi. Pipita-a, u tsia pú ani pi omupagano.

³⁴ U ató pádha li ani, u akú ngusú li ani, u abhí ani ne fimbo, u tsia bhéle ani. Engú bini, pita 'kpí bata-a, ani tsia zúku.»

Mayo gba Djaki ngauo ne Djaa

(Tsia bhü Mat. 20:20-28.)

³⁵ Pipita-a, Djaki ngauo ne Djaa , ongisi gba Djebedayo, adyudyo lio de Yesu. U atsia apa pi ani me: «Músuno, ya ngakunda me mene pi ya engú inde ya adji ayo e ka mʉ-o.»

³⁶ Yesu atsia ayi uo me: «Yi akunda me ma mene pi yi ni?»

³⁷ U agie pi ani me: «Ziba pi ya nadulu bhü Naú gba mʉ na sangu-o , bini li pá 'kpa mʉ na kokpa, koko li pá 'kpa mʉ na gali.»

³⁸ Engú bini, Yesu atsia apa pi uo me: «Yi mbila ehe inde yi ngayo e de. Yi ti da nandji kópo na likabhu inde ma andjí e uu? Yi ti da nasia batisimo na likabhu inde ma asia e uu?»

³⁹ U atsia agie pi ani me: «Ya ti da namemene.» Do Yesu pi uo me: «A moko, yi andjí kópo na likabhu inde ma andjí e-o, yi sía di batisimo na likabhu inde ma asia e-o.

⁴⁰ Engú bini, ma ti da napa ngama de me a adulu li pá 'kpa ma na kokpa ne me a adulu li pá 'kpa ma na gali da-ie de. Obili ango-o, a pi obhende li Ebhe aleke pi o ko.»

⁴¹ Lí omukpata ndjikpa bhe koko adje engú lí Djaki ne Djaa ayo e lie, u atsia ake 'ngú lio pi uo.

⁴² Abhomu-o, Yesu a'i uo de e, ani atsia apa pi uo me: «Yi mbila hana me ongámási na doto inde nga pi omaha o ne kpéke. La di-e, ongbengbe okpála ngaha okpekpeke líli pi omaha o.

⁴³ Engú bini, a ayo de me adu akodho 'kpí sunda yi mo-o de. I du me kpála bini nde akunda nadu 'ngbé kpála bhú ká yi-e, a ayo me ani du kpála na kulu gba yi-o.

⁴⁴ I du me kpála bini bhú ká yi nde akunda nadu kpála na kalanu-o, a ayo me ani du bali gba ndu okpála koko hana.

⁴⁵ Padhá de, anga ngama Ndili gba kpála ma go nani de me okpála du amene kulu lio pi ma-a de. Engú bini, ma ago mangbo ngú namene kulu líma pi okpála, di ne ngubula nagbegbe okpála bhelé bhú bali ne lá ma makpe.»

Yesu akobho Balatimé, kpála i u 'kpí de

(*Tsia bhú Mat. 20:29-34; di ne bhú Luk. 18:35-43.*)

⁴⁶ Pipita-a, Yesu akolo bhú gudhu na Djeliko. Lí Yesu ne omukpata gba e, la di ne bhti okpála adu akoto lie oo, u abhaka kpála bini i u 'kpí de me ani nde adu dengo 'hi kpadjí. A adu 'li ani me Balatimé, a adu ndala

Timaya. Ani adu me ani nde ngayoyo 'he.

⁴⁷ Nedhinga ani adje lie me a ko Yesu, kpála na Nadjaleta-a, ani aholo asusula me: «Yesu, Ndili gba Davidi, dje nga mbo ndjinga ma!»

⁴⁸ Bhti okpála adu ambe-mbe bhú 'ndji ani me: «Gbite 'bhe mu!» Engú bini, ani aholo la matá asusula kpekpeke me: «Ndili gba Davidi, dje nga mbo ndjinga ma!»

⁴⁹ Abhomu-o, lí Yesu adje lie, ani alu, ani atsia apa me: «Yi 'i ani ei.» U atsia a'i kpála i u 'kpí de ne napa pi ani me: «Atou! Yie bhúlá. Ani nga'i mu.»

⁵⁰ Abhomu-o, ani abala 'kpa li koti gba e-o, ani a'ulu má ngudha, ani atsia ago abhaka Yesu.

⁵¹ Abhomu-o, Yesu atsia ayi ani me: «Mo okunda me ma mene pi mu ni?» Kpála i u 'kpí de-e agie pi ani me: «Mu suno, ma akunda me ma u matá 'kpí.»

⁵² Yesu atsia agie pi ani me: «Nanu, nabhuka gba mu-o akobho mu akobho.» Má gala kolo me-e, ani aholo au 'kpí, ani atsia adu akpata Yesu li kpadjí-o.

11

*Yesu ali bhú Yelusalema
(Tsia bhú Mat. 20:29-34;
di ne bhú Luk. 18:35-43.)*

¹ Lí u akolo lie de Yelusalema-a, masikpe de okuti na Betefadje ne Betania-a, u akolo pi eta na ondula na Olive. Yesu

atima omukpata bhisi bhú
ká omukpata gba e akalanú.

² Aní atsia apa pi uo me:
«Yi nü bhú kuti inde kala yi
ao. Yi akólo lie oo me-e,
yi abháka me u nde agbite
ndili punda* inde li kpála
bini dhukú nga pí e de. Yi
bhulu ani, amba yi go ne ani.

³ I du la me kpála bini nde
ayi yi me: «Yi ngabhulu ani
ngú ni?» Yi de gie pi ani me:
«Ngámá ne gumú ani. Engú
bini, ani agie bha ani si mbia
inde.»»

⁴ Abhomu-o, u anu, u atsia
abhaka ndili punda me u
nde agbite ani akilidjo, de
'bhé bhoti bini li 'hi kpadji.
U atsia abhulu ani.

⁵ U adu abhulu ani lie,
okpála koko bhú ká ob-
hende adu oo, ayi uo me:
«Yi ngamene bhomu-o ni?
Yi ngabhulu ndili punda
bhomu-o ngú ni?»

⁶ Omukpata agie pi uo
maka li Yesu apa lie pi uo-
o. Okpála ango-o atsia a'o uo
me u nenu.

⁷ Abhomu-o, omukpata-a
atsia ago ne ndili punda-a pi
Yesu, u apa obongo gba o pí
'ngbu ani. Abhomu-o, Yesu
atsia adu pépé.

⁸ Okpála bhelé apa obongo
gba o li kpadji, okoko apa
okpálá inde u akodho e bhú
bili-o.

⁹ Okpála bhende adu
adhukú kala Yesu ne ob-
hende adu akpata ani-e, adu
asusula me:
«Ebhe hení!

* **11:2 11:2** Enu inde si-e a ko pigi 'nu maka punda, uo la ndundundu u bibi
di okpála. † **11:9 11:9** Tsia bhú Ets. 118:25-26.

A ayo me Ebhe tuko
bisagu pí kpála inde
ngago ne 'li Ngámá
ko! †

¹⁰ A ayo me Ebhe tuko bis-
agu pí nau inde ngago,
nau gba ogbi ní Davidi
ko!

Ebhe Apí 'Kpí hení!»

¹¹ Abhomu-o, Yesu anu bhú
gudhu na Yelusalema, aní
atsia ali bhú 'ngbé 'ti Ebhe
gba omaYuda-o. Pita natsia
'kpí ka ani lingo e hana, aní
atsia anu ne omukpata gba
e ndjikpa ne ká bhisi bhú
Betania, anga adu me ekpí
nde ngabi.

*Yesu atu pédje li ndula na
figi*

(Tsia bhú Mat. 21:18-19.)

¹² Pita ekpí bhomu-o, u
adu akoto lie bhú Betania-a,
Yesu aholo nadje gumú.

¹³ Aní au ndula na figi inde
adu bhú e ne kpákpá-a de
e tsutsu. Aní atsia anu ngú
natsia 'kpí bhú ndula ango-
o atigala ni u lílí bhúbhú.
Engú bini, ani akolo lie dede-
e, ani au bha bhti kpákpá-
o. Padhá de, anga adu
nedhinga nali kaka de.

¹⁴ Abhomu-o, Yesu atsia
atu pédje li ndula na figi-e
ne napa me: «Mu lí matá lílí
inde li kpála ti da nazu e be-
legu de bini!» Omukpata gba
ani adje 'ngú ango-o hana.

*Yesu atsambala obhulu
natsindji 'he bhú*

*'ngbé 'ti Ebhe gba omaYuda
(Tsia bhú Mat. 21:12-17;
ne bhú Luk. 19:45-48; di ne
bhú Dja. 2:13-22.)*

¹⁵ Abhomú-o, u atsia agie matá lio bhú Yelusalema. Lí Yesu ali lie bhú 'ngbé 'ti Ebhe gba omaYuda-a, ani aholo natsambala okpála inde adú atsindji 'he, ne obhende adú akala 'he oo-o. Ani atumba omisa gba okpála inde adú ayipa falanga, di ne okiti gba obhende adú atsindji obebhé-o kuto.

¹⁶ Yesu 'o naní kpála bini akodho 'kpí ne ehe bini na mase bhú 'ngbé 'ti Ebhe de.

¹⁷ Pipita-a, ani aholo asuno, ne napa pi uo me: «U aye bhú Bhuku gba Ebhe-e me, Ebhe apa me: <U a'í eti gba ma-a me eti nayo Ebhe pi ndú opiga hana.» Engú bini, ngayi-e, yi adjí, a atsia akolo bili gba obhúlú 'zi![†]»

¹⁸ Ongbengbe odimande di ne omesuno na líli adje engú inde lí Yesu amene e-o. U atsia aholo agili kpadjí ngú nabhóle ani. Engú bini, u adú akpe ani, anga ndú okpála hana adú angamba lí nasuno gba ani-e mangamba.

¹⁹ Akolo lie tagolo-o, Yesu ne omukpata gba e akoto bhú gudhú-o.

*Yesu asuno píndji nadú ne
nabhuka na kpekpeke
(Tsia bhú Mat. 21:20-22.)*

[†] **11:17 11:17** Tsia bhú Isa. 56:7; di ne bhú Djlm. 7:11. [†] **11:26 11:26** Lukuluku inde-e, a bhú obhuku koko na didili u aye e bhú eli na giliki ade. [Engú bini, i dú me yi nde mbu li okpála koko de-e, 'Dyi yi inde abhúlá-a 'é di osisiti 'ngú inde yi amene e de.]

²⁰ Kekpí má bhe-o, Yesu ne omukpata gba e a'e ne enú. U akolo lie lí bili lí Yesu atú pédje lie lí ndula na figi-e, omukpata gba ani au me ndula ango-o a'u'lu hana, akolo makolo bha bini lí osisie.

²¹ Abhomú-o, Piele abhundja engú inde lí Yesu apa lili e lí figi-o, ani atsia apa pi Yesu me: «Músunó, tsitsia nga, ndula na figi inde mo otú pédje lie a'u'lu hana!»

²² Yesu atsia apa pi omukpata gba e me: «Yi dú ne nabhuka bhú Ebhe!

²³ I dú me yi nde apa pi eta inde-e me: <Yie sii, amba mu nu gu 'i mu bhú 'ngbé 'ngu-o, Ebhe méne pi yi, i dú me yi nde ne bua na bhisi bhisi ade ko. Engú bini, a ayo la me yi bhuka me Ebhe améne mamene.»

²⁴ Kaka-a, ma apa pi yi me: ndú ehe hana yi ayó e bhú mayo-o, yi bhuka me yi asia ehe ango asia. Abhomú-o, ehe ango tsia méne lie pi yi.

²⁵ Engú bini, nedhinga yi nde lie ngayo Ebhe-e, i dú me yi nde ne engú pi kpála-a, yi de mbu ngaiza lí ani, amba 'Dyi yi inde abhúlá-a 'é di osisiti 'ngú gba yi o. [

^{26 †】}

A ngaha angu pi Yesu da?

*(Tsia bhú Mat. 21:23-27;
di ne bhú Luk. 20:1-8.)*

²⁷ Yesu ne omukpata gba e agie lio bhú Yelusalema.

Lí Yesu adú adholo lie bhá 'ngbé 'ti Ebhe gba omaYuda-a, ongbengbe odimandé gba Ebhe, ne omusuno na lili, di ne obhelesi okpála ago de ani.

²⁸ U atsia ayi ani me: «A aha kpadji pi mu ngú namene ongú inde-e da? A aha la di angu pi mu ngú namemene da?»

²⁹ Yesu atsia agie pi uo me: «Ma adjí ayi yi li koli engú bini, i du me yi nde agie engú muma téte-e, ma atsia pá pi yi me ma ngamemene ne mangua angu dho-ie.

³⁰ Aha kpadji pi Djaa ngú nabatisa okpála da? Ne me a ko Ebhe, ne me a ko okpála? Yi gie engú muma téte.»

³¹ U aholo amene kpekebhé sunda o me: «I du me ni nde apa me, aha kpadji pi Djaa ne Ebhe-e, ani yi ní me, i du mo-o, ka ni ní bhuka la nani Djaa lie de-e?»

³² Engú bini, ní ti da nale napa me: «Aha kpadji pi Djaa ne okpála-a?» (U apa nani mo-o anga u adú adje tsulu ka bhti okpála-o. Padhá de, anga ndu okpála hana adú abhundja me Djaa ne polofeta na kukulu.)

³³ Abhomu-o, u agie pi Yesu me: «Ya mbila de.» Yesu atsia agie pi uo me: «A ndjindji, ngama di-e, ma apa pi yi de me a aha angu muma ngú namene ehe inde-e da-ie de.»

12

*Gbitaku pindji osisiti
okpála namene kulu bhá 'dyi*

vino

(*Tsia bhá Mat. 21:33-46;
di ne bhá Luk. 20:9-19.*)

¹ Abhomu-o, Yesu aholo nakpokpo 'ngú pi uo bhá ogbitaku me: «Kpála bini alu nani ngu vino, ani asa ngongo-o hana ne aga. Ani adjí edú ngú napi olflí-e bhábhá, ani atsia ayiki 'ndjá 'ti abhálá bhábhá ngubula nalila edyi-o. Pipita-a, u adje lio ne okpála ngú namene kulu bhá 'dyi-o, amba o du agbó bhássu o ne uo li nguwa-o. Abhomu-o, ani atsia atapa dhukú.

² Nedhinga li nguwa abhele lie, ani atima kpála bini na kulu agba okpála ango-o me u ha nguwa bhe gba ni-e pi ni haha.

³ Okpála namene kulu bhá ngu vino aholo kpála ango-o, u abhi ani má kpú! U atsia agie ani ne mbulé 'kpa e padhá.

⁴ Bhulé 'dyi-e atima matá kpála na kulu koko bini, bhobhomu-o di-e, u abhi ani li 'ndji e, u atsia asosobho ani.

⁵ Bhulé 'dyi-e atima matá kpála koko bini, u abhele bha ibili bhobhomu-o mabhele. Pipita-a, bheté na okpála koko-o, u abhi uo. Okoko-o, u abhili uo.

⁶ A atigala nani ibili ka bhulé edyi-e bha ne koli kpála bini ani ti da natima e, bha ndili na bhobhoko gba ani bini na 'kpú bua ani-o. Ali soso hana-a, ani aha ani, ani atsia atima ani

agba uo oo-o. Do ani de-e: «U amánga ndili gba ma-a mamanga.»

⁷ Engú bini, okpála ango-o apa súnda o me: «Yi tsia nga la ndju kpála inde atigala galikpe ne edyi-o. Yi gógo! Ní bhele ani, amba edyi-e kolo ibili pi ní.»

⁸ U aholo ani, u abhélè ani, u atsia abhike kuo ani alingo 'dyi.»

⁹ Abhomu-o, Yesu atsia ayi me: «Mbía inde-e, bhálu 'dyi-e améne pi? Ani agó, ani bhíli okpála namene kulu bhú 'dyi-e hana. Pipita-a, ani há edyi-e, ani tsia pú pi okpála koko.

¹⁰ Yi atanga bha ndju Bhuku gba Ebhe-e uu? Li bili inde u aye lie me:

«Teme inde li okpála nayiki eti-e abhike e,
akolo teme inde abi eti-e libhomu.

¹¹ Ebhe Ngámá amene engú bhomu-o ngae.

Bhú djila ní-e, a ko engú na ngbéngbé![†]»

¹² Li Yesu apa lie mo-o, obhálu yala gba ani-e atsia adú agili naholo ani. Padhá de, anga u adú ambila ndjindji me ani apa gbitaku bhomu-o pi o. Engú la bini, u adú adje tsulu ka bhití okpála. Abhomu-o, u a'o ká ani, u atsia agbida.

Engú pindji nakala mand-jandja gba 'ngbé ngámá Kaisala

(*Tsia bhú Mat. 22:15-22; di ne bhú Luk. 20:20-26.*)

¹³ Abhomu-o, u atima té omuFalisai di ne okpála gba Elode me u nü agba Yesu, u gama 'ngú ne ani, amba u holo ani li 'li e.

¹⁴ U ago, u atsia apa pi ani me: «Musuno, ya ngambila ndjindji me mu ngapa kukulu 'ngú. Mu ne tsulu kpála belegú ade bini. Mu tsia di engbé gba kpála bini de. Engú bini, mu ngasuno engú gba Ebhe-e pi okpála bhú kukulu 'ngú. Lí aziba pi? U kala mandjandja gba Kaisala , 'ngbé ngámá na doto na Loma , ne me u akála de. A ayo me ya kala, ne me ya akála de?»

¹⁵ Yesu ambila kali gba uo lie, abhomu-o, ani atsia ayi uo me: «Yi ngale ma ngubula ni? Yi go nga muma ne lí falanga bini, ma tsia!»

¹⁶ U ago ne lí falanga bini pi ani. Ani atsia ayi uo me: «Kulu kpála di ne balua inde pépé inde-e, a ko naa da?» U agie pi ani me: «A ko naa Kaisala.»

¹⁷ Abhomu-o, Yesu atsia apa pi uo me: «Yi ha ehe bhende gba Kaisala-a pi Kaisala, amba yi ha la di bhende gba Ebhe-e pi Ebhe.» U atsia adú nangamba li ani naali.

Engú pindji nazuku ka okpála

(*Tsia bhú Mat. 22:23-33; di ne bhú Luk. 20:27-40.)*

¹⁸ Abhomu-o, oSadukai ago de Yesu. (Ngauo-o, u ziba naní naao de me okpála

[†] **12:11 12:10-11** Tsia bhú Ets. 118:22-23.

inde amu-o azúku mazuku-o de.) U atsia ayi Yesu me:

¹⁹ «Músuno, Moidje aye nani líli pi ni me: <I du me kpála bini nde akpi, ani 'o ká wala e me u nde zu ne ani de-e, a ayo me ndai ani ha eke ango-o, amba ani zu ndili pi ndai e inde akpi ko.»

²⁰ La-a, a adu nani obhosí mananika bhá piga bini. Bhende na kalanú-o aha ele, ani akpi padhá me ani nde zu de.

²¹ Bhende na bhisi ahá ele ango-o, ani akpi padhá me ani nde zu de. A akolo bhadi lí kute bhende na bata moko.

²² Ndú obhosí bhomú-o mananika hana amu me u nde zu de. Pita ndú uo hana-a, ele-o atsia akpi di.

²³ Li 'kpí lí okpála inde amu-o azúku lie, ele ango-o adú naa da? Padhá de, anga ndú uo mananika hana aha nani ani!»

²⁴ Abhomú-o, Yesu atsia agie pi uo me: «Yi angita, anga yi mbila Bhuku gba Ebhe-e de, yi mbila la di angu gba Ebhe-e de.

²⁵ Padhá de, anga lí okpála inde amu-o azúku lie, u há lio de. Engú bini, u adú ibili maka oandjelu abhúlá.

²⁶ Li 'ngú bhende atsia nazuku ka okpála-a, yi tanga nga bhuku gba Moidje, lí bili inde ani akpo 'ngú lie pindji tsá 'pó inde adu atsi-e di? Li bili bhomú-o, u aye me Ebhe apa pi ani me: «Ma ne Ebhe gba Abalahama, Ebhe gba Isaka, Ebhe gba Yakobho.»

²⁷ Ebhe ne Ebhe gba okpála inde amu-o ade. Engú bini, ani mangbo ne Ebhe gba okpála inde uu ko. Yi angita bha ndju na paká paká.»

Líli inde ane ne engbé

(*Tsia bhá Mat. 22:34-40; di ne bhá Luk. 10:25-28*)

²⁸ Músuno bini na líli gba Moidje adje uo nedhinga u adu amene kpekebhe lie-o. Ani atsia au di maka lí Yesu agie 'ngú lie pi oSadukai ndjindji-o. Abhomú-o, ani adyudyo lie, ani atsia ayi Yesu me: «Líli inde ane ne engbé-e ngae dho?»

²⁹ Yesu agie pi ani me: «Líli na bini inde ane ne engbé-e ngae inde: <Isalaele, djedje nga! Ebhe, Ngámá gba ní-e bha ne koli Ngámá kpi e kpi.»

³⁰ A ayo me kunda Ebhe, Ngámá gba mu-o ne bua mu hana, ne mukobho gba mu-o hana, ne mabhundja gba mu-o hana, la di ne angu gba mu-o hana.†

³¹ Bhende na bhisi-e ngae inde: <A ayo me kunda kili mu maka mo okunda limu lie makpe ko.†> Líli bini ade inde ane obhobhomú-o ne engbé.»

³² Abhomú-o, músuno na líli-e apa pi ani me: «A ndjindji naali, Músuno! Mo opa paká. Ani bha ne koli Ngámá ngae kpi e kpi, Ngámá koko ade, bha bini ani.

† **12:30 12:30** Tsia bhá Det. 6:4-5. † **12:31 12:31** Tsia bhá Lev. 19:18.

³³ La di-e, a ayo me kpála kúnda ani ne bua e hana, ne imbilangú gba e hana, ne angu gba e hana, amba ani kúnda la di kilí e maka ani akúnda lie lie makpe ko. Bhabhomú-o ndjindjí ane natsulu oenú pi Ebhe di ne obhe u ahaha e pi ani ko.»

³⁴ Lí Yesu au lie me ani agie 'ngú ne imbilangú-o, ani atsia apa pi ani me: «Mu de Nau gba Ebhe-e tsutsu ade.» Pipita-a, kpála bini le matá nayi Yesu belegú de bini.

Masiya ne ngámá gba Davidi

(Tsia bhú Mat. 22:41-46; di ne bhú Luk. 20:41-44.)

³⁵ Lí Yesu adú asuno lie pi okpála bhú 'ngbé 'ti Ebhe gba omaYuda-a, ani atsia adú ayi me: «Lele pi li omusuno na líli gba Moidje ti da napa lie me Masiya ne ndili gba Davidi-e?»

³⁶ Padhá de, anga ngaani Davidi makpe-e bhú nateteke gba Bu Bhabua apa nani me:

«Ebhe Ngámá apa pi ngámá gba ma-a me:

Dú li pá 'kpa ma na kokpa,
akolo li nedhinga inde ma
a'ó obhulú yala gba mu-o lie
sa 'dhu mu ko.»[†]

³⁷ Davidi ngae makpe nga'i Masiya me «Ngámá.» Lele pi ani nde la lie ne ndili gba Davidi-e?» Bhti okpála na bhibhti adú nadje ani ne djali naali.

Yi lila liyi ka omusuno na líli gba Moidje malila
(Tsia bhú Mat. 23:1-36; di ne bhú Luk. 20:45-47.)

³⁸ Yesu adú apa pi okpála bhú nasuno gba e me: «Yi lila liyi ka omusuno na líli gba Moidje malila. Padhá de, anga ngauo-o, u kúnda bha nadhukú ne ondjandja yambu, di ne me u du nayi o maka ongámási li obili inde li okpála apopékebhé bhúla o li e-o.

³⁹ U kúnda bha nadulú pi odabili na akalanú bhú oeti nadje líli gba Moidje , di ne pi odabili na akalanú bhú da oanokomia.

⁴⁰ U ngabha oehe gba oekesi na olisilisi. U ngayo Ebhe ngengele ngubula me okpála u o. Kaka-a, u asia mangimbo ane bhende gba okpála koko mane.»

Makiso gba eke bini na eele

(Tsia bhú Luk. 21:1-4.)

⁴¹ Yesu adú li bili li sanduku na makiso na 'ngbé 'ti Ebhe-e adú nadú li e, ne li papa na abhúbhúla. Yesu adú atsia maka li okpála adú na'o makiso lie bhúbhú-o. Kambi obhulú tia adú na'o tia bhelé.

⁴² Engú bini, eke bini na eele, bhulú ndibhili ago. Ani aha bha naae djedje lí falanga bhisi padhá má kpkili!

⁴³ Abhomú-o, Yesu a'i omukpata gba e-o. Ani atsia apa pi uo me: «Ma apa pi yi na paká me, eke na eele

[†] 12:36 12:36 Tsia bhú Ets. 110:1.

inde naae ne bhálu ndibhili
inde-e, aha makiso ane ndá
okpála inde a'o makiso bhá
sanduku inde-e hana.

⁴⁴ Padhá de, anga ndá
okoko hana, u aha tia
bhende u nde ne gúmú e
ade ko. Engú bini, ngaani,
bhándibhili gba e, ani aha
ndá bhende adá ka e, inde
ani adá akobho li e hana-o.»

13

*Yesu apa me 'ngbé 'ti Ebhe
gba omaYuda atúko kuto*

(*Tsia bhá Mat. 24:1-2; di
ne bhá Luk. 21:5-6.*)

¹ Nedhinga li Yesu adá
akoto lie bhá 'ngbé 'ti
Ebhe gba omaYuda-a, súka
omukpata gba ani bini atsia
apa pi ani me: «Músuno,
tsitsia nga! Ae mangua
babadha ka oteme dho! Ae
mangua babadha ka oeti
dho!»

² Yesu atsia agie pi ani me:
«Mo ou ongbengbe 'ti inde
ayiki lie inde-e au? Oteme
bhomú-o, susuка bini tigala
pi kilí e de. Ndándu hana
atúko kuto.»

*Engú inde akólo kala
sokpí-o*

(*Tsia bhá Mat. 24:3-14; di
ne bhá Luk. 21:7-19.*)

³ Li Yesu adá lie pi eta
na ondula na Olive bhálu
'ngbé 'ti Ebhe gba omaYuda-
a, Piele, Djaki, Djaa ne Andili
adá ne ani titi o. U atsia ayi
ani me:

⁴ «Pa nga pi ya me engú
ango-o akólo nadho? Ehe
inde asúno la di me ndá 'ngú
hana adj i andjia adá ni?»

⁵ Abhomú-o, Yesu aholo
napa pi uo me: «'E-e! Kpála
bini apité yi de!

⁶ Okpála bhelé agó amene
engú ne 'li ma ne napa me:
<Ma ne Masiya !> U tsia píte
okpála bhelé.

⁷ Nedhinga yi adjé ngali
na oegú di ne dhukudhuku
na oegú lie, yi adjé tsulu de,
anga a ayo me oengú angoo
oko. Engú bini, adá nga
bhomú-o sokpí-e de.

⁸ Padhá de, anga okpála na
kuti bini atí 'gú li okpála na
kuti koko. Ngámá na kuti
bini atí 'gú li ngámá na kuti
koko. Oadjigidjo na ngbeng-
bengbe adyíki doto li obili
ngangá. Ehe nazá mazá dú
ka okpála belegu de bini.
A adá maka li bhá 'bu ele
azazá lie kala nazá ka e-o.

⁹ 'E-e! Yi lila liyi malila.
Padhá de, anga okpála
agbé yi bhá ngbanga kala
ongámási, di ne abhá oeti
nadje lili gba Moidje. U
abhá yi, u apándja yi kala
okpála natsia 'kpí li ndu
doto di ne kala ongbengbe
ongámási ngubula ma, amba
yi kpokpo 'ngú gba ma kala
uo.

¹⁰ Padhá de, anga a ayo
ngaiza me u kpokpo Bádha
Ngali pi ndá opiga hana.

¹¹ Li nedhinga u aná ne
yi lie kala ongámási ngú
nakodho 'ngú gba yi-e, bua
yi agukú de me ni apá pi-
ie de. Engú bini, engú
inde akóto bhá 'bhé yi li
nedhinga bhomú-o, yi de pa
bha e. Padhá de, anga engú

yi apá e yéé ka yi de. Engú bini, ayéé ka Bu Bhobua .

¹² Kpála apá ndai e na bhobhoko me u bhééle ani. 'Dyí ndili améne bhadi moko li pabili gba ndili gba e. Li ongisi kólo obhálu yala gba odyí o, u tsia pú uo me u bhili uo.

¹³ Ndú okpála hana ayála yi kabula 'ngú gba ma. Engú bini, kpála bhende alá kpekpeke akólo li soso-o, akóbho ngae.»

Likabhu na ngbéngbé inde akólo kala sokpi-o

(*Tsia bhú Mat. 24:15-28; di ne bhú Luk. 21:20-24.*)

¹⁴ «Yi áu kpála inde u a'i e me *'Siti bhálu nabhélè kütie'* adú li bili inde i tí de me ani dú lie de-o. (A ayo me kpála atánga bhuku inde-e, ke mbolimboli ndjindji!) Abhomú-o, obhende adú abhú Yudaya-a, a ayo me u kpe apí oeta.

¹⁵ Kpála inde adú apí 'ngú 'ti-e, a ayo de me ani ke ngú nanú abhú 'ti gba e na ha 'he bini-e de.

¹⁶ Kpála bhende adú abhiye-e, a ayo de me ani gie lie na ha bongo gba e de.

¹⁷ Li 'kpí ango-o, a adú likabhu na ngbéngbé pi olisi na 'bhi di ne obhende li ongisi adú andji 'ka o-o!

¹⁸ Yi yo Ebhe ngubula me engú ango-o akólo li nedhinga na zini de.

¹⁹ Padhá de, anga oekpí ango-o adú oekpí na likabhu

u u nga ngua e de, nayie maka li Ebhe abho doto lie nakolo pi mbia inde. La di-e, u ú matá ngungua de.

²⁰ I dú me Ngámá gbételé oekpí ango-o de-e, kpála bini de tí da nadú bhú mukobho de. Engú bini, ani agbételé oekpí ango-o ka okpála bhende ani alo o ko.

²¹ I dú me kpála bini nde apa pi yi me: *'Yi tsitsia, Masiya siii!'*, i dú di-e me: *'Yi tsitsia, ani abhe!'*, yi aziba kpála ango-o de.

²² Padhá de, anga omasiya na eu di ne opolofeta na eu agó mago. U améne ongú na ngangamba di ne okiaka 'ngú ngú napite okpála. Li angu uo kolo-o, u apité belégú okpála li Ebhe alo o-o.

²³ La-a, ngayie, yi tsia 'kpí liyi ndjindji, anga ma agbele 'dje yi li ndú 'ngú hana kalanú.»

Nago gba Ndili gba kpála
(*Tsia bhú Mat. 24:29-31; di ne bhú Luk. 21:25-28.*)

²⁴ «Engú bini, li oekpí ango-o, pita likabhu bhomú-o, li ela kólo biti,

 epe sú matá-a de,

²⁵ oikupala ahólo nabala kuto, oangu inde abhúlá adyíki má djigi djigi![†]

²⁶ Abhomú-o, u ú Ndili gba kpála nago bhú ndindi, ne ndú angu di ne ndú sangu gba e hana.[†]

[†] **13:14 13:14** Tsia bhú Dan. 9:27, 11:31, 12:11. [†] **13:25 13:24-25** Tsia bhú Isa. 13:10, 34:4; ne bhú Edj. 32:7; di ne bhú Djl. 2:10, 3:4. [†] **13:26 13:26** Tsia bhú Dan. 7:13.

27 Ani atíma oandjelu li odje bili badha hana ngú napo bhála obhende ani alo o-o, abana u du bha su-oie.»

Gbitaku pindji ndula na figi

(*Tsia bhú Mat. 24:32-35; di ne bhú Luk. 21:29-33.*)

28 «Yi ke mboli nasuno inde li ndula na figi asuno e-o. I du me yi nde au me oyáyá angbengbele-o, di me okpákpa-a nde aké-o, yi de mbila me gbokokpi ibili masikpe.

29 A bhadi moko. Ngayi di-e, nedhingga yi aú engú bhomu-o ngakolo lie, yi mbila me nago gba Ndili gba kpála akolo masikpe. Ani li obhèbhoti gba yi-o.

30 Ma apa pi yi na paká me, nedhingga na engú angoo akólo makolo, me ndu okpála inde-e nde ndjia nga ndu o hana de.

31 Ekpí ne doto andjia mandjia. Engú bini, oeli gba ma-a adú duduuma ne duduuma.»

Yi lila liyi

(*Tsia bhú Mat. 24:36-44.*)

32 «Engú bini, ekpí di ne nedhingga li ongú bhomu-o akólo lie, kpála bini mbila de, belegu de oandjelu abhúlá, belegu de Ndili-o. Ambila bha ne 'Dyi ma kpi e kpi.

33 'E-e! Yi alá-a de, anga yi mbila nedhingga li engú angoo agó lie de!

34 A adú maka kpála bini inde adji enú: ani a'o ká eti gba e pi obhúlú kulu gba e

me u du atsia 'kpí téte. Ani aha kulu namene mamene pi kpála bini ne bini. Ani aha líli pi mulila me ani alá-a de.

35 Kaka-a, yi alá-a de, anga yi mbila nedhingga li bhúlú eti-e agié lie lie de! Nedhingga koko adú tagolo, koko adú tutu sukpe, koko adú bhú 'gbá 'ngú na bini, koko adú kékpi.

36 Ani koto la di-e má gibilikit-e, a ayo de me ani bhaka yi tila-a de!

37 Engú inde ma ngapa e pi yi-e, ma ngapapa pi ndu okpála hana me: «Yi alá-a de!»

14

Ongámási gba omaYuda agili nabhélø Yesu

(*Tsia bhú Mat. 26:1-5; ne bhú Luk. 22:1-2; di ne bhú Dja. 11:45-53.*)

1 A adú naní 'kpí bhisi kala anokomia na Pasika , ne kala anokomia nazu mapá inde li levile nde bhú e ade-o . Ongbengbe odimande di ne omusuno na líli gba Moidje adú agili me o hólo Yesu bhú pepe lele pi, amba o bhéle ani-e.

2 U adú apa me: «A ayo de me ní holo ani bhú nedhingga na anokomia de, anga ní mene mo-o, li okpála gbé tolo.»

Olø bini atuko mungotsi pi 'ndji Yesu

3 Yesu adú bhú kuti na Betania bhú 'ti gba Simo, bhúlú kába-o. Nedhingga u adú lie nazu 'he-e, olø bini ago ne gili inde u amene e

li alabatele.* A adu bhúbhú ne tiki mungotsi na nalade.† A adu la di bhú kpéke mase. Ani agumé gili na alabatele-o, ani atsia atuko mungotsi ango-o pi 'ndjí Yesu.

⁴ Okpála koko a adu apa sunda o ne ke bua me: «Mungotsi inde-e ngasiti lie me-e ka ni?»

⁵ U ti nako da natsitsindji ngú lí denalio ane kámá bata mane. U tsia há tia ango-o pi obhúlú ndibhili!» U atsia adu ake 'ngú lio pi ole ango-o.

⁶ Engú bini, Yesu apa me: «Yi 'o ani. Yi ngato mbolo li ani ngú ni? Ani amene muma bhomu-o bádha 'ngú.

⁷ Padhá de, anga ngayié, yi ngadu ne obhúlú ndibhili ndu 'kpí hana de yi. Nedhinga yi kúnda lie, yi ti da namene bádha 'ngú pi uo. Engú bini, ngama-a, ní ne yi ndu 'kpí hana ade.

⁸ Bhende ani ati nako da namene e, ani amene: ani apulu mungotsi li kute ma kalanu ngú nazi ma ko.

⁹ Ma apa pi yi na paká me, ndu bili hana inde u akpokpo Bádha Ngali lie pila doto libhomu-o, u akpókpo di engú ani amene e, li okpála du di abhundja ani.»

Yuda Isikaliote agili kpadjí napu Yesu

(Tsia bhú Mat. 26:6-13; di ne bhú Luk. 12:1-8.)

¹⁰ Abhomu-o, Yuda Isikaliote, súka omukpata

ndjíkpa ne ká bhisí-e anu agba ongbengbe odimande ngú napu Yesu pi uo.

¹¹ U adje engú bhomu-o lie, u akpi ndjíli naali. U atsia apa me o há pi ani tia. Abhomu-o, Yuda atsia adu agili bádha nedhinga ngubula napu Yesu pi uo.

Omukpata gba Yesu anu naleke da anokomia na Pasika

(Tsia bhú Mat. 26:17-25; ne bhú Luk. 22:7-14; di ne bhú Dja. 13:21-30.)

¹² Ekpi na bini na anokomia nazu mapá inde li levile nde bhú e ade-e, ekpi u adu abhéle kandélé lie ngubula Pasika-a, omukpata gba Yesu ayi ani me: «Mo okunda me ya nu leke da nazu Pasika pi mu su?»

¹³ Abhomu-o, ani atima omukpata bhisí bhú ká omukpata gba e-o. Ani atsia apa pi uo me: «Yi nu bhú gádhú, yi aké liyi ne bhoko bini inde abi lusa 'ngu, yi kpata ani.

¹⁴ Bili inde ani alí li e-e, yi de pa pi bhúbhúlú-o me: «Musuno apa me: tina 'ti inde mo oleke e muma ne omukpata gba ma ngú nazu Pasika téte-e ngae dho?»

¹⁵ Abhomu-o, ani asúno tina 'ti inde abhálá-a pi yi. A ngbéngbé, u aleke ndjíndji, ndu 'he hana bhábhú bedhe. A bhomu-o bili inde yi aléke da anokomia pi ní li e ko.»

* **14:3 14:3 Alabatele:** A ko teme na mase naali inde u abhobho oehe maka gili li e ko. † **14:3 14:3 Nalade:** A ko mungotsi inde u amemene e li 'kpá ulu. Tsia bhú Mat. 26:7.

¹⁶ Omukpata-a agbida. U anu abhu gudhu. U atsia abhaka ndu 'ngu hana maka li Yesu apa pi uo lie ko. Abhomu-o, u atsia alu ezu na Pasika-o.

Yesu apa me suka omukpata bini apu ni

¹⁷ A akolo lie tagolo-o, Yesu ne omukpata gba e ndjikpa ne ká bhisi-e akolo.

¹⁸ Nedhinga u adulu lie pi misa me u nde ngazu 'he-e, Yesu atsia apa me: «Ma apa pi yi na paká me, suka yi bini, inde ngazu 'he ne ma-a, apu ma.»

¹⁹ Omukpata-a abedhe ne babuma li bua o bedhe. U atsia aholo nayi ani bini ne bini me: «A adu ma?»

²⁰ Ani apa pi uo me: «A ko suka yi omukpata ndjikpa ne ká bhisi-o, bhende i ngato 'kpa e ne ma bhú saani-o.

²¹ Ndili gba kpála akpi bha na paká maka u aye lie bhú Bhuku gba Ebhe li 'ngu gba ani-o. Engú bini, a ko likabhu pi kpála inde apu Ndili gba kpála-o. A belegu nako pi kpála angoo-ndoindji me u azú ani de!»

Yesu aha mapu ne vino pi obhulü titima gba e-o

(Tsia bhú Mat. 26:26-30; ne bhú Luk. 22:14-20; di ne bhú 1 Kol. 11:23-25.)

²² Nedhinga u adu azu 'he lie, Yesu aha mapu-o. Pipita-a, ani agie henri pi Ebhe. Ani atsia agumu bhusu bhusu,

ani atsia aha pi uo. Do ani de-e: «Yi haha, a inde-e kute ma.»

²³ Pipita-a, ani aha kópo-o, pita ani agie henri lie pi Ebhe-e, ani atsia aha pi uo. U atsia andji ndu o hana.

²⁴ Ani atsia apa pi uo me: «A inde-e ngute ma, ngute na gandja inde atuko lie pi bhiti okpála-o.

²⁵ Ma apa pi yi na paká me, ma andji matá galikpe lí ndula na vino belegu de bini, akólo li 'kpí inde ma andji matá lie ne toto bhú Nau gba Ebhe-o.»

²⁶ Pita u ali 'tsi‡ lie, u aze ngu nanu pi 'ta na ondula na Olive.

Yesu apa me Piele ayala ni
(Tsia bhú Mat. 26:31-35;
ne bhú Luk. 22:31-34; di ne
bhú Dja. 13:36-38.)

²⁷ Abhomu-o, Yesu apa pi uo me: «Ndú yi hana, yi a'ó ká ma, anga u aye bhú Bhuku gba Ebhe-e me:

«Ma asú mulila gba okandele-o,
li ongisi kandele-o
gbóngbolo ne bili ngangá.†»

²⁸ Engú bini, ma azúku lie, ma anú adjike yi abhu Galilaya.»

²⁹ Piele atsia apa pi ani me: «Belegu li ndu okpála hana 'o ká mu-o, ngama de!»

³⁰ Yesu atsia apa pi ani me: «Ma apa pi mu na paká me, ngamu-o, sukpe na

‡ 14:26 14:26 *Etsi*: Etsi inde si-e, a ko bhende bhú bhuku na Etsi gba omaYuda ko. OmaYuda du nani alili li 'so anokomia na Pasika. Tsia bhú Mat. 26:30.

† 14:27 14:27 Tsia bhú Djkl. 13:7.

naki inde-e, kala me engúku 'gbá bhütsibhütsi bhisi-e, mo opá bhütsibhütsi bata me ni mbila ma de.»

³¹ Engú bini, Piele atsia apa matá ne kekele me: «Abana i yo bha me ma kpi bhú dabilí bini ne mú-o, ma atsé mú de!» Abhomú-o, ndú uo hana atsia apa bhadi moko.

Yesu ayo Ebhe bhú Getesemaní

(*Tsia bhú Mat. 26:36-46; di ne bhú Luk. 22:39-46.*)

³² Pipita-a, Yesu ne omukpata gba e akolo li bili inde u a'i e me Getesemaní. Aní atsia apa pi uo me: «Yi dulú kuto si, nedhinga inde ma adú lie nayo Ebhe ko.»

³³ Aní anú bhú dabilí bini ne Piele, Djaki ne Djaa. Abhomú-o, tsulú aholo aní, aní aholo azú likabhu li bua e.

³⁴ Aní atsia apa pi uo me: «Bua ma abedhe ne likabhu bedhe ka ma adjí akpi lie-o. Yi tigala si, yi alá-a de!»

³⁵ Pipita-a, aní anú mbo tsutsu bedi. Aní atsia agú 'i e bhú doto. Aní atsia adú ayo Ebhe ngubula e me i du me a nde alé male-e, nedhinga bhomú-o de kodho 'kpí de ni tsutsu.

³⁶ Aní adú apa me: «Aba, 'Dyi ma, kpéke da 'ngú pi mú ade. 'E kópo na likabhu \$ inde-e de ma ma'e! Engú bini, mo oméne maka ma akunda lie de, mene mangbo maka mo okunda lie ko!»

³⁷ Yesu agie lie, aní abhaka omukpata gba e bata me u nde tila. Do aní pi Piele de-e:

«Simo, mú ngala-a? Mú sia angu ngú nadú ndila belegú de ngubula saa bini?

³⁸ Yi alá-a de, yi yo Ebhe, amba yi alí bhú nale de. Bua kpála dudu bedhe ne angu, engú bini, kute aní bhübhükü.»

³⁹ Pipita-a, Yesu atuto matá lie mbo tsutsu masudha. Aní atsia ayo Ebhe ne oeli bini bhomú.

⁴⁰ Abhomú-o, aní ago matá, aní abhaka uo tila, anga djila uo adú me a nde ali tili ne ela má yikpokpo! U tsia du nambila de me o opá pi aní pi-ie de.

⁴¹ Bhütsibhütsi na bata, aní ago. Aní apa pi uo me: «Yi nga bha ngala di ne naguo? A andjia, nedhinga akolo. Yi tsitsia nga, u apú Ndili gba kpála mbia inde-e pi obhülü siti 'ngú.

⁴² Yi yie bhúlá, ní nñanu! Yi tsitsia nga, kpála inde i ngapú ma-a, akolo!»

U aholo Yesu

(*Tsia bhú Mat. 26:47-56; ne bhú Luk. 22:47-53; di ne bhú Dja. 18:3-12.*)

⁴³ Bha li nedhinga li Yesu adú ngabha lie agama 'ngú-o, Yuda, súka obhülü titima ndjíkpa ne ká bhisi-e, akoto li uo bhú dabilí bini ne okpála inde adú sa 'kpa o ne tia 'gú: ombotia ne ondula. U ago me a nde atima uo ne ongbengbe odimande, ne omusuno na líli gba Moidje di ne obhelesi okpála.

⁴⁴ Yuda, kpála inde apú Yesu-o, adje lie ne uo me: «Kpála inde ma anvú pabhé e, a ko ani! Yi holo ani, amba yi nü ne ani ne nalila ani ndjindji.»

⁴⁵ Nedhinga li ani akolo lie, ani atuto lie de Yesu. Ani atsia apa pi ani me: «Labi!» Ani atsia anvü pabhé ani.

⁴⁶ Okpála bhe koko abu 'kpa o li ani, u atsia aholo ani.

⁴⁷ Suka okpála inde adü oo agbe mbotia gba e-o. Ani asü kpála na kulu gba bhele kpála gba odimande-o, ani atsia akodho 'dje ani má tse!

⁴⁸ Abhomü-o, Yesu atsia apa pi uo me: «Yi ago ngü ma ne ombotia di ne ondula mügito me ma ne bhülü 'zi!

⁴⁹ Ma du nako ndü 'kpí hana bhü ká yi bhü 'ngbé 'ti Ebhe gba omaYuda ngü nasuno, yi tsia holo ma de. Engü bini, a ko ngubula me engü inde u aye e bhü Bhuku-o mene lie.»

⁵⁰ Abhomü-o, ndü omukpata hana a'o ká ani. U atsia akpekpe.

⁵¹ Makombi bini adü akpata Yesu me ani nde abuku kute e bha ne mbülü daladeli. U aholo ani.

⁵² Engü bini, ngaani-e, ani abala 'kpa li daladeli-o, ani atsia ayiki lie ne holo ndumbu.

U anü ne Yesu kala Libi okpála natsia 'kpí li 'ngü gba omaYuda

(*Tsia bhü Mat. 26:57-68; ne bhü Luk. 22:54-55, 63-71; di ne bhü Dja. 18:13-14, 19-24.*)

⁵³ Abhomü-o, u anü ne Yesu kala bhele kpála gba odimande-o. U atsia apo bhüla o ndü o hana: ongbengbe odimande, obhelesi okpála di ne omüsuno na lili gba Moidje.

⁵⁴ Piele adü akpata Yesu mbo tsutsu. Ani atsia akolo bhü mbadhasü gba bhele kpála gba odimande-o. Ani adü kuto, ani atsia adü atü djua bhü dabili bini ne omalila.

⁵⁵ La-a, ongbengbe odimande bhü dabili bini ne Libi okpála natsia 'kpí li 'ngü gba omaYuda adü naao agili kpála inde agó apa 'ngü li kute Yesu sisiti, amba o kodho 'ngü gba ani-e me ani kpi. Engü bini, u u de.

⁵⁶ Okpála bhelé adü apa 'ngü li Yesu ne eu. Engü bini, ongü u adü apa e, a go li kpadji bini de.

⁵⁷ Okpála bini bini adü ayie bhüla ne napa 'ngü li ani ne eu me:

⁵⁸ «Ya adje ani me ani nde ngapa me: <Ngama-a, ma abhéle 'ti Ebhe inde li okpála amene e inde. Pita 'kpí bata, ma tsia yíki koko inde li 'kpa kpála mene e de.»»

⁵⁹ Engü bini, abana u adü apa lie mo-o, u du adje lio bhü nakpokpo 'ngü ango-o de.

⁶⁰ Abhomü-o, bhele kpála gba odimande-o ayie bhüla bhü ká okpála-o. Ani atsia ayi Yesu me: «Mu gie 'ngü li kute engü u ngakpokpo e li mu-o dí?»

⁶¹ Engú bini, ngaani-e, ani andjili bha má bulu, ani gie engú bini de! Bhele kpála gba odimande-o atsia ayi matá ani me: «Mu ne Masiya , Ndili gba Ebhe inde li okpála ngadhégo e?»

⁶² Yesu agie me: «A moko, ma ne ani. Yi aú Ndili gba kpála adu li pápá na kokpa gba Angbamíli me ani nde ngago ne ndindi na abhúlá.[†]»

⁶³ Abhomu-o, bhele kpála gba odimande-o asidha bongo gba e. Ani atsia apa me: «Ní matá ne gumu okpála koko ngú nakpokpo 'ngú gba ni-e ade!»

⁶⁴ Yi adje maka ani asobho Ebhe lie adje. Yi apa téte pi?» Abhomu-o, ndu uo hana akodho 'ngú gba ani-e me ani ati ne nakpi.

⁶⁵ Bini bini bhú ká uo aholo aku ngusu li ani. U atsia adu di abuku bhúla ani, asu ani ne napa pi ani me: «Pa pi ya me asu mu da!» Omúlila-a aha ani, u atsia aholo di nasu ani.

Piele apa me ni mbila Yesu de

(Tsia bhú Mat. 26:69-75; ne bhú Luk. 22:56-62; di ne bhú Dja. 18:15-18, 25-27.)

⁶⁶ Nedhingga li Piele adu nga bha lie tu mbadhasu-o, súka okpála na kulu bini na eele gba bhele kpála gba odimande ago.

⁶⁷ Ani au Piele lie ngatu djua-a, ani atsia ani má súu! Ani atsia apa pi ani

me: «Ngamu di-e, mo odú nako bhú dabili bini ne Yesu, kpála na Nadjaleta-o!»

⁶⁸ Engú bini, Piele ayaya. Ani atsia apa me: «Ma mbila de. Ma kó di mboli engú mu ngakunda napa e de.» Abhomu-o, ani akoto kilidjo bhú mbaladja. [Pipita-a, engu atsia aku 'gbá.]

⁶⁹ Engú bini, kpála na kulu na eele ango-o au ani. Ani atsia apa matá bhú djila okpála inde adu oo me: «Kpála inde aoo, a ko di súka uo!»

⁷⁰ La-a, Piele ayaya matá. Pita nedhingga masudha, okpála inde adulu oo apa matá pi Piele me: «A ko paká, mu ne súka uo, anga ngamu di-e mu ne kpála na Galilaya.»

⁷¹ Engú bini ngaani-e, ani aholo natu silika ne nasima me: «Ma mbila kpála inde yi ngapa 'ngú gba e muama bhomu-o de!» ⁷² Má gala kolo me-e, engu atsiaaku 'gbá bhútsibhútsi na bhisi. Abhomu-o, Piele abhundja engú inde li Yesu apa igini e pi ani me: «Kala me engu ku 'gbá bhútsibhútsi bhisi-e, mo opá bhútsibhútsi bata me ni mbila ma de.» Ani atsia akoto ne holo ne naku 'gbá.

15

U anu ne Yesu kala Pilatø
(Tsia bhú Mat. 27:1-2, 11-14; ne bhú Luk. 23:1-5; di ne bhú Dja. 18:28-38.)

[†] 14:62 14:62 Tsia bhú Ets. 110:1; di ne bhú Dan. 7:13.

¹ Kekpí má bhé, ongbengbe odimande gba Ebhe-e apo bhála o bhú bula. U adú bhú dabili bini ne obhelesí okpála, ne omusuno na lílì gba Moidje, la di ne Libi okpála natsia 'kpí li 'ngú gba omaYuda libhomu. U agbite Yesu ne ekpu, u anú ne ani, u atsia aha ani pi Pilate.

² Pilate ayi ani me: «Mu ne 'ngbé ngámá gba omaYuda?» Yesu agie pi ani me: «Mu ngapapa ngamú.»

³ Ongbengbe odimande adú apa osisiti 'ngú bhelé li kute ani.

⁴ Abhomu-o, Pilate atsia ayi matá ani me: «Ndú 'ngú inde u ngapa e li kute mu inde-e, mu gie 'ngú téte bini di?»

⁵ Engú bini, Yesu gie 'ngú téte belegú de bini. Kaka-a, Pilate angamba naali.

*U akodho 'ngú gba Yesu
me ani kpi bha makpi*

(Tsia bhú Mat. 27:15-26; ne bhú Luk. 23:13-25; di ne bhú Dja. 18:39 - 19:16.)

⁶ Bhú ndú anokomia na Pasika hana, a ayo me Pilate tse 'kpa li kpála bini inde u aholo e bhú tikpu-o pi omaYuda. A ayo me a adú bhende li okpála ayó me Pilate tse 'kpa li e ko.

⁷ A abhaka me kpála bini inde u a'i e me Balabasi nde bhú tikpu. A adú me u nde aholo ani bhú dabili bini ne okpála na kpekpeke 'ndji me u nde abhélé kpála bini bhú nedhinga u agbe kpéke 'ndji lie-o.

⁸ Abhomu-o, bhti okpála anú abhaka Pilate, u atsia aholo nayo me Pilate mene pi o maka ani amemene lie gémé gémé-o.

⁹ Pilate agie pi uo me: «Yi akunda me ma tse 'kpa li 'ngbé ngámá gba omaYuda pi yi?»

¹⁰ Padhá de, anga ani adú ambila ndjindji me ongbengbe odimande apu Yesu, anga okpála adú ne mukunda naali pi Yesu.

¹¹ Abhomu-o, ongbengbe odimande atsia ato bhú okpála bhelé me u yo me Pilate tse mangbo 'kpa li Balabasi.

¹² Pilate atsia ayi bha matá uo me: «A ayo la me ma mene ngú kpála bhende yi nga'i e me 'ngbé ngámá gba omaYuda-a pi?»

¹³ Okpála bhomu-o atsia agie ne nasusula me: «Gi ani li kulusi!»

¹⁴ Pilate atsia adú ayi uo me: «Ani amene la mangua siti 'ngú dho?» U asusula matá kpekpeke naali ne na'e'e 'li o ne abhúlá me: «Gi ani li kulusi!»

¹⁵ Abhomu-o, Pilate atse 'kpa li Balabasi pi uo, amba ni atsógbolo bua uo de. Ani aha lílì me u bhí Yesu ne fimbo, pipita-a, ani atsia aha ani pi uo me u gi ani li kulusi gigi.

*Osudha amú Yesu
(Tsia bhú Mat. 27:27-31;
di ne bhú Dja. 19:2-3.)*

¹⁶ Abhomu-o, osudha aha Yesu, u atsia anú ne ani tu mbadhasu gba Pilate. U a'i ndú osudha koko hana.

¹⁷ U ato bongo na zumbé zumbé li kute ani, u atsia agala ehe na eti má kilili, u aha-a, a ato bhú 'ndjí ani.

¹⁸ U atsia aholo nayi ani me: «'Ngbé ngámá gba omaYuda, atou!»

¹⁹ U adú abhi 'ndjí ani ne mbamba, u atsia adú aku ngusú li kute ani. U atatú lipukú o kuto, u atsia adú ati kala ani.

²⁰ Pita u amú ani lie má tsíki tsíki-e, u agbe bongo na zumbé zumbé-e li kute ani, u atsia agie obongo gba ani-e pi ani. Pipita-a, u atsia agbe ani kilidjo ngubula nagí ani li kulusi.

U agi Yesu li kulusi

(*Tsia bhú Mat. 27:32-44; ne bhú Luk. 23:26-43; di ne bhú Dja. 19:17-27.*)

²¹ Abhomú-o, osudha aholo kpála bini ne kpéke me ani bi kulusi gba Yesu-o. A adú 'li kpála angoo me Simo, a adú 'dyi Alekidjandele ngauo ne Lufusi. A adú kpála na gudhú na Silene. U aholo ani me ani nde ngakodho 'kpí oo nedhinga ani adú agie lie lie abhiye-o.

²² U anú ne Yesu li bili inde u a'i e me Gologota, (a akunda napa me «bili na pelege 'ndjí»).

²³ U adú akunda naha vino inde u akpetse e ne mila pi ani. Engú bini, Yesu ndjí de.

²⁴ U agi ani li kulusi. U agbogbo bhúsú o li obongo gba ani-e me u nde agú ngaiza téte gbanda ngú nambila

bhende a ayo me kpála bini ne bini sia e ko.

²⁵ U agi Yesu li kulusi bhú saa na odukpbabini kala tulukpe.

²⁶ Balúa inde u aye e ngú nasuno ta mangimbo gba ani-e aye naní lie me: «'NGBÉ NGAMÁ GBA OMAYUDA.»

²⁷ U atsia agi la di bhú dabilí bini ne ani-e, obhúlú 'zi bhisi inde adú agbulú 'he gba okpála ne kpéke. Bini adú li kulusi gba e li pá 'kpa ani na kokpa. Koko atsia adú li kulusi gba e li pá 'kpa ani na galí. [

²⁸ Abhomú-o, eli gba Ebhe inde aye lie bhú Bhuku gba ani-e me: «U ato 'li ani bhú ká okpála na sisiti-e†», atsia amene lie.]

²⁹ Okpála inde adú akodho 'kpí oo adú asosobho ani. U adú ako 'ndjí o, u atsia adú apa me: «He-e! Ngamú, kpála inde abhéle 'ngbé 'ti Ebhe gba omaYuda, i tsia yíki súnda 'kpí bata-a,

³⁰ kobho límu ngamú makpe, amba mu yie li kulusi-e kó kuto.»

³¹ Ongbengbe odimandé gba Ebhe di ne omusuno na líli gba Moidje adú bhadi namú ani moko. U adú apa súnda o me: «Aní akobho okpála koko, ani ti da nakobho lie ngae makpe di!

³² Mbía inde-e, a ayo me Masiya, 'ngbé ngámá gba omañsalaele yie li kulusi, ya u, amba ya bhuka.» Obhende u agi o ne li okulusi

† 15:28 15:28 Tsia bhú Isa. 53:12.

gba o dengo ani-e adu bhadi namu ani moko.

Yesu akpi

(*Tsia bhú Mat. 27:45-56; ne bhú Luk. 23:44-49; di ne bhú Dja. 19:28-30.*)

33 Tulukpe-e, biti ake pí doto libhomu, nakolo pi saa na bata pita tulukpe.

34 Abhomu-o, bhú saa na bata-a, Yesu asula kpekpeke me: «Eloi, Eloi, lama sabakataní?» (A akunda napa me, «Ebhe gba ma, Ebhe gba ma, mo o'o ká ma ka ni?»)†

35 Bini bini bhú ká okpála inde adu oo adje ani lie, u atsia apa me: «Yi djedje, ani nga'i Eliya!»

36 Súka kpála bini agu holo. Ani anu azi epondje bhú kpongadha pandi. Ani agbite li kute mbamba. Ani atsia aha pi ani me ani ndji ne napa pi obi e me: «Ayó nga! Ní tsia nga ne me Eliya agó ngú nake ani li kulusi-e kuto.»

37 Engú bini, Yesu asula kpekpeke. Ani atsia akpi.

38 Abhomu-o, lido* inde adu agbo bhusu 'ngbé 'ti Ebhe-e asidha bhusu e bhisi má tsue nayie abhúlá, akolo akuto!

39 Ngámá gba osudha kámá bini inde adu bhúla ani au lele maka ani akpi lie, ani atsia apa me: «Kpála inde-e bha ndju nako ne ndili gba Ebhe kukulu!»

40 Olisi bini bini adu di oo. U adu atsia 'ngú bhomu-o mbo tsutsu. Bhú ká uo-o, a adu nani Malia , kpála na gúdhú na Magadala, Malia , 'hi Djodje ngauo ne Djaki bhe na makombi makombi-o, a la di-e Salome.

41 Nedhinga li Yesu adu lie bhú Galilaya-a, olisi bhomu-o adu adhukú bhú dabili bini ne ani. U atsia adu di ateteke ani. Olisi koko bhelé inde ayie nani ne ani bhú Yelusalema adu di oo.

Djodjefú azi Yesu

(*Tsia bhú Mat. 27:57-61; ne bhú Luk. 23:50-56; di ne bhú Dja. 19:38-42.)*

42 A adu ibili tagolo. A abhaka la lie me a nde ekpí naleke lio ngú anokomia-a, a akunda napa me ekpí kala ekpí naguo gba omaYuda-a ,

43 súka okpála na Libi okpála natsia 'kpí li 'ngú gba omaYuda ago. A adu 'li ani me Djodjefú , kpála na gúdhú na Alimatayo. A adu kpála nakpe makpe. Ani adu di adjeke Naú gba Ebhe-o . Ani atsia asia kpéke bua ngú nali agba Pilate ngú nanu ayo kuo Yesu.

44 Pilate angamba naali nadje me Yesu akpi kolo akpi-o. Abhomu-o, ani a'i ngámá gba osudha-o. Ani atsia ayi ani me ani akpi igini bhutode i-e.

45 Pita nagie 'ngú téte ka ngámá gba osudha-a, Pilate

† 15:34 15:34 Tsia bhú Ets. 22:2. *

15:38 15:38 'Ngbé 'kpá bongo inde si-e, adu nani agbo bhusu tina 'ti na bubu-o, ne bhende na bubu naali bhú 'ngbé 'ti Ebhe gba omaYuda ko. Tsia bhú Eki. 26:31-33, ne bhú Luk. 23:45, di ne bhú Ebe. 6:19.

aziba pi Djodjefu na ha kuo Yesu.

⁴⁶ Abhomu-o, Djodjefu akala daladeli inde u amene e li lene. Ani ake kuo Yesu li kulusi-e kuto. Ani atsia agagala ne daladeli bhomu. Ani anu a'o bhú lata inde adu me u nde adjí e bhú teme-o. Ani awawala 'ngbé teme li bhebhe.

⁴⁷ Malia, kpála na gudhu na Magadala ngauo ne Malia, 'hi Djodje adu atsia bili u a'o ani li e-o.

16

Yesu azuku

(Tsia bhú Mat. 28:1-8; ne bhú Luk. 24:1-12; di ne bhú Dja. 20:1-20.)

¹ Li ekpí naguo gba omaYuda akodho 'kpí lie, Malia , kpála na gudhu na Magadala, ne Malia , 'hi Djaki, bhú dabili bini ne Salome, akala emu inde bhú e ne mangotsi ngú nanu apulu kute kuo Yesu ne di.

² Abhomu-o, bhú 'kpí yinga kékpi má bhé-o, nedhinga li ela adu akoto lie, u anu abhú lata.

³ U adu apa sonda o me: «A atúmba teme inde li 'bhe lata-a pi ní da?»

⁴ Engú bini, u atsia 'kpí lie me-e, u au me teme bhomu-o atúmba lie atúmba. Abana a adu lie ngbéngebé.

⁵ U ali lie bhú lata-a, u au makombi bini ato 'ndjá yambu na bubu me ani nde adu li pápá na kokpa. U atsia adje tsulu naali.

⁶ Engú bini, makombi bhomu-o apa pi uo me: «Yi adjé tsulu de. Yi ngagili Yesu, kpála na Nadjaleta, inde u agi nako e li kulusi-o. Ani azuku. Ani siii ade. Yi tsia nga bili nako u a'o ani li e-o.

⁷ Yi nu pa mangbo pi omukpata gba ani di ne Piele me: «Ani akodho 'kpí pi yi bhú Galilaya kalanu. Yi áu ani oo maka ani apa nako pi yi lie ko.»»

⁸ Abhomu-o, u aze bhú lata-a ne holo kilidjo, anga mabhundja gba uo angbingi, kute uo atsia adu aguku. U tsia pa pi kpála de, anga u adu ne tsulu.

Yesu akoto li Malia, kpála na gudhu na Magadala

(Tsia bhú Mat. 28:9-10; di ne bhú Dja. 20:11-18.)

[

⁹ Li Yesu azuku lie bhú 'kpí yinga kékpi-e, ani akoto ngaiza li Malia, kpála na gudhu na Magadala, inde ani apandja nani osisiti bua mananika bhú e-o.*

¹⁰ Malia anu napapa pi okpála inde adu nani bhú dabili bini ne Yesu-o. U adu ne likabhu, u atsia adu di aku 'gbá.

¹¹ Engú bini, li okpála bhomu-o adje lie me ani uu, di ne me Malia au ani-e, u bhuka ani de.

Yesu akoto li omukpata bhisi

(Tsia bhú Luk. 24:13-35.)

¹² Pipita-a, Yesu asuno matá lie maka kpála koko pi

* **16:9 16:9** Ongú nayie si akólo bhú 16:20, a bhú obhuku koko na didili-e ade.

omukpata bhisi inde adu li kpadji ngú nanu akuti-o.

¹³ Abhomu-o, obhobhomu-o ago apa pi okoko-o. Engú bini, okoko bhuka uo de.

Yesu asuno lie pi omukpata ndjikpa ne ká bini

(*Tsia bhú Mat. 28:16-20; ne bhú Luk. 24:36-49; ne bhú Dja. 20:19-23; di ne bhú Kul. 1:6-8.*)

¹⁴ Li soso-o, Yesu atsia asuno lie pi obhulu titima gba e ndjikpa ne ká bini-e me u nde ngazu 'he. Abhomu-o, ani atsia agbele 'dje uo ka ndi nabhuka di ne kpéke 'ndji gba uo-o. Padhá de, anga u bhuka nani okpála inde au ani me ani nde azuku-o de.

¹⁵ Abhomu-o, ani atsia apa pi uo me: «Yi nu píla doto libhomu nakpokpo Bádha Ngali pi ndu okpála hana.

¹⁶ Kpála inde abhúka-a, inde asia la di batisimo-o, ani kóbho. Kpála bhende i bhúka de-e, asia mangimbo.

¹⁷ A inde-e ongú inde adhúku bhú dabili bini ne obhende abhúka-o: u apándja osisiti bua bhú okpála ne 'li ma, u agáma 'ngú bhú odikongu na mbia.

¹⁸ U ahólo okpulu ne 'kpa o. I du di me u nde andji elá na bhele kpála-a, a améne 'he bini ngú uo de. U a'ó 'kpa o pi 'ndji okpála na kuo, li okpála na kuo angoo kóbho.»

¹⁹ Pita napa ongú bhomu-o pi uo-o, Ebhe aha Ngámá Yesu abhúlá. Ani atsia adu

kuto li pá 'kpa Ebhe na kokpa.

²⁰ Abhomu-o, omukpata-a atsia anu naao nakpokpo Bádha Ngali ne ndu bili hana. Ngámá adu ateteke uo bhú okulu bhomu-o hana. Ongamba 'ngú inde u adu amene e adu di asuno me nasuno inde u ngasuno e-e, a ko 'ngú na paká.]

Bádha Ngali gba Yesu Kilisito maka li Luka aye lie ko Eli na kalanu

Bádha Ngali gba Yesu Kilisito maka li Luka aye lie ngasuno Yesu maka Mükobho inde li Ebhe apa nani me ni aha e pi piga gba omañsalaele la di ne pi ndu opiga na pila doto hana. Luka ngakpokpo me Bu Bhobua gba Ngámá-a a'i nani Yesu ngubula nakpokpo Bádha Ngali pi obhulu ndibhili (4:18). La, Bádha Ngali ango-o abedhe ne ndjinga bhú e pi okpála inde bhú o ne omálopolo gba o hana. Engú na ndjili abhú bhuku gba Luka ngebéngbé ane la mane bhú oalo na kalanu inde ngakpokpo 'ngú nago gba Yesu. Engú na djali ango-o ane matá mane bhú 'so 'kpí nedhingga na'u ka Yesu abhúlá. A ko bha Luka bini inde akpokpo 'ngú bhú bhuku na Kulu gba obhulu titima gba Yesu pindji nabhele a la di-e nayangba ka nabhuka bhú Kilisito pita na'u ka Yesu abhúlá-o.

Bhú Bádha Ngali inde-e, u ngagama 'ngú naali pindji mayo, ne pindji Bu Bhobua, ne pindji kulu gba olisi bhú kulu gba Yesu, di ne lele

maka li Ebhe ngambu li sisiti 'ngú gba okpála lie-o.

Ongbengbe ongú inde bhú bhuku inde-e ngae inde:

Eli na kalanu 1:1-4

Nazu lie ne nadu bhú ndili lie gba Djaa bhulu nabatisa okpála di ne Yesu 1:5 - 2:52

Kulu gba Djaa bhulu nabatisa okpála 3:1-20

Batisimo di ne nale inde li Djabulu ale Yesu ne e-o 3:21 - 4:13

Kulu inde li Yesu amene e bhú ká okpála bhú Galilaya 4:14 - 9:50

Dhuku gba Yesu nayie bhú Galilaya ngú nanu abhú Yelusalema 9:51 - 19:27

Oekpí nasoso gba Yesu abhú Yelusalema 19:28 - 23:56

Nazuku gba Yesu, ne nakoto ka ani li okpála, a la di-e na'u ka ani abhúlá-o 24:1-53

Lita 'ngú-o

¹ Ndai ma na mukunda Tiofile,

Okpála bhelé ale naye todú na ongú inde akodho 'kpí bhú ká ya-o.

² U aye ongú ango-o maka li okpála inde au nayie li lilita-a, akpokpo pi ya lie ko. A ko okpála inde adu nakpokpo eli gba Ebhe-o .

³ Kaka-a, ngama di-e, pita nagili 'ngú téte má bhotob-hoto nayie li dudu-o, ma au ndjindji me, ma kpokpo kúkú pi mu li lelele, bhele kpála Tiofile, maka li ongú ango-o akodho 'kpí lie ko.

⁴ Ma kpokpo kúkú pi mʉ, amba mʉ mbila kʉkʉlʉ 'ngú na ongú inde u asuno e pi mʉ ko.

Andjelu apa me u azú Djaa bhʉlʉ nabatisa okpála

⁵ Bhʉ nedhinga li Elode adʉ lie 'ngbé ngámá na ndu doto na Yudaya-a, dimande bini gba Ebhe-e adʉ oo. A adʉ 'li ani me Djakalia, ani adʉ bhʉ libi odimande gba Abia. A adʉ 'li wala ani me Alidjabheti, ani adʉ bhʉ piga gba 'ngbé dimande Alona.

⁶ Ndʉ uo bhisi hana adʉ bhʉ djila Ebhe ngingbili. U atsia adʉ amene ndʉ líli gba Ngámá Ebhe-e hana.

⁷ Engú bini, ndili dʉ ka uo de, anga Alidjabheti adʉ ne izude. La di-e, u adʉ ndʉ o bhisi hana me u nde agbegbe.

⁸ Ekpí bini, Djakalia adʉ amene kulu na dimande gba e kala Ebhe, anga adʉ ekpí na libi gba uo-o ngú namemene.

⁹ Maka li odimande adʉ amemene lie, Djakalia atsia asia ngasa ngú nanʉ nat-sulu mʉngotsi pi Ebhe abhʉ 'ngbé 'ti gba Ngámá Ebhe, bhʉ titina na bubu-o.

¹⁰ Nedhinga ani adʉ atsutsulu lie, ndʉ okpála hana adʉ ayo Ebhe akilidjo.

¹¹ Abhomʉ-o, kolo má gala me-e, andjelu gba Ngámá Ebhe-e akoto li ani. Ani alʉ de bili natsulu mʉngotsi-e ne li pápá na kokpa.

¹² Li Djakalia au ani lie me-e, tsʉlʉ aholo amene ani,

mabhundja gba ani-e atsia angbingi.

¹³ Engú bini, andjelu-o apa pi ani me: «Djakalia, mo odjé tsʉlʉ de, anga Ebhe adje nayo gba mʉ-o adje. Wala ma Alidjabheti azú pi mʉ ndili na bhobhoko. Mo ogísila 'li ani me Djaa .

¹⁴ Mo odʉ ne djali naali, li okpála bhelé tsia kpí di djali ka nazu ani-o.

¹⁵ Ani adʉ 'ngbé kpála bhʉ djila Ebhe. Ani ndjí vino de, ani ndjí di pandi na kpekpeke de. Ani abédhe ne Bu Bhopua me ani nde nga bha bhʉ 'bu 'hi e.

¹⁶ Ani agié ongisi na Isalaele bhelé li pápá gba Ebhe, Ngámá gba o-o.

¹⁷ Ani adʉ amene kulu kala Ebhe bhʉ dabili bini ne bua di ne angu maka Polofeta Eliya. Ani aléke engú sʉnda odyi ongisi ne ongisi gba o-o. Ani adjí mabhundja gba okpála na kpekpeke 'ndji, u tsia kólo ngingbili,[†] ngʉbulu naleke okpála inde bedhe pi Ebhe Ngámá.»

¹⁸ Abhomʉ-o, Djakalia ayi andjelu-o me: «Ma ambila la lele pi me a ko kʉkʉlʉ 'ngú-o? Padhá de, anga ma agbe, wala ma akolo la di ne kalanga bhelé.»

¹⁹ Andjelu-o atsia agie pi ani me: «Ngama-a, ma ne Gabiele, ndʉ 'kpí hana ma dʉdʉ de Ebhe. Ani atima ma me ma go kpokpo bádha ngali inde-e pi mʉ.

[†] **1:17 1:17** Tsia bhʉ Mal. 3:23-24.

20 Engú bini, li mu bhuka engú ma apa e pi mu-o lie de-e, kaka-a, 'bhø mu aní, mu tí da nagama 'ngú belégü de bini akólo li 'kpí li ongú ango-o améne lie lie ko. Engú inde améne lie na paká li nedhingga li Ebhe a'o e-o.»

21 Li nedhingga bhomu-o, okpála adu adjeké Djakalia, u adu angamba ka aní adu abhue lie bhú 'tì Ebhe oo naali-o.

22 Aní akoto lie, aní ale nagama 'ngú pi uo pima. Abhomu-o, u atsia ambila me oo, aní au engú na ngangamba gba Ebhe-e au. Aní adu asuno 'ngú pi uo ne 'kpa e, aní tí da nagagama ne 'bhø e de.

23 Li nedhingga na kulu gba aní andjia lie, aní atsia agie lie agba e.

24 Pita nedhingga bhomu-o, wala aní Alidjabheti atsia abi 'bhi. Aní awo nga bha lie ngabula epe bhuluvue libhomu. Aní adu apa me:

25 «Tsia nga engú inde li Ngámá Ebhe amene e muma-o. Aní abhundja ma. Mbia inde-e, aní a'e ehe inde nako adu aha nñmu muma bhú ká djila okpála a'e.»

Andjelu akpo 'ngú pindji nazu Yesu

26 Li ebhi gba Alidjabheti akolo lie ne epe madhia-a, Ebhe atima andjelu Gabiele bhú kuti bini na ndu doto na Galilaya, inde 'li e me Nadjaleta.*

27 Aní atima aní gba tsangba bini inde adu adjeké nahá lie ne bhoko bini. A adu 'li bhoko ango-o me Djodjefu, aní adu bhú piga gba 'ngbé ngámá Davidi. Tsangba ango-o, a adu 'li aní me Malia.

28 Andjelu-o ali agba aní, aní atsia ayi aní me: «Mu oo! Ngamú inde asia bádha bhú 'bu gba Ebhe-e, Ngámá Ebhe bhú dabili bini ne mu.»

29 Malia angamba ka eli bhomu-o naali. Aní adu ayi bua e me: «Ta nayi inde-e pi?»

30 Abhomu-o, andjelu-o atsia apa pi aní me: «Malia, mo odjé tsulu de, anga mo osia bádha bhú 'bu gba Ebhe-e asia.

31 Tsia nga, mo obí 'bhi, mu zú ndili na bhobhoko, mu tsia gisila 'li aní me Yesu.

32 Aní adu 'ngbé kpála, u tsia du a'i aní me, Ndili gba Apí 'Kpí. Ebhe Ngámá a'o me aní u maka ogbi e Davidi.

33 Aní aú dudu ma ne dudu ma pi piga gba omañsalaele. Naú gba aní-e ndjia de.»

34 Malia atsia ayi andjelu-o me: «Engú ango-o améne lie lele pi? Padhá de, anga ma kunda nga naama bhoko de!»

35 Andjelu-o agie pi aní me: «Bu Bhobua agó pi mu, li angu gba Ebhe Apí 'Kpí búku mu maka kulu zini. Kaka-a, ndili inde mo ozú e adú bubu, u atsia du a'i aní me,

* 1:26 1:26 Nadjaleta: Nayie bhú Yelusalema akólo bhú Nadjaleta-a, a ko kilometele kámá bini. Tsia bhú Luk. 1:19.

Ndili gba Ebhe.

³⁶ Tsia nga okala mʉ Alidjabheti di ne ebhi. Ani azú ndili na bhabhoko, abana ani nde lie ne kalanga bheldé. Kpála nako u adú a'i e me izude-o. Mbia inde-e, ebhi gba ani-e ibili ne epe madhia,

³⁷ anga kpéke da 'ngú pi Ebhe belegʉ ade bini.»

³⁸ Abhomʉ-o, Malia atsia apa me: «Ma ne bali gba Ngámá. A ayo me ndu 'ngú mo opa e hana, a mene lie mʉma moko.» Pipita-a, andjelu-o atsia atapa.

*Malia anʉ natsia
Alidjabheti*

³⁹ Bha bhú oekpí bhomʉ-o, Malia ayie, ani anʉ má gala bhú kʉti bini na ndu doto na ndu ká eta na Yudaya.

⁴⁰ Ani akolo lie oo, ani ali bhú 'ti gba Djakalia, ani atsia ayi Alidjabheti.

⁴¹ Li Alidjabheti adje maka li Malia ayi ani lie me-e, ndili-e atsia atili bhú 'bu ani. Abhomʉ-o, Alidjabheti atsia abedhe ne Bu Bhabua.

⁴² Ani atsia asúla kpekpeke me: «Ebhe aha bisagu pi mʉ ane ndu olisi hana, bisagu gba ani-e di pi ndili inde mo ozú e-o!

⁴³ Ma ne da me 'hi Ngámá gba ma-a go tsia ma-a?

⁴⁴ Tsia nga, li nedhinga inde ma adje maka mo oyi ma lie me-e, ndili inde bhú 'bu ma-a atili ne djali hana.

⁴⁵ A ko djali pi mʉ, ngamʉ olø inde abhuka! Padhá de, anga engú inde li Ebhe

apa e pi mʉ-o, améne lie mamene.»

Etsi gba Malia

⁴⁶ Abhomʉ-o Malia atsia atoko Ebhe me:

«Bua ma ngadhege Ngámá,

⁴⁷ bua ma abedhe ne djali pi Ebhe Mukobho gba ma-o,

⁴⁸ anga ani abhundja ma, bali gba e-e ko.

A moko, nayie pi mbia inde-e,

ndu opiga hana adú a'i ma me,

ma ne olø inde asia bisagu ka Ebhe,

⁴⁹ anga Ebhe na Angu amene ongú na ngbengbengbe mʉma.

A ko Ebhe na bubu,

⁵⁰ ndjinga gba ani-e ngadu dʉdʉma ne dʉdʉma pi okpála inde ngakpe ani ko.

⁵¹ Ani amene ngbengbe 'ngú ne angu gba e-o.

Ani atsambala okpála na 'ngbé bua.

Ani atsia amene me mabhundja gba uo-o kolo padhá.

⁵² Ani ake ongbengbe ongámási ne kuto, ani atsia a'e'e okpála na padhá ne abhʉ́lā.

⁵³ Ani aha ehe bheldé pi obhende adú ne gumʉ-o, ani atsia agie obhʉ́lʉ tia ne 'kpa o padhá.

⁵⁴ Ani ateteke omafsalaele, obalise gba e-o.

Ani 'li 'to e de li nasuno bádha 'ngú gba e ndu 'kpí hana,

55 maka nani ani apa lie pi
onguo ogbi ni Abala-
hama
ne opiga gba e-o.»

56 Malia asi ne Alidjabheti
masikpe de epe bata. Pipita-
a, ani atsia agie lie agba e.

Alidjabheti azu Djaa

57 Li nedhinga nazu ka
Alidjabheti akolo lie, ani at-
sia azu ndili na bhobhoko.

58 Li okpala inde asili kuti
dengo ani-e, di ne obhe na
piga gba ani-e adje lie me,
Ebhe adje bha ndju ndjinga
ani-e, u atsia adu akpi djali
bhú dabili bini ne ani.

59 Pita poso bini-e, u ago
ngú nato ndili-e bhú gandja.
U adu akunda nagisila 'li
'dyi ani Djakalia.

60 Abhomu-o, 'hi ani atsia
apa me: «A mo-o ade, adu 'li
ani me Djaa.»

61 U atsia apa pi ani me:
«Bhú piga gba mu-o, kpala
bini inde ne 'li bhomu-o
ade.»

62 Abhomu-o, u atsia
amene 'kpa o pi 'dyi ani ngú
nayi ani me ani akunda me
u gisila 'li ndili-e pi.

63 Djakalia amene 'kpa e
pi uo me u go pi ni ne pala
ndula, ani atsia aye pepé me:
«A 'li ani me Djaa.» Ndu uo
hana atsia angamba naali.

64 Bha li nedhinga bhomu-
o, 'bhé ani abhulu, ani aholo
nagama 'ngú, di ne nadhégé
Ebhe.

65 Abhomu-o, ndu okpala
hana inde asili kuti limo uo-
o, aholo adje tsulu. Ngali na
engú ango-o atsia aya bhú

ndu doto na ndu ká eta na
Yudaya libhomu.

66 Ndú okpala hana inde
adu adjedje-e, adu abhundja
pépé, u atsia adu apa me:
«Mbo! Ndili ango-o, adu-e
maka da?» Angu gba Ebhe-e
adu bha ndju bhú dabili bini
ne ani.

Djakalia akpokpo ng- bengbe 'ngú gba Ebhe

67 Djakalia, 'dyi ndili-
e, abedhe ne Bu Bhopua.
Abhomu-o, ani atsia aholo
nakpokpo 'ngú maka
polofeta me:

68 «A ayo me, u dhége Ebhe,
Ngámá gba omañsalaele-
o,
anga ani abhundja okpala
gba e,
ani atsia agbegbe uo bhú
bali.

69 Ani atima kpala na angu
bini
bhú piga gba Davidi,
bali gba e, ngú
nakobho ya.

70 A bhomu-o engú inde ani
apa nani e didili bhú
'li obubu opolofeta
gba e-o.

71 Ani apa nani me, ni
akóbho ni sa 'kpa ndu
obhulu yala gba ni-e
hana,
di ne obhende
ngakunda amene ni
sisiti-o.

72 Ani adje ndjinga onguo
ogbi ni,
ani atsia abhundja di
gandja na bubu gba e-
o.

73 Silika nani inde ani atu e
pi ogbi ni Abalahama-
a,

ani améne pi ní
mamene.

⁷⁴ Piita nakobho ní sa 'kpa
obhulú yala ngubula
me ní améne kulu pi
ní ne tsulú de,

⁷⁵ amba ní dhége ní ne bua
ní hana.

Ní du di bhá djila ní
ngbingbili
ndu 'kpí hana bhá
mukobho gba ní-o.

⁷⁶ Pi mu-o, ndika ma, u adu
a'i mu me, polofeta
gba Apí 'Kpi,
anga mo onú kalanú
ngú naleke kpadji gba
Ebhe-o.

⁷⁷ Mo osúno pi okpála gba
ani-e me, ani a'e siti
'ngú inde bhá uo-o
ma'e,

ani tsia kóbho di uo.

⁷⁸ A ko anga Ebhe gba ní-e
abedhe ne ndjinga
bedhe,
kaka-a, ani atíma zi 'kpí
pi ní maka zi 'ndji 'la
na kékpi.

⁷⁹ Ani asúno lie pi obhende
bhá biti di ne obhende
ne tsulú kuo,
ngubula me ní dhukú li
kpadji na guo 'ngú .»

⁸⁰ Ndili-e adu abhele, ani
atsia adu asia kpéke bua.
Ani adu nadu bhá omili
bili akolo li 'kpí inde ani
asuno lie lie mbámbá pi
omałsalaele ko.

2

Malia azu Yesu

(*Tsia bhá Mat. 1:18-25.*)

¹ Li nedhingga bhomu-o,
Agosite, 'ngbé ngámá na
Loma , aha lili me u ye 'li

okpála hana inde píla doto
gba ni-o.

² Gina naye 'li okpála
ango-o amene lie me Kilin-iusi
nde ne 'ngbé ngámá na
Silia.

³ Ndu okpála hana adu
anu me u ye 'li o. Abhomu-o,
kpála ne kpála atsia anu bhá
kuti u azu ani bhá e ko.

⁴ Djodjefu ayie bhá kuti na
Nadjaleta, bhá ndu doto na
Galilaya, ngú nanu bhá ndu
doto na Yudaya, bhá kuti
inde u a'i e me Beteleme.
A ko bili inde u azu 'ngbé
ngámá Davidi lie-o, anga
ngaani makpe, ani du nani
bhá piga gba Davidi ko.

⁵ Ani anu oo me u ye 'li ni,
bhá dabili bini ne Malia , ele
inde ani adu adjike na ha e
ko. Ele ango-o adu ne ebhi.

⁶ U adu lie abhá Beteleme,
ekpí nazu ka ani atsia
akolo.

⁷ Ani azu ndili na bhob-hoko,
gina ndili gba e ko. Ani
agagala ani ne bongo , ani
atsia aseke ani bhá ehe nazú
'he gba onu, anga dabili du
pi uo bhá 'ti gba ogomago-o
de.

*Andjelu akpokpo bádha
ngali pi omulila gba
okandele*

⁸ Bha bhá ndu doto
bhomu-o, omulila gba
okandele adu asili abhá 'gu
ngú nalila onu gba o-o.

⁹ Andjelu gba Ebhe-e akoto
li uo. Sangu gba Ebhe-e asa
uo ngbalina maka zi 'kpí.
Abhomu-o, u atsia adje tsulú
naali.

¹⁰ Engú bini, andjelu-o apa pi uo me: «Yi adjé tsálu de, anga ma ago akpokpo pi yi bádha ngali inde ahá djali naali pi ndú okpála hana.

¹¹ Naki bhú kuti gba Davidi-e, u azu Mukobho pi yi. A ko Kilisito , Ngámá.

¹² Yi tsia 'he inde yi ambíla ani ka e ko: yi abháka ndje ndili u agagala e ne bongo, u atsia aseke e bhú ehe nazú 'he gba onú.»

¹³ Kolo má gala me-e, bhitio andjelu ayie abhúlá, u ago abhaka andjelu bhomú, u atsia adú adhégé Ebhe me:

¹⁴ «Sangu pi Ebhe inde abhúlá,
guo 'ngú gba ani-e dú
píla doto pi okpála
inde ani akunda o ko!»

Omulila anú abhú Beteleme

¹⁵ Li oandjelu-o agie lio lie abhúlá-a, omulila atsia apa sunda o me: «Ní nu kolo nga bha abhú Beteleme, amba ní u engú inde akolo oo, engú inde li Ebhe Ngámá asuno e pi ní ko.»

¹⁶ U anú bhú holo, u abhaka Malia, Djodjefú ne mboye ndili-e me u nde aseke ani bhú ehe nazú 'he gba onú.

¹⁷ U au ani lie, u atsia akpokpo 'ngú inde li andjelu apa e pi uo pindji mboye ndili bhomú-o.

¹⁸ Ndú okpála hana inde adje engú li omulila adú apa e-e, angamba naali.

¹⁹ La-a, pi Malia, ani adú alila ndú 'ngú bhomú-o hana li bua e ndjindji. Ani atsia adú abhundja pépé.

²⁰ Pipita-a, omulila aholo nagie lio. U adú aha sangu pi Ebhe, u atsia adú di adhégé ani ngubula ndú 'ngú inde u adje e ne bhende u au e hana, anga ndundú hana akodho 'kpí maka li andjelu-o akpokpo pi uo lie ko.

U anú ne Yesu bhú 'ngbé 'ti Ebhe gba omaYuda

²¹ Bhú ekpi na madjina pita nazú ani-e, li nedhinga nato ani bhú gandja akolo lie, u atsia agisila 'li ani me Yesu. A bhomú-o 'ili inde li andjelu asuno e kala me 'hi ani bi 'bhí ani-o.

²² Li nedhinga naválu lie pita nazú ka Malia akolo lie, maka li lili gba Moidje apa lie, u atsia anú ne ndili-e bhú Yelusalema ngú na'o ani sa 'kpa Ngámá.

²³ Padhá de, anga u aye bhú lili gba Ngámá-a me: «Ndú ongisi na obhosibhosí na gigina hana, u a'ó uo kpi pi Ngámá.†»

²⁴ U atsia aha di makiso maka li lili gba Ngámá-a apa lie me: «A ayo naha bëbhë bhisi. I dú mo-o de-e, mû de ha ongisi bëbhë bhisi.»*

† 2:23 2:23 Tsia bhú Eki. 13:2, 12. * 2:24 2:22-24 Bhú lili gba omaYuda-a, i dú nani me ele nde azu-o, a ayo me ani nu ngaiza bhú 'ngbé 'ti Ebhe gba omaYuda, ani vúlu lie, amba ani kolo bubu kala Ebhe. Tsia bhú Lev. 12:8.

*Simeona agie hení pi Ebhe
ngú Yesu*

²⁵ Bhá nedhingga bhomú-o, kpála bini adú nani bhá Yelusalema, a adú 'li ani me Simeo. A ko nani kpála na ngbingbili, ani adú amanga Ebhe. Ani adú adjeke nedhingga li Ebhe a'é likabhu gba omałsalaele lie ko. Bu Bhopua adú bhá dabili bini ne ani.

²⁶ Abhomú-o, Bu Bhopua atsia apa nani pi ani me, kala nakpi ka ani-e, ani aú ngaiza Masiya inde li Ngámá atima e-o.

²⁷ Nedhingga li okpála inde azu Yesu ago ne ani lie ngú namene maka li lili apa lie li 'ngú gba ani-e, Bu Bhopua ato bhála Simeo abhá 'ngbé 'ti Ebhe gba omaYuda.

²⁸ Abhá 'ti Ebhe oo, ani aha ndili-o, ani abi ani sa 'kpa e, ani atsia agie hení pi Ebhe me:

²⁹ «Ngámá, mbia inde-e, maka mo opa lie, mu ti da na'o ma, bali gba mu-o, me ma nu ne guo 'ngú,

³⁰ anga ma au mukobho gba mu-o ne djila ma au.

³¹ Mukobho inde mo otima e kala ndu okpála hana-o.

³² Ani adú eke pi omupagano.

Ani tsia dú sangu gba omałsalaele, okpála gba mu-o.»

³³ 'Dyi Yesu ne 'hi Yesu angamba naali ka engú inde u adú apa e li ani-o.

³⁴ Simeo ayo me Ebhe tuko bisagu pi uo, ani atsia apa pi Malia, 'hi Yesu me: «Ebhe abhá ndili inde e ngubula me okpála bhelé bhá ká omałsalaele li bhá mangimbo, amba Ebhe 'e'e matá okoko bhála. Ani adú ehe inde li Ebhe ngasuno e, li okpála bhelé tsia yála ani.

³⁵ Kaka-a, ani agbé mabhundja inde awo lie li bua okpála bhelé-e bhá mbasu. La-a, pi mu makpe-e, likabhu adú bua mu maka ngise má puu!»

Ana, polofeta na oole

³⁶ Polofeta bini na oole adú di nani oo. A adú 'li ani me Ana, ndili gba Fanuele bhá piga gba Asela. Ani adú me ani nde agbe má dyuku! U amene nani ne bhoko gba e inde u aha lio ne e bhá ndili-e kalanga mananika.

³⁷ Pita nakpi ka 'ko ani-e, ani atsia ato eke. Li nedhingga bhomú-o, ani adú ibili ne kalanga ndjikpa madjina ne ká badha. Ani du ayie bhá 'ngbé 'ti Ebhe gba omaYuda-a de. Ani adú amene kulu lie pi Ebhe sukpe ne ngbikpi. Ani adú atse ezú ngú nayo Ebhe.

³⁸ Bha li nedhingga bhomú-o, ngaani di-e, ani ago, ani atsia aholo adhègè Ebhe. Ani aholo akpokpo 'ngú pindji ndili-e pi ndu okpála hana inde adú adjeke me Ebhe gbegbe okpála na Yelusalema bhá likabhu gba o ko.

U agie lio bhá Nadjaleta

³⁹ Lì 'dyi Yesu ne 'hi Yesu andjia namene ndù 'ngú hana inde li lìlì gba Ngámá apa e lie, u atsia agie lio bhú ndù doto na Galilaya, bhú kuti gba o na Nadjaleta-o.

⁴⁰ Ndili-e adù abhele, ani atsia adù abi angu. Ìmbilangú gba ani-e atsia adù di abhulu lie. Bádha bhú 'bu gba Ebhe-e atsia adù di bhú dabili bini ne ani.

Yesu bhú 'ngbé 'ti Ebhe gba omaYuda

⁴¹ Ndù kalanga hana, okpála inde azu ani-e adù anú bhú Yelusalema ngú namene anokomia na Pasíka.

⁴² Lì ani akolo lie ne kalanga ndjikpa ne ká bhisi-e, u atsia anù ne ani bhú dabili bini maka u amemene lie ko.

⁴³ Li anokomia andjia lie, u aholo agie lio. Engú bini, ndili-e Yesu atigala naae bhú Yelusalema me 'dyi ani ne 'hi ani nde mbila de.

⁴⁴ U adù abhundja lie me ani bhú dabili bini ne obi o na kpadji-e, u atsia adhukú ekpí bini libhomu. Pipita-a, u aholo nagili ani bhú ká opiga gba o di ne bhú ká obi o-o.

⁴⁵ U u la ani lie de-e, u atsia agie lio bhú Yelusalema ngú nagili ani.

⁴⁶ Bhú 'kpí na bata-a, u abhaka ani bhú 'ngbé 'ti Ebhe gba omaYuda me ani nde adù bhú ká omusuno. Ani adù adje uo di ne nayiyi uo.

⁴⁷ Ndù okpála inde adù adje ani-e hana, adù angamba naali ka ìmbilangú

inde ani adù agie engú ne e ko.

⁴⁸ Lì okpála inde azu ani au ani lie, u angamba naali. 'Hi ani atsia ayi ani me: «Ndika ma, mo omene ya mo-o ka ni? Tsia nga ya ne 'dyi mʉ-o, ya adù igrin i agili mʉ me bua ya nde alu bha ndjʉ abhúlá má gba!»

⁴⁹ Engú bini, ani agie pi uo me: «Yi de ngagili ma ngú ni? Yi mbila igrin de me, a ayo me ma dʉ bhú 'ti gba 'dyi ma-a di?»

⁵⁰ Engú bini, u mbila nani ta 'ngú inde ani adù apa e pi uo-o de.

⁵¹ Pipita-a, ani atsia agie lie ne uo bhú Nadjaleta. Ani adù amene lìlì gba uo-o. 'Hi ani adù alila ndù 'ngú bhomʉ-o hana li bua e ndjindji. Ani atsia adù abhundja pépé.

⁵² Yesu adù abhele, ìmbilangú gba ani-e adù di abhulu lie. Engú inde ani adù amene e bhú bádha bhú 'bu gba Ebhe-e, a adù anga li Ebhe, di ne li okpála naali.

3

Kulu gba Djaa bhʉlʉ nabatisa okpála

(Tsia bhú Mat. 3:1-12; ne bhú Mlk. 1:1-8; di ne bhú Dja. 1:19-28.)

¹⁻² Pipita-a, Tibele akolo 'ngbé ngámá na Loma . Bhú kalanga na ndjikpa ne ká bhuluvue bhú naʉ gba ani-e, Djaa ndili gba Djakalía, inde adù nani adù abhú 'gu-o, asia eli gba Ebhe . Nedhinga

ango-o, Pose Pilate adu alila ndu doto na Yudaya. Elode adu ngámá na ndu doto na Galilaya. Ndai ani Filipo atsia adu ngámá na ndu doto na Itule ne Talakonite. Lisaniasi atsia adu naae ngámá na Abilene. Bhá nedhingga bhomu-o, Ana ne uo ne Kaifa atsia adu obhelesi okpála gba odimande gba Ebhe.

³ Abhomu-o, Djaa aholo adhukú bhá 'gu língó ngade 'ngu na Djuludani, ani atsia adu atotobhila me: «Yi dji bua yi, yi sia batisimo, amba Ebhe 'e siti 'ngú gba yi ko.»

⁴ Maka li polofeta Isaya, aye lie bhá bhuku gba e me: «A ko kpála bini inde ngatotbhila abhá 'gu me: «Yi leke kpadji pi Ngámá, yi li okpadji pi ani ngingbili!»

⁵ Ndú tsutsukudhu bili súnda ongba 'ta hana abédhe lie. Ndú oeta na ngbengbengbe ne obhe na djedjedje hana adjí lie, i kólo má gbata gbata!

Ndú kpadji na gagala hana akólo ngingbili.

Okpadji na sisiti akólo babadha.

⁶ Li ndú okpála hana tsia ú maka li Ebhe ngakobho okpála lie ko!†»

⁷ Abhomu-o, okpála bheldé adu ago abhaka Djaa ngubula nasia batisimo. Ani atsia adu ayi uo me: «Ngayi opiga kpulú inde-e! A asuno

pí yi da me yi kpe mangimbo gba Ebhe inde ngago-o?

⁸ I du mo-o, yi mene engú inde asúno me yi adjí bua yi kükulu! Yi adú abhundja bha li bua yi de me, Abalahama ne ogbi yi. Padhá de, anga ma apa pi yi na paká me, teme yi ngau e inde-e, Ebhe tí da nadjidji, i tsia kólo odi Abalahama!

⁹ Maka ma ngapapa lie inde-e, u a'o ngbakpa bhá li ndula-a ngú nadede a'o. Ndú ndula hana inde i li lili na babadha de-e, u adé, u tsia bhíke bhá djua.»

¹⁰ Abhomu-o, okpála angoo atsia adu ayi ani me: «I du mo-o, a ayo me ya mene pi?»

¹¹ Ani atsia adu agie pi uo me: «Kpála bhende li bongo na mbulu nde ka e bhisí-e, a ayo me ani ha bini pi kpála bhende li bongo na mbulu nde ka e ade ko. Kpála bhende li ezu nde ka e-e, a ayo me ani ha di mbo pi kpála bhende li ezu nde ka e ade ko.»

¹² Ondembí na mandjandja ago di ngú nasia batisimo, u atsia ayi ani me: «Músuno, a ayo me ya mene pi?»

¹³ Ani atsia agie pi uo me: «Yi ayó tia ane bhende li lili aziba e de.»

¹⁴ Osúdha atsia ayi di ani me: «A la ya-a, a ayo me ya mene naaya pi?» Ani atsia agie pi uo me: «Yi agbálu tia ka kpála bini ne kpéke, di ne eu de. Engú bini, yi mbila bha tia na kulu gba yi ko.»

† 3:6 3:4-6 Tsia bhá Isa. 40:3-5.

¹⁵ Maka li okpála adu adjeke nago ka Masiya lie, u atsia adu ayi lio li bua o pindji Djaa me: «A ko ndi-e Masiya inde li Ebhe atima e di?»

¹⁶ Djaa atsia agie pi ndu uo hana me: «Ngama-a, ma ngabatisa naama yi ne engu. Engú bini, a ngago pita ma ne kpála. Kpála ango-o ane ma ne angu. Ma belegu ne tetele kpála ade ngubula me ma bhulu ekpú na malekè gba ani-o.* Ani abátisa yi ne Bu Bhopua di ne djua.

¹⁷ Ani aholo kakpa gba e sa 'kpa e ngú nape nguwa gba e-o. Ani apó bhála nguwa na babadha gba e bhá ngbokopi, engú la bini, ani tsia bú fufukudha-a bhá djua inde li kpála bini ti da nabulù e de.»

¹⁸ Djaa aha nani lili koko bhelé pi okpála. Bhábhá-o, ani atsia adu akpokpo Bádha Ngali gba Ebhe-e pi uo.

¹⁹ Ngámá Elode aha nani Elodiade, olé gba ndai e-o.† Ani amene nani matá di osisiti 'ngú koko bhelé. Kaka-a, Djaa atsia ambe bhá 'ndji ani.

²⁰ Abhomu-o, Elode amene matá siti 'ngú koko pépé, ani aha Djaa, ani atsia abhike ani bhá tikpu.

Djaa abatisa Yesu

(Tsia bhá Mat. 3:13-17; di ne bhá Mlk. 1:9-11.)

* **3:16** 3:16 Nani agba omaYuda-a, kulu nagbe malekè bhá 'dhá ogomago ne navulù 'dhá uo-o, a ko nani kulu ka obalise di ne okpála na padhá. † **3:19** 3:19 Filipo ne ndai Elode nani inde abhóle Djaa bhulù nabatisa okpála ko. A adu nani me Filipo nde kpi nga de. Tsia bhá Lev. 20:21.

²¹ Kala me Djaa li bhá tikpu-o, ani abatisa ngaiza ndu okpála hana. Abhomu-o, Yesu atsia asia di batismo. Nedhinga li Yesu adu akpokpo 'ngú ne Ebhe lie, kokpí abhulu lie,

²² u au Bu Bhopua ngaké pi ani maka bóbhe. U atsia adje eli ayie abhála apa me: «Mu ne ndili gba ma na mukunda. Djali li bua ma ngú mu naali.»

*Onguo ogbi Yesu
(Tsia bhá Mat. 1:1-17.)*

²³ Yesu akpo nani lita kulu gba e me ani nde ne kalanga masikpe de ndjikpa bata. Okpála adu abhundja naao me, a ko ndili gba Djodjefu

· Djodjefu ndili gba Eli,
²⁴ Eli ndili gba Matati,

Matati ndili gba Levi,
Levi ndili gba Maleki,
Maleki ndili gba Djanai,
Djanai ndili gba Djodjefu ,

²⁵ Djodjefu ndili gba Matatiasi,

Matatiasi ndili gba Amosi,
Amosi ndili gba Nauma,
Nauma ndili gba Eseli,
Eseli ndili gba Nagai,

²⁶ Nagai ndili gba Mata,
Mata ndili gba Matatiasi,
Matatiasi ndili gba Se-meini,

Semeini ndili gba Djoseke,
Djoseke ndili gba Djoda,

²⁷ Djoda ndili gba Yoanana,

Yoanana ndili gba Lesa,
 Lesa ndili gba Djelubab-
 bela,
 Djelubabelala ndili gba
 Salatielie,
 Salatielie ndili gba Neli,
²⁸ Neli ndili gba Maleki,
 Maleki ndili gba Adi,
 Adi ndili gba Kosama,
 Kosama ndili gba Ele-
 madama,
 Elemadama ndili gba Ele,
²⁹ Ele ndili gba Yesu,
 Yesu ndili gba Eliedjele,
 Eliedjele ndili gba Djolime,
 Djolime ndili gba Matati,
 Matati ndili gba Levi,
³⁰ Levi ndili gba Simeo,
 Simeona ndili gba Yuda,
 Yuda ndili gba Djodjefu,
 Djodjefu ndili gba
 Djonama,
 Djonama ndili gba Eli-
 akime,
³¹ Eliakime ndili gba Me-
 lea,
 Melea ndili gba Mena,
 Mena ndili gba Matata,
 Matata ndili gba Natana,
 Natana ndili gba Davidi,
³² Davidi ndili gba Yese,
 Yese ndili gba Obede,
 Obede ndili gba Boadja,
 Boadja ndili gba Salam-
 ona,
 Salamona ndili gba Na-
 sone,
³³ Nasona ndili gba Amin-
 adaba,
 Aminadaba ndili gba
 Adimina,
 Adimina ndili gba Aluni,
 Aluni ndili gba Edjelone,
 Edjelone ndili gba Peledje,
 Peledje ndili gba Yuda,
³⁴ Yuda ndili gba Yakobho,

Yakobho ndili gba Isaka,
 Isaka ndili gba Abala-
 hama,
 Abalahama ndili gba Tela,
 Tela ndili gba Naola,
³⁵ Naola ndili gba Seluga,
 Seluga ndili gba Lagau,
 Lagau ndili gba Pelege,
 Pelege ndili gba Ebele,
 Ebele ndili gba Sela,
³⁶ Sela ndili gba Kainame,
 Kainame ndili gba
 Alepakasada,
 Alepakasada ndili gba
 Seme,
 Seme ndili gba Nua,
 Nua ndili gba Lemeke,
³⁷ Lemeke ndili gba Ma-
 tusalema,
 Matusalema ndili gba
 Enoka,
 Enoka ndili gba Yelete,
 Yelete ndili gba Malalele,
 Malalele ndili gba Kenana,
³⁸ Kenana ndili gba Enosa,
 Enosa ndili gba Sete,
 Sete ndili gba Adamu,
 Adamu ndili gba Ebhe.

4

Djabulu ale Yesu

*(Tsia bhú Mat. 4:1-11; di
ne bhú Mlk. 1:12-13.)*

¹ Pita li Yesu abedhe lie
ne Bu Bhobua-a, ani ayie
lingo 'ngu na Djuludani, Bu
Bhobua atsia amba bhúla
ani abhú mili bili.

² Oo, Djabulu ale ani
ngubula ekpí ndjikpa badha.
Bhú oekpí bhomu-o, ani zu
'he de. Pipita-a, gumu aholo
amene ani.

³ Abhomu-o, Djabulu atsia
apa pi ani me: «I du me mu
nde ne Ndili gba Ebhe-e, pa

pí teme inde-e me a dji lie,
amba a kolo ezu.»

⁴ Yesu agie pí ani me: «Eli gba Ebhe-e apa me: <Kpála kóbho bha bini ka ezu de.†>»

⁵ Djabúlú aha ani, anú ne ani apí 'ta. Ani asuno ndú ondende na doto pí ani hana, bhú nedhinga bedí bhomú.

⁶⁻⁷ Ani atsia apa pi ani me: «Ebhe aha ndú angu, ne otia na ondende bhomú-o hana múma, Ma ti da nahaha pí kpála inde ma akúnda nahaha pí e. I du me mú nde akikita lipúkú mú kuto kala ma-a, ma ahá ndú angu ne otia na ondende bhomú-o hana pí mú.»

⁸ Yesu atsia agie pí ani me: «Eli gba Ebhe-e apa me:
<Dhégo Ebhe Ngámá gba
mú,
amba mú toko bha bini
ani kpi e kpi.†>»

⁹ Pipita-a, Djabúlú aha ani, anú ne ani abhú Yelusalema. Ani a'o ani apí tulundjí 'ngbé 'ti Ebhe gba omaYuda, ani atsia apa pi ani me: «I du me mú nde bha ndjú ne Ndili gba Ebhe-e, 'ulu, mú kó kuto,

¹⁰ anga eli gba Ebhe-e apa me:

<Ebhe ahá líli pí oandjelu
gba e me, u lila mú. †>

¹¹ La di matá:

<U abí mú sa 'kpa o, amba
mo otú 'dhú mú li
teme de.†>»

¹² Yesu atsia agie pí ani me: «Eli gba Ebhe-e apa la di me: <Mo olé Ebhe Ngámá gba mú-o de.†>»

¹³ Píta lí Djabúlú andjia nale Yesu lie ne ndú kpadji hana-a, ani atsia a'o ka ani ngú nadjeke nedhinga koko.

*Yesu agie lie bhú Galilaya
(Tsia bhú Mat. 4:12-17; di
ne bhú Mlk. 1:14-15.)*

¹⁴ Abhomú-o, Yesu atsia agie lie bhú ndu doto na Galilaya, bhú angu gba Bu Bacobua. Ndú okpála hana aholo nakpokpo 'ngú gba ani-e bhú ndu doto bhomú-o libhomu.

¹⁵ Ani adú asuno bhú oeti gba uo nadje líli gba Moidje-o. Ndú okpála hana atsia adú adhögé ani.

*Yesu anú bhú Nadjaleta
(Tsia bhú Mat. 13:53-58;
di ne bhú Mlk. 6:1-6.)*

¹⁶ Pipita-a, ani atsia anú bhú Nadjaleta, kuti inde ani abhele bhú e-o. Li 'kpí naguo gba omaYuda-a, ani ali bhú 'ti nadje líli gba Moidje maka ani adú amemene lie ko. Ani ayie bhúlá ngú natanga eli gba Ebhe-e pi okpála.

¹⁷ Abhomú-o, u atsia aha bhuku gba polofeta Isaya pi ani. Ani abhulu bhuku-o, ani atsia agili bili u aye lie me:

¹⁸ «Bua gba Ngámá-a bhú
dabili bini ne ma.

Ani abhú ma ngú nanú
nakpokpo Bádha
Ngali pi obhulu
ndibhili.

Ani atima ma ngú natobhila
pi obalise me, u azé
bhú bali gba o-o maze,

† 4:4 4:4 Tsia bhú Det. 8:3. † 4:8 4:8 Tsia bhú Det. 6:13. † 4:10 4:10 Tsia bhú Ets. 91:11. † 4:11 4:11 Tsia bhú Ets. 91:12. † 4:12 4:12 Tsia bhú Det. 6:16.

pí okpála i u 'kpí de-e me, u aú matá 'kpí mau.

Aní atima ma di ngú napandja obhende bhú mbolo sa 'kpa obhende ngato mbolo li uo-o.

¹⁹ Ngama-a, ma akpókpo pi okpála me nedhinga inde li Ebhe adjé ndjinga uo lie akolo.[†]

²⁰ Píta li Yesu andjia natatanga lie, aní agagala bhuku-o, aní atsia agie pi kpála na kulu-o. Abhomú-o, aní aha lie adú kuto. Ndú okpála inde adú bhú 'ti oo hana abanga djila o li aní.

²¹ Aní atsia aholo napa pi uo me: «Engú inde yi adje e bhú Bhuku gba Ebhe-e li bili bhomú-o, amene lie nakí amene.»

²² Ndú okpála hana adú angamba li Yesu naali. U atsia adú aziba eli na bádha bhú 'bu inde aní adú akpokpo e-o. Abhomú-o, u atsia adú apa me: «A inde-e ndili gba Djodjefú-o dí?»

²³ Abhomú-o, aní atsia apa pi uo me: «Ma ambila na paká me yi apá muma gbitaku inde me: <Matia, kobho limú ne titi mú.> Yi tsia pá di muma me: <Ya adje ndú 'ngú inde mo omene e bhú Kapalanauma-a hana. Mene nga la di ngua 'ngú ango-o bhú kuti mo obhele bhú e ko.»»

²⁴ Aní atsia apa matá pipita-a me: «A moko, ma apa pi yi me, a ko kúkulú

'ngú, okpála ziziiba polofeta bhú kuti gba e belegu de bini.

²⁵ Ma apa pi yi na paká me, oékési na olisilisi adú nani bhelé bhú ká omafsalaele li nedhinga gba polofeta Eliya. Li nedhinga bhomú-o, ebha dhi nani-i de ngubula kalanga bata ne epe madhia. Kaka-a, adyindi na ngebéngbé atsia ali bhú doto ango-o libhomu.

²⁶ Engú bini, Ebhe tima nani Eliya ngú nateteke súka oékési bhomú-o bini de. Aní atima bha bini aní gba eke bini na gandji kuti na Salepeta bhú ndu doto na Sidona.

²⁷ Matá-a, okpála na kába adú di nani bhelé bhú ká omafsalaele li nedhinga gba polofeta Elisa. Engú bini, Ebhe kobho nani súka uo de, bha bini Namana, gandji kpála na Silia.»

²⁸ Li ndú okpála hana inde adú bhú 'ti oo adje 'ngú bhomú-o lie, u ake 'ngú lio naali.

²⁹ U ayie bhálá, u agbe aní bhú 'ti bhomú-o, u agbele aní apí 'ta inde u ayiki gudhu gba o pí e-o. U amene nani mo-o ngú nandjimba aní akuto.

³⁰ Engú bini, aní akodho bha 'kpí bhú ká uo oo, aní atsia atapa.

Yesu akobho kpála li siti bua adú ato mbolo lie

(Tsia bhú Mlk. 1:21-28.)

³¹ Abhomú-o, Yesu anú bhú Kapalanauma, kuti bini

[†] 4:19 4:18-19 Tsia bhú Isa. 61:1-2.

na ndu doto na Galilaya. Ani atsia adu asuno pi okpala bhú 'kpí naguo gba omaYuda-o.

³² U adu nangamba li ngua nasuno gba ani-o, anga ani adu nasuno ne angu gba Ebhe.

³³ Bhú 'ti nadje lili gba Moidje oo, kpala bini li siti bua adu nato mbolo lie, aholo asusula kpekpeke me:

³⁴ «Aa! Yesu, kpala na Nadjaleta, mo okunda namene ngú ya pi? Mo ogo ngú nabhili ya? Ma mbila mu hana, mu ne kpala na bubu inde li Ebhe atima e ko!»

³⁵ Yesu atsia ambe bhú 'ndji ani me: «Gbite 'bhe mu, amba mu koto la di bhú kpala bhomu!» Siti bua-a agu 'i kpala ango-o kuto má gbwe, bhú ká djila ndu okpala inde adu oo hana. Ani akoto bhú ani, engú bini ani mene ani sisiti de.

³⁶ Ndu okpala hana angamba, u atsia adu ayi lio sonda o me: «A inde-e mangua eli dho? Ani ngaha lili ne kpéke, di ne angu pi osisiti bua, uo ngaze bhú okpala!»

³⁷ Okpala atsia adu apa 'ngú gba Yesu-o bhú ndu okuti bhomu-o hana.

Yesu akobho okpala bhelé na kuo

(Tsia bhú Mat. 8:14-17; di ne bhú Mlk. 1:29-34.)

³⁸ Li Yesu ayie lie bhú 'ti nadje lili gba Moidje-e, ani atsia anu ali bhú 'ti gba Simo. A abhaka me a nde li 'hi wala Simo ne kpéke

bandji. Abhomu-o, u atsia ayo ka Yesu me ani kobho ani.

³⁹ Ani ago alu pi ani, ani ambe bhú 'ndji bandji-o. Abhomu-o, bandji-e atsia ayie li ani. Ani ayie bhúlá kolo má gala, ani atsia aholo nalu 'zu pi uo.

⁴⁰ Li ela ati lie, ndu okpala hana inde adu ne okpala na kuo ngangá agba o-o, abha uo, u atsia ago ne uo pi Yesu. Ani a'o 'kpa e pi 'ndji uo bini ne bini, u atsia akobho ndu o hana.

⁴¹ Osisiti bua aze di bhú okpala na kuo bhelé. Osisiti bua ango-o atsia adu asusula me: «Mu ne Ndili gba Ebhe!» Engú bini, Yesu adu ambe bhú 'ndji uo. Ani atsia adu di agbite kpadji pi uo me u agama 'ngú de, anga u adu ambila hana me a ko Masiya inde li Ebhe atima e ko.

Yesu akpokpo Bádha Ngali bhú ndu doto na Yudaya

(Tsia bhú Mlk. 1:35-39.)

⁴² Li ekpi aseke lie, ani akoto bhú kuti bhomu, ani atsia atapa bhú mili bili. Bhitia okpala aholo nagili ani. U au ani lie, u aholo akikiliki lio pi ani me: «Mo o'o ká ya de, ní tigala ne yi si-i.»

⁴³ Engú bini, Yesu apa pi uo me: «A ayo me ma anu di nakpokpo Bádha Ngali Naú gba Ebhe-e bhú okuti koko, anga Ebhe atima ma nganga.»

⁴⁴ Abhomu-o, ani atsia adu akpokpo Bádha Ngali bhú otí

nadje lili gba Moidje na ndu doto na Yudaya-o.

5

Yesu a'i omukpata na gigina

(*Tsia bhú Mat. 4:18-22; di ne bhú Mlk. 1:16-20.*)

¹ A akolo ekpí bini, Yesu adu lingo ekpø na Genedjaleta.* Bhiti okpála asulø de ani má wakaka ngú nadje 'li Ebhe.

² Ani au zabu bhisi lingo 'ngú me obhùbhùlù-o nde aze, u nde ngavulø onado gba o na sungu-o.

³ Yesu atsia a'u bhú susuka bini, bhende gba Simo-o. Do ani pi Simo me: «Yie lingo 'ge-o, amba mu dyudyo limu mbo ne abhú 'ngú.» Yesu atsia adu bhú zabu-o kuto. Ani aholo nasuno pi bhiti okpála bhomu-o.

⁴ Ani andjia nagama 'ngú lie, ani atsia apa pi Simo me: «Dyudyo zabu-o apí tsiba, amba ngayi ne obi mu-o, yi bala onado gba yi-e bhú 'ngú naholo osungu-o.»

⁵ Simo agie pi ani me: «Musuno, ya amene kulu sukpe inde-e libhomu, ya holo belegu sungu de bini. Engú la bini, ka 'li mu-o, ya abhike onado-o bhú 'ngú mabhike.»

⁶ U abala onado lie bhú 'ngu-o, u atsia aholo osungu bhelé. Kaka-a, onado gba uo-o aholo natsotsolo.

⁷ Abhomu-o, u amene 'kpa o pi obi o inde adu bhú zabu

koko ngú na'i uo me, u go ha mbo 'kpa o pi o. Obhobhomu-o ago, u abebedhe ozabu bhisi-e ne osungu bedhebedhe. Kaka-a, ozabu atsia aholo nalinda bhú 'ngu.

⁸ Li Simo Piele au lie mo-o, ani ati bhú li 'dhù Yesu, ani atsia apa me: «Ngámá, gbe limu de ma ne sidi, anga ma ne siti kpála!»

⁹ Ani apa mo-o, anga ngauo ne obi e, u angamba nani naali ka bhiti osungu inde u aholo e ko.

¹⁰ Djaki ne Djaa, ongisi gba Djebedayo inde adu amene bhú dabili bini ne Simo-o, angamba bhadi moko. Engú bini, Yesu apa pi Simo me: «Mo odjé tsulø de, anga nayie pi mbia inde-e, mu dú matá agili osungu de, engú bini, mo odú ibili agili okpála pi Ebhe.»

¹¹ Abhomu-o, u agbele ozabu gba o apí 'ge. U a'o ka ndu 'he gba o hana, u atsia anu bhú dabili bini ne Yesu.

Yesu akobho kpála na kába

(*Tsia bhú Mat. 8:1-4; di ne bhú Mlk. 1:40-45.*)

¹² A akolo ekpí bini, Yesu adu bhú kuti bini na ndu doto na Galilaya, kpála bini inde li kába atsotsolo kute e hana-a, akoto. Li ani au Yesu lie, ani ago ati kala ani, ani atu bhála e ne kuto, ani atsia alopolo lie pi ani me: «Ngámá, i du me mu nde akunda-a, mu ti da nakobho ma.»

* **5:1 5:1 Genedjaleta:** A ko 'ili koko na ekpø na Galilaya. Tsia bhú Mlk. 6:53.

¹³ Yesu aha 'kpa e a'o li ani. Ani atsia apa me: «Ma akündä moko, kokobho!» Abhomu-o, kába agulu bha kolo li kute kpála angó-o hana maka ndjombe.

¹⁴ Yesu atsia aha lili pi ani me: «Mo opá belegu engú inde-e pi kpála bini de. Engú bini, nu suno bha limu pi dimandé gba Ebhe maka li kute mu nde lie ko. Pipita-a, amba mu ha makiso maka li lili gba Moidje apa lie, ngubula napanu pi ndu okpála hana me mo okobho.»

¹⁵ Abana mo-o, engú gba Yesu adu bha ayangba ne kalanu. Okpála bhelé adu ago apo bhála o de ani ngú nadje ani, ne di me ani kobho o ne okuo gba o-o.

¹⁶ Engú la bini, ani adu anu bhá omili bili. Oo, ani atsia adu akpokpo 'ngú ne Ebhe.

*Yesu akobho dukuto
(Tsia bhá Mat. 9:1-8; di ne
bhá Mlk. 2:1-12.)*

¹⁷ Ekpí bini, Yesu adu asuno pi okpála. Omufalisai koko ne omusuno na lili gba Moidje inde ayie nani bhá ndu okuti hana na ndu doto na Galilaya ne Yudaya, di ne bhá 'ngbé gudhu na Yelusalema adulu de ani. Ne angu gba Ebhe-e, ani atsia adu akobho okpála na kuo.

¹⁸ Li nedhinga bhomu-o, okpála koko ago ne dukuto bini me u nde abi ani pi kalagba. U adu nagili kpadji ngú nato ani abhá 'ti, amba u 'o ani kala Yesu.

¹⁹ Engú bini, u ale nali ne ani abhá 'ti pima ka li okpála adu lie bhelé-o. Abhomu-o, u atsia a'u ne ani apí 'ngbu 'ti. U adu gudho li 'ngbu 'ti-e má vuu! U atsia ake ani ne ekpú téte ne kalagba gba e hana bhá ká okpála kala Yesu.

²⁰ Li Yesu ambila lie me okpála bhomu-o abhuka ni na paká-a, ani atsia apa pi kpála na kuo-o me: «Olia ma, ma a'e osisiti 'ngú gba mu-o a'e.»

²¹ Li omusuno na lili di ne omufalisai adje 'ngú bhomu-o lie, u atsia aholo nabhundja me: «Kpála inde ngasobho Ebhe me-e, a ko nga naae da? A ti da na'e siti 'ngú gba okpála da, bha bini Ebhe ngae kpi e kpi di?»

²² Yesu ambila mabhundja gba uo lie, ani apa pi uo me: «Yi ngabhundja li bua yi mo-o ka ni?»

²³ Ne napa me, «Ma a'e osisiti 'ngú gba mu a'e», ne napa me, «Yie bhálá, amba mu dhuku-o» a ane ne bhuku ne bhedho?

²⁴ Engú bini, ma akündä me yi mbila me ngama, Ndili gba kpála-a, ma ne angu píla doto ngú na'e siti 'ngú.» Abhomu-o, Yesu atsia apa pi dukuto-o me: «Ma apa pi mu me yie bhálá, ha dabili gba mu-o, amba mu gie limu agba mu!»

²⁵ Kolo má gala me-e, kpála bhomu ayie bhálá bhá ká djila ndu okpála hana, ani aha dabili inde ani de asi pi e, ani atsia agie lie agba e me

ani nde ngadhége Ebhe.

²⁶ Ndu okpála hana adu angamba naali. U abedhe ne tsulu bedhe, u adu adhge Ebhe, u atsia adu apa me: «Ya au naki ongú na ngangamba!»

Yesu a'i Levi

(*Tsia bhú Mat. 9:9-13; di ne bhú Mlk. 2:13-17.*)

²⁷ Pipita-a, Yesu akoto kilidjo, ani atsia au ndemb*b*i bini na mandjandja, adu 'li ani me Levi,[†] ani nde adu kuto bhú bilo gba e-o. Yesu apa pi ani me: «Kpata ma.»

²⁸ Levi ayie bhúlá, ani a'o ka ndu 'he hana, ani atsia akpata Yesu.

²⁹ Pipita-a, Levi atsia amene 'ngbé anokomia pi Yesu abhú 'ti gba e. Ondemb*b*i na mandjandja bhelé di ne okpála koko adu nazu 'he ne uo bhú dabili bini.

³⁰ OmuFalisai di ne omusuno na lili gba o adu nadi mutokono, u atsia ayi omukpata gba Yesu-o me: «Ka ni yi ngazu 'he ne nandji vino lie bhú dabili bini ne ondemb*b*i na mandjandja di ne okpála na sisiti-e?»

³¹ Yesu atsia agie pi uo me: «Okpála bhende li kuo nde li o ade-e, u ne gumu mutia ade. Engú bini, obhende inde li o ne kuo ne gumu mutia ngao.

³² Ma go ngú na'i okpála bhende ngbingbili-e de. Engú bini, ma ago ngú na'i

obhende na sisiti-o, ngubulu me u dji bua o.»

*Yesu akpo 'ngú pindji natse ezu ngú nayo Ebhe
(Tsia bhú Mat. 9:14-17; di ne bhú Mlk. 2:18-22.)*

³³ Okpála bhomu-o apa pi ani me: «Omukpata gba Djaa di ne obhende gba omuFalisai ngatse ezu pi ko ngú nayo Ebhe. Engú bini, obhende gba mu-o la bha naao ngazu 'he ne nandji vino.»

³⁴ Yesu agie pi uo me: «Yi abhundja naayi me yi ti da naholo omaha 'ko ele-o ne kpéke ngú natse ezu me 'ko ele-o nde nga bha bhú dabili bini ne uo?»

³⁵ Nedhinga koko akólo makolo, nedhinga inde li okpála adhépe 'ko ele-o lie bhú ká uo-o. Li oekpí angoo, u tsia tsé la 'zu.»

³⁶ Yesu atsia aha di gbitaku inde-e pi uo me: «Kpála bini ti da nasidha bongo na mbia, ani tsia há pápála-a ngú nadudu li bongo na didili de. Ani mene mo-o, li bongo na didili-e sídha, la di-e, pála bongo na mbia lé ne bhe na didili-e de.»

³⁷ Kpála bini ti da na'o vino na mbia bhú odidili dhudhu na ko 'nu de. Ani mene mo-o, li vino na mbia bí 'fu, i úpa odidili dhudhu-o. Pandi-e túko, li odhudhu-o tsia siti di.

³⁸ Engú bini, a ayo na'o vino na mbia bhadi bhú odhudhu na mbia![‡]

[†] 5:27 5:27 **Levi:** A ko 'ili koko gba Matié. [‡] 5:38 5:38 Yesu akunda napa bhomu-o me, u ti da na'o nasuno gba ni na mbia pi bhe gba omuFalisai-e de.

³⁹ I du me kpála bini nde andji pandi na didili andji-e, ani kúnda matá pandi na mbia de, anga ani pá me: «Pandi na didili-e ane ne bádha.»

6

Yesu aziba me ni ne ngámá pí 'ndji ekpí naguo gba omaYuda

(Tsia bhú Mat. 12:1-8; di ne bhú Mlk. 2:23-28.)

¹ Ekpí bini naguo gba omaYuda-a, Yesu ne omukpata gba e adu akodho 'kpí bhú ngu 'zu inde u a'i e me ngano. Omukpata gba ani-e aholo akodho 'ndji 'ndji, atutuluba sa-tikpa o, u atsia adu nazuzu.*

² OmúFalisai koko ayi uo me: «Yi ngamene bhomú-o ni? Líli gba ní-e ziba namene kulu bhú 'kpí naguo de.»

³ Yesu atsia agie pi uo me: «Yi atanga ndjindji bhú Bhuku gba Ebhe-e, engú nani li Davidi amene e? Ekpí bini, ngaani ne omaha e, u adu lie ne gumú-o,

⁴ ani ali nani bhú 'ti Ebhe. Ani aha mapá inde u a'o e ngú nadhègè Ebhe-e, ani azu. Ani atsia aha di pi omaha e, abana li líli gba ní-e apa lie me azú bha mapá ango-o ne odimandé-o.»

⁵ Yesu atsia apa matá pi uo me: «Yi mbila me ngama, Ndili gba kpála-a, ma ne ngámá pí 'ndji ekpí naguo.»

* **6:1 6:1** Agba omaYuda-a, i du me kpála nde ngakodho ngano-o, amba ani ngamene bhomú-o kulu. La-a, líli gba uo-o ziba namene kulu bhú 'kpí naguo-de. Tsia bhú Det. 23:26, di ne bhú Lev. 23:5-14.

Yesu akobho kpála li 'kpa e adu ne eze

(Tsia bhú Mat. 12:9-14; di ne bhú Mlk. 3:1-6.)

⁶ A adu nani ekpí naguo koko bini, Yesu ali bhú 'ti nadje líli gba Moidje-o . Ani akolo lie oo, ani atsia aholo nasuno. Bhú ká okpála-a, bhoko bini adu oo, adu li 'kpa ani na kokpa-a ne eze.

⁷ Omusuno na líli gba Moidje di ne omúFalisai adu agili kpadji ngú napu ngbángá Yesu me, ani ngamene siti 'ngú. Kaka-a, u aholo atsia ani ne kpéke djila atigala ani kóbho kpála li 'kpí naguo.

⁸ Engú bini, li Yesu ambila lie me ali bua uo oo, u ngab-hundja mo-o, ani atsia apa pi kpála li eze adu li 'kpa e me: «Yie bhúlá, amba mū lu si bhú ká djila ndu okpála hana.» Kpála ango-o ayie bhúlá, ani atsia alu kala ndu okpála inde adu bhú 'ti oo hana.

⁹ Pipita-a, Yesu atsia apa pi uo me: «Ma ne engú bini ngú nayi yi téte: Li 'kpí naguo, líli gba ní-e aziba pi? U mene bádha 'ngú, ne me u mene siti 'ngú? U kobho kpála, ne me u akóbho ani de?»

¹⁰ Ani atsia ndu uo hana bini ne bini. Abhomú-o, ani atsia apa pi kpála na eze-e me: «Gbele 'kpa mū.» Kpála ango-o agbele 'kpa e, 'kpa ani atsia akolo ndjindji.

¹¹ Engú bini, okpála ango-o abi 'gú naali, u atsia aholo nayi lio súnda o me: «Ní ti da namene ngú Yesu mangua 'ngú dho?»

Yesu alo obhulú titima ndjikpa ne ká bhisi

(*Tsia bhú Mat. 10:1-4; di ne bhú Mlk. 3:13-19.*)

¹² Bhú oekpí bhomú-o, sukpe bini, Yesu a'u apí 'ta ngú nakpokpo 'ngú ne Ebhe. Sukpe libhomu ani asi nakpokpo 'ngú ne Ebhe.

¹³ Lí ekpí aseke lie, ani a'i omukpata gba e-o, ani atsia alo okoko bhú ká uo ndjikpa ne ká bhisi inde ani agisila nani 'li o me obhulú titima gba Yesu .

¹⁴ A adú nani Simo (inde li Yesu agisila 'li e me Piele) ne ndai e Andili, Djaki ne Djaa , Filipo ne Batelemi,

¹⁵ Matié ne Túma, Djaki ndili gba Alafayo ne Simo (inde u a'i e me kpála inde akwanda doto gba e),

¹⁶ Djude ndili gba Djaki ne Yuda Isikaliote, inde apú Yesu pi obhulú yala-o.

Yesu asuno pi bhití okpála
(*Tsia bhú Mat. 4:23-25.*)

¹⁷ Ani ake ne uo, ani atsia alu asabu 'ta lí bili li omukpata gba ani koko bhelé adú lie ko. Okpála bhelé na ndu doto na Yudaya libhomu, na Yelusalema ne ogadhú na ngo 'ngbé 'ngu, gudhú na Tile ne Sidona adú di oo.

¹⁸ Okpála ango-o ago nani ngú nadje Yesu, amba ani kobho di obhende adú ne

okuo-o. Ani atsia akobho di okpála inde li osisiti bua adú ato mbolo li o ko.

¹⁹ Ndú okpála hana adú nagili nabu 'kpa o li kute ani, anga ndú uo hana adú akobho ka angu inde adú bhú ani-o.

Yesu akpo 'ngú pindji djali ne likabhu

(*Tsia bhú Mat. 5:1-12.*)

²⁰ Yesu atsia omukpata gba e-o, ani atsia apa pi uo me: «A ko djali pi yi, ngayi obhulú ndibhili,

anga Ebhe ne ngámá gba yi-e ngae!

²¹ A ko djali pi yi, ngayi obhende ngadje gúmu mbia inde, anga yi azú 'he, yi tsia 'ú 'u!

A ko djali pi yi, ngayi obhende ngaku 'gba mbia inde, anga yi amú 'zo!

²² A ko djali pi yi, i du me okpála nde ngayala yi, u nde ngagbe yi bhú ká o, u nde ngasobho yi, u nde ngapa 'ngú gba yi-e sisiti kabula ma, Ndili gba kpála.

²³ Lí nedhinga ango kolo, yi de kpi djali, amba yi dho di ebi, anga makalá na ngbéngbé ngadjeke yi abhúlá. Ogbi uo adú nani amene bhadi opolofeta sisiti moko.

²⁴ Engú bini, a ko likabhu pi yi obhulú tia, anga yi asia makalá gba yi-e asia!

²⁵ A ko likabhu pi yi, ngayi obhulú ká 'zú mbia inde,

anga yi adú adjé gúmú!
A ko likabhu pi yi, ngayi
obhende ngamú 'zo
mbia ìnde,
anga yi adú bhú talia, yi
tsia dú naku 'gbá!

²⁶ A ko likabhu pi yi, i
dú me ndú okpála hana nde
ngapa 'ngú gba yi-e ndjindji,
anga ogbi uo adú apa bhadi
nani babadha 'ngú moko li
opolofeta na eu ko!»

*Yi kúnda obhúlú yala gba
yi-o*

(*Tsia bhú Mat. 5:38-48,
7:12.a.*)

²⁷ «Engú bini, ma apa la pi
yi me, ngayi obhende ngadje
ma-a, yi kúnda obhúlú yala
gba yi-o. Yi mene bádha
'ngú pi obhende ngayala yi
ko.

²⁸ Yi yo me bisagu gba
Ebhe-e go pi okpála bhende
ngatú pédjé li yi, amba yi yo
Ebhe pi obhende ngamene yi
sisiti ko.

²⁹ Li kpála bini su pála
mu li pápá bini-e, mu de dji
di pápá koko pi ani, amba
ani su.[†] Li kpála bini gbálu
koti gba mu-o, mu de 'o di
ani amba ani ha bongo na
mbulu mu-o.

³⁰ Li kpála yo 'he ka mu-o,
mu de ha pi ani. I dù me
kpála bini nde agbálu 'he ka
mu-o, mo oyó matá ka ani
de.

³¹ Yi mene pi okpála
koko bhadi maka bhende yi
akúnda me u mene e pi yi
ko.

³² I dù me yi nde ngakúnda
bha bini okpála bhende
ngakúnda yi-e, yi abhúndja
de me yi asia makalá kaka-a
de, anga okpála na sisiti-e,
u ngakúnda bhadi okpála
bhende ngakúnda o ko!

³³ I dù me yi nde ngamene
bha bini bádha 'ngú pi
okpála bhende i ngamemene
pi yi-e, yi abhúndja de me
yi asia makalá kaka-a de,
anga okpála na sisiti-e bhadi
ngamemene moko!

³⁴ I dù me yi nde ngaha
bha bini 'he pi okpála ìnde
yi abhundja me u ti da di
nagigie pi yi li 'kpí koko-o,
yi abhúndja de me yi asia
makalá kaka-a de. Abana
okpála na sisiti, u ngaha di
'he pi obi o okpála na sisiti
ngubula me, u gie di pi o li
'kpí koko!

³⁵ Engú bini, yi kúnda
obhúlú yala gba yi-o. Yi
mene bádha 'ngú pi uo. Yi
ha 'he pi uo me yi nde
bhundja de me u agié pi
yi magie de. Yi asia 'ngbé
makalá. Yi mene mo-o,
yi tsia dù ongisi gba Ebhe
Apí 'Kpí, anga ngaani-e, ani
babadha pi okpála ìnde i
gie hení pi ani de. Aní di
babadha pi okpála na sisiti.

³⁶ Yi bedhe ne ndjinga pi
okpála maka li 'dyi yi Ebhe
abedhe di ne di lie pi okpála
ko.»

*Yi akódho 'ngú gba
okpála koko de*
(*Tsia bhú Mat. 7:1-5.*)

[†] **6:29** **6:29** Agba omaYuda-a, nasu kpála li pabhø e-e, a ko sobho na ngbéngbé.

37 «Yi akódho 'ngú gba okpála koko de, amba Ebhe akódho di 'ngú gba yi-e de. Yi a'ó engú pí okpála koko de, amba Ebhe a'ó di engú pí yi de. Yi mbu li siti 'ngú gba okpála koko, amba Ebhe mbu di li siti 'ngé gba yi ko.

38 Yi ha 'he pí okpála koko, amba Ebhe ha di 'he pí yi. Ani abédhe kíli gba yi-e ne nguwa bedhe má kpambi, i hólo nabala kuto. A moko, Ebhe ahá bhadi pí yi maka lele yi ngahaha pí okpála koko lie ko.»

39 Yesu atsia apa matá pí uo gbitaku bini me: «Kpála i u 'kpí de-e tí da naholo 'kpa kíli e inde i u 'kpí de ngú nasuno kpadjí pí ani uu? A mo-o ade! I dú mo-o, li ndú uo bhisi hana bála bhá 'dú.

40 Múkpata bini ne mäsuno gba e ne imbilangú de. Engú la bini, ndú mukpata hana inde u asuno 'he pí e ndjindji-e, ani kólo maka mäsuno gba e-o.

41 Ka ní mu ngau mboye kú mäsoli inde bhá djila ndai mu-o lie, mu tsia u la ndula inde bhá djila mu-o de?

42 Lele pí mu ti da napa lie pí ndai mu me: <Ndai ma, 'o ma, ma gbe mboye kú mäsoli inde bhá djila mu bhomu>, ngamu-o, mu nde u ngala belegu de ndula inde bhá djila mu-o? Bhá káli, gbe ngaíza ndula inde bhá djila mu-o. Pipita-a, mu tsia u la 'kpí ndjindji ngú nagbe mboye kú mäsoli inde bhá

djila ndai mu ko.»

*Ndula ne lí e
(Tsia bhá Mat. 7:16-20,
12:33-35.)*

43 «Ndula na babadha lili lili na sisiti de. La di-e, ndula na sisiti lili lili na babadha de.

44 U mbila ndula li lí e. U koko manga li ndula na eti de. La di-e, u koko malibhombi li kobe de.

45 Kpála na babadha-a, ka bádha 'ngú inde li bua ani-e, ani méne bhadi engú na babadha. La di-e, kpála na sisiti-e, ka siti 'ngú inde li bua ani-e, ani méne bhadi engú na sisiti. Engú inde ngakoto bhá 'bhe kpála-a, a ko engú inde ngayie ali bua ani ko.»

*Oeti bhisi
(Tsia bhá Mat. 7:24-27.)*

46 «La ka ní yi nga'i ma lie ndú 'kpí hana me: <Ngámá, Ngámá?> Yi la ngamene engú inde ma ngapa e pí yi me yi mene e ade.

47 Kpála bini inde agó abháka ma, adjé 'li ma, ani tsia méne maka ma apa lie, ma akunda napana pí yi me ani maka da.

48 Ani maka kpála inde aholo nayiki eti. Ani adjé edú tsutsu, ani atsia a'o 'dhú 'dhú-o pí teme. Li engu asi lie, a ago atu lie li kute eti-o, eti ango-o tsia dyíki de, anga a alu kpekpeke.

49 Engú bini, kpála bhende adje 'li ma, ani tsia mene maka ma apa lie de-e, ani maka kpála inde ayiki eti gba e pí doto. 'Dhú 'dhú

tété ade. Li engu asi lie, a ago atu lie li kute eti-o. Eti-e atuko bha kolo má gala, a atsia agugumú hana má kpekébhé!»

7

Yesu akobho kpála na kulu gba ngámá bini gba osudha

(*Tsia bhú Mat. 8:5-13.*)

¹ Pita ani andjia napa ndu ongú bhomu-o lie hana pi okpála-a, ani atsia atapa bhú kuti na Kapalanauma.

² Oo, abhú Kapalanauma, ngámá bini gba osudha na Loma,* adu ne bali gba e bini inde ani adu akunda e naali. A adu li bali angoo ne kuo masikpe de me ani kodho bua e.

³ Li ani adjé 'ngú gba Yesu-o lie, ani atsia atima obhelesi okpála koko gba omaYuda agba Yesu. U anu napa pi ani me, ani go kobho bali gba ngámá angoo-o.

⁴ Li obhelesi okpála bhomu-o akolo de Yesu lie, u atsia aholo nakikiliki lio pi ani me: «Mu ti da namene ehe inde ani ayo e pi ani, i du me mu nde akunda-o, anga ani ndjindji.

⁵ Ani kunda di omaha ní naali. Ani ayiki eti nadje lílì gba Moidje pi ní ngae.»

⁶ Abhomu-o, Yesu atsia aholo 'nú ne uo. Ani akolo lie de kuti-e masikpe-e, ngámá gba osudha-a atsia

atima obi e me u pa pi ani me: «Ngámá, mo ondála límu de. Ma ne kpála na padhá. A ayo ka mu nali bhú 'ti gba ma-a de.†

⁷ Kaka-a, ma u igini lima ndjindji de me ma go kolo li mu ngama-a de. Engú bini, pa bha koli eli bini, amba bali gba ma-a kobho.

⁸ Ma ngapa mo-o, anga ma sa lílì gba ongámási. Ma la di ngaha lílì pi osudha. Ma pa pi bhe bini-e me: <Nunu!> Ani nú. Ma pa pi bhe koko-o me: <Gogo!> Ani gó. Ma pa pi bali gba ma-a me: <Mene 'he inde!> Ani méne.»

⁹ Li Yesu adje engú inde li ngámá bhomu-o apa e lie, ani angamba naali. Ani adjé lie, ani atsia apa pi bhití okpála inde adu akpata ani-e me: «Ma apa pi yi me, ma bhaka nga ngua kpála inde abhuka ma me-e de, belegu de bhú ká omaſsalaele!»

¹⁰ Li okpála na titima agie lio lie agba ngámá-a, u abhaka me kuo nde ayie li bali gba ngámá angoo-o ayie.

Yesu azuku ndili na bhab-hoko gba øke bini na øøle

¹¹ Pita li Yesu akobho bali gba ngámá bhomu-o lie, ani atsia atapa bhú gudhu na Naine. Omukpata gba ani ne okpála bhelé anu bhú dabili bini ne ani.

¹² Ani akolo li 'bhé bhoti na gudhu-o lie, a abhaka me u nde adjé ne ngbangba

* **7:2 7:2 Ngámá gba osudha na Loma:** Ngámá bini gba osudha na Loma: Ngámá angoo-nani ne ngámá pi 'ndji osudha kámá bini. A adu nani maYuda de. † **7:6 7:6** Li maYuda bini li bhú 'ti gba kpála inde ne maYuda ade-e, li maYuda angoo-kólo sisiti kala Ebhe.

makombi bini ngú nazizi. A ko naní koli ndili na bhobhoko bini gba eke bini na eele. Okpála bhelé na gudhú bhomu-o adu bhú dabili bini ne ełe ango-o.

¹³ Abhomu-o, Ngámá Yesu au ani. Li ani au ani lie, ani adje ndjinga ani naali. Ani atsia apa pi ani me: «'O naku 'gbá!»

¹⁴ Pipita-a, ani adyudyo lie, ani a'o 'kpa e li ngbangba-o. Abhomu-o, okpála inde abi kuo atsia ala. Yesu atsia apa pi makombi bhomu-o me: «Ma apa pi mu me, yie bhálá!»

¹⁵ Kpála inde adu igini me ani nde akpi-e, ani ayie bhálá, ani adu madu. Ani atsia aholo nagama 'ngú. Abhomu-o, Yesu atsia aha ani pi 'hi e.

¹⁶ Ndu okpála hana adje tsülü. U adu adhegø Ebhe, u atsia adu apa me: «'Ngbé polofeta akoto bhú ká ni! Ebhe ago nateteke okpála gba e-o!»

¹⁷ Ngali na engú li Yesu amene e atsia agbolo bhú ndu doto na Yudaya libhomu di ne bhú okuti na ngongo-o hana.

*Djaa bhülü nabatisa
okpála atima okpála agba
Yesu*

(Tsia bhú Mat. 11:2-19.)

¹⁸ Li omukpata gba Djaa agie lio lie, u atsia akpokpo ndu ongamba 'ngú inde li Yesu amene e hana pi Djaa. Abhomu-o, ani a'i okpála bhisi bhú ká uo.

¹⁹ Ani atsia atima uo ngú nayi Yesu me: «Ne me mu ne Masiya inde ngago, ne me ayo me ya adjeka kpála koko?»

²⁰ Li okpála bhomu-o akolo lie de ani-e, u atsia apa pi ani me: «Djaa bhülü nabatisa okpála atima ya me ya go yi mu me: <Ne me mu ne Masiya inde ngago, ne me ayo me ya djeke kpála koko?>»

²¹ Bha li nedhinga bhomu-o, Yesu akobho okpála bhelé na kuo. Ani akobho obhende adu ne okuo ngangá. Ani akobho di obhende adu ne osisiti bua bhú o-o. Ani atsia abhulu di djila okpála bhelé inde i u 'kpí de-e bhú bádha bhú 'bu gba e-o.

²² Pipita-a, ani atsia agie pi okpála li Djaa atima o-o me: «Yi nu kpokpo pi Djaa engú inde yi au e, di ne bhende yi adje e ko. Okpála i u 'kpí de-e ngau 'kpí. Obhende ne eze li 'dhú o-o, u ngadhu-ku ndjindji. Okpála na kába ngakobho. Obhende i dje 'kpí de-e ngadje 'kpí. Obhende amu-o ngazuku. Ma ngakpokpo Bádha Ngali pi obhülü ndibhili.

²³ A ko djali pi kpála inde i bhúka ma ne bua na bhisi bhisi de ko!»

*Yesu akpokpo 'ngú gba
Djaa bhülü nabatisa okpála*

²⁴ Bhití okpála adu oo. Pita li obhülü titima gba Djaa agbida lie, Yesu atsia aholo akpokpo 'ngú gba Djaa pi uo me: «Yi anu igini nat-sia abhú 'gu-o ni? Yi anu

iginí natsia kpála inde maka mbamba inde ngadyiki ka anvi-e? A mo-o ade.

²⁵ I du mo-o de-e, yi anu la iginí natsia ni? Kpála inde adyi babadha bongo-o ? A mo-o ade, anga obhende ngadyi babadha bongo-o, inde di ne ká tia ka o-o ngadu abhú 'ti gba ongámási.

²⁶ Yi anu nga la iginí natsia ni? Polofeta? A moko, ma apa pi yi me, yi au bhende ane belegu polofeta mane.

²⁷ Padhá de, anga a ko kpála inde li eli gba Ebhe-e apa 'ngú gba e me:

«Ebhe apa me, ma ngatima bhulú titima gba ma-a pi mu kalanu

ngú naleke kpadji pi mu.†»

²⁸ Ma apa pi yi me, Djaa ngbéngbé ane ndu okpála hana. Engú bini, kpála inde ane ne mboye bhú Naú gba Ebhe-e , ani ane ani ne engbé.»

²⁹ Ndú okpála hana, belegu ondembí na mandjandja adú adje Yesu. Abhomú-o, u ambila nani ngibili 'ngú gba Ebhe-e lie, Djaa atsia abatisa uo.

³⁰ Engú bini, omúFalisai ne omusuno na líli gba Moidje ayala nani me Djaa batisa o. U amene lie mo-o, u ayala engú inde li Ebhe adú akunda e pi uo-o.

³¹ Do Yesu matá me: «Má tí da nasuno okpála na naki sí li da? Uo maka da?

³² Uo maka ongisi inde adulú bhú daposo. Okoko ngasusula pi obi o me: «Ya abhi ngababi na ebi pi yi, engú bini, yi tsia dho 'bi de!»

Ya ali etsi na da kuo pi yi, engú bini, yi ku 'gbá de!»

³³ Padhá de, anga Djaa bhulú nabatisa okpála ago, ani zu 'he maka okpála koko de, ani ndjí di vino de, do yi me: «A bhú ani ne siti bua!»

³⁴ Ngama, Ndili gba kpála, ma ago, ma ngazú 'he maka okpála koko, ma ngandji vino, do yi me: «Yi tsia nga kpála inde ngabhundja bha bini nazú 'he di ne nandjí vino! Ani ngakunda ondembí na mandjandja, a ko la di olia okpála na sisiti!»

³⁵ Engú bini, ndu okpála hana inde abhuka imbilangu gba Ebhe-e, u ambila me imbilangu ango-o ngingibili.»

Yesu azú 'he abhú 'ti gba Simo muFalisai

³⁶ A adú nani muFalisai bini, ani a'i Yesu ngú nazú 'he bhú dabili bini ne e. Yesu ali bhú 'ti gba muFalisai-o. Oo, ani atsia aholo nazú 'he-o.

³⁷ Olé bini na sisiti adú bhú gudhú bhomú-o. Ani adje lie me Yesu ngazú 'he abhú 'ti gba muFalisai bhomú-o, ani ago ne gili bini inde u abho e lí teme inde u a'i e me alabatele.‡ Gili ango-o abedhe nani ne mangotsi bedhe.

† 7:27 7:27 Tsia bhú Mal. 3:1. ‡ 7:37 7:37 Alabatele: A ko teme na mase naali inde u abhobho oehe maka gili lie ko.

³⁸ Ani akolo lie, ani atsia akita bhú li 'dhú Yesu li pápá ne akele ani. Ani aholo naku 'gbá, ngúla adú atuko li 'dhú Yesu. Abhomú-o, ani aholo nakukuo ne sundjo e. Ani akama 'dhú ani, ani atsia aha mungotsi-e, ani atuko téte.

³⁹ Li muFalisai inde a'i Yesu au lie mo-o, ani atsia apa li bua e me: «Kpála inde-e, a ko bha ndjú polofeta de kúkulú! Padhá de, anga ele inde ngabu 'kpa e li ani bhomú-o, a ko siti ele. Ani mbila la-a de!»

⁴⁰ Abhomú-o, Yesu atsia apa pi muFalisai-e me: «Simo, ma mbo ne engú bedí napapa pi mu.» Simo atsia agie me: «Mu suno, papa.»

⁴¹ Yesu atsia apa me: «Kpála bini aha nani bopulu pi okpála bhisi. Ani aha pi kpála bhe bini-e lí falanga kámá bhuluvue. Ani atsia aha pi kpála bhe koko-o lí falanga ndjikpa bhuluvue.

⁴² Li tia du la lie ka okpála ango-o ngú nagigie de-e, abhomú-o, ani atsia ambu li bopulu gba ndú uo bhisi hana. Bhú ká okpála bhisi bhomú-o, akúnda ani ané mane ne bhedho?»

⁴³ Simo atsia agie me: «Ma abhundja me a ko kpála bhende u ambu li bopulu gba e adú bhelé naali ko.» Do Yesu pi ani me: «Mo opa ndjindji.»

⁴⁴ Pipita-a, ani adjí lie ne li

pápá gba ele-o, ani atsia apa pi Simo me: «Mo ou engú li ele inde-e amene e au? Ma ali lie bhú 'ti gba mu-o, mu ha engu muma ngú navulu 'dhú ma de.» Engú bini, ngaani-e, ani avulu 'dhú ma ne ngúla na djila e. Ani atsia akuo ne sundjo e.

⁴⁵ Mu kama ma de. Engú bini, ngaani-e, nayie maka ma ali igini lie si-e, akolo pi mbia inde-e, ani 'o nakama 'dhú ma de.

⁴⁶ Mu tuko emu pi 'ndji ma de. Engú bini, ngaani-e, ani atuko mungotsi li 'dhú ma.

⁴⁷ Kaka-a, ma apa pi mu me, mukunda na ngbéngbé inde ani asuno e, apana me u a'e bhiti siti 'ngú gba ani-e a'e. Engú bini, kpála inde u a'e siti 'ngú gba e me a nde yeye-e, ani pána bhadi mukunda na yeye.»

⁴⁸ Abhomú-o, ani atsia apa pi ele bhomú-o me: «Ma a'e osisiti 'ngú gba mu-o a'e.»

⁴⁹ Okpála inde adú azú 'he bhú dabili bini ne ani aholo nabhundja me: «A inde-e mangua kpála dho? Ani nga 'e belegu siti 'ngú!»

⁵⁰ Abhomú-o, Yesu atsia apa pi ele-o me: «Ebhe akobho mu, anga mo obhuka ma. Nu ne guo 'ngú.»

8

Omukpata ndjikpa ne ká bhisi ne olisi koko akpata Yesu

§ 7:44 7:44 Simo ha nani engu pi Yesu ngú navulu 'dhú e de, anga Simo adú au lie me ni ngbéngbé pi Yesu ngaani. Tsia bhú Dje. 18:4, 19:2.

¹ Pipita-a, Yesu adu adholo bhú ndu ogudhu di ne bhú ndu okuti hana. Ani adu akpokpo Bádha NgaliNaú gba Ebhe-e ne ndu bili hana. Omukpata ndjíkpa ne ká bhisi-e adu bhú dabili bini ne ani.

² Olisi koko nani li Yesu apandja osisiti bua bhú o, ne obhe ani akobho o ne okuo-o, a adu di bhú dabili bini ne ani. A du nani: Malia (u a'i e me kpála na gúdhú na Magadala) nani li Yesu apandja osisiti bua bhú e mananika-o;

³ Djaani, wala Kudja, ngámá na kulu gba 'ngbé ngámá Elode; Sudjana ne olisi koko bhelé. Ndú olisi bhomú-o hana adu aha tia gba o ngú nateteke Yesu ne omukpata gba e ne di.

Gbitaku gba kpála nalu nguwa

(Tsia bhú Mat. 13:1-9; di ne bhú Mlk. 4:1-9.)

⁴ Okpála adu nayie bhú gúdhú bini ne bini, u adu ago abhaka Yesu. Li okpála bhelé adu apekebhe bhála o lie de ani-e, ani atsia apa gbitaku inde-e me:

⁵ «Kpála bini anu ngú nabala nguwa abhú 'dyi gba e. Ani adu ababala lie, té nguwa koko atsia abala li kpadjí. Okpála adedele ne 'dhu o, odhu atsia ago, u azú bhabhomú-o hana.

⁶ Koko abala li bili na teme. Li ezú-o aze lie, atsia a'ulú angu du bhú doto sasa de.

⁷ Koko atsia abala li bili na eti. A akø lie, ezú-o akø ne eti-e bhú dabili bini. Eti-e atsia agaga ezú-o. Kaka-a, ezú-o bhele ndjíndji de.

⁸ Engú bini, koko atsia abala naae bhú doto na babadha. Ezú-o akø, a atsia ali lili. Nguwa bini ne bini ali lili kámá bini.» Yesu atsia apa matá me: «Yi dje ndjíndji, i du me a nde li yi ne 'dje 'dje ngú nadje 'kpí ko!»

Ka ni li Yesu adu akpo 'ngú lie bhú ogbitaku-o?

(Tsia bhú Mat. 13:10-17; di ne bhú Mlk. 4:10-12.)

⁹ Omukpata gba Yesu ayi ani me: «Ta gbitaku bhomú-o pi?»

¹⁰ Ani atsia agie pi uo me: «Ngayi-e, yi ambila naayi engú inde awo nani lie kalanu pindji Naú gba Ebhe-e ambila. Engú bini pi okpála koko-o, ma akpo engú bhomú-o bhú ogbitaku maka li Bhuku gba Ebhe apa lie me:

«U ti da natsia 'kpí, engú la bini, u ú 'kpí de. U ti da nadje 'kpí, engú la bini, u mbíla tata-a de.†»

Yesu akpo ta gbitaku gba kpála nalu nguwa-o

(Tsia bhú Mat. 13:18-23; di ne bhú Mlk. 4:13-20.)

¹¹ «Ta gbitaku bhomú-o me, nguwa-a, a ko eli gba Ebhe-o.

¹² Nguwa bhende abala li kpadjí-e, a ko okpála bhende ngadje eli gba Ebhe-o. Engú

† 8:10 8:10 Tsia bhú Isa. 6:9.

bini, li Djabulʉ gó, ani tsia dhépe eli ango-o li bua uo, ngú nagbite kpadjí pi uo me u abhúka de, amba Ebhe akóbho uo de.

¹³ Nguwa bhende abala li bili na teme-e, a ko okpála bhende ngadje eli gba Ebhe-e, u tsia sía ne djali hana. Engú bini, eli ango-o lí li bua uo de. U bha ngabhuka ngubula nedhinga bedi. Li nale kolo-o, u 'ó ká nabhuka gba o-o.

¹⁴ Nguwa bhende abala li bili na oeti-e, a ko okpála bhende ngadje eli gba Ebhe-o. Engú bini, u ne gümü ndu 'he na doto ngangá. U ne gümü tia na doto ne odjali na mukobho na doto. Gümü tia na doto ne odjali na mukobho na doto ango-o ngagaga Eli-o. Kaka-a, eli bhomu-o lí lili nabhele mabhele de.

¹⁵ Nguwa bhende abala bhú doto na babadha-a, a ko okpála bhende ngadje eli gba Ebhe ne bua na babadha, u tsia ziba. U lila ndjindji, u tsia lí lili ka kekele gba o ko.»

*Gbitaku na eke
(Tsia bhú Mlk. 4:21-25.)*

¹⁶ «I du me kpála bini nde adhedhe eke-e, ani búku ne lusa de. Ani to di asa polo de. Engú bini, ani 'ó pi 'he ngubula me okpála inde ngali bhú 'ti-e, u u 'kpí téte ndjindji.»

¹⁷ A moko, ndu 'he hana inde awo lie mawo-o, akóto bhú mbasu. Ndu 'he inde na

pepe hana akóto li zi 'kpí, li okpála tsia mbila.

¹⁸ Kaka-a, 'e-e! Yi lila liyi bhú nadje eli-o, anga kpála li ehe nde ka e, u ahá matá koko pi ani pépé. Engú bini, kpála inde li ehe nde ka e ade-e, u adhépe belegu mboye 'he bhende ani ngabhundja me a ka ni ko.»

*'Hi Yesu ne ondaise Yesu
(Tsia bhú Mat. 12:46-50;
di ne bhú Mlk. 3:31-35.)*

¹⁹ 'Hi Yesu ne ondaise Yesu ago ngú natsia ani. Engú bini, u ale nakolo li ani pima ka bhti okpála-o.

²⁰ Abhomu-o, u atsia apa pi Yesu me: «'Hi mu ne ondaise mu akilidjo, u ngakunda nau mu.»

²¹ Engú bini, Yesu atsia apa pi ndu uo hana me: «'Hi ma ne ondaise ma-a, a ko okpála inde ngadje eli gba Ebhe ne namemene ko.»

*Yesu ayoko kpéke anvi pi
'ngu*

*(Tsia bhú Mat. 8:23-27; di
ne bhú Mlk. 4:35-41.)*

²² Ekpí bini pipita-a, Yesu ne omukpata gba e a'u bhú zabu bini. Ani atsia apa pi uo me: «Ní gulu ekpoe-o ai 'ngu.» Abhomu-o, u atsia atapa.

²³ Nedhinga u adu agulu 'ngu-o lie, Yesu atsia ati ne ela. Kpéke anvi na gipi aholo nape pi ekpoe-o. Engu aholo nabedhe bhú zabu-o, kuo atsia akolo de uo masikpe.

²⁴ Omukpata adyudyo lio de Yesu masikpe, u atsia azuku ani me: «Músuno,

Musuno, ní adji amú!» Yesu azukú, ani atsia ambe bhá 'ndjí anvi di ne wowo 'ngu-o. Abhomu-o, anvi-e a'o nape, engu-o atsia akolo guguo.

²⁵ Do ani pi uo me: «Nab-huka gba yi-e su?» Engú bini, u adu adje tsulu, u atsia adu angamba naali. Ab-homu-o, u adu apa sonda o me: «A e mangua kpála dho inde ngaha belegu lílì pi anvi ne engu, uo ngamemene!»

*Yesu akobho kpála bini li osisiti bua adu ato mbolo li e
(Tsia bhá Mat. 8:28-34; di ne bhá Mlk. 5:1-20.)*

²⁶ Abhomu-o, u akolo bhá ndu doto gba okpála na Gelasa, ayi ekpoe bhála ndu doto na Galilaya.

²⁷ Nedhinga lí Yesu adu akoto bhá zabu-o lie, kpála bini na kuti bhomu-o ago ngú nabhaka ani. Kpála ango-o, osisiti bua adu bhá ani. Ekpí bhelé, ani du adyi bongo de, ani du asi bhá 'ti de. La-a, ani adu bha bini adu bhá ká olata.

²⁸⁻²⁹ Siti bua-a adu agbulu ani piko. Abhomu-o, u atsia adu agbite 'kpa ani ne 'dhu ani ne ekpu di ne gbindjili ngú nalila ani. Engú bini, kpála ango-o adu atsotsolo gbindjili di ne ekpu-o má dhu dhu dhu! Siti bua atsia adu amba bhála ani ne abhá mili bili. Li kpála ango-o au Yesu lie me-e, ani aholo natu 'ue. Abhomu-o, ani ati bhá li 'dhu Yesu, ani atsia

asula kpekpeke me: «Yesu, Ndili gba Ebhe na Apí 'Kpí, mo okunda namene ngú ma pi? Ma ayo ka mu me, mo oméne ma sisiti de!» Ani apa nani mo-o, anga Yesu adu aha lílì pi siti bua ango-o me ani koto bhá kpála bhomu-o makoto.

³⁰ Yesu atsia ayi kpála ango-o me: «A 'li mu pi?» Ani agie me: «A 'li ma me <Bhelé.»» Ani apa mo-o anga osisiti bua bhelé ali nani bhá ani.

³¹ Osisiti bua ango-o atsia adu akikiliki lio pi Yesu me: «Mo ombá ya bhá tsu 'dú bhe má ngbongobho-o de!»

³² A abhaka me 'ngbé piga opame bini nde ngagili 'zu gba o pi 'ta oo. Osisiti bua-a atsia apa pi Yesu me: «Ha kpadji pi ya, ya li bhá opame bhomu-o.» Ani atsia aziba pi uo.*

³³ Abhomu-o, osisiti bua aze bhá kpála ango-o, u atsia amba lio bhá opame-o. Piga opame bhomu-o libhomu ayie ne holo apí 'ta, u anu alilinda bhá ekpoe-o, u atsia amu.

³⁴ Li omulila gba opame au engú inde akodho 'kpí-e lie, u atsi ne holo, u atsia anu nakpokpo ngali ango-o abhá gudhu ne abhá okuti.

³⁵ Okpála aze ngú nau engú inde akodho 'kpí-o. U akolo de Yesu lie, u abhaka me kpála inde li osisiti bua aze bhá e nde adu kuto

* **8:32 8:32** Engú inde amene lie si-e, a du nani bhá kuti gba omaYuda de, anga omaYuda ngau opame sisiti. Tsia bhá Lev. 11:7, ne bhá Det. 14:8, di ne bhá Mlk. 5:11.

bhú li 'dhú Yesu. Aní adú me aní nde adyi bongo, aní nde ngabhundja 'ngú hana ndjindji. Abhomú-o, tsulu atsia aholo uo.

³⁶ Okpála inde au ndú 'ngú bhomú-o hana atsia akpokpo pi uo maka li Yesu akobho kpála ango-o lie ko.

³⁷ Abhomú-o, ndú okpála hana na ndu doto bhomú-o atsia apa pi Yesu me aní yie bhú kuti gba o mayie, anga u adú adje tsulu naali. Yesu a'ú bhú zabú-o ngú na'e ne enú.

³⁸ Kpála inde li osisiti bua aze bhú e aholo nalopoló lie pi Yesu me: «Yesu, i dú me mū nde akunda-a, mo o'ó ka ma de, ní nū ne mū.» Engú bini, Yesu agie aní sidi, aní atsia apa pi aní me:

³⁹ «Gie limú agba mū, amba mū kpokpo ndú 'ngú inde li Ebhe amene e pi mū-o hana.» Abhomú-o, kpála ango-o atsia atapa ne kpokpo ndú 'ngú li Yesu amene e pi aní-e hana bhú gudhú libhomu.

Yesu akobho olé bini, aní atsia azuku di ndili na olé gba Yailo

(*Tsia bhú Mat. 9:18-26; di ne bhú Mlk. 5:21-43.*)

⁴⁰ Nedhinga li Yesu agie lie lie alí pála ekpè kokoo, okpála bhelé asia aní ndjindji, anga ndú uo hana adú adjeke aní.

⁴¹ Li nedhinga bhomú-o, kpála bini akolo. A adú 'li

aní me Yailo. Aní adú nani ngámá na eti nadje lili gba Moidje na bili bhomú-o. Aní ati bhú li 'dhú Yesu, aní atsia akikiliki lie pi aní me aní nu agba ni,

⁴² anga ndili gba aní na olé adú masikpe de nakpi. Koli ndili bhomú-o bha nani ka aní bini, aní adú ne kalanga ndjikpa ne ká bhisi. Li kpadji-e, bhití okpála asulú Yesu má wakaka!

⁴³ A abhaka me olé bini nde oo. Olé ango-o, ngute adú atuko li aní bhú sunda kalanga ndjikpa ne ká bhisi. [Aní andjia nani tia lie hana pi omútial], engú bini, kpála bini ti nani da nakobho aní de.

⁴⁴ Aní ago ne akele Yesu, aní atsia abu 'kpa e li bongo 'ta aní-o.[†] Ngute-e a'o bha kolo natuko li aní maka ndjombe.

⁴⁵ Abhomú-o, Yesu atsia ayi me: «A abu 'kpa e li ma da?» Ndú uo hana agie me: «A ko naae ya de!» Piele atsia apa pi Yesu me: «Mésuno, bhití okpála inde asa mū ngbalina inde, ngasulú mū ngao.»

⁴⁶ Engú bini, Yesu atsia apa me: «Kpála bini abu 'kpa e li ma, anga ma ambila me té angu gba ma-a akoto.»

⁴⁷ Olé ango-o au me Yesu ambila engú inde ni amene e ambila. Abhomú-o, aní ago ne nagukú, aní tsia ati bhú li 'dhú Yesu. Aní atsia akpokpo pi Yesu kala ndú okpála hana ta 'ngú inde

[†] 8:44 8:44 Bhú lili gba omaYuda-a, li olé du ne kuo gba olisi-e, aní bu 'kpa e li bhoko-o, li bhoko ango-o kólo sisiti kala Ebhe. Tsia bhú Lev. 15:25-33.

ani abu 'kpa e li ani lie, di ne maka ani akobho bha lie maka ndjombe-o.

⁴⁸ Yesu pi ani me: «Ndí ele-e, mo okobho, anga mo obhuka ma kúkulú. Nu ne guo 'ngú.»

⁴⁹ Nedhinga li Yesu adú apa lie mo-o, kpála bini ayie agba ngámá Yailo, ani ago apa pi ani me: «Ndíli gba mu-o andjili. Mo ondála matá muesuno de.»

⁵⁰ Engú bini, li Yesu adje ani lie, ani atsia apa pi Yailo me: «Mo odjé tsúlú de, du bha ne nabhuka, ndíli gba mu-o akóbho makobho.»

⁵¹ Li Yesu akolo lie agba ngámá Yailo, ani ziba de me kpála bini li nganda ni abhá 'ti-e de, bha bini Piele, Djaa ne Djaki, a la bhadi-e 'dyi ndíli-e ne 'hi ndíli-o.

⁵² Ndú okpála inde adú oo hana, adú atú 'ue ne naku 'gbá ngú ndíli ango-o. Abhomu-o, Yesu atsia apa pi uo me: «Yi 'o naku 'gbá! Ndíli-e kpi de, engú bini, ani tila.»

⁵³ La-a, u aholo namu ani anga u adú ambila ndjindji me ndíli-e akpi.

⁵⁴ Abhomu-o, Yesu aholo 'kpa ani, ani atsia asúla kpekpeke me: «Ndíka ma, yie bhúlá!»

⁵⁵ Ndíli-e azuku, ani ayie bhúlá kolo má gala! Yesu atsia aha lili pi uo me, u ha ezu pi ani.

⁵⁶ Okpála inde azu ani angamba naali. Engú bini,

Yesu agbele 'dje uo kpekpeke me u apá belegü engú inde akodho 'kpí-e pi kpála bini de.

9

*Yesu atima obhúlú titima ndjikpa ne ká bhisi gba e-o
(Tsia bhú Mat. 10:5-15; di ne bhú Mlk. 6:7-13.)*

¹ Ekpí bini, Yesu apo bhúla omukpata ndjikpa ne ká bhisi gba e-o. Ani aha angu pi uo me u pandja ndú osisiti bua hana bhú okpála, amba u kobho di okpála na kuo.

² Pipita-a, ani atsia atima uo me u nu ne kpokpo ngali Naú gba Ebhe, amba u kobho di okpála na kuo.

³ Ani pi uo me: «Nanu ka yi-e, yi abhá oehe de. Yi ahá ndula de. Yi ahá ehe ngú nabi 'he bhúbhú de. Yi ahá ezu de. Yi ahá falanga de. Kpála bini bhú ká yi ahá bongo na mbulu bhisi de.

⁴ Ndú eti hana u asía yi bhú e-e, yi du bha oo, akólo li nedhinga inde yi ayié lie bhú eti ango-o.

⁵ Ndú eti hana u sia yi bhú e de-e, yi de koto bhúbhú, amba yi pulu doto na kuti gba uo inde adhedhe li 'dhú yi-o. Bhabhomu-o asúno pi uo me u amene siti 'ngú.»*

⁶ Obhúlú titima gba Yesu agbida, u apá bhú ndú okuti hana. U akpokpo Bádha Ngali gba Ebhe-e pi okpála.

* **9:5 9:5** Okuti gba omaYuda inde i ziba nani Bádha Ngali gba Ebhe-e de-e, u du nani au uo maka omaYuda de, ne odoto gba o-o hana. Tsia bhú Mlk. 6:11.

U atsia akobho di okpála na kuo ne ndu bili hana.

Mabhundja gba Elode ad-holo ngangá

(*Tsia bhú Mat. 14:1-12; di ne bhú Mlk. 6:14-29.*)

⁷ Elode , ngámá na ndu doto na Galilaya, adje ndu 'ngú li Yesu ne omúkpata gba e adu amene e hana. Abhomú-o, mabhundja gba ani-e atsia aholo adholo ngangá, anga okpála koko adu apa me: «Djaa bhúlú nabatisa okpála azuku!»

⁸ Okoko adu apa me: «Polofeta Eliya akoto bhomú-o ngae.» Okoko atsia adu apa matá me: «Súka opolofeta na kalanú-o, azuku bhomú-o ngae.»

⁹ Engú bini, Elode atsia apa naae me: «Ma aha naní líli-e ngama me u kodho ngúlú Djaa . Kpála bhende ma ngadje okpála apa 'ngú gba e me-e, a ko matá naae da?» Abhomú-o, ani atsia adu agíli me ni u Yesu.

Yesu aha 'zú pi bhití okpála

(*Tsia bhú Mat. 14:13-21; ne bhú Mlk. 6:30-44; di ne bhú Dja. 6:1-14.*)

¹⁰ Li obhúlú titima agie lio lie de Yesu-o, u atsia akpokpo ndu 'ngú inde u amene e hana pi ani. Pipita-a, ani abha uo, ani atsia atapa ne uo de okpála tsutsu li pápá na gúdhú na Betesaida.

¹¹ Engú bini, li bhití okpála bhomú-o ambila lie me u agbida oo, u atsia akpata ani. Abhomú-o, Yesu asia

uo, ani atsia akpokpo 'ngú píndji Nau gba Ebhe-e pi uo. Ani atsia akobho di okpála inde adu ne kuo ko.

¹² Li ekpí ahólo lie nabi-e, obhúlú titima ndjikpa ne ká bhisi-e adyudyo lio de Yesu, u atsia apa pi ani me: «Ha kpadjí pi okpála, amba u gbida nagíli dabili nasi téte, di ne ehe nazú mazú bhú odjedje kuti masikpe si, anga ní ei bhú mili bili.»

¹³ Do Yesu pi uo me: «Yi ha 'zú pi uo ngayi.» U atsia agie me: «A bha ka ya si ne mapa bhuluvue di ne sungu bhisi. Ne me mo okunda me ya nu nakala ezú pi ndu okpála inde-e hana ngaya?»

¹⁴ (Obhosí adu nani oo masikpe de kutu bhuluvue.) Yesu atsia apa pi omúkpata gba e me: «Yi pa pi uo me u popo bhúla o okpála ndjikpa bhuluvue, ndjikpa bhuluvue, amba u dálú kuto.»

¹⁵ Omúkpata-a amene maka ani apa pi uo lie ko. U atsia apa pi ndu okpála hana me u dálú kuto.

¹⁶ Abhomú-o, Yesu aha mapa bhuluvue ne sungu bhisi-o, ani atsia 'kpí ne bhúlá, ani atsia agie hení pi Ebhe ngúbula ezú bhomú-o. Pipita-a, ani agúmu mapa ne sungu-o, ani aha pi omúkpata ngú nagagapa li okpála.

¹⁷ Ndú uo hana azú 'he, u a'u'u má kpú kpú kpú! Dudu atigala-a, obhúlú titima alo, a atsia abebedhe okili ndjikpa ne ká bhisi.

Piele apa me Yesu ne Masiya

(*Tsia bhú Mat. 16:13-19; di ne bhú Mlk. 8:27-29.*)

¹⁸ A akolo ekpí bini, Yesu adú akpokpo 'ngú ne Ebhe kpi e kpi me, omukpata gba ani-e nde de ani. Ani atsia ayi uo me: «Okpála ngapa me ma ne da?»

¹⁹ U agie me: «Okpála koko ngapa me, mū ne Djaa bhélù nabatisa okpála. Okoko me, mū ne polofeta Eliya. Okoko matá me, súka opolofeta na kalanú-o azuku.»

²⁰ Ani atsia ayi matá uo me: «A la yi-e, yi ngapa naayi me ma ne da?» Do Piele me: «Mū ne Masiya inde li Ebhe atima e ko.»

Yesu akpo 'ngú pindji nakpi ne nazuku ka e

(*Tsia bhú Mat. 16:20-28; di ne bhú Mlk. 8:30, 9:1.*)

²¹ Engú bini, ani agbele 'dje uo kpekpeke, ani atsia aha lílì me u apá belegú engú bhomú-o pi kpála bini de.

²² Abhomú-o, ani atsia apa matá pi uo me: «A ayo me ngama, Ndili gba kpála-a, ma dje likabhu naali. Obhelesi okpála, ongbengbe odi-mande di ne omusuno na lílì gba Moidje ayála ma. U abhéle ma, engú bini, ekpí na bata-a, ma tsia zúku.»

²³ Pipita-a, ani apa pi ndú okpála hana inde adú oo me: «I dú me kpála nde akunda nakpata ma-a, a ayo me ani 'o nabhundja 'ngú gba e makpe. Ekpí bini ne bini

hana, a ayo me ani bi kulusi gba e-o, amba ani kpata ma.

²⁴ Padhá de, anga i dú me kpála nde akunda nalila mukobho gba e, ani kpi. La-a, i dú me kpála nde akunda nakpi ngubula ma-a, ani tsia kóbho.

²⁵ I dú me kpála nde asia ndú 'he na doto hana, engú la bini, ngaani makpe ani ngita-a, ani tsia kpi-e, a la pi ani babadha bhúbhú ne ni?

²⁶ I dú me kpála bini nde adje námú li 'ngú gba ma-a, di ne bhe ma ngapa e-e, ngama Ndili gba kpála, ma adjé bhadi námú li 'ngú gba ani. A adú moko li nedhinga ma agó lie bhú nau na asasaua gba ma, ne bhe gba 'Dyí ma, di ne bhe gba oandjelu na bububu-o.

²⁷ Ma apa pi yi na paká me, okpála koko bhú ká obhende inde si-e, mū padhá de, u aú ngaiza Naú gba Ebhe-e kalanú.»

Zi Ebhe asa Yesu ngbalina

(*Tsia bhú Mat. 17:1-8; di ne bhú Mlk. 9:2-8.*)

²⁸ Masikpe de ekpí madjina pita ani apa 'ngú bhomú-o lie, Yesu aha Piele, ne Djaa di ne Djaki, ani atsia a'u ne uo apí 'ta ngú nakpokpo 'ngú ne Ebhe.

²⁹ Ani adú akpokpo 'ngú ne Ebhe lie, bhúla ani ayipa lie, bongo gba ani avu má tuu!

³⁰ Kolo me-e, okpála bhisi aze, u atsia aholo nagama 'ngú ne ani. A adú nani Moidje ne Eliya.

³¹ Zi Ebhe asa uo ngbalina. U atsia adu akpokpo 'ngú ne Yesu maka ani adji nandjia kulu gba e lie ne nakpi ka e abhú Yelusalema ko.

³² Piele ne obi e adu ne ela má yikpokpo! U agbungbua lio lie, u au Yesu ne okpála bhisi me zi Ebhe nde asa uo ngbalina.

³³ Li okpála bhisi bhomu-o adu ayie lie de Yesu-o, Piele atsia apa pi ani me: «Müsuno, ya si ndjindji. A ayo me ya yiki 'ti ngbangbali bata, bini pi mu, bini pi Moidje, bini pi Eliya.» (Engú bini, ani du ambila ta 'ngú inde ani adu apa e de.)

³⁴ Nedhingga ani adu apa 'ngú bhomu-o lie, ndindi atsia ago abuku uo. Li ndindi adu abuku uo lie, omukpata atsia aholo nadje tsulu naali.

³⁵ Bhú ndindi-e, eli bini akoto, atsia apa me: «Kpála inde-e, a ko Ndili gba ma inde ma abhu e ko. Yi dje ani!»

³⁶ Pita li eli bhomu-o andjia lie, u au bha ibili Yesu kpi e kpi. Nani li nedhingga bhomu-o, omukpata andjili bha má bulu! U tsia pa nga nani engú ango-o pi kpála bini de.

Yesu akobho ndili na bhobhoko bini li siti bua adu ato mbolo lie

(Tsia bhú Mat. 17:14-18; di ne bhú Mlk. 9:14-27.)

³⁷ Li ekpi aseke lie, Yesu ne omukpata bata-a aké eta-o. Okpála bhelé atsia ago ngú nakeké lio ne Yesu.

³⁸ Bhú ká okpála bhomu-o, kpála bini aholo nasusula

me: «Müsuno, kikiliako, dje nga bha-a mbo ndjinga ndili gba ma na bhobhoko-o. Koli ani bha ka ma bini!

³⁹ Siti bua ngagbulu ani piko. A ngaha pi ani natu 'ue. A ngadyiki ani kpekpeke má djigi djigi! Li efu holo naze bhú 'bhø ani. Bua ango-o le bha nakoto bhú ani pima. Li angu ani ndjia má ngba!

⁴⁰ Ma akikiliki lima pi omukpata gba mu-o me u gbe bua ango-o bhú ani, engú bini, u ale pima.»

⁴¹ Do Yesu de-e: «Ngayi okpála na naki-e, yi ne nab-huka ade, yi ngamene siti 'ngú. Ma adu matá ne yi bhú dabili bini ngubula ekpi madho? Ma akibila matá yi ngubula ekpi madho?» Pipita-a, Yesu apa pi kpála ango-o me: «Go ne ndili gba mu ei.»

⁴² Li ndili-e adu ago lie, bua ango-o adyiki ani má djigi djigi! Ani atsia agu 'i ani kuto má gbwe! Abhomu-o, Yesu ambe bhú 'ndji siti bua ango-o. Ani akobho ndili-o, ani atsia aha ani pi 'dyi e.

⁴³ Ndù okpála hana adu angamba. U atsia aziba me Ebhe ne angu naali.

Yesu akpo matá engú pindji nakpi gba e ko

(Tsia bhú Mat. 17:22-23; di ne bhú Mlk. 9:30-32.)

Li ndù okpála hana adu angamba lie li ndù 'ngú li Yesu adu amene e, ani atsia apa pi omukpata gba e me:

⁴⁴ «Yi dje engú ma adji apa e pi yi inde-e ndjindji. U apú ma, Ndili gba kpála-a, pi okpála na doto.»

⁴⁵ Engú bini, omukpata gba ani-e mbila nani ta 'ngú bhomu-o de. Ebhe awo nani tata-a pi uo mawo. U atsia adu adje tsulu ngú nayi ani téte.

A ngbéngbé da?

(Tsia bhú Mat. 18:1-5; di ne bhú Mlk. 9:33-37.)

⁴⁶ Abhomu-o, omukpata aholo amene kpekebhe sunda o ngú nambila me, a ti da nadu ngbéngbé bhú ká o da.

⁴⁷ Engú bini, li Yesu ambila engú inde u adu abhundja e li bua o-o lie, abhomu-o, ani aha mboye ndili bini, ani a'o ani de e.

⁴⁸ Ani atsia apa pi uo me: «Kpála inde asia mboye ndili inde-e ka 'li ma-a, ani asia bhomu-o ma. Kpála inde asia ma-a, ani asia la di bhomu-o kpála inde atima ma ko. Padhá de, anga kpála inde ane ne mboye bhú ká yi hana-a, ani ane ne engbé ngae.»

Kpála inde i yala yi de-e, a ko naayi kpála

(Tsia bhú Mlk. 9:38-40.)

⁴⁹ Abhomu-o, Djaa adyudyo lie de ani, ani atsia apa pi ani me: «Músuno, ya au kpála bini ngapandja osisiti bua bhú okpála ne 'li mu. Ya di me yoko ani,

anga a ko mukpata gba mu-o maka ya de.»

⁵⁰ Engú bini, Yesu agie pi ani me: «Yi ayóko ani de, anga kpála inde i yala yi de-e, a ko naayi kpála.»

Okpála na kuti bini na ndu doto na Samalia ayala nasia Yesu

⁵¹ Li nedhinga nagie lie ka Yesu abhúlá-a akolo lie masikpe-e, ani atsia aholo kpadji na Yelusalema ne kpéke bua hana.

⁵² Ani atima obhulu titima kalanu bhú kuti bini na ndu doto na Samalia, ngú naleke ndu 'ngú hana pi ani ndjindji.

⁵³ Engú bini, ani adu la anu lie ne abhú Yelusalema-a, okpála na kuti bhomu-o atsia ayala nasia ani.

⁵⁴ Omukpata Djaki ne Djaa au lie mo-o, u atsia apa pi Yesu me: «Ngámá, mo okunda me ya ha lili me muggálá yie abhúlá, amba a go bhili uo?»

⁵⁵ Engú bini, Yesu adji bhúla e ne li pápá gba uo, ani atsia ambe bhú 'ndji uo.[†]

⁵⁶ Abhomu-o, u atsia agbida bhú kuti koko.

Okpála bhende akunda nakpata Yesu

(Tsia bhú Mat. 8:19-22.)

⁵⁷ U adu lie li kpadji-e, kpála bini apa pi Yesu me: «Ma akpáta mu li ndu bili mo onu lie hana.»

[†] 9:55 9:55 U aye bhú obhuku koko-o me: «Yi mbila ngua bua inde i ngagama 'ngú bhú yi-e de. Padhá de, anga ngama, Ndili gba kpála-a, ma go ngú nabhili okpála de, ma ago mangbo ngú nakobho uo.» Tsia bhú Luk. 19:10.

⁵⁸ Yesu atsia apa pí ani me: «A ka onekpé di ne odhu ne dabili gba o ngú nasi téte. Engú bini, dabili ngú naguo ka ma, Ndili gba kpála téte ade.»

⁵⁹ Ani apa matá pí kpála koko me: «Kpata ma.» Engú bini, kpála ango-o apa pí ani me: «Ngámá, 'o nga ma, amba ma nü zi ngaiza 'dyi ma.»[‡]

⁶⁰ Yesu agie pí ani me: «'O okpála bhende amu-o, u zi okuo gba o-o, amba ngamu-o, mʉ nʉ naamʉ ne kpokpo ngali Naʉ gba Ebhe ko.»

⁶¹ Kpála koko apa matá pí ani me: «Ngámá, ma akpáta mʉ makpata. Engú la bini, 'o ngaiza ma, amba ma nʉ bhana lima pí opiga gba ma ko.»

⁶² Yesu agie pí ani me: «Li kpála bini holo namene kulu ne kəngə-o, pipita ani tsia 'kpí ne sidi-e, kpála ango-o ti ne Naʉ gba Ebhe-e de.»

10

Yesu atima omukpata ndjikpa mananika ne ká bhisi

¹ Pipita-a, Ngámá Yesu alo omukpata koko ndjikpa mananika ne ká bhisi.* Ani atsia atima uo bhisi bhisi kalanʉ bhú ndʉ ogudhʉ ne ndʉ bili hana inde a ayo nako lie me, ani nʉ bha ngae makpe ko.

² Ani atsia apa pí uo me: «Nguwa abhú 'dyi bhelé. Engú bini, okpála namene

kulu ango-o bhelé ade. Yi yo ka bhʉlʉ edyi-e me ani tima okpála na kulu bhelé bhú edyi gba e ko.

³ Ma atima yi maka okandølø bhú ká osia. Yi nʉnʉ!

⁴ Yi ahá falanga de. Yi ahá ehe nabí 'he bhúbhú de. Yi ahá maløkø de. Yi adú ne lʉlʉ li kpadjí-e ngú nayiyi okpála de.

⁵ Yi li bhú 'ti bini-e, yi de pa ngaiza me: «Guo 'ngú gba Ebhe-e dʉ bhú 'ti inde.»

⁶ Li kpála inde akʉnda guo 'ngú dʉ bhú 'ti ango-o, li guo 'ngú gba yi-e dʉ bhú dabili bini ne ani. I dʉ mo-o de-e, nayi na guo 'ngú gba yi-e gie lie pí yi.

⁷ Yi dʉ bhú 'ti ango-o. I dʉ me u nde aha ehe nazʉ mazʉ di ne bhe nandji mandji pí yi-e, yi de zu, amba yi ndji. Padhá de, anga a ayo me kpála na kulu sia makalá na kulu gba e ko. Yi adú asi bhú 'ti ngangá de.

⁸ I dʉ me yi nde ali bhú gʉdhu bini-e, li okpála na gʉdhu ango-o sia yi-e, yi de zu 'he inde u ahá e pí yi ko.

⁹ Yi kobho obhʉlʉ kuo inde bhú gʉdhu ango-o, amba yi pa pi ndʉ okpála hana me: «Naʉ gba Ebhe-e akolo de yi masikpe.»

¹⁰ Engú bini, i dʉ la me yi nde ali bhú gʉdhu bini-e, u sia yi de-e, yi de ze ali kpadjí, amba yi pa me:

[‡] 9:59 9:59 A adʉ me 'dyi ani nde kpi nga nani-i de. Tsia bhú Eki. 20:12.

10:1 U aye bhú obhuku koko-o me: «Ndjikpa mananika.»

¹¹ «Ya ngapulu belegü doto na gudhü gba yi inde adhedhe li 'dhü ya, ngú nasuno pi yi me yi amene siti 'ngú. Yi mbila la ndjindji me, Naü gba Ebhe-e akolo de yi masikpe.»

¹² Ma apa pi yi me li 'kpí li Ebhe akódho 'ngú gba okpála lie, okpála na gudhü ango-o adjé likabhu naali ané okpála na Sodomü[†] mane.»

Okuti inde ayala nabhuka Yesu

(Tsia bhü Mat. 11:20-24.)

¹³ «'E-e! A ko likabhu pi yi okpála na gudhü na Koladjina! A ko likabhu pi yi okpála na gudhü na Betesaida! Padhá de, anga i du me ongamba 'ngú inde amene lie agba yi-e, i méne lie bhü ogudhü na Tile ne Sidona-a, okpála na ogudhü ango-o de adyi nani pili didili, u tsia túko 'mbi bhü 'ndji o ngú napana me u adji bua o adji.

¹⁴ Kaka-a, li 'kpí li Ebhe akódho 'ngú gba okpála lie, likabhu gba yi-e ané bhende gba okpála na Tile ne Sidona mane.

¹⁵ Ne yi di, okpála na Kapalanauma-a, yi abhundja naayi me u a'e'e yi abhúlá-a? A mo-o ade. U abála yi bhü djua na duduuma.»

¹⁶ Do ani matá pi omukpata gba e me: «Li kpála bini dje yi-e, amba ani adje bhomü-o ma. Li kpála

bini yala nasia yi-e, amba ani ayala bhomü-o nasia ma. Engú bini, li kpála bini yala nasia ma-a, amba ani ayala bhomü-o nasia kpála inde atima ma ko.»

Omukpata ndjikpa mananika ne ká bhisi-e agie lio

¹⁷ Omukpata ndjikpa mananika ne ká bhisi-e agie lio me u nde abedhe ne djali bedhe. U atsia apa me: «Ngámá, osisiti bua ngamanga belegü ya ngao nedhinga ya ngaha lílì pi uo lie ne 'li mu ko!»

¹⁸ Yesu atsia apa pi uo me: «Ma au Satana ayie abhúlá aké kuto maka mugbálá.

¹⁹ Yi djedje nga, ma aha angu pi yi ngú nadele okpulu ne oapekebhe ne 'dhü yi di ne nandjia ndu angu gba bhulu yala gba yi-e hana. Ehe bini tí da namene yi sisiti de.

²⁰ Engú bini, yi akpí djali ka li osisiti bua ngamanga yi lie de. Yi kpi mangbo djali ka li Ebhe aye 'li yi lie abhúlá ko.»

Yesu akpi djali

(Tsia bhü Mat. 11:25-27, 13:16-17.)

²¹ Bha li nedhinga ango-o makpe-e, Yesu abedhe nani ne djali bedhe ka Bu Bhopua . Ani atsia apa me: «Ma agie hení pi mu, 'Dyi ma, Ngámá na abhúlá ne Ngámá na doto. Padhá de, anga engú inde mo opana e pi

[†] **10:12 10:12 Sodomü:** A ko gudhü inde li Ebhe atsulu nani e ka siti 'ngú gba okpála ango-o. Tsia bhü Dje. 19:24-28.

obhende imbilangü de-e, mo owo pi okpála na imbilangü di ne obhende amene balua má too! A moko, 'Dyi ma, anga mo okunda bha nani moko.

²² 'Dyi ma, mo oha ndu 'he hana muma. Kpála bini mbila de me ngama, Ndili-e, ma ne da-ie, bha bini ngamu, 'Dyi ma. Kpála bini mbila la di de me ngamu, 'Dyi maa, mu ne da-ie, bha bini ngama, Ndili gba mu-o, la di ne okpála bhende li ngama, Ndili-e, ma akunda napana mu pi o ko.'

²³ Pipita-a, ani adji bhála e li pápá gba omukpata gba e-o, ani atsia apa pi uo kpi o kpi me: «A ko djali pi yi, ngayi okpála i ngau engú inde yi ngau e ko!

²⁴ Padhá de, anga ma apa pi yi me opolofeta di ne ongbengbe ongámási bhelé akunda nani nau engú yi ngau e inde, engú bini u u de. U akunda nani nadje engú yi ngadje e inde, engú bini u dje de.»

Kpála bini na ndu doto na Samalía inde amene bádha 'ngú

²⁵ Abhomu-o, mäsuno bini na lili gba Moidje ayie bhulá. Ani atsia ayi Yesu ngú nale ani me: «Mäsuno, a ayo me ma mene pi ngubula me ma sia mukobho na dudu-ma?»

²⁶ Yesu agie pi ani me: «U aye bhá lili gba ní-e pi?

Mo otatanga lie, mu djedje bhúbhú pi?»

²⁷ Kpála ang-o atsia agie pi ani me: «A ayo me kunda Ebhe, Ngámá gba mu-o, ne bua mu hana, ne mukobho gba mu-o hana, ne angu gba mu-o hana, ne mabhundja gba mu-o hana», amba «Mu kunda la di kili mu, maka mo okunda limu lie makpe ko.»[†]

²⁸ Do Yesu pi ani me: «Mo ogie ndjindji. Mene moko, amba mu sia mukobho na dudu-ma.»

²⁹ Engú bini, mäsuno na lili-e ang-o adu akunda nasuno me engú inde ni ayi e, a ngingbili. Abhomu-o, ani atsia ayi Yesu me: «Kilí maa, a ko da?»

³⁰ Do Yesu pi ani me: «Kpála bini ayie nani bhá Yelusalema, ani adu aké ne abhá Djeliko. Li kpadji-e, ani ati bhá 'kpa obhulá 'zi inde adu agbálu 'he gba okpála ne kpéke. U abha obongo gba ani-o. U abhi ani má kpú! U abha lio-o, u agbida. U atsia a'o ka ani masikpe de nakpi.

³¹ Dimandé bini adu apu li kpadji ang-o. Ani au kpála ang-o lie me-e, ani abu-ma bha ani li pála kpadji koko, ani atsia atapa.

³² Kpála bini na piga gba Levi[‡] akolo di li bili li kpála ang-o adu lie-o. Ani au ani lie, ani abu-ma bha ani li pála kpadji koko, ani atsia atapa.

[†] **10:27** **10:27** Tsia bhá Det. 6:5; di ne bhá Lev. 19:18. [‡] **10:32** **10:32** *Piga gba Levi*: A ko okpála inde a adu nani ateteke odimandé li kulu bhá 'ngbé 'ti Ebhe gba omaYuda-o.

³³ Engú bini, kpála bini na ndu doto na Samalia inde adu naae bhú dhukú li kpadji bhomu-o, akolo de ani. Ani au ani lie, ani adje ndjinga ani naali.

³⁴ Ani adyudyo lie de ani masikpe. Ani aha emu di ne vino, § ani atuko li djila oeka gba ani-o, ani atsia agbite ne papala bongo. Ani aha ani, ani a'o ani pi 'ngbu punda gba e-o. Ani anu ne ani bhú 'ti gba ogomago. Oo, ani atsia alila ani ndjindji. ³⁵ Li ekpi aseke lie, ani agbe lí falanga bhisi, ani aha pi bhulü eti-o. Ani atsia apa pi ani me: <Lila kpála inde-e ndjindji. I du me mu nde apu tia koko pi ani pi bhende-e, ma agie pi mu ngama, nedhinga ma apu matá lie si ko.»

³⁶ Yesu atsia ayi mésuno bhomu-o me: «Mo obhundja naamu pi? Bhú ká okpála bata bhomu-o, a ko kpála bhedho adu nani kilí kpála inde ati bhú 'kpa obhulü 'zi bhomu-o?»

³⁷ Mésuno na lili-e agie me: «A ko bhende adje ndjinga ani-o.» Yesu atsia apa pi ani me: «Nunu, amba mu mene bhadi moko.»

Yesu anu natsia Malata ne Malia

³⁸ Li Yesu ne omukpata gba e adu lie li kpadji-e, ani ali bhú kuti bini. Oo, ele bini adu 'li ani me Malata, ani atsia asia Yesu agba e.

³⁹ Malata adu ne ndai e na eeole bini, adu 'li ani me Malia. Malia adu naae kuto bhú li 'dhú Yesu, ani atsia adu adje engú inde li Yesu adu apa e ko.

⁴⁰ Bua Malata adu abhulá ka bhti kulu-o. Ani ago de Yesu, ani atsia apa pi ani me: «Ngámá, li ndai ma a'o ka ma lie namene ndu kulu hana kpi ma kpi me-e, mu bhundja 'ngú téte bini di? Pa ngala pi ani me, ani go ha mbo 'kpa e muma.»

⁴¹ Ngámá agie pi ani me: «Malata, Malata, mu nga'o bua mu abhulá, mu la di ngatutu limu ngubula ongú bhelé.

⁴² La-a, a ndjindji ne koli 'he bini. Malia aha naae ehe inde ane ne bádha, inde li kpála bini dhépe e ka ani de.»

11

Yesu asuno nakpokpo 'ngú ne Ebhe pi omukpata gba e-o

(Tsia bhú Mat. 6:9-13.)

¹ A adu ekpi bini, Yesu adu akpokpo 'ngú ne Ebhe li bili bini. Ani andjia lie, suka omukpata gba ani-e atsia apa pi ani me: «Ngámá, suno nakpokpo 'ngú ne Ebhe pi ya, maka li Djaa asuno di lie pi omukpata gba e ko.»

² Yesu atsia apa pi uo me: «Yi du akpokpo 'ngú ne Ebhe-e, yi de pa me: <'Dyi ya, a ayo me, okpála mbila me, mu ne Ebhe na bubu;

a ayo me, mu go u
Ngámá píla doto.

³ Ha ezu gba ya na ekpí bini
ne bini-e pi ya.

⁴ Mbu li osisiti 'ngú gba ya
ko.

A moko, ngaya makpe,
ya ngambu di li osisiti
'ngú li okpála amene e
li pabili gba ya ko.

Mo o'ó de me nale ha angu
ya-a de.»

⁵ Yesu atsia apa matá pi uo
me: «I du me suka yi bini
nde ne kili e, ani nu bhaka
ani agba e tutu sukpe ngú
napa pi ani me: <Wai, ha
mbo mapa muma bata.

⁶ Kilí ma bini inde bhú
dholo ago li ma oo, ehe la ka
ma ngú nahaha pi ani ade.»

⁷ I du me bhende abhú 'ti-
e nde agie pi ani me: <Mo
ondála ma de! Ma ani bhoti-
e ani. Ngaya ne ongisi gba
ma-a, ya asili kuto asili. Ma
ti da nayie bhúlá ngú naha
mapa pi mu de.»

⁸ Ma apa pi yi na paká me,
abana ani yie bhúlá ngú na-
haha pi ani kabula mukunda
gba o-o de-e, engú bini, ani
ayié bhúlá ngú naha ndu 'he
hana inde ani nde ne gumu
e pi ani ka ani ngandala ani
lie ko.

⁹ Ngama-a, ma atsia apa pi
yi me, yi yo 'he inde yi nde
ne gumu e-o, amba Ebhe ha
pi yi. Yi gili 'he inde yi nde
ne gumu e-o, amba yi u. Yi
bhi bhoti-o, amba Ebhe 'u pi
yi.

¹⁰ Padhá de, anga ndu
okpála hana inde ngayo 'he
ani nde ne gumu e, ani ngas-
sia. Kpála bhende ngagili
'he inde ani nde ne gumu e,
ani ngauu. Ebhe nga'u bhoti
pi kpála bhende ngabhibhi-
o.

¹¹ Bhú ká yi odyi ongisi-e, a
ti da naha kpulu pi ndili gba
e da, i du me ndili-e nde ayo
ka ani sungu-o?*

¹² I du me ani nde ayo ka
ani pala 'ngú-o, ani tsia há pi
ani apekebhe-e?

¹³ Belegu ngayi okpála na
sisiti-e, yi ngaha babadha 'he
pi ongisi gba yi-o. A ane
la mane ne bádha pi 'Dyi yi
inde abhúlá-a me ani ha Bu
Bhobua pi obhende ngayoyo
ka ani ko!»

*Yesu agbe siti bua inde
adu ani 'bhe kpála-o*

*(Tsia bhú Mat. 12:22-30;
di ne bhú Mlk. 3:22-27.)*

¹⁴ Yesu adu agbe siti bua
inde adu ani 'bhe kpála bhú
bhoko bini. Li siti bua angoo
akoto lie, kpála angoo
aholo agama 'ngú. Abhomu-
o, bhti okpála inde adu oo
angamba naali.

¹⁵ Okpála koko bhú ká uo
atsia apa me: «Ngámá gba
osisiti bua inde 'li e me
Beledjebula ngaha angu pi
ani ngae, ngú napandja os-
isiti bua ne di!»

¹⁶ Okoko adu agili nale ani.
Abhomu-o, u atsia apa pi ani
me, ani mene ngamba 'ngú
ngú napana me, angu gba
ani-e ngayie abhúlá.

* **11:11 11:11** U aye bhú obhuku koko-o me: «Teme i du me u nde ayo ka ani
mapa.»

¹⁷ Engú bini, Yesu ambila mabhundja gba uo-o lie, ani atsia apa pi uo me: «I du me okpála gba ngámá bini nde ngagú gbele súnda o, naú ango-o lú-u de. Li ndu eti hana túko.

¹⁸ I du me omaha Satana nde ngagú gbele súnda o-o, naú gba ani-e ti da nalú lele pi? Padhá de, anga yi ngapa me, ma ngapandja osisiti bua ne angu gba Beledjebula.

¹⁹ I du me ma nde ngapandja osisiti bua ne angu gba Beledjebula-a, okpála gba yi-e ngapandja uo ne angu gba da? Kaka-a, okpála gba yi-e akódho 'ngú gba yi-e ngao!

²⁰ La-a, i du me ma nde ngapandja osisiti bua ne angu gba Ebhe na paká-a, apa bhomu-o me, Naú gba Ebhe-e akolo li yi akolo.

²¹ Li kpála bini na angu inde li tia 'gú nde ka e ndjindji, du alila eti gba e-e, ehe bini dúla tia gba ani-e de.

²² Engú la bini, i du me kpála bini inde ane ani ne angu-o go, ani há egú pi ani, ani tsia há angu ani. Ani bhá ndu tia 'gú inde ani adu a'o bua e lie hana. Ani tsia gápa ndu 'he inde ani abha e ka ani-e hana.

²³ Kpála bhende pi ma ade-e, a ko yala ma. Kpála bhende i ha 'kpa e muma ngú napo bhála okpála de-e,

ani ngatsambala uo matsambala.»

Siti bua ti da matá nagie lie

(*Tsia bhú Mat. 12:43-45.*)

²⁴ «Li siti bua koto bhú kpála bini-e, ani ná ne djakadha abhú omili bili† ngú nagili bili naguo ka e téte. I du me ani nde u de-e, ani pá li bua e me: «Ma agié lima bhú 'ti gba ma inde ma akoto nako bhú e-o.»

²⁵ Ani gie lie oo, ani bháka me u apo bhú 'ti-o, u aleke ndjindji.

²⁶ Abhomu-o, ani ná, ani bhá osisiti bua koko mananika inde ane ani ne siti. U gie lio bhú dabili bini, u lí bhú 'ti-o, u tsia dálú. Pipita-a, mukobho gba kpála ango-o, kólo la matá sisiti naali ane bhende na kalanu-o mane.»

Djali na kúkulu

²⁷ Nedhinga ani adu apa 'ngú bhomu-o lie, ele bini atsia asula pi ani bhú ká okpála me: «A ko djali pi ele inde azu mu-o, inde di mo ondji 'ka e-o!»

²⁸ Engú bini, Yesu agie me: «A ko djali mangbo pi okpála inde ngadje eli gba Ebhe di ne nalilila ko!»

Yesu ayala namene ngamba 'ngú pi okpála

(*Tsia bhú Mat. 12:38-42.*)

²⁹ Li bhiti okpála ago apo bhála o lie de Yesu-o, ani atsia aholo apa me: «Okpála na naki inde-e sisiti. U ngayo ngamba 'ngú. Engú

† **11:24 11:24 Mili bili:** A ko bili inde li engu nde lie ade, li kpála ti da di nasi kuti lie de.

bini, Ebhe méne ngamba 'ngú bini pi uo de, bha bini bhende gba polofeta Djonasi.

³⁰ Padhá de, anga maka li Ebhe aha nani Djonasi lie ngú napana ngamba 'ngú pi okpála na Ninive-e, Ebhe ahá bhadi ma, Ndili gba kpála-a, ngú napana ngamba 'ngú pi okpála na naki moko.

³¹ Ngámá na eelé inde adu atsia 'kpí li ndu doto na Saba ayie nani tsutsu ngú nago nadje oeli na imbilangú gba 'ngbé ngámá Salomo. Li Ebhe akódho 'ngú gba okpála lie, ngámá na eelé ango-o alá kala okpála na naki, ani tsia a'ó 'ngú pi uo. Kaka-a, kpála bini si, ani ane Salomo mane!

³² Okpála na Ninive adji nani bua o li nedhingga u adje ngali gba Ebhe inde li Djonasi adu akpokpo e lie-o. Li Ebhe akódho 'ngú gba okpála lie, okpála na Ninive alá kala okpála na naki, u tsia a'ó 'ngú pi uo. Kaka-a, kpála bini si, ani ane Djonasi mane!»

Nadu li zi 'kpí

(Tsia bhú Mat. 5:15, 6:22-23.)

³³ «I du me kpála bini nde adhedhe eke-e, ani tó asa lusa de. Engú bini, ani 'ó pi 'he amba okpála inde ngali bhú 'ti-e, u u 'kpí téte ndjindji.

³⁴ Djila mu ne zi 'kpí na kute mu. Li djila mu

dú ndjindji-e, ndu kute mu hana dú bhú zi 'kpí. Engú bini, li djila mu du sisiti-e, ndu kute mu hana dú bhú biti.

³⁵ Tsia ndjindji me zi 'kpí inde bhú mu-o, adú biti de.

³⁶ I du me ndu kute mu hana nde li zi 'kpí-e, yá mu bini nde bhú biti ade-e, kute mu libhomu dú li zi 'kpí, maka li zi 'ke ngaziga mu lie má ngilili ko!»

Yesu ambamba ta osisiti 'ngú gba omuFalisai di ne bhende gba omusuno na lili gba Moidje-o

(Tsia bhú Mat. 23:1-36; di ne bhú Mlk. 12:38-40.)

³⁷ Li Yesu andjia nagama 'ngú lie, muFalisai bini atsia a'i ani agba e ngú nazú 'he. Ani ali abhú 'ti gba muFalisai-o, ani atsia aholo nazú 'he-o.

³⁸ MuFalisai ango-o angamba naali, anga ani au me Yesu vúlu lie kala nazú 'he-e de.‡

³⁹ Abhomu-o, Ngámá Yesu apa pi ani me: «Ngayi omuFalisai-e, yi ngavulu kute pápá di ne kute saani. Engú la bini, ngayi-e, yi abedhe ne 'ngbé bua di ne siti bua bhú yi bedhe.

⁴⁰ Imbilangú bhú yi ade! Ebhe inde abho kute-e, ani bho di bua ngae di?

⁴¹ Kaka-a, yi ha mangbo pi obhulú ndibhili ehe bhende bhú opápá di ne bhú osaaní gba yi ko. Yi mene mo-o,

‡ 11:38 11:38 OmuFalisai adu nani navulu lio kala nazú 'he ngubula nasuno me o naao ne obabadha okpála kala Ebhe.

lì ndü 'he hana kólo pi yi babadha.

⁴² La-a, a ko likabhu pi yi, omüFalisai! Padhá de, anga yi ngaha bini bhú ká ndjíkpa na oulu na sese ne ndü djedje ulu na abhú 'dyi-e hana pi Ebhe. La-a, yi mene engú na ngingbili pi okpála de. Yi kunda la di Ebhe de. A la bhomü-o engú inde ayo me yi mene ngaiza e me, yi nde 'ili 'to yi li na bini bhú ká ndjíkpa na oehe gba yi-e pi Ebhe de ko.

⁴³ A ko likabhu pi yi, omüFalisai! Padhá de, anga yi kunda bha nadülü pi dabili na akalanü bhú oti nadje lili gba Moidje. Yi kunda la di me okpála du ne yiyi yi maka ongámási li ohikpadji.

⁴⁴ A ko likabhu pi yi! Padhá de, anga yi maka olata inde u 'o 'he pi e ngú nasusuno de, li okpála ngadhukü pi e me u nde mbila de!»

⁴⁵ Suka omüsuno na lili apa pi ani me: «Müsuno, mo opa lie mo-o, mo osobho di bhomü-o ya.»

⁴⁶ Yesu atsia agie me: «A ko di likabhu pi yi, omüsuno na lili! Padhá de, anga yi ngamene mugito me yi nga'o titili 'he li 'ngbu okpála. Engú la bini, ngayi makpe-e, yi 'o belegü likpa yi bini téte ngú nateteke uo de.

⁴⁷ A ko likabhu pi yi! Padhá de, anga yi ngaleke olata opolofeta, inde li ogbi yi abhili naní o-o!

⁴⁸ Yi ngapana bhomü-o me, yi aziba engú inde li ogbi yi amene nani e ko. Padhá de, anga ngauo-o, u abhili opolofeta, ngayi-e, yi la ngaleke olata uo!

⁴⁹ Kaka-a, Ebhe ne imbilangü gba e, apa li 'ngú gba yi-e me: «Ma atíma opolofeta di ne obhulu titima pi uo. U abhili okoko bhú ká uo, u tsia méne okoko sisiti.»

⁵⁰ Nayie maka li Ebhe abho nani doto lie, okpála atuko ngute opolofeta bhelé. Kaka-a, okpála na naki abí mangimbo ango-o ngao.

⁵¹ Kalanü-o, u abheli Abele. Ali soso-o, u abheli Djakalia bhú mbadhasü na 'ngbé 'ti Ebhe gba omaYuda, sonda bili natsulu enü pi Ebhe ne titina na bubu-o. Ma apa pi yi na paká me, okpála na naki abí mangimbo na ngute okpála bhomü-o hana ngao!

⁵² A ko likabhu pi yi, omüsuno na lili! Padhá de, anga yi ani bhoti na imbilangü-o. La ngayi makpe-e, yi li de. Yi atsia ani la di bhoti ango-o pi obhende akunda nali-o.»

⁵³ Li Yesu ayie lie li bili bhomü-o, omüsuno na lili ne omüFalisai aholo napadha ani. U atsia aholo ayiyi ani li ongú bhelé bhelé.

⁵⁴ Padhá de, anga u adu agili nagbo ani li 'li e.

12

Yi du apa 'ngú mbámbá,

yi adú ne tsulü de

(*Tsia bhú Mat. 10:26-27.*)

¹ Nedhingga bhomu-o, bhti okpála apo bhúla o de Yesu. U adú bhibhiti naali, kaka-a, u adú adedele 'dhu obi o. Abhomu-o, Yesu atsia aholo napa ngaiza pi omukpata gba e me: «'E-e! Yi lila liyi ka levile gba omuFalisai-e uu! Padhá de, anga u ngali bhú ndu ongú hana ne kali gba o-o maka li levile* ngali bhú mapá lie hana ko.

² Ndú 'ngú inde awo lie mawo-o hana, akóto bhú mbasú. Ndú 'ngú inde na pepe hana, ndu okpála hana ambíla.

³ Kaka-a, ndu 'ngú inde yi apá e sukpe-e hana, okpála adjé ne ngbikpi. Ndú 'ngú inde yi apá e bhú tipele abhú 'ti-e hana, okpála asúsula ne di bhú mbasú.»

Kpála inde a ayo me yi kpe e ko

(*Tsia bhú Mat. 10:28-31.*)

⁴ «Ma apa pi yi, ngayi ondaise ma me: yi akpé okpála bhende ngabhele kute-e de, inde pipita-a, i ti da matá namene 'he bini de ko.

⁵ Ma asúno pi yi kpála inde a ayo me yi kpe e ko. Yi kpe Ebhe inde ka e ne angu ngú nabhili okpála. Pipita-a, ani ti da nabu uo bhú djua na dudu-ma. A moko, ma apa pi yi me: yi kpe mangbo ani!

⁶ U tsitsindji odjedje odhu bhuluvue ngubula senge

bhisí di? La-a, Ebhe 'ili 'to e li súka uo bini de.

⁷ Ebhe mbíla belegü alo na sundjo yi-e hana. Yi adjé tsulü de, bhú djila Ebhe-e, yi ane bhti odjedje 'dhu bhomu-o mane!»

Okpála ayála Yesu-o, Yesu ayála di uo

(*Tsia bhú Mat. 10:32-33, 12:32.*)

⁸ «Ma apa pi yi me: kpála inde apá li ma bhú ká djila okpála me ni ne naama kpála-a, ngama, Ndili gba kpála-a, ma apá bhadi li ani bhú ká djila oandjelu gba Ebhe-e me, a ko naama kpála.

⁹ Engú bini, kpála inde apá li ma bhú ká djila okpála me ni mbíla ma de-e, ngama, Ndili gba kpála, ma apá bhadi li ani bhú ká djila oandjelu gba Ebhe-e me, ma ambíla ani de.

¹⁰ I du me kpála bini nde apa siti 'ngú li kute ma, Ndili gba kpála-a, li Ebhe mbú li ani. I du la me kpála bini nde asobho Bu Bhopua-a , Ebhe mbú li ani de.

¹¹ Nedhingga u anú lie ne yi bhú otí nadje líli gba Moidje , di ne kala ongámási inde ngatsia 'kpí li doto me u kodho 'ngú gba yi-e, yi adjé tsulü de me yi akóbho li mangua kpadji dho-ie de, di ne me yi apá pi-ie de.

¹² Padhá de, anga li nedhingga bhomu-o, Bu Bhopua asúno pi yi ngae

* **12:1 12:1** Li bili inde-e, levile ngasuno ehe na sisiti.

engú ìnde a ayo me yi pa e-o.»

Mukobho gba kpála ane tia

¹³ Abhomu-o, kpála bini bhú ká okpála apa pi Yesu me: «Músuno, pa pi ndai ma me aní ha naama tia na libhondi 'dyi ya-a muma haha.»

¹⁴ Yesu agie pi aní me: «Wai, a'o ma kpála nakodho 'ngú di ne nagbogbo bhuesu otia gba yi-e da?»

¹⁵ Aní atsia apa pi ndu uo hana me: «'E-e! Yi lila liyi ka gümü tia na doto uu, anga belegu li tia du bha ka kpála bhelé-e, mukobho gba aní-e dú bhúbhú de.»

¹⁶ Abhomu-o, aní atsia akpokpo gbitaku ìnde-e pi uo me: «Kpála bini na tia adu nani ne odyi bhelé ìnde aha nguwa pi aní naali.

¹⁷ Aní adu ayi li bua e me: «Ma améne si pi? Dabili ka ma ngú nalila nguwa gba ma-a téte hana ade.»

¹⁸ Pipita-a, aní me: «Ma ambila engú ìnde ma améne e ambila! Ma apándjala ongbokopi gba ma-o, ma ayiki ibili obhe na ngbengbengbe. Ma bú nguwa ne otia gba ma-a hana bhúbhú.»

¹⁹ Abhomu-o, ma tsia pá li bua ma me, tia ka ma bhelé ngubula bhti kalanga. Ma guo ngala mbo guguo. Ma zu babadha 'zu, ma ndji pandi, amba ma kpi djali.»

²⁰ Engú bini, Ebhe pi aní me: «Mu ne ngingi! Sukpe na naki-e, mu ngakpi. Ndu

'he ìnde mo opo bhúla e hana-a atígala pi da?»

²¹ Yesu apa matá me: «A bhadi moko pi kpála ìnde ngapo bhúla tia pi e makpe, me aní nde gili nadu bhúlu tia li pápá gba Ebhe de ko.»

Yi ha liyi pi Ebhe

(Tsia bhú Mat. 6:25-34.)

²² Pipita-a, Yesu atsia apa pi omukpata gba e me: «Kaka-a, ma apa pi yi me: yi akína liyi ngubula ezú ìnde yi nde ne gümü e ngú mukobho gba yi-e de. Yi akína di liyi ngubula obongo ìnde yi nde ne gümü e ngú kute yi-e de.

²³ Padhá de, anga mukobho gba yi-e ane ezú. La di-e, kute yi ane bongo.

²⁴ Yi tsia nga odhu, u lulu 'dyi de. U popo bhúla nguwa de. Dabili ngú naleke 'zu ka uo téte ade. Ngbokopi ka uo ade. La-a, Ebhe ngaku uo! Mukobho gba yi-e, ane bhe gba odhu-o tsutsu naali!

²⁵ A ko da bhú ká yi-e, ìnde ka nakina lie, i ti da nadyudyo ekpí na mukobho gba e nga bha mbo ne ekpí bini-e?

²⁶ I du me yi nde ti da namene belegu de mboyé ehe bhomu-o, yi la ngakina liyi ngú ongú koko ka ni?

²⁷ Yi tsia nga ofelele abhiye. U memene kulu de. U dudu bongo de. Ma apa la pi yi me, belegu 'ngbé ngámá Salomo bhú ndu ká tia gba e hana-a, aní sia bongo bini ane ne bádha maka susuka de.

28 I du me Ebhe nde ngadyi bongo li ulu inde nak*i* abhiye, mambi u tsia bhike e bhú djua-a, an*i* t*i* da nadyi bongo li yi ane mane di? Ngayi okpála inde li nab-huka gba yi-e nde yeYe!

29 Kaka-a, yi a'ó bua yi abhúlá ngú nagili ezu inde yi azú e, ne ehe bhende yi andjí e de.

30 Omúpagano, okpála na doto inde-e, u ngagili ehe bhomú-o ndu 'kpí hana ngao. Engú bini, 'Dyi yi Ebhe mbila hana me yi ne gugumú.

31 Yi gili nga mangbo namene ongú inde li Naú gba Ebhe-e akunda e ko. Yi mene mo-o, li Ebhe tsia há di ndu 'he koko pi yi hana pépé.»

*Yi wo tia gba yi-e abhúlá
(Tsia bhú Mat. 6:19-21.)*

32 «Ngayi okpála gba ma, inde bhelé ade-e, yi adjé tsúlú de. Padhá de, anga 'Dyi yi Ebhe au ndjindji me yi du ongámási bhú Naú gba an*i*-e, maka ngaani 'Dyi yi, ni nde lie ne Ngámá ko.

33 Yi tsindji ohe gba yi-o, amba yi ha tiatia, yi ha pi obhúlú ndibhili. Yi bho pi yi ot*i* bongo inde i kádha de. Yi wo tia gba yi-e abhúlá, li bili i sít*i* lie de. Obhúlú 'zi t*i* da nakolo téte de. Okéké t*i* la di da nazuzu de.

34 Padhá de, anga bili inde li tia gba yi-e nde lie, bua yi bhadi oo ko.»

Okpála na kulu inde i ngalila

35 «Yi du bedhe ngubula kulu maka kpála inde adyi bongo na kulu, an*i* atsia adhedhe eke gba e madhedhe.

36 Yi du bedhe maka okpála inde i ngadjeké ngámá gba o me, an*i* nde atapa bhú anokomia na kúva. U ngadjeké me u 'u bhoti-e pi an*i* má gala, li nedhinga inde an*i* agó nabhibhi lie ko.

37 A ko djali pi okpála na kulu inde li ngámá gba o akólo lie, an*i* bháká me u nde la de ko! Ma apa pi yi na paká me, an*i* dyí bongo na kulu gba e-o, an*i* 'í uo ngubula nazú 'he. An*i* tsia há ezu-o pi uo.

38 A ko djali pi uo, i du me an*i* nde abhaka me u nde la de ko, belegú an*i* go tutu sukpe, belegú an*i* go bhú sikkip*i*!

39 Yi mbila ndjindji me, i du me bhúlú eti mbila nedhinga inde li bhúlú 'zi agó lie mambila-a, an*i* de 'ó de me an*i* li abhú 'ti gba ni-e de.

40 Ngayi di-e, yi du bedhe. Padhá de, anga yi mbila nedhinga li ngama, Ndili gba kpála-a, ma agó lie de.»

Kpála na kulu na ngbing-bili di ne kpála na kulu na sisiti

(Tsia bhú Mat. 24:45-51.)

41 Abhomú-o, Piele atsia ayi an*i* me: «Ngámá, mo opa gbitaku inde-e bha bini pi ya kpi ya kpi? Ne me, mo opa pi ndu okpála hana.»

⁴² Ngámá agie pí ani me: «Kpála na kulu na ngbingbili ne ímbílangú-o, a ko bhedho? A ko kpála bhende li ngámá gba e a'o e ngú nalila etí gba e-o, di ne nagapa ezu pí okpála koko na kulu, i dū me nedhinga ango-o nde akolo-o.

⁴³ A ko djali pí kpála na kulu ango-o, i dū me ngámá gba ani-e nde agie lie agba e, ani tsia bhaka me ani nde ngamene kulu gba e ko!

⁴⁴ Ma apa pí yi na paká me, ngámá bhomú-o 'ó ani pí 'ndjí ndú 'he gba e hana.

⁴⁵ Engú bini, i dū me kpála na kulu ango-o nde apa li bua e me: «Ha-a! Ngámá gba ma-a gó má gala de.» Ani hólo nabhi obi e na obhosibhosí di ne obhe na olisilisi-o. Ani hólo nazú 'he, nandji pandí ne nalangba ne di.

⁴⁶ Ngámá gba ani-e gie lie li ekpí ani djeke ani lie de, li nedhinga inde ani mbila e de. Ngámá gba ani-e 'é ani bhú kulu, ani tsia 'ó ani bhú ká okpála na sisiti.[†]

⁴⁷ I dū me kpála na kulu nde ambila engú li ngámá gba e akunda e, engú bini ani tsia leke lie ngú namemene maka li ngámá ango-o akunda lie de-e, kaka-a, u bhí ani naali.

⁴⁸ La-a, i dū me kpála na kulu nde mbila 'ngú li ngámá gba e ngakunda e de-e, ani mene engú inde a ayo

me u bhí ani ka e, u bhí ani naali de. Padhá de, anga kpála bhende u aha 'he pí e bhelé-e, u ayó bhadi 'he ka ani bhelé. Kpála bhende u a'o 'he sa 'kpa e bhelé-e, u ayó matá ehe ka ani pépé ane mane.»

Yesu ago ngú nagbogbo bhusu okpála

(*Tsia bhú Mat. 10:34-36.*)

⁴⁹ «Ma ago ngú nabhike djua píla doto. Ma akunda me adú atsi matsi!

⁵⁰ A ayo me ma sia batismo na likabhu. La-a, likabhu li bua ma naali akólo li 'kpí inde ma asia lie ko!

⁵¹ Yi abhundja naayi me ma ago ngú na'o guo 'ngú píla doto? Ma apa pí yi me, a mo-o ade. Ma ago mangbo ngú nagbogbo bhusu okpála.

⁵² Nayie pí mbia inde-e, piga bini na okpála bhulu-vue agbó bhusu e, bata ayála bhisi, li bhisi yála bata.

⁵³ 'Dyí ndili ayála ndili na bhobhoko gba e-o, li ndili-e yála 'dyí e.

'Hi ndili ayála ndili na eele gba e-o,

li ndili-e yála 'hi e.

Ogbi na eele ayála ele gba ndala e,

li ele gba ndili-e yála ogbi e. [†]»

Yi mbila engú inde ngakodho 'kpí mbia inde-e ko

(*Tsia bhú Mat. 16:2-3.*)

⁵⁴ Yesu apa matá pí okpála me: «Yi u me ebha ngago ne

[†] **12:46 12:46** U aye bhú obhuku koko-o me: «U kókodho bhusu ani má mbi mbi mbi!» [†] **12:53 12:53** Tsia bhú Mik. 7:6.

kati, yi kolo pá me: «Ebha inde-e adhí madhi.» I tsia méne la bhadi lie moko.

⁵⁵ Yi dje anvi me a nde ngayie li pápá na yoyoko, yi pá me: «Ekpí-e akpá naali.» I tsia méne la bhadi lie moko.

⁵⁶ Ngayi obhálu kali inde-e! Yi mbila engú inde ngakodho 'kpí abhúlá ne bhende píla doto-o hana. La ka ni, yi kunda nambila engú inde ngakodho 'kpí li nedhinga inde-e lie de-e?»

*Yi dje liyi ne kpála inde yi
nde ne e bhá 'ngú ko*

(*Tsia bhá Mat. 5:25-26.*)

⁵⁷ «Ka ni, ngayi makpe, yi mbila nakodho 'ngú na ngingbingbili inde ayo namene e lie de-e?

⁵⁸ I du me yi nde bhá 'ngú ne kilí mu-o, ani du anú ne mu bhá djila okpála nakodho 'ngú-o, mu de mene ne kpéke me yi dje liyi ne ani li kpadjí. Mu ngakpe bhomu-o me, ani anú ne mu pi kpála nakodho 'ngú-o de. Li kpála nakodho 'ngú-o há mu pi osudha de. Li osudha-a tsia bhike mu bhá tikpú de.

⁵⁹ Ma apa pi mu me, mu koto bha oo me, mu nde agie ndu bopulu gba mu-o hana má kpékobhé!»

13

*Ebhe nga'i okpála me u dji
bua o*

¹ Abhomu-o li nedhinga ango-o, okpála koko ago akpokpo pi Yesu me: «Pilate abhili okpála koko na

Galilaya me u nde ngatsulu enu pi Ebhe.»

² Ani agie pi uo me: «Yi abhundja naayi me, i du me Pilate nde abhili uo mo-o, a akunda napa me u adu sisiti ane ndu okpála koko na Galilaya hana?

³ Ma apa pi yi me, a mo-o ade. Engú bini, i du me yi nde dji bua yi de-e, ndu yi hana, yi amú bhadi maka uo.

⁴ Yi bhundja okpála ndjikpa ne ká madjina nani li 'ndjá 'ti na Silue abhili o-o. Yi abhundja naayi me u adu nani sisiti ane ndu okpála koko na Yelusalema hana?

⁵ Ma apa pi yi me, a mo-o ade. Engú bini, i du me yi nde dji bua yi de-e, ndu yi hana, yi amú bhadi maka uo.»

*Ndula na figi inde i li lili
de*

⁶ Pipita-a, Yesu atsia apa gbitaku inde-e pi uo me: «Kpála bini alu nani ndula na figi bhá edyi gba e na vino. Ekpí bini, ani ago nagili lili bhábhá. La-a, ani u belegu de bini.

⁷ Abhomu-o, ani atsia apa pi kpála na kulu gba e me: «Tsitsia nga, a ko mbia inde-e kalanga bata, ma ngago agili lili bhá ndula inde. La-a, ma u belegu de bini. Dede! A ngangi bili padhá ka ni?»

⁸ Engú bini, kpála na kulu-o agie pi ani me: «Ngámá, 'o nga matá ndula ango-o li kalanga inde, amba ma dji doto bhá lili ngbalina, ma tuko doto na eká bhábhá.»

⁹ Koko bhú kalanga na sidi-e, i lí lflí. I du la me a nde li lflí de-e, mu tsia dé.»

Yesu akobho olø bini na kuo bhú 'kpí naguo gba omaYuda

¹⁰ Li 'kpí bini naguo gba omaYuda-a, Yesu adu asuno bhú 'ti nadje lflí gba Moidjé-o.

¹¹ A abhaka me olø bini na kuo nde oo. Súnda kalanga ndjíkpa ne ká madjína, siti bua adu bhú ani. Siti bua ango-o atsia adu anu 'ngbú ani. Kaka-a, ani ale nani nali lie pima.

¹² Li Yesu au olø ango-o lie, ani a'i ani. Ani atsia apa pi ani me: «Hi ma, kuo gba mu-o ayie.»

¹³ Ani abu 'kpa e pi ani, kolo má gala me-e, ani ali lie má ngbúu! Ani atsia aholo nadhege Ebhe.

¹⁴ Engú bini, ngámá na eti nadje lflí-e ake 'ngú lie naali, ka li Yesu akobho kpála lie bhú 'kpí naguo-o. Do ani pi okpála inde adu oo me: «A ne 'kpí madhia ngú namene kulu. Yi go li okpí bhomú-o, ngubula me u kobho yi ne okuo gba yi ko. Engú bini, yi agó bhú 'kpí naguo de!»

¹⁵ Abhomú-o, Ngámá Yesu atsia agie pi ani me: «Yi ne obhálu kali! Li 'kpí naguo-o, yi bhubhulu bagala di ne punda gba yi-e bhú 'ti o, ngú nanu ne uo me u ndji 'ngu di?»

¹⁶ Olø inde-e, ani bhú pig a gba Abalahama. Satana agbite ani kalanga ndjíkpa ne

ká madjína. A ayo de me u bhulu ani li 'kpí naguo di?»

¹⁷ Li Yesu agie pi uo lie mo-o, ndu obhálu yala gba ani-e hana atsia asia númu. Engú bini, ndu okpála hana adu akpi djali ka ndu obabádha kulu hana inde ani adu amene e ko.

Gbitaku pindji lí ndula u a'i e me mütadi

(*Tsia bhú Mat. 13:31-32; di ne bhú Mlk. 4:30-32.*)

¹⁸ Abhomú-o, Yesu atsia apa me: «Nau gba Ebhe-e, a maka ni? Ma ti da napapana li ni?»

¹⁹ A maka lí ndula na mütadi. Kpála bini aha, ani alu bhú 'dyi gba e-o. A ake, a akolo 'ngbé ndula. Odhu atsia ayiki 'ti o bhú oyáyá ko.»

Gbitaku pindji levile

(*Tsia bhú Mat. 13:33.*)

²⁰ Do Yesu matá me: «Ma ti da napana Nau gba Ebhe-e li ni?»

²¹ A maka levile inde li olø bini aha e. Ani atsia akpedhelo ne bhti faline akólo li nedhinga li faline hana afúka lie ko.»

Yi li li bhoti na yeye

(*Tsia bhú Mat. 7:13-14, 21-23.*)

²² Yesu aholo 'nú bhú Yelusalema. Li ani adu anu lie oo, ani adu apu bhú ogudhu ne bhú okuti me ani nde ngasuno Bádha Ngali pi okpála.

²³ Kpála bini ayi ani me: «Ngámá, Ebhe akóbho bha okpála masudha?» Abhomú-o, Yesu atsia agie pi uo me:

²⁴ «Yi mene ne kpéke me yi li li bhoti na yeye-o. Padhá de, anga ma apa pi yi me, okpála bhélé agfíli me ni li, engú la bini u alé pima.

²⁵ A maka me li nedhingga li bhélü 'ti-e ayié bhélá lie, ani ní bhoti-o. Pipita-a, yi délü akilidjo. Yi hólo nabhi bhoti-e me yi nde ngapa me: «Ngámá, 'u bhoti-e pi ya.» Ani tsia gie pi yi me: «Ma mbila bili li yi ayie lie de!»

²⁶ Abhomu-o, yi tsia pá pi ani me: «Ní azu nani 'he, ní andji di pandi ne yi bhú dabili bini. Mo otsia asuno li okpadji gba ya-o.»

²⁷ Ani tsia gie pi yi me: «Mambila bili li yi ayie lie de. Ngayi osisiti okpála, yi yie de ma oo ko!»

²⁸ Nedhingga yi aú Abalahoma, Isaka, Yakobho di ne ndu opolofeta hana lie bhú Naú gba Ebhe-e, li Ebhe tsia bála la naae yi akilidjo! Oo, yi adú aku 'gbá di ne nazu tate yi.

²⁹ Okpála ayie ne 'dje doto badha hana, u tsia gó bhú anokomia bhú Naú gba Ebhe ko.

³⁰ Abhomu-o, okpála koko inde asidi mbia inde-e, u akólo akalanu. Li obhe koko inde akalanu mbia inde-e, u tsia kólo asidi.»

Yesu li kpadji na Yelusalema

(Tsia bhú Mat. 23:37-39.)

³¹ Li nedhingga ango-o, omuFalisai koko ago apa pi Yesu me: «Yie si mayie,

anga ngámá Elode ngakunda nabhéle mu.»

³² Yesu atsia agie pi uo me: «Yi nu pa pi bhélü kali maka nekpe bhomu-o me: «Ma ngapandja osisiti bua bhú okpála. Ma di ngakobho okpála na kuo naki di ne mambi. Ma tsia ndjia kulu gba ma-a bhú 'kpí na bata.»

³³ Engú bini, a ayo me ma kpata kpadji gba ma-a, naki, mambi di ne ekpí na bata. Padhá de, anga a ayo de me, okpála bhéle polofeta li bili koko de, bha bini abhú Yelusalema.

³⁴ Aa! Ngayi, okpála na Yelusalema-a, yi ngabhili opolofeta! Yi la di ngabhili ne teme okpála inde li Ebhe atima o agba yi-o! A ko bhétsibhétsi madho ma akunda napo bhélá yi maka li 'hi 'ngu apopo bhélá ongisi gba e lie sa mbudha e-o. La-a, yi tsia kunda de!

³⁵ Mbia inde-e, kuti gba yi-e atigala padhá. Ma apa pi yi me, yi ú matá ma belegu de bini akólo li nedhingga inde yi apá lie me: «A ayo me Ebhe tuko bisagu pi kpála inde ngago ne 'li ani ko!†»

14

Yesu akobho kpála na kuo li 'kpí naguo gba omaYuda

¹ A akolo ekpí bini, ekpí naguo gba omaYuda-a, Yesu anu nazu 'he agba súka ongámási gba omuFalisai-o. Okpála inde adu oo adu atsia Yesu ne kpéke djila.

† 13:35 13:35 Tsia bhú Djlm. 22:5; di ne bhú Ets. 118:5.

² Abhomu-o, kpála bini inde li kute e asisika ne engu adu kala ani.

³ Yesu ayi omusuno na lili gba Moidje ne omuFalisai-e me: «Lili gba ní aziba nakobho kpála li 'kpí naguo? Ne me a ziba de.»

⁴ Engú bini, u andjili bha má bulu! Abhomu-o, Yesu aha 'kpa bhu kuo-o, ani akobho ani. Ani atsia apa pi ani me ani gie lie agba e.

⁵ Pipita-a, ani pi uo me: «Belegu li 'kpí naguo-o, li suka ongisi gba yi na bhosibhos*i*-e,* i du di-e suka bagala gba yi-e ti bhu 'dú 'ngu-o, yi kolo gbé ani má gala! A mo-o adi?»

⁶ U mbila engú bini inde u agié e téte-e de.

Yi ke liyi ne kuto

⁷ Yesu au me okpála inde u a'i o-o ngadulu pí odabili na akalanu. Abhomu-o, ani atsia apa gbitaku inde-e pi ndu uo hana me:

⁸ «Li kpála bini 'i mu bhu anokomia na kuva-a, mo onu adu pí dabili na akalanu de. Padhá de, anga mu mbila de me, u a'i kpála koko inde ane mu mane e-e de.

⁹ I du mo-o, li kpála inde a'i ndu yi bhisi hana gó pa pi mu me: «O ka dabili bhomu-o pi ani.» Abhomu-o, mu ná ne námu hana, mu tsia du asidi.

¹⁰ Engú bini, li kpála bini 'i mu bhu anokomia-a, mu de ná du pí dabili na asidi, amba li kpála inde a'i mu

agó lie, ani de pa pi mu me: «Ndai ma, dyudyo limu ne akalanu.» Li ndu okpála bhende yi ngazu 'he ne o-o hana, tsia ú mu me, mu ne 'ngbé kpála.

¹¹ Padhá de, anga i du me kpála nde nga'o lie ne abhulá-a, li Ebhe ke ani ne kuto. I du la me kpála nde nga'o lie ne kuto-o, li Ebhe 'e'e ani ne abhulá.»

A ayo na'i da bhu anokomia gba mu-o?

¹² Pipita-a, Yesu apa pi kpála inde a'i ani-e me: «Li mu 'i okpála ngú nazu 'he tulukpe, i du di-e tagolo-o, mo o'í obi mu de. Mo o'í ondaise mu de. Mo o'í okpála na piga gba mu-o de. Mo o'í la di okpála na tia inde asili kuti lingo mu-o de. Padhá de, anga ngauo-o, u 'í di mu li 'kpí koko, u tsia gie ehe inde mo omene e pi uo-o pi mu.

¹³ Engú bini, li mu 'i okpála bhu anokomia-a, 'i obhulu ndibhili. I okpála na eze. I obhende ne eze li 'dhu o-o di ne obhende i u 'kpí de ko.

¹⁴ Mu mene mo-o, mu du ne djali, anga u ti da nagie 'he bini pi mu de. Ebhe agié pi mu li 'kpí li okpála na ngingibili-e azuku lie ko.»

Gbitaku pindji 'ngbé anokomia

(*Tsia bhu Mat. 22:1-10.*)

¹⁵ U adje 'ngu bhomu-o lie, suka okpála inde adu azu 'he

* 14:5 14:5 **Ongisi na obhosibhos*i*:** Bhu obhuku koko-o u aye me «punda.»

bhú dabili bini ne Yesu-o atsia apa pi ani me: «A ko djali pi kpála inde azú anokomia bhú Naú gba Ebhe-o !»

¹⁶ Do Yesu pi ani me: «Kpála bini amene 'ngbé anokomia. Ani atsia a'i okpála bhelé ngángá.

¹⁷ A akolo lie li nedhíngá nazú 'he-e, ani atsia atima kpála na kulu gba e ngú napa pi okpála inde ani a'i o-o me: *«Ezu-o abhu, yi gógo.»*

¹⁸ Kpála ne kpála aholo ayo ka ani me ani mbu li ni. Bhe na kalanú-o apa pi ani me: *«Ma akala edyi, a ayo me ma nü natsitsia. Ma ayo ka mu me mbu li ma.»*

¹⁹ Koko apa pi ani me: *«Ma akala obagala ndjikpa ngubula kulu na edyi. Ma adji nale uo. Ma ayo ka mu me mbu li ma.»*

²⁰ Koko atsia apa matá me: *«Ma aha ele mbia inde. Kaka-a, ma ti dá nanú-u de.»*

²¹ Kpála na kulu-o agie lie agba ngámá gba e-o. Ani atsia akpokpo 'ngú bhomú-o pi ani. Abhomú-o, ngámá-a aholo ake 'ngú lie. Ani atsia apa pi kpála na kulu gba e me: *«Nu má gala bhú odaposo, di ne li okpadji. 'I obhulú ndibhili. 'I okpála na eze. 'I obhende i u 'kpí de, di ne obhende ne eze li 'dhú o.»*

²² Pita nedhíngá masudha-a, kpála na kulu ago, ani atsia apa me: *«Ngámá, ma amene líli gba mu-o amene. Engú bini, dabili nga bha uu.»*

²³ Abhomú-o, ngámá atsia apa pi kpála na kulu gba e

me: *«Nu li okpadji 'dyi, língó oaga na edyi, mba okpála ne kpéke, amba eti gba ma-a bedhe bedhe.»*

²⁴ Padhá de, anga ma apa pi yi me, okpála inde ma a'i o kalanú-o, súka uo bini zú anokomia gba ma-a de!»

Yi 'o ka ndú 'he hana ngú nakpata Yesu

(*Tsia bhú Mat. 10:37-38.*)

²⁵ Ekpí koko-o, li okpála bhelé adú adhukú lie bhú dabili bini ne Yesu-o, ani adji bhúla e li pápá gba uo-o, ani atsia apa pi uo me:

²⁶ «Kpála inde akunda akpata ma-a, a ayo me ani yala 'dyi e ne 'hi e. Ani yala wala e ne ongisi gba e-o. Ani yala ondaise e na obhosibhosí, di ne obhende na olisilisi, amba ani yala belégú mukobho gba e makpe ko. I du mo-o de-e, ani tí da nadú mukpata gba ma-a de.

²⁷ Kpála inde i kunda nabi kulusi gba e de-e, inde i kpata ma de-e, ani tí da nadú mukpata gba ma-a de.

²⁸ I du me súka yi nde akunda nayiki 'ngbé 'ti-e, ani du ngaiza kuto. Ani tsia hólo nabhundja ngú nambila me tia ka ni bhelé ngú nandjia kulu ang-o-o.

²⁹ I du mo-o de-e, ani 'o 'dhú 'ti-e, pipita ani tsia ndjia eti-e de-e, ndú okpála hana inde au-o, u hólo namu ani.

³⁰ U tsia du apa me: *«Yi tsia nga kpála inde, ani akpo nako lita nayiki eti. Engú bini, ani ndjia de!»*

³¹ A bhadi moko, i du me 'ngb   ng  m   bini nde ak  nda nag   'g   ne 'ngb   ng  m   koko, ani du ngaiza kuto. Ani holo nabhundja ng   nambila me, ne okp  la kutu ndjikpa-a, ni ti da nag   'g   ne 'ngb   ng  m   inde ka e ne okp  la kutu ndjikpa bhisi-o.

³² I du mo-o de-e, ani t  ma obh  l   titima pi 'ngb   ng  m   ango-o nedhinga ani nde nga bha lie tsutsu-o. Ani tsia yi ani me: «A ayo namene pi ng  bula me eg   adu-u de-e?»

³³ Abhom  -o, Yesu atsia apa mat   me: «S  ka yi bini ti da nadu m  kpata gba ma-a de, i du me ani nde 'o ka ndu 'he gba e hana de ko.»

Ngutu inde akolo padh  

(*Tsia bh   Mat. 5:13; di ne bh   Mlk. 9:50.*)

³⁴ «Ngutu ne b  dha 'he. Eng   bini, i du me kpokpo nde andjia bh  bh   andjia, u ti da nagie mat   kpokpo bh  bh   ne ni?»

³⁵ A beleg   ndjindji ade ng   doto di ne ng   nalu 'zu. U b  la bha ibili akilidjo. Kp  la inde ne 'dje 'dje ng   nadje 'kp  -e, ani djedje!»

15

Gbitaku gba kand  le inde angita, u atsia au mat   e

(*Tsia bh   Mat. 18:12-14.*)

¹ Ekp   bini, ond  mbi na mandjandja di ne okp  la na

sisiti ago ndu o hana de Yesu ng   nadje ani.

² Om  Falisai ne om  suno na l  li gba Moidje adu adi ani. U adu apa me: «Kp  la inde-e ngasia okp  la na sisiti. Ani la di ngaz   'he ne uo bh   dabili bini!»

³ Abhom  -o, Yesu atsia apa gbitaku inde-e pi uo me:

⁴ «Kp  la bini bh   k   yi ne okand  le k  m   bini. Li s  ka uo bini ngita-a, ani mene pi? A na pak   me, ani 'o k   obhende ndjikpa oduk-pabini ne k   odukpbabini-e li bili naz   'he ka o-o. Ani tsia n   nagili bhende angita-a, ak  lo li nedhinga inde ani a   ani lie-e ko.

⁵ Li ani au ani lie, ani b  dhe ne djali bedhe. Ani h   kand  le-o, ani 'o ani pi de-nkul   e.

⁶ Ani g  ie lie agba e. Pipita-a, ani 'i obi e ne okp  la inde asili kuti de ani-o. Ani tsia p   pi uo me: «Yi kpi djali bh   dabili bini ne ma, anga ma au kand  le gba ma inde angita nako au!»

⁷ Yesu atsia apa mat   me: «Djali adu bhadi moko abh  l   ng  bula kp  la bini na sisiti inde adji bua e. Djali ango-o an   bhende u nde ne e ng  bula okp  la na nging-bili ndjikpa odukpbabini ne k   odukpbabini, inde ngab-hundja me o ne g  mu nadji bua o ade ko.»

Gbitaku pindji l   falanga inde angita, u atsia au mat   e

* **15:8 15:8** Agba omaYuda-a, l   falanga bini (denaliusi) nan   ne makal   pi kp  la na kulu ng  bula ekp   bini.

⁸ «Matá di-e, i du me ele bini nde ne lí falanga* ndjíkpa, li susuка bini ngítá-a, ani méne pi? A na paká me, ani dhédhe eke. Ani pó bili abhú 'ti. Ani gíli má bhotobhoto, akólo li nedhinga inde ani aú lie-e ko!»

⁹ Li ani au lie, ani 'í obi e di ne okpála inde asili kuti de ani-o. Ani tsia pá pi uo me: «Yi kpi djali bhú dabili bini ne ma, anga ma au lí falanga inde angita nako ka ma-a au!»»

¹⁰ Yesu atsia apa matá me: «Oandjelu gba Ebhe-e apkí bhadi djali moko ngubula koli kpála na sisiti bini inde adji bua e ko.»

Gbitaku gba ndili inde angita, u atsia au matá e

¹¹ Yesu atsia apa matá me: «Bhoko bini adu nani ne ongisi na obhosibhosí bhisi.

¹² Bhende na ndimindimi-e apa pi 'dyi e me: «'Dyi ma, ha naama tia na libhondi-e muma haha.» Abhomu-o, 'dyi uo atsia agapa tia gba e li uo.

¹³ Pita 'kpí bedi, ndili na ndimindimi-e abha tia gba e, ani atapa ne di bhú kuti bini tsutsu. Oo, ani andjia tia gba e hana má kpékébhe li ndu 'ngú na padhá padhá!

¹⁴ Li ani andjia tia gba e lie hana-a, adyindi na ngbéngbé atsia ali bhú ndu doto ango-o. Abhomu-o, ani aholo adje gúmu.

¹⁵ Ani anu ali bhú kulu pi suka kpála na ndu doto bhomu-o. Kpála ango-o aha ani, ani atsia atima ani abhú

'dyi gba e me ani du nalila opame.

¹⁶ Ani adu akunda nazu ezu gba opame-o. La-a, kpála bini ha nani ehe nazu mazu pi ani de.

¹⁷ Abhomu-o, ani aholo abhundja. Pipita-a, ani atsia apa li bua e me: «Ndú okpála na kulu gba 'dyi ma-a hana, ezu ka uo bhibhití naali. Ngama la ei-e, ma ngakpi ne gúmu!

¹⁸ Ma agié líma agba 'dyi ma, ma tsia pá pi ani me: 'Dyi ma, ma amene siti 'ngú kala Ebhe di ne li pápá gba mu.

¹⁹ A ayo matá na'i ma me ndili ka mu de. Ha bha ibili ma maka suka okpála na kulu gba mu ko.»

²⁰ Ani atsia aholo agie lie agba 'dyi e. Li nedhinga inde ani adu nga bha lie de kuti-e tsutsu-o, 'dyi ani au ani. Ani au ani lie, ani adje ndjinga ani naali. Ani anu ne holo, ani ati li ngulé ani, ani atsia akama ani li kute e.

²¹ Abhomu-o, ndili-e atsia apa pi ani me: «'Dyi ma, ma amene siti 'ngú kala Ebhe di ne li pápá gba mu. A ayo matá na'i ma me ndili ka mu de.»

²² U akolo lie akuti-e, do 'dyi ani pi okpála na kulu gba e me: «Yaka! Yi go ne yambu bhende ane ne bádha, yi dyi li ani. Yi to kati bhú 'kpa ani, amba yi to maleké bhú 'dhé ani.

²³ Pipita-a, yi nu bhéle folo bagala na tsikpa-o. Ní zu 'he, amba ní kpi djali.

²⁴ Padhá de, anga ndili gba ma inde adu nako mágito me ani akpi-e, ani agie matá lie bhú mukobho. Ani adu nako me ani nde angita, ma atsia au matá ani.» Abhomu-o, u atsia aholo nakpi djali.

²⁵ Li nedhinga bhomu-o, ndili bhende na gigina adu abhiye. Nedhinga ani adu agie lie lie akuti-e, ani akolo lie de eti-e masikpe-e, ani adje tolo 'tsi ne ebi.

²⁶ Ani a'i súka okpála na kulu-o. Ani atsia ayi ani li engú inde adu akodho 'kpí-o.

²⁷ Kpála na kulu ango-o agie pi ani me: «Ndai mu agie lie agie. 'Dyi mu atsia abhélé folo bagala na tsikpa-o, anga ani au me, ani agie lie ne kúte na angu.»

²⁸ Abhomu-o, ndili na gigina-a aholo nake 'ngú lie. Ani ayala nali abhú 'tí-o. 'Dyi ani akoto, ani atsia alopolo lie pi ani me ani lili.

²⁹ Engú bini, ndili-e agie pi 'dyi e me: «Djedje nga, a ko kalanga bhelé ma ngamene kulu pi mu maka bali. Ma ndjo súka líli gba mu-o 'kpí bini de. Mu ha nga la belegu ndili meeme muma bini de me, ya mene anokomia ne obi ma-a ne di.

³⁰ Li ndili gba mu inde andjia tia gba mu-o hana ne olisi na zabhe-e ago lie, mo otsia abhélé folo bagala na tsikpa-a pi ani!»

³¹ 'Dyi ani atsia apa pi ani me: «Ndika ma, ndu 'kpí hana, ní ne mu bhú dabili

bini. Ndú 'he inde gba ma a hana, a ko naamu.

³² Engú bini, a ayo bha iginí me ní mene anokomia amba ní kpi djali. Padhá de, anga ndai mu inde adu nako mágito me ani akpi-e, ani agie matá lie bhú mukobho. Ani adu nako me ani nde angita, ma atsia au matá ani!»

16

Kpála na kulu na kali

¹ Pipita-a, Yesu atsia apa matá pi omukpata gba e me: «Bhulú tia bini adu ne kpála na kulu gba e. Kpála ango-o adu atsia 'kpí li ohe gba ani-o. Okpála koko ago apa pi ani me, kpála na kulu ango-o ngapupu tia gba ani-o.

² Abhomu-o, ani a'i kpála na kulu-o. Ani atsia apa pi ani me: «Ma ngadje pindji mu e mangua 'ngú dho? Suno obhuku na ndu tia gba ma-a hana muma, anga mu tí da matá natsia 'kpí li ohe gba ma-a de.»

³ Abhomu-o, kpála na kulu ango-o aholo ayi bua e me: «Ma améne si pi? Padhá de, anga ngámá gba ma adjí a'é ma bhú kulu. Angu ka ma ngú nade edyi ade. A la di li ma ne námu ngú nadu ne yoyo 'he.

⁴ Aa! Ma ambila engú inde ma améne e ambila, ngubula me okpála sia ma ndjindji li nedhinga u a'é ma lie bhú kulu ko!»

⁵ Abhomu-o, ani a'i okpála bini ne bini inde adu ne

bopulu gba ngámá gba ani-o. Aní ayi bhende na kalanʉ-o me: <Bopulu gba ngámá gba ma-a ka mʉ madho?>

⁶ Aní agie pí ani me: <Ngbəngələ na emʉ kámá bini.› Kpála na kulu-o pi ani me: <Ha 'kpa balʉa na bopulu gba mʉ-o. Dʉ kuto má gala, amba mʉ dji me ndjíkpa bhuluvue.›

⁷ Pipita-a, aní ayi koko me: <A la mʉ-o, bopulu gba mʉ-o madho?› Aní agie me: <Kili mapʉnga kámá bini.› Kpála na kulu-o pi ani me: <Ha 'kpa balʉa na bopulu gba mʉ-o, amba mʉ dji me ndjíkpa madjina.›

⁸ Ngámá gba kpála na kulu na kali ango-o adhəgə aní, anga ani amene ehe maka kpála inde ngau 'kpí tsutsu. Okpála na doto inde-e ne imbilangʉ na kali gba o-o, u ambila namene ehe sʉnda o ane ongisi gba Ebhe.

⁹ Ngama-a, ma apa pi yi me, yi gili nadʉ bhʉ makpolia ne obi yi ne tia na kali na doto inde, amba li tia neke ka yi-e, u de sia yi bhʉ kuti na dʉdʉma.

¹⁰ Kpála bhende ngbingbili bhʉ ohe na djedjedje-e, aní bhadi ngbingbili bhʉ ohe na ngbengbengbe. Kpála bhende ngbingbili bhʉ ohe na djedjedje-e ade, aní di ngbingbili bhʉ ohe na ngbengbengbe ade.

¹¹ I dʉ me yi nde mene ndjíndji ne tia na kali na doto inde-e de-e, Ebhe tí da naha kʉkʉlʉ tia pi yi de.

¹² I dʉ me yi nde mene ehe ngbingbili ne tia gba kpála koko de-e, a há tia gba yi-e pi yi da?

¹³ Kpála bini ti da namene kulu pi ongámási bhisi de. Aní yála bini, aní tsia kúnda koko. Aní méne kulu pi koko ndjíndji, aní tsia ú koko bhʉ djila e padhá. Yi ti da namene kulu pi Ebhe bhʉ dabili bini ne namene pi tia de.»

Yesu asuno pindji 'ngú ngangá

(*Tsia bhʉ Mat. 11:12-13, 5:31-32; di ne bhʉ Mlk. 10:11-12.*)

¹⁴ OmʉFalisai adje ndʉ 'ngú bhomʉ-o hana. Abhomʉ-o, u atsia adʉ amʉ Yesu, anga u adʉ nani akʉnda tia naali.

¹⁵ Yesu atsia apa pi uo me: «Yi ngamene ehe bhʉ djila okpála mʉgito me yi ngbingbili. Engú bini, Ebhe mbila bua yi hana, anga ehe li okpála ngau e bhʉ djila o ngbéngbé-e, Ebhe ngauu bhʉ djila e padhá.

¹⁶ Nakolo li nedhingga gba Djaa bhʉlʉ nabatisa okpála-a, u akpokpo 'li Ebhe pi okpála bhʉ lílì gba Moidje di ne bhʉ obhuku gba opolofeta. Nayie li nedhingga bhomʉ-o, u akpokpo Bádha NgaliNaʉ gba Ebhe-e pi okpála. Kpála ne kpála ngagili ne kpéke me ni li bhʉ kuti na mʉndeyi-o.

¹⁷ A ko mboye 'ngú masudha me ekpí di ne doto kodho 'kpí. A ko la kpéke

da 'ngú me okpála 'e mboye
kú eli bini bhú ká lílì gba
Moidje-o.

¹⁸ Li bhoko bini 'e wala e
bhú kúva-a, ani ha ele koko-o,
ani akunda bhomu-o ele
gba kpála koko. Li bhoko
bini ha ele inde li 'ko e a'e
e bhú kúva-a, ani akunda
di bhomu-o ele gba kpála
koko.»

Gbitaku gba bhulù tia ne bhulù ndibhili

¹⁹ «A adú nani bhulù tia
bini. Ani adú adyi babadha
bongo na tia naali. Ndú 'kpí
hana, ani adú nadú ndjindji.
Ani atsia adú di nazú 'he
ndjindji.

²⁰ Bhulù ndibhili bini adú
di nani oo. A adú 'li ani me
Ladjalo. Eka atsotsolo nani
kute ani hana. Ani adú asi
kuto li bhoti gba bhulù tia-o.

²¹ Ani adú akunda nazú
okpalù 'zú inde adú abala sa
dabili nazú 'he gba bhulù
tia-o. La di-e, obulù adú ago
adhapa oeka gba ani-o.

²² Bhulù ndibhili-e akpi.
Oandjelu aha ani, u atsia
anu a'o ani ade Abalahama.
Bhulù tia akpi di, u atsia azi
ani.

²³ Oo, li bili gba okpála
inde amu-o, ani adú adje
likabhu naali. Ani atsia 'kpí
ne abhúlá, ani au Abala-
hama tsutsu ne Ladjalo de e.

²⁴ Abhomu-o, ani aholo na-
tobhila me: <'Dyi ma Abala-
hama, dje nga bha mbo
ndjinga ma! Tima Ladjalo
me ani to ndji-líkpa e
bhú 'ngu, amba ani go ne
di tenu pí 'mi ma, anga

ma ngadje likabhu bhú djua
inde-e naali.»

²⁵ Abalahama agie pi ani
me: <Ndíka ma, bhundja me
mo osia nani tia bhelé li
nedhinga mo odú lie bhú
mukobho píla doto-o. La-a,
Ladjalo atsia asia nani naae
likabhu naali. Mbía inde-e,
ani ngasia bádha 'ngú, mu la
naamú ngasia likabhu.

²⁶ Matá-a, a súnda ní
ne tsú 'dú, ngubula me li
kpála kunda nayie gba ya
ei akodho 'kpí ne agba yi
oo, ani de le pima! Li
kpála kunda nayie gba yi oo
akodho 'kpí ne agba ya ei-e,
ani de le di pima!»

²⁷ Do bhulù tia me: <'Dyi
ma, kikiliako, ma ayo nga
bha-a ka mu me, tima Ladjalo
agba 'dyi ma,

²⁸ anga ondaise ma na ob-
hosibhosí bhuluvue oo. A
ayo me, ani nu nagbele 'dje
uo, amba ngauo di-e, u agó li
bili na likabhu inde-e de.»

²⁹ Abalahama agie me: <U
mbila lílì gba Moidje di
ne obhuku gba opolofeta-a
hana. A ayo me u dje uo.»

³⁰ Bhulù tia atsia apa me:
<'Dyi ma Abalahama, a mo-
o ade. Engú bini, i du me
súka okpála inde amu-o nde
azuku-o, ani nu pa pi uo-o, u
djí bua o.»

³¹ Abalahama pi ani me: <I
du me u nde dje engú inde
bhú lílì gba Moidje di ne bhú
obhuku gba opolofeta de-e,
belegú i du me súka okpála
inde amu-o nde azuku-o, u
djé di ani de.»»

17

*Yi mbu li siti 'ngú gba
okpála koko*

(*Tsia bhú Mat. 18:6-7, 21-22; di ne bhú Mlk. 9:42.*)

¹ Pipita-a, Yesu apa pi omukpata gba e me: «Engú inde ngato okpála bhú siti 'ngú-o néke de. Engú la bini, a ko likabhu pi kpála inde i ngato engú angó-o ko!»

² I du me kpála bini nde ngato ongisi bhú siti 'ngú-o, a pi ani ndjindji me u gbite ngingi tangulu ani, amba u bhike ani bhú 'ngbé 'ngu. Bhabhomu-o pi ani ndjindji naali ane me súka okpála na bhúbhukú-o ti ka ani bhú siti 'ngú.

³ 'E-e! Yi lila liyi ndjindji!

I du me ndai mu nde amene siti 'ngú-o, mu de suno pi ani. I du me ani nde apa me ni amene sisiti-e, mu de mbu li ani.

⁴ I du me ani nde amene mu sisiti bhútsibhútsi mananika li 'kpí bini-e, ani go bhútsibhútsi mananika hana, ani pa pi mu me: «Ma amene mu sisiti, mbu li ma.» Mu de mbu li ani.»

Nabhuka na kpekpeke

⁵ Obhalu titima apa pi Ngámá Yesu me: «Mene me nabhuka gba ya-a kolo matá kpekpeke.»

⁶ Abhomu-o, Ngámá Yesu atsia agie me: «I du me nabhuka gba yi-e dú maka lí ndula na mütadi-e, yi de tí da napa pi ndula inde-e me: «Yie si, amba mu nu lu

límú abhú 'ngbé 'ngu.» I tsia méne bhadi moko.»

*Kulu inde a ayo me kpála
na kulu mene e ko*

⁷ «Li kpála bini bhú ká yi du ne kpála na kulu gba e bini-e, i du me kpála na kulu angó-o nde ngamene kulu abhiye, ani du di-e ngalila onu-o, ani gie lie akuti-e, ani tsia pá pi kpála na kulu ago-o me: «Go má gala ngú nazú 'he?»

⁸ A mo-o ade. Ani pá mangbo pi ani me: «Lu ezu, mu yipa bongo-o ngú naha ezu-o muma akólo li nedhinga ma andjia nazú 'he lie di ne nandji 'he bhende nandji mandji lie ko. Pipita-a, mu tsia zu 'he amba mu ndji di 'he bhe gba mu-o.»

⁹ Ani ti da nagie hení pi kpála na kulu-o, anga ani amene líli gba ani-e uu? Belégú de bini.

¹⁰ A bhadi pi yi moko. Nedhinga yi amene ndu 'ngú inde u apa e pi yi e lie hanáa, yi de pa me: «Ya bha naaya ne okpála na kulu. Ya amene bha kulu inde a ayo igini me ya mene e ko.»

*Yesu akobho okpála na
kába ndjikpa*

¹¹ Li Yesu adu anu lie abhú Yelusalema-a, ani apu sunda ndu doto na Samália ne bhe na Galilaya.

¹² Ani ali lie bhú kúti bini me-e, obhosí na kába ndjikpa ago aké lio ne ani. U alulú mbo de ani tsutsu.

¹³ U atsia aholo atobhila me: «Ngámá Yesu, dje nga bha-a mbo ndjinga ya!»

¹⁴ Yesu au uo lie, ani atsia apa pi uo me: «Yí nu suno liyi pi odimandø gba Ebhe-o.» Nedhingga u adu anu lie, u atsia akobho.

¹⁵ Li súka uo bini au lie me ni akobho-o, ani atsia agie lie sidi me ani nde ngadhegø Ebhe ne angu hana.

¹⁶ Ani ati bhú li 'dhú Yesu. Ani atu bhúla e ne kuto. Ani atsia agie hení pi Yesu. Bhoko ango-o adu nani kpála na Samalia.

¹⁷ Abhomu-o, Yesu atsia ayi me: «Ndú okpála ndjikpa hana akobho adi? Obhende odukpabini-e la su?»

¹⁸ Kpála bini bhundja nago nagie hení pi Ebhe de, bha bini kpála inde naae ne maYuda ade inde-e?»

¹⁹ Pipita-a, Yesu atsia apa pi ani me: «Yie bhúlá, nuu. Mo okobho, anga mo obhuka ma.»

Nedhingga li Ebhe agó na lie píla doto

(Tsia bhú Mat. 24:23-28, 37-41.)

²⁰ OmáFalisai ayi Yesu me: «Nuu gba Ebhe-e agó nadho?» Ani atsia agie pi uo me: «Nuu gba Ebhe-e gó ngua bhende de me okpála nde ngau mau-o de.

²¹ U pá de me: «Yi tsitsia, a sii!» ne me «A aoo!» padhá de, anga yi mbíla me Nuu gba Ebhe-e bhú ka yi.»

²² Pipita-a, ani atsia apa pi omukpata-a me: «Nedhingga koko akólo makolo. Yi

akúnda me yi u nga bha mbo ma, Ndili gba kpála, 'kpí bini. Engú bini, yi ú la ma de.

²³ U apá pi yi me: «Ani aoo!» di ne me: «Ani sii!» engú bini, yi agú holo oo de.

²⁴ Ekpí li ngama, Ndili gba kpála, ma agó lie, a adú maka mágblá, li zi e ngayie li 'dje kokpí, li pápá bini akólo li pápá koko.

²⁵ Engú bini, a ayo me ma dje ngaiza likabhu naali, amba okpála na naki yala di ma.

²⁶ Maka engú inde akodho 'kpí nani bhú 'kpí Nuá-a, akódho bhadi 'kpí moko li 'kpí inde li ngama, Ndili gba kpála, ma agó lie ko.

²⁷ Padhá de, anga bhú 'kpí Nuá, okpála adu azu 'he. U adu andji pandi. Obhosí ne olisi adu aha lio akolo li 'kpí li Nuá ali bhú zabu lie ko. Ebha adhi, engu asi píla doto libhomu, a atsia abhili ndú uo hana.

²⁸ A adú maka bhú 'kpí gba Loto. Okpála adu azu 'he. U adu andji pandi. U adu akala 'he di ne natsindji 'he. U adu alu 'zu. U adu ayiki 'ti.

²⁹ Engú bini, ekpí li Loto akoto bhú Sodomu lie, djua di ne itimeli ayie abhúlá, abala pi uo maka ebha, atsia abhili ndú uo hana.

³⁰ A akódho bhadi 'kpí moko li 'kpí li ngama, Ndili gba kpála-a, ma súno angu gba ma-a lie pi okpála ko.

³¹ Li 'kpí ango-o, kpála bhende abháka e apí 'ngbu

'ti-e, a ayo de me ani li abhá
'ti ngú nabha ohe gba e de.
A bhadi moko, kpála bhende
abháka e abhá 'dyi-e, a ayo
de me ani gie lie akuti-e de.

³² Yi bhundja engú inde
amene nani wala Loto-o.*

³³ Kpála bhende agíl
nalila mukobho gba e, ani
kpi. Kpála bhende la abhíke
mukobho gba e, ani tsia
kóbho.

³⁴ Ma apa pi yi me, sukpe
ango-o, okpála bhisi adú pi
mako bini, u ahá bini, u tsia
'ó ká koko.

³⁵ Olisi bhisi adú atu
mapunga bhá dabili bini, u
ahá bini, u tsia 'ó ká koko. [

³⁶ Obhosí bhisi adú amene
kulu bhá edyi bini, u ahá
bini, u tsia 'ó ká koko.]

³⁷ Omukpata ayi ani
me: «Ngámá, engú angó
o akódho 'kpí ne su?» Ani
atsia agie pi uo me: «Bili li
kuo kpála adú lie, oagbagba
apékébhé bhadi bhála o oo
ko.»

18

*Gbitaku gba siti kpála
nakodho 'ngú ne eké bini na
eélé*

¹ Pipita-a, Yesu apa gbitaku
bini pi omukpata gba e ngú
nasuno pi uo me, a ayo me u
du nayo Ebhe ndu nedhinga
hana, u andála de.

² Ani pi uo me: «Kpála
nakodho 'ngú bini adú nani
bhá gudhá bini. Ani du akpe
Ebhe de. Ani atsia adú di au
okpála bhá djila e padhá.

³ Bhá gudhá angó-o, eké
na eélé bini adú di oo. Ani
adú ago apa pi ani me: <Leke
engú sunda ya ne kpála inde
ya nde ne e bhá 'ngú ko.›

⁴ Ekpí bhelé, kpála
nakodho 'ngú angó-o adú
ayayala. Pipita-a, ani atsia
apa li bua e me: <Ma ngakpe
Ebhe ade. Ma la di ngau
okpála bhá djila ma padhá.

⁵ Engú bini, eké inde ngan-
dala ma naali. A ayo me ma
leke engú gba ani-o, anga i
du mo-o de-e, ani du bha ago
naba 'ndji ma.»

⁶ Ngámá Yesu atsia apa
matá me: «Yi dje engú inde
li siti bhálu nakodho 'ngú
bhomu-o apa e ndjindji!»

⁷ Ebhe méne bádha 'ngú pi
okpála inde ani alo o-o di? I
du me u nde ngaku 'gba pi
ani sukpe ne ngbikpi-e? Ani
djéke ngengele ngú nateteke
uo?

⁸ Ma apa pi yi me, ani
aléke 'ngú gba uo-o má gala!
La-a, li nedhinga li ngama,
Ndili gba kpála, ma agó lie,
ma abháka me okpála nde
abhuka Ebhe píla doto uu?»

*Gbitaku gba muFalisai ,
ne ndembí na mandjandja*

⁹ Okpála koko adú au lio
me o naao ngingbili. U
atsia adú au ndu okpála
koko hana bhá djila o padhá.
Abhomu-o, Yesu atsia apa
gbitaku inde-e li 'ngú gba uo-
o me:

¹⁰ «Ekpí bini, okpála bhisi
anu bhá 'ngbé 'ti Ebhe gba

* **17:32 17:32** Wala Loto akolo nani teme na ngutu anga ani agumá nani lili
gba Ebhe. Tsia bhá Dje. 19:26.

omaYuda ngú nayo Ebhe. Bhe bini adú muFalisai , bhe koko adú ndembí na mandjandja.

¹¹ MuFalisai-e ayie bhúlá, ani atsia ayo Ebhe a li bua e me: <Oo, Ebhe! Ma ngagie hení pi mu, anga ma maka okpála koko ade. U ngazi 'he. U ngamene sisiti 'ngú. U ngakunda olisi, i du di-e obhosí gba okpála koko. Ma di ngagie hení pi mu, anga ma maka ndembí na mandjandja inde-e ade.

¹² Ma tsetse ezú 'kpí bhisi sunda poso bini ngú nayo mu. Ma haha bini bhú ká ndjíkpa pi ndú 'he ma ngasia e hana.»

¹³ Ndembí na mandjandja alú naae mbo tsutsu, ani akpe belegú natsia 'kpí ne abhúlá. Engú bini, ani atú bhúla e ne kuto, ani abu 'kpí e pi 'ka e, ani atsia apa me: <Oo, Ebhe! Dje nga bha-a mbo ndjinga ma, ma naama ne siti kpála.»

¹⁴ Do Yesu matá me: «Ma apa pi yi me, ndembí na mandjandja ango-o agie nani lie agba e me, Ebhe nde adje nayo gba ani-e adje. Engú bini, Ebhe dje bhende gba muFalisai-e de. Padhá de, anga kpála bhende nga'o lie ne bhúlá-a, li Ebhe kó ani ne kuto. La-a, kpála bhende nga'o lie ne kuto-o, li Ebhe 'é'e ani ne bhúlá.»

Yesu asia ongisi na ndjendje

¹⁵ Okpála adú ago di pi ani ne ongisi na ndjendje ngubula me ani 'o 'kpa e pi 'ndji uo. Li omukpata au lie mo-o, u aholo nayoko uo.

¹⁶ Engú bini, Yesu a'i uo, ani atsia apa me: «Yi 'o ongisi na djedjedje me u go bhaka ma! Yi aní kpadji pi uo de, anga Naú gba Ebhe-e , a pi okpála inde maka uo ko.»

¹⁷ Ma apa pi yi na paká me, kpála inde i sia Naú gba Ebhe-e maka mboye ndili de-e, ani ti ne Naú gba Ebhe-e de.»

*Bhúlú tia ne uo ne Yesu
(Tsia bhú Mat. 19:16-30;
di ne bhú Mlk. 10:17-31.)*

¹⁸ Abhomu-o, ngámá bini gba omaYuda ayi Yesu me: «Musuno, ngamu bádha kpála, a ayo me ma amene pi ngubula nasia mukobho na duduwa?»

¹⁹ Yesu atsia agie pi ani me: «Mu nga'i ma me bádha kpála ka ni? Kpála bini babadha ade. Ebhe bha babadha ngae kpi e kpi.

²⁰ Mu mbila olíli-e ndjindji: <Mo okúnda ele, i du di-e bhoko gba kpála koko de. Mo obhéle kpála de. Mo ozí 'he de. Mo opá eu li kilí mu de. Manga 'dyi mu ne 'hi mu mamanga.†>

²¹ Ngámá ango-o atsia apa me: «Nayie bhú ndili li ma-a, ma amene ndú 'ngú bhomu-o hana.»

²² Pita li Yesu adje engú bhomu-o lie, ani atsia apa

† 18:20 18:20 Tsia bhú Eki. 20:12-16; di ne bhú Det. 5:16-20.

pi ani me: «Mo oneke matá koli ehe bini. Nunu, tsindji ndu 'he gba mu-o hana, amba mu gapa tiatia pi obhulu ndibibili. Mo osia tia abhulá. Pipita-a, mu go kpata ma.»

²³ Ani adje lie mo-o, ani asia likabhu naali, anga tia adu nani ka ani bhelé naali.

²⁴ Li Yesu au lie me ani asia likabhu mo-o, ani atsia apa me: «A bha ndju kpekpeke pi obhulu tia ngú nali bhú Naú gba Ebhe-o!»

²⁵ A kpekpeke pi eya ngubula nali li gudho müssana. A la matá kpekpeke ane pi bhulu tia ngubula nali bhú Naú gba Ebhe ko.»

²⁶ Abhomu-o, okpála inde adje engú inde ani apa e atsia ayi me: «I du mo-o, a ti da nakobho da?»

²⁷ Yesu agie me: «Engú bhende i ti ne okpála de-e, a ati bha ne Ebhe.»

²⁸ Abhomu-o, Piele atsia apa me: «Tsitsia nga, ya a'o ká ndu 'he gba ya-a hana ngú nakpata mu.»

²⁹ Do Yesu pi uo me: «Ma apa pi yi na paká me, i du me kpála bini nde a'o ká eti gba e, ani 'o ká wala e, ani 'o ká ondaise e, ani 'o ká okpála inde azu e, ani 'o ká ongisi gba e ngubula Naú gba Ebhe-e,»

³⁰ ani sia 'he bhelé naali kuto ei. Pipita-a, bhú nedhinga inde ngago-o, ani tsia sia di mukobho na dudu-ma.»

Yesu akpo 'ngú bhutsibhutsi na bata pindji nakpi di ne

nazuku ka e

(Tsia bhú Mat. 20:17-19; di ne bhú Mlk. 10:32-34.)

³¹ Pipita-a, Yesu aha okpála na titima ndjikpa ne ká bhisi-e, ani anu ne uo li ngongo, ani atsia apa pi uo me: «Yi djedje, ní adji mbia inde-e abhú Yelusalema. Oo, ndu 'ngú hana inde li opolofeta aye e pindji ma, Ndili gba kpála-a, adji amene lie.»

³² Padhá de, anga u apá ma pi omupagano. Li okpála ango-o mu ma, u sóbho ma, u tsia kú di ngusu li kute ma.

³³ U abhí ma ne fimbo. Pipita-a, u tsia bhélo ma. La-a, bhú 'kpí na bata-a, ma tsia zúku.»

³⁴ Engú bini, omukpata mbila nani ta 'ngú ango-o de, anga a awo nani lie pi uo mawo. U tsia du ambila ta 'ngú li Yesu adu apa e de.

Yesu akobho kpála bini inde i u 'kpí de

(Tsia bhú Mat. 20:29-34; di ne bhú Mlk. 10:46-52.)

³⁵ Li Yesu akolo lie masikpe de Djeliko-o, kpála bini inde i u 'kpí de-e adu kuto dengo 'hi-kpadji. Ani adu ayo 'he.

³⁶ Ani adje tolo okpála akodho 'kpí lie, ani atsia ayi me: «A ko ni?»

³⁷ Okpála atsia agie pi ani me: «Yesu, kpála na kuti na Nadjaleta ngakodho 'kpí bhomu-o ngae.»

³⁸ Abhomu-o, ani atsia asula me: «Yesu, Ndili gba Davidi, dje nga bha-a mbo ndjinga ma!»

³⁹ Okpála inde adu akalanu-o aholo ambembe bhú 'ndji ani me: «Gbite 'bhé mu.» Engú bini, ani aholo asusula matá kpekpeke me: «Ndili gba Davidi, dje nga bha-a mbo ndjinga ma!»

⁴⁰ Yesu alu, ani atsia aha lili me u go ne ani pi ni. Ani akolo lie de ani-e, Yesu atsia ayi ani me:

⁴¹ «Mo okunda me ma mene pi mu ni?» Ani agie me: «Ngámá, bhulu djila ma, amba ma u matá 'kpí.»

⁴² Yesu apa pi ani me: «U matá 'kpí uu! Mo okobho anga mo obhuka ma.»

⁴³ Kolo má gala me-e, ani aholo matá nau 'kpí. Ani atsia adu akpata Yesu me ani nde ngadhége Ebhe. Ndu okpála hana inde au engú ango-o, aholo di nadhége Ebhe.

19

Yesu ali bhú 'ti gba Djakayo

¹ Pita li Yesu ali lie bhú Djeliko, ani atsia adu agulu gudhu-o.

² A abhaka me kpála bini nde oo, a adu 'li ani me Djakayo. A adu nani ngámá gba ondembí na mandjandja. Tia adu ka ani bhelé.

³ Ani adu agili nau me Yesu ngae dho. Engú bini, li okpála adu la lie bhelé-e, ani ale nau ani pima anga ani adu nani ndundu.

⁴ Abhomu-o, ani ayiki lie ne holo ne akalanu. Ani atsia a'u bhú ndula bini dengo 'hi-kpadji ngubula me ni u Yesu nedhinga inde ani apú lie oo ko.

⁵ Li Yesu akolo lie li bili bhomu-o, ani a'e djila e ne abhúlá, ani atsia ani. Ani atsia apa pi ani me: «Djakayo, ke kuto má gala, anga a ayo me ma si naki bhú 'ti gba mu-o.»

⁶ Abhomu-o, Djakayo aké kuto bhú holo. Ani atsia asia Yesu ne djali hana.

⁷ Ndu okpála hana au lie mo-o, u aholo adi mütokono. U atsia adu apa me: «Lele pi li kpála inde-e atapa lie nasi agba kpála na sisiti-e!»

⁸ Djakayo ayie bhúlá, do ani pi Yesu me: «Ngámá, djedje nga. Ma agbó bhúsua tia gba ma-a bhisi. Ma ahá bhe bini-e pi obhulu ndibibili. I du me ma nde aha tia gba kpála bini ne kali-e, ma agie pi ani bhútsibhútsi badha.»

⁹ Abhomu-o, Yesu atsia apa pi ani me: «Naki-e, Ebhe akobho mu. Ngamu di-e, mu bhú piga gba Abalahama-o.

¹⁰ Padhá de, anga ngama, Ndili gba kpála-a, ma ago nagili di ne nakobho okpála inde angita ko.»

Gbitaku gba okpála na kulu ndjikpa

(Tsia bhú Mat. 25:14-30.)

¹¹ Yesu akolo de Yelusalema masikpe. Okpála inde adu adje ani-e adu abhundja naao me, Naú gba

Ebhe-e asúno lie pi okpála mbia inde.

¹² Kaka-a, ani atsia apa gbitaku bini pi uo me: «Kpála bini na piga gba ngámá bini anu nani bhá doto bini tsutsu ngubula me u to palata na ngámá tangulu ni, amba pipita-a, ni gie lini.

¹³ Kala me ani nu-o, ani a'i okpála na kulu gba e ndjíkpa-o. Ani agapa lí falanga* bini bini li ndu uo hana. Ani atsia apa pi uo me: «Yi mene kulu ne falanga inde, akólo li nedhinga inde ma agié lima lie ko.»

¹⁴ Okpála na doto gba ani-e adu ayala ani. U atima okpála nganda ani ngú napa me: «Ya kunda de me kpála bhomu-o u ngámá pi 'ndji ya-a de.»

¹⁵ La-a, u ato palata na ngámá tangulu ani. Ani atsia agie lie bhá doto gba e-o. Abhomu-o, ani a'i okpála na kulu inde ani agapa nako falanga lio ngubula nambila bhende u asia e pépé-o.

¹⁶ Abhomu-o bhe na kalanu-o ago. Ani atsia apa me: «Ngámá, ma asia lí falanga ndjíkpa pi bhende nako mo oha e mu'ma ko.»

¹⁷ Abhomu-o, ngámá-a apa pi ani me: «A ndjindji. Mu ne bádha kpála na kulu, anga mo omene ndjindji bhá mboye ehe bedi. Ma a'ó ibili mu ngámá pi 'ndji ogudhu ndjíkpa.»

¹⁸ Bhe na bhisí-e ago, ani atsia apa me: «Ngámá, ma asia lí falanga bhuluvue pi bhende nako mo oha e mu'ma ko.»

¹⁹ Abhomu-o, ngámá-a apa di pi ani me: «Ngamú di-e, ma a'o mu ngámá pi 'ndji ogudhu bhuluvue.»

²⁰ Pipita-a, koko ago, do ani de-e: «Ngámá, lí falanga gba mu-o ii. Ma awo nako bhá bongo.»

²¹ Mu 'o li ma tsulu, anga mu ne kpála inde ngamene 'ngú na kpekpeke. Mu ngaha ehe bhende mu 'o e ngamu de. Mu ngaha 'zu inde mu lu e ngamu de.»

²² Ngámá-a apa pi ani me: «Mu ne siti kpála na kulu. 'Li mu makpe agbíte mu ngae. Mo ombila nako hana me, ma ne kpála inde ngamene 'ngú na kpekpeke. Ma ngaha ehe inde ma a'o e ngama de. Ma ngaha ezu inde ma alu e ngama de.»

²³ Ka ni mu 'o nako tia gba ma-a lie bhá baki de-e? Maka ma ago-o, ma de asia koko pépé.»

²⁴ Pipita-a, ani apa pi okpála inde adu oo me: «Yi dhepe tia inde ka ani bhomu, amba yi ha pi bhende ne di ndjíkpa ko.»

²⁵ U atsia apa pi ani me: «Ngámá, a ka ani ndjíkpa!»

²⁶ Ani agie me: «Ma apa pi yi me, kpála bhende li ehe nde ka e, u ahá ehe pi ani bhelé. Engú bini kpála

* **19:13 19:13** Agba oma Yuda-a, lí falanga bini (olo) nani ne makalá pi kpála na kulu ngubula epe bata.

bhende li ehe nde ka e ade-e, u adhépe belegü mboye ehe inde ka ani ko.

²⁷ La-a, pi obhulu yala gba ma inde i kunda nako de me ma au ngamá pi 'ndji o-o, yi go ne uo ei, amba yi bhili uo kala ma sii.»

*Yesu ali bhú Yelusalema
(Tsia bhú Mat. 21:1-11; ne
bhú Mlk. 11:1-11; di ne bhú
Dja. 12:12-19.)*

²⁸ Pita li Yesu akpo 'ngú bhomu-o lie, ani atsia akodho 'kpí ne akalanu ngú nanu bhú Yelusalema.

²⁹ Ani akolo lie sunda kuti na Betefadje ne Betania-a,[†] lingo 'ta na ondula na Olive, ani atsia atima omukpata bhisi.

³⁰ Ani pi uo me: «Yi nu bhú kuti inde kala yi aoo. Yi akolo lie oo, yi abháka me u nde agbite ndili punda oo. Kpála bini dhukü nga pi ani de. Yi bhulu ani amba yi go ne ani ei.

³¹ I du me kpála bini nde ayi yi me: «Yi ngabhulu ani ngú ni?» Yi de pa pi ani me: «Ngamá ne gumu ani.»

³² Omukpata bhisi anu, u atsia abhaka ndu 'ngú hana maka li Yesu apa pi uo lie ko.

³³ U adu abhulu enu-o lie, obhabhulu-o ayi uo me: «Yi ngabhulu enu bhomu-o ngú ni?»

³⁴ U agie me: «Ngamá ne gumu ani.»

³⁵ Pipita-a, u ago ne ndili 'nu-o pi Yesu. U apa okoti

gba o pi 'ngbu enu-o. U atsia ateteke Yesu ngú na'u pi 'ngbu ani.[‡]

³⁶ Ani adu anu lie, okpála adu apa okoti gba o li kpadji.

³⁷ Ani akolo de Yelusalema masikpe li ngba 'ta na ondula na Olive. Ndú omukpata hana abedhe ne djali bedhe. U atsia aholo nadhègè Ebhe kpekpeke ngú ndu ongamba 'ngú hana inde u au e ko.

³⁸ U adu apa me:
«A ayo me Ebhe tuko bisagu

pi
'ngbé ngamá inde ani atima e ko!

Guo 'ngú abhulá,
amba sangu du di pi Ebhe Apí 'Kpí![†]

³⁹ Omukpata koko inde adu bhú ká okpála bhomu-o, apa pi Yesu me: «Musuno, yoko omukpata gba mu-o mayoko.»

⁴⁰ Yesu atsia agie me: «Ma apa pi yi me, i du me u nde agbite 'bhé o-o, li oteme holo natu 'ue!»

Yesuaku 'gbá ngú okpála na Yelusalema

⁴¹ Li Yesu akolo lie masikpe de Yelusalema-a, ani au gudhu-o lie, ani atsia aholo aku 'gbá ngú okpála angó-o.

⁴² Ani adu apa me: «Aa! Ngayi okpála na Yelusalema-a, i du me yi mbila li 'kpí na naki inde-e, guo 'ngú inde u ago pi yi ne e uu-o! La-a, a

[†] 19:29 19:29 Nayie bhú Yelusalema akolo bhú Betefadje ne Betania, a ko kilometete bata. [‡] 19:35 19:35 Na'u ka Yesu pi 'ngbu punda-a, asuno nani bhomu-o guo 'ngú di ne nake lie ka ani ne kuto. Tsia bhú Djkl. 9:9. [†] 19:38

19:38 Tsia bhú Ets. 118:26.

ko likabhu pi yi anga mbia
inde-e, awo lie pi yi mawo.

⁴³ Padhá de, anga oekpí
koko akólo pi yi makolo, li
'kpí ang-o-o, obhulü yala gba
yi-e, asá aga dengo yi ng-
balina. U búka yi, u tsia há
'gú pi yi ne ndu pápá hana.

⁴⁴ U agágumü gudhu-o. U
tsia bhili ndu okpála inde
bhábhá-o hana. Agba yi-e,
teme bini tígala pi kilí e de,
anga yi mbila nani ekpí inde
li Ebhe ago natsia yi lie de!»

*Yesu ali bhá 'ngbé 'ti Ebhe
gba omaYuda*

(Tsia bhá Mat. 21:12-17;
ne bhá Mlk. 11:15-19; di ne
bhá Dja. 2:13-22.)

⁴⁵ Pipita-a, Yesu ali bhá
'ngbé 'ti Ebhe gba omaYuda-
o. Ani atsia aholo natsam-
bala okpála inde adu atsindji
'he oo-o. §

⁴⁶ Ani apa pi uo me: «U
aye bhá Bhuku gba Ebhe-e
me, Ebhe apa me: <Eti gba
ma-a, a adu eti nayo ma.>
Engú bini, ngayi-e, yi adji,
atsia akolo bili gba obhulü
'zi!»

⁴⁷ Yesu adu asuno ndu 'kpí
hana bhá 'ngbé 'ti Ebhe gba
omaYuda. Ongbengbe odi-
mande, omusuno na líli gba
Moidje di ne obhelesi okpála
adu agili kpadji ngú nabhele
ani.

⁴⁸ Engú bini, u tsia sia
kpadji ngú namemene de,
anga ndu okpála hana adu
adje ani ne gugumü naali.

§ 19:45 19:45 U adu nani atsindji onu di ne odhu bhá 'ngbé 'ti Ebhe gba
omaYuda ngubula me okpála, inde adu ne gugumü ngú nahaha pi Ebhe-e, kala.

† 19:46 19:46 Tsia bhá Isa. 56:7; di ne bhá Djlm. 7:11.

20

*A ngaha angu pi Yesu da?
(Tsia bhá Mat. 21:23-27;
di ne bhá Mlk. 11:27-33.)*

¹ A akolo ekpí bini, Yesu
adu asuno pi okpála bhá
'ngbé 'ti Ebhe gba omaYuda.
Ani atsia adu di nakpokpo
Bádha Ngali pi uo. Ong-
bengbe odiemande gba Ebhe
, omusuno na líli gba Moidje
di ne obhelesi okpála ago.

² U atsia ayi ani me: «Pa
nga pi ya, aha kpadji pi mu
ngú namene ongú inde-e da?
A aha la di angu ang-o-o pi
mu ngánga da?»

³ Abhomü-o, Yesu atsia
agie pi uo me: «Ngama di-
e, ma ayí yi li 'ngú bini. Yi
pa nga muuma,

⁴ a ha kpadji pi Djaa ngú
nabatisa okpála da? Ne me a
ko Ebhe, ne me a ko okpála?»

⁵ U aholo namene
kpekebhe súnda o. U atsia
adu apa me: «I du me ní
nde agie me: <A aha kpadji
pi ani ne Ebhe>, ani yí ní me:
<I du mo-o, ka ni yi bhuka la
nani engú inde ani adu apa
e lie de-e?»

⁶ I du di me ní nde apa
me: <A ha kpadji pi ani
ne okpála-a>, li ndu okpála
hana bhili ní ne teme, anga
u ambila ndjindji me Djaa
nani ne polofeta .»

⁷ Abhomü-o, u atsia agie
me: «Ya mbila kpála inde
aha kpadji pi ani-e de.»

8 Do Yesu pí uo me: «I dú mo-o, ngama di-e, ma pá pí yi de me aha kpadjí mūma da ngú namene ehe inde.»

Gbitaku pindji okpála na kulu inde abhélè ndili gba ngámá gba o-o

(Tsia bhú Mat. 21:33-46; di ne bhú Mlk. 12:1-12.)

9 Pipita-a, Yesu aholo nakpokpo gbitaku inde-e pi okpála me: «Kpála bini alu naní ngu vino.* U adje lio ne okpála ngú namene kulu bhú 'dyi-o, amba o dú agbó bhúsú o ne uo li nguwa-o. Aní atsia atapa dhákú ngubula 'kpí bheldé.

10 A akolo li nedhingga nako lílí o. Abhomú-o, aní atima kpála na kulu bini agba okpála ango-o me u ha nguwa bhe gba ni-e pi ni haha. Engú bini, okpála ango-o abhí kpála na kulu bhomú-o má kpú! U atsia agie aní ne mbúlú 'kpa e padhá.

11 Bhúlú 'dyi-e atima matá kpála na kulu koko bini. U abhí di aní, u asosobho aní, u atsia agie aní ne mbúlú 'kpa e padhá.

12 Aní atima matá kpála na bata. Bhabhomú-o, u atsotsolo kute aní ne eka. U atsia agbe aní bhú 'dyi-o.

13 Abhomú-o, bhúlú 'dyi atsia apa me: «Ma améne si pi? Ma atíma nga íbili

ndili gba ma na mukunda-o. Nedhingga koko-o, u tí da namanga aní.»

14 Engú bini, li okpála ango-o au ndili-e lie me-e, u atsia apa súnda o me: «Yi tsia nga la ndju kpála inde atígala galikpe ne edyi-o. Ní bhéle aní, amba edyi-e kolo íbili naaní.»

15 Abhomú-o, u agbe aní bhú 'dyi-o, u abhélè aní.» Yesu atsia ayi me: «Mbía inde-e, bhúlú 'dyi-e améne ngú uo pi?

16 Aní agó, aní bhíli okpála na kulu ango-o. Aní tsia há edyi-e pi okpála na kulu koko.» Li okpála adje engú bhomú-o lie, u atsia apa me: «A ayo de me, bhabhomú-o mene lie de!»

17 Yesu atsia uo, aní atsia apa me: «Engú inde u aye e bhú Bhuku gba Ebhe-e me: «Teme inde li okpála nayiki eti-e abhike e, akolo teme inde abi eti-e libhomu.†»

A akunda napa pi?

18 I dú me kpála nde atí pi teme ango-o, aní gúgúmu. I dú la di me teme ango-o nde atí pi kpála-a, i tú nü aní.»

Engú pindji nakala mand-jandja

(Tsia bhú Mat. 22:15-22; di ne bhú Mlk. 12:13-17.)

19 Bha li nedhingga bhomú-o, omusuno na lílí gba Moidje di ne ongbengbe odimande gba Ebhe-e, agili naní naholo Yesu, anga u

* 20:9 20:9 Bhú bhuku gba polofeta Isaya-a, vino ngasuno piga gba omañsalaele. Tsia bhú Isa. 5:1-7. † 20:17 20:17 Tsia bhú Ets. 118:22.

ambila me ani apa gbitaku
bhomu-o li 'ngú gba o-o.
Engú bini, u adu adje tsulu
ka okpála.

²⁰ Abhomu-o, u aholo ak-
enge Yesu. U atsia atima
obhulu kali inde adu amene
ehe mugito me uo ngbing-
bili. Okpála ango-o adu agili
naholo ani li 'li e ngubula me
o pu ani pi Pilate, ngámá na
ndu doto ango-o.

²¹ U ayi ani me: «Musuno,
ya ambila me mu ngagama
'ngú ndjindji, mu la di nga-
suno 'ngú ngbingbili. Mu
tsia engbé gba kpála de. Mu
ngasuno kpadji gba Ebhe-e
pi okpála ngbingbili.

²² Pa nga pi ya, a ayo me ya
kala mandjandja gba Kaisala
, 'ngbé ngámá na doto na
Loma-a , ne me ya kala de?»

²³ Li Yesu ambila ekú gba
uo-o lie, ani atsia apa pi uo
me:

²⁴ «Yi suno nga lí falanga
múma bini. A pépé ne kulu
da, la di ne 'li da?» U
agie me: «A ko kulu Kaisala,
'ngbé ngámá na doto na
Loma, di ne 'li ani.»

²⁵ Abhomu-o, Yesu atsia
apa pi uo me: «I du mo-o, yi
ha ehe bhende gba Kaisala,
'ngbé ngámá na doto na
Loma-a pi e, amba yi ha la di
bhende gba Ebhe-e pi Ebhe.»

²⁶ U u siti 'ngú bhú engú
inde ani adu apa e kala
okpála-a de. Engú bini, u
angamba naali ka eli inde
ani agie e ko. Kaka-a, u
andjili bha má bulu!

Nazuku ka okpála inde

amu

(*Tsia bhú Mat. 22:23-33;*
di ne bhú Mlk. 12:18-27.)

²⁷ Abhomu-o, oSadukai
koko ago de Yesu. OSadukai
ziba nani naao de me okpála
inde amu-o, azúku mazuku-
o de. U ayi ani me:

²⁸ «Musuno, Moidje aye
nani lili pi ni me: <Li kpála
kpi 'o ká wala e me ani nde
zu de-e, a ayo me ndai ani
de ha ele ango-o, amba ani
zu ongisi pi ndai e inde akpi
ko.»

²⁹ La-a, adu nani obhosí
mananika bhú piga bini.
Bhende na kalanu-o aha ele,
ani akpi padhá me ani nde
zu de.

³⁰ Bhende na bhisi-e aha
ele ango-o. Ani atsia akpi.

³¹ Pipita-a, bhende na
bata-o. A adu bhadi moko
pi ndu uo mananika hana, u
amu me u nde zu de.

³² Ali soso-o, ele ango-o
atsia akpi di.

³³ Ya ngayi mu me: Li
'kpí li okpála inde amu-o
azúku lie, ele ango-o adu
naa da? Padhá de, anga ndu
uo mananika hana aha nani
ani!»

³⁴ Abhomu-o, Yesu atsia
agie pi uo me: «Okpála na
nakí inde-e ngaha lio.

³⁵ Engú bini, okpála
bhende amu-o, li Ebhe au
me u ti da nazuku ngú nasia
mukobho bhú nedhinga
inde ngago-o, u há lio de.

³⁶ U tí da matá namu-u
de, anga u akolo ibili maka
oandjelu . A ko ongisi gba
Ebhe, anga u azuku.

³⁷ Moidje asuno pi ni mbámbá me okpála inde amu-o azúku mazuku. Aní aye bhú bhuku gba e li bili inde aní akpo 'ngú lie pindji tsa 'po inde adu atsi-e me, Ebhe apa me: «Ma ne Ebhe inde li Abalahama ngadhégo e, Ebhe inde li Isaka ngadhégo e, Ebhe inde li Yakobho ngadhégo e ko.†»

³⁸ Ebhe ne Ebhe gba okpála bhende amu-o ade. Engú bini, a ko Ebhe gba okpála bhende bhú mukobho, maka li Abalahama, Isaka ne Yakobho nde pi aní lie bhú mukobho ko.»

³⁹ Abhomu-o, omusuno na líli koko atsia agie pi aní me: «Musuno, mo opa ndjindji.»

⁴⁰ Kaka-a, u yi matá aní li 'ngú bini de.

Masiya ne Ngámá gba Davidi

(Tsia bhú Mat. 22:41-46; di ne bhú Mlk. 12:35-37.)

⁴¹ Abhomu-o, Yesu apa matá pi uo me: «Lele pi li okpála ti da napa lie me Masiya ne ndili na piga gba Davidi-e?»

⁴² Padhá de, anga ngaani Davidi makpe-e, aní apa bhú bhuku na oetsi gba omaYuda me:

«Ebhe Ngámá apa pi Ngámá gba ma-a me:

Dú kuto li pá 'kpa ma na kokpa,

⁴³ akólo li nedhinga inde ma a'ó obhulú yala gba mu-o lie

dabili na sa-tidhu mu-ko.†

⁴⁴ I du me Davidi nde nga'i Masiya me Ngámá gba ni-e, lele pi li Masiya ti da nadu lie ndili na piga gba Davidi-e?»

Yi améne maka omusuno na líli de
(Tsia bhú Mat. 23:1-36; di ne bhú Mlk. 12:38-40.)

⁴⁵ Aní apa pi omukpata kala ndu okpála hana inde adu adje aní-e me:

⁴⁶ «'E-e! Yi lila liyi ka omusuno na líli gba Moidje-e uu! U kunda bha nadhakú ne ondjandja yambu. U kunda bha me okpála du ne yi yi o maka ongámási li bili li okpála apopekobhé bhúla o lie ko. U kunda bha nadhulú pi odabili na akalanu bhú oeti nadje líli, di ne odabili na akalanu bhú da anokomia.

⁴⁷ U ngandjia angu oekesi na olisilisi ne nabha ohe gba uo. U ngayo Ebhe ngengele ngú nasuno mugito me a ko obabadha okpála. Kaka-a, u ásia likabhu naali!»

21

Makiso gba ekø bini na øølo

(Tsia bhú Mlk. 12:41-44.)

¹ Ekpí bini, Yesu adu bhú 'ngbé 'ti Ebhe gba omaYuda. Aní atsia 'kpí, aní au me obhulú tia ngabhike tia gba o-o bhú sanduku na makiso na 'Ngbe 'ti Ebhe-e ngú naha-ha pi Ebhe.

† 20:37 20:37 Abalahama, Isaka ne Yakobho ngadhégo Ebhe anga pi Ebhe-e, belegu amu lie li kute o, uo bhú mukobho li bua o. Tsia bhú Eki. 3:6. † 20:43

20:42-43 Tsia bhú Ets. 110:1.

² Ani atsia au di øke bini na øøø bhʉʉ ndibhili me ani nde ngabhike senge bhisi.

³ Abhomʉ-o, ani atsia apa me: «Ma apa pi yi na paká me, øøø na ndibhili li 'ko e akpi inde-e, aha makiso ane ndʉ okpála koko hana.

⁴ Padhá de, anga ndʉ okoko hana, u aha tia bhende u nde ne gʉmʉ e ade ko. Engú bini, ngaani-e, abana ani nde lie bhʉ ndibhili-e, ani aha ndʉ bhende ani adʉ akobho lie hana.»

Yesu apa me: «U agúgʉmʉ 'ngbé 'ti Ebhe gba omaYuda-o»

(Tsia bhʉ Mat. 24:1-2; di ne bhʉ Mlk. 13:1-3.)

⁵ Pipita-a, okpála koko aholo apkopko 'ngú pindjí 'ngbé 'ti Ebhe gba omaYuda-o. U adʉ apa me: «A bha ndjʉ babadha naali ne obabadha teme ango-o, di ne ohe na mase naali inde u aha e pi Ebhe-o.» Engú bini, Yesu atsia apa me:

⁶ «Ndʉ 'he inde yi ngau e inde-e, ekpí koko akólo makolo, teme bini tigala pi kilí e de. U agúgʉmʉ eti-e hana kuto.»

Likabhu inde akólo kala sokpí-o

(Tsia bhʉ Mat. 24:3-14; di ne bhʉ Mlk. 13:3-13.)

⁷ Abhomʉ-o, u atsia ayi ani me: «Mʉsuno, engú inde mʉ ngakpokpo 'ngú pindjí e bhomʉ-o, akólo nadho? Ehe inde asúno nedhingga nago ka engú ango-o, a adʉ ni?»

⁸ Yesu agie me: «Yi lila liyi uu! Kpála bini apíte yi de. Padhá de, anga okpála bhelé agó ne 'li ma, u tsia pá me: <Ma ne Masiya !> U tsia pá di me: <Nedhingga nago ka Masiya akolo!> Engú bini, yi akpáta uo de.

⁹ I dʉ me yi nde adje okpála ngakpo 'ngú na oegú di ne ongú na okpekpeke 'ndji-e, yi adjé tsʉlʉ de. Padhá de, anga a ayo ngaiza me oengú ango-o kolo kalanʉ. La-a, sokpí-e dʉ nga kolo má gala mo-o de.»

¹⁰ Pipita-a, ani matá pi uo me: «Okpála na kuti bini ahá 'gú pi okpála na kuti koko. Li ngámá na kuti bini há 'gú pi ngámá na kuti koko.

¹¹ Doto adyíki ne adjigidjo na ngbéngbé. Adyindi di ne osisiti kuo natagba matagba alí bhʉ obili ngangá. Yi aú ongamba 'ngú di ne ongú na tsʉlʉ tsʉlʉ abhʉlá.

¹² Engú bini, kala me ndʉ 'ngú bhomʉ-o hana kolo-o, u ahólo yi. U améne yi sisiti. U anú ne yi me u kodho 'ngú gba yi-e bhʉ 'ti nadje líli gba Moidje. U tsia bhike yi bhʉ tikpu. U asʉngʉla yi pi ongbengbe ongámási di ne obhende ngatsia 'kpí li kuti-e kabula 'li ma.

¹³ Bhobhomʉ-o ahá kpadji pi yi ngʉbulu me, yi kpokpo 'ngú gba ma-a pi uo.

¹⁴ Yi 'o li bua yi me, yi gíli engú inde yi apá e li nedhingga nakodho 'ngú gba yi-e kalanʉ de.

¹⁵ Padhá de, anga ma ahá eli di ne imbilangü pi yi ngama makpe, ngübula nagbite 'bhø ndü obhälü yala gba yi-e hana.

¹⁶ Odyi yi ne ohi yi, ondaise yi ne okpála na pigä gba yi di ne obi yi apü belegü yi ngao. U abhili okpála koko bhü ka yi.

¹⁷ Ndü okpála hana ayála yi kabula 'li ma.

¹⁸ Engü bini, 'kpa sundjo yi ngíta belegü de bini.

¹⁹ I du me yi nde alü kpekpeke akólo li soso-o, yi sia mukobho na duduwa.»

Engü inde akólo li Yelusalema

(Tsia bhü Mat. 24:15-21; di ne bhü Mlk. 13:14-19.)

²⁰ «Nedhingga yi aú lie me osüdha asa Yelusalema nabalina-a, yi de mbila me, nakpi kaka-a akolo masikpe.

²¹ Abhomü-o, okpála bhende a abháka o bhü ndu doto na Yudaya-a, a ayo me u kpe ne apí 'ta. Obhende adü bhü Yelusalema-a, a ayo me u ze bhübhü maze. Obhende adü asangba gudhü-o, a ayo matá de me u li abhü gudhü-o de.

²² Padhá de, anga adü ekpí nakodho 'ngü gba Ebhe ngübula me ndü 'ngü hana inde u aye e bhü Bhuku gba Ebhe-e, amene lie.

²³ Li 'kpí ango-o, adü likabhu na ngbéngbé pi olisi na ebhi di ne obhende li ongisi adü andji 'ka o-o. Padhá de, anga okpála na

doto adjé likabhu naali, li mangimbo gba Ebhe-e súno lie pi ue.

²⁴ U abhili okoko ne ombotia. U tsia mbá okoko bhü bali ne ndü bili hana. Omupagano adédele Yelusalema ne 'dhü o akólo bha bini li nedhingga gba uo andjia lie ko.»

Nakolo ka sokpí

(Tsia bhü Mat. 24:29-31; di ne bhü Mlk. 13:24-27.)

²⁵ «U aú oengü na ngangamba bhüla ela, bhüla epe di ne bhüla oikupala. Pila doto-o, bua okpála hana adü ati má ngbi ngbi ngbi ne tsülü ka tolo, di ne ka li 'ngbé 'ngu adü adimba lie ko!

²⁶ Okpála amú ne tsülü ka nabhundja engü inde akólo pila doto libhomu-o, anga ndü 'he na abhüla hana adyíki má djigi djigi!

²⁷ Pipita-a, u tsia ú ma ngama, Ndili gba kpála, me ma nde ngago bhü ndindi ne angu di ne asasaua gba ma-a hana.†

²⁸ Nedhingga li ongü angoo ahólo amene lie lie, yi de lu kpekpeke, amba yi 'e 'ndji yi ne abhüla, anga ekpí li Ebhe akóbo yi lie akolo masikpe.»

Gbitaku pindji ndula na figi

(Tsia bhü Mat. 24:32-35; di ne bhü Mlk. 13:28-31.)

²⁹ Pipita-a, Yesu atsia apa gbitaku inde-e pi ue me: «Yi

† 21:27 21:27 Tsia bhü Dan. 7:13.

tsia nga ndula na figi di ne ondula koko hana.

³⁰ Yi u me 'kpá 'kpá aholo nake-o, yi mbila me gboko 'kpí akolo masikpe.

³¹ A bhadi moko, nedhingga yi aú ongú bhomu-o lie ngakolo-o, yi de mbila me Naʉ gba Ebhe-e akolo masikpe.

³² Ma apa pi yi na paká me, ndu 'ngú bhomu-o hana akólo me okpála na naki inde-e nde mu nga ndu o hana de.

³³ Ekpí ne doto akódho 'kpí makodho. Engú bini, 'li ma kódho 'kpí belegú de bini.»

Yi lila liyi malila

³⁴ «'E-e! Yi lila liyi uu! Yi adu abhundja bha engú na anokomia, ne engú nalangba ne pandi di ne ongangá 'ngú na doto inde-e de. I du mo-o, li ekpí li ngama, Ndili gba kpála, ma agó lie, i kólo li yi bhú gbilikiti,

³⁵ maka ekú ahoholo onu lie ko. Padhá de, anga ahólo okpála píla doto libhomu.

³⁶ Yi alá-a de. Yi du nayo Ebhe ndu nedhingga hana, ngubula me yi sia angu ngú nakpe ndu 'ngú inde akólo hana, amba yi koto ngú nalukala ma, Ndili gba kpála-o.»

³⁷ Ne ngbikpi-e, Yesu adu asuno bhú 'ngbé 'ti Ebhe gba omaYuda-o. Tagolo, ani atsia adu anu asi apí 'ta na ondula na Olive.

³⁸ Ndu okpála hana adu ago bhú sükikpi bhú 'ngbé 'ti Ebhe ngú nadje ani.

22

Ongámási gba omaYuda agili nabhélə Yesu

(*Tsia bhú Mat. 26:1-5; ne bhú Mlk. 14:1-2; di ne bhú Dja. 11:45-53.*)

¹ Ekpí na anokomia na Pasika , ekpí ayo di lie me u zu mapa inde li levile nde bhú e ade-e, akolo masikpe.

² Ongbengbe odimandø gba Ebhe di ne omusuno na lili gba Moidje adu agili kpadjì ngú nabhélə Yesu. Engú la bini, u adu adje tsulu ka okpála.

³ Pipita-a, Satana ali li bua Yuda inde u a'i e me Isikaliote, súka obhulu titima ndjíkpa ne ká bhisi gba Yesu-o.

⁴ Abhomu-o, ani anu nadje lie ne ongbengbe odimandø gba Ebhe di ne ongámási gba okpála nalila 'ngbé 'ti Ebhe gba omaYuda. Ani anu nakpokpo ne uo maka ani apú Yesu lie pi uo ko.

⁵ U akpi djali naali, u atsia adje lio sunda o me o há pi ani falanga.

⁶ Yuda aziba. Ani atsia aholo agili nedhingga na ndjindji ngú napu Yesu pi uo me, okpála nde de uo ade.

Yesu atima okpála me, u nu po bhúla ezu na anokomia

(*Tsia bhú Mat. 26:14-16; ne bhú Mlk. 14:12-21; di ne bhú Dja. 13:21-30.*)

⁷ Ekpí na anokomia nazu mapá inde li levile nde bhú e ade-e akolo. A adu di ekpí inde ayo lie me u bhéle folo

kandølø ngübula anokomia na Pasika-o.

⁸ Yesu atima Piele ne Djaa

. Ani pi uo me: «Yi nu leke ndu 'ngú hana pi ni ngú anokomia-o.»

⁹ U atsia ayi ani me: «Mo okienda me ya nu leke su?»

¹⁰ Ani agie pi uo me: «Yi djedje, yi alí lie bhú Yelusalema-a, yi atá liyi ne bhoko bini me ani nde abi lusa 'ngu pi 'ndji e. Yi kpata ani bhú eti inde ani alí bhú e-o.»

¹¹ Yi yi bhulú eti angoo me: <Musuno ngayi mu me, tina 'ti inde ma azú anokomia ne omukpata gba ma-a bhú e ngae dho?>

¹² Ani asúno 'ngbé tina 'ti bhe na abhálá-a pi yi bini. Ndu 'he hana bhúbhú. Yi leke ehe na anokomia bhúbhú.»

¹³ U agbida, u abhaka ndu 'ngú hana maka li Yesu apa lie ko. Abhomu-o, u atsia aleke ezú na anokomia-o.

Yesu aha mapo ne vino pi obhulú titima

(Tsia bhú Mat. 26:26-30; ne bhú Mlk. 14:22-26; di ne bhú 1 Kol. 11:23-25.)

¹⁴ Li nedhinga angoo akolo lie, Yesu ne obhulú titima gba e atsia adulú kuto ngú nazú 'he-o.

¹⁵ Ani apa pi uo me: «Ma adu nako ne gumu naali me ni zu anokomia inde-e ne yi bhú dabili bini kala me ma dje likabhu ko!»

¹⁶ Padhá de, anga ma apa pi yi me, ma zu matá-a de,

akólo li nedhinga inde li tata-a asúno lie lie bhú Naú gba Ebhe ko.»

¹⁷ Abhomu-o, ani aha kópo na vino-o, ani agie hení pi Ebhe. Ani atsia apa me: «Yi haha, amba yi ndji ndu yi hana.

¹⁸ Ma apa pi yi me, ma ndjí matá-a de akólo li nedhinga inde li Naú gba Ebhe-e agó lie ko.»

¹⁹ Pipita-a, ani aha mapao, ani agie hení pi Ebhe. Ani agumú bhusu bhusu, ani aha pi uo. Ani atsia apa me: «A inde-e kute ma [inde aha lie pi yi-o. Yi du amemene moko, ngübula nabhundja ma.]»

²⁰ Pita u andjia nazú 'he bhomu-o lie, ani aha di kópo na vino-o pi uo, ani atsia apa me: «Vino inde-e, a ko gandja na mbia li Ebhe akodho e ne yi ne ngute ma inde atuko pi yi-o.]

²¹ Engú bini yi tsitsia, kpála inde apú ma-a, ani ngazu 'he ne ma bhú dabili bini si!

²² Padhá de, anga a ayo me ngama, Ndili gba kpála-a, ma kpi maka li Ebhe apa lie ko. Engú la bini, a ko likabhu naali pi kpála inde apú ma ko!»

²³ Abhomu-o, u atsia aholo ayi lio súnda o me, a ko kpála bhedho bhú ka o inde i tí da namene 'ngú bhomu-o.

Ane ne engbé da?

²⁴ Pipita-a, omukpata aholo amene kpekebhé súnda o ngú nambila me ane ne engbé bhú ká o da.

²⁵ Yesu atsia apa pi uo me: «Ongbengbe ongámási gba omúpagano-o ngaha líli pi okpála gba o-o. Obhende ngatsia 'kpí li doto-o kunda me u 'i o me <Obabadha okpála.»

²⁶ Pi yi-e, yi améne mo-o de. Engú bini, a ayo me kpála inde ane ne engbé bhá ká yi-e du maka mboye ndili, amba kpála inde ngatsia 'kpí li okpála koko-o, du naae maka kpála na kulu gba uo-o.

²⁷ Padhá de, anga ane ne engbé da, ne me a ko kpála inde ngazu 'he? Ne me a ko kpála inde ngamene kulu kulu-o. A ko kpála inde ngazu 'he-e di? La-a, ma bhá ká yi maka kpála na kulu gba okpála koko.

²⁸ Ngayi obhulú titima gba ma-a, ní adu ne yi ndu 'kpí hana bhá nedhinga inde ma adu adje likabhu gba ma-a lie ko.

²⁹ Kaka-a, ma ahá Naú pi yi maka li 'Dyi ma aha di muma lie ko.

³⁰ Abhomu-o, yi azú 'he, yi tsia ndjí di vino ne ma bhá dabili bini, i du me ma nde ali bhá Naú gba ma-o. Yi adúlu di pi odabili na ngámá ngú nakodho 'ngú gba opiga ndjikpa ne ká bhisi gba omałsalaele ko.»

Yesu apa pi Piele me: «Mo oyála ma»

(Tsia bhá Mat. 26:31-35; ne bhá Mlk. 14:27-31; di ne bhá Dja. 13:36-38.)

³¹ Pipita-a, Ngámá Yesu atsia apa me: «Simo, Simo, djedje nga! Ebhe aha kpadji pi Satana me ani pe yi maka u apepe mapunga lie ko.

³² Engú bini, ngama-a, ma ayo Ebhe ngú mu, amba mo o'ó ká nabhuka gba mu-o de. Mo odji matá bua mu lie, mu de ha di angu pi ondaise mu uu.»

³³ Piele apa pi ani me: «Ngámá, ma bedhe me, abana i du nanu bhá tikpu di ne nakpi-e, ní nü ne mu bhá dabili bini.»

³⁴ Yesu agie pi ani me: «Piele, ma apa pi mu me, sukpe na naki inde-e, kala me engú ku 'gbá-a, mo opá bhátsibhátsi bata me ni mbila ma de.»

Yesu apa pi omukpata gba e me, u leke lio ngubula egú

³⁵ Pipita-a, ani atsia ayi uo me: «Nedhinga nako ma atima yi lie mandi tia-a, mandi gonia ne maleké-o, ehe bini aneke nako ka yi uu?» U agie me: «Ehe bini neke ka ya de.»

³⁶ Do ani pi uo me: «Mbía inde-e, kpála bhende li tia ne gonia nde ka e-e, a ayo me ani haha. Kpála bhende li mbotia nde ka e ade-e, a ayo me ani tsindji koti gba e-o, amba ani kala mbotia ne di.

³⁷ Padhá de, anga ma apa pi yi me, engú inde u aye e bhá Bhuku gba Ebhe-e me, <U ato ani bhá ká okpála na sisiti-e>, a ayo me amene lie li kute ma. A moko, engú

[†] 22:37 22:37 Tsia bhá Isa. 52:12.

inde atsia ma-a, a adji amene lie.[†]

³⁸ Omukpata atsia apa me: «Ngámá, a ka ya si ne ombotia bhisi.» Ani atsia agie pi uo me: «A ale.»

Yesu anu nayo Ebhe pí eta na ondula na Olive

(*Tsia bhú Mat. 26:36-46; di ne bhú Mlk. 14:32-42.*)

³⁹ Pipita-a, Yesu akoto. Ani anu apí eta na ondula na Olive* maka anि adu amemene lie ko. Omukpata gba anि atsia akpata di anि.

⁴⁰ U akolo lie oo, anि atsia apa pi uo me: «Yi yo Ebhe, amba yi alí bhú nale de.»

⁴¹ Anि ayie de uo, anि adyudyo mbo lie tsutsu masudha. Anि akikita lipükü e kuto, anि atsia ayo Ebhe me:

⁴² «'Dyi ma, i du me mu nde akunda-a, mu de 'e likabhu inde-e de ma tsutsu. La-a, mo oméne maka ma akunda lie de, mene mangbo maka mo okunda lie ko.» [

⁴³ Abhomu-o, andjelu bini ayie abhúlá, anि akoto li anि, anि atsia aha angu pi anि.

⁴⁴ Anि abedhe lie ne likabhu-o, anि atsia aholo matá nayo Ebhe kpekpeke naali. Ngufo na kute anि akolo maka ngute, a atsia adu ayi kuto má ta ta ta!]

⁴⁵ Pita li anि a'o nayo Ebhe lie, anि ayie bhúlá, anि agie lie ade omukpata. Anि abhaka me u nde atuko ne ela ka likabhu.

⁴⁶ Anि atsia apa pi uo me: «Yi atuko ne ela ka ni? Yi yie bhúlá, amba yi yo Ebhe,

ngubula me yi alí bhú nale de.»

U aholo Yesu

(*Tsia bhú Mat. 26:47-56; ne bhú Mlk. 14:43-50; di ne bhú Dja. 18:3-11.*)

⁴⁷ Li nedhinga li Yesu adu apa 'ngú bhomu-o lie, Yuda súka obhúlú titima ndijkpa ne ká bhisi-e ago ne bhti okpála. Anि adyudyo lie de Yesu masikpe ngubula me ni nvu pabhe anि.

⁴⁸ Abhomu-o, Yesu atsia apa pi anि me: «Mu nganvu pabhe ma, Ndili gba kpála, ngubula napu ma-a?»

⁴⁹ Li omukpata gba Yesu-o au engú inde adji akódho 'kpí-e lie, u atsia ayi Yesu me: «Ngámá, a la ya gu ne uo ne mbotia?»

⁵⁰ Súka uo asu kpála na kulu gba bhele kpála gba odimande gba Ebhe-o . Anि atsia akodho kpadje anि li pápá na kokpa-a má tse!

⁵¹ Engú bini, Yesu atsia apa me: «Yi 'o'o, a apise moko.» Anि aha kpadje kpála ango-o, anि a'o 'kpa e téte, anि atsia akobho anि.

⁵² Pipita-a, Yesu atsia apa pi ongbengbe odimande ne ongámási gba omúlila na 'ngbé 'ti Ebhe gba omaYuda, di ne obhelesi okpála inde ago ngú naholo anि-e me: «Ka ni yi ago ngú ma lie ne ombotia, di ne ondula mágito me yi ago ngú naholo bhúlú 'zi-e?

⁵³ Ní adu nako ne yi ndu 'kpí hana bhú dabili

* 22:39 22:39 Eta na ondula na Olive-e asangba gádhá na Yelusalema.

bini bhú 'ngbé 'ti Ebhe gba omaYuda. La-a, yi holo ma de. Engú bini, nedhinga gba yi-e akolo, nedhinga gba ngámá na biti-o.»

Piele apa me ni mbila Yesude

(*Tsia bhú Mat. 26:57-58, 69-75; ne bhú Mlk. 14:53-54, 66-72; di ne bhú Dja. 18:12-18, 25-27.*)

⁵⁴ Abhomú-o, u aholo Yesu, u anú ato ani bhú 'ti gba bhele kpála gba odimande gba Ebhe-o. Piele adú akpata uo mbo tsutsu.

⁵⁵ A abhaka me u nde akpo djua tu mbadhasú, okpála adúlú dede. Piele atsia ago adú bhú ká uo.

⁵⁶ Kpála na kulu bini na eelé au ani li zí djua me ani nde adú kuto. Ani atsia Piele ne kpéke djila, ani me: «Kpála inde-e dú di nako ne ani bhú dabili bini!»

⁵⁷ Engú bini, Piele ayala, do ani de-e: «Ma ambila ani de, eélé-e.»

⁵⁸ Pita nedhinga bedi-e, bhoko bini au ani, ani atsia apa me: «Ngamú di-e, mū ne súka okpála gba Yesu-o!» Engú bini, Piele atsia agie me: «Bhoko-e, ma ne súka uo ade.»

⁵⁹ Pipita abhue mbo ngengele. Bhoko koko atsia azi kekele téte me: «A ko kúkúlú 'ngú, kpála inde-e dú nako ne Yesu bhú dabili bini, anga a ko di kpála na Galilaya.»

⁶⁰ Engú bini, Piele agie pi bhoko ango-o me: «Bhoko-e, ma mbila 'ngú inde mū ngapa e de.» Bha li nedhinga

inde ani adú apapa lie, engú atsiaaku 'gbá.

⁶¹ Ngámá Yesu adji bhúla e, ani atsia bhúla Piele. Abhomú-o, Piele atsia abhundja engú inde li ngámá Yesu apa igini e pi ani-o me: «Sukpe na naki inde-e, kala me engú ku 'gbá-a, mo opá bhútsibhútsi bata me ni mbila ma de.»

⁶² Piele akoto kilidjo, ani abhélé kuo e ne egbá má kusu!

U asobho Yesu, u atsia abhi di ani

(*Tsia bhú Mat. 26:67-68; di ne bhú Mlk. 14:65.*)

⁶³⁻⁶⁴ Okpála inde adú alila Yesu-o aholo amú ani. U agbite djila ani. U aholo abhi ani. U atsia adú ayi ani me: «Aa! Ngamú, polofeta-a, pa nga pi ya me asú mā da!»

⁶⁵ U asosobho ani. U atsia apa di ongú koko pi ani bhelé bhú osobho inde u adú asosobho ani ne e ko.

Odimandø akodho 'ngú gba Yesu

(*Tsia bhú Mat. 26:59-66; ne bhú Mlk. 14:55-64; di ne bhú Dja. 18:19-24.*)

⁶⁶ Li ekpi aseke lie, obhelesi okpála gba omaYuda apekébhe bhúla o bhú dabili bini ne ongbengbe odimandø gba Ebhe, di ne omusuno na lili gba Moidje-o. U atsia agbe ani kala Libi okpála natsia 'kpí li 'ngú gba omaYuda-o .

⁶⁷ U ayi ani me: «I dú me mū nde ne Masiya-a, mū de pa pi ya.» Abhomú-o, ani

agie pi uo me: «I du me ma nde apa pi yi-e, yi bhúka de.

⁶⁸ I du la di me ma nde ayi yi li 'ngú-o, yi gie 'ngú muma téte de.

⁶⁹ Nayie pi mbia inde-e, ngama, Ndili gba kpála-a, ma adú li pápá na kokpa gba Ebhe na angu-o.[†]

⁷⁰ Abhomu-o, ndu uo hana atsia ayi me: «Bhobhomu-o apa me mu ne Ndili gba Ebhe?» Ani agie pi uo me: «A maka yi apa lie ko.»

⁷¹ Abhomu-o, u atsia apa me: «Ní matá ne gumu okpála koko inde i ti da napa engú ango-o pi ní ade, anga ní adje bha nganí makpe bhú 'li ani adje!»

23

*U anu ne Yesu kala Pilate
(Tsia bhú Mat. 27:1-2, 11-14; ne bhú Mlk. 15:1-5; di ne bhú Dja. 18:28-38.)*

¹ Pipita-a, ndu okpála hana inde adu bhú dá bula-a ayie bhálá, u atsia anu ne Yesu kala Pilate, ngámá na Loma

² Oo, u aholo apa li Yesu me: «Ya abhaka kpála inde-e me ani nde ngaha kpéke 'ndji pi okpála gba ya-o. Ani nde ngayoko uo me u akala mandjandja gba Kaisala, 'ngbé ngámá na Loma-a de. Ani atsia adu apa di me ni ne Masiya, akunda napa me 'ngbé ngámá.»

³ Pilate ayi ani me: «Ngamu-o, mu ne 'ngbé ngámá gba omaYuda?» Yesu

agie pi ani me: «Mo opa ngamu.»

⁴ Abhomu-o, Pilate atsia apa pi ongbengbe odimande di ne bhiti okpála bhomu-o me: «Ma u engú bini inde a ayo me u holo kpála inde-e ngú e de..»

⁵ Engú bini, u azi bha kekele téte me: «Bhú nasuno gba ani-e, ani ngaha kpéke 'ndji pi okpála me u améne lili gba ngámá-a de. Ani amene bhé doto gba omaYuda libhomu. Ani akpo bhú ndu doto na Galilaya. Mbia inde-e, ani akolo ibili ne di ei.»

*U anu ne Yesu kala ngámá
Elode*

⁶ Li Pilate adje lie mo-o, ani atsia ayi me: «Kpála inde-e, a ko kpála na Galilaya?»

⁷ U agie pi ani me: «A moko, a ko kpála na Galilaya.» Abhomu-o, li Pilate adje lie me Yesu ayie bhú ndu doto li ngámá Elode adu alila e-e, ani atsia atima ani pi ani. Padhá de, anga bhú ekpí ango-o, Elode adu di bhú Yelusalema oo.

⁸ Elode akpi djali naali li ani au Yesu lie. Padhá de, anga nayie nani didili naali, ani adu akunda me ni u Yesu ka engú gba ani inde ani adu adje e-o. Ani atsia adu akunda nau ani me ani nde ngamene ngamba 'ngú.

⁹ Ani ayiyi Yesu li ongú bhelé. Engú bini, Yesu gie 'ngú pi ani téte belegu de bini.

[†] 22:69 22:69 Tsia bhú Ets. 110:1.

¹⁰ Ongbengbe odimande di ne omasuno na lili gba Moidje adu oo. U adu apa 'ngú li kute ani sisiti naali.

¹¹ Elode ne osudha gba e amu ani, u atsia asosobho di ani. Pipita-a, u adyi bádha bongo li ani, u atsia agie ani pi Pilate.

¹² Kalanu-o, Elode ne Pilate du nadje lio de. Nayie li 'kpí ango-o, u atsia akolo bhú makpolia.

U akodho 'ngú gba Yesu me ani kpi bha makpi

(Tsia bhú Mat. 27:15-26; ne bhú Mlk. 15:6-15; di ne bhú Dja. 18:39 - 19:16.)

¹³ Abhomu-o, Pilate apo bhála ongbengbe odimande, ongámási gba omaYuda di ne okpála.

¹⁴ Ani atsia apa pi uo me: «Yi ago ne kpála inde-e muma me ani ngaha kpéke 'ndji pi okpála. La-a, ma ayi ani li 'ngú ango-o kala yi si, ma u ani ne siti 'ngú belegu de bini bhú ká ndu 'ngú hana inde yi apa e li ani-o.

¹⁵ Elode u di siti 'ngú ka ani de anga ani agie ani pi ni ei. A moko me kpála inde-e mene siti 'ngú belegu de bini inde u ti da nabhélé ani ka e ko.

¹⁶ Kaka-a, ma abhí ani ne fimbo, ma atsia tsé 'kpa li ani.» [

¹⁷ Bhú ndu anokomia na Pasika hana, a ayo me Pilate tse 'kpa li kpála inde u aholo e bhú tikpu-o pi uo bini.]

¹⁸ Engú bini, ndu uo hana aholo asusula bhú dabili bini me: «Bhéle kpála bhomu-o mabhele, amba mu tse 'kpa li Balaba pi ya!»

¹⁹ (U aholo nani Balaba bhú tikpu anga ani agbe nani kpéke 'ndji abhú Yelusalema, ani atsia abhélé di kpála.)

²⁰ Pilate adu akunda natse 'kpa li Yesu. Kaka-a, ani atsia ayi matá uo li 'ngú ango-o ko.

²¹ Engú bini, u aholo bha nasusula me: «Gi ani li kulusi! Gi ani li kulusi!»

²² Bhutsibhutsi na bata-a, ani apa pi uo me: «Ani amene la mangua siti 'ngú dho? Ma u engú inde ani amene e, u ti da nabhélé ani ka e de. Ma abhí bha ani ne fimbo, ma tsia tsé 'kpa li ani.»

²³ Engú bini, u azi bha kekele téte kpekpeke me, a ayo me u gi Yesu li kulusi. U adu bha a'ë'e 'li o ne bhálá, akolo li nedhinga li 'li uo aha angu Pilate lie ko.

²⁴ Abhomu-o, Pilate atsia aziba namene maka u adu akukunda lie ko.

²⁵ Ani atsia atse 'kpa li kpála inde u adu ayo e-o, kpála inde u aholo e bhú tikpu-o. Padhá de, anga ani agbe kpéke 'ndji, ani atsia abhélé di kpála. Engú bini, ani atsia aha Yesu pi uo me u mene ne ani maka u adu akukunda lie ko.

U anu ne Yesu ngú nabhélé ani

(Tsia bhú Mat. 27:32-44; ne bhú Mlk. 15:21-32; di ne

bhú Dja. 19:17-27.)

²⁶ Li osudha adu anu ne Yesu lie, u aké lio ne Simo, kpála na ndu doto na Silene, me ani nde ayie abhiye. U aholo ani, u atsia a'o kulusi gba Yesu-o li 'ngbu ani me, ani bibi amba ani kpata Yesu ne di.

²⁷ Okpála bheldé adu akpata Yesu. Bhú ká uo-o, adu di ne olisi inde adu aku 'gbá ne nalopololo lio ngú ani-o.

²⁸ Yesu adji bhála e ne apí uo, ani atsia apa pi uo me: «Ngayi, olisi na Yelusalema, yi akú 'gbá ngú ma de! Engú bini, yi ku mangbo egbá ngú yi ne ongisi gba yi ko.

²⁹ Padhá de, anga oekpí koko akólo makolo, oekpí inde u apá lie me: «A ko djali pi olisi inde i zu de, inde i bi 'bhi de, di ne obhende li ongisi ndji 'ka o de-o!»

³⁰ Li nedhinga bhomu-o, okpála ahólo napa pi ongbengbe 'ta me: «Yi buku ya!» U tsia pá pi odjedje 'ta me: «Yi wo ya!»[†]

³¹ Padhá de, anga i du me okpála nde amene ndula bhe na yiyi-e mo-o, u méne la ibili naae ndula bhe na keke-e pi?»*

³² Li nedhinga bhomu-o, u anu di ne obhosí bhisí koko inde amene sisiti 'ngú naali me u bhili uo bhá dabili bini ne Yesu.

U agi Yesu li kulusi

(Tsia bhú Mat. 27:45-56; ne bhú Mlk. 15:33-41; di ne

bhú Dja. 19:28-30.)

³³ U akolo li bili inde u a'i e me «Pelegendji.» U atsia agi Yesu li kulusi di ne okpála na sisiti bhisí-o, koko li kulusi gba e li pá 'kpa ani na kokpa, koko li kulusi gba e li pá 'kpa ani na gali.

³⁴ [Abhomu-o, Yesu atsia apa me: «'Dyi ma, mbu li siti 'ngú gba uo, anga u mbiла engú inde u ngamene e de.»]

Osudha agu gbanda ngú nagapa obongo gba ani-e li o.

³⁵ Okpála adu oo, u adu atsia engú inde adu akodho 'kpí-o. Ongámási gba omaYuda adu amu ani. U atsia adu apa me: «Ani akobho okpála koko. A ayo me ani kobho di lie ne titi e, i du me ani nde ne Masiya inde li Ebhe abhu e ko!»

³⁶ Osudha amu di ani. U adyudyo lio masikpe, u aha kpongadha pandi pi ani, u atsia apa me:

³⁷ «I du me mu nde bha ndju ne 'ngbé ngámá gba omaYuda-a, mu de kobho limu ne titi mu!»

³⁸ Pi 'ndji ani-e, u aye me: «A INDE-E 'NGBÉ NGÁMÁ GBA OMAYUDA-O.»

³⁹ Suka okpála na sisiti inde u agi o li kulusi adu asobho ani me: «Mu ne Masiya adi? Kobho limu ne titi mu, amba mu kobho di ya!»

⁴⁰ Engú bini, bhe koko ambe bhú 'ndji ani, do ani de-e: «Mu kpe Ebhe di, ngamu inde ngasia bhadi likabhu maka ani-e?

† 23:30 23:30 Tsia bhú Oz. 10:8.
Ndula bhe na keke-e, a ko okpála.

* 23:31 23:31 Ndula bhe na yiyi-e, a ko Yesu.

⁴¹ Pi ní-e, a li likabhu gba ní-e ne tata, anga ní ngasia bhomu-o mbini kulu gba ní ko. La-a, ngaani-e, ani mene naae siti 'ngú belegu de bini.»

⁴² Pipita-a, ani atsia apa pi Yesu me: «Bhundja ma uu, li nedhinga inde mo ogó lie ngú nau ngámá gba mu ko.»

⁴³ Yesu agie pi ani me: «Ma apa pi mu na paká me, naki-e, ní adu ne mu bhú dabili bini bhú kuti na mündeyi ko.»

Yesu akpi

⁴⁴ A akolo masikpe de tulukpe, ela a'o nasu. Biti aha píla doto libhomu akolo li saa na bata pita tulukpe.

⁴⁵ 'Ngbé 'kpá bongo inde adu agbo bhusu 'ngbé 'ti Ebhe gba omaYuda asidha bhusu e tutu má tsue!

⁴⁶ Abhomu-o, Yesu atsia asula kpekpeke me: «'Dyi ma, ma nga'o bua ma sa 'kpa mu.» Pita ani apa engú bhomu-o lie, ani atsia andala 'kpa li bua e.

⁴⁷ Li ngámá gba osudha na Loma au engú inde akodho 'kpí-e lie, ani atsia adu adhoge Ebhe me: «A ko paká me kpála inde-e bha ndju nako ne kpála na ngbingbili!»

⁴⁸ Ndú okpála hana inde ago apo bhúla o ngú natsia engú ango-o, au engú inde akodho 'kpí-o. U atsia adu agie lio agba o me u nde abubu 'kpa o pi 'ka o ka likabhu.

⁴⁹ Ndú obi Yesu hana di ne olisi inde adhukú ne ani

bhú dabili bini nayie bhú Galilaya-a, alulu mbo tsutsu. U adu natsia engú inde adu akodho 'kpí ko.

U azi Yesu

(Tsia bhú Mat. 27:57-61; ne bhú Mlk. 15:42-47; di ne bhú Dja. 19:38-42.)

⁵⁰⁻⁵¹ Kpála bini adu nani oo. A adu 'li ani me Djodjefu, kpála na Alimaté, súka gudhu gba omaYuda. A ko nani kpála na babadha inde adu di ngbingbili. Ani adu nani nadjeke nago ka Nau gba Ebhe píla doto. A ko nani súka Libi okpála natsia 'kpí li ongú gba omaYuda-o. Engú bini, ani du aziba engú inde li Libi okpála natsia 'kpí li ongú gba omaYuda adu abhundja e di ne namene e li Yesu-o de.

⁵² Ani anu abhaka Pilate, ani atsia ayo kuo Yesu ka ani. Pilate aziba.

⁵³ Pipita-a, ani atsia a'e kuo ani li kulusi-o. Ani agagala ne bongo. Ani atsia ato bhú lata inde u adji e bhú teme, lata inde u zi nga kpála bhú e kalanu de.

⁵⁴ A adu nani 'kpí kulu bhuluvue, masikpe de ekpi naguo.

⁵⁵ Olisi inde ayie nani ne Yesu bhú Galilaya-a, anu bhú dabili bini ne Djodjefu. U atsia lata-o, u au maka u a'o kuo Yesu lie bhúbhú-o.

⁵⁶ Pipita-a, u agie lio agba o. U atsia aleke emu, di ne mungotsi ngubula me sidi-e, u nu pulu kute kuo-o ne di. Li 'kpí naguo-o, u atsia aguo maka li lili apa lie ko.

24

Yesu azuku

(*Tsia bhú Mat. 28:1-10; ne bhú Mlk. 16:1-8; di ne bhú Dja. 20:1-10.*)

¹ Bhú 'kpí yinga kókpí má bhé-o, olisi aha mungotsi inde u agili e-o, u atsia agbida abhú lata.

² U abhaka me teme nde awawala li 'bhé lata-a awawala.

³ U ali lie, u bhaka kuo Ngámá Yesu de.

⁴ Nedhingga u adú akiaka lie ka 'ngú ango-o, kolo me-e okpála bhisi aze li uo. Okpála ango-o adyidyi bubu bongo má tuu tuu!

⁵ U adú la lie ne tsúlú naali-e, u atutu bhúla o ne kuto. Okpála ango-o atsia apa pi uo me: «Yi ngagili kpála inde uu-o bhú ká okpála inde amu-o ka ni? ⁶ Ani sii ade. Engú bini, ani azuku. Yi bhundja engú nako ani apa e pi yi li nedhingga inde ani adú nga bha lie bhú Galilaya me:

⁷ «A ayo me u pu ma, Ndili gba kpála, pi okpála na sisiti. U gi ma li kulusi, amba bhú 'kpí na bata-a, ma tsia zuku.»»

⁸ Abhomú-o, u atsia abhundja li ani-o.

⁹ U ayie bhú lata-o. U atsia anu nakpokpo ndu 'ngú bhomú-o hana pi obhúlú titima ndjíkpa ne ká bini, di ne ndu obhende adú ne uo bhú dabili bini-e hana.

¹⁰ Olisi ango-o, adú nani Malia , kpála na gudhú na Magadala, Djaani ne Malia

, 'hi Djaki. Ngauo ne olisi koko inde adú bhú dabili bini ne uo akpokpo pi obhúlú titima gba Yesu-o.

¹¹ Engú bini, obhúlú titima abhundja naao me, engú inde li olisi akpokpo e-e, a ko engú na ngingi. Kaka-a, u tsia bhuka de.

¹² Engú bini, Piele ayie bhúlú, ani anu ne holo abhú lata. Ani akolo lie oo, ani akita ne kuto, ani atsia 'kpí, ani au bha bongo inde u agagala kuo ne e ko. Pipitaa, ani agie lie agba e me ani nde ngangamba naali ka engú inde akodho 'kpí ko.

Yesu akoto li omukpata bhisi li kpadji na Emausi

(*Tsia bhú Mlk. 16:12-13.*)

¹³ Bha li 'kpí ango-o, omukpata bhisi adú anu bhú kúti bini inde u a'i e me Emausi. Kúti ango-o adú de Yelusalema tsutsu, masikpe de kilometele ndjíkpa ne ká bini.

¹⁴ U adú akpokpo 'ngú súnda o pindji ndu 'ngú hana inde akodho 'kpí-o.

¹⁵ Nedhingga uo adú akpokpo 'ngú di ne namene kpekebhe lie súnda o-o, ngaani Yesu makpe, ani adyudyo lie de uo masikpe. Ani atsia aholo 'nú ne uo bhú dabili bini.

¹⁶ U adú au ani, engú bini, ehe bini adú amene me u ambíla ani de.

¹⁷ Ani ayi uo me: «A ko mangua 'ngú dho yi adjí ne kpokpo e súnda yi me-e?» Abhomú-o, u alu, u atsia abedhe ne likabhu bedhe.

¹⁸ Súka uo bini ìnde adú 'li e me Keleopasi apa pi ani me: «Bhú ká ogomago na Yelusalema libhomu-o, engú ìnde akodho 'kpí súnda okpí ìnde-e, mu mbila bha de ngamu kpi mu kpi?»

¹⁹ Ani ayi uo me: «Mangua 'ngú dho?» U atsia agie pi ani me: «Engú ìnde akolo li Yesu, kpála na Nadjaleta! A ko nako polofeta kúkulu. Ongú ìnde ani amene e ne bhende ani asuno e, ani amene ndündú hana ne angu. Ani atsia asuno ongú ang-o-kala Ebhe di ne kala ndú okpála hana.

²⁰ La-a, ongbengbe odi-mande gba Ebhe di ne ongámási gba ní-e, apu ani me u bhélo ani. U atsia agi ani li kulusi.

²¹ La-a, ya adú nako ne 'to ya naaya me, a ko kpála ìnde agbégbe Isalaele bhú bali-o. Engú bini, a ane naki ekpí bata maka li oengú ang-o-akodho 'kpí lie ko.

²² La matá di-e, ya angamba ka olisi koko bhú ka ya naali. U anu iginí bhú sikikpi abhú lata.

²³ Engú bini, u u kuo ani de. U agie lio, u apa pi ya me oandjelu aze lio. Oandjelu atsia apa pi o me ani uu.

²⁴ Pipita-a, okpála koko bhú ká ya anu abhú lata, u atsia abhaka ndú 'ngú hana maka li olisi apkopko lie ko. Engú bini, ngaani makpe-e, u u ani de.»

²⁵ Abhomu-o, Yesu atsia apa pi uo me: «Yi ne ongingi!

Ka ni yi ngabhuka lie má gala ade ndú 'ngú hana ìnde li opolofeta-a apa e!

²⁶ A ayo nako de me Kilisito dje likabhu kala me ani li bhú nau na asasaua gba e di?»

²⁷ Pipita-a, ani aholo nakpokpo ndú 'ngú hana ìnde u apa e pindji ani bhú obhuku gba Ebhe-e pi uo. Ani akpokpo nayie bhú obhuku gba Moidje akólo bhú obhuku gba ndú opolofeta-a hana.

²⁸ U akolo lie de kuti ìnde u adú anu bhú e masikpe-e, Yesu amene mugito me ni adji tsutsu.

²⁹ Engú bini, u atsia apa pi ani me: «Ní si ne yi si, anga ekpí asegele, biti la di ngago.» Ani atsia ali ngú nasi bhú dabili bini ne uo oo ko.

³⁰ Nedhinga ani adú azú 'he lie bhú dabili bini ne uo-o, ani aha mapa, ani agie hení pi Ebhe. Pipita-a, ani agumu mapo-o, ani atsia aha pi uo.

³¹ Abhomu-o, djila uo abhulu, u atsia ambila ani. Engú bini, ani angita bha kolo bhú djila uo má pele!

³² U atsia aholo nayi lio súnda o me: «Li nedhinga ìnde ani adú akpokpo 'ngú di ne nasuno ta eli gba Ebhe lie pi ní li kpadji-e, bua ní bedhe iginí bhú ní ne djali bedhe di?»

³³ Bha li nedhinga bhomu-o, u ayie bhálá kolo má gala, u atsia agie lio abhú Yelusalema. Oo, u abhaka

me obhūlū titima ndjikpa ne ká bini-e nde apo bhūla o ne obi o-o bhū dabili bini.

³⁴ U atsia apa pi obhe bhisi bhomu-o me: «Ngámá azuku na kékulu! Simo au ani!»

³⁵ Pipita-a, omukpata bhe bhisi-e atsia akpokpo 'ngú inde akodho 'kpí li kpadji-e pi uo, di ne maka u ambila Yesu lie li nedhinga ani agumú mapa lie ko.

Yesu asuno lie pi omukpata gba e-o

(*Tsia bhū Mat. 28:16-20; ne bhū Mlk. 16:14-18; ne bhū Dja. 20:19-23; di ne bhū Kul. 1:6-8.*)

³⁶ Li nedhinga u adu nga bha lie nakpokpo 'ngú angoo, Yesu atsia alu bhū ká uo. Do ani pi uo me: «Guo 'ngú du bhū dabili bini ne yi!»

³⁷ U adje tsulu naali, u atsia aholo agukú, anga u adu abhundja me o ou igbadyibhe.

³⁸ Engú bini, Yesu atsia apa pi uo me: «Yi ngadje tsulu ka ni? Yi ne bua na bhisi bhisi ka ni?»

³⁹ Yi tsia nga 'kpa ma di ne 'dhū ma, a ko bha ma makpe. Yi tana nga kute ma, amba yi u, anga mbilika ne bikí li igbadyibhe ade maka yi ngau ma lie ne di ko.»

⁴⁰ Ani apa engú bhomu-o lie, ani atsia asuno 'kpa e di ne 'dhū e pi uo.

⁴¹ Li djali di ne nangamba aha angu uo lie naali-e, u tsia bhuka ngaiza de. Ani atsia ayi uo me: «Mbo 'he nazú mazú ka yi si uu?»

⁴² U atsia aha ndu sungu inde u azi e mazi-e pi ani.

⁴³ Ani aha, ani atsia azu li djila uo oo.

⁴⁴ Pipita-a, ani pi uo me: «Ma apa nako pi yi ndjindji nedhinga ní adu nga bha lie bhū dabili bini-e me, a ayo me ndu 'ngú hana inde u aye e pindji ma bhú lili gba Moidje, bhú obhuku gba opolofeta di ne bhú bhuku na oetsi gba ní-e, amene lie.»

⁴⁵ Pipita-a, ani atsia abhulu imbilangu gba uo ngubula me u mbila ta engú inde u aye e bhú oBhuku gba Ebhe ko.

⁴⁶ Ani atsia apa pi uo me: «Maka u aye lie bhú oBhuku gba Ebhe-e me, a ayo me Kilisito dje likabhu, amba ani tsia zuku bhú 'kpí na bata.

⁴⁷ A ayo me okpála kpokpo 'ngú gba ani-e pi ndu okpála hana píla doto libhomu. U akpókpo nayie bhú Yelusalema me okpála dji bua o, amba Ebhe 'e siti 'ngú gba uo ko.

⁴⁸ Yi au engú inde akodho 'kpí-e ne djila yi makpe.

⁴⁹ Ngama-a, ma atíma pi yi bhende li 'Dyi ma apa me ni atíma e-o. Kaka-a, yi du bha bhú gudhú si akólo li 'kpí inde li Ebhe atíma angu pi yi lie ko.»

Ebhe aha Yesu abhúlá

(*Tsia bhú Mlk. 16:19-20; di ne bhú Kul. 1:9-11.*)

⁵⁰ Pipita-a, Yesu anu ne omukpata gba e masikpe de kuti na Betania. U akolo lie

oo, ani a'e 'kpa e, ani atsia
atuko bisagu pí uo.

⁵¹ Li nedhingga ani adu
atuko bisagu pí uo lie, ani
ayie bhá ká uo. Ebhe atsia
ahá ani abhállá.

⁵² Ngauo-o, u adhégé ani.
Pipita-a, u atsia agie lio abhá
Yelusalema me u nde abedhe
ne djali bedhe.

⁵³ Ndú 'kpí hana, u adu
nadú bhá 'ngbé 'ti Ebhe
gba omaYuda ngú nadhégé
Ebhe.

Bádha Ngali gba Yesu Kilisito maka li Djaa aye lie ko

Eli na kalanu

Bádha Ngali gba Yesu Kilisito maka li Djaa aye lie ngasuno Yesu maka Eli na duduuma gba Ebhe. Eli akolo maka kpála-kuti atsia adú bhá ká ní (1:14). Maka li bhuku ngae makpe ngapapa lie, Bádha Ngali inde aye nani li e ngubula me okpála inde ngatatanga bhuka me Yesu ne Mukobho inde li Ebhe abhá nani e, inde di Ndili gba Ebhe, ngubula me ka nabhuka bhá ani-e, usia mukobho na duduuma (20:31).

U aye engú gba ele na zabhe súnda oehe bhisi me anga bhá obhuku na didili koko-o, u ye engú ango-o de, okoko atsia aye li obili koko (8:1-11).

Djaa ngagama 'ngú naali pindji mukobho na duduuma inde li Ebhe aha e padhá bhá Yesu. A ngakpo lita e naki inde i tsia gó pi obhende ngaziba Yesu maka kpadjí, maka kukulu 'ngú, la di maka mukobho. Engú na ngbéngbé inde bhá Bádha Ngali gba Djaa, a ko ngubula nasuno engú inde bhá mukobho gba kpála ngubula ekpí bini ne bini, ngubula

nasuno lele kükulu 'ngú na Bu Bhabua : maka engu, maka mapu, maka zi 'kpí, maka mülila gba okandele ne okandele gba e, la di maka vino ne lí e.

Ongbengbe ongú inde bhá bhuku inde-e ngae inde:

Eli na kalanu 1:1-18

Djaa bhulu nabatisa okpála, ne omukpata gba Yesu na kalanu 1:19-51

Kulu gba Yesu bhá ká okpála 2:1 - 12:50

Oekpí nasoso gba Yesu abhá Yelusalema 13:1 - 19:42

Nazuku gba Yesu, ne nakoto ka Ngámá li okpála 20:1-31

Eli nasoso: ani akoto matá li okpála abhá Galilaya 21:1-25

Eli inde zi 'kpí di ne mukobho

¹ Nayie li lilita-a, Eli* adú nani uu.

Eli ango-o adú nani bhá dabili bini ne Ebhe.

La di-e, Eli ango-o a adú Ebhe.

² Nayie li lilita-a, Eli ango-o adú nani bhá dabili bini ne Ebhe.

³ Ebhe atsia abho ndú 'he hana ne Eli ango-o.

Ehe bini inde amene lie mandi ani ade.

⁴ Mukobho akoto bhá Eli ango-o.

Mukobho ango-o atsia adú zi 'kpí pi okpála.

⁵ Zi 'kpí ngaziga bili bhá biti.

Engú la bini, biti ha angu zi 'kpí ango-o de.

* 1:1 1:1 Eli: Eli-e, a ko Yesu (tsia lukuluku 14).

6 Ebhe atima kpála bini. A adu 'li kpála ango-o me Djaa

· 7 Ani ago maka kpála nakpokpo 'ngú. Ani atsia akpokpo 'ngú mbámbá pindji zi 'kpí-o, amba ndu okpála hana bhuka ka ani.†

8 Ngaani makpe-e, ani du nani zi 'kpí de. Engú bini, ani ago nani ngú nakpokpo 'ngú pindji zi 'kpí-o.

9 Zi 'kpí ango-o, a ko nani zi 'kpí na kükülu. A ago píla doto, a ngaziga ndu okpála hana.

10 Eli-e adu nani píla doto. Ebhe atsia abho ndu 'he hana ne di. La-a, okpála na píla doto tsia mbila ani de.

11 Eli-e ago nani bhú ká omaha e. Engú bini, omaha ani tsia sia ani de.

12 La-a, okpála koko asia ani, u atsia abhuka di ani. Abhomu-o, ani atsia aha angu pi uo me u kolo ongisi gba Ebhe.

13 U kolo ongisi gba Ebhe li kpadji bhende maka u azuzu okpála na doto lie de. A ko la di ka gümü gba bhoko bini de. Engú bini, ayie ka Ebhe.

14 Eli-e adjie lie, atsia akolo kpála. Ani adu nani bhú ká ní. Ní au sangu gba ani, sangu inde ani asia e ka 'Dyi e-o. A ko sangu gba koli Ndili bini, inde abedhe ne bádha bua di ne ngbili 'ngú.

15 Djaa‡ akpokpo 'ngú pindji ani mbámbá. Ani atsia asula me: «Engú nani

ma apa e me: <Kpála inde ngago pita ma-a, ani ane ma mane. Padhá de, anga nani me ma nde nga ade-e, ani adu bha naae uu.» Ma apa nani engú ango-o pindji ani.»

16 Abhomu-o, bhú bádha bua gba ani inde bedhe-e, ndu ní hana ní atsia asia bádha bua pí bádha bua koko.

17 Padhá de, anga ní asia líli sa 'kpa Moidje . La-a, bádha bua di ne ngbili 'ngú-o, ní asia ka Yesu Kilisito .

18 Kpála bini u Ebhe belégü de bini. La-a, koli Ndili bini inde di Ebhe, inde ngadu de 'Dyi e-e, asuno ani pi ní ngae.

*Djaa bhülü nabatisa
okpála akpokpo 'ngú gba
Masiya*

(*Tsia bhú Mat. 3:1-12; ne
bhú Mlk. 1:1-8; di ne bhú
Luk. 3:1-18.*)

19 A inde-e engú li Djaa akpokpo e, nedhinga li ongámási gba omaYuda na Yelusalema atima odimandé di ne okpála na piga gba Levi lie agba ani-o. U atima uo ngú nayi ani me: «Mu ne da?»

20 Ani yala nagie engú téte de. Ani apa mbámbá me: «Ngama-a, ma ne Masiya ade.»

21 U atsia ayi ani me: «Mu la ne da? Mu ne Eliya?» Djaa agie me: «Ma ne ani ade.» U ayi ani me: «Mu ne polofeta inde ya ngadjeke e?» Ani

† 1:7 1:7 **Okpála bhuka zi 'kpí ka ani:** Ani inde-e, a ko Djaa bhülü nabatisa okpála-o. ‡ 1:15 1:15 **Djaa:** A ko Djaa bhende Bhülü nabatisa okpála-o.

agie me: «Ma ne polofeta ade.»

²² Abhomu-o, u atsia apa pi ani me: «Mu la naamu ne da? Padhá de, anga a ayo me ya gie engú téte pi okpála inde atima ya ko. Ngamu makpe-e, mu ngapa li 'ngú gba mu-o pi?»

²³ Djaa agie me:

«Ma ne kpála inde ngato-tobhila bhú 'gu me,
<Yi leke kpadji ngingbing-bili pi Ngámá.»»

(A bhomu-o engú inde li polofeta Isaya apa nani e-o).[†]

²⁴ Okpála inde u atima o agba Djaa, a adu nani omuFalisai.

²⁵ U ayi ani me: «Mu ne Masiya ade. Mu ne Eliya ade. Mu ne polofeta inde ya ngadjeko e ade. Mu la ngabatisa okpála ngú ni?»

²⁶ Djaa agie pi uo me: «Ngama-a, ma ngabatisa okpála ne engu. La-a, kpála bini bhú ká yi, inde yi mbila e de.

²⁷ Ani ngago pita ma. Ma belegú ne tetele kpála ade ngubula me ma bhulu ekpú na maleko gba ani-o.»

²⁸ Engú bhomu-o akodho 'kpí bhú kuti na Betania, ayi 'ngu na Djuludani li bili inde li Djaa adu abatisa okpála li e-o.

Yesu ne Ndili Kandele gba Ebhe

²⁹ Li ekpí aseke lie, Djaa au Yesu me ani nde ngago

li pápá inde ani adu li e-o. Ani atsia apa me: «Yi tsia nga Ndili Kandele gba Ebhe-o. Ani nga'e siti 'ngú píla doto ngae.

³⁰ Engú inde ma akpokpo e, ma akpokpo pindji ani, engú inde me: <Kpála bini ngago pita ma. La-a, ani ane ma mane. Padhá de, anga ani adu nani muma kalanu.>

³¹ Ma du ambila ani de. Engú bini, ma ago nabatisa okpála ne engu, ngubula me Ebhe suno ani pi omafsalaele.»

³² Djaa akpokpo matá engú gba ani-e me: «Ma au Bua\$ gba Ebhe-e ngayie ne abhúlá, maka bébhe, atsia adu pi ani.

³³ Ma du ambila ani de. Engú bini, Ebhe inde atima ma ngú nabatisa okpála ne engu-o, apa muma me: <Mo ou Bua gba Ebhe-e ngake, i tsia du pi kpála bini. A bhomu-o kpála inde abátisa okpála ne Bu Bhopua ko.»

³⁴ Ngama-a, ma au, ma atsia akpokpo la di 'ngú mbámbá me kpála inde-e, a ko Ndili gba Ebhe!»

Yesu a'i omukpata na gigina

³⁵ Li ekpí aseke lie, Djaa adu ago matá oo bhú dabili bini ne omukpata gba e bhisi.

³⁶ Nedhinga ani au Yesu lie ngakodho 'kpí-e, ani atsia apa me: «Yi tsia nga Ndili Kandele gba Ebhe-o.»

[†] **1:23 1:23** Tsia bhú Isa. 40:3. **§ 1:32 1:32 Bua:** I du me u nde aye ne 'du balua na ngéngbé-e (madjisikile), amba a ko Bu Bhopua.

³⁷ Li omukpata gba ani bhisi-e adje ani lie ngapa 'ngú bhomu-o, u atsia akpata Yesu.

³⁸ Yesu adji lie. Ani au me u adu akpata ni, ani atsia ayi uo me: «Yi ngagili ni?» U agie pi ani me: «Labi, mu ngadu su?» (Labi akunda napa me Musuno.)

³⁹ Yesu agie pi uo me: «Yi gógo amba yi u.» (A adu nani masikpe de saa na badha pita tulukpe.) U anu, u atsia au bili inde ani adu nadu li e ko. Li 'kpí ang-o-o, u atsia adulu ne uo bhú dabili bini.

⁴⁰ Andili, ndai Simo Piele, nani ne suka omukpata bhisi inde adje engú li Djaa apa e-e, atsia akpata Yesu-o.

⁴¹ Andili abhaka ngaiza kalanu hana-a ndai e makpe Simo. Ani atsia apa pi ani me: «Ya au Masiya au.» (A akunda napa me Kilisito.)

⁴² Ani anu ne Simo agba Yesu. Yesu atsia ani, ani atsia apa me: «Ngamu-o, mu ne Simo, ndili gba Djaa. U adu a'i mu me Sefasi.» ('Ili ang-o-o akunda napa me Piele.)

Yesu a'i Filipo

⁴³ Li ekpí aseke lie, Yesu akunda nanu bhú ndu doto na Galilaya. Ani abhaka Filipo, ani atsia apa pi ani me: «Kpata ma.»

⁴⁴ (Filipo nani ne kpála na gudhu na Betesaida, gudhu inde li Andili ngauo ne Piele ayie bhú e-o.)

⁴⁵ Pipita-a, Filipo abhaka Natanaele. Ani apa pi ani me: «Ya au kpála inde li

Moidje aye nani engú gba e bhú bhuku na líli-o, li opolofeta akpokpo di nani engú gba e-o. A ko Yesu, ndili gba Djodjefu, kpála na gudhu na Nadjaleta.»

⁴⁶ Natanaele ayi ani me: «Ehe na ndjindji ti da nayie bhú kuti na Nadjaleta uu?» Filipo agie pi ani me: «Gogo, amba mu u.»

⁴⁷ Li Yesu au Natanaele lie ngago li pápá gba e, ani atsia apa li 'ngú gba ani-e me: «Yi tsia nga kúkulu małsalaele inde. Pulu 'ngú bhú ani belegu ade bini.»

⁴⁸ Natanaele ayi ani me: «Mo ombila ma lele pi?» Yesu agie pi ani me: «Ma au mu nedhinga mo odú lie sa ndula na figi, kala me Filipo 'i mu-o.»

⁴⁹ Abhomu-o, Natanaele atsia apa pi ani me: «Labi, ngamu-o, mu ne Ndili gba Ebhe! Mu ne 'ngbé Ngámá gba omałsalaele!»

⁵⁰ Yesu apa pi ani me: «Mo obhuka, anga ma apa pi mu me ma au mu sa ndula na figi? Mo ou ongú na ng-bengbengbe ane bhobhomu-o mane!»

⁵¹ Yesu atsia apa matá me: «Ma apa pi yi na paká me yi aú kokpí me a nde abhulu lie, oandjelu gba Ebhe-e nde nga'u, u nde di ngake pi' ndji ma, Ndili gba kpála!»

2

Anokomia na kúva bhú kuti na Kana

¹ Abhomu-o, pita 'kpí bhisi-e, anokomia na kúva

adu bhú Kana, kütí bini na ndu doto na Galilaya. 'Hi Yesu adu oo.

² U atsia a'i di Yesu ne omukpata gba e bhú anokomia ango-o.

³ Li vino andjia lie, 'hi Yesu atsia apa pi ani me: «Vino matá ka uo ade.»

⁴ Engú bini, Yesu agie pi ani me: «'Hi ma, a ka ní ne mu ne ni? Nedhinga gba maa kolo nga de.»

⁵ Abhomu-o, 'hi ani atsia apa pi okpála na kulu-o me: «Yi mene ndu 'ngú hana inde ani apá e pi yi ko.»

⁶ Ngbengbe madakpa inde u abho e li teme-e, adu oo madhia. OmaYuda vñvñlù lio bhúbhú ngubula nakolo bubu kala Ebhe. Omadakpa ango-o bini ne bini ti da naha litele kámá bini.

⁷ Yesu apa pi okpála na kulu-o me: «Yi bebedhe omadakpa bhomu-o ne engu.» Okpála na kulu-

o abebedhe omadakpa ne engu bedhe bedhe.

⁸ Abhomu-o, Yesu atsia apa pi uo me: «Mbìa inde-e, yi sese, amba yi nu ha pi ngámá na anokomia-o.» U amene bhadi moko.

⁹ Li ngámá na anokomia ale engu-o lie, ani au me akolo vino. Ani du ambila bíli inde ayie li e de. (La-a, okpála na kulu inde asene

engu-o, adu ambimbila ngao.) Abhomu-o, ani a'i 'ko ele-o.

¹⁰ Ani apa pi ani me: «Ndu okpála hana haha ngaiza kalanu vino na babadha. I du la me u nde andji vino bhelé andji-e, u tsia há bhende babadha ade ko. La-a, ngamu-o, mo owo vino bhende na babadha-a akolo li nedhinga inde!»

¹¹ Abhomu-o gina ongú na ngangamba* inde li Yesu amene e-o. Ani amene bhú Kana, kütí bini na ndu doto na Galilaya. Ani asuno sangu gba e-o, omukpata gba ani-e atsia abhuka ani.

¹² Pipita-a, ani anu bhú gudhù na Kapalanauma bhú dabili bini ne 'hi e, ne ondaise e, di ne omukpata gba e-o. U mene la oo ekpí bhelé de.

Yesu atsambala okpála natsindji 'he bhú 'ngbé 'ti Ebhe gba omaYuda

(Tsia bhú Mat. 21:12-13; ne bhú Mlk. 11:15-17; di ne bhú Luk. 19:45-46.)

¹³ Anokomia na Pasika gba omaYuda akolo masikpe. Abhomu-o, Yesu atsia anu bhú gudhù na Yelusalema.

¹⁴ Oo, ani ali bhú 'ngbé 'ti Ebhe gba omaYuda-o. Ani abhaka me okpála ngatsindji obagala, ne okandele, di ne obebhe. Ani atsia abhaka

* **2:11 2:11 Ongú na ngangamba:** Bhú Bádha Ngali gba Yesu Kilisito maka li Djaa aye lie, mo obháka ongamba 'ngú mananika inde asuno okulu gba Yesu-o. Bhú obhuku koko u aye me «Okulu», bhú okoko u aye me «Ehe inde ngasuno ehe koko, i du di-e engú koko» (sinye). Tsia bhú Dja. 4:43-54, 5:1-16, 6:1-21.

† **2:14 2:14 OmaYuda inde adu ayie bhú okuti koko adu ngaiza nayipa falanga gba o-o.** Pipita-a, u tsia ti la da nakala enu ngú nahaha pi Ebhe di ne nadi epo na 'ngbé 'ti Ebhe gba omaYuda-o.

di me okpála nayipa falanga
nde adúlu.[†]

¹⁵ Abhomu-o, Yesu amene
fimbo li kute ekpu. Aní
apandja ndu uo hana bhú
'ngbé 'ti Ebhe gba omaYuda-
a kilidjo, bhú dabili bini ne
okandele, di ne obagala gba
o-o. Aní agu 'i dabili gba
okpála nayipa falanga kuto.
Aní atsia abala di falanga
gba uo-o.

¹⁶ Aní atsia apa pi okpála
inde adu natsindji obebhé-o
me: «Yi 'e ehe inde-e si ma'e!
Yi adjí eti gba 'Dyi ma-a eti
natsindji 'he de!»

¹⁷ Omukpata gba ani-e at-
sia abhundja engú inde u
aye e bhú Bhuku gba Ebhe-e
me: «Mukunda inde ma nde
ne e ngubula eti gba mu-o,
atsúlu ma maka djua!†»

¹⁸ Abhomu-o, omaYuda ayi
ani me: «Mo oméne pi ya
mangua ngamba 'ngú dho
inde asúno me, mu ne angu
namene mo-o?»

¹⁹ Yesu agie pi uo me: «Yi
bhéle 'ngbé 'ti Ebhe gba
omaYuda inde, súnda 'kpí
bata-a, ma tsia yíki matá.»

²⁰ OmaYuda ayi ani me:
«A ayo nani kalanga ndjikpa
badha ne ká madhia, ngú
nayiki 'ngbé 'ti Ebhe gba
omaYuda inde! La ngamtu-
o, mu tsia yíki súnda 'kpí
bata?»

²¹ Engú bini, 'ngbé 'ti Ebhe
inde li Yesu adu apa 'ngú e,
adu kute ani.

²² Kaka-a, li Yesu azuku lie,
omukpata gba ani-e atsia ab-
hundja engú nani ani apa e-

o. Abhomu-o, u atsia abhuka
engú inde u aye e bhú Bhuku
gba Ebhe, di ne bhende nani
li Yesu apa e ko.

Yesu mbila bua ndu okpála hana

²³ Li Yesu adu lie bhú
gudhu na Yelusalema
ngubula anokomia na
Pasika-a, okpála bhelé
au ongú na ngangamba
inde ani adu amene e-o.
Abhomu-o, u atsia abhuka
ani.

²⁴ Engú bini, ngaani
makpe, ani ziba uo de.
Padhá de, anga ani adu
ambila ndu uo hana
ndjindji.

²⁵ Aní ne gúmu nayi kpála
bini li 'ngú pindji kpála-kuti
ade. Padhá de, anga ngaani
makpe, ani adu ambila engú
inde bhú kpála ndjindji.

3

Yesu ngauo ne Nikodemu

¹ Kpála bini adu nani bhú
ká omuFalisai . A adu
li ani me Nikodemu. Aní
adu nani súka ongámási gba
omaYuda .

² Aní anu abhaka Yesu
sukpe, ani atsia apa pi ani
me: «Musuno, ya ambila me
Ebhe atima mu ngae, ngú
nasuno 'ngú pi ya. Padhá de,
anga kpála bini ti da namene
ongamba 'ngú , maka mu
ngamemene lie inde-e de, i
du me Ebhe nde bhú dabili
bini ne ani ade ko.»

³ Yesu agie pi ani me: «Ma
apa pi mu na paká me, kpála

[†] 2:17 2:17 Tsia bhú Ets. 69:10.

bini ti da nau Nañ gba Ebhe-e de, i du me u nde zu ani ne toto de ko.»

⁴ Nikodemñ ayi ani me: «Lele pi, u ti da nazu gbé kpála lie ne toto-o? Ani ti da nagie lie bhú 'bu 'hi e, li 'hi ani tsia zú ani ne toto?»

⁵ Yesu agie pi ani me: «Ma apa pi mu na paká me, kpála bini ti da nali bhú Nau gba Ebhe-e de, i du me ani nde sia nazu li kpadji na engu di ne li kpadji na Bua de ko.

⁶ Bhende azu lie bhú kute-e, a ko kute. Bhende azu lie bhú Bhabua-a, a ko bua.

⁷ Mo ongámba de ka ma apa lie pi mu me: <A ayo me u zu ndu yi hana ne toto.›

⁸ Anvi ngape li pápá akunda nape li e. Mu ngadje gigili. Engú bini, mu mbila bili li anvi ango-o ayie li e de. Mu mbila la di pápá adji li e de. A bhadi moko pi ndu obhende hana asia nazu li kpadji na Bua.»

⁹ Abhomú-o, Nikodemñ ayi Yesu me: «Engú ango-o ti da namene lie lele pi?»

¹⁰ Yesu atsia agie pi ani me: «Ngamu-o, mu ne suka ongbengbe omusuno na Isalaele. Engú la bini, mu mbila engú ango-o de!»

¹¹ Ma apa pi mu na paká me: ya ngapa engú inde ya ambila e. Ya la di ngakpokpo 'ngú pindji bhende ya au e ne djila ya. Engú la bini, yi bhuka engú inde ya akpokpo e pi yi-e de.

¹² Ma ngakpokpo 'ngú pi yi pindji 'ngú na píla doto. Engú bini, yi bhuka de. I du la me, ma nde akpokpo 'ngú pi yi pindji 'ngú na abhúlá-a, yi tsia bhúka?

¹³ Padhá de, anga kpála bini ade inde akolo nga abhúlá, bha bini ngama, Ndili gba kpála inde ayie oo-o!

¹⁴ Maka li Moidje a'e'e nani kulu kpúlú lie li ndula abhú 'gu-o, a ayo bhadi me ngama, Ndili gba kpála-a, u 'e'e bhadi ma moko.*

¹⁵ U 'e'e ma, amba kpála ne kpála inde abhuka ma-a, ani sia mukobho na duduma.

¹⁶ Padhá de, anga Ebhe akunda okpála na píla doto naali. Kaka-a, ani atima koli Ndili gba e bini-e ngubula me kpála ne kpála inde abhuka ani-e, ani akpi-i de. Engú bini, ani sia mukobho na duduma.

¹⁷ La-a, Ebhe tima nani Ndili gba e ngú nakodho 'ngú gba okpála na píla doto de. Engú bini, ani atima ani ngubula me, okpála na píla doto kobho ka ani.

¹⁸ Kpála ne kpála inde abhuka ani-e, mangimbo pi ani ade. Engú la bini, kpála inde i bhuka de-e, u a'o mangimbo pi ani bhutode. Padhá de, anga ani bhuka koli Ndili bini gba Ebhe-e de.

¹⁹ Ta mangimbo ango-o me: zi 'kpí ago píla doto, engú la bini, okpála na píla doto akunda mangbo biti

* **3:14 3:14** Yesu ngapa bhomú-o engú nakpi ka e li kulusi di ne nagie lie ka e agba Ebhe.

ane zi 'kpí, ka siti 'ngú inde u ngamene e-o.

²⁰ Ndú kpála hana inde ngamene siti 'ngú-o, yala zi 'kpí mayala. Ani gó di li bili li zi 'kpí nde li e de. Padhá de, anga ani ngakpe me osisiti 'ngú gba ni-e akoto mbámbá li zi 'kpí de.

²¹ Engú la bini, ndú kpála hana inde ngamene ngibili 'ngú, ngago li bili li zi 'kpí nde li e-o. Ani ngamene mo-o ngubula me u u mbámbá me okulu ni ngamene e, a amene lie maka li Ebhe aziba lie ko.»

Yesu ngauo ne Djaa

²² Pita 'ngú ango-o, Yesu ngauo ne omukpata gba e anu bhú ndu doto na Yudaya. Oo, ani adú ne uo ngubula mbo nedhinga bedi. Ani atsia adú abatisa okpála.

²³ Djaa atsia adú di nabatisa okpála bhú 'ngu na Enona, de bili na Salime, anga engu adú li bili ango-o naali. Okpála adú ago abhaka ani, ani atsia adú abatisa uo.

²⁴(Li nedhinga bhomu-o, a abhaka me u nde bhike nga Djaa bhú tikpu de.)

²⁵ Abhomu-o, bhú ká omukpata gba Djaa, okoko aholo nabi bhayiki ne maYuda bini, pindji 'ngú naválú lie ngú nakolo ka e bubu, maka li lili apa lie-o.

²⁶ U anu abhaka Djaa, u atsia apa pi ani me: «Músuno, kpála nako yi adú ne e ayi 'ngu na Djuludani-e, di mo okpokpo 'ngú gba e-e, tsia

nga mbia inde-e, ani ngabatisa okpála. Okpála bhé nganu abhaka ani.»

²⁷ Djaa agie pi uo me: «Kpála bini ti da nasia 'he belegu de bini, i du me Ebhe nde ha pi ani ngae de ko.

²⁸ Ngayi makpe, yi ti da napapa li ma ngayi me, ma apa nako me: «Ngama-a, ma ne Masiya ade. Engú la bini, ma ne kpála inde u atima e pi ani kalanu.»

²⁹ Bhulú ele-o, a ko 'ko ele-o. Olia bhoko-o alu de ani, ani ngadje ani. Ani ngakpi djali naali ka ani ngadje 'li 'ko ele-o lie-o. A ko di djali gba ma-o, djali ango-o mbia inde-e libhomu.

³⁰ A ayo me u 'e'e ani ne abhúlá, amba ngama-a, ma ke naama ne kuto.»

Kpála inde ayie abhúlá-a ane ndú okpála hana

³¹ «Kpála inde ayie abhúlá ane ndú okpála hana. Kpála inde ayie píla doto-o, a ko kpála na píla doto. Ani ngakpokpo 'ngú na píla doto. Kpála inde ayie abhúlá-a ane ndú okpála hana.

³² Ani ngakpokpo 'ngú pindji engú inde ani au e, di ne bhende ani adje e-o. La-a, kpála bini ziba engú inde ani ngakpokpo e de.

³³ Kpála inde aziba engú inde ani ngakpokpo e abhuka me Ebhe ngapa kúkulu 'ngú.

³⁴ Kpála inde li Ebhe atima e, ngakpokpo eli gba Ebhe. Padhá de, anga Ebhe abedhe ani ne Bua gba e bedhe.

³⁵ 'Dyi Ndili-e, akunda Ndili na bhabhoko gba e-o. Ani a'o ndu 'he hana sa 'kpa ani.

³⁶ Kpála inde abhuka Ndili-e, asia mukobho na duduuma. La-a, kpála inde i bhuka Ndili-e de-e, sia mukobho ang-o de. Engú bini, ke 'ngú gba Ebhe-e adu pi ani.»

4

Yesu ngauo ne olo bini na ndu doto na Samalia

¹⁻³ Abhomu-o, omuFalisai adje me okpála bheldé ngakpata Yesu, di ne me ani ngabatisa okpála bheldé ane Djaa . (A na paká me Yesu du nani naae nabatisa okpála de. Omukpata gba ani-e adu mangbo nabatisa okpála ngao.) Li Yesu adje lie mo-o, ani ayie bhú ndu doto na Yudaya, ani atsia agie lie bhú ndu doto na Galilaya,

⁴ ngú nanu oo. Padhá de, anga a ayo me ani pu bhú ndu doto na Samalia.

⁵ Ani akolo bhú gudhú bini na Samalia. A adu li gudhú ang-o me Sikale, dengo ndu doto inde nani li Yakobho aha e pi ndili gba e Djodjefu-o .

⁶ Li dabili ang-o, kpongu gba Yakobho adu oo. Li Yesu andala lie ka dhukku-o, ani atsia adu dengo kpongu ang-o kuto. A adu masikpe de tulukpe.

⁷ Olo bini na Samalia ago ngú nase 'ngu. Abhomu-o, Yesu atsia apa pi ani me: «Ha mbo engu nandji

mandji muma.» ⁸ (A abhaka me omukpata gba ani-e nde agbida bhú gudhú, ngú nakala ezú nazú mazú.)

⁹ Abhomu-o, ole-o apa pi Yesu me: «Mu ne maYuda. Ngama-a, ma ne kpála na Samalia. Lele pi mu ti da nayo engu nandji mandji lie ka ma?» (Padhá de, anga omaYuda djedje lio ne omuSamalia de.)

¹⁰ Yesu agie pi ani me: «I dú me mu mbíla makalá gba Ebhe-e uo, i dú la di me mu mbíla kpála inde apa pi mu me: «Ha mbo engu nandji mandji muma uo», mu de ayo mangbo engu ka ani ngamu. Ani de ahá engu na mukobho pi mu.»

¹¹ Olo ang-o agie pi ani me: «Ngámá, ehe ngú nase engu-o ne di ka mu ade. 'Du 'ngu-o la di tsutsu. Mo oyé ne engu na mukobho-o su?

¹² Ogbi ya Yakobho aha kpongu inde-e pi ya ngae. Ngaani makpe, ani andji engu inde-e bhú dabili bini ne ongisi di ne onu gba e-o. Mo obhundja naamu me mu ngebéngé ane ani?»

¹³ Yesu agie pi ani me: «Kpála inde andji engu inde-e, ani adjé matá gumi 'ngu madje.

¹⁴ Engú bini, kpála inde andji engu inde ma ahá e pi ani-e, ani djé matá gumi 'ngu belegu de bini. La-a, engu inde ma ahá e pi ani-e, akólo bhú ani kpongu na mukobho na duduuma.»

¹⁵ Olo ang-o apa pi ani

me: «Ngámá, ha mbo engu ango-o mʉma, amba ma adjé matá gʉmʉ 'ngu de. Ma agó la di matá nase engu inde-e de.»

¹⁶ Yesu apa pi ani me: «Nʉ́ i 'ko mʉ, amba mʉ gie matá límʉ ei.»

¹⁷ Ani agie pi Yesu me: «Bhoko ka ma ade.» Yesu atsia apa pi ani me: «Mo opa ndjindji me bhoko ka mʉ ade ko.

¹⁸ Padhá de, anga mo odu nako ne obhosí bhuluvue. Bhoko bhende yi nde ne e mbia inde-e, a ko la di 'ko mʉ de. Mo opa kʉkʉlu 'ngú.»

¹⁹ Abhomʉ-o, ele ango-o apa pi Yesu me: «Ngámá, ma au me mʉ ne polofeta .

²⁰ Onguo ogbi ya, okpála na ndu doto na Samalia-a, adhège Ebhe pí eta inde. Engú bini, ngayi omaYuda-a, yi ngapa me gʉdhu na Yelusalema ne bili inde a ayo lie me u dhège Ebhe-o.»

²¹ Yesu atsia agie pi ani me: «Өle-e, bhuka 'li ma. Nedhingga ngago, nedhingga inde yi dhège 'Dyi ní lie pí eta inde-e de. Yi dhège la di ani lie bhʉ gʉdhu na Yelusalema de.

²² Ngayi okpála na ndu doto na Samalia-a, yi ngadhege Ebhe inde yi mbila e de. Engú bini, ngaya-a, ya ngadhege Ebhe inde ya ambila e. Padhá de, anga mʉkobho ago ne li pápá gba omaYuda.

²³ Engú bini, nedhingga ngago, nedhingga ango-o be-

legʉ akolo, nedhingga inde li okukʉlʉ okpála nadhège 'Dyi ní adhége ani lie bhʉ Bu Bhopua , di ne bhʉ kʉkʉlu 'ngú-o. Padhá de, anga a bhomʉ-o okukʉlʉ okpála nadhège 'Dyi ní inde ani nde ne gʉmʉ o-o.»

²⁴ Ebhe ne Bua. Kaka-a, a ayo me okpála inde ngadhège ani-e, dhège ani bhʉ Bua di ne bhʉ kʉkʉlu 'ngú.»

²⁵ Өle-o apa pi Yesu me: «Ma ambila me Masiya ('ili ango-o akʉnda napa me Kilisito) agó mago. Li ani agó lie-e, ani tsia bhʉlu ndu 'ngú hana pi ya mbámbá.»

²⁶ Yesu agie pi ani me: «Ngama kpála inde ngakpokpo 'ngú pi mʉ mbia inde-e, ma ne ani.»

²⁷ Li nedhingga bhomʉ-o, omukpata gba Yesu-o agie li. U angamba naali ngú nau ani me ani nde ngagama 'ngú ne ele. Engú bini, sʉka uo bini yi ani de me: «Mʉ ngagili ni?» di ne me: «Mʉ ngagama 'ngú ne ani ngú ni?»

²⁸ Abhomʉ-o, ele ango-o a'o ká lʉsa 'ngu gba e-o. Ani agie lie abhʉ gʉdhu. Ani atsia apa pi okpála me:

²⁹ «Yi gógo, yi u kpála inde akpokpo ndu 'ngú hana inde ma amene e mʉma. A ko ndi Masiya di?»

³⁰ Abhomʉ-o, u aze bhʉ gʉdhu-o, u atsia agbida nab-haka Yesu.

³¹ Bhʉ nedhingga bhomʉ-o, omukpata gba Yesu-o adu atu ani me ani zu 'he. U adu

apa pi ani me: «Musuno, zu
nga mbo 'he!»

³² Engú bini, ani agie pi uo
me: «A ka ma ne ehe nazú
mazú inde yi mbila 'ngú li e
de.»

³³ Abhomu-o, omukpata-a
ayi lio sonda o me: «Kpála
bini ago ndi pi ani ne ehe
nazú mazú adi?»

³⁴ Yesu apa pi uo me:
«Ezú gba ma-a, a ko namene
gumú gba kpála inde atima
ma-o, di ne nandjia kulu
inde ani aha e muma-o.»

³⁵ Ngayi-e, yi papa me:
«A atigala matá epe badha
ngubula na'e nguwa abhiye.» La ngama-a, ma apa
pi yi me, yi tsia nga oedyi-
e ndjindji. Padhá de, anga
nguwa abhele, a akolo bedhe
ngubula na'e'e abhiye!

³⁶ Kpála inde ngagbe
nguwa abhiye-e ngasia
makalá gba e-o. Ani ngapo
bhála nguwa-a ngubula
mukobho na dudu-ma. Kaka-
a, kpála nalu nguwa, ne
kpála inde nga'e'e abhiye-e,
ngakpi djali bhá dabili bini.

³⁷ Padhá de, anga a ko
kukulu 'ngú, engú inde
u apa e bhá gbitaku me:
«Kpála koko ngalu nguwa-o,
li kpála koko tsia 'é abhiye.»

³⁸ Ngama-a, ma atima yi
na'e nguwa bhiye inde yi
ndala bhá e de. Okpála koko
andala bhábhá, yi la ngasia
bádha 'ngú li kulu gba uo-o.»

³⁹ Abhomu-o, okpála
bhelé na gudhú na Samalia
bhomu-o abhuka Yesu ka eli
inde li olé-o akpokpo e me:

«Ani akpokpo ndu 'ngú hana
inde ma amene e muma.»

⁴⁰ Kaka-a, li okpála na
gudhú na Samalia akolo lie
de Yesu-o, u ayo ka ani me
ani du mbo gba o oo. Ab-
homu-o, Yesu atsia amene oo
ekpí bhisi.

⁴¹ Okpála bhelé naali ab-
huka matá ka eli inde li Yesu
apa e-o.

⁴² U atsia apa pi olé-o me:
«Mbía inde-e, ya bhuka bha
bini ka engú mo okpokpo e
de. Engú bini, ya abhuka
anga ngaya makpe-e, ya adje
ani. Ya atsia ambila na
paká me a ko Mukobho gba
okpála na píla doto.»

*Yesu akobho ndili na
bhobhoko gba 'ngbé kpála
bini*

⁴³ Pita 'kpí bhisi li Yesu
amene e oo, ani ayie oo, ani
atsia anu bhá ndu doto na
Galilaya.

⁴⁴ Ngaani makpe-e, ani apa
nani me: «Polofeta inde u
amanga e bhá doto gba e
belegú ade bini.»

⁴⁵ Li ani akolo lie bhá ndu
doto na Galilaya-a, okpála
inde oo asia ani ndjindji.
Padhá de, anga u au ndu
'ngú hana inde li ani amene
e li nedhinga na anokomia
bhá gudhú na Yelusalema-o,
anga u adu di oo.

⁴⁶ Pipita-a, Yesu agie lie
bhá kuti na Kana, bhá ndu
doto na Galilaya. A bhomu-
o bili inde ani adjí nani
engu li e, atsia akolo vino-o.
'Ngbé kpála bini na Lita adu
oo. Adu li ndili gba ani na

bhobhoko-o ne kuo, bhú kúti na Kapalanauma.

⁴⁷ Lí kpála ango-o adje lie me Yesu ayie bhú ndu doto na Yudaya, ani akolo bhú ndu doto na Galilaya-a, ani anú abhaka ani. Ani atsia akikiliki lie pí ani me ani ná bhú kúti na Kapalanauma, amba ani kobho ndili gba ná na bhobhoko-o. Padhá de, anga ndili ango-o adú masíkpe de nakpi.

⁴⁸ Abhomú-o, Yesu atsia apa pí ani me: «I du me yi nde u ongamba 'ngú, di ne okiaka 'ngú de-e, a na paká me yi ti da nabhubhuka de!»

⁴⁹ 'Ngbé kpála na Líta-a apa pí ani me: «Ngámá, kala me ndili-e kodho bua e, gogo.»

⁵⁰ Yesu apa pí ani me: «Gie limú agba mu, ndili gba mu-o akobho!» Kpála ango-o abhuka engú inde li Yesu apa e pí ani-o. Ani atsia atapa.

⁵¹ Nedhínga ani adú anú lie-e, okpála na kulu gba ani-e ago aké lio ne ani lí kpadjí. U apa pí ani me: «Ndílì gba mu-o akobho!»

⁵² Ani atsia ayi uo lí nedhínga lí ndili-e akolo lie ndjíndji-o. U apa pí ani me: «Bandjí-e ayie lí ani lili bhú saa na bini, píta tulukpe..»

⁵³ Abhomú-o, 'dyí ndili-e atsia ambila me, a ko saa inde li Yesu apa pí ani lie me: «Ndílì gba mu-o akobho-o.» Nayie lí nedhínga bhomú-o, ngaani makpe-e, ani abhuka, di ne piga gba e libhomu.

⁵⁴ A bhomú-o ngamba 'ngú na bhisi lí Yesu amene e, píta

ani ayie lie bhú ndu doto na Yudaya, ani atsia agie lie bhú ndu doto na Galilaya ko.

5

Yesu akobho kpála inde agugumú kuto

¹ Pita ongú akodho 'kpí-e, anokomía bini gba omaYuda ati. Abhomú-o, Yesu atsia anú bhú gudhú na Yelusalema.

² Bhú gudhú oo, de bhotí inde u a'i e me bhotí gba Okandele-o, 'dú 'ngu bini navhú kute adú oo. A adú lí 'li bhú eli na Ebele me Betedjata. Djedje 'he maka 'ti ngbangbalí adú dede bhu-luyue.

³ Obhúlú kuo bhelé adú me u nde asili kuto sasa. A adú nani okpála inde i u 'kpí de, ne okpála inde ne eze lí 'dhú o, di ne okpála na bhukú kute. [U adú adjeke me engu-o dimba.

⁴ Padhá de, anga lí onedhinga koko-o, andjelu bini gba Ngámá-a adú aké bhú 'ngu-o, engu-o atsia adú adimba. Kpála na kuo inde adú aké bhábhú kalanú-o, adú nakobho. Belegu lí kuo du bha nani pí-ie.]

⁵ Bhoko bini adú oo, ani asi nani ne kuo kalanga ndjíkpa bata ne ká madjína.

⁶ Lí Yesu au ani lie asi kuto-o, ani ambila di lie me ani asi ne kuo 'kpí bhelé-e, ani atsia ayi ani me: «Mo okúnda nakobho?»

⁷ Kpála na kuo ango-o agie pi ani me: «Ngámá, kpála ka ma ade ngubula me ani kó

ma bhú 'ngu-o, li nedhinga
inde i ngadimba lie-o. Ma
le me ma nu me-e, li kpála
koko kodho 'kpí kala ma.»

⁸ Yesu apa pi ani me: «Yie
bhálá, ha tsala gba mu-o,
nunu.»

⁹ Kolo má gala me-e, kpála
na kuo-o akobho. Ani aha
tsala gba e-o, ani atsia aholo
nadhu.

La-a, adu nani li 'kpí
naguo gba omaYuda-o .

¹⁰ Abhomu-o, omaYuda
apa pi kpála inde akobho-
o me: «A ko 'kpí naguo. A
ayo de me mu bi tsala gba
mu-o de.»

¹¹ Ani agie pi uo me:
«Kpála inde akobho ma-a,
apa muma me: <Ha tsala gba
mu-o, nunu.»

¹² U ayi ani me: «A ko
kpála bhedho inde apa pi
mu me: <Ha tsala gba mu-o
nunu?»

¹³ Engú bini, kpála inde
akobho-o mbila de me a ko
da. Padhá de, anga adu
me Yesu nde angita bhú ká
okpála inde adu li bili angoo
angita.

¹⁴ Pipita-a, Yesu abhaka
ani bhú 'ngbé 'ti Ebhe gba
omaYuda-o. Yesu apa pi
ani me: «Tsitsia nga, mo
okobho. Mo oméne matá siti
'ngú de, amba engú inde ane
ne siti-e, akólo li kute mu
de.»

¹⁵ Kpála angoo anu napa
pi omaYuda me Yesu akobho
ni ngae.

¹⁶ Kaka-a, omaYuda aholo
nadje siti bua pindji Yesu.
Padhá de, anga ani amene

nani engú angoo bhú 'kpí
naguo.

¹⁷ Engú bini, Yesu agie pi
uo me: «Maka li 'Dyi ma
ngamene kulu lie nakolo pi
mbia inde-e, Ngama di-e, ma
ngamemene moko.»

¹⁸ Kaka-a, omaYuda adu
agili matá ne kekele ngú
nabhele ani. Padhá de, anga
ani gümü bha bini lili na 'kpí
naguo de, engú bini, ani adu
apa lie me Ebhe ne 'Dyi ni-
e, ani adu ale lie bhomu-o li
Ebhe.

*Ebhe aha ndu 'ngú gba e
hana pi Ndili gba e-o*

¹⁹ Abhomu-o, Yesu apa
matá pi uo me: «A moko, ma
apa pi yi na paká me ngama
Ndili-e, ma ti da namene 'he
bini bhú ngú ma de, bha
bini bhende ma au me 'Dyi
ma ngamene e-o. Padhá
de, anga ehe inde li 'Dyi
ma ngamene e, ngama Ndili-
e, ma ngamemene bhadi
moko.

²⁰ 'Dyi ma kunda ma,
Ndili gba e-o. Ani ngasuno
ndu 'ngú hana inde
ngaani makpe ani ngamene
e muma, Ndili gba e-o.
Ani asúno muma, Ndili gba
e, okulu na ngbengbengbe
inde ane obhende-e mane.
Yi tsia ngámba téte.

²¹ Padhá de, anga maka
li 'Dyi ma ngazuku okpála
inde amu-o lie, ani la di
ngaha mukobho pi uo-o,
ngama, Ndili gba ani-e, ma
ngaha bhadi mukobho moko
pi kpála inde ma akunda
nahaha pi e ko.

²² 'Dyi ma kodho 'ngú gba kpála bini de. Engú bini, ani aha nakodho 'ngú hana mūma, Ndili gba e,

²³ ngübula me ndu okpála hana du namanga ma, Ndili gba ani, maka u ngamanga ani 'Dyi ma lie ko. Kpála inde i manga ma, Ndili-e de-e, ani manga di 'Dyi ma inde atima ma-a de.

²⁴ A moko, ma apa pi yi na paká me kpála inde adje 'li ma-a, inde abhuka la di kpála inde atima ma-a, kpála ango-o asia mukobho na duduuma. U 'ó mangimbo pi kpála ango-o de. Engú bini, ani ayie bhú kuo, ani atsia akodho 'kpí bhú mukobho.

²⁵ A moko, ma apa pi yi na paká me nedhinga ngago, mbia inde-e, nedhinga ango-o belegü akolo, nedhinga li okpála inde amu-o, adjé 'li Ndili gba kpála-a lie-o. Abhomu-o, okpála inde adjé-e, u tsia kóbho.

²⁶ Padhá de, anga maka li 'Dyi ma nde lie ne angu ngübula naha mukobho-o, ani aha bhadi angu mūma, Ndili gba e moko ngübula me ma du naha mukobho.

²⁷ Ani atsia aha la di angu mūma, Ndili gba e, ngú nakodho 'ngú gba okpála, anga ma ne Ndili gba kpála.

²⁸ Yi angámaba téte de. Padhá de, anga nedhinga ngago. Bhú nedhinga ango-o, ndu okpála hana inde bhú lata-a, adjé 'li Ndili gba kpála-o.

²⁹ Abhomu-o, u tsia

zé. Okpála bhende amene bádha 'ngú-o, azúku ngübula nasia mukobho. Engú bini, okpála bhende amene siti 'ngú-o, azúku ngübula nasia mangimbo.»

Yesu bha bini ngamene gümü gba 'Dyi e

³⁰ Ngama-a, ma ti da namene 'he bini bhú ngü ma de. Ma ngakodho 'ngú maka li kpála atima ma-a ngapapa mūma lie ko. Kaka-a, nakodho 'ngú gba ma-a ngingbili. Padhá de, anga ma gili namene gümü gba ma-a de. Engú bini, ma ngagili mangbo namene gümü gba kpála inde atima ma ko.

³¹ I du me ma du akpokpo 'ngú inde a atsia ma-a, engú ango-o de du kükulu 'ngú de.

³² Engú bini, kpála koko ngakpokpo 'ngú gba ma-a ngae. Ma ambila me engú gba ma inde ani ngakpokpo e, a ko kükulu 'ngú.

³³ Ngayi-e, yi atima okpála agba Djaa, ani atsia akpokpo kükulu 'ngú.

³⁴ Ngama-a, ma ne gümü kpála ngú nakpokpo 'ngú gba ma-a ade. La-a, ma ngapapa mo-o ngübula me yi sia mukobho.

³⁵ Djaa naní maka eke inde u adhedhe e, inde ngatsi matsi. Ngayi-e, yi atsia akunda naní nakpi djali ngübula mbo nedhinga bedi li zi 'ke gba ani-o.

³⁶ Engú bini, engú gba ma inde u ngakpokpo e, ane bhende gba Djaa mane. A

ko bhende na kulu inde li 'Dyi ma apa me ma mene e-o. A moko, kulu inde ma ngamene e ngasuno me 'Dyi ma atima ma ngae.

³⁷ 'Dyi ma inde atima ma-a, akpokpo di engú gba ma-a ngae. La-a, yi dje nga 'li ani belegü de bini, yi u nga la di ani de.

³⁸ Eli gba ani-e ngadü bhú yi ade. Padhá de, anga yi ayala nabhuka kpála inde ani atima e-o.

³⁹ Yi ngadjipi 'ngú pindji Bhuku gba Ebhe-e ndjindji, anga yi ngabhundja me yi asia mukobho na duduuma bhúbhú. A la bhomu-o Bhuku inde ngakpokpo 'ngú gba ma-o!

⁴⁰ Abana mo-o, yi kunda nago abhaka ma ngú nasia mukobho ango-o de.

⁴¹ «Ma gili de me okpála dhögé ma-a de.

⁴² Engú bini, ma mbila yi ndjindji. Ma ambila me yi ne mukunda pi Ebhe ade.

⁴³ 'Dyi ma atima ma ngae. La-a, yi sia ma de. Idü la me kpála koko nde ago bhú ngú e, yi tsia sía ani!

⁴⁴ Yi ngatoko liyi sundu yi. Yi gili de me Ebhe toko bha yi ngae de. Lele pi yi ti da nabhuka ma lie?

⁴⁵ Yi abhúndja de me ma a'o yi bhú mangimbo kala 'Dyi ma ngama-a de. Kpála bhende a'o yi bhú mangimbo-o, a ko Moidje inde yi a'o 'to yi 'to e ko.

⁴⁶ Idü me yi bhúka Moidje kükülu-o, yi de abhúka di ma mabhuka . Padhá de,

anga Moidje aye nani engú gba ma-o.

⁴⁷ Engú bini, idü me yi nde bhuka engú inde ani aye e de-e, yi abhúka la 'li ma lele pi?»

6

Yesu aha ezü pi obhosí kutu bhuluvue

(*Tsia bhú Mat. 14:13-21; ne bhú Mlk. 6:30-44; di ne bhú Luk. 9:10-17.*)

¹ Pipita-a, Yesu akodho 'kpí li pápá koko na ekpø na Galilaya, inde u a'i di-e me ekpø na Tibeliade.

² Bhti okpála na bhibhitu adü akpata ani. Padhá de, anga u adü au ongamba 'ngú inde ani adü amene e li nakobho okpála na kuo-o.

³ Yesu atsia a'u apí 'ta. Oo, u atsia adulu ne omukpata gba e kuto.

⁴ A adü me anokomia na Pasika gba omaYuda nde akolo masikpe.

⁵ Abhomu-o, Yesu atsia 'kpí, ani au bhti okpála na bhibhitu ngago abhaka ani. Ani atsia ayi Filipo me: «Ní ti da nakala mapu su ngubula me okpála inde-e hana zu-o?»

⁶ (Yesu adü apa mo-o ngubula nale Filipo. Padhá de, anga ngaani Yesu-o, ani adü ambila engú inde ani améne e ndjindji.)

⁷ Filipo atsia agie pi ani me: «Abana ya kala mapu ne lí denalio kámá bhisí-e, alé de me kpála ne kpála sia mbo-o de.»

⁸ Suka omukpata gba ani koko-o, Andili ndai Simo Piele, apa pi ani me:

⁹ «Ndili na bhobhoko bini si-i, a ka ani ne mapana olodje* bhuluvue di ne sungu bhisi. A la bhomu-o ni pi bhti okpala inde-e?»

¹⁰ Do Yesu de-e: «Yi pa pi okpala me u duhu kuto.» (Ulu adu li bili ango-o naali.) Okpala atsia aduhu kuto. Obhosu adu masikpe de kutu bhuluvue.

¹¹ Abhomu-o, Yesu aha mapo-o. Ani atsia agie henpi Ebhe. Ani atsia agapa li okpala inde adu oo-o. Ani aha bhadu sungu-o pi uo moko li lele maka u adu akukunda lie ko.

¹² Li okpala a'u'u lie, Yesu atsia apa pi omukpata gba e me: «Yi po bhala dudu inde atigala-o, ngubula me asiti de.»

¹³ Dú mapana olodje bhuluvue inde atigala-a, u apo bhábhála. A atsia abebedhe okili ndjikpa ne ká bhisi.

¹⁴ Li okpala au ngamba 'ngú inde li Yesu amene e lie, u atsia apa me: «A inde-e bha ndju polofeta inde a ayo me ani go píla doto-o!»

¹⁵ Yesu ambila me u ngakunda nago aholo ni ne kpéke me ni du ngamá. Abhomu-o, ani ayie, ani atsia anu matá kpi e kpi apí 'ta.

Yesu adhuku pi 'ngu

(Tsia bhá Mat. 14:22-33; di ne bhá Mlk. 6:45-52.)

* **6:9 6:9 Mapa na olodje:** A ko nani mapa na bhuku mase. Okpala na ndibhili ti nani da nakakala ndjindji.

¹⁶ A akolo lie tagolo-o, omukpata gba Yesu aké alingo ekpe-o.

¹⁷ U a'u bhá zabu bini u atsia aholo nagugulu, anu li pápá na Kapalanauma. La-a, ekpí abi li uo padhá me Yesu nde kolo nga li uo de.

¹⁸ Anvi adu ape kpekpeke. Kaka-a, engu-o aholo nadimba.

¹⁹ A abhaka me omukpata-a nde adhuku ne zabu-o masikpe de kilometele madhia. Li nedhinga bhomu-o, u au Yesu me ani nde ngadhuku pi 'ngu. Ani akolo de zabu-o. Abhomu-o, u aholo nadje tsulu.

²⁰ Engú bini, Yesu apa pi uo me: «A ko ma, yi adjé tsulu de!»

²¹ U adu akunda me o ha ani, amba o bi ani bhá zabu-o. La-a, zabu akolo bha kolo lingo 'go li bili u adu anu lie-o.

Bhti okpala agili Yesu

²² Li ekpí aseke lie, bhti okpala inde atigala ayi 'nguo au bha koli zabu bini. La-a, u adu ambila ndjindji me Yesu 'u bhá zabu bhá dabili bini ne omukpata gba e de. Omukpata-a anu kpi o kpi.

²³ Li nedhinga bhomu-o, ozabu koko ayie bhá gudhu na Tibeliade, atsia akolo de bili li okpala azu mapu li e pita li Ngamá agie henpi li pi Ebhe-o.

²⁴ Li bhti okpala bhomu-o au lie me Yesu ne omukpata gba e oo ade-e, u a'u'u

bhú ozabú-o, u atsia agbida bhú Kapalanauma ngú nagili Yesu.

Yesu ne mapa na mukobho

²⁵ U anú abhaka Yesu ayi 'ngu. Abhomú-o, u ayi ani me: «Músuno, mo okolo ei nadho?»

²⁶ Yesu agie pi uo me: «Heni, ma apa pi yi na paká me, yi ngagili ma ka ongamba 'ngú inde yi au e ade. Yi ngagili mangbo ma ka mapá inde yi azú e, yi atsia a'u'u ne e má kpú kpú kpú-o!»

²⁷ La-a, yi améne kulu ngubula ezú inde ngazi mazi-e de. Engú bini, yi mene mangbo ngubula ezú inde ngabhue, di ne bhende ngaha mukobho na duduuma ko. Ngama, Ndili gba kpála-a, ma ahá ezú ango-o pi yi ngama. Padhá de, anga Ebhe 'Dyi ma a'o kasé na angu gba e li kute ma.»

²⁸ Abhomú-o, u atsia ayi ani me: «A ayo me ya mene pi ngú namene kulu maka li Ebhe akunda lie?»

²⁹ Do Yesu pi uo me: «Kulu gba Ebhe-e, a ko me yi bhuka kpála inde ani atima e ko.»

³⁰ Abhomú-o, u atsia ayi ani me: «Mo oméne mangua ngamba 'ngú dho me ya u, amba ya bhuka mu-o? Kulu gba mu-o ne ni?»

³¹ Li onguo ogbi ya adú lie abhú 'gu-o, u azú mana maka u aye nani lie bhú Bhuku gba Ebhe-e me: «Ani

aha mapá inde ayie abhúlá-a pi uo ngú nazuzú.†»

³² Abhomú-o, Yesu agie pi uo me: «A moko, ma apa pi yi na paká me, Moidje ha mapá na abhúlá-a pi yi ngae de. Engú bini, 'Dyi ma ngaha mapá na kükülu na abhúlá-a pi yi ngae.»

³³ Padhá de, anga mapá inde li Ebhe ngaha e, a ko bhende ngayie abhúlá, inde ngaha la di mukobho pi okpála na doto-o.»

³⁴ Abhomú-o, u atsia apa pi Yesu me: «Ngámá, ha pi ya ndú 'kpí hana mapá bhomú!»

³⁵ Yesu agie pi uo me: «Ma ne mapá na mukobho. Kpála bhende ago abhaka ma-a, gümü 'zu méne ani belegü de bini. Kpála bhende abhuka la di ma-a, gümü 'ngu méne ani belegü de bini.»

³⁶ Engú bini, ma apa 'ngú inde-e pi yi apa. Yi au ma. La-a, yi bhuka de.

³⁷ Ndú kpála hana inde li 'Dyi ma ngaha e muma-a, agó li pabilí gba ma. La di-e, ndú kpála hana inde agó li pabilí gba ma-a, ma bhíke ani de.

³⁸ Padhá de, anga ma ayie abhúlá, ma ago ngú namene engú inde li kpála inde atima ma-a akunda e ko. Engú bini, ma go ngú namene naama 'ngú de.»

³⁹ Engú inde li kpála inde atima ma akunda e-e, a ngae inde: ndú okpála inde ani

† 6:31 6:31 Tsia bhú Eki. 16:4, 15; di ne bhú Ets. 78:24.

aha o muma hana, a ayo de me saka uo bini ngita-de. Engú bini, a ayo me, ali sokpi-e, ma zuku ndu uo hana.

⁴⁰ Padhá de, anga 'Dyi ma akunda me, ndu okpala hana inde au ma Ndili-e, inde abhuka la di ma-a, sia mukobho na duduuma, amba ma zuku uo ali sokpi.'

⁴¹ Abhomu-o, omaYuda aholo namene bhayiki li kute ani. Padhá de, anga ani apa nani me: «Ma ne mapa inde ayie abhulá.»

⁴² U atsia apa me: «A inde-e Yesu, ndili gba Djodjefu-o di? Ya mbila 'dyi ani ne 'hi ani hana. Lele pi ani apa lie me ni ayie abhulá?»

⁴³ Yesu agie pi uo me: «Yi 'o namene bhayiki sunda yi.

⁴⁴ Kpala ti da nago abhaka ma de, i du me 'Dyi ma inde atima ma-a nde holo 'kpa ani ngae de ko. Ngama la di-e, ma azuku ani li sokpi.

⁴⁵ Opolofeta aye engú inde-e me: <Ebhe asuno 'ngú pi ndu okpala hana.[†]> Kpala ne kpala inde adje 'li 'Dyi ma, inde asia la di nasuno gba ani-e, ago nabhaka ma.

⁴⁶ Bhabhomu apa me, kpala bini u Ebhe de. Bha bini ma, kpala inde ayie agba Ebhe-e, ma au bha 'Dyi ma ngama.

⁴⁷ A moko, ma apa pi yi na paká me, kpala inde abhuka-a, asia mukobho na duduuma.

⁴⁸ Ngama-a, ma ne mapa na mukobho.

⁴⁹ Onguo ogbi yi azu nani mana abhu 'gu. La-a, u atsia amu.

⁵⁰ Engú bini, mapa bhende ayie abhulá-a, a ko bhende li kpala zu e, ani kpí de ko.

⁵¹ Ma ne mapa inde uu, inde ayie abhulá ko. I du me kpala nde azu mapa angoo, ani du bhú mukobho na duduuma. Mapa inde ma ahá e, a ko kute ma. Ma ngahaha me okpala na doto sia mukobho.»

⁵² Li omaYuda adje 'ngú bhomu-o lie, u aholo amene kpekebho sunda o kpekpeke. U adu apa me: «Lele pi kpala inde-e ti da naha kute e lie pi ni me ni zu-o?»

⁵³ Abhomu-o, Yesu apa pi uo me: «A moko, ma apa pi yi na paká me: i du me yi inde zu kute ma, Ndili gba kpala de-e, i du la di me yi inde ndji ngute ma de-e, yi du bhú mukobho de.»

⁵⁴ Kpala inde ngazu kute ma, inde la di ngandji ngute ma-a, ani bhú mukobho na duduuma. Ngama-a, ma azuku la di ani ali sokpi.

⁵⁵ Padhá de, anga kute ma-a, a ko ezu na kukulu. Ngute ma la di-e, a ko ehe nandji mandji na kukulu.

⁵⁶ Kpala inde ngazu kute ma, inde la di ngandji ngute ma-a, ani ngadu bhú ma. Ma la di ngadu bhú ani.

⁵⁷ 'Dyi ma inde atima ma-a, ani uu. Ma la di ngadu bhú mukobho ka ani. A bhadi moko, kpala inde azu

[†] 6:45 6:45 Tsia bhú Isa. 54:13.

ma-a, ani adú bhú mukobho ka ma.

⁵⁸ A bhomu-o mapa inde ayie abháálá ko. A maka bhende li onguo ogbi yi azú e, u atsia amu-o ade. Engú bini, kpála inde azú mapa inde-e, adú bhú mukobho na duduuma.»

⁵⁹ Yesu akpokpo ndú 'ngú bhomu-o li nedhinga inde ani adú asuno lie bhú 'ti nadje lili gba Moidje bhú Kapalanauma-o.

Eli inde ngaha mukobho na duduuma

⁶⁰ Pita u adje engú inde li Yesu apa e lie, bheldé na omukpata gba ani-e atsia apa me: «Eli inde-e, a kpekpeke! A ti da naziziba da?»

⁶¹ Engú bini, Yesu ambila me omukpata gba ni-e ngamene kpekebhé pindji 'ngú ango-o. Kaka-a, ani apa pi uo me: «Engú ango-o ngamene yi sisiti?

⁶² A la yi u me ngama, Ndili gba kpála-a, ma nde nga'u li bili inde ma adúdu nani lie kalanu-o?

⁶³ Bua gba Ebhe-e ngaha mukobho ngae. Kpála-kuti ti da namene 'he bini de. Oeli inde ma apa e pi yi bhomu-o, a ko Bua inde ngaha mukobho.

⁶⁴ Engú bini, okoko bhú ká yi bhuka de.» A na paká me Yesu ambila nani nayie li lilita me obhende i bhuka ni de-e ngao dho. Ani atsia ambila la di me apú ni da-ie.

⁶⁵ Ani atsia apa matá me: «Kaka-a, ma apa nako pi yi

me: «Kpála bini ti da nago gba ma de, i du me 'Dyi ma nde ha kpadji pi ani ngae de ko.»»

⁶⁶ Nayie li nedhinga bhomu-o, bheldé na omukpata gba ani-e a'o ká ani. U kpata matá ani de.

⁶⁷ Abhomu-o, Yesu atsia ayi obhende ndjikpa ne ká bhisi-e me: «Ngayi di-e, yi akunda nagbida?»

⁶⁸ Simo Piele agie pi ani me: «Ngámá, ya ti da nanu gba da? A ka mu ne oeli inde ngaha mukobho na duduuma.

⁶⁹ Ngaya-a, ya abhuka. Ya atsia ambila la di me mu ne Kpála na bubu inde li Ebhe atima e ko.»

⁷⁰ Yesu agie pi uo me: «Ngayi okpála ndjikpa ne ká bhisi-e, ma lo nako yi ngama di? La-a, súka yi bini ne djabulu!»

⁷¹ Ani adú apa 'ngú bhomu-o li Yuda, ndili gba Simo Isikaliote. Padhá de, anga belegu ani adú lie súka omukpata ndjikpa ne ká bhisi-e, adú kpála inde apú Yesu-o ngae.

7

Ondaise Yesu bhuka ani de

¹ Pipita-a, Yesu aholo nadholo bhú ndu doto na Galilaya. Ani du akunda nadholo bhú ndu doto na Yudaya de, anga omaYuda adú akunda nabhélé ani oo.

² A adú me, anokomia na otí ngbangbali gba omaYuda nde akolo masikpe.

³ Abhomu-o, ondaise Yesu atsia apa pi ani me: «Yie

sí yiyie. Nü bhú ndu doto na Yudaya, ngübula me omükpara gba mʉ-o, ngauo di-e, u u ngamba 'ngú inde mʉ ngamene e ko.

⁴ Padhá de, anga kpála inde akʉnda me okpála u ngamba 'ngú inde ni ngamene e mau-o, ani méne bhú pepe de. Ìnde lie me mʉ nde ngamene ngua ngamba 'ngú bhomʉ-o, mene kala ndʉ okpála hana!»

⁵ Padhá de, anga ondaise ani-e, ngauo makpe-e, u bhuka nani ani de.

⁶ Abhomʉ-o, Yesu atsia apa pi uo me: «Nedhingga gba ma-a kolo nga de. Engú bini, pi yi-e, nedhingga ndʉ 'kpí hana ndjindji.

⁷ Okpála na doto ti da nayala yi de. La mʉma-a, u ngayala ma. Padhá de, anga ma ngapa me kulu gba uo-ndjindji ade.

⁸ Yi nü bhú anokomia-a nʉnʉ. Ngama-a, ma nʉ-ʉ de. Padhá de, anga nedhingga gba ma-a kolo nga de.»

⁹ Pita ani apa lie mo-o, ani atsia atigala bhú ndu doto na Galilaya.

Yesu asuno pi okpála bhú 'ngbé 'ti Ebhe gba omaYuda

¹⁰ Li ondaise Yesu agbida lie bhú anokomia-a, ani atsia anʉ di oo. La-a, ani suno lie mbámbá de. Ani adʉ me ani nde awo lie mawo.

¹¹ Abhomʉ-o, omaYuda adʉ agili ani bhú nedhingga na anokomia-o. U adʉ ayi me: «Ani su?»

¹² U adʉ amene kpekebhé naali li 'ngú gba ani-e bhú ká okpála. Okoko adʉ apa me: «A ko bádha kpála.» Okoko adʉ apa me: «A mo-o ade, ani ngapite okpála.»

¹³ Engú bini, u dʉ apa engú ango-o mbámbá de. Padhá de, anga u adʉ akpe omaYuda.

¹⁴ Nedhingga li anokomia akolo lie tʉtʉ-o, Yesu anʉ bhú 'ngbé 'ti Ebhe gba omaYuda, ani atsia aholo na-suno pi okpála.

¹⁵ Abhomʉ-o, omaYuda angamba naali. U atsia adʉ ayi lio me: «Kpála inde-e mene balʉa de. Ani ambila la 'he me-e lele pi?»

¹⁶ Yesu agie pi uo me: «Na-suno gba ma-a ngayie ka ma ade. Engú bini, a ngayie ka Kpála inde atima ma ko.

¹⁷ I dʉ me kpála nde akʉnda namene engú inde li Ebhe akʉnda e-e, ani ti da nambila me, ne me ayie ka Ebhe, ne me ma ngakpokpo 'ngú gba ma makpe.

¹⁸ Kpála bhende ngakpokpo 'ngú gba e makpe-e, ani ngagili me okpála dhəgə ni. Engú bini, kpála bhende ngagili me u dhəgə kpála bhende atima ni-e, ani ngapa 'ngú na kʉkʉlʉ. Ani pa la di eu de.

¹⁹ Moidje aha nani lili pi yi ngae. A mo-o adi? La-a, kpála bini bhú ká yi ngamene lili ango-o ade. Yi la ngagili nabhele ma ngübula ni?»

²⁰ Okpála agie pi ani me:

«A bhú m¤ ne siti bua ! A ngagili nabhelo m¤ da?»

²¹ Yesu agie pi uo me: «Ma amene bha koli ngamba 'ngú bini má kpikili, ndu yi hana yi atsia aholo nangamba!

²² Moidje aha nani lili pi yi me, yi du nato ongisi na bhosibhos-e bhú gandja. Engú bini, lili ango-o yie ka Moidje de. A ayie ka onguo ogbi yi. Kaka-a, yi ngaziba nato kpála bhú gandja belegu bhú 'kpí naguo gba omaYuda.

²³ Yi ngato kpála bhú gandja bhú 'kpí naguo ngú nakpe me yi agámu lili gba Moidje-e de. Ngama-a, ma akobho kpála-kuti libhomu bhú 'kpí naguo. Yi la ngake 'ngú liyi m¤ma téte ngú ni?

²⁴ Yi akódho 'ngú maka yi ngauu lie de. Engú bini, yi kodho 'ngú ngbingbili!»

Yesu ne Masiya ?

²⁵ Abhomu-o, okpála koko na gudhu na Yelusalema adu apa me: «A oo kpála inde u ngagili nabhelo e di?

²⁶ Yi tsitsia nga, ani ngagama 'ngú mbámbá bhú ká okpála. La-a, u pa 'ngú pi ani belegu de bini! Ongámási gba ní-e ambila bha ndju si ndjindji me Masiya ngae inde-e?

²⁷ Padhá de, anga bili li kpála inde-e ayie li e, ya mbila hana. Engú bini, nedhinga inde li Masiya agó lie, kpála bini mbila bili inde ani ayié li e de.»

²⁸ Li nedhinga bhomu-o, Yesu adu asuno bhú 'ngbé 'ti Ebhe gba omaYuda. Abhomu-o, ani atsia asula me: «Yi mbila bha ndju ma ndjindji? Yi mbila la di bili inde ma ayie li e hana? Padhá de, anga ngama-a, ma go bhú angu gba ma makpe-e de. Engú bini, kpála inde atima ma-a, a ko kpála na ngbingbili. Kpála ango-o, yi mbila ani de.

²⁹ Ngama-a, ma mbila ani ndjindji. Padhá de, anga ma ayie agba ani. Ani atima la di ma ngae.»

³⁰ Abhomu-o, u adu agili me, o holo ani. La-a, kpála bini bu 'kpa e li kute ani de. Padhá de, anga nedhinga gba ani-e le nga nani-i de.

³¹ La-a, okpála bhelé bhú ká bhti okpála bhomu-o abhuka ani. U adu apa me: «Nedhinga li Masiya agó lie, ani améne ongamba 'ngú ané obhende li kpála inde-e amene e?»

U atima okpála ngú naho Yesu

³² OmúFalisai adje engú inde li okpála adu apa e bhú tipele li 'ngú gba Yesu-o. Abhomu-o, ongbengbe odimande di ne omúFalisai atima omulila na 'ngbé 'ti Ebhe gba omaYuda ngú naho ani.

³³ Yesu atsia apa me: «Ma adu nga matá ne yi ngubula nedhinga bedi. Pipita-a, ma tsia tápa agba kpála inde atima ma ko.

³⁴ Yi agili ma, engú bini, yi ú la ma de. Padhá de, anga

yi ti da nanu li bili inde ma
adji li e de.»

³⁵ Abhomu-o, omaYuda atsia ayi lio sonda o me: «Ani anu li bili bhedho inde ni ti da nau ani lie de-e? Ani anu nabhaka omaYuda bhende atsambala bhú ká oGiliki-e? Ani anu asuno pi oGiliki?

³⁶ Oeli inde ani apa e me: «Yi agili ma, engú bini, yi ú la ma de, anga yi ti da nanu li bili inde ma adji li e de.» A akunda napa pi?»

Engu na mukobho

³⁷ Ekpí na soso na anokomia-a, a adu ekpí na ngbéngbé. Li 'kpí ango-o, Yesu alu malu, ani asula me: «I du me kpála nde ne gumu 'ngu-o, a ayo me, ani go bhaka ma, amba ani ndji!»

³⁸ Kpála bhende ngabhuka ma-a, maka li Bhuku gba Ebhe-e apa lie me: «Engu adu aze li bua ani. Engu ang-o, a ko engu na mukobho.»

³⁹ (Yesu adu apa 'ngu bhomu-o li Bua gba Ebhe inde li okpála inde abhúka ani asia e-o. Li nedhinga bhomu-o, Bua gba Ebhe-e go nga nani-i de. Padhá de, anga Yesu nde sia nga nani sangu gba e de.)

OmaYuda koko abhuka me Yesu ne Masiya

⁴⁰ Okpála adje oeli inde li Yesu apa e-o. Okpála koko bhú ká uo atsia apa me: «Kpála inde-e bha ndju ne polofeta inde ya ngadjeko e kukulu!»

⁴¹ Okoko atsia apa me: «A ko Masiya!» Engú bini, okpála koko atsia apa matá me: «Masiya ti da nayie bhú ndu doto na Galilaya?»

⁴² Padhá de, anga Bhuku gba Ebhe-e apa me, Masiya adu suka okpála na piga gba Davidi. Ani ayie la di bhú Beteleme, kuti inde li Davidi abhele bhú e ko.»

⁴³ Abhomu-o, okpála atsia agbogbo bhusu o li 'ngu gba ani-o.

⁴⁴ Okoko bhú ká uo adu akunda me, o holo ani. Engú bini, kpála bini bu 'kpa e li ani de.

Ongámási gba omaYuda ayala nabhuka Yesu

⁴⁵ Abhomu-o, omulila na 'ngbé ti Ebhe gba omaYuda-a agie lio agba ongbengbe odimande, di ne omuFalisai-o. U atsia ayi omulila-a me: «Yi go ne Yesu de ngubula ni?»

⁴⁶ Omulila-a agie me: «Kpála inde agama 'ngu maka kpála bhomu-o belegu ade bini!»

⁴⁷ Abhomu-o, omuFalisai atsia agie pi uo me: «Ngayi di-e, yi a'o di me ani pite yi?»

⁴⁸ Bhú ká ongámási, i du di-e bhú ká omuFalisai-e, kpála bini abhuka ani uu?

⁴⁹ Engú bini, bhti okpála bhende abhuka ani bhomu-o, u mbila lili gba Moidje de. Ebhe abála uo mabala.»

⁵⁰ Nikodemu-o, a ko suka omuFalisai. Ani anu la di nani kalanu abhaka Yesu-ongae. Ani apa pi uo me:

⁵¹ «Lili gba ni-e ziba na-holo kpála padhá de. A ayo

ngaiza me ní dje ani, amba ní mbila la di engú inde ani amene e ko.»

⁵² U agie pi ani me: «Ngamü di-e, mü ne kpála na ndu doto na Galilaya? Tanga nga oBhuku gba Ebhe-e ndjindji. Mü ú de me, polofeta bini ayie bhú ndu doto na Galilaya de.»

[
⁵³ Pipita-a, kpála ne kpála atsia agie lie agba e.*

8

Өle na zabhe

¹ Abhomü-o, Yesu anü apí 'ta na ondula na Olive.

² Li ekpí aseke lie, bhú sikikpi-e, ani agie lie bhú 'ngbé 'ti Ebhe gba omaYuda. Ndü okpála hana adyudyo lio de ani masikpe. Yesu adü kuto, ani atsia aholo nasuno pi uo.

³ Abhomü-o, omusuno na líli gba Moidje , di ne omüFalisai ago ne өle bini. U akoto li өle ango-o bha li nedhingga u adü akunda lio lie ne bhoko koko. U aha ani, u atsia a'o ani kala ndü okpála hana.

⁴ Do uo pi Yesu me: «Musuno, u akoto li өle inde-e bha li nedhingga u adü akunda lio lie ne bhoko koko.

⁵ Moidje aye nani pi ya bhú líli-e me, a ayo nab-hili ongu olisi bhomü-o ne teme. Ngamü-o, mo opa naamü téte pi?»

⁶ U adü apa engú bhomü-o ngú na'o ekú ngú ani. Padhá de, anga u adü agili nau engú inde u a'ó e pi ani-o. Engú bini, Yesu akita ne kuto, ani aholo naye 'he kuto bhú doto ne likpa e.

⁷ La-a, u azi bha kekele li nayi ani. Abhomü-o, ani ayie bhúlá, ani atsia apa pi uo me: «A ayo me kpála inde bhú ká yi, i mene nga naae siti 'ngú bini de-e, ani tulü ani ne teme na kalanü-o ngae.»

⁸ Pipita-a, Yesu akita matá ne kuto, ani atsia aholo bha naye ehe kuto bhú doto.

⁹ Li u adje oeli bhomü-o lie, ndü uo hana atsia aholo ayie bini ne bini. Akpo nayie ne obhelesi okpála. Yesu atigala bha ngae kpi e kpi. Өle ango-o atsia adü la bhadi li bili inde u a'o ani li e bhomü.

¹⁰ Abhomü-o, Yesu ayie matá bhúlá, ani ayi өle ango-o me: «Okpála ango-o su? Kpála bini kodho 'ngú gba mü-o sisiti di?»

¹¹ Өle ango-o agie me: «Musuno, ma u kpála bini de.» Do Yesu pi ani me: «Ngama di-e, ma kódho 'ngú gba mü-o sisiti de. Mü ti da natapa. La-a, nayie pi mbia inde-e, mo oméne matá siti 'ngú belegü de bini.»]

Yesu ne zi 'ke pi okpála na píla doto

¹² Abhomü-o, Yesu apa matá pi bhti okpála-a me:

* 7:53 7:53 Ongú nayie si akolo bhú 8:11, a bhú obhuku koko na didili-e ade.

«Ngama-a, ma ne zi 'ke pi okpála na píla doto. Kpála inde ngakpata ma-a, ani dhákú bhú biti de. Engú bini, a adú ka ani ne zi 'ke na mukobho.»

¹³ Abhomu-o, omu-Falisai atsia apa pi ani me: «Mu ngakpokpo bhomu-o naamu 'ngú makpe! Engú inde mu ngakpokpo e bhomu-o, tata téte ade!»

¹⁴ Yesu agie pi uo me: «A na paká moko me ma ngakpokpo 'ngú gba ma makpe. La-a, engú inde ma ngakpokpo e, a ko kükulu 'ngú. Padhá de, anga ma mbila bili inde ma ayie li e, di ne bili inde ma adji li e ndjindji. Engú bini, ngayi-e, yi mbila bili inde ma ayie li e de. Yi mbila la di bili inde ma adji li e de.»

¹⁵ Yi ngakodho 'ngú maka okpála. Ngama-a, ma kodho 'ngú gba kpála bini de.

¹⁶ I du la me, ma nde akodho 'ngú-o, nakodho 'ngú gba ma-a du ngingbili. Padhá de, anga ma kpi ma kpi ade, engú bini, 'Dyi ma inde atima ma-a, ya ne ani bhú dabili bini.

¹⁷ U aye bhú lili gba yi makpe-e me: *I du me okpála bhisi nde akpokpo 'ngú-o, engú ango-o du ngingbili.*

¹⁸ Ma ngakpokpo naama 'ngú makpe. 'Dyi ma inde atima ma-a, ngakpokpo la di engú gba ma ko.»

¹⁹ Abhomu-o, u ayi ani me: «'Dyi mu su?» Yesu agie pi uo me: «Yi mbila ma de. Yi mbila la di 'Dyi ma de. Yi mbila ma uu-o, yi de ambila di 'Dyi ma ambila.»

²⁰ Yesu apa 'ngú bhomu-o li nedhinga ani adu asuno lie bhú 'ngbé 'ti Ebhe gba omaYuda, li bili li osanduku inde u adu a'o tiá bhú e adu li e-o. Kpála bini tsia bu nani 'kpa e li ani de, anga nedhinga gba ani-e kolo nga nani-i de.

Yesu akpo 'ngú pindji bili inde ani ayie li e-o

²¹ Abhomu-o, Yesu atsia apa matá pi uo me: «Ma adji. Yi agili ma. La-a, yi amú bhú siti 'ngú gba yi-o. Yi ti da nanu li bili inde ma adji li e de.»

²² OmaYuda atsia ayi lio súnda o me: «Ani abhéle lie ne titi e? Kaka-a, ani apa me bili inde ni adji li e, ní ti da nakolo téte di?»

²³ Yesu agie pi uo me: «Ngayi-e, yi ayie kuto si. Engú la bini, ngama-a, ma ayie abhálá. Ngayi-e, yi ne okpála na píla doto. Engú la bini, ngama-a, ma ne kpála na píla doto ade.»

²⁴ Kaka-a, ma apa igini pi yi me, yi amú bhú siti 'ngú gba yi ko. Padhá de, anga i du me yi nde bhuka de me Ma uu-o* de-e, yi amú bhú siti 'ngú gba yi ko.»

²⁵ Abhomu-o, u ayi ani me: «Ngamu-o, mu ne da?» Yesu

* **8:24 8:24 Ma uu:** A bhomu-o 'ili gba Ebhe inde ani asuno e pi Moidje nedhinga ani atima ani lie bhú Edjipeto. Tsia bhú Eki. 3:14.

agie pí uo me: «A ko bha engú ìnde ma apa e pí yi, nayie li lilita-o.

²⁶ Ma ne engú bhelé na-papa, di ne nakokodho li 'ngú gba yi ko. Engú bini, ma ngapa pí okpála engú ìnde ma adje e ka kpála ìnde atima ma ko. Ngaani-e, ani ngapa ngbili 'ngú ..»

²⁷ U mbila de me ani ngapa pí o bhomu-o engú gba 'Dyi e de.

²⁸ Abhomu-o, Yesu atsia apa pí uo me: «Nedhinga yi a'é'e ma, Ndili gba kpála lie ne abhúlá-a, yi tsia mbíla me ngama-a, ma uu. Yi mbíla la di me, ma mene ehe bini bhú angu gba ma makpe de. Engú bini, ma ngapa bha bini engú ìnde li 'Dyi ma asuno e muma ko.

²⁹ Ya ne kpála ìnde atima ma-a bhú dabili bini. Ani'o ká ma kpi ma kpi de. Padhá de, anga ma ngamene ndu 'kpí hana engú ìnde i nganga li ani manga ko.»

³⁰ Abhomu-o, okpála bhelé ìnde adje Yesu ngapa 'ngú bhomu-o, atsia abhuka ani.

Okpála bhende ne obalise na siti 'ngú

³¹ Abhomu-o, Yesu atsia apa pí omaYuda ìnde abhuka nani ani-e me: «I dú me yi nde alila eli ìnde ma ngapa e pí yi-e ndjindji-e, yi dú omukpata gba ma-a na kukulu.

³² Yi mbíla la di ngbili 'ngú. Li ngbili 'ngú-o tsia gbégbe yi bhú bali.»

³³ U agie pí ani me: «Ya ne odi Abalahama. Ya dú nga bali pí kpála belegu de bini. Lele pí mu ti da napa lie pí ya me, ya azé bhú bali maze-e?»

³⁴ Yesu agie pí uo me: «A moko, ma apa pí yi na paká me: ndu kpála hana ìnde ngamene siti 'ngú-o, a ko bali ka siti 'ngú.

³⁵ Bali ngadu bhú piga ndu 'kpí hana ade. Engú bini, ndili na bhabhoko ngadu ndu 'kpí hana bhú piga.

³⁶ Kaka-a, i dú me Ndili-e nde agbegbe yi bhú bali-e, yi tsia zé bhú bali kukulu.

³⁷ Ma mbila hana me, yi ne odi Abalahama. Engú la bini, yi ngagili nabhélé ma. Padhá de, anga yi ngayala 'li ma.

³⁸ Ngama-a, ma ngakpokpo engú ìnde li 'Dyi ma asuno e muma ko. La ngayi-e, yi ngamene engú ìnde li 'dyi yi apa e pí yi ko.»

³⁹ Abhomu-o, u atsia agie pí ani me: «'Dyi ya-a, a ko Abalahama.» Do Yesu pí uo me: «I dú me yi dú ne odi Abalahama-a, yi de méne 'ngú maka Abalahama.

⁴⁰ Engú bini, mbia ìnde-e, yi ngakunda nabhélé ma, abana ma apa kukulu 'ngú ìnde ma adje e ka Ebhe lie pí yi-o. Abalahama mene la nani mo-o de.

⁴¹ Engú bini, ngayi-e, yi ngamene bhadji ngua kulu ìnde li 'dyi yi ngamene e-o.» U atsia agie pí ani me: «Ya ne ongisi na ngongo ade. Koli 'dyi ya bha bini, Ebhe.»

⁴² Yesu apa pí uo me: «Li Ebhe dú bha ndju ne 'Dyi yi-e, yi de akunda ma. Padhá de, anga ma ayie agba Ebhe. Ma la di sì bhú ngú ani. Ma go bhú ngú ma de. Engú bini, ani atima ma ngae.

⁴³ Yi mbila engú inde ma ngapa e pi yi-e de ka ni? A ko anga, yi ti da nadje eli inde ma ngapa e pi yi-e de.

⁴⁴ 'Dyi yi ne Djabulú. Yi la di ngamene 'ngú inde li 'dyi yi akunda e-o. A ko bhulú nabhólé kpála nayie li lilita. Ani lú bhú kúkúlú 'ngú belegú de bini. Padhá de, anga kúkúlú 'ngú bhú ani ade. Nedhinga inde ani ngapa eu lie, ani ngapa 'ngú gba e makpe. Padhá de, anga a ko kpála na eu. A ko la di 'dyi eu.

⁴⁵ Engú bini, ngama-a, ma ngapa kúkúlú 'ngú. Yi ngabhuka ma ade kaka.

⁴⁶ A ko kpála bhedho bhú ká yi-e, i ti da nasuno siti 'ngú inde ma amene e? Idú me ma nde ngapa kúkúlú 'ngú-o, ka ni yi bhuka la ma lie de-e?

⁴⁷ Kpála gba Ebhe-e ngadje 'li Ebhe. Engú bini, yi ne okpála gba Ebhe ade. Kaka-a, yi ngadjedje ade.»

Yesu akpo 'ngú pindji Abalahama

⁴⁸ OmaYuda agie pi Yesu me: «Ya apa kúkúlú 'ngú de me mu ne kpála na Samalía, a la di bhú mu ne siti bua?»

⁴⁹ Yesu agie pi uo me: «Siti bua bhú ma ade. Engú bini, ma ngadhégo 'Dyi ma. La-a,

ngayi-e, yi ngayala nadhégé ma.

⁵⁰ Ngama-a, ma gili de me okpála dhégo ma-a de. 'Dyi ma ngagigili muma ngae. Ani la di ngakodho 'ngú-o ngae.

⁵¹ A moko, ma apa pi yi na paká me: kpála inde alila eli inde ma ngapa e, ani kpí dudúma de.»

⁵² OmaYuda atsia apa pi ani me: «Mbía inde-e, ya ambila la kúkúlú me abhú mu ne siti bua! Abalahama akpi. Opolofeta di amu. La ngamú-o, mu ngapa me: <kpála inde ngalila eli inde ma ngapa e, ani kpí dudúma de.»

⁵³ 'Dyi ya Abalahama akpi. Mu ngabhundja me ni ngbéngbé ane ani? Opolofeta di amu. Mu la ngau nga naamú limu me ni ne da?»

⁵⁴ Yesu agie pi uo me: «Idú me, ma dú adhégé lima ngama makpe-e, nadhégé gba ma-a de padhá. 'Dyi ma ngadhégo ma ngae, a ko kpála inde yi nga'i e me: <A ko Ebhe gba ya-o>

⁵⁵ me yi nde mbila la ani de ko. Engú bini ngama-a, ma mbila ani hana. Idú me ma pá me ma mbila ani de-e, ma de ne kpála na eu maka yi. Engú bini, ma mbila ani hana. Ma la di ngalila eli inde ani ngapa e-o.

⁵⁶ 'Dyi yi Abalahama akpi nani djali naali. Padhá de, anga ani adú abhundja me ni au ekpí nago gba ma-o. Ani au, ani atsia akpi djali.»

⁵⁷ Abhomu-o, omaYuda atsia apa pi ani me: «Ngamu-o, mu kolo nga ne kalanga ndijkpa bhuluvue de. Mu la ngapa me, ni au Abalahama!»

⁵⁸ Yesu agie pi uo me: «A moko, ma apa pi yi na paká me kala me u zu Abalahama, *‘Ma uu.’*»

⁵⁹ Abhomu-o, u abha teme ngubula natutulu ani ne di. Engú bini, Yesu awo lie, ani atsia akoto bhú ‘ngbé ’ti Ebhe gba omaYuda-o.

9

Yesu akobho kpála inde u azu e me ani nde u ‘kpí de

¹ Li Yesu adu akodho ‘kpí lie li kpadji-e, ani au kpála bini inde u azu e me ani nde u ‘kpí de.

² Omukpata gba ani ayi ani me: «Musuno, u azu kpála inde-e me ani nde u ‘kpí de ka ni? A ko ka siti ‘ngú gba ani makpe, ne me a ko ka siti ‘ngú gba okpála inde azu ani?»

³ Yesu agie me: «A ko ka siti ‘ngú gba ani-e de. A ko la di ka siti ‘ngú gba okpála inde azu ani-e de. Engú bini, u azu ani mo-o ngubula me okpála u ngamba ‘ngú inde li Ebhe ngamene e bhú ani.

⁴ A ayo me ní mene kulu gba kpála inde atima mama nedhingga li ekpí nde nga lie ne ngbikpi-o. Padhá de, anga biti ngago, kpála bini ti da namene kulu de.

⁵ Nedhingga ma nde nga lie píla doto-o, ma ne zi ‘ke pi okpála na píla doto.»

⁶ Pita ani apa lie mo-o, aniaku ngusú bhú doto. Ani akpedhèle doto ne di. Ani aha ngbedhé ango-o, apulu pí kó djila kpála inde i u ‘kpí de ko.

⁷ Abhomu-o, Yesu atsia apa pi ani me: «Nu vúlu bhúla mu bhú ‘dú ‘ngu navúlu kute na Siloe.*» (*Hli bhomu-o akunda napa me «U atima ani.»*) Ani anu, ani atsia avúlu bhúla e. Ani agie lie me ani nde ngau ‘kpí ndjindji!

⁸ Okpála bhende asili kuti lingo ani, di ne obhende au ani kalanu me ani nde ne yoyo ‘he-e, a adu ayi me: «A inde-e kpála adu nako adu kuto ngú nayo ‘he-e di?»

⁹ Okoko adu apa me: «A ko ani.» Do okpála koko me: «A ko ani de. Engú bini, ani mana ani.» La-a, kpála ango-o adu apa me: «A ko bha-a ma.»

¹⁰ Abhomu-o, u ayi ani me: «Djila mu abhulu lie lele pi?»

¹¹ Ani atsia agie me: «Kpála inde u a’i e me Yesu-o, amene ngbedhé, ani apulu pí kó djila ma. Ani atsia apa muma me: *‘Nu vúlu bhúla mu bhú Siloe.’* Ma anu oo. Pita ma avúlu lima lie, ma aholo nau ‘kpí!»

¹² U ayi ani me: «Kpála ango-o su?» Ani agie me: «Ma mbila de.»

* 9:7 9:7 ‘Dú ‘ngu navúlu kute na Siloe nani abhú aga na Yelusalema.

OmuFalisai ayiyi kpála inde li djila e akobho-o

¹³ Abhomu-o, u ago ne kpála inde adu kalanu me ani nde u 'kpí de-e pi omuFalisai.

¹⁴ Yesu amene nani ngbedhe, ani atsia abhulu djila ani ne di me a nde la ekpí naguo gba omaYuda.

¹⁵ Abhomu-o, omuFalisai ayi di ani me djila ani aholo au 'kpí lele pi. Ani agie pi uo me: «Ani apulu ko djila ma ne ngbedhe. Ma avulu lima, ma atsia aholo au 'kpí.»

¹⁶ OmuFalisai koko atsia adu apa me: «Kpála amene engú inde-e, ani yie agba Ebhe de. Padhá de, anga ani ngalila lili na ekpí naguo ade.» Engú bini, okoko atsia adu apa naao me: «Kpála na sisiti ti da namene ngua ongamba 'ngú me-e lele pi?» U atsia agbogbo bhusu o.[†]

¹⁷ Abhomu-o, omuFalisai ayi matá kpála inde li djila e abhulu-o me: «A la mu-o, mo opa naamu li 'ngú gba kpála inde abhulu djila mu-o pi?» Ani agie me: «A ko polofeta.»

¹⁸ Engú bini, ongámási gba omaYuda kunda nani nab-huka de me, ani adu me ani nde u 'kpí de, ani atsia aholo au 'kpí-e de. Kaka-a, u atsia a'i okpála inde azu ani-o.

¹⁹ U ayi uo me: «Kpála inde-e, a ko ndili gba yi na paká? A na paká me yi azu ani me ani nde u 'kpí di? Ani

la ngau 'kpí mbia inde-e lele pi?»

²⁰ Okpála inde azu ani-e agie me: «Ya ambila me a ko ndili gba ya. Ya azu ani me ani nde u 'kpí de.

²¹ Engú la bini, maka ani ngau 'kpí lie mbia inde-e, ya mbila naaya de. Ya mbila la di de me abhulu djila ani daie de. Yi yi ani, ani abhele, ani ti da nakpokpo 'ngú gba e ngae makpe!»

²² Okpála inde azu ani-e apa nani mo-o, anga u adu akpe omaYuda. Padhá de, anga omaYuda adje nani lio me, i du me kpála nde aziba me Yesu ne Masiya, u de gbe ani bhú 'ti nadje lili gba Moidje-e magbe.

²³ Kaka-a, okpála inde azu ani-e apa nani me: «Ani abhele, ani ti da nakpokpo 'ngú gba e ngae makpe. Yi yi ani!»

²⁴ Abhomu-o, omuFalisai a'i matá kpála inde adu nako me ani nde u 'kpí de-o. U atsia apa pi ani me: «Dhege Ebhe bhú napa kukulu 'ngú. Ya ambila me kpála inde akobho mu bhomu-o, a ko siti kpála.»

²⁵ Kpála ango-o atsia agie me: «I du siti kpála, i du siti kpála de, ma mbila naama de. La-a, ma ambila koli 'ngú bini: ma du nako au 'kpí de, engú bini, mbia inde-e, ma ngau 'kpí.»

²⁶ Abhomu-o, u ayi matá

[†] 9:16 9:16 Si-e, omuFalisai au me li Yesu akobho kpála lie bhú 'kpí naguo, ani amene bhomu-o kulu. La-a, lili gba Moidje ziba nani namene kulu bhú 'kpí naguo de.

ani me: «Ani amene ngú mu pi? Ani abhulu djila mu lele pi?»

²⁷ Ani agie pi uo me: «Ma apa iginí pi yi apa. Engú bini, yi dje ma de. Yi akunda matá nadjedje ne toto-o? Atigala yi ngakunda me yi kolo di omukpata gba ani.»

²⁸ U asosobho ani. U atsia apa pi ani me: «Mu mangbo ne mukpata gba kpála bhomu-o ngamu! Ngaya-a, ya naaya ne omukpata gba Moidje .

²⁹ Ya ambila me Ebhe akpokpo 'ngú pi Moidje. Engú bini, ngaani-e, ya mbila de me ani ayie naae su-oie de!»

³⁰ Kpála ango-o agie pi uo me: «A ko 'ngú na ngangamba. Yi mbila bíl inde ani ayie li e de. La-a, ani abhulu djila ma!

³¹ Ní mbila hana me Ebhe djedje okpála na sisiti de. Engú bini, ani djedje ndu kpála hana inde ngamanga ani, inde di ngamene engú ani akunda e-o.

³² Nani akpo lie, kpála bini dje nga de me u ngapa me kpála bini abhulu djila kpála inde u azu e me ani nde u 'kpí de-e de.

³³ I dú me kpála inde-e yie agba Ebhe de-e, ani de tí da namene 'he bini de.»

³⁴ Abhomu-o, u agie pi ani me: «Ngamu-o, 'lá mu libhomu bhú siti 'ngú nayie maka nani u azu mu lie. Mu la ngakunda nasuno 'ngú pi ya?» U atsia agbe ani bhú 'ti nadje líli-e kilidjo.

Okpála i u 'kpí kukuлу de

³⁵ Yesu adje me omuFalisai agbe kpála inde li djila e akobho-o kilidjo. Yesu anu abhaka ani, ani atsia ayi ani me: «Mo obhuka Ndili gba kpála-a abhuka?»

³⁶ Ani agie pi ani me: «Mu suno, kpála ango-o, a ko da, amba ma bhuka ani-e?»

³⁷ Yesu agie pi ani me: «Mo ou ani au. Ani ngagama 'ngú ne mu mbia inde-e ngae.»

³⁸ Do kpála ango-o me: «Ngámá, ma abhuka.» Ani atsia atutu lipuku e kuto kala Yesu.

³⁹ Abhomu-o, Yesu atsia apa pi ani me: «Ma ago píla doto ngú nakodho 'ngú. Ma ago ngubula me okpála bhende i u 'kpí de-e, u u 'kpí, amba okpála bhende ngau 'kpí-e, 'o nau 'kpí.»

⁴⁰ OmuFalisai inde adu de ani oo, adje oeli bhomu-o. U atsia ayi ani me: «Ngaya di-e, ya u 'kpí dí?»

⁴¹ Yesu agie pi uo me: «Yi dú ne okpála bhende i u 'kpí de-e, yi de bhú siti 'ngú ade. Engú bini, maka yi apa lie me: «Ya ngau 'kpí-e», yi nga bha ne okpála na sisiti.»

10

Yesu ne mu lila na babadha gba okandølø

¹ Yesu apa me: «A moko, ma apa pi yi na paká me: kpála inde i li bhú aga gba okandølø li bhøbhø-o de-e, engú bini, inde nga'u li pabu aga li pápá koko-o, kpála

ango-o ne bhulu 'zi. Ani la di ne bhulu nagbulu 'he gba okpála ne kpéke.

² Kpála inde ali la naae li bhebhe-o, a ko mulila gba okandele-o.

³ Mulila na 'bhe aga-a nga'u'u pi ani. Okandele-o ngadje la di 'li ani. Ani nga'i okandele gba e bini ne bini li 'li e. Ani la di ngapandja uo kilidjo.

⁴ Li ani apandja uo hana lie kilidjo-o, ani ke kala uo, u tsia holo nakpata ani. Padhá de, anga u mbila 'li ani hana.

⁵ Engú bini, kpála bhende u mbila e de-e, u kpáta ani de. U kpé de ani tsutsu. Padhá de, anga u mbila 'li ani de.»

⁶ Yesu akpokpo gbitaku bhomu-o pi okpála inde adu adje ani-o. La-a, u mbila nani ta engú inde ani adu apa e pi uo-o de.

⁷ Abhomu-o, Yesu atsia apa matá me: «A moko, ma apa pi yi na paká me: ma ne 'bhe aga gba okandele-o.

⁸ Ndu okpála hana inde ago muma kalanu-o, a ko obhulu 'zi. A ko la di obhulu nagbulu 'he gba okpála ne kpéke. Engú bini, okandele-o dje uo de.

⁹ Ngama-a, ma ne 'bhe bhoti. Kpála inde alí li pá bili gba ma-a, ani kóbho. Ani tí da nali, ani kóto, ani tsia sía di ehe nazu mazu.

¹⁰ Bhulu 'zi ago bha naae ngubula nazi 'he. Ani ago ngubula nabhebhele mabheele. Ani ago ngubula

nasisiti masiti. La ngama-a, ma ago ngubula me okandele sia mukobho, u sia mukobho ango-o bhelé.

¹¹ Ma ne bádha mulila gba okandele. Mulila na babadha gba okandele-o bedhe ngú naha mukobho gba e pi okandele gba e-o.

¹² Kpála inde ngamene kulu bha bini ngubula tia-a, a ko kukulu mulila gba okandele-o de. A ko okandele ka ani de. Li ani u me sia ngago-o, ani há holo, ani 'ó ká uo. Abhomu-o, li sia-a tí pi uo, ani tsia tsámbala uo.

¹³ Padhá de, anga ani ngamene bha naae kulu ngubula tia. Ani la di ne ndjinga uo ade.

¹⁴⁻¹⁵ Ngama-a, ma ne mulila na babadha gba okandele. Maka li 'Dyi ma ambila ma lie, ma atsia ambila di ani-e, ma ambila okandele gba ma-o, okandele gba ma-a atsia ambila di ma. Ma la di bedhe ngú naha mukobho gba ma-a pi okandele gba ma-o.

¹⁶ A ka ma ne okandele koko inde bhu aga inde-e ade. A ayo me ma go di ne uo. U adjé 'li ma. U akólo koli piga okandele bini, u tsia dú ne koli mulila bini.

¹⁷ 'Dyi ma ngakunda ma, anga ma bedhe ngú naha mukobho gba ma-a, amba pipita-a, ma sia matá.

¹⁸ Kpála bini ha mukobho gba ma-a ne kpéke de. Engú bini, ma ngahaha bha ngama. Ma ne angu ngú

nahaha, ma la di ne angu ngú nasisia. Ma asia lílí bhomú-o ka 'Dyi ma.»

¹⁹ OmaYuda atsia agbogbo matá bhúsú o ka oeli bhomú-o.

²⁰ Bhelé bhú ká uo adú apa me: «A abhú ani ne siti bua! A ko la di bhúlú pele! Yi ngadje ani ka ni?»

²¹ Okoko adú apa me: «Kpála inde bhú e ne siti bua-a ti da napa 'ngú mo-o de. Siti bua ti da nabhulu djila okpála inde i u 'kpí de-e uu?»

OmaYuda ayala Yesu

²² Abhomú-o, bhú gudhú na Yelusalema-a, bhú nedhingga na zini-e, u amene anokomia Naleke 'ngbé 'ti Ebhe gba omaYuda-o.

²³ Bhú 'ngbé 'ti Ebhe-e, Yesu adú adhukú sa ngba 'ti gba Salomo-o.

²⁴ Abhomú-o, omaYuda asa lio dengo ani ngbalina. U atsia apa pi ani me: «Bua ya adú bha ka mu me a nde alú abhúlá má gba me-e ngubula ekpí madho? I du me mu nde ne Masiya-a, mu de pa pi ya mbámbá.»

²⁵ Yesu agie pi uo me: «Ma apa pi yi apa. Engú bini, yi ziba ma de. Ongamba 'ngú inde ma ngamene e ne 'li 'Dyi ma-a, a ngakpokpo 'ngú gba ma-o.»

²⁶ Engú bini, yi bhuka de anga yi ne okandélè gba maa ade.

²⁷ Okandélè gba maa ngadje 'li ma. Ma ambila uo, u la di ngakpata ma.

²⁸ Ma ngaha mukobho na dudu ma pi uo. U mu dudu ma de. Kpála bini tí la di da nagbúlú uo ka ma de.

²⁹ 'Dyi ma inde aha uo muuma-a, ani ngbéngbé ane ndu 'ngú hana. Kpála bini tí la di da nagbúlú 'he bini ka 'Dyi ma de.

³⁰ Ngaya ne 'Dyi ma-a, koli ya bha bini.»

³¹ Abhomú-o, omaYuda abha matá teme ngú natutulu ani ne di.

³² Yesu agie pi uo me: «Obabadha 'ngú bhelé inde ma asuno e pi yi-e, ayie ka 'Dyi ma. A ko ngubula obabadha 'ngú bhedho yi ngakunda nabhélè ma lie ne teme?»

³³ OmaYuda agie pi ani me: «A ko de me ya ngakunda nabhélè mu ne teme ka bádha 'ngú-o de. Engú bini, a ko anga mu ngasobho Ebhe. Ngamu inde bha ne kpála-kuti-e, mu nga'o limu maka Ebhe.»

³⁴ Yesu agie pi uo me: «U aye bhú lílí gba yi-e me, ngama-a, ma apa me: <Yi ne oebe.†>

³⁵ Ya ambila me, u ti da nabúlú engú inde li Bhuku gba Ebhe-e apa e de. Okpála inde li eli gba Ebhe-e akolo nani gba o-o, u a'i uo me oebe.

³⁶ Engú bini ngama-a, Ebhe abhu ma, ani atsia atima ma píla doto. Lele pi yi ngapa la lie me ma ngasobho Ebhe, anga ma ngapa me ma ne Ndili gba Ebhe-e?

† 10:34 10:34 Tsia bhú Ets. 82:6.

³⁷ I du me ma nde ngamene ngamba 'ngú gba 'Dyi ma ade-e, yi abhúka ma de.

³⁸ I du la me ma nde ngamene ngamba 'ngú gba 'Dyi ma-a, abana yi bhuka ma de-e, yi de bhuka ngabha mbo ongamba 'ngú ang-o-o. Yi bhuka ongamba 'ngú ang-o-o ngubula nambila ndjindji me 'Dyi ma ngakobho bhú ma, ma la di ngakobho bhú ani.»

³⁹ Abhomu-o, u agili matá naholo ani. Engú bini, ani atsia akobho sa 'kpa uo.

⁴⁰ Yesu atsia agie matá lie ayi 'ngu na Djuludani, li bili inde li Djaa adu nani abatisa okpála li e kalanu-o. Ani atsia adu oo.

⁴¹ Okpála bhelé ago nab-haka ani. U adu apa me: «Djaa mene ngamba 'ngú belegu de bini. Engú bini, ndu 'ngú hana inde ani apa nani e pindji kpála inde-e, a ko kákulu 'ngú.»

⁴² Oo, okpála bhelé abhuka ani.

11

Ladjalo akpi

¹ Kpála bini inde adu 'li e me Ladjalo, asi kuo. Ani adu nadu bhú Betania, kuti li Malia ne ndai e Malata adu nadu bhú e-o.

² Malia ne olé inde atuko nani mungotsi li 'dhú Ngámá, ani atsia akuo ne sundjo e-o. Ladjalo inde adu ne kuo-o, nani ne ndai ani.

³ Ondaise ani na olisilisi bhisi bhomu-o, atima kpála

ngú napa pi Yesu me: «Ngámá, ali kpála mo okukunda e ne kuo.»

⁴ Li Yesu adje engú bhomu-o lie, ani atsia apa me: «Kuo bhomu-o ngubula nabhélé ani mabhélé ade. Engú bini, a ngubula naha sangu pi Ebhe. A ko la di ngubula me ngama, Ndili gba Ebhe-e, ma sia sangu bhúbhú.»

⁵ Yesu adu ne mukunda pi Malata, ne ndai e na oele, di ne Ladjalo naali.

⁶ La-a, ani adje lie me ali Ladjalo ne kuo-o, ani amene matá 'kpí bhisi li bili abhaka me ani nde li e-o.

⁷ Pipita-a, ani apa pi omukpata gba e me: «Ní gie matá liní bhú ndu doto na Yudaya.»

⁸ Omukpata-a apa pi ani me: «Músuno, a mene nga 'kpí bhelé de, omaYuda adu nako agili nabhélé mu ne teme oo. Mo odji matá bha oo?»

⁹ Yesu agie pi uo me: «Ngbíkpi ne saa ndjikpa ne ká bhisi. A mo-o adi? I du me kpála nde ngadhukú ne ngbíkpi-e, ani dó 'dhú e de. Padhá de, anga ani ngau zi 'kpí na doto inde-e ndjindji.»

¹⁰ Engú bini, i du la me kpála nde ngadhukú sukpe-e, ani dó 'dhú e. Padhá de, anga ani li zi 'kpí ade.»

¹¹ Pita li Yesu apa 'ngú bhomu-o lie, ani atsia apa pi uo me: «Ladjalo, olia ní-e, ani ala. Engú bini, ma adjí, amba ma zukú ani.»

¹² Abhomu-o, omukpata gba ani-e atsia apa pi ani me:

«Ngámá, i dʉ me ani nde tila-a, ani dʉ bhú mʉkobho.»

¹³ A na paká me Yesu adʉ apa me Ladjalo akpi. Engú bini, omʉkpata-a adʉ abhundja naao me ani akpo 'ngú pindji ela inde li okpála alala e-o.

¹⁴ Abhomʉ-o, Yesu atsia apa pi uo mbámbá me: «Ladjalo akpi.

¹⁵ Ma ne djali pi yi anga ma dʉ nako oo de, amba yi bhuka ma. Engú bini, ní nʉ nabhaka ani!»

¹⁶ Abhomʉ-o, Tʉma (inde u agisila 'li e me Bhuko-o), apa pi omʉkpata koko me: «Nganí-e, ní nʉ di oo, ngʉbulu me ní mu ne Mʉsuno bhú dabili bini.»

Malata anʉ nakə lie ne Yesu

¹⁷ Li Yesu akolo lie, ani abhaka me u azi Ladjalo azi, a nde ane nga 'kpí badha.

¹⁸ Kuti na Betania dʉ nani de gʉdhu na Yelusalema masikpe de kilometele bata.

¹⁹ A abhaka me omaYuda bhelé nde ago oo ngú nateteke Malata ne Malia ka li ndai uo na bhobhoko-o akpi lie ko.

²⁰ Li Malata adje lie me Yesu akolo de kuti masikpe-e, ani anʉ akə lie ne ani li kpadi. Engú bini, Malia adʉ naae akuti.

²¹ Abhomʉ-o, Malata atsia apa pi Yesu me: «Ngámá, mʉ dʉ nako si-e, ndai ma de kpi de.

²² Engú bini, ma ambila me belegu mbia inde-e, Ebhe ti da naha ndʉ 'he hana inde mo oyó e ka ani-e pi mʉ.»

²³ Yesu apa pi ani me: «Ndai mʉ azúku mazuku.»

²⁴ Malata agie pi ani me: «Ma ambila me ani azúku li 'kpí li okpála inde amu-o, azúku lie li sokpí-o.»

²⁵ Yesu apa pi ani me: «Kpála nazuku okpála-a, a ko ma. Kpála naha la di mʉkobho pi okpála-a, a ko ma. Kpála inde abhuka ma-a, abana ani kpi, ani kóbho.

²⁶ La di-e, kpála ne kpála inde bhú mʉkobho, inde abhuka la di ma-a, ani kpi dʉdʉma de. Mo obhuka mo-o?»

²⁷ Malata agie me: «A moko, Ngámá, ma abhuka me mʉ ne Masiya, Ndili gba Ebhe. Kpála inde a ayo me ani go pɿa doto ko.»

Malia anʉ di nakə lie ne Yesu

²⁸ Pita ani apa 'ngú bhomʉ-o lie, Malata anʉ a'i ndai e Malia. Do ani pi ani bhú tʉpele me: «Mʉsuno aoo. Ani nga'i mʉ.»

²⁹ Li Malia adje lie mo-o, ani ayie kolo bhʉlá má kia! Ani atsia anʉ abhaka Yesu.

³⁰ A adʉ me Yesu nde kolo nga bhú kuti na Betania de. Engú bini, ani adʉ ngabha li bili inde li Malata anʉ akə lie ne ani li e ko.

³¹ Li omaYuda inde adʉ abhú 'ti ngú nateteke Malia au lie me ani ayie bhʉlá ne nakoto kilidjo bhú holo-o, u atsia akpata ani. Padhá de, anga u adʉ abhundja naao me ani adjı aku 'gba apí lata.

³² Malia akolo li bili li Yesu adʉ li e-o. Ani au Yesu lie, ani ati bhú li 'dhu ani.

Ani atsia apa pi ani me: «Ngámá, mʉ dʉ nako si-e, ndai ma de kpi de.»

³³ Yesu au me ani ngaku 'gba di ne okpála inde ago ne ani bhú dabili bini-o. Ani asia likabhu naali li bua e. Mabhundja gba ani-e atsia angbingi di.

³⁴ Abhomʉ-o, ani atsia ayi uo me: «Yi azì ani su?» U agie pi ani me: «Ngámá, gogo, amba mʉ u.»

³⁵ Yesu aku 'gba.

³⁶ Abhomʉ-o, omaYuda atsia apa me: «Yi u maka ani akʉnда nako ani lie ko!»

³⁷ Engú bini, okpála koko bhú ká uo atsia apa me: «Ngaani inde abhulu nako djila kpála inde i u kpí de-e, ani ti da nako namene de me Ladjalo akpí de-e di?»

Yesu azuku Ladjalo

³⁸ Abhomʉ-o, Yesu asia matá likabhu naali li bua e. Ani anʉ abhú lata. A adʉ nani lata inde u adji e bhú teme. U ani nani bhəbhe ne teme na ngbéngbé.

³⁹ Abhomʉ-o, Yesu atsia apa me: «Yi 'e teme-o.» Malata, ndai kpála inde akpi-e, apa pi ani me: «Ngámá, se ani aholo napu aholo. Padhá de, anga ani amene nga satø 'kpí badha.»

⁴⁰ Yesu agie pi ani me: «Ma pa iginì pi mʉ de me, i du me mʉ nde abhuka ma-a, mʉ ú sangu gba Ebhe-e di?»

⁴¹ Abhomʉ-o, u a'e teme-o. Yesu atsia 'kpí ne bhúlá, ani atsia apa me: «'Dyi ma, ma ngagie henì pi mʉ, anga mo odje ma.

⁴² Ma ambila ndjindji me mʉ ngadje ma ndu 'kpí hana. Ma ngapapa mo-o ka okpála inde asa liò dengo ma inde, amba u bhuka me, mo otima ma ngamu.»

⁴³ Ani apa 'ngú bhomʉ-o lie, ani asula kpekpeke me: «Ladjalo, koto ei!»

⁴⁴ Ladjalo akoto. Ani akoto me 'dhʉ ani, di ne 'kpa ani nde agbigbite lie ne opapala bongo. Bhúla ani nde agbite la di lie ne bongo. Yesu atsia apa pi uo me: «Yi bhulu ani, amba yi 'o ani, ani tapa.»

*Ongámási gba omaYuda
adje liò ngú nabhələ Yesu*

*(Tsia bhú Mat. 26:1-5; ne
bhú Mlk. 14:1-2; di ne bhú
Luk. 22:1-2.)*

⁴⁵ Abhomʉ-o, omaYuda bhelé bhú ká okpála inde ago gba Malia au engú inde li Yesu amene e-o. U atsia abhuka Yesu.

⁴⁶ Engú bini, okoko bhú ká uo anʉ abhaka omuFalisai . U akpokpo 'ngú inde li Yesu amene e pi uo.

⁴⁷ Abhomʉ-o, ongbengbe odimande gba Ebhe , di ne omuFalisai apo bhúla o bhú 'ngbé bula. U atsia apa me: «Kpála inde-e ngamene ongamba 'ngú bhelé. Ní améne si pi?»

⁴⁸ I du me ní nde a'o me ani du bha anʉ ne di ne kalanʉ me-e, ndu okpála hana bhúka ani. Pipita-a, okpála na gudhʉ na Loma kólo ne angu. U bhéle 'ngbé 'ti Ebhe gba ní-o. U tsia bhéle la di kuti gba ní-o!»

⁴⁹ Kpála bini adú bhú ká uo. A adú 'lí aní me Kaifa. Aní adú bhele kpála gba odi-mandé bhú kalanga bhomú-o ngae. Aní apa pí uo me: «Ngayi-e, yi mbila 'ngú de!»

⁵⁰ Yi mbila de me a pí yi ndjindji me kpála bini kpi pi ndú okpála hana, amba kuti libhomu akpi de-e di?»

⁵¹ La-a, aní dú apa 'ngú bhomú-o bhú ngú e de. Engú bini, a adú la lie me aní nde ne bhele kpála gba odi-mandé bhú kalanga bhomú-o ngae-e, aní atsia apa 'ngú maka polofeta me: «A ayo me Yesu kpi ngubula kuti gba omaYuda-o.»

⁵² Aní kpi bha bini ngubula omaYuda de. Engú bini, aní kpi ngubula me ni po bhúla ongisi gba Ebhe inde atsambala ne bili ngangá-a bhú piga bini.»

⁵³ Nayie lí 'kpí bhomú-o, ongámási gba omaYuda atsia adje lio me o bhele Yesu.

⁵⁴ Kaka-a, Yesu dú matá adholo mbámbá bhú ká omaYuda de. Aní atapa bhú gudhú na Efalaime, bhú ndu doto inde de egú-o. Abhomú-o, aní atsia adú ne omukpata gba e oo.

⁵⁵ Pasika gba omaYuda akolo masikpe. Kaka-a, okpála bhelé na kuti angó-o atsia anú bhú gudhú na Yelusalema ngubula me o vuú lio, amba o dú pi Ebhe bubu kala anokomia-o.

⁵⁶ Abhomú-o, u adú agili Yesu. U alulú bhú 'ngbé

'tí Ebhe gba omaYuda-o. U atsia adú ayi lio súnda o me: «Yi abhundja pi? Aní agó bha ndjú bhú anokomia inde-e mago? Ne me, aní gó-o de?»

⁵⁷ Ongbengbe odimandé gba Ebhe, di ne omúFalisai aha nani lili me: «I dú me kpála nde ambila bili inde li Yesu nde lie-e, aní de pa, amba u nu holo aní.»

12

Malia atuko mungotsi li 'dhú Yesu

(*Tsia bhú Mat. 26:6-13; di ne bhú Mlk. 14:3-9.*)

¹ Abhomú-o, ekpí madhia kala Pasika-a, Yesu anú bhú kuti na Betania. A bhomú-o bili inde lí Ladjalo, kpála inde lí Yesu azuku e adú nadú lí e-o.

² Oo, u aha ezú pi aní, Malata atsia adú a'o'o kala aní. Ladjalo atsia adú di bhú ká okpála inde adú azú 'he bhú dabili bini ne Yesu-o.

³ Abhomú-o, Malia aha gili bini inde lí mungotsi na mase naali adú bhú e-o. U amene nani mungotsi angó-o bha lí ndula inde 'lí e me nalade.* Aní aha, aní atuko lí 'dhú Yesu. Aní akuo 'dhú aní ne sundjo e. Bádha se mungotsi angó-o atsia aha eti-e libhomu.

⁴ Engú bini, Yuda Isikaliote, suka omukpata gba Yesu, kpála inde apú aní pi obhulú yala-a, atsia apa me:

⁵ «A ayo iginí de me u tsindji mungotsi inde-e lí lí

* **12:3 12:3 Nalade:** A ko mungotsi inde u amemene e lí 'kpá ulu. Tsia bhú Mat. 26:7.

denalio kámá bata, amba u ha falanga ango-o pi obhwlé ndibhili-e di?»

⁶ La-a, a ko de me ani apa mo-o, anga ani adu ne ndjinga obhwlé ndibhili-e de. Engú bini, a ko anga ani adu bhwlé 'zi. Padhá de, anga ani adu la alila gba tia lie ngae-e, ani adu azi téte.

⁷ Engú bini, Yesu atsia apa me: «'O ele bhomu! Padhá de, anga engú inde ani amene e, a ngubula ekpí inde u azí ma lie bhú lata ko,

⁸ Padhá de, anga yi adu bhú dabili bini ne obhwlé ndibhili ndu 'kpí hana. Engú la bini, ngama-a, ní dú ne yi ndu 'kpí hana de.»

*Ongbengbe odimande
adje lio ngú nabhélè Ladjalo*

⁹ Abhomu-o, bhití omaYuda adje mé Yesu abhú kuti na Betania, u atsia anu oo. U nu oo bha bini ngubula Yesu de, engú bini, u anu di me o u Ladjalo inde li Yesu azuku e-o.

¹⁰ Abhomu-o, ongbengbe odimande gba Ebhe-e atsia adje lio me o bhélè di Ladjalo.

¹¹ Padhá de, anga omaYuda bhalé adu a'o ká uo, u atsia adu abhuka Yesu ka engú gba Ladjalo-o.

*Yesu ali bhú gudhu na
Yelusalema*

(*Tsia bhú Mat. 21:1-11; ne
bhú Mlk. 11:1-11; di ne bhú
Luk. 19:28-40.*)

¹² Ekpí bhe pipita-a, bhití okpála na bhibhiti inde ago

bhú anokomia na Pasíka adje me Yesu adji bhú gudhu na Yelusalema.

¹³ Abhomu-o, u abha 'kpá ngulu, u aze ngú nanu nakélio ne ani. U atsia adu asusula me:

«Sangu pi Ebhe!

A ayo me Ebhe Ngámá tuko bisagu pi kpála inde ngago ne 'li ani-o!

A ayo me Ebhe tuko bisagu pi 'ngbé Ngámá gba omafsalaele-o!†

¹⁴ Yesu au ndili punda, ani atsia a'u pi 'ngbu ani maka li Bhuku apa lie me:

¹⁵ «Gudhu na Siona, mo odjé tsulú de!
Tsitsia, 'ngbé Ngámá gba m-u-o ngago,
ani adu pi 'ngbu ndili punda na oeole.†»

¹⁶ Li nedhinga bhomu-o, omukpata gba ani-e mbila nga nani ta engú ango-o de. La li nedhinga inde li Yesu asia sangu gba e lie, u atsia abhundja me u aye nani ongú bhomu-o bhú Bhuku gba Ebhe-e pindji ani. U atsia amene pi ani.

¹⁷ Abhomu-o, bhití okpála inde adu nani bhú dabili bini ne ani li nedhinga inde ani a'i Ladjalo lie me ani koto bhú lata-a, ani atsia azuku di ani-e, adu akpokpo 'ngú inde u au e-o.

¹⁸ Kaka-a, bhití okpála ango-o abhaka ani. Padhá de, anga u adje nani me ani amene ngamba 'ngú bhomu-o.

† 12:13 12:13 Tsia bhú Ets. 118:25-26.

† 12:15 12:15 Tsia bhú Djkl. 9:9.

¹⁹ Abhomu-o, omu Falisai atsia apa sonda o me: «Yi au, ni ti da namene 'he bini de. Ndù okpala hana agbida nganda ani!»

OGiliki koko agili Yesu

²⁰ OGiliki koko adu bhù ká okpala inde ago bhù gudhù na Yelusalema ngú nadhègè Ebhe bhù anokomia-o.

²¹ U adyudyo lio de Filipo, kpala na gudhù na Betesaida, bhù ndu doto na Galilaya. U atsia apa pi ani me: «Mu suno, ya akunda nau Yesu.»

²² Filipo anu apa pi Andili. Pipita-a, ndù uo bhisi hana atsia anu apa pi Yesu.

²³ Yesu agie pi uo me: «Mbìa inde-e, a ko nedhinga inde a ayo lie me Ndili gba kpala sia sangu gba e-o.

²⁴ A moko, ma apa pi yi na paká me: i du me lí ngano bini nde ati bhù doto, i kpi de-e, i tigala bha ngae kpi e kpi. Engú bini, i du la me a nde akpi-e, i lí lílì bheté.

²⁵ Kpala inde akunda mukobho gba e, ani kpi. Engú bini, li kpala bini kunda Ebhe ane mukobho gba e pila doto inde-e, mukobho ango-o lila lie, li kpala ango-o tsia sia di mukobho na duduma.

²⁶ I du me kpala nde akunda namene kulu lie mu ma-a, a ayo me kpala ango-o kpata ma. La di-e, bili inde ma adu li e, kpala na kulu gba ma-a adu bhadi oo. 'Dyi ma adhègè kpala inde ngamene kulu mu ma ko.»

Yesu akpo 'ngú pindji nakpi ka e

²⁷ «Mbìa inde-e, bua ma ngadje likabhu. Ma apá la pi? Ma pá de me, 'Dyi ma, kobho ma li nedhinga inde-e de.» Padhá de, anga ma ago ngubula nedhinga ango-o.

²⁸ 'Dyi ma-e, dhègè li mu!» Abhomu-o eli ayie abhùlá, atsia apa me: «Ma adhègè ani adhègè. Ma adhègè la matá ani madhègè.»

²⁹ Abhomu-o, bhti okpala inde adu oo, inde adje la di eli ango-o, adu apa me: «Mu gbalá asùla bhomu-o ngae!» Okoko atsia adu apa me: «Andjelu bini agama 'ngú pi ani ngae.»

³⁰ La-a, Yesu apa pi uo me: «Eli bhomu-o pa lie ka 'ngú ka ma de. Engú bini, a apa lie ka 'ngú ka yi.»

³¹ Mbìa inde-e, u akódho 'ngú gba okpala na pila doto. Mbìa inde-e, u ató holo bhù 'dhù ngámá na doto inde.

³² La ngama-a, li nedhinga inde u a'e'e ma lie abhùlá-a, ma agbélé ndù okpala hana li pápá gba ma.»

³³ Yesu adu apa 'ngú bhomu-o ngú nasuno lele maka ani akpi lie-o.

³⁴ Abhomu-o, bhti okpala-a atsia agie pi ani me: «Ya adje bhù bhuku na líli me Masiya adu duduma ne duduma. Lele pi mu ngapa lie me u a'e'e Ndili gba kpala abhùlá? Ndili gba kpala ango-o ne da?»

³⁵ Abhomu-o, Yesu atsia agie pi uo me: «Zi 'ke nga matá bhú ká yi ngubula nedhinga bedi. Yi dhukú bhú nedhinga inde yi nde nga lie ne zi 'ke, ngú nakpe me biti ahólo yi bhú gbilikiti de. Padhá de, anga kpála inde ngadhukú bhú biti-e mbíla bili inde ani adji li e de.

³⁶ Nedhinga yi nde lie ne zi 'ke-e, yi bhuka zi 'ke ango-o, amba yi kolo ongisi na zi 'ke.» Pita li Yesu apa engú bhomu-o lie, ani atapa, ani atsia anu awo lie de uo tsutsu.

OmaYuda bhuka Yesu de

³⁷ Abana li Yesu amene ongamba 'ngú lie bhelé-e, omaYuda du abhuka ani de.

³⁸ U du abhuka ani de ngubula napa me engú inde li polofeta Isaya apa e-e, a mene lie, engú inde me: «Ngámá, abhuka engú inde ya adu apa e da?

Ngámá apana angu gba e pi da?†»

³⁹ Isaya apa di nani me, ka ni li okpála bhomu-o ti nani da nabhuka lie de-e. Ani apa me:

⁴⁰ «Ebhe agbite djila uo.

Ani adji bua uo maka teme,
ngubula me u au 'kpí de,
ngubula me u ambíla
'ngú bini de,
di me u adjí bua o de,
amba Ebhe akóbho uo
de.†»

⁴¹ Isaya apa engú bhomu-o, anga ani au nani sangu gba

Yesu-o. Ani atsia akpokpo di 'ngú pindji ani.

⁴² La-a, belegú bhú ká ongámási gba omaYuda-a , bhelé abhuka Yesu. Engú bini, ka nakpe omuFalisai-e, u du apa engú ango-o mbámbá de. Padhá de, anga u adu akpe me, u apándja o bhú 'ti nadje lili gba Moidje de.

⁴³ U adu akunda me okpála dhögé o ane me Ebhe dhögé o ngae.

Kpála inde abhúka 'li Yesu-o, ani kóbho

⁴⁴ Yesu asúla me: «Kpála inde abhuka ma-a, ani bhuka bhomu-o ma de. Engú bini, ani abhuka kpála inde atima ma ko.

⁴⁵ Kpála inde ngau ma-a, ani ngau bhomu-o kpála inde atima ma-o.

⁴⁶ Ngama-a, ma ago píla doto maka zi 'ke, ngubula me ndu okpála hana inde abhuka ma-a, adú bhú biti de.

⁴⁷ I du me kpála nde adje 'li ma-a, ani lila de-e, ma kódho 'ngú gba ani-e ngama de. Padhá de, anga ma go ngubula na'o 'ngú pi okpála de. Engú bini, ma ago ngú nakobho uo.

⁴⁸ Kpála inde ayala ma-a, inde i ziba di 'li ma de-e, u akódho 'ngú gba ani-o. Eli inde ma apa e, eli ango-o akódho 'ngú gba ani li sokpí-e ngae.

⁴⁹ Padhá de, anga ma pa 'ngú gba ma makpe de. 'Dyi ma inde atima ma-a, aha lili

† 12:38 12:38 Tsia bhú Is. 53:1. † 12:40 12:40 Tsia bhú Is. 6:10.

mumma ngae makpe ngubula
ndu 'ngu hana inde a ayo me
ma pa e, di ne bhende a ayo
me ma kpokpo e-o.

⁵⁰ Padha de, anga ma
ambila me lili gba ani-e
ngaha mukobho na duduuma.
Kaka-a, ndu 'ngu hana inde
ma ngapa e, ma ngapapa
maka li 'Dyi ma apa mumma
lie ko.»

13

*Yesu avulu 'dhu
omukpata gba e*

¹ A adu nani ekpi kala
anokomia na Pasika. Yesu
ambila nani me nedhinga
nayie ka ni pila doto inde-
e, ngu nanu agba 'Dyi ni-
e akolo. Ani adu akunda
okpala gba e inde pila doto-
o. Ani akunda uo akolo ali
soso.

² Yesu ne omukpata gba e
adu azu 'he tagolo. A adu me
Djabulu nde a'o li bua Yuda,
ndili gba Simo Isikaliote, me
ani pu Yesu pi obhulu yala.

³ Yesu ambila nani ndjindji
me ngani makpe-e, ni ayie
agba Ebhe. Ani atsia ambila
la bhadi ndjindji me ni agie
lini agba Ebhe, la di me 'Dyi
ni a'o ndu 'ngu hana sa 'kpa
ni.

⁴ Ani ayie bhulá, ani ayie
li bili nazu 'he-o. Ani agbe
bongo inde u adiyidi e pi
bongo koko-o. Ani aha pala
bongo, ani agbite ludu e.

⁵ Pipita-a, ani aha engu,
ani atuko bhulá base.
Ani aholo navulu 'dhu
omukpata gba e ne di. Ani
atsia adu akukuo ne bongo
inde ani agbite e ludu e-o.

⁶ Ani akolo li Simo Piele.
Do Piele pi ani me: «Ngamá,
mo ovulu bha ndju 'dhu ma
ngamu makpe?»

⁷ Yesu atsia agie pi ani me:
«Engu inde ma ngamene e
mbia inde-e, mu mbila de.
Engu bini, mo ombila sidi.»

⁸ Piele apa pi ani me: «A
mo-o ade. Mu valu 'dhu ma
belegu de bini!» Yesu atsia
agie pi ani me: «I du me ma
nde valu 'dhu mu de-e, mu
ti da nadu bhulá dabili bini ne
ma de.»

⁹ Simo Piele apa pi ani me:
«Ngamá, mo ovulu bha bini
'dhu ma de. Engu bini, valu
di 'kpa ma, ne 'ndji ma!»

¹⁰ Yesu apa pi ani me:
«Kpala inde avulu kute e
avulu-o, kute ani libhomu
akolo ndjindji. Ani ti matá
da navulu kute e de. Engu
bini, ani valu bha ibili 'dhu
e. Ngayi-e, yi bubu. La-a, yi
bubu ndu yi hana ade.»

¹¹ Yesu apa 'ngu bhomu-o
anga ani adu ambila ndjindji
me, apu ni pi obhulu yala da-
ie. Kaka-a, ani atsia apa me:
«Yi ndu yi hana bubu ade.»

¹² Pita ani avulu 'dhu uo
lie, ani aha bongo gba e, ani
adyi. Ani agie lie li bili nazu
'he-o. Ani atsia apa pi uo
me: «Yi mbila ta 'ngu inde
ma amene e li yi-e uu?»

¹³ Yi nga'i ma me:
«Musuno», yi la di nga'i ma
me: «Ngamá.» A ko kukulu
'ngu, anga ma mo-o.

¹⁴ I du me ngama, inde
ne Ngamá, inde la di ne
Musuno-o, ma nde avulu
'dhu yi-e, ngayi di-e, yi de

vélù 'dhù yi sènda yi moko.

¹⁵ Ma asuno pi yi bhomù-o me amba ngayi di-e, yi mene maka ma amene pi yi lie ko.

¹⁶ A moko, ma apa pi yi na paká me, kpála na kulu ngbéngbé ane ngámá gba e ade. La di-e, bhùlù titima ngbéngbé ane kpála inde atima ani-e ade.

¹⁷ Mbìa inde-e, yi ambila ndù ongú bhomù-o hana ambila. A ko djali pi yi, i dù me yi nde ngamene ongú ango-o.

¹⁸ Engú inde ma ngapa e, a pi ndù yi hana ade. Ma mbila okpála inde ma abhù o-o hana. Engú bini, a ayo me engú inde u aye e bhù Bhuku gba Ebhe-e, a mene lie, engú inde me: «Kpála inde ya adù azù 'he ne e bhù dabili bini-e, adjì lie bhùlù yala gba ma.†»

¹⁹ Ma apa pi yi mbia inde-e kala nakolo ka ongú ango-o, amba li engú ango-o akólo lie, yi bhuka me ngama-a «Ma uu.»

²⁰ A moko, ma apa pi yi na paká me: i dù me kpála nde asia kpála inde ma atima e, amba ani asia bhomù-o ma. I dù la di me kpála nde asia ma-a, amba ani asia bhomù-o kpála inde atima ma-o.»

Yesu apa me Yuda apú ni pi obhùlù yala gba ni-o

(*Tsia bhù Mat. 26:20-25; ne bhù Mlk. 14:17-21; di ne bhù Luk. 22:21-23.*)

²¹ Pita li Yesu apa ongú bhomù-o lie, ani asia likabhu

li bua e naali. Ani atsia apa mbámbá me: «A moko, ma apa pi yi na paká me: sùka yi bini apú ma pi obhùlù yala gba ma-o.»

²² Omùkpata-a aholo natsitsia bhùlù o. U dù ambila de me Yesu ngapa inde-e engú gba da-ie de.

²³ Li nedhingga u adù azù 'he lie, sùka omùkpata gba Yesu inde li Yesu adù akunda e naali-e, aseke 'ndji e pi mbulu ani.

²⁴ Abhomù-o, Simo Piele amene 'kpa e pi mukpata ango-o me, ani yi Yesu me ani ngapa engú gba da.

²⁵ Abhomù-o, mukpata ango-o adjì bhùlù e li pàpà gba Yesu. Ani atsia ayi Yesu me: «Ngámá, a ko e da?»

²⁶ Yesu agie pi ani me: «Ma ngatènu mapa bhù 'mù 'zù-o, kpála inde ma ahá pi e-e, a ko ani.» Abhomù-o, Yesu aha mapa, ani atènu bhù 'mù 'zù-o. Pipita-a, ani atsia aha pi Yuda, ndili gba Simo Isikaliote.

²⁷ Bha li nedhingga li Yuda aha mapa-a lie, Satana ali bhù ani. Yesu atsia apa pi ani me: «Engú inde mù nde ne e, mene má gala!»

²⁸ Kpála bini bhù ká okpála inde u adù azù 'he ne o-o mbila de me ani apa pi Yuda mo-o ka ni-ie de.

²⁹ Li Yuda adù alila tia lie ngae, kaka-a, okpála koko adù abhundja naao me, ani apa pi Yuda me ani kala ezù inde a ayo me u kala e ngú

† 13:18 13:18 Tsia bhù Ets. 41:10.

anokomia-o, ne me ani ha mbo ehe pi obh

l
 ndibhili.

³⁰ Li Yuda aha ndu mapalie, kolo má gala me-e, ani akoto kilidjo. A adu me ekpínde abi.

Líli na mbia

³¹ Pita li Yuda akoto lie, Yesu atsia apa me: «Mbía inde-e, Ndili gba kpála, asia sangu gba e asia. Ebhe asia la di sangu ka ani.

³² Maka li Ebhe asia sangu ka ani lie, Ebhe asúno ngae makpe sangu gba ani-o. Ani asúno má gala!

³³ Odi ma, ní du matá ne yi ngubula 'kpí bhelé de. Pipita-a, yi agíli ma. Engú la bini, ma ngapa pi yi mbia inde-e engú inde ma apa e pi omaYuda koko me, yi ti da nanu li bili inde ma adji li e de.

³⁴ Ma ngaha pi yi-e líli na mbia. Líli inde me yi du ne mukunda sonda yi. A ayo me yi du ne mukunda sonda yi maka ma nde lie ne mukunda pi yi ko.

³⁵ Padhá de, anga i du me yi nde ne mukunda sonda yi-e, li ndu okpala hana mbila me yi ne omukpata gba mao.»

³⁶ Simo Piele ayi ani me: «Ngámá, mo odji su?» Yesu agie pi ani me: «Mu ti da nakpata ma li bili ma adji li e mbia inde-e de. Engú bini, mo okpata ma sidi.»

³⁷ Piele apa pi ani me: «Ngámá, ma ti da nakpata mu mbia inde-e de ka ni? Ma bedhe ngú nandala 'kpa li

mukobho gba ma-a ngubula mu!»

³⁸ Yesu agie pi ani me: «Mu bha ndju bedhe ngá nandala 'kpa li mukobho gba mu-o ngubula ma? A moko, ma apa pi mu na paká me, kala me engu ku 'gbá-a, mo opá bhutsibhutsi bata me ní mbila ma de.»

14

Yesu ne kpadji ngú nanu agba Ebhe

¹ Yesu apa pi omukpata gba e me: «Yi a'ó bua yi abhlá de. Yi bhuka Ebhe, yi bhuka di ma.

² Abhl 'tí gba 'Dyi ma-a, dabili nadu téte-e bhelé. Ma adji naleke dabili pi yi. I du mo-o de-e, ma de apa pi yi apa.

³ Pita nanu ka ma naleke dabili pi yi-e, ma agó matá, ma atsia há yi ngú nadu bhl dabili bini ne yi, amba bili inde ma ngadu li e, yi du bhadi téte.

⁴ Yi mbila la di kpadji na bili inde ma adji li e hana.»

⁵ Tuma apa pi ani me: «Ngámá, ya mbila bili mo odji li e de. Ya ti da nambila kpadji-e lele pi?»

⁶ Yesu agie pi ani me: «Ma ne kpadji. Ma ne kukulu 'ngú. Ma la di ne mukobho. Kpala bini ti da nanu agba 'Dyi ma li kpadji koko de, bha bini me ani nde apu li pápá gba ma.

⁷ I du me yi nde ambila ma-a, yi mbila di 'Dyi ma. Nayie pi mbia inde-e, yi

mbila ani hana. Yi au la di ani au.»

⁸ Filipo apa pi ani me: «Ngámá, pana 'Dyi mu pi ya, amba ale pi ya.»

⁹ Yesu agie pi ani me: «Filipo, enú ní abhue lie ne yi ngengele-e, mu mbila nga ma sií di? Kpála inde au maa, ani au 'Dyi ma au. La ka ni mu ngapa lie me: «Pana 'Dyi mu pi ya?»

¹⁰ Mu bhuka de me ma ngadu bhú 'Dyi ma, 'Dyi ma la di ngadu bhú ma-a di? Oeli inde ma ngapa e pi yi-e, ayie ka ma makpe de. Engú bini, 'Dyi ma inde ngadu bhú ma-a, ani ngamene kulu gba e-o.

¹¹ Yi bhuka ma, maka ma apa lie pi yi me ma ngadu bhú 'Dyi ma, 'Dyi ma la di ngadu bhú ma-o. I du moko de-e, yi de bhuka ka kulu inde ma ngamene e-o.

¹² A moko, ma apa pi yi na paká me: kpála inde abhuka ma-a, ani améne bhadi okulu inde ma ngamene e-o. Ani améne belegü okulu na ngebengbengbe ane bhende-e mane. Padhá de, anga ma adji agba 'Dyi ma.

¹³ Ma améne ndu 'ngú hana inde yi ayó e ne 'li ma-a mamene, ngubula me 'Dyi ma sia sangu gba e bhú ma, Ndili gba e ko.

¹⁴ I du me yi nde ayo 'he ka ma ne 'li ma-a, ma améne.

Ebbe atíma Bu Bhopua pi obhulu titima gba Yesu

¹⁵ I du me yi nde akunda ma-a, yi líla olíli gba ma-o.

¹⁶ Ma ayó ka 'Dyi ma me ani ha kpála koko ngú nateteke yi. Ani adú ne yi dudu ma ne dudu ma.

¹⁷ A ko Bua na kükülu 'ngú inde li okpála na píla doto ti da nasia e de. Padhá de, anga u u ani de. U mbila la di ani de. Engú bini, ngayi-e, yi mbila ani hana, anga ani ngadu bhú ká yi. Ani la di ngadu bhú yi.

¹⁸ Ma 'ó ká yi kpi yi kpi maka otsulosi de. Engú bini, ma agié matá lima agba yi magie.

¹⁹ Atigala nedhinga bedi, okpála na píla doto ú matá ma de. Engú bini, ngayi-e, yi aú ma, anga ma bhú mukobho. Ngayi di-e, yi adú bhú mukobho.

²⁰ Li 'kpí ango-o, yi ambíla me ma ngadu bhú 'Dyi ma, yi ngadu bhú ma, ma la di ngadu bhú yi.

²¹ Kpála inde akunda ma-a, a ko kpála inde ngalila, di ne namene olíli gba ma-o. 'Dyi ma akúnda kpála inde akunda ma-o. Li ma kúnda di ani. Ma tsia pána lima pi ani.»

²² Abhomu-o, Yuda (a ko Yuda Isikaliote de) apa pi Yesu me: «Ngámá, mo opána bha bini límu pi ya, lele pi mu tsia pána límu pi okpála na píla doto lie de-e?»

²³ Yesu agie pi ani me: «I du me kpála nde akunda ma-a, ani méne engú inde ma ngapa e-o. Li 'Dyi ma kúnda ani. Ngaya ne 'Dyi ma-a, ya agó agba ani, ya tsia dúlu oo

ko.²⁴ Kpála inde i kúnda ma de-e, ani méne oeli ma ngapa e de. Engú inde yi ngadje ma ngapa e, a ngayie ka ma ade. Engú bini, a ngayie ka 'Dyi ma inde atima ma ko.

²⁵ Ma apa ongú bhomá-o pi yi li nedhinga inde ní nde ngabha lie ne yi bhú dabili bini-o.

²⁶ 'Dyi ma atíma Bu Bhopua pi yi ne 'li ma. Ani atéteke yi ngae. Bu Bhopua ango-o asúno ndú 'ngú hana pi yi ngae. Ani tsia méne di me yi bhundja ndú 'ngú hana inde ma apa e pi yi ko.

²⁷ Ma a'o pi yi guo 'ngú . Ma aha guo 'ngú gba ma-a pi yi. Ma ha pi yi maka li okpála na píla doto ngahaha lie de. Kaka-a, yi a'o bua yi abhúlá de. Yi adjé la di tsúlu de.

²⁸ Yi adje maka ma apa lie pi yi me: «Ma adjí, engú bini, ma agié matá líma agba yi magie.» I dú me yi kúnda ma uu-o, yi de kpi djali kabula me ma adjí agba 'Dyi ma. Padhá de, anga 'Dyi ma ngebéngbé ane ma.

²⁹ Ma apa pi yi mbia inde-e kala me ongú ango-o kolo, amba i kolo-o, yi de bhuka.

³⁰ Ma gáma matá 'ngú ne yi ngengele de, anga ngámá na píla doto inde-e ngago. Ani ne angu pi ma belegú ade bini.

³¹ Engú bini, a ayo me okpála na píla doto mbíla me ma kúnda 'Dyi ma. U mbíla la di me ma ngamene olíli

inde ani aha e mémá-o. Yi yie bhúlá! Ní yie si yiyie.»

15

Yesu ne ndula na vino na kúkúlu

¹ «Ma ne ndula na vino na kúkúlu. 'Dyi ma la ne kpála inde ngaleleke-o.

² Ani nga'e ndú yáyá hana inde aké li ma inde i li lílí de ko. Engú bini, ani ngaleke obhende ngali lílí-o, amba a li matá lílí bhelé.

³ Eli inde ma apa e pi yi-e, avulu yi avulu.

⁴ Yi dú bhú ma, maka ma nde lie bhú yi ko. Padhá de, anga yá ndula ngae kpi e kpi ti da nali lílí de, i dú me a nde li kute 'lá e ade ko. A bhadi moko, yi ti da nali lílí de, i dú me yi nde bhú ma ade ko.

⁵ Ma ne ndula na vino. Yi ne oyáyá-o. Kpála inde ngadú bhú ma, ma nde la di ngadú bhú e-e, ani lí lílí bhelé. Padhá de, anga i dú me yi nde bhú dabili bini ne ma ade-e, yi ti da namene 'he bini de. ⁶ Kpála inde bhú ma ade-e, u abhíke ani akilidjo maka u abhibhike yá ndula lie-o. Yá ndula-a 'úlu, u há, u bhíke bhú djua, i tsí.

⁷ I dú me yi nde bhú ma-a, 'li ma nde la di bhú yi-e, yi yo ehe inde yi akúnda e, amba yi sia.

⁸ I dú me yi nde ali lílí bhelé-e, yi suno di me yi ne omukpata gba ma-a, li 'Dyi ma tsia sia sangu .

⁹ Maka li 'Dyi ma akúnda ma lie, ma akúnda bhadi yi

moko. Yi dú bhú mukunda gba ma-o.

¹⁰ I dú me yi nde alila olíli gba ma-a, yi dú bhú mukunda gba ma-o, maka ma alila olíli gba 'Dyi ma lie, ma ngadú bhú mukunda gba ani-o.

¹¹ Ma apa engú bhomú-o pi yi, ngúbula me djali gba ma-a dú bhú yi, amba djali gba yi-e dú libhomu.

¹² Líli gba ma-a ngae inde: yi kunda liyi sunda yi maka ma akunda yi lie ko.

¹³ Mukunda na ngbéngbé inde li kpála ti da nasuno e, a ko naha mukobho gba e pi oolia e.

¹⁴ Yi ne oolia ma, i dú me yi nde amene líli gba ma-o.

¹⁵ Ma nga'i matá yi me okpála na kulu ade. Padhá de, anga kpála na kulu mbila ehe inde li ngámá gba ani-e ngamene e de. Ma nga'i yi me oolia ma. Padhá de, anga ma asuno ndú 'ngú hana inde ma asia e ka 'Dyi ma-a pi yi asuno.

¹⁶ Yi bhú ma ngayi de. Engú bini, ma abhú yi ngama. Ma atima yi me yi nu zu nguwa inde i ti da nabhue mabhue, amba ndú 'he hana inde yi ayó e ka 'Dyi ma ne 'li ma-a, ani de ha pi yi.

¹⁷ La-a, líli ma aha e pi yi-e ngae inde, yi kunda liyi sunda yi.»

Yesu apa me okpála na doto ayála ni ne omaha ni

¹⁸ «I dú me okpála na doto nde ngayala yi-e, yi mbila ndjindji me u ayala ngaiza ma pi yi kalanú.

¹⁹ I dú me, yi dú ne okpála na doto-o, okpála na doto de ngakunda yi. Padhá de, anga yi bhú ngú doto. Engú bini, ma abhú yi, ma atsia a'e yi bhú ká okpála na doto. Kaka-a, okpála na doto ngayala yi.

²⁰ Yi bhundja engú inde ma apa e pi yi-e me: <Kpála na kulu ngbéngbé ane ngámá gba e ade.[†] Maka nani u ato mbolo li ma lie, u ató bhadi mbolo li yi moko. I dú me u djé 'li ma uu-o, u de adjé bhadi 'li yi moko.

²¹ Engú bini, u améne ndú 'ngú bhomú-o hana li yi kabula ma. Padhá de, anga u mbila kpála inde atima ma-a de.

²² I dú me ma gó de-e, i dú la di me ma kpókpo pi uo de-e, a de okpála namene siti 'ngú ade. Engú bini, mbia inde-e, u mbú li siti 'ngú inde u amene e de.

²³ Kpála inde ayala ma-a, ani ayala di 'Dyi ma.

²⁴ Ma amene bhú ká uo ongamba 'ngú, inde li kpála bini mene nga e de. I dú me ma méne mo-o de-e, a de okpála namene siti 'ngú ade. Engú bini, u au ongamba 'ngú gba ma-o, u ayala ma, u atsia yala di 'Dyi ma.

²⁵ Engú bini, engú bhomú-o akolo ngúbula me, eli inde u aye e bhú líli gba uo-o,

[†] **15:20 15:20** Tsia bhú Mat. 10:24; ne bhú Luk. 6:40; di ne bhú Dja. 13:16.

amene lie, eli inde me: <U ayala ma padhá, tata téte ade.†>

²⁶ Ma atíma pi yi kpála inde a ayo me ani teteke yi-o. Kpála ango-o ayié agba 'Dyi ma. A ko Bua na kúkúlu 'ngú inde ayie agba 'Dyi ma-o. Nedhinga ani agó lie, ani akpókpo 'ngú gba ma-a ngae.

²⁷ Ngayi di-e, yi akpókpo 'ngú gba ma-o. Padhá de, anga ní adú ne yi nayie li lilita.»

16

¹ «Ma apa 'ngú bhomu-o pi yi, amba yi a'ó de me nabhuka gba yi-e kpi-e de.

² U apándja yi bhú oti nadje lili gba Moidje . La di-e, ekpí akólo makolo, li okpála inde abhili yi-e adú abhundja lie me o ngamene lio bhomu-o kulu pi Ebhe.

³ U améne mo-o, anga u mbila 'Dyi ma de, u mbila la di ma de.

⁴ Kaka-a, ma apa 'ngú ango-o pi yi kalanu, amba li engú ango-o akólo lie, yi de bhundja me ma apa engú ango-o pi yi apa.»

Bua na kúkúlu 'ngú agó mago

«Ma pa nga nani engú ango-o pi yi nayie li lilita de, anga ní adú nga nani ne yi bhú dabili bini.

⁵ Mbía inde-e, ma adjí agba kpála inde atíma ma ko. La-a, kpála bini bhú ká yi yi ma de me: <Mo odji su?>

⁶ Engú bini, bua yi abedhe ne babuma, anga ma apa pi yi moko.

⁷ Ma apa la pi yi na paká me, pi yi-e, a ndjindji me ma nu. Padhá de, anga i du me ma nde nu de-e, kpála inde atéteke yi-e gó-o de. Engú bini, i du me ma nde anu-o, ma tsia tíma ani pi yi.

⁸ Nedhinga ani agó lie, ani asúno pi okpála na doto me u ngapite lio pindji osisiti 'ngú inde u ngamene e-o. U di ngapite lio pindji ngbili 'ngú , di ne pindji nakodho 'ngú gba Ebhe-o.

⁹ U ngapite lio pindji osisiti 'ngú inde u ngamene e, anga u bhuka ma de.

¹⁰ U ngapite lio pindji ngbili 'ngú, anga ma adjí agba 'Dyi ma. La di-e, u ú matá ma de.

¹¹ U ngapite lio pindji nakodho 'ngú, anga u akodho 'ngú gba ngámá na doto inde-e akodho.

¹² Ma matá ne engú bhelé napapa pi yi. Engú bini, yi ti da nakikibila mbia inde-e de.

¹³ Nedhinga li Bua na kúkúlu 'ngú-o agó lie, ani asúno pi yi ndu okukulu 'ngú hana. Ani pá 'ngú gba e makpe-e de. Engú bini, ani apá ndu 'ngú hana inde ani adjé e-o. Ani tsia pá di ndu 'ngú hana inde akólo-o pi yi.

† 15:25 15:25 Tsia bhú Ets. 35:19, 69:5.

¹⁴ Aní adhégo ma. Padhá de, anga ndú 'ngú hana inde aní apá e pí yi-e, aní asia ka ma.

¹⁵ Ndú 'he gba 'Dyí maa hana, a ko di naama 'he. Kaka-a, ma apa me ndú 'ngú hana inde li Bua apá e pí yi-e, ayié ka ma.»

Yesu apa me babuma adjie djali

¹⁶ «Pita nedhinga bedí, yi ú matá ma de. La matá pita nedhinga bedi-e, yi ú ma.»

¹⁷ Omukpata koko gba aní e apa sunda o me: «Aní apa pí ní me: <Pita nedhinga bedí, yi ú matá ma de. La matá pita nedhinga bedi-e, yi ú ma.> Aní apa matá di me: <Ma adjí agba 'Dyí ma.> Engú bhomú-o akúnda napa pi?»

¹⁸ U adú apa matá me: «Engú inde aní ngapa e me: <Nedhinga bedí>, a akúnda napa pi? Ní mbila engú inde aní ngapa e de.»

¹⁹ Yesu ambila me, u ngakúnda nayi ni. Abhomú-o, aní atsia apa pí uo me: «Yi ngagili sunda yi ta 'ngú inde me: <Pita nedhinga bedí, yi ú matá ma de. La matá pita nedhinga bedi-e, yi ú ma.>

²⁰ A moko, ma apa pí yi na paká me yi akú 'gbá, yi tsia lópolo di liyi. La-a, okpála na doto adú naao akpi djali. Yi adú ne babuma engú bini, likabhu gba yi-e adjí lie djali.

²¹ Nedhinga li ølo ngazu lie, aní dú adje likabhu naali. Padhá de, anga nedhinga na

likabhu pí aní akolo. Engú bini, nedhinga inde aní azu lie, aní 'íli 'to e 'to likabhu ango-o hana ka djali. Padhá de, anga u azu kpála-kuti píla doto.

²² Ngayi di-e, mbia inde-e, yi bhú likabhu. Engú bini, ma aú matá yi mau. Yi tsia kpí djali li bua yi. La di-e, kpála bini 'é djali ango-o bhú yi de.

²³ Li ekpí ango-o akólo lie, yi yí matá ma li 'ngú belegú de bini. A moko, ma apa pí yi na paká me ndú 'he hana inde yi ayó e ka 'Dyí ma ne 'li ma-a, aní ahá pí yi maha.

²⁴ Nakolo pí mbia inde-e, yi yo nga 'he ne 'li ma belegú de bini. Yi yoyo, amba yi sia, ngubula me djali gba yi-e du bedhe.»

Yesu aha angu doto

²⁵ «Engú bini, ma apa 'ngú bhomú-o pí yi bhú ogbitaku. Nedhinga inde ngago-o, ma pá matá 'ngú pi yi mo-o belegú de bini. La-a, nedhinga ango-o, ma akpókpo ongú gba 'Dyí ma-a pí yi mbámbá.

²⁶ Li 'kpí ango-o, yi ayó 'he ka 'Dyí ma ne 'li ma. Ma pa la di pí yi de me, ma ayó 'Dyí ma Ebhe pi yi-e de.

²⁷ Padhá de, anga 'Dyí ma, ngae makpe akúnda yi. Aní akúnda yi, anga yi akúnda ma. La di-e, anga yi abhuka me ma ayie agba Ebhe.

²⁸ Ma ayie agba 'Dyí ma. Ma atsia ago píla doto. Mbia inde-e, ma nga'o ká doto, ma tsia gíe líma agba 'Dyí ma.»

²⁹ Abhomu-o, omukpata gba ani-e atsia apa pi ani me: «Tsia nga mbia inde-e, mu ngapa 'ngú mbámbá. Mu matá ngapapa bhú ogbitaku ade.

³⁰ Mbia inde-e, ya ambila me, mu ngambila ndu 'ngú hana. A padhá me u yi mu li 'ngú. Kaka-a, ya ngabhuka me mo oyie agba Ebhe.»

³¹ Yesu atsia agie pi uo me: «Yi abhuka la mbia inde-e abhuka?»

³² Yi tsitsia nga. Nedhinga ngago, mbia inde-e, nedhinga ango-o akolo, nedhinga inde yi andjámbala lie má mue! Kpála ne kpála atápa li kpadji gba e. Yi tsia 'ó la di ká ma kpi ma kpi. Engú bini, ma la kpi ma kpi ade, anga 'Dyi ma bhú dabili bini ne ma.

³³ Ma apa 'ngú bhomu pi yi, amba yi sia guo 'ngú bhú ma. Yi asia likabhu píla doto. Engú bini, yi adjé tsúlú de! Padhá de, anga ma aha angu doto aha.»

17

Yesu ayo Ebhe ngú e makpe

¹ Pita li Yesu apa ongú bhomu-o lie, ani atsia 'kpí ne bhúlá, ani atsia apa me: «'Dyi ma, nedhinga akolo. Ha sangu muma, ngama Ndili gba mu-o, amba ngama, Ndili gba mu-o, ma ha di sangu pi mu.

² Padhá de, anga mo oha angu muma pi 'ndji ndu okpála hana, amba ma ha

mukobho na duduma pi ndu okpála hana inde mo oha o muma-o.

³ La-a, mukobho na duduma-a, a ko me u mbila mu, ngamu koli Ebhe inde na kukulu-o. A ko me u mbila la di Yesu Kilisito , kpála inde mo otima e-o.

⁴ Ma aha sangu pi mu píla doto. Ma andjia kulu inde mo oha e muma me ma mene e andjia.

⁵ La mbia inde-e, 'Dyi ma, ha sangu muma de mu, sangu inde ma adu nani ne e agba mu kala me u bho doto ko.»

Yesu ayo Ebhe ngúbulu omukpata gba e

⁶ «Ma asuno li mu pi okpála inde mo 'e o bhú ká okpála na doto, mo otsia aha o muma-o. A ko nani okpála ka mu, mo otsia aha uo muma. U atsia alila la di li mu.

⁷ Mbia inde-e, u ambila me ndu 'he inde mo oha e muma hana, ayie ka mu.

⁸ Padhá de, anga oeli inde mo okpokpo e muma-a, ma akpokpo pi uo. U asia oeli ango-o. U ambila na paká me ma ayie agba mu. U atsia abhuka di me mo otima ma ngamu.

⁹ Ma ngayo mu ngúbulu uo. Ma ngayo mu ngúbulu okpála na doto ade. Engú bini, ma ngayo ngúbulu obhende mo oha o muma ko. Padhá de, anga a ko okpála ka mu.

¹⁰ Ndu 'he inde ka ma-a hana, a ko naamu. Ndu 'he inde la di ka mu-o hana, a ko

naama. La di-e, ma atsia asia sangu ka uo.

¹¹ Ma matá ne kpála na doto ade. Engú bini, ngauo-o, a ko okpála na doto. Ngama-a, ma adjí agba mꝫ. 'Dyi ma inde bubu, lila uo ne 'li mꝫ inde mo oha e mꝫma-o, amba u dꝫ bini maka nganí ne mꝫ, ní nde lie bini-o.

¹² Nedhinga ya adꝫ lie ne uo-o, ma alila uo ne 'li mꝫ inde mo oha e mꝫma ko. Ma alila uo ndjindji, kpála bini bhú ká uo ngita de. Angita bha bini ne kpála inde a ayo me ani ngita-o ngubula me engú inde u aye e bhú Bhuku-o, a amene lie.

¹³ La mbía inde-e, ma adjí agba mꝫ. Ma ngapa mo-o li nedhinga inde ma nde nga lie píla doto, amba u sia djali gba ma-a bhú o makpe, u bedhe la di ne di bedhe.

¹⁴ Ma aha 'li mꝫ pi uo. Okpála na doto atsia ayala uo. Padhá de, anga uo bhú ngü doto ade, maka ma nde lie bhú ngü doto ade ko.

¹⁵ Ma ngayo mꝫ ade me mꝫ 'e uo píla doto ma'e-e de. Engú bini, ma ngayo mꝫ me lila uo sakpa Siti malila.

¹⁶ A ko okpála na doto de, maka ma nde lie ne kpála na doto ade ko.

¹⁷ Mene me u dꝫ libhomu bubu li kpadji na kükülu 'ngü. 'Li mꝫ-o, a ko kükülu 'ngü.

¹⁸ Ma atima uo píla doto, maka mo otima ma lie píla doto-o.

¹⁹ Ngama makpe-e, ma aha líma hana pi mꝫ ngubula me

ngauo di-e, u ha lío hana pi mꝫ li kpadji na kükülu 'ngü.»

Yesu ayo Ebhe ngü ndu okpála hana abhuka ani-o

²⁰ «Ma ngayo bha bini ngubula uo ade. Engú bini, ma di ngayo ngubula okpála bhende abhúka ma ka 'li uo ko.

²¹ Ma ngayo me ndu uo hana dꝫ bini. 'Dyi ma, a ayo me u dꝫ bhú ní, maka mꝫ nde lie bhú ma, ma la di bhú mꝫ-o. A ayo me u dꝫ bini, amba okpála na doto bhuka me mo otima ma ngamu.

²² Ma aha sangu inde mo oha e mꝫma-a pi uo, amba u dꝫ bini maka nganí ne mꝫ ní nde lie bini-o.

²³ Ma bhú uo, mꝫ la di bhú ma. Abhomu-o, u tí da nadu bha ndju bini, amba okpála na píla doto mbila me mo otima ma ngamu, u mbila la di me mo okunda uo maka mo okunda ma lie ko.

²⁴ 'Dyi ma, mo oha uo mꝫma. Ma akunda me u dꝫ bhú dabili bini ne ma li bili inde ma nde li e, amba u u sangu gba ma ko, sangu inde mo oha e mꝫma anga mo okunda ma kala nabho doto.

²⁵ 'Dyi ma inde ngbingbili, okpála na píla doto mbila mꝫ de. Engú bini, ngama-a, ma ambila mꝫ. Okpála inde-e ambila la di me mo otima ma ngamu.

²⁶ Ma asuno 'li mꝫ pi uo. Ma asúno la matá mꝫ pi uo masuno, ngubula me mukunda inde mꝫ nde ne e mꝫma-a dꝫ bhú uo, amba

ngama makpe-e, ma dʉ di bhú uo.»

18

U aholo Yesu

(*Tsia bhú Mat. 26:47-56; ne bhú Mlk. 14:43-50; di ne bhú Luk. 22:47-53.*)

¹ Pita li Yesu andjia nayo Ebhe lie, ani anʉ ne omukpata gba e ayi mʉtselemʉtsele inde 'li e me Sedolo. Edyi bini adʉ oo. Yesu atsia ali ne omukpata gba e bhúbhú.

² Yuda, bhʉlʉ napʉ Yesu-o adʉ ambila di bili angoo ndjindji. Padhá de, anga Yesu ne omukpata gba e adʉ anʉ oo pikó.

³ Abhomʉ-o, Yuda anʉ abhú 'dyi oo bhú dabili bini ne ká osudha, di ne omʉlila na 'ngbé 'ti Ebhe gba omaYuda, inde li ongbengbe odimande di ne omʉFalisai atima o-o. A adʉ sa 'kpa osudha-a ne otolosi, ne oeke, di ne otia 'gú.

⁴ La-a, Yesu inde adʉ ambila ndʉ 'ngʉ inde akólo li kute e hana-a, adyudyo lie de uo. Ani atsia ayi uo me: «Yi ngagili da?»

⁵ U agie pi ani me: «Ya ngagili Yesu, kpála na Nadjaleta.» Yesu atsia apa pi uo me: «A ko ma.» Yuda, bhʉlʉ napʉ Yesu-o adʉ di bhú dabili bini ne uo.

⁶ Li Yesu apa pi uo lie me: «A ko ma-a», u agbe lio ne sidi, u atuko kuto má dhululu!

⁷ Yesu atsia ayi matá uo me: «Yi ngagili da?» U agie

me: «Ya ngagili Yesu, kpála na Nadjaleta.»

⁸ Yesu apa pi uo me: «Ma apa iginí pi yi apa me, a ko ma. I dʉ la me, yi nde ngagili ma-a, yi de 'o okpála koko-o, amba u gbida naao.»

⁹ Engú bhomʉ-o amene lie mo-o, ngubula me eli inde nani li Yesu apa e, amene lie, eli inde ani apa nani e me: «'Dyi ma, bhú ká okpála inde mo oha o mʉma-a, sʉka uo bini ngita ka ma de.»

¹⁰ Simo Piele adʉ ne mbotia ludu e. Ani aluko ngise ango-o bhú 'ti e má vuu! Ani asu Malakusi, kpála na kulu gba 'ngbé dimande gba Ebhe-o. Ani atsia akodho kpadje ani li pápá na kokpa-a má tse!

¹¹ Engú bini, Yesu atsia apa pi Piele me: «Gie mbotia gba mʉ-o bhú titi. Mo obhundja naamʉ me likabhu inde li 'Dyi ma aha e mʉma-a, ma azú-ʉ di?»

U anʉ ne Yesu kala Ana

¹² Abhomʉ-o, osudha ne ngámá gba o, di ne omʉlila na 'ngbé 'ti Ebhe gba omaYuda inde anʉ naholo Yesu-o, atsia aholo ani. U agbite ani ne ekpu.

¹³ U atsia anʉ ngaiza ne ani gba Ana. Ana ango-o, a ko nani 'dyi wala Kaifa. Kaifa adʉ nani bhele kpála gba odimande bhú kalanga bhomʉ-o ngae.

¹⁴ Abhomʉ-o, Kaifa atsia aha nani mabhundja pi ongámási gba omaYuda ngae me, a ndjindji mangbo

me koli kpála bini kpi
ngubula ndu okpála hana.

*Piele apa me ni ne
mukpata gba Yesu ade*

(Tsia bhú Mat. 26:69-70;
ne bhú Mlk. 14:66-68; di ne
bhú Luk. 22:55-57.)

¹⁵ Simo Piele, ngauo ne
mukpata koko adu akpata
Yesu. Bhele kpála gba
odimande-o ambila naní
mukpata ango-o ndjindji.
Kaka-a, mukpata ango-o ali
naní ne Yesu bhú dabili bini
bhú mbadhasu gba bhele
kpála gba odimande-o.

¹⁶ Engú bini, Piele atigala
naae li 'bhé aga akilidjo. Ab-
homu-o, mukpata koko inde
li bhele kpála gba odimande-
o ambila e ndjindji-e akoto.
U agama 'ngú ne olé inde
adu alila 'bhé aga-o. Ani
atsia ato Piele.

¹⁷ Olé inde adu bhú kulu
nalila 'bhé aga-a, apa pi
Piele me: «Ngamu di-e, mu
ndi ne suka omukpata gba
kpála inde-e adi?» Piele agie
pi ani me: «A mo-o ade, ma
ne suka uo ade.»

¹⁸ Okpála na kulu, di ne
omulila na 'ngbé 'ti Ebhe
gba omaYuda-a akpo djua na
makala. U ago alulú dede
ngú natutu. Padhá de, anga
zini adu naali. Piele ago alu
di bhú dabili bini ne uo ngú
natu djua-o.

*Bhele kpála gba odi-
mande ayiyi Yesu*

(Tsia bhú Mat. 26:59-66;
ne bhú Mlk. 14:55-64; di ne
bhú Luk. 22:66-71.)

¹⁹ Abhomu-o, bhele kpála
gba odimande-o aholo
nayiyi Yesu pindji 'ngú gba
omukpata gba ani, di ne
pindji nasuno gba ani-o.

²⁰ Yesu agie pi ani me:
«Ma akpokpo 'ngú mbámbá
pi ndu okpála hana. Ma
adu asuno ndu 'kpí hana
bhú otí nadje lili gba Moidje
, di ne bhú 'ngbé 'ti Ebhe
gba omaYuda li bili li
ndu omaYuda hana adu
apekebhe bhúla o li e-o. Ma
pa 'ngú bhú pepe belegu de
bini.

²¹ Mu ngayi ma ka ni? Yi
okpála inde adje ma-a me
ma apa pi. Padhá de, anga
u mbila engú inde ma apa e
ndjindji.»

²² Li Yesu apa lie mo-
o, suka okpála nalila 'ngbé
'ti Ebhe gba omaYuda-a asu
pála ani má pa! Ani atsia
apa pi ani me: «Abhomu-
o eli inde mu ti da nagie e
pi bhele kpála gba odimande
gba Ebhe-e?»

²³ Yesu atsia apa pi ani me:
«Engú inde ma apa e, i du
me a nde sisiti-e, yi de suno
sisiti ango-o. Engú bini, i du
la me ma nde apa ndjindji-e,
mo otsia asu la ma ngú ni?»

²⁴ Abhomu-o, Ana atsia
atima Yesu pi Kaifa, bhele
kpála gba odimande-o me
u nde agbigbite ani magbig-
bite.

*Piele apa matá me ni ne
mukpata gba Yesu ade*

(Tsia bhú Mat. 26:71-75;
ne bhú Mlk. 14:69-72; di ne
bhú Luk. 22:58-62.)

²⁵ Nedhingga ango-o, Simo Piele alu de djua-o. Ani adu atutu. U atsia apa pi ani me: «Ngamu di-e, mu ne suka omukpata gba kpala inde-e adi?» Piele ayala, ani atsia apa me: «A mo-o ade, ma ne suka uo ade.»

²⁶ Suka okpala na kulu gba bhele kpala gba odimande gba Ebhe-e, inde adu kpala na piga gba kpala li Piele akodho kpadje e, ayi Piele me: «A ko mu di inde ma au nako e ne Yesu abhu 'dyi-e?»

²⁷ Engú bini, Piele atsia ayala matá. Bha bini li nedhingga ango-o, engú atsia aku 'gbá.

*U anu ne Yesu kala Pilate
(Tsia bhú Mat. 27:1-2, 11-
14; ne bhú Mlk. 15:1-5; di ne
bhú Luk. 23:1-5.)*

²⁸ Abhomu-o, omaYuda ayie ne Yesu agba Kaifa, u atsia anu ne ani agba ngamá na Loma , inde adu atsia 'kpí li ndu doto-o. A adu kekpi má bhe! Engú bini, omaYuda li naao abhu 'ti oo de. Padhá de, anga u adu akunda nadu bubu kala Ebhe, amba o zu anokomia na Pasika-o .

²⁹ Kaka-a, Pilate ngamá na ndu doto ango-o ago abhaka uo akilidjo. Ani atsia ayi uo me: «Yi agbe kpala inde-e kala ma me ani nde amene mangua siti 'ngú dho?»

³⁰ U agie pi ani me: «Li kpala inde-e du ne siti kpala de-e, ya de go ne ani pi mu de.»

³¹ Abhomu-o, Pilate atsia apa pi uo me: «Yi ha ani ngayi makpe, amba yi

kodho 'ngú gba ani-e maka li lili gba yi-e apa lie ko.» OmaYuda agie pi ani me: «U ha kpadji pi ya ngú nabhelo kpala de.»

³² Engú bhomu-o amene lie mo-o ngú nakpata engú inde li Yesu apa nani e-o. Engú inde ani apa nani e ngú nasuno lele maka ani akpi lie ko.

³³ Abhomu-o, Pilate agie matá lie abhu 'ti. Ani a'i Yesu, ani atsia ayi ani me: «Mu ne 'ngbé ngamá gba omaYuda?»

³⁴ Yesu agie pi ani me: «Engú inde mo opa e bhomu-o, mo obhundja bha ngamu makpe? Ne me okpala koko apa 'ngú gba ma-a pi mu ngao!»

³⁵ Pilate agie pi ani me: «Ngama-a, ma ne maYuda? Okpala na kuti gba mu di ne ongbengbe odimande gba Ebhe-e apu mu muma. Mo omene la mangua 'ngú dho?»

³⁶ Yesu agie pi ani me: «Nau gba ma-a, a ko bhende na doto inde-e de. I du bhende na doto inde-e, okpala gba ma-a de agu 'gu, ngubula me u apu ma pi omaYuda de. Engú bini, nau gba ma-a, a ko bhende na doto inde-e de.»

³⁷ Pilate atsia apa pi ani me: «A akunda napa me, mu ne 'ngbé ngamá?» Yesu agie pi ani me: «Mo opa ngamu me ma ne 'ngbé ngamá. U azu ma, ma atsia ago pila doto ngú nakpokpo 'ngú pindji kukulu 'ngú.

Kpála inde bhú kúkúlú 'ngú-o ngadje engú inde ma ngapa e-o.»

³⁸ Pilate ayi ani me: «Kúkúlú 'ngú-o, a ko ni?»

Pita li Pilate apa 'ngú bhomú-o lie, ani akoto, ani anú matá nabhaka omaYuda akilidjo. Aní atsia apa pi uo me: «Ma u engú inde u ti da nabhele kpála inde-e ka e belegú de bini.

³⁹ Engú bini, maka u amemene lie agba yi-e, bhú anokomía na Pasika-a, a ayo me ma tse 'kpa li bhulú 'kpú pi yi bini. Yi akunda me ma tse 'kpa li 'ngbé ngámá gba omaYuda-a pi yi?»

⁴⁰ Abhomú-o, u aholo asusúla me: «Hi-i! Ngaani de. Engú bini, tse mangbo pi ya 'kpa li Balabasi!» La-a, Balabasi nani ne 'ngbé bhulú 'zi.

19

¹ Abhomú-o, Pilate atsia apa me u go ne Yesu, amba u bhi ani ne fimbo.

² Osúdha agala ehe na eti má kilili, u ato bhú 'ndji ani! U atsia ato di bongo na zúmbe zúmbe li kúte ani.

³ U adú ago de ani. U atsia adú apa pi ani me: «'Ngbé ngámá gba omaYuda-a, atou!» U adú di nabhi bhúla ani.

⁴ Abhomú-o, Pilate akoto matá kilidjo. Aní atsia apa pi uo me: «Yi djedje nga! Ma agbé ani pi yi kilidjo ei, amba yi mbíla ndjindji me ma u belegú ehe bini de inde ma ti da naholo ani ngú e.»

⁵ Abhomú-o, Yesu atsia akoto kilidjo me u nde ato ehe na eti-e bhú 'ndji ani, ani nde di ne bongo na zúmbe zúmbe li kúte e. Abhomú-o, Pilate atsia apa pi uo me: «Kpála angó-o i!»

⁶ Engú bini, li ongbengbe odimande gba Ebhe, di ne omálila na 'ngbé 'ti Ebhe au ani lie me-e, u aholo nasusúla me: «Gi ani li kulusi! Gi ani li kulusi!» Pilate apa pi uo me: «Yi nu gi ani li kulusi ngayi makpe. Padhá de, anga ngama-a, ma u belegú ehe bini de inde ma ti da naholo ani ngú e.»

⁷ OmaYuda agie pi ani me: «A ka ya ne líli. A ayo me ani kpi maka li líli angó-o apa lie-o. Padhá de, anga ani apa me ni ne ndili gba Ebhe.»

⁸ Li Pilate adje engú bhomú-o lie, ani adje matá tsúlú naali.

⁹ Aní agie lie abhú 'ti. Aní atsia ayi Yesu me: «Mo oyie su?» Engú bini, Yesu gie 'ngú de.

¹⁰ Abhomú-o, Pilate atsia apa pi ani me: «Mu kúnda nagama 'ngú múma di? Mu mbíla de me ma ne angu natse 'kpa li mu. Ma la di ne angu nagi mu li kulusi-e di?»

¹¹ Yesu atsia apa pi ani me: «Mu ne angu pi ma belegú ade bini. I dú me Ebhe há angu pi mu de-e, mu de ti da namene 'he bini ngú ma de. Kaka-a, kpála inde apú ma pi mu-o, amene siti 'ngú naali ane mu.»

¹² Nayie li nedhinga bhomú-o, Pilate adú agili kpadji me ni tse 'kpa li

Yesu. Engú bini, omaYuda aholo asusula me: «Í dñ me mñ nde atse 'kpa li kpála bhomu-o, amba mu kunda 'ngbé ngámá Kaisala de! Ndñ kpála hana inde apa me ní ne 'ngbé ngámá-a, a ko bhulü yala gba 'ngbé ngámá Kaisala!»

¹³ Li Pilatø adje eli bhomu-o lie, ani agbe Yesu kilidjo. Pilatø atsia adu pí dabili nakodho 'ngú-o, li bili inde u a'i e me «U apa oteme kuto» (inde u a'i e bhú eli na ebele me «Gabata»).

¹⁴ A adu nani masikpe de tulukpe, kala ekpí na Pasika. Pilatø apa pi omaYuda me: «'Ngbé ngámá gba yi-e i!»

¹⁵ Engú bini, u aholo nasusula me: «Bhélø ani! Bhélø ani! Gi ani li kulusi!» Pilatø apa pi uo me: «A ayo me ma gi 'ngbé ngámá gba yi-e li kulusi?» Ongbengbe odimande gba Ebhe-e agie pi ani me: «'Ngbé ngámá koko ka ya ade. A ko bha bini 'ngbé ngámá Kaisala.»

¹⁶ Abhomu-o, Pilatø atsia atse 'kpa li Yesu ngubula me u gi ani li kulusi.

U agi Yesu li kulusi

(*Tsia bhú Mat. 27:32-44; ne bhú Mlk. 15:21-32; di ne bhú Luk. 23:26-43.*)

U aha Yesu, u atsia atapa ne ani.

¹⁷ Yesu abi kulusi gba e ngae makpe. Ani atsia akoto nayie bhú gudhu akolo li bili na «Pelege 'ndji» (u a'i e bhú eli na ebele me «Gologota»).

¹⁸ A bhomu-o bili inde li osudha agi Yesu li e li kulusi-o. U atsia agi di okpála koko bhisi li kulusi. Yesu adu tutu, koko li kulusi gba e li pá 'kpa ani na kokpa, koko li kulusi gba e li pá 'kpa ani na gali.

¹⁹ Pilatø atsia aha di lili me, u ye balua, amba u bhi li kulusi gba Yesu-o. Balua ango-o adu me: «YESU, KPÁLA NA NADJALETA, 'NGBÉ NGAMÁ GBA OMAYUDA.»

²⁰ Abhomu-o, omaYuda bhelé atanga balua ango-o. Padhá de, anga bili inde u agi nani Yesu li kulusi li e, a adu de gudhu masikpe. La di-e, balua ango-o adu bhú eli na ebele, a adu bhú eli na latino, a atsia adu di bhú eli na giliki.

²¹ Abhomu-o, ongbengbe odimande gba omaYuda atsia apa pi Pilatø me: «Mo oyé de me, <'ngbé ngámá gba omaYuda-a> de. Engú bini, ye mangbo me, <Kpála bhomu-o apa me, ma ne 'ngbé ngámá gba omaYuda.»»

²² Pilatø agie pi uo me: «Bhende ma aye e, adjí lie de.»

²³ Li osudha agi Yesu li kulusi lie, u abha obongo gba ani-o. U agbo bhüsü bhüsü badha. Sudha bini ne bini aha naae bini. U atsia aha di bongo gba ani inde u du e madu de-o. Pápála adu bha bini nayie abhulá akolo akuto.

²⁴ Osudha-a apa sonda o me: «Ní asídha bongo inde-e de. Engú bini, ní gú mangbo gbanda téte, amba ní mbila

me a adú na da.» U amene mo-o ngübula me eli inde u aye e bhá Bhuku-o, amene lie, eli inde me:

«U agbogbo bhüsü o li obongo gba ma-o.

U atsia agü gbanda li bongo gba ma ko.†»

A bhomü-o engü inde li osudha amene e-o.

²⁵ Malia , 'hi Yesu, ne ndai e na eele, ne Malia , wala Kolopasi, di ne Malia , kpála na kuti na Magadala, alulü de kulusi gba Yesu-o.

²⁶ Yesu au 'hi e ne mukpata inde li ani adü akündä e naali-o. Mukpata ango-o adü me ani nde alü de 'hi ani oo. Ani atsia apa pi 'hi e me: «Өle-e,* tsia ndili gba mu-o i.»

²⁷ Pipita-a, ani atsia apa pi mukpata-a me: «Tsia 'hi mu i.» Nayie li nedhinga bhomü-o, mukpata-a atsia aha 'hi Yesu agba e.

Yesu akpi

(Tsia bhá Mat. 27:45-56; ne bhá Mlk. 15:33-41; di ne bhá Luk. 23:44-49.)

²⁸ Pita ongú bhomü-o, Yesu ambila me, mbia inde-e, ndu 'ngü hana andjia. Abhomü-o, ngübula me 'li Bhuku-o amene lie akolo ali soso-o, ani atsia apa me: «A li ma ne gümü 'ngu.»

²⁹ Lësa bini adü oo. A adü bhábhá ne kpongadha pandi bedhe. Osudha aha

epondje, u ato bhá kpongadha pandi-o. U agbite li ndula inde u a'i e me idjope.† U atsia adyudyo de 'bhé Yesu masikpe.

³⁰ Li Yesu andji kpongadha pandi-e lie, ani atsia apa me: «Ndu 'ngü hana andjia!» Abhomü-o, ani atü 'ndji e ne kuto, ani atsia andala 'kpa li bua e.

Südha bini adü pá kala Yesu ne mandambi

³¹ A adü nani ekpí inde u adü aleke lio lie ngü ekpí naguo-o . Ongámási gba omaYuda du akündä de me okuo okpála du li okulusi li 'kpí naguo-o de. Padhá de, anga ekpí naguo ango-o, adü ngebéngbé ane okoko mane. Kaka-a, u atsia ayo ka Pilatø me u gugumü 'dhü okpála inde u agi o li okulusi-o, amba u 'e okuo uo téte ma'e.

³² Abhomü-o, osudha ago de okpála inde u agi o li okulusi bhá dabili bini ne Yesu-o. U agugumü 'dhü kpála bhe na kalanü-o. Pipita-a, u agugumü 'dhü kpála bhe koko-o.

³³ U akolo lie li Yesu-o, u abhaka me ani nde akpi. Kaka-a, u gugumü 'dhü ani de.

³⁴ Engü bini, südha bini adü pá kala ani ne mandambi má püü! Kolo me-e, ngüte di ne engu aze bhá eka angoo-o.

† **19:24** **19:24** Tsia bhá Ets. 22:19. * **19:26** Li kulusi-e, Yesu agama 'ngü pi 'hi e maka Ebhe. Kaka-a, ani a'i ani me: «Өle-e.» † **19:29** **19:29** **Idjope:** A ko súka ondula na gba omaYuda. Epondje nani u ato e bhá kpongadha pandi inde u aha nani e pi Yesu me ani ndji-e, nedhinga ani adü lie li kulusi-e, u agbite nani li Idjope.

* **19:26** Li kulusi-e, Yesu agama 'ngü pi 'hi e maka Ebhe. Kaka-a, ani a'i ani me: «Өle-e.» † **19:29** **19:29** **Idjope:** A ko súka ondula na gba omaYuda. Epondje nani u ato e bhá kpongadha pandi inde u aha nani e pi Yesu me ani ndji-e, nedhinga ani adü lie li kulusi-e, u agbite nani li Idjope.

35 Kpála ìnde ngakpokpo ongú ìnde-e, au ongú ango-o ne djila e. La di-e, ongú ìnde ani ngakpokpo e, a ko kükülu 'ngú. Ngaani-e, ani mbila ndjindji me ni ngakpo e kükülu 'ngú. Ani ngakpokpo ngübula me ngayi di-e, yi bhuka.

36 Ongú bhomu-o akolo ngübula me engú ìnde u aye e bhú Bhuku-o, amene lie, engú ìnde u aye e me: «U gúmu súka biki ani belegü de bini.†»

37 La di-e, u aye bhú Bhuku li bili koko me: «U atsia kpála ìnde u adu e-o.†»

U azi Yesu

(Tsia bhú Mat. 27:57-61; ne bhú Mlk. 15:42-47; di ne bhú Luk. 23:50-56.)

38 Píta ongú akodho 'kpí-e, Djodjefu , kpála na gúdhú na Alimatayo, ayo ka Pilate me ani ha kpadji pi ni ngú na'e kuo Yesu. (Djodjefu nani ne súka omúkpata gba Yesu-o. Engú bini, ani dú asuno lie mbámbá de, anga ani adu akpe ongámási gba omaYuda-o.) Pilate aziba pi ani. Abhomu-o, Djodjefu anu, ani atsia a'e kuo Yesu.

39 Nikodemu, ìnde anu nani nabhaka Yesu 'kpí bini sukpe-e, ago di. Ani ago ne mungotsi ìnde u amene e li mila bhú dabili bini ne aloesi.‡ Mungotsi ango-o, adu masikpe de kilo ndjíkpa bata.

40 Abhomu-o, ndu uo bhisi hana aha kuo Yesu. U agagala ne opapala bongo na lene me u nde atuko mungotsi téte, maka li omaYuda adu amemene lie bhú nedhingga nazi kuo-o.

41 Li bili nani u agi Yesu li e li kulusi-e, edyi bini adu oo. Bhú 'dyi ango-o, edú bini na mbia adu oo. Edu ango-o, u zi nga nani kpála bini bhúbhú de.

42 U atsia ato Yesu bhúbhú. Padhá de, anga u adu agbene lio ka li ekpí naguo gba omaYuda adu lie masikpe-o. La di-e, edú ango-o adu oo masikpe.

20

Yesu azuku

(Tsia bhú Mat. 28:1-8; ne bhú Mlk. 16:1-8; di ne bhú Luk. 24:1-12.)

1 Abhomu-o, bhú 'kpí yinga kekpí má bhé-o, Malia , kpála na gúdhú na Magadala, anu abhú lata. A adu me ekpí nde nga bha ne biti. Ani au me teme ìnde adu li 'bhé lata-a nde ayie li bhébhé ayie.

2 Abhomu-o, ani anu ne holo, ani anu abhaka Simo Piele, di ne mukpata koko ìnde li Yesu adu akunda e naali-o. Ani atsia apa pi uo me: «U agbe kuo Ngámá bhú lata-a agbe. La-a, ya mbila de me u a'o ani su-oie de.»

3 Abhomu-o, Piele ne uo ne mukpata koko-o aholo 'ná, u atsia agbida abhú lata.

† 19:36 19:36 Tsia bhú Eki. 12:46; ne bhú Nom. 9:12; di ne bhú Ets. 34:21.

‡ 19:37 19:37 Tsia bhú Djkl. 12:10. ‡ 19:39 19:39 Aloesi: A ko mungotsi inde li se e nde má wese. A ko la di elá, u memene li ndende ndula.

⁴ Ndu uo bhisi hana agu holo. Engú bini, mkpata bhe koko agu naae holo kpekpeke ane Piele mane. Kaka-a, ani atsia akolo abhú lata kalanu.

⁵ Ani akita ne kuto ngú natsia 'kpí bhúbhú. Ani au opapala bongo na lene me a nde a'o lie oo. La-a, ani li de.

⁶ Abhomu-o, Simo Piele inde adu akpata ani sidi-e, akolo di. Ani atsia ali abhú lata. Ani au opapala bongo na lene me a nde a'o lie oo,

⁷ la di ne bongo bhende adu me a nde abuku bhála Yesu-o. Bongo ango-o du bhú dabili bini ne opapala bongo na lene de. Engú bini, a adu me a nde agagala naae lie kpi li bili koko.

⁸ Abhomu-o, mkpata koko inde akolo abhú lata kalanu-o, atsia ali di. Ani au, ani atsia abhuka.

⁹ Padhá de, anga nakolo li nedhinga bhomu-o, omkpata mbila nga nani ndjiindji de, engú inde u aye e bhú Bhuku gba Ebhe-e me Masiya azúku bhú ká okpála inde amu-o mazuku.

¹⁰ Pita 'ngú bhomu-o, omkpata bhisi-e atsia agie lio agba o.

Yesu akoto li Malia, kpála na kútí na Magadala

(*Tsia bhú Mat. 28:9-10; di ne bhú Mlk. 16:9-11.*)

¹¹ Malia adu me ani nde alu akilidjo de lata-o. Ani adu naku 'gbá. Nedhinga inde ani adu nga bha lie naku 'gbá-a, ani akita ne

kuto ngúbulu natsia 'kpí abhú lata.

¹² Ani au oandjelu bhisi. U adyidi obubu bongo. U adulu li bili inde u a'o nako kuo Yesu li e ko. Bini adu li pápá na 'ndjì ani, koko atsia adu li pápá na 'dhu ani.

¹³ Oandjelu-o ayi Malia me: «Ole-e, mu ngaku 'gba ngú ni?» Ani agie pi uo me: «U a'e kuo Ngámá gba ma-a a'e. Ma mbila de me u a'o su-oie de.»

¹⁴ Pita ani apa 'ngú bhomu-o lie, ani adj*i* lie, ani atsia au Yesu me ani nde alu oo. Engú bini, ani du ambila de me a ko Yesu-o de.

¹⁵ Yesu ayi ani me: «Ole-e, mu ngaku 'gbá ngú ni? Mu ngagili da?» Malia abhundja me a ko kpála inde ngamene kulu bhú 'dyi-o. Kaka-a, ani apa pi ani me: «'Dyi ma, i du me mu nde a'e kuo Ngámá gba ma-a ngamu-o, suno bili mo o'o li e mma, amba ma nu ha.»

¹⁶ Yesu apa pi ani me: «Malia!» Malia adj*i* lie, ani atsia apa pi ani bhú eli na ebele me: «Laboni!» (A akunda napa me «Musuno.»)

¹⁷ Yesu apa pi ani me: «Mo obú 'kpa mu li ma de. Padhá de, anga ma nu nga agba 'Dyi ma abhúlá de. Engú bini, nu bhaka ondaise ma, amba mu pa pi uo me: «Ma adj*i* abhúlá agba 'Dyi ma. A ko la di 'Dyi yi. Ma adj*i* abhúlá agba Ebhe gba ma-o. A ko la di Ebhe gba yi-o.»»

¹⁸ Abhomu-o, Malia, kpála na kútí na Magadala, atsia

anʉ akpokpo pí omʉkpata me: «Ma au Ngámá au!» Ani atsia akpokpo 'ngú inde li Yesu apa e pi ani-e, pi uo.

Yesu akoto li omʉkpata gba e-o

(*Tsia bhú Mat. 28:16-20; ne bhú Mlk. 16:14-18; di ne bhú Luk. 24:36-49.*)

¹⁹ Bha bhú 'kpí yinga bhomʉ-o tagolo-o, omʉkpata-a apo bhúla o bhú 'ti bini. U atsia adhodho obhe bhoti nganda o madhodho. Padhá de, anga u adʉ akpe ongámási gba omaYuda-o. Yesu ago alʉ tu uo. Ani atsia apa pi uo me: «Guo 'ngú dʉ bhú dabili bini ne yi!»

²⁰ Pita ani apa 'ngú bhomʉ-o lie, ani asuno 'kpa e, di ne pála kala e pi uo. Li omʉkpata au Ngámá lie, u abedhe ne djali bedhe.

²¹ Yesu atsia apa matá pi uo me: «Guo 'ngú dʉ bhú dabili bini ne yi! Maka li 'Dyi ma atima ma lie, ngama di-e, ma atima yi.»

²² Pita ani apa lie mo-o, ani a'ulu wo e pí uo, ani atsia apa pi uo me: «Yi sia Bu Bhopua !

²³ Okpála bhende yi ambú li siti 'ngú gba o-o, li Ebhe mbú di li siti 'ngú gba uo-o. Okpála bhende yi mbú li siti 'ngú gba o de-e, Ebhe mbú di téte de.»

Yesu akoto li omʉkpata gba e pita Túma

²⁴ Nedhingga li Yesu akoto li omʉkpata gba e lie abhú 'ti-e, súka omʉkpata ndjikpa ne ká bhisí-e Túma (inde u

a'i di-e me Bhuko-o) dʉ bhú dabili bini ne uo de.

²⁵ Abhomʉ-o, omʉkpata koko atsia apa pi ani me: «Ya au Ngámá.» Engú bini, ani atsia agie pi uo me: «Ma akʉnda nau oeka na osete inde li okpa ani-o. Ma akʉnda na'o likpa ma li pokoli na osete ango-o. Ma akʉnda la di na'o 'kpa ma li pála kala ani. I dʉ mo-o de-e, ma bhúka de.»

²⁶ Pita 'kpí madjína, omʉkpata gba Yesu apo matá bhúla o abhú 'ti. Túma adʉ bhú dabili bini ne uo. Obhe bhoti-e adʉ me a nde adhodho lie madhodho. Engú bini, Yesu ago, ani alʉ tu uo. Ani atsia apa pi uo me: «Guo 'ngú dʉ bhú dabili bini ne yi!»

²⁷ Pipita-a, ani apa pi Túma me: «O likpa mu si, amba mu tsia 'kpa ma. Go ne 'kpa mu, amba mu 'o li pála kala ma. Mo odú ne bua na bhisí bhisí de. Dʉ mangbo ne nabhuka .»

²⁸ Túma agie pi ani me: «Ngámá gba ma, di ne Ebhe gba ma!»

²⁹ Yesu apa pi ani me: «Mo obhuka ka mo ou ma lie? A ko djali pi okpála inde ngabhuka me u nde u ne djila o de ko.»

A inde-e ta bhuku inde

³⁰ Yesu amene matá ongamba 'ngú koko bhelé li djila omʉkpata gba e-o. La-a, u ye bhú bhuku inde-e de.

³¹ Engú bini, ongú inde aye lie bhúbhú-o, a ko ngübula me yi bhuka me Yesu ne Masiya, Ndili gba

Ebhe, amba i du la me yi
nde abhuka ani-e, yi de sia
mukobho ka 'li ani.

21

*Yesu akoto li omukpata
gba e lingo ekpe na Tibeliade*

¹ Ekpí koko pipita-a, Yesu akoto matá li omukpata gba e lingo ekpe na Tibeliade. Lele maka ani akoto li uo lie, ngae inde:

² a adu nani Simo Piele, ne Tuma, (inde u a'i e me Bhuko), ne Natanaele, (kpála na kuti na Kana, bhú ndu doto na Galilaya), ne ongisi gba Djebedayo, di ne omukpata koko bhisi gba Yesu-o. U adu bhú dabili bini.

³ Simo Piele apa pi uo me: «Ma adji nagbe sungu.» U agie pi ani me: «Ngaya di-e, ni anú ne yi bhú dabili bini.» Abhomu-o, u anu, u atsia a'u' u bhú zabu. Engú bini, sukpe bhomu-o, u gbe sungu belegu de bini.

⁴ Li ekpí aholo naseke lie, Yesu alu lingo 'ngu oo. Engú bini, omukpata-a du ambila de me a ko ani-e de.

⁵ Abhomu-o, Yesu atsia apa pi uo me: «Odi ma, yi aholo mbo sungu uu?» U agie pi ani me: «Ya holo de.»

⁶ Ani apa pi uo me: «Yi bhike nado lingo zabu-o ne li pápa na kokpa, amba yi holo sungu.» Abhomu-o, u atsia abhike nado-o bhú 'ngu. U ale nagbele nado ango-o bhú 'ngu pima. Padhá de, anga osungu adu bhúbhú bhibhiti naali.

⁷ Abhomu-o, mukpata inde li Yesu adu akunda e naali-e apa pi Piele me: «A ko Ngámá!»

Li Simo Piele adje lie me a ko Ngámá-a, ani adyi bongo . Padhá de, anga abhaka me ani nde agbe bongo-o magbe ngú nagbe sungu-o. Ani atsia agu 'i e bhú 'ngu.

⁸ Omukpata koko agie lio ne zabu-o me u nde ngagbele nado-o. Nado ango-o adu me a nde abedhe ne osungu bedhe. U du nani dengo 'go-o tsutsu de. U adu masikpe de metele kámá bini.

⁹ Nedhinga u aze lie apí 'go-o, u au djua ne sungu pépé, di ne mapa.

¹⁰ Yesu apa pi uo me: «Yi go ne té osungu inde yi aholo e-o.»

¹¹ Abhomu-o, Simo Piele a'u matá bhú zabu-o. Ani agbele nado apigo. Nado ango-o adu me a nde abedhe ne ongbengbe osungu kámá bini ndjikpa bhuluvue ne ká bata. Abana li osungu adu lie bhúbhú bhelé-e, nado ango-o tsotsolo de. ¹² Yesu apa pi uo me: «Yi go zu 'he.» Kpála bini bhú ká omukpata-a le nayi ani de me: «Mu ne da?» Padhá de, anga u adu ambila hana me, a ko Ngámá.

¹³ Abhomu-o, Yesu adyudyo lie masikpe. Ani aha mapa, ani atsia agapa li uo. Ani atsia aha di sungu-o pi uo.

¹⁴ A adu nani bhomu-o bhútsibhútsi na bata me Yesu koto li omukpata gba

e, pita ani azuku lie bhú ká okpála bhende amu ko.

Yesu ayi Piele bhútsibhútsi bata me ani kúnda ni uu ie

¹⁵ Pita u azú 'he-e lie, Yesu ayi Simo Piele me: «Simo, ndíli gba Djaa, mu kúnda ma nane maka li okpála koko inde-e akúnda ma lie mane?» Piele agie pi ani me: «Heni, Ngámá, mu mbila hana me ma kúnda mu.» Yesu apa pi ani me: «Kú ongisi kandéle gba ma-o.»

¹⁶ Yesu ayi matá ani bhútsibhútsi na bhisí-e me: «Simo, ndíli gba Djaa, mu kúnda ma uu?» Piele agie pi ani me: «Heni, Ngámá, mu mbila hana me ma kúnda mu.» Yesu apa pi ani me: «Lila okandéle gba ma-o.»

¹⁷ Yesu ayi matá ani bhútsibhútsi na bata-a me: «Simo, ndíli gba Djaa, mu kúnda ma uu?» Piele asia likabhu li bua e. Padhá de, anga Yesu ayi ani bhútsibhútsi na bata me: «Mu kúnda ma uu?» Ani atsia apa pi Yesu me: «Ngámá, mu mbila ndú 'ngú hana. Mu mbila bhadi hana me ma kúnda mu!» Yesu apa pi ani me: «Kú okandéle gba ma-o.»

¹⁸ A moko, ma apa pi mu na paká me, nedhinga nani mo odú lie makombi-e, mo odú agbite ekpú gba mu-o ludu mu ngamú makpe. Mo odú la di anú li bílì inde mo odú akúnda nanú li e-o. Engú bini, nedhinga mo okólo lie 'gbé kpála-a, mo o'é'e 'kpa mu abhálá, li kpála koko tsia gbíte 'kpú gba mu-o ludu mu ngae. Ani

tsia ná di ne mu li bílì inde mu kúnda nanú li e de.»

¹⁹ Yesu adú apa mo-o ngubula nasuno lele maka li Piele akpí lie, ani tsia há la di sangu pi Ebhe ko. Pipita-a, Yesu apa pi ani me: «Kpata ma!»

Piele ayi 'ngú pindji mukpata inde li Yesu adú akúnda e naali-o

²⁰ Li Piele adjí lie lie, ani au mukpata li Yesu adú akúnda e-o, (kpála inde aseke nani 'ndji e pi mbulu Yesu, nedhinga inde u adú azú 'he lie-o, inde atsia ayi di nani Yesu me: «Ngámá, kpála bhende apú mu-o, a ko da?»)

²¹ Abhomú-o, Piele au mukpata ango-o, ani atsia ayi Yesu me: «Ngámá, a la ani-e, a akólo li ani ne mangua 'ngú dho?»

²² Yesu agie pi ani me: «I du me ma nde akúnda me ani du, akolo li nedhinga inde ma agó matá lie, a ko naamu 'ngú? Ngamú-o, kpata ma!»

²³ Abhomú-o, ngali atsia ayangba bhú ká omabhuka me, mukpata ango-o kpí naae de. La-a, Yesu pa nani pi Piele de me: «Ani kpí de-e de.» Engú bini, ani apa nani mangbo me: «I du me ma nde akúnda me ani du akólo li nedhinga inde ma agó matá lie, a ko naamu 'ngú?»

²⁴ Mukpata ango-o ngakpokpo ongú inde-e ngae makpe. Ani aye la di bhú bhuku ngae. Ya mbila la di

ndjindji me engú inde ani
ngakpokpo e, a ko kákálu
'ngú.

²⁵ Yesu amene di nani
ongú koko bhelé. Í dú me
u yé ongú ango-o bini ne
bini hana-a, ma abhundja
me doto libhomu de tí ne
obhuku inde í de yé lie de.

Kulu gba oBhulü Titima gba Yesu Eli na kalanü

Kulu gba oBhulü Titima gba Yesu ne bhuku na bhisi inde li Luka aye e-o.

Engú na ngbéngbé inde bhú bhuku inde-e, a ko nakpokpo lele maka li omukpata gba Yesu na kalanü adú adhukü bhú angu gba Bu Bhopua, u atsia adú akpokpo Bádha Ngali pindji Yesu inde adú ayangba abhú: «Yelusalema, ne bhú Yudaya, ne abhú Samalia nakolo makolo abhú dje doto» (1:8). A ko Ngali gba Kilisito inde akpo lita e agba omaYuda atsia akolo nabhuka pi ndú okpála na píla doto hana.

Engú na ngbéngbé inde bhú bhuku gba obhulü titima-a, a ko kulu gba Bu Bhopua inde ago ne angu pi omabhuka abhú Yelusalema li 'kpí na Patekote. Bu Bhopua ango-o, la di ngateteke ne naha angu pi Piga gba Ebhe ne okpála inde ngadjedjele, nakpata lele ongú inde u aye e bhú bhuku ango-o. Engú na kalanü inde atsia omakilisito akpokpo lie bhelé bhú eli gba Ebhe inde u adú aha e pi okpála-o. A la di ongú inde u aye e bhú bhuku gba obhulü titima gba Yesu ngasuno angu na ongú ango-o bhú

mukobho gba omabhuka, la di bhú makpötse inde bhú Piga gba Ebhe-o.

Ongbengbe ongú inde bhú bhuku inde-e ngae inde:

Naleke lio ngú nakpokpo 'ngú pindji 'ngú mo ue ne bhe mo adje e 1:1-26
(1) Líli na soso ne engú inde li Yesu apa me ni amene e 1:1-14

(2) Kpála inde aha da Yuda-o 1:15-26

Okpála inde akpokpo 'ngú pindji 'ngú inde u au e ne bhe u adje e abhú Yelusalema 2:1 - 8:3

Okpála inde akpokpo 'ngú pindji 'ngú inde u au e ne bhe u adje e abhú Yudaya ne abhú Samalia 8:4 - 12:25

Kulu gba Polo 13:1 - 28:31

(1) Dholo gba Polo na kalanü ngubula nakpokpo Bádha Ngali 13:1 - 14:28

(2) Bula abhú Yelusalema 15:1-35

(3) Dholo gba Polo na bhisi ngubula nakpokpo Bádha Ngali 15:36 - 18:22

(4) Dholo gba Polo na bata ngubula nakpokpo Bádha Ngali 18:23 - 21:16

(5) Polo bhú tíkpü abhú Yelusalema, ne bhú Sedjale a la di-e bhú Loma 21:17 - 28:31

Yesu apa me: «Yi asia Bu Bhopua»

¹ Ndai ma na mukunda Tiofile,

Bhú bhuku gba ma na kalanu-o,* ma akpokpo ndu 'ngú hana inde li Yesu amene e di ne bhende ani asuno e ko. Ma akpokpo nayie li lilita†

² akolo li 'kpí li Ebhe aha ani lie abhúlá ko. Kalá nanu ka ani abhúlá-a, bhú angu gba Bu Bhopua-a , ani aha olílì gba e pi okpála inde ani alo nani o maka obhúlu titima-o .

³ Pita nakpi ka ani-e, ani apama lie pi obhúlu titima gba e-o. Ani asuno pi uo li okpadji bheldé me ni bhú mukobho. Ani asuno lie pi uo ngúbula 'kpí ndjikpa badha. Ani atsia akpokpo di 'ngú pi uo pindji Nau gba Ebhe .

⁴ Ekpí bini, li ani adu azu 'he lie bhú dabilí bini ne uo-o, ani atsia aha líli inde-e pi uo me: «Yi ayié bhú Yelusalema de, engú bini, yi djeké ehe inde li 'Dyi ma apa me ni ahá e pi yi ko. A ko ehe inde ma apa 'ngú pi yi pindji e ko.

⁵ Padhá de, anga Djaa abatisa nani okpála ne engu. Engú bini ngayi-e, pita 'kpí masudha-a, yi asia batismo na Bu Bhopua.»

Ebhe aha Yesu abhúlá

⁶ Li obhúlu titima adu apo bhúla o lie de Yesu-o, ekpí koko-o, u atsia ayi ani me: «Ngámá, mo ogbégbe omałsalaele bhú bali, mu

tsia há ngámá pi uo mbia inde-e?»

⁷ Yesu atsia agie pi uo me: «A ko engú ka yi de ngú nambila nedhinga di ne oekpí ango-o. Padhá de, anga Ebhe ne angu gba e makpe, a'o oekpí ango-o maka ani akunda lie ko.

⁸ Engú bini, yi asia angu, li nedhinga li Bu Bhopua aké pi yi lie-o. Yi tsia kpókpo 'ngú gba ma inde yi au e ne bhe yi adje di e bhú gudhu na Yelusalema, bhú ndu doto na Yudaya libhomu, ne bhende na Samalia, akólo makolo ali dje doto.»

⁹ Li Yesu andjia nakpokpo 'ngú bhomu-o lie, Ebhe atsia aha ani abhúlá me ndu uo hana nde ngatsia ani. Abhomu-o, ndindi atsia abuku ani. U u matá ani de.

¹⁰ Nedhinga u adu nga bha lie atsia 'kpí abhúlá-a, li pápá li Yesu atapa lie, kolo me-e, okpála bhisí aze li uo. U adyidyi bubu bongo .

¹¹ U atsia apa pi uo me: «Ngayi okpála na Galilaya, yi alulu si ne natsia 'kpí abhúlá ka ni? Yesu inde li Ebhe aha e abhúlá bhomu-o, ani agié bhadi lie maka yi au ani lie anu abhúlá ko.»

Libi obhúlu titima gba Yesu

¹² Abhomu-o, obhúlu titima-a ayie pi eta u a'i e me eta na ondula na Olive, u atsia agie lió bhú gudhu

* **1:1 1:1 Bhuku na kalanu:** A akunda napa me Bádha Ngali gba Yesu Kilisito maka li Luka aye lie ko. Kulu gba obhúlu titima gba Yesu ne bhuku na bhisí gba ani-o. † **1:1 1:1 Lilita:** A akunda napa me a ko nayie li lita kulu gba Yesu Kilisito li 'kpí ani asia batismo lie ko.

na Yelusalema. Eta ango-o adu de Yelusalema masikpe de kilometele bini.[‡]

¹³ U akolo lie bhú Yelusalema-a, u a'u bhú tina 'ti bhe abhúlá, bili inde u adu adulu lie-o. A adu nani: Piele ne Djaa, ne Djaki di ne Andili, ne Filipo di ne Túma, ne Batelemi di ne Matié, ne Djaki ndili gba Alafayo, ne Simo kpála nakunda doto gba o, la di ne Djude ndili gba Djaki.

¹⁴ Ndu uo hana, adu apo bhúla o ne bua bini, ndu nedhinga hana ngú nayo Ebhe. U adu bhú dabili bini ne olisi koko, ne Malia 'hi Yesu, di ne ondaise Yesu.

U agbe kpála bhú dá Yuda

¹⁵ Bhú oekpí bhomu-o, ekpí bini, omabhuka apo bhúla o. U adu masikpe de kámá ne ndjikpa bhisi. Abhomu-o, Piele ayie bhúlá bhú ká uo. Ani atsia apa pi uo me:

¹⁶ «Ondaise ma, engú inde u aye e bhú Bhuku gba Ebhe-e, a ayo me amene lie. Bu Bhopua apa 'ngú ango-o bhú 'li Davidi pindji Yuda, kpála inde ago nani ne okpála inde aholo Yesu-o.

¹⁷ Yuda nako ne suka ní. Ngámá abhu ani ngú namene kulu maka ní adu di ne di lie-o.»

¹⁸ (Ani akala edyi ne tia inde u aha e pi ani li ani abhélé kpála lie-o. Bhú edyi

ango-o, ani ati adji 'ndjí e ne kuto. 'Bu ani aupa. 'Ndja ani atsia aze kuto.

¹⁹ Ndu okpála hana na Yelusalema ambila 'ngú ango-o ndjindji. Kaka-a, u a'o nani 'ili li edyi ango-o bhú eli na gba o me «Akeledama», a akunda napa me «edyi na Ngute».)

²⁰ Pipita-a, Piele apa matá me: «Padhá de, anga u aye bhú bhuku na oEtsi gba omaYuda-a me:

«A ayo me kuti gba ani-e kolo mili bili,
kpála bini adá bhúbhú de.»

U atsia aye matá me:

«A ayo me kpála koko ha kulu gba ani-o.†»

²¹⁻²² Kaka-a, a ayo me kpála bini li bhú ká ní, amba ani du akpokpo ngali nazuku gba Ngámá Yesu-o. A ayo me kpála ango-o du suka okpála inde adhukú bhú dabili bini ne ní ndu nedhinga hana li Ngámá Yesu adhukú lie ne ní píla doto ko. Kpála ango-o du kpála inde adhukú bhú dabili bini ne ní nayie li nedhinga li Djaa abatisa Yesu lie,§ akolo li ekpí li Ebhe aha ani lie ngú nanu abhúlá-o.»

²³ Abhomu-o, u atsia agbe okpála bhisi. A adu 'li bhe bini-e me Djodjefu, inde u a'i e me Balasabasi. 'fli koko

‡ 1:12 1:12 **Masikpe de kilometele bini:** U aye bhú obhuku koko me «maka enú na ekpí naguo gba omaYuda .» † 1:20 1:20 Tsia bhú Ets. 69:26, 109:8.

§ 1:21-22 1:21-22 **Nayie li nedhinga li Djaa abatisa Yesu lie:** U aye bhú obhuku koko me «nayie li nedhinga inde li Djaa adu abatisa okpála lie-o.»

gba ani-e matá me Djusitisi. A adú 'li bhe koko me Matiasi.

²⁴ U atsia ayo Ebhe me: «Ngámá, mʉ mbila bua ndʉ okpála hana. Pana kpála inde mo obhʉ e bhʉ ká okpála bhisi inde-e pi ya.

²⁵ Ani adú bhʉlʉ titima gba Yesu. Ani ahá kulu inde li Yuda a'o ká e ngú nanu li bili gba e makpe ko.»

²⁶ Pita u ayo Ebhe lie, u agʉ gbanda.* Gbanda asuno Matiasi. Abhomʉ-o, u atsia ato anि bhʉ ká obhʉlʉ titima ndjikpa ne ká bini-o.

2

Bu Bhopua akə pí omabhuka

¹ Lí ekpí na Patekote akolo lie, ndʉ omabhuka hana apo bhʉla o li bili bini.

² Má gala kolo me-e, tolo ayie abhʉlá maka anvi na kpekpeke. Tolo ango-o aha bili bhʉ 'ti inde u adú bhʉ e hana.

³ Abhomʉ-o, u au oehe maka dingidhi djua. Oehe ango-o agbogbo bhusʉ e, atsia adʉlʉ pí 'ndji ndʉ uo hana bini ne bini.

⁴ Ndʉ uo hana abedhe ne Bu Bhopua . U atsia aholo agama 'ngú bhʉ oeli koko, maka li Bu Bhopua adú ahaha pi uo lie ngú naga-gama ko.

⁵ Bhʉ gʉdhʉ na Yelusalema-a, omaYuda inde ayie bhʉ ndʉ okuti hana*

píla doto libhomu adú oo. A adú okpála inde adú akpe Ebhe.

⁶ Lí u adje tolo ango-o lie, bhti okpála ango-o ago apo bhʉla o. U atsia adú angamba naali. Padhá de, anga kpála ne kpála adú adje omabhuka agama 'ngú bhʉ eli gba e makpe.

⁷ U abedhe ne nangamba, di ne nakiaka. U atsia adú apa me: «Okpála i ngagama 'ngú inde-e, ndʉ uo hana ne okpála na ndu doto na Galilaya adi?

⁸ Lele pi ndʉ ní hana bini ne bini, ní ngadje uo lie ngagama 'ngú bhʉ eli gba ní makpe na kuti-e?

⁹⁻¹⁰ Bhʉ ká ní si-e, okpála koko ayie bhʉ doto na Palate. Okoko ayie bhʉ Media. Okoko ayie bhʉ Elama. Okoko ayie bhʉ Edjipeto. Okoko ne okpála na Medjopotami. Okoko ayie bhʉ ndu doto na Yudaya. Okoko ayie bhʉ Kapadose. Okoko ayie bhʉ Pote di ne Adjia. Okoko ayie bhʉ Filidjia. Okoko ayie bhʉ Pamifilia. Okoko ayie lingo gʉdhʉ na Silene inde bhʉ doto na Libi ko. Okoko ayie bhʉ gʉdhʉ na Loma .

¹¹ Okoko ayie bhʉ kpemé na Kelete. Okoko ayie bhʉ doto na Alabi. U azu okoko omaYuda. Okoko-o, a ko ogandji okpála inde abhuka Ebhe gba omaYuda-

* 1:26 1:26 *U agʉ gbanda:* U adú nani agʉ gbanda ango-o pi Ebhe, ngú nambila engú inde anि akunda e-o. * 2:5 2:5 *OmaYuda inde ayie bhʉ ndʉ okuti hana:* U adú nani ago bhʉ Yelusalema ngú nadhøgø Ebhe bhʉ anokomia na Patekote .

o. La-a, lele pi ni ngadjé
uo ngakpokpo 'ngú pindji
ongamba 'ngú gba Ebhe bhú
eli gba ni na kuti lie bini ne
bini-e!»

¹² Ndú uo hana adú ne
nangamba naali. Mab-
hundja gba uo-o angbingi.
Abhomú-o, u atsia apa súnda
o me: «Engú inde-e akunda
napa pi?»

¹³ Engú bini, okoko adú
amú omabhuká. U atsia adú
apa me: «Pandi aholo uo e-e
ngae bha-a!»

*Piele akpokpo eli gba
Ebhe-e pi bhti okpála*

¹⁴ Piele ayie bhálá bhú
dabili bini ne obhálu titima
ndjíkpa ne ká bini kokoo-
o. Aní aholo agama 'ngú
kpekpeke pi bhti okpála me:
«Ngayi omaYuda, di ne ndú
yi okpála hana inde ngadulu
bhú gudhu na Yelusalema-a,
yi dje ma ndjindji, amba yi
mbila la di engú i ngakodho
'kpí inde.

¹⁵ Okpála inde-e, a holo uo
ne pandi maka yi ngabhub-
hundja lie de. Padhá de,
anga a ko nga bha saa na
odukpabini na kekpí.

¹⁶ Engú bini, engú i
ngakodho 'kpí mbia inde-e,
a ko engú inde li polofeta
Djuele apa nani e-o. Engú
inde me:

¹⁷ *«Ebhe apa me: li sokpí-e,
ma atúko Bua[†] gba ma-a
pi ndú okpála hana.*

Ongisi gba yi na ob-
hosibhosí, di ne obhe

na olisilisi akpókpo
ongú inde ma akunda
e-o.

Omakombise gba yi-e aú
ongú inde ma akunda
nasuno e bhú loto.
Ogbegbe okpála gba yi-
e atsia alótó oloto inde
ma atíma e pi uo ko.

¹⁸ Li oekpí ango-o, ma atúko
belegü di Bua gba ma-
a
pi okpála na kulu gba
ma na obhosibhosí, di
ne obhe na olisilisi.
U tsia kpókpo ongú inde
ma akunda e-o.

¹⁹ Ma améne ongamba 'ngú
abhuála. Ma tsia méne ongamba
'ngú kuto píla doto.
Ngute atúko, li djua tsí,
a adú di ne ndindi
nguwa.

²⁰ Kala me ekpí gba Ngámá-
a kolo-o, ekpí na
ngbéngbé,
di ne ekpí na asasaua-a,
ela adjí lie biti.

Li epe djí lie maka
ngute.

²¹ Abhomú-o, kpála ne kpála
inde abhu li Ngámá-a,
tsia sia mukobho.[†]»

²² Abhomú-o, Piele atsia
apa me: «Ngayi okpála na
Isalaele, yi dje nga engú ma
adji apa e pi yi inde: Ebhe
apana pi yi mbámbá me ni
atíma Yesu, kpála na kuti na
Nadjaleta-a, pi yi. Aní apana
li namene ongamba 'ngú
súnda yi bhú aní. Aní amene
okiaka 'ngú, di ne oehe na
tsulutsulu bhú aní. Ngayi

[†] **2:17 2:17 Bua:** I du me u nde aye ne 'dhu balua na ngbéngbé-e (madjisikile),
amba a ko Bu Bhopua. [†] **2:21 2:17-21** Tsia bhú Djl. 3:1-5.

makpe-e, yi mbila 'ngú tété ndjindji.

²³ Kpála bhomu-o, u apu aní pi yi. Ebhe ambila nani 'ngú tété kalanu. Aní atsia akunda me amene lie moko. Yi abhele aní. Padhá de, anga yi aha aní pi okpála na sisiti. U agi aní li kulusi, u atsia abhele aní.

²⁴ Engú bini, Ebhe azuku aní, aní atsia a'e aní bhú likabhu na kuo. Padhá de, anga a ayo nani de me kuo to aní bhú tikipu gba e-e de.

²⁵ Kaka-a, Davidi apa li 'ngú gba aní-e me:

«Ma adu au Ngámá Ebhe kala ma ndu nedhinga hana.

Padhá de, anga aní li pá 'kpa ma na kokpa, amba ma agákú de.

²⁶ Kaka-a, bua ma abedhe ne djali bedhe.

Ma la di ngali 'tsi ne djali hana.

Ekpí ma akpí lie, ma adú ne 'to ma me ma akóbho makobho.

²⁷ Padhá de, anga mu 'ó ká ma de me ma du li bili gba okpála inde amu-o de,

Mu kúnda de me kpála gba mu na ngbingibili-e zi bhú lata-a de.

²⁸ Mo osuno muma okpadji na mukobho.

Mo obédhe ma ne djali, anga ní ne mu bhú dabili bini.[†]»

²⁹ Piele apa matá me: «Ondaise ma, ma ti da napa engú pi yi mbámbá pindji

ogbi ní Davidi. Aní akpi, u atsia azi aní. Lata aní bhú ká ní akolo pi naki.

³⁰ Engú bini, a ko nani polofeta. Aní ambila me Ebhe apa nani ne natu silika me: «Ma a'ó súka ongisi gba mu-o bini ngámá bhú da mu.»

³¹ Davidi au nani engú inde agó-o kalanu. Kaka-a, aní atsia apa engú nazuku gba Masiya me:

«Ebhe 'o ká aní li bili gba okpála inde amu-o de.

Aní 'o la di de me aní zi bhú lata-a de.»

³² Yesu inde ma ngapa 'ngú gba e-e, Ebhe azuku aní. Ndu ya hana, ya au engú ango-o ne djila ya.

³³ Pipita-a, Ebhe a'e aní abhúlá, aní atsia a'o aní li pá 'kpa e na kokpa. 'Dyi ní Ebhe aha Bu Bhopua pi aní maka aní apa nani lie kalanu ko. Aní atsia atuko Bu Bhopua ango-o pi ya. A ko bhende yi ngau e, di ne bhende yi ngadje e mbia inde-e ko.

³⁴ Padhá de, anga Davidi ngae makpe 'u nani abhúlá de. Engú bini, aní apa ngae me:

«Ngámá Ebhe apa nani pi Ngámá gba ma-a me:

Du li pá 'kpa ma na kokpa,

³⁵ akólo li 'kpí ma a'ó obhúlu yala gba mu-o lie sa 'dhu mu ko.[†]

³⁶ A ayo me ndu okpála hana na Isalaele mbila engú inde-e ndjindji me: Yesu inde-e,

[†] 2:28 2:25-28 Tsia bhú Ets. 16:8-11.

[†] 2:35 2:34-35 Tsia bhú Ets. 110:1.

inde yi abhələ e li kulusi-e, Ebhe a'o ani Ngámá, ani atsia a'o di ani Masiya!»

³⁷ Li u adje engú bhomú-o lie, bua uo asia likabhu naali. U atsia ayi Piele di ne obhəlu titima koko-o me: «Ondaise ya, a ayo me ya mene pi?»

³⁸ Abhomú-o, Piele atsia agie pi uo me: «Kpála ne kpála dji bua e, ani sia batisimo ne 'li Yesu Kilisito, amba Ebhe 'e siti 'ngú gba ani-o. Abhomú-o, yi tsia sía la di Bu Bhopua padhá.

³⁹ Padhá de, anga ani apa nani kalanu me ni améne pi yi ne ongisi gba yi-e moko. Ani atsia apa me ni améne di pi okpála bhende ngadulu tsutsutsu,‡ di ne pi ndu okpála hana bhende li Ngámá gba ni-e a'í o-o.»

⁴⁰ Abhomú-o, Piele atsia akpo 'ngú koko pi uo bheldé ngú na ha pi uo gümü me u bhuka, di me u du ne nalila lio malila. Ani adu apa pi uo me: «Okpála na naki inde-e sisiti. Yi yie bhú ká uo mayie, amba Ebhe kobho yi.»

⁴¹ Okpála bheldé inde adje 'li Piele-e, aziba. U atsia asia batisimo. Li ekpí angoo, okpála masikpe de kutu bata ali bhú ká omabhuka.

Omabhuka na kalanu-o adu nani lele o pi?

⁴² U adu aha lio ndu 'kpí hana ngú nadje nasuno gba

obhəlu titima gba Yesu-o. U adu nadu sunda o bhú mukunda maka ondaise. U adu azu 'he bhú dabili bini,§ u atsia adu di ayo Ebhe bhú dabili bini.

⁴³ Ndú okpála hana adu ne tsulu. Padhá de, anga obhəlu titima-a adu amene ongú na ngangamba, di ne okiaka 'ngú naali.

⁴⁴ Ndú omabhuka hana adu adulu bhú dabili bini. Ndú 'he gba uo-o hana adu bhadi bhú dabili bini. U atsia adu agbogbo bhüsü bhüsü li o.

⁴⁵ U adu atsindji oedyi gba o, di ne oehe koko gba o-o. U atsia adu agbogbo bhüsü tia ango-o li ndu okpála hana, maka li gümü gba kpála bini ne bini adu lie ko.

⁴⁶ Ekpí bini ne bini hana, u adu apo bhála o bhú dabili bini, u adu ali bhú 'ngbé 'ti Ebhe gba omaYuda. U adu agümü mapa bhú eti gba o, u atsia adu azu 'he ne djali, di ne bua na bhébhéku.

⁴⁷ U adu atoko Ebhe. Engú inde u adu amene e-e bhú bádha bhú 'bu gba Ebhe-e, a adu anga li okpála naali. Abhomú-o, ndu 'kpí hana, Ngámá atsia adu ato okpála koko bhende asia mukobho-o bhú ká uo.

3

Dukuto adhukú

¹ Ekpí bini, píta tulukpe, Piele ne Djaa adu anu bhú 'ngbé 'ti Ebhe gba omaYuda,

‡ 2:39 2:39 **Okpála bhende ngadulu tsutsutsu:** A akunda napa me ogandji okpála, okpála bhende ne omaYuda ade. § 2:42 2:42 **Nazu 'he bhú dabili bini:** A ko nazu komonyo. A ko la di nazu 'he bhú dabili bini.

ngú nayo Ebhe inde u adú ayo e bhú saa na bata-o.

² De 'bhé 'ngbé 'ti Ebhe gba omaYuda ango-o inde u a'i e me «Babadha-a», kpála bini inde i dhukú de nayie maka u azu ani lie adú oo. Ndú 'kpí hana, u adú ago a'o ani oo ngubula me ani dú ayo tia ka okpála inde ngali bhú 'ti Ebhe ko.

³ Li ani au Piele ne Djaa lie me u nde adjí ali bhú 'ngbé 'ti Ebhe-e, ani atsia ayo tia ka uo.

⁴ Piele ne Djaa abanga djila o li ani. Abhomú-o, Piele atsia apa pi ani me: «Tsia ya!»

⁵ Kpála ango-o atsia a'o mabhundja gba e-e hana pí uo. Padhá de, anga ani adú abhundja me ni asia 'he ka uo masia.

⁶ Abhomú-o, Piele atsia apa pi ani me: «Falanga ka ma ade. Olo la di ka ma ade. Engú bini, ma ahá pí mu ehe inde ka ma-o: ne 'li Yesu Kilisito na Nadjaleta-a, yie bhélá, amba mu dhukú!»

⁷ Pipita-a, Piele aholo 'kpa ani na kokpa, ani atsia a'e ani bhélá. Má gala kolo me-e, obikí na 'dhú ani akolo kpekpeke.

⁸ Ani a'ulu, ake má kprii! Ani atsia aholo nadhukú. Pipita-a, ani ali bhú 'ngbé 'ti Ebhe bhú dabili bini ne Piele ne Djaa. Ani adú adhukú. Ani adú a'u'ulu. Ani atsia adú adhégo Ebhe.

⁹ Ndú okpála hana au ani me ani nde ngadhukú, ani

nde ngadhégo Ebhe.

¹⁰ U atsia ambila me, a ko kpála inde adú nadú li 'bhé 'ngbé 'ti Ebhe, li bhébhé bhende u a'i e me «Babadha», ngubula nayo 'he. Abhomú-o, ndú uo hana angamba, u atsia akiaka naali ka engú inde akolo li kute dükuto-o.

Piele akpokpo 'ngú pi bhití okpála bhú 'ngbé 'ti Ebhe gba omaYuda

¹¹ Abhomú-o, kpála ango-o dú ayie de Piele ne Djaa de. Ndú okpála hana angamba naali ka engú inde akodho 'kpí-o. U ago ne holo, u atsia apo bhúla o de uo sa basa inde u a'i e me «Sa ngba 'ti gba Salomo.*»

¹² Li Piele au lie mo-o, do ani pi bhití okpála bhomú-o me: «Ngayi okpála na Isalaele, yi ngangamba li nakobho ka kpála inde-e ka ni? Li yi abanga djila yi lie li ya mugito me ya amene ngaya ne angu gba ya makpe me kpála inde-e dhukú-o? La di mugito me a ko anga ya ngakpata engú gba Ebhe-e? A mo-o ade.

¹³ Ebhe gba Abalahama, Ebhe gba Isaka, Ebhe gba Yakobho, Ebhe gba onguo ogbi ni amene me 'li bali gba ni Yesu-o adhégo lie. La-a, ngayi makpe-e, yi apú ani pi ongámási. Yi atsia ayala ani kala Pilate me ani nde adú akunda la me ni tse 'kpa li ani-o.

* 3:11 3:11 **Sa ngba 'ti gba Salomo:** A ko sa ngba 'ngbé 'ti Ebhe gba omaYuda-o.

¹⁴ Ngayi-e, yi ayala Kpála bhende bubu, inde di ngingbingbili. Yi atsia ayo me Pilate suno bádha bhú 'bu pi kpála bhende ngabhili okpála-o.

¹⁵ Yi abhélè kpála inde ngaha mukobho. Engú bini, Ebhe azuku ani bhú ká okpála bhende amu-o. Ya au engú angó-o ne djila ya makpe.

¹⁶ Mbía inde-e, yi ngau kpála inde, yi mbíla la di hana me a ko nako dükuto. Ani akobho ka 'li Yesu. Padhá de, anga ya abhuka ani. A ko ka nabhuka bhú Yesu, ani atsia akobho hana maka yi ngau ani lie inde.

¹⁷ Engú bini, ondaise ma, ma ambila ndjindji me ngayi ne ongámási gba yi-e, yi amene li Yesu mo-o, anga yi mbila nani kükülu 'ngú-o de.

¹⁸ La-a, Ebhe ngae makpe amene mo-o ngubula na-suno mbámbá engú inde ani apa nani e kalanu bhú 'li ndu opolofeta hana ko. Ani apa nani me Masiya gba ni-e azú likabhu.

¹⁹ Kaka-a, yi dji bua yi. Yi gie liyi li pápá gba Ebhe, amba ani 'e siti 'ngú gba yi-o.

²⁰ Abhomu-o, Ebhe ahá onedhinga naguo pi yi. Ani tsia tíma matá Masiya inde ani abhu nani e kalanu-o pi yi. A akunda napa me Yesu.

²¹ Engú bini, mbía inde-e, a ayo me Yesu Kilisito du ngaiza abhúlá. Ani du oo akólo li nedhinga inde li ndu

'ngú hana akólo lie na mbiao. Nayie didili naali-e, Ebhe apa nani engú angó-o bhú 'li obubu opolofeta-o.

²² Maka li Moidje apa la di nani lie me: «Ebhe Ngámá gba yi-e atíma polofeta pi yi maka ma. A adú súka ondaise yi. A ayo me yi dje ndu 'ngú hana inde ani apá e pi yi ko.

²³ La-a, kpála bhende i djé 'li ani de-e, u agbé ani bhú ká okpála gba Ebhe, u tsia bhéle ani.†

²⁴ La di-e, ndu opolofeta hana inde akpokpo 'ngú gba Ebhe-e, nayie li Samuele, akpo engú ndu o hana bini ne bini pindji engú inde-e akolo li 'kpí angó-o ko.

²⁵ Engú li Ebhe apa nani e kalanu bhú 'bhe opolofeta-a, a pi yi. La di-e, gandja inde li Ebhe akodho nani e kalanu-o ne onguo ogbi yi-e, a di pi yi. Ani apa nani kalanu pi Abalahama me: «Ma atúko bisagu pi ndu opiga hana pila doto li pápá gba ongisi gba mu-o.†»

²⁶ Kaka-a, Ebhe abhu bali gba e, ani atsia atima ngaiza ani pi yi omafsalaele. Ani atima ani me ani tuko bisagu pi yi. Ani agbé kpála ne kpála bhú siti 'ngú gba e-o.»

4

Libi okpála natsia 'kpí li 'ngú gba omaYuda aholo Piele ne Djaa

† 3:23 3:22-23 Tsia bhú Det. 18:15, 18, 19. † 3:25 3:25 Tsia bhú Dje. 22:18.

¹ Li Piele ne Djaa adu akpo 'ngú lie pi okpála-a, odi-mandø gba Ebhe-e ago bhá dabili bini ne ngámá gba okpála nalila 'ngbé 'ti Ebhe gba omaYuda di ne oSadukai

² U adje siti bua naali. Padhá de, anga Piele ne Djaa adu asuno pi bhti okpála. U adu akpokpo pi uo me okpála inde amu-o azúku di mazuku, maka li Yesu azuku lie ko.

³ Abhomu-o, u aholo Piele ne Djaa. U atsia ato uo bhá tikpu akolo pi kækpi, anga adu me ekpí nde ngabi.

⁴ La-a, bhelé na okpála inde adje nani eli gba Ebhe-e, akolo omabhuka . Abhomu-o, omabhuka abe ndu o, u atsia akolo masikpe de okpála kutu bhuluvue.

⁵ Li ekpí aseke lie, ongámási gba omaYuda , ne obhelesi okpála di ne omusuno na lílì gba Moidje , apo bhála o bhá gudhu na Yelusalema.

⁶ A adu naní: bhele kpála gba odimandø Ana, ne Kaifa, ne Djaa , ne Alekidjandele di ne ndu okpála hana inde bhá piga gba bhele kpála gba odimandø gba Ebhe-o.

⁷ Abhomu-o, okpála inde aholo Piele ne Djaa, atsia agbe Piele ne Djaa kala uo. U atsia ayi uo me: «Yi akobho kpála inde ne mangua angu dho? La di ne 'li da?»

⁸ Abhomu-o, Piele inde abedhe nani ne Bu Bhopua-a atsia apa pi uo me: «Ngayi

ongámási, di ne yi obhelesi okpála-a,

⁹ ya amene bádha 'ngú pi dükuto inde. La naki-e, u ngayi ya me ani akobho lele pi.

¹⁰ A ayo me ndu yi hana, di ne ndu okpála na Isalaele hana, yi mbila engú inde e ndjindji: kpála inde-e alu kala yi ne kute na angu ka angu gba Yesu Kilisito , kpála na Nadjaleta. A ko Yesu inde yi agi nani e li kulusi, Ebhe atsia azuku ani-o.

¹¹ Yesu ne kpála inde li Bhuku gba Ebhe-e apa nani engú gba e me Ebhe apa me:

<Ani ne teme inde li ngayi okpála nayiki 'ti-e ab-hike e-o.

La-a, teme ango-o akolo teme inde abi eti-e lib-homu.†>

¹² Ani ti bha da nakobho okpála ngae kpi e kpi. Padhá de, anga pila doto libhomu, Ebhe ha 'li kpála koko bini de inde u ti da nakobho ka e.»

¹³ Li Libi okpála natsia 'kpí li 'ngú gba omaYuda au lie me Piele ne Djaa ngagama 'ngú ne tsulu ade-e, u angamba naali. Padhá de, anga u adu ambila ndjindji me Piele ne Djaa ne okpála na padhá. U mene balua bhelé de. La di-e, u adu ambila ndjindji me, u adu adhukua nani bhá dabili bini ne Yesu.

¹⁴ Engú bini, u adu di au kpála inde akobho-o alu de uo. U tsia du ne engú nagigie

† 4:11 4:11 Tsia bhá Ets. 118:22.

pí uo de.

¹⁵ Abhomu-o, ongámási aha lílì me obhu titima ze kilidjo. U atsia aholo nagama 'ngú súnda o.

¹⁶ U adu apa me: «Ní améne ngú okpála inde-e pí? Padhá de, anga ndu okpála hana na Yelusalema ambila ndjindji me, u amene ngamba 'ngú inde-e ngao. Ní tì la di da nayayala de.

¹⁷ Engú bini, ngubula me ngali ango-o ayángba naali súnda okpála de-e, a ayo me ní gbele 'dje uo kpekpeke me u apá matá engú ne 'li Yesu pi kpála belegu de bini.»

¹⁸ Abhomu-o, u a'i matá obhu titima-o. U atsia aha lílì pí uo kpekpeke me, u agáma 'ngú di ne me u asúno ne 'li Yesu matá-a de.

¹⁹ Engú bini, Piele ne Djaa agie pi uo me: «Yi kodho 'ngú inde-e ngayi makpe. Bhá djila Ebhe-e, a ngingibili ne bhedho? Ne me ya mene lílì gba yi, ne me ya mene mangbo lílì gba Ebhe!

²⁰ La pi ya-a, ya tì da na'o nakpokpo ngali na engú inde ya au e ne bhende ya adje e de.»

²¹ Abhomu-o, Libi okpála natsia 'kpí li 'ngú gba omaYuda agama matá engú pi uo kpekpeke. Pipita-a, u atsia atse 'kpa li uo. La-a, u u nani engú inde u tì da namene uo sisiti ka e de. Padhá de, anga ndu okpála hana adu adhögé Ebhe ka engú inde akodho 'kpí-o.

²² Dukuto li nakobho gba e adu ngangamba bhomu-o, adu nani ne kalanga nane ndjikpa badha mane.

Omabhuka ayo Ebhe

²³ Li u atse 'kpa li Piele ne Djaa lie, u anu abhaka obi o. U atsia akpokpo ndu 'ngú hana inde li ongbengbe odimande gba Ebhe di ne obhelesi okpála apa e-e pi uo.

²⁴ Pita u adje engú bhomu-o lie, omabhuka ayo Ebhe ne bua bini me: «Ngámá, mo obho ekpí ne ndu 'he inde bhábhá-o hana ngamu. Mo obho doto ne ndu 'he inde bhábhá-o hana ngamu. Mo obho la di 'ngbé 'ngu ne ndu 'he inde bhábhá-o hana ngamu.

²⁵ Mo opa nani ngamu bhá angu gba Bu Bhopua, bhá 'li ogbi ya Davidi, bali gba mu-o, me:

<Opiga inde ne omaYuda ade-e abedhe ne siti bua ka ni?

Okpála na kútì koko adje lio ngú namene ongú na padhá padhá ka ni?

²⁶ Ongbengbe ongámási na doto aleke lio ngú egú.

Ongámási apo bhála o bhá dabili bini ngú nagu Ngámá Ebhe, di ne kpála inde li Ebhe abhu e-o.*>

²⁷ Padhá de, anga a na paká me ngámá Elode Atipasi ne Pose Pilate apo nani bhála o bhá gudhu inde, bhá dabili bini ne opiga inde ne

* 4:26 4:25-26 **Kpála inde li Ebhe abhu e-o:** A akunda napa me Kilisito. Tsia bhá Ets. 2:1-2.

omaYuda ade, di ne opiga na fsalaele. U apo bhála o ngubula me o gú Yesu, bali na bubu gba mû, inde mo obhû e maka Masiya-o .

²⁸ U amene bhomu-o ndu 'ngú hana inde mo opa nani e didili ne angu gba mû-o me améne lie mamene ko.

²⁹ La mbia inde-e, Ngámá, tsia nga maka u ngato mbolo li ya lie-o. Kaka-a, ha angu pi ya, obalise gba mû, amba ya akpókpo eli gba mû-o ne tsulù de.

³⁰ Ha angu gba mû-o pi ya, ngubula me ya akobho okpála, amba ya mene ongamba 'ngú di ne okiaka 'ngú ne 'li Yesu, bali gba mû na bubu-o.»

³¹ Lí u andjia nayo Ebhe lie, bili inde u apo bhála o lie adyiki má djigi djigi! Ndù uo hana abedhe ne Bu Bhopua. U tsia du akpokpo eli gba Ebhe-e ne tsulù de.

Omabhuka abu 'he gba o bhú dabili bini

³² Ndù omabhuka hana adu ne bua bini. U adu di ne nabhundja bini. Bhú ká uo-o, kpála bini du abhundja de me ehe gba ni-e bha pi ni kpi ni kpi-e de. Engú bini, oehe gba uo-o adu bha pi ndù uo hana.

³³ Obhulù titima gba Yesu adu akpokpo ne angu hana me Ngámá Yesu azuku. Abhomu-o, bádha bhú 'bu gba Ebhe-e atsia adu pi ndù uo hana.

³⁴ Bhú ká uo-o, kpála bini du aneke 'he de. Padhá de, anga ndù okpála hana inde adu ne oedyi di ne oeti-e adu

atsitsindji, u adu ago ne tia ango-o.

³⁵ U atsia adu ahaha pi obhulù titima. Pipita-a, u atsia adu agbogbo bhùsù tia ango-o li kpála bini ne bini maka li gumù gba anì adu lie ko.

³⁶ Kpála bini adu nani bhú ká uo, a adu 'li anì me Djodjefù . Anì adu kpála na piga gba Levi. U azu nani anì bhú kpømø na Sipele. Obhulù titima agisila nani 'ili koko li anì me Balanabasi (inde akunda napa me «Kpála inde ngato masi»).

³⁷ Anì atsindji edyi gba e. Anì ago ne tia ango-o, anì atsia a'o kala obhulù titima.

5

Siti 'ngú gba Anania ne Safila

¹ Abhomu-o, kpála bini inde adu 'li e me Anania, adje lie ne wala e Safila. U atsindji edyi gba o-o.

² Anì aha té tia ango-o, a'o pi e. Anì atsia anu a'o dudu-o kala obhulù titima gba Yesu-o . Wala anì adu ambila 'ngú té té ndjindji.

³ Abhomu-o, Piele apa pi anì me: «Anania, mo oziba me Satana pite ni ngú ni? Mo opa eu pi Bu Bhopua , anga mo oha té tia na edyi-e, mo o'o pi mû.

⁴ Kala me mû tsindji edyi ango-o, a ko nako naamù dî? La di-e, mo otsindji lie, tia ango-o, a ko nako naamù dî? Mo oziba me ni mene ngua 'ngú inde-e ka ni? Mu

pite okpála de, engú bini, mo opite bhomu-o Ebhe.»

⁵ Bha li nedhinga inde li Anania adje engú bhomu-o lie, ani ati, ani atsia akpi. Ndú okpála hana inde adje engú ango-o, adú ne tsulú naali.

⁶ Abhomu-o, omakombise ago. U agala kuo ani ne bongo, u a'e, u atsia anu azi.

⁷ Masikpe de pita saa bata-a, wala Anania ago ali oo me ani nde mbila engú inde akodho 'kpí-e de.

⁸ Piele ayi ani me: «Pa nga muma, yi atsindji bha ndju edyi gba yi-e bhú mase inde-e?» Óle-o agie me: «A moko, ya atsindji bhú mase bhomu-o.»

⁹ Abhomu-o, Piele atsia apa pi ani me: «Yi adje liyi ne 'ko mu ngú nale Bua gba Ngámá-a ngú ni? Djedje nga! Okpála inde i kolo nazi 'ko mu-o, u alulú li bhoti bhomu. U abí bhadí mu moko!»

¹⁰ Bha li nedhinga bhomu-o, ele-o ati kuto bhú li 'dhú Piele, ani atsia akpi. Omakombise ali, u abhaka me ani nde akpi. Abhomu-o, u a'e kuo ani, u atsia anu azi ani dengo 'ko e.

¹¹ Ndú okpála na Piga gba Ebhe-e hana, di ne ndú okpála hana inde adje engú inde akodho 'kpí-e, adje tsulú naali.

Obhulú titima gba Yesu-o amene ongamba 'ngú bhelé

¹² Obhulú titima gba Yesu-o adú amene nani ongamba 'ngú di ne okiaka 'ngú bhelé

bhú ká okpála. Ndú omabhuka hana adú apo bhúla o sa basa inde u a'i e me «Sa ngba 'ti gba Salomo.»

¹³ Kpála bini bhú ká okpála bhende i bhuka de-e le nani nali bhú ká uo de, abana li ndú okpála hana adú apa 'ngú gba uo-o lie ndjindji-o.

¹⁴ Obhosí bhelé naali di ne olisi bhelé naali inde abhuka Ngámá-a, adú ali bhú ká omabhuka, u atsia adú abe ndú o.

¹⁵ U aholo belegu apandja okpála na kuo li okpadji. U adú aseke uo pí okalagba di ne pí otsala. U adú amene mo-o, anga u adú abhundja me i du me Piele nde akodho 'kpí oo, kulu ani de pu mbo pí súka uo, amba ani kobho.

¹⁶ Okpála bhelé adú di ayie bhú okuti na ngo Yelusalema, u adú ago ne okpála na kuo di ne okpála inde adú ne osisiti bua bhú o-o. Ndú uo hana atsia adú akobho.

U aholo obhulú titima gba Yesu

¹⁷ Abhomu-o, bhele kpála gba odimande gba Ebhe-e di ne ndú okpála hana inde adú bhú dabili bini ne ani-e, a akunda napa me libi oSadukai, adje siti bua naali pindji obhulú titima gba Yesu. U atsia apa me, a ayo namene uo sisiti.

¹⁸ U aholo obhulú titima-o, u atsia ato uo bhú tikpu bhe na ngbéngbé-o.

¹⁹ La sukpe-e, andjelu bini gba Ngámá a'u obhe bhoti

na tikpu-o. Ani apandja obhulü titima-o. Ani atsia apa pi uo me:

²⁰ «Yi nu bhü 'ngbé 'ti Ebhe gba omaYuda. Oo, yi kpokpo pi okpála ndü 'ngü hana inde atsia mukobho na mbia-o.»

²¹ Obhulü titima-a amene bhadi mo-o. Kekpi naali-e, u anü bhü 'ngbé 'ti Ebhe, u atsia aholo nasuno pi okpála.

Li nedhingga bhomü-o, bhele kpála gba odimande gba Ebhe-e bhü dabili bini ne okpála gba e-e, u a'i Libi okpála natsia 'kpí li 'ngü gba omafsalaele-o. U atsia atima okpála me u nu ha obhulü titima-a bhü tikpu, amba u go ne uo.

²² Engü bini, li okpála ango-o anü lie, u bhaka uo bhü tikpu de. U agie lio, u atsia apa pi Libi okpála natsia 'kpí li 'ngü gba omaYuda-a me:

²³ «Ya abhaka me 'bhe tikpu-o nde ani lie ndjindji. Okpála nalila tikpu-o nde adülü li obhebhe. La-a, ya a'u bhoti-e lie, ya abhaka kpála bhübhü oo belegü de bini!»

²⁴ Li ngámá gba okpála nalila 'ngbé 'ti Ebhe-e, di ne ongbengbe odimande gba Ebhe, adje engü ango-o lie-e, mabhundja gba uo angbingi naali. U mbila de me a akolo li obhulü titima-a ne mangua 'ngü dho-ie de.

²⁵ Pipita-a, kpála bini ago, ani apa pi uo me: «Yi djedje nga! Okpála inde yi abu nako o bhü tikpu-o, uo mbia inde-e bhü 'ngbé 'ti Ebhe. U

alulü malulü, u ngasuno pi okpála.»

²⁶ Abhomü-o, ngámá gba omülila-a anü ne osüdha gba e-o. Ani aha obhulü titima-a, ani ago ne uo. Engü bini, u mene uo sisiti de. Padhá de, anga u adü akpe me okpála abhili o ne teme de.

²⁷ Pita ani ago ne uo lie, ani a'o uo kala Libi okpála natsia 'kpí li 'ngü gba omaYuda-o. Abhomü-o, bhele kpála gba odimande gba Ebhe-e aholo nayiyi uo me:

²⁸ «Ya aha nako lili pi yi kpekpeke me yi asúno ne 'li kpála bhomü-o de. La-a, nasuno gba yi-e aha Yelusalema libhomu! Yi ngakunda me ngüte kpála bhomü-o tuko pi ya!»

²⁹ Piele di ne obhulü titima koko agie me: «A ayo me ya mene lili gba Ebhe ane lili gba okpála.

³⁰ Ngayi-e, yi abhélé Yesu li kulusi. Engü bini, Ebhe gba ogbi ni-e azuku ani bhü ká okpála inde amu.

³¹ Ebhe a'e'e ani abhulá li pá 'kpa e na kokpa, ani a'o ani Ngámá di ne Mukobho. Ani amene mo-o ngübula me okpála na fsalaele dji bua o, amba Ebhe 'e siti 'ngü gba uo-o.

³² Ya au ongü bhomü-o ne djila ya makpe. Bu Bhopua, inde li Ebhe ngaha e pi okpála inde ngamene lili gba ani-e, au di.»

³³ Li Libi okpála natsia 'kpí li 'ngü gba omaYuda adje engü ango-o lie, u abi 'gü

naali. U di me bhili obh

- h

titima gba Yesu-o.

³⁴ Engú bini muFalisai bini inde adu 'li e me Gamaliele, a adu bhú ká uo. A adu musuno na lílí. Ndu okpála hana adu amanga ani ndjindji. Ani ayie bhúlá. Ani ayo me u pandja nga obh

- h

titima-a kilidjo.

³⁵ Pipita-a, ani atsia apa me: «Ngayi okpála na Isalaele, yi lila liyi ndjindji li 'ngú inde yi adji amene e li kute okpála inde-o!

³⁶ Padhá de, anga ane nga ekpí bhelé de, kpála bini akoto nako, a adu 'li ani me Teudasi. Ani adu apa me ni ne 'ngbé kpála. Okpála masikpe de kámá badha adu akpata ani. Engú bini, u abhéle ani lie, ndu okpála hana inde adu akpata ani-e atsia atsambala. Abhomú-o, engú gba ani-e atsia andjia.

³⁷ Pita ani-e, li nedhinga u adu atanga okpála lie, Yuda, kpála na Galilaya, akoto. Ani agbele okpála nganda e bhelé. Ngaani di-e, u abhéle ani. Abhomú-o, okpála inde adu akpata ani-e atsia atsambala.

³⁸ Kaka mbia inde-e, ma apa pi yi me yi adhédhe li okpála inde-e de. Yi 'o uo. Padhá de, anga i du me mabhundja di ne ongú gba uo nde ayie ka okpála-a, i kólo padhá.

³⁹ Engú bini, i du la me ongú bhomú-o nde ayie ka Ebhe-e, yi tí da nabhebhéle de. 'E-e! Yi agú gbele ne Ebhe de.»

Abhomú-o, Libi okpála natsia 'kpí li 'ngú gba omaYuda atsia aziba mabhundja gba Gamaliele-o.

⁴⁰ U a'i obh

- h

titima-o. U aha lílí me u bhi uo ne fimbo. U aha di lílí pi uo kpekpeke me u akpó 'ngú matá ne 'li Yesu belegú de bini. Pipita-a, u atsia atse 'kpa li uo.

⁴¹ Abhomú-o, obh

- h

titima-a akoto me u nde abedhe ne djali bedhe. Padhá de, anga Ebhe au ndjindji me u zu likabhu ngubula li Yesu.

⁴² Ekpí bini ne bini hana, u adu bha nasuno di ne nakpokpo Bádha Ngali gba Yesu Masiya bhú 'ngbé 'tí Ebhe di ne bhú otí gba o-o.

6

*U alo okpála mananika ngú nateteke obh

- h

titima gba Yesu*

¹ Li nedhinga ango-o, omukpata adu akolo bhelé. Engú bini, omaYuda inde adu nadi eli na giliki-e, atsia aholo nadi mutokono li obhende adu nadi eli na ebele-o. U adu apa me: «Ndu 'kpí hana nedhinga nagapa 'zu-o, u ngaha ezú pi oekesi na libi gba ya-a ndjindji ade.»

² Abhomú-o, obh

- h

titima ndjikpa ne ká bhisi gba Yesu-o apékébhé bhúla ndu omabhuka hana. U atsia apa pi uo me: «A ayo de me ya 'o ká nakpokpo eli gba Ebhe-e ngú nagapa 'zu-o de.»

³ Kaka-a, ondaise ya, yi gili okpála mananika inde

li okpála ngaziba o ndjindji, inde abedhe ne Bu Bhopua di ne imbilangú bhú ká yi, amba ya ha kulu bhomu-o pi uo.

⁴ Abhomu-o ngaya-a, ya tí da na ha ndu nedhinga gba ya-a hana ngabula nayo di ne nakpokpo Bádha Ngali gba Ebhe-o.

⁵ Ndu okpála hana aziba engú inde li obhulú titima apa e ko. Abhomu-o, u alo Etieni, kpála inde abedhe ne nabhuka di ne Bu Bhopua, ne Filipo, ne Polokole, ne Nikanola, ne Timoni, ne Palamenasi, ne Nikola, kpála na kuti na Atiokia inde abhuka nani Ebhe gba omaYuda ko.*

⁶ U anu ne uo kala obhulú titima. Abhomu-o, obhulú titima a'o 'kpa o pi uo, u atsia ayo Ebhe pi uo.

⁷ Eli gba Ebhe-e adu bha naya ne kalanu. Abhomu-o, alo gba omabhuka atsia adu a'u ne bhulá naali bhú Yelusalema. Odimandé gba Ebhe bhelé atsia abhuka di.

U aholo Etieni

⁸ Etieni abedhe nani ne angu ka bádha bhú 'bu gba Ebhe. Abhomu-o, ani atsia adu amene ongbengbe 'ngú di ne ongú na ngangamba bhú ká okpála.

⁹ Okpála koko ago ngú namene kpekebhé ne Etieni. Bhú ká uo-o, okoko adu okpála inde adu apo bhúla o bhú eti nadje lili gba Moidje, inde u a'i e me «Eti nadje

lili gba okpála inde aze bhú bali-o.» Okoko ayie nani bhú gudhu na Silene, ne bhú gudhu na Alekidjandili, ne bhú ndu doto na Silia di ne bhú ndu doto na Adjia.

¹⁰ Engú bini, imbilangú gba uo ti nani da nakolo li bhe gba ani-e de. Padhá de, anga ani adu agama 'ngú ne imbilangú di ne angu inde li Bu Bhopua adu aha e pi ani ngae ko.

¹¹ Abhomu-o, u aha tia pi okpála, amba u pa eu li ani me: «Ya adje ani me ani nde ngasobho Moidje di ne Ebhe!»

¹² U amene moko ngabula me okpála, ne obhelesi okpála di ne omusuno na lili-e, bi 'gú ngú Etieni. Pipita-a, u aze li Etieni, u aholo ani. U atsia anu ne ani kala Libi okpála natsia 'kpí li 'ngú gba omaYuda ko.

¹³ Oo, u anu di ne okpála inde adu apa 'ngú li Etieni ne eu. Okpála ango-o atsia adu apa me: «Kpála inde, ndu 'kpí hana, ngapa bha bini 'ngú sisiti li kute 'ngbé 'ti Ebhe na bubu gba ní, di ne li kute lili gba Moidje-o.

¹⁴ Ya adje ani me ani nde ngapa me: «Yesu ango-o, kpála na Nadjaleta, abhélo 'ngbé 'ti Ebhe inde, ani tsia djí di odasundu inde ya asia e ka Moidje ko.»

¹⁵ Ndu okpála inde adu bhú 'ti oo hana abanga djila o li Etieni. U atsia au me

* **6:5 6:5 Nabhuka Ebhe gba omaYuda:** A akunda napa me okpála koko, inde ne omaYuda ade-e, adjí nani bua o, u atsia abhuka Ebhe gba omaYuda-o. Nikola inde-e, atsia abhuka di nani Yesu.

bhála ani adú asú maka
bhála andjelu .

7

Etieni akpokpo 'ngú kala okpála

¹ Abhomú-o, bhele kpála gba odimande ayi Etieni me: «Engú inde u ngapa e li mu bhomú-o, a ko bha ndju kükülu 'ngú?»

² Etieni atsia agie me: «Odyi ma di ne ondaise ma, yi djedje nga! Ebhe na sangu akoto nani li ogbi ní Abalahama bhá ndu doto na Medjopotami kala me ani ná nasi kuti bhá ndu doto na Alana.

³ Ani atsia apa pi ani me: «O ká doto gba mu di ne pigi gba mu-o, amba mu nu bhá doto inde ma asúno e pi mu ko.†»

⁴ Abhomú-o, Abalahama ayie bhá doto gba oKaladea, ani atsia anu nasi kuti bhá Alana. Pita li 'dyi ani akpi lie, Ebhe a'e ani bhá Alana, ani atsia ago a'o ani bhá doto yi nde bhá e mbia inde e ko.

⁵ Ebhe ha nga nani edyi pi ani si de, belegu de mboye bili na'o 'dhú e ka ani téte. La-a, ani atsia apa nani pi ani kalanu me: «Ma ahá doto inde-e pi mu, li ongisi gba mu-o* tsia tígala ne di pita mu-o ngao.» La-a, li nedhinga bhomú-o, ndili du nga nani ka ani de.

⁶ Ebhe apa pi ani bhomú-o me: «Ongisi gba ongisi gba

mu-o anú adulu bhá doto na gandji gandji. Oo, u akólo obalise gba okpála na doto angó-o. Li okpála angó-o méne uo sisiti ngubula kalanga kámá badha.»

⁷ La-a, Ebhe apa matá di me: «Ma akódho 'ngú gba okpála inde u akólo obalise pi o-o ngama. Pipita-a, u zé oo, u tsia gó dú adhögé ma li bili inde.†»

⁸ Abhomú-o, Ebhe atsia akodho gandja ne Abalahama. Li Abalahama azu Isaka lie, ani atsia ato ani bhá gandja bhá 'kpí na madjina nayie li 'kpí u azu ani lie-o. Isaka amene bhadi moko pi Yakobho. Yakobho atsia amene bhadi moko pi onguo ogbi ní ndjíkpa ne ká bhisí-o.

⁹ Pipita-a, onguo ogbi ní angó-o adje siti bua naali pi Djodjefu, ndindili pita o-o. Abhomú-o, u atsia atsindji ani me u nu ne ani bhá bali bhá Edjipeto. La-a, Ebhe adú bhá dabili bini ne ani.

¹⁰ Ebhe agbegbe Djodjefu bhá likabhu gba e hana. Ani asuno bádha bhá 'bu gba e pi ani ne imbilangú, ani atsia amene di me engú gba ani-e du anga li Falao, 'ngbé ngámá na doto na Edjipeto-o naali. Abhomú-o, Falao atsia a'o ani ngámá pi 'ndji Edjipeto di ne pi 'ndji eti gba e libhomu.

¹¹ Pipita-a, adyindi atsia ali bhá Edjipeto libhomu di ne bhá doto na Kanana.

† 7:3 7:3 Tsia bhá Dje. 12:1. * 7:5 7:5 **Ongisi gba mu:** A akunda napa me ongisi gba ani na obhosibosi.

† 7:7 7:6-7 Tsia bhá Dje. 15:13-14.

Likabhu adu naali. Kaka-a, onguo ogbi ni du asia ehe nazu mazu de.

¹² Li Yakobho adje lie me ehe nazu mazu bhá Edjipeto-o, ani atsia atima ongisi gba e, onguo ogbi ni oo bhátsibhátsi na bini.

¹³ U anu lie bhátsibhátsi na bhisi-e, Djodjefu atsia asuno lie pi ondaise e. Abhomu-o, Falao atsia ambila piga gba Djodjefu-o.

¹⁴ Pipita-a, Djodjefu atima okpála me u nu ha 'dyi ni Yakobho ne piga gba e hana. U adu nani ndu o hana okpála ndjikpa mananika ne ká bhuluvue.

¹⁵ Abhomu-o, Yakobho anu bhá dabili bini ne ongisi gba e, onguo ogbi ni, bhá Edjipeto. U atsia amu oo.

¹⁶ U abha kuo uo anu ne di bhá gudhu na Sikeme. Abhomu-o, u atsia azi bhá lata inde li Abalahama akala nani e ka ongisi gba Emola bhá Sikeme-o.

¹⁷ Li nedhinga akolo lie masikpe ngubula me Ebhe mene engú inde ani apa nani e kalanu me ni améne e pi Abalahama, piga gba ni-e abe ndu e. Okpála atsia akolo bheldé bhá Edjipeto.

¹⁸ Pipita-a, ngámá koko aholo nau bhá Edjipeto. Ngámá ang-o-o mbila nani engú gba Djodjefu-o de.

¹⁹ Ani apite okpála gba ni-o, ani atsia amene onguo ogbi ni sisiti. Ani aholo uo ne kpéke me u 'o ká ongisi na ndjendje gba o-o, amba ongisi ang-o-o mu.

²⁰ Li nedhinga bhomu-o, u azu Moidje . Ani adu babadha naali bhá djila Ebhe. U aku ani epe bata bhá 'bu 'ti gba 'dyi e.

²¹ Li u a'o ká ani lie, ndili na oeole gba Falao aha ani, ani atsia aku ani maka ndili gba e makpe.

²² U asuno ndu imbilangú hana gba okpála na Edjipeto pi Moidje. Ani atsia akolo kpékpeke bhá nagama 'ngú di ne namene 'he.

²³ Li Moidje akolo lie ne kalanga ndjikpa badha-a, ani atsia abhundja li bua e me ni nu tsia ondaise ni, omałsalalele.

²⁴ Oo, ani au me maEdjipeto bini ngamene suka omałsalalele sisiti. Abhomu-o, ngú nagie siti 'ngú bhomu-o, ani atsia abhøle maEdjipeto ang-o-o.

²⁵ Moidje adu abhundja naae me ondaise ni omałsalalele ambila me Ebhe alo ni ngú nakobho o. Engú bini ngauo-o, u mbila la mo-o de.

²⁶ Li ekpi aseke lie, Moidje abhaka me omałsalalele bhisi nde ngagu gbele sunda o. Abhomu-o, ani akunda nayoko uo. Do ani de-e: <Wai, yi ne ondaise. Yi ngamene liyi sisiti ka ni?>

²⁷ Engú bini, kpála bhende adu amene kilí e sisiti-e andjimba Moidje, ani atsia apa me: <A ko da inde a'o mu ngámá di ne kpála nakodho 'ngú gba ya-a?

²⁸ Mo okunda nabhøle ma, maka mo obhøle lili maEd-

jipeto lie?[†]

²⁹ Li Moidje adje eli bhomu-o lie, ani ayie bhú Edjipeto, ani akpe, ani atsia anu adu bhú doto na Madiana. Oo, ani azu ongisi na obhosibhosí bhisi.

³⁰ Pita kalanga ndjikpa badha-a, andjelu bini akoto li Moidje bhú mili bili dengo eta na Sinai. Andjelu angoo akoto li ani bhú djua me a nde ngatsi bhú tsá 'pó.

³¹ Ani angamba naali ka engú inde ani au e-o. Nedhingga ani adu adyudyo lie lie masíkpe ngú natsitsia-a, ani atsia adje 'li Ngámá apa me:

³² «Ma ne Ebhe gba onguo ogbi mu, Ebhe gba Abalahaha, Ebhe gba Isaka, Ebhe gba Yakobho.[†]» Moidje aholo nagukú ka tsulú, ani le natsitsia de.

³³ Abhomu-o, Ngámá atsia apa pi ani me: «Pandja maleké bhú 'dhú mu, anga bili mo olú lie inde-e, a ko bili na bubu.

³⁴ Ma au maka u ngato mbolo li okpála gba ma bhú Edjipeto lie au. Ma atsia adje la di maka u ngalopoló lio lie adje. Ma ago ngú nagbegbe uo bhú bali angoo. Mbía inde-e, ma ngatima mu bhú Edjipeto, nunu.[†]

³⁵ A ko Moidje inde li omafsalaele ayala e, inde u apa pi e me: «A'o mu ngámá di ne kpála nakodho 'ngú gba ya-a da?» Ebhe atima

ani me ani du ngámá di ne mukobho. Andjelu apa pi ani li nedhingga inde ani akoto li ani lie bhú tsá 'pó inde adu atsi ko.

³⁶ Moidje agbegbe omafsalaele bhú doto na Edjipeto ngae. Ani amene ongú na ngbengbengbe di na ngangamba bhú doto angoo, bhú 'ngbé 'ngu na Mbembe di ne bhú 'gu. Ani amene ongú angoo bhú kalanga ndjikpa badha.

³⁷ A ko matá bhadi Moidje inde apa pi omafsalaele me: «Ebhe agbé polofeta pi yi maka ma bhú ká ondaise yi.[†]

³⁸ Li onguo ogbi ní apekebhe bhúla o lie bhú 'gu-o, Moidje adu oo. Ani adu bhú dabili bini ne onguo ogbi ní. Ani adu la di bhú dabili bini ne andjelu inde adu agama 'ngú pi ani apí 'ta na Sinai-o. Ani asia eli na mukobho-o ngú nakpokpokpo pi ní ngae.

³⁹ Engú bini, onguo ogbi ní du amene líli gba ani-e de, u adu ayala ani. Abhomu-o, u adu akunda nagie lio bhú doto na Edjipeto.

⁴⁰ U apa pi Alona me: «Bho oebe pi ya, amba u du adholo kala ya. Padhá de, anga Moidje inde-e, inde apandja ya bhú doto na Edjipeto-o, ya mbila engú inde akolo li ani-e de.[†]

⁴¹ Abhomu-o, u abho kulu ndili bagala, bhú oekpi

[†] 7:32 7:32 Tsia bhú Eki. 3:6. [†] 7:34 7:33-34 Tsia bhú Eki. 3:5, 7, 8, 10. [†] 7:37 7:37 Tsia bhú Det. 18:15, 18. [†] 7:40 7:40 Tsia bhú Eki. 32:1.

bhomú, u atsia atsulu enú pi ani. U amene anokomia kabula ehe inde u abho e ne 'kpa o-o.

⁴² Engú bini, Ebhe adji 'ngbu e li uo, ani atsia a'o uo me u dhége oikupala, maka u aye lie bhú bhuku gba opolofeta me:

<Ngayi okpála na Isalaele-e, yi atsulu nani oenú muma uu?

Yi aha la di oehe koko muma uu sündá kalanga ndjíkpá badha bhú 'gu-o?

A mo-o ade.

⁴³ Yi abi mangbo wema gba ebhe Moloko,

di ne kulu ikupala gba ebhe gba yi Lefana-o.

A bhomú-o kulu oehe na padhá padhá, inde yi abho o ngubula nadhége o-o.

Kaka-a, ma ambá yi tsutsu nane Babilona mane.[†]

⁴⁴ Onguo ogbi ní, bhú 'gu-o, adu nani ka uo ne 'ti ngbangbalí li Ebhe adu asuno lie bhú e-o. Moidje abho nani maka bhende li Ebhe asuno nani e pi ani-o.

⁴⁵ Abhomú-o, u atsia aha 'ti ngbangbalí ango-o pi ongisi gba onguo ogbi ní, inde adu li nedhinga li Djodjue adu lie ngamá-o. U atsia adu ali ne di bhú odoto gba opiga inde li Ebhe ato nani holo bhú 'dhé o kala uo-o. U adu oo akolo bhú nedhinga gba 'ngbé ngamá Davidi.

⁴⁶ Engú gba Davidi inde asia nani bádha bhú 'bu gba Ebhe-e, adu bhú djila Ebhe ndjindji. Ani atsia ayo nani kpadji me ni yiki eti pi Ebhe gba Yakobho.

⁴⁷ Engú bini, Salomo, ndili gba Davidi-e, ayiki mangbo nani eti pi ani ngae.

⁴⁸ La-a, Ebhe Apí 'Kpí dudu bhú 'ti inde li okpála ayiki e ne 'kpa o-o de. Maka li polofeta apa lie me:

⁴⁹ <Ngámá apa me: ekpí ne dabili na ngámá gba ma-o.

Doto ne dabili na sa 'dhé ma.

Mangua 'ti dho yi ayiki e muma?

Bili ma agúo lie su?

⁵⁰ Ma bho ndu 'he bhomú-o hana ngama di?[†]»

⁵¹ Pipita-a, Etieni atsia apa me: «Ngayi-e, yi ne okpála na kpekpeke 'ndji! Bua yi agbigbite lie, 'dje yi atsia anini! Ndé 'kpí hana yi ngamene kpekebhe ne Bu Bhabua maka onguo ogbi yi!

⁵² A ko polofeta bhedho inde li onguo ogbi yi to mbolo li e de-e? U abhéle belégú obhende akpokpo 'ngé pindji nago ka Kpála na Ngingbili-o. Mbia inde-e, kpála ango-o, yi apé ani, yi atsia abhéle ani.

⁵³ Ngayi okpála inde asia lili gba Ebhe-e ka oandjelu-o, engú bini, yi mene la lili ango-o de!»

U abhéle Etieni

[†] 7:43 7:42-43 Tsia bhú Ams. 5:25-27.

[†] 7:50 7:49-50 Tsia bhú Isa. 66:1-2.

⁵⁴ Li okpála inde adu li bili nakodho 'ngú-o adje engú li Etieni apa e lie, u abi 'gú li bua o. U atsia aholo nazue tate o ngubula ani.

⁵⁵ Engú bini, Etieni inde adu me ani nde abedhe ne Bu Bhopua-a, atsia 'kpí ne abhúlá, ani au zi Ebhe. Ani atsia au di Yesu me ani nde ala li pá 'kpa na kokpa gba Ebhe-o.

⁵⁶ Ani atsia apa me: «Yi djedje nga! Ma au kokpí abhulu lie, Ndili gba kpála ala li pá 'kpa na kokpa gba Ebhe!»

⁵⁷ Ndú okpála hana inde adu oo adje engú bhomú-o lie, u asúla ne 'ue kpekpeke, u anini 'dje o. U anu ndú o hana bhú dabili bini, u atsia atuko pi Etieni.

⁵⁸ U agbe ani bhú gudhú-o, u atsia aholo natutulú ani ne oteme ngú nabhéle ani. Okpála inde adu apa 'ngú li ani ne eu-o, abhú nani makombi bini. U atsia abu obongo gba o-o bhú li 'dhú ani ngú nalilila. A adu 'li makombi angó-o me Saulo.[†]

⁵⁹ Nedhinga u adu atutulú Etieni lie ne teme ngú nabhéle ani-e, ani atsia ayo Ebhe me: «Ngámá Yesu, ha bua ma haha!»

⁶⁰ Abhomú-o, ani akikita lipukú e kuto, ani asúla kpekpeke me: «Ngámá, mo otsia siti 'ngú gba uo-o de!» Pita ani apa 'ngú bhomú-o lie, ani atsia andala 'kpa li bua e.

8

¹ Abhomú-o, Saulo atsia aziba me u bhéle Etieni.

U aholo nato mbolo li okpála na Piga gba Ebhe

Bha li 'kpí angó-o, u aholo nato mbolo naali li okpála na Piga gba Ebhe na gudhú na Yelusalema. Ndú omabhuka hana akpe, naneke bha bini obhúlú titima gba Yesu-o. U atsia atsambala bhú ndu doto na Yudaya ne bhú ndu doto na Samalia.

² Okpála koko bhende adu akpe Ebhe-e aku 'gbá Etieni naali. U aha kuo ani, u atsia anu azi.

³ La-a, Saulo aholo nato mbolo li Piga gba Ebhe-e ngú nabhébhéle. Ani adu nali bhú 'ti bini ne bini. Ani adu napandja omabhuka, olisi di ne obhosí, ani atsia adu namba uo bhú tikpu.

Filipo akpokpo Bádha Ngali bhú Samalia

⁴ Omabhuka inde atsambala adu anu ne ndú bili hana me u nde ne kpokpo Bádha Ngali.

⁵ Abhomú-o, Filipo anu bhú súka gudhú bini na Samalia. Oo-o, ani atsia akpokpo ngali gba Masiya-o.

⁶ Okpála bhéle ne bua bini abhuka 'li Filipo. Padhá de, anga u adu adje ngali ongú na ngangamba inde ani adu amene e-o. U atsia adu la di auu ne dijila o.

⁷ Osisiti bua bhéle aze bhú okpála. Osisiti bua angó-o adu aze me u nde ngatu

[†] **7:58 7:58 Saulo:** A ko 'ili na ebele. Polo: a ko 'ili na giliki. U aholo na'i ani me Polo li nedhinga ani aholo nakpokpo Bádha Ngali lie pi ogandji okpála ko.

'ue kpekpeke. Okpála bhelé inde adu odukuto, di ne obhende adu ne eze li 'dhü o-o, atsia akobho.

⁸ Abhomü-o, djali atsia adu naali bhü güdhü ango-o.

⁹ Kpála bini adu nani bhü güdhü ango-o, a adu 'li ani me Simo. Nayie didili naali, ani adu amene 'ngü na mambengü mambengü. Ndu okpála hana na ndu doto na Samalia adu angamba ka ani naali. Ani atsia adu apa me ni ne 'ngbé kpála.

¹⁰ Ndu okpála hana adu aha lio ngü nadje ani, nayie li okpála na padhá, akólo li okpála na ngbengbengbe. U adu napa me: «Kpála inde-e, a ko angu gba Ebhe, angu inde u a'i e me «Angu na ngbengbé.»»

¹¹ U adu nakpata ani, anga nayie didili naali, ongü na mambengü gba ani-e adu angamba uo naali.

¹² Engü bini, li Filipo adu akpokpo Bädha Ngali Na gba Ebhe, di ne Yesu Kilisito lie pi uo-o, olisi ne obhosü abhuka. Pipita-a, u atsia asia batisimo.

¹³ Simo abhuka belegü di ngae, ani atsia asia batisimo. Ani du matá nayie de Filipo de. Ani adu nangamba naali li oehe di ne ongamba 'ngü na ngbengbengbe inde li Filipo adu namene e-o.

¹⁴ Obhülü titima gba Yesu abhü güdhü na Yelusalema adje me okpála na ndu doto na Samalia asia eli gba Ebhe-

o. Abhomü-o, u atima Piele di ne Djaa pi uo.

¹⁵ U akolo lie bhü ndu doto na Samalia oo, u atsia ayo Ebhe pi uo ngübula me u sia Bu Bhopua .

¹⁶ Padhá de, anga Bu Bhopua ke nga nani pi sükä uo bini de. U asia nga bha nani batisimo ne 'li Ngámá Yesu.

¹⁷ Abhomü-o, Piele ne Djaa a'o 'kpa o pi 'ndji uo, u atsia asia Bu Bhopua.

¹⁸ Simo au me Bu Bhopua ake pi okpála inde li obhülü titima a'o 'kpa o pi 'ndji o-o. Abhomü-o, ani ago ne tia me ni ngaha makiso pi Piele ne Djaa.

¹⁹ Do ani de me: «Yi ha di angu ango-o müma, amba kpála bhende ma a'o 'kpa ma pi 'ndji e, ani de sia Bu Bhopua.»

²⁰ Engü bini, Piele agie pi ani me: «Siti de bhaka bhado bha mü bhü dabili bini ne tia gba mü-o! Padhá de, anga mo obhundja me mü ti da nakala ehe inde li Ebhe ngaha e padhá-a ne tia.

²¹ Ndu 'ngü inde ngakodho 'kpí inde-e hana, a pi mü ade. Mü ti la di da nali bhübhü de. Padhá de, anga bua mü kala Ebhe ngbingbili ade.

²² La-a, dji bua mü ka siti 'ngü inde mo obhundja e li bua mü ko. Yo ka Ngámá ngübula me, i du me ani nde akunda-a, ani de 'e siti 'ngü ango-o.

²³ Padhá de, anga ma au me mo obedhe bhü mü ne gümu 'he. Mü la di bhü 'kpü

gba siti.»

²⁴ Abhomu-o, Simo apa pi Piele ne Djaa me: «Ngayi makpe-e, yi yo mangbo Ngámá ngú ma ngayi, ngubula me ngua 'ngú yi apa e bhomu-o, akólo li ma de.»

²⁵ Pipita-a, Piele ne Djaa akpokpo ongú inde li Ngámá Yesu amene e li djila uo-o. U asuno eli gba ani-e pi okpála. Abhomu-o, u atsia agie lio bhú Yelusalema. Li kpadji-e, u akpokpo Bádha Ngali bhú okutí bhelé na ndu doto na Samalía.

Kpála bini na Etiopi adjibua e

²⁶ Pipita-a, andjelu bini gba Ngámá-a apa pi Filipo me: «Yie bhúlá, amba mu ke li pápá na yoyoko, li kpadji inde ayie bhú gudhu na Yelusalema, atsia aké bhú Gadja ko. Kpadji ango-o apu bhú mili bili.»

²⁷ Abhomu-o, Filipo ayie bhúlá, aní atsia aholo ne enú li kpadji ango-o. Li kpadji-e, bhoko bini akoto. A adu nani eniki,* 'ngbé kpála na doto na Etiopi. Aní adu nalila ndu tia hana gba Kandase, ngámá na eele na Etiopi-o. Aní anu nani bhú Yelusalema ngú nadhege Ebhe,

²⁸ aní atsia adu nagie lie agba e. Aní adu kuto bhú kpulukpulu gba e-o. Aní atsia adu natanga bhuku gba polofeta Isaya.

²⁹ Bu Bhabua apa pi Filipo me: «Nu de kpulukpulu bhomu, amba yi nu ne bhubhu-o.»

³⁰ Filipo anu bhú holo, aní atsia adje kpála na Etiopi bhomu-o ngatanga bhú bhuku gba polofeta Isaya. Abhomu-o, Filipo ayi aní me: «Engú inde mu ngatanga e bhomu-o, mu ngadje tata-a uu?»

³¹ Kpála ango-o agie me: «Ma ambila la tata-a lele pi, i du me kpála nde kpokpo kúkú muma de-e?» Abhomu-o, aní a'i Filipo me aní 'u bhú kpulukpulu-o, amba aní du de ni.

³² Eli inde aní adu atanga e bhú bhuku gba Isaya ngae inde:

«U adu nanu ne aní maka kandélé inde u adjibua e, maka ndili kandélé inde agbite 'bho e li nedhinga u ngaka su aní lie-o.

Aní 'u 'bho e de.

³³ U aké aní ne kuto, u kodho 'ngú gba ni-e ngingbili de.

A ko da inde i ti da napa 'ngú gba ongisi gba aní-e?

Padhá de, anga u a'e mukobho gba aní-e píla doto a'e.[†]

³⁴ Bhoko na Etiopi ango-o ayi Filipo me: «Ma ayo ka mu me pa nga muma: polofeta ngapa 'ngú bhomu-o li da? Ne me aní ngapapa li

* **8:27 8:27 Eniki:** A ko bhoko inde i ti da nakunda ele de, anga angu na bhoko bhú aní ade. Tsia bhú Mat. 19:12. † **8:33 8:32-33** Tsia bhú Is. 53:7-8.

e, ne me ani ngapapa li kpála koko?»

³⁵ Abhomu-o, Filipo aholo na'o'o tata pi ani li Bádha Ngali gba Yesu-o nayie li Eli inde ani adu atanga e-o.

³⁶ U adu anu lie li kpadjie, u akolo li bili bini, adu oo ne engu. Abhomu-o, 'ngbé kpála ango-o apa pi Filipo me: «Tsia nga engu ii! Nasia batisimo ka ma-a, a adha mbia inde-e li ni?» [

³⁷ Filipo atsia apa pi ani me: «I du me mu nde abhuka ne bua mu hana-a, mu ti da nasia batisimo.» Kpála ango-o agie pi ani me: «Ma abhuka me Yesu Kilisito ne Ndili gba Ebhe.»]

³⁸ Abhomu-o, ani atsia apa me kpulukpulu-o lulu. Pipita-a, ndu uo bhisi hana, Filipo ne kpála ango-o, akø bhú 'ngu. Filipo atsia abatisa ani.

³⁹ Li u aze lie bhú 'ngu-o me-e, Bua gba Ngámá-a atsia adhepe Filipo. Kpála na Etiopi u matá ani de. Kpála na Etiopi ango-o aholo bha ibili enú kpi e kpi me ani nde ngakpi djali.

⁴⁰ La pi Filipo-o, u anu au bha ibili ani bhú gudhu na Adjota. Pipita-a, ani apu bhú ndu ogudhu hana me ani nde ngakpokpo Bádha Ngali akólo bha bini li nedhinga ani akolo lie bhú Sedjale ko.

9

Saulo adjí bua e

(*Tsia bhú Kul. 22:6-16, 26:12-18.*)

¹ Li nedhinga bhomu-o, Saulo adu nagili omukpata gba Ngámá Yesu ngú nabhili uo. Ekpi koko ani anu nabhaka bhele kpála gba odiemande gba Ebhe-o .

² Ani anu nayo balua me ni nu ne di ngú nali bhú otí nadje lili gba Moidje inde bhú gudhu na Damasi. Ni nu oo, amba i du me ni nde abhaka okpála inde ngakpata 'ngú gba Yesu-o, obhosí di ne olisi, ni de holo uo, amba ni nu ne uo bhú gudhu na Yelusalema.

³ Nedhinga ani adu anu lie, ani akolo lie de Damasi masikpe-e, má gala kolo me-e, zi 'kpí bini ayie abhálá, a ago asa ngo ani ngalina.

⁴ Ani atsokodho ati kuto má ngbi! Ani atsia adje eli bini apa pi ani me: «Saulo, Saulo, mu ngato mbolo li ma ngú ni?»

⁵ Abhomu-o, Saulo atsia ayi me: «Ngámá, a ko mu da?» Eli atsia akoto matá pi ani me: «A ko ma Yesu, mu ngato mbolo e li ma.

⁶ La-a, yie bhálá iyie, amba mu nu bhú gudhu. Engú inde ayo me mu mene e-e, u apá pi mu oo ko.»

⁷ Okpála inde adu anu ne ani bhú dabili bini-e alálu. Bhú 'bhø uo akpina má ndje ka tsulu. U adu adje eli, engú bini, u du au kpála inde adu agama 'ngú-o de.

⁸ Abhomu-o, Saulo ayie bhálá, ani abhulu djila e, engú bini, ani u la 'kpí de. U atsia aholo 'kpa ani ngú

nanu ne ani bhú Damasi.

⁹ Oo, ani amene ngbolo 'kpí bata. Ani u 'kpí de, ani zu 'he de, ani ndjí la di ehe nandji mandji de.

¹⁰ Mukpata bini adu bhú Damasi oo, a adu 'li ani me Anania. Ngámá a'i ani bhú ehe maka loto me: «Anania!» Anania atsia abhuka me: «Ma ii, Ngámá!»

¹¹ Abhomu-o, Ngámá atsia apa pi ani me: «Mbía inde-e, a ayo me mu nu li kpadji inde u a'i e me Ngbili kpadji bhú 'ti gba kpála bini inde u a'i e me Yuda. Yi Saulo, kpála na gudhu na Talasi. Li nedhinga inde-e, ani ngayo Ebhe.

¹² Ani atsia au bhú 'he maka loto kpála bini, inde 'li e me Anania, ali bhú 'ti nganda ni. Kpála ang-o-atsia a'o 'kpa e pi 'ndji ani ngú napa me ani u matá 'kpí.»

¹³ Anania atsia agie me: «Ngámá, okpála bhelé apa 'ngú muma pindji bhoko bhomu. Ma mbila la di ndu siti 'ngú hana inde ani amene e li kute okpála na bububu gba mu bhú Yelusalema-o.»

¹⁴ Ongbengbe odimande aha la di kpadji pi ani me ani go ei ngú naholo ndu okpála hana inde ngabhuka mu-o.»

¹⁵ Engú bini, Ngámá apa pi ani me: «Nunu, anga bhoko bhomu-o, ma abhu ani ngú kulu gba ma-o. Ani anú nakpokpo engú gba ma-a pi opiga inde i mbila ma de, pi

ongbengbe ongámási gba uo, di ne pi omalsalae.»

¹⁶ Ma asúno pi ani, ngama makpe, ndu likabhu hana inde a ayo me ani zu e kabula 'li ma-o.»

¹⁷ Abhomu-o, Anania anu, ani ali bhú 'ti oo, ani abhaka Saulo, ani a'o 'kpa e pi ani. Ani atsia apa me: «Ndai ma Saulo, Ngámá atima ma ngae. A ko Yesu inde akoto li mu li kpadji nedhinga mo odú nago lie-o. Ani atima ma, ngubula me mu u matá 'kpí, amba mu bedhe di ne Bu Bhopua.»

¹⁸ Kolo má gala me-e, ehe maka kudhu 'he ayie bhú djila Saulo, abala kuto. Ani atsia aholo nau matá 'kpí. Abhomu-o, ani ayie bhálá, ani atsia asia batismo.

¹⁹ Pipita-a, ani azu 'he, ani atsia asia angu.

Saulo akpokpo Bádha Ngali bhú gudhu na Damasi

Saulo amene mbo ekpi bhú dabili bini ne omukpata na Damasi.

²⁰ Kolo má gala me-e, ani aholo nakpokpo pi oma Yuda bhú oeti nadje lili gba Moidje me Yesu ne Ndili gba Ebhe.

²¹ Ndu okpála hana inde adu nadje ani-e adu angamba naali. U adu nayi me: «A inde-e bhul nato mbolo li okpála inde ngabhuka Yesu abhu gudhu na Yelusalema di? Ani go nako e ngú naholo uo, di ne nanu ne uo pi ongbengbe odimande gba Ebhe di?»

²² Engú bini, Saulo adu akolo ne angu bhú nasuno. Ani adu asuno mbámbá pi omaYuda na Damasi me Yesu ne Masiya . Kaka-a, u du nambila matá engú inde u agié e pi ani-e de.

²³ Pita ekpí bhelé, omaYuda adje lio me o bhelé Saulo.

²⁴ Engú bini, Saulo ambila siti mabhundja gba uo-o. U atsia adu di nalila obhoti na gudhú-o sukpe ne ngbikpi ngubula nato ani, amba o bhelé ani.

²⁵ Sukpe bini-e, ngaani ne omukpata gba e, u anu li malilisa na aga na gudhú-o. U ato ani bhú kili, u atsia ake ani ne di kuto akilidjo.

Saulo bhú gudhú na Yelusalema

²⁶ Li Saulo akolo lie bhú Yelusalema-a, ani adu nale nagbite lie li omukpata, engú bini, ndu uo hana adu nadje tsulu. Padhá de, anga u du nabhuka de me a ko ndju kukulu mukpata-a de.

²⁷ La-a, Balanabasi anu aha Saulo, ani atsia anu ne ani pi obhulu titima gba Yesu-o . Oo, Balanabasi akpokpo pi uo maka li Saulo au Ngámá Yesu lie li kpadji, di ne maka li Ngámá agama 'ngú lie pi ani-o. Ani atsia akpokpo di maka li Saulo du nasuno 'ngú lie ne tsulu de ne li Yesu bhú Damasi-o.

²⁸ Abhomu-o, obhulu titima atsia aziba Saulo. Nayie li nedhinga bhomu-o, Saulo du matá na'o ká obhulu titima-a de. U adu adhuku bhú Yelusalema bhú

dabili bini. Ani tsia du nasuno ne 'li Yesu ne tsulu de.

²⁹ Ani adu di nasuno pi omaYuda inde adu nadi eli na giliki-o, ani atsia adu namene kpekebhé ne uo. Engú bini, ngauo-o, u adu agili nabhélé ani.

³⁰ Li ondaise Saulo, omabhuka adje lie, u anu na'o Saulo bhú Sedjale. Oo, u atsia atima ani bhú Talasi.

³¹ Abhomu-o, omabhuka bhú ndu doto na Yudaya, bhú ndu doto na Galilaya, di ne bhú ndu doto na Samalía libhomu adu bhú guo 'ngú . U adu akolo kpekpeke bhú nabhuka. U adu amanga Ngámá mamanga. U atsia adu nabe ndu o, ka angu gba Bu Bhopua.

Piele akobho Ene

³² Piele adu napu ne ndu bili hana. Abhomu-o, ekpí bini, ani anu natsia omabhuka inde adu bhú gudhú na Lida-o.

³³ Oo-o, ani abhaka bhoko bini, a adu 'li ani me Ene. Sunda kalanga madjina, ani adu me ani nde asi kuto pi kalagba gba e-o. Padhá de, anga adu nani dukuto.

³⁴ Li Piele au ani lie, ani atsia apa pi ani me: «Ene, Yesu Kilisito akobho mu mbia inde akobho! Yie bhulá, amba mu leke dabili gba mu-o, ngamue makpe.» Kolo má gala me-e, Ene ayie bhulá.

³⁵ Ndu okpála hana na Lida, di ne egü na Salona au lie mo-o, u adji bua o, u atsia abhuka Ngámá

Piele azuku Tabita

³⁶ Li nedhingga bhomu-o, mukpata bini na eele adu nani bhú gudhu na Djope, a adu 'li ani me Tabita (bhú eli gba oGiliki-e me «Dolokasi», a akunda napa me «gbelende»). Ani adu amene obabadha 'ngú, ani atsia adu ateteke di obhú ndibhili ndu 'kpí hana.

³⁷ Ekpí bini, ani asi kuo, ani atsia akpi. U avúlú kute kuo ani, u atsia a'o bhú tina 'ti bini abhúlá.

³⁸ Gudhu na Lida masikpe de gudhu na Djope. Kaka-a, li omukpata adje lie me Piele bhú Lida-a, u atsia atima okpála bhis*i* ngú napa pi ani me: «Kikiliako, ya ayo ka mu me go nga gba ya ei má gala!»

³⁹ Piele ayie bhúlá kolo má gala, ani atsia anu bhú dabili bini ne okpála inde u atima o-o. Ani akolo lie oo-o, u anu na'o ani bhú tina 'ti inde abhúlá-o. Ndu oekesi hana na gudhu ango-o ago de Piele me u nde ngaku 'gbá. U adu asuno obongo na mbulu, di ne okoti inde li Tabita adu amene e nedhingga ani adu lie bhú mukobho-o pi ani.

⁴⁰ Piele apandja ndu okpála hana kilidjo, ani akikita lipuku e kuto, ani atsia ayo Ebhe. Pipita-a, ani adj*i* bhúla e ne apí kuo-o, ani atsia apa me: «Tabita, yie bhúlá!» Abhomu-o, Tabita a'u djila e. Li ani au Piele lie, ani atsia adu madu.

⁴¹ Piele aholo 'kpa ani, ani atsia a'e ani bhúlá. Pipita-a, Piele a'i omabhuka koko

di ne oekesi na olisilisi, ani atsia asuno ani pi uo me ani nde uu.

⁴² Ndu okpála hana na Djope adje engú inde akodho 'kpí-o. Abhomu-o, okpála bhelé atsia abhuka Ngámá.

⁴³ Piele amene bhú Djope ekpí bhelé. Ani adu nadu gba kpála bini inde li 'li e adu me Simo. Kpála ango-o adu namene kulu na kó 'nu.

10

Koloneli a'i Piele agba e

¹ Kpála bini adu nani bhú gudhu na Sedjale, a adu 'li ani me Koloneli. Ani adu ngámá pi 'ndji osudha kámá bini. Libi osudha ango-o inde u a'i e bhú dabili bini ne osudha koko-o me «Libi osudha na Itali.»

² Kpála ango-o adu amanga Ebhe di ne nakpe Ebhe bhú dabili bini ne piga gba e libhomu. Ani adu ateteke obhúlú ndibhili inde adu bhú ká omaYuda-a naali. Ani atsia adu ayo Ebhe piko.

³ Ekpí bini, masikpe de saa na bata pita tulukpe-e, ani au mbámbá bhú 'he maka loto me andjelu bini gba Ebhe-e nde ngali agba ani. Andjelu ango-o a'i ani me: «Koloneli!»

⁴ Ani atsia andjelu ango-o ne tsúlú hana. Ani atsia apa pi ani me: «A ko mangua 'ngú dho, Ngámá?» Andjelu-o agie pi ani me: «Ebhe adje nayo gba mu-o adje. Ani aziba di oehe inde mu ngaha e pi obhúlú ndibhili-o. Kaka-a, 'to ani 'ili li mu de.

⁵ Mbia inde-e, tima okpála bhú Djope ngabula na'i kpála bini inde u agisila 'li e me Simo Piele-o.

⁶ Aní ngasi agba kpála bini inde 'li e me Simo, kpála namene kulu na kó 'nú. Kuti gba aní-e a de 'ngbé 'ngu.»

⁷ Pipita-a, andjelu inde agama 'ngú pi aní-e atapa. Abhomú-o, Koloneli atsia a'i okpála na kulu gba e bhisi, di ne súdha bini. Súdha ango-o adú kpála nakpe Ebhe. Aní atsia asi di nani bhú kulu gba aní-e naali.

⁸ Koloneli akpokpo ndú 'ngú inde akodho 'kpí-e hana pi uo. Pipita-a, aní atsia atima uo bhú Djope. Abhomú-o, u atsia agbida.

Piele anú agba Koloneli

⁹ Li ekpí aseke lie, okpála u atima o-o adú nga bha lie li kpadji-e, u akolo de gudhú na Djope. A abhaka me Piele nde a'u apí 'ngbu 'ti ngú nayo Ebhe masíkpe de tulukpe.

¹⁰ La-a, gúmu aholo amene aní, aní adú akunda nazú 'he. Nedhinga u adú alú 'zú-o lie pi aní-e, aní atsia au engú maka loto.

¹¹ Aní au kokpí abhulu lie. Aní au ehe bini maka 'ngbé 'kpá bongo . U ahoholo li odjedje badha. A ayie abhúlá, atsia adú ake kuto.

¹² Bhú 'ngbé 'kpá bongo ango-o, ndú djua onú hana na 'dhú badha, ne ndú djua

onú inde ngagbele lio ne 'bu o kuto, di ne ndú djua odhu hana adú bhúbhú.

¹³ Abhomú-o, aní adje eli bini inde apa pi aní me: «Piele, yie bhúlá! Bhebhéle, amba mu zu!»

¹⁴ Engú bini, Piele agie me: «A mo-o ade, Ngámá! Padhá de, anga ma zu nga ezu inde li lili gba Moidje ayala e, di ne bhende na sisiti kala Ebhe belegú de bini.»

¹⁵ Aní adje matá eli ango-o bhútsibhútsi na bhisi-e me: «Ehe inde li Ebhe adjí e akolo bubu-o, mo opá de me a sisiti-e de.»

¹⁶ Engú ango-o amene lie bhútsibhútsi bata. Pipita-a, má gala kolo me-e, bongo ango-o atsia agie lie abhúlá.

¹⁷ Abhomú-o, mabhundja gba Piele atsia angbingi ka engú inde aní au e-o. Aní adú ayi bua e me: «Tata-a pi?» Bha li nedhinga li Piele adú ayi bua e lie bhomú-o, okpála inde li Koloneli atima o akolo li bhoti gba Simo-o. A adú me u nde ayi okpála me eti gba Simo-o su.

¹⁸ U a'i kpála bini, u atsia ayi aní me: «A inde-e bili li Simo u agisila 'li e me Piele asisi lie?»

¹⁹ Li nedhinga bhomú-o, Piele adú nga bha nab-hundja pindji engú inde aní au e-o. Abhomú-o, Bu Bhabua atsia apa pi aní me: «Tsitsia nga, okpála bata[†] ngagili mu.

* **10:14 10:14** Lili gba omaYuda adú nani nayala nazú onú koko maka pame mayala. † **10:19 10:19** U aye bhú obhuku koko me «kpála bini.» U aye bhú okoko me «okpála bhisi.» U atsia aye bhú okoko me «okpála.»

20 Yie bhúlá, ke akuto, amba yi nü bhú dabili bini ne uo. Mo odjídji limü de. Padhá de, anga ma atima uo ngama.»

21 Abhomü-o, Piele aké, aní abhaka okpála ango-o. Do aní pi uo me: «Kpála inde yi ngagili e-e, a ko ma. Yi ago la ngú ni?»

22 U agie pi aní me: «Ngámá gba osúdha, inde li e me Koloneli-e atima ya ngae. A ko kpála na ngingibili, inde di ngadhege Ebhe. Ndü omaYuda hana ngapa 'ngú gba aní-e ndjindji. Andjelu bini gba Ebhe-e akoto li aní, aní atsia apa pi aní me: <Tima okpála ngú na'i Piele, amba mu dje engú inde aní akpókpo e pi mu ko.»

23 Abhomü-o, Piele ato okpála ango-o abhú 'ti. Aní atsia asuno dabili u asi lie pi uo. U atsia asi téte.

Lí ekpí aseke lie, Piele anü bhú dabili bini ne uo. Abhomü-o, omabhuka koko na Djope atsia anü na'o Piele.

24 Pita 'kpí bini-e, u atsia akolo bhú Sedjale. A abhaka me Koloneli nde apo bhúla omaha e di ne obi e na mukunda. Aní atsia adu adjeke uo oo.

25 Lí Piele akolo lie, Koloneli ago nake lio ne aní. Aní ati bhú li 'dhü aní. Aní atsia atü bhúla e ne kuto ngú namanga aní.

26 Engú bini, Piele a'e aní bhúlá. Aní atsia apa pi aní me: «Lu malü! Padhá de,

anga ngama-a, ma bhadi ne kpála na padhá!»

27 Aní adu agama 'ngú lie ne Koloneli-e, aní atsia ali abhú 'ti. Oo-o, aní abhaka me bhti okpála nde apo bhúla o.

28 Aní apa pi uo me: «Yi ambila ndjindji me lílí ziba de me maYuda bini du bhú dabili bini ne gandji kpála-a de. A ziba la di de me aní nü agba aní-e de. Engú bini, ngama-a, Ebhe asuno mäma me ma a'í kpála bini de me a ko kpála na sisiti kala Ebhe-e de.

29 Kaka-a, mo o'i ma lie, ma yala de. Mbía inde-e, ma akunda nambila ta 'ngú inde mo o'i ma ngú e-o.»

30 Abhomü-o, Koloneli agie pi aní me: «A ane nga ekpí bata, masikpe de li ngua nedhinga inde, bhú saa na bata pita tulukpe, ma adu nayo Ebhe bhú 'ti gba ma-o. Kolo me-e, kpála bini alü kala ma. Aní adyi bongo inde adu li e ne zizi.

31 Aní atsia apa mäma me: <Koloneli, Ebhe adje nayo gba mu-o adje. Aní atsia abhundja di maka mu ngateteke obhulu ndibhili lie ko.

32 Mbía inde-e, tima okpála bhú Djope ngú na'i Simo inde u agisila 'li e me Piele. Aní ngadu gba Simo, inde adudu dengo 'ngbé 'ngu, kpála namene kulu na kó 'nu.»

33 Abhomü-o, ma atima bha kolo okpála ngú na'i mu má gala! Heni naali! A

ndjindji maka mo ogo lie-o. Mbia inde-e, ndu ni hana ni kala Ebhe si ngú nadje ndu 'ngú hana inde li Ngámá akpokpo e pi mu me mu pa e pi ya-o.»

Piele akpokpo Bádha Ngali pi ogandji okpála

³⁴ Abhomu-o, Piele aholo nakpokpo me: «Mbia inde-e, ma ambila ndjindji me Ebhe gbogbo bhusu okpála de.

³⁵ Engú bini, bhú ká ndu opiga hana, kpála inde ngamanga Ebhe, inde di ngamene engú na ngingbingbili-e, kpála ango-o bhú djila Ebhe ndjindji.

³⁶ Yi mbila ndjindji me Ebhe atima eli gba e pi omañsalaele. A ko Bádha Ngali na guo 'ngú inde ni asia e ka Yesu Kilisito-o. Ngaani-e, a ko Ngámá gba ndu okpála hana.

³⁷ Yi mbila ndu 'ngú hana inde akodho 'kpí nayie bhú ndu doto na Galilaya, akolo bhú ndu doto na Yudaya libhomu, pita li Djaa akpokpo eli gba Ebhe, di ne nabatisa okpála lie ko.

³⁸ Yi mbila hana me Ebhe abhu nani Yesu, kpála na Nadjaleta-a kalanu. Ani atsia aha Bu Bhabua di ne angu pi ani ngú namene kulu gba e-o. Ani apu ne ndu bili hana me ani nde ngamene bádha 'ngú. Ani atsia adu di nakobho ndu okpála hana inde li Djabulé agbigbite o-o. Padhá de, anga Ebhe adu bhú dabili bini ne ani.

³⁹ Ngaya makpe, obhulé titima gba Yesu-o, ya au ndu 'ngú hana inde ani amene e bhú kuti gba omaYuda di ne bhú Yelusalema ne djila ya. U abhélé ani me u nde agi ani li kulusi.

⁴⁰ Engú bini, Ebhe azuku ani bhú 'kpí na bata. Ani aha angu pi ani ngú napana lie pi okpála me ni uu.

⁴¹ Ani pana lie pi ndu okpála hana de. Engú bini, ani apana bha lie pi ya okpála inde li Ebhe abhu o kalanu, inde au 'ngú ango-o ne djila o-o. Pita ani azuku lie, ya azu 'he, ya atsia andji di ehe bhe nandji mandji ne uo bhú dabili bini.

⁴² Abhomu-o, ani atsia atima ya me ya nu ne kpokpo Bádha Ngali pi okpála. Ani atima ya me ya apa pi okpála me, a ko kpála inde li Ebhe a'o e ngú nakodho 'ngú gba okpála inde uu di ne okpála bhende amu-o.

⁴³ Ndu opolofeta hana akpokpo 'ngú gba ani-o. U akpokpo me kpála ne kpála inde abhuka Yesu-o, Ebhe a'é siti 'ngú gba ani-e ka Yesu.»

Ogandji okpála asia Bu Bhabua

⁴⁴ Bha li nedhinga li Piele adu akpokpo 'ngú bhomu-o lie, Bu Bhabua atsia ake pi ndu okpála hana inde adu adje ani-o.

⁴⁵ OmaYuda koko inde abhuka Yesu-o, ago bhú dabili bini ne Piele. U angamba naali, anga u au

me Ebhe atuko di Bu Bhabua
pi ogandji okpála.

⁴⁶ Padhá de, anga u adú
adje uo ngagama 'ngú bhá
odikongú koko. U adú
adhége Ebhe maka ani nde
lie ngebéngbé-o. Abhomú-o,
Piele atsia apa me:

⁴⁷ «Mbía inde-e, li okpála
inde asia di Bu Bhabua lie
maka ni-e, kpála bini ti da
nayoko me u abátisa uo ne
engu di?»

⁴⁸ Aní aha lili me u batisa
uo ne 'li Yesu Kilisito. Ab-
homú-o, u atsia ayo ka ani
me ani du nga mbo ne o
ngubula mbo 'kpí bedi.

11

Piele akpokpo maka li
ogandji okpála asia Bu
Bhabua lie ko

¹ Obhúlú titima gba Yesu
, di ne omabhuka inde bhá
ndu doto na Yudaya-a, adje
me ogandji okpála asia di eli
gba Ebhe , u atsia abhuka
Yesu Kilisito .

² Li Piele agie lie lie
bhá gúdhá na Yelusalema-
a, omaYuda inde abhuka*
aholo namene kpekebhé ne
ani.

³ U adú apa me: «Lele pi
ngamá kpála inde ali gandja
mo oli lie bhá 'ti gba okpála
inde i li gandja de-e, mo otsia
azu belegú di 'he ne uo bhá
dabili bini-e?†»

⁴ Abhomú-o, Piele atsia
aholo akpokpo kúkú pi uo
nayie li lilita. Aní pi uo me:

⁵ «Ngama-a, ma adú bhá
gúdhá na Djope. Nedhinga
ma adú ayo Ebhe lie, ma au
engú maka loto. Ehe bini
ayie abhúlá maka 'ngbé 'kpá
bongo . U ahoholo li odjedje
badha. A ayie abhúlá, atsia
ake kuto li bili ma adú lie-o.

⁶ Ma atsia 'kpí bhábhá ne
kpéke djila. Ma au onú na
kuti, ma au onú na bili, ma
au onú bhende ngagbele lio
ne 'bu o kuto di ne odhu.

⁷ Ma atsia adje di eli bini
inde apa muma me: «Piele,
yie bhúlá! Bhébhéle amba
mú zu!»

⁸ Abhomú-o, ma atsia apa
me: «A mo-o ade, Ngámá!
Padhá de, anga ezu inde li lili
gba Moidje ziba e de-e, di ne
bhende na sisiti kala Ebhe li
nga bhá 'bhé ma belegú de
bini.»

⁹ Bhutsibhutsi na bhisi, ma
adje matá eli ayie abhúlá, a
apa muma me: «Ehe inde li
Ebhe apa li e me a bubu-o,
mo opá de me a sisiti-e de.»

¹⁰ Engú angó-o, amene lie
bhutsibhutsi bata. Pipita-
a, bongo angó-o ne ndú 'he
inde bhábhá-o hana atsia
agie lie abhúlá.

¹¹ Bha li nedhinga bhomú-
o, obhosí bata akolo li bili
inde ya adú li e-o. Kpála bini
na gúdhá na Sedjale atima
uo me u go bhaka ma.

¹² Abhomú-o, Bu Bhabua
apa muma me: «Ná bhá
dabili bini ne uo, mo opá
de me a ko ogandji okpála-

* ^{11:2} ^{11:2} Okpála koko na imbilangú adú nabhundja me té omaYuda bedi adú
apa me a ayo me ogandji okpála li bhá gandja ngú nakolo omakilisito. † ^{11:3}
^{11:3} Lili gba omaYuda ziba nani de me u du bhá dabili bini ne ogandji okpála
de.

a de.» Ondaise ma madhia inde-e atsia anu bhú dabili bini ne ma. Ndú ya hana, ya ali bhú 'ti gba kpála inde a'i ya-o.

¹³ Abhomu-o, ani akpokpo pi ya maka li andjelu akoto li ani lie abhú 'ti gba ani-o. Andjelu ango-o atsia apa pi ani me: «Tima okpála bhú gudhú na Djope ngú na'i Simo inde u agisila 'li e me Piele-o.

¹⁴ Ani akpókpo pi mu, ngamu di ne okpála inde bhú 'ti gba mu-o, eli gba Ebhe inde akóbho mu-o.»

¹⁵ Li nedhinga li ngama Piele, ma aholo nagama 'ngú lie, Bu Bhopua atsia ake pi uo maka ani ake nani di lie pi ní li 'kpí na Patekote ko.

¹⁶ Abhomu-o, ma atsia abhundja eli gba Ngámá inde apa me: «Djaa abatisa nani okpála ne engu, engú bini ngayi-e, yi asia batisimo na Bu Bhopua.»

¹⁷ Ma au mbámbá me Ebhe aha Bu Bhopua pi ogandji okpála bhomu-o, maka ani aha di nani koli Bu Bhopua bini bhomu-o pi ní, li nedhinga inde ní abhuka Ngámá Yesu Kilisito lie-o. La-a, ngama-a, ma ne da me ma yoko Ebhe li engú inde ani akhanda namene e?»

¹⁸ Li omaYuda inde abhuka bhomu-o adje lie, u adhégé Ebhe, u atsia apa me: «A na paká me Ebhe aha di nadji bua o pi ogandji okpála, amba u sia di mukobho na duduuma.»

Lita Dadju gba Ebhe na gudhú na Atiokia bhú ndu doto na Silia

¹⁹ Pita u abhélé Etieni lie, u aholo namene omabhuka sisiti. Abhomu-o, omabhuka bhelé atsia atsambala.[‡] Okoko bhú ká uo agbida bhú ndu doto na Fenisia, di ne bhú kpémé na Sipele, di ne bhú gudhú na Atiokia. U atsia adu nakpokpo Bádha Ngali gba Yesu-o bha bini pi omaYuda.

²⁰ Okoko bhú ká uo adu okpála na kpémé na Sipele, di ne gudhú na Silene. U anu bhú gudhú na Atiokia. Abhomu-o ngauo, u atsia aholo nakpokpo Bádha Ngali gba Ngámá Yesu di pi ogandji okpála.

²¹ Angu gba Ngámá-a adu bhú dabili bini ne uo. Kaka-a, ogandji okpála bhelé abhuka, u atsia adjí lio pi Ngámá.

²² Omabhuka na Yelusalema adje engú ango-o. Abhomu-o, u atsia atima Balanabasi bhú Atiokia.

²³⁻²⁴ Balanabasi nani ne bádha kpála. Ani abedhe nani ne Bu Bhopua di ne nabhuka bedhe. Ani akolo oo, ani atsia au me Ebhe atuko bisagu pi omabhuka. Abhomu-o, ani akpi djali, ani atsia ato masi bhú ndu uo hana me u ha lio pi Ngámá ne bua o bini. Abhomu-o, okpála bhelé atsia abhuka Ngámá.

²⁵ Pipita-a, Balanabasi anu nagili Saulo bhú gudhú na

[‡] **11:19 11:19** Pita nabhélé Etieni-e, u adu ato mbolo li omabhuka ane kalanga ndjikpa mane. Kaka-a, omabhuka bhelé atsia atsambala.

Talasi.

²⁶ Li ani au ani lie, u atsia agie lio ne ani bhú gúdhú na Atiokia. Ndú uo bhisi hana amene kalanga bini libhomu bhú ká omabhuka ango-o. U atsia adú asuno pi okpála bhelé. U agisila nani 'ili na omakilisito li omabhuka bhútsibhútsi na bini bhú gúdhú na Atiokia.

²⁷ Li nedhinga bhomú-o, opolofeta koko ayie bhú gúdhú na Yelusalema, u atsia ago bhú gúdhú na Atiokia.

²⁸ Abhomú-o, súka uo bini, a adú 'li ani me Agabusi ayie bhálá. Ani akpokpo bhú angu gba Bu Bhobua me: «Adyindi na ngbéngbé alí píla doto libhomu.» (Atsia amene lie bhú nedhinga li Kolode adú lie 'ngbé ngámá-o.)

²⁹ Omabhuka atsia apa me kpála ne kpála ha tia bhende li angu ani akólo lie, ngubula natitima me ateteke omabhuka inde bhú ndu doto na Yudaya ko.

³⁰ Abhomú-o, u amene bhadi mo-o. U atsia atima tia ango-o pi obhelesi okpála bhú Yelusalema sa 'kpa Balanabasi ne uo ne Saulo.

12

Elode abhélè Djaki, ani atsia abhike Piele bhú tikpu

¹ Bhú nedhinga bhomú-o, 'ngbé ngámá Elode Agilipa aholo amene okpála koko na Piga gba Ebhe-e sisiti.

² Ani aha lili me u bhéle Djaki, ndai Djaa, ne mbotia. U atsia abhélè ani.

³ Li ani au lie me engú angó-o anga li omaYuda naali-e, ani atsia aha matá lili me u holo Piele. (A adú masikpe de nedhinga na anokomia na Pasika , di ne anokomia nazú mapa inde li levile nde bhú e ade ko.)

⁴ Li ani aholo Piele lie, ani abhike ani bhú tikpu. Abhomú-o, ani atsia a'o osúdha badha badha bhú libi badha ngú nalila ani. Ani adú akunda nakodho 'ngú gba ani-e bhú ká djila ndú okpála hana pita anokomia na Pasika-o.

⁵ Li Piele adú lie bhú tikpu-o, okpála na Piga gba Ebhe-e adú ayo Ebhe ne bua o hana ngubula ani.

Piele akoto bhú tikpu maka ndjombe

⁶ Sukpe kala me Elode kodho 'ngú gba Piele, Piele adú ala súnda osúdha bhisi. A adú me u nde agbigbite ani ne ogbindjili bhisi. Omulila atsia adú alila obhoti na tikpu-o.

⁷ Má gala kolo me-e, andjelu bini gba Ngámá-a akoto. Zi djua aha bili bhú tina 'ti ango-o hana. Andjelu-o adúla Piele li kala e, ani azukú ani. Ani atsia apa pi ani me: «Yie bhálá má gala!» Abhomú-o, ogbindjili-e abhulu bhú 'kpa ani, atsia abala kuto.

⁸ Pipita-a, andjelu-o apa pi ani me: «Gbite 'kpú ludu mu, mu toto la di maleké gba mu-o bhú 'dhú mu.» Piele amene bhadi moko. Andjelu-o atsia apa matá pi

ani me: «To koti gba mʉ-o, amba mʉ kpata ma.»

⁹ Piele aholo nakpata andjelu-o, ani atsia akoto bhú tina 'ti inde ani adʉ bhú e ko. Ani dʉ ambila de me engú inde li andjelu ngamene e-e, a ko kʉkʉlʉ 'ngú-o de. Ani adʉ abhundja naae me a ko ehe maka loto. ¹⁰ U ane libi osʉdha na bini inde adʉ nalila tikpʉ-o. Pipita-a, u ane libi osʉdha bhende na bhisi-o. U akolo li 'ngbé bhoti na kalase inde nakoto bhú gʉdhʉ-o. Bhoti ango-o a'ʉ bha lie kala uo ne titi e, u atsia aze. U aholo 'nʉ, u akolo li kpadjí bini. Má gala kolo me-e, andjelu-o angita li ani má pele!

¹¹ Abhomʉ-o, Piele ambila me engú inde amene lie-e, a ko kʉkʉlʉ 'ngú. Ani atsia apa me: «Mbia inde-e, ma ambila na paká me Ngámá atima andjelu gba e, ani atsia akobho ma sa 'kpa Elode di ne ndʉ osisiti 'ngú hana inde li omaYuda adʉ akʉnda namene e ngú ma ko.»

¹² Li imbilangʉ gba Piele abhulu lie lie, ani atsia anʉ bhú 'ti gba Malia , 'hi Djaa , kpála u agisila 'li e me Maloko-o. Oo, okpála bhelé apekəbhə nani bhúla o, u atsia adʉ ayo Ebhe.

¹³ Piele abhi bhoti na ngbéngbé-o. Abhomʉ-o, sʉka kpála bini na kulu na eəe adʉ oo, a adʉ 'li ani me Lode. Ani atsia ago ngú na'ʉ bhoti-o.

¹⁴ Li ani ambila 'li Piele lie, ani tsia 'ʉ bhoti-e de ka djali. Engú bini, ani agie lie ne holo abhú 'ti, ani atsia apa pi okpála inde adʉ bhú 'ti oo me: «Piele alʉ li bhoti akilidjo!»

¹⁵ Okpála ango-o atsia agie pi ani me: «Mʉ ne bhʉlʉ pele!» Engú bini, ani azi bha kekele téte me a ko kʉkʉlʉ 'ngú. Abhomʉ-o, u atsia apa pi ani me: «A ko andjelu gba ani ko.»

¹⁶ La-a, Piele adʉ bha nabhi bhoti-o. U a'ʉ lie, u au ani, u atsia angamba naali.

¹⁷ Abhomʉ-o, Piele amene 'kpa e pi uo me u ndjili nga má bulu! Ani atsia akpokpo pi uo maka li Ngámá agbe ani lie bhú tikpʉ-o. Ani atsia apa matá me: «Yi kpokpo pi Djaki* di ne pi ondaise ní koko-o.» Pipita-a, ani akoto, ani atsia atapa li bili koko.

¹⁸ Li ekpí aseke lie, osʉdha inde adʉ alila tikpʉ-o, aholo nazi tolo naali sʉnda o. Abhomʉ-o, u atsia adʉ ayi lio me: «A akolo li Piele ne mangua 'ngú dho?»

¹⁹ Elode atima okpála me u gili ani. Engú bini, u u ani de. Ani ayiyi osʉdha inde adʉ alila ani-o. Abhomʉ-o, ani atsia aha lili me u bhili uo. Pipita-a, Elode ayie bhú Yudaya, ani atsia anʉ bhú gʉdhʉ na Sedjale. Oo, ani adʉ mbo ngʉbula nedhinga.

'Ngbé ngámá Elode Ag-ilipa akpi'

* **12:17 12:17 Djaki:** A ko Djaki bhende ndai Yesu, nani akolo bhele kpála na Piga gba Ebhe na Yelusalema ko. Tsia bhú Kul. 15:13.

13

*U alo Balanabasi ne Saulo
ngú kulu*

²⁰ La-a, Elode adu adje siti bua naali pi okpála na gudhu na Tile di ne Sidona. Okpála ango-o adje lio. Pipita-a, u atima okpála ngú nanu nagama 'ngú ne 'ngbé ngámá Elode. Okpála ango-o adje ngaiza lio ne Balasitusi, kpála natsia 'kpí li oehe gba 'ngbé ngámá Elode-o. U adu nayo ka 'ngbé ngámá guo 'ngú, anga ndu ezu gba uo-o hana adu nayie bhú doto gba ani-o.

²¹ Abhomu-o, Elode a'o 'kpí ngú nagama 'ngú pi uo. Li 'kpí ango-o, ani adyi bongo na ngámá, ani atsia adu pi kiti na ngámá gba e-o. Ani atsia aholo agama 'ngú pi uo bhú ká djila ndu okpála hana.

²² Ndú okpála hana asula me: «A ngagama 'ngú inde mboye ebhe, a ko kpála-kuti de!»

²³ Li Elode adje lie mo-o, ani atsia aziba, ani dhege Ebhe de. Bha li nedhinga bhomu-o, andjelu bini gba Ngámá-a asu ani. Padhá de, anga ani dhege Ebhe de. Obangili aholo nazu ani, ani atsia akpi.

²⁴ Li nedhinga bhomu-o, eli gba Ebhe-e adu ayangba naali.

²⁵ Li Balanabasi ne Saulo andjia kulu gba o-o lie bhú gudhu na Yelusalema-a, u atsia agie lio bhú Atiokia bhú dabili bini ne Djaa inde u agisila 'li e me Maloko-o.

¹ Opolofeta di ne omusuno inde adu nani bhú Piga gba Ebhe na Atiokia, a ko nani Balanabasi, Simeo (inde u a'i e me Negele*), Lukiusi (kpála na Silene), Manaene inde abhele bhú dabili bini ne ngámá Elode Atipasi, di ne Saulo.

² Ekpi bini, nedhinga u adu nayo Ebhe lie di ne natse 'zu-o, Bu Bhopua atsia apa pi uo me: «Yi 'o Balanabasi ne Saulo muma kpi ngubula namene kulu inde ma a'i uo ngú e ko.»

³ Abhomu-o, pita natse 'zu di ne nayo Ebhe-e, u a'o 'kpa o pi 'ndji uo, u atsia aha kpadji pi uo me u nunu.

*Balanabasi ne Saulo anu
bhú Sipele*

⁴ Li Bu Bhopua atima uo lie, u atsia anu bhú gudhu na Selusia. Oo, u a'u bhú 'ngbé zabu, u atsia atapa bhú Sipele. ⁵ U akolo lie bhú Salamine-e, u aholo nakpokpo eli gba Ebhe-e bhú oeti nadje lili gba omaYuda-o. Djaa Maloko adu bhú dabili bini ne uo ngú nateteke uo.

⁶ U agulu kpemè-o hana, u atsia akolo bhú Pafosi. Oo, u abhaka maYuda bini, bhulù mambengu inde adu 'li e me Bale-Yesu. Ani adu apa me ni ne polofeta.

⁷ Ani adu nadu agba Selugio Polo, kpála na imbilangu, inde adu ngámá na ndu doto

* **13:1 13:1 Negele:** U aye bhú obhuku koko me «Bibili.»

ango-o. Ngámá ango-o a'i Balanabasi ne Saulo, anga ani akunda nani nadje 'li Ebhe.

⁸ Engú bini, bhulü mambengü Elimasi (anga 'ili bhomü-o akunda napa bhú eli gba oGiliki moko) ayalá. Ani adü agili me ni yoko ngámá na ndu doto ango-o me ani abhúka de.

⁹ Abhomü-o, Saulo, inde li 'li e adü di me Polo-o,[†] abedhe ne Bu Bhopua, ani atsia ani ne kpéke djila.

¹⁰ Ani atsia apa me: «Ngamü siti kpála na kali inde ngapite okpála, ndili gba Djabulü, kpála nayala ndü 'ngú na babadha hana, mü 'ó nasiti okpadji na ngingbili gba ngámá-a di!

¹¹ Tsitsia, mbia inde-e, Ebhe asú mü. Djila mü ani. La di-e, mü ú matá zindjila de ngubula mbo oekpí.» Kolo me-e, ndindi ani djila Elimasi. Biti atsia abuku ani hana, ani adü abubudha bili de e ngbalina nagili me kpála holo 'kpa ni ngú nateteke ni.

¹² Li ngámá na ndu doto au engú akodho 'kpí-e lie me-e, ani atsia abhuka di ne nangamba naali ka nasuno inde u asuno e ne 'li Ngámá ko.

Polo ne Balanabasi bhú Atiokia inde abhú Pisidia

¹³ Polo di ne okpála inde adü adhukü bhú dabili bini

ne ani-e, ayie bhú Pafosi ngú nanü bhú Peledje bhú ndu doto na Pamifilia. Engú bini, Djaa Maloko a'o ká uo oo, ani atsia agie lie abhú Yelusalema.

¹⁴ Ngauo-o, u akpata bha kpadjí gba o-o. U ayie bhú Peledje, u atsia akolo bhú Atiokia inde bhú Pisidia ko. Bhú 'kpí naguo gba omaYuda-a, Polo ngauo ne Balanabasi ali bhú 'ti nadje lili gba Moidje, u atsia adulü kuto.

¹⁵ Pita natanga lili di ne obhuku gba opolofeta-a, ongámási na eti nadje lili-e atsia atima eli pi uo me: «Ondaise ya, i du me yi nde ne engú ngú nateteke okpála ne di-e, yi de pa!»

¹⁶ Polo ayie bhulá, ani amene 'kpa e pi okpála, ani atsia apa me: «Ngayi okpála na Isalaele di ne yi okpála inde ngakpe Ebhe-e,[‡] yi dje nga ma!

¹⁷ Ebhe gba okpála inde omaIsalaele, abhü nani onguo ogbi ni. Ani abe ndü uo bhú nedhinga u adü lie bhú bali bhú Edjipeto-o. Pipita-a, ne angu gba e-e, ani atsia agbe uo bhú doto na Edjipeto.

¹⁸ Ani akibila uo bhú mili bili ngubula kalanga masikpe de ndjikpa badha.

¹⁹ Pipita-a, ani abhili opiga mananika bhú doto na

[†] **13:9 13:9 Polo:** 'li na Saulo bhú eli gba omaYuda, bhende na Polo bhú eli gba oGiliki. U agisila nani 'li na Polo li ani nedhinga inde ani abhü ka nakpokpo Bádha Ngali gba Yesu Kilisito lie pi oGiliki ko. [‡] **13:16 13:16 Okpála inde ngakpe Ebhe:** A ko ogandji okpála inde abhuka Ebhe gba omaYuda ko.

Kanana. Ani atsia aha doto gba uo-o pi onguo ogbi ni

²⁰ ngubula kalanga masikpe de kámá badha ne ndjikpa bhuluvue.

Pipita-a, ani aha okpála nakodho mangimbo pi uo akolo bhú nedhinga gba polofeta Samuele.

²¹ Pipita-a, u ayo me o okunda 'ngbé ngámá. Abhomu-o, Ebhe atsia aha Saulo pi uo, ndili gba Kisi, bhú piga gba Bendjamé. Ani au nani pi 'ndji uo ngubula kalanga ndjikpa badha.

²² Pita li Ebhe ayala Saulo lie, ani atsia agbe 'ngbé ngámá Davidi pi uo. Ani atsia apa li 'ngú gba ani-e me: <Ma au Davidi, ndili gba Yese. A ko kpála na babadha bhú djila ma. Ani améne ndu 'ngú hana maka ma akunda lie.[†]>

²³ Bhú piga gba Davidi-e, Ebhe agbe pi omafsalaele Múkobho Yesu maka ani apa nani lie kalanu ko.

²⁴ Kala nago ka ani-e, Djaa akpokpo Bádha Ngali pi ndu okpála na Isalaele hana. Ani adu ayo ka uo me u dji bua o, amba u sia batisimo.

²⁵ Li Djaa akolo lie li 'so kulu gba e, ani adu apa me: <Yi ngabhundja me ma ne da? Ma ne kpála inde yi ngadjike e ade! Engú bini, yi djedje, a ngago pita ma ne kpála. Ma ne tetele kpála ade ngubula me ma

gbe maleke§ bhú 'dhú ani.>

²⁶ Ondaise ma, ngayi okpála na piga gba Abalahama di ne yi okpála inde si-e, inde ngakpe Ebhe-e, Ebhe atima nani ngali na mukobho inde-e pi ni.

²⁷ A na paká me okpála na Yelusalema di ne ongámási gba o-o mbila nani Yesu de. Bhú oekpí naguo gba omaYuda bini ne bini haná, u adu atanga obhuku gba opolofeta. La-a, u du ambimbila de. Engú bini u akodho 'ngú gba Yesu lie me u bhélo ani-e, u amene bhomu-o engú inde li opolofeta apa e ko.

²⁸ Belegú u u nani engú bini inde u ti da nabhélo Yesu ka e lie de-e, u ayo ka Pilate me u bhélo ani.

²⁹ Pita u amene ndu 'ngú hana maka li 'li Ebhe apa lie li 'ngú gba ani-e, u a'e ani li kulusi, u atsia anu ato ani bhú lata.

³⁰ Engú bini, Ebhe atsia azuku ani bhú ká okpála inde amu-o.

³¹ Yesu asuno lie pi okpála inde adu adholo ne ani bhú dabili bini nayie bhú Galilaya akólo bhú Yelusalema ngubula 'kpí bhélo. Mbia inde-e, okpála ango-o ngakpokpo 'ngú gba ani-e pi okpála na Isalaele ngao.

³² Ngaya makpe-e, ya ago ngú nakpokpo Bádha Ngali inde-e pi yi, Bádha Ngali

[†] 13:22 13:22 Tsia bhú 1 Sam. 8:5, 19, 10:21, 13:14, 16:12. § 13:25 13:25

Nagbe maleke: Nani agba omaYuda-a, kulu nagbe maleke bhú 'dhú ogomago ne navulu 'dhú uo-o, a ko nani kulu ka obalise di ne okpála na padhá.

inde li Ebhe apa nani kalanu me ni apá e pi onguo ogbi ní-o.

³³ Ani amene mbia inde-e pi ní ongisi gba uo-o, li kpadji nazuku Yesu bhú ká okpála inde amu, maka u aye nani lie bhú Etsi na bhisi gba omaYuda-a me:

«Mu ne ndili gba ma na bhobhoko,

Ma azu mu naki ngama makpe.†»

³⁴ Ebhe apa nani me ni azúku Yesu bhú ká okpála inde amu-o mazuku, ngubula me ani akpi matá-a de. A ko engú inde ani apa nani e me:

«Ma ahá obisagu na bububu inde di na kükülu-o pi mu,
inde ma apana nani e pi Davidi ko.†»

³⁵ Kaka-a, ani apa matá li bili koko me:

«Mu 'ó de me kpála na ngingbingbili gba mu-o zi bhú lata-a de.†»

³⁶ Padhá de, anga Davidi bhú nedhingga gba e, amene lílì gba Ebhe-e hana. Pipita-a, ani akpi, u azi ani de onguo ogbi e, ani atsia azi.

³⁷ Engú bini, kpála inde li Ebhe azuku e, ani zí naae de.

³⁸⁻³⁹ Ondaise ma, yi mbila ndjindji me u apa pi yi me u a'e osisiti 'ngú gba yi-e ka Yesu. Yi ti da nakobho ka namene lílì gba Moidje-e de. Engú bini yi akóbho bha me yi nde abhuka Yesu.

⁴⁰ 'E-e! Yi lila liyi uu me engú inde li opolofeta apa e akólo li yi de, engú inde me:

⁴¹ «Yi tsitsia nga, ngayi okpála na 'ngbé 'ndji, yi ngamba naali, amba yi ngingita má pele pele!

Padhá de, anga bhú nedhingga gba yi-e, ma améne engú bini inde yi ti da naziba e de, abana i du me kpála bini nde apa nani engú ang-o pi yi kalanu.†»»

⁴² Li Polo ne uo ne Balanabasi akoto lie bhú 'ti nadje lílì-e, u atsia ayo ka uo me u go bhú 'kpí naguo na sidi, amba u kpokpo matá engú bini bhomu-o.

⁴³ U atsambala lie bhú bula-a, bhelé na omaYuda ne ogandji okpála inde adu akpe Ebhe-e, akpata Polo ne uo ne Balanabasi. Abhomu-o, Polo ne uo ne Balanabasi, bhú nagama 'ngú gba o ne uo-o, u ato masi bhú uo me u holo lio li bádha bhú 'bu gba Ebhe-e kpekpeke.

⁴⁴ Ekpi naguo na sidi-e, masikpe de ndu okpála na gudhu hana apo bhála o ngú nadje 'li Ebhe.

⁴⁵ Li omaYuda au bhti okpála ang-o lie, u asia siti bua, u atsia adu asobho Polo ka eli inde ani adu apa e ko.

⁴⁶ La-a, Polo ne uo ne Balanabasi du nani nagama 'ngú pi uo ne tsulu de. U adu apa me: «A ayo nani me ya kpo ngaiza nakpokpo

† 13:33 13:33 Tsia bhú Ets. 2:7. † 13:34 13:34 Tsia bhú Isa. 55:3. † 13:35 13:35 Tsia bhú Ets. 16:10. † 13:41 13:41 Tsia bhú Abk. 1:5.

eli gba Ebhe-e kalanu pi yi. Engú bini, maka yi ayala lie, yi au la di me yi ti da nasia mukobho na duduma de, Kaka mbia inde-e, ya anú ibili agba ogandji okpála.

⁴⁷ Padhá de, anga lili inde ya asia e ka Ngámá-a ngae inde:

«Ma a'o mu eke pi opiga, ngubula me mu gapa ngali na mukobho akólo bha bini ali 'dje doto!»[†]

⁴⁸ Li ogandji okpála adje lie mo-o, u akpi djali, u atsia aholo nadhege 'li Ngámá. Ndú okpála hana li Ebhe alo o ngú nasia mukobho na duduma atsia abhuka.

⁴⁹ Abhomu-o, 'li Ngámá atsia adhuku bhú ndu doto ango-o libhomu.

⁵⁰ Engú bini, omaYuda ato 'ngú bhú 'ndjí olisi na tia inde adu adhege Ebhe di ne obhelesi okpála na kuti-o. Abhomu-o, u aholo amene Polo ne uo ne Balanabasi sisiti, u atsia agbe uo bhú doto gba o-o.

⁵¹ Abhomu-o, okpála bhisi ango-o apulu doto na kuti gba uo inde adhedhe li 'dhu o, ngubula nasuno pi uo me u amene siti 'ngú. U atsia agbida bhú Ikonomu.

⁵² Engú bini, pi omukpata-a, u abedhe ne djali di ne Bu Bhopua bedhe.

14

Polo ne Balanabasi bhú Ikonomu

[†] 13:47 13:47 Tsia bhú Isa. 49:6.

¹ Bhú Ikonomu-o, a amene bhadi lie moko. Polo ne uo ne Balanabasi ali bhú 'ti nadje lili gba omaYuda

OmaYuda bhelé di ne okpála inde ne omaYuda ade-e, akolo omabhuka ka engú inde u agama e ko.

² Engú bini, omaYuda bhende i bhuka nani de-e, a ato bhú ogandji okpála mabhundja na sisiti pindji ondaise ní, omabhuka.

³ La-a, Polo ne uo ne Balanabasi abhue mbo nani bhú Ikonomu naali. U du agama 'ngú ne tsulu de anga u adu ne nabhuka bhú Ngámá, inde adu asuno me eli inde u adu akpokpo e pindji bádha bhú 'bu gba ni-e, adu kükülu 'ngú. Padhá de, anga ani adu aha angu pi uo ngú namene okiaka 'ngú di ne ongú na ngangamba.

⁴ Kaka-a, okpála na gudhu ango-o atsia agbo bhusu o: okoko adu pi omaYuda, okoko atsia adu pi obhulu titima gba Yesu .

⁵ Abhomu-o, omaYuda di ne ogandji okpála bhú dabili bini ne ongámási gba o-o, atsia aleke lio ngú namene Polo ne Balanabasi sisiti, ngú nabhili uo ne teme.

⁶ Li okpála bhisi bhomu-o ambila 'ngú ango-o lie, u atsia akpe agbida bhú ogudhu na Lisitele ne Delebe, la di ne bhú okuti na ngongo, bhú ndu doto na Likaonia.

⁷ Oo di-e, u aholo akpokpo Bádha Ngali pi okpála.

Polo ne Balanabasi bhú

Lisitele

8 Bhú Lisitele-e, kpála inde li eze adu li 'dhú e adu oo. Aní dhákú de nayie maka nani u azu aní lie-o.

9 Aní adu adje engú inde li Polo adu apa e ko. Polo atsia aní ne kpéke djila. Aní au me kpála ango-o abhuka me ni ti da nasia mukobho.

10 Abhomu-o, Polo atsia apa pi aní ne kpéke 'li me: «Yie bhúlá, lu ngbingbili!» Kpála ango-o ayie bhúlá, aní a'ulu ake má kprii! Aní atsia aholo nadhákú.

11 Li okpála bheldé au engú li Polo amene e lie, u asúla bhú eli na kuti gba okpála na ndu doto na Likaonia me: «Oebhe akolo maka okpálakuti, u atsia ago gba ní!»

12 U a'o 'ili li Balanabasi me Djeusi,* u atsia a'o 'li Polo me Elemesi, anga aní adu agama 'ngú-o ngae.

13 Dimande gba ebhe Djeusi, inde li 'ti ebhe gba e adu li 'bhé gudhú-o, ago ne obagala na obhosibhosí li 'bhé bhoti na gudhú-o. Aní aha di 'i felele, bhú dabili bini ne okpála na kuti-o, aní atsia adu akunda me ni bhele onu ango-o ngú nahaha pi Balanabasi ne uo ne Polo.

14 Li obhulú titima gba Yesu adje engú bhomu-o lie, u asisidha obongo li kute o má tsue tsue!† U anu ne holo bhú ká okpála ne nasusula me:

15 «Ondaise ya, yi ngamene bhomu-o ni? Ya bha ne okpála maka yi. Ya ago pi yi ne Bádha Ngali me yi 'o ká oebhe inde na padhá padhá bhomu-o, inde li mbinimbini nde bhú o ade ko. La di me yi ha liyi pi Ebhe na mukobho inde abho ekpí, abho doto, abho 'ngbé 'ngu ne ndu 'he inde bhúbhú-o hana ko.

16 Bhú nedhingga gba okpála na kalanu-o, aní a'o me u kpata kpadjí gba o makpe ko.

17 Engú bini, aní 'ili 'to e li napana lie ne namene babadha 'ngú pi uo de. Padhá de, anga aní ngatima pi yi ebha di ne onguwa bhú nedhingga gba o-o. Aní ngaha ezu pi yi. Aní la di ngabedhe yi ne djali.»

18 Abana u adu apapa lie mo-o, da me u yoko bhití okpála adu kpekpeke me u abhéle onu pi o de ko.

19 Li nedhingga bhomu-o, omaYuda inde ayie bhú Atiokia, bhú ndu doto na Pisidia, di ne bhú Ikoniomu, apite bhití okpála bhomu-o me, u tutulú Polo ne teme ngú nabhele aní. U agbe aní ali ngo gudhú anga u adu abhundja me aní akpi.

20 Engú bini, li omabhuka ago asa lio lie dengo aní-e, aní ayie bhúlá, aní atsia agie matá lie bhú gudhú. Li ekpí aseke lie, ngauo ne

* 14:12 14:12 **Djeusi:** Bhú mabhundja gba oGiliki-e, Djeusi nani ne ngámá gba oebhe na eu. Elemesi atsia adu bhulú titima gba uo ko. † 14:14 14:14 Li bili inde-e, nasidha bongo li kute akunda nasuno me nayala 'ngú.

Balanabasi-e, u atsia atapa bhú Delebe.

*Polo ne Balanabasi agie
lio bhú Atiokia bhú ndu doto
na Silia*

²¹ Bhú gúdhú na Delebe, u akpokpo Bádha Ngali pi okpála, u atsia asia omukpata bhibhit. Pipita-a, u agie lio bhú Lísitele, bhú Ikoniomu di ne bhú Atiokia bhú ndu doto na Pisidia.

²² U a'e tsúlú li bua uo, u ato masi bhú uo me u lu kpekpeke bhú nabhuka. U adú apa pi uo me: «A ayo me ní dje likabhu naali ngú nali bhú kúti na Naú gba Ebhe ko.»

²³ Bhú Dadjua gba Ebhe bini ne bini hana, u adú alo obhelesi okpála. Pita u atse ezu ngú nayo Ebhe lie, u atsia a'o uo sa 'kpa Ngámá inde u abhuka e ko.

²⁴ U agulu Pisidia lie, u atsia akolo bhú Pamifilia.

²⁵ Pita u akpokpo 'li Ebhe lie pi okpála bhú Peledje-e, u atsia anú bhú Atalia.

²⁶ U ayie lie oo, u ali bhú zabu, u atsia anú bhú Atiokia. A bhomu-o bili inde u a'o nani uo lie me u sia bádha bhú 'bu gba Ebhe ngúbula kulu inde u amene e mbia inde-e ko.

²⁷ U akolo lie oo, u apo bhúla okpála na Dadjua gba Ebhe-o. U atsia akpokpo pi uo ndu 'ngú hana inde li Ebhe amene e bhú dabili bini ne uo-o. U atsia akpokpo di pi uo maka li Ebhe abhulu kpadji pi ogandji okpála lie ngú nabhuka di ani Ebhe ko.

²⁸ Polo ne Balanabasi asi nani mbo ekpí bhelé bhú dabili bini ne omukpata na Atiokia.

15

*Kpekebhé pindji nakodho
gandja*

¹ Okpála koko inde ayie bhú Yudaya-a, akolo bhú Atiokia. U adú asuno pi omabhuka me: «Yi ti da nasia mukobho de, i du me u nde kodho yi bhú gandja maka li lili gba Moidje apa lie de ko.»

² Abhomu-o, Polo ne Balanabasi agbe bayiki, u atsia aholo amene kpekebhé ne uo naali pindji engú angoo. U atsia adje lio me Polo ne Balanabasi, la di ne okpála koko na Atiokia, nu bhú Yelusalema, amba u kpokpo 'ngú pindji 'ngú angoo bhú dabili bini ne obhulu titima gba Yesu di ne obhelesi okpála .

³ Abhomu-o, ndu okpála hana na Dadjua gba Ebhe atsia anú a'o uo li kpadji. U apú bhú ndu doto na Fenisia di ne bhú Samalia. U adú akpokpo maka li ogandji okpála akolo omakilisito lie ko. Ngali angoo aha djali naali pi ndu omabhuka hana.

⁴ U akolo lie abhú Yelusalema-a, ndu okpála hana na Dadjua gba Ebhe, ne obhulu titima gba Yesu di ne obhelesi okpála-a, atsia asia uo. U atsia akpokpo pi uo ndu 'ngú hana inde li Ebhe

amene e bhú dabili bini ne uo-o.

⁵ Engú bini, okpála bini bini bhú ká omá Falisai, obhende akolo omabhuka-a, ayie bhúlá, u atsia apa me: «A ayo me omabhuka inde ne omaYuda de-e, u to uo bhú gandja, amba u pa pi uo me u mene líli gba Moidje ko.»

⁶ Abhomú-o, obhálu titima gba Yesu di ne obhelesí okpála apo bhúla o ngú nat-sia 'kpí li engú ango-o.

⁷ Pita u amene kpekebhe lie naali-e, Piele ayie bhúlá, aní atsia apa me: «Ondaise ma, yi mbila hana me Ebhe abhú nani ma bhú ká yi bhútode ngúbula me ma akpokpo Bádha Ngali pi okpála inde ne omaYuda ade ko. U dje, amba u bhuka di Ngali ango-o.

⁸ La di-e, Ebhe inde ambila bua okpála-a, asuno me ni aziba uo anga aní aha Bu Bhobua pi uo maka aní aha nani di lie pi ni ko.

⁹ Aní gbo bhúsú ní ne uo de. Aní aválu bua uo anga u abhuka.

¹⁰ Mbía inde-e, ka ni yi ngale Ebhe lie ne na'o tili 'ngú pi omabhuka? Engú inde li onguo ogbi ní, abana nganí makpe, ní ti nani da nabí e de-e!

¹¹ A mo-o ade! Engú bini, ni abhuka mangbo me ni akobho maka uo ka bádha bhú 'bu gba Ngámá Yesu.»

¹² Abhomú-o, ndú okpála hana andjili má bulu! U

atsia adú adje engú inde li Balanabasi ne Polo adú akpokpo e ko. U adú adje okiaka 'ngú di ne ongú na ngangamba inde li Ebhe amene e bhú dabili bini ne uo bhú ká ogandji okpála ko.

¹³ U andjia nagama 'ngú lie, Djaki atsia apa me: «Ondaise ma, yi dje nga ma!

¹⁴ Simo akpokpo maka li Ebhe amene nani lie nayie li lilita pi okpála inde naao ne omaYuda ade-e, maka aní alo piga bini lie bhú ká uo ngú nakolo piga gba e-o.†

¹⁵ La di-e, engú inde li opolofeta apa e aviti bini ne di, anga u aye bhú Bhuku gba Ebhe-e me:

¹⁶ *Pita bhobhomú-o, ma agó matá, Ngámá apa moko, ngú nayiki eti gba Davidi inde atuko-o.*

Ma aléke obili bhende assití-e,

ma atsia líli ngbingbili.

¹⁷ Ndú okpála koko hana agíli ma, Ngámá, bhú dabili bini ne ndú okpála hana inde nani ma alo o-o.

¹⁸ A bhomú-o eli inde li Ngámá apa nani e ko. Ngaani inde i ngamene engú inde aní apa nani e didili-o.†»

¹⁹ Djaki atsia apa matá me: «Kaka-a, ma abhundja me, a ayo nani kpadji pi ogandji okpála inde ngabhuka Ebhe-e de.

²⁰ Engú bini, ni ye mangbo balúa pi uo amba ni yo ka

† 15:14 15:14 Tsia bhú Kul. 10:34-48.

† 15:18 15:16-18 Tsia bhú Ams. 9:11-12.

uo me, u 'o nazu so 'nu inde u abhele e pi oebhe na padhá padhá-a ma'o. U 'o nakunda olisi di ne obhosí ngangá ma'o. U 'o di nazu so 'nu inde akpi ne nguté bhu e hana, amba u 'o di nazu nguté ma'o.[†]

²¹ Padhá de, anga nani bhutode, bhu ogudhu bini ne bini hana, okpála ngasuno lili gba Moidje. U la di ngatatanga bhu otí nadje lili-e ndu 'kpí naguo hana.»

Balua pi omabhuka inde naao ne omaYuda ade

²² Abhomu-o, obhulu titima gba Yesu ne obhelesi okpála, bhu dabili bini ne ndu okpála na Dadjua gba Ebhe hana, atsia aziba me u gbe okpála koko bhu ká o. U tima uo bhu Atiokia bhu dabili bini ne Polo ne Balanabasi. U atsia alo Djude inde u a'i e me Balasabasi, di ne Sila, okpála bhisi inde li ndu okpála koko hana adu amanga o ko.

²³ Balua u atima uo ne e, a ngae inde:

«Obhulu titima gba Yesu di ne obhelesi okpála na Dadjua gba Ebhe, ondaise yi-e, u apa me o yi ondaise o inde naao ne omaYuda ade inde ngadulu bhu Atiokia, bhu Silia di ne bhu Silisia mayi.

²⁴ Ya adje me okpála koko inde ayie bhu ká ya ei-e, ato kpekebho bhu ká yi ne 'li o, u atsia angbingi bua yi.

Engu bini, yi mbila ndjindji me ya tima uo ngaya de.

²⁵ Kaka-a, ya adje liya ne bua bini me ya alo okpála, amba ya tima uo gba yi oo. U anu bhu dabili bini ne ondaise ya na mukunda, Balanabasi ne Polo.

²⁶ Okpála inde aha lio libhomu ngubulu kulu gba Ngámá gba ní Yesu Kilisito ko.

²⁷ Kaka-a, ya atima pi yi Djude ne uo ne Sila, u akpókpo ndu 'ngu hana inde ya aye e si-e pi yi ndjindji.

²⁸ Padhá de, anga Bu Bhabua di ne ya makpe-e, ya abhundja me, a ayo na'o tili 'ngu koko pi yi de, bha bini bhende a ayo me yi mene e ko:

²⁹ yi azu so 'nu inde u abhele e pi oebhe na eu-o de. Yi azu nguté de. Yi azu so 'nu inde akpi ne nguté bhu e hana-a de. Yi adu akunda olisi di ne obhosí ngangá de. I du me yi nde alila liyi makpe ne ndu 'ngu bhomu-o hana-a, bhobhomu-o du ndjindji. Yi du ndjindji.»

³⁰ Abhomu-o, u aha kpadji pi uo, u atsia agbida bhu Atiokia. Oo, u apo bhula omabhuka hana, u atsia aha balua pi uo.

³¹ U atanga balua-o. Ndu uo hana akpi djali naali ka masi inde li balua anglo-o ato e bhu uo ko.

³² La-a, li Yuda ne Sila adu di lie ngao makpe opolofeta-a, u agama 'ngu pi omab-

[†] **15:20 15:20** Tsia bhu Eki. 34:15-16; di ne bhu Lev. 18:6-20, 17:10-14.

huka ngengele ngubula nato
masi bhú uo, di ne naha
angu pi uo.

³³ Mbo píta 'kpí bedi-e,
omabhuka atsia a'o uo me
u gie lio ne guo 'ngú agba
okpála inde atima uo ko. [

^{34 *}]

³⁵ Abhomú-o, Polo ne Balanabasi atigala bhú Atiokia.
U atsia adú asuno di ne
nakpokpo Bádha Ngali gba
Ngámá-a bhú dabili bini, di
ne okpála koko bheldé.

Polo ne Balanabasi agbo bhúsú o

³⁶ Píta mbo 'kpí masudha,
Polo apa pi Balanabasi me:
«Ní gie liní bhú ndú okuti
hana inde ní akpokpo nako
eli gba Ngámá-a bhú e-
o, amba ní mbila maka li
omabhuka nde lie oo ko.»
³⁷ Balanabasi adú akunda
me o nü bhú dabili bini ne
Djaa inde u agisila 'li e me
Maloko-o.

³⁸ Engú bini, Polo tsia ziba
naha aní de, anga aní a'o
nani ká uo bhú Pamifilia.
Aní tsia du di matá namene
kulu ne uo bhú dabili bini
de.

³⁹ U amene kpekebhé
sunda o naali. Kaka-a,
u atsia agbogbo bhúsú o.
Abhomú-o, Balanabasi aha
Maloko, u a'u bhú zabu, u
atsia agbida bhú Sipele.

⁴⁰ Píta li omabhuka ayo lie
me Polo sia bádha bhú 'bu
gba Ebhe-e, aní aha Sila, aní
atsia atapa.

* 15:34 15:34 Lukuluku inde-e, a bhú obhuku koko na didili u aye e bhú eli na
giliki ade. [Engú bini, Sila atsia au ndjindji me ni tigala ne aní oo.] * 16:3
16:3 'Dyi Timoté nani ne maYuda ade. Kaka-a, Timoté li nga nani bhú gandja
kalanú de.

⁴¹ Aní apú bhú ndú doto na
Silia di ne Silisia. Aní atsia
adú nateteke omabhuka na
oDadjua gba Ebhe-o.

16

Timoté anú bhú dabili bini ne Polo di ne Sila

¹ Abhomú-o, Polo akolo
bhú Delebe, pipita-a, bhú
Lisitele. Mukpata bini adú
naní oo, a adú 'li aní me Timoté.
'Hi aní adú ne maYuda
inde abhuka Ebhe. Engú
bini, 'dyi aní nani naae ne
Giliki.

² Omabhuka na Lisitele di
ne Ikoniomú adú apa 'ngú
gba aní-e ndjindji naali.

³ Polo adú akunda me ni
ha aní ngú nadhukú bhú
dabili bini ne aní. Aní aha
aní, aní atsia ato aní bhú
gandja. Aní amene nani
mo-o ka omaYuda inde adú
oo, anga ndú okpála hana
adú ambila ndjindji me 'dyi
Timoté nani ne Giliki.*

⁴ Bhú ndú ogudhú inde u
adú apú bhú e hana-a, u
adú akpokpo pi omabhuka
lili inde li obhulú titima gba
Yesu di ne obhelesi okpála
na Yelusalema aha e-o. U
atsia adú ayo ka uo me u
mene lili ango-o ko.

⁵ ODadjua gba Ebhe-e adú
akolo kpekpeke bhú nab-
huka . Alo gba omabhuka
atsia adú abe ndú e ndú 'kpí
hana.

Polo apú bhú Adjia

⁶ La li Bu Bhopua ayoko uo lie me u akpokpo 'ngú gba Ebhe bhú ndú doto na Adjia de-e, u atsia apú bhú ndú doto na Filidjia di ne Galatia.

⁷ U akolo lie de ndú doto na Misia-a, u adú ale nanú bhú Bitinia. Engú bini, Bua gba Yesu atsia ayoko uo.

⁸ Abhomú-o, u agulu Misia, u atsia aké bhú gúdhú na Tuluasi.

⁹ A akolo lie sukpe-e, Polo au engú maka loto: kpála bini na Makedonia alú kala ani. Ani atsia adú akikiliki lie pi ani me: «Kodho 'ngbé 'ngu-o, nu bhú Makedonia, amba mu teteke ya!»

¹⁰ Pita engú inde li Polo au e, ya agili bha kolo má gala me ya anu bhú Makedonia. Padhá de, anga ya ambila na paká me Ebhe a'i ya ngú nakpokpo Bádha Ngali pi okpála na kuti ango-o.

U akolo bhú gúdhú na Filipoi

¹¹ Ya a'u bhú zabú bhú Tuluasi, ya anu ngingbili bhú Samutalasi. Li ekpí aseke lie, ya atsia anu bhú Neapolisi.

¹² Ya ayie lie oo, ya atsia akolo bhú gúdhú na Filipoi, gina kuti na ndú doto na Makedonia inde adú sa oLoma-o. Ya amene mbo ekpí bhelé bhú gúdhú ango-o.

¹³ Bhú 'kpí naguo gba omaYuda-a, ya akoto bhú gúdhú ngú nanú ali ngo 'ngu. Padhá de, anga ya adú abhundja me dabili gba omaYuda ngú nayo Ebhe

oo. Ya adúlú kuto, ya atsia akpokpo 'ngú pi olisi inde apékébhé bhúla o oo.

¹⁴ A adú 'li súka olisi ango-o me Lidia. Ani ayie nani bhú gúdhú na Tiatile. Ani adú nani atsindji ombe-mbe obongo na mase naali. Ani adú nani adhége Ebhe. Maka ani adú adje ya lie, Ngámá atsia abhulu bua ani ngú nabhuka engú inde li Polo adú apa e-o.

¹⁵ Abhomú-o, ani atsia asia batísimo bhú dabili bini ne piga gba e-o. Pipita-a, ani atsia ayo ka ya me: «I du me yi nde au me ma abhuka Ebhe kúkúlú-o, yi de go du gba ma.» Ani atsia agbite ya ne kpéke ngú naziziba.

U aholo Polo ne Sila

¹⁶ Ekpí bini, ya adú anu lie li bili nayo Ebhe-e, ndili na eélé bini na kulu ago abhaka ya. Bua na madhoko adú bhú ani. Ani atsia adú asia tia pi omakúlasi e naali.

¹⁷ Ngaya ne Polo-o, ani aholo akpata ya. Ani atsia adú asusúla me: «Okpála inde-e, a ko okpála na kulu gba Ebhe Apí 'Kpí! U ngasuno pi yi kpadji na mukobho.»

¹⁸ Ani amene engú ango-o ngúbulu ekpí bhelé. Li engú ango-o andala Polo lie naali-e, ani adjí lie, ani atsia apa pi bua ango-o me: «Ne 'li Yesu Kilisito, ma apa pi mu me: koto bhú ani!» Abhomú-o, bua na madhoko ango-o atsia akoto bha kolo bhú ani bhú nedhinga ango-o.

¹⁹ Li omakulasí ani au lie me o sia matá tia ka ani de-e, u aholo Polo ne Sila, u atsia agbele uo bhú mbadhasú kala okpála nakodho 'ngú.

²⁰ U atsia anú ne uo kala ongámási na Loma, do uo de-e: «Okpála inde-e, a ko omaYuda. U ngato mbedhembedhe bhú gudhú gba ya-o.

²¹ U ngasuno ongú. La-a, lílì gba ní okpála na Loma ziba nasia ongú ango-o ne namemene de.»

²² Abhomú-o, ndú okpála hana atsia abi di 'gú ne uo. Ongámási aha lílì me u pandja bongo li kute uo, amba u bhí uo ne fimbo.

²³ Pita u abhi uo lie ne fimbo naali-e, u atsia abhike uo bhú tikpu. U atsia aha lílì pi mülila na tikpu-o me ani lila uo ndjindji.

²⁴ Li mülila asia lílì ango-o lie, ani ato uo bhú tina tikpu bhe na tutu-o. Ani atsia atoto 'dhu uo bhú kpékpe.

Polo ne Sila aze bhú tikpu

²⁵ Masikpe de tutu sukpe-e, Polo ne Sila adú ayo Ebhe di ne nadhégé ani bhú etsi. Okpála koko na tikpu-o adú adje uo.

²⁶ Má gala kolo me-e, doto adyíki ne adjigidjo na ngbéngbé má djigi djigi, masikpe de me tikpu-o tuko kuto! Ndú obhoti na tikpu-o hana akolo abhubhulu lie. Ogbindjili inde u agbigbite ndú okpála hana na tikpu-o ne e-e, atsia abhubhulu di lie.

²⁷ Li mülila agbungbúa lie lie tila-a, ani au me ndú obhoti-e hana baba. Abhomú-o, ani agbe mbotia me ní ngabhéle lini ne di, anga ani adú abhundja me ndú okpála na tikpu-o hana akpekpe.

²⁸ Engú bini, Polo atsia asúla pi ani kpekpeke me: «Mo oméne límu sisiti de, anga ndú ya hana bha si!»

²⁹ Abhomú-o, mülila-a ayo eke, ani ali kolo má gala abhú 'ti me ani nde ngagáku ka tsúlu má kpi kpi kpi! Ani atsia ati bhú li 'dhu Polo ne Sila.

³⁰ Pipita-a, ani apandja uo kilidjo. Ani atsia ayi uo me: «Odyí ma, a ayo me ma mene pi ngubula me ma kobho?»

³¹ U atsia agie pi ani me: «Bhuka Ngámá Yesu, amba mu kobho, ngamu di ne piga gba mu-o hana.»

³² Abhomú-o, u atsia akpokpo eli gba Ngámá Ebhe-e pi ani, di ne pi ndú okpála hana inde adú bhú 'ti gba ani-o.

³³ Bha sukpe bhomú-o, mülila na tikpu-o abha uo, ani atsia avúlu oeka gba uo-o. Pipita-a, ani asia bha kolo batisimo má gala, bhú dabili bini ne okpála gba e hana.

³⁴ Pipita-a, ani anú ne uo agba e. Ani atsia aha ezu pi uo. Ngaani ne piga gba e-e, u akpi djali naali, anga u abhuka Ebhe.

³⁵ Li ekpí aseke lie, ongámási gba okpála na Loma atima okpála me u

nʉ pa pí mʉlila na tikpʉ-o me: «Pandja okpála bhomʉ-o bhʉ tikpʉ-o, amba mʉ 'o uo, u gbida.»

³⁶ Abhomʉ-o, mʉlila atsia ago apa pí Polo me: «Ongámási atima eli me ma apandja yi bhʉ tikpʉ pa-pandja. Yi zeze, amba yi nʉ ne guo 'ngú .»

³⁷ Do Polo pí okpála angoo me: «Ya ne okpála na Loma! U aha lili me u bhi ya bhʉ ká djila okpála me u nde kpokpo 'ngú li 'ngú gba ya-a de. U abhike ya bhʉ tikpu. La mbia inde-e, u ngakʉnda napandja ya bhʉ pepe? Belegʉ de bini, u go gbegbe bha ya ngao makpe!»

³⁸ Okpála angoo me atsia anʉ apa eli angoo pí ongámási na Loma. Li ongámási na Loma adje lie me Polo ne Sila a ko okpála na Loma-a, u atsia adje tsʉlʉ.

³⁹ Abhomʉ-o, ongámási ago nakilikiki lio pí uo. U atsia ayo ka uo me u yie bhʉ kuti angoo yiyie.

⁴⁰ Li Polo ne Sila aze lie bhʉ tikpʉ-o, u atsia anʉ agba Lidia. Pita u au omabhuka lie, u ato masi bhʉ uo, u atsia agbida.

17

Polo ne Sila bhʉ gudhʉ na Tesalonike

¹ Li Polo ne Sila agulu gudhʉ na Afipolisi ne Apolonia lie, u atsia akolo bhʉ gudhʉ na Tesalonike. A bhomʉ-o bili inde li omaYuda adʉ ne eti nadje lili gba Moidje lie ko.

² Polo amene maka ani amemene lie-o, Ani adʉ anʉ abhaka uo bhʉ 'ti nadje lili e ngʉbula poso bata bhʉ 'kpí naguo gba omaYuda-o . Ani atsia adʉ amene kpekebhʉ ne uo pindji Bhuku gba Ebhe-o .

³ Ani adʉ abhulu tata pí uo mbámbá, di ne nasuno pí uo me bhuku apa me a ayo me Kilisito zu likabhu, amba ani zuku. Ani adʉ apa pí uo me: «Yesu inde ma ngakpokpo 'ngú gba e pí yi-e, a ko Kilisito ngae.»

⁴ Okpála koko bhʉ ká uo abhuka, u atsia akpata Polo ne Sila. OGiliki bhelé, inde adʉ adhegʉ Ebhe-e, amene bhadi moko bhʉ dabili bini ne bhti olisi inde adʉ ne tia naali-o.

⁵ Engú bini, omaYuda abi 'gú naali. U abha okpála koko na sisiti inde adʉ adjakadha li okpadji, u apékəbhʉ bhʉla uo. U agbe tolo bhʉ ká okpála, u atsia ato mbedhembedhe bhʉ 'ndji okpála bhʉ gudhʉ. U anʉ nagili Polo ne Sila bhʉ 'ti gba Djasone ngʉbula me o gbe uo kala okpála na kuti bhomʉ-o.

⁶ U bhaka la uo lie de-e, u aha Djasone di ne omabhuka koko, u atsia anʉ ne uo kala ongámási. U aholo asusula me: «Okpála inde angbingi 'ndji okpála píla doto libhomu. Mbia inde-e, u akolo ibili si!

⁷ Djasone asia uo agba e! Ndu uo hana ngayala namene lili gba 'ngbé ngámá Kaisala . U ngapa me ngámá

koko uu! A 'li ani me Yesu.»
 8 Li bhti okpála di ne ongámási na kuti ango-o adje eli ango-o lie, bua uo atsia ake.

9 Pita li Djasone di ne okpála koko akakala lio lie ka uo, u atsia atse 'kpa li uo.

Polo ne Sila bhú gúdhú na Belyoa

10 A akolo lie sukpe-e, omabhuka anu a'o bha kolo Polo ne Sila bhú Belyoa má gala! U akolo lie oo, u atsia ali bhú 'ti nadje lili gba Moidje-o.

11 Okpála ango-o adu ne bádha bua nane okpála na Tesalonike. U asia eli gba Ebhe-e ne gugumú naali. Ndú 'kpí hana, u adu atsia 'kpí bhú Bhuku gba Ebhe ngú nambila me ongú ango-o, a ko 'ngú na paká.

12 Abhomu-o, okpála bhelé bhú ká uo atsia abhuka. Olisi na Giliki inde adu ne tia naali-e abhuka. Bhti obhosí inde adu oo atsia abhuka di.

13 Engú bini, li omaYuda na Tesalonike adje lie me Polo ngakpokpo eli gba Ebhe-e di bhú Belyoa-a, u atsia ago di oo. U ato mbedhembedhe bhú ká okpála bhomu-o, u atsia angbingi di 'ndji uo.

14 Abhomu-o, omabhuka anu bha kolo a'o Polo me ani nu ali ngo 'ngbé 'ngu. Engú

bini, Sila ne Timoté atsia atigala naao abhú Belyoa.

15 Obhende anu na'o Polo-o, u akolo ne ani bhú gúdhú na Atene. Pipita-a, u adu agie lio lie, Polo atsia atima eli me Sila ne Timoté kpata ni má gala! U atsia agbida.

Polo akolo bhú gúdhú na Atene

16 Bhú nedhingga li Polo adu adjeké Sila ne Timoté lie bhú Atene-e, ani au me gúdhú ango-o abedhe ne oebhe na eu bedhe. Kakaa, bua ani adu ne likabhu naali.

17 Abhomu-o, ani adu amene kpekebhé ne omaYuda di ne okpála koko inde adu adhego Ebhe bhú 'ti nadje lili gba Moidje-o. Ndú 'kpí hana, ani adu amene bhadi moko ne okpála inde ani adu ake lie ne o oo.

18 Okpála na imbilangú koko oEpikulo* ne oSatua† adu di agama 'ngú ne ani. Okoko adu ayi me: «Bhulú agélé inde-e ngapa-e pi?» Li okpála koko adje Polo ngakpokpo 'ngú pindji Yesu di ne nazuku ka ani-e lie, u atsia adu apa me: «A amana mugito me ani ngasuno bhomu-o oebhe na gandji gandji.»

19 Abhomu-o, u aholo ani, u anu ne ani kala okpála inde adu atsia 'kpí li 'ngú na

* 17:18 17:18 **OEpikulo:** A ko nani omukpata gba Giliki bini inde adu 'li e me Epikulo. Ani adu asuno me engú na ngebéngbé bhú mukobho gba kpála, a ko nadu ndjindji, nadu ne likabhu de. † 17:18 17:18 **OSatua:** A ko nani omukpata gba Giliki bini inde adu 'li e me Djeno. U adu nani nau engú nadu bhú djali bhú djila o padhá. U atsia adu bha bini akpata 'ngú pindji imbilangú inde bhú kpála.

gudhu na Atene-o. U adu a'i
uo me Aliopadje.[‡] U atsia
apa pi ani me: «Ya ti da
nambila engu na mbia inde
mu ngasuno e uu?»

²⁰ Ya akunda nambila tata-
o. Padhá de, anga mu ngan-
dala 'dje ya ne ndu 'ngu na
gandji gandji.»

²¹ (Ndu okpála na Atene
hana di ne okpála na gandji
gandji inde adu nadu oo,
adu abhele nedhinga gba o-
o bha li nakpokpo 'ngu di ne
nadje engu na mbia.)

²² Abhomu-o, Polo ayie
bhálá tu Aliopadje-o, ani at-
sia apa me: «Ngayi okpála
na Atene, ma au me yi
kpekpeke li engu gba oebhe
ane ndu 'ngu hana.

²³ Padhá de, anga ma adu
adhuku lie bhá gudhu gba
yi-e, ma atsia okulu oebhe
gba yi-o. Ma au belegu bili
bini inde u ngatsulu enu lie
pi Ebhe. U aye téte me: <Pi
EBHE INDE YA AMBILA E DE.>
A moko, ma ago asuno pi yi
ebhe inde yi ngadhöge e me
yi nde mbila e de ko.

²⁴ Ebhe inde abho doto di
ne ndu 'he inde bhábhú-
o hana-a, a ko Ngámá na
abhúlá di ne Ngámá na doto.
Ani dudu bhá oeti inde li
okpála ayiki e ne 'kpa o-o de.

²⁵ Ani ne gümu ade me
okpála mene ehe pi ni-e de,
anga ani ne gümu 'he bini
ade. Ani ngaha mukobho,
ewo di ne ndu 'he koko pi
ndu okpála hana ngae.

²⁶ Ani abho kpála bini inde

li ndu opiga hana aze bhá
e-e ngae. Ani atsia abu uo
píla doto libhomu. Ani agbo
bhúsu kalanga ne gbokokpi.
Ani atsia akokodho okozie li
bili inde ayo me u sili kuti lie
ko.

²⁷ Ebhe amene mo-o
ngubula me okpála gili ni
amba u le nau ni, i du me u
nde ti da nau ni uu ko. A na
paká me Ebhe de ni bini ne
bini tsutsu ade.

²⁸ Padhá de, anga ani
ngaha mukobho ne angu
ngu namene ehe di ne maka
ni nde lie pi ni ngae. La di
maka li okpála koko na etsi
gba yi-e apa lie me: <Ni di ne
ongisi gba ani.›

²⁹ La-a, ka ni nde lie ne
ongisi gba Ebhe-e, a ayo nab-
hundja de me Ebhe maka
ebhe na padhá u abho e li
olo, li aladja di ne teme-e de.
A ayo la di nabhundja de me
Ebhe maka ebhe inde akoto
li kulu di ne mabhundja gba
kpála-a de.

³⁰ Nani-e, okpála du
ambila Ebhe de. Ani tsia
mata 'kpí li nedhinga ango-o
de. Engu bini mbia inde-e,
ani nga'i ndu okpála hana
ne ndu bili hana me u dji
buua o.

³¹ Padhá de, anga ani a'o
ekpí bini inde ani akódho
'ngu gba okpála na doto lib-
homu lie ngbingbili ko. Ani
abhu kpála bini inde akódho
'ngu ango-o. Ani asuno engu
ango-o pi ndu okpála hana
li nedhinga inde ani azuku
kpála ango-o lie ko!»

[‡] 17:19 17:19 **Aliopadje:** A adu nga nani kalanu 'li eta inde li okpála ango-o
adu apekebhe bhála o pi e-o.

³² U adje Polo lie apa me okpála inde amu-o azúku mazuku-o, u aholo amu ani. Okoko atsia apa me: «Ya adjé nga matá mu pindji 'ngú ango-o li 'kpí koko.»

³³ Abhomu-o, Polo atsia a'o ká uo.

³⁴ Abana mo-o, okpála koko aziba ani, u atsia abhuka. Bhú ká uo adu nani Denisi, súka okpála na Aliopadje, ne ele bini inde adu 'li e me Damalisi di ne okpála koko.

18

Polo akpo lita Dadjua na gúdhú na Kolito

¹ Pipita-a, Polo ayie bhú gúdhú na Atene, ani atsia atapa bhú gúdhú na Kolito.

² Oo, ani abhaka maYuda bini, a adu 'li ani me Akuila, kpála na ndu doto na Pote. Ngaani-e, ani ayie nani bhú Itali, bhú dabili bini ne wala e Pilisila, anga 'ngbé ngámá Kolode aha nani líli me ndu omaYuda hana ze bhú Loma maze. Abhomu-o, Polo atsia anu nabhaka uo.

³ Ani adu la lie amene ngua kulu bini ne uo (u adu abho eti inde u a'i e me 'ti ngbangbali), ani adu nadu agba uo, u atsia adu amene kulu bhú dabili bini.

⁴ Polo adu nasuno eli gba Ebhe-e bhú ndu 'kpí naguo gba omaYuda hana bhú eti nadje líli gba Moidje-o. Ani atsia adu di namene ne kpéke me omaYuda di ne oGiliki ziba 'li ni.

⁵ Li Sila ne uo ne Timoté ayie lie bhú ndu doto

na Makedonia, u atsia akolo bhú gúdhú na Kolito. Polo aha nedhinga gba e hana ngú nakpokpo Bádha Ngali gba Ebhe-e pi okpála. Ani adu asuno pi omaYuda me Yesu ne Masiya.

⁶ Engú bini, omaYuda adu ayayala, u atsia adu di nasobho Ebhe. Abhomu-o, ani apulu doto li bongo gba e, ani atsia apa pi uo me: «A ayo me ngute gba yi-e, tuko pi 'ndji yi. A ko matá naama 'ngú de. Nayie pi mbia inde-e, ma anu ibili agba ogandji okpála.»

⁷ Abhomu-o, Polo ayie oo, ani atsia anu agba kpála bini inde li 'li e adu me Tito Djusitusi. Kpála ango-o adu kpála nadhègè Ebhe. Kuti gba ani-e adu de eti nadje líli gba Moidje-o.

⁸ Kilisipisi, ngámá na eti nadje líli-e, abhuka Ebhe di ne piga gba e libhomu. Okpála bhelé na gúdhú na Kolito adje Polo lie, u abhuka, u atsia asia di batisimo.

⁹ Ekpí bini sukpe-e, Ebhe apa pi Polo bhú ehe maka loto me: «Mo odjé tsulu de. Engú bini, du bha nagama 'ngú, mo ondjili má bulu de.

¹⁰ Padhá de, anga ma bhú dabili bini ne mu. Kpála bini bú 'kpa e li mu ngú namene mu sisiti de, anga okpála gba ma bhú gúdhú inde-e bhelé.»

¹¹ Abhomu-o, Polo asi bhú gúdhú na Kolito oo kalanga bini ne epe madhia. Ani adu asuno eli gba Ebhe-e pi ndu

okpála hana.

OmaYuda ashungula Polo pi ongámási

¹² Bhú nedhingga ìnde li okpála na Loma a'o Galio lie ngámá na ndu doto na Akai-e, omaYuda adje lio bhú dabili bini me o mene Polo sisiti. Abhomu-o, u atsia agbe ani kala okpála nakodho 'ngú.

¹³ Do uo de me: «Kpála ìnde ngagili nagbele okpála ngú nadhege Ebhe li kpadji bhende li lili ziba e de.»

¹⁴ Li Polo di me gama 'ngú lie, Galio atsia apa pi omaYuda me: «Ngayi omaYuda-a, i dú iginí me kpála ìnde-e bhélo kpála, ani méne di engú na sisiti naali-e, ma de adje yi ndjindji.

¹⁵ La-a, i nde lie me yi nde ngamene kpekebhé pindji oeli ne o'ilí di ne lili gba yi makpe-e, atsia bha-a yi! Ma akunda naama nakodho 'ngú li ngua 'ngú bhomu-o de!»

¹⁶ Ani atsambala uo li bili nakodho 'ngú-o.

¹⁷ Abhomu-o, ndu uo hana aholo Sosetene, ngámá na eti nadje lili gba Moidje, u atsia aholo nabhi ani bhú mbadhasu li bili nakodho 'ngú-o. Engú bini, Galio adu bha au 'ngú angó-o bhú djila e padhá.

Polo agie lie bhú gudhu na Atiokia

¹⁸ Polo adu matá mbo ngengele bhú gudhu na Kolito. Pipita-a, ani a'o ká omabhuka , ani a'u bhú

zabu, ani atsia atapa bhú ndu doto na Silia bhú dabili bini ne Pilisila di ne Akuila. Kala me ani 'u bhú zabu-o, u aka ngaiza 'ndji ani bhú gudhu na Sekele, anga ani asili nani ndjinga me ni aha lini pi Ebhe.

¹⁹ U akolo bhú gudhu na Efeso. Oo, Polo a'o ká Pilisila ne Akuila. Ani ali bhú 'ti nadje lili gba Moidje, ani atsia adu akpokpo 'ngú ne omaYuda.

²⁰ La-a, u ayo ka ani lie me o du nga matá mbo ne ani ngengele-e, ani atsia ayala.

²¹ Engú bini, nedhingga ìnde ani adu a'e ne enú lie, ani atsia apa me: «I du me Ebhe nde akunda-a, ma agó matá agba yi mago.» Ani a'u bhú zabu. Ani ayie bhú gudhu na Efeso,

²² ani atsia atapa bhú gudhu na Sedjale. Oo, ani a'u bhú gudhu na Yelusalema ngú nabhana lie pi omabhuka. Pipita-a, ani atsia aké bhú gudhu na Atiokia.

²³ Ani abhue oo mbo ekpi bedi, abhomu-o, ani atsia atapa. Ani agulu ndu doto na Galatia ne ndu doto na Filidjia me ani nde ngato masi bhú omabhuka.

Apolosi anu bhú gudhu na Efeso, di ne bhú gudhu na Kolito

²⁴ MaYuda bini akolo bhú gudhu na Efeso, a adu 'li ani me Apolosi, kpála na gudhu na Alekidjandili. Ani mbila nani nagama 'ngú ndjindji.

Ani mbila di nani Bhuku gba Ebhe-e ndjindji.

²⁵ U asuno nani kpadji gba Ngámá pi ani ndjindji. Ani adu ne bua na masi, ani atsia adu akpokpo di ne nasuno engú pindji Yesu ngingbili. Engú bini, ani ambila bha nani naae batisimo gba Djaa-o .

²⁶ Abhomu-o, ani aholo nakpokpo 'ngú ango-o bhú 'ti nadje lili gba Moidje. Ani du ne tsulu de. Li Pilisila ne Akuila adje engú ani apa e lie, u aha ani, u anu ne ani. U atsia asuno kpadji gba Ebhe-e pi ani ndjindji.

²⁷ Pipita-a, Apolosi adu akunda nanu bhú ndu doto na Akai. Abhomu-o, omabhuka ato masi bhú ani, u atsia aye balua pi omabhuka na ndu doto ango-o me, u sia ani ndjindji. Ani akolo lie oo, ani ateteke okpála inde abhuka ka bádha bhú 'bu gba Ebhe-e ndjindji naali.

²⁸ Padhá de, anga ani adu asuno mbámbá ne angu hana bhú ká djila ndu okpála hana me omaYuda li ngingbili kpadji ade. Ani atsia adu apana pi uo bhú Bhuku gba Ebhe-e me Yesu ne Masiya.

19

Polo akpokpo 'ngú gba Ebhe-e bhú gudhu na Efeso

¹ Nedhinga li Apolosi adu lie bhú gudhu na Kolito-o, Polo agulu ndu doto na ndu ká eta na Adjia, ani atsia akolo bhú gudhu na Efeso.

Ani abhaka omukpata koko oo.

² Ani atsia ayi uo me: «Yi akolo omabhuka lie, yi asia Bu Bhopua uu?» U atsia agie pi ani me: «Ya adje nga engú pindji Bu Bhopua belegu de bini.»

³ Abhomu-o, Polo atsia ayi uo me: «Yi asia la mangua batisimo dho?» U agie pi ani me: «Batisimo bhende gba Djaa ko.»

⁴ Polo atsia apa pi uo me: «Djaa adu abatisa okpála inde adu aziba nadji bua o. Ani atsia adu apa pi okpála na Isalaele me: «Yi bhuka kpála inde ngago pita ma ko.» A akunda napa me Yesu.»

⁵ U adje engú bhomu-o lie, Polo atsia abatisa uo ne 'li Ngámá Yesu.

⁶ Pipita-a, ani a'o 'kpa e pi 'ndji uo, u atsia asia Bu Bhopua. U aholo agama 'ngú bhú odikongu koko di ne nakpokpo 'ngú maka opolofeta .

⁷ Ndu obhosu bhomu-o hana adu masikpe de ndjikpa ne ká bhisi.

⁸ Polo adu ali pikó bhú 'ti nadje lili gba Moidje , sunda epe bata, ani du akpokpo 'ngú pindji Naú gba Ebhe-e ne tsulu de. Ani atsia adu amene ne kpéke ngubula me okpála bhuka Yesu.

⁹ Engú bini, okpála koko adu ne kpéke 'ndji. U ayala nabhuka . U atsia adu apa sisiti 'ngú li kute okpála inde adu akpata kpadji gba Yesu-o kala ndu okpála hana. Ab-

homu-o, Polo a'o ká uo, ani anu ne omukpata-a bhú 'ti balua gba Tulanisi. Oo, ani atsia adu asuno pi uo ndu 'kpí hana.

¹⁰ Ani amene mo-o ngubula kalanga bhisi. Abhomu-o ndu okpála hana na ndu doto na Adjia, omaYuda di ne oGiliki, atsia adje eli gba Ngámá-o.

Engú inde akolo li ongisi na obhosibhosí gba Seva

¹¹ Ebhe adu amene ongamba 'ngú na ngbengbengbe pi okpála bhú Polo.

¹² Kaka-a, okitambala di ne obongo inde atunu lie li kute Polo-o, u adu ago ne di, a'o'o li kute okpála na kuo. Abhomu-o, okpála na kuo ango-o adu akobho, osisiti bua atsia adu di aze bhú uo.

¹³ OmaYuda koko, inde adu anu li obili koko hana ngubula napandja osisiti bua bhú okpála-a, ale di napandja osisiti bua ne 'li Ngámá Yesu. U adu apa pi osisiti bua ango-o me: «Ma aha lili pi yi ne 'li Yesu, inde li Polo ngakpokpo 'ngú gba e me, yi zeze.»

¹⁴ Ongisi na obhosibhosí mananika gba Seva, suka 'ngbé dimandø bini gba omaYuda-a adu amemene moko.

¹⁵ Engú bini, siti bua-a agie pi uo me: «Ma mbila Yesu hana. Ma mbila la di hana me Polo ne da-ie. Ngayi-e, yi la naayi ne oda?»

¹⁶ Abhomu-o, kpála inde li siti bua adu bhú e, ati pi uo ne gbele, angu gba ani ane

bhende gba uo-o mane. Ani amene uo sisiti naali. Kaka-a, u atsia aze bhú 'ti ango-o ndumbu di ne oeka li kute o.

¹⁷ Ndù okpála na gudhu na Efeso hana, omaYuda di ne oGiliki, adje engú ango-o. Ndù uo hana adje tsulu naali. Abhomu-o, u atsia adhege li Ngámá Yesu.

¹⁸ Bhti okpála inde abhuka adu ago ambamba ta osisiti 'ngú inde u amene e ko.

¹⁹ Bhelé bhú ká uo adu obhulü mambengü. U ago ne obhuku gba o-o, u atsia atsulu kala ndu okpála hana. U ako masemase-e lie, u atsia au me a akoto olí falanga kutu ndjikpa bhuluvue.

²⁰ Abhomu-o, ka angu gba Ngámá-a, eli-e adu ayangba, atsia adu akolo kpekpeke.

Tolo akoto bhú ká okpála na gudhu na Efeso

²¹ Pita ongú bhomu-o, Polo atsia abhundja me ni gulu ondu doto na Makedonia di ne Akai ngú nanu bhú gudhu na Yelusalema. Ani adu apa me: «I du me ma nde akolo oo, a ayo me ma akolo di bhú gudhu na Loma .»

²² Abhomu-o, ani atima okpála bhisi bhú ká okpála inde adu ateteke ani-e, Timoté di ne Elasite, bhú gudhu na Makedonia. Engú bini, ani atsia adu mbo matá nnae bhú ndu doto na Adjia ngubula nedhinga bedi.

²³ Bha li nedhinga bhomu-o, tolo na ngbéngbé atsia akoto bhú gudhu na Efeso

pindji kpadji gba Ngámá Yesu-o.

²⁴ Kpála bini adu oo, a adu li ani me Demetiliusi. Ani adu abho djedje kulu eti gba ebhe na oole Alatemi li teme inde u a'i e me aladja. Okpála na kulu ango-o adu asia tia téte naali.

²⁵ Abhomu-o, ani apo bhála uo bhá dabili bini ne okpála inde adu amene di ngua kulu ango-o. Ani atsia apa pi uo me: «Ondaise ma, yi mbila ndjindji me ní ngakobho ka kulu inde.

²⁶ Yi ngauu, yi la di ngadjedje, engú li Polo inde-e ngamene e-o. Ani ngapa me oebhe inde li okpála amene e ne 'kpa-a, a ko oebhe de. Ani agbele okpála nganda e bhelé. Ani mene mo-o, bha bini bhá gudhá na Efeso si de, engú bini, masikpe de bhá ndu doto na Adjia libhomu.

²⁷ Eli ango-o ti da nasiti bha bini kulu gba ní-e de, engú bini, a ti da nayaka di sa eti gba 'ngbé ebhe na oole Alitemi. Abhomu-o, li okpála 'ó nadhégé Alitemi, ebhe na oole inde li okpála na ndu doto na Adjia di ne píla doto libhomu ngadhégé e-o.»

²⁸ Li okpála inde adu oo adje engú bhomu-o lie, u abi 'gú naali. U atsia aholo asusula me: «Alitemi gba okpála na gudhá na Efeso-o ngbéngbé!»

²⁹ Abhomu-o, tolo aha gudhá libhomu. U aholo Gayusi, ngauo ne Alisitaluka, okpála bhisi na gudhá na

Makedonia inde adu adhuká bhá dabili bini ne Polo-o. U atsia anu ne uo bhá holo li bili li okpála apépékébhé bhála o lie ko.

³⁰ Kaka-a, Polo me ni ngakoto kala ndu okpála hana, engú bini, omukpata atsia ayoko ani.

³¹ Okpála koko di na ndu doto na Adjia inde adu akunda ani-e, atima eli pi ani me, ngaani makpe-e, ani anu li bili li okpála apekébhé bhála o lie de.

³² Li nedhinga ango-o, tolo adu naali. Abhomu-o, okpála dje lio de. Okoko adu asusula ne engú kpi, okoko atsia adu di asusula ne engú koko. Bhelé na uo du ambila ta 'ngú inde u apekébhé bhála o ngú e de.

³³ Okpála koko bhá ká bhati okpála bhomu-o, akpokpo pi Alekidjandele inde adu bhá ká uo-o, u atsia adyudyo ani ne akalanu. Abhomu-o, ani a'e 'kpa e bhála, ngubula nasuno me ni ngakunda nagama 'ngú kala okpála.

³⁴ Engú bini, li okpála ambila lie me a ko maYuda-a, ndu uo hana aholo asusula bhá dabili bini ngubula nedhinga masikpe de saa bhisí me: «Alitemi gba okpála na gudhá na Efeso-o ngbéngbé!»

³⁵ Ali soso-o, ndembí bini na gudhá ango-o ayoko uo, ani atsia apa me: «Ngayi okpála na gudhá na Efeso-o, ndu okpála hana mbila ndjindji me gudhá na Efeso

ngalila 'ti ebhe gba 'ngbé ebhe na eelé Alitemi, di ne kulu ani inde ayie nani abhúlá atsia ati kuto-o.

³⁶ Kpála bini ti da nayayala de. Kaka-a, a ayo me yi 'o bua yi kuto. Yi améne 'ngú bhú holo de.

³⁷ Yi ago ne okpála inde-e ei. Ngauo-o, u zi 'he bhú 'ti ebhe na eelé gba ní-e de. U tsia sobho la di ani de.

³⁸ I du me Demetelisi ne okpála na kulu gba e nde ne engú sonda o ne kpála bini-e, a ne oekpí di ne ongámási ngú nakodho 'ngú ango-o. A bhomu-o bili inde a ayo me u nu kpokpo 'ngú sonda o lie ko.

³⁹ I du me a nde matá ne engú koko inde a ayo me u gama 'ngú lie, ya apékebhe bhúla ya maka li lili apa lie, ya tsia kpókpo 'ngú téte.

⁴⁰ Atigala bedi me u pa li ní me, ní ngaha kpéke 'ndji pi okpála li 'ngú inde akodho 'kpí naki-o. Padhá de, anga tata li napékebhe bhúla ní me-e ade. Ní ti la di da nakpokpo 'ngú téte pi okpála ndjindji de.» [

^{41 *}]

20

Polo ayie bhú gudhu na Efeso

¹ Li tolo andjia lie, Polo a'i omukpata-o, ani atsia ato masi bhú uo. Pipita-a, ani

abhana lie pi uo, ani atsia atapa bhú ndu doto na Makedonia.

² Ani agulu ndu doto angoo, ani ato masi bhú omab-huka ne oeli bhelé. Pipita-a, ani atsia akolo bhú ndu doto gba oGiliki.

³ Oo, ani asi epe bata. Li nedhinga inde ani adu akunda lie na ha 'ngbé zabu ngú nanu bhú ndu doto na Silia, ani adje me omaYuda apo bhála o ngú namene ni sisiti. Abhomu-o, ani atsia au ndjindji me ni gie lini, amba ni pu ne abhú ndu doto na Makedonia.

⁴ Okpála inde adu nani adhuku ne ani bhú dabili bini-e, adu nani: Sopatlosi, ndili gba Pilusi, kpála na gudhu na Beloya; Alisitaluka ngauo ne Sekundusi, okpála na gudhu na Tesalonike; Gayusi, kpála na gudhu na Delebe, ne uo ne Timoté; Tisike ngauo ne Tolofime, okpála na ndu doto na Adjia.

⁵ Okpála bhomu-o agbida kalanu, u atsia adu adjeke ya bhú gudhu na Tuluasi.

⁶ Engú bini, ngaya-a, ya aha 'ngbé zabu bhú gudhu na Filipoi. Pita anokomia nazu mapá inde li levile nde bhú e ade-e, ya atsia anu abhaka uo bhú gudhu na Tuluasi, pita ekpí bhuluvue. Oo, ya asi poso bini.

Polo akpokpo 'ngú gba Ebhe-e bhú gudhu na Tuluasi

* **19:41 19:41** Lukuluku inde-e, a bhú obhuku koko na didili u aye e bhú eli na giliki ade. [Pita li ani andjia nakpo 'ngú bhomu-o lie, ani atsia aha kpadji pi okpála.]

⁷ Bhú 'kpí kulu madhia tagolo-o,* ya apo bhúla ya ngú nazú mapa-o. Polo adú agama 'ngú pi uo, anga aní adú akúnda nanú pita 'kpí ango-o. Aní atsia agama 'ngú ngengele akolo tutu sukpe.

⁸ Ya apo bhúla ya bhú tina 'ti bhende na abhúlá-o. Oo, oeke adú bhelé.

⁹ Makombi bini, a adú li aní me Etikusi, aní adú li malilisa. Li Polo adú la lie agama 'ngú ngengele-e, aní ati ne ela má kolio! Abhomú-o, aní atsokodho abhúlá bhú tina 'ti na bata-a, aní atsia ati kuto má kpu! U a'e bha ibili aní me aní nde akpi.

¹⁰ Polo aké, aní angumba pi aní, aní aha aní, abi aní sa 'kpa e. Aní atsia apa me: «Yi adjé tsúlú de. Aní kpi de.»

¹¹ Pipita-a, Polo agie matá lie abhúlá, aní aha mapa-o, aní agumú, aní atsia azú. Abhomú-o, aní agama matá 'ngú ngengele akolo bhú sikípí. Pipita-a, aní atsia atapa.

¹² La-a, pi makombi bhomú-o, u anú ne aní me aní nde uu. Engú bhomú-o ateteke okpála naali.

Polo anú bhú gúdhú na Mileté

¹³ Ya ayie kalanú, ya aha 'ngbé zabú ngú nanú bhú gúdhú na Asosa. A bhomú-o bili inde a ayo lie me ya ha Polo bhú 'ngbé zabú-o.

Padhá de, anga aní apa pi ya mo-o ngae me, ni anú naani ne 'dhu ni.

¹⁴ Aní ago abhaka ya lie bhú gúdhú na Asosa-a, ya aha aní bhú 'ngbé zabú, ya atsia atapa bhú gúdhú na Mitilene.

¹⁵ Li ekpí aseke lie, ya ayie oo, ya akolo bhúla kpémé na Kio. Ekpí na bhisi-e, ya akolo bhú kpémé na Samosi. Ekpí na bata-a, ya atsia akolo bhú gúdhú na Mileté.

¹⁶ Polo abhundja me ni lá bhú gúdhú na Efeso de. Padhá de, anga aní du akúnda de me ni bhue bhú ndu doto na Adjia ngengele-e de. Aní adú agbene lie ngúbulu me, i du me nedhinga nde u-o, ni de du bhú gúdhú na Yelusalema bhú anokomia na Patekote .

Polo abhana lie pi obhelesi okpála na gúdhú na Efeso

¹⁷ Li Polo adú lie bhú gúdhú na Mileté-e, aní atima okpála bhú gúdhú na Efeso me u nu 'i obhelesi okpála na Dadjuwa gba Ebhe-o.

¹⁸ U akolo lie de aní-e, aní atsia apa pi uo me: «Yi mbila maka ma adú nadú lie bhú ká yi, nayie li 'kpí ma akolo lie bhú ndu doto na Adjia hana.

¹⁹ Ma amene kulu gba Ngámá me ma nde aké lima ne kuto. Ma adúaku 'gbá, ma atsia adú di adje likabhu ka li omaYuda adú adje lio lie ngú namene ma sisiti-o.

* **20:7 20:7 'Kpí kulu madhia tagolo:** U aye bhú obhuku koko me «Ekpí na kalanú.» Pi omaYuda-a, ekpí na kalanú-o, a ko 'kpí kulu madhia. La pi ní-e, ekpí na kalanú-o, a ko 'kpí yinga.

²⁰ Yi mbila hana me ma wo 'he bini inde i ti da nadu pi yi ndjindji-e belegu de bini. Ma akpokpo Bádha Ngali gba Yesu-o. Ma atsia asuno la di pi yi mbámbá bhú ká okpála, ne bhú oeti gba yi-o.

²¹ Ma apa pi omaYuda di ne oGiliki me u dji lio pi Ebhe, amba u bhuka Yesu Ngámá gba ní ko.

²² Mbía inde-e, ma adji bhú gudhu na Yelusalema maka li Bu Bhopua aha líli muma lie ngú namemene ko. Ma mbila de me abháka ma oo ne mangua 'ngú dhoie de.

²³ Ma ambila bha bini me Bu Bhopua ngapa muma me bhú gudhu bini ne bini-e, tikpu di ne likabhu ngadjeke ma.

²⁴ La-a, mukobho gba ma makpe-e, bhú djila ma ngebéngbé ade. Padhá de, anga ma akunda namene kulu inde li Ngámá Yesu aha e muma-a, akólo bha bini ali soso: nakpokpo Bádha Ngali na bádha bhú 'bu gba Ebhe ko.

²⁵ Ma apu bhú okuti gba yi, ma akpokpo 'ngú pindji Naú gba Ebhe . Engú bini mbia inde-e, ma ambila me yi ú matá ma de.

²⁶ Kaka-a, ma apa pi yi naki me: i du me kpála bini bhú ká yi nde angita-a, a ko matá naama 'ngú de.

²⁷ Padhá de, anga ma akpokpo ndu 'ngú gba Ebhe-e pi yi hana. Ma wo engú belegu de bini.

²⁸ Yi lila liyi ngayi makpe, di ne ndu piga hana inde li Bu Bhopua a'o e sa 'kpa yi me yi lila e ko. Yi lila Piga gba Ebhe inde ani akala e ne ngute Ndilí gba e makpe ko.

²⁹ Padhá de, anga ma ambila ndjindji me pita ma-a, okpála inde maka onute-e alí bhú ká yi. U tsia bhélo piga gba Ebhe-o.

³⁰ Abana bha bhú ká yi makpe-e, okpála koko azé, u adu apa eu, u tsia gbéle omabhuka bhélo nganda o.

³¹ 'E-e! Yi lila liyi, amba yi bhundja la di me, bhú sunda kalanga bata, sukpe ne ngbikpi, ma ndala li nasuno pi kpála bini ne bini de. Ma adu asuno belegu ne ngula bhú djila ma.

³² Mbía inde-e, ma nga'o yi sa 'kpa Ebhe, di ne eli na bádha bhú 'bu gba ani-o. A ko ani inde ngateteke yi ngubula me yi lu kpekpeke-o. Ani di ne angu ngú naha pi yi obabadha 'ngú inde ani awo e pi ndu obubu okpála gba e hana-o.

³³ Ma du ne gumu tia de. Ma du ne gumu olo de. Ma du di ne gumu bongo gba kpála bini de.

³⁴ Ngayi makpe, yi ambila ndjindji me ma amene kulu ne 'kpa ma ngubula me ngaya ne obi ma-a, ya sia 'he inde ya adu ne gumu e ko.

³⁵ Ma apana pi yi bhú ndu 'ngú hana me a ayo namene kulu ngubula nateteke okpála bhende bhú ndibhilo. Yi bhundja di eli inde

lì Ngámá Yesu apa e ngae makpe me: «Djali naali pi kpála inde ngaha 'he ane kpála inde ngasia 'he ko!»

³⁶ Pita ani apa 'ngú bhomu-o lie, ani atutu lipukü e kuto, ani atsia ayo Ebhe bhú dabili bini ne uo.

³⁷ Ndú uo hana aholo naku 'gbá. U aga ngálü ani. U atsia apa pi ani me, ani ná ndjindji.

³⁸ U adú ne likabhu naali, anga Polo apa pi uo me u ú matá ni de. Abhomu-o, u atsia anú a'o ani ade 'ngbé zabu-o.

21

Polo atapa bhú gudhú na Yelusalema

¹ Pita ya agbo bhúsú ya ne uo lie, ya aha 'ngbé zabu, ya anú bhú kpémé na Kosi. Li ekpí aseke lie, ya akolo bhú kpémé na Lodosi. Ya ayie lie oo, ya atsia anú akolo bhú gudhú na Patala.

² Oo, ya abhaka me 'ngbé zabu bini nde adji bhú ndu doto na Fenisia. Abhomu-o, ya a'u bhúbhú, ya atsia atapa.

³ Ya akolo lie língó kpémé na Sipele-e, ya nde ibili ngauu hana-a, ya a'o káká ne li pápá na galí ngú nanú li pápá na ndu doto na Silia. Ya akolo bhú gudhú na Tile, li bili inde a ayo lie me u pandja 'he bhú 'ngbé zabu-o.

⁴ Ya abhaka la omabhuka lie oo, ya amene ne uo poso bini. Abhomu-o, Bu Bhopua atsia apa pi uo me, u pa pi

Polo me ani anú bhú gudhú na Yelusalema de.

⁵ Engú bini, li ekpí gba ya ale lie, ya atsia agbida. Ndu uo hana, ne olisi di ne ongisi gba o-o, anú na'o ya. Ya akoto bhú gudhú-o. Ya akolo língó 'ngbé 'ngu, ya atutu lipukü ya kuto, ya atsia ayo Ebhe.

⁶ Kala me ya agbo bhúsú ya ne uo-o, ya aholo 'kpa uo. Ya anú a'u bhú 'ngbé zabu-o. Abhomu-o, u atsia agie lio agba o.

⁷ Ya ayie bhú gudhú na Tile, ya akodho 'ngbé 'ngu-o, ya atsia akolo bhú gudhú na Potolemaisi. Ya akolo lie oo, ya aholo 'kpa ondaise ya, ya atsia adú ne uo ekpí bini.

⁸ Li ekpí aseke lie, ya aholo ne enú, ya atsia akolo bhú gudhú na Sedjale. Oo, ya ali bhú 'ti gba Filipo, musuno na Bádha Ngali gba Ebhe, súka okpála mananika nani inde u abhú o bhú gudhú na Yelusalema ko. Ya atsia adú agba ani.

⁹ A adú nani ka ani ne ongisi na olisilisi badha inde i mbila nga nani engú na obhosí de. U adú nani akpokpo 'li Ebhe pi okpála.

¹⁰ Ya adú oo ngubula ekpí bhelé. Li nedhingga angoo, polofeta Agabusí ayie bhú ndu doto na Yudaya atsia ago oo.

¹¹ Aní ago abhaka ya. Aní abhulu ekpú na ludu Polo. Aní agbigbite 'kpa e di ne 'dhú e ne di. Do aní de me: «Bu Bhopua apa me: «Bhulu ekpú inde-e,

bhú gúdhú na Yelusalema-a, omaYuda agbigbite bhadi ani moko, u tsia pú ani pi ogandji okpála .»

¹² Ya adje engú bhomú-o lie, ngaya, di ne omabhuka na gúdhú na Sedjale-e, ya akikiliki liya pi Polo me ani aná bhú gúdhú na Yelusalema de.

¹³ Engú bini, Polo atsia agie me: «Yi ngamene bhomú-o ni? Yi ngaku 'gbá, di ne nangbingi bua ma lie mo-o! Ma bha bini bedhe ade ngúbula me u mbimbí ma ne ekpu, engú bini, ma bedhe ngúbula me ma kpi bhú gúdhú na Yelusalema ngúbula 'lí Ngámá Yesu.»

¹⁴ Ya ale la nadji mab-hundja gba ani-e lie pima-a, ya tsia zì kekele téte de. Ya apa bha ibili me: «A ayo me Ngámá mene maka ani akunda lie ko!»

¹⁵ Pita ekpí ya amene e lí bili bhomú-o, ya aleke liya. Abhomú-o, ya atsia agbida bhú gúdhú na Yelusalema.

¹⁶ Omúkpata koko na gúdhú na Sedjale anú bhú dabili bini ne ya. U anú a'o ya gba kpála bini inde a ayo me ya adú gba e-o. A adú 'lí ani me Menaso, kpála na kpeme na Sipele, súka omúkpata na kalanú ko.

Polo anú natsia obhelesi okpála bhú gúdhú na Yelusalema

¹⁷ Ya akolo lie bhú gúdhú na Yelusalema-a, omabhuka asia ya ne djali.

¹⁸ Li ekpí aseke lie, Polo anú bhú dabili bini ne ya agba Djaki. Oo, ndú obhelesi okpála hana na Dadjua gba Ebhe-e, atsia apékébhé bhúla o.

¹⁹ Polo aholo 'kpa uo. Abhomú-o, ani atsia akpokpo ndú 'ngú hana bini ne bini maka li Ebhe adú amemene lie bhú kulu gba ani bhú ká ogandji okpála ko.

²⁰ Li u adje lie-e, u atsia adhegè Ebhe. Pipita-a, u atsia apa pi ani me: «Ndai ya, mu ngauu! A ko omaYuda kete ne kete inde abhuka Ebhe, ndú uo hana agbite lio li lili.

²¹ La-a, u adje li 'ngú gba mu-o me, mu ngasuno pi ndú omaYuda hana inde ngadulú bhú ká ogandji okpála me, a ayo me u 'o nakpata lili gba Moidje-o. U adje di me mo opa di pi uo me, u 'o nato ongisi gba o-o bhú gandja, amba u 'o di nakpata dasundú gba omaYuda-o.

²² A ayo me ya mene pi? A na paká me, u adjé madje me mo okolo si.

²³ Mene bhende ya apá e pi mu ko. A ka ya si ne obhosí badha inde asili ndjinga me, o aha lio pi Ebhe.

²⁴ Ha uo, yi nu ne uo, yi valú liyi ngúbula me yi kolo bubu kala Ebhe, amba mu ha tia ngúbula me u ka 'ndji uo. Abhomú-o, li ndú okpála hana tsia mbila me engú inde u apa e lí mu-o, a ko kakalú 'ngú de. Engú bini ngamu di-e, mu ngakpata lili

gba Moidje ko.

²⁵ La pi ogandji okpála inde abhuka-a, ya aye pi uo lili gba ya-o: u 'o nazu so 'nu inde u abhele e pi oebhe na eu-o ma'o. U 'o nazu ngute di ne so 'nu inde akpi ne ngute bhá e hana, amba u 'o nakunda olisi di ne obhosí ngangá ma'o.»

²⁶ Abhomu-o, li ekpí aseke lie, Polo abha obhosí ango-o, ani anu avulu lie ne uo bhá dabili bini ngubula me o kolo bubu kala Ebhe. Pipita, ani ali bhá 'ngbé 'ti Ebhe gba omaYuda, ani atsia a'o ekpí inde li mavulu ango-o andjia lie, u tsia bhélo enu pi Ebhe ngubula ndu uo hana bini ne bini.

U aholo Polo bhá 'ngbé 'ti Ebhe gba omaYuda

²⁷ A akolo lie masikpe de me oekpí mananika-a ndjia, omaYuda koko na ndu doto na Adjia au Polo bhá 'ngbé 'ti Ebhe gba omaYuda. Abhomu-o, u ato siti 'ngú bhá 'ndji ndu okpála hana. U atsia aholo ani.

²⁸ U adu asusula me: «Ngayi omañsalaele-e, yi go teteke ya! Yi tsia nga kpála inde ngasuno ne ndu bili hana pi ndu okpála hana me, u yala omañsalaele, u yala lili gba Moidje, di ne 'ngbé 'ti Ebhe gba omaYuda-o. Ani amba belegu oGiliki bhá 'ngbé 'ti Ebhe. Abhomu-o, ani atsia asiti di bili na bubu ango-o.»

²⁹ (U adu apa mo-o, anga kalanu-o, u au Tolofime, kpála na gudhu na Efeso,

bhá dabili bini ne Polo abhá gudhu. Kaka-a, u adu abhundja me Polo ato ani bhá 'ngbé 'ti Ebhe gba omaYuda.)

³⁰ U aholo amene tolo bhá gudhu libhomu. Abhomu-o, okpála ayie ne ndu bili hana, u ago apékébhe bhála o. U aholo Polo, u agbele ani akilidjo, u atsia anini kolo obhoti na 'ngbé 'ti Ebhe gba omaYuda-o.

³¹ Li u adu agili nabhéle Polo lie, ngali ango-o atsia akolo li 'ngbé ngámá gba osudha na gudhu na Loma me okpála bhá gudhu na Yelusalema libhomu ngazi tolo.

³² Kolo má gala me-e, ani abha ongámási gba osudha di ne osudha, ani anu ne uo li bili li okpála adu azi tolo lie-o. U au 'ngbé ngámá di ne osudha-a lie, u atsia a'o nabhi Polo.

³³ Abhomu-o, 'ngbé ngámá-a adyudylo lie de Polo. Ani me u holo ani, ani atsia aha lili me u gbibite ani ne gbindjili bhisi. Pipita, ani ayi me: «A ko naae da, ani amene la di ni?»

³⁴ Bhá ká bhti okpála bhomu-o, okpála adu asusula ne engú ngangá, u dje lio de. Li tolo adu lie naali-e, 'ngbé ngámá-a tsia dje ta 'ngú ango-o de. Abhomu-o, ani atsia aha lili me u nu ne Polo bhá 'ti inde li osudha nalila gudhu adu lie ko.

³⁵ Ani akolo lie li ngba 'ti-e, osudha atsia abi ani ka

li bhti okpála bhomu-o adu amene ani lie sisiti-o.

³⁶ Padhá de, anga ndu uo hana adu akpata ani. U atsia adu atu 'ue me u bhéle ani.

Polo akpokpo 'ngú gba e-o

³⁷ Nedhinga u adu akunda nato Polo lie abhú 'ti-e, Polo apa pi 'ngbé ngámá-a me: «Mu ti da naziba uu me ma pa mbo engú pi mu?» 'Ngbé ngámá-a atsia ayi ani me: «Mu mbila eli gba oGiliki-e hana?

³⁸ A ko ndi mu di maEd-jipeto inde ato kpéke 'ndjí bhú okpála sunda 'kpí inde-e? Ani atsia anu di ne okpála kete badha bhú 'gu-o?»

³⁹ Abhomu-o, Polo agie me: «Ngama-a, ma ne maYuda. U azu ma bhú gudhu na Talasi bhú ndu doto na Silisia. Ma ne kpála na gudhu na padhá padhá ade. Kikiliako, ha kpadji muma, ma gama 'ngú pi okpála.»

⁴⁰ 'Ngbé ngámá-a atsia aziba pi ani. Abhomu-o, Polo alu li ngba 'ti-o, ani amene 'kpa e me ni akunda nagama 'ngú pi okpála. Ndu okpála hana andjili má bulu! Abhomu-o, Polo aholo nagama 'ngú pi uo bhú eli gba omaYuda me:

22

¹ «Odyi ma, di ne ondaise ma, yi dje engú inde ma adji apa e pi yi mbila inde-e ndjindji, amba yi mbila me ma mene 'ngú bhomu-o de.»

² Li u adje lie me ani ngagama 'ngú pi o bhú eli gba omaYuda-a, u atsia andjili la matá má bulu! Polo atsia apa me:

³ «Ngama-a, ma ne maYuda. U azu ma bhú gudhu na Talasi, bhú ndu doto na Silisia. Ma abhele bhú gudhu na Yelusalema inde. Musuno gba ma Gamaliele asuno nambila lili gba onguo ogbi ni-e muma ndjindji. Ma aha naní lima pi Ebhe ne bua ma bini maka ndu yi hana yi ngamemene lie naki ko.

⁴ Ma adu ato mbolo li okpála inde adu akpata kpadji gba Ngámá-o, ma atsia adu agili nabhilli uo. Ma azumu obhosí di ne olisi, ma atsia amba uo bhú tikpu.

⁵ Bhele kpála gba odi-mandé gba Ebhe di ne obhelesi okpála mbila ndjindji me ma ngapa e kükülu 'ngú. U aha belegu obalua muma ngubula me ma nu ne di pi ondaise ni inde bhú gudhu na Damasi. Ma anu oo me ma holo omabhuka inde oo, ma gbigbite uo ne gbindjili, amba ma mba uo bhú gudhu na Yelusalema ngubula me u mene uo sisiti.»

Polo akpokpo maka ani adji bua e lie ko

(*Tsia bhú Kul. 9:1-19, 26:12-18.*)

⁶ «Abhomu-o, ma adu lie li kpadji-e, masikpe de nakolo bhú gudhu na Damasi de tulukpe-e, kolo me-e, zi 'kpí na kpekpeke ayie abhúlá, a ago asa ma ngbalina.

⁷ Ma agü 'i ma kuto má gbwüe! Ma atsia adje eli bini inde apa mümä me: <Saulo, Saulo, mü ngato mbolo li ma ngü ni?>

⁸ Abhomü-o, ma atsia agie me: <A ko mü da, Ngámá?> Ani atsia agie mümä me: <A ko ma Yesu, kpála na kütí na Nadjaleta, inde mü ngato mbolo lie ko.>

⁹ Okpála inde adü bhü dabili bini ne ma-a, au zi 'kpí ango-o. Engü bini, u dje 'li kpála inde adü agama 'ngü mümä-a de.

¹⁰ Abhomü-o, ma atsia ayi matá me: <Ngámá, a ayo la me ma mene pi?> Ngámá agie mümä me: <Yie bhülä, nü bhü güdhu na Damasi. Oo, u apá pi mü ndü 'ngü hana inde li Ebhe akündä me mü mene e ko.>

¹¹ La-a, ma dü au 'kpí ka kpéke zi 'kpí bhomü-o lie de-e, okpála inde adü bhü dabili bini ne ma-a, aholo 'kpa ma, u atsia anü ne ma bhü güdhu na Damasi.

¹² Kpála bini adü nani oo, a adü 'li ani me Ananía. Ani adü akpe Ebhe, ani atsia adü di akpata lüli gba ní-e ndjindji. Ndü omaYuda hana na güdhu na Damasi adü apa 'ngü gba ani-e ndjindji.

¹³ Ani ago natsia ma. Ani akolo lie de ma-a, ani atsia apa mümä me: <Ndai ma Saulo, u matá 'kpí uu!> Bha li nedhinga bhomü-o, djila ma abhulu, ma atsia au ani.

¹⁴ Abhomü-o, ani atsia apa mümä me: <Ebhe gba onguo

ogbi ní abhü nani mü didili ngübula me mü mbila engü inde ani akündä e-o. Ani abhü mü ngübula me mü mbila Kpála inde ngbingibili-o, amba mü dje di 'li ani makpe.

¹⁵ Padhá de, anga pi anie, mo odü akpokpo ongü gba ani bhende mo ou e, di ne bhende mo odje e pi ndü okpála hana.

¹⁶ Mbia inde-e, mü matá ngadjike ni? Yie bhülä, sia batismo, mü yo Ebhe, amba ani 'e siti 'ngü gba mü ko.>

Polo akpokpo maka li Ebhe atima ani lie agba ogandji okpála-o

¹⁷ Abhomü-o, ma agie lima bhü güdhu na Yelusalema. Ekpí bini, ma adü ayo Ebhe bhü 'ngbé 'ti Ebhe gba omaYuda, ma atsia au engü maka loto.

¹⁸ Ma au Ngámá, ani atsia apa mümä me: <Yaka! Koto bhü güdhu na Yelusalema má gala, anga okpála na güdhu inde-e, u ziba engü gba ma inde mo opá e pi uo-o de.>

¹⁹ Abhomü-o, ma atsia apa me: <Ngámá, u mbila hana me ma adü nako nanü bhü otü nadje lüli gba Moidje , ma adü aholo okpála inde abhuka mü-o. Ma adü amba uo bhü tikipü, ma atsia adü di abhi uo ne fimbo.

²⁰ Nedhinga u adü abhèle Etieni, kpála nakpokpo Bápua Ngali gba mü-o lie, ma adü di oo. Ma aziba

okpála inde adu abhèle ani-o. Ma atsia adu alila obongo gba uo-o.»

²¹ Abhomu-o, Ngámá atsia apa muma me: «Nunu, anga ma atíma mu tsutsu agba ogandji okpála .»

Polo apa me, ni ne kpála na gudhu na Loma

²² Bhti okpála bhomu-o adu nga bha nadje ani akolo li engú inde ani apa e bhomu-o. Abhomu-o, u atsia aholo asusula me: «Yi bhèle kpála bhomu-o mabhéle! Ani ti da nadu pila doto de!»

²³ U adu asusula kpekpeke. U adu ape obongo gba o, u atsia adu abala ndju doto ne abhúlá.

²⁴ Abhomu-o, 'ngbé ngámá gba osudha aha lili me u to Polo abhú 'ti gba osudha. Ani atsia apa me u bhi ani ne fimbo, amba ani pa ta 'ngú inde li okpála ngasusula lie me u mene ani sisiti-o.

²⁵ Li u agbigbite ani lie ne ekpú ngubula nabhi ani ne fimbo-o, abhomu-o, ani atsia apa pi ngámá gba osudha inde adu oo me: «A ayo bha ndju uu me, yi bhi ndili na kuti na Loma ne fimbo me, u nde kodho nga 'ngú gba anie di?»

²⁶ Li ngámá bhomu-o adje engú li Polo ayi e lie, ani atsia anu abhaka 'ngbé ngámá gba osudha-o. Ani atsia ayi ani me: «Mo oméne pi, anga kpála bhomu-o, a ko ndili na kuti na Loma!»

²⁷ 'Ngbé ngámá-a ago abhaka Polo, ani atsia ayi ani

me: «Pa nga muma, mu ne ndili na kuti na Loma na paká?» Polo atsia agie pi ani me: «Heni, a na paká.»

²⁸ Abhomu-o, 'ngbé ngámá-a atsia apa me: «Ma aha nani tia bhélé ngubula me ma kolo kpála na kuti na Loma.» Polo atsia apa naae me: «Ngama-a, u azu ma kpála na kuti na Loma.»

²⁹ Kolo má gala me-e, okpála inde i di me bhi ani ngubula me ani gama 'ngú-o, u atsia atsambala de ani. Abhomu-o, 'ngbé ngámá gba osudha-a aholo adje tsuł, li ani ambila lie me ni aha lili ngani me u gbigbite ndili na kuti na Loma-o.

Polo kala Libi okpála natsia 'kpí li 'ngú gba omaYuda

³⁰ Abhomu-o, 'ngbé ngámá gba osudha-a adu akunda me, ni mbila kükülu ta 'ngú inde li omaYuda asungula Polo lie pi ongámási-o. Kaka-a, li ekpí aseke lie, ani aha lili me u bhubhulu Polo, di me ongbengbe odimande gba Ebhe, di ne Libi okpála natsia 'kpí li 'ngú gba omaYuda pækébhe bhúla o. Pipita-a, ani ago ne Polo, ani atsia a'o ani kala uo.

23

¹ Abhomu-o, Polo atsia Libi okpála natsia 'kpí li 'ngú gba omaYuda ne kpéke djila. Do ani de-e: «Ondaise ma, nakolo pi mbia inde-e, ma adhukú kala Ebhe ndjindji.»

² Engú bini, bhele kpála gba odimande Anania aha

lílì pi okpála inde adu de ani-e me u sú 'bhé ani.

³ Abhomu-o, Polo atsia apa pi ani me: «Ebhe asú mu ngae, ngamu kpála inde maka pabu 'ti inde u ato embú lie! Mo odu oo ngú nakodho 'ngú gba maka li lílì apa lie. Engú bini, mo ogamú lílì anga mo opa me u sú mal!»

⁴ Abhomu-o, okpála inde adu de Polo atsia apa pi Polo me: «Mu ngasobho bhele kpála gba odimande gba Ebhe!»

⁵ Polo agie me: «Ondaise ma, ma mbila iginí de me a ko bhele kpála gba odimande gba Ebhe-e de. Padhá de, anga Bhuku gba Ebhe-e apa me: «Mo osóbho ngámá gba okpála na doto gba mu-o de.†»»

⁶ Li Polo ambila la nani lie me bhú ká okpála inde apo bhúla o bhomu-o, okoko adu oSadukai, okoko adu omuFalisai-e, ani atsia asúla bhú ká uo me: «Ondaise ma, ma ne muFalisai, ndili gba omuFalisai. I du me u nde nga'o 'ngú pi ma me-e, a ko anga ní ne 'to ní me okpála inde amu-o, azúku mazuku.»

⁷ Li ani apa 'ngú bhomu-o lie, omuFalisai ne oSadukai aholo natsi súnda o. Abhomu-o, okpála atsia agbo bhúsú o bhisi.

⁸ (Padhá de, anga oSadukai zíba nani naao de me okpála azúku mazuku-o de. U atsia apa di nani matá me andjelu ade, bua di ade. Engú

bini, omuFalisai atsia aziba nani naao ndu 'ngú bhomu-o hana.)

⁹ Abhomu-o, tolo atsia akolo naali. Omusuno na lílì koko inde adu bhú ká omuFalisai-e ayie bhúlá, u atsia apa ne angu hana me: «Ya u siti 'ngú bhú kpála inde-e belegu de bini. A mana mugito me andjelu bini, i du di-e bua, agama 'ngú pi ani ngae!»

¹⁰ Li okpála adu alo 'bhé lie súnda o naali-e, 'ngbé ngámá gba osúdha-a aholo adje tsúlú me u adji adolo Polo. Kaka-a, ani aha lílì pi osúdha-a me, u ke, u ná ha Polo bhú ká uo, amba u gie ani abhú 'ti gba osúdha inde ngalila gúdhú-o.

¹¹ Sukpe-e, Ngámá akoto li Polo, ani atsia apa pi ani me: «Atou! Padhá de, anga maka mo okpokpo 'ngú gba ma lie bhú gúdhú na Yelusalema-a, a ayo bhadji me mu ná kpokpo bhú gúdhú na Loma moko.»

OmaYuda adje lio ngú nabhéle Polo

¹² Li ekpi aseke lie, omaYuda adje lio pindji Polo, u atsia atu silika me o zú bha bini 'he, li o ndjí la bhadji 'he bhe nandji mandji-e me, o nde abhéle bha bini ani kalanú.

¹³ Okpála inde nani adje lio bhomu-o ane nani ndjikpa badha mane.

¹⁴ U anu abhaka ongbengbe odimande di ne obhelesi okpála, u atsia apa pi

† 23:5 23:5 Tsia bhú Eki. 22:27.

uo me: «Ya atu silika me ya azú bha 'he me ya nde abhèle Polo kalanu.

¹⁵ Mbia inde-e, a ayo me ngayi ne Libi okpála natsia 'kpí li 'ngú gba omaYuda-a, yi yo ka 'ngbé ngámá gba osúdha-a me, ani go ne Polo kala yi si. Yi mene mugito me yi akunda atsia 'kpí li engú gba ani-e ndjindji. La pi ya-a, ya bedhe ngú nabhéle ani me ani nde kolo nga de.»

¹⁶ Engú bini, ndili na bhob-hoko gba ndai Polo na eel-e-o adje engú ango-o. Ani anu, ani ali bhú 'ti gba osúdha inde ngalila gúdhú-o. Ani atsia apa pi Polo.

¹⁷ Abhomu-o, Polo a'i súka ongámási gba osúdha-o. Do ani pi ani me: «Nu ne makombi inde-e pi 'ngbé ngámá gba osúdha-o. Padhá de, anga ani ne engú napapa pi ani.»

¹⁸ Ngámá gba osúdha-a aha ani, ani anu ne ani pi 'ngbé ngámá gba osúdha-o. Ani atsia apa me: «Bhúlú 'kpú Polo a'i ma, ani atsia ayo ka ma me, ma go ne makombi inde-e pi mu. Padhá de, anga ani ne engú napapa pi mu.»

¹⁹ Abhomu-o, 'ngbé ngámá gba osúdha-a aha 'kpa makombi-o. Ani anu ne ani ne li ngongo, ani atsia ayi ani me: «Mo okunda napa múma mangua 'ngú dho?»

²⁰ Ani atsia apa me: «OmaYuda adje lio me, o yo ka mu me ha Polo, amba mu go mambi ne ani kala Libi

okpála natsia 'kpí li 'ngú gba omaYuda-o. U améne mugito me u ngakunda atsia 'kpí li 'ngú gba ani-e ndjindji.

²¹ Engú bini, mo obhúka uo de. Padhá de, anga okpála nane ndjikpa badha bhú ká uo, adje lio ngú namene ani sisiti. U atu silika me o zú bha bini 'he, li o ndjí la bhadi 'he bhe nandji mandji-e me, o nde abhèle bha bini Polo kalanu. Mbia inde-e, uo bedhe. U ngadjeke bha maka mo opá lie ko.»

²² 'Ngbé ngámá gba osúdha-a apa pi makombi ango-o me: «Mo opá pi kpála bini de me, ni apa engú inde-e múma apa-a de.» Pipita-a, 'ngbé ngámá gba osúdha-a atsia agie ani sidi.

U atima Polo bhú gúdhú na Sedjale

²³ Pipita-a, 'ngbé ngámá gba osúdha-a a'i ongámási na súdha gba e-e bhisi. Ani atsia apa pi uo me: «Yi po bhúla osúdha kámá bhisi, di ne obhende ndjikpa mananika inde adhúdhukú pi 'ngbú opunda, amba yi po la di bhúla obhende na mandambi-e kámá bhisi. Ndú yi hana yi du bedhe ngú nanu bhú gúdhú na Sedjale tagolo bhú saa na oduk-pabini.

²⁴ Yi leke di punda ngú nabi Polo. Yi mene me ani kolo li bíli li ngámá Felikisi nde lie ndjindji me ehe bini nde mene ani de.»

²⁵ Abhomu-o, ani atsia aye balua me:

²⁶ «Kolode Lisisi apa me, ni yi Felikisi, ngamá na asasaua, mayi.

²⁷ OmaYuda aholo nako kpala inde ma atima e pi mu inde-e ngao. U adu akunda nabhele ani. La-a, ma adjie lie me a ko ndili na kuti na Loma-a, ngama ne osudha gba ma-a, ya atsia agbulu ani ka uo.

²⁸ Maka ma adu akunda nambila ta 'ngu inde u aholo ani ngu e lie, ma atsia anu ne ani kala Libi okpala natsia 'kpí li 'ngu gba uo-o.

²⁹ Ma au me, u aholo ani pindji ongú inde atsia lili gba uo-o. La-a, ma u ani ne engú bini inde u ti da nabhele ani, di ne bhende u ti da naholo ani ka e de.

³⁰ Li u apa muma lie me u adu agili nabhele ani-e, ma atsia atima ani pi mu kolo ma gala! Ma atsia apa di pi okpala inde a'o 'ngu pi ani-e me, u nu kpokpo 'ngu gba ani-e pi mu..»

³¹ Abhomu-o, osudha-a atsia amene maka li 'ngbé ngamá gba uo apa pi uo lie ko. U aha Polo, u atsia anu bha ne ani sukpe bhomu bhú gudhu na Atipatilisi.

³² Li ekpi aseke lie, osudha bhende adhuku ne 'dhú o agie lio li bili li osudha nalila gudhu-o adudu lie ko. U atsia a'o obhende adu adhuku pi 'ngbu opunda-a me, u nu ne Polo.

³³ U akolo lie bhú gudhu na Sedjale-e, osudha-a aha balua pi ngamá na ndu doto ango-o. U atsia a'o di Polo sa 'kpa ani.

³⁴ Abhomu-o, ngamá-a atanga balua-o. Ani atsia ayi me Polo ne kpala na ndu doto bhedho. Ani adje la lie me a ko kpala na ndu doto na Silisia-a,

³⁵ ani atsia apa pi ani me: «Ma adjé engú gba mu-o me okpala inde yi nde ne o bhú 'ngu-o nde akolo.» Abhomu-o, ani atsia aha lili me u lila Polo bhú eti gba 'ngbé ngamá Elode. *

24

OmaYuda agbe Polo kala ngamá Felikisi

¹ Pita ekpi bhuluvue, bhele kpala gba odimande Anania akolo bhú gudhu na Sedjale, bhú dabili bini ne obhelesi okpala koko di ne avuka bini inde adu li e me Teletulusi. U atsia ato siti 'ngu ne li Polo pi Felikisi, ngamá na ndu doto ango-o.

² U a'i Polo. Abhomu-o, Teletulusi atsia aholo akpokpo li ani me: «Ngamá na asasaua, Felikisi, mo oto guo 'ngu bhú ndu doto inde-e ngamu. Mu di aleke ongú bhelé bhú doto gba ya ne imbilangu gba mu-o.

³ Ndú 'kpí hana di ne ndú bili hana, ngamá na asasaua,

* **23:35 23:35 Eti gba 'ngbé ngamá Elode:** A adu nani bhú Sedjale. Elode Ngbéngbé ayiki nani ngae. Ongámási na Loma atsia adjí nani dabili nadu ka o téte.

Felikisi, ya ngagie hení ngú ndú 'ngú bhomú-o hana.

⁴ Engú bini, ma kúnda nabhélé nedhinga gba mú-o de. Kaka-a, ma ayo ka mú me dje nga mbo ya bedí ne bádha bua.

⁵ Ya au me kpála inde-e, a ko kpála na mágwe. Aní ngato kpéke 'ndjí bhú 'ndjí ndú omaYuda hana píla doto libhomu. A ko la di ngámá na Dadjua bini na Ebhe gba okpála na kúti na Nadjaleta.

⁶ Aní ale belegú nasiti 'ngbé 'tì Ebhe gba omaYuda-o. Abhomú-o, ya atsia aholo aní. [Ya akúnda nako me kodho 'ngú gba aní-e maka lì lílì gba ya apa lie-o.

⁷ Engú bini, Lisiasi, 'ngbé ngámá gba osúdha-a, atsia ayoko. Aní atsia agbúlù aní ka ya.

⁸ Pipita-a, aní atsia aha lílì pi ya me ya go ne aní kala mú.] I du me mú nde ayi aní ngamú makpe-e, mú tsia mbíla me ndú 'ngú hana inde ya apa e lì aní-e, a ko kúkúlù 'ngú.»

⁹ OmaYuda atsia aziba di ongú ango-o. Do uo me: «A ko kúkúlù 'ngú.»

Polo akpokpo 'ngú gba e kala ngámá Felikisi

¹⁰ Abhomú-o, ngámá Felikisi amene 'kpa e pi Polo me aní kpokpo 'ngú gba e-o. Polo atsia apa me: «Ma mbíla ndjíndjí me, ngúbulá kalanga bhelé-e, mú ngakodho 'ngú gba ya okpála na kúti inde-e ngbingbili. Kaka-a, ma ne

djalí naali ngú nakpokpo 'ngú gba ma-a pi mú.

¹¹ Mu ti da nambila bha ngamú makpe me ane nga ekpí ndjíkpá ne ká bhisi de maka ma anú nako lie bhú gúdhu na Yelusalema ngú nadhégé Ebhe-o.

¹² Kpála bini bhaka ma namene kpekebhé ne kpála bini na 'ngbé 'tì Ebhe gba omaYuda-a de. Kpála bini bhaka la di ma nato kpéke 'ndjí bhú 'ndjí okpála bhú 'tì nadje lílì gba Moidje , di ne li kpadjí de.

¹³ Okpála ago ne ma kala mú inde-e ne engú bini ade inde i ti da nasuno me engú inde u ngapa e li ma inde-e, a ko kúkúlù 'ngú.

¹⁴ Ma aziba kala mú si me ma ngakpata kpadjí na mbía inde ngauo, u ngau e me a sisiti-o. La-a, ma ngadhégé Ebhe gba onguo ogbi ní. Ma la di ngabhuka ndú 'ngú inde u aye e bhú obhuku na lílì di ne bhe gba opolofeta-a hana.

¹⁵ Ma ne nabhuka bhú Ebhe bhadi maka uo me, okpála na ngbingbili di ne obhende ngbingbili ade-e azúku mazuku.

¹⁶ Kaka-a, ma ngamene ndú 'kpí hana ne kpéke me, bua ma du ndjíndjí kala Ebhe, di ne kala okpála.

¹⁷ Ma du lie de bhú gúdhu na Yelusalema ngúbulá kalanga bhelé-e, ma atsia agie lima oo ngú nateteke obhúlù ndíbhili na doto gba ma-a ne tia, di ne naha makiso gba ma-a pi Ebhe.

¹⁸ Kaka-a, u abhaka ma bhú 'ngbé 'ti Ebhe gba omaYuda me, ma nde avulú lima ngú nakolo bubu kala Ebhe avulú. Ma bha ká okpála de. Ma to la di kpéke 'ndjí bhú 'ndjí okpála de.

¹⁹ OmaYuda koko bhú ká obhende ayie bhú ndu doto na Adjia, adú oo. A ayo nako me u gbe ma kala mú ngao, i du me u nde ne engú li pápá gba ma-o.

²⁰ I du mo-o de-e, a ayo me okpála inde si-e suno siti 'ngú inde u au ma ne e, nedhinga inde u agbe nako ma lie kala Libi okpála nat-sia 'kpí li 'ngú gba omaYuda-o.

²¹ Padhá de, anga ma amene bha koli 'he bini. Ma apa kpekeke kala uo me: «Yi agbe naki ma kala yi ngú nakpokpo 'ngú anga ma ab-huka me okpála inde amu-o, azúku mazuku!»

²² La-a, pi ngámá Felikisi-e, ani adú ambila kpadjí gba Yesu-o ndjindji. Abhomú-o, ani agie engú ango-o me ni akódho sidi. Ani atsia apa pi uo me: «Ma akódho 'ngú gba yi-e, li nedhinga li 'ngbé ngámá gba osudha Lisisasi agó lie ko.»

²³ Ani atsia aha lílí pi ngámá gba osudha-a me u lila Polo, kpála na 'kpú-o, malila. Engú la bini, u 'o ani me ani du mbo bhú ngú e. U ayóko di omaha ani ngú nateteke ani de.

U agbe matá Polo kala ngámá Felikisi ne Dulusile

²⁴ Pítá mbo ekpí bedí-e, ngámá Felikisi ago ne wala e Dulusile. Ólø ango-o adú maYuda. Ngámá Felikisi atima okpála me u nu 'i Polo. Abhomú-o, ani atsia adje engú li Polo akpokpo e pindjí nabhuka Yesu Kilisito-o.

²⁵ Pipita-a, Polo aholo akpokpo lele maka a ayo lie nadú ngingbingbili, ne nane gümü kute di ne me ekpí koko akólo makolo, ekpí inde li Ebhe akódho 'ngú gba okpála lie ko. Abhomú-o, ngámá Felikisi aholo adje tsulú. Ani atsia apa me: «Mbía inde-e, mú ti da nanú. I du me ma nde asia nedhinga-a, ma tsia 'í matá mū.»

²⁶ Ani adú di ne 'to e me ni asia tia ka Polo. Kaka-a, ani adú a'i Polo piko ngú nakpokpo 'ngú ne ani.

²⁷ Pítá kalanga bhisi-e, Polosiusi Fesitusi akolo ngámá bhú da ngámá Felikisi. Engú bini, ngámá Felikisi a'o ká Polo bhú tikpú, anga ani adú amene me omaYuda u ni ndjindji.

25

Polo ayo me 'ngbé ngámá Kaisala kodho 'ngú gba ni-e ngae

¹ Li ngámá Fesitusi akolo lie bhú ndu doto ango-o, pítá 'kpí bata-a, ani ayie bhú gudhú na Sedjale, ani atsia anú bhú gudhú na Yelusalema.

² Ongbengbe odimande, di ne ongámási gba omaYuda-a, ago kala ani. U

atsia ato siti 'ngú ne 'li Polo pi ani. U akikiliki lio pi ani me,

³ ani ziba pi o me o nü ne Polo bhú gúdhü na Yelusalema. U adje lio me, li o kolo li kpadij-e, o de bhéle ani.

⁴ Engú bini, ngámá Fesitusi agie pi uo me: «Bili na tikpu gba Polo-o, a ko Sedjale. La-a, ngama makpe-e, ma adji bhadi oo mbia inde.»

⁵ Ani atsia apa matá me: «A ayo me ongbengbe okpála gba yi-e nü bhú dabili bini ne ma. I du me kpála bhomü-o nde amene siti 'ngú-o, u de kpokpo oo ko.»

⁶ Ngámá Fesitusi amene agba uo ekpí nayie bhú madjina masikpe de nakolo bhú ndjíkpa. Pipita-a, ani atsia agie lie bhú gúdhü na Sedjale. Li ekpí aseke lie, ani atsia anü li bili nakodho 'ngú-o. Abhomü-o, ani atsia aha líli me u go ne Polo.

⁷ Li Polo ago lie, omaYuda inde ayie bhú gúdhü na Yelusalema-a, asa lio dengo ani. Abhomü-o, u aholo apa osisiti 'ngú na ngbengbengbe li ani bhélé bhélé. La-a, u du ambila nakpokpo ta ongú angó-o de, anga a adu eu.

⁸ Abhomü-o, Polo atsia aholo nakpokpo 'ngú gba e me: «Ma mene siti 'ngú bini de. Ma gümü líli gba omaYuda-a de. Ma siti 'ngbé 'ti Ebhe gba omaYuda-a de. Ma mene la di siti 'ngú li 'ngbé ngámá Kaisala de.»

⁹ Ngámá Fesitusi adu amene me omaYuda u ni ndjindji. Kaka-a, ani atsia ayi Polo me: «Mo kúnda nanü bhú gúdhü na Yelusalema, ngubula me u kodho 'ngú gba mu-o kala ma oo?»

¹⁰ Engú bini, Polo agie me: «Ma alü e bhú ndende gba 'ngbé ngámá Kaisala-o. A ayo me u kodho 'ngú gba ma-a bha si. Ma mene siti 'ngú li omaYuda belegü de bini. Ngamü makpe-e, mo ombila 'ngú tété ndjindji.»

¹¹ I du me ma nde atü 'ngú, i du di me ma nde amene siti 'ngú inde ayo me u bhéle ma ka e-e, ma yala nakpi de. Engú bini, i du la me, kükülu 'ngú nde bhú ká ongú inde u ngapa e li ma ade-e, kpála bini ti da natse 'kpa li ma pi uo de. Ma ayo me 'ngbé ngámá Kaisala kodho bha 'ngú gba ma-a ngae.»

¹² Abhomü-o, pita li ngámá Fesitusi agama 'ngú ne obhelesi okpála gba e lie, ani atsia apa me: «Mo oyo lie me 'ngbé ngámá Kaisala kodho bha 'ngú gba mu-o ngae, mo onü agba ani.»

Polo akpokpo 'ngú gba e kala 'ngbé ngámá Agilipa

¹³ Pita mbo oekpí, 'ngbé ngámá Agilipa ne ndai e na eele Belenise, akolo bhú gúdhü na Sedjale. U anü natsia ngámá Fesitusi.

¹⁴ U asi oo mbo ekpí bhélé. Abhomü-o, ngámá Fesitusi atsia akpokpo 'ngú gba Polo pi 'ngbé ngámá Agilipa me:

«Kpála bini bhú tikpú si, ngámá Felikisi a'o nani ka ani ngae.

¹⁵ Ma anú nako lie bhú gudhú na Yelusalema-a, ongbengbe odimandé gba Ebhe di ne obhelesi okpála gba omaYuda-a, ato siti 'ngú ne 'li ani múma. U atsia apa múma me, ma 'o 'ngú pí ani.

¹⁶ Ma agie pí uo me: «Agba ya okpála na Loma-a , kala me u 'o 'ngú pí kpála-a, ayo me u dulu ngaiza kala ongámási ne okpála inde agbe ani kala uo-o bhú dabili bini. Ani kpokpo 'ngú gba e ngú nagbegbe lie bhú 'ngú ango-o ko.»

¹⁷ Ya atsia ago si ne uo bhú dabili bini. Ma djeke de, li ekpí aseke lie, ma aha lili me u go ne kpála ango-o kala ma li bili nakodho 'ngú-o.

¹⁸ Okpála inde ato siti 'ngú li ani pí ongámási-e ago. Engú bini, ma u siti 'ngú inde u asüngüla ani pí ongámási ngú e maka bhende ma adú abhundja e de.

¹⁹ La-a, u adú amene kpekebhø pindji 'ngú na Ebhe gba o di ne pindji 'ngú gba kpála bini inde 'li e me Yesu. Padhá de, anga kpála ango-o akpi, engú bini, Polo la ngapa me ani uu.

²⁰ Múma-a, ma mbila 'ngú ma akódho e li ngua 'ngú bhomu-o de. Kaka-a, ma ayi Polo atigala ani zíba nanu bhú gudhú na Yelusalema, amba u kodho 'ngú gba ani-e oo.

²¹ Engú bini, Polo ayo me 'ngbé ngámá na gudhú na Loma kodho bha engú gba ni-e ngae. Abhomu-o, ma atsia aha lili me u lila ani bhú tikpú akolo li 'kpí ma atíma ani lie pí 'ngbé ngámá Kaisala ko.»

²² 'Ngbé ngámá Agilipa atsia apa pí ngámá Fesitusi me: «Ngama di-e, ma akunda nga di me ma dje kpála ango-o.» Ngámá Fesitusi atsia agie pí ani me: «Mo odjé ani mambi.»

²³ Abhomu-o, li ekpí aseke lie, 'ngbé ngámá Agilipa ne Belenise ago bhú asasaua ne bhti okpála. U ali bhú 'ti nakodho 'ngú bhú dabili bini ne ongámási gba osudha di ne ongbengbe okpála na gudhú-o. Ngámá Fesitusi atsia aha lili me u go ne Polo.

²⁴ Pipita-a, ngámá Fesitusi atsia apa me: «'Ngbé ngámá Agilipa di ne ndu yi okpála hana inde bhú dabili bini ne ya si-e, yi tsia nga kpála inde. Ndu omaYuda hana ago akpokpo 'ngú gba ani-e múma. U abhaka ma bhú gudhú na Yelusalema, u atsia ago belegü ei ne nasüsula me: «A ayo me u bhøle ani!»

²⁵ Múma-a, ma u siti 'ngú inde ayo me u bhøle ani ka e de. La-a, ani ayo lie me 'ngbé ngámá na Loma kodho bha 'ngú gba ni-e ngae, ma atsia aziba me ma tima ani pí ani.

²⁶ Ma mbila engú inde ma ti da naye e pi 'ngbé ngámá li engú gba ani-e de. Kaka-

a, ma agbe ani kala yi, la ndju makpe kala mu, 'ngbé ngámá Agilipa. Yi ani, amba ma sia engú inde ma ayé e ko.

²⁷ Padhá de, anga a ko mu ma engú na ngingi me, ma tima kpála na tikpu pi 'ngbé ngámá Kaisala me, ma nde suno ta 'ngú inde u aholo ani ngú e pi ani de ko.»

26

Polo akpokpo 'ngú gba e kala 'ngbé ngámá Agilipa

¹ 'Ngbé ngámá Agilipa atsia apa pi Polo me: «Mu ti da nakpokpo 'ngú gba mu-o.» Abhomu-o, Polo a'e 'kpa e, ani atsia akpokpo 'ngú gba e me:

² «'Ngbé ngámá Agilipa, naki-e, ma ne djali naali ngubula nakpokpo 'ngú gba ma kala mu li ndu 'ngú hana inde li omaYuda apa e li ma ko.

³ Padhá de, anga mu mbila dasundu di ne kpekebhø gba omaYuda hana. Kaka-a, ma ayo ka mu me, dje nga mbo ma ne 'ndjá bua.

⁴ Ndu omaYuda hana mbila mukobho gba ma-a ndjindji nayie li nedhingga ma adu lie makombi-o. U mbila maka ma adu akobho lie bhú ká okpála na doto gba ma di ne bhú gudhu na Yelusalema ndjindji.

⁵ U ambila nani ma didili. U ti da napapa ngao, i du me u nde akunda-o. Ma du nani ne súka omuFalisai inde adu alila lili nadhøge Ebhe gba ni-e ndjindji-o.

⁶ La mbia inde-e, u agbe ma li bili nakodho 'ngú-o anga ma ne 'to ma 'to engú inde li Ebhe apa nani kalanu me ni améne e pi onguo ogbi ni-o.

⁷ Okpála na piga ndijkpa ne ká bhisi gba ni-e, nga'o 'to o me engú ang-o améne lie mamene. Ka 'ngú ang-o, u ngamene kulu kpekpeke pi Ebhe, sukpe ne ngbikpi. 'Ngbé ngámá Agilipa, ngama di-e, ma bhadi ngabhuka moko. Kaka-a, omaYuda atsia ato siti 'ngú ne 'li ma pi ongámási.

⁸ Ka ni ngayi omaYuda, yi ti da nabhuka lie de me, Ebhe azúku okpála inde amu-o mazuku-o?

⁹ Ngama makpe, ma adu abhundja nani me, ma mene ne kpéke me okpála abhúka Yesu, kpála na kuti Nadjaleta de.

¹⁰ A ko engú inde ma amene di-e bhú gudhu na Yelusalema ko. Ongbengbe odimande aha kpadji mu ma ngao. Ma amba omabhuka bhelé bhú tikpu. U adu akodho 'ngú gba uo lie me u bhili uo, ma atsia adu aziziba.

¹¹ Ma adu apu pikò bhú otí nadje lili gba Moidje-o. Ma adu amene uo sisiti ngubula me u sobho Yesu. Bhú nabi 'gú gba ma-a, ma adu belegu nakpata uo bhú ogudhu gba ogandji okpála .»

Polo akpokpo maka ani adjì bua e lie-o

¹² Kaka-a, ekpí bini ma adu anu bhú gudhu na Damasi. Ongbengbe odi-mande aha angu muma, u atsia atima ma oo.

¹³ Li kpadji-e, bhú nedhingga na tulukpe-e, 'ngbé ngámá Agilipa, ma au zi 'kpí ayie abhúlá. Zi 'kpí ango-o adu kpekpeke naali ane zi ela mane. Zi 'kpí ango-o aholo aziga ma nabalina bhú dabili bini ne okpála inde ya adu ne o ko.

¹⁴ Ndú ya hana, ya atuko kuto má dhululu! Abhomu-o, ma atsia adje eli bini apa muma bhú eli gba omaYuda me: «Saulo, Saulo, mu ngato mbolo li ma ka ni? Mu ngaha likabhu pi mu makpe maka enu inde atu lie li ndula gba mulila gba e-o.»

¹⁵ Ma atsia ayi me: «A ko mu da, Ngámá?» Abhomu-o, Ngámá atsia agie muma me: «Ngama-a, ma ne Yesu inde mu ngato mbolo lie ko.

¹⁶ Engú bini, yie bhúlá, amba mu lu malu. Padhá de, anga ma akoto li mu ngubula me mu kolo kpála na kulu gba ma-o. Mo okpókpo pi okpála me mo ou ma naki. Mo okpókpo di matá pi okpála ndú 'ngú hana inde ma asúno e pi mu sidi ko.

¹⁷ Ma alila mu ka omaYuda di ne ogandji okpála inde ma atima mu agba o-o.

¹⁸ Mo obhúlu djila uo, u zé bhú biti, u tsia lí li zi 'kpí. U dú matá sa lili gba Satana de. Engú bini, u adjí ibili lio pi Ebhe. I du me u nde abhuka

ma-a, u tsia sía nambu li siti 'ngú gba o-o. U tsia dú la di bhú dabili bini ne okpála na bububu gba Ebhe-o.»

Polo akpokpo 'ngú pindji engú inde ani amene e-o

¹⁹ «Kaka-a, 'ngbé ngámá Agilipa, nayie li nedhingga bhomu-o, ma yala titima na engú ma au e inde ayie ka Ebhe-e de.

²⁰ Engú bini, ma akpokpo ngaiza pi okpála na gudhu na Damasi, ne okpála na gudhu na Yelusalema, ne okpála na ndu doto na Yudaya libhomu, la di ne pi ndú okpála hana na gandji-gandji. Ma akpokpo pi uo me: «Yi dji bua yi, amba yi gie liyi li pápá gba Ebhe.» La matá di me: «Yi mene bádhá kulu inde asúno me yi adjí bua yi kúkulú.»

²¹ Ka 'ngú ango-o, omaYuda aholo ma bhú 'ngbé ti Ebhe gba omaYuda, u di me bhéle ma.

²² Engú bini, Ebhe alila ma nakolo pi naki. Padhá de, anga ma ngakpokpo engú gba Yesu-o pi ndú okpála hana, pi ongisi di ne pi obhelesi okpála. Ma pa 'ngú koko de, bha bini bhende li opolofeta di ne Moidje apa nani e me akólo makolo-o.

²³ U apa nani me Masíya azú likabhu, aní tsia dú kpála na bini inde azúku bhú ká okpála inde amu-o. Aní akpókpo pi ndú okpála na piga gba ní-e hana di ne pi ogandji okpála ngali na zi 'kpí na mukobho.»

*Eli gba Polo ale nagbele
bua 'ngbé ngámá Agilipa*

²⁴ Li nedhingga li Polo adu akpokpo 'ngú gba e lie, ngámá Fesitusi atsia asúla me: «Polo, mʉ ne bhʉlʉ pele! Balʉa mo omene e naali-e ato bhʉ djila mʉ pele!»

²⁵ Abhomʉ-o, Polo atsia agie pi ani me: «Ngámá Fesitusi, ma ne bhʉlʉ pele ade. Engú inde ma ngapa e, a ko 'ngú na kʉkʉlʉ di na imbilangu.

²⁶ 'Ngbé ngámá Agilipa mbila ndu 'ngú bhomʉ-o hana ndjindji. Kaka-a, ma ngakpokpokpo pi ani ne tsʉlʉ ade. Ma aziba me ani mbu li sʉsʉka bini de. Padhá de, anga ndu 'ngú bhomʉ-o hana mene lie bhʉ pepe de.

²⁷ 'Ngbé ngámá Agilipa, mo obhuka engú inde li opolofeta apa e uu? Ma ambila me mo obhuka!»

²⁸ Abhomʉ-o, 'ngbé ngámá Agilipa ayi Polo me: «Mo obhundja naamʉ me ni ti da nadji ma makilisito bhʉ nedhingga bedi mo-o?»

²⁹ Polo atsia agie me: «Belegʉ i du ngʉbulu nedhingga bedi, belegʉ i du di ngʉbulu nedhingga bhelé-e, ma ngayo Ebhe bha ngʉbulu mʉ kpi mʉ kpi ade. Engú bini, ma ngayo Ebhe ngʉbulu ndu yi okpála hana inde ngadje ma li 'kpí na naki. Ma ngayo Ebhe ngú yi me, yi kolo di maka ma nde lie, naneke bha bini ogbindjili inde bhʉ 'kpa ma inde.»

³⁰ Abhomʉ-o, 'ngbé ngámá Agilipa, ne ngámá Fesitusi, ne Belenise di ne ndu okpála hana inde adu bhʉ dabili bini ne uo-o, ayie bhʉlá.

³¹ U agbe lio ne li ngongo, u atsia akpokpo sʉnda o me: «Kpála inde-e mene siti 'ngú bini de inde ayo me, u to ani bhʉ tikpʉ di me u bhøle ani ka e-o.»

³² 'Ngbé ngámá Agilipa apa pi ngámá Fesitusi me: «Í dʉ me kpála inde-e yó nako de me 'ngbé ngámá Kaisala kodho bha 'ngú gba ni-e ngae de-e, mʉ de agbe ani bhʉ tikpʉ agbe .»

27

U atima Polo bhʉ gudhʉ na Loma

¹ Li u apa lie me ya nʉ bhʉ doto na Itali bhʉ 'ngbé zabʉ-o, u atsia aha Polo di ne okpála koko na tikpʉ-o pi ngámá bini gba osudha. A adu 'li ani me Djulusi. Ani adu ngámá pi 'ndji libi osudha inde u adu a'i o me «Osudha gba 'ngbé ngámá Kaisala-o .» ² Ya aha 'ngbé zabʉ na gudhʉ na Adalamite. 'Ngbé zabʉ ango-o adu anʉ li pápá li obili li ozabʉ alʉlʉ lie bhʉ ndu doto na Adjia-o. Abhomʉ-o, ya atsia agbida. Kpála bini na gudhʉ na Tesonike, bhʉ ndu doto na Makedonia, anʉ bhʉ dabili bini ne ya. A adu 'li ani me Alisitaluka.

³ Li ekpí aseke lie, ya akolo bhʉ gudhʉ na Sidona. Djulusi adu ne bádha bua li

pápá gba Polo. Abhomu-o, aní atsia aha kpadjí pi Polo me aní nu agba obí e, amba u teteke aní ne oehe índe aní nde ne gumu e-o.

⁴ Ya yie lie oo, ya apu lingo kpémø na Sipele, anga anvi adu akünda nagie ya ne sidi.

⁵ Ya agulu 'ngbé 'ngu índe lingo ndu doto na Silisia di ne Pamifilia ko. Abhomu-o, ya atsia akolo bhú gudhu na Mila bhú ndu doto na Lisia.

⁶ Oo, ngámá gba osudha-a abhaka 'ngbé zabu bini na gudhu na Alekidjandili me a nde adjí bhú doto na Itali, aní atsia abu ya bhúbhú.

⁷ 'Ngbé zabu-o adu adhuku bhúbhuku naali. Kaka-a, ya amene 'kpí bhelé, ya atsia adje likabhu naali ngubula nakolo lingo gudhu na Sinide. La ya ale lie nanu li pápá bhomu-o pima ka anvi-e, ya atsia apu lingo doto na Salamone índe ali ne abhú 'ngu bhú kpémø na Kelete ne asagø-o.

⁸ Ya adhuku má tili tili lingo kpémø-o, ya atsia akolo li bili índe u a'i e me «Babadha ngo 'gø», masikpe de gudhu na Ladje.

⁹ Abhomu-o, da nadhuku bhú 'ngbé zabu-o atsia akolo sisiti, masikpe de namu ka okpála. Padhá de, anga nedhinga na anokomia natse 'zu na epe na odukpabini-e adu me a nde ane. Kaka-a, Polo atsia apa pi uo me:

¹⁰ «Ondaise ma, ma ngau me enú índe-e adu sisiti. 'Ngbé zabu ne oehe índe bhúbhú-o asíti masiti, abana

nganí makpe-e, ní akólo masikpe de namu.»

¹¹ Engú bini, ngámá gba osudha adu aziba naae naali mabhundja gba kpála índe adu adjele 'ngbé zabu-o, di ne bhe gba bhúlu 'ngbé zabu-o. Aní tsia ziba bhe gba Polo-o de.

¹² Matá di-e, kuti ango-o ti ne nabhue bhúbhú bhú nedhinga na zini de. Abhomu-o, masikpe de ndu okpála hana índe adu bhú 'ngbé zabu-o atsia apa me o yie oo mayie. U adu akünda di me, i du me o nde ne ngasa-a, o de kolo bhú gudhu na Fenikisi. A ko suka gudhu na ngo 'ngu na kpémø na Kelete. A ngatsia 'kpí ne li pápá na sunda yoyoko ne akati, di ne sunda abebe ne akati. U adu akünda me o kolo oo ngubula me nedhinga na zini-e kodho 'kpí me o nde oo ko.

Anvi na kpekpeke ape pi 'ngu

¹³ Abhomu-o, anvi na bhúbhuku aholo nape nayie ne li pápá na yoyoko. U atsia aziba me mabhundja gba o-o akódho 'kpí ndjindjí. U agbe kalase índe u agbite e li 'kpí ngú nalu ka 'ngbé zabu-o bhú 'ngu, u atsia aholo akpangba ngo kpémø na Kelete.

¹⁴ Kolo pita nedhinga bedi-e, anvi na kpekpeke índe u a'i e me «Elakele», ayie bhú kpémø, atsia aholo nape.

¹⁵ Anvi ango-o aholo atumba 'ngbé zabu-o. Da

napa me 'ngbé zabu-o lü kakala-a adu kpekpeke. Abhomu-o, ya atsia a'o me 'ngbé zabu-o nu ibili bha ne ya li pápá inde li anvi adu atumba ya lie ko.

¹⁶ Ya akolo lingo mboye kpemè u a'i e me Kauda inde alila mbo ya bedi ka anvi-o. Abhomu-o, ya atsia amene ne kpéke ngú nagbili mboye kéké-o ne bhúlá.

¹⁷ U aha, u ato bhú 'ngbé zabu-o. Pipita-a, u agbigbite ngo 'ngbé zabu-o hana ne ekpú ngú nalilila. U adu la lie ne tsulü me 'ngbé zabu anú atu lie li sike, i tsia bála o lingo doto na Libi de-e, u a'e bongo inde pí 'ngbú 'ngbé zabu-o, u atsia a'o me anvi du ibili adyudyo o ngae.

¹⁸ Li ekpí aseke lie, anvi adu bha adyiki 'ngbé zabu-o ne ya kpekpeke. Kaka-a, u atsia aholo apandja oehe inde adu bhúbhú-o, ababala bhú 'ngu.

¹⁹ Bhú 'kpí na bata-a, okpála na kulu ngao makpe-e, u abha oehe inde nadjele 'ngbé zabu-o, u atsia abala bhú 'ngu.

²⁰ Súnda 'kpí bhelé, ya u ela de. Ya u di oikupala de. Anvi adu bha nape kpekpeke. Ya du matá ne 'to ya de me ya akóbho makobho-o de.

²¹ Okpála inde adu bhú 'ngbé zabu-o zu 'he de ngubula 'kpí bhelé. Abhomu-o, Polo ayie bhúlá, ani

alü bhú ká uo. Ani atsia apa me: «Ondaise ma, i dú nako me yi djé ma uu me ní ayie bhú kpemè na Kelete de-e, ní de sia ngua likabhu inde-e de. Oehe-e de siti la di-i de.

²² La mbia inde-e, yi sia kpéke bua. Padhá de, anga súka yi bini kpí-i de, engú bini, asiti bha bini ne 'ngbé zabu-o.

²³ Sukpe na naki-e, Ebhe inde ma nde ne bali gba e-e, ma nde la di ngamene kulu pi e-e, atima andjelu gba e muma.

²⁴ Ani atsia apa muma me: «Polo, mo odjé tsulü de. A ayo me mu kpokpo 'ngú gba mu-o kala 'ngbé ngámá Kaisala. Kaka-a, Ebhe bhú bádha bhú 'bu gba e akóbho mu di ne okpála inde yi nde ngadholo bhú dabili bini ne o bhú 'ngbé zabu-o.»

²⁵ Ka 'ngú ang-o-o, ondaise ma, atou! Padhá de, anga ma ngabhuka me, Ebhe améne maka aní apa lie muma ko.

²⁶ Engá bini, 'ngbé zabu anú atu lie ne ní lingo kpemè bini.»

²⁷ Sukpe na ekpí na ndjikpa ne ká badha, anvi adu adyudyo 'ngbé zabu-o ne ya pí 'ngbé 'ngu inde 'li e me Adiliatike.* Abhomu-o, tutu sukpe-e, okpála nadjele 'ngbé zabu-o abhundja naao me ya akolo dengo 'go.

²⁸ U aha ekpú inde u agbite tili 'he li 'ndji e, u abhike bhú

* **27:27 27:27 Adiliatike:** 'Ngbé 'ngu ang-o-o súnda doto na Itali ne bhende gba o Giliki. U aye bhú obhuku koko me «'ngbé 'ngu na Meditelani».

'ngu. U atsia au me engu-o tsutsu metele ndjikpa bata ne ká mananika. U adyudyo mbo lio ne kalanu masudha, u atsia abhike matá bhú 'ngu. U au me engu-o tsutsu metele ndjikpa bhisi ne ká madjina.

²⁹ U adu adje tsulu me 'ngbé zabu-o atu lie li oteme de. Kaka-a, u atsia abala okalase badha inde u agbigbite e li okpu-o bhú 'ngu ne akele 'ngbé zabu-o, ngubula me alu bhú da e bini. U atsia adu ne gamu me ekpi seke bhado má gala!

³⁰ Okpála nadjele 'ngbé zabu-o adu agili kpadji ngú nakpe. Abhomu-o, u agbe mboye kéké-o, u abhike pi 'ngu. U amene mugito me u adji abala okalase inde u agbigbite e li 'kpu-o, ngú naluka 'ngbé zabu-o ne akala zabu-o.

³¹ Polo atsia apa pi ngámá gba osudha di ne pi osudha-a me: «Li okpála inde-e du bhú 'ngbé zabu-o de-e, yi ti da nakobho de.»

³² Abhomu-o, osudha-a atsia atsotsolo okpu na mboye kéké-o, atsia atapa.

³³ Kala me ekpi seke-e, Polo ayo ka ndu okpála hana me u zu 'he. Ani atsia apa pi uo me: «A ko naki ekpi ndjikpa ne ká badha, yi ngadjeke. Yi ngasi gamu. Yi le ku 'he belegu de bini.

³⁴ Kaka-a, ma ayo ka yi me yi zu 'he. Padhá de, anga

yi ne gugumu ngubula me yi kobho. Kpála bini bhú ká yi kpi-i de.»

³⁵ Pita ani apa lie mono, ani aha mapa, ani agie hení pi Ebhe bhú ká djila ndu okpála hana. Pipita-a, ani agumu mapa-o, ani atsia aholo nazuzu.

³⁶ Abhomu-o, ndu uo hana asia kpéke bua, u atsia aholo di nazu 'he.

³⁷ Bhú 'ngbé zabu-o, ya adu hana okpála kámá bhisi ndjikpa mananika ne ká madhia.[†]

³⁸ U a'u'u lie, u atsia abala ngano bhú 'ngu ngubula me 'ngbé zabu-o kolo yayaka.

'Ngbé zabu-o alinda bhú 'ngu'

³⁹ Li ekpi aseke lie, okpála nadjele 'ngbé zabu-o mbila de me o bhú mangua doto dho-ie de. Engú bini, u au ngo 'go di ne sike. U atsia abhundja me o ti da nadyudyo 'ngbé zabu-o li bili ango-o.

⁴⁰ U abhubhulu okalase-o, u atse 'kpa téte bhú 'ngu. U abhubhulu di ekpu na oehe inde adu amene me 'ngbé zabu-o dhuku-o. Pipita-a, u abhulu bongo inde li bhúla 'ngbé zabu-o ngubula me anvi holo nadyudyudyo. Abhomu-o, u atsia aholo nanu ne li pápá na ngo 'go.

⁴¹ Engú bini, 'ngbé zabu-o anu atu lie li 'ta sike, li bili inde li engu ngago lie ne ndu pasu bhisi hana-o. Bhúla 'ngbé zabu-o adha bhú 'ta

[†] 27:37 27:37 **Kámá bhisi ne ndjikpa mananika ne ká madhia:** U aye bhú obhuku koko me «kámá bhisi ne ndjikpa mananika ne ká bhuluvue.»

sike-o, a ale aduла lie pima. Tabhu tabhu-o atsia agumу. Padhá de, anga engu-o atu lie téte kpekpeke.

⁴² Osudha adu akunda nabhili okpála na tikpu-o, amba suka uo bini akpé ne akango de.

⁴³ Engú bini, ngámá gba osudha-a adu akunda nakobho Polo. Abhomu-o, ani ayoko uo me u améne mo-o de. Ani atsia aha lili pi okpála bhende ambila natí akango me u bala bhú 'ngu kalanu, amba u ze apí 'gø.

⁴⁴ Okpála koko akpáta uo sidi me u nde ahoholo lio li opalangi di ne opapala 'he na 'ngbé zabu-o. Abhomu-o, ndu uo hana atsia akolo apí 'gø ndjindji.

28

Polo bhú kpemø na Malete

¹ Pita ya akobho lie, ya atsia adje me a 'li kpemø ango-o me Malete.

² Okpála na kpemø ango-o asia ya ndjindji. Li ebha aholo adhi lie, zini aholo amene ya. Abhomu-o, u akpo djua má tu tu tu! Ya atsia ago aduла ndu ya hana dede.

³ Polo akuo 'i 'wa, ani abu bhú djua. Engú la bini, mbuна akoto bhúbhú ka wowo djua, ani atsia adhedhe li 'kpa ani. ⁴ Li okpála na kpemø ango-o au lie me kpulø adhedhe li 'kpa ani mo-o, u atsia apa sunda o me: «Kpála inde-e bha ndju ne bhulø nabhøle

kpála kükülu. Padhá de, anga belegu ani akobho lie bhú 'ngu-o, Ebhe inde 'li e me ngbili 'ngú ziba de me ani du bhú mukobho-o de.»

⁵ Engú bini, Polo adyiki 'kpa e, kpulø-o atsia ati bhú djua, ehe bini mene ani de.

⁶ La-a, u adu adjeke me 'kpa ani adjì asika di ne me ani ati kuto ne nakpi ka e bini. U adjeke ngengele, u au la lie me ehe bini mene ani de-e, u adjì mabhundja gba o-o. U atsia apa me: «A ko ebhe!»

⁷ Ngámá na kpemø inde adu 'li e me Pubiliusı adu ne kütì gba e na ngbéngbé de bili ango-o. Ani asia ya ndjindji, ya atsia asi agba ani ekpí bata.

⁸ Bhú nedhinga bhomu-o, 'dyi Pubiliusı adu ne kuo pi mako. Ani adu ne bandji, ani atsia adu di agie ngute. Abhomu-o, Polo anu natsia ani. Ani ayo Ebhe pi ani. Ani a'o 'kpa e pi 'ndji ani. Ani atsia akobho ani.

⁹ Pipita-a, okpála koko inde adu ne kuo bhú kpemø bhomu-o, ago di nabhaka ani, ani atsia akobho uo.

¹⁰ U adhøge ya naali. Nedhinga nayie ka ya oo, u aha ndu 'he hana inde a ti ne ya ngubula kpadji-e pi ya.

Polo akolo bhú gudhu na Loma

¹¹ Pita epe bata-a, ya a'u bhú 'ngbé zabu na Alekidjandili. A adu 'li 'li me

«Diosikulese.* » Nedhingga na zini ane nani 'ngbé zabu ango-o bhú kpeme oo.

¹² Ya akolo lie bhú gudhú na Silakusi, ya asi oo ekpí bata.

¹³ Ya ayie oo, ya aholo nakpangba ngo 'ngu, ya atsia akolo bhú gudhú na Ledjio. Li ekpí aseke lie, anvi ayie ne li pápá na yoyoko, aholo nape. Abhomu-o, pita 'kpí bhisí-e, ya atsia akolo bhú gudhú na Pudjole.

¹⁴ Bhú gudhú ango-o, ya abhaka ondaise ya omabhuka oo. U atsia ayo ka ya me ya du mbo ne o ngubula poso bini. Abhomu-o, ya atsia anu bhú gudhú na Loma.

¹⁵ Ondaise ya na gudhú na Loma adje me ya akolo. Kaka-a, u ago akolo bhú gudhú inde 'li e me Daposo na Apiusi, di ne bhende 'li e me Oeti Bata, ngú nake lio ne ya. Li Polo au uo lie, ani agie hení pi Ebhe, ani atsia asia kpéke bua.

¹⁶ Abhomu-o, ya akolo bhú gudhú na Loma. U aha dabili pi Polo kpi bhú dabili bini ne súdha inde adu atsia 'kpí li ani-o.

Polo akpokpo 'ngú gba e bhú gudhú na Loma

¹⁷ Abhomu-o, pita ekpí bata-a, Polo a'i ongámási gba omaYuda inde ngadálu bhú gudhú na Loma-a agba e. U apo bhúla o lie, ani atsia

apa pi uo me: «Ondaise ma, ma mene okpála na kuti gba ní-e sisiti de. Ma siti la di dasundu gba onguo ogbi ní-e de. Abana mo-o, u aholo ma bhú gudhú na Yelusalema, u atsia apá ma pi okpála na gudhú na Loma.

¹⁸ U ayiyi ma li ongú. Engú bini, u u ma ne engú bini inde u ti da nabhele ma ka e de. Kaka-a, u adu akunda me o tse 'kpa li ma.

¹⁹ La li omaYuda ayala lie, ma atsia au ndjindji me 'ngbé ngámá Kaisala kodho 'ngú gba ma-a ngae. Engú la bini, ma du akunda na'o 'ngú pi okpála na kuti gba ma-a de.

²⁰ Kaka-a, ma akunda nako me ma u yi, amba ní gama la di 'ngú ne yi. Padhá de, anga u agbite ma ne gbíndjili inde-e kabula kpála inde li omaIsalaele nde ne 'to o me Ebhe atíma e-o.»

²¹ U agie pi ani me: «Ya sia balua bini nayie bhú ndu doto na Yudaya inde akpokpo 'ngú pindji 'ngú gba mu-o de. Súka ondaise ya bini yie oo go ei de ne engú gba mu, di go kpokpo 'ngú na sisiti li kute mu de.

²² Engú bini, ya akunda me kpokpo nga bha ngamá makpe, engú inde mu ngab-hundja e ko. Padhá de, anga ya ambila me ne ndu bili hana, okpála ngapa 'ngú sisiti li libi okpála gba mu-o.»

Polo akpokpo Bádhá

* **28:11 28:11 Diosikulese:** A ko nani oebhe obhukosi inde li oGiliki adu aha o maka oebhe gba o. Okpála nadhukú bhú 'ngu aha nani uo maka oebhe inde adu alila o ko.

*Ngali pi omaYuda na gʉdhʉ
na Loma*

²³ Abhomʉ-o, omaYuda a'o matá ekpí bini ngú nake lio ne Polo. Li 'kpí ango-o, u ago bhelé naali li bili inde ani adu asi lie ko. Nayie kækpi nakolo tagolo-o, Polo adu akpokpo 'ngú pi uo pindji Naʉ gba Ebhe-o . Ani adu amene ne kpéke me u ziba Yesu. Bhú nakpokpo 'ngú ango-o, ani adu atanga pi uo lili gba Moidje di ne obhuku gba opolofeta .

²⁴ Okpála koko aziba engú inde ani akpokpo e-o. Engú bini, okoko tsia bhuka de.

²⁵ Abhomʉ-o, u agbo bhʉsʉ o me u nde dje lio sunda o de. Polo atsia apa bha pi uo me: «Engú nani inde li Bu Bhopua apa e bhú 'li polofeta Isaya pi onguo ogbi yi-e, a ko kʉkʉlʉ 'ngú!

²⁶ Ani apa nani me:

«Nʉ pa pi okpála bhomʉ-o
mē:

Yi adjé 'kpí ndjindji, engú la bini, yi mbila tata-a de.

Yi atsia 'kpí ndjindji,
engú la bini, yi ú 'kpí de.

²⁷ Padhá de, anga bua uo akolo maka teme.

U anini 'dje o, u agbagba djila o,
ngʉbulu me, djila o aú
'kpí de,

'dje o adjé 'kpí de,
imbilangʉ gba o-o
ambila tata-a de,
u adjí bua o de,

amba ma akóbho uo de.
Ebhe apa mo-o.[†]»

²⁸ Do Polo matá me: «Yi mbila me, Ebhe atima ngali na mʉkobho gba e pi ogandji okpála . Ngauo di-e, u adjé madje.» [

²⁹ Li u adje engú inde li Polo apa e lie, omaYuda atsambala me u nde ngamene kpekebhe sunda o kpekpeke.]

³⁰ Abhomʉ-o, Polo asi kalanga bhisi libhomu bhú eti inde ani adu nadu bhú e me ani nde ngaha pi bhubhʉlʉ-o falanga ko. Oo, ani atsia adu asia ndu okpála hana inde adu ago atsia ani-o.

³¹ Ani adu akpokpo ngali Naʉ gba Ebhe, di ne nasuno ne angu hana engú gba Ngámá Yesu Kilisito-o . Ehe bini ni kpadji pi ani de.

[†] 28:27 28:26-27 Tsia bhú Isa. 6:9-10.

Balua gba Polo pi omabhuka na gudhu na Loma Eli na kalanu

Balua inde li Polo aye nani e pi omabhuka na Loma-a, ani aye nani ngú napa pi uo me ni ne gumu ngú nanu atsia Dadjua na gudhu na Loma. Gumu gba ani adu me ni mene mbo kulu ne omabhuka inde oo, ngubula nedhinga bedi amba u teteke di ni ngubula nanu abhú Esipanye. Ani aye balua ango-o ngú nakpokpo lele maka ani ambila lele nabhuka bhú Yesu nde lie di ne ongú inde li nabhuka ango-o ngamene e, ngubula mukobho gba omakilisito. Engú li Polo akpokpo e hana abhú bhuku inde.

Pita li Polo aye okpála na Dadjua na gudhu na Loma di ne ani ayo Ebhe pi uo lie-e, ani akpokpo engú na ngbéngbé inde bhú balua pi uo, engú inde me: Bádha Ngali ngasuno maka li Ebhe ngamene lie me okpála kolo ngingbili: a ko ka nabhuka, nayie li lilita akolo ali soso (1:17).

Pipita-a, Polo atsia abhulu 'ngú ango-o. Ani apa me: i du omaYuda, i du die omupagano, a ayo me u kolo ngingbili kala Ebhe. Padhá de, anga ndu uo hana amene siti 'ngú. Abhomu-o, li soso, Polo aye ongú

pindji lele nadu ka mukobho gba omakilisito, ane la mane li kpadji na mukunda bhú nadu nadje lio ne okpála koko. Ani atsia agama matá 'ngú pindji ongú maka kulu gba Ebhe, ne engú inde a ayo me omakilisito mene e pi ongámási na doto, ne bhende gba okpála sunda o. Ani abu ta balua gba e ne nakpokpo 'ngú gba e makpe di ne oeli bhe nadhègè Ebhe. **Ongbengbe ongú inde bhú bhuku inde-e ngae inde:**

Eli na kalanu ne engú na ngbéngbé inde bhú bhuku inde 1:1-17

Gumu nasia mukobho 1:18 - 3:20

Mabhundja gba Ebhe ngubula mukobho 3:21 - 4:25

Mukobho na mbia bhú Kilisito 5:1 - 8:39

Isalalele bhú mabhundja gba Ebhe 9:1 - 11:36

Lele dasundu gba omakilisito 12:1 - 15:13

Eli na soso ne nayi okpála 15:14 - 16:27

*Polo yi omabhuka na
gudhu na Loma mayi*

¹ Ma aye balua inde-e ngama Polo. Ma ne bali gba Yesu Kilisito . Ebhe a'i ma me ma du ne bhulé titima gba ni, ani atsia a'o ma kpi pi e ngú nanu nakpokpo Bádha Ngali gba ni-e pi okpála.

² Ebhe apa nani bhutode me ni atíma Bádha Ngali bhomu-o pi okpála li kpadji gba opolofeta gba ni-o. Ani apa nani engú ango-o bhú Bhuku gba e-o.

³ Bádha Ngali ango-o pindji ndili gba ani Yesu Kilisito inde Ngámá gba ní-o. U azu ani bhú kute bhú piga gba 'ngbé ngámá Davidi.

⁴ Engú bini, li kpadji gba Bu Bhopua-a, ani asuno lie maka Ndili gba Ebhe bhú angu nedhinga ani azuku lie bhú ká okpála inde amu-o.

⁵ Li kpadji gba ani-e, Ebhe asuno bádha bhú 'bu muma me ma kolo bhulü titima gba ani. Ma ne bhulü titima ngubula me ma gbele ndu okpála inde ne omaYuda ade-e hana me u bhuka Yesu Kilisito, u manga ani, amba u toko la di ani.

⁶ Ngayi okpála na Loma-a, yi di bhú ká okpála bhomu-o, ngayi okpála inde li Ebhe a'i o me yi kolo di okpála gba Yesu Kilisito-o.

⁷ Ma aye balua inde-e pi ndu yi hana, ngayi okpála inde li Ebhe nde ne mukunda pi o-o, ani atsia a'i o me yi du bhú mukobho pi ni-o. A ayo me Ebhe 'Dyi ní, ne Ngámá gba ní Yesu Kilisito suno bádha bhú 'bu gba o-o pi yi, amba u ha di guo 'ngú pi yi.

Polo apa me ni ne gumu nakpokpo Bádha Ngali gba Ebhe-e pi ndu okpála hana

⁸ Kala ndu 'ngú hana-a, ma ngagie hení pi Ebhe gba ma li kpadji gba Yesu Kilisito. Ma ngagie hení pi ani li 'ngú gba ndu yi hana, anga okpála na píla doto libhomu ngakpokpo 'ngú pindji nab-huka gba yi-o.

⁹ Ndú nedhinga hana, ma du nayo Ebhe-e, ma ngayo ani ngubula yi. Ebhe apá li ma ngae me a ko kükülu 'ngú. Ma ngamene kulu líma pi Ebhe bhomu-o li kpadji nakpokpo Bádha Ngali inde atsia Ndili gba ani-o.

¹⁰ Ma ngayo Ebhe ndu 'kpí hana me ani kündaa, ani de bhulu kpadji muma me ma kolo li yi.

¹¹ Padhá de, anga ma ne gumu naali me ma u yi ngubula me yi sia di bádha bhú 'bu inde ayie ka Bu Bhopua-a, amba yi sia angu li bua yi.

¹² Ma akunda mangbo napa me ma ne gumu nakolo li yi ngubula napa me ní to angu bhú ní sonda ní ne yi. Ka nabhuka ní nde ne e bhú Kilisito-o, ma to angu bhú yi, amba yi to di angu bhú ma.

¹³ Ondaise ma, yi mbila me bhutsibhutsi, ma adu ne mabhundja nanu agba yi, engú bini, ma sia nga kpadji de nato pi naki. Ma ne gumu nago gba yi ngubula me kulu gba ma-a zu di nguwa agba yi maka a azu di nguwa lie agba opiga koko inde ne omaYuda ade-o.

¹⁴ Kaka-a, a ayo me ma kpokpo Bádha Ngali pi ndu okpála hana, abana i du pi oGiliki di ne pi okpála inde ne oGiliki ade-o. Ma akpókpo Bádha Ngali bhomu-o pi okpála inde amene balua di ne obhende i mene balua de. Ebhe aha bhobhomu-o muma ngae.

¹⁵ A bhomu-o ta 'ngú

inde ma nde lie ne gümü nago nakpokpo di Bádha Ngali pi yi, ngayi okpála inde ngadulü bhú gudhu na Loma-o.

¹⁶ Ma belegü ne nümü ade ngú nakpokpo Bádha Ngali-o. Padhá de, anga a bhúbhú ne angu inde li Ebhe ngamene kulu ne e ngú nakobho ndü okpála hana inde ngabhuka-o. Ebhe ade kpadjí ango-o ngú nakobho ngaiza omaYuda, pipita-a, okpála inde ne omaYuda ade ko.

¹⁷ Padhá de, anga Bádha Ngali ango-o ngasuno lele maka li Ebhe nga'o okpála lie ngbingbili bhú djila e-o. Kpadjí ango-o ngakpo lita e bhú nabhuka, engú koko kekele ade. A maka li Bhuku gba Ebhe-e apa lie me: «Kpála inde abhuka Ebhe-e, Ebhe méne me ani kolo bhú djila ni ngbingbili, a ko kpála inde bhú kükülu mukobho.†»

Bua Ebhe ngake ne osisiti 'ngú gba okpála make

¹⁸ Li Ebhe nde lie abhúlá-a, ani ngasuno mbámbá me ni ngazi mbutü li ndü osisiti 'ngú hana inde li okpála ngamene e li ani-o di ne bhe li okpála ngamene e sonda o-o. Ani ngazi mbutü anga ndü osisiti 'ngú li okpála ngamene e ngani kpadjí me okpála koko ambila kükülu 'ngú de.

¹⁹ La-a, engú inde ayo me okpála mbila e li pápá

gba Ebhe-e mbámbá pi ndü okpála hana. Ebhe ngae makpe apana pi uo mbámbá.

²⁰ Padhá de, anga nayie maka li Ebhe abho kokpí ne doto lie nakolo pi naki-e, ndü oehe inde ani abho e hana ngasuno ani mbámbá me ani maka da-ie. Oehe bhomü-o ngasuno me a bhú ani ne angu na duduuma, oehe bhomü-o la bhadi ngasuno mbámbá me a ko Ebhe. Kaka-a, Ebhe ti da nambu li okpála inde aziba siti 'ngú-o de.

²¹ Padhá de, anga abana u ngambilä lie hana me Ebhe uu-o, u dhëge ani de, u gie la di henü pi ani de maka ayo lie me u mene pi ani-o. Engú bini, mabhundja gba uo-o ati ngingi, bua uo bhú biti, u mbila matá bádha 'ngú de.

²² U ngapa me a bhú 'ndji o ne imbiangü, engú bini, u akolo obhülü pele.

²³ Pi uo-o, ngú napa me u dhëge sangu gba Ebhe inde bhú mukobho duduuma ne duduuma-a, u mene mo-o de. U mangbo ngadhëge okulu 'he inde li okpála abho o maka o-o. La-a, kpála bhú mukobho duduuma ne duduuma ade. U di ngadhëge okulu 'he inde li okpála abho o maka oedhu, maka onü di ne obhende ngagbeke lio ne 'bu o kuto.

²⁴ Kaka-a, Ebhe atse 'kpa li uo me u mene ongú na sisiti inde li bua uo ngakunda me u mene e-o. U ngamene lie

† 1:17 1:17 Tsia bhú Abk. 2:4.

mo-o, u bhomu-o ngamene engú na num li o sonda o.

²⁵ Ngauo-o, u a'o nabhuka kukul 'ngú inde atsia Ebhe-e li ngongo, u atsia abhuka eu. U ngadhege oehe inde li Ebhe abho o, uo di ngamene kulu li o ehe ango-o, engú bini u dhege Ebhe inde abho ndu 'he hana ngae de. A ayo la me u de atoko mangbo ani duduma ne duduma. A adu moko!

²⁶ Kaka-a, Ebhe atse 'kpa li uo me u mene ongú na num li gum e asi bhu uo bedhe-o. Olisi gba uo-o nga'o ká obhosí, u ngadhuk ne obi o olisi mada obhosí.

²⁷ A bhadí pi obhosí moko. U di nga'o ká nadhuk ne olisi, u abedhe mangbo ne gum nadhuk ne obi o obhosí mada olisi. Obhosí ngamene engú na num ne obi o obhosí koko. U ngag-bele pí o makpe bhomu-o ke 'ngú gba Ebhe inde ati ne ngua siti 'ngú u amene e bhomu-o.

²⁸ Maka li okpála bhomu-o ayala lie nambila kukul 'ngú inde atsia Ebhe-e, Ebhe atse 'kpa li uo me u abhúndja matá ndjindji de, di ne me u mene engú inde ayo de me u mene e mo-o de.

²⁹ Sisiti 'ngú abedhe li bua uo bedhe, u abedhe ne gum 'he gba okpála koko, a ko okpála na siti bua, u ngadje siti bua li obi o naali, u ngabhili obi o, a ko obhul nagbe bhayiki, a ko obhul kali, a ko obhul napa eu ne li obi o.

³⁰ U ngapa 'ngú li o sonda o sisiti, a ko obhul yala gba Ebhe, u ngasobho obi o, u ngadje kute o, u ngapa 'li o, uo ndu 'kpí hana bedhe 'ngú nabhundja siti 'ngú koko na mbia, u manga okpála azu o-o de.

³¹ Bubua li uo ade, u ngapa 'ngú ne 'li o bhisi bhisi, u ne mukunda pi obi o ade, ndjinga bhu uo ade.

³² U mbila hana me 'li Ebhe apa me okpála inde ngadhuk li ngua kpadji bhomu-o ati ne nakpi. Abana u ambila lie mo-o hana-a, u bha bini nganu ne kalanu bhu namene ngua osisiti 'ngú bhomu-o. Bhe ane la matá mane-e, u ngakpi ndjili li okpála inde ngamene ngua osisiti 'ngú bhomu-o.

2

Ebhe ngakodho 'ngú gba okpála li lelele

¹ Ngamu kpála bhende a'o lie bhu dá djudji ngú nakodho 'ngú gba okpála koko-o, abana mu du bha ne da-ie, Ebhe mbú li mu de. Padhá de, anga nedhinga mu ngakodho 'ngú gba okpála koko lie me mu nde bhadí ngamene 'ngú maka uo-o, mu ngato ngulu mu bhu 'kpí bhomu-o ngamu makpe.

² Ní mbila hana me Ebhe ngakodho 'ngú gba okpála inde ngamene ngua sisiti 'ngú bhomu-o li lelele.

³ Ngamu kpála inde ngakodho 'ngú gba okpála

koko li ngua siti 'ngú ìnde ngamue makpe mu ngamene e-e, mo obhundja naamue me mo onéke mangimbo gba Ebhe-e maneke?

⁴ Nedhinga koko-o, mu ngau Ebhe bhú djila mu padhá, anga ani babadha naali, ani di ne 'ndjá bua, ani di ngandjili má bulu li osisiti 'ngú mu ngamene e-o. Mu u de me ani ngamene mu ndjindji ngubula me mu dji bua mu-o di?

⁵ Ngamu-o, mu ne kpéke 'ndji, mu kunda nadji bua mu de. Kaka-a, mu bhomuo ngagbele pi 'ndji mu mangimbo bhende ane la matá mane bhú ekpí ìnde li Ebhe asúno ke 'ngú gba e lie, ani tsia kódho di engú gba okpála hana ngingbili-o.

⁶ Ekpí ango-o, ani ahá makalá pi kpála ne kpála li lele kulu gba e ìnde ani amene e-o.[†]

⁷ Ani ahá mukobho na duduuma pi okpála bhende adhedhe li namene bádha 'ngú-o. Okpála ango-o ngagili sangu sakpa ani, u ngagili me ani pa 'ngú gba o-o ndjindji, di ne me o sia mukobho na duduuma.

⁸ Engú bini, ani asúno ke 'ngú gba e pi okpála bhende agbe kpéke 'ndji li ani-o, okpála ìnde ayala kükülu 'ngú ìnde di ngaziba namene siti 'ngú-o. Ani aké 'ngú lie pi uo na kuo kuo!

⁹ Ndú okpála hana ìnde ngamene siti 'ngú-o, asia

likabhu bhe na kuo kuo! Likabhu ango-o akpó ngaiza li omaYuda, pipita-a i kó di li okpála ìnde ne omaYuda ade-o.

¹⁰ Engú bini, Ebhe ahá sangu pi kpála ne kpála ìnde ngamene bádha 'ngú, ani apá 'ngú gba uo-o ndjindji, ani tsia há di guo 'ngú pi uo. Ndú babadha 'ngú bhomuo-hana, Ebhe ahá ngaiza pi omaYuda, pipita-a ani tsia há di pi okpála ìnde ne omaYuda ade-o.

¹¹ Padhá de, anga Ebhe ngakodho 'ngú gba kpála ne kpála li lelele, ani tsia bhúla kpála de.

¹² Ndú okpála hana ìnde ngamene siti 'ngú mandi nambila lili gba Moidje-e, amú mamu, nakpi gba uo kpáta la lele lili gba Moidje de. Engú bini, ndú okpála hana ìnde ngamene siti 'ngú me u nde ambila lili gba Moidje hana-a, Ebhe akódho bhadi 'ngú gba uo-o nakpata lele lili bhomuo-o.

¹³ Padhá de, anga okpála ìnde ngingbili bhú djila Ebhe-e, a ko obhende ngadje lili gba Moidje ne 'dje o-o de, engú bini, okpála ìnde ngingbili bhú djila Ebhe-e, a ko obhende ngamene engú maka li lili-e aziba lie-o.

¹⁴ Okpála ìnde ne omaYuda ade-e, u mbila lili gba Moidje-e de. Nedhinga koko, u la ngamene 'ngú maka li lili apa lie. Bhabhomuo-o asuno me lili ango-o

[†] 2:6 2:6 Tsia bhú Ets. 62:13; di ne bhú Gbt. 24:12.

asi kuti e abhú uo, belegu u mbila lie de-o.

¹⁵ U bhomu-o ngasuno me engú inde li lili-e apa e asi kuti e li bua o. Bua nakpokpo ku 'ngú ne mab-hundja gba uo-o bhadi ngasuno moko. Nedhinga kokoo, u ngambilala me o omene engú ndjindji ne me o omene sisiti.

¹⁶ A bhomu-o engú inde akoto ekpi inde li Ebhe akodho 'ngú gba okpála lie li kpadji gba Yesu Kilisito-o. Ekpí ango-o, Ebhe akodho 'ngú gba okpála maka li Bádha Ngali inde ma ngakpokpo e ngapapa lie-o. Ebhe akodho 'ngú ang-o-o pindji ongú inde awo lie mawo, inde li okpála ngabhundja e li bua o-o.

OmaYuda na kukulu-o ngao dho?

¹⁷ La ngamu kpála inde ngapa me ni ne maYuda-a, mu ngalu pi lili gba Moidje-o, mu di ngabhi 'kpa mu pi mbulu mu me ni ne kpála gba Ebhe.

¹⁸ Mu mbila engú li Ebhe akunda e hana, lili gba Moidje asuno la bhadi pi mu ndjindji me engú inde babadha ngae dho-ie.

¹⁹ Mu ngabhundja li bua mu me ni ngasuno kpadji pi okpála inde i u kpi de. Mu di ngabhundja li bua mu me ni ne zi 'kpi pi okpála inde bhú biti-o.

²⁰ Mu ngabhundja li bua mu me ni ti da nasuno 'ngú

pi okpála bhende imbila 'ngú de-o. Mu di ngabhundja li bua mu me ni ti da nasuno 'ngú pi okpála bhe i bhele nga li kpadji gba Ebhe-e de-o. Mu ngabhundja me lili gba Ebhe-e asuno imbilangú ne kukulu 'ngú pi ni hana.

²¹ Kaka-a, ma ngayi mu me, ngamu kpála inde ngasuno 'ngú pi okpála koko-o, mu suno 'ngú ang-o-o pi mu ngamu bhuhuhlu de ka ni? Ngamu kpála inde ngapa pi okpála me u azí 'he de-e, mu ngazi 'he ka ni?

²² Ngamu kpála inde ngapa pi okpála me u akunda ele, i du di-e bhoko gba kpála koko de-e, mu la ngakunda ele, i du di-e bhoko gba kpála koko ka ni? Ngamu kpála inde ngayala engú na oebhe na eu-o, mu la ngabha oehe bhú 'ti nayo gba uo-o ngú ni?

²³ Ngamu kpála inde ngabhi 'kpa mu pi mbulu mu me ni mbila lili gba Ebhe-e hana-a, mu nde la ngandjo lili ango-o, okpála ngasiti li Ebhe ka mu, anga mu ngamene engú maka li lili gba ani-e apa lie ade.

²⁴ A maka u aye lie bhú Bhuku gba Ebhe-e me: «Okpála inde ne omaYuda ade-e ngasobho li Ebhe ka engú li ngayi omaYuda yi ngamene e-o.†»

²⁵ I du me mu nde ngamene engú maka li lili-e apa lie, nali gandja pi mu

† 2:24 2:24 Tsia bhú Isa. 52:5.

ne tata. La-a, i du me munde mene engú maka li lili-e apa lie de-e, a mana mugito me mu li gandja de.

²⁶ La di-e, li kpála inde i li gandja de-e du namene engú maka li lili-e apa lie, Ebhe ú ani mugito me a ko kpála bhe ali gandja.

²⁷ Kpála inde i li gandja bhú kute de, engú bini, inde i ngamene engú maka li lili-e apa lie, akódho 'ngú gba mu-o ngae, ngamu kpála inde i kpata lili-e de, abana inde lie me a ka mu ne lili, mu nde ali la di gandja-o.

²⁸ Padhá de, anga a ko de me kükulu maYuda-a, a ko bha bhende li okpála ngau e li kute e de, inde ali di gandja bha li kute e de, ngú napa me okpála u ne djila o-o de.

²⁹ La-a, kükulu maYuda-a, a ko bhende ne maYuda li bua e, inde ali gandja li lele Bua gba Ebhe, inde i li gandja bha bini ka lili-e de. Kpála ango-o, Ebhe ngatoko ani ngae, okpála toko ani ngao de.

3

Ebhe ndu 'kpí hana bedhe ngú namene engú inde ani apa me ni améne e-o

¹ I du me a nde mo-o, ta nadu ne maYuda ne ni? Nali gandja ngateteke kpála lele pi?

² Ndu 'ngú bhomu-o hana bha ndjindji! Ebhe ambamba ngaiza nani ta engú gba e pi uo omaYuda.

³ A na paká me okpála koko bhú ká uo kpata nani ongú li Ebhe apa e ne bua bini-e de. La-a, Ebhe amene bha naae engú inde ani apa nani me ni améne e pi uo-o.

⁴ Abana li ndu okpála hana du bha ne obhulü eu-o, Ebhe papa bha naae kükulu 'ngú. A maka u aye lie bhú Bhuku gba ani-e me:

«Ngamu Ebhe, nedhinga mu ngagama 'ngú lie,
ndu okpála hana ngambila me mu
ne ngbili kpála .

I du di me u nde anu ne mu gba okpála nakodho 'ngú-o,
u ú ehe inde ayo me u holo mu
li e belegu de bini.†»

⁵ Ma gama nga 'ngú nakpata lele maka okpála-kuti agagama 'ngú lie. Nedhinga koko, okpála koko pá me siti 'ngú ni ngamene e ngateteke okpála ngú nambila me Ebhe ne ngbili kpála. U pa mo-o, ni gie pi uo mangua 'ngú dho? Ni gie pi uo me a ko paká, Ebhe ne ngbili kpála, anga ani nga'o mangimbo pi 'ndji ni ade.

⁶ Ebhe bha ndu 'kpí hana ne ngbili kpála, ani ngakodho 'ngú gba okpála na doto kaka.

⁷ Engú bini, okpála koko ti da napa me eu o ngapa e ngagbe kükulu 'ngú gba Ebhe bhú mbasu, a di ngaha sangu pi ani. A ko la ni li Ebhe nga'o 'ngú lie pi

† 3:4 3:4 Tsia bhú Ets. 51:6.

o mágito me o ne osisiti okpála?

⁸ Okpála koko ngasobho ya. U ngapa lí ya me ya apa me: «Ní mene siti 'ngú, amba ní u lele bádha 'ngú inde akóto bhábhá-o.» Ebhe a'o mangimbo pí okpála bhomú-o a'o. U atí la bhadi ne di.

Ndu okpála hana ngamene siti 'ngú

⁹ Nganí omaYuda-a, ní belegü bhá djila Ebhe ngbéngbé ade da nane opiga koko. Ma apa iginí apa me ndu ní okpála hana ní sa líli gba siti 'ngú.

¹⁰ A maka u aye lie bhá Bhuku gba Ebhe-e me: «Ngbili kpála ade, belegü de bini.

¹¹ Kpála inde ngaké mboli 'ngú ade, kpála inde ngagili Ebhe-e belegü ade bini.

¹² Ndu okpála hana a'o ká kpadji gba Ebhe-e a'o, ndu uo hana angita.

Kpála inde ngamene bádha 'ngú-o ade, belegü de bini!†

¹³ Tangulu uo mana lata inde lí 'bhé e nde bábá. 'Mi uo ngapa 'ngú napite okpála.

Eli inde ngaze bhá 'bhé uo mana sili kpulu inde ngabhili okpála.†

¹⁴ U ngatü pedjø li okpála ndu 'kpí hana ne 'bhé o,

u di ngapa oeli na susu pi uo.†

¹⁵ U ngagu holo ne angu o hana ngú nanu nab-hili okpála.

¹⁶ Ndu bili u ngapü lí e hana-a, u ngasiti ohe, u di ngato mbolo lí okpála.

¹⁷ U mbila kpadji na guo 'ngú de.†

¹⁸ Tsulu Ebhe bhá uo belegü ade bini.†»

¹⁹ Ní mbila hana me ndu 'ngú inde u aye e bhá líli-e hana, u aye pi okpála inde lí Ebhe aha nani líli angoo pi o-o. Ebhe amene mo-o ngubula nagbite 'bhé ndu okpála hana ne napa me ni 'o mangimbo pí 'ndji ndu uo hana.

²⁰ Padhá de, anga kpála bini belegü ade inde i ti da nakoto ngibili kpála kala Ebhe ka namene líli-o. Kulu gba líli-e bha bini ne nateteke okpála ngú nambila me siti 'ngú ngae dho-ie.

Kpála ngakolo ngbingbili bhá djila Ebhe ka nabhuka

²¹ Mbia inde-e, Ebhe apana kpadji inde ngamene lie me okpála kolo ngbingbili kala ni-o. Kpadji angoo kpi, a koto lí líli de. Obhuku na olíli di ne obhuku gba opolofeta apa nani engú angoo kalanu.

²² Kpadji angoo me, Ebhe nga'o okpála ngbingbili kala

† 3:12 3:10-12 Tsia bhá Ets. 14:1-3, 53:1-3; di ne bhá Ekl. 7:20. † 3:13 3:13 Tsia bhá Ets. 5:10, 140:3. † 3:14 3:14 Tsia bhá Ets. 10:7. † 3:17 3:15-17 Tsia bhá Isa. 59:7-8. † 3:18 3:18 Tsia bhá Ets. 36:2.

e li kpadjì nabhuka Yesu Kilisito ka uo-o. Anì ngamene mo-o pi ndù okpála hana inde ngabhuka anì-o. Ndù uo hana ngasia mukobho bha li koli kpadjì bini inde gba Yesu Kilisito-o.

²³ Padhá de, anga ndù okpála hana amene siti 'ngú, kaka-a, Ebhe bhú sangu gba e adji 'ngbú e li uo adji.

²⁴ Engú bini, Ebhe bhú bádha bhú 'bu gba e amene me u kolo ngingbili bhú djila ni padhá. Anì amene mo-o li kpadjì gba Yesu Kilisito inde ngagbegbe uo sakpa siti-o.

²⁵⁻²⁶ Yesu Kilisito ne kpála inde li Ebhe abhú e me anì kpi mada ni ka siti 'ngú gba ni-o. Anì tuko ngute e ngú na'e siti 'ngú gba ni-o. Kpadjì ango-o Ebhe aleke pi okpála bhende abhuka-o. Ebhe amene mo-o ngubula me ni mbila me ni ne ngibili kpála. Bhú nedhinga na kalanú-o, nedhinga li okpála adú namene siti 'ngú lie, anì adú ne 'ndjá bua pi uo, anì adú atsia siti 'ngú inde u adú amene e mugito me anì u de. Bhú nedhinga na mbia inde-e, anì ngasuno me ni ne ngibili kpála. Kaka-a, anì a'o ndù okpála hana inde abhuka Yesu-o me u dà ngingbili bhú djila ni.

²⁷ I nde lie mo-o, engú bini belegú ade inde i ti da naha 'ngbé 'ndjì pi ni. Ka ni? Anga ehe bhende ane ne engbé-e, a ko matá namene

lili-e de, engú bini, a ko bha bini nabhuka.

²⁸ Padhá de, anga ya au me kpála-kuti ngakolo ngingbili kala Ebhe ka nabhuka gba e. A ko de me anga anì amene lili-e hana-a de.

²⁹ Yi abhundja naayi me Ebhe bha ne Ebhe ka omaYuda? A ko di Ebhe gba okpála inde ne omaYuda ade-e di? A mo-o ade. A ko di Ebhe gba okpála inde ne omaYuda ade-o.

³⁰ Padhá de, anga koli Ebhe bha bini. Anì amene me ni 'o omaYuda kala ni ngingbili li kpadjì na nabhuka. Anì améne bhadi pi okpála inde ne omaYuda ade-e moko.

³¹ I dà me a nde mo-o, a kunda napa me ni u ibili lili-e padhá? A mo-o ade, ni mangbo bhomú-o nga'o lili-e bhú da e.

4

Nabhuka gba Abalahama

¹ Ni bhundja nga pindji ogbi ni Abalahama. Ni apá li 'ngú gba anì-e pi? A akolo nani li anì ne mangua 'ngú dho?

² Li Ebhe ú nani anì me a ko ngibili kpála bhú djila ni ka obabadha kulu inde anì adú amene e, Abalahama de adú ne engú inde anì ti da nabhi 'kpa e pi mbulu e ka e-o. La-a, anì ti da namene bhú djila Ebhe mo-o de.

³ Padhá de, anga Bhuku gba Ebhe ngapa me: «Abalahama abhuka Ebhe, abhomú-o Ebhe atsia au anì me

† 4:3 4:3 Tsia bhú Dje. 15:6.

a ko ngbili kpála ka natsia
nabhuka gba ani-o.[†]»

⁴ Ní mbíla hana me li kpála
mene kulu-o, u há kuo 'kpa
pi ani téte, kuo 'kpa bhomú-
o ha lie pi ani padhá de. Ani
amene ngángá kulu.

⁵ La-a, li kpála mene kulu
de, ani bhuka me Ebhe
ngasia obhulú namene siti
'ngú-o, nabhuka gba ani-
e nga'o ani ngbingbili bhú
djila Ebhe.

⁶ Kaka-a, Davidi ngapa
'ngú na djali gba kpála inde
li Ebhe au e maka ngbili
kpála bhú djila e-o, inde ani
tsia okulu gba e de-o.

⁷ Davidi apa me:

«A ko djali pi okpála inde
li Ebhe ambu li nd-
jondjo gba o ambu,
okpála inde li Ebhe a'e
osisiti 'ngú gba o a'e-
o!

⁸ A ko djali pi okpála inde li
Ebhe Ngámá lila
osisiti 'ngú gba o li bua
e de-o![†]»

⁹ Engú li Davidi apa e
bhomú-o, ne me a atsia
bha bini okpála bhende ali
gandja, ne me a atsia di ob-
hende i li gandja de-o? Ní de
ngapa me: «Ebhe au Abala-
hama ngbingbili bhú djila
e, anga Abalahama abhuka
ani.»

¹⁰ Engú bhomú-o akodho
'kpí nadho? Ne me a ko me
Abalahama nde ali gandja
ali, ne me a ko me ani nde li
nga gandja de? A mo-o ade,
a ko kala me Abalahama li
gandja.

¹¹ Kala me Abalahama li
gandja-a, Ebhe au ani bhú
djila e me a ko ngbili kpála.
Pípita-a, Ebhe apa pi ani
me ani li gandja. Gandja
bhomú-o adú maka ehe inde
asuno me ani ngbingbili bhú
djila Ebhe kabula nabhuka
gba e-o. Kaka-a, Abalahama
akolo 'dyi ndú okpála hana
inde ngabhuka Ebhe mandi
nali gandja. Ebhe ngau ndú
okpála bhomú-o hana bhú
djila e ngbingbili maka ani
au nani Abalahama lie-o.

¹² Abalahama di ne 'dyi
okpála bhende ali gandja-o.
A akunda napa me Abala-
hama di ne 'dyi okpála inde
ngakpi bha bini ndjili li nali
gandja ade, engú bini, inde
ngakpata lele nabhuka inde
adú nani bhú ogbi ní Abala-
hama kala me ani li gandja-
o.

¹³ Ebhe apa nani pi Abala-
hama ne odi e me ni ahá
doto pi uo. A ko de me Ebhe
apa nani engú bhomú-o ka
anga Abalahama amene líli-
e de, a ko mangbo anga Ebhe
au nani ani ngbingbili bhú
djila e ka nabhuka gba e-o.

¹⁴ I du me okpála bhende
ngamene líli-e nde asia bha
bini ohe li Ebhe apána e
ngao, a akunda napa me tata
li nabhuka ade. La di-e, engú
inde li Ebhe apa nani me ni
amene e pi uo, a ko 'ngú na
padhá.

¹⁵ Padhá de, anga
nedhinga li okpála adje líli
lie, i du me u nde kpata de-
e, li Ebhe ké 'ngú lie. La-a,

[†] 4:8 4:7-8 Tsia bhú Ets. 32:1-2.

bili li lili nde li e ade-e, u agumu lili-e lele pi?

¹⁶ A bhomu-o engu yi ngau lie me Ebhe apa nani me ni ahá doto pi Abalahama ne odi e kabula nabhuka gba e ngubula me a adu pi uo maka ehe ani aha e pi uo padhá bhú bádha bhú 'bu gba e-o. Oehe li Ebhe apa me ni ahá e pi okpála-a, a bha bini pi obhende ngakpata lili-e ade, engu bini, a di pi okpála inde abhuka Ebhe maka Abalahama abhuka lie-o. Kaka-a, Abalahama ne 'dyi ndu ni hana.

¹⁷ A maka u aye lie bhú Bhuku gba Ebhe-e me Ebhe apa pi Abalahama me: «Ma a'o mu 'dyi okpála na opiga bheldé.†» Abalahama ne 'dyi ni bhú djila Ebhe inde ani abhuka e-o. A ko Ebhe inde ngazuku okpála inde amu, inde di ngabho oehe inde nga ade-o.

¹⁸ Abalahama adu bha ne nabhuka bhú Ebhe, ani atsia adu bha na'o 'to e 'to ani. Natsia la lele ani-e, a ko nani kpála inde i ti matá nani da na'o 'to e 'to ehe inde li Ebhe apa me ni ahá e pi ani-e de. Abhomu-o, Ebhe amene engu ani apa nani me ni améne e pi ani-o. Ani atsia akolo 'dyi okpála na opiga bheldé maka li Ebhe apa nani lie pi ani me: «Opiga gba mu-o adu bheldé.†»

¹⁹ A abhaka me ani nde ne kalanga masikpe de kámá bini. Ani adu nambila ndjindji me ni agbe, ani adu

di nambila hana me wala ni Sala ne izude, engu bini, nabhuka gba ani-e gie lie ne sidi de.

²⁰ Ani adu bha nabhuka me Ebhe ahá ehe inde ani apa me ni ahá e pi ni-e maha. Ani du ne bua bhisibhisi de da napa me ni gbe 'to ni 'to Ebhe-e de. Engu bini, nabhuka inde ani adu ne e bhú Ebhe-e, adu bha na ha angu pi ani ngú nanu ne kalanu, ani atsia adu adhègè Ebhe.

²¹ Ani adu nabhuka na paká me Ebhe ne angu ngú namene engu inde ani apa me ni améne e-o.

²² Ka nabhuka gba Abalahama-a, Ebhe au ani bhú djila e me a ko ngibili kpála.

²³ I du me Bhuku gba Ebhe-e nde apa me, Ebhe au ani bhú djila e me, a ko ngibili kpála-a, a ko bha bini pi ani kpi e kpi de.

²⁴ Eli bhomu-o aye di lie pi ni okpála inde li Ebhe aú o bhú djila e me ni ne okpála na ngingbili-o. Padhá de, anga ni ne nabhuka bhú Ebhe inde azuku Yesu Ngámá gba ni-e bhú ká okpála inde amu-o.

²⁵ Ebhe apu Yesu pi okpála ngubula me u bheldé ani li 'ngú na siti 'ngú gba ni-o. Ebhe atsia azuku ani bhú ká okpála inde amu-o ngú napa me ni kolo ngingbili bhú djila ni.

5

† 4:17 Tsia bhú Dje. 17:5. † 4:18 Tsia bhú Dje. 15:5.

Yesu ato guo 'ngú súnda ní ne Ebhe

¹ I nde lie me Ebhe au ní me ní ne okpála na ngbingbili bhú djila e ka ní abhúka ani lie, ní mbia inde-e ne guo 'ngú súnda ní ne Ebhe li kpadjí gba Yesu Kilisito , Ngámá gba ní-o.

² Yesu abhulu kpadjí pi ní ngae ngubula me Ebhe suno bádha bhú 'bu gba e pi ní li kpadjí na nabhuka . Nabhuka gba ní-e alu pi bádha bhú 'bu bhomu-o. Ní la bhadi ngakpi djali anga ní nga'o 'to ní me Ebhe ahá di sangu pi ní maka ani aha pi Yesu lie-o.

³ A pise bha bini li bhobhomu-o de. Ní di ngakpi ndjili bhú likabhu ní ngazú e anga ní ambila me likabhu ngaha pi ní nambila nadu ne 'ndjá bua.

⁴ Nadu ne 'ndjá bua ngaha pi ní nasia angu bhú kpéke da 'ngú, ní sia angu bhú kpéke da 'ngú-o, bhobhomu-o ngaha pi ní me ní 'o 'to ní li engú li Ebhe apa me ni améne e-o.

⁵ Ní du na'o 'to ní 'to engú li Ebhe apa me ni améne e mo-o, a padhá ade. Padhá de, anga li kpadjí gba Bu Bhobua-a , Ebhe asuno me ni abedhe ne mukunda pi ní bedhe.

⁶ A ko paká, nedhinga ní adu lie me ní nde ti da nagbe 'ndji ní de-e, Yesu Kilisito akpi li 'ngú gba ní osisiti okpála li nedhinga inde li Ebhe a'o nani e-o.

⁷ Ní mbiла hana me, da napa me kpála ziba nakpi li 'ngú gba ngbili kpála kpekpeke. Nedhinga koko-o, kpála ti da naziba mangbo nakpi li 'ngú gba kpála na bádha 'ngú.

⁸ Engú bini, ehe inde asuno me Ebhe ne mukunda pi ní-e ngae inde: nedhinga ní adu nga bha lie bhú siti 'ngú-o, Yesu Kilisito akpi li 'ngú gba ní-o.

⁹ I nde la lie me mbia inde-e Ebhe au ní okpála na ngbingbili bhú djila e li kpadjí na ngute ani-e, ní mbila me ní akóbho bhú 'bhe ke 'ngú gba Ebhe-e li kpadjí na ngute ani.

¹⁰ Nani kalanu, nedhinga ní adu lie nayala Ebhe-e, Ebhe ato guo 'ngú súnda ní ne o li kpadjí nakpi gba Ndili gba e-o. Kaka-a, ní mbila ndjindji me maka li Ebhe ato guo 'ngú lie súnda ní ne o ato-o, ani akóbho bhadi ní li kpadjí gba Ndili gba e, anga Ndili ango-o bhú mukobho.

¹¹ La matá pépé-e, ní ngakpi djali li 'ngú li Ebhe amene e li kpadjí gba Ngámá gba ní Yesu Kilisito-o. Padhá de, anga ani amene me guo 'ngú li súnda ní mbia inde-e ne Ebhe.

Ní ali bhú mangimbo ka Adamu , ní akobho ka Yesu

¹² Ní mbiла hana me, siti 'ngú ali píla doto ka koli kpála bini má kpikili! A li kpála ango-o me Adamu . Siti 'ngú ango-o atsia azu kuo. Ka li ndu okpála hana

amene siti 'ngú lie, kuo atsia akolo li ndu uo hana.

¹³ Kala me Ebhe ha lili gba e pi Moidje-e, siti 'ngú adu nani pila doto. Engú bini, inde lie me Ebhe nde ha nga nani lili gba e pi okpála de-e, ani du na'o 'to e 'to siti 'ngú gba uo de.

¹⁴ La-a, abana a adu lie mo-o, nayie li Adamu, nakolo li Moidje , kuo adu ne angu pi ndu okpála hana, abana pi okpála bhende i mene siti 'ngú maka Adamu andjo nani li Ebhe lie de-o. Adamu nani ne kulu kpála inde a ayo nani me ani go-o.

¹⁵ Engú bini, siti 'ngú gba Adamu-o kpo 'ndji e ne bisagu li Ebhe aha e padhá-a de. Eu ade, okpála bhelé amu kabula siti 'ngú gba koli kpála bini bhomu-o. Engú bini, bádha bhú 'bu gba Ebhe-e ane ne engbé. La di-e, bisagu inde ani aha e padhá pi okpála bhelé li kpadji gba koli kpála bini inde li e me Yesu Kilisito-o, ane di ne engbé.

¹⁶ Bádha bhú 'bu li Ebhe aha e pi okpála-a naae ngazu ngua koko. A viti bini ne siti 'ngú inde li koli kpála bini bhomu-o amene e de. Siti 'ngú li koli kpála bini bhomu-o amene e, amene me Ebhe 'o 'ngú pi okpála. La-a, bádha bhú 'bu li Ebhe aha e pi okpála padhá pita u amene siti 'ngú lie bhelé-e aha pi uo me u kolo ngingbili kala Ebhe.

¹⁷ A na paká me kuo apa lie li okpála ka siti

'ngú gba koli kpála bini. Engú bini, kpála bhe koko inde li e me Yesu Kilisito-o ngamene naae okulu na ngingbengbengbe. Li kpadji gba ani-e, Ebhe ngasuno bádha bhú 'bu gba e inde ane mane-e pi okpála padhá, ani di ngau uo bhú djila e me a ko okpála na ngingbili. Bha li kpadji gba ani-e, u asia muokoho na duduma, u au di ngámá ka ani.

¹⁸ Ní au me kabula siti 'ngú gba koli kpála bini inde li e me Adamu-o, mangimbo gba Ebhe-e ati pi ndu okpála hana. A bhadi moko, kabula bádha kulu gba kpála bini inde li e me Yesu Kilisito-o, okpála hana akolo ngingbili bhú djila Ebhe. Bádha kulu gba Yesu Kilisito di ngaha muokoho pi okpála ngae.

¹⁹ Ka li kpála bini andjo li Ebhe lie, okpála bhelé ati bhú siti 'ngú. A bhadi moko, ka li kpála bini adje li Ebhe lie, okpála bhelé akolo ngingbili bhú djila ani.

²⁰ Pindji bhende atsia lili gba Moidje-e , Ebhe aha nani pi okpála ngae. La natsitsia-a, siti 'ngú atsia abe matá ndu e naali. Engú bini, li bili inde li siti 'ngú abe ndu e lie, bádha bhú 'bu gba Ebhe abe la matá ndu e ane mane.

²¹ A bhadi moko, maka li siti 'ngú apana angu e pi okpála lie li kpadji gba nakpi-e, bádha bhú 'bu gba Ebhe-e apána bhadi angu e pi okpála li kpadji

nakobho uo, Bádha bhú 'bu ango-o améne me ní kolo bhú mukobho na duduuma li kpadji gba Yesu Kilisito, Ngámá gba ní-o.

6

Ní akpi bhú dabili bini ne Yesu, ní azuku bhadi maka aní

¹ Ní apá la ibili pi? Ní mene bha ibili siti 'ngú ne kalanu, amba bádha bhú 'bu gba Ebhe-e nu ne kalanu?

² Belegu de bini! Ní amu li pabili gba siti 'ngú amu. Lele pi ní ti lie matá da nanu bhú siti 'ngú ne kalanu-o?

³ Yi mbila de me nedhinga ní asia batisimo lie, ndu ní hana ní akpetse liní bhú dabili bini ne Yesu Kilisito bhú nakpi ka e di?

⁴ Li kpadji na batisimo-o, ní amu ne aní bhú dabili bini, u atsia azi ní ne aní bhú lata bhú dabili bini ngubula me Ebhe 'dyi ní zuku di ní bhú ká okpála inde amu-o maka aní azuku Yesu Kilisito lie bhú angu gba e inde ane mane-o. Aní azuku ní ngubula me ní du di ne lele mukobho na mbia.

⁵ Padhá de, anga maka ní akpetse liní ne aní lie bhú ngua nakpi inde aní akpi e-e, ní azuku bhadi ngua nazuku inde aní azuku e-o.

⁶ Ní mbila ndjindji me, nedhinga li Yesu Kilisito akpi lie li kulusi-e, Ebhe agi lele mukobho gba ní na kalanu-o bhadi li kulusi oo ngubula me lele mukobho bhomu-o kpi di, amba ní adú matá obalise gba siti 'ngú de.

⁷ Padhá de, anga kpála inde akpi-e, akoto bhú bali gba siti 'ngú akoto.

⁸ I du me ní nde akpi bhú dabili bini ne Yesu Kilisito akpi-e, ní bhadi ne nabhuka me ní adú bhadi ne aní bhú mukobho.

⁹ Yesu Kilisito azuku nani azuku. Ní mbila hana me nayie li 'kpi bhomu-o, aní kpi matá-a de. Nakpi matá ne angu pi aní ade.

¹⁰ Bhú nakpi ka aní ee, aní akpi li pápá na siti 'ngú bhutsibhutsi bini má kpkili! Aní nde lie bhú mukobho mbia inde-e, aní bhú mukobho pi Ebhe.

¹¹ A viti bhadi bini, ngayi di-e, yi 'o liyi mugito me yi amu li pápá gba siti 'ngú-o amu. La mbia inde-e, yi bhú mukobho pi Ebhe li kpadji na makpetse gba yi ne Yesu Kilisito.

¹² I nde lie mo-o, a ayo matá de me siti 'ngú ko angu e pi kute yi na kukuo inde-e de. Yi adhukú li lele gamu na sisiti gba kute yi bhomu-o de.

¹³ Yi a'ó matá oyá yi de me adu bhú kulu gba siti 'ngú maka otia kulu gba aní-e de. Yi ha mangbo liyi pi Ebhe maka okpála inde amu, u atsia azuku. Yi ha liyi libhomu ngú kulu gba Ebhe maka otia kulu ngú namene ngbili 'ngú .

¹⁴ Padhá de, anga a ayo de me siti 'ngú ko matá angu e pi yi-e de, anga yi matá sa lílì ade, engú bini yi mangbo sa bádha bhú 'bu gba Ebhe-o.

Ní matá ne obalise gba siti 'ngú ade, ní ibili ne obalise gba Ebhe

¹⁵ Mbia inde-e, ní matá ngadhukú sa líli ade, ní mangbo sa bádha bhú 'bu gba Ebhe. I nde li mo-o, a ayo me ní nu bha ne siti 'ngú ne kalanú anga ní nde sa bádha bhú 'bu gba Ebhe? Belegú de bini!

¹⁶ Yi mbila hana me i du me mu nde bhú kulu gba kpála bini ngú namene engú ani akunda e-e, mu ne bali gba kpála inde mu nde bhú kulu gba e-o. I du me mu nde bhú kulu gba siti 'ngú-o, mu ne bali gba ani. Mu du bhú kulu gba Ebhe-e, mu ne bali gba ani. Yi mbila la me, siti 'ngú ngato kpála bhú kuo. Engú bini, namanga Ebhe ngamene me Ebhe 'o kpála ngbingbili bhú djila e.

¹⁷ Heni pi Ebhe, anga yi du nako ne obalise gba siti 'ngú, la mbia inde-e, yi ab-huka Ebhe. Yi atsia aziba di ne bua yi bini nadu bhú mukobho nakpata lele nasuno inde u asuno e pi yi-o.

¹⁸ Ebhe agbegbe yi bhú bali gba siti 'ngú-o agbegbe, yi atsia akolo obalise gba ani ngú namene engú inde ngbingbili.

¹⁹ Ma ngakpokpo 'ngú bhomu-o pi yi ne nasusuno li kute obalise, anga yi ngake mboli engú má gala ade. Nani kalanú-o, yi aha kute yi libhomu maka obalise inde bhú kulu gba siti 'ngú inde ngazu kpéke 'ndji li

pabili gba Ebhe. Maka yi aha nani liyi lie libhomu pi siti 'ngú-o, mbia inde-e, yi ha di liyi libhomu pi Ebhe maka obalise inde bhú kulu gba ngbili 'ngú ngubula me lele mukobho gba yi-e du bhende nganga li Ebhe manga.

²⁰ Nedhinga yi adu nako lie obalise gba siti 'ngú-o, ehe bini ade inde i ti nako da natima yi me yi mene ngbili 'ngú.

²¹ Nedhinga yi adu lie amene osisiti 'ngú inde nga'o naki námu li yi bhomu-o, yi asia bhúbhú mangua bádha 'ngú dho? Ehe bini ade! Ongú bhomu-o ngatima kpála bhú kuo.

²² La mbia inde-e, Ebhe agbegbe yi bhú siti 'ngú agbegbe, yi atsia akolo okpála na kulu gba ani-o. Li kpadjì bhomu-o, yi asia nadu bhú mukobho inde nganga li Ebhe-o. Ali soso-o, yi asia mukobho na dudu-ma.

²³ Padhá de, anga makalá gba siti 'ngú-o, a ko nakpi, engú bini, Ebhe naae ngaha pi okpála mukobho na dudu-ma inde bhú Yesu Kilisito Ngámá gba ní-e padhá.

7

Ní aze bhú bali gba líli-e aze

¹ Ondaise ma, yi mbila engú inde ma adjí apa e hana, anga yi ambila líli-e ndjindji. Yi mbila hana me líli ngako angu e pi kpála

bha bini li nedhinga ani nde lie bhá mukobho-o.

² Ní ha nga kukulu li ele inde bhá káva. Nedhinga li 'ko ani nde lie téte-e, ani tí da na'o ká ani ngú nanu na ha bhoko koko de, anga lili ziba mo-o de. I du la me 'ko ani nde akpi-e, ehe bini inde aní matá kpadjí pi ani ngú na ha bhoko koko ade.

³ Bhabhomu-o apa me, i du me ele yie nu ha bhoko koko me 'ko ani nde nga bha téte-e, lili apa me ele bhomu-o akunda bhoko gba kpála koko. I du la me 'ko ani nde akpi ma kpi-e, lili ne engú bini pi ani ade. Kaka-a, ani tí da na ha bhoko koko. U pá li ani de me ani aha bhoko gba kpála koko-o de.

⁴ A bhadí pi yi moko, ngayi ondaise ma. Yi akolo li pabili gba lili maka okpála bhende amu, anga Yesu Kilisito akpi mada yi. Kaka-a, yi ibili ne okpála ka ani, ngaani kpála inde li Ebhe azuku e-o. Ebhe amene mo-o ngubula me ní du azu pi ní onguwa na babadha.

⁵ Nedhinga ní adu nani akobho lie maka li osisiti gümü na kute ní adu atima ní lie, lili adu apana pi ní me, a inde-e siti 'ngú. La-a, ní dje mo-o, kute ní adu mangbo atima ní me ní mene osisiti 'ngú bhomu-o. Osisiti 'ngú ango-o adu atima ní ne kalanu ngú nazu nguwa inde ngatima kpála bhá kuo.

⁶ Engú bini, mbia inde-e, maka ní amu lie li pápá gba

ehe inde a'o nako ní bhá bali-e amu-o, lili matá ne engú pi ní ade. Kaka-a, ní ti da namene kulu liní pi Ebhe li lele bhe na mbia. Ní améne kulu angó li kpadjí gba Bu Bhobua, a adu matá li lele bhe na kalanu ní adu amene e sa lili inde u aye e maye-e de.

*Lili gba Ebhe-e asuno siti
'ngú gba ní-e mbámbá*

⁷ I du mo-o, ní pa me lili ne ehe na sisiti? A mo-o ade! I du ka lili de-e, ma de mbila siti 'ngú de. U yé nani bhá lili de me: «Mo odú ne gümü 'he gba kpála de-e»,[†] ma de mbila de me nadu ne gümü 'he gba kpála ne siti 'ngú-o de.

⁸ Nedhinga ma ambila lili bhomu-o lie, siti 'ngú au kpadjí e abhá ma. A tsia amba bhála ma me ma du ne gümü ohe gba okpála ngangá. Padhá de, anga li lili du de-e, siti 'ngú kó angu e pi ma de.

⁹ Nani kalanu me ma nde mbila nga lili de-e, bua ma adu má bii! La-a, nedhinga ma aké mboli engú li Ebhe akunda e lie, siti 'ngú me ní ngani bhomu,

¹⁰ ma atsia akpi. Lili inde li Ebhe aha e ngubula me aha mukobho pi okpála-a, aha naae muma nakpi.

¹¹ Padhá de, anga ma ambila lili-e lie, siti 'ngú au kpadjí e bhá ma. A apite bua ma, ma atsia akpi kaka.

¹² Bhabhomu-o atima ní naziba me ndu lili-e hana

[†] 7:7 7:7 Tsia bhá Eki. 20:17; di ne bhá Det. 5:21.

ayie ka Ebhe, la di-e ndu ongú inde u aye e bhúbhú-o hana ayie ka ani. Ehe na sisiti bhúbhú belegú ade bini.

¹³ A akunda napa me ehe na babadha-a abhélé ma ngae? A mo-o ade! A abhélé mangbo ma ne siti 'ngú. Siti 'ngú-o aha líli, ani atsia abhélé ma nedí. A mene lie mo-o ngubula me okpála mbíla me siti 'ngú bha ne siti 'ngú. Li kpadjí gba líli-e, siti 'ngú atsia asuno la ibili me ni ane ne siti mane.

Nganí okpála-kuti-e, ní ngagú gbele ne siti 'ngú inde abedhe bhú ní bedhe-o

¹⁴ Ní mbíla hana me líli-e ayie ka Ebhe. La ngama-a, ma ne kpála li angu nde bhú e ade, ma ne bali gba siti 'ngú.

¹⁵ Ma ngaké mboli engú inde ma ngamene e ade. Padhá de, anga ma ngamene engú inde ma kunda namene e de. Ma mangbo ngamene bhende ma ayala namene e-o.

¹⁶ I du me ma nde ngamene engú inde ma ngayala e, bhobhomú-o asuno me ma abhuka me líli ne bádha 'he.

¹⁷ Bhobhomú-o apa me nedhinga ma ngamene siti 'ngú lie, a ko ma de, a ko mangbo siti 'ngú inde asi kutí e abhú ma ko.

¹⁸ Padhá de, anga ma ambila me bádha 'ngú si kutí e bhú ma de, a akunda napa me bhú kute ma, ngama kpála inde li angu nde bhú

e ade-o. A na paká me a bhú ma ne gúmu namene bádha 'ngú, engú bini angu namemene la bhú ma ade.

¹⁹ Padhá de, anga bádha 'ngú inde ma akunda namene e-e, ma ngamemene ade. Siti 'ngú inde ma ayala namene e-e, ma mangbo ngamene e.

²⁰ Li ma du amene engú inde ma akunda namene e de-e, a kunda napa me, a ko ma de, a ko mangbo siti 'ngú inde asi kutí e abhú ma-o.

²¹ I nde lie mo-o, engú ma ngau e ndu 'kpí hana ngae inde: ngama kpála inde ne gúmu namene bádha 'ngú-o, a bha bini bhú ma ne angu namene siti 'ngú.

²² A li bua ma-a, ma ngakpi ndjili li líli gba Ebhe-o.

²³ Engú bini, a bhú kute ma-a, ma ngau líli koko inde ngagú gbele ne líli inde li bua ma ngaziba e-o. Líli inde bhú kute ma-a nga'o ma bali gba líli na siti 'ngú inde abhú ma-o.

²⁴ A ko likabhu muma! A agbégbe ma sakpa kute ma inde ngato ma li kpadjí nakpi inde-e da?

²⁵ Heni pi Ebhe li kpadjí gba Yesu Kilisito, Ngámá gba ní-o!

Ma ti da nabu 'li ma me, li bua ma-a, ma ne bali gba líli gba Ebhe, engú bini, li kute ma-a, ma ne bali gba líli gba siti 'ngú.

¹ Mbia inde-e, engú na'o'o matá pí okpála inde akpëtse lio bhá dabili bini ne Yesu Kilisito ade.

² Padhá de, anga lili gba Bu Bhobua inde ngaha mukobho pí kpála li kpadji gba Yesu Kilisito agbegbe ma bhá bali gba lili na siti 'ngú bhá dabili bini ne bali gba nakpi-e agbegbe.

³ Lili gba Moidje ti nako da naha mukobho pí ní de, anga nganí okpála-kuti-e, angu bhá ní ngú namene olili-e hana-a de. Engú bini, Ebhe amene ehe inde li lili-e ti nako da namene e de-o. Ngú na'e osisiti 'ngú gba ní-e, ani atima Ndili gba e makpe me ani go kobho maka ní osisiti okpála. Bhobhomuo akunda napa me Ebhe kunda siti 'ngú inde li okpála ngamene e belegü de bini.

⁴ Ebhe amene mo-o ngubula me nganí okpála inde ngakobho maka Bu Bhobua akunda lie, ní mene ndu 'ngú hana inde li lili-e aziba e, ní améne matá ongú maka li kute ní aziba lie de.

⁵ Padhá de, anga mu du akobho nakpata ongú inde li kute mu aziba e, mu dū bha nabhundja engú na kute. Engú bini, mu du akobho nakpata ongú inde li Bu Bhobua akunda e-e, mu dū bhadi nabhundja ongú gba Bu Bhobua.

⁶ I du me mu nde ngabhundja bha bini pí ongú inde li kute mu akunda e-e, mu kpi. Engú bini, li mu du abhundja bha bini pí bhende

li Bu Bhobua gba Ebhe-e ngakunda e, Ebhe méne me mu du bhá mukobho bhá dabili bini ne guo 'ngú .

⁷ Okpála bhende ngabhundja bha bini ongú li kute o aziba e, a ko obhulu yala gba Ebhe. U ngamene lili gba Ebhe-e ade, u ti la di da namemene de.

⁸ Okpála bhende ngamene mo-o, u ti da nanga li Ebhe de.

⁹ La ngayi-e, yi ngamene engú maka li kute yi aziba lie ade. Yi ngamene engú maka li Bu Bhobua aziba lie-o. Padhá de, anga Bu Bhobua gba Ebhe ngadu bhá yi. Kpála inde li Bua gba Ebhe-e ngadu bhá e ade-e, a ko makilisito de.

¹⁰ Li Yesu Kilisito du bhá yi-e, li pápá na kute yi-e, yi amú mamu, anga yi nde amene siti 'ngú. La li pápá na bua yi-e, Bua gba ani-e ngaha mukobho pí yi, anga yi akolo ngingbili bhá djila Ebhe.

¹¹ La di-e, li Bua gba Ebhe inde azuku nani Yesu bhá ká okpála inde amu-o du bhá yi-e, a na paká me Ebhe bini bhomuo ahá di mukobho pí okute yi na kukuo bhomu li kpadji gba Bua gba ani inde ngadu bhá yi-o.

¹² Kaka-a, ondaise ma, a ayo me ní du akobho maka li Bu Bhobua akunda lie, a ayo de me ní du akobho maka li kute ní akunda lie de.

¹³ Padhá de, anga yi du akobho maka li kute yi makpe ngatima yi lie, yi mú. Engú bini, li Bu Bhobua

teteke yi me yi 'o namene
siti 'ngú na paká-a, yi sia
mukobho.

¹⁴ Padhá de, anga ndu
okpála hana inde ngadhukú
maka li Bua gba Ebhe-e
akunda lie, a ko ongisi gba
Ebhe.

¹⁵ Bu Bhopua inde li Ebhe
aha e pi yi-e nga'o yi bhú
bali ade, ani di ngabedhe
matá yi ne tsulu ade. A ko
mangbo Bua inde ngamene
me yi kolo ongisi gba Ebhe.
Ka angu gba Bua bhomu-o,
ní ti da nagama 'ngú pi Ebhe
ne na'i ani me: «Aba, 'Dyi
ya!»

¹⁶ Bua gba Ebhe-e belegu
ngapapa ngae makpe pi ní
abhú ní me ní ne ongisi gba
Ebhe.

¹⁷ Ní ne ongisi gba ani-e
na paká. A akunda napa
me ní asia obabadha 'ngú
inde li Ebhe apa me ni áhá
e pi ní-e masia. Ní asia ob-
abadha 'ngú bhomu-o nganí
bhú dabili bini ne Yesu Kil-
isito. Maka ní ngazu likabhu
lie bhú dabili bini ne ani-e,
ní adú bhadi bhú dabili
bini ne ani li bili gba ani na
sangu-o .

*Sangu inde ní nga'o 'to ní
'to e-o*

¹⁸ Ma ambila na paká me
olikabhu ní ngazu e mbia
inde-e kpo 'ndji e ne sangu
inde li Ebhe ambámba ga-
likpe 'ta e pi ní-e belegu de
bini.

¹⁹ Padhá de, anga ndu 'he
inde li Ebhe abho e hana
ngadjeke ne gugumú hana
ekpí inde li Ebhe asúno lie

mbámbá me okukulu ongisi
gba ni-e ngao dho.

²⁰ Padhá de, anga ndu 'he
inde li Ebhe abho e hana ati
sakpa angu na padhá. A ko
de me ohe bhomu-o akunda
ngao-o de, a ko mangbo anga
Ebhe ato uo sa angu bhomu-o
ngae. Engú bini, ohe li
Ebhe abho e ti da na'o nga
matá 'to e 'to engú bini.

²¹ Engú ango-o me, ekpí
akólo makolo li Ebhe tsia
gbégbé bhú bali gba kuo ndu
ohe inde ani abho e hana. U
kpí matá-a de, u asia sangu
maka ongisi gba Ebhe-o.

²² Ní mbila hana me nayie
nani aoo, nakolo pi mbia
inde-e, ndu ohe li Ebhe abho
e hana-a, ngazu likabhu, u di
ngazu tate o maka olé inde li
bhú 'bu e nde ngazu ka ezu.

²³ Ohe inde li Ebhe abho e
bha bini ngazu likabhu kpi e
kpi ade, abana nganí okpála
inde asia Bu Bhopua maka
gina 'he inde li Ebhe aha e
pi ní-e, ní di ngazu likabhu.
Ní ngazu likabhu ali bua ní
nedhinga ní ngadjeke lie me
Ebhe mene me ní kolo ongisi
gba ni, amba ani gbegbe la di
ní libhomu bhú bali.

²⁴ Ebhe akobho nani ní
akobho, ní u nga la sangu
ango-o de, ní bha nga'o 'to ní
toto. Li ní du au ongú inde ní
nga'o 'to ní 'to e ne djila ní-e,
a bhomu-o matá na'o 'to o
'to 'ngú de, anga a nde sakpa
ní. Padhá de, anga kpála 'o'o
'to e 'to ehe inde ani au e ne
djila e au-o de.

²⁵ Engú bini, i du me ní
nde u nga ehe inde ní nga'o

'to ní 'to e de-e, ní dú nad-jedjeke ne 'ndjá bua.

²⁶ Engú koko di ngae inde, Bu Bhopua ngateteke ní li kpadji gba Ebhe-o, anga angu nde bhú ní ade. Padhá de, anga ní mbila nayo Ebhe li lelele de. Bu Bhopua mangbo ngayo Ebhe mada ní ngae makpe. Ani ngayo Ebhe ne bua e hana da napa me u ti da napapa ne ebhe de.

²⁷ Ebhe mbila ndu 'ngú hana inde bhú kpála. Ani ngambila di engú inde li Bu Bhopua ngakunda napa e hana. Padhá de, anga Bu Bhopua ngayo Ebhe mada omaha Ebhe maka li Ebhe akunda lie ngae.

²⁸ Ní mbila hana me ndu 'ngú li Bu Bhopua ngamene e hana-a, ani ngamemene ngubula me okpála bhende ne mukunda pi Ebhe-e sia bádha 'ngú. A ko okpála inde li Ebhe a'i naní o me u mene engú inde ni akunda e.

²⁹ Padhá de, anga Ebhe abhu naní uo kalanu, ani atsia apa di kalanu me ni améne me u kolo maka Ndili gba ni, ngubula me Ndili gba ni-e du ne gina 'zu bhú ká ongisi bhelé.

³⁰ Obhe li Ebhe amene engú bhomu-o pi o-o, ani a'i di uo. Obhe ani a'i o-o, ani amene di me u kolo bhú djila ni okpála na ngingbili

Obhe ani amene me u kolo bhú djila ni okpála na ngingbili-e, ani amene di me u sia sangu gba ni-o.

Ehe bini gbó bhusu ní ne

mukunda li Ebhe nde ne e pi ní-e de

³¹ Nakpata ndu 'ngú bhomu-o hana-a, ya ti da nabu tata-a me: «Li Ebhe nde lie pi ní-e, kpála bini ti da naha angu ní de.»

³² Ngaani Ebhe-e, ani gili Ndili gba e makpe pi ní de. Ani apu ani ngú napa me ani go kpi pi ndu ní hana. Maka ani apu Ndili gba e lie pi ní-e, ani ahá di ondu 'he kokoo hana pi ní bhú bádha bhú 'bu gba e-o.

³³ Kpála bini ne engú napa mapu li okpála li Ebhe abhu o ade. Padhá de, anga Ebhe ngae makpe au uo me u bhú djila ni ngingbili.

³⁴ Kpála bini ti da na'o 'ngú pi okpála li Ebhe abhu o de. Padhá de, anga Yesu Kilisito ngae makpe akpi pi ní. Pépé-e, ani azuku, ani ali li pá 'kpa na kokpa gba Ebhe. Ani di ngayo Ebhe ngubula ní.

³⁵ A ti da nagbo bhusu ní ne mukunda li Yesu Kilisito nde ne e pi ní-e da? Abana ní du bhú likabhu, abana ní du bhú kpéke da 'ngú, abana li okpála du nato mbolo li ní, abana ní du bhú ndibhili, abana li kpéke 'ngú du nago ngú ní, abana li okpála du nakodho ngulu ní, abana li gamu du namene ní, ehe bini inde ayóko mukunda li Yesu Kilisito nde ne e pi ní-e belegü ade bini.

³⁶ A maka u aye lie bhú bhuku gba Ebhe-e me:

«Okpála ngagili ndu 'kpí
hana me o bhéle ya
kabula 'ngú gba mu-o.
Okpála ngau ya mugito me
ya ne okandélo inde u
adji abhili o.†»

³⁷ La bhú ndu 'ngú bhomu-o
hana-a, ya ngaha angu ndu
ongú bhomu-o hana ka angu
gba kpála inde ne mukunda
pi ya-o.

³⁸ Padhá de, anga ma ambila
na paká me ehe bini inde
agbo bhúsú ní ne mukunda
li Yesu Kilisito nde ne e pi
ní-e ade. Abana i du me ní
nde bhú mukobho, abana i
du me ní nde amu, a viti bha
bini. Abana i du oandjelu
, abana i du di ongú na
biti, abana ongú na naki,
abana ongú inde ngago, bini
bhú káká-a gbó bhúsú ní ne
mukunda gba Yesu Kilisito
de.

³⁹ Abana i du ohe inde ngadu
abhúlá, abana ohe bhende
ngadu asa doto, abana ndu
ohe koko hana inde li Ebhe
abho e, ehe bini ade inde
i ti da nagbo bhúsú ní ne
mukunda inde li Ebhe nde
ne e pi ní li kpadjí gba Yesu
Kilisito, Ngámá gba ní-o.

9

*Ebhe ngamene ndu 'ngú
hana bhú ngú e*

¹ Ma ne kpála gba Yesu
Kilisito ! Engú ma adji apa e
inde-e, a ko kúkulú 'ngú, ma
pa eu de. Bu Bhobua ngasuno
mu-ma me 'li ma-a, a ko
paká, bua nakpokpo kú 'ngú

gba ma la bhadi ngaziziba
moko me a ko paká.

² A ko paká me bua ma ne
likabhu naali, likabhu inde li
bua ma-a ndjindjia di-i de.

³ Li kpadjí du uu-o, ngama
makpe, ma de ayó me Ebhe
tu pédjé li ma, amba aní gbo
bhúsú ya ne Yesu Kilisito i
du me a nde ti da nateteke
ondaise ma omaYuda u-o,
anga a ko ondaise ma na
piga.

⁴ A ko okpála na piga gba
Isalaele. Ebhe abhú uo me
u kolo ongisi gba ni, aní aha
pi uo me u u sangu gba ni-o,
aní akodho gandja ne uo
bhútsibhútsi, aní aha líli gba
e pi uo, aní asuno lele nayo
pi uo, aní apa me ni améne
obabadha 'ngú pi uo.

⁵ A ko odi Abalahama ne
ongisi gba e-o. La di-e Yesu
Kilisito ngae makpe li pápa
na kute-e, a ko kpála na piga
gba uo. Ngaani, a ko Ebhe
inde pi 'ndji ndu 'he hana-o.
A ayo me okpála toko aní
dúdúma ne dúdúma. A adu
moko.

⁶ Ma pa de me engú li Ebhe
apa me ni améne e, aneke
de. Ní mbila hana me a
ko de me ndu odi Isalaele
hana bha ne ongisi gba aní
makpe-e de.

⁷ La di-e, ndu odi Abala-
hama hana bha ne ndu
ongisi gba aní makpe ade.
Padhá de, anga Ebhe apa
pi Abalahama me: «Odi mu
akóto li kpadjí gba Isaka.†»

⁸ A akúnda napa me ndu
ongisi li Abalahama azu o

† 8:36 8:36 Tsia bhú Ets. 44:23. † 9:7 9:7 Tsia bhú Dje. 21:12.

hana ne ongisi gba Ebhe ade. Pi Ebhe-e, kukulu odi Abalaha ma bha bini ne ongisi inde ani azu o nakpata lele maka li Ebhe apa nani lie me ni ahá pi ani-o.

⁹ Padhá de, anga Ebhe apa nani engú na ongisi ango-o pi ani me: «Bhú kalanga na sidi-e, bhú ngua onedhinga inde-e, ma agié matá lima, ma abháka me Sala nde azu ndili na bhobhoko.†»

¹⁰ A viti bhadi bini ne bhe gba Lebeka-o. Ndú ongisi gba ani-e bhisi hana, koli 'dyi uo bha bini, ogbi ní Isaka.

¹¹⁻¹² La-a, kala napa me u zu uo-o, Ebhe apa me: «Bhebhele-e adú kpála na kulu gba ndindili-o.†» Ebhe apa 'ngú bhomu-o kala me suka uo mene bádha 'ngú, i dú di-e siti 'ngú. Lebeka nde zu nga uo de. Ebhe amene mo-o ngú nasuno me ní memene bha bini engú maka ni akunda lie. Ani ngabhu okpála bha bhú ngú e. Ani tsia de me kpála ango-o amene bádha 'ngú ne me ani amene siti 'ngú-o de.

¹³ A maka u aye lie bhú bhuku gba Ebhe-e me Ebhe apa me:

«Ma ne mukunda pi Yakobho, ma ayala Esau.†»

¹⁴ I dú me a nde mo-o, ní pá me ngibili 'ngú bhú Ebhe adi? Belegu de bini!

¹⁵ Padhá de, anga Ebhe apa pi Moidje me:

† 9:9 9:9 Tsia bhú Dje. 18:10-14. † 9:11-12 9:11-12 Tsia bhú Dje. 25:23. † 9:13 9:13 Tsia bhú Mal. 1:2-3. † 9:15 9:15 Tsia bhú Eki. 33:19. † 9:17 9:17 Tsia bhú Eki. 9:16.

«Ma kunda namene bádha 'ngú pi kpála-a, ma méne.

I dú di me ma nde akunda nadje ndjinga kpála-a, ma djé.†»

¹⁶ Bhobhomu-o akunda napa me, li Ebhe mene bádha 'ngú pi kpála-a, ani amene bha pi ani anga ani adje ndjinga ani. A ko de me ani amene pi ani anga kpála ango-o akunda ngae, ne me ani amene téte kulu-o de.

¹⁷ A maka engú inde ani apa nani e bhú Bhuku gba e pi 'ngbé ngámá na Edjipito me: «Ma a'o mu 'ngbé ngámá ngubula me ngama Ebhe-e ma pana angu gba ma bhú mu, di ne ngubula me ndú okpála na píla doto libhomu mbila me ma ne da-ie.†»

¹⁸ Kaka-a, ní ngau me li Ebhe kunda nadje ndjinga kpála-a, ani djé, ani kunda nato kpéke 'ndji bhú 'ndji kpála-a, ani to.

Ní ti da nadjidji 'ngú sa 'li Ebhe de

¹⁹ Nedhinga koko-o, kpála bini ti da nayi ma me: «Li Ebhe dú nabhu okpála maka ani akunda lie, ka ní ani nde lie nga'o 'ngú pi okpála, u nde bha ngamene bhomu-o bhende ani akata uo me u mene e?»

²⁰ Ngamu kpála inde ngayi ma mo-o, mu ne da ngú nadjidji 'ngú sa 'li Ebhe? Madakpa ti da nayi kpála inde apo ani-e uu me: «Mo

omene ma me-e ka ni?» Belegü de bini!†

²¹ Bhulü napo lusa ti da namene engü inde ani akunda e ne doto na lusa-a hana. Ani ti da nagbo bhusu doto na lusa-a bhisi. Ani há bhe bini-e, ani méne téte lusa na kpéke mase, ani há bhe koko-o, ani méne téte lusa u amemene kulu ne e ndu 'kpí hana.

²² Li Ebhe kunda nadu maka bhulü napo lusa-a, naamü bhúbhú ne ni? Ani amene mo-o ngubula nasuno ke 'ngü gba e, di ne me a bhú ni ne angu. La-a, ani akibila nani ne 'ndjá bua okpála inde a ayo nani me u sia ke 'ngü gba ani-o, inde adu nako masikpe de napa me ani bhili o-o.

²³ Ebhe amene mo-o ngubula me okpála mbila me sangu abedhe bhú ni bedhe pi okpála inde ni nde ne ndjinga pi o-o. Ani aleke uo kalanü me u sia sangu gba ni-o.

²⁴ Ni di ne okpála inde ani a'i o pi e. Ani bhú bha bini okpála ani a'i o pi e bhú ká omaYuda de, ani abhu di uo bhú ká opiga inde ne omaYuda ade-e uu.

²⁵ A bhomü-o engü ani apa e bhú bhuku gba polofeta Oze me:

«Okpála inde nani i du okpála ka ma de-e, ma a'í uo me a ko okpála ka ma.

Okpála inde nani ma du ne mukunda pi o de-e,

ma apá me ma ne mukunda pi uo.†

²⁶ Li bili nako ma apa pi uo lie me:

«Ngayi-e, yi ne okpála ka ma ade-e»,

bha li bili bini bhomü-o, ma apá pi uo me:

«Yi ne ongisi gba ma, Ebhe na mukobho-o.†»

²⁷ La pi okpála na Isalaele, polofeta Isaya agama di 'ngü li 'ngü gba uo-o. Ani atsia apa me: «Abana li omaIsalaele du bha bhelé maka sike abhu 'ngbé 'nguo, yi mbila me obhe li Ebhe akóbho o-o bhelé ade.

²⁸ Padhá de, anga engü li Ebhe apa me ni améne e pila doto-o, ani améne bha hana má kpékébhé! Ani améne la di má gala!†»

²⁹ A di maka polofeta Isaya apa matá nani lie me:

«Li Ebhe Ngámá Apí 'Kpí bhili nani ongisi gba ni-e hana-a, ni de andjulü maka okpála na Sodomo ne Gomolo andjulü nani lie-o.†»

Okpála koko bhú ká omaIsalaele bhuka de

³⁰ I du mo-o, ni ti da nabu tata pi? Engü inde ya akunda nabu tata ne e ngae inde, okpála inde bhú piga gba omaIsalaele ade-e, gili nako nadu ngbingbili kala Ebhe de. La-a, Ebhe au uo me a ko okpála na ngbingbili

† 9:20 9:20 Tsia bhú Isa. 29:16, 45:9.

9:26 Tsia bhú Oz. 2:1.

† 9:25 9:25 Tsia bhú Oz. 2:25.

† 9:28 9:28 Tsia bhú Isa. 10:22-23.

† 9:29 9:29 Tsia

bhú Isa. 1:9.

bhú djila e ka u abhuka ni lie-o.

³¹ La-a, okpála na Isalaele inde adu agili me o kolo ngingbili bhú djila Ebhe li kpadji namene lili-e, kolo nedì ali soso de.

³² U kolo nedì ali soso de ka ni? U kolo de, anga u adu abhundja me o kólo ngingbili bhú djila Ebhe ka okulu gba o-o. U du abhuka de me kpála ngakolo ngingbili bhú djila Ebhe ka nabhuka gba e de. U atsia ado 'dhú o li teme inde ngagbo 'i kpála-o.

³³ Bhuku gba Ebhe-e ngapa 'ngú na teme ango-o me: «Yi gbo 'dje yi!

Ma nga'o bhú gudhu na Siona teme bini inde li okpála ngado 'dhú o lie.

A ko teme inde ngagbo 'i kpála.

La-a, kpála abhuka ani-e, ani dji 'ngbu e li ani 'kpí bini de.[†]

10

¹ Ondaise ma, engú inde ma ngakunda e ne bua ma hana-a, a ko me omañsalaele sia mukobho. Ma ngayo Ebhe pi uo ngánga.

² Ma au me u akunda namene kulu lio pi Ebhe na paká. Engú bini, u mbila kpadji ango-o de.

³ U mbila kpadji li Ebhe ngau kpála li e bhú djila e ngingbili-e de. U agili nade kpadji bhe gba o ngao

makpe. Kaka-a, u ayala nakpata kpadji li Ebhe ngau kpála li e bhú djila e ngingbili-o.

⁴ Padhá de, anga li Yesu Kilisito ago lie, ani andjia angu lili gba Moidje-o. Ani amene mo-o ngubula me ndu okpála hana inde abhuka ni-e kolo ngingbili bhú djila Ebhe.

Ebhe ngakobho ndu okpála hana inde abhuka Yesu

⁵ Moidje aye engú pindji lele maka li Ebhe ngau okpála lie bhú djila e ngingbili ka nakpata lili-o. Ani me: «Kpála inde akpáta ndu lili-e hana-a, adú bhadi bhú mukobho kaka.[†]

⁶ Engú bini, u papa pindji lele maka li Ebhe ngau okpála lie bhú djila e ngingbili ka nabhuka me: «Mo opá li bua mu de me: «A a'ú abhúlá da?[†]» Padhá de, anga li mu pa mo-o, a akunda napa me, mu ngayi li bua mu me: «A a'ú abhúlá da ngú napa pi Yesu Kilisito me ani go bhaka ní kuto ei.»

⁷ Mo opá di li bua mu de me: «A aké asate da?» Padhá de, anga li mu pa mo-o, a akunda napa me, mu ngayi li bua mu me: «A aké asate da ngú nagbegbe Yesu Kilisito bhú ká okpála inde amu-o?[†]»

⁸ Bhuku gba Ebhe-e apa mangbo me:

[†] 9:33 9:33 Tsia bhú Isa. 8:14-15, 28:16. [†] 10:5 10:5 Tsia bhú Lev. 18:5.

[†] 10:6 10:6 Tsia bhú Det. 30:13. [†] 10:7 10:7 Tsia bhú Det. 30:13.

«'Li Ebhe dengo mʉ masikpe.

A bhʉ 'bhə mʉ, a di li bua mʉ.[†]»

Engú ya ngakpokpo e-e, a pindji eli bhomʉ, a ayo me okpála bhuka eli ango-o.

⁹ Li mʉ pa ne 'bhə mʉ kala ndʉ okpála hana me Yesu ne Ngámá-a, li mʉ bhuka di ne bua bini me Ebhe azuku ani bhʉ ká okpála inde amu-o, Ebhe kóbho mʉ.

¹⁰ Padhá de, anga ní bhuka Yesu Kilisito li bua ní-e, ní kólo ngingbili bhʉ djila Ebhe. Ní pa ne 'bhə ní mbámbá me Yesu Kilisito ne Ngámá-a, Ebhe kóbho ní.

¹¹ A maka u aye lie bhʉ Bhuku gba Ebhe-e me: «Ndʉ okpála hana inde abhuka ani-e, ani djí 'ngbʉ e li uo 'kpí bini de.[†]»

¹² Ka 'ngú ango-o, abana omaYuda, abana di okpála bhende ne omaYuda ade-e, u viti bha bini. Koli Ngámá gba uo bha bini. Ani ngaha obabadha 'ngú gba e bhelé pi ndʉ okpála hana inde ngayo ka ani me ani teteke o-o.

¹³ A maka u aye lie bhʉ Bhuku gba Ebhe-e me: «Ndʉ okpála hana inde ayó ka Ebhe Ngámá me ani teteke o-o, ani akóbho uo makobho.[†]»

¹⁴ A moko. Engú bini, li okpála bhuka ani de-e, u ayó ani lele pi? Li okpála dje engú gba ani-e de-e, u abhúka ani lele pi? Li kpála

krokpo 'ngú gba ani-e de-e, okpála adjé engú gba ani-e lele pi?

¹⁵ Li ani tima okpála de-e, u anú nakpokpo 'ngú gba ani-e lele pi? U aye di bhʉ Bhuku gba ani-e me: «Tsitsia nga, a ko djali nau okpála inde ngakpokpo obabadha ngali-e nago ne kpokpokpo![†]»

¹⁶ Engú bini, a ko de me ndʉ okpála hana abhuka Bádha Ngali-e de. Padhá de, anga Isaya ayi nani belegʉ me: «Ngámá, a abhuka ongali ya akpokpo e pi okpála da?[†]»

¹⁷ Ní mbila me, kpála ngabhuka nedhinga inde ani adje ngali lie-o. Ngali bhomʉ-o, a ko bhende ngalʉ pi 'li Yesu Kilisito-o.

¹⁸ I nde lie mo-o, ma ngayi me, a akʉnda napa me omaYuda dje nga ngali bhomʉ-o dí? A mo-o ade, u adje! Bhuku gba Ebhe-e ngapa me:

«Ngbikpi ne sukpe u ngakpokpo 'li Ebhe ne ndʉ bili hana píla doto.

'Li uo akolo ne li ndʉ 'dje doto badha hana.[†]»

¹⁹ Ma ngayi matá engú bini, okpála na Isalaele ke mboli engú u adje e dí? A mo-o ade, u ake mbolimboli ake! Ngaiza kalanʉ-o, Moidje apa nani me:

«Ebhe apa me:

[†] **10:8 10:8** Tsia bhʉ Det. 30:14. [†] **10:11 10:11** Tsia bhʉ Isa. 28:16. [†] **10:13 10:13** Tsia bhʉ Djl. 3:5. [†] **10:15 10:15** Tsia bhʉ Isa. 52:7. [†] **10:16 10:16** Tsia bhʉ Isa. 53:1. [†] **10:18 10:18** Tsia bhʉ Ets. 19:5.

«Ma améne engú da napa me
ngayi okpála gba ma-a yi
kolo ne siti
bua pí okpála inde ne
okpála gba ma ade-o.
Ma améne engú da napa me
yi kolo ne ke 'ngú pi
opiga inde li imbilangú
nde bhú 'ndji o ade-o.†»
 20 Pipita-a, polofeta Isaya
apa belegü me:
«Ebhe apa me:
«Okpála inde i du agili ma
de-e, au ma.
Ma asuno lima pí okpála
inde
i du ayo ma de-o.†»
 21 La li 'ngú gba
omaIsalaele-e, Ebhe apa
me:
«Ekpí libhomu, ma ato 'kpa
ma pí omaha ma me u
gogo,
engú bini, u amene
kpéke 'ndji,
u ayala engú inde ma adu
napa e-o.†»

11

*Ebhe ne ndjinga pi
omaIsalaele*

¹ Ma ngayi me, i nde lie
mo-o, Ebhe abala omaha e
abala? A mo-o ade! Padhá
de, anga ngama makpe-e,
ma ne maIsalaele. Abala-
hama ne ogbi ma, u azu ma
bhú piga gba Bendjame.

² Ebhe bala omaha e
inde ani abhú nani o pi e
bhutode-e de. Yi mbila engú
inde li Bhuku gba Ebhe apa
e hana li bili inde li polofeta
Eliya adu alopolio lie lie kala

Ebhe li 'ngú gba okpála na
Isalaele-o.

³ Eliya adu alopolio lie me:
«Ngámá, u abhili opolofeta
gba mu-o. U atsia agugumú
di odabili inde ya tsutsulu
'he pi mu pí e-o. Ma atigala
bha koli ma kpi ma kpi. U la
bhadi ngagili nabhele ma.†»

⁴ Ebhe atsia agie pi ani pi?
Ebhe agie pi ani me: «A mo-o
ade, mu kpi mu kpi ade. Ma
alila okpála kete mananika
pi ma makpe. U tutu lipuku
o kala Bala inde li okpála
ngau e maka Ebhe-e de.†»

⁵ Bhú okpí na naki inde-
e, a bhadi moko. Dú
omaIsalaele koko atigala,
inde li Ebhe abhú o pi e ka
bádha bhú 'bu gba e-o.

⁶ Ani bhú uo ka babadha
okulu gba uo de, ani abhú
uo ka bádha bhú 'bu gba e-o.
Li Ebhe bhú uo ká obabadha
okulu gba uo-o, ni de apá me
bádha bhá 'bu gba ani-e, a
ko bádha bhú 'bu de.

⁷ Bhabhomu-o akunda
napa me okpála na Isalaele
sia ehe inde u adu nagili e
de. Okpála bini bini bhú ká
uo inde li Ebhe abhú o-o asia
ehe inde u adu nagili e bha
bini ngao. La pi okpála kokoo,
Ebhe ato kpéke 'ndji bhú uo.

⁸ A maka u aye lie bhú
Bhuku gba Ebhe-e me:

«Ebhe amene me u aké
mboli 'ngú bini de.

Ani ani djila uo me u aú
kpí de.

† 10:19 10:19 Tsia bhú Det. 32:21. † 10:20 10:20 Tsia bhú Isa. 65:1. † 10:21
10:21 Tsia bhú Isa. 65:1-2. † 11:3 11:3 Tsia bhú 1 Ong. 19:10, 14. † 11:4
11:4 Tsia bhú 1 Ong. 19:18.

Ani atsia abuku di 'dje uo me
u adjé 'kpí de nakolo
pi naki.[†]

⁹ Davidi atu di nani 'kpa e li
uo me:
«Oanokomia gba uo du pi uo
maka ekú,
a adú pi uo maka nd-
jukudu li kpadji,
amba u sia mbini kulu inde
u ngamene e-o.

¹⁰ A ayo me Ebhe dudu djila
uo me u aú 'kpí de.
A ayo me Ebhe ha
likabhu pi uo, me
'ngbu uo kodho.[†]

¹¹ Ma atsia ayi matá me, li
okpála na Isalaele ati lie, u
ati bha na paká-a? A mo-o
ade! Engú bini, ka u ati lie,
okpála inde ne omaIsalaele
ade atsia asia mukobho.
Ebhe amene mo-o ngubula
napa me omaIsalaele du ne
siti bua li okpála inde ne
omaIsalaele ade-o.

¹² Li omaIsalaele amene
siti 'ngú lie, Ebhe amene
bádha 'ngú pi ndu okpála na
doto hana. Li omaIsalaele
ati lie, Ebhe aha tia pi okpála
inde ne omaIsalaele ade-o.
I du me Ebhe nde amene
bádha 'ngú pi ndu okpála
na doto hana nedhinga inde
li omaIsalaele andjo 'li
ani lie, ani améne la matá
bádha 'ngú pi uo ane mane,
nedhinga li ndu omaIsalaele
hana agié lio lie li pápá gba
ani-o.

*Lele maka li Ebhe akobho
okpála inde ne omaYuda ade-
e lie-o*

¹³ Mbía inde-e, ma
ngagama 'ngú inde-e pi yi
okpála inde ne omaYuda
ade-o. Ma ne bhulü titima
inde li Ebhe atima e pi
okpála inde ne omaYuda
ade-o. Kaka-a, ma ngau kulu
inde li Ebhe aha e muma ne
tata.

¹⁴ Ka ma ngau kulu ango-
o lie ne tata-a, ma abhundja
me okpála na piga gba ma-
a adjé siti bua li ma téte, li
Ebhe tsia kóbho di bini bini
bhú ká uo.

¹⁵ Li Ebhe abala omaYuda
lie, okpála na opiga koko
atsia apo bhúla o de ani.
Li Ebhe ató guo 'ngú sundá
o ne omaYuda lie, adú
djali na ngbéngbé. A adú
maka kpála inde akoto bhú
kuo, ani atsia agie lie bhú
mukobho!

¹⁶ I du me u nde aha ndu
mapa na kalanu-o pi Ebhe-
e, a akunda napa me mapa
bhomu-o libhomu ne naani.
Li u ha sie ndula pi Ebhe-e,
a akunda napa me oyáyá-a
hana di ne naani.

¹⁷ Okpála na Isalaele
maka 'lá ndula na olive.
Ebhe ava oyáyá bini bini.
Ani atsia ato yi, opiga
koko inde ne omaYuda ade-
e, bhú da oyáyá bhomu-
o. Obabadha ohe inde
li omaYuda adu asia e-e,
ngayi omatobhukayi-e, yi di
ngasisia maka li oyá ndula
asisia angu lie ka sie e-o.

¹⁸ Kaka-a, a ayo de me yi u
okpála inde maka oyá ndula
inde u ava e padhá-a de. Yi
nga'o liyi ne bhulá ka ni? Sie

[†] **11:8** **11:8** Tsia bhú Det. 29:3; di ne bhú Isa. 6:10, 29:10. [†] **11:10** **11:9-10** Tsia
bhú Ets. 69:23-24.

ndula-a dha bhú yá e de, yá ndula adha mangbo bhú sie ndula ko.

¹⁹ Eu ade. Mu ti da napa me: «Ebhe ava nani oyáyá bhomu-o ngubula napa me, ngama-a, ani to ma mada uo-o.»

²⁰ A ko paká me, Ebhe ava nani uo anga u bhuka nani ani de. Mo osia dabili bhomu-o anga mo obhuka ani. Engú bini, mo o'ó limu kaka abhúlá naali de. Du mangbo ne tsulu Ebhe.

²¹ Padhá de, anga Ebhe va nani omaYuda padhá de, a asi la masi maka mu. OmaYuda la nani ne okukulu oyá ndula na olive ngao. Mu lila limu de-e, Ebhe akódho bhadi mu maka ani ava uo lie-o.

²² Mbila me Ebhe babadha, ani la di ngakodho 'ngú gba okpála ngingbili. Ani ngakodho 'ngú gba okpála bhende nga'o ká kpadji gba ani-o. Ani la babadha li pápá gba mu-o. La-a, a ayo me nu bha li kpadji gba ani-e ne kalanu. Idú mo-o de-e, ani akódho di mu maka ani ava oyá ndula koko lie-o.

²³ La pi omaYuda-a, i du me u nde a'o kpéke 'ndji gba o-o, Ebhe gie matá uo libili u adu nako lie-o. Padhá de, anga Ebhe ne angu ngú nagie uo matá bhú da o ne totó.

²⁴ Ngayi okpála inde ne omaYuda ade-e, yi maka oyá ndula na olive inde u lu e malu de. Ebhe atsia ava

yi, ani ago a'o yi li kute 'lá olive bhende u alu e malu. U memene la mo-o de. La pi omaYuda-a, uo maka oyá ndula na olive bhe u a lu e malu. Kaka-a, dá napa me Ebhe gie uo bhú dá o-o kpekpeke ade.

Ndjinga gba Ebhe-e pi ndu okpála hana

²⁵ Ondaise ma, ma akunda me yi mbila engú inde li Ebhe awo e mawo-o, ngubula me yi au liyi mugito de me yi ne obhulu imbilangu-o de. Yi mbila me té okpála na fsalaele adú nagbe kpéke 'ndji li 'ngú gba Ebhe-o, nakolo li 'kpí inde li ndu okpála inde ne omaYuda ade-e hana agié lio lie agba Ebhe-o.

²⁶ Abhomu-o li 'kpí angoo, li omafsalaele hana tsia kóbho maka li Bhuku gba Ebhe-e apa lie me:

«Kpála inde akóbho okpála ayié bhú Siona .

Ani a'é osisiti 'ngú gba odi Yakobho.

²⁷ A bhomu-o gandja inde ya akódho e ne uo-o, nedhinga ma a'é osisiti 'ngú gba uo lie-o.†»

²⁸ Li ní tsia maka li omaYuda ayala Bádha Ngalie lie, a ko obhulu yala gba Ebhe. Engú bhomu-o amene lie lie mo-o, ngayi okpála inde ne omaYuda ade-e, yi atsia asia bádha 'ngú gba Ebhe-o. Engú bini, ní tsia maka li Ebhe abhu uo lie me u du bhú ngú ni-e, Ebhe ndu

† 11:27 11:26-27 Tsia bhú Isa. 59:20-21, 27:9.

'kpí hana ne mukunda pi uo ka gandja nani u akodho e ne onguo ogbi uo mo-o.

²⁹ Padhá de, anga li Ebhe ha 'he pi kpála-a, ani gbála matá ka ani de. Ani 'i di kpála-a, ani dji matá mab-hundja gba e li pabili gba ani-e de.

³⁰ Nani kalanu-o, ngayi di-e, yi andjo 'li Ebhe. Engú bini mbia inde-e, yi ambila ndjinga gba Ebhe anga omaYuda andjo di 'li ani.

³¹ A bhadi moko. U andjo bhadi 'li Ebhe mbia inde-e ngubula me Ebhe dje ndjinga yi. Ebhe amene mo-o ngubula me ngauo di-e ni dje ndjinga uo mbia inde.

³² Padhá de, anga ka li ndu okpála hana andjo 'li Ebhe lie, u akolo maka obhálu tikpu. Ebhe amene mo-o ngubula me ni dje ndjinga ndu uo hana.

Ebhe ngbéngbé ane ndu 'he hana

³³ A na paká me bádha bhá 'bu gba Ebhe ane ne engbé mane! Imbilangú gba ani-e ane ndu 'ngú hana! Ani mbila ndu 'ngú hana! Engú inde ani ngabhundja e li bua e, kpála bini ti da nakpokpo kúkú de. Kpála bini ti da nake mboli okpadji gba ani-e de.

³⁴ A maka u aye lie bhá Bhuku gba ani-e me:

«Kpála bini mbila mab-hundja gba Ebhe Ngámá-a de.

Kpála bini ade inde i ti da nakpokpo pi Ebhe lele engú inde ayo me ani mene e-o.[†]

³⁵ Kpála bini ade inde akpo naha 'he pi Ebhe ngubula napa me ani du adjeke

me Ebhe gie pi ni-o.[†]»

³⁶ Padhá de, anga ani abho ndu 'he hana ngae. Ani ngamene me ndu 'he ni abho e hana du bhá mukobho. Ndandumu hana ngagie lie agba ani. A ayo me okpála dhége Ebhe duduma ne duduma! A adu moko.

12

Ebhe aha kulu pi okpála kpikpikpi

¹ Ondaise ma, i nde lie me Ebhe nde adje ndjinga ni mo-o, ma ayo ka yi me yi ha liyi ngayi makpe pi Ebhe maka makiso inde na uu. Yi du libhomu pi ani ngú nanga li ani. Pi yi-e, a bhomu-o kúkú lele nadhége Ebhe-o.

² Yi adu amene 'he maka okpála na doto inde-e de. Yi 'o mangbo me Ebhe dji yi, amba ani ha pi yi imbilangú na mbia. Yi mene mo-o, yi tsia mbila me Ebhe akunda ni i-e. A akunda napa me yi ambila engú inde na babadha, engú inde anga li ani, engú inde li kpadijí.

³ Kabula kulu inde li Ebhe aha e muma ka bádha bhá 'bu gba e-e, ma ngapa pi ndu yi hana me: yi au liyi ne bhála nane mane de. Yi

[†] 11:34 11:34 Tsia bhá Isa. 40:13. [†] 11:35 11:34-35 Tsia bhá Isa. 40:13; di ne bhá Djb. 41:3.

mbila mangbo lele yi makpe, maka yi nde lie-o. Yi tsia lele nabhuka li Ebhe aha e pi yi ngú nambila me da yi ngae dho-ie.

⁴ Koli 'lá kpála bha bini, engú bini oyáyá téte bhelé inde ngamene okulu kpikpikpi.

⁵ A viti bhadi pi ní bini. Abana ní nde lie bhelé-e, ní akolo koli kpála bini bhú nakpetse liní ne Yesu Kilisito-o. Ní atsia akpetse liní maka oyá kpála-kuti akpetse lie lie-o.

⁶ Ebhe aha pi ní oangu ngangá ngú namene kulu nedí. Aní aha pi ní padhá bhú bádha bhú 'bu gba e, li lele maka anga li bua aní lie-o. Kaka-a, li súka ní sia angu nakpokpo eli inde ayie ka Ebhe-e, a ayo me, aní kpokpo nakpata lele nabhuka gba e-o.

⁷ Li Ebhe ha pi kpála koko angu nateteke obi e, a ayo me aní teteke uo. Li Ebhe ha pi koko angu nasuno 'ngú pi okpála koko-o, a ayo me aní suño.

⁸ Li Ebhe ha pi kpála koko angu nato masi bhú obi e-e, a ayo me aní to masi bhú uo. Li Ebhe ha pi kpála koko angu napu 'he pi obi e-e, a ayo me aní pu ne bua e hana. Li Ebhe ha pi kpála koko angu naú pi 'ndji obi e-e, a ayo me aní mene kulu angoo ne bádha bua. Li Ebhe ha pi kpála koko angu nateteke obhulu ndibhili-e, a ayo me aní mene ne djali.

Lele nakobho gba omabhuka

⁹ Yi du ne mukunda pi ndu okpála hana ne bua bini. Yi adú apa 'ngú na mukunda bha ne 'bhé yi de. Yi yala siti 'ngú, yi dhedhe li bádha 'ngú.

¹⁰ Yi du ne mukunda sunda yi maka a ayo lie me ondaise du ne mukunda sunda o. Yi du ne mazima sunda yi na paká paká.

¹¹ Yi ha liyi pi kulu ne angu yi hana. Yi adú ne obhulu ipio de. Yi mene kulu liyi pi Ngámá ne bua yi hana.

¹² Yi du bhú djali kabula yi nga'o 'to yi lie 'to ohe li Ebhe apa me ní ahá e pi yi-o. Yi kibila okpekpeke da 'ngú ne 'ndjá bua. Yi ayó Ebhe ne ndala téte de.

¹³ Yi teteke ondaise yi inde bhú ndibhili-o. Yi sia obhende ngago li yi-e ndjindji.

¹⁴ Yi yo Ebhe me aní tuko bisagu pi okpála bhende ngato mbolo li yi-o. Yi ayó de me Ebhe tu pédje li uo de.

¹⁵ Yi kpi djali bhú dabili bini ne obhende bhú djali-o. Yi ku 'gbá bhú dabili bini ne obhende bhú 'gbá-o.

¹⁶ Yi du nadje liyi sunda yi ne obi yi ndjindji. Yi adú ne 'ngbé 'ndji de, engú bini, yi ziba ndu kulu hana inde u ahá e pi yi-o, abana i du bha kulu li okpála ngau e padhá. Yi aú liyi de me ní ambila ndu 'ngú hana-a de.

¹⁷ Yi agié siti pi siti de. Yi le ne kpéke me yi mene bádha 'ngú kala ndu okpála hana.

¹⁸ I du li naayi-e, yi mene ne kpéke me yi du bhú guo 'ngú ne ndú okpála hana.

¹⁹ Ngayi okpála na mukunda gba ma-a, yi agié siti pi okpála de, yi 'o mangbo me Ebhe gie siti pi uo ngae. Padhá de, anga Ngámá Ebhe apa bhú Bhuku gba e me:

«Ngama-a, ma agié siti 'ngú li okpála amene e li yi-e ngama.

Ngama makpe, ma améne uo nakpata lele engú u amene e li yi-o.[†]

²⁰ Engú bini, pi yi-e, yi mene mangbo maka li Bhuku gba Ebhe-e apa lie me:

«I du me a nde li bhúlú yala gba mu-o ne gumar-o, mu de ha ezú pi ani.

I du li ani ne gumar-o, mu de ha engu nandji mandji pi ani.

Padhá de, anga mu mene mo-o, a adú magito me mu ngabu

ndjekedhe djua na dédé pi 'ndji ani.[†]

²¹ Mo o'o de me siti 'ngú ha angu ni-e de. Engú bini, ha mangbo angu siti 'ngú ne namene bádha 'ngú.

13

A ayo me ní manga ongámási mamanga

¹ A ayo me ndú yi hana, yi manga ongámási inde pi 'ndji ní-e mamanga. Padhá de, anga ndú okpála hana

inde ngaú ngámá-a, u au ka Ebhe. Ani a'o okpála inde ngaú ngámá-a ngae.

² Kpála inde ngagbe kpéke 'ndji li ongámási-e ngagbe bhomu-o kpéke 'ndji li lili inde li Ebhe a'o e-o. Okpála inde ngamene mo-o agbélé ke 'ngú gba Ebhe-e pi o makpe.

³ Okpála inde ngamene ngibili 'ngú kpekpe ongámási de, engú bini, a kpekpe mangbo ongámási ne okpála inde ngamene siti 'ngú-o. Kaka-a, li mu kunda me ni adú nakpe ongámási de-e, mene bádha 'ngú ngubula me mu du nanga bhú djila ongámási manga.

⁴ A mo-o. Padhá de, anga ongámási ngamene kulu inde li Ebhe aha e pi uo-o ngubula me u teteke yi, amba yi du amene bádha 'ngú. I du la me mu nde ngamene siti 'ngú-o, mu de kpe ongámási makpe! Padhá de, anga angu li Ebhe aha e pi uo-o, ani ha padhá de. Ani aha pi uo, anga ani a'o uo bhú kulu gba e ngú nasuno ke 'ngú gba e pi okpála inde ngamene siti 'ngú.

⁵ Kaka-a, a ayo me yi manga ongámási mamanga. Yi amánga bha bini uo ka nakpe ke 'ngú gba Ebhe-e de, engú bini, yi manga di uo ka anga yi ambila li bua nakpokpo kú 'ngú gba yi-e ndjindji me, a ko bádha 'ngú.

[†] 12:19 12:19 Tsia bhú Det. 32:35. [†] 12:20 12:20 Tsia bhú Gbt. 25:21, 22.

⁶ A di bhomu-o ta 'ngú yi ngakala mandjandja ka e ko. Padhá de, anga Ebhe a'o ondembí na mandjandja ngubula me u mene kulu bhomu-o.

⁷ Yi ha pi kpála ne kpála ehe inde atí ne ani-o. Yi futa ndu mandjandja hana inde a ayo me yi futa e-o. Yi manga ongámási inde a ayo me yi manga o-o mamanga.

Ndu lili hana agbite lie bhú mukunda

⁸ Yi adú ne bopulu gba kpála bini de. Yi du bha bini ne koli bopulu bini na mukunda inde yi nde ne e sunda yi-o. Kpála inde ne mukunda pi obi e-e, ani amene bhomu-o ndu lili gba Ebhe-e hana má kpékébhe!

⁹ Lili gba Ebhe-e apa me: «Mo okánda olé, i du di-e bhoko gba kpála koko de, mo obhéle kpála de, mo ozí 'he de, mo odú ne gumu 'he gba kpála koko de.» Olili bhomu-o ne ndu olili koko hana agbite lie bhú koli lili bini inde me: «A ayo me kunda kili mu maka mo okunda limu lie ngamu makpe.[†]»

¹⁰ Kpála inde ne mukunda pi kili e, ani méne ani sisiti belegu de bini. Kaka-a, mu du ne mukunda pi kili mu-o, mo omene bhomu-o ndu lili-e hana.

A ayo me ní du bedhe ndu nedhinga hana

¹¹ Yi 'o 'ngú bhomu-o li bua yi, anga yi mbila nedhinga ní nde bhú e hana.

A inde-e nedhinga ayo lie me yi du li zuku. Nedhinga inde li Ebhe akóbho ní lie akolo masikpe, a matá tsutsu maka nedhinga nani ní abhuka lie ade.

¹² Ekpí-e abi abhue, ngbikpi ibili masikpe. Kakaa, ní adú matá namene engú na biti de. Ní dyi li kute ní otia 'gú inde u agugu 'gú ne e ne ngbikpi-o.

¹³ Ní mene 'he liní ndjindji maka okpála inde ngamene 'he ne ngbikpi. Ní adú nadho osisiti 'bi de, ní adú nalangba ne pandi de. Ní adú nasi ne olisi, i du di-e obhosí ngangá de. Ní adú nagbe bhayiki de, ní adú di ne 'ngbé bua li okpála koko de.

¹⁴ Yi dyi mangbo Ngámá Yesu Kilisito li kute yi maka tia 'gú. Yi adú nadhuku maka li kute yi akunda lie de.

14

Yi au okpála koko bhú djila yi padhá de

¹ Yi sia kpála inde bhubhuku bhú 'bu nabhuka-o, yi abi bhayiki ne ani pindji engú bhende atsia mabhundja gba ani-e de.

² Ní ha nga kukulu pindji engú na ezu. Okpála koko ngabhuka me o ti da nazu ndu 'he hana. La-a, okoko inde bhubhuku bhú nabhuka-a ngabhundja me a ndjindji bha bini ne nazu okpálá.

[†] 13:9 13:9 Tsia bhú Eki. 20:13-17; ne bhú Det. 5:17-21; di ne bhú Lev. 19:18.

³ A ayo de me kpála bhende ngazú ndú 'he hana-a u kilí e inde i zu mbilika de-e padhá-a de. A ayo di de me kpála bhende i zu mbilika de-e u di bhende ngazú ndú 'he hana-a padhá-a de. Padhá de, anga Ebhe aziba di ani.

⁴ Ngamu-o, mu ne da ngú nakodho 'ngú gba kpála na kulu gba kpála kokoo? Ngámá na kulu ne angu nakodho 'ngú gba kpála na kulu gba e ngae, abana ani mene babadha, ne me ani ti li kpadjí na kulu gba e-o. Ma au la bhadí me ani alú kpekpeke, anga Ngámá Yesu ne angu ngú nali ani me ani atí-i de.

⁵ Okpála koko ngabhundja me oekpí koko ane okoko ne tata. La pi okpála koko, ndú 'kpí hana viti bha bini. A ayo me kpála ne kpála ke mboli engú ani ngabhundja e li bua e ndjindji me a ko kukulu 'ngú.

⁶ Kpála inde ngau ekpí koko ngbéngbé-e, ngadhége Ngámá gba ní-o. Kpála inde ngazú ndú 'he hana-a, ngadhége di bhomu-o Ngámá gba ní-o. Padhá de, anga ani ngagie hení pi Ebhe pindji ezu inde ani ngazú e-o. Kpála inde i zu ndú 'he hana de-e ngamene mo-o ngú nadhége Ngámá gba ní-o. Ani di ngagie hení pi Ebhe pindji ezu inde ani ngazú e-o.

⁷ Yi mbila ndjindji me kpála bini ade bhú ká ní inde

ngakobho ka e makpe. Kpála bini la di ade inde ngakpi ka e makpe.

⁸ I du me ní nde bhú mukobho-o, ní ngakobho ngubula me ní toko Ngámá gba ní-o. I du me ní mu di-e, ní amu ngú naha sangu pi Ngámá gba ní-o. Kaka-a, belegu ní du bhú mukobho, belegu ní mu di mamu-o, ndú ní hana, ní ne okpála gba Ngámá Yesu.

⁹ Padhá de, anga Yesu Kilisito akpi, ani atsia azuku ngubula nadú ngámá gba okpála inde bhú mukobho bhú dabili bini ne obhende amu-o.

¹⁰ I nde lie mo-o, ngamu-o, mu ngakodho 'ngú gba ndai mu-o ka ní? Ngamu-o, mu ngau ndai mu bhú djila mu padhá ka ní? Ndú ní hana, ní alú kala Ebhe ngú napa me ani kodho 'ngú gba ní-o.

¹¹ Padhá de, anga Bhuku gba Ebhe-e apa me:

«Ngama Ebhe Ngámá inde uu-o, ma apa pi yi na paká me
ndú okpála hana atutu lipukú o kuto kala ma.
Ndú uo hana tsia pá me ma ne Ebhe.†»

¹² Bhabhomu-o akunda napa me kpála ne kpála bhú ká ní akpókpo engú inde ani amene e ngae makpe-e pi Ebhe.

*Mo otó kilí mu bhú siti
'ngú de*

¹³ I nde lie mo-o, yi 'o nakodho 'ngú gba obi yi-e

† 14:11 14:11 Tsia bhú Isa. 45:23.

ma'o. Yi 'o mangbo li bua yi me a ayo de me ní mene engú inde li kili ní asendele ka e de, ngú napa me ani li bhú siti 'ngú-o de.

¹⁴ Bhú makpetse gba ya ne Ngámá Yesu Kilisito-o, ma ambila na paká me ezú na ligina ade. Engú bini, li kpála bini bhundja me ezú inde-e sisiti-e, ezú bhomu-o akolo ligina pi ani.

¹⁵ I du me mu nde ngato likabhu li bua ndai mu pindji ezú inde mu ngazú e-e, bhobhomu-o a akunda napa me mu ne mukunda pi ani ade. Kaka-a, lila limu me ni ató kpála inde li Kilisito akpi pi e bhú ngita kabula 'ngú na ezú de.

¹⁶ Li ehe du bhú djila mu ndjindji-e, mo oméne de, i du me mu nde au me, li mu mene e li okpála koko pá 'ngú téte sisiti-o.

¹⁷ Padhá de, anga Nau gba Ebhe-e , a ko engú na ezú, i du di-e engú na pandi de. Engú bini, Nau gba Ebhe-e mangbo ne engú inde atsia kulu li Bu Bhopua ngamene e bhú ní-o, Bu Bhopua ngaha pi ní engú inde ngingbili, ani ngaha pi ní nadu ne guo 'ngú sunda ní, ne nadu bhú djali.

¹⁸ Kpála inde ngamene kulu gba Yesu Kilisito li kpadji bhomu-o nganga li Ebhe ngae. Okpála ngapa di li ani me ani ngamene bádha 'ngú.

¹⁹ I nde lie mo-o, a ayo me ní gili namene engú inde

ngato guo 'ngú sunda ní, engú inde ngamene me ní teteke liní li kpadji gba Ebhe-o.

²⁰ Mo obhélo kulu gba Ebhe-e ka engú na ezú de. A na paká me ndu ezú hana ndjindji ngú nazuzu. La-a, a ndjindji ade me ní du nazú 'he inde ngato kpála bhú siti 'ngú-o de.

²¹ Engú inde ndjindji-e ngae inde: a ayo natse nazú mbilika, a ayo natse nandji pandi, a ayo natse ndu 'he hana inde i ti da nato kili mu bhú siti 'ngú.

²² Lila engú inde li bua mu ngapa e pi mu pindji engú na ezú di ne bhe na pandi-e pi mu makpe. Mo opá pi kpála koko de, engú ango-o du bha sunda mu ne Ebhe. A ko djali pi kpála inde li bua e yoko e li 'ngú bini de bhú ká ongú inde li bua ani ngatima ani me ani mene e-o.

²³ La-a, Ebhe a'ó 'ngú pi kpála inde ngazú 'he inde li bua nakpokpo kú 'ngú gba e ngayoko e li e-o. Padhá de, anga ani ngamene engú inde i lu pi nabhuka de. Yi mbila hana me, ndu 'ngú hana inde li kpála ngamene e me a nde lu pi nabhuka de-e, a ko siti 'ngú.

15

A ayo me ní mene engú inde nganga li obi ní manga-o

¹ A ayo me nganí okpála inde alu kpekpeke bhú nabhuka-a , ní teteke di okpála bhende kpekpeke

ade-o. A ayo de me ní dū bha bini namene engú bhende nganga li ní-e de.

² A ayo me ní mene engú inde nganga li obi ní ngubula nateteke uo, amba u nū li kpadji gba Ebhe-e ne kalanu.

³ Padhá de, anga Yesu Kilisito ngae makpe gili nani engú inde adu anga lie de. Engú bini, a akolo li ani maka u aye lie bhú Bhuku gba Ebhe-e me: «Okpála asobho mu, Ebhe, abhomu-o, sobho ango-o atsia aku li kute ma.†»

⁴ Ndū ongú hana inde u aye nani e bhú Bhuku gba Ebhe-e, u aye ngubula na-suno pi ní kákulu 'ngú, ngú napa me ní dū na'o 'to ní 'to Ebhe. Padhá de, anga Bhuku ango-o ngato bhú ní masi, a la di ngaha pi ní nadu ne 'ndjá bua.

⁵ A ayo me Ebhe inde ngato masi bhú okpála-a, inde di ngaha 'ndjá bua pi uo-o mene me yi dū ne mab-hundja bini, nakpata lele mukobho gba Yesu Kilisito.

⁶ Abhomu-o, ndu yi hana bhú dabili bini, ne koli eli bini, yi tsia dhége Ebhe, 'Dyi Ngámá gba ní Yesu Kilisito-o.

Ndū okpála hana atóko Ebhe

⁷ Kaka-a, yi dū nasia liyi sunda yi ne bua yi bini maka

li Yesu Kilisito asia di yi lie-o. Yi mene mo-o ngubula me okpála dhége Ebhe.

⁸ Ma apa pi yi na paká me, Yesu Kilisito akolo nani kpála na kulu gba omaYuda, ngubula me ani suno pi uo me Ebhe papa naae eu de. Ani ago nani ngú nabedhe 'bhé engú inde li Ebhe apa nani me, ní améne e pi onguo ogbi uo-o.

⁹ A ayo nani di me okpála inde ne omaYuda ade-e, toko Ebhe kabula ndjinga gba ani-o. A maka u aye lie bhú Bhuku gba Ebhe-e me:
«Kaka-a, ma atóko mu bhú ká okpála inde ne omaYuda ade,
ma ali oetsi pi mu.†»

¹⁰ Bhuku gba Ebhe-e apa matá di me:
«Ngayi okpála inde ne omaYuda ade-e,
a ayo me yi kpi djali bhú dabili bini
ne okpála gba Ebhe-o.†»

¹¹ A atsia apa matá di li bili koko me:
«Ngayi, ndu yi hana okpála inde ne omaYuda ade-e,
a ayo me yi toko Ngámá Ebhe.

A ayo me ndu okpála hana toko ani.†»

¹² Polofeta Isaya apa di me:
«Kpála bini akoto bhú piga gba Yese,
ani agó ngubula nau ngámá pi 'ndjí okpála inde ne omaYuda ade-o.

† 15:3 15:3 Tsia bhú Ets. 69:10. † 15:9 15:9 Tsia bhú Ets. 18:50. † 15:10 15:10 Tsia bhú Det. 32:43. † 15:11 15:11 Tsia bhú Ets. 117:1. † 15:12 15:12 Tsia bhú Isa. 11:10.

Okpála ango-o a'ó 'to o 'to
ani.†»

¹³ A ayo me Ebhe inde amemene me okpála dū na'o 'to o 'to ni-e bedhe yi ne djali bedhe di ne guo 'ngú , anga yi abhuka ani. Abhomu-o, yi tsia dū na'o 'to yi 'to ani na pakápaká bhú angu gba Bu Bhopua-o .

Polo akpokpo 'ngú pindji kulu gba e

¹⁴ Ondaise ma, ma ambila mbámbá me yi abedhe ne bádha 'ngú bhú yi bedhe. Ma mbila di hana me yi ambila ndu 'ngú inde a ayo me yi mbila e hana, di ne me yi ti da nasusuno súnda yi.

¹⁵ Belegú inde lie mo-o, ongú bini bini bhú balua inde-e, ma alu pépé kpekpeke ngubula me 'ndjí yi ayie téte de. Ma aye mo-o kabula bádha bhú 'bu inde li Ebhe asuno e muma-o.

¹⁶ Ebhe a'o ma kpála na kulu gba Yesu Kilisito bhú ká okpála inde ne omaYuda ade-o. Ma aha líma libhomu pi Ebhe ngubula nakpokpo Bádha Ngali gba ani-e pi uo ngubula me u bhuka ani, amba u dū maka makiso inde nganga li ani manga. Makiso ango-o, Bu Bhopua a'o kpi pi ani.

¹⁷ I nde lie mo-o, ma ne gindaginda bhú kulu inde ma ngamene e pi Ebhe-o, anga ya akpetse liya ne Yesu Kilisito bhú dabili bini.

¹⁸ Ma ti da napa 'ngú koko bini de. Ma apá bha bini engú inde li Yesu Kilisito

amene e li kpadjí gba ma-o. Ani amene me ma gbele okpála inde ne omaYuda ade-e kala Ebhe ngubula me u dū namanga ani. Ani amene mo-o bhú oeli inde ma akpokpo e-o, di ne bhú okulu inde ma amene e-o.

¹⁹ Ani amene di mo-o bhú ongamba 'ngú ngangá di ne bhú nau maka li Bu Bhopua gba ani-e adu nasuno angu gba e lie-o. Abhomu-o, ma atsia akpokpo Bádha Ngali gba Yesu Kilisito pi okpála ne ndu bili hana, nayie bhú Yelusalema nakolo makolo bhú ndu doto na llili.

²⁰ Ma adu nakunda ndu 'kpí hana nakpokpo Bádha Ngali-e li bili inde li okpála dje nga engú gba Yesu Kilisito lie de-o. Ma dū nakunda nakpokpokpo li bili inde u adje engú gba ani-e lie adje-e de, ngubula me ma ayiki eti li bili li kpála koko abhú ka kulu lie abhú-o de.

²¹ Ma amene maka u aye lie bhú Bhuku gba Ebhe-e me:

«Obhende u kpokpo nga nani engú gba ani-e pi o de-e,
u au ani.

Obhende i dje nga nani engú gba ani-e de-e,
u aké mbolimboli.†»

²² A bhomu-o engú inde ani kpadjí muma bhutsibhutsi me, ma akólo li yi de-o.

Gumú gba Polo ngú nanu bhú gudhú na Loma

²³ Kalanga bhelé ane, ma adu ne gumú nakolo li yi, engú bini, kulu adu nani

† 15:21 15:21 Tsia bhú Isa. 52:15.

kpadjí mʉma. La mbia inde-e, kulu gba ma bhú ondu doto ango-o andjia.

²⁴ Sunda 'kpí inde-e, ma adji bhú Esipanye. Li ma dʉ nanʉ-o, ma apú bhú Loma ngʉbula me ní sí mbo ne yi ekpí bhisi. Pipita-a, yi téteke ma me ma kodho 'kpí.

²⁵ La-a pi mbia inde-e, ma adji nga bhú Yelusalema ngʉbula nateteke okpála gba Ebhe inde oo-o.

²⁶ Padhá de, anga omabhuka na Makedonia di ne Akai au ndjindji me o po bhúla tia ngʉbula nateteke omabhuka inde bhú ndibhili bhú Yelusalema ne di.

²⁷ U abhundja engú ang-o bhú ngʉ o, a ayo la bhadi nako me u mene moko. OmaYuda ateteke okpála bhende ne omaYuda ade-e ngʉbula me u sia bádha bhú 'bu gba Ebhe .

Kaka-a, a ayo bhadi me okpála inde ne omaYuda ade-e teteke omaYuda ne oehe inde aneke ka uo-o.

²⁸ Abhomʉ-o, i dʉ me ma nde andjia kulu bhomʉ-o andjia-a, ma kódho 'kpí bhú Esipanye. A akʉnda napa me pita nandjia nagapa tia u apo bhúla e li uo-o. Kala nakodho 'kpí ka ma-a, ma apú ngaiza agba yi.

²⁹ Ma ambila me ma akólo lie agba yi-e, Yesu Kilisito asúno bádha bhú 'bu gba e pi ní na kuo kuo.

³⁰ Ondaise ma, ma ngayo ka yi ne 'li Ngámá gba ní Yesu Kilisito, di ne 'li mukʉnda inde li Bu Bhopua ngaha e me, yi kpetsé liyi ne

ma bhú gbele inde ma ngagʉ e ne nayo Ebhe mʉma.

³¹ Yi yo Ebhe me nedhinga ma akólo lie bhú Yudaya-a, okpála inde i bhuka Yesu Kilisito de-e ató mbolo li ma de. Yi yo di Ebhe me, omabhuka inde bhú Yelusalema sia oehe inde ma adji ne e pi uo-o ne bádha bua.

³² Abhomʉ-o, i dʉ me Ebhe nde akʉnda-a, ma kólo agba yi ne djali li bua ma, ní tsia dʉ ne yi bhú dabili bini.

³³ A ayo me Ebhe inde ahaha guo 'ngú-o dʉ bhú dabili bini ne ndʉ yi hana. A adʉ moko.

16

Polo yi okpála bini bini na Loma mayi

¹ Ma ngakpokpo 'ngú pi yi pindji ndai ní na øøle Foebe. Ani ngamene kulu bhú Dadjua gba Ebhe inde bhú Sekele-o.

² Li ani akólo lie agba yi-e, yi de sia ani ndjindji kabula 'li Ngámá gba ní Yesu Kilisito . A ayo me okpála gba Ebhe e dʉ namene moko. Yi teteke ani ne ndʉ 'he hana inde ani nde ne gʉmu e-o, anga ani ateteke okpála bhelé, ani atsia ateteke belegʉ di ma.

³ Ma yi Pilisila ne 'ko e Akuila mayi. Ngaya ne uo-o, ya amene kulu gba Yesu Kilisito bhú dabili bini.

⁴ U di me mu ngʉbula nakobho ma. Ma ngagie hení pi uo naali. A ko la bha bini ma kpi ma kpi de, engú bini, ndʉ oDadjua gba Ebhe hana inde bhú ndu

doto gba omaYuda ade-e di ngagie hení pi uo.

⁵ Ma yi di okpála na Dadjuá inde apépékébhé bhála o ngúbula nayo Ebhe bhá 'ti gba uo-o mayi.

Ma yi ndai ma na mukunda Epainete mayi. A ko kpála na kalanu inde abhuka Yesu Kilisito bhá ndu doto na Adjia-o.

⁶ Ma yi di Malia inde amene kulu pi yi naali-e mayi.

⁷ Ma yi di okpála gba ma, Adolonikasi ne uo ne Djuniasi* mayi. Ngaya ne uo-o, ya adú nako bhá tikpá bhá dabili bini. A ko obhálu titima inde li okpála mbila o ndjindji naali. U abhuka nani Yesu Kilisito muma kalanu.

⁸ Ma yi di ndai ma na mukunda Apiliatusi mayi. Ya akpetse liya ne ani bhá 'bu Ngámá gba ní-o.

⁹ Ma yi di Ulubano mayi. Ya ngamene kulu gba Yesu Kilisito ne ani bhá dabili bini. Ma yi di ndai ma na mukunda Sitakisi mayi.

¹⁰ Ma yi Apelesi mayi. Ani azú likabhu kabula Yesu Kilisito, ani atsia alú kpekpeke. Ma yi di okpála na piga gba Alisitobile mayi.

¹¹ Ma yi di Elodiona mayi. A ko kpála na piga gba ma. Ma yi di okpála gba Ebhe inde bhá piga gba Nalasise mayi.

¹² Ma yi di Tilifene ne Tili-fose† mayi. U aha lió ngú namene kulu gba Ngámá gba ní-e ne bua o bini. Ma yi di ndai ní na eelé na mukunda inde 'li e me Peleside mayi. Ani aha di lie ngú namene kulu gba Ngámá gba ní-e ne bua bini.

¹³ Ma yi Lufusi, kékulu bádha kpála na kulu gba Ngámá gba ní-e mayi. Ma yi di 'hi ani, inde ateteke ma maka kékulu ndili gba e makpe mayi.

¹⁴ Ma yi di Asikilite ne Felegone ne Elemesi ne Pat-alobasi ne Elemasi di ne ndú ondaise ní hana inde bhá dabili bini ne uo-o mayi.

¹⁵ Ma yi di Filologe ne Djulie ne Nele di ne ndai e na eelé-o mayi. Ma yi di Olipasi di ne ndú okpála gba Ebhe-e hana inde ne uo-o mayi.

¹⁶ Yi yi liyi sonda yi bhá dabili bini ne mukunda gba omabhuka-o . Ndú oDadjua gba Yesu Kilisito-o hana yi yi mayi.

Polo aha olíli na soso pi omabhuka na Loma

¹⁷ Ondaise ma, ma ngag-bele 'dje yi me: yi lila liyi ka okpála inde ngabi bhayiki li ongú inde u asuno e pi yi-e malila. Uo ngaggobgo bhála okpála, u tsia mbá bhála uo li osisiti kpadji. Yi gbe liyi de uo magbe.

¹⁸ Padhá de, anga onguá okpála bhomu-o ngamene

* **16:7** **16:7** Okpála bhé ngabhundja me Adolonikasi nani ne 'ko Djuniasi. Okoko ngabhundja naao me a ko nani ondaise. † **16:12** **16:12** Tilifene ne Tilifose nani ne olisi.

kulu gba Ngámá gba ní Yesu Kilisito ade. Engú bini, uo mangbo ngamene engú bhende a nga li o makpe. U ngapite okpála inde i mbila kali de-e ne obabadha oeli di ne oeli ngú nabo kpála.

¹⁹ La pi yi-e, ndu omabhuka hana ambila me, yi ngamanga Ngámá gba ní-o. Abhomu-o, ma ngakpi djali naali kabula yi, ma akunda la di me yi mbila engú inde babadha ngubula namemene, di ne me yi améne siti 'ngú de.

²⁰ Ebhe inde ahaha guo 'ngú-o teteke yi me yi dedele Satana ne 'dhú yi má gala! A ayo me Yesu Ngámá gba ní-e suno bádha bhú 'bu gba e pi yi!

²¹ Timoté, inde ngamene kulu bhú dabili bini ne mama, yi yi mayi. Okpála gba ma, Lukiusi ne Djasone ne Sosipatele, yi di yi mayi.

²² Ngama Teletiusi-e, Polo apa muma ngae me ma ye balua inde-e pi yi. Ma yi di yi mayi ne 'li Ngámá.

²³ Gayusi, inde ma ngadu gba e-e, yi di yi mayi. Okpála na Dadjua gba Ebhe inde ei-e ngapo bhúla o bhú 'ti gba ani. Elasite, inde alilila tia na gudhu-o bhú dabili bini ne ndai ní Kualatusi, yi di yi mayi. [

²⁴ A ayo me bádha bhú 'bu gba Ngámá gba ní Yesu Kilisito du bhú dabili bini ne ndu yi hana! A adu moko.]

²⁵ A ayo me ní dhége Ebhe! Ani ti da na ha angu pi yi

ngubula me yi lu kpekpeke li kpadji gba ni-o, maka Bádha Ngali inde ma ngakpokpo e pi okpála pindji Yesu Kilisito apa lie-o. Ebhe mbamba nga nani ta Bádha Ngali ango-o pi okpála kalanu de.

²⁶ La mbila inde-e, ani ambamba tata pi okpála. Okpála la bhadi ngakpokpokpo maka li opolofeta aye nani lie-o. Ebhe inde ngadu dudu ma ne dudu ma akata nani opolofeta me u ye me ndu opiga hana dje Bádha Ngali bhomu, ngubula me okpála bhuka ani, amba u manga di ani.

²⁷ A ayo me ní dhége Ebhe dudu ma ne dudu ma! Kukulu imbilangú makpe bha ka ani kpi e kpi. A ayo me ní dhége ani kabula Yesu Kilisito! A adu moko.

Balua na bini gba Polo pi omabhuka na gudhu na Kolito Eli na kalanu

Balua na bini inde li Polo aye nani e pi okpala na Kolito-o, ani aye nani pindji ongú atsia mukobho gba omakilisito di ne nabhu ka inde ali bhú Piga gba Ebhe nani li Polo a'o e bhú gudhu na Kolito-o. Bhú nedhinga ango-o, Kolito nani ne gudhu na ngbéngbé gba oGiliki inde li okpala ngangá apo bhula o bhú e-o, a ko 'ngbé gudhu na ndu doto na Akayi inde bhú nau na Loma-o. 'Li gudhu na Kolito au nani naali ka oehe na mase inde adu bhúbhú bhele-o, ne ka dasandu gba okpala ango-o, ne engú na zabhe inde adu bhúbhú naali-o, a la di-e ongangá engú na ebhe inde abedhe nani bhúbhú bedhe-o. Engú na ngéngbé inde li Polo adu agu gbele ne e, a ko engú nagbo bhusu o, engú na zabhe inde adu bhú Dadjuwa gba Ebhe-o, ne ongú inde u ayi e pindji bhoko ne ole, ne pindji na ha lio, pindji bua nakpokpo kú 'ngú, pindji namene 'ngú li kúkú bhú Dadjuwa gba Ebhe, pindji ehe li Bu Bhobua ngaha e padhá, a la di-e pindji nazuku gba okpala-o. La, Polo atsia asuno imbilangu gba e ne nasuno lele maka li Bádha

Ngali ngagama 'ngú li ongú ango-o lie-o.

Alo na (13) inde ngasuno mukunda maka ehe na babadha naali inde li Ebhe ngaha e pi omaha e padhá-a, okpala mbila 'ngú pindji alo (13) ndjikpa ne ká bata-a naali ane oalo koko hana bhú bhuku inde. A ko engú inde li okpala ambila e ane mane bhú bhuku inde ngae.

Ongbengbe ongú inde bhú bhuku inde-e ngae inde:

Eli na kalanu 1:1-9

Nagbogbo bhusu o bhú

Dadjua gba Ebhe 1:10 - 4:21

Dasandu na ndjindji gba ole ne bhoko, di ne piga gba e 5:1 - 7:40

Omakilisito a la di-e omupagano 8:1 - 11:1

Mukobho na Dadjuwa gba Ebhe a la di-e engú na Ebhe 11:2 - 14:40

Nazuku gba Kilisito a la di-e nazuku gba omabhuka 15:1-58

Naha makiso pi omakilisito na Yudaya 16:1-4

Engú nayi mayi a la di-e engú bhe na soso 16:5-24

Polo yi omabhuka na gudhu na Kolito mayi

¹ Ngama Polo, Ebhe a'i ma bhú ngu e me ma kolo bhulü titima gba YesuKilisito . Ya aye balua inde bhú dabili bini ne ndai ni Sosotene.

² Ya aye pi yi okpala na Dadjuwa gba Ebhe inde bhú gudhu na Kolito, ngayi okpala inde li Ebhe a'o o kpi pi e. Yi akolo okpala

gba aní ka nabhuka Yesu Kilisito, bhú dabili bini ne ndú okpála hana inde ngabhu 'lí Ngámá gba ní Yesu Kilisito ne ndú bili hana-o. Yesu ne Ngámá gba uo, a ko la di Ngámá gba ní-o.

³ Bádha bhú 'bu ne guo 'ngú gba 'Dyi ní Ebhe di ne Ngámá gba ní Yesu Kilisito-o dú ne yi bhú dabili bini.

Obabadha 'ngú inde li Ebhe aha e pi okpála na Kolito bhú bádha bhú 'bu gba e-o

⁴ Ma ngagie hení pi Ebhe ndú nedhinga hana ngubula yi kabula bádha bhú 'bu inde aní aha e pi yi lí kpadjí gba Yesu Kilisito-o.

⁵ Bhú makpetse gba yi ne Yesu Kilisito-o, Ebhe abedhe yi ne ndú obabadha ongú hana. Kaka-a, yi mbila nadi mabelu lí eli gba aní-e ndjindjí, a la di bhú 'ndjí yi ne imbilangú bhú ndú 'ngú hana.

⁶ Ngali gba Yesu Kilisito inde ya akpokpo e pi yi-e, asia dabili lí bua yi ndjindjí.

⁷ Kaka-a, yi asia ndú 'he hana inde lí Ebhe ngaha e pi okpála bhú bádha bhú 'bu gba e-o, ngayi okpála inde ngadjeke ekpí lí Ngámá gba ní Yesu Kilisito asúno matá lie lie pi okpála-o.

⁸ Aní atéteke yi ngae me yi lú kpekpeke akólo lí soso, amba kpála bini adú ne engú na sisiti napapa lí yi de, lí

'kpí lí Ngámá gba ní Yesu Kilisito agó lie-o.

⁹ Ebhe gba ní-e djidji 'li e de. Aní a'i yi me yi kpétse liyi ne Ndili gba ní Yesu Kilisito, Ngámá gba ní-o, aní dí 'li e bhomú-o de.

Omakilisito na Kolito agbogbo bhúsú o

¹⁰ Ondaise ma, ma ngakikili ki líma pi yi ne 'lí Ngámá gba ní Yesu Kilisito me, yi dú ndú yi hana ne koli bua bini, yi agbóbó bhúsú yi de. Yi gbite 'ngbo yi bini ne nadú ne mabhundja bini di ne nabhuka bini.

¹¹ Ondaise ma, ma pa mo-o padhá de, a ko anga okpála na piga gba Koloe apa mémá me yi ngadje liyi ade.

¹² Engú ma apa e bhomú-o, ma apa anga súnda yi-e, yi ngagbogbo bhúsú yi. Okpála koko ngapa me o ngakpata Polo. Okoko ngapa me o ngakpata Apolosi.[†] Okoko ngapa me o ngakpata Piele. Okoko ngapa me o ngakpata Kilisito.

¹³ Engú yi ngamene e mana mágito me Kilisito agbo bhúsú e magbo. Yi pa nga mémá, u agi nani ma Polo lí kulusi ngú nakobho yi uu? Yi asia nani batisimo ne lí ma Polo? A mo-o ade.

¹⁴ Ma ngagie hení pi Ebhe anga ma batisa kpála bini bhú ka yi de. Ma abatisa bha bini Kilisipusi ne uo ne Gayusi[†]

[†] **1:12 1:12** Tsia bhú 1 Kol. 16:12; di ne bhú Kul. 18:24-28. [†] **1:14 1:14** Tsia bhú Kul. 18:8, 19:29. [†] **1:16 1:16** Tsia bhú 1 Kol. 16:15-17.

¹⁵ Kaka-a, kpála bini tì da napa de me u abatisa yi ne 'li ma-a de.

¹⁶ A ko paká! Ma abatisa di nani piga gba Setefanasi.[†] Engú bini, ma ziba de me ma abatisa kpála koko uu-o de.

¹⁷ Padhá de, anga Kilisito tima nani ma ngú nabatisa okpála de. Engú bini, ani atima ma ngú nakpokpo Bádha Ngali pi uo. Ma ngakpokpo Bádha Ngali ango-o ne mabelu má púa púa maka okpála koko ade. Li ma dú nakpokpokpo ne mabelu maka okpála koko-o, nakpi gba Kilisito li kulusi-e de matá ne tata ade.

Yesu Kilisito pi ní ne angu di ne imbilangú inde ayie ka Ebhe

¹⁸ Padhá de, anga pi okpála bhende li kpadji na ngita-a, nakpokpo ngali pindji nakpi gba Yesu li kulusi-e, a ko 'ngú na pele. Engú bini, pi ní obhende li Ebhe ngakobho o-o, ní ngau angu gba Ebhe-e bhú ngali ango-o.

¹⁹ A maka u aye lie bhú Bhuku gba Ebhe-e me:

«Ma améne me imbilangú gba obhulu imbilangú-o kolo padhá.

Ma aú imbilangú gba uo bhú djila ma maka ehe na padhá.[†]»

²⁰ I du me Ebhe nde apa mo-o, a akunda napa me, okpála na imbilangú na doto inde-e, imbilangú gba uo bhú 'ngú

de. Okpála inde ngasuno olíli gba omaYuda-a, tata li nasuno gba uo ade. La di-e, obhulu nadi mabelu na saku inde-e, mabelu gba uo-o, tata téte ade. Ebhe asuno bhomu-o me imbilangú na doto inde-e padhá.

²¹ Padhá de, anga okpála na doto ne imbilangú gba o na kpála-kuti-e tì da nani nambila imbilangú gba Ebhe-e de. Kaka-a, li kpadji na engú inde li okpála ngau e bhú djila o maka engú na pele-e, Ebhe au ndjindji me ni kobho okpála inde ngabhuka-o. Engú na pele ango-o, a ko Bádha Ngali inde ya ngakpokpo e-o.

²² OmaYuda ngayo ongamba 'ngú kala me u bhuka, oGiliki naao ngagili imbilangú.

²³ La pi ya-a, ya ngakpokpo 'ngú gba Kilisito inde u agi e li kulusi-o. Li omaYuda ngadje engú ango-o lie, a ngangbingi 'ndji uo mangbingi. Li okpála bhende ne omaYuda ade-e ngadjedje lie, a ngamene uo maka engú na pele.

²⁴ Engú bini, pi okpála bhende li Ebhe alo o-o, i du di-e omaYuda, i du di-e obhende ne omaYuda ade-e, u ngambilà ndjindji me Yesu Kilisito akolo pi o angu di ne imbilangú inde ayie ka Ebhe-e ngae.

²⁵ Okpála koko ngapa me engú li Ebhe amene e bhú nakpi ka Yesu-o, a ko 'ngú

[†] 1:19 1:19 Tsia bhú Isa. 29:14.

na pele. Engú bini, engú inde u a'i e me a ko 'ngú na pele bhomu-o ane imbilangú gba kpála-kuti mane. I du me u nde ngabhundja me Ebhe bhébhéku-o, a mo-o ade. Padhá de, anga bhéku gba Ebhe-e ane angu gba okpála-kuti ne kpéke.

Ebhe nga'o tata li ehe inde li okpála ngau e bhé djila o padhá

²⁶ Ondaise ma, ngayi okpála li Ebhe a'i o-o, yi bhundja nga me yi ne odaie! Nakpata mabhundja gba okpála na doto-o, okpála na imbilangú, ne obhende na angu, ne obhende azu lio bhé piga na tia bhé ká yi bheldé ade.

²⁷ Engú bini, Ebhe alo engú li okpála na doto nga'i e me a ko engú na pele-e ngubula me imbilangú gba obhélú imbilangú-o kolo ehe na padhá. Ani alo ongú bhende li okpála na doto ngau e me angu bhébhé ade-e ngubula me angu gba bhélú angu-o kolo ehe na padhá.

²⁸ Ani alo ohe inde li tata nde lie e ade, inde li okpála na doto ngamú e, inde u ngau e bhé djila o padhá-o. Ani alo ngubula me ni bhili ohe bhende li okpála ngau e me a téte ne tata-a ne di.

²⁹ Kaka-a, kpála bini ti da nadje kute e kala Ebhe de.

³⁰ La ngayi-e, Ebhe akpetse yi bhé dabili bini ne Yesu Kilisito. Ani

amene me Yesu kolo pi ni imbilangú inde ayie ka ni-o. Yesu amene ngae me ni kolo ngingbili bhé djila Ebhe. Ani amene me ni du libhomu pi Ebhe. Ani atsia agbegbe di ni bhé bali gba siti.

³¹ Kaka-a, a maka u aye lie bhé Bhuku gba Ebhe-e me: «I du me kpála nde akunda nau lie ngebéngbé-e, ani de u lie ngebéngbé bhé engú li Ngámá Ebhe amene e ko.†»

2

Imbilangú li Polo adú akpokpo 'ngú pindji Yesu Kilisito ne e-o

¹ Ondaise ma, ngama makpe-e, nedhinga ma anu nani lie agba yi ngubula nakpokpo engú inde li Ebhe ambamba ta e li kpadji gba Kilisito-o, ma di pi yi mabelu bhe nane mane de. Ma gama di 'ngú pi yi ne imbilangú naali de.

² Padhá de, anga nedhinga ma adú lie agba yi-e, ma gili nambila engú koko bhé ka yi de. Ma agili bha bini nambila Yesu Kilisito, ma agili bha nambila makpe me-e Yesu Kilisito inde u agi nani e li kulusi-o.

³ Kaka-a, ma adú agba yi bhéku kpála, ma adú ne tsulu, ma atsia adú di nagukú naali.

⁴ Bhé nasuno gba ma-a ne bhé nakpokpo Bádha Ngalie, ma du nagama 'ngú ne imbilangú gba kpála-kuti de, ma du di nadi pi yi mabelu

† 1:31 1:31 Tsia bhé Djlm. 9:22-23.

de. Engú bini, Bua gba Ebhe-e adu nani nasuno pi yi ne angu me engú ma adu akpokpo e adu kákálu 'ngú.

⁵ Ma adu akpokpo 'ngú pi yi mo-o ngubula me yi a'ó nabhuka gba yi-e bhú imbilangú gba okpála de, engú bini yi 'o mangbo bhú angu gba Ebhe-o.

Imbilangú li Polo ngakpokpo 'ngú ne e ayie ka Ebhe

⁶ Nedhinga ya ngasuno lie pi okpála inde abhele li kpadji gba Ebhe-e abhele-e, ya ngasuno kákálu imbilangú, a ko imbilangú na doto inde-e de. A ko la di bhende gba ongámási na doto inde li 'bhe ngámá gba o andjia mandjia de.

⁷ Imbilangú ya ngakpokpo 'ngú ne e inde-e, a ko mangbo imbilangú gba Ebhe. A ko ehe inde awo lie mawo, inde li okpála du nani nambila e de. Kala me Ebhe bho doto-o, Ebhe a'o nani imbilangú ango-o ngubula me ní sia té sangu gba ni-o.

⁸ Ongámási na doto inde-e mbila nani imbilangú ango-o de. Idú me u mbila nani uu-o, u de bhele nani Ngámá gba ní inde abedhe ne sangu bedhe li kulusi de.

⁹ Ehe li Ebhe amene e, a maka u aye lie bhú Bhuku gba ani-e me:

«Engú inde li djila okpála u nga nani e de-e,

li 'dje okpála dje nga nani e de-e, di ne bhende li okpála bhundja belegú

engú li e de-e, a la bhomuo engú inde li Ebhe aleke nani e pi okpála inde ne mukunda pi ani-o.†»

¹⁰ Pi ní-e, Ebhe ambamba ta engú ango-o bhú angu gba Bhopua gba e-o. Bhopua ango-o mbila ndu 'ngú hana. Ani mbila belegú mabhundja gba Ebhe inde awo lie mawo-o.

¹¹ Bhú ká okpála-a, a ko da inde ambila engú inde bhú kilí e? A ambila bha bini ne bua inde bhú kpála ango-o. A bhadji moko, engú inde bhú Ebhe-e, ambila bha bini ne Bhopua gba Ebhe-o.

¹² Pi ní-e, Bua inde bhú ní-e yie ka okpála na doto inde-e de, engú bini, a yie ka Ebhe. Ebhe aha pi ní ngubula me ní mbila ndu 'he inde ani aha e pi ní bhú bádha bhú 'bu gba e hana.

¹³ Nedhinga ya ngakpokpo 'ngú lie pi okpála-a, ya ngakpokpo ne imbilangú gba okpála ade. Engú bini, ya ngakpokpokpo ne imbilangú inde ayie ka Bhopua gba Ebhe-o. A akunda napa me, ya ngambamba ta ongú pindji Bhopua gba Ebhe-e pi okpála inde li Bua ango-o nde bhú o-o.*

¹⁴ Kpála bhende li Bhopua

† 2:9 2:9 Tsia bhú Isa. 64:3, 52:15. Me: «Ya ngakpokpo engú pindji Bhopua gba Ebhe-e pi okpála ne oeli inde ayie ka Bhopua ango-o.»

* 2:13 2:13 Li bili inde-e, u tí da di napa

gba Ebhe-e nde bhú e ade-e tì da naziba obisagu inde li Bhopua ang-o ngaha e pi okpála-a de. Bisagu ang-o pi ani maka engú na pele. Ìmbilangú ngú nambila 'ngú ang-o bhú 'ndji ani ade. Padhá de, anga Bua gba Ebhe-e ti da nambamba ta 'ngú ang-o bha pi kpála ngae.

¹⁵ Kpála inde li Bua gba Ebhe-e nde bhú e mbila ndú 'ngú hana, bhende na babadha, ne bhende na sisiti. Engú bini, ngaani-e, kpála bini tì da nambila 'ngú inde bhú ani-e má kpála kute de.

¹⁶ A maka u ye lie bhú Bhuku gba Ebhe-e me:

«Kpála bini mbila engú inde li Ebhe Ngámá ngab-hundja e de.

Kpála bini tì da naha lili pi ani de.[†]

Engú bini, ngaya okpála li Bua gba Ebhe nde bhú o-o, nambhundja gba ya viti ne bhe gba Kilisito bini.

3

Omabhuka na gudhu na Kolito maka okpála inde ngakpata Yesu na mbia

¹ Ondaise ma, pi ma-a, nedhinga ma adú lie agba yi-e, ma tì nani da nagama 'ngú pi yi maka okpála li Bua gba Ebhe-e nde bhú o-o de. Engú bini, ma agama bha ibili 'ngú pi yi maka okpála na doto inde. Padhá de, anga yi adú maka okpála inde i

ngakpata nga Yesu Kilisito na mbia.

² Ongú inde ma asuno e pi yi-e adú maka miliki. A adú ezú na kpekpeke de. Belegú pi mbia inde-e, yi tì nga da nazú ezú na kpekpeke de.

³ Padhá de, anga yi nga bha ngakobho maka okpála na doto inde, anga yi ngamene 'he liyi súnda yi ne 'ngbé bua. Yi la di ngatsi súnda yi. I du me yi nde ngamene mo-o na paká-a, yi mbila de me bhophomú-o ngasuno me yi nga bha ngaduhukú maka li kute yi akunda lie di?

⁴ Nedhinga li kpála bini bhú ká yi ngapa lie me ni ngakpata Polo-o, li kpála koko pa me ni naani ngakpata Apolosi-e, asuno me yi ne okpála inde na doto. A mo-o adi?

Ebhe ne Ngámá na kulu gba ní-e ngae

⁵ Apolosi ne da? Polo la di ne da? Ya bha ne obalise gba Ebhe inde ani atima o ngú nakpokpo eli gba e pi yi, ngubula me yi bhuka Ngámá Yesu Kilisito. Kpála ne kpála bhú ká ya bha ngamene kulu inde li Kilisito aha e pi ani-o.

⁶ Ya adú maka okpála nalu nguwa. Ngama-a, ma akpolita nakpokpo eli gba Ebhe-e bhú ká yi maka kpála inde ngalu nguwa. Apolosi anu ne di ne kalanu maka kpála inde ngabolo 'ngu pi 'zu-o. Engú bini, Ebhe amene ngae me ezú ang-o bhele.

[†] 2:16 2:16 Tsia bhú Isa. 40:13.

⁷ Bhabhomu-o asuno me, ne kpála inde ngalu nguwa, ne bhende ngatuko 'ngu pépé-e, tetele kpála bhú ká uo ade. Engú bini, kpála na tetele mangbo ne Ebhe, anga ani ngamene ngae me ezu-o bhele.

⁸ Ne kpála inde ngalu nguwa, ne bhende ngatuko 'ngu pépé-e, u viti bini. Ebhe ahá makalá na kulu gba kpála ne kpála-a pi e li lele kulu gba e-o.

⁹ Ndu ya bhisi hana, ya ngamene kulu gba Ebhe-e bhú dabili bini. Ngayi-e, yi maka edyi gba Ebhe.

Yi la di maka eti li Ebhe ngayiki e-o.

¹⁰ Bhú bádha bhú 'bu gba Ebhe-e, Ebhe aha angu muma, ma atsia aholo namene kulu gba ani. Ma adu maka kpála nayiki eti ne imbilangu, inde ambila di nabanga 'dhu 'ti-e ndjindji, kpála na kulu koko atsia ago ngú nadyudyo kulu ango-o ne kalanu. A ayo me kpála ne kpála inde nga'o biliki pi 'dhu 'ti ango-o, 'o li lelele.

¹¹ 'Dhu 'ti ango-o, a ko Yesu Kilisito inde yi nga'o nabhuka gba yi-e bhú e-o. Kaka-a, kpála bini ti da na'o matá 'dhu 'ti koko de.

¹² Pi 'dhu 'ti ango-o, okpála koko ngayiyiki ne tia kulu inde ngabhue mabhue maka olo, aladja di ne teme na mase naali. Okpála koko ngayiyiki ne tia kulu inde i bhúe de maka ndula, ulu di ne soli.

¹³ La-a, li 'kpí li Ebhe

akódho 'ngú gba okpála na doto lie-e, kulu gba musuno bini ne bini akóto bhú mbasu. Okpála aú kulu gba uo-o mbámbá. Padhá de, anga li kpí ango-o, Ebhe alé kulu gba kpála ne kpála bhú djua ngú nambila me ne me a ndjindji, ne me a sisiti.

¹⁴ I du me kulu inde li kpála amene e nde tsi bhú djua de-e, li Ebhe há makalá pi ani de.

¹⁵ Engú bini, i du me kulu inde li kpála amene e nde atsi bhú djua-a, Ebhe há makalá pi ani de. Ebhe akóbho kpála ango-o makobho, engú bini, kpála ango-o ave kukuo, ani de atsi bhú djua atsi.

¹⁶ Yi mbila de me yi maka Eti gba Ebhe, di ne me Bua gba ani-e ngadu bhú yi-e di?

¹⁷ I du me kpála nde abho Piga gba Ebhe-e, li Ebhe bho di kpála ango-o. Padhá de, anga Ebhe a'o Dadjua ango-o pi e. Piga inde ani ngadu bhú e-e, a ko yi.

Imbilangu gba Ebhe-e kpi ne imbilangu gba okpála-kuti

¹⁸ Kpála bini apité lie de. I du me kpála bini bhú ka yi nde ngabhundja me ni ne imbilangu maka okpála na doto inde-e, ani de yala imbilangu gba e bhomu. Ani kolo mangbo bhú djila okpála na doto maka bhule pele, amba ani sia imbilangu na kukulu.

¹⁹ Ma pa mo-o padhá de, a ko anga oehe li okpála

na doto nga'i e me a ko imbilangú-o, a ko ongú na pele bhú djila Ebhe. A maka u aye bhú Bhuku gba Ebhe-e lie me:

«Ebhe ngaholo okpála i ngabhi 'kpa o pi mbulu o me o ne obhulú imbilangú bhú oeli na kali gba o-o.†»

20 U aye di matá bhú bhuku gba Ebhe-e me:

«Ebhe mbila mabhundja gba okpála inde ngabhi 'kpa o pi mbulu o me o ne obhulú imbilangú-o hana.

Aní mbila hana me a padhá.†»

21 Kaka-a, ma apa pi yi me kpála bini bhú ka yi abhí 'kpa e pi mbulu e bhú nakpata musuno de. Padhá de, anga ndu 'he hana ne naayi.

22 Ne ma Polo, ne Apolosi, di ne Piele-e, ya ndu ya hana ne naayi okpála. Belegú doto, ne mukobho di ne kuo ne naayi 'he. Ongú na naki inde di ne ongá agó galikpe bhadi ne ndu naayi 'he.

23 Engú bini ngayi-e, yi ne okpála ka Yesu Kilisito, Yesu Kilisito ne kpála ka Ebhe.

4

A ayo namanga obhulú titima gba Yesu-o mamanga

1 A ayo me okpála mbila me, ngaya, obhulú titima gba YesuKilisito-o , ya ne

okpála na kulu gba ani. Ebhe a'o ongú inde nani awo lie mawo-o sakpa ya ngubula me ya suno pi okpála.

2 Yi mbila ndjindji me, engú inde u ngayo e ka kpála inde u a'o 'he sakpa e, a ko nadu ngingbili .

3 La pi ma-a, belegú ngayi-e, yi pa me ma ne siti kpála, ne me ma ne siti kpála ade-e, a méne 'he bini ngú ma de. Abana li okpála nakodho 'ngu-o pa me nganda kulu gba ma-a a ndjindji, ne me a ndjindji ade-e, a méne 'he bini ngú ma de. Abana ngama makpe, ma pa de me nganda kulu gba ma-a ndjindji, ne me a sisiti-e de.

4 Padhá de, anga pi ma-a, bua ma pa mumma de me ma ngamene siti 'ngú-o de. Engú bini, bhobhomu-o kunda napa de me ma mene siti 'ngú de-e de. Ngámá Ebhe akódho mangbo engú gba ma-a ngae. A akódho ne kpála koko de.

5 Kaka-a, yi akódho 'ngú gba okpála koko de. Yi djeké mangbo me nedhinga li Ebhe a'o e ngú nakodho 'ngú gba okpála kolo paká. A ko okpí li Ngámá Yesu agié lie lie-o. Li 'kpí ango-o, ani apándja ondu 'ngú hana inde awo lie naki mawo-o bhú mbasu. Aní agbé engú inde li okpála nde ngab-hundja e li bua o-o li zi 'kpí. Ekpí ango-o, li Ebhe tsia

† 3:19 3:19 Tsia bhú Djb. 5:13. † 3:20 3:20 Tsia bhú Ets. 94:11.

dhége kpála ne kpála li lele kulu gba e-o.

⁶ Ondaise ma, ma apa ongú bhomu-o pi yi pindji ya ne Apolosi ngubula nateteke yi, amba yi mbila ongú inde bhábhá-o. Ma akunda me yi kpata nganda ya ngubula me yi ke mboli gbitaku inde-e me: «A ayo napise li kozie inde u a'o e-o.» A ayo de me kpála bini bhá ká yi sia 'ngbé 'ndji ne 'ili me ni naani ne kpála ka tsipakala, amba ani u okpála koko bhá djila e padhá-a de.

⁷ Ngamu kpála inde ngab-hundja me ni ane okpála koko mane-e, mu naamu ne da? Ebhe ha ndu 'he inde ka mu-o hana pi mu ngae di? Idú la me Ebhe nde aha pi mu ngae, mu ngamene 'ngbé 'ndji téte mugito me mo osia ka angu gba mu-o ka ni?

'Ngbé 'ndji gba omabhuka na Kolito'

⁸ A ndjindji, anga yi asia naayi ndu 'he hana inde li Ebhe ngaha e asia. Yi ibili ne obhulü tia li kpadji na nabhuka. Yi ngapa me yi ndu yi hana ne ongámási, la ngaya obhulü titima gba Yesu Kilisito-o, ya naaya ne ongámási ade. Idú me yi du bhá djila Ebhe ne ongámási na paká-a, a de ndjindji ngubula me ni u ne yi bhá dabili bini.

⁹ Ya ne obhulü titima gba Yesu Kilisito. Engú bini, ma ngau mugito me Ebhe a'o ya asidi pita ndu okpála koko hana. Ya maka okpála

bhende u akodho 'ngú gba o, inde u abhili o kala ndu okpála hana. A akunda napa me doto libhomu ne okpála-kuti la di ne oandjelu ngatu 'ue bhá 'ndji ya maka bhá da ngeme.

¹⁰ Ngaya-a, ya ne obhulü pele kabula li Yesu Kilisito! La ngayi-e, yi ne obhulü imbilangu kabula ani! Ngaya-a, ya ne okpála li angu nde bhá o ade! Engú bini, ngayi-e, yi ne okpekpeke okpála! Ngaya-a, okpála ngau ya bhá djila o padhá, engú bini, ngayi-e u ngamanga yi mamanga!

¹¹ Nakolo pi mbia inde-e, ya ngadje gumu di ne gumu 'ngu. Ya ngadyi obongo inde akadha. U ngato mbolo li ya. Ya sili kuti de.

¹² Ya ngamene kulu ne 'kpa ya kpekpeke. Nedhinga li okpála ngasobho ya lie, ya ngayo Ebhe me ani tuko bisagu pi uo. Nedhinga li okpála ngato mbolo li ya lie, ya ngakikibila, ya gisila de.

¹³ Nedhinga li okpála ngapa 'ngú gba ya lie sisiti-e, ya ngagie pi uo bhukü eli. Ya akolo maka oehe inde u abala e apí 'ká. Nakolo pi naki-e, ya akolo maka oehe inde li tata nde lie ade.

Polo asuno bua gba e na 'dyi ongisi-e pi omabhuka na Kolito'

¹⁴ Ma ye engú inde-e de me yi sia námu ká engú inde yi ngamene e de. Ma aye mangbo ngubula me ma ha

lili, anga yi ne ongisi gba ma na mukunda.

¹⁵ Padhá de, anga abana li omusuno du bha ka yi bhelé-e li kpadji gba Yesu Kilisito-o, koli 'dyi yi bha bini. 'Dyi yi ango-o, a ko ma. A akunda napa me ma akpolita nakpokpo Bádha Ngali gba Yesu Kilisito pi yi ngama.

¹⁶ Ma nde lie ne 'dyi yi-e, ma ngayo ka yi me yi mene engú inde ma ngamene e-o.

¹⁷ Ngubula nateteke yi-e, ma atima Timoté agba yi oo. Ma atima ani ngubula me ani nu suno pi yi ne toto lele maka ma ngadhukü lie li kpadji gba Yesu Kilisito-o. Ongú inde ani asúno e pi yi-e, a bhomu-o ongú inde ma susuno e pi okpála gba Ebhe ne ndu bili hano. Yi dje Timoté, a ko ndili gba ma na mukunda-o. Ani la di ngadhukü ngbingbili li kpadji gba Ngámá Yesu Kilisito.

¹⁸ Okpála koko bhú ka yi ngabhi 'kpa o pi mbulu o anga u ngabhundja me ma agó matá gba yi oo de.

¹⁹ Engú bini, i du me Ngámá gba ní-e nde aziba-a, ma agó oo ne 'kpí bhisi inde. Li ma kolo oo, ma ú obhálu 'ngbé 'ndji bhomu. Ma tsia mbila ne me u bha ngape 'li o padhá, ne me abhú uo ne angu namene engú.

²⁰ Padhá de, anga Naú gba Ebhe-e ne eli ade, a mangbo bhú angu gba Bu Bhopua.

²¹ Nedhinga ma agó lie

agba yi-e, yi akunda me ma go ne mangua 'ngú dho? Yi akunda me ma ago sakpa ma ne fimbo? Ne me ma go ne bhukü bua ngú nasuno pi yi me ma kunda yi naali?

5

Polo apa pi omakilisito me u gbe kpála inde amene siti 'ngú bhú ka o magbe

¹ Ma ngadje ngali gba yi-e ndu 'kpí hana. Okpála ngapa me bhú ká yi-e, okpála koko ngadhukü ne olisi, i du di-e ne obhosí ngangá. A ko engú inde belegü okpála i bhuka Ebhe de-e ti da namene e de. A mana mugito me súka yi bini ngadhukü ne wala 'dyi e.[†]

² Ngayi-e, engú ango-o ngaha pi yi 'ngbé 'ndji. A ayo la iginí me yi de aku 'gbá ngubula siti 'ngú ango-o. A ayo la di iginí me yi gbe ngua makilisito bhomu-o bhú ká yi magbe.

³ Ngama-a, belegü ma nde lie bhú ka yi ade-e, bua ma ne yi bhú dabili bini. Ma akodho engú gba kpála inde amene engú bhomu-o akodho mugito me ma ne yi bhú dabili bini.

⁴ Ma akodho 'ngú bhomu-o ne 'li Ngámá gba ní Yesu. Ma ngapa pi yi me, yi po bhúla yi-e, li bua ma du ne yi bhú dabili bini. Li angu gba Ngámá gba ní Yesu tsia súno di lie.

[†] 5:1 5:1 Tsia bhú Lev. 18:8; di ne bhú Det. 23:1.

⁵ Nedhinga yi apó bhála yi lie, yi pü kpála bhomu-o pi Satana* ngubula me siti 'ngú inde bhá ani-e koto hana má kpékébhé, amba Ebhe kobho bua ani li 'kpí li Ngámá gba ní Yesu agó lie ngú nakodho 'ngú gba okpála-o.

⁶ A ndjindji ade me yi bhi 'kpa yi pí mbulu yi li siti 'ngú bhomu-o de. Yi mbila de me mboye kú levile bedié ngamene ngae me faline libhomu fuka di-i?

⁷ Yi 'e siti 'ngú bhomu-o bhá ka yi ma'e. I du me yi nde amene mo-o, yi kolo bubu maka faline inde u 'o levile bhá e de-o. Ma ambila ndjindji me Ebhe amene me yi kolo bubu li kpadji nakpi ka Yesu Kilisito. Yesu maka ndili kandélé inde u abhéle e ngubula me okpála zu bhá anokomia na Pasika .

⁸ Kaka-a, ní kpi djali kabula li Ebhe agbegbe ní lie bhá bali-o. Ní 'e osisiti 'ngú gba ní-e maka li omaYuda a'e nani dili levile gba o lie ngubula nazú anokomia nazú mapa inde li levile nde bhá e ade-o . Ní mene mo-o, ní du bubu, di ngbingbili kala Ebhe.

⁹ Bhá balúa ma atima nako e pi yi kalanu-o, ma apa pi yi bhábhá me yi adú bhá dabili bini ne okpála inde ngadhukú ne olisi, i du di-e ne obhosí ngangá-a de.

¹⁰ Ma pa engú bhomu-o pi yi pindji ndu okpála na

doto inde-e hana de. Ma pa engú bhomu-o pindji okpála inde ngadhukú ne olisi, i du di-e obhosí ngangá-a de, ne pi obhende li gámu 'he gba okpála abedhe bhá o bedhe-e de. Ma pa la di engú bhomu-o pindji okpála inde ngazi 'he-e de, i du di-e obhende ngadhégo ebhe na eu-o de. Li kpála kunda nadu bhá dabili bini ne okpála bhomu-o de-e, kpála ango-o de yie píla doto mayie.

¹¹ Ma akunda mangbo nayoko yi me, yi akpétsé liyi ne kpála inde ngapa me ni ne makilisito me ani inde ngadhukú ne olisi, i du di-e ne obhosí ngangá-a de. Yi akpétsé liyi ne omakilisito bhende li gámu 'he gba okpála abedhe bhá o bedhe-e de. Yi akpétsé liyi ne omakilisito bhende ngayo ebhe na eu-o de, i du di-e makilisito inde ngasobho okpála koko, ne obhende ngalangba ne pandi, i du di-e bhulú 'zi-e de. Yi akpétsé liyi ne uo de. Yi azú 'he ne ngua kpála bhomu-o belegú de bini.

¹²⁻¹³ Padhá de, anga a ko 'ngú ka ma de me ma kodho 'ngú gba okpála inde ne omakilisito ade-o. Ebhe akódho 'ngú gba uo-o ngae. Engú bini ngayi-e, yi ti da nakodho 'ngú gba omakilisito yi nde ne o-o. Maka u aye lie bhá Bhuku gba Ebhe-e me: «Yi gbe kpála inde

* 5:5 5:5 **Napú kpála pi Satana:** Ti da napa li bili inde-e me nagbe kpála bhá Piga gba Ebhe. † 5:12-13 5:12-13 Tsia bhá Det. 17:7.

ngamene siti 'ngú bhú ká yi-e magbe.[†]

6

Lele naleke 'ngú sunda omakilisito

¹ I du me súka yi nde ne 'ngú sunda o ne ndai e-e, lele pi ani tí da nanu lie ne di kala ongámási na doto? A ayo mangbo igini me ani nü ne ani kala okpála gba Ebhe.

² Yi mbila de me okpála gba Ebhe-e akódho 'ngú gba okpála na doto li sokpí-e ngao di? I du la me yi nde akódho 'ngú gba okpála na doto-o, lele pi yi tí da nakodho odjedje ongú inde-e lie de-e?

³ Yi mbila de me ní akódho belegu engú gba oandjelu-o nganí-e di? Ka ni la ní tí da nakodho odjedje 'ngú na naki inde-e lie de?

⁴ Li odjedje 'ngú du sunda yi-e, ka ni yi nganu lie ne di kala okpála inde bhú Piga gba Ebhe-e ade-e?

⁵ Ma ngapa 'ngú bhomu-o ngubula me yi sia námu. Kpála na imbilangu bini bhú ka yi adi ngubula me ani leke 'ngú sunda omakilisito?

⁶ A bha ndju ndjindji me li makilisito du ne engú sunda e ne makilisito-o, u de nü ne di kala okpála inde i bhuka Yesu di?

⁷ A na paká me nadu ne engú sunda yi-e, a bhomu-o námu na ngbéngbé. I du me u nde mene ngibili 'ngú li pabili gba yi-e de-e, u nde ngazi 'he gba yi-e, ka ni yi tí

da nakikibila lie ne 'ndjá bua de-e?

⁸ Engú bini, okpála inde i mene ngibili 'ngú pi okpála koko de-e ne yi! Yi la di ngazi 'he gba ondaise yi omakilisito!

⁹ Yi mbila na paká me okpála inde ngamene osisiti 'ngú-o lí bhú Naú gba Ebhe-e de. Yi apite liyi de, okpála inde ngakunda olisi, i du di-e ne obhosí ngangá-a, ne obhende ngadhégo oebhe na eu, ne obhende ngakunda olisi, i du di-e obhosí gba okpála koko, i du di-e obhende ngakunda lio sunda o maka olé ne bhoko, u lí bhú Naú gba Ebhe-e de.

¹⁰ Yi apite liyi de, obhulu 'zi, ne obhende li gámu 'he gba okpála abedhe bhú o bedhe, ne obhende ngalangba ne pandi, ne obhende ngadi okpála koko, ne obhende ngagbúlu 'he gba okpála ne kpéke djilaa, lí bhú Naú gba Ebhe-e de.

¹¹ A na paká me bhú ká yi-e, okpála koko adu nani namene osisiti 'ngú bhomu. Engú bini, mbia inde-e, Ebhe avulu yi bhú siti 'ngú gba yi-e avulu. Ani a'o yi kpi pi e, ani atsia amene me yi kolo ngingbili kala ni. Ani amene ndu 'ngú bhomu-o hana lí kpadji gba Ngámá gba ní Yesu Kilisito di ne bhe gba Bu Bhobua gba e-o.

Kute ní ne eti gba Bu Bhobua

¹² Mu ti da napa me: «Ma nde lie ne makilisito-o, ma ti

da namene ndu 'ngú hana.» A na paká moko, mu ti da namemene. Engú bini, ongú koko bhú ká ongú inde mu ngamene e bhomu-o ti da nateteke mu de. Ma aziba me, ma ti da namene ndu 'ngú hana. Engú bini ngama-a, ma kunda nadu bali na 'ngú bini de.

¹³ Mu ti da napa matá me: «Ebhe aha ezú ngubula nabedhe ebu ne di. Ani atsia amene di ebu ngubula ezú.» A na paká moko. Engú bini, li sokpi-e, Ebhe abhélo ebu, ani tsia bhélo di ezú. Ndandu bhisí hana tsia ndjulú. Padhá de, anga Ebhe bho kute ní ngubula nadhukú ne olisi, i du di-e ne obhosí ngangá de. Ani amene mangbo kute ní ngubula nakpata Ngámá Yesu ne di. Padhá de, anga a ko Ngámá na kute ní ngae.

¹⁴ Ebhe azuku Ngámá gba ní Yesu Kilisito bhú kuo. Ani azúku bhadi kute ní bhú angu gba e-o.

¹⁵ Yi mbila de me, kute yi ne súka yá Kilisito di? Lele pi ma ahá kute ma inde súka yá Kilisito lie ngú nakpékpetse ne kute ele na zabhe-e? Bhobhomu-o méne lie belegú de bini!

¹⁶ Yi mbila de me, i du me kpála nde akpetse lie ne ele na zabhe-e, ndu uo bhisí hana akolo koli kute bini-e di? Padhá de, anga u aye bhú Bhuku gba Ebhe-e me: «Ndú uo bhisí hana akólo koli kpála bini.*»

¹⁷ La-a, kpála bhende akpetse lie ne Ngámá-a, akolo ne ani ne koli bua bini.

¹⁸ Ka 'ngú ango-o, yi 'o nadhukú ne olisi, i du di-e ne obhosí ngangá ma'o. Ondu 'ngú na sisiti li kpála amemene e hana-a, ani memene ne kute e de. Engú bini, kpála inde ngakpetse lie ne ele na zabhe-e ngamene siti 'ngú ne kute e makpe.

¹⁹ Yi mbila de me kute yi ne eti gba Bu Bhopua-a di? Yi mbila la di de me Bu Bhopua ango-o ngadu bhú yi, Ebhe aha la di pi yi ngae di? Kute yi ne ehe ka yi ade. A ko na Ebhe.

²⁰ Ebhe akala yi bhú kpéke mase. Kaka-a, kute yi dhégo Ebhe bhú ndu 'ngú hana inde yi ngamene e ne di-o.

7

Polo agie 'ngú pi omab-huka na gudhu na Kolito pindji 'ngú na kúva

¹ Mbía inde-e, ma ngagie 'ngú pi yi li ongú maka yi ayi ma lie bhú balua gba yi-o. Ngayi-e, yi ngapa me: «A ndjindji pi bhoko me ani abú 'kpa e li ele de.»

² Abana mo-o, ma ngab-hundja me, kabula nadu nadhukú ne olisi, i du di-e obhosí ngangá de-e maka okoko bhú ká yi ngamemene lie, a ndjindji me bhoko ha ele gba e, amba ele ha di bhoko gba e.

* **6:16 6:16** Nakolo koli kpála bini inde si-e, a kpi ne nakolo koli kute bini. Tsia bhú Dje. 2:24.

³ A ayo me bhoko mene pí ele gba e ehe inde li bhoko amemene e pí ele maka a ayo lie-o. A ayo la di me ele mene pí 'ko e engú inde li ele amemene e pí bhoko gba e ko.

⁴ Ele ti da namene ne kute e maka ani akunda lie de. Kute ani ne ehe ka 'ko ani. La di-e, bhoko ti da namene ne kute e maka ani akunda lie de. Kute ani ne ehe ka wala ani.

⁵ Kpála bini agbíte kute e pí kilí e de. Yi mene bha bini mo-o me yi nde adje liyi bhú dabili bini, ngú na'o mbo nedhinga ngubula nayo Ebhe. Pipita-a, amba yi gie liyi bhú dabili bini, anga yi mene mo-o de-e, yi tí bhú gumú kute, yi tsia tí bhú ekú gba Satana .

⁶ Engú nagbite kute o ngubula nedhinga bedi ma ngapa e pí yi inde-e, a ko líli de, a ko mangbo ngú napa pi yi me, i du me yi nde amene mo-o, a adú sisiti de.

⁷ Ma akunda naali me ndú okpála hana du olingbangí maka ma. La-a, a ti da namene lie mo-o de, anga Ebhe aha makalá pi ní kpi kpi kpi. Ani aha pi okoko na ha lio. Ani atsia aha pi okoko nadú olingbangí.

⁸ Engú ma ngapa e pí olingbangí ne oekesi-e ngae inde: a ndjindji pi yi nadú kpi yi kpi maka ma.

⁹ Engú bini, yi u me yi ti da nadú kpi yi kpi de-e, yi de ha liyi. A ndjindji me yi ha liyi nane me gumú kute ha angu yi.

A ayo me omabhuka inde bhú kúva-a agbó bhusú o de

¹⁰ Pi okpála bhende bhú kúva-a, ma ngapa bhobhomu-o ngama Polo ade, a ko Ngámá Yesu Kilisito . Ani apa me, a ayo de me ele yie bhú kúva-a de.

¹¹ I du me ele nde ayie bhú kúva-a, ani ahá matá bhoko koko de. I du me ani nde au me ni ti da nadú kpi ni kpi de-e, ani de gie lie bhú kúva gba e-o. Pi bhoko-o, a ayo de me ani gie wala e de.

¹² Pi okpála koko-o, ma ngapa 'ngú inde-e ngama, a ko Ngámá Yesu de. Ma ngapa me: i du me a nde ka makilisito na bhobhoko ne ele inde mapagano-o, i du me ele ango-o nde akunda nadú ne 'ko e-e, 'ko ani de du ne ani.

¹³ A bhadi moko pi ele inde makilisito. I du me 'ko ani nde ne makilisito ade-e, li bhoko ango-o kunda nadú ne wala e-e, u de du ne ani. Ele-o atsé ani de.

¹⁴ Padhá de, anga bhoko inde ne makilisito ade bhomu-o ti da nabhuka ka wala e inde ne makilisito-o. A bhadi moko pi ele inde ne makilisito ade-o. I du me 'ko ani nde ne makilisito-o, ani ti da nabhuka ka 'ko e inde makilisito-o. Padhá de, anga i du mo-o de-e, li ongisi gba uo-o dá maka ongisi gba okpála inde i bhuka de. Engú bini, u ti da nabhuka ka 'dyi o, i du di-e ka 'hi o inde abhuka-o.

¹⁵ La-a, kpála bhende ne makilisito ade-e kunda

nagbo bhúsú o ne makilisito-o, u de gbo bhúsú o. A moko, kpála ìnde ne makilisito, i dú bhoko, i dú di-e olé-o sa lílí bini ngú nadú bha bhú kúva bhomú ade. La-a, yi mbíla me Ebhe a'i ní me ní dú bhú kúva bhú guo 'ngú'.

¹⁶ Mú tì da nambíla lele pi, ngamú olé ìnde ne makilisito me ni tì da nakobho 'ko ni de-e? I dú di-e ngamú bhoko ìnde makilisito-o, mú tì da nambíla lele pi me ni tì da nakobho wala ni de-e?

A ayo me kpála ne kpála dú kala Ebhe lele maka ani adú nani lie-o

¹⁷ Engú na ngbéngbé ìnde bhú 'ngú bhomú-o, a ko me kpála ne kpála dú maka li Ngámá Ebhe aha pi ani lie-o. A ayo la di me ani dú maka ani adú nani lie nedhinga li Ebhe a'i ani lie-o. A bhomú-o lílí ìnde ma aha e bhú ndú oDadjua gba Ebhe-e hana-o.

¹⁸ I dú me Ebhe nde a'i kpála me ani nde ali gandja ali-e, a ayo de me ani wo gandja ìnde ani ali e bhomú-o de. I dú la me Ebhe nde a'i kpála me ani nde li nga ngandja de-e, a ayo de me ani li gandja-a de.

¹⁹ Padhá de, anga li kpála li gandja-a, ani li di gandja de-e ne 'ngbé 'ngú ade. Engú na ngbéngbé-e, a ko namene lílí gba Ebhe.

²⁰ A ayo me kpála ne kpála dú lele maka ani adú nani lie li nedhinga li Ebhe a'i ani lie-o.

²¹ Mú dú nani ne bali nedhinga li Ebhe a'i mú lie? Mo odjé tsúlú de. Engú

bini, i dú me a nde pi mú nedhinga me mú koto bhú bali-e, mú de koto.

²² Kpála bhende adú nani bali li nedhinga li Ngámá a'i ani lie akoto mbíia ìnde bhú bali-e akoto, anga ani akpétse lie ne Ngámá. La-a, kpála bhende ne bali bhú 'ngú na doto ade-e, ìnde li Ebhe a'i e-e, ani akolo mbíia ìnde-e bali gba Kilisito.

²³ Ebhe akala yi ne mase naali. Kaka-a, a ayo de me yi kolo obalise gba okpála na doto de.

²⁴ Ondaise ma, a ayo me kpála ne kpála dú kala Ebhe lele maka ani adú nani lie li nedhinga li Ebhe a'i ani lie-o.

Engú pindji olingbangi

²⁵ Pi okpála bhende i ha nga olisi de-e, ma ngaha pi yi-e mabhundja gba ma maka kpála ìnde u ti da naziba e ka bádha bhú 'bu gba Ebhe-o . Ebhe kata ma ngae de.

²⁶ Ka likabhu ìnde na nedhinga ìnde-e, ma abhundja me a ndjindji pi kpála me ani dú bha maka ani nde lie-o.

²⁷ Mú ngakunda naha olé? Mo oyála ani de. Mú kunda naha olé di? Dú lingbangi. Mo ohá olé de.

²⁸ Engú bini, i dú me mú nde aha olé-o, mú mene bhomú-o siti 'ngú de. I dú la di me tsa olé nde aha bhoko-o, ani mene siti 'ngú de. La-a, yi mbíla ndjindji me okpála bhende ngaha olisi ngazú likabhu píla doto

naali. Ma akunda la de me yi zu likabhu bhomu-o de.

²⁹ Ondaise ma, ma akunda napa pi yi me, nedhinga inde atigala pi ni-e bedi. Nayie pi mbia inde ngu nanu ne kalanu-o, a ayo me okpala bhende ka o ne olisi du mugito me olisi ka uo ade.

³⁰ Okpala bhende ngaku 'gbá-a mene mugito me uo bhú likabhu ade. Obhende ngamu 'zo-o mene mugito me uo bhú djali ade. Obhende ngakala 'he mene mugito me ehe ka uo ade.

³¹ Obhende ngasia tia na doto inde-e mene mugito me tia ka o ade. Padhá de, anga doto maka i ngau lie lie mbia inde-e, bhue matá nedhinga bheldé de.

³² Ma akunda me yi adú ne likabhu de. Bhoko bhende i ha ele de-e gbitie lie li engú gba Ebhe, ani ngagili nanga li Ebhe.

³³ Engú bini, bhoko bhende aha ele-o, agbite lie li ongú na doto, ani ngagili namene engú inde anga li wala e.

³⁴ Ani agbo la di bhusu e li di kulu bhisi. A bhadi moko pi ele inde aha bhoko, ani ngagbite lie li 'ngú na doto. Ani ngagili namene engú inde nganga li 'ko e. Engú bini, pi ele, i du di-e tsa ele bhende i ha nga bhoko de-e, ani ngagbite lie li engú gba Ngámá. Padhá de, anga ani akunda naha lie pi ani bhú ndu 'ngú hana inde ani ngamene e, ne bhende ani ngabhundja e-o.

³⁵ Ma ngapa 'ngú bhomu-o ngubula bádha 'ngú gba yi, ma pa ngubula na'o tili kili li 'ngbu yi de. Engú bini, a ko ngubula me yi mene engú inde ndjindji, amba yi kpata la di Ngámá Yesu ne bua yi hana.

³⁶ La mbia inde-e, i du me makombi bini nde akpe namene siti 'ngú li pabili gba tsa ole inde ani abedhe ne gümü naha e, ani bhundja me a ayo me engú ango-o kpata kpadji na ndjindji-e, ani de mene maka ani au lie. Ani mene siti 'ngú de. U de ha lio maka li bhoko-o akunda lie-o.

³⁷ Engú bini, i du me makombi-e nde apa me ni ha tsa ele bhomu-o de-e, i du me engú ango-o nde ayie li bua ani makpe me u nde kata ani téte gandji de-e, ani amene bhadi bádha 'ngú.

³⁸ Bhoko bhende aha tsa ele inde nako ani adu nakunda naha e amene bádha 'ngú. Engú bini, bhoko bhende apa naae me ni ha ani de-e, amene bádha 'ngú naali.

Engú pindji oekosi

³⁹ Ole inde li 'ko e nde bhú ka-a ti da nadu ne bhoko koko de. Engú bini, i du me bhoko ango-o nde akpi-e, bhobhomu-o aha kpadji pi ani ngú naha bhoko koko maka ani akunda lie. La-a, a ayo me bhoko ango-o du ne makilisito.

⁴⁰ Engú bini, ngama-a, ma abhundja me i du me ani nde adu kpi e kpi-e, ani du bhú djali nane me ani ha

matá bhoko koko. Ma pa mo-o, ma abhundja me Bhopua gba Ebhe-e di bhú ma.

8

Kpadji na imbilangú di ne kpadji na mukunda

¹ Mbia inde-e, ní tsia nga 'ngú pindji so 'nú inde u aha e pi oebhe na eu. A na paká me imbilangú bhú ndú ní hana, maka yi ngapapa lie-o. 'E-e! Imbilangú ango-o ti da na ha pi kpála 'ngbé 'ndji. Engú bini, mukunda naae ngadyudyo ní bhú nabhuka ne kalanú.

² Kpála bhende ngabhundja me ní ambila 'ngú-o mbila nga maka a ayo lie me aní mbila-a de.

³ Engú bini, kpála kunda Ebhe na paká paká-a, Ebhe ambila kpála ango-o.

Yi ató ondaise yi bhú ngita de

⁴ Pindji 'ngú inde atsia so 'nú inde u aha e pi oebhe na eu-o, ní ti da nazuzú, ne me ní ti da nazuzú de? Ní mbila ndjindji me oebhe na eu ne oehe na kúkulú ade. Ní ambila di me, Ebhe bha koli e bini kpi e kpi.

⁵ A na paká me a abhálá di ne píla doto ne oehe inde li okpála ngadhége o maka oebhe gba o. Ongua oebhe na eu bhomú-o bhelé, u di ngako pi okpála.

⁶ La pi ní-e, ní mbila ndjindji me koli Ebhe bha bini. A ko 'Dyi ní inde abho ndú 'he hana píla doto. Ani atsia abho di ní me ní du

pí ni. Ní la bhadi ne koli Ngámá bini, a ko Yesu Kilisito . Ndú 'he hana ngayie ka aní, ní di ngasia mukobho ka aní.

⁷ Engú bini, i du me ní nde ambila me mukobho bhú oebhe na eu ade-e, a ne okpála inde imbila nga kúkulú 'ngú ango-o má kpulukutu de. Okpála koko bhú ká yi adú nadhégé oebhe na eu. La mbia inde-e, uo bha ngazú so 'nú ango-o ne nabhundja me oebhe na eu bhomú-o ne angu pépé. Okpála ango-o nga bha bhúbhukú li kpadji gba Ebhe. Abhomú-o, u ngabhundja me so 'nú ango-o ngato o bhú siti 'ngú kala aní.

⁸ Ní mbila ndjindji me ezú bini ti da nadyudyo ní de Ebhe masikpe de. Belegu ní zu, belegu ní zu de-e, a méne 'ngú bini li ní de.

⁹ 'E-e! Yi lila liyi me, kpadji inde u aha e pi yi ngú nazú ndú 'he hana-a, a tó okpála bhende bhúbhukú bhú nabhuka bhú siti 'ngú de.

¹⁰ Padhá de, anga i du me kpála inde bhúbhukú bhú nabhuka nde au mu, ngamu kpála inde ambila kúkulú 'ngú ambila-a, mu nde ngazú so 'nú inde u abhélè e pi oebhe na eu bhú eti u adhédhége uo bhú e, mo ombhundja naamú me aní ti da di nazuzú di?

¹¹ Kaka-a, kpála inde bhúbhukú ango-o, ndai mu inde li Kilisito akpi pi e tsia ngita ka mu, kabula

engú nasisiti inde mo omene e, ngamé kpála ambila kúkulu 'ngú má kpálu kútu-o ambila-o!

¹² Namene ngua siti 'ngú bhomu-o li pabili gba ondaise yi-e, di ne na'o eka li bua uo inde nakpokpo kú 'ngú inde bhúbhukú bhomu-o, a ko namene siti 'ngú li Kilisito ngae makpe.

¹³ Kaka-a, i du me ezú bini nde ngato ndai ma bhú siti 'ngú-o, ma zú matá ezú ango-o de, amba ndai ma atí bhú siti 'ngú ka ma de.

9

*Lele li Polo adú nakpokpo
Bádhà Ngali gba Yesu Kilisito
lie-o*

¹ Ngama-a, ma ti da nasia ndú 'he hana maka súka obhúlú titima gba Ngámá gba ní Yesu Kilisito di? Ngama-a, ma u ani ne djila ma makpe di? Ngayi-e, yi bhuka ani ka kulu gba ani inde ma amene e bhú ka yi-e di?

² Belegú li okpála koko ziba de me ma ne súka obhúlú titima gba Yesu-o di-e, la pi yi-e, ma ne bhúlú titima gba ani. Padhá de, anga nau me yi akpetse liyi ne Ngámá-a asuno na paká me, ma ne bhúlú titima gba ani, anga ma akpokpo Bádhà Ngali-e pi yi ngama.

³ Eli inde ma agié e pi okpála inde ngapa 'ngú li ma sisiti-e ngae inde:

⁴ A ayo di de me ya sia ezú di ne ehe nandjí mandjí kabula kulu inde ya ngamene e di?

⁵ Yi abhundja naayi me li ya ha olo inde makilisito me ya du nadhukú bhú dabili bini ne ani maka Piele ne obhúlú titima koko gba Yesu, di ne ondaise Yesu-o, amba ko siti 'ngú?

⁶ Yi abhundja naayi me, okpála inde a ayo me u mene kulu ne 'kpa o ngú nakobho ka o-o bha ne ya ne Balabasi?

⁷ Kpála inde bhú kulu na sádha-a haha makalá gba e pi e ngae makpe uu? Belegú de bini. Li kpála lu edyi-e, ani zuzu ezú ango-o di, i du me kpála nde ngalila enu-o, ani ndjindji miliki na 'ka 'nu ango-o di?

⁸ Ongú inde ma apa e bhomu-o, a ko bha bini bhende li okpála ngabhundja e ngao-o de. U aye bhadi bhú líli gba Moidje-e moko.

⁹ Padhá de, anga u aye bhú líli ango-o me: «I du me bagala nde ngatu ngano-o, mo ogbíté 'bhé ani de. 'O me ani zu mbo té ngano ango-o uu.†» Yi abhundja naayi me Ebhe apa 'ngú bhomu-o bha bini pi obagala? A mo-o ade.

¹⁰ Ebhe apa 'ngú bhomu-o pi ní makpe adi? A na paká me ani apa pi ní. Padhá de, anga kpála inde ngalu 'dyi-e nga'o 'to e li ezú inde ani asia e-o. A bhadi ndjindji me kpála

† 9:9 9:9 Tsia bhú Det. 25:4; di ne bhú 1 Tim. 5:18.

bhende nga'e nguwa abhiye-e sia té nguwa ango-o.

¹¹ Ya akpokpo Bápda Ngali pi yi maka u alulu nguwa lie abhiye-o. I du la me yi nde ateteke ya ne tia na doto-o, amba a ko siti 'ngú?

¹² I du me okpála koko nde ngasia tia na doto ka yi-e, ka ni ngaya-a, ya ti da nasisia ka yi lie de-e? Engú bini, ya tsia yo ehe ka yi de. Ya ngakibila ndu likabhu hana inde ngakolo li kute ya-a, anga ya kanda namene engú inde i ni kpadji pi okpála me u adjé Bápda Ngali gba Yesu Kilisito-o de-e de.

¹³ Yi mbila de me okpála inde ngamene kulu bhá 'ngbé 'ti Ebhe-e ngasia ezú gba o bhá kulu inde u ngamene e adí? Obhende ngatsulu enu pi Ebhe-e ngasia téte ngú nazuzú adí?

¹⁴ A bhadji moko pi okpála bhende ngakpokpo Bápda Ngali-o. Ngámá gba ni-e apa me, okpála inde ngakpokpo Bápda Ngali-e, akóbho bhadji li Bápda Ngali.[†]

¹⁵ Engú bini, belegu inde lie mo-o, ngama-a, ma yo ehe bini ka yi de. Ma pa pi yi de me, ma aye balua inde-e pi yi me yi tíma 'he muma-de. A ndjindji muma naali me ma kpi ne guma! A ayo de me kpála bhéle engú inde ma nde ne gindaginda ka e de.

¹⁶ Nakpokpo Bápda Ngali ma ngakpokpo e-e ha kpadji

muma de me 'ndjí ma be-de. Padhá de, anga Ebhe ngae makpe apa muma me ma kpokpo Bápda Ngali ango-o. A moko, a ko likabhu muma i du me ma nde kpokpo Bápda Ngali-e de ko.

¹⁷ I du nani me ma alo kulu ango-o ngama-a, a de adú ndjindji me u ha makalá muma téte. A la mo-o ade. Ma lo kulu ango-o ngama makpe de. Ma ngamemene anga Ebhe a'o kulu ango-o sakpa ma.

¹⁸ Makalá ma ngasia e li kulu ango-o ne ni? Makalá gba ma ne nakpokpo Bápda Ngali-e mandi nayo 'he. Maka kpála nakpokpo Bápda Ngali-e, ma ti da nayo 'he ka yi, la-a ma yó ehe bini de.

Polo ateteke kpála ne kpála bhá dasundu gba e ngú nabhuka Ngámá Yesu

¹⁹ Ma bhá ngu ma, ma ne bali gba kpála bini ade. La-a, ma atsia a'o lima bali gba ndu okpála hana, ngubula me ma sia okpála bhelé ngú nabhuka Ngámá Yesu.

²⁰ Li ma du bhá ká omaYuda-a, ma du maka uo ngubula me ma teteke uo ngú nabhuka Ngámá Yesu. Ma ambila ndjindji me lili gba Moidje ne angu pi ma ade. Engú bini, i du me ma nde bhá ká okpála inde ngamene lili ango-o, ma améne mugito me ma sa lili ango-o ngubula me

[†] 9:14 9:14 Tsia bhá Luk. 10:7; di ne bhá Mat. 10:10.

ma teteke uo ngú nabhuka Ngámá Yesu.

²¹ Li ma dū bhú ká okpála bhende i mbíla lílí gba Moidje de-e, ma adú bhadi maka uo ngúbula me ma teteke uo ngú nabhuka di Ngámá Yesu. Bhabhomú-o kunda napa de me ma mene lílí gba Ebhe de-e de. Ma ngamemene anga ma ngamene lílí gba Ngámá Yesu Kilisito.

²² Li ma dū bhú ka okpála inde bhúbhukú li kpadjí gba Ebhe-e, li ma 'ó di lima bhúbhukú ngú nateteke uo ngúbula me u kolo kpekpeke bhú nabhuka Ngámá Yesu. Belegú li okpála dū lele pi-ie, i dū me ma nde akolo bhú ká uo-o, ma dū bhadi maka uo ngúbula me ma teteke okpála koko bhú ká uo ngú nabhuka Ngámá Yesu, amba u kobho.

²³ Ma ngamene ndú 'ngú bhomú-o hana ngúbula me Bádha Ngali-e nü ne kalanü, amba Ebhe tuko bisagu pí ma bhú kulu ango-o.

A ayo natsia 'kpí lio ndjindji bhú nabhuka

²⁴ Yi mbíla de me, okpála inde agugu holo-o, u dudu okpála bhelé, engú bini kpála bhende akokoto kalanü-o sisia makalá ngae. Yi mene ne kpéke maka okpála inde ngagu holo, amba yi sia di makalá.

²⁵ Ndú okpála hana inde agugu holo-o dudu sa lílí

nakpekpeke. U ngamene mo-o ngúbula nasia makalá. La-a, makalá ango-o bhúe de. Engú bini nganí-e, ní ngamene ngúbula nasia makalá inde adú duduuma ne duduuma.

²⁶ Kaka-a ngama-a, ma ngagu holo ngangá ade. Ma la di maka kpála inde ngagu gbele me aní nde ngatsia 'kpí lie ndjindji.

²⁷ Ma ngamene kute ma kpekpeke ngú napa me kute ma mene lílí gba ma-o, amba li sokpí-e, Ebhe abhíke ma de, pita nakpokpo Bádha Ngali pí okpála koko-o.

10

Yi lila liyi ka nale-e malila

¹ Ondaise ma, ma ngagbele 'dje yi mo-o, ngúbula me yi bhundja nga matá engú inde akolo nani li onguo ogbi ní bhú nedhinga u adú adhukú lie nganda Moidje-o.† Ebhe abuku nani ndú uo hana ne ndindi ngú nalila uo. Ndú uo hana agulu nani 'ngbé 'ngu na Mbembe.

² Nabuku uo ne ndindi ne nakodho 'kpí ka uo bhú 'ngu-o amana mugito me Ebhe aha pí uo bhomú-o Batisimo, ngúbula me u kpétse lio bini ne Moidje.

³ Ndú uo hana azú ezu inde adú ayie ka Ebhe.†

⁴ Ndú uo hana andjí engu inde adú akoto bhú teme. Teme ango-o, a ko kulu Yesu Kilisito inde adú adhukú ne uo bhú dabili bini-o.

† 10:1 10:1 Tsia bhú Eki. 13:21-22, 14:19-29. † 10:3 10:3 Tsia bhú Eki. 16:35.

⁵ La-a, belegu u au ongamba 'ngú bhomu-o lie hana-a, okpála bhelé bhá ká uo du amene engú inde anga li Ebhe-e de. Kaka-a, u amu, u atsia atigala bhá 'gu.[†]

⁶ Ongú bhomu-o ngasuno pi ní me, ní adá ne gúmu namene siti 'ngú maka onguo ogbi ní de.[†]

⁷ Yi ayó oebhe na eu maka okoko bhá ká uo amene nani lie de. Padhá de, anga u aye bhá Bhuku gba Ebhe-e me: «Okpála adulu kuto ngubula nazú anokomia. Pipita-a, u atsia ayie bhá'lá ngú nadho 'bí kala kulu ebhe na eu.[†]»

⁸ Okpála koko bhá ká uo adu adhuku ne olisi ngangá. Kaka-a, okpála kete ndjikpa bhisi ne ká bata atsia amu bhá koli 'kpí bini. Pi ní-e, ní améne maka uo de.[†]

⁹ Okpála koko bhá ká uo ale Ngámá. Kaka-a, okpálu adolo uo má bi bi bi, uo atsia amu. Pi ní-e, ní améne maka uo de.[†]

¹⁰ Okpála koko bhá ká uo adu adi mutokono li Ebhe. Kaka-a, andjelu gba Ebhe inde abhobhélo kpála-a, a atsia ago abhili uo. Pi yi-e, yi adí mutokono li Ebhe maka uo de.[†]

¹¹ Ndu ongú bhomu-o hana akolo li uo ngubula nateteke okpála koko me u améne maka uo de. U aye ongú angó-o bhá Bhuku gba Ebhe ngubula me asuno

kpadji pi ní, nganí inde ngakobho li sokpi-o.

¹² Kaka-a, kpála bhende ngabundja me ni alu bhá nabhuka kpekpeke-e lila lie ndjindji me ni atí-i de.

¹³ Nale inde ngabhaka yi-e, a ko nale inde ngakolo bha li ndu okpála hana. Ebhe atéteke yi maka aní apa lie-o. Aní ti da naka kpadji de me engú inde akólo li yi-e ha angu yi-e de. Engú bini, i du me nale nde akolo li yi-e, Ebhe há angu pi yi ngú nakikibila. Aní tsia téteke yi me yi atí-i de.

Yi lila liyi ka oebhe na eu-o malila

¹⁴ Kaka-a, ondaise ma na mukunda, yi 'o nadhégé oebhe na eu ma'o.

¹⁵ Ma ngagama 'ngú pi yi maka okpála na imbilangú. Yi aló doto bhá 'ngú ma ngapa e ngayi makpe.

¹⁶ Nedhinga ní adulu lie pi misa gba Ngámá-a bhá dabili bini-e, ní ngandji vino inde ní ngagie hení pi Ebhe ngú e-o. Ní akpetse liní bhomu-o ne Yesu Kilisito bhá ngute e. Li ní gúmu mapá-a ngú nazuzú-o, ní akpetse bhomu-o liní bhá kute Yesu Kilisito.

¹⁷ Koli mapá-a bha bini. Belegu ní nde lie bhelé-e, ndu ní hana ní ngazú koli mapá bini bhomu. Bhabhomu-o ngasuno me ní akpetse liní, ní akolo bini.

[†] 10:5 10:5 Tsia bhá Nom. 14:16, 29-30. [†] 10:6 10:6 Tsia bhá Nom. 11:4, 34.

[†] 10:7 10:7 Tsia bhá Eki. 32:6. [†] 10:8 10:8 Tsia bhá Nom. 25:1-18. [†] 10:9

10:9 Tsia bhá Nom. 21:5-6. [†] 10:10 10:10 Tsia bhá Nom. 17:6-14.

¹⁸ Yi bhundja nga okpála na Isalaele. Nedhingga u ngazu enu inde u aha e pi Ebhe lie, u akpötse lio bhomu bhú dabilí bini ne Ebhe inde u aha enu bhomu-o pi e-o. A mo-o adi?

¹⁹ Ma akunda napa bhomu-o pi? Ma akunda napa me, ebhe na eu di ne enu inde u ha e pi ani-e, a ne tata?

²⁰ A mo-o ade. Ma apa mangbo me, li okpála bhende imbila Ebhe de-e du na ha 'he bhú 'ti oebhe gba o-o, u haha pi odjabulu. U haha pi Ebhe de. La-a, ma kunda de me yi kpetsé liyi ne odjabulu-o de.

²¹ Yi ti da nandji vino bhú kópo gba Ngámá Yesu, yi tsia ndjí di bhú bhende gba odjabulu-o de. Yi ti da nazu 'he pi misa gba Ngámá, yi tsia zu di pi misa gba odjabulu-o de.

²² Yi abhundja me ní kpekpeke ane Ngámá-a? Ní akunda me bua ani ke ne ní?

Yi mene ndu 'ngú hana ngubula nadhogé Ebhe

²³ Okpála koko bhú ká yi ngapa me: «Ya ne omakilisito, ya ti da namene ndu 'ngú hana.» A na paká, engú bini, ongú koko ti da nateteke ní de. Yi ngapa me: «Ní ti da namene ndu 'ngú hana.» La-a, ongú koko ti da namene de me okpála koko bhele li kpadji gba Ebhe-e de.

²⁴ A ayo de me kpála 'o bha 'to e 'to e makpe de, engú

bini, a ayo me ani 'o di 'to e 'to okpála koko.

²⁵ Yi ti da nazu ndu enu hana inde u ngatsindji e bhú daposo me yi nde yi 'ngú téte de kabula bua nakpokpo ku 'ngú gba yi-o.

²⁶ Padhá de, anga Bhuku gba Ebhe-e apa me: «Doto ne ndu 'he inde bhúbhú-o hana ne tia ka Ngámá.†»

²⁷ I du me mágagano nde a'i mu agba e ngú nazu 'he-e, i du me mu nde akunda nanu-o, li mu kolo-o, mu de zu ndu 'he hana u ahá e pi mu-o, mo oyí 'ngú bini de kabula bua nakpokpo ku 'ngú gba mu-o.

²⁸ La-a, i du me kpála nde apa pi mu me enu inde mu ngazu e bhomu-o, a ko enu inde u aha e pi oebhe na eu-o, mo ozú-u de, amba bua nakpokpo kú 'ngú gba kpála inde apa 'ngú ango-o pi mu-o asítí de.

²⁹ Ma ngapa 'ngú bhomu-o pindji 'ngú inde li kpála bhomu-o ti da nabhundja e li bua nakpokpo kú 'ngú gba e-o. Ma pa ngubula bua nakpokpo kú 'ngú gba mu-o de. Ka ní ma améne 'ngú lie li lele mabhundja gba kpála koko, ma nde mene mangbo maka ma ngabhundja lie ngama makpe-e di-e?

³⁰ I du me ma nde agie hení pi Ebhe ngubula ezu-o, ka ní li kpála koko nga uu lie sisiti-e?

³¹ Abhomu-o, i du me yi nde ngazu 'he, i du di-e me yi nde ngandji 'he nandji

† **10:26 10:26** Tsia bhú Ets. 24:1.

mandji, i du di-e me yi nde ngamene mangua 'ngú koko dho i-e, yi de mene ndu 'ngú bhomu-o hana ngú nadhege 'li Ebhe.

³² Yi améne engú inde li okpála koko ti da natí ka e de, abana omaYuda, abana obhende ne omaYuda ade, abana okpála na Piga gba Ebhe.

³³ Ngama-a, ma bhadi ngamene mo-o. Ndu 'ngú ma ngamene e hana, ma ngamemene me a nga li ndu okpála hana. Ma bha ngabhundja engú inde atéteke ma-a ade. Ma ngabhundja mangbo pindji engú inde i ti da nateteke okpála bhelé, amba Ebhe kobho uo.

11

¹ Yi kpata engú inde ma ngamene e maka ma ngakpata bhende gba Kilisito lie-o.

Lele nadu ka obhosí di ne olisi bhú nedhinga nayo Ebhe

² Ma ngaha apepe pi yi, anga yi ngabhundja ma bhú ndu 'ngú hana. Yi la di ngamene olíli gba omabhuka inde ma asuno e pi yi-o.

³ La-a, ma akunda me yi mbila engú inde: Kilisito ne Ngámá pi 'ndji bhoko. Bhoko ne ngámá pi 'ndji ele. Ebhe ne Ngámá pi 'ndji Yesu Kilisito.

⁴ I du me bhú nedhinga nayo Ebhe, li bhoko du nayo Ebhe, ani du di-e nakpokpo eli inde ani asia e ka Ebhe

me ani nde adyi ndata-a, amba ani ngaha bhomu-o numu pi Ngámá gba e-o.

⁵ Engú bini, i du me bhú nedhinga na mayo-o, li ele 'o 'ndji e padhá li nedhinga ani ngayo Ebhe lie, i du di-e li nedhinga ani ngakpokpo eli inde ani asia e ka Ebhe-e lie-e, ele ango-o ngaha numu pi ngámá gba e-o. Ani maka ele inde aka 'ndji e maka.

⁶ I du me ele nde ga kitambala bhú 'ndji e de-e, amana mugito bhomu-o me ani aka 'ndji e maka. I nde la lie me a nde numu pi ele ngú naka 'ndji e ndundundu, i du di-e ma ngbidhidhi-e, a ayo me ani ga kitambala bhú 'ndji e.

⁷ La pi bhoko nedhinga ani ngayo Ebhe lie-e, a ayo de me ani dyi ndata-a de, anga Ebhe abho ani li kulu e. Ani ngasuno sangu gba Ebhe. La pi ele-o, ani ngasuno sangu gba bhoko.

⁸ Yi mbila ndjindji me, Ebhe bho gina bhoko li ele de, engú bini ani abho mangbo gina ele li bhoko.

⁹ La di-e, Ebhe bho bhoko pi ele de, ani abho mangbo ele pi bhoko.

¹⁰ Kaka-a, i nde lie me Ebhe abho ele mo-o, a ayo me ani ga kitambala bhú 'ndji e ngú nasuno me ani ti da nayo Ebhe, amba oandjelu mbila me ndu 'ngú hana li lelele.

¹¹ Ní mbila ndjindji me kala Ngámá-a, olisi ne gámu obhosí, obhosí la di ne gámu olisi.

¹² Padhá de, anga maka u abho nani ele lie li bhoko-o, a bhadi moko a ngazu bhoko ne ele, la di-e, ndu 'he hana ngayie ka Ebhe.

¹³ Yi pa nga ngayi, a pi ele ndjindji nayo Ebhe me ani nde buku 'ndji e di?

¹⁴ Ndú okpála na píla doto hana mbila ndjindji me a ko námu pi bhoko ngú na'o sundjo e ndjandjandja.

¹⁵ La pi ele-o, ndjandja sundjo-o, a ko bádha 'ngú naali. Padhá de, anga Ebhe aha nani sundjo pi ele ngú nabuku 'ndji e ne di.

¹⁶ I du me kpála nde akunda nabi bhayiki li 'ngú bhomu-o, a ayo me ani mbila me lele dasundu gba ní-e ngae bhomu. Piga gba Ebhe-e alu la bhadi pi 'ngú bini bhomu.

Polo agbele 'dje omab-huka li lele nazu komonyo

(Tsia bhú Mat. 26:26-29; ne bhú Mlk. 14:22-25; di ne bhú Luk. 22:15-20.)

¹⁷ Ní kodho 'kpí li 'ngú koko. Ma ti da nadhégé yi téte de. Padhá de, anga nedhinga yi ngakpötse liyi lie ngú nayo Ebhe-e, engú yi ngamene e ngagie mangbo yi ne sidi. A dyudyo yi ne kalanu de.

¹⁸ Na bini-e, u apa muma me nedhinga yi ngaké liyi lie bhú dabili bini-e, yi ngagbogbo bhusu yi. Ma abhundja me a ti la bhadi nadu moko.

¹⁹ A ayo la bhadi me nagbo bhusu o du bhú ká yi, amba

okpála mbila obhende ngak-pata Yesu Kilisito ne bua o bini-o. A mo-o adi!

²⁰ Nedhinga yi ngakpötse liyi lie ngú nazu ezú gba Ngámá-a, yi ngabhundja ani bhúbhú ade.

²¹ Okpála koko bha bini ngagbene lio ngú nazu 'he gba o makpe. Ka 'ngú ango-o, okoko ngalangba, okoko la ngadulú gúmu.

²² Gbágba li yi ade ngú nazu 'he di ne ngú nandji pandi téte-e? Ne me yi ngau Dadjua gba Ebhe-e padhá. Yi atsia akunda naha námu pi okpála inde li ehe nde ka o ade. Yi nga'o 'to yi me ma pá pi yi pi? Ma adhégo yi lele pi me yi ngamene bádha 'ngú-o? A mo-o ade. Ma adhégo yi téte de.

Lele nazu komonyo

²³ Ongú inde ma asuno e pi yi ngama makpe-e, ma asia ka Ngámá Yesu. Engú ango-o me: sukpe inde u adjí apú ani lie pi obhulú yala-a, Ngámá Yesu aha mapa,

²⁴ ani agie hení pi Ebhe, ani agugumu, ani atsia apa me: «A inde-e kute ma inde ma aha e pi yi-o. Yi du amene me-e, ngú nakina ma.»

²⁵ Pita u andjia nazu 'he-e lie, ani aha bhadi kópo na vino moko. Ani atsia apa me: «Vino inde-e, ngasuno gandja na mbia inde li Ebhe akodho e ne yi-o. Gandja ango-o alu pi ngute ma. Ndú nedhinga hana inde yi adú

andjindji lie, yi du andjindji ngú nakina ma.»

²⁶ Li bili bhomu-o, Ngámá Yesu akunda napa me: ndu nedhinga hana inde yi azú mapa lie di ne nedhinga inde yi andjí vino lie mono, yi bhomu-o ngakpokpo pi okpála mbámbá nakpi ka ani akolo li 'kpí inde ani agié lie lie-o.

²⁷ Kaka-a, kpála inde azú mapa gba Ngámá Yesu, inde andjí la di vino gba ani-e li lelele de-e, asia mangimbo anga ani andjo kute Ngámá Yesu, ani atsia andjo di ngute ani.

²⁸ A ayo me kpála ne kpála tsia lie makpe ngae bhébhéhulu, amba pipita-a, ani tsia zu mapa, amba ani ndjí di vino gba ani-o.

²⁹ Padhá de, anga li kpála zu mapa gba Ngámá Yesu, ani tsia ndjí di vino gba ani-e me ani nde ngauu maka i de ehe na padhá-a, ani bhomu-o ngagbele mangimbo pi e ngae makpe.

³⁰ A bhomu-o, engú inde yi ngau ka e me okpála bhelé bhé ká yi ne kuo, okoko bhébhéhuké, la di-e, okoko bhelé amu.

³¹ I dú me ní dú atsia bua ní nganí makpe kala nazuzu-o, Ngámá de kódho 'ngú gba ní-e de.

³² Engú bini, Ngámá ngakodho 'ngú gba ní-o, ani di ngalili ní ngubula me ani a'ó galikpe engú pi 'ndji ní bhé dabili bini ne pi 'ndji okpála koko de.

³³ Ka 'ngú ango-o, ondaise ma, nedhinga yi ngakpötse liyi lie ngú nazu ezu gba Ngámá-a, yi dje liyi sunda yi.

³⁴ I du me súka yi nde ne gámu-o, a ayo me ani zu ngaiza 'he agba e, ngubula me yi agbélé mangimbo gba Ebhe-e pi yi de bhé nakpötse lie gba yi-o. Pindji ongú koko inde yi ayi e-e, ma agié 'ngú pi yi pépé nedhinga ma akólo lie agba yi-o.

12

Angu inde li Bu Bhabua ngaha e pi kpála ne kpála ngú nateteke Piga gba Ebhe-o

¹ Ondaise ma, pindji engú bhende atsia angu li Bu Bhabua ngaha e pi kpála ne kpála ngú nateteke Piga gba Ebhe-e, ma akunda me yi mbila 'ngú téte.

² Yi mbila ndjindji me nedhinga yi adu nga lie ne omúpagano-o, osisiti bua adu agbele yi li pápá gba oebhe na eu inde i gama 'ngú de-o. U atsia amba bhéhla yi li okpadji ngangá.

³ Kaka-a, ma apa pi yi mbámbá lele nambila me kpála ngagama 'ngú bhé angu gba Bu Bhabua. Kpála du nagama 'ngú bhé angu gba Bu Bhabua-a, ani ti da napa de me a ayo me u tu pédje li Yesu-o de. Engú bini, li kpála pa me: «Yesu ne Ngámá-a», a akunda napa me Bu Bhabua akata ani ngae.

⁴ Angu li Bu Bhopua ngaha e pi kpála ne kpála ngú nateteke Piga gba Ebhe-e kpi kpi kpi, la-a, ngaani Bu Bhopua inde ngaha angu ango-o, koli ani bha bini má kpíkili!

⁵ Ní ti da namene kulu pi Ngámá Yesu li okpadji ngangá, la-a, ngaani Ngámá Yesu inde ní ngamene kulu ango-o pi e-e, koli ani bha bini má kpíkili!

⁶ Ebhe ngaha angu pi okpála kpíkikpi ngú namene kulu gba ani-e ne di. La-a, Ebhe bhulé nahá angu bhomu-o pi okpála-a, koli ani bha bini má kpíkili!

⁷ Angu gba Bu Bhopua-a ngasuno lie bhú kpála ne kpála ngubula me ani teteke okpála koko ne angu ango-o.

⁸ Bu Bhopua ngaha pi okpála koko-o angu nagama 'ngú ne imbílangú. Pi okpála koko-o, Bu Bhopua bini bhomu-o ngaha angu nasuno 'ngú gba Ebhe-e pi okpála.

⁹ Bu Bhopua bini bhomu-o ngaha pi okpála koko angu nadu ne nabhuka na kpekpeke. Koli Bu Bhopua bini bhomu-o ngaha pi okpála koko angu nadu nakobho okuo li okpála.

¹⁰ Bu Bhopua ngaha pi okpála koko angu namene ongamba 'ngú. Pi okoko-o, ani ngaha angu nakpokpo engú maka opolofeta. Pi okoko-o, ani ngaha angu nambila nagbogbo bhusu osisiti bua ne Bu Bhopua. Pi

okoko-o, ani ngaha angu nagama 'ngú bhú eli gba oandjelu. Pi okoko-o, ani ngaha angu nambamba tata.

¹¹ Ndú 'ngú bhomu-o hana ngayie ka koli Bu Bhopua bini. Ani ngaha pi kpála bini ne bini angu maka ani akunda lie.

Piga gba Ebhe-e maka kute kpála inde ne oyáyá lie bhelé

¹² Kute Yesu Kilisito maka kute kpála-kuti inde li oyáyá nde lie bhelé. Mu tsia lá kpála-kuti-e, yáyá li ani bhelé, kute ani la bha koli e bini má kpíkili! Abana li yá kpála nde lie bhelé-e, ndundú hana amene bha koli kute bini.

¹³ Ndú ní hana, abana omaYuda ne okpála inde ne omaYuda ade, abana okpála inde bhú bali ne obhende bhú ngú o, ndú ní hana ní asia nani batísimo ngú napa me ní kolo maka kute bini li kpadji gba Bu Bhopua bini. Ndú ní hana, ní atsia asia bhadí angu gba Bu Bhopua bhomu-o.

¹⁴ Mu tsia kute kpála-kuti-e, oyáyá téte bhelé, a bha koli e bini ade.

¹⁵ Li 'dhú kpála pa me: «Ma ne yá kpála ade anga ma nde ne kpele kpála ade-e», a ko de me ani ayié yá kpála kaka-a de.

¹⁶ Li 'dje kpála pa me: «Ma ne yá kpála ade, anga ma ne djila kpála ade-e», a ko de me ani ayié yá kpála kaka-a de.

¹⁷ I dū me 'lá kpála-kuti libhomu dū bha ne djila-a, kpála de adú nadje 'kpí lele pi? I dū di me 'lá kpála-kuti libhomu nde bha ne edje-e, kpála de adú nadje se 'he lele pi?

¹⁸ A na paká me Ebhe a'o nani oyá kpála-kuti maka ani akunda lie.

¹⁹ I dū me Ebhe 'ó nani li kpála bha koli yáyá bini-e, u de 'í de me a ko kpála-kuti-e de.

²⁰ Engú bini, a mo-o ade. Oyáyá li kute koli kpála bini-e bhelé.

²¹ Kaka-a, djila ti da napa pi ekpa de me: «Ma ne gümü mü ade-e de.» La di-e, endji ti da napa pi odhu de me: «Ma ne gümü yi ade-e de.»

²² Engú bini, oyá kpála bhende ní ngau e me abhuhuku-o, pi ní ne tata.

²³ Obhe ní ngau e me tata téte naali ade-e, ní ngalilila nane okoko mane. Obhe ní ngadje nümü li napa 'ngú o-o, ní ngatsia 'kpí téte ndjindji.

²⁴ Oyá ní bhe li nümü nde li ní lie ade-e, ní nga'o 'to ní téte naali ade. Engú bini, Ebhe abho 'lá kpála-kuti da napa me ní dū atsia 'kpí li oyá ní bhe nga'o nümü li ní-e ndjindji.

²⁵ Ani amene mo-o ngubula me nagbo bhusu o adú bhú kute ní de, engú bini, oyá ní hana dū nateteke lio sunda o.

²⁶ I dū me yá kpála bini nde ngazu likabhu-o, ndu okoko hana ngazu likabhu

bhú dabili bini ne ani. I dū me u nde ngadhøgø yá kpála-kuti bini-e, ndu okoko hana ngakpi ndjili ne ani bhú dabili bini.

²⁷ Pi yi-e, yi ndu yi hana ne kute Kilisito, akunda napa me, yi ne oyá ani. Kpála ne kpála ne da e bhú kute Yesu Kilisito.

²⁸ Kaka-a, bhú Piga gba Ebhe-e, Ebhe a'o ngaiza na bini obhulü titima gba Yesu, na bhisi-e, ani a'o okpála bhende ngakpokpo 'ngú maka opolofeta, na bata ani a'o omusuno. Pipita-a, ani a'o okpála inde ngamene ongamba 'ngú. Pipita-a, ani a'o okpála bhende ngakobho obhulü kuo. Ebhe atsia aha di angu pi okpála koko ngú natsia 'kpí li obi o di ne nateteke uo. Ani a'o okpála inde ngasuno kpadji pi okpála koko. Ani atsia aha di angu pi okpála ngú nagama 'ngú bhú oeli gba oandjelu.

²⁹ Ndu okpála hana ne obhulü titima gba Yesu? Ndu okpála hana ne okpála nakpokpo 'ngú maka opolofeta? Ndu okpála hana ne omusuno? Ndu okpála hana ne angu namene ngamba 'ngú?

³⁰ Ndu okpála hana di ne angu ngú nakobho okpála na kuo? Ndu okpála hana di ne angu ngú nagama 'ngú bhú oeli gba oandjelu? Ndu okpála hana di ne angu ngú nambamba ta 'ngú?

³¹ Kaka-a, a ayo me yi

bedhe ne gümü namene ongú inde lie ne tata ngú nateteke okpála koko.

Mbia inde-e, ma adji asuno pi yi kpadji inde ane okoko ne bádha ngübula me yi teteke Piga gba Ebhe-e tete.

13

Polo akpo 'ngú pindji mukunda bhú Piga gba Ebhe

¹ Abana i du me ma nde ne angu nadi ndu eli gba okpála hana, i du di-e bhe gba oandjelu, i du me mukunda nde bhú ma ade-e, ma bha bini maka mangbou inde li gili e ngau, i du di-e mbulu ngbengbé inde li gili e ngau kpekpeke.

² I du me ma nde ne angu nakpokpo 'ngú maka polofeta, i du me ma nde ne imbilangú na ndu ongú hana, i du me ma nde ne angu nake mboli ndu ongú li Ebhe awo e mawo, i du me ma nde di ne nabhuka inde i ti da napa me ma 'e ne di eta, i du la me mukunda nde bhú ma ade-e, ma ne ehe na padhá.

³ I du me ma nde apu ndu 'he gba ma-a hana pi obhulu ndibhili, i du me ma nde atse belegu kute ma me u tsulu bhú djua, i du la me mukunda nde bhú ma ade-e, bhabhomu-o ne tata pi ma ade.

⁴ Kpála inde ne mukunda pi obi e-e, bua ani ndjándjá, ani di ngamene babadha 'ngú pi obi e. Ani ne 'ngbé bua li 'he gba okpála koko

ade, a ko pa 'li e de, ani di ne 'ngbé 'ndji ade.

⁵ Kpála inde ne mukunda pi obi e méne engú na námu de. Ani bhándja bha bini engú gba e kpi e kpi de. Ani ké di 'ngú lie de. Ani gbíte di bua e pi obi e de.

⁶ Kpála inde ne mukunda pi obi e kpi djali li siti 'ngú de. Ani ngakpi mangbo djali li bádha 'ngú.

⁷ Kpála inde ne mukunda pi obi e ngakibila ndu 'ngú hana li okpála amene e li ani-o. Ani ngabhuka ndu 'ngú hana, ani nga'o 'to e ndu nedhinga hana 'to Ebhe, ani di ngagbite bua e ka ndu 'ngú hana magbite.

⁸ Mukunda ndjia 'kpí bini de. La-a, nedhinga akolo makolo li ongú inde li okpála ngakpokpo e maka opolofeta andjia mandjia. Nagama 'ngú bhú oeli gba oandjelu-o andjia mandjia. Angu nasuno 'ngú gba Ebhe-e pi okpála-a andjia mandjia.

⁹ Padhá de, angu angu nasuno 'ngú gba Ebhe-e pi okpála píla doto akódho 'kpí makodho. La di-e, angu gba ní nakpokpo 'ngú maka opolofeta akódho 'kpí makodho.

¹⁰ Engú bini, ekpí li Ebhe ambámba ta ongú na babadha pi ní lie, li ongú bhende libhomu ade-e tsia ndjia.

¹¹ Nani ma adu lie bhú ndili-e, ma adu agama 'ngú maka ndili, ma adu abhundja maka ndili, ma

adu di akə mboli 'ngú maka ndili. Engú bini, nedhinga ma abhele lie, ma a'o namene engú bhe na ndili-o.

¹² A la bhadi pi ni moko. Bhú mbia inde-e, ni ngau ohe bulusu bulusu magito me ni ngatsia 'kpí bhú bitolobi bhende na didili. Engú bini, ekpi akólo makolo ni au ndu 'he hana má ngilili ne djila ni! Bhú mbia inde-e, imbilangú gba ma-a mbila ndu 'ngú hana de. Engú bini, ekpi akólo makolo ma tsia mbila ndu 'ngú hana má ngilili maka Ebhe ambila ma lie ngae makpe-o!

¹³ Ngú nabu tata-a, ni mbila me ongú bata inde-e yie bhú da o de. Ongú angoo ngae inde: nabhuka Ebhe, na'o 'to o 'to ani, a la di-e nadu ne mukunda pi ani di ne pi obi o. La-a, bhú káká hana-a, nadu ne mukunda pi Ebhe di ne pi obi o, ane ndu obhe bhisi bhomu-hana.

14

Nakpokpo 'ngú maka polofeta ane nakpokpo 'ngú bhú oeli gba oandjelu

¹ Yi mene ne kpéke me yi du ne mukunda pi obi yi. Yi du ne gümü angu li Bu Bhopua ngaha e pi kpála ne kpála ngú nateteke Piga gba Ebhe-o, ane la mane angu nakpokpo 'ngú maka polofeta.

² Kpála inde ngakpokpo 'ngú bhú oeli gba oandjelu ngakpokpokpo pi Ebhe.

Ani kpo pi okpála de, anga kpála bini ke mboli engú ani ngakpokpo e de. Ani ngakpokpo bhú angu gba Bu Bhopua ta ongú inde li Ebhe awo ta e mawo-o.

³ Engú bini, kpála inde ngakpokpo 'ngú maka polofeta-a, ngakpokpokpo pi okpála ngubula nabe ndu nabhuka gba uo-o, ngú nato masi bhú uo di ne ngú nateteke bua uo.

⁴ Kpála inde ngagama 'ngú bhú eli gba oandjelu-o ngabe ndu nabhuka gba e kpi e kpi. Engú bini, kpála inde ngakpokpo 'ngú maka polofeta bhú oeli li ndu okpála hana ngadje ee, ngabe ndu nabhuka gba okpála na Piga gba Ebhe-e libhomu.

⁵ Ma ne gümü me ndu yi hana yi du nagama 'ngú bhú oeli u mbila e de. La-a, a nga matá li ma naali me yi du nakpokpo ongú maka opolofeta. Padhá de, anga kpála du nakpokpo 'ngú bhú oeli gba oandjelu-o, a ayo me kpála koko du ngú nambamba tata. I du mo-o de-e, kpála bhende ngakpokpo 'ngú maka polofeta ngabe ndu nabhuka gba okpála na Piga gba Ebhe-e libhomu ane mane.

⁶ Ondaise ma, ma yi nga yi: i du me ma nde ago agba yi, ma nde ngagama 'ngú pi yi bhú oeli gba oandjelu-o, tata pi yi téte ne ni? Tata bini ade. A ayo mangbo me ma go kpokpo 'ngú pi yi bhú eli inde yi ambila e, belegu i du

engú li Ebhe ambamba ta e mūma, i dū di-e me ma go ha pí yi imbilangú na mbia, i dū di-e me ma go kpokpo 'ngú pí yi maka polofeta, ne me ma go suno 'ngú pí yi, a ayo me yi mbila tata-a ndjindji.

⁷ Yi bhundja nga pindji omavulu mbálá. U dū na'u mbálá-a, u 'u li lelele de-e, mo ombila salisali-e lele pi? A bhadi moko pi dāmu.

⁸ La di-e, i dū me bhulu na'u mbala nde 'u li lelele de-e, okpála aléke lio ngú egú lele pi?

⁹ A bhadi pi yi moko. Okpála aké mboli engú yi ngapa e bhú eli na gandji gandji-e lele pi, i dū me u nde mbila eli bhomu-o de-e? A mana me yi ngagama 'ngú pi anvi.

¹⁰ Oeli píla doto kpkpikpi. Engú bini, ndundu hana abhú 'ngú.

¹¹ La-a, li kpála dū nagama 'ngú bhú eli inde ma mbila e de-e, kpála bhomu mūma ne gandji kpála , ma di pi ani ne gandji kpála.

¹² A bhadi pi yi moko. Maka yi akunda lie ne bua yi hana nasia angu gba Bu Bhopua-a, yi gili naali nadu okpála inde ngabe ndu nab-huka gba okpála na Piga gba Ebhe-o.

¹³ Kaka-a, kpála bhende ngagama 'ngú bhú eli gba oandjelu-o, a ayo me ani yo ka Ebhe angu nambamba ta eli ango-o.

¹⁴ Padhá de, anga i dū me ma nde ngayo Ebhe bhú ngua eli bhomu-o, bua ma

bhú mayo na paká paká, engú bini, imbilangú gba ma-a li kulu bini ade.

¹⁵ I dū mo-o, a ayo me ma mene pi? A ayo me ma yo Ebhe bhú eli gba oandjelu, engú bini, ma ayó di ani ne imbilangú gba ma-o. A ayo me ma li 'tsi bhú eli gba oandjelu-o, engú bini, ma ali di ne imbilangú gba ma-o.

¹⁶ Padhá de, anga i dū me mu nde ngagie hení pi Ebhe bha bhú oeli gba oandjelu-o, kpála bhe yi nde ne e bhú 'ti Ebhe-e apá me: «A adu moko» li mayo gba mu nagie hení-e lele pi me, ani nde mbila engú mu ngapa e de-e?

¹⁷ A bana i dū me mayo gba mu nagie hení-e nde bha babadha naali-e, i dū bhú oeli gba oandjelu-o, a be ndu nab-huka gba kili mu yi nde ne e bhú 'ti Ebhe-e de.

¹⁸ Ma ngagie hení pi Ebhe anga ma ngagama 'ngú bhú oeli gba oandjelu-o ane ndu yi hana.

¹⁹ Engú bini, i dū me ya nde apo bhúla ya ne omaha Ebhe-e, ma uu ndjindji me ma pa engú bhuluvue inde li okpála adjé e ne tata ngubula nasuno 'ngú pi uo, ane me ma pa engú kete ndjikpa bhú oeli gba oandjelu.

Pindji nakpokpo 'ngú bhú eli gba oandjelu-o, yi dū nab-hundja maka obhelesi okpála

²⁰ Ondaise ma, pindji ongú ma apa e pi yi bhomu-o, yi adú abhundja pépé maka

ongisi de. Yi du ne odjedje ongisi li pápá na siti 'ngú. Engú bini, yi du ne obhelesi okpála li pápá na nabhundja 'ngú.

²¹ U aye bhú Bhuku gba Ebhe-e me, Ebhe Ngámá apa me:

«Li kpadji gba ogandji okpála ne bhú 'li uo-o, ma agáma 'ngú pi omaha ma.

Abana mo-o, u djé ma de.[†]

²² Kaka-a, nagama 'ngú bhú oeli na gandji gandji-e, a ko ehe inde ngasuno mangimbo gba Ebhe-e pi okpála inde i bhuka de-o. La-a, pi okpála bhende abhuka-a, a pi uo ade. Nakpokpo 'ngú maka polofeta-a, a pi omabhuka. La-a, pi obhende i bhuka de-e, a pi uo ade.

²³ I du me yi nde apo bhúla yi ngú nayo Ebhe-e, li ndu yi hana holo nagama 'ngú bhú oeli gba oandjelu-o, i du me okpála bhende i mbíla 'ngú bhomu-o de-e, i du di-e obhende i bhuka de-e go oo, u pá de me yi ne obhulu pele-e di?

²⁴ La-a, i du me yi nde ngakpokpo 'ngú maka opolofeta-a, li okpála bhe imbila engú bhomu-o de, i du di-e okpála bhe i bhuka de-e go li bhú ká yi-e, u tsia kó mboli siti 'ngú gba o-o. Engú inde u ngadje e hólo bua uo.

²⁵ Ongú inde awo lie li bua uo-o zé li zi 'kpí. Abhomu-o, u tá 'ndji o ne kuto. U tsia dhége Ebhe ne napa me: «Ebhe bhú ká yi na paká!»

*Yi du amene 'ngú bhú
Piga gba Ebhe-e li lelele*

²⁶ Ondaise ma, ní abú tata-a lele pi? Nedhinga yi apo bhúla yi lie ngú nadhègè Ebhe-e, kpála bini bhú ká yi ti da nali etsi, koko ti da nasuno eli gba Ebhe pi okpála, koko ti da nakpokpo engú li Ebhe ambamba ta e pi ani, koko ti da nagama 'ngú bhú oeli gba oandjelu, li koko tsia mbámba tata. A ayo me yi mene ndu 'ngú bhomu-o hana da napa me abe ndu nabhuka gba okpála gba Ebhe-o.

²⁷ I du me okpála holo nagama 'ngú bhú ká yi bhú oeli gba oandjelu-o, a ayo me a de du okpála bhisi, i du bhisi de-e, a de pise bhú bata. A ayo la di me u du agagama bini bini, kpála bini nde ngambamba ta 'ngú u ngagama e-o.

²⁸ Li kpála nambamba ta 'ngú bhomu-o du de-e, a ayo me kpála inde i di me gama 'ngú bhomu-o ndjili bhú ká yi má bulu! Ani nu gama bha bini pi Ebhe agba e.

²⁹ Pi okpála bhe ngakpokpo 'ngú maka opolofeta-a, a ayo me okpála bhisi, i du di-e bata gama 'ngú, amba okpála koko lo

[†] 14:21 14:21 Tsia bhú Isa. 28:11-12.

doto bhú 'ngú u ngakpokpo e-o.

³⁰ La-a, i du me Ebhe nde asuno engú koko na mbia pi súka yi inde bhú ká yi oo, a ayo me kpála bhende ngagama 'ngú-o 'o nga nagama, ngubula me kilí ani-e gama 'ngú.

³¹ Kaka-a, yi du nagama 'ngú maka opolofeta, a ayo me yi gama bini bini. Yi mene mo-o ngubula me ndu omaha Ebhe hana sia imbilangu, amba yi to di masi bhú ndu uo hana.

³² Okpála inde ngakpokpo 'ngú maka opolofeta-a, a di bhú uo ne angu ngú nagbite 'bhé o pi engú li Ebhe asuno e pi uo-o.

³³ Padhá de, anga Ebhe kunda de me ní du amene 'ngú púpulu-o de. Engú bini, ani akunda mangbo me ní du amene 'ngú li kúkú. Maka u amemene lie bhú ndu oDadjua gba Ebhe-e hana,

³⁴ nedhinga yi apékébhé bhála yi lie ngú nayo Ebhe-e, a ayo me olisi* ndjili má bulu! U ha kpadji pi uo ngú nagama 'ngú oo de. A ayo me u ndjili ma bulu ngú nadje 'ngú u ngakpokpo e-o, maka li líli gba Moidje apa lie-o.

³⁵ I du me u nde akunda nambila 'ngú pindji ongú bini bini-e, u de yi obhosí gba o-o akuti. A ndjindji ade me olé gama 'ngú bhú

makpétse gba omabhuka.

³⁶ Aiya! Ne me yi ngab-hundja me eli gba Ebhe-e ayie agba yi, ne me eli angoo, a ko bha bini na yi 'he kpi yi kpi?

³⁷ Li kpála bhundja me ni ne polofeta-a, ne me ani bhundja me ni asia angu gba Bu Bhobua-a ngú nabe ndu nabhuka gba okpála gba Ebhe-e, a ayo me ani mbila me engú inde ma aye e pi yi inde-e, a ko líli ayie ka Ngámá.

³⁸ Engú bini, ani bhuka mo-o de-e, Ngámá mbila di ani de.

³⁹ Kaka-a, ondaise ma, yi gili ne bua bini nadu nakpokpo 'ngú maka opolofeta. La-a, yi ayóko okpála de me u agáma 'ngú bhú oeli gba oandjelu-o de-e de.

⁴⁰ A ayo mangbo me ndu 'ngú bhomu-o dhukú li lelele, yi améne bhú tolo de.

15

Nabhuka gba ní-e alu pi nazuku gba Yesu Kilisito

¹ Ondaise ma, ma akunda matá nakpokpo pi yi Bádha Ngali inde yi asia e, inde yi adhedhe di lie má kpakala-o!

² Bádha Ngali angoo ngakobho yi, i du me yi nde ngalilila maka nako ma akpokpo pi yi lie-o. I du mo-o de-e, tata li nabhuka gba yi-e ade.

* **14:34 14:34** Abana li olisi nde lie ne angu ngú nayo Ebhe-e, di ne nagama 'ngú maka opolofeta-a bhú ká omabhuka-a, u ha nani kpadji pi uo ngú nalo doto bhú ongú li opolofeta adu apa e de. Tsia bhú 1 Kol. 1:11, 5.

³ Ma asuno pi yi ongú na ngbengbengbe inde ma asia e ka Yesu Kilisito-o. Engú ango-o me: Yesu Kilisito akpi pindji mágwe gba ní-o, maka u aye lie bhá Bhuku[†] gba Ebhe-o.

⁴ U azi ani, ani atsia azuku bhá 'kpí na bata maka li Bhuku gba Ebhe-e apa lie-o.[†]

⁵ Ani azuku lie, ani akoto li Piele. Pipita-a, ani akoto li obhálu titima ndjikpa ne ká bhisi gba e-o.

⁶ Pipita-a, ani akoto li omukpata gba e nane kámá bhuluvue mane bhá nedhinga bini. Bhelé na uo nga bha bháka, okoko amu.

⁷ Pipita-a, ani akoto li Djaki, ani atsia akoto di li ndu obhálu titima gba e hana.

⁸ Pita ndu uo hana-a, ani akoto di li ma, belegu ma du lie ne tetele kpála de-o.

⁹ Ma ne bhálu titima na ye ye a ne mane bhá ká obhálu titima-o. A na paká me, ma ti belegu da napa de me kpála 'i ma me bhálu titima gba Yesu-o de. Padhá de, anga ma ato nani mbolo li Piga gba Ebhe-o.

¹⁰ Engú bini, bhá bádha bhá 'bu gba Ebhe-e, ma maka ma nde lie inde. Bádha bhá 'bu gba ani nani ani aha e mémá bhomu-o padhá ade. La-a, ma amene kulu kaka naali nane obhálu titima koko hana. Angu ango-o yie ka ma de, bádha bhá 'bu gba Ebhe-e adú

mangbo namene kulu bhá ma ngae.

¹¹ Kaka-a, abana ma, abana obhálu titima kokoo, a bhomu-o Bádha Ngali inde ya ngakpokpo e-o, a la bhadi bhomu-o Bádha Ngali inde yi abhuka e-o.

A na paká me okpála azúku di mazuku

¹² Bádha Ngali ya ngakpokpo e me Yesu Kilisito azuku. I du la me a nde mo-o, lele pi li okpála koko bhá ká yi ti da napa lie me okpála inde amu-o zúku de-e?

¹³ I du na paká me okpála inde amu-o nde zúku de-e, bhabhomu-o akunda napa di me Yesu Kilisito zuku de.

¹⁴ I du la me Yesu Kilisito nde zuku de-e, akunda napa me tata bini li Bádha Ngali ya ngakpokpo e ade, tata bini la di li nabhuka gba yi-e ade.

¹⁵ I du me Yesu Kilisito nde zuku de-e, amba akunda napa me ní ngapa eu li Ebhe. Padhá de, anga ní ngapa pi okpála me Ebhe azuku Yesu Kilisito bhá ka okpála inde amu-o. La-a, ani mene mo-o de, i du me okpála nde zúku di de-o.

¹⁶ Padhá de, anga i du me okpála nde zúku de-e, bhabhomu-o akunda napa di me Yesu Kilisito zuku de.

¹⁷ I du me Yesu Kilisito nde zuku de-e, bhabhomu-o akunda napa me tata bini li nabhuka gba yi-e ade, yi nga bha sa mangimbo gba Ebhe.[†]

[†] 15:3 15:3 Tsia bhá Isa. 53:5-12. [†] 15:4 15:4 Tsia bhá Oz. 6:2; di ne bhá Luk. 24:34-49. [†] 15:17 15:17 Tsia bhá Lom. 6:8-11.

¹⁸ A akenda di napa me okpála bhende amu me u nde abhuka Kilisito-o, amu duduuma ne duduuma.

¹⁹ I du me ngani omabhuka ni nde a'o 'to ni 'to Kilisito bha bini ngubula mukobho inde-e, amba ni ne okpála na likabhu naali nane okpála koko.

²⁰ La-a, a mo-o ade, a bha ndju na paká me Kilisito azuku bhú ka okpála inde amu-o! A ko kpála na gigina inde azuku bhú kuo.

²¹ Padhá de, anga koli kpála bini amene nani me kuo li píla doto, koli kpála bini koko atsia amene la bhadi me okpála amu-o zuku.

²² Ndú okpála hana ngamu, anga ni ne opiga gba Adamu. Ndú okpála hana inde abhuka Yesu Kilisito asia bhadi mukobho ka ani.

²³ Engé bini, kpála ne kpála azúku li nedhinga gba e. Kilisito azuku nani kalanu. Li nedhinga ani agó lie, li okpála gba ani-e tsia zúku di.

²⁴⁻²⁵ Abhomu-o, Yesu Kilisito méne me ndú osisiti angu hana kolo padhá. Ani tsia kó angu e pi ndú okpála na angu hana inde ngagu ani-o. Padhá de, anga a ayo me ani u ngámá akólo bha makolo li Ebhe a'ó ndú obhulu yala gba ani-e lie hana sa 'dhú ani-o. Pipita, li 'ngú na doto ndjia. Ani tsia gie nau-o pi Ebhe 'Dyi e.[†]

²⁶ Bhulu yala na soso inde li Ebhe abhéle e-e, a ko kuo.

²⁷ Padhá de, anga u aye bhú Bhuku gba Ebhe-e me: «Ebhe a'o ndú 'he hana má kpékébhé sa 'dhú ani![†]» Engé bini, i du me u nde apa mo-o, a mbámbá me u to Ebhe bhúbhú de. Ani sa Ndili gba e ade.

²⁸ Li ndú 'he hana a akólo lie sa angu gba Kilisito-o, li ngaani makpe Ndili-e, ani tsia 'ó lie makpe sa angu gba Ebhe, ngubula me Ebhe u ngámá pi 'ndji ndú 'he hana má da!

Pindji 'ngú nazuku ka okpála inde amu-o, yi apité liyi de

²⁹ Okpála koko bhú ká yi ngasia batisimo mada okpála inde amu-o. Uo ngasia ni? I du me okpála inde amu-o nde zúku de-e, uo la ngasia batisimo mada uo ka ni?

³⁰ I du me okpála nde zúku de-e, ka ni ya ngazu likabhu lie ndú nedhinga hana-a?

³¹ Ondaise ma, a na paká me ndú 'kpi hana kuo de ma masikpe. A la bhadi paká me ma ne gindaginda kabula yi akpötse liyi lie ne Ngámá gba ni Yesu Kilisito-o.

³² A bhú gudhu na Efeso-o, ma azu likabhu naali sakpa okpála. A mana mugito me ma adu agu gbele ne onu 'te. I du me ma nde ngabhundja bha bini ndú ongú na doto-o, gbele ango-o atéteke ma lele pi? I du me okpála

[†] 15:24-25 15:24-25 Tsia bhú Ets. 110:1.

[†] 15:27 15:27 Tsia bhú Ets. 8:7.

inde amu-o nde zúku de-e, bhabhomu asuno me engú inde u apapa e me: «Ní zu 'he, amba ní ndjí di vino, anga ní amú mambi-e!†» A ko kükulu 'ngú.

³³ Yi apité liyi de. Yi mbila me, mu ke dhákú ne kpála na siti 'ngú-o, mu tágba di siti 'ngú.

³⁴ Yi gie liyi li ngbili kpadji, amba yi améne matá siti 'ngú de. Okpála koko bhá ka yi mbila Ebhe de. Mangapa mo-o, ngubula me yi sia nümü.

Bhá nazuku ka okpála-a, kute ní adjí lie na mbia

³⁵ Kpála bini ti da nayi ma me: «Okpála inde amu-o, azúku lele pi? Kute u azúku ne e adú lele pi?»

³⁶ Ma gie pi ani me, ngamu-o, mu ne ngingi. Ngua inde mo olu e ti da nake-o de, i du me a nde zi de ko.

³⁷ Ngua inde mo olu e, i du di-e dadha, i du di-e ngua koko-o, mu ngalu bha bini líli. Mu lu lálá bhende aké-o de.

³⁸ Pita li ngua aké lie, li Ebhe há pipi lálá na mbia maka ani akunda lie. Ani ngaha pi ngua ne ngua 'lá e makpe.

³⁹ Kute ndu 'he hana inde bhá mukobho-o bhadi kpi kpi kpi. Kute kpála-kuti kpi ne bhende gba onu, bhende gba odhu di ne bhende gba osungu.

⁴⁰ A ne oehe inde na abhúlá, a la di ne oehe na kuto ei. Bádha gba oehe na abhúlá-a kpi ne bhende gba oehe na kuto ei.

⁴¹ A li ela ne zi e, a li epe ne zi e, a la di li oikupala ne zi o. Belegu bhá ká oikupala-a, zi uo kpi kpi kpi.

⁴² A adú bhadi moko li okpála amu-o azúku lie-o. Kute inde u azi e azí mazi. Kute inde azuku-o zi matá-a de.

⁴³ U azi maka ehe li tata nde lie naali ade, li angu nde bhá e ade. Li azúku lie-e, a abédhe ne angu, i tsia du di babadha.

⁴⁴ Nedhinga nazizi-e, a ko kute na doto. Li azúku lie, a adú kute inde li Bu Bhabua ngaha mukobho pi e ngae. A ne kute na doto, a la di ne kute inde li Bu Bhabua ngaha mukobho pi e.

⁴⁵ A maka u aye lie bhá Bhuku gba Ebhe-e me: «Adamu nani ne kpála-kuti na kalanu, ani asia mukobho ka Ebhe.†» La-a, Kilisito u a'i e me Adamu na bhis-i abedhe ne Bu Bhabua, ngaani-e, ani ngaha mukobho pi okpála.

⁴⁶ Ehe na kalanu inde u ngau e-e, a ko kute na doto. Pipita-a, u tsia ú la kute inde li Bu Bhabua ngaha mukobho pi e-o.

⁴⁷ Adamu, kpála na kalanu li Ebhe abho e nani ne kpála-kuti, Ebhe abho ani li doto. Kilisito, Adamu na bhis-i ayie naae abhúlá.

† 15:32 15:32 Tsia bhá Isa. 22:13. † 15:45 15:45 Tsia bhá Dje. 2:7.

⁴⁸ Kute okpála-kuti maka kute kpála li Ebhe abho nani e li doto-o. La-a, kute okpála inde azúku ngú nanu abhúlá-a, adú bhadi maka kute kpála inde ayie abhúlá.

⁴⁹ Mbia inde-e, ní maka kpála inde li Ebhe abho e li doto. Kpí bini, ní adú bhadi maka kpála bhende ayie abhúlá-o.

Ngámá Yesu Kilisito aha angu kuo

⁵⁰ Ondaise ma, ma apa pi yi me kpála-kuti lí bhú Naú gba Ebhe-e ne kute na doto inde-e de. Kute inde nazi mazi-e ti da nadu duduuma ne duduuma de.

⁵¹ Yi gbo nga dje yi, ma adji nambamba pi yi inde ta 'ngú inde li Ebhe awo e nakolo pi mbia inde-o. Ní mu ndu ní hana de,[†] engú bini, ndu ní hana, kute ní adji lie madji, i tsia kólo na mbia.

⁵² Engú ango-o améne lie bhú nedhinga bedi, maka nakopo ka djila, nedhinga u a'ú toti na soso lie-o. Li a aú lie, okpála inde amu-o azúku ne kute inde i kpí matá-a de. La nganí bhende bhú mukobho-o, kute ní adji lie na mbia.

⁵³ Padhá de, anga a ayo me kute ní inde nakpi makpi inde-e dji lie, akolo kute inde i kpí matá-a de, i tsia zí la di matá de.

⁵⁴ Nedhinga li kute nakpi makpi-e akolo lie kute i kpí-i de-e, li kute nazi mazi-

e akolo lie kute i zí-i de-e, li engú inde u aye e bhú Bhuku gba Ebhe-e tsia kólo mbámbá. U aye bhúbhú me: «Ebhe aha angu kuo aha, kuo matá ade.[†]»

⁵⁵ U aye mata di me:
«Oo kuo! Angu mu mo oko
pi okpála ne e su?
Oo kuo! Angu mo obhibili
okpála ne e su?[†]»

⁵⁶ Angu li kuo ngabhili okpála ne e-e, ngayie ka siti 'ngú. Angu li siti 'ngú ngabhili okpála ne e-e, ngayie bhú lili gba Moidje

⁵⁷ La-a, a ayo me ní toko Ebhe inde amene me ní ha angu siti 'ngú di ne angu kuo kabula Ngámá gba ní Yesu Kilisito-o!

⁵⁸ Abhomu-o, ondaise ma na mukunda, yi lu kpekpeke, u apité yi de. Yi nu ndu kpí hana ne kulu gba Ngámá-a ne kalantu. Yi mbila hana me kulu inde yi ngamene e pi Ngámá-a, nu padhá de.

16

Tia inde ayo napo e pi omabhuka na Yelusalema

¹ Ma adji apa mbo engú inde-e pi yi pindji tia inde yi ngapo e pi omaha Ebhe inde bhú Yelusalema-o. Yi mene matá maka ma aha nako lili lie pi omabhuka na ndu doto na Galatia-o.[†]

² Ndú 'kpí yinga hana, a ayo me kpála ne kpála 'o mbo té tia inde aní asia e li ngongo, nakpata lele bhende

[†] 15:51 15:51 Tsia bhú 1 Tes. 4:15. [†] 15:54 15:54 Tsia bhú Isa. 25:8. [†] 15:55 15:55 Tsia bhú Oz. 13:14. [†] 16:1 16:1 Tsia bhú Lom. 15:25-26.

lì Ebhe aha e pi ani-o. Yi wotia bhomu-o nganda yi, ngú napa me ma gó lie, ní apó matá bhála tia de.

³ Nedhinga ma kólo lie agba yi-e, ma ayé balua pindji tia bhomu, ma tsia tíma okpála bhende yi alo o bhá ka yi-e ne di ngú nanu na'o'o abhá Yelusalema.

⁴ I yo me ma nu di-e, ya anu ne uo bhá dabili bini.

Onú inde ayo me Polo nu e-o

⁵ Ma agó agba yi pita nakodho 'kpí ka ma bhá ndu doto na Makedonia, anga ma apá bhá ndu doto bhomu.

⁶ Nedhinga koko-o, ní adá mbo ne yi ngú nedhinga bedi. Koko-o, ní adá ne yi oo ngú nadjeke me nedhinga na zini-e kodho 'kpí. I du me ní nde asi ekpí bhe ayo me ní si e ne yi-e asi-e, yi tsia teteke ma ngú nanu li obili bhe ma adjí lie-o.

⁷ Padhá de, anga mbia inde-e, ma kunda bha nau yi ne nakodho 'kpí ka ma makodho de. Ma ngab-hundja me, i du me Ebhe nde akunda-a, ma de go sidi, amba ní bhue mbo ne yi ngengele.

⁸ Mbia inde-e, ma ngab-hundja me ma du nga bha bhá Efeso si nakolo bhá 'kpí na Patekote.

⁹ Padhá de, anga Ebhe ab-hulu 'bho 'ti muma mbámbá ngú namene kulu gba ani-e ne angu ma hana si, belegu li okpála bhelé nde lie ngagú kulu ma ngamene e lie-o.

¹⁰ Kaka-a, li Timoté koloo, yi mene me ehe bini ato zini bhá ani agba yi oo de, anga ani ngamene kulu gba Ngámá-a maka ma ngamemene lie-o.

¹¹ Kpála bini aú ani bhá djila e padhá de. Yi teteke mangbo ani me ani dhukú bhá guo 'ngú ngú nakolo li bili ma nde lie-o, anga ma ngadjeke ani ne ondaise ní inde u agó ne o-o.

¹² Li 'ngú bhende atsia ndai ní Apolosi-e, ma ayo ka ani bhátsibhátsi me ani nu agba yi bhá dabili bini ne ondaise ní koko ngú natsia yi. La-a, ani kunda nga nanu oo mbia inde-e de. Ani sia nedhinga-a, ani tsia nu.

Polo yi matá omabhuka na Kolito mayi

¹³ Yi du li zukú, yi lu kpekpeke bhá 'bu nabhuka, bua yi adá ne tsula de, yi du ne angu.

¹⁴ Yi mene ndu 'ngú yi ngamene e hana ne mukunda.

¹⁵ Ondaise ma, yi mbila Etieni ne uo ne pigi gba e hana. Yi mbila hana me u adjí nani bua o bhá ndu doto na Akai kalanu ngao, u atsia aha lio ngubula nateteke omabhuka. Kaka-a, ma ayo ka yi me:

¹⁶ yi manga onguá okpála bhomu-o mamanga. Yi manga di okpála inde ngamene kulu ne kekele bhá dabili bini ne uo mamanga.

¹⁷ Ma ne djali naali li nago nako ka Etieni, ne Folotunasi

ne uo ne Akaikusi-o. Ma ngau uo lie, a mana mugito me ma ngau yi ndu yi hana.

¹⁸ U ato masi bhú ma maka u ato di nako masi bhú yi lie-o. Ongua okpála bhomu-o, a ayo bha ndju namanga uo māmanga.

¹⁹ ODadjua gba Ebhe inde bhú ndu doto na Adjia yi yi ma yi. Akwila ne Pilisila bhú dabili bini ne omabhuka inde ayoyo Ebhe agba uo-o, yi yi ne 'li Ngámá mayi.

²⁰ Ndú ondaise ní inde ei hana yi yi ma yi. Yi yi li yi sunda yi ne nakama liyi li kute yi.

²¹ Ma yi yi ma yi. Engú inde ma aye e me ma yi yi mayi bhomu-o, ma aye ne 'kpa ma makpe.

²² I du me kpála nde kunda Ebhe de-e, u de tu pədjə li ani! Malanata: a ayo me Ngámá gba ní-e gógo!

²³ A ayo me bádha bhú 'bu gba Ngámá Yesu-o du bhú dabili bini ne yi.

²⁴ Ma kunda ndu yi hana naali ka ní akpətsə liní ne yi lie bhú 'bu Yesu Kilisito-o .

Balua na bhisi gba Polo pi omabhuka na gudhu na Kolito Eli na kalanu

Balua na bhisi inde li Polo aye nani e pi okpala na Kolito, ani aye bhú nedhinga inde u du adje lio lie ne omabhuka na Dadjua na gudhu na Kolito de-o. Omabhuka koko na Dadjua gba Ebhe adu nani nagu Polo naali. Engú bini, ani asuno 'ndjá bua gba e ngú nadje lie ne uo, ani atsia adje djali naali li nedhinga li engú bhomu-o andjia lie sonda uo-o.

Engú na bini bhú balua inde-e, Polo ngakpo 'ngú pindji nadje lio ne okpala na Dadjua na Kolito, ani akpo ta ani agie 'ngú lie kpekpeke li sobho inde adu bhú Dadjua gba Ebhe-o, ne nagu inde li okpala na Kolito adu agu Dadjua gba Ebhe-e ne e-o. Polo atsia asuno di djali gba e, padhá de, anga egú inde ani agu e, amene me okpala dji di bua o amba u tsia dje di lio. Pipita-a, ani atsia ayo ka okpala na Dadjua gba Ebhe-e me u ha makiso ne bádha bua, ngubula nateteke omabhuka inde bhú ndibhili bhú Dadjua na Yudaya ne di. Bhú oalo na soso-o, Polo ngakpokpo 'ngú pindji kulu gba e na bhulü titima pi okpala koko na

Kolito inde ngau lio me ni ne obhulü titima na kükülu gba Yesu ngaani. Padhá de, anga okpala ango-o adu apa me Polo ne bhulü titima na eu.

Ongbengbe ongú inde bhú bhuku inde-e ngae inde:

Eli na kalanu 1:1-11
Polo a la di-e Dadjua gba Ebhe na Kolito 1:12 - 7:16

Makiso pi omabhuka na Yudaya 8:1 - 9:15

Nakpokpo 'ngú gba Polo ne angu maka bhulü titima gba Yesu 10:1 - 13:10

Eli na soso 13:11-13

Polo yi omabhuka na gudhu na Kolito mayi

¹ Ma aye balua inde-e ngama Polo bhú dabili bini ne ndai ní Timoté. Ma aye pi yi omabhuka na Dadjua gba Ebhe inde bhú gudhu na Kolito di ne pi yi obhende bhú ndu doto na Akai-e libhomu. Ebhe amene ngae me ma du ne bhulü titima gba Yesu Kilisito .

² A ayo me Ebhe 'Dyi ní ne Ngámá Yesu Kilisito suno bádha bhú 'bu gba o-o pi yi, amba u ha di guo 'ngú pi yi.

Omabhuka na Kolito ngazuh likabhu bhú dabili bini ne Polo

³ A ayo me u toko Ebhe. A ko 'dyi Ngámá gba ní Yesu Kilisito. A ko 'dyi ní inde abedhe ne ndjinga bedhe. A ko Ebhe inde ngateteke bua kpala bhú ndu 'ngú hana.

⁴ Ani ngateteke bua ní bhú ndu olíkabhu gba ní-e

hana, ngəbula me ní teteke bua okpála bhende ngazú likabhu-o, li kpadjì na angu ìnde, nganí makpe, ní asia e ka ani-o.

⁵ Maka ya nde lie ngazú likabhu ne Kilisito na paká paká-a, ani bhadi ngateteke bua ya na paká paká.

⁶ I du me ya nde bhú likabhu-o, a ko ngəbula me yi sia angu di ne mukobho. I du me bua ya nde aké-o, a ko ngəbula me yi sia di angu. Angu ango-o ngaha pi yi nakibila ngua olikabhu ìnde ya nde ngakibila e-o.

⁷ Ya nga'o to ya me Ebhe atéteke yi mateteke. Padhá de, anga ya ambila ndjindji me yi ngazú likabhu bhú dabili bini ne ya. Li Ebhe aké bua ya lie-e, bua yi aké bhadi moko.

⁸ Ondaise ya, ya akunda me yi mbila ngua likabhu ìnde ya azú e bhú ndu doto na Adjia* ndjindji. Ya azú likabhu naali, likabhu ango-o aha angu ya maha. Ya du abhundja de me ya akóto bhúbhú makoto de.

⁹ Ya adú abhundja li bua ya me ekpí gba ya-a ale. La-a, engú bhomu-o akolo li ya ngəbula me ya a'ó nabhuka gba ya-a bhú ya makpe de, ya 'o bha bini bhú Ebhe kpi e kpi. Ani ngazuku okpála ìnde amu-o ngae.

¹⁰ Ani agbegbe ya bhú nakpi bhomu-o ngae. Ani agbégbe matá ya bhú okoko

magbegbe. Ya la di nga'o 'to ya me ani agbégbe galikpe ya bhúbhú magbegbe.

¹¹ Ebhe améne bhobhomu-o, i du me yi nde akpètse liyi ne ya bhú dabili bini bhú mayo-o. Abhomu-o, nedhinga li Ebhe adjé mayo gba yi-e lie, ani tsia há bádha bhú 'bu gba e pi ní padhá, li okpála bhelé tsia gie di hení pi ani.

*Polo apa me ni nú nga bhú
Kolito mbia inde-e de*

¹² Ehe ìnde ya nde ka e bhú djali ngae ìnde: bua ya ngaziba me ya adhukú bhú ká okpála ne nako liya ne kuto bhú dabili bini ne nawo 'ngú de. Ebhe akunda me ya dhukú bhú ká yi moko. Ya dhukú bhú ka yi ne imbilangú ìnde i yie ka okpála de. Engú bini, ya ngadhukú ne bádha bhú 'bu li Ebhe ngaha e pi ya ngae.

¹³⁻¹⁴ A ayo me yi mbila engú bhomu, anga bhú obalua ya aye e pi yi-e, ya aye bha engú ìnde yi ti da natanga e, yi ti di da nako mboli e ndjindji. Nakolo pi mbia inde-e, yi dje nga ya má kpulukutu de! Engú bini, ma abhundja me yi ahólo nadje ya má kpulukutu madje! Abhomu-o, li 'kpí li Ngámá Yesu agó lie, yi akpí djali li 'ngú gba ya maka ya nde di lie ngakpi djali li 'ngú gba yi-o.

¹⁵ Ma adú nako ne nabhuka bhú 'ngú bhomu-o.

* **1:8 1:8 Adjia:** A ko ndu doto adú nani bhú kuti na Tiliki na naki-o. Efeso du nani ne 'ngbé gudhú na kuti ango-o ngae.

Kaka-a, ma adu akunda me ma apu agba yi bhutsibhutsi bhisi, amba yi sia di bádha bhú 'bu bhutsibhutsi na bhisi.

¹⁶ A akunda napa me ma akunda nako nanu agba yi kala nanu bhú Makedonia.[†] Pipita-a, ma adu di akunda me ma gie matá lima agba yi ngubula me yi teteke ma ngubula nanu bhú Yudaya.

¹⁷ Nedhinga ma apa lie pi yi me ma améne mo-o, ma apa ne 'li ma bhisi bhisi? A mo-o ade. Nedhinga ma nga'o oekpa gba ma-a lie, ma'o li mabhundja inde ayie ka ma makpe de, ngú napa me ma aziba engú ne nayayala bhú dabili bini.

¹⁸ Ebhe apá li ma ngae me engú ma apa e pi yi inde-e, ma pa ne eli bhisi bhisi de.

¹⁹ Padhá de, anga Yesu Kilisito, Ndili gba Ebhe inde ya akpokpo engú gba e pi yi-e, ngama Polo, ne Sila bhú dabili bini ne Timoté, ani go nani ngú naziba 'ngú ne nayayala bhú dabili bini de. Engú bini, ani memene engú inde ani ngapa e-o.

²⁰ Ndu 'ngú li Ebhe apa me ni améne e pi ní-e, améne lie kabula Yesu. Kaka-a, ya ngaziba me adu moko ne 'li ani ngú nadhègè Ebhe.

²¹ Ebhe abhu ya ngae makpe, la di-e, ngaani makpe ngato angu bhú ya

bhú dabili bini ne yi li kpadji gba Yesu Kilisito-o.

²² Ani a'o di Bu Bhopua gba e li bua ní ngú nasuno me ní ne naani okpála. Maka ani aha Bu Bhopua gba e lie pi ní-e, ní ambila bhadi me ani ahá di ndu ohe koko inde ani apana e pi ní-e mahà.

²³ Ne 'li Ebhe, li ma pa eu-o, Ebhe de bhølo ma. Kabula nalila[‡] yi-e, ma kunda nanu agba yi bhú Kolito mbia inde-e de.

²⁴ A ko de me ya ngakunda nau ngámá pi nabhuka gba yi-e de ngú napa me yi bhuka bha bini bhende ya ngakunda e de. Padhá de, anga yi alu kpekpeke bhú nabhuka gba yi-o. Ya akunda mangbo namene kulu bhú dabili bini ne yi ngubula me bua yi du bhú djali.

2

¹ Abhomu-o, ngama-a, ma apa li bua ma me a ndjindji ade me ma nu nga agba yi-e de. Padhá de, anga ma asiti matá bua yi ne toto*

² Li ma ha siti pi bua yi-e, a há matá djali muma da? Padhá de, anga kpála inde li bua e asiti-e, tí matá da naha djali muma de.

³ Kaka-a, ma aye balua bhomu-o pi yi, maka ma aye

[†] 1:16 1:16 *Makedonia*: A ko ndu doto bhú kuti gba oGiliki. A li pápá na Abebe.

[‡] 1:23 1:23 *Nalila*: Polo akunda me ni 'o nedhinga pi okpála na Kolito ngú nadji bua o li 'ngú u amene e li ani-o.

* 2:1 2:1 *Ne toto*: Polo anu nani bhú gudhu na Kolito, súka mabhuka bini na Dadjua gba Ebhe-e atsia asobho ani, engú bini Dadjua gba Ebhe-e tsia gama 'ngú téte de.

nako lie bhú balua gba ma na kalanú-o.[†] Ma kunda nako de me ma kolo agba yi-e, bua ma de siti matá ka okpála inde ayo nako me u ha djali muma-a de. Ma ambila na paká me nedhinga ma nde lie bhú djali-e, ndu yi hana di bhú djali.

⁴ Nedhinga ma aye balua bhomú-o lie pi yi-e, bua ma adu me a nde abedhe ne likabhu di ne tsulú bedhe. Maaku belegu egba. Yi abhúndja de me ma aye balua bhomú-o pi yi ngú na siti bua yi-e de. Ma aye mangbo ngú nasuno pi yi lele mukunda ma nde pi yi ne e ko.

Polo apa me u mbu li kpála inde amene siti 'ngú-o

⁵ Li 'ngú bhende atsia kpála inde amene siti 'ngú-o, ani asiti bua ndu yi hana ane ma mane. Engú bini, ma kunda napa 'ngú téte ne na'e'e bhú da e ma'e de. Ani siti bua ndu yi hana de, la-a, ani asiti bua té okpála bedi bhú ká yi.

⁶ Okpála bhelé bhú ká yi ambe bhú 'ndji kpála bhomú-o ambe. Ma abhundja me a pise moko.

⁷ A ayo ibili mangbo mbia inde-e me yi suno bádha bhú 'bu pi ani, amba yi to masi bhú ani, ngubula me likabhu ahá angu ani má tsitsidha de!

⁸ Kaka-a, ma ayo ka yi me yi suno mukunda gba yi-e pi ani.

⁹ Ta naye balua gba ma na kalanú-o pi yi-e, a ko ngubula nale yi, amba ma mbila me yi nani bedhe ngú namene ndu 'ngú inde ma apa e pi yi-e hana.

¹⁰ Yi suno bádha bhú 'bu pi kpála-a, ma asúno bhadi bádha bhú 'bu pi ani. Li ma mbu li siti 'ngú-o, i du me engú na sisiti ngú nambu téte ka ma nde uu-o, ma ambú téte ka yi kala Yesu Kilisito.

¹¹ Ma amene mo-o ngubula me Satana apíte ni li 'ngú bini de. Padhá de, anga ni mbila engú inde ani akunda namene e ndjindji.

Polo adu akunda me Tito go bhaka ni bhú gudhu na Tuluasi ne ngali gba omabhuka na Kolito

¹² Nedhinga ma akolo lie bhú gudhu na Tuluasi ngú nakpokpo Bádha Ngali gba Yesu Kilisito-o, ma au me Ngámá abhulu 'bhé bhoti muma ngú nakpokpokpo abhulu.

¹³ Engú bini, ma azú likabhu li bua ma naali anga ma bhaka ndai ma Tito de. Kaka-a, ma abhana líma pi okpála na Tuluasi, ma atsia atapa bhú ndu doto na Makedonia.

Polo ngadhögé Ebhe kabula kulu gba e-o

¹⁴ Engú bini, a ayo me ya dhögé Ebhe, anga ani ngako

[†] **2:3 2:3 Balua na kalanú:** A ko bha ndju balua na bini gba Polo pi omabhuka na Kolito de. A ko balua inde angita pi ni-o.

pí ya ndu 'kpí hana kalanú bhú galasisi‡ inde ngasuno me Yesu Kilisito agboko 'gú pí 'ndjí ndu 'he hana agboko. Aní ngatima ya ne ndu bili hana ngubula nasuno Yesu Kilisito pi okpála. Nambila ani-e, a maka bádha se 'he inde ngapu ne ndu bili hana.

¹⁵ A ko paká. Ya maka mungotsi inde li se e nde babadha, inde li Yesu Kilisito aha e pi Ebhe. Se mungotsi ango-o ngapu pi okpála inde li Ebhe ngakobho o di ne okpála bhende ngangita.

¹⁶ Pi okpála bhende bhú ngita-a, se mungotsi bhomu-o sisiti, pi uo-o, se mungotsi ango-o ngatima uo bhú kuo.§ Pi okpála bhende li Ebhe ngakobho o-o, se mungotsi bhomu-o babadha, a ngaha pi uo mukobho. A moko! A li nakpokpo Bádha Ngali-e ne tata na ngbéngbé. A ti da namemene da?

¹⁷ Ya maka okpála koko bhelé inde ngakpokpo eli gba Ebhe-e li nasia tia ade. Engú bini, ya mangbo ngakpokpo 'li Ebhe kala aní bhú ngibili 'ngú, bhú nakpötse lio ne Yesu Kilisito.

3

Omabhuka ne balua inde li Yesu Kilisito aye e-o

¹ Engú inde ma aye e bhomu-o akunda napa me

ya akunda matá na'o liya ngaya makpe abhúlá? Ya ne gümü balua ngú nasuno pi yi me ya ne obhulu titima gba Yesu ade. Ya di ne gümü ade me yi ye balua pi ya ngú nadhuku ne di me ya du nasusuno pi okpála. La pi obhulu titima koko-o, a ayo balua. Ya maka uo ade!

² Yi ne balua gba ya-a inde li Yesu Kilisito aye e li bua ya-a ngayi makpe. Ndu kpála hana ti da nambimbila né natatanga.

³ A ko paká, a mbámbá me yi ne balua inde li Yesu Kilisito aye e ngae, aní atsia atima sakpa ya. Aní ye ne 'ngu balua de. Aní aye mangbo ne Bua gba Ebhe inde uu-o. Aní ye pi opapala teme† de, aní aye mangbo li bua okpála-kuti.†

Polo ngamene kulu gba Ebhe-e li lele gandja na mbia

⁴ Ya ngabhuka bhú ongú bhomu-o anga Yesu Kilisito apana pi ya me Ebhe atima yá ngae.

⁵ A ko de me ya ngamene ngua kulu bhomu-o ne angu gba ya makpe-e de, ya mene bhú 'ndjí ya de. Ebhe ngaha angu bhomu-o pi ya ngú namemene ngae.

⁶ Ebhe aha angu pi ya ngú nadu okpála na kulu na gandja na mbia-a ngae. Gandja ango-o lu pi líli inde

‡ 2:14 2:14 **Bhú galasisi:** Polo ngabhundja pindji 'ngbé ngámá gba osudha inde ngagie lie bhú 'gú me aní agboko 'gú-o agboko. Okpála ngabhia kuo li aní ne natsulu mungotsi. § 2:16 2:16 **Bhú kuo:** Bhú galasisi-e, adu nani ne osudha inde agboko 'gú, adu la di ne obhende u agboko o bhú 'gú-o. Obhende u agboko-o, adu nani nadjeke kuo. † 3:3 3:3 Tsia bhú Eki. 24:12. † 3:3 3:3 Tsia bhú Djlm. 31:33.

u aye nani e maye-e de, alu mangbo pi Bu Bhopua . Lili inde u aye nani e ngato kpala bhua kuo. La-a, Bu Bhopua naae ngaha pi okpala mukobho.

*Sangu na gandja na mbia
ane bhende na didili-e mane*

⁷ Nedhinga li Ebhe aye nani lili lie pi opapala teme ngu nahaha pi Moidje-e , sangu gba Ebhe-e adu asu bhua ani. Abana li zizi adu andjia lie bhua Moidje-e, a adu nga bha kpekpeke. Omafsalaele ti nani belegu da natsia bhua ani de.[†] Ni au me belegu li gandja na didili adu ato kpala lie bhua kuo-o, adu bhadji ne sangu.

⁸ I du mo-o, gandja na mbia inde li Ebhe ngaha Bu Bhopua gba e pi ni bhua e asuno sangu gba Ebhe ane mane. A mo-o adi!

⁹ I du me kulu gba Moidje inde adu nato okpala bhua kuo nde nani ne sangu-o, asi la masi pi kulu na mbia gba Ebhe inde ngamene me okpala du ngingbili-e, a asuno sangu gba ani-e ane mane di!

¹⁰ Ni ti belegu da napa me sangu inde akoto nani bhomu-o matá ngau lie ka sangu na naki inde-e ade, anga a ane bhe nani na kalanu-o mane.

¹¹ Padha de, anga i du me gandja na didili, inde akoto nani ngu nedhinga bedi-e nde akoto ne sangu-o, asi la masi maka gandja na mbia

inde ngabhue dudu ma ne dudu ma-a?

¹² Ya ne nabhuka bhua gandja na mbia-o. Kakaa, ya ti da napa 'ngu pi yi mbambá.

¹³ Ya mene maka Moidje de. Padha de, anga Moidje adu nani nabuku bhua e ne bongo ngubula me omafsalaele au lele maka zi sangu gba Ebhe inde adu asu bhua ani-e du abulu lie de-o. Zi sangu ango-o adu la bha nani ngu nedhinga bedi.

¹⁴ Omafsalaele ango-o, agbite nani bua o ma ki! Ngu nakolo pi naki-e, li ongisi gba uo du natanga ongú inde u aye e bhua gandja na didili-e, u ke mbolimboli de. A mana mugito me bongo ngabuku tata-a pi uo. Bongo bhomu-o bha bini nga'e lie me kpala nde akpotse lie ne Yesu Kilisito.

¹⁵ Abana pi naki, ndu nedhinga hana inde li omafsalaele ngatanga obhuku gba Moidje lie, u ke mbolimboli de.

¹⁶ Engu bini, maka u aye bhua bhuku gba Ebhe-e lie me, li kpala dji bhua e li papá gba Ngamá Ebhe-e, oehe inde li pala bongo abuku e ú lie mbambá.

¹⁷ A ko paká, Ngamá Ebhe-e, a ko Bu Bhopua. La-a, bili li Bua gba Ngamá-a nde li e, okpala inde oo bhua ngu o, a ko matá obalise na lili gba Moidje de.

¹⁸ Ndu ni hana inde li bongo nabuku bhua ni-e ayie bhua o ayie, ni ngasuno

[†] 3:7 3:7 Tsia bhua Eki. 34:29.

sangu gba Ngámá maka bhú bitolobi. Abhomʉ-o, Ngámá inde di Bu Bhopua-a ngadjí ní me ní kolo maka ní, ne sangu inde nganʉ bha ne kalanʉ.[†]

4

Ebhe ngasuno angu gba e bhú bhuku gba obalise gba e-o

¹ Ebhe bhú bádha bhú 'bu gba e aha pi ya kulu nakpokpo Bádha Ngali . Kaka-a, ya gie liya ne sidi de.

² Ya ayala ndʉ 'ngú na pepe, i dʉ di-e bhe na nʉmʉ-o hana. Ya mene ehe bhú kali de, ya kpətse di 'li Ebhe bhú dabili bini ne engú na eu de. Ya mangbo ngasuno ngbili 'ngú pi okpála mbámbá. Ya ngamene mo-o kala Ebhe ngubula me okpála hana mbila me lele nadhukʉ gba ya-a ngbingibili.

³ La-a, i dʉ me Bádha Ngali inde ya ngakpokpo e nde mbámbá ade-e, a mbámbá ade bha bini pi okpála inde ngangita-o.

⁴ U ngabhuka ade anga Satana , ebhe na doto inde-e angbingi imbilangʉ gba uo-o angbingi. Ngaani ebhe angoo amene me u aú zì 'kpí inde bhú Bádha Ngali-e de. A ko zi 'kpí na sangu gba Kilisito . Ngaani-e, ani mana Ebhe libhomu.

⁵ Nedhinga ya ngakpokpo Bádha Ngali-e lie, a ko de me ya ngakpokpo engú gba ya

makpe-e de. Ya ngakpokpo me Yesu Kilisito ne Ngámá ngae. La pi ya-a, ya bha naaya ne obalise gba yi kabula ani.

⁶ Padhá de, anga Ebhe apa nani me: «Zì 'kpí sʉ bhú bitil!†» Ani amene ngae makpe me zì 'kpí gba ni-e sʉ li bua ya ngubula me ya mbila sangu gba ni inde ngasu bhúla Yesu Kilisito-o.

⁷ Oehe na babadha bhomʉ-o, Ebhe a'o bhú ya. Engú bini, ya bhubhukʉ maka madakpa. Ebhe amene mo-o ngú nasuno me angu na ngangamba bhomʉ-o yie bhú ya de, ayie mangbo bhú ni.

⁸ Ya ngazʉ ndʉ ngua likabhu hana, engú bini, likabhu bini ha nga angu ya de. Bua ya angamba, engú bini, ya ngaholo bua ya.

⁹ Okpála ngato mbolo li ya, engú bini, Ebhe 'o ká ya de. U agbo 'i ya, engú bini, u bhələ ya de.

¹⁰ Ya ngadhukʉ ne kuo ndʉ 'kpí hana sa so ya maka Yesu, ngubula me mukobho gba ani u di lie bhú lele nadhukʉ gba ní-o.

¹¹ Ndʉ nedhinga hana ya nde lie bhú mukobho-o, kuo de ya masikpe kabula Yesu. Abhomʉ-o, u tsia tí da di nau mukobho gba ani-e bhú lele nadhukʉ gba ní píla doto-o.

¹² Kaka-a, kuo ngamene kulu bhú ya ngubula me mukobho dʉ namene kulu bhú yi.

† 3:18 3:13-18 Tsia bhú Eki. 34:29-35.

† 4:6 4:6 Tsia bhú Dje. 1:3.

¹³ Bhuku gba Ebhe-e ngapa me: «Ma abhuka mu Ngámá, kaka-a, ma atsia agama 'ngú.[†]» Ngaya di-e, ya abhuka Ngámá, kaka-a, ya atsia agama di 'ngú.

¹⁴ Ya ambila me Ebhe inde azuku Ngámá Yesu bhú ká okpála inde amu-o, azúku di ya bhú dabili bini ne ani. Ani tsia 'ó di ya bhú dabili bini ne yi de e.

¹⁵ Ndu 'ngú ya ngakibila e hana-a, a ngubula yi, amba ngayi okpála inde li Ebhe ngasuno bádha bhú 'bu gba e pi yi-e, yi du nabe ndu yi ane mane. Abhomu-o, mayo gba yi nagie hení pi ani-e tsia bé di ndu e. Bhabhomu-o tsia há sangu pi Ebhe.

¹⁶ Kaka-a, ya gie liya ne sidi de. Abana li kute ya du nandala-a, ya ambila me bua ya ngasia angu na mbia ekpí bini ne bini hana.

¹⁷ Likabhu ya ngazu e mbia inde-e mbomboyé, ní tsia sangu na ngbéngbé inde ngadjeke ní-o. Sangu angoo ane ndu 'he hana, a la di ngabhue duduma ne duduma. Olikabhu ní ngazu e inde-e ngaleke ní ngú nasia sangu bhomu-o.

¹⁸ Padhá de, anga ní nga'o 'to ní 'to engú i u lie ne djila de-o. Ní 'o 'to ní 'to engú inde ngau lie ne djila de-e de. Ehe bhende ngau lie ne djila ngabhue naali ade, engú bini, ehe i u lie ne djila de-e, ngadu duduma ne duduma.

5

Kute na mbia inde li omabhuka asia e abhúlá-o

¹ Ní mbila hana me li eti inde ní nde bhú e kpi-e, a ka ní ne eti koko abhúlá a akunda napa me, ekpí bini, ní akpí makpi, ní tsia 'ó ka kute na doto inde. Eti li Ebhe aleke e pi ní-e, okpála yiki ngao de. Eti ango-o adú duduma ne duduma.

² Nedhinga ní nde lie bhú kute inde-e, ní ngalopolo liní anga gum gba ní na ngbéngbé-e me ní dyi kute na abhúlá maka bongo na mbia.

³ Nedhinga ní a'ó ka kute na doto inde-e lie, ní du abhúlá mandi kute de. Ní asia kute na mbia.

⁴ Ní mbila hana me ní nde nga bha lie bhú kute na doto inde-e, ní ngalopolo liní mugito me ní abi tili 'he. A ko de me ní ngagili nadu mandi kute-e de. Ní mangbo ngagili me ní dyi kute na abhúlá ngubula me mukobho ha angu ehe bhe na kukuo-o.

⁵ Ebhe aleke ní ngubula mukobho angoo ngae makpe. Ani atsia aha ngaiza Bua gba e pi ní bhú ka ohe inde ani aleke e pi ní-o.

⁶ Ní mbila hana me, nedhinga ní nde lie bhú kute na doto inde-e, ní nga bha tsutsu de bili li Ebhe Ngámá nde lie-o. Abana inde lie mo-o, ní abedhe ndu 'kpí hana ne masi.

⁷ Padhá de, anga ní ngadhuku li lele nabhuka

[†] 4:13 4:13 Tsia bhú Ets. 116:10.

makpe, ní dhukú li lele nakpata engú ní ngau e ne djila ní-e de.

⁸ A moko, ya abedhe ne masi bedhe. Ya la di ne gúmu nayie bhú kute inde-e ngú nanu nadu dengo Ngámá gba ní-o.

⁹ Engú inde li bua ya ngae inde, a ayo me ya mene engú inde anga li Ebhe, abana ya du bhú kute inde, abana ya yie bhú kute ango-o.

¹⁰ Padhá de, anga a ayo me ndu ní hana ní ze bhú djila Yesu Kilisito ngú napa me ani kodho 'ngú gba ní-o. Abhomu-o, li kpála ne kpála tsia sia ehe inde ati ne engú li ani amene e li nedhinga ani adu lie bhú kute na doto-o. Kpála ne kpála asia makalá na bádha 'ngú, i du di-e bhe na siti 'ngú inde ani amene e-o.

Ebhe nga'i okpála bhú 'li ya

¹¹ Ya mbila hana me namanga Ebhe ne ní-ie. Kaka-a, ya ngagili me ya to bhú 'ndji okpála me u bhuka Bádha Ngali ya ngakpokpo e-o. Kala Ebhe-e, ní ti da nawo líní de. Ma ngabhundja la di me kala yi-e, ma wo líma de.

¹² Ya kúnda matá de me ya kpokpo 'ngú gba ya-a pi yi ngaya makpe de. Engú bini, ya ngakúnda na'o yi me yi du ne gindaginda li 'ngú gba ya-o. Abhomu-o, yi ti da nagie 'ngú pi okpála inde ngau ngbengbe ongú bhende i ngau lie mbámbá, inde i

tsia 'kpí li 'ngú bhende li bua kpála de-o.

¹³ I du me ya nde ne obhulú pele maka li okpála koko ngabhuhbundja lie-e, a ko kabula Ebhe. I du me ya nde ne obhulú pele ade-e, a ko ngubula nateteke yi.

¹⁴ Engú inde ngatima ya me ya mene kulu inde-e ne kekele-e, a ko mukúnda li Yesu Kilisito nde ne e pi ya-o. Ya ambila ndjindji me Yesu Kilisito akpi mada ndu okpála hana. Kaka-a, bhú djila Ebhe-e, ndu okpála hana amu bhú dabili bini ne ani.

¹⁵ Ani akpi ngubula ndu okpála hana, amba ndu obhende bhú mukobho adú matá akobho bhú ngú o de, engú bini, u du akobho pi kpála inde akpi, atsia azuku pi uo-o.

¹⁶ Kaka-a, ya matá ngatsia kpála ne djila bhe na kpálakuti ade. A ko paká ya adu nako natsia Yesu Kilisito ne djila bhe na kpálakuti, la mbia inde-e, ya matá ngatsia ani mo-o ade.

¹⁷ Nedhinga li kpála akpetse lie lie ne Yesu Kilisito-o, ani akolo kpála na mbia. Lele dasundu gba ani na kalanu-o andjia. A ibili bhú ani ne lele dasundu na mbia.

¹⁸ Ebhe ngamene ndu 'ngú bhomu-o hana ngae. Ani atima Yesu Kilisito me ani go to guo 'ngú sunda ní ne o. Ani aha kulu bhomu-o pi ya ngae me ya nu gbele okpála

koko de ni, amba ni to guo 'ngú sonda ni ne uo.

¹⁹ Padhá de, anga Ebhe adu namene kulu ngú nato guo 'ngú sonda o ne okpálakuti li kpadjí gba Kilisito. Ani tsia matá siti 'ngú gba uo de. Abhomu-o, Yesu Kilisito atsia atima ya me ya kpokpo pi okpála lele maka a ayo lie me u sia guo 'ngú sonda o ne Ebhe-o.

²⁰ Bhabhomu-o akunda napa me Yesu Kilisito atima ya ngae makpe. A na paká me Ebhe nga'i okpála bhú 'li ya. Kaka-a, ya ngayo ka uo ne 'li Yesu Kilisito me, u 'o me Ebhe to guo 'ngú sonda o ne e.

²¹ Yesu Kilisito mene nani siti 'ngú belegü de bini. Engú bini, Ebhe a'o kili siti 'ngú gba ní-e li 'ngbú ani, ngubula me li kpadjí gba ani-e, ní sia ngasa nakolo ngingbili bhú djila Ebhe.

6

¹ Ya ngamene kulu bhú dabili bini ne Ebhe. Inde lie mo-o, ya ngayo ka yi me, yi au bádha bhú 'bu li Ebhe apana e pi yi-e padhá de.

² Padhá de, anga Ebhe apa bhú Bhuku gba e me:

«Nedhinga akolo lie me ma mene bádha 'ngú pi yi okpála gba ma-a, ma adje yi.

Nedhinga akolo lie me ma kobho yi-e, ma ateteke yi.[†]»

Ondaise ma, yi gbo 'dje yi, a ko mbia inde-e nedhinga na babadha, a ko nedhinga na mukobho.

Likabhu li Polo azu e asuno me a ko kukulu bali gba Ebhe

³ Ya kunda namene engú bini de inde améne me okpála ti ka e-o, anga i du mo-o de-e, u pá 'ngú li kulu gba ya-a sisiti.

⁴ Bhú ndu 'ngú ya ngamene e hana-a, ya akunda mangbo nasuno pi okpála me ya ne obalise na kukulu gba Ebhe. Abana ya du nasia mangua likabhu dho-ie, abana u du nato mbolo li ya, ya bha ngakikibila makibila.

⁵ U abhi ya, u amba ya bhú tikpu, u ato kpéke ndji bhú 'ndjí okpála me u mene ya sisiti. Ya abhøle kuo ya ne kulu masikpe da napa me ya asia belegü nedhinga nala ne nazu 'he de.

⁶ Bua ya kala Ebhe bubu, ya ngasuno me ya ambila ongú gba Ebhe-e má kpulukutu! Ya ne 'ndjá bua, ya ne bádha bua, Bu Bhabua bhú ya, ya la di ne mukunda na kukulu.

⁷ Ya ngakpokpo kukulu 'ngú pi okpála bhú angu gba Ebhe. Lele bádha nadhuku gba ya-a pi ya maka tia 'gú ngú na ha 'gú ne obhulu yala gba ya-o. A di pi ya maka kopí ngú nalila liya ne di sakpa obhulu yala gba ya-o.

⁸ Okpála koko ngamanga ya, okoko ngau ya bhú djila

[†] 6:2 6:2 Tsia bhú Isa. 49:8.

o padhá. Okpála koko ngatoko ya, okoko ngasobho ya. Okpála ngau ya mugito me ya ne obhálu eu, ya nde la ngapa kékélu 'ngú-o.

⁹ Okpála koko ziba de me ya ne obhálu titima gba Yesu-o de, engú bini, okpála bhelé ngaziba ya. Okpála koko ngau ya mugito me ya ne omakpiakolo, ya nde la bhá mukobho-o. U ngato mbolo li ya, engú bini, ya mu de.

¹⁰ Abana li bua ya ngabi likabhu lie ka okpála naalie, ya bha ndu 'kpí hana bhá djali. Ya bhá ndibhili, engú bini, ya ngamene me okpála bhelé kolo obhálu tia kala Ebhe. Ya ngau liya bhá djila okpála mugito me ehe bini ka ya píla doto inde-e ade. La-a, bhá ngbingbili-e, ndu 'he hana ne naaya 'he.

¹¹ Ngayi ondaise ya na Kolito-o, ya agama 'ngú pi yi mbámbá. Ya wo engú inde li bua ya-a belegu de bini.

¹² Pi ya-a, ya gbite bua ya pi yi de, yi agbite mangbo bua yi pi ya ngayi.

¹³ Ma ngagama 'ngú pi yi mugito me yi ne ongisi ka ma. Ma ngapa pi yi me: «Yi gie mukunda ya nde ne e pi yi-e pi ya. Yi awó engú inde li bua yi-e pi ya de.»

Yi akpétsø liyi ne omupagano de

¹⁴ Yi akpétsø liyi bhá dabili bini ne omupagano

ngú namene ehe ne uo de. Ehe inde ngbingbili-e ti da nakpötse lie bhá dabili bini ne ehe na sisiti-e lele pi? Zi 'kpí ti da nakpötse lie bhá dabili bini ne biti lele pi?

¹⁵ Yesu Kilisito ti da nadje lio ne djabálu lele pi? Kpála inde abhuka Yesu-o ti da nadu ne mabhundja bini ne kpála bhende i bhuka de-e uu?

¹⁶ Nganí-e, ní ne 'ngbé 'ti Ebhe inde uu. 'Ngbé 'ti Ebhe ti da nakpötse lie ne 'ti atolo belegu de bini. A maka li Ebhe apa lie li 'ngú gba omaha e me:

«Ma adú bhá ká uo,
ma tsia dhákü bhá
dabili bini ne uo.

Ma adú ne Ebhe gba uo,
u tsia dú ne omaha
ma.†»

¹⁷ Ka 'ngú angó-o, Ebhe Ngámá apa pi uo me:

«Yi ze bhá ká omupagano
maze,
yi adú ne uo bhá dabili
bini de.

Yi abú 'kpa yi li 'he inde kala
ma sisiti-e de,
abhomu-o ngama-a, ma
tsia ziba yi.†

¹⁸ Ma adú ne 'dyi yi,
yi tsia dú ne ongisi gba
ma.

Ngámá Angbamili apa
mo-o.†»

7

¹ Ondaise ma na
mukunda, Ebhe apa me
engú inde ni apa me ni

† 6:16 6:16 Tsia bhá Lev. 26:11-12; ne bhá Edj. 37:27; di ne bhá Djlm. 32:28.

† 6:17 6:17 Tsia bhá Isa. 52:11; di ne bhá Edj. 20:34, 41. † 6:18 6:18 Tsia bhá 2 Sam. 7:8, 14.

améne e pi ní-e, ni améne mamene. I nde lie mo-o, a ayo me ní vələ liní bhá ndú osisiti 'ngú inde ngato zibotú li kute ní ne bua ní-e hana. Ní mene ne kpéke me ní dú bubu kala Ebhe ne namanga ani mamanga.

Polo akpi ndjili ka li omabhuka na gudhu na Kolito adji bua o lie-o

² Ondaise ma, yi 'o ya li bua yi! Ya amene siti 'ngú li pabili gba kpála bini de. Ya a'e kpála bini li kpadji gba Ebhe-e de. Ya ha 'he ka kpála bini bhá napite ani de.

³ A ko de me ma ngapa 'ngú bhomu-o ngú na'o mangimbo pi yi-e de. A maka ma de apa lie-o, ya ne mukunda pi yi naali. Ehe bini gbó bhuesu mukunda ya nde ne e pi yi-e de, abana i dū nakpi, abana i dū me ní nde bhá mukobho.

⁴ Yi ne kpákpá na bua ma. Ma ne gindaginda naali li 'ngú gba yi-o. Bhá ndú likabhu ya ngazú e hana, ya gie liya ne sidi de, ya abedhe mangbo ne djali bedhe.

⁵ A ko paká, abana nedhinga ya akolo lie bhá Makedonia, ya sia belegu nedhinga bedi ngú naguo de. Ya asia okpekpeke da 'ngú ne ndú pasu hana. Ya dū ne guo 'ngú sunda ya ne okpála koko de, ya atsia adú ne tsulu.

⁶ Engú bini, Ebhe inde atoto masi bhá okpála inde

andala-a, abedhe matá ya ne masi li nedhinga li Tito agie lie lie-o.

⁷ Ya bedhe bha ne masi ka nago ka ani-e de, engú bini, ngali ani akpokpo e pi ya-a ato di masi bhá ya ngae. Ani akpokpo pi ya lele maka yi ato masi bhá ani lie-o. Ani akpokpo pi ya me yi abedhe ne gümü nau ma bedhe. Ani apa me yi ngakina liyi ka osisiti 'ngú yi amene e-o. Ani apa me yi ne gümü nago nateteke ma bhá egú ma ngagu e ne obhulü yala gba ma-o. Ma adje lie mo-o, ma abedhe matá ne djali bedhe.

⁸ Ma ambila me balua* inde ma aye nako e pi yi-e aha babuma pi yi naali. Ma ti nako da nadje likabhu li bua ma téte, padhá de anga, ma ambila me balua bhomu-o aha likabhu pi yi ngú nedhinga bedi. Engú bini, bua ma ne likabhu téte mbia inde-e ade.

⁹ A na paká me, ma mangbo ngakpi djali. Ma kpi djali ango-o ka babuma yi asia e ka ma-a de. Engú bini, ma ngakpi djali anga babuma yi asia e amene me yi dji bua yi. Babuma yi asia e bhomu-o, yi asia li lele maka li Ebhe akunda lie-o. Inde lie mo-o, ya mene yi sisiti de.

¹⁰ Padhá de, anga li kpála sia babuma li bua e li lele maka li Ebhe akunda lie-e, babuma ango-o há pi ani

* **7:8 7:8 Balua:** A ko balua na bini gba Polo pi omabhuka na Kolito de. A ko balua inde ani e atsia angita-o.

nadji bua e. Ani dji bua e-e, ani tsia kóbho. Ya ti da nadje likabhu li bua ya téte lele pi? Engú bini, li kpála sia babuma li bua e, i du me ani nde dji bua e de-e, bhobhomu-o ngagbele pi ani nakpi.

¹¹ Babuma yi asia e, yi asia li lele maka li Ebhe akunda lie-o. Yi tsia nga obabadha 'ngú inde li babuma ango-o azu e bhá yi-o: a ngaha pi yi me yi du ne bádha bua ngú naleke 'ngú sunda yi má gala! Yi asuno mbámbá me yi li bhú siti 'ngú de.[†] Yi ngake 'ngú liyi li siti 'ngú ango-o. Yi ne tsulu li 'ngú inde li siti 'ngú ango-o ti da nazu e-o. Yi abedhe ne gúmu nau ma di ne namene engú li lele maka li Ebhe akunda lie bedhe. Yi bedhe ngú na'o 'ngú pi kpála inde amene siti 'ngú-o. Yi apána mbámbá me ngayi makpe-e, yi li bhú 'ngú bhomu-o de.

¹² Li ma ye balua pi yi-e, ma ye ka 'ngú gba kpála inde amene siti 'ngú-o de. Ma ye di ka 'ngú gba kpála bhe u amene siti 'ngú li e de. Ma aye mangbo ngú nasuno me yi mbila mbámbá kala Ebhe me yi ne mukunda pi ya li bua yi naali.

¹³ Kaka-a, engú yi amene e aké bua ya kuto.

Bua ya kē bha kuto ngae de, ya akpi di djali naali ka nau me Tito adu ne djali

naali ka li ndu yi hana ato masi bhú ani lie-o.

¹⁴ Nedhinga ma atima ani lie agba yi-e, ma akpo 'ngú yi pi ani ndjindji. Mbia inde-e, yi tsia ha námu muma de. Maka ya akpokpo nako lie pi yi kükulu 'ngú ndu 'kpí hana-a, ndu babadha 'ngú ya akpokpo e li 'ngú gba yi pi Tito asuno me a ko kükulu 'ngú.

¹⁵ Nedhinga ani akolo lie agba yi-e, yi asia ani ndjindji. Ndú yi hana, yi amanga ani naali, yi au ani ne tsulu, yi atsia adu amene engú maka ani akunda lie-o. Ani bhundja engú bhomu-o, ani bédhe matá ne mukunda pi yi bedhe.

¹⁶ Ma ne djali, anga yi ne kpíkpú na bua ma bhú ndu 'ngú hana.

8

Polo ato masi bhú omabhuka na gúdhú na Kolito me u teteke ondaise o na Yelusalema

¹ Ondaise ya, ya akunda me yi mbila engú inde li Ebhe amene e bhú bádha bhú 'bu gba e pi okpála na oDadjua gba Ebhe na Makedonia.*

² Omabhuka inde oo azu nani likabhu naali, engú bini, u abedhe ne djali bedhe. U adu nani bhú ndibhili naali, engú bini, u du atsia bhúla 'he pi okpála de.

* 8:1 8:1 *ODadjua gba Ebhe na*

[†] 7:11 7:11 Tsia bhú 2 Kol. 2:5-11.

Makedonia: A ko obhende bhú Filipoi, Tesalonike ne Beloya-o.

³ Ma au ne djila ma makpe. U apu 'he nakpata lele ehe inde adu ka uo-o. U apu belegu 'he nane dada mane. U aha bhú ngú o, okpála kata uo téte gandji de.

⁴ U akikiliki lio pi ya naali me ya asuno bádha bhú 'bu pi o, ngubula me o to 'kpa o pi omabhuka na Yudaya ne natima tia pi uo.

⁵ Ehe inde u amene e ane bhende ya adu nabhundja e-o. U aha ngaiza lio libhomu ngubula kulu gba Ngámá Yesu. U atsia aha di lio ngú nateteke ya nakpata lele maka li Ebhe akunda lie-o.

⁶ Kaka-a, ya ayo ka Tito ne kekele me ani gie lie agba yi ngú nandjia dù kulu na bádha bhú 'bu inde ani akpo nani lita e ko.

⁷ Yi ne obhulu tia kala Ebhe nane okpála koko. Nabhuka gba yi-e kpekpeke. Yi ngakpokpo Bádha Ngali gba Ebhe-e ndjindji. Yi mbila 'ngú gba Ebhe-e ndjindji. Yi aha liyi libhomu ngú kulu gba Ebhe-o. Yi ne mukunda naali li pabili gba ya. Ka 'ngú ango-o, yi mene ne kpéke me yi du ne obhulu tia li kpadji na ngua bádha bhú 'bu bhomu-o.

⁸ Engú inde ma apa e pi yi bhomu-o, a ko de me ma aha pi yi maka líli-e de. Ma apa mangbo pi yi, ngubula nasuno lele maka li oDadjua gba Ebhe koko amene lie-o. I du me yi nde akpata lele maka u amene lie-e, yi súno me mukunda gba yi-e di kükulu.

⁹ Padhá de, anga yi mbila bádha bhú 'bu gba Ngámá gba ni Yesu Kilisito hana. Ngaani kpála inde adu bhulu tia, ani a'o lie bhulu ndibhili ngú nateteke yi. Ani amene mo-o ngú napa me, bhú ndibhili gba ni-e, yi kolo obhulu tia kala Ebhe.

¹⁰ Ma ngaha pi yi mab-hundja gba ma pindji napu 'he pi omabhuka inde bhú ndibhili-o. Bhú kalanga inde akodho 'kpí-e, yi adu nako okpála na kalanu ngú napu 'he. Yi du bha bini kalanu bhú napu 'he de, yi adu di ne okpála na kalanu nabhundja 'ngú ango-o.

¹¹ Kaka-a, mbia inde-e, yi ndjia kulu bhomu-o ndjindji. Yi 'o bua yi ngú nanu ne 'ngú ango-o ne kalanu akolo a li soso, ne mukunda inde yi adu nani ne e ngú namemene, nakpata lele ehe inde ka yi-o.

¹² Padhá de, anga i du me yi nde apu 'he pi Ebhe ne bua yi bini-e, Ebhe ngaziziba bha bini li lele bhende ka yi-o. A ko de me Ebhe nga'o 'to e me yi pu pi ni ehe bhende ka yi ade-e de.

¹³ A ko de me ma akunda na'o likabhu gba okpála koko pi 'ngbu yi ngú nato yi bhú ndibhili-e de. A ko mangbo me ndu yi hana yi du ne 'he inde ati ne yi-o.

¹⁴ Mbia inde-e, ehe ka yi bhelé. Kaka-a, yi ti da nateteke okpála bhende bhú ndibhili-o. Ekpí koko-o, yi du di bhú ndibhili me ehe nde ka uo bhelé-e, u ti da

nateteke di yi. Lí ndu yi hana tsia du ne 'he inde ati ne yi-o.

¹⁵ A maka u aye lie bhú bhuku gba Ebhe-e me:

«Okpála anu ngú nalo mana.

Okpála bhende alo bhelé-e, u azu lie, ale ne uo.

Okpála bhende i lo bhelé de-e, u azu lie, ale bhadi ne uo.[†]

Polo atima Tito ne obi e nalo tia

¹⁶ A ayo me ní dhøgø Ebhe inde a'o lí bua Tito me ani nu teteke yi maka ya amemene lie-o.

¹⁷ Tito aziba engú inde ya ayo e ka ani-o. Ani ziba bha bini 'li ya de, engú bini, ani aziba ne bua e makpe me ní nu agba yi anga ani ne mukunda pi yi.

¹⁸ Ya atima ani di bhú dabili bini ne ndai ní, inde lí oDadjua gba Ebhe-e ngadhøgø e kabula kulu inde ani ngamene e ngubula Bádha Ngali-o.

¹⁹ La matá di-e, oDadjua gba Ebhe abhú ani ngubula me ya anu ne uo bhú dabili bini ngú namene kulu na bádha bhú 'bu inde. A ko kulu inde a ayo me ní mene e ngú naha sangu pi Ngámá gba ní ngae makpe. Abhomu-o, i tsia súno di pi okpála bádha bua gba ní-o.

²⁰ Otia inde ya apo bhúla e-e bhelé. Kaka-a, ya ngalilila ndjindji ngubula me okpála apá 'ngú na sisiti lí ya téte de.

²¹ Ya ngagili ne kpéke me ya mene engú inde babadha bhú djila Ngámá gba ní di ne bhú djila ndu okpála hana.

²² Ya di ngatima súka ndai ní bini bhú dabili bini ne obhe bhisi bhomu. Ya ale ani bhutsibhutsi, ya atsia au me ani ngaha lie ndu 'kpí hana ngú kulu gba Ebhe-o. La mbia inde-e, ani matá ngaha lie ane mane anga ani ngambila ndjindji me yi ne kpúkpú na bua ní.

²³ La pi Tito-o, a ko kpála inde ya ngamene kulu ne e bhú dabili bini. Ya ngamene kulu ne ani bhú ká yi bhú dabili bini. Okpála bhe bhisi inde adhukú ne anie, okpála na oDadjua gba Ebhe-e atima uo ngao. U ngamene kulu ngú naha sangu pi Yesu Kilisito.

²⁴ Kaka-a, yi suno mukunda gba yi-e pi uo ne bua bini. Lí okpála na oDadjua gba Ebhe-e aú lie mo-o, bhobhomu-o súno pi uo me ya pa 'ngú gba yi-e bhú djila uo bhú eu de.

9

Ebhe ne mukunda naali pi okpála inde ngapu 'he ne djali-o

¹ Tata ngú napa me ma ye 'ngú pi yi pindji kulu gba ní nateteke omabhuka inde bhú ndu doto na Yudaya ade.

² Padhá de, anga ma mbila bádha bua yi nde ne e pi uo hana. Ma ngapa 'li ma

[†] 8:15 8:15 Tsia bhú Eki. 16:18.

tété de ondaise ní na Makedonia* me, «ngayi ondaise ya na Akai, yi bedhe ngú nateteke omabhuka na Yudaya, nayie bha bini bhú kalanga inde akodho 'kpí-o.» Lì okpála na Makedonia adje lie mo-o, okpála bhelé bhú ká uo asia di gúmu nanu nateteke uo.

³ La-a, ma ngatima ondaise ní bata agba yi ngú napa me yi po bhúla tia bhomu-o kalanu maka ma apa nako pi okpála koko lie me yi améne mamene-o. Abhomu-o, nedhinga ya akólo lie agba yi-e, engú ya apa e píndji yi pi uo-o, akótó eu de.

⁴ Ne ma ne okpála na Makedonia, lì ya kolo agba yi, ya bhaka me yi nde nga bedhe ade-e, námu méne ya naali. Ma ambila la bhadi me námu bhe gba yi-e dú la matá bhe nane mane, anga ma apa pi uo me yi bedhe.

⁵ Kaka-a, ma au ndjindji me ma yo ka ondaise ní inde-e me, u nu pi ya agba yi kalanu ngú napa me u holo napo bhúla tia inde yi apa nako me yi ahá e-o. Abhomu-o, tia bhomu-o adú bedhe ngú nadjeke nakolo ka ma-o. A tsia súno me yi ngahaha ne bádha bua, yi ha ne siti bua de.

⁶ Yi mbila ndjindji me: kpála inde alu ezu bedi-e, ani asia bhadi bedi. Kpála inde alu ezu bhelé-e, asia bhadi bhelé!

⁷ Kaka-a, a ayo me kpála ne kpála ha maka ani abhundja lie-o. Ani apú ne bua na bhisi bhisi de, ani apú di de me anga u aholo ní téte ne kpéke-e de. Padhá de, anga Ebhe ne mukunda pi kpála inde ngapu 'he ne djali-o.

⁸ Yi mene mo-o, Ebhe ne angu ngú nabedhe yi ne ndu bádha bhú 'bu hana, ngubula me yi du ndu 'kpí hana ne ndu 'he hana inde yi nde ne gúmu e ngú mukobho gba yi-o. I du mo-o, yi du di ne 'he inde yi ti da na'o e li tula ndu obabadha kulu hana.

⁹ A maka u aye lie bhú Bhuku gba Ebhe-e li 'ngú gba kpála inde ngingbili-e me: «Kpála inde ngapu 'he pi obhúlu ndibhili ne bua e bini-e, bádha 'ngú gba ani e ngadu dudu ma ne dudu ma.†»

¹⁰ Ebhe ngaha nguwa pi okpála ngú nalulu, di ne mapa ngú nazuzu. I nde lie mo-o, ani ahá ndu nguwa yi nde ne gúmu e hana pi yi. Ani tsia méne di me a bhele ngubula me yi du napu 'he ne kalanu.

¹¹ Ebhe améne me yi du ndu nedhinga hana ne obhúlu tia ngubula me yi du napu 'he ndu 'kpí hana. Abhomu-o, li okpála bhelé gíe hení pi Ebhe li ohe inde ya ahá e pi uo ne 'li yi-o.

¹² Padhá de, anga ehe yi apú e téteke bha bini omab-

* 9:2 9:2 **ODadjua gba Ebhe na Makedonia:** A ko obhende bhú Filipoi, Tesalonike ne Beloya-o. † 9:9 9:9 Tsia bhú Ets. 112:9.

huka ìnde bhú ndibhili-e de, A méne di me okpála bheldé gie hení pi Ebhe bhú mayo gba o-o.

¹³ U aú kulu yi ngamene e ne tata naali. Kaka-a, u agié hení pi Ebhe ngú nau me yi ngamanga Bádha Ngali gba Yesu Kilisito , di ne me yi ngagbo bhúsú 'he gba yi-e ne o, di ne okpála koko.

¹⁴ U asúno mukunda gba o-o pi yi bhú nayo Ebhe. U améne mo-o, anga bádha bhú 'bu gba Ebhe-e amene me yi bhulu 'kpa yi pi uo.

¹⁵ A ayo me ndú okpála hana dhögé Ebhe ngú bádha 'ngú gba e ìnde ane mane-o.

10

*Polo agié 'ngú pi okpála
ìnde nga'o 'ngú pi ani-o*

¹ Ngama Polo-o, ma ngayo ka yi engú bini, ne 'li Yesu Kilisito kpála na bhákú 'ngú di ne bádha 'ngú-o. U ngapa li ma me ní du ne yi bhú dabili bini-e, ma ngaké líma ne kuto, i du la me ma nde tsutsu-o, ma ngagama okpekpeke 'ngú pi yi bhú obalua gba ma-o.

² Engú ìnde ma ngayo e ka yi-e, ma ngayo ka yi me, yi atíma ma de me ma gama okpekpeke 'ngú pi yi nedhinga ma akólo lie agba yi-e de. Okpála koko bhú ká yi ngabhundja me ya ngamene 'ngú maka okpála na doto. La-a, pi okpála bhomú-o, ma asúno angu gba ma-a pi uo masuno.

³ A na paká me ya ne okpála-kuti, engú bini, ya ngagu gbele maka okpála-kuti ade.

⁴ Bhú gbele ya ngagu e-e, otia 'gú ya ngagu gbele ne e-e, a ko obhende na píla doto ìnde-e de. A ko okpekpeke tia 'gú ìnde ayie ka Ebhe. Otia 'gú bhomú-o ne angu ngú nabhilli okpála ìnde ngagu Ebhe-o. Ya ngani ne di 'bhé obhálu eu ìnde ngagbe kpekebhé-o.

⁵ Ya ngaha angu eu gba uo ìnde ngamene me u abhúka Ebhe de-o. Ya ngagili nadji mabhundja gba uo-o ngubula me u manga Yesu Kilisito.

⁶ Nedhinga yi apána lie me yi ngamanga ya maka a ayo lie-e, ya 'ó 'ngú pi ndú okpála koko hana ìnde i kunda namanga ya de-o.

⁷ Yi tsia 'ngú maka ìnde lie-o. Li okpála koko bhú ká yi pa me o ne okpála ka Yesu Kilisito-o, a ayo me u mbila me ya di ne okpála ka Yesu Kilisito maka uo.

⁸ Angu li Ngámá Yesu Kilisito aha e muma-a, a ngubula me ma teteke yi ne di. A ngubula nabhilli yi ade. Nedhinga koko-o, ma ne gindaginda téte naali, ma dje námu téte de.

⁹ Ma kunda de me yi holo nabhundja me ma ngakunda nabu tsúlu li yi, ne obalua gba ma, ma aye e pi yi-e de.

¹⁰ Padhá de, anga okpála bini bini ngapa me: «Li Polo ye balua pi ní-e, ani ngaye okpekpeke 'ngú, a ngandjia

angu ní mandjia. Engú bini, ani kolo bhá ká ní ngae makpe-e, ani holo nagéku, ani lé nagama 'ngú pima.»

¹¹ A ayo me okpála inde ngapa ngua 'ngú bhomú-o mbila me, engú inde ya ngaye e bhá obalua gba ya me ya nde de yi tsutsu-o, ya kolo gba yi-e, ya améne bha maka ya aye lie pi yi bhá obalua-o.

¹² Okpála bhomú-o ngau lio ne bhálá naali. Ya pá de me ya viti ne uo bini-e de, ya kpó 'ndji ya ne uo de. A ko ongingi. U ngapima lio ngao makpe, u ngakpo 'ndji o li kute o makpe.

¹³ Lí pápá gba ya-a, ya ti da napa 'li ya nane dada mane de. Nedhinga lí Ebhe amba bhála ya lie ne kulu agba yi-e, ani atsia akodho kozie téte. Ya apise bha ne kulu gba ya lí kozie ango-o.

¹⁴ Ya gó nani ne Bádha Ngali gba Yesu Kilisito agba yi de-e, u de apá lí ya me ya agulu kozie gba ya-a agulu. Engú bini, i nde la lie me ya nde ne okpála na kalanú ngú nanú ne Bádha Ngali pi yi-e, bhabhomú-o asuno me ya gulu nga kozie gba ya-a de.

¹⁵ Kaka-a, ya pá 'li ya lí kulu inde lí okpála koko amene e de. Engú bini, ya ne gámu me nabhu ka gba yi-e be ndú e, ngubula me kulu gba ya bhá ká yi-e be di ndú e. Ya abhundja me ya ne nga bili inde lí Ebhe apa me ya

pise lie de.

¹⁶ Pipita-a, ya ti da nasia kpadji ngú nanú ne Bádha Ngali-e bhá ondu doto koko. Ya kunda napa 'li ya lí kulu lí okpála koko amene e ngao lí bili lí Ebhe atima uo lie de.

¹⁷ Padhá de, anga Bhuku gba Ebhe-e apa me: «Lí kpála kunda napa lie-e, a ayo me ani de pa bha bini lí engú inde lí Ebhe Ngámá amene e-o.†»

¹⁸ Padhá de, anga a ko de me Ebhe ngaziba okpála inde ngapa 'li o ngao makpe-e de. Engú bini, ani ngaziba obhende anga lí ani-o.

11

Polo akpo 'ndji e ne okpála inde ngabhi 'kpa o pi mbulu o me o ne obhulu titima-o

¹ Yi ti da nadú ne 'ndjá bua muma uu, ngubula me ma gama mbo 'ngú maka bhálu pele! A moko, yi du ne 'ndjá bua muma.

² Padhá de, anga ma ne botolo ngú yi ndú nedhinga hana, maka lí Ebhe nde di lie ne botolo ngú yi-o. Ma ngat-sia 'kpí lí yi ndjindji ngubula me yi du bubu ngú kúva. Bhoko na kúva ango-o, a ko Yesu Kilisito .

³ Yi bhundja me kpulu apite nani Eva, ani atsia ayie lí bádha kpadji. Kaka-a, ma ngakpe me kpála bini agó apité yi de ngubula me mukunda gba yi pi Yesu Kilisito ndjia.

† **10:17 10:17** Tsia bhá Djlm. 9:23; di ne bhá 1 Kol. 1:31.

⁴ Ma ngapa mo-o, anga li kpála bini go agba yi-e, yi bedhe ngú nabhuka ani má gala! Engú la li kpála ango-o ngakpo e li 'ngú gba Yesu, ne li 'ngú gba Bu Bhobua , la di ne li 'ngú na Bádha Ngali-e kpi ne bhende ya asuno e pi yi-o.

⁵ Yi ngabhundja me okpála bhomu-o ne ongbengbe obhulü titima. La ngama-a, ma bhundja de me u ane ma-a de.

⁶ A na paká me pi yi-e, ma mbila nagama 'ngú bhá ká okpála ndjindji de. Engú bini, li pápá nambila Ebhe-e, ma mbila ani ndjindji. Ya asuno engú ango-o pi yi mbánbá bhátsibhátsi bhá ndu 'ngú hana inde ya amene e-o.

⁷ Nedhinga ma akpokpo Bádha Ngali gba Ebhe lie pi yi-e, ma dha bhá yi de. Ma ake lima ne kuto ngubula me yi 'u ne bhálá. Bhobhomu-o apa me ma amene sisiti? A mo-o ade.

⁸ Ma adu lie oo-o, ma aziba me oDadjua koko bi mukobho gba ma ngao. Ma abha otia na oDadjua ango-o ngú nateteke yi ned!

⁹ Oo-o, ma dha bhá kpála bini bhá ká yi de, li ma adu lie ne gumu tia-o. Engú bini, omabhuka na Makedonia ago muma ne ehe inde ma adu ne gumu e ngao. Ma alila lima bhá ndu 'ngú hana me ma adu pi yi maka tili kíli de. Ma ayó la di galikpe ehe li yi de.

¹⁰ Ne 'li Yesu Kilisito inde

bhá ma-a, ma ngapa pi yi kákulu 'ngú: ma ne gindaginda naali anga ma nde ha 'he ka yi de. Bhá ndu doto gba yi na Akai libhomu-o, kpála bini ti da nayoko ma de me ma adu ne gindaginda téte de-e de.

¹¹ Ma kunda nadu tili kíli pi yi de ka ni? A ko anga ma ne mukunda pi yi adi? Ebhe apá bhobhomu-o li ma ngae!

¹² Ma adu bha maka ma nde lie inde. Ma ziba tia ka yi de, ngubula me okpála bhe i ngabhi 'kpa o pi mbulu o me o ne obhulü titima aú kpadji ngú napa 'li o de me o bhadi ngamene kulu maka ya-a de.

¹³ Okpála ango-o, ngapite okpála. U ngamene 'he mugito me a ko obhulü titima gba Yesu Kilisito.

¹⁴ Engú ango-o ahá nangamba pi ni de, anga Satana ngae makpe ti bhadi da namene 'he mugito me a ko andjelu na zi 'kpí.

¹⁵ Kaka-a, li okpála na kulu gba ani-e mene 'he lio mugito me a ko kákulu okpála na kulu gba Ebhe inde ngingbili-e, ni angámba téte de. Engú bini, li sokpí-e, u asia galikpe engú inde ati ne kulu inde u amene e-o.

*Polo apa 'li e li olíkabhu
ani azu e-o*

¹⁶ Ma matá ngapapa ne toto, kpála bini apá li ma de me ma ne bhulü pele-e de. I du me okpála nde abhundja me ma ne bhulü pele-e, yi de ziba me ma ne bhulü pele

ngú napa me ngama di-e ma pa mbo 'li ma bedi.

¹⁷ Engú ma adjí apa ìnde-e, a ko de me ma adjí napapa maka li Ngámá akúnda lie de. Ma adjí napa maka li bhúlú pele agagama 'ngú lie-o.

¹⁸ Maka li okpála bhelé ngapa 'li o lie li ongú na doto-o, ngama di-e ma apá bhadi 'li ma téte moko.

¹⁹ Ngayi okpála na imbilangu-o, yi dje obhúlú pele ngagama 'ngú-o, yi ngadje uo ne 'ndjá bua!

²⁰ Yi ngakibila me okpála bhomú-o mene yi mugító me yi ne obalise. Yi ngakibila me u zi ohe gba yi-o. Yi ngakibila me u pite yi. Yi ngakibila me u u yi padhá. Yi ngakibila me u sú bhála yi.

²¹ Yi mbu li ya, anga ya adú nani bhúbhukú ngú namene mo-o! Ma ne numú naali ngú napapa!

Mbia ìnde-e, ma adjí agáma 'ngú maka bhúlú pele. Engú ìnde li okpála koko ngapa 'li o lie, ma apá nga bhadi 'li ma téte.

²² U ngapa me o ne omaYuda, ma di ne maYuda. U ngapa me o ne omañsalaele, ma di ne mañsalaele. U ngapa me o ne odi Abalahama, ma di ne ye Abalahama.

²³ U ngapa me o ne okpála na kulu gba Yesu Kilisito. Mbia ìnde-e, ma agama 'ngú maka bhúlú pele. Ma belegú ngamemene ane uo mane. Ma mene kulu ango-o ne

ndala de. Ma ali bhú tikpú ane uo mane. Ma azú bhikpa ane uo mane. Ma akolo masíkpe de nakpi bhútsibhútsi bhelé.

²⁴ Ma adú azú fimbo ndjíkpa bata ne ká oduk-pabini, bhútsibhútsi bhuluvue sakpa ongámási gba omaYuda-o.

²⁵ Ongámási gba okpála na Loma abhi ma ne fimbo bhútsibhútsi bata. Okpála atutulú ma ne teme bhútsibhútsi bini ngú nabhélè ma. 'Ngbé zabú alinda ne ma bhú 'ngu bhútsibhútsi bata. Ekpí bini, ma alipila bhú 'ngu, ma asi di bhúbhú.

²⁶ Bhú odhukú ma adú adhukú e naali-e, ma adú ne tsúlú ka nasi ka engu. Ma adú ne tsúlú ka obhúlú nagbúlú 'he gba okpála ne kpéke. Ma adú ne tsúlú ka ondaise ma omaYuda, la di ka obhende ne omaYuda ade-o. Ma adú ne tsúlú bhú gúdhu, di ne bhú omili bili. Ma adú ne tsúlú pí 'ngbé 'ngu. Ma adú ne tsúlú ka okpála ìnde ngapa me o ne omakilisito, a nde la mo-o ade-o.

²⁷ Ma amene kulu kpekpeke. Ma asi ndí 'la bhútsibhútsi. Ma adjé gúmu bhú dabili bini ne gúmu 'ngu. Bhútsibhútsi bhelé, ma sia kpadji nazú 'he de. Bongo dú ka ma bhelé de, ma atsia adú adjé zini. ²⁸ Olikabhu ma azú e bhelé, ma tí da nakpokpokpo hana de. Engú bini, engú ìnde li bua ma ngalú pí e, a

ko nabhundja oDadjua gba Ebhe-e ndu 'kpí hana.

²⁹ Li kpála bini du bhébhéku li kpadji gba Yesu-o, a ngamene ma sisiti mugito me a ko ma. Li kpála bini ti bhé siti 'ngú-o, a ngamene bua ma sisiti naali.

³⁰ I du me a nde a ayo me ma pa 'li ma-a, ma apá bha bini li ongú inde ngasuno me ma bhébhéku-o.

³¹ A ayo me okpála dhege Ebhe inde 'Dyi Ngámá Yesu-o duduema ne duduema. Ani mbila hana me engú inde ma adji apa e pi yi inde-e, a ko eu de.

³² Yi tsia nga engú inde ngasuno me ma bhébhéku-o. Ekpi bini, nedhinga ma adu lie bhé gudhú na Damasi-e, ngámá na kuti bhomu-o, adu 'li ani me Alitasi. A adu ka ani ne guvelenele bini inde adu atsia 'kpí li gudhú bhomu-o. Ani a'o nani okpála gba e li okpadji nali bhé gudhú bhomu-o ngú napa me u u ma-a, u de holo ma.

³³ Engú bini, okpála gba Ebhe-e ato ma bhé baga, u agbite ekpú téte, u atsia ake ma ne di li malilisa na aga asa kuti libhomu-o. Ma atsia akobho sakpa ani.[†]

12

Polo apa 'li e pindji angu inde li Ebhe ngaha e pi ani bhé bhéku gba e-o

[†] 11:33 11:32-33 Tsia bhé Kul. 9:23-25. li Polo ngakpo 'ngú gba e si-e, tsia lukuluku 7.

¹ A ayo me ma pa matá 'li ma ne kalanu, abana li tata nde lie téte ade-o. Kaka-a, ma adji nagama 'ngú pindji ongú li Ngámá Yesu asuno e muma, ani atsia ambamba di ta e muma-o.

² Ma ambila kpála bini* inde agbite lie li Yesu Kilisito . A ane nga kalanga ndjikpa ne ká badha, Ebhe a'e kpála bhomu-o abhélá agba e, ani atsia agie ani kuto ei. Ma mbila de ne me ani aloto nani maloto, ne me Ebhe a'e ani abhélá na paká. Ebhe ambila bha ngae, ma mbila naama de.

³ Ma apá matá ne toto, ne me ani aloto maloto, ne me Ebhe a'e ani abhélá na paká. Ma mbila de, Ebhe ambila bha ngae.

⁴ Ebhe a'e kpála bhomu-o abhélá kuti na mundeyi . Oo, ani atsia adje ongú inde li kpála-kuti ti da nakpokpo kú e de.

⁵ Ma ti da napa 'li ma li 'ngú akolo li kpála bhomu-o. Engú bini, pindji ongú bhe atsia ma makpe-e, ma ti da napa 'li ma bha bini li engú inde ngasuno me engú bhé ma ade.

⁶ La-a, i dú me ma kúnda napa 'li ma u-o, ma de dú ne bhé pele de. Padhá de, anga ma de apá kúkulu 'ngú. Engú bini, ma kúnda napa 'li ma de, anga ma kúnda de me okpála u ma mugito me ma ne 'ngbé kpála-a de. Ma akunda mangbo me okpála

* 12:2 12:2 Ngú nambila kpála inde

manga ma ka ongú inde u ngadje ma me ma ngapa e ko.

⁷ A ayo nako me 'ndjí ma be naali ka ongú na ngangamba inde li Ebhe ambamba ta e mūma-o. La-a, ngú napa me 'ndjí ma abé naali de-e, Ebhe a'o ehe bini na ke make li kute ma. Ehe ango-o maka bhūlū titima gba Satana . A ngabhi ma, a di ngayoko ma me ma abédhe ne 'ngbé 'ndjí bedhe de.

⁸ Ma ayo ka Ngámá bhūtsibhūtsi bata me aní gbegbe ma bhú likabhu bhomú-o.

⁹ Aní agie mūma me: «Ma ngaha bádha bhú 'bu gba ma-a pi mū ngubula me a teteke mū ngú nakibila likabhu bhomú-o. Padhá de, anga nedhinga li kpála nde lie bhūbhukú-o, a bhomú-o nedhinga inde li angu gba ma-a ngamene kulu lie bhú kpála bhomú libhomu-o.» I nde lie mo-o, ma akunda mangbo me ma pa 'li ma li ongú inde ngasuno me ma bhūbhukú-o, ngubula me angu gba Yesu Kilisito mene kulu bhú ma.

¹⁰ Kaka-a, ma téte ne djali li nedhinga ma nde lie bhūbhukú-o. Abana li okpála sobho ma, abana ma zu likabhu, abana u to mbolo li ma, abana ma kibila olíkabhu bhomú-o hana kabula 'li Yesu Kilisito-o, ma téte ne djali, anga nedhinga li angu nde lie bhú ma ade-e, a bhomú-o nedhinga ma nde lie kpekpeke-o.

Polo alopolo lie li 'ngú gba omabhuka na gudhú na Kolito

¹¹ Ma agama 'ngú bhomú-o mugito me ma ne bhūlū pele. La-a, yi akata ma téte ngayi. A ayo me yi kpo 'ngú gba ma-a ngayi. Padhá de, anga abana ma dū ne kpála na padhá-a, me obhende yi nga'i o me a ko ongbengbe obhūlū titima bhomú-o, u ne ma ne 'ngbé de.

¹² Okulu inde-e ngasuno me ma ne bhūlū titima , ma amene bhú ká yi ne 'ndjá bua. Ongú ango-o, a ko ongamba 'ngú inde li Ebhe amene e-o.

¹³ Ongú bhende ma amene e pi obi yi omabhuka na Dadjuwa koko me ma nde mene agba yi de-e ngae dho? Belégé de bini! Ehe inde ma mene e agba yi de-e, a ko bha bini ma dha lie bhú yi de-o. Yi suno bádha bhú 'bu mūma li siti 'ngú ma amene e li yi bhomú-o!

¹⁴ Mbía inde-e, ma ngakunda nanú agba yi bhūtsibhūtsi na bata. Abana ma nū agba yi bhú dhukú inde-e, ma dhá bhú yi de. Ma ngakpata mangbo yi, ma kpata tia gba yi-e de. Yi mbíla ndjindjí me a ayo de me ongisi po tia pi okpála azu o de. A ayo mangbo me odyi ongisi, ne ohi ongisi po tia pi ongisi gba o-o.

¹⁵ Li pápá gba ma-a, abana ma pú ndú 'he inde ka ma-a hana ngubula yi, abana ma pú mukobho gba ma-a ngubula yi-e, ma dú bha

tété bhú djali. Ma suno mukunda pi yi naali mo-o, yi tsia súno mukunda muma bedi?

¹⁶ Ndú yi hana yi mbila ndjindji me ma dha nako bhú kpála bini bhú ká yi de. Engú bini, okpála koko bhú ká yi ngapa me: «Polo ne bhulú kali! Ani abha tia gba ní-e bhú nyali.»

¹⁷ Ma apite yi lele pi? Ma azi yi li kpadji gba súka okpála ma atima o agba yi-e?

¹⁸ Ma ayo ka Tito ne kekele me ani nü agba yi. Ma atima di bhú dabili bini ne ani ndai ní inde yi mbila e ndjindji-o. Tito akolo lie agba yi-e, ani aha 'he li yi bhú kali? A mo-o ade! Ehe inde li Tito amene e ne bhende ma amene e-e, aviti bha bini, bua ya ne ani bhú dabili bini.

¹⁹ Nedhinga koko, nayie nani bhútode yi ngabhundja me ya ngagili nabubuku nganda ya bhú djila yi. A mo-o ade! Ya mangbo ngakpokpo 'ngú inde-e kala Ebhe maka li Yesu Kilisito akunda lie-o. Ondaise ya, ya apa ndú ongú bhomu-o hana pi yi, anga ya akunda nateteke yi me yi bhele li kpadji gba Yesu Kilisito-o.

²⁰ Ma ngakpe me nedhinga koko, li ma akolo lie agba yi-e, ma bhaka me yi ngakobho maka ma akunda lie de. Ma ngakpe di me lele dasundu gba ma-a ngá li yi de. Ma

ngakpe me nedhinga ma akolo lie agba yi-e, yi du nagbe bhayiki súnda yi, yi du nadje gümü 'he liyi súnda yi, yi du nake 'ngú liyi sisiti, yi du nagbo bhúsü yi, yi du nasobho li yi súnda yi, yi du napadha liyi súnda yi, yi du nadje kute yi, yi tsia du la di namene engú ngangá.

²¹ Ma ngakpe me nedhinga ma agó lie agba yi bhe na sidi-e, Ebhe gba ní-e ha nümü muma bhú djila yi. Ma ngakpe me ma ku 'gbá ka okpála bhelé inde ngamene siti 'ngú ne kalanü maka nako u adu namemene lie kalanu-o. Okpála ango-o, u dji nga bua o ne toto li namene siti 'ngú de, u ngakunda olisi, i du di-e obhosu ngangá, u ngamene ndú sisiti 'ngú hana.

13

Polo agbele 'dje omab-huka na gudhu na Kolito ne toto

¹ A inde-e bhútibhútsi na bata me ma go agba yi. A maka u aye lie bhú Bhuku gba Ebhe-e me: «Li kpála pa 'ngú li kili e, a ayo mbo me okpála bhisi, i du di-e okpála bata de lu pi 'ngú ango-o. I du mo-o de, u kódho 'ngú téte de.†»

² Nako ma ago lie agba yi bhútibhútsi na bhisi-e, ma agbele 'dje okpála inde adu namene siti 'ngú-o bhú dabili bini ne okpála koko

† **13:1 13:1** Tsia bhú Det. 19:15; ne bhú Mat. 18:16; ne bhú 1 Tim. 5:19; ne bhú Ebe. 10:28; di ne bhú 2 Kol. 12:14.

hana. Mbia inde-e, ma nde lie tsutsu-o, ma matá ngagbele 'dje uo ne toto me nedhinga ma agó matá lie agba yi-e, ma djé ndjinga kpála bini bhú ká uo de.

³ Yi ngagili me yi u ehe inde ngasuno me Yesu Kilisito ngagama 'ngú bhú ma ngae-o. Ma asúno pi yi masuno. Yesu Kilisito bhú ká yi bhúbhukú ade. Engú bini, ani ngasuno angu gba e bhú ká yi.

⁴ A na paká me nedhinga u abhi ani ne nyeli lie li kulusi-e, angu du bhú ani de. Engú bini, mbia inde-e, ani bhú mukobho ka angu gba Ebhe. Maka ya akpetse liya lie ne ani-e, ngaya di-e, ya bhúbhukú maka ani adú nani lie-o. Engú bini, ya akpetse liya lie ne ani bhú mukobho gba e-e, lele nalili okpála ka ya bhú ka yi adú bhadi ne angu gba ani-o.

⁵ Yi tsia bua yi ngayi makpe ngú nambila me yi ngakobho maka omabhuka na paká. Yi mbila ndjindji me Yesu Kilisito bhú ka yi. A mo-o adi? I du mo-o de-e, u ú ehe inde ngasuno me yi abhuka de. La-a, a ko likabhu i du me ani nde bhú yi ade-o.

⁶ Engú bini, ma abhundja me yi mbila ndjindji me, pi ya-a, okpála ti da nau ehe inde asuno me ya ne kúkúlú obhúlú titima gba Yesu Kilisito.

⁷ Ya ngayo Ebhe me yi améne siti 'ngú bini de ne nayala me ya li yi. A ko

de me ya ngakunda bhomú-o nasuno me angu ya akolo de. Engú bini, ya ngakunda mangbo me ya du nau yi namene bádha 'ngú, abana i du me a nde ngau lie me angu ya kolo de-o.

⁸ Padhá de, anga ya ti da nagú yi de, i du me yi nde ngakpata nasuno na kúkúlú gba Ebhe-o. I du me yi nde amene mo-o, a ayo mangbo me ya teteke yi ngú nanú ne kalanú.

⁹ Ya ngakpi djali ndu 'kpí hana nedhinga li ngaya-a, ya nde lie mandi angu, me a nde la bhú yi ne angu-o. Kaka-a, ya ngayo di bhú omayo gba ya-a me yi kolo ngbingbili ne ndu kpadji hana.

¹⁰ Ka 'ngú ango-o, ma ngaye ndu 'ngú bhomú-o hana pi yi nedhinga ma nde lie bhú ká yi ade-o. A ko ngúbula me nedhinga ma akólo lie bhú ká yi-e, ma améne yi kpekpeke de ne angu li Ngámá Yesu aha e mémá-o. Angu ango-o ngateteke yi me Dadjua gba yi-e be ndu e ne kalanú, a ngúbula nabhébhéle mabhéle ade.

¹¹ Ngú nabu tata-a, ondaise ma, yi bedhe ne djali bedhe. Yi mene kulu ngú napa me yi du ngbingbili ne ndu kpadji hana, yi to masi bhú yi súnda yi, yi du bhú nadje liyi súnda yi, yi du ne guo 'ngú súnda yi. Yi mene mo-o, Ebhe inde ne Ebhe na mukunda di ne guo 'ngú-o

tsia dú ne yi bhú dabili bini.

¹² Yi yi liyi súnda yi ne
nakama liyi maka ondaise.
Ndú ondaise ní inde ei-e
hana apa me o yi yi ma yi.

¹³ A ayo me bádha bhú 'bu
gba Ngámá Yesu Kilisito, ne
mükunda gba Ebhe, la di ne
nakpetse lio gba Bu Bhobua-
a dú bhú dabili bini ne ndú
yi hana.

Balua gba Polo pi omabhuka na gudhu na Galate Eli na kalanu

Li okpála inde ne omaYuda ade aholo aziba Bádha Ngali lie-e, abhomuo, u atsia ayi ngú nambila me: ngú nakolo makilisito na kúkulu-o, a ayo bha me kpála mene lili gba Moidje-e ? Polo atsia apa me a mo-o ade. Padhá de, anga engú na ngbéngbé inde bhú mukobho gba makilisito, a ko nabhuka inde li ndu okpála hana akolo ngbingbili kala Ebhe ka e-o. La-a, okpála koko adu agu Polo, u atsia adu apa me, a ayo me u mene di lili gba Moidje ngubula me u kolo ngbingbili kala Ebhe. Balua inde li Polo aye e pi okpála na Galate-e, ani aye nani ngubula me okpála inde ambu li kpadji ka omusuno na eu bhomu-o, u sia nabhuka na kúkulu, amba u kolo la di li bádha kpadji. Polo aholo nakpokpo lele maka a ayo lie me u 'i ani me bhulu titima gba YesuKilisito . Ani atsia agama 'ngú pindji ngú napa me e'i ango-o ngú napa me ni kolo bhulu titima gba Yesu-o, ayie ka Ebhe, ayie ka angu gba kpála na doto belegu de bini. Ani atsia apa me kulu gba ni-e atsia naali okpála inde ne

omaYuda ade-o. Bhú oalo na soso-o, Polo ngasuno me nabhuka bhú Kilisito ngaha mukunda, mukunda ngaha la di nadholo ndjindji bhú mukobho gba makilisito.

Ongbengbe ongú inde bhú bhuku inde-e ngae inde:

Eli na kalanu 1:1-10

Angu gba Polo maka bhulu titima gba Yesu 1:11 - 2:21

Bádha Ngali na bádha bhú 'bu gba Ebhe 3:1 - 4:31

Nadu bhú ngu e gba makilisito a la di-e kulu gba ani 5:1 - 6:10

Eli na soso 6:11-18

Polo yi omabhuka na ndu doto na Galatia mayi

¹ Ma aye balua inde-e ngama Polo, ma ne bhulu titima gba YesuKilisito . Ma ne bhulu titima gba kpála koko ade. Yesu Kilisito atima ma ngae, a la di-e 'Dyi ani inde azuku ani bhú ká okpála inde amu-o.

² Ngama bhú dabili bini ne ndu ondaise ni hana inde ei-e, ya aye balua inde-e pi omabhuka na oDadjua gba Ebhe inde bhú ndu doto na Galatia.

³ A ayo me 'Dyi ni Ebhe bhú dabili bini ne Ngámá gba ni Yesu Kilisito suno bádha bhú 'bu gba o-o pi yi, amba u ha di guo 'ngú pi yi.

⁴ Yesu Kilisito andala 'kpa lie ngae makpe, ngubula nagbegbe ni bhú siti 'ngú gba ni, amba osisiti 'ngú na doto améne matá ehe bini

ngú ní de. Ani amene mo-o nakpata lele maka li Ebhe 'Dyi ní akunda lie-o.

⁵ A ayo me okpála dhege Ebhe dudu'ma ne dudu'ma. A adu moko!

Koli Bádha Ngali gba Yesu Kilisito-o bha bini

⁶ Ma ngangamba ka yi naali! Ebhe abhu yi me yi du ne okpála gba ni-e li kpadji gba Yesu Kilisito, ani atsia asuno bádha bhé 'bu gba e pi yi. La-a, belegu mo-o, yi akolo adji 'ngbu yi li ani má gala, yi atsia aholo nadje Bádha Ngali koko.

⁷ A la na paká me Bádha Ngali koko matá ade. Engú bini, okpála koko ngangbingi 'ndji yi. U ngakunda nasiti Bádha Ngali gba Kilisito-o.

⁸ I du me kpála koko, i du di-e ya, i du di-e súka andjelu bini ayie abhú'lá nde akpokpo Bádha Ngali koko kpí ne bhende ya akpokpo e pi yi-e, Ebhe de tu pédje li ani.

⁹ Ya apa, ma la matá mbia inde-e ngapapa me, i du me kpála koko nde akpokpo Bádha Ngali kpí ne bhende yi asia e-e, Ebhe de tu pédje li ani.

¹⁰ La-a, yi abhundja naayi me ma ngagili me okpála ziba ma? A mo-o ade, ma akunda mangbo me Ebhe ziba ma ngae. Yi abhundja naayi me ma akunda nanga li okpála? A mo-o ade. I du me ma kunda matá nanga li okpála-a, ma de ne bali gba Kilisito ade.

Polo akpokpo lele maka ani akolo lie bhulu titima gba Kilisito-o

¹¹ Ondaise ma, ma akunda me yi mbila me Bádha Ngali inde ma ngakpokpo e, yie ka kpála-kuti de.

¹² Ma sia ka kpála-kuti de, kpála bini suno la di muma ngae de. Engú bini, Yesu Kilisito ambamba ta 'ngú inde awo lie mawo-o muma ngae.

¹³ Yi mbila lele nadholo gba ma nani na kalanu-o, nedhinga ma adu nakpata dasundu na Ebhe gba omaYuda lie hana. Li nedhinga bhomu-o, ma adu nato mbolo li omabhuka na Dadjua gba Ebhe-e nane dada mane. Ma adu akunda nabhebbhele mabhele.

¹⁴ Ma ane nani omaYuda bhelé, inde adu ne kalanga maka ma bhé lele nakpata dasundu gba omaYuda-o. Ma aha nani líma libhomu ngubula dasundu gba onguo ogbi ní-o.

¹⁵⁻¹⁶ Belegu inde lie mo-o, Ebhe abhu nani ma. Ani abhu nani ma me ma nde ngabha bhé 'bu 'hi ma. Ani asuno nani bádha bhé 'bu gba e muma, ani atsia a'i ma me ma mene kulu gba ni-o. Li nedhinga ani a'o nani e akolo lie, ani atsia amene me ma mbila Ndili gba ni-e, ngubula me ma kpokpo Bádha Ngali gba ani-e pi okpála inde ne omaYuda ade-o. Li nedhinga bhomu-o, ma nu bhaka kpála bini de.

¹⁷ Ma nu la di bhé Yelusalema ngé nabhaka okpála inde adu nani obhulu

titima gba Yesu Kilisito m̄ma kalanu-o de. Engú bini, ma anu bha kolo má gala bhú Alabia, pipita-a, ma agie líma bhú Damasi.

¹⁸ Pita kalanga bata-a, ma atsia anu bhú Yelusalema ngubula me ya u li ya ne Piele* bhutsibhutsi na bini. Ma adu agba ani ngubula 'kpí ndjikpa ne ká bhuluvue.

¹⁹ Ma u bhulú titima koko bini de, ma au bha bini Djaki, ndai Ngámá.

²⁰ Engú inde ma aye e inde-e, a ko kükulu 'ngú, kala Ebhe-e, ma apa eu de.

²¹ Pipita-a, ma atsia anu bhú ndu doto na Silia di ne ndu doto na Silisia.

²² Omabhuka na oDadjua gba Kilisito na ndu doto na Yudaya u nga nani ma ne djila o de.

²³ U adu bha nadje ongú inde li okpála koko adu napa e li 'ngú gba ma-o. U adu napa me: «Kpála inde adu nako nato mbolo li ya kalanu-o ayipa, ani ibili mbia inde-e ngakpokpo pi okpála Bádha Ngali inde ani adu nako nakunda nabhele e-o.»

²⁴ Abhomu-o, u atsia adu nadhögé Ebhe kabula ma.

2

Polo agama 'ngú ne obhelesi okpála bhú gudhu na Yelusalema

¹ Pita kalanga ndjikpa ne ká badha-a, ngaya ne Balanabasi, ya anu matá bhú gudhu na Yelusalema. Ma

atsia aha di Tito bhú dabili bini ne ma.

² Ma anu maka li Ebhe asuno m̄ma lie mbámbá me ma nu-o. Ma akolo lie, ngama bhú dabili ne obhelesi okpála-a, ya apékébhe bhála ya li ngongo. Abhomu-o, ma atsia akpokpo kú Bádha Ngali inde ma ngakpokpo e-e pi omugagano-o pi uo. Ma du nakunda de me kulu inde ma amene e ne bhe ma nde ngamane e-e du padhá-a de.

³ Tito ya adu ne e adu Giliki. La-a, u pa pi ani de me ani li gandja-a de.

⁴ Engú bini, omabhuka na eu ali bhú ká ya, u atsia adu napa me, a ayo me ani li gandja. Okpála ango-o ali bhú pepe ngé natsia lele maka ya nde lie matá sa lili ade-o, anga ya akpetse liya ne Yesu Kilisito. U ngakunda me ya kolo matá obalise na lili gba Moidje-o .

⁵ Ya 'o belegu nedhinga pi uo bedi de ngubula me ya lila kükulu 'ngú na Bádha Ngali-e pi yi malila.

⁶ Engú bini, obhende li okpála ngau o bhú djila o maka ongámási na Piga gba Ebhe-e, m̄ma-a, a ko 'ngbé 'ngú naali de. Padhá de, anga Ebhe tsia bhúla kpála de. Ongbengbe okpála bhomu-o, nedhinga ma akpokpo Bádha Ngali inde ma ngakpokpo e pi okpála lie pi uo-o, u 'o 'ngú koko pépé de.

* **1:18 1:18** Bhú eli na giliki-e, Sefasi-e: A ko 'ili koko gba Piele.

⁷ Engú bini, u au me Ebhe a'o mangbo kulu na nakpokpo Bádha Ngali-e pi okpála inde ne omaYuda ade-e pi madhaka ma, maka ani a'o nani bhende nakpokpo Bádha Ngali pi omaYuda lie pi madhaka Piele-o.

⁸ Padhá de, anga u atsia ambila me a ko bha koli Ebhe bini inde nani aha angu pi Piele, atsia atima ani agba omaYuda-o. Ebhe ango-o aha di angu muma, ani atsia atima di ma agba okpála inde naao ne omaYuda ade-o.

⁹ Djaki ne Piele di ne Djaa inde li okpála adu nau o maka onepanda-a, ambila me Ebhe asuno bádha bhá 'bu ango-o muma na paká. Abhomu-o, u atsia aholo 'kpa ya ne Balanabasi. Bhabhomu-o asuno me ya akpetse liya ne uo bhá dabili bini. Ya atsia adje liya ne uo ndu ya hana me, ngaya-a, ya anú naaya namene kulu agba okpála inde naao ne omaYuda ade-o. La ngauo-o, u anú naao namene kulu agba omaYuda.

¹⁰ U apa bha pi ya koli engú bini. U apa pi ya me ya teteke obhálu ndibhili inde bhá ká omabhuka inde abhá Yelusalema-o. A la bhadi bhomu-o engú inde ma amene e ne bua ma bini-o.

Polo ambe bhá 'ndji Piele bhá Atiokia kala okpála

¹¹ Li Piele† ago bhá Atiokia lie, ma ambe bhá 'ndji ani kala okpála. Padhá de, anga ani amene pálü 'ngú.

¹² Kala me okpála li Djaki atima o kolo-o, Piele adu nazu 'he ne okpála inde ne omaYuda ade-e bhá dabili bini. Li okpála ango-o akolo lie, Piele agbe lie bhá ká uo, ani zu matá 'he ne okpála bhende ne omaYuda ade-e de. Padhá de, anga ani adu nakpe okpála inde adu akpata lili nali gandja-a makpe.

¹³ Ndu omaYuda koko hana adu di namene maka Piele. Abhomu-o ngaani Balanabasi, ani amene bhadi engú na kali maka uo.

¹⁴ Li ma u lie me u dhukü li kpadji na ngingbili, na kükülu Bádha Ngali-e de-e, ma atsia apa pi Piele me: «Mu ne maYuda, mo omene la 'ngú maka kpála inde ne maYuda ade. Inde lie mo-o, lele pi mu ngagbite okpála bhende ne omaYuda ade-e lie ne kpéke me u du namene e lio maka omaYuda?»

A ayo nabhuka Kilisito ngubula nasia mukobho

¹⁵ Nganí-e, ní azu liní omaYuda, ní ne okpála na kuti koko ade, inde i mbila lili gba Ebhe-e de-o.

¹⁶ Ní mbila ndjindji me kpála inde ngingbili bhá djila Ebhe-e, a ko kpála bhende abhuka Yesu Kilisito, a ko bhende ngamene lili gba Moidje-e de. Nganí de, ní abhuka Yesu Kilisito

† 2:11 2:11 Tsia bhá Gal. 1:18, 2:9, 14.

3

*Ebhe ngakobho okpála li
pápá na nabhuka*

ngübula me ní kolo ngingbili kala Ebhe ka nabhuka gba ní bhú Yesu Kilisito-o. A ko ka de me ní ngamene líli gba Moidje-e de. Padhá de, anga kpála bini ti da nakolo ngingbili kabula namene líli de.

¹⁷ Engú bini nganí-e, ní ngagili nadu ngingbili kala Ebhe, anga ní abhuka Yesu Kilisito. Ní ngamene lie mo-o, ní maka okpála na sisiti. Bhabhomu-o akunda napa me Kilisito ngato ní bhú siti? A mo-o ade!

¹⁸ I du me ma nde akoto sa líli-e, pipita-a, ma gie matá líma sasa-a, ma akolo matá bhomu-o ngama makpe kpála inde i manga líli-e de.

¹⁹ Li bhende atsia líli-e, ma akpi kuo inde ayie ka líli makpe ngübula me ma du bhú mukobho pi Ebhe. U agi nani ya bhú dabili bini ne Kilisito li kulusi.

²⁰ Kaka-a, mukobho inde ma nde bhú e-e, a ko matá ma de, Kilisito ngakobho bhú ma ngae. Padhá de, anga mukobho ma nde ne e bhú kute inde-e, ma bhúbhú anga ma abhuka Ndili gba Ebhe inde akunda ma, ani atsia andala di kpa li mukobho gba e muma.

²¹ Ma yala bádha bhú 'bu gba Ebhe-e de. I du me kpála nde ngingbili kala Ebhe anga ani ngamene líli-e, bhabhomu-o akunda napa me tata li nakpi gba Kilisito-o ade.

¹ Ngayi okpála na Galatia, yi ne ongingi! Apite yi da? U akpokpo pi yi mbámbá lele maka li Yesu Kilisito akpi lie li kulusi-o.

² Ma ngayi yi li koli engú bini. Bu Bhabua inde li Ebhe aha e pi yi-e, ani aha pi yi anga yi sa líli gba Moidje? Ne me ani aha pi yi anga yi adje, yi atsia abhuka la di Bádha Ngali-o.

³ Lele pi yi nde lie ne ongingi-e? Li lilita-a, yi akpo nani ne angu gba Bu Bhabua. Lele pi, yi ti da nabu tata lie ne angu gba kpála-kuti-e?

⁴ Engú apu pi yi bhelé. Yi abhundja naayi me a padhá? Ma abhundja naama me a padhá ade.

⁵ Ebhe ngaha Bua gba e pi yi, ani di ngamene ngamba 'ngú bhú ká yi. Ani ngamemene anga yi sa líli gba Moidje? Ani ngamemene anga yi adje, yi atsia abhuka la di Bádha Ngali-o?

⁶ Abalahama abhuka nani Ebhe. Kaka-a, Ebhe atsia au ani bhú djila e me a ko ngibili kpála .[†]

⁷ A ayo me yi mbila ndjindji me, okpála abhuka Ebhe-e ne kükülu ongisi gba Abalahama-a ngao.

⁸ U aye nani didili bhú Bhuku gba Ebhe-e me, okpála inde ne omaYuda

[†] 3:6 3:6 Tsia bhú Dje. 15:6.

ade-e, Ebhe aú uo ngbingbili bhá djila e ka nabhuka gba o-o. Kaka-a, Ebhe akpokpo nani Bádha Ngali inde-e pi Abalahama didili me: «Ma atúko bisagu pi ndu okpála na píla doto hana kabula mu.†»

⁹ Abalahama abhuka nani Ebhe, abhomu-o, Ebhe atsia atuko bisagu pi ani. Okpála inde abhuka Ebhe-e, ani atuko bhadi bisagu pi uo maka ani.

¹⁰ La pi okpála bhende ngabhundja me o du ngbingbili kala Ebhe anga o ngamene engú inde li lili ngapa e, mangimbo gba Ebhe-e pi uo. Padhá de, anga Bhuku gba Ebhe-e apa me: «Ndú kpála hana inde i lila lili inde u aye e bhá bhuku-o ndu nedhinga hana de-e, a ayo me u tu pedjé li ani.†»

¹¹ A mbámbá me, kpála ngakolo kala Ebhe ngbingbili anga ani ngamene lili-e de. Ní ambila bhobhomu-o anga Bhuku gba Ebhe-e apa me: «Kpála inde ngbingbili kala Ebhe ka nabhuka-a, a kóbho makobho.†»

¹² La-a, lili dha bhá nabhuka de. A la di maka engú inde u aye e me: «Kpála inde ngamene ongú inde li lili-e ngapa e akóbho kaka.†»

¹³ Kilisito agbegbe ní sa pedjé na lili-o. Abhomu-o, pedjé ango-o atsia ati pi ani bhá da ní. Padhá de, anga u aye bhá Bhuku gba Ebhe-

e me: «Kpála inde u agi e li ndula-a, a ayo me pedjé ti pi ani.†»

¹⁴ Amene lie mo-o ngubula me bisagu nani li Ebhe apa me ni ahá e pi Abalahama-a, okpála inde ne oma Yuda ade-e sia di li kpadji gba Yesu Kilisito. A ko la di me li pápá na nabhuka-a, ní sia Bu Bhopua inde li Ebhe apa nani me ni ahá e-o.

Ebhe ngakobho okpála bhá gandja ani akodho e ne Abalahama-o

¹⁵ Ondaise ma, ma ngaha kukulu pi yi li engú inde ní auu e pikó pikó-o. I du me kpála bini nde apa ne bua e hana me ni améne engú inde ní abhundja namene e-e, i du la di me ongámási nde aziba engú angó-o, kpála bini ti da nabhebhéle de, ani ó la di engú koko pépé de.

¹⁶ Ebhe apa nani me ni améne 'ngú pi Abalahama, di ne pi ndili inde akótó bhá piga gba ani. Bhuku gba Ebhe-e pa de me: «pi ongisi inde azé bhá piga gba mu», mugito me a ko okpála bhelé-e de. A apa me: «ne pi ndili inde akótó bhá piga gba mu†», ngú nasuno koli kpála bini inde Kilisito.

¹⁷ Engú inde ma ngakunda napa e ngae inde: Ebhe akodho nani gandja ne Abalahama, ani atsia apa me engú inde ní apa me ni améne e-e, ní améne

† 3:8 3:8 Tsia bhá Dje. 12:3, 18:18, 22:18. † 3:10 3:10 Tsia bhá Det. 27:26.

† 3:11 3:11 Tsia bhá Abk. 2:4. † 3:12 3:12 Tsia bhá Lev. 18:5. † 3:13 3:13 Tsia bhá Det. 21:23. † 3:16 3:16 Tsia bhá Dje. 12:7.

mamene. Kalanga kámá badha ne ndjikpa bata pipita-a, lílì gba Moidje atsia akoto. Lílì ango-o tì da natü silika nani li Ebhe akodho e ne Abalahama de, a tì la di da nabhélo engú inde li Ebhe apa nani me ni améne e pi Abalahama de.

¹⁸ I dà me Ebhe nde ngamene bádha 'ngú pi okpála anga u ngakpata lílì-e, amba a kpata engú inde li Ebhe apa me ni améne e pi okpála-a de. La-a, Ebhe asuno bádha bhú 'bu gba e pi Abalahama, anga ani apa nani me ni améne pi ani mamene.

Ta lílì li Ebhe aha e ne ni?

¹⁹ Ta lílì-e ne ni? Ebhe aha nani lílì-e ngubula me ni mbila me siti 'ngú ngae dhoie. Ani aha nani ngú nadjeke nedhinga inde li Ndili gba Abalahama agó lie-o. A ko kpála inde li Ebhe apa nani me ni améne ehe pi e-o. Ebhe aha nani lílì ango-o pi okpála li pápá gba oandjelu, u atsia akpokpo 'ngú téte pi okpála li pápá gba bhende adu maka ludu* súnda Ebhe ne okpála-o.

²⁰ U dudu ne gümü ludu ngubula koli kpála bini de. La-a, Ebhe bha ngae kpi e kpi.

²¹ A akunda napa me lílì-e ngatu 'ndji e ne engú li Ebhe apa e? A mo-o ade. I dà ne lílì inde i tì da naha mukobho na kükülu pi okpála-a, a de tì da namene

me u kolo di ngbingbili kala Ebhe.

²² Engú bini, a maka u aye lie bhú Bhuku gba Ebhe-e me, siti 'ngú ako angu e pi ndu okpála na píla doto libhomu. Kaka-a, Ebhe aha ehe inde ani apa me ni ahá e pi omabhuka kabula nabhuka gba o bhú Yesu Kilisito-o.

²³ Nani kalanu me kpadji nde nga ade ngubula me okpála bhuka-a, ni adu maka okpála inde bhú tikpu sa lílì, akolo li nedhinga li Ebhe asuno kpadji lie pi ni ngú nabhuka-o.

²⁴ Lílì-e adu nani pi ni maka mülila akolo li nedhinga li Yesu Kilisito ago lie-o. A adu mo-o ngubula me ni kolo ngbingbili bhú djila Ebhe, anga ni abhuka Yesu Kilisito.

²⁵ Mbia inde-e, li kpadji abhulu lie lie me ni bhuka Yesu Kilisito-o, lílì-e matá ne mülila gba ni ade.

²⁶ Padhá de, anga ndu yi hana yi ne ongisi gba Ebhe, anga yi abhuka Yesu Kilisito.

²⁷ Ndù yi hana inde asia batísimo bhú Kilisito-o, yi akolo maka ani.

²⁸ Kaka-a, ndu yi hana, yi akolo kpála bini anga yi akpetse liyi ne Yesu Kilisito, maYuda, i dà di-e kpála inde ne maYuda ade-e ade. Bali, i dà di-e kpála inde ne bali ade-e ade. Bhoko, i dà di-e ele ade.

²⁹ I dà me yi nde ne okpála gba Yesu Kilisito-o, amba yi ne odi Abalahama. Abhomu-

* **3:19 3:19 Ludu:** A ko Moidje .

o, yi asia ehe inde li Ebhe
apa nani me ni ahá e pi
Abalahama masia.

4

*Omakilisito matá bhú bali
ade, engú bini, u akolo ongisi
gba Ebhe*

¹ Engú inde ma akunda
napa e ngae inde: a maka
ndili inde asia tia gba 'dyi
e-o. Nedhinga ani nde nga
bha lie yeye-e, ani maka bali,
belegü li ndu 'he hana nde
lie naani-o.

² Nedhinga ani nde nga
bha lie yeye-e, okpála dú
nalila ani, u tsia dú di natsia
'kpí li ongú gba ani-e akólo li
ekpí li 'dyi ani a'o e-o.

³ A bhadi moko, li
nedhinga ní adu nani lie
maka ongisi-e, ní adu obalise
gba osisiti bua inde nga
pila doto-o.

⁴ Nedhinga inde li Ebhe a'o
nani e akolo lie, Ebhe atsia
atima Ndili gba e-o. Ólø bini
azu ani ngae. Ani adu nani
sa lili gba omaYuda-a,

⁵ ngubula me ani kobho
okpála bhende adu sa lili-o,
amba ní kolo ongisi gba
Ebhe.

⁶ Ka yi nde lie ne ongisi
gba Ebhe-e, ani atima Bua
gba Ndili gba e li bua ní. Bua
ango-o ngapa me: «Aba, 'Dyi
ma!»

⁷ Bhabhomu-o, akunda
napa me, mu matá ne bali
na lili gba Moidje ade, engú
bini, mo okolo ndili gba
Ebhe. Mu nde lie ne ndili
gba ani-e, ani ahá obabadha

'ngú inde ani a'o e pi ongisi
gba e pi mu maha.

*Omabhuka na Galatia
masikpe de nagie matá lio
bhú bali ne toto*

⁸ Nani kalanu-o, yi mbila
nga nani Ebhe de, yi atsia
adu obalise gba oebhe na eu,
inde ne okukulu Ebhe ade.

⁹ Engú bini, la mbia inde
e, yi ambila Ebhe, ne me ani
ambila mangbo yi ngae. La-a,
lele pi yi ti da matá lie
nagie liyi li pápá gba osisiti
bua na padhá, inde li angu
nde bhú o ade-e, inde li tata
nde la di li o ade-e? Ka ní
yi akunda matá lie nakolo
obalise gba uo-o?

¹⁰ Yi aholo matá namene
olíli inde atsia oekpí, ne
oepe, ne onedhinga di ne
okalanga.

¹¹ Ma ngadje tsulu me
ndala gba ma li ma amene
kulu lie pi yi-e anú padhá de.

¹² Ondaise ma, ma ngakiki
liku lima pi yi me, yi kolo
maka ma, anga ma akolo di
maka yi. Yi mene siti 'ngú li
ma belegü de bini.

¹³ Yi ambila ndjindji me
ma akpokpo Bádha Ngali-e
pi yi bhutsibhutsi na bini-e
anga adu li ma ne kuo.

¹⁴ Kaka-a, a ayo nako me
kuo ango-o bu tsulu li yi,
amba yi tse la di ma. La-a, yi
u ma padhá de, yi tsia tse la
di ma de. Yi asia ma maka
andjelu gba Ebhe, mugito
me yi asia Yesu Kilisito .

¹⁵ Li nedhinga bhomu-o, yi
adu bhú djali. Akolo li yi
ne mangua 'ngú dho? Ma
ambila ndjindji me li kpadji

dú uu-o, yi de apandja odjila yi, yi tsia há muma.

¹⁶ La mbia inde-e, ma akolo bhulü yala gba yi, anga ma ngapa pi yi kükülu 'ngú?

¹⁷ Obhulü eu bhomü-o ngakunda me o gbele yi li pápá gba o, engú bini, ta namene ka uo mo-o ndjindji ade. U ngamene mo-o ngubula me yi dji 'ngbú yi li ma, amba yi gbite liyi li o.

¹⁸ A ndjindji ne nagbite lio ndu 'kpí hana li bádha 'ngú. Yi améne bha bini de me ma nde bhú ká yi-e de.

¹⁹ Odi ma, ma matá ngazú likabhu kabula yi ne toto maka ele inde ngazu. Ma azú likabhu ango-o akólo li nedhinga inde yi akólo lie maka Kilisito-o.

²⁰ Ma ne gümü me ma du de yi mbia inde-e ngubula me ma gama 'ngú pi yi kpi. Padhá de, anga bua ma alü ngú yi abhúlá má gba!

Agala ne Sala ngasuno lele gandja bhisi gba Ebhe-o

²¹ Yi pa nga muma, ngayi okpála inde akunda nadu sa líli-o. Yi dje engú inde li líli ango-o ngapa e di?

²² U aye bhú Bhuku gba Ebhe-e me Abalahama azu nani ongisi na bhosibhosí bhisi. Ani azu bini li Agala, ele inde adu bhú bali, bhe koko-o, ani azu li Sala, ele inde i du naae bhú bali de ko.

²³ Ndili bhende ani azu e li ele inde adu bali-e, ani azu ani maka u azuzu kpála-kuti

lie-o. La-a, ndili bhende ani azu e li ele inde i du bhú bali de-e, ani azu ani maka li Ebhe apa nani lie-o.

²⁴ Engú inde akodho 'kpí li bili bhomü-o ngasuno pi ni engú inde na ngbéngbé, li ta e awo di lie mawo. Olisi bhisi bhomü-o ngasuno gandja bhisi li Ebhe akodho nani e-o. Óle na kulu, Agala ngasuno gandja inde li Ebhe akodho nani e ne Moidje pi eta na Sinai-o. Ongisi gba Agala nani ne obalise.

²⁵ Agala-a, a ko kulu eta u a'i e me Sinai bhú doto na Alabia. Eta ango-o mbia inde-e maka Yelusalema. Padhá de, anga Yelusalema bhú bali ne ongisi gba e-e hana.

²⁶ Engú bini, Yelusalema na abhúlá-a bhú ngü e. A ko 'hi ni ngae.

²⁷ Padhá de, anga u aye bhú Bhuku gba Ebhe-e me: «Kpi djali, ngamü i zu de, ngamü ele inde i zuzu de-o.

Sula ne djali, amba mu tu 'ue, ngamü ele inde i dje likabhu nazu de-o!

Padhá de, anga ongisi gba ele inde li 'ko e ngabhundja e ade-e,

adu bhelé ane ongisi gba ele inde bhú kúva-o.†»

²⁸ Ngayi ondaise ma, maka Isaka-a, yi ne ongisi inde u azu o maka li Ebhe apa nani lie-o.

²⁹ Nani li nedhinga bhomü-o, ndili inde u azu e maka u azuzu kpála-kuti

† 4:27 4:27 Tsia bhú Isa. 54:1.

lie adu nato mbolo li ndili
inde u azu e bhú angu gba
Bu Bhopua-o . A bhadi li
nedhinga na naki-e moko.

³⁰ La-a, Bhuku gba Ebhe-e
apa pi? A apa me: «To holo
bhú 'dhé éle na bali-e bhú
dabili bini ne ndili gba e-o.
Padhá de, anga a ayo de me
ndili gba bali-e sia ohe gba
'dyi o-o bhú dabili bini ne
ndili gba éle inde bhú bali
ade-e de.†»

³¹ Kaka-a ondaise ma, ní
ne ongisi gba éle na bali-e
ade, ní mangbo ne ongisi gba
éle inde bhú bali ade ko.

5

*Kilisito agbegbe ní bhú
bali-e agbegbe*

¹ Kilisito agbegbe ní bhú
bali-e agbegbe ngubula me
ní du bha ndju bhú ngu ní.
Kaka-a, yi lu kpekpeke, yi a'ó
matá de me yi gie liyi bhú
bali-e de.

² Yi djedje! Ngama Polo-o,
ma apa pi yi me, i du me yi
nde ali gandja-a, Kilisito du
pi yi ne tata de.

³ Ma ngapa matá na paká
paká pi ndu obhosí hana
inde ali gandja-a me, a ayo
me u manga ndu lili-e hana.

⁴ Ngayi okpála bhende
ngabhundja me Ebhe aú yi
ngbingbili bhú djila e kab-
ula namanga lili-e, yi agbo
bhúsú yi ne Kilisito agbo.
Bádha bhú 'bu gba Ebhe-e
aneke yi aneke.

⁵ La pi ya-a, ya nga'o 'to
ya 'to Ebhe, inde améne me

ya du bhú djila ni ngbingbili
ko. A bhomu-o engú inde ya
ngadjeke me amene lie má
gala li pápá na angu gba Bu
Bhopua , inde ngau lie bhú
nabhuka gba ya-o.

⁶ Padhá de, anga pi kpála
bhende akpötse lie ne Yesu
Kilisito-o, nali gandja , i du
di-e nali gandja de-e, a pi
ani ne tata ade. Engú bini,
ehe inde ne tata-a, a ko nab-
huka inde ngamene kulu ne
mukunda.

⁷ Yi akpo lilita ndjindji. A
ani kpadji pi yi da me yi
amánga kükülu 'ngú-o de-e?

⁸ Engú na sisiti inde u ato e
bhú 'ndji yi bhomu-o yie ka
Ebhe kpála inde a'i yi-e de.

⁹ Mboye kú levile* bedi
ngamene me ndu mapa
hana fuka.

¹⁰ Ngama-a, ma nga'o 'to
ma libhomu 'to Ngámá li
'ngú gba yi-o, anga ma
ambila na paká me yi
bhundja 'ngú koko kpí ne
ma de. Engú bini, kpála
bhende ngangbingi 'ndji yi
bhomu-o abí mangimbo gba
Ebhe, belegu i du bha da-ie!

¹¹ Múma-a ondaise ma, i
du me ma nde nga bha matá
ngakpokpo 'ngú nali gandja-
a, ka ni la u nde ngabha lie
ngato mbolo li ma-a? I du
mo-o, amba tata li nakpokpo
'ngú pindji nakpi gba Kilisito
li kulusi-e ade.

† 4:30 4:30 Tsia bhú Dje. 21:9, 10. ^{*}

5:9 5:9 Levile: Ngasuno lele kulu okpála
inde apite omabhuka na Galatia-o.

¹² A ayo me okpála inde ngangbingi 'ndji yi-e kolo maka oenike.[†]

¹³ Pi yi-e ondaise ma, Ebhe a'i yi me yi adú matá obalise na líli gba Moidje de. Yi nde la lie bhú ngu yi-e, yi adú namene ogumú na sisiti gba yi na kalanú-o de. Engú bini, yi teteke liyi súnda yi ne mukúnda.

¹⁴ Padhá de, anga ndú líli hana akpetse lie bhú koli líli bini inde me: «Kúnda kilí má maka mo okúnda limú lie ngamu makpe ko.[†]»

¹⁵ Engú bini, i dú me yi nde ngamene liyi maka onú 'te inde nganúnumú lio di ne na'o'o 'ka lio súnda o-o, 'e-e la-e, yi abhili liyi súnda yi mabhili.

Yi 'o me Bu Bhabua suno kpadjí pi yi ngae

¹⁶ Ma apa pi yi me, yi 'o me Bu Bhabua suno kpadjí pi yi ngae. I dú me yi nde amene mo-o, yi kpáta matá ogumú na sisiti gba yi na kalanú-o de.

¹⁷ Padhá de, anga ogumú na sisiti gba yi ngagu bhende gba Bu Bhabua-o. Gúmu gba Bu Bhabua di ngagu bhende gba ní makpe-o. Ogumú bhomú-o ngatú 'ndji o súnda o, masikpe de napa me yi ti da namene engú inde yi akúnda namene e-e de.

¹⁸ I dú me Bu Bhabua nde ngasuno kpadjí pi yi ngae-e, yi matá sa líli ade.

¹⁹ Okulu gba kute ní makpe ngau lie mbámbá. A

ngau lie bhú nakúnda olisi, i dú di-e obhosí ngangá, di ne ogumú ongú koko hana na sisiti.

²⁰ A ko nadhégé oebhe na eu, a ko namene engú na kobha. U ngayala lio súnda o, u ngatsi, u ne 'ngbé bua, u ngake 'ngú lio, u bha bini ngabhundja engú gba o makpe. U ngagbogbo bhúsú o, u dje lio de.

²¹ U abedhe ne gúmu 'he gba okpála koko bhú o bedhe, u akolo obalise na pandí, a ko obhalú kundú 'zu, u ngamene ongú koko bhelé bhelé maka ongú bhomú-o. Ma ngagbele 'dje yi mbia inde-e maka ma amene lie nako kalanú-o; okpála inde ngamene ongú mo-o, sia dabili bhú Naú gba Ebhe-e de.

²² Engú bini nguwa gba Bu Bhabua-a, a ko mukúnda, djali, guo 'ngú, 'ndjá bua, bádha bua, namene bádha 'ngú, nadú ne kpála inde utí da na'o 'to o 'to e,

²³ nake lio ne kuto, naholo bua o ka 'ngú maholo. Líli bini yala ongú bhomú-o de.

²⁴ Okpála gba Yesu Kilisito agi ogumú na sisiti gba o-o li kulusi.

²⁵ Bu Bhabua ngaha mukobho pi ní ngae, kaka-a, a ayo me ní 'o me ani suno kpadjí pi ní ngae.

²⁶ Ní adú ne 'ngbé 'ndji de. Ní adú nake 'ngú liní súnda ní de. Ní adú la di ne 'ngbé

^{† 5:12 5:12 Eniki:} A ko bhoko inde i ti da nakúnda ele de, anga angu na bhoko bhú ani ade. Tsia bhú Mat. 19:12. ^{† 5:14 5:14} Tsia bhú Lev. 19:18.

bua sündá ní de.

6

Ní teteke liní sunda ní

¹ Ondaise ma, i du me kpála bini nde ati bhú siti 'ngú-o, ngayi okpála bhende li Bua gba Ebhe-e nde bhú o-o, yi de gie ani li ngbili kpadjí ne bádha bua. Kpála ne kpála lila la di lie me ni atí bhú nale de.

² Yi teteke liyi sündá yi bhú otilli 'ngú inde sündá yi-o. I du me yi nde ngamene mo-o, yi méne lílì gba Kilisito .

³ I du me kpála bini nde ngabhundja me ni ne 'ngé kpála, a nde la kpála na padhá-a, amba ani ngapite lie ngae makpe.

⁴ A ayo me kpála ne kpála tsia lele nadhukú gba e ngae makpe. I du me a nde ndjindji-e, ani tsia kpí djali li kulu gba e-o. Ani kpí djali de me anga ni akpo 'ndjí ni ne kpála koko de.

⁵ Padhá de, anga a ayo me kpála ne kpála bi titili 'ngú gba e-o.

⁶ Kpála inde u asuno eli gba Ebhe-e pi e-e, a ayo me ani gbogbo bhússú tia gba e ne müssuno gba e-o.

⁷ Yi apité liyi de, u mümü Ebhe de. Kpála asia bha bini nguwa inde ani alu e-o.

⁸ I du me ani nde ngamene 'ngú maka li ogumú na sisiti ngatima ani lie-e, nguwa inde ani asia e-e, a du kuo. Engú bini, ani mene engú inde nganga li Bu Bhobua-a

, nguwa inde ani asia e-e, a dú mukobho na duduuma.

⁹ Ní andála li namene babadha 'ngú de. Padhá de, anga ní zi kekele téte nakolo ali soso-o, ní sia nguwa gba ní-e li nedhinga ango-o.

¹⁰ Kaka-a, i du me kpadjí nde u-o, a ayo me ní mene bádha 'ngú pi ndu okpála hana, a ne la mane pi ondaise ní bhende bhú 'bu nabhuka ko.

Polo ngaha olílì na soso

¹¹ Engú inde ma aye e pi yi mbia inde-e, ma aye ne 'kpa ma makpe, maka yi ngauu lie ne ngbengbe djila balua-o.

¹² Okpála inde ngaholo yi ne kpéke me yi li gandja-a, a ko okpála inde ngakunda nanga li okpála. U ngamene mo-o ngubula me okpála ató mbolo lió kabula kulusi gba Kilisito de.

¹³ Okpála inde ngali gandja bhomu-o ngamanga lílì ade. Uo ngaholo yi ne kpéke me yi li gandja, amba u bhí 'kpa o pi mbulu o me o to yi bhú gandja ne kpéke.

¹⁴ La muma-a, ma ngabhi bha bini 'kpa ma pi mbulu ma kabula kulusi gba Ngámá gba ní Yesu Kilisito-o. Padhá de, anga li pápá na kulusi-e, ma au ongú na doto maka ehe na kukuo, la di-e, ma maka kpála inde akpi bhú ongú na doto akpi.

¹⁵ Kaka-a, nali gandja , i du di-e nali gandja de-e, tata téte ade. Engú inde ane mane-e, a ko mangbo me

Ebhe dji kpála, amba ani
kolo kpála na mbia.

¹⁶ Pi ndu okpála hana inde
ngakpata engú inde ma ngasuno
e-e, a ayo me Ebhe ha
guo 'ngú pi uo, amba ani dje
di ndjinga uo bhú dabili bini
ne omañsalaele na kükülu,
inde okpála gba Ebhe ko.

¹⁷ Nayie pi mbia inde-e,
a ayo de me kpála bini 'o
matá lungalú kala ma li 'ngú
bini-e de. Padhá de, anga
opokoli inde li kute ma inde-
e ngasuno me ma ne kpála
ka Yesu.

¹⁸ Ondaise ma, a ayo me
bádha bhú 'bu gba Ngámá
gba ní Yesu Kilisito du bhú
dabili bini ne ndu yi hana. A
adu moko!

Balua gba Polo pi omabhuka na gudhu na Efeso Eli na kalanu

Balua inde li Polo aye e pi omabhuka na Efeso-o, ngatsia ngaiza kalanu engu inde pindji mabhundja gba Ebhe, ngubula napo bhala ndu oehe hana inde ani abho e, ohe inde na abhulá ne bhe na pila doto bhá dabili bini ne Kilisito maka ndjindji-o (1:10). Ani nga'i okpála gba Ebhe me u du akobho li lele mabhundja na ngeengébhé bhomu inde pi ndu okpála hana bhá nakpetse lio ne Kilisito.

Bhá balua inde ane okulu oehe bheldé inde ngasuno me, okpála gba Ebhe ngadu bini bhá makpetse bhá dabili bini ne Kilisito: Piga gba Ebhe maka kute kpála inde li Kilisito nde ne 'ndji e. A di maka eti inde li Kilisito nde ne nepanda na e-o. A la matá di maka ole inde li Kilisito nde maka ko e-o. Bhá nagama ongu gba Polo pindji mabhundja na bádha bhá 'bu gba Ebhe inde bhá Kilisito-o, a ne oeli bhende ngatu kpála, a la di ne oeli inde nga'e bua kpála abhulá má gba! Ndu 'ngá bhomu-o hana ngau lie li zi 'kpí na mukunda gba Kilisito, bhá makiso, bhá mambu, bhá bádha bhá 'bu, a la di-e bhá navulu lio.

Ongbengbe ongu inde bhá bhuku inde-e ngae inde:

Eli na kalanu 1:1-2
Kilisito a la di-e Dadjua gba Ebhe 1:3 - 3:21
Mukobho na mbia bhá Kilisito 4:1 - 6:20
Eli na soso 6:21-24

Polo yi omabhuka na Efeso mayi

¹ Ngama Polo, ma ne bhulá titima gba Yesu Kilisito, anga Ebhe akunda mo-o. Ma aye balua inde-e pi okpála na bububu gba Ebhe inde bhá gudhu na Efeso, inde abhuka la di Yesu Kilisito-o.

² A ayo me Ebhe 'Dyi ní, ne Ngámá gba ní Yesu Kilisito, suno bádha bhá 'bu gba o-o pi yi, amba u ha di guo 'ngá pi yi.

Ebhe atuko bisagu pi ní bhá makpetse gba ní ne Yesu Kilisito

³ Ní dhége Ebhe, 'Dyi Ngámá gba ní Yesu Kilisito-o! Ani atuko bisagu pi ní bhá nakpetse liní ne Yesu Kilisito, anga ani aha ndu bisagu hana na bhobua na abhulá-a pi ní.

⁴ Kala me Ebhe bho doto-o, ani abhu naní ní bhutode ngubula me ní du ne okpála gba ní li pápá gba Kilisito, amba ní du ne okpála inde bubu, u ti da nau siti 'ngá napapa li o de. Padhá de, anga ani akunda ní.

⁵ Kaka, nayie naní bhutode naali-e, ani amene me ní kolo ongisi gba ní li pápá gba Yesu Kilisito. A bhomu-o

engú inde ani amene e pi ní bhú bádha bhú 'bu gba e-o.

6 Ní toko sangu gba Ebhe ngubula bádha 'ngú inde ani amene e pi ní ne bádha bua gba e, anga ani akunda me amene lie mo-o bhú Ndili gba e na mukunda-o.

7 Padhá de, anga bhú nakpetse liní ne Yesu-o, Ebhe agbegbe ní bhú siti 'ngú ka ngute ani. Ani atsia ambu li siti 'ngú gba ní-o. Ebhe asuno pi ní bhomu-o tia inde bhú bádha bhú 'bu gba e,

8 inde ani aha e me a nde abedhe bedhe-o. Ani atsia aha di ndu imbilangú hana pi ní.

9 Ani asuno engú gba e inde awo lie mawo-o pi ní. Engú inde bhú bádha bhú 'bu gba e inde ani apa nani bhutode me ní améne e bhú Kilisito-o.

10 Engú inde ani apa me ni améne e li nedhinga ani a'o e-e, a ko nakpetse ndu 'ngú hana inde abhúlá, ne bhende píla doto-o sa koli Ngámá bini, Kilisito.

11 Bhú nakpetse liní ne Kilisito-o, ní asia ehe inde li Ebhe apa nani me ní ahá e pi ní-o. Padhá de, anga Ebhe alo nani ní kalanú didili naali maka ani akunda lie-o. La di-e, ani ngamene ndu 'ngú hana maka ani akunda nani lie, di ne maka ani apa lie-o.

12 Kaka-a, a ayo me ní toko sangu gba Ebhe, nganí okpála inde a'o 'to o nani bhutode bhú Kilisito-o.

13 Ngayi di-e, li yi adje ngali na kúkulú 'ngú-o lie, Bádha Ngali inde aha mukobho pi yi-e, yi atsia abhuka Kilisito. Abhomu-o, Ebhe atsia atu kasé inde ngasuno me yi ne ongisi gba ní-e li kute yi, li ani aha Bu Bhopua inde ani apa nani me ní ahá e pi yi-e lie-o.

14 Bu Bhopua ango-o ne ehe na kalanú bhú ka obabada 'ngú inde li Ebhe aleke e pi omaha e-o. Ani ngapa pi ní me ní asia ongú ango-o masia li nedhinga li Ebhe agbégbe ní lie bhú siti 'ngú gba ní hana-o. Kaka-a, ayo me ní toko sangu gba Ebhe.

Polo ayo Ebhe ngú omabhuka

15 Kaka-a, mbia inde-e, li ma adje lie me yi abhuka Ngámá Yesu-o, di ne me yi ne mukunda pi ndu omabhuka hana-a,

16 ma'o nagie hení pi Ebhe li 'ngú gba yi-e de. Ma ngabhundja yi bhú omayo gba ma-o.

17 Ma ngayo ka Ebhe gba Ngámá gba ní Yesu Kilisito, 'Dyi ní na asasaua me ani ha bua na imbilangú pi yi. Bua ango-o asúno Ebhe pi yi mbámbá, ani tsia méne di me yi mbila ani na paká paká.

18 Ma ngayo me ani bhulu imbilangú gba yi ngú nambila obabada 'ngú inde ani apa me ní ahá e pi okpála bhende ani a'i o-o. Ma la di ngakunda me yi mbila tia di

ne sangu inde bhú obabadha 'ngú inde ani aleke e pi okpála gba e-o.

¹⁹ Kaka-a, yi ambíla angu na kuo kuo inde ani nde ne e pi ní omabhuka-o. Angu ango-o, a ko bhende li Ebhe asuno e na paká paká,

²⁰ nedhinga li ani azuku Yesu Kilisito lie, ani atsia a'o ani li pá 'kpa e na kokpa abhúlá-o.

²¹ Oo, ani a'o Kilisito pi 'ndji ndu obua hana, pi 'ndji ndu obua hana na angu, pi 'ndji ndu obua hana na kpekpeke ne pi 'ndji ndu o'ili hana inde u ti da na'i e bha bini naki de, engú bini, inde u ti da di na'i e bhú oekpi inde ngago ko.

²² Ebhe a'o ndu 'he hana sa 'dhú Kilisito. Ani atsia a'o ani Ngámá pi 'ndji ndu 'he hana di ne pi 'ndji Dadjua gba e-o.

²³ Piga gba Ebhe-e, a ko kute Yesu Kilisito. Angu gba ani-e ngadu bhú Dadjua ango-o, ngaani-e, ani ne ndu bili hana.

2

Ní azuku bhú dabili bini ne Yesu Kilisito

¹ Nani kalanu-o, yi amu li bua yi kabula púlu 'ngú di ne kabula siti 'ngú gba yi-o.

² Yi adu nakobho bhú siti 'ngú nakpata lele mukobho na doto inde. Yi adu namanga ngámá na angu gba osisiti bua inde atu 'kpí-o. Ngámá ango-o, a ko bua inde ngamene kulu bhú okpála inde ngagu Ebhe-o.

³ Ní adu bhadi naní ndu ní hana maka uo. Padhá de, anga ní adu naní nakobho bhú gumu na sisiti gba ní-o. Ní adu namene gumu na kute ní, di ne gumu na bua ní. Ka siti 'ngú gba ní-e, a ayo naní me ke 'ngú gba Ebhe-e go pi ní maka okpála koko.

⁴ Engú bini, ndjinga gba Ebhe-e ngéngbé, mukunda gba ani pi ní-e ngéngbé naali.

⁵ Kaka-a, ani aha matá mukobho pi ní li pápá gba Kilisito, nganí okpála inde amu naní ka siti 'ngú gba ní-o. A na paká me ní akobho ka bádha bhú 'bu gba Ebhe.

⁶ Bhú makpetse gba ní ne Yesu Kilisito-o, Ebhe azuku ní bhú kuo bhú dabili bini ne ani, ngubula me ní u bhú dabili bini ne ani abhúlá.

⁷ Bhú nasuno bádha bhú 'bu inde ani asuno e pi ní bhú Yesu Kilisito-o, Ebhe akunda nasuno bhomu-o ngubula ndu nedhinga hana inde ngago-o bádha bhú 'bu gba e na ngéngbé ko.

⁸ Padhá de, anga yi akobho ka bádha bhú 'bu gba Ebhe kabula nabhuka. Mukobho ango-o yie ka yi de, a ko ehe inde li Ebhe aha e pi yi padhá.

⁹ Mukobho ango-o yie ka okulu gba yi-e de. Kaka-a, a ayo de me kpála bini pa 'li e téte-e de.

¹⁰ A na paká me Ebhe abho ní ngae. Ani abho ní bhú nakpetse liní ne Yesu Kilisito ngubula me ní mene ongú

na babadha. Obabadha 'ngú ango-o, Ebhe aleke nani pí ní bhútode me ní mene.

Yesu akpötse omaYuda ne obhende ne omaYuda ade-e bhú nakpi gba e-pi

¹¹ Yi bhundja nga maka yi adú nani lie kalanú-o. Ngayi okpála inde li omaYuda adú na'i o me okpála inde i li gandja* de, anga bhú nazu-o, yi ne omaYuda ade. U atsia adú na'i lio me o ne okpála inde ali gandja. A ko la ehe inde li okpála amene e li kute ne 'kpa o.

¹² A na paká me bhú nedhinga bhomú-o, yi adú nani de Kilisito tsutsu. Yi adú ne ogandji okpála , yi dú nani bhú piga gba omafsalaele de. Gandja inde li engú li Ebhe apa nani lie me ni améne e pi okpála gba ni-e alú pi e, dú pi yi de. Yi adú nani nadú píla doto me yi nde 'o 'to yi 'to Ebhe de. Ebhe dú la di bhú yi de.

¹³ La mbia inde-e, bhú nakpetse liyi ne Yesu Kilisito-o, ngayi okpála inde adú nani de aní tsutsu-o, yi adyudyo liyi de aní masikpe kabula ngute aní-o.

¹⁴ Padhá de, anga Kilisito ngae makpe aha guo 'ngú pi ní ngae bhú namene me omaYuda, ne okpála bhende ne omaYuda ade-e kolo koli okpála bini. Bhú nakpi ka aní-e, aní agugumú kozie inde adú nani nagbo bhusú

uo-o. Kozie ango-o adú nani nayala lio súnda o.

¹⁵ Aní abúlú lili gba Moidje ne odapo ango-o hana. Aní amene me omaYuda, di ne okpála bhende ne omaYuda ade-e kolo koli piga bini na mbia bhú nakpetse lio ne aní. Abhomú-o, aní atsia agie guo 'ngú.

¹⁶ Bhú nakpi ka aní li kulusi-e, Kilisito akpötse uo bhú koli kute bini. Aní atsia agie makpolia súnda uo ne Ebhe. Li pápá na kulusi-e, aní a'e yala súnda uo.

¹⁷ Kilisito ago ngubula nakpokpo Bádha Ngali na guo 'ngú pi yi okpála inde adú nani tsutsu de Ebhe, di pi okpála inde adú nani masikpe-o.

¹⁸ Li pápá gba Kilisito-o, ndú ní hana, omaYuda ne okpála bhende ne omaYuda ade-e, ní ti da nadyudyo liní de Ebhe, 'Dyi ní, ka koli Bu Bhopua bini.

¹⁹ Kaka-a, ngayi okpála inde ne omaYuda ade-e, yi matá ne ogandji okpála ade, yi maka ogomago ade. Engú bini, yi mbia inde-e ne ongisi na kuti, yi bhú ká okpála gba Ebhe. Yi ne okpála na piga gba Ebhe.

²⁰ Ngayi-e, yi akolo ndula na eti inde li 'dhú e nde ne obhúlú titima gba Yesu , di ne opolofeta . Nepanda na eti ango-o, a ko Yesu Kilisito ngae makpe.

²¹ Aní ngamene ngae me eti-e lu kpekpeke. Aní la di

* **2:11 2:11 Gandja:** A adú nani engú inde asuno me a inde-e kpála ka Ebhe.

ngamene me eti ango-o kolo 'ngbé 'ti Ebhe na bubu, inde u a'o e pi Ngámá.

²² Bhú nakpetse lio ne Kilisito-o, ngayi di-e, yi maka ndula na eti inde u ayiki e-o. Yi atsia akolo ne ndu okpála koko koli eti bini inde li Ebhe ngadu bhú e li pápá gba Bu Bhopua.

3

Polo akpokpo 'ngú pindji engú inde awo lie mawo gba Kilisito

¹ Kaka-a, ngama Polo-o, ma ne kpála na tikpu gba Yesu Kilisito kabula yi okpála inde ne omaYuda ade-o.

² A na paká me yi adje engú pindji kulu inde li Ebhe aha e bhú bádha bhú 'bu gba e me, ma mene e pi yi ko.

³ Ebhe ambamba ta 'ngú gba e inde awo lie mawo muma, ngubula me ma mbila tata-a ndjindji. Ma aye mbo 'ngú pi yi pépé bedi.

⁴ Nedhinga yi ngatanga balua inde-e lie, yi ti da nambila imbilangú inde ma nde ne e li engú inde awo lie mawo gba Kilisito-o.

⁵ Nani kalanú-o, Ebhe mbamba nga nani ta engú ango-o pi okpála na kalanú-o de. Engú bini, ani asuno mbia inde-e li pápá gba Bua gba e pi obhulú titima na bububu gba Yesu, di ne pi opolofeta .

⁶ Okpála inde ne omaYuda ade-e ngasia koli ehe bini ne omaYuda. Uo bhú koli kute bini. U asia la di ehe inde

li Ebhe apa me ni améne e bhú Yesu Kilisito li pápá na Bádha Ngali-e masia.

⁷ Ma akolo kpála na kulu na kpokpo Bádha Ngali ka bádha bhú 'bu gba Ebhe , inde ani aha e muma bhú angu gba e-o.

⁸ Ngama-a, ma ne mboye kpála bhú ká ndu okpála gba Ebhe-e hana. Engú bini, Ebhe atsia aha bádha bhú 'bu gba e muma ngubula me ma kpokpo Bádha Ngali pi okpála bhende ne omaYuda ade-e pindji tia na ngbéngbé gba Kilisito, inde ane mabhundja gba okpála mane-o.

⁹ Ma ti da nasuno pi ndu okpála hana mbámbá maka li Ebhe ngamene engú gba e inde awo lie mawo lie-o. Ngaani-e, a ko kpála inde abho ndu 'he hana. Nayie nani didili naali-e, engú ango-o adu me a nde awo lie mawo,

¹⁰ ngubula me mbia inde-e, kabula engú li Ebhe amene e bhú Dadju gba e-e, ndu obua hana, di ne ndu obua hana na angu inde abhulá-a ti da nambila imbilangú gba Ebhe inde u ti da nambila alo na e de.

¹¹ Ndú 'ngú bhomú-o amene lie li lele mabhundja li Ebhe adu nani ne e nayie li lilita, inde ani amene e bhú Yesu Kilisito, Ngámá gba ní-o.

¹² Ní akpetse liní ne Kilisito, ní atsia abhuka la di ani. Kaka-a, li ndu kpadji hana ní adú ne tsulú de ngú nadyudyo liní de Ebhe.

¹³ Kaka-a, ma ngayo ka yi me, bua yi asia ndala ka likabhu inde ma ngazu e ngubula yi-e de. Likabhu ango-o mangbo ngaha pi yi sangu .

*A ayo me omabhuka
mbila lele mukunda gba
Kilisito inde ane ndu 'ngu
hana-o*

¹⁴ Kaka-a, ma ngatatu lipuku ma kuto kala 'Dyi ni Ebhe,

¹⁵ li ndu piga hana inde abhulá ne pila doto adha bhú e-o.

¹⁶ Ma ngayo ka ani me ani ha angu pi yi li pápá na Bhopua gba e, anga sangu gba ani-e ne 'ngbé tia na ngbéngbé. Abhomu-o, yi tsia sia angu li bua yi.

¹⁷ A ayo me Kilisito si kuti e li bhopua yi li pápá bhe nabhuka . Ma ngayo me sie yi li bhú mukunda malí, la di me a lu bhú mukunda ango-o malu.

¹⁸ Abhomu-o, yi kólo ne angu ngu nambila bhú dabili bini ne ndu okpála gba Ebhe-e hana me lele mukunda gba Kilisito pi ni-e, ane mane!

¹⁹ Yi mbila lele mukunda gba Kilisito inde ane ndu 'ngu hana u ti da nambila e-o. Yi abédhe ne ndu 'ngu hana inde bhú Ebhe-e bedhe.

²⁰ Ebhe ngamene kulu bhú ni ne angu gba e-o. Li ni yo 'he ka ani-e, ani ti da nahaha pi ni bhelpé ane mane, anga angu gba ani-e ane ndu 'ngu

hana inde ni ti da nabhundja e.

²¹ A ayo me sangu du ne ani bhú Piga gba Ebhe di ne bhú Yesu Kilisito, ndu nedhinga hana, duduuma ne duduuma. A adu moko.

4

*Yi gili ndu 'kpí hana nadu
bhú makpotsé ne Kilisito*

¹ Ngama kpála inde bhú tikpue anga ma ngamene kulu pi Ngámá-a, engú inde ma ngayo e ka yi kpékpéke-e ngae inde: ngayi okpála inde li Ebhe a'i o-o, kaka-a, yi dhuku maka li okpála inde li Ebhe a'i o-o adhudhuku lie-o.

² Yi du ndu 'kpí hana nake liyi ne kuto, yi du ne bhuku bua, di ne 'ndjá bua. Yi kibila liyi bhú ongú inde sunda yi-e ne bua na mukunda.

³ Yi gili ne angu hana nadu bhú makpotsé inde li Bu Bhopua ngaha e bhú guo 'ngu inde ngagbite yi bhú dabili bini ko.

⁴ A ne koli kute bini, di ne koli Bu Bhopua bini. Ebhe a'i la bhadji ni me ni'o 'to ni to koli 'he bini.

⁵ Koli Ngámá bha bini, ne koli nabhuka bini, di ne koli batisimo bini.

⁶ Koli Ebhe bha bini, inde 'Dyi ndu okpála hana. Ani ngaú pi 'ndji ndu okpála hana. Ani ngamene kulu bhú ndu okpála hana, ani la di ngadu bhú ndu omabhuka hana.

⁷ La-a, Kilisito aha pi kpála ne kpála angu gba Bhopua

ngú namene ehe. Aní atsia aha di bhe gba kpála ne kpála pi e ne bádha bua.

⁸ U aye me:

«Li aní a'ʉ lie abhúlá-a,
aní abha okpála na
tikpʉ ne angu,
aní atsia aha angu gba
Bhobua ngú namene
ehe pi okpála.†»

⁹ La-a, napa me «aní a'ʉ abhúlá-a», a akʉnda napa pi? Bhobhomʉ-o akʉnda napa me, kala na'ʉ abhúlá-a, Kilisito akø ngaiza a sate. ¹⁰ Kpála inde akø a sate-o, a ko di kpála inde a'ʉ abhúlá-tsutsu ngübula me aní dʉ bhú ndʉ 'he hana.

¹¹ A ko aní inde aha kulu pi kpála ne kpála-o. Aní aha pi okoko nadʉ obhʉlʉ titima gba Yesu , okoko ne opolofeta . Okoko ne omʉsuno na Bádha Ngali , okoko ne odimande, i dʉ di-e omʉsuno.

¹² Yesu amene me okpála gba Ebhe-e kolo bedhe ngú namene kulu gba aní, ne okulu inde li Kilisito aha e pi uo bhomʉ-o, ngübula me kute ni inde Piga gba Ebhe-e, kolo kpekpeke.

¹³ Ní mene mo-o, ndʉ ní hana ní kólo bhú makpetsø bini bhú nabhuka ne nambila Ndili gba Ebhe-e ndjindji. Ní bhele bhú nabhuka ango-o, ní tsia kólo libhomu maka Kilisito.

¹⁴ Abhomʉ-o, ní dʉ matá maka ongisi de. Ní dʉ la di maka zabʉ inde li anvi ngadyudyo e ne ndʉ pasʉ

hana, di ne anvi na nasuno gba omʉsuno inde ngapite okpála-a de.

¹⁵ Engú bini, i dʉ me ní nde ngapa kʉkʉlʉ 'ngú bhú mʉkʉnda-a, ní bhéle bhú ndʉ 'ngú hana li pápá gba Kilisito inde ne 'ndjì Piga gba Ebhe-o.

¹⁶ Aní ngamene ngae me oyá ní dʉ bini, aní atsia akpetse di lie bhú dabili bini ne ní. Kʉte ní inde Piga gba Ebhe-e bhadi moko. I dʉ me nganí inde ne okpála na Piga gba Ebhe-e ní nde ngamene kulu gba ní bhú dabili bini ne mʉkʉnda-a, li Dadjuang-o bhéle.

Yi koto bhú mʉkobho na kalanʉ, amba yi kolo okpála na mbia

¹⁷ Engú inde ma ngayo e ka yi ne kekele-e ne 'li Ngámá-a ngae inde: yi adʉ nadhʉkʉ matá maka omʉpagano de. Padhá de, anga mabhundja gba uo-o padhá.

¹⁸ Imbilangʉ gba uo-o bhú biti. Mʉkobho inde ngayie ka Ebhe-e pi uo ade. Padhá de, anga u mbila 'ngú bini de. U agbite la di bua o má ki!

¹⁹ U ngadje nʉmʉ li 'ngú bini ade. U ngamene ndʉ 'ngú na sisiti hana inde u akʉnda namene e. U la di ngakʉnda olisi ne obhosí ngangá.

²⁰ Pi yi-e, a bhomʉ-o engú inde u apa e pi yi pindji Kilisito-o de.

† 4:8 4:8 Tsia bhú Ets. 68:19.

²¹ A na paká me u apa ndu 'ngú gba Yesu-o pi yi hana. Maka omakilisito-o, u asuno pi yi kükülu 'ngú inde ní asia e ka ani-o.

²² Kaka-a, a ayo me yi tse mukobho gba yi na kalanu-o. Lele nani maka yi adu lie kalanu-o, yi koto bhúbhú makoto, anga ogumá ango-o ngapite okpála. A la di ngato okpála bhú kuo.

²³ A ayo na'o me Bu Bhabua dji yi libhomu, amba yi kolo okpála na mbia li bua yi, di ne bhú mabhundja gba yi ko.

²⁴ Yi kolo okpála na mbia, inde li Ebhe abho o maka e makpe, inde la di ngau lie bhú mukobho na ngingbili, inde di bubu li kükülu 'ngú ngagbe e-o.

²⁵ Kaka-a, yi 'o napa eu ma'o. A ayo me kpála ne kpála pa pi kilí e kükülu 'ngú. Padhá de, anga ní ndu ní hana ne yá koli kute bini.

²⁶ I du me bua yi nde ake-e, yi alí bhú siti 'ngú de. A ayo me bua yi ke kala me ela ti.†

²⁷ Yi aká kpadji pi Djabulu de me ani ko pi yi-e de.

²⁸ A ayo me kpála inde adu nako nazi 'he-e, 'o nazi 'he ma'o. A ayo mangbo me ani mene kulu ne 'kpa e makpe, amba ani sia ezú pi e li bádha kpadji. Ani du la di ne ehe ngú nateteke okpála inde li ehe aneke ka o-o.

²⁹ Eli na sisiti bini akótó bhú 'bhe yi de. Yi pa bha bini eli na babadha inde i ti da nateteke okpála koko

nakpata gümá gba uo-o, a la di ngamene bádha 'ngú pi obhende ngadjedje-o.

³⁰ Yi ahá likabhu pi Bu Bhabua inde li Ebhe aha e pi yi-e de. Padhá de, anga Bu Bhabua inde li Ebhe atu e li yi maka kasé-e ngapa pi yi ngae me bhú oekpí inde ngago-o, Ebhe agbégbe yi bhú siti 'ngú gba yi-e magbegbe.

³¹ Yi 'e ndu 'ngú hana na sisiti li bua yi ma'e. Yi 'e ndu bua bhú yi ma'e. Yi 'e ke 'ngú bhú yi ma'e. Yi 'o nasusüla ma'o. Yi 'o la di nasobho sobho ma'o. Yi 'o namene ndu sisiti 'ngú hana má kpékébhe!

³² Yi du súnda yi ndjindji, amba yi bedhe ne mukunda bedhe. Yi mbu li sisiti 'ngú inde súnda yi maka li Ebhe ambu la di li yi lie kabula Kilisito-o.

5

Yi dhukú maka okpála inde bhú zi 'kpí

¹ I nde lie me yi nde ne ongisi li Ebhe-e akunda o-o, yi mene ne kpéke me yi du maka ani.

² A ayo me yi du ne mukunda maka Kilisito . Padhá de, anga ani akunda ní. Ani atsia andala 'kpa li mukobho gba e pi ní maka makiso, maka enu inde u atsutsulu e pi Ebhe, inde li se e ngapu ndjindji.

³ Yi ne okpála na bububu gba Ebhe. Kaka-a, a ayo de me u dje ongú nakunda olisi,

† 4:26 4:26 Tsia bhú Ets. 4:5.

di ne obhosí ngangá, di ne namene ndú ongú na sisiti hana, i dú di-e gumar 'he naali bhú ka yi-e de.

⁴ A ayo de me siti 'li, ne engú na ngingi, ne zibotú koto bhú 'bhé yi-e de. Engú bini, yi gie mangbo hení pi Ebhe.

⁵ Yi mbila ndjindji me, kpála bini na zabhe, kpála na zibotú, i dú di-e kpála na endju (padhá de, anga endju-o, a ko nayo ebhe na eu), ani lí bhú Naú gba Kilisito di ne Ebhe-e belegu de bini.

⁶ Kpála bini apíté yi ne 'li na padhá padhá de. Padhá de, anga ngua osisiti 'ngú bhomu-o ngagbele ke 'ngú gba Ebhe-e pi okpála inde ngayala namene líli gba ani-e ngae.

⁷ Kaka-a, yi akpétse liyi ne ngua okpála bhomu-o de.

⁸ Yi adú nani kalanu-o bhú biti. La mbia inde-e, li yi akpétse liyi lie ne Ngámá-a, yi akolo bhú zi 'kpí. Kaka-a, yi dhukú maka okpála inde bhú zi 'kpí.

⁹ Padhá de, anga zi 'kpí ngazu ndú 'ngú na babadha hana. A la di ngazu ngibili 'ngú ne kükülu 'ngú.

¹⁰ Yi gili ne kpéke ngú nalo engú inde li Ngámá akunda e-o.

¹¹ Yi akpétse liyi ne okpála bhende ngamene ongú na padhá padhá na sukpe-e de. Engú bini, yi gbe engú angó-o mbámbá bhú djila okpála.

¹² Padhá de, anga a ko

númu naali ngú nagama 'ngú li 'ngú inde li okpála angó-o ngamene e bhú pepe.

¹³ La-a, engú inde u agbe e pi okpála-a, akolo mbámbá.

¹⁴ La di-e, ndú 'ngú hana inde u agbe e li zi 'kpí-e, a akolo bhadi li zi 'kpí. Kaka-a, u apa me:

«Ngamu kpála inde ngala-a, zuzukú, yie bhú ká okpála inde amu-o mayie, amba Kilisito suno zi 'kpí gba e pi mu.»

¹⁵ Kaka-a, 'ee, yi lila liyi ndjindji bhú nakobho ka yi-o. Yi adú nakobho maka ongingi de. Engú bini, yi dú nakobho maka okpála na imbilangu.

¹⁶ Yi djele onedhinga inde yi nde bhú e ndjindji. Padhá de, anga onedhinga inde ní nde bhú e sisiti.

¹⁷ Kaka-a, yi adú maka ongingi de. Engú bini, yi mene ne kpéke me yi mbila engú inde li Ngámá akunda me yi mene e-o.

¹⁸ Yi alángba ne pandi de. Padhá de, anga pandi ngatima kpála bhú 'ngú na púpulu. Engú bini, yi bedhe mangbo ne Bu Bhopua .

¹⁹ Yi to masi bhú yi ne nali ndú odjua oetsi hana inde li Bu Bhopua ngaha e-o. Yi toko Ngámá ne bua yi hana.

²⁰ Yi gie hení pi 'Dyi ní Ebhe ndú nedhinga hana, di ne ngú ndú 'ngú hana ne 'li Ngámá gba ní Yesu Kilisito.

A ayo me olø ne bhoko manga lio súnda o

²¹ Yi manga liyi sonda yi kabula mazima yi nde ne e pi Kilisito ko.

²² Ngayi olisi-e, yi manga obhosí gba yi-e maka yi ngamanga Ngámá lie-o.

²³ Padhá de, anga bhoko ne ngámá pi 'ndji wala e, maka li Kilisito nde lie ne Ngámá pi 'ndji Piga gba Ebhe-o. Kilisito ne Mukobho na Piga gba Ebhe. Piga ango-o maka kute ani.

²⁴ A ayo me olisi manga obhosí gba o-o bhú ndu 'ngú hana, maka Piga gba Ebhe-e ngamanga Kilisito lie-o.

²⁵ Ngayi obhosí-e, yi du ne mukunda pi olisi gba yi, maka li Kilisito akunda Piga gba Ebhe-e lie-o. Ani asuno mukunda ango-o li nandala kpa li mukobho gba e ngubula Dadjua ango-o.

²⁶ Ani akunda nani namene me Piga gba Ebhe-e kolo bubu, ani atsia avulu ne engu* di ne 'li e.

²⁷ Padhá de, anga ani akunda nani me Piga gba Ebhe-e koto kala ni ne sangu gba e hana. A adú ne doto bhú e de, ne engú na sisiti napapa téte de, di ne zibotú de. Dadjua ango-o du la di bubu, inde u ti da nau siti 'ngú napapa li e de.

²⁸ Kaka-a, a ayo me obhosí du ne mukunda pi olisi gba o maka u akunda kute o lie makpe-o. Padhá de, anga kpála inde ne mukunda pi wala e-e, ani ngakunda bhomu-o li e makpe.

²⁹ Padhá de, anga kpála bini inde ayala kute e makpe ade. Engú bini, kpála ne kpála ngaku kute e, di ne nalilila ndjindji, maka Kilisito ngamemene lie bhú Piga gba Ebhe-e ko.

³⁰ Padhá de, anga ní ne tika kute ani.

³¹ A maka u aye lie bhú bhuku gba Ebhe-e me: «Kaka-a, bhoko a'ó ká 'dyi e ne 'hi e ngubula nakpötse lie ne wala e. U tsia kólo ndu o bhisi hana koli kute bini.†»

³² 'Ngbé 'ngú na kukulu awo lie bhú engú inde u apa e bhomu-o. Ngama-a, ma apa me u ngapa 'ngú bhomu-o li 'ngú gba Kilisito di ne Piga gba Ebhe.

³³ Engú bini, u la di ngapa 'ngú ango-o pi yi: a ayo me bhoko ne bhoko du ne mukunda pi olø gba e maka ani akunda li e lie makpe-o. A ayo la di me olø ne olø manga 'ko e.

6

Lele dasundu gba ongisi ne okpála azu o-o

¹ Ngayi ongisi, engú inde a ayo me yi mene e maka li Ngámá akunda lie ngae inde: yi manga okpála azu yi-e mamanga, anga bhobhomu-o ndjindji.

² Líli na kalanu inde li Ebhe asuno e di ne napa me ni améne ehe bhú e ngae inde: «Manga 'dyi mu ne 'hi mu mamanga,

* **5:26 5:26 Engu:** A ko batismo. Tsia bhú Tit. 3:5. † **5:31 5:31** Tsia bhú Dje. 2:24.

³ amba mu du ne kpála na djali, mu tsia bhúe la di ngengele píla doto.[†]

⁴ Ngayi odyi ongisi, yi améne de me ongisi gba yi-e kolo ne kpéke 'ndji-e de. Engú bini, yi ku uo ne nalili uo di ne naha lili inde ayie ka Ngámá-a pi uo.

Lele dasundu gba obalise ne omakulasi o

⁵ Ngayi obalise, yi manga omakulasi yi píla doto mammanga ne nazi uo ndjindji, ne koli bua bini mugito me yi ngamanga Kilisito .

⁶ Yi améne bha bini mo-o li nedhinga inde u ngatsia 'kpí li yi lie de. Padhá de, anga yi mene mo-o, i mána mugito me yi amene ngubula me okpála ziba yi. Engú bini, yi mene engú inde li Ebhe akunda e ne koli bua bini, maka obalise gba Kilisito.

⁷ Yi mene kulu pi omakulasi yi ne bádha bua mugito me, yi ngamemene pi Ngámá ngae makpe, anga yi mene pi kpála de.

⁸ Padhá de, anga yi ambila me, abana i du bali, i du di-e bali de-e, kpála ne kpála asia makalá sakpa Ngámá li lele bádha kulu li kpála ango-o amene e-o.

⁹ Ngayi, omakulasi okpála, yi mene bhadi moko pi obalise gba yi-o. Yi abú tsu bhú uo ne napa de me yi ató mbolo li uo de. Yi mbila ndjindji me ngayi ne obalise gba yi-e, a ka yi ne

koli Ngámá bini abhúlá. Ani gbgobgo bhúsu okpála de.

Yi bi tia 'gu inde li Ebhe ngaha e pi yi-o

¹⁰ Ngú nabu tata-a, yi gili angu gba yi-e bhú nakpötse liyi ne Ngámá, bhú angu na ngbéngbé gba ani-o.

¹¹ Yi bi ndu tia 'gu hana inde li Ebhe ngaha e pi yi, ngubula me yi lu kpekpeke kala siti mabhundja gba djabulu-o. ¹² Padhá de, anga ní ngagu gbele ne okpála-kuti ade. Engú bini, ní ngagu 'gu ne osisiti bua inde ne angu abhúlá. Ní ngagu 'gu ne ongámási na angu di ne obhende na sukpe.

¹³ Kaka-a, yi ha ndu tia 'gu gba Ebhe-e hana, amba li nedhinga na sisiti akólo lie, yi de lu kala bhu yala gba yi-e kpekpeke. La di-e, pita nagu gbele akolo ali soso-o, yi tsia lu li bili yi nde li e kpekpeke.

¹⁴ Ka 'ngú ango-o, yi lu kpekpeke. Yi gbite kukulu 'ngú ludu yi maka mukabha. Yi holo ngibili 'ngú maka bongo na kó 'nu inde ngalila mbulu kpála.

¹⁵ Yi dyi gumu na nakpokpo Bádha Ngali na guo 'ngú maka maleke.

¹⁶ Yi holo nabhuka ndu 'kpí hana maka kopí. Bhobhomu-o ahá angu pi yi ngú nabu ndu edji hana inde ne djua gba Satana .

¹⁷ Yi dyi mukobho maka ndata na kalase. Yi holo

[†] 6:3 6:2-3 Tsia bhú Eki. 20:12; di ne bhú Det. 5:16.

Eli gba Ebhe-e maka mbotia
inde li Bu Bhopua ngaha e-
o.[†]

¹⁸ Yi mene ndu 'ngú
bhomu-o hana bhú mayo.
A na paká, yi yo Ebhe bhú
ndu 'ngú hana maka li
Bu Bhopua atéteke yi lie-o.
Kaka-a, yi alá-a de, yi yo
Ebhe ndu 'kpí hana pi ndu
okpála hana na bububu-o.

¹⁹ Yi yo di Ebhe muma,
amba Ebhe ha eli na ng-
bingbili muma nedhingga ma
akunda nagama 'ngú lie-o.
La di-e, a ngubula me ma
adú ne tsulu de nedhingga ma
ngambamba ta ongú inde
awo lie bhú Bádha Ngali-e
lie-o.

²⁰ Ma ne bhulú titima
na Bádha Ngali inde ma
nde bhú tikpu ngubula e-
o. Kaka-a, yi yo Ebhe
ngú ma, amba ma akpókpo
Ngali ango-o ne tsulu de, ma
kpokpo mangbo maka a ayo
lie-o.

Eli na soso

²¹ Tisiko, ndai ní na
mukunda, kpála inde di
ngamene kulu gba Ngámá
ndjindji akpókpo ndu 'ngú
hana inde atsia ma pi yi. Aní
akpókpo pi yi ngubula me yi
mbila lele maka ma nde lie
di ne ehe inde ma ngamene
e-o.

²² Ma atima ani ngubula
nakpokpo pi yi lele maka ya
nde lie, amba ani to di masi
bhú yi.

²³ A ayo me Ebhe 'Dyi ní,
di ne Ngámá Yesu Kilisito ha

guo 'ngú, ne mukunda di ne
nabhuka pi ndu ondaise ní
hana.

²⁴ A ayo me bádha bhú 'bu
gba Ebhe du ne ndu okpála
hana inde ne mukunda na
duduma pi Ngámá gba ní
Yesu Kilisito ko.

[†] 6:17 6:14-17 Tsia bhú Isa. 59:17, 11:5, 27:1, 34:5, 49:2; ne bhú Oz. 6:5; ne bhú
Ebe. 4:12; di ne bhú Apok. 1:16, 19:15.

Balua gba Polo pi omabhuka na gudhu na Filipoi

Eli na kalanu

Polo aye nani balua inde-e pi omabhuka na Dadjua na kalanu inde ani a'o nani e bhú putu-o, bhú ndu doto na ngámá gba okpála na Loma inde abhú Makedonia-o. Ani aye balua ango-o me ani nde bhú tikpu. Li nedhinga inde ani adu lie me bua ani nde angamba ka nagu inde li obhelesi okpála koko na Dadjua gba Ebhe adu agu ne e-o, la di bua ani atsia alá bhálá má gba ka onasuno na eu inde adu bhú Dadjua gba Ebhe inde abhú Filipoi-o.

Engú inde i ti da nau lie má gala bhú balua inde-e, a ko nagie hení pi omakilisito na Filipoi ngubula makiso inde u atima nani e pi ani ngú nateteke ani bhú ongú gba e ko. Polo aha nedhinga bhomu ngú nato masi bhú omakilisito na Filipoi ngubula me u andala bhú kulu gba Ebhe-e de, abana u adu ato mbolo lie li ndu uo hana-o.

Balua inde-e agama 'ngú kpekpeke pindji djali, naziba, nadu bini di ne 'ndjá bua inde bhú nabhuka a la di-e mukobho gba makilisito. Ani atsia asuno la di mukunda na kpekpeke inde li Polo adu ne e pi Dadjua na Filipoi-o.

Ongbengbe ongú inde bhú bhuku inde-e ngae inde:

Eli na kalanu 1:1-11
Engú atsia Polo kpi e kpi 1:12-26
Mukobho inde bhú Kilisito-o 1:27 - 2:18
Mabhundja inde adu pi Timoté ngau ne Epafolodite 2:19-30
Nalila lio ka obhulu yala di ne okpekpeke 'ngú inde ngago 3:1 - 4:9
Polo ngau ne obi e na Filipoi 4:10-20
Eli na soso 4:21-23

Polo yi omabhuka na gudhu na Filipoi mayi

¹ Ngama Polo, bhú dabili bini ne Timoté-e, ya yi yi mayi. Ya ne obalise gba Yesu Kilisito. Ma aye balua inde-e pi ndu yi omabhuka inde bhú gudhu na Filipoi hana, pi yi obhelesi okpála di ne pi yi okpála inde ngateteke kulu gba Ebhe, ndu yi hana inde akpetse liyi bhú dabili bini ne Yesu Kilisito-o.

² A ayo me Ebhe 'Dyi ní, bhú dabili bini ne Ngámá gba ní Yesu Kilisito suno bádha bhú 'bu gba o-o pi yi, amba u ha di guo 'ngú gba o-o pi yi.

Polo agie hení, ani atsia ayo di Ebhe ngú omabhuka na gudhu na Filipoi

³ Ma ngagie hení pi Ebhe, ndu nedhinga hana ma ngabhundja yi lie-o.

⁴ Ndú nedhinga hana ma ngayo Ebhe lie pi ndu yi hana-a, ma ngakpi djali.

⁵ Ma ngagie hení pi Ebhe
anga yi akpètse liyi ne ma
bhú nakpokpo Bádha Ngali
, nayie bha bini li 'kpí na
kalanú yi abhuka lie, akolo
makolo pi mbia inde.

⁶ Ma ambila ndjindji me
Ebhe inde akpo nani lita
bádha kulu li bua yi-e, anú
bha ne di ne kalanú, ani tsia
bú soso li 'kpí li Yesu Kilisito
agó lie-o.

⁷ A ndjindji me ma
bhundja bha pindji ndú
yi hana mo-o. Padhá de,
anga bua ma abedhe ne
djali ka yi, anga Ebhe asuno
bádha bhú 'bu mma di
ne pi ndú yi hana, ngubula
me yi teteke ma nedhinga
ma nde lie mbia inde-e
bhú tikpu, di ne nedhinga
inde ma ngakpokpo lie ne
angu ma hana kükulu 'ngú
pindji Bádha Ngali lie-e, kala
okpála nakodho mangimbo-
o.

⁸ Ebhe mbila hana me,
ma ngapa kükulu 'ngú me
ma ne mukunda pi yi naali.
Mukunda inde ma akunda yi
ne e-e, ayie ka Yesu Kilisito.

⁹ Ehe inde ma ngayo Ebhe
pi yi ngú e ngae inde: ma
ngayo Ebhe me mukunda
gba yi-e nu bha ne kalanú,
amba ateteke yi me yi mbila
engú na kükulu ne lele maka
yi ngadú lie sundá yi-o.

¹⁰ Abhomu-o, yi tsia mbila
di nalo obabadha 'ngú. Ma
ngayo ndú 'ngú bhomu-o
hana ngubula me ekpí li
Yesu Kilisito agié lie lie, bua
yi de du má ngilili di ne me
ehe bini na sisiti adú bhú yi

de.¹¹ Nakolo li 'kpí ango-o,
nadhukü gba yi-e du ndjindji
bhú angu gba Yesu Kilisito,
amba okpála dhögé Ebhe, u
toko di ani.

*Polo akpi djali anga u
ngakpokpo Bádha Ngali gba
Kilisito*

¹² Ondaise ma, ma akunda
me yi mbila ndjindji me
ongú inde akolo li ma-a,
amene mangbo me Bádha
Ngali-e yangba ne kalanú.

¹³ Ka 'ngú ango-o, ndú
osudha hana inde ngalila eti
gba guvelenele, di ne ndú
okpála koko hana ambila me
ma bhú tikpu kabula kulu
gba Kilisito ma ngamene e-o.

¹⁴ La matá di-e, nau ma
me ma bhú tikpu-o, ato
masi bhú omabhuka bhelé
li kpadji gba Ngámá gba
ní-o. Uo matá ne tsulu
ngú nakpokpo Bádha Ngali-
e ade.

¹⁵ A na paká me okpála
koko ngakpokpo Bádha
Ngali gba Kilisito-o, anga u
ne 'ngbé bua li kute ma, u
ngakunda nagu ma. La-a,
okoko di ngakpokpo engú
gba ani-e ne bua bini.

¹⁶ Obhe ngamene ne bua
o bini bhomu-o, ngamemene
anga u ne mukunda li pabili
gba ma, u mbila ndjindji me
kulu gba ma li bili inde-e, a
ko ngubula me ma akpokpo
Bádha Ngali, amba ma suno
di pi okpála me a ko kükulu
'ngú.

¹⁷ Okpála ma de apa 'ngú
gba o kalanú-o, ngakpokpo
Bádha Ngali gba Kilisito

anga u ngakunda me ni du nagu ma. Engú inde u ngakpokpo e yie li bua uo de, u ngakunda me ma zu matá likabhu bhú tikpu ei ane mane.

¹⁸ A mene 'he bini de, Belegu u du akpokpo Bádha Ngali gba Kilisito ne siti bua , i du di-e ne bádha bua, Bádha Ngali ango-o bha naae nganu ne kalanu. Kaka-a, ma ngakpi djali. La matá-a, ma adú bha ne djali,

¹⁹ padhá de, anga ma ambila me ndu okpekpeke da 'ngú bhomu-o hana améne me Ebhe kobho ma, anga yi ngayo ani ngú ma, Bu Bhopua inde nani li Yesu Kilisito atima e-e, la di ngateteke ma.

²⁰ Engú inde ma nga'o 'to ma 'to e naali-e, a ko me ma ahá galikpe numu pi Kilisito 'kpí bini de. La-a, mbia inde-e, maka ne ndu nedhinga hana-a, ma abhuka ne bua bini me, ma adú bha bini nadhégé Kilisito belegu ma du bhú mukobho, belegu ma kpi makpi.

²¹ Padhá de, anga muma-a, ma du bhú mukobho-o, ehe inde ane ne engbék-e, a ko nadhégé Kilisito. Ma kpi makpi-e ane la matá ne bádha.

²² I du me nadu ka ma bhú mukobho píla doto ei nde ade kpadji muma na ateteke okpála-a, ma mbila kpadji bhende ayo nalo e de.

²³ Ma ngadho 'bi sunda ongú bhisí bhomu. A nga líma naali ne nayie píla doto

inde ngubula me ma nu du de Kilisito.

²⁴ La-a, nadu ka ma bhú mukobho-o ndjindji kabula yi.

²⁵ Ma ambila ndjindji me, a la bhadi moko, ma du nga matá bhú mukobho, ní tsia du ne yi bhú dabili bini ngubula me yi nu li kpadji gba Ebhe-e ne kalanu, amba yi tsia kpi di djali li kpadji ango-o.

²⁶ Nedhinga ma akóto lie bhú tikpu-o, ní tsia du matá ne yi bhú dabili bini-e, yi atóko Yesu Kilisito naali ka engú inde ani amene e muma-o.

Yi lu kpekpeke bhú nabhuka

²⁷ Engú inde ane la mane-e ngae inde: a ayo me nadhuku gba yi du li lelele maka li Bádha Ngali gba Kilisito apa lie-o, ngubula me, belegu ma go natsia yi, belegu ma go de-e, ma de dje me yi alu kpekpeke ne mabhundja bini, ne me yi ngalila ndu yi hana nabhuka gba yi inde alu pi Bádha Ngali-o.

²⁸ Yi adjé tsulu ka obhulu yala gba yi-e belegu de bini. Bhophomu-o asúno pi uo mbámbá me, ngauo-o, u angita, la ngayi-e, yi li kpadji na mukobho. Ebhe asúno pi uo ngae.

²⁹ Padhá de, anga Ebhe suno bha bini bádha bhú 'bu gba e pi yi ngú nabhuka Kilisito de, engú bini, ani asuno bádha bhú 'bu gba e pi yi ngú nazu di likabhu

kabula Bdha Ngali gba ani-o.

³⁰ Yi ngag bhomu-o ngua gbele inde nako yi au me, ngama-a, ma adu agu e-o. Yi la di ngadje me, mbia inde-e, ma nga bha ngagu 'g.

2

Yi ke liyi ne kuto maka Yesu Kilisito

¹ I nde lie me yi akpetse liyi bh dabili bini ne Kilisito-o , bhabhomu-o ngaha angu pi yi. A mo-o adi! I nde lie me ani ne muknda pi yi-e, bhabhomu-o ngaha angu pi yi ng nakpata kpadji gba ani-o. A mo-o adi! A na pak me Bu Bhabua akpetse yi ngae. A mo-o adi! A na pak me Ebhe la di ngasuno bdha bh 'bu pi yi ngae. A mo-o adi!

² I nde lie mo-o, yi bedhe bua ma ne djali bedhe li kpadji nadu, ne li kpadji nadu ne muknda sonda yi, di ne li kpadji nadu ne makpetse na kukulu sonda yi.

³ Yi adu amene eng na bhayiki bhayiki de. Yi adu nabhi 'kpa yi pi mbulu yi li eng de. Eng bini, yi ke liyi ne kuto, yi du nau okpla koko me u ane yi mane.

⁴ Kpla ne kpla adu bha bini natsia eng gba e makpe de, eng bini, a ayo di natsia eng gba okpla koko uu.

⁵ Yi du bh ka yi ne ngua mabhundja li Yesu Kilisito adu nani ne e-o.

⁶ Belegu u aviti nani lie ne Ebhe-e bh dabili bini-e, ani kpo nani 'ndji e ne Ebhe de me ni du ndu 'kp hana maka ani-e de.

⁷ La-a, ani a'o k ndu 'ng bhomu-o hana, ani akolo bali, u atsia azu ani kpla-kuti.

⁸ Ani ak mat lie ne kuto, ani amanga Ebhe akolo bha makolo bh nakpi ka e,* inde u agi ani lie li kulusi-o.

⁹ Ka 'ng ango-o, Ebhe ngae makpe a'e'e ani ne abhl nane ndu ohe hana. Bh bdha bh 'bu gba e, ani atsia a'o 'ili li ani, inde ane ndu 'ili hana.

¹⁰ Ani amene mo-o ngubula me ndu 'he hana inde abhl di ne pla doto di ne asa doto,† kikita lipuku o kuto kala Yesu ng nadhege ani ka 'li ani-o,

¹¹ amba ndu okpla hana kpokpo mbmb me Yesu Kilisito ne Ngm.

* **2:8 2:8 Nakpi ka e:** Nani bh nedhinga gba omaYuda-a, u adu bha nani nagi li kulusi ongbengbe obhulu 'zi. † **2:10 2:10 Asa doto:** A ngasuno kuti gba okpla inde amu.

U mene mo-o, u tsia
dhégo di Ebhe 'Dyi
ani.

Yi du maka zi 'ke pila doto

¹² Kaka-a, ondaise ma na mukunda, maka yi amemene lie gomé gomé-o, yi manga Ebhe mamanga. Yi amánga bha bini ani ka de djila ma de. Engú bini, yi manga ani la matá ane mane nedhinga ní nde lie ne yi bhú dabili bini ade ko. Yi mene kulu liyi pi Ebhe ngubula nasuno me yi akobho, yi mene kulu ango-o bhú dabili bini ne nake liyi ne kuto.

¹³ Padhá de, anga Ebhe ngae makpe ngamene kulu li bua yi ngubula me yi du nakunda di ne namene ongú inde nganga li ni-o.

¹⁴ Bhú ndu kulu haná inde yi ngamene e-e, yi adú nadi matakono de, yi adú la di ne kpeke 'bhe de,

¹⁵ ngubula me kpála bini aú engú na sisiti napapa li yi de, di ne me yi du libhomu hana ndjindji, amba yi du ne ongisi gba Ebhe, ongisi inde li siti 'ngú nde bhú o ade. Yi ngakobho bhú ká osisiti okpála na doto inde. Yi du bhú ká uo maka zi 'ke inde ngasu masu,

¹⁶ padhá de, anga yi ngakpokpo pi uo eli na mukobho. Abhomu-o, li 'kpí li Kilisito agó lie, ma adú kala ani ne gindaginda kabula yi, anga bhobhomu-o asuno mbambá me kpéke kulu inde ma amene e bhú ka yi-e, ma mene padhá de.

¹⁷ Engú bini, nabhuka gba yi-e, a ko makiso inde yi ngaha e pi Ebhe-o. I du me u nde abhélé ma-a, bhobhomu-o du maka makiso gba ma inde ma a'o e pi bhende gba yi-o. I du mo-o, ma adú ne djali, ní tsia kpí djali ne ndu yi hana bhú dabili bini.

¹⁸ A ayo me ngayi di-e, yi du ne djali, amba yi kpi djali ne ma bhú dabili bini.

Polo atima Timoté bhú Filipo

¹⁹ I du me Ngámá Yesu nde akunda-a, ma ne 'to ma me ma tima Timoté agba yi sonda 'kpí inde, ngubula me ani gie lie-e, ani de kpokpo ngali gba yi-e muma, amba ani teteke bua ma maka ani adji di nateteke bua yi lie-o.

²⁰ Kpála koko ka ma ei ade inde ngabhundja maka ma, a ko bha bini ani. Ani a'o bua e kükülu li 'ngú gba yi-o.

²¹ Ndú okpála koko hana bha bini nga'o bua o li ongú gba o makpe, u bhundja bhende gba Yesu Kilisito-o de.

²² Timoté makpe, yi mbila ndjindji me a ko bádha kpála. Ne ma ne ani-e, ya amene kulu nakpokpo Bádha Ngali . Ani ateteke ma bhú kulu ango-o maka li ndili ateteke 'dyi e lie-o.

²³ Ma nga'o 'to ma me ma tima ani agba yi má gala, i du me u nde akodho 'ngú gba ma-a akodho-o.

²⁴ Ma ne nabhuka me, i du me Ngámá nde akunda-

a, ngama di-e, ma aní agba yi oo má gala!

makpe, i dú me yi dú nako sií-o.

Polo agie Epafalodite bhá Filipo

²⁵ Ndai ma Epafolodite inde yi atima nako e me aní go teteke ma li ndú ongú bhende aneke ka maa, ya amene kulu ne aní bhá dabili bini. Ya agú egú ne aní bhá dabili bini. La mbia inde-e, ma abhundja me a ndjindji me ma gie aní pi yi.

²⁶ Aní ne gumu naali me ni u matá ndú yi hana. Bua aní adú nako abhúlá, anga aní adje me yi ambila me adú nako li ni ne kuo.

²⁷ A na paká me a adú nako li aní ne kuo masíkpe de nakpi. La-a, Ebhe asuno bádha bhá 'bu gba e pi aní. Ebhe suno bha bini bádha bhá 'bu gba e pi aní de, aní asuno di muma ngubula me ma ásia matá likabhu pi koko nane mane de.

²⁸ Kaka-a, bua ma alá abhúlá má gba me ma gie aní pi yi, yi u matá aní, yi tsia kpi djali, amba muma-a, bua ma tsia ke.

²⁹ Li aní akólo lie oo, yi de sia aní ne djali anga a ko ndai yi bhá 'bu Ngámá. A ayo me yi manga ngua okpála bhende maka aní-e mämanga,

³⁰ anga aní di me kpi nako li tħala kulu gba Kilisito-o. Aní kpe kuo de, aní ateteke ma bhá da yi, maka a ayo nako lie me yi mene ngayi

3

Lele nadú ngingbili kala Ebhe

¹ Ondaise ma, 'li ma na soso pi yi-e ngae inde. Yi kpi djali anga yi ne okpála gba Ngámá. Ongú nako ma aye e pi yi kalanu-o, ma matá bha ngayeye ne toto. Ndala li ma téte ade, la pi yi-e, a ngubula nato masi bhá yi ne kalanu.

² Ma apa pi yi me, yi lila liyi ka okpála inde ngamene sisiti kulu-o malila. A ko obúlu. U bha bini ngau ngebéngbé engú nato okpála bhá gandja.

³ Nganí-e, ní ne okpála inde ngakodho kükülu gandja-a nganí, anga ní ngamene kulu liní pi Ebhe ne angu gba Bu Bhobua . Ní ne gindaginda anga ní ne okpála ka Yesu Kilisito . Ní 'o bua ní li ongú inde ngayie ka okpála-a de.

⁴ I dú me adú li ongú angoo ne tata-a, ma de a'ó di bua ma téte. I dú me kpála bini nde abhundja me ni ti da na'o bua ní li ongú angoo, ngama-a, ma ambila me ta na'o bua ma téte ane bhende gba aní-e mane.

⁵ Ngama-a, ma ne kükülu Ebele, azu ma ne oEbele. Ma ne maħsalaele, bhá piga gba Bendjame. U azu ma lie, u ato ma bhá gandja pita 'kpí madjina.* Li 'ngú bhende

* **3:5 3:5 Pita 'kpí madjina:** A akunda napa me pita 'kpí mananika u azu ndili lie.

atsia lili gba omaYuda-a, ma nako ne muFalisai .

⁶ Li 'ngú bhende atsia nakpata lili gba ní-e li lelele-e, ma adu nako nato mbolo li omakilisito. Li 'ngú bhende atsia nadu ngbingbili inde li u aye e bhú olili gba ní omaYuda-a, ma akpata ndundu hana má kpékébhé, ma ti belegu li susuka de bini.

⁷ Ma adu nako abhundja me ongú bhomu-o ti da nateteke ma. La-a, kabula Kilisito, ma au ndundu hana padhá.

⁸ Ma au ndu oehe inde adu ka ma-a hana me tata téte ade. Padhá de, anga i du me ma nde ambila Ngámá gba ma Yesu Kilisito ndjindji-e, bhabhomu-o ane muma ne bádha ngae. Ma atse ndu 'he hana kabula ani. Ma ngau ongú bhomu-o bhú djila ma maka zibotu ngubula me ma sia Kilisito,

⁹ di ne me ma du libhomu hana pi ani. Ma pá matá de me ma ngbingbili kala Ebhe anga ma ngakpata lili gba omaYuda-a de. Ehe inde nga'o ma ngbingbili kala ani-e, a ko mangbo ma abhuka Kilisito lie-o. Ebhe amene ngae me ma kolo ngbingbili anga ma abhuka ani.

¹⁰ Ma akunda bha koli 'he bini. Ma akunda me ma mbila Kilisito, a la di-e me ma mbila angu inde azuku ani-o. Ma akunda la di me ma zu likabhu maka ani azu nani lie-o. Ma tsia du bedhe ngú nakpi pi ani maka ani akpi nani lie muma-o,

¹¹ ngubula me i du me Ebhe nde akunda-a, ma de zuku di maka ani.

¹² Ma abhi 'kpa ma pí mbulu ma de me ma asia oehe bhomu-o asia, di ne me ma akolo ali soso akolo-o de. Engú bini, ma ngamene ne kpéke me ma sia oehe bhomu, anga Yesu Kilisito aholo 'kpa ma makpe ngae.

¹³ Ondaise ma, ngama-a, ma pa de me ma asia oehe bhomu-o asia de. Koli 'he bini inde ma ngamene e-e, a ko napa me ma 'ili 'to ma li ongú bhende akodho 'kpí akodho-o, amba ma mene ne kpéke me ma nu ne kalanu.

¹⁴ Ma ngagu holo ne kalanu ngubula me ma kolo li bili inde ma a'o bua ma lie-o, amba ma sia makalá li Ebhe nga'i ní ngú e abhálá, kabula engú inde li Yesu Kilisito amene e pi ní-o.

¹⁵ A ayo me, nganí obhende inde abhele li kpadji gba Ebhe-e abhele-e, ní du nabhundja moko. I du la me kpála koko nde ngabhundja kpi-e, Ebhe ambámba tata pi ani mambamba.

¹⁶ Belegu i du bha pi-ie, ní kpata bha kpadji inde ní akpata e nakolo pi mbia inde-e ko.

¹⁷ Ondaise ma, ndu yi hana yi kpata nganda ma. Yi bangá djila yi li okpála bhende ngadhukú maka ya apána lie pi yi ko.

¹⁸ Ma pa mo-o padhá de, anga okpála bhalé ngadholo maka obhálu yala gba Kilisito kabula nakpi ka ani li kulusi-o. Ma apa 'ngú

bhomu-o pi yi bhutsibhutsi. La mbia inde-e, ma matá ngapapa ne ngula bhu djila ma.

¹⁹ Li 'so 'kpí-e, u anu bhu djua. Padhá de, anga ebhe gba uo-o, a ko 'bu uo. Uo ne gindaginda li ongú inde a ayo me u dje numu li e-o. U bha bini ngabhundja ongú na doto.

²⁰ La pi ní-e, kuti gba ní-e abhulá. Ní ngadjeko Ngámá gba ní Yesu Kilisito, inde di mukobho gba ní-e me ani yie abhulá, amba ani go.

²¹ Ani agó lie, ani ayípa kute ní na mbolo inde-e me akolo maka kute ní na angu. Ani améne mo-o ne angu inde ani di ngako angu e pi ndu 'he hana ne e-o.

4

¹ I du mo-o, ondaise ma na mukunda, yi lu kpekpeke bhu Ngámá. Ma kunda yi naali, ma ne gumu me ma u matá yi. Ma ngakpi djali kabula yi, ma la di ne gindaginda kabula yi.

Polo aha olíli na soso

² Kikiliako, Evodia ne Sitika, ma ayo ka yi me yi du ne guo 'ngú sunda yi, anga yi ne okpála gba Ngámá.

³ Ma ayo di ka mu ndai ma na mukunda, teteke olisi bhisi bhomu-o mateteke, anga ya amene kulu ne uo kpekpeke, ya atsia azu di likabhu ne uo bhu dabili bini ngubulu Bádha Ngali, di ne Kelema, a la di-e ndu ondaise ma koko hana inde ya amene kulu gba

Ngámá ne o ko. U aye ndu 'li uo hana bhu bhuku na mukobho.

⁴ A ayo me yi kpi djali ndu 'kpí hana anga yi ne okpála gba Ngámá. Ma matá ngapapa ne foto me, a ayo me yi 'kpí djali.

⁵ A ayo me yi du ne bhuku bua pi ndu okpála hana. Yi mbila hana me Ngámá agó mbia.

⁶ Bua yi agúku belegu ka 'ngú bini de, engú bini, yi yo mangbo ka Ebhe ndu 'he hana yi nde ne gumu e-o. Yi yo ani bhu nedhinga hana. Yi yo ani, amba yi gie hení pi ani.

⁷ I du me yi nde amene mo-o, li Ebhe há guo 'ngú gba e inde ane ndu imbilangu hana-a pi yi. Guo 'ngú ang-o-o alila bhabua yi bhu dabili bini di ne mabhundja gba yi-e, anga yi ne okpála gba Yesu Kilisito .

⁸ Ondaise ma, 'li ma na soso pi yi-e ngae inde: a ayo me yi mbila liyi ne nabhundja pindji obabadha ongú, li okpála atotoko e-o. A ko 'ngú inde li eu nde bhu e ade, engú inde ngingbili, engú inde li zibotu nde bhu e ade. A ko 'ngú inde nganga li okpála, engú inde li lelele.

⁹ Ongú inde ma akpokpo e pi yi, inde yi aziba e, ongú inde yi adje e bhu 'bho ma, yi au ma ngamene e-e, yi mene ongú bhomu. Abhomu-o, Ebhe inde ahaha guo 'ngú pi ní-e du bhu dabili bini ne yi.

*Polo agie heni ngubula
oehe inde u atima e pi ani-o*

¹⁰ Ma ngakpi djali naali bhú Ngámá anga yi amata abhundja ma. A na paká me yi adú nako nabhundja ma kalanú. Engú bini, kpadji dú nako de me yi teteke ma-a de. Nedhinga ane la bhadi naali me yi nde teteke ma de.

¹¹ Ma pa mo-o ka 'ili de me ma bhú ndibhili-e de. Padhá de, anga ma ambila líma ne nagili nganda ma bhú ndú nedhinga hana.

¹² Ma ambila líma ne nakobho bhú ndibhili, ma ambila di líma ne nakobho bhú nedhinga li ehe nde lie ka ma bhelé. Ma ambila líma ne nadú ndjindji ne ndú bili hana, ne bhú onedhinga hana, belegú li ehe nazú mazú dú ka ma, belegú li nedhinga na gúmu, belegú li ehe dú ka ma bhelé, belegú ma dú bhú ndibhili.

¹³ Ma ti da nakibila ndú ongú bhomú-o hana ka angu gba Yesu Kilisito inde bhú ma-o.

¹⁴ Belegú inde lie mo-o, yi amene ndjindji ngubula nateteke ma li nedhinga ma ngazu likabhu lie-o.

¹⁵ Ondaise ma na gúdhú na Filipoi, yi mbila hana me nedhinga ma abhúka nakpokpo Bádha Ngali lie bhú ndu doto gba yi na Makedonia-a, ateteke bha bini ma ne Dadjua gba yi-o. Dadjua koko bini ade inde ya amata 'kpa ya ne e.

¹⁶ Padhá de, anga ma adú lie bhú Tesalonike-e, yi

atima ehe inde ma adú ne gúmu e múma bhútsibhútsi.

¹⁷ A ko de me ma ngagili makalá-a de. Engú bini, ma ngagili mangbo me Ebhe suno bádha bhú 'bu gba e pi yi ane mane ka ohe yi ngapú e múma-o.

¹⁸ Ma asia ndú 'he hana inde yi atima e múma-a, ane belegú bhende ma adú ne gúmu e-o. Li ma au oehe li Epafolodite ago múma ne e lie, ehe bini neke matá ka ma de. Oehe ango-o maka makiso inde u ahaha e pi Ebhe, inde li se e nde li Ebhe ndjindji, inde di nganga li Ebhe manga.

¹⁹ A ka Ebhe gba ma-a ne bhiti ehe na bhibhiti. Aní ahá pi yi ndú 'he hana yi nde ne gúmu e-o. Aní ahá pi yi li kpadji gba Yesu Kilisito.

²⁰ A ayo me u dhége Ebhe 'Dyi ní duduama ne duduama. A adú moko!

Polo abhana lie pi omabhuka na Filipo

²¹ Yi yi ndú okpála hana inde li Yesu Kilisito abhú o me u dú ne okpála gba ni-o. Ondaise ní ya nde ne o ei-e, yi di yi mayi.

²² Ndú omabhuka koko hana inde ei yi yi mayi, ane la mane obhende ngamene kulu bhú 'ti gba 'ngbé ngámá na LomaKaisala-o .

²³ A ayo me Ngámá Yesu Kilisito suno bádha bhú 'bu gba e pi yi.

Balua gba Polo pi omabhuka na gudhu na Kolosai Eli na kalanu

Polo aye nani balua inde pi okpala na Dadjua na Kolosai, gudhu na Adji Minele ne Efeso. Dadjua ango-o, Polo 'o nani ngae de, la-a, adu nani bhú ndu doto inde li Polo adu atsia 'kpí lie ngae. Abhomu-o, ani atsia atima okpala na kulu nayie bhú Efeso, 'ngbé gudhu na ndu doto na ngamá gba okpala na Loma inde bhú Adji-o. Padhá de, anga Polo adje nani me omusuno na eu abhú Dadjua na Kolosai. Ta ngú nasuno ango-o adu me ngubula nambila Ebhe ne nadu ne mukobho na kükülu-o, a ayo nadhögé obhelesi okpala koko di ne ongámási na Ebhe. La-a, omusuno bhomu-o apa me, a ayo naziba namene ongú koko maka nakodho gandja, amba u kpata li lelele ongú pindji oehe nazu mazu, ne pindji ongú koko.

Polo aye balua pindji nasuno na kükülu gba makilisito ngubula naboyo onasuno na eu ango-o ko. Engú na ngbéngbé ani agie e, a ko me Yesu Kilisito ne angu ngú naha mukobho na kükülu. La-a, omabhuka koko ne ndu ongú u ngamene e ngato bha kpala bhú ngita. Li pápá gba

Kilisito, Ebhe abho doto. La di li pápá gba ani-e, Ebhe atsia agie ndu oehe na doto hana pi ani. Yi du bhú makpetse ne Kilisito de-e, mukobho du pi okpala na doto de. Pipita-a, Polo ngapano mbámbá nasuno inde ngbéngbé inde pi omabhuka ngubula mukobho gba o-o.

Tisike inde anu ne balua gba Polo abhú Kolosai-e, adholo bhú dabilí bini ne Onezime inde bali li Polo aye balua li 'ngú gba e pi Filemo-o.

Ongbengbe ongú inde bhú bhuku inde-e ngae inde:

Eli na kalanu 1:1-8

Mukobho gba Kilisito ne kulu gba e-o 1:9 - 2:19

Mukobho na mbia bhú Kilisito 2:20 - 4:6

Eli na soso 4:7-18

Polo yi omabhuka na gudhu na Kolosai mayi

¹ Ngama Polo, ma ne bhul titima gba Yesu Kilisito . Padhá de, anga Ebhe akunda ngae, a la die-e Timoté, ndai ní. Ya aye balua inde-e

² pi okpala na bububu di na ngbingbili gba Ebhe inde bhú gudhu na Kolosai, ondaise ní na mukunda inde abhuka Kilisito. A ayo me Ebhe 'Dyi ní tuko bisagu pi yi, amba ani ha di guo 'ngú pi yi.

Polo agie hení pi Ebhe

³ Ya ngagie hení pi Ebhe, 'Dyi Ngamá gba ní Yesu Kilisito ndu nedhingga hana ya ngayo Ebhe pi yi lie-o.

⁴ Padhá de, anga ya adje engú pindji nabhuka gba yi bhú Yesu Kilisito, di ne mukunda yi nde ne e pi ndu obubu okpála gba Ebhe-e hana-o.

⁵ Li ngali na kúkulu 'ngú, inde Bádha Ngali akolo lie bhútsibhútsi na kalanu agba yi-e, yi atsia ambila 'ngú li engú inde li Ebhe awo e pi yi abhúlá-o. Abhomu-o, nabhuka gba yi ne mukunda gba yi-e atsia alu pí engú inde yi nga'o 'to yi 'to e angoo-o.

⁶ Bádha Ngali angoo-o ngayangba, a la di ngazu nguwa píla doto libhomu. A amene bhadí pi yi moko li 'kpí inde yi adje engú lie pindji bádha bhú 'bu gba Ebhe-e lie-o, di ne yi ambila lie me bádha bhú 'bu angoo-o kúkulu-o.

⁷ Epafaladje, ndai ní na mukunda bhú kulu apa engú angoo-o pi yi ngae. Ani ngamene kulu pi yi maka kpála na kulu na kúkulu gba Kilisito.

⁸ Ani akpokpo 'ngú pi ya pindji mukunda inde li Bu Bhobua aha e pi yi-o.

⁹ Kaka-a, nayie li ekpí ya adje engú gba yi-e lie-e, ya ndala li nayo Ebhe pi yi de. Ya la di ngayo ka Ebhe me ani ha imbílangu na kpokpo kú 'ngú inde ngayie ka Bu Bhobua gba ani-e pi yi. Abhomu-o, yi tsia mbíla 'ngú inde ani akunda me yi mene e-o.

¹⁰ Yi tsia kóbho maka li Ngámá akunda lie-o. Yi tsia méne di ndu 'ngú hana inde ani akunda e-o. Yi méne ndu 'ngú na babadha hana, yi tsia mbíla Ebhe ndjindji.

¹¹ Ya ngayo ka Ebhe me ani bedhe yi ne angu na asasaua gba e bhú ndu 'ngú hana, ngubula me yi kibila ndu 'ngú hana ne 'ndjá bua.

¹² Yi gie hení pi 'Dyi ní Ebhe ne djali hana. Padhá de, anga ani aha angu pi yi ngú nasia tia inde ani awo e pi okpála gba e bhú kuti na mündeyi na zi 'ke-o.

¹³ Ani agbegbe ní bhú angu na biti, ani atsia a'o ní bhú kuti gba e na mündeyi gba Ndili gba e na mukunda-o.

¹⁴ Li pápá gba ani-e, Ebhe agbegbe ní bhú bali. Ani atsia ambu di li siti 'ngú gba ní-o.

*Lele maka li Yesu Kilisito
nde lie, la di ne kulu gba e-o*

¹⁵ Ebhe inde u ti da nau e de-
e ngau lie bhú Kilisito.

A ko Ndili na kalanu,*
inde di pi 'ndji ndu 'he hana
li Ebhe abho e-o.

¹⁶ Padhá de, anga Ebhe abho
ndu 'he inde abhúlá
ne bhende
akuto-o hana li pápá gba
ani:

oehé inde u ngau e,
ne bhende u uu e de,
osisiti bua inde ngau abhúlá,
ne píla doto, inde la di
ne angu.

Ebhe abho ndu 'he hana
li pápá gba ani.

* **1:15 1:15 Ndili na kalanu:** A akunda napa me: ani adu nani bhú mukobho kala ndu 'he hana inde li Ebhe abho e-o.

Aní abho la di ndú 'he ango-o hana pí aní.

17 Kilisito bhú mukobho kala ndú 'he hana.

La di-e, ndú 'he hana ìnde bhú mukobho-o alá li kute aní.

18 Ngaani-e, a ko 'ndjí kute, ìnde Piga gba Ebhe-o.

Mukobho na mbia-a akpo lita e bhú aní, aní ne Ndili na kalanú-o ngae.

A ko kpála na kalanú ìnde u azuku e bhú ká okpála ìnde amu,

ngúbula me aní dú kpála na kalanú bhú ndú 'he hana ngae.

19 Padhá de, anga Ebhe apa me ni adú ndú 'kpí hana bedhe má kpaka bhú Ndili gba ni-o.

20 La di-e, aní agie nadje lio ne ndú 'he hana li pápá gba Ndili gba e-o.

A na paká me li Kilisito atuko ngute e lie li kulusi-e,

aní agie nadje lio ka Ebhe ne ndú 'he hana inde abhúlá, di ne bhende píla doto-o.

21 La ngayi-e, yi adú nani de Ebhe tsutsu. Yi adú obhúlú yala gba aní ka ndú sisiti 'ngú hana ìnde yi adú abhundja e, di ne bhe yi adú amene e-o.

22 Engú bini, kabula nakpi ìnde li Ndili gba aní akpi e li kute e-e, Ebhe aholo matá nadje lie ne yi. Aní amene mo-o ngúbula me yi kolo kala ni bubu, amba yi adú

bhú zibotú de, yi adú la di bhú siti 'ngú de.

23 Kaka-a, a ayo me yi lu kpekpeke bhú nabhuka. Yi ayié li kpadjí na Bádha Ngali-e de, anga a ko ehe ìnde ní nga 'o 'to ní 'to e ko. Yi adje Ngali ango-o, u atsia akpokpo di pí ndú okpála hana. Ngama Polo, ma akolo kpála na kulu na Bádha Ngali ango-o.

Polo ngadje likabhu, aní di ngagú gbele ngú omabhuka

24 Mbía ìnde-e, ma ngakpi djali ngú likabhu ìnde ma ngazú e ngúbula yi ko. Padhá de, anga bhú kute ma-a, ma ngabedhe bhomú-o bhé likabhu ìnde li Kilisito a neke e ngúbula kute e, ìnde Piga gba Ebhe-o.

25 Ma akolo kpála na kulu na Piga gba Ebhe, nakpata lele kulu ìnde li Ebhe aha e múma ngúbula yi-o. Aní aha múma kulu nakpokpo ngali gba e hana.

26 Ngali ango-o, a ko engú gba aní ìnde aní awo nani e bhútode pí ndú okpála hana. Engú bini, mbia ìnde-e, aní ambamba tata pí omabhuka gba e-o.

27 Padhá de, anga Ebhe akúnda nambamba ta engú gba e ìnde aní awo nani e mawo-o pí uo. A ko engú ìnde ndjíndjí naali, ne asasaua, ìnde aní aleke e pí ndú okpála hana. Engú ango-o ngae ìnde: Kilisito bhú yi, aní atsia apa pí yi ndjíndjí me yi alí bhú

Asasaua gba Ebhe inde yi nga'o 'to yi 'to e-o.

²⁸ Kaka-a, ya ngakpokpo ngali gba Kilisito pi ndu okpála hana. Ya ngagbele 'dje okpála ne na ha lili pi uo ne imbilangú hana, amba kpála ne kpála bhele bhú nabhuka bhú nakpétse lió ne Kilisito.

²⁹ Kaka-a, ma ngamene kulu, ma la di ngagú gbele ne angu inde ayie ka Kilisito, inde la di ngamene kulu bhú ma ne angu hana-o.

2

¹ Ma akunda me yi mbila ndjindji me gbele inde ma ngagú e ngú yi-e kpekpeke. Ma ngagú gbele ango-o pi okpála na Laodikia, la di pi okpála koko inde i u nga ma de-o.

² Ma akunda me bua uo bedhe ne masi bedhe. U du bini bhú mukunda, u du la di ne djali hana bhú engú li imbilangú na kükülu-o ngaha e-o. U tsia ti da nambila engú gba Ebhe inde awo li e mawo-o. A akunda napa me, a ko Kilisito ngae makpe.

³ Ndu otia na imbilangú hana inde ayie ka Ebhe-e awo lie bhú ani.

⁴ Ma ngapa 'ngú bhomu-o, amba kpála bini apite yi ne babadha eli na eu de.

⁵ Abana ma nde lie de yi tsutsu bhú kute-e, ma ne yi bhú dabili bini li bhobua. Ma la di ne djali ngú nau me agba yi-e, ndu 'ngú hana ngadholo li kúkú, yi alu la di

kpekpeke bhú nabhuka bhú Kilisito.

Yi li kpekpeke bhú nabhuka inde u asuno e pi yi-o

⁶ A na paká me yi asia Yesu Kilisito maka Ngámá. Kaka-a, yi du bhú makpétse ne ani.

⁷ Yi to sie yi bhú ani, mukobho gba yi du la di me a nde alu bhú ani. Yi du ndu 'kpí hana me yi nde alu kpekpeke bhú nabhuka, nakpata lele nasuno inde yi asia e-o. Yi bedhe ne nagie hení pi Ebhe.

⁸ 'Ee! Yi lila liyi me kpála bini aholo yi li ekú ne obabadha oeli na eu, di ne imbilangú gba kpála-kuti de. Padhá de, anga a ngalú pi nasuno gba okpála, a di ngalú pi angu na obua na doto inde. A alu pi Kilisito de.

⁹ Padhá de, anga ndu 'ngú hana inde bhú Ebhe-e asia kute bhú Kilisito. A la di ngadú hana libhomu bhú ani.

¹⁰ Yi asia la di ndu 'ngú hana má kpékébhé bhú Kilisito. Ngaani-e, ani ne angu pi 'ndji osisiti bua inde ngaú, inde la di ne angu-o.

¹¹ Bhú nakpétse liyi ne ani-e, yi ali gandja. Gandja ango-o, akodho ne 'kpa kpála de. Engú bini, gandja ango-o ayie ka Kilisito, ngubula nagbegbe yi bhú 'ngú inde adu ato yi bhú siti 'ngú-o.

¹² Padhá de, anga li yi asia batismo lie-e, u azi yi bhú dabili bini ne Kilisito.

Yi atsia azuku la di bhú dabili bini ne ani. Padhá de, anga yi abhuka angu gba Ebhe inde azuku ani bhú ká okpála inde amu-o.

¹³ Nani kalanu-o, yi adu me yi nde amu li bhobua yi amu kabula siti 'ngú gba yi-o. Padhá de, anga yi adu me yi nde li gandja de. Yi adu la di omúpagano. Engú bini, mbia inde-e, Ebhe amene me yi du bhú mukobho ne Kilisito. Ani ambu li sisiti 'ngú gba ní-e hana.

¹⁴ Ani abulú balua inde adu na'o 'ngú pí ní, inde adu di napa 'ngú li ní sisiti ka ongú inde u aye e bhúbhú-o. Ani abhóle engú ango-o li u abhi ani lie li kulusi-o.

¹⁵ Ka kulusi gba Kilisito-o, Ebhe a'e angu gba osisiti bua inde ngau, inde la di ne angu-o. Ani atsia asuno nayie ka uo mbámbá maka okpála na 'kpú inde ngadhukú bhú galasisi li Ndili gba ani aha angu uo lie-o.

¹⁶ Kaka-a, yi a'ó kpála bini de me ani 'o 'ngú pí yi pindji ezú inde yi nde ngazú e, di ne engu inde yi ngandji e, i du di-e pindji engú na anokomia, i du di-e ne epe inde akoto na mbia, di ne ekpí naguo de.

¹⁷ Ndú ongú bhomu-o hana ne kulu ongú na babadha inde ngago-o. Engú bini, engú na kúkulu-o ne Kilisito.

¹⁸ Yi a'ó de me kpála bini 'o 'ngú pí yi-e de, okpála inde ngakpi djali bhú nake lio ne

kuto bhú namene ongú inde ngau lie mau-o de. La di ne bhú nayo oandjelu maka Ebhe-e, u ngaha lio pi ongú inde u ngau e-o. U abedhe ne 'ngbé 'ndjì li tata nde lie ade, li mabhundja gba o na kpálakuti ngatima me u mene e-o.

¹⁹ U ngayala nagbite lio li Kilisito inde maka endji na kute. Padhá de, anga kute ango-o libhomu ngasia angu ka Kilisito, a ngagbite la di lie bhú dabili bini maka li Ebhe akunda lie-o.

Yi amu bhú dabili bini ne Kilisito, yi la di ngakobho bhú dabili bini ne ani

²⁰ Li yi akpi lie bhú dabili bini ne Kilisito, yi atsia akoto bhú bali sakpa obua inde ngau pí doto-o, la ka ní yi ngamene 'ngú lie maka okpála na doto? Ka ní yi aziba lie me u ha olíli pi yi me:

²¹ mo ohá ehe inde-e de. Mo olé ehe inde-e de. Mo obú 'kpa mu téte de.

²² Angu na ndú 'he bhomu-o ngandjia hana má kpékébhé nedhinga li okpála ngamene kulu lie ne di-o. A bhomu-o olíli di ne nasuno gba okpála.

²³ A na paká me olíli bhomu-o ngau lie maka bhende na imbilangú. Padhá de, anga a ngagama 'ngú pindji mayo gba okpála, di ne nake lio ne kuto di ne namene kute o kpekpeke. Engú bini, olíli ango-o ne angu bini ade ngabula na ha angu gúmu na sisiti gba kute ní-o.

3

Yi gili ongú inde abhúlá

¹ Yi azuku bhú dabili bini ne Kilisito . Kaka-a, yi gili ongú inde abhúlá li bili li Kilisito adú lie li pá 'kpa na kokpa gba Ebhe-o.

² Yi ha liyi libhomu ngubula engú na abhúlá. Yi adú ne na ha liyi ngubula engú na píla doto inde-e de.

³ Padhá de, anga yi amu, mukobho gba yi atsia awo lie bhú dabili bini ne Kilisito bhú Ebhe.

⁴ Mukobho gba yi na kükülu-o ne Kilisito. La di-e, li ani asúno lie lie, yi azé bhadi ne uo bhú sangu-o bhú dabili bini.

⁵ Kaka-a, yi bhéle ogumú na doto inde li bhobua yi-e mabhéle: a ko zabhe, zibotú, gumú kute, gumú na sisiti, gumú 'he inde maka nayo ebhe na eu-o.

⁶ Ongua ongú bhomú ngagbele ke 'ngú gba Ebhe-e pí okpála inde ngandjo 'li ani-e ngae.

⁷ A bhomú-o lele maka yi adú nani lie li nedhinga yi adú amene siti 'ngú lie-o.

⁸ La mbia inde-e, yi bala ndú ongú bhomú-o hana: ndú bua, nake 'ngú lio, ne siti bua. Sobho ne siti 'li akótó bhú 'bhé yi de.

⁹ Yi apá eu sunda yi de, anga yi a'o ká mukobho gba yi na didili-e ne ndú 'ngú ango-o hana.

¹⁰ La di-e, yi akolo bhú mukobho na mbia, anga yi akolo okpála na mbia inde li Ebhe ngamene lie me u kolo

maka ni Ebhe gba yi, amba u mbila ni ndjindji.

¹¹ Kaka-a, mbia inde-e, angu napa me: a inde-e omaYuda, obhende ne omaYuda ade, a inde-e okpála ali gandja, obhende i li gandja de-e matá ade. Ogandji okpála , di ne obhende i mbila lio ne nakobho ne okpála bhende bhú bali ade-e matá di ade. Obalise, ne okpála bhende bhú bali ade-e matá di ade. Engú inde pi ní ngbéngbé-e, a ko Kilisito, inde ale pi ní bhú ndú 'ngú hana.

¹² Yi ne okpála gba Ebhe. Ani abhú yi, ani la di ne mukunda pi yi. Kaka-a, a ayo me yi du ne ndjinga. Yi du ne bádha bua. Yi kó liyi ne kuto. Yi du ne guo 'ngú di ne 'ndjá bua.

¹³ Yi kibila liyi sunda yi makibila, amba yi du di ne mambu. Li kpála du ne engú ne kilí e-e, ani de mbu li ani maka Ngámá ambu nani li yi lie-o.

¹⁴ Bhú ndú 'ngú bhomú-o hana-a, yi du ne mukunda sunda yi, anga mukunda ne ekpú inde ngagbite yi bhú dabili bini.

¹⁵ A ayo me guo 'ngú gba Ebhe-e si kuti e li bua yi. Ebhe a'i yi kabula guo 'ngú ango-o me yi du bhú koli kute bini. Yi du okpála inde ngagie hení pi Ebhe.

¹⁶ A ayo me eli gba Kilisito ne obabadha ndú 'ngú gba ani-e hana adú li bua yi. Yi suno ongú sunda yi, amba yi ha la di líli sunda yi ne

imbilangú hana. Yi li ndú oetsi hana pí Ebhe ne bua yi hana, di ne nagie hení pi ani.

¹⁷ Ndú 'ngú hana inde yi ngamene e, i dú bhú nagama 'ngú, i dú di-e bhú namene ehe-e, yi mene ne 'li ngámá Yesu, ne nagie hení pí 'Dyí ní Ebhe li pápá gba ani.

Engú inde a ayo me omab-huka kpata e bhú mukobho na mbia-o

¹⁸ Ngayi olisi-e, yi manga obhosí gba yi-e mamanga maka a ayo lie me yi mene kala Ngámá-o.

¹⁹ Ngayi obhosí-e, yi dú ne mukunda pi olisi gba yi-o. Yi aná bhúla yi pí uo de.

²⁰ Ngayi ongisi-e, yi mene lílì gba okpála inde azu yi-e bhú ndú 'ngú hana. Padhá de, anga a bhomú-o engú inde li Ngámá akunda e-o.

²¹ Ngayi odyí ongisi-e, yi adú nambembe bhú 'ndjí ongisi gba yi-e de, amba bua uo asia ndala de.

²² Ngayi obalise-e, yi mene lílì gba omakúlasi yi píla doto bhú ndú 'ngú hana. Yi améne bha bini li nedhinga u nde ngalila yi lie ngubula me u ziba yi-e de. Engú bini, yi mene lílì gba uo-o ne bua bini kabula yi ngamanga Ngámá lie-o.

²³ Bhú ndú 'ngú hana yi nde ngamene e, yi mene ne bádha bua mugito me yi ngamemene pí Ngámá. A au

lie de me yi amene pí kpála de.

²⁴ Yi mbila ndjindji me Ngámá ahá makalá pí yi mahá. Yi asia bádha 'ngú inde ani a'o e pí okpála gba e masia. Padhá de, anga Musuno na kükülu inde yi ngamene kulu pí e-e, a ko Kilisito.

²⁵ Engú bini, kpála inde amemene siti 'ngú-o, asia makalá na siti 'ngú gba e-o. Padhá de, anga Ebhe gbogbo bhúsú okpála de.

4

¹ Ngayi omakúlasi okpála-a, yi mene obalise gba yi-e ndjindji. Yi dú di pí uo ne ngibili 'ngú . Yi mbila ndjindji me ngayi-e, a di ka yi ne Makúla yi inde abhúlá.

Lílì pi omab-huka

² Yi gbite liyi li mayo. Yi dú li zákú bhú nayo Ebhe ne nagie hení pí ani.

³ Bhú mayo gba yi-e, yi yo Ebhe di pí ya, amba ani ha kpadjí pí ya ngú nakpokpo eli gba ani, di ne nakpokpo engú inde awo* lie bhú Kilisito-o . Padhá de, anga ma mbia inde bhú tikpú kabula 'ngú ango-o.

⁴ Yi yo ka Ebhe me ma kpokpo 'ngú li 'ngú inde awo lie bhomú, di ne me ma suno mbámbá maka a ayo lie-o.

⁵ Yi dhákú bhú ká okpála inde ne omakilisito ade-e ne imbilangú, ne namene kulu

* **4:3 4:3 Engú inde awo lie:** A ko ngali gba Ebhe inde u mbila nga nani e kalanu de-o. Ngali ango-o, a ko Kilisito.

ndjindji bhú ndú nedhinga gba yi-e hana.

⁶ A ayo me 'li yi dú ndú 'kpí hana ndjindji, ati la di li bua okpála. Yi mbila liyi ne nagie bádha 'li pi ndú okpála hana.

Polo bhú dabili bini ne obi e yi omabhuka mayi

⁷ Tisiko akpókpo ngali gba ma pi yi ngae. A ko ndai ní na mukunda, a ko bádha kpála na kulu. A ko kpála na kulu na kúkúlú bhú dabili bini ne ma bhú kulu gba Ngámá-o.

⁸ Kaka-a, ma atima ani ngaani makpe agba yi ngú nakpokpo lele maka ya nde lie pi yi, di me ani to masi bhú yi.

⁹ U adhukú bhú dabili bini ne ndai ní na mukunda inde la di ngbingbili, Onezime inde súka yi-o. U akpókpo ndú 'ngú inde ngakodho 'kpí ei-e pi yi hana.

¹⁰ Alisitaluko inde bhú dabili bini ne ma bhú tikpu-o, yi yi mayi. A la di-e Maloko, dhongba gba Balan-abasi-o. Yi adje engú pindji Maloko adje, i dú me ani nde anú agba yi oo, yi de sia ani ndjindji.

¹¹ Yesu, inde u agisila 'li e me Djusitusi-e, yi di yi mayi. Bhú ká omaYuda inde abhuka-a, a ko bha bini okpála bata bhomu, inde ngamene kulu bhú dabili bini ne ma ngubula Naú gba Ebhe-o . U ateteke ma naali.

¹² Epafalasi, inde di ne súka yi-e, yi yi mayi. Ngaani inde kpála na kulu gba Yesu Kilisito-o, ndala li nayo Ebhe pi yi de. Ani ngayo Ebhe me yi dú omakilisito na kúkúlú, amba yi mene la di ndú 'kpí hana engú inde li Ebhe akunda e-o.

¹³ Ma ti da napa li ani pi yi me, ani ngadje likabhu naali pi yi, pi okpála na gúdhú na Laodikia di ne pi obhende na Yelapolis.[†]

¹⁴ Luka, mütia gba ní na mukunda, di ne Demasi yi yi mayi.

¹⁵ Yi yi ondaise ní na Laodikia di ne obhende na Nimifia bhú dabili bini ne Dadjua gba Ebhe inde bhú 'ti gba ani-o.

¹⁶ I dú me yi nde atanga balúa inde-e, yi de tima pi omabhuka na Dadjua na Laodikia, amba yi tanga di balúa inde ayie ka uo oo-o.

¹⁷ Yi pa pi Alukipo me: «Mene kulu gba Ngámá inde u a'o e sakpa mu-o ndjindji.»

¹⁸ Ma aye engú nayi yi bhomu-o ngama ne 'kpa ma makpe. Ma ayi yi mayi. Yi a'fili 'to yi de me ma bhú tikpu-o de. A ayo me bádha bhú 'bu gba Ebhe-e dú bhú dabili bini ne yi.

[†] 4:13 4:13 Ogudhú bhisi inde-e, a de gúdhú na Kolosai.

Balua na bini gba Polo pi omabhuka na gudhu na Tesalonike Eli na kalanu

Tesalonike ne 'ngbe gudhu ngamá gba okpala na Loma na Makedonia-o. Polo a'o nani Dadjuwa gba Ebhe oo pita nayie ka ani bhú Filipo-o. Má gala kolo me-e, omaYuda adu ne botolo u atsia adu agu ani. Padhá de, anga engú gba Kilisito inde li Polo adu akpokpo e adu anu bha ne kalanu bhú ká okpala inde ne omaYuda ade inde aziba engú na Ebhe gba omaYuda-o. Kaka-a, Polo ayie bhú gudhu na Tesalonike ani akodho 'kpí bhú gudhu na Beloya. Pita ani akolo lie bhú gudhu na Kolito-o, Polo asia ngali ka kili e Timoté inde u adu amene kulu ne e-e, pindji mukobho na Dadjuwa gba Ebhe inde abhu gudhu na Tesalonike-o.

Polo aye balua na kalanu pi omabhuka na Tesalonike ngú nato masi di ngú nake bua omakilisito kuto. Polo atsia asia nedhinga bhomu ngú napa pi uo me u du bha namene kulu me u nde a'o bua o kuto me u nde ne 'to o 'to nago gba Kilisito-o.

Ongbengbe ongú inde bhú bhuku inde-e ngae inde:

Eli na kalanu 1:1

Nagie henin ne natoko 1:2 - 3:13

Lili ngú mukobho gba makilisito 4:1-12
Olili pindji nago gba Kilisito 4:13 - 5:11
Nato masi na soso 5:12-22
Eli na soso 5:23-28

Polo ne obi e yi omabhuka na gudhu na Tesalonike mayi

¹ Ngayi omabhuka na Dadjuwa gba 'Dyi ni Ebhe, di ne Ngamá gba ni Yesu Kilisito na gudhu na Tesalonike-e, ya yi yi mayi. Ma aye balua inde-e ngama Polo bhú dabili bini ne Silivano di ne Timoté. A ayo me bádha bhú 'bu ne guo 'ngú gba 'Dyi ni Ebhe di ne Ngamá gba ni Yesu Kilisito-o du ne yi bhú dabili bini.

Mukobho di ne nabhuka gba okpala na Tesalonike

² Ya ngagie henin pi Ebhe piko ngubula ndu yi hana. Ya la di ngabhu 'li yi ndu nedhinga hana ya ngayo Ebhe lie-o.

³ Nedhinga ya ngayo Ebhe lie, ya ngagie henin pi Ebhe 'Dyi ni ndu nedhinga hana li ongú inde: yi ngamene kulu pi Ebhe anga yi abhuka Yesu, yi ngateteke okpala anga yi ne mukunda pi uo, yi alu kpekpeke bhú nabhuka gba yi nedhinga u ngato mbolo li yi lie, anga yi ngabhuka me Ngamá gba ni Yesu Kilisito agie lie magie.

⁴ Ondaise ya, ya di ngagie henin pi Ebhe, anga ya ambila ndjindji me Ebhe akunda yi, ani atsia abhu di yi ngú nadu piga gba e makpe.

⁵ Padhá de, anga nedhingga ya adú lie agba yi-e, ya kpokpo bha bini Bápda Ngali pi yi ne 'li ya de, engú bini, ya akpokpo Bápda Ngali ango-o bhú dabili bini ne angu di ne Bu Bhopua. Ya adú ambila di ndjindji me engú inde ya adú apa e adú kükulu 'ngú. Yi mbila ndjindji lele maka ya adú nadú lie bhú ká yi ngubula me yi dú ndjindji-o.

⁶ Ngayi-e, yi asia Eli gba Ebhe-e ne djali inde ngayie ka Bu Bhopua, abana u adú ato mbolo li yi lie-o. Abhomu-o, yi amene 'ngú maka ya amene lie di ne maka li Ngámá gba ní Yesu Kilisito amene lie-o.

⁷ Kaka-a, yi akolo pi ndú omabhuka hana na ndu doto na Makedonia di ne Akai okpála inde li okpála koko ngakpata nganda o.

⁸ Mbía inde-e, Eli gba Ngámá-a yangba bha bini nayie agba yi bhú ndu doto na Makedonia ne Akai de, engú bini, ngali pindji nab-huka gba yi bhú Ebhe-e ayangba di ne ndú bili hana. Kaka-a, ya matá ne gumu napa 'ngú gba yi-e pi okpála ade.

⁹ Padhá de, anga ndú uo hana ngakpokpo 'ngú pindji maka yi asia ya lie nedhingga ya akolo lie agba yi-o. U di ngakpokpo maka yi a'o nakpata oebhe na eu lie ngubula naha liyi pi Ebhe na kükulu inde na mukobho-o. Mbía inde-e, yi ngamene kulu liyi pi ani.

¹⁰ U di ngakpokpo me yi ngadjeke me Yesu, Ndili gba Ebhe-e yie abhálá, go píla doto. A ko kpála inde li Ebhe azuku e bhú ká okpála inde amu, ani ngagbegbe ní bhú mangimbo li Ebhe akódho 'ngú lie-o. Ekpí nakodho 'ngú ango-o akolo masikpe.

2

Kulu gba Polo bhú gudhu na Tesalonike

¹ Ondaise ya, ngayi makpe-e, yi mbila ndjindji me enú ya anú e agba yi-e, adú enú na padhá padhá de.

² Yi mbila la di ndjindji me, kalanu-o, u ato ngaiza mbolo li ya, ya atsia azú di likabhu bhú gudhu na Filipoi. Engú bini, Ebhe gba ní-e atsia ato masi bhú ya ngubula me ya kpokpo Bápda Ngali gba ní-e pi yi, belegu u adú ale nani kpadjí pi ya lie-o.

³ Padhá de, anga e'i inde ya nga'i okpála lie me u ziba Bápda Ngali-e, a ko eu de, a ko di kabula gumu na sisiti de, ya gili la di napite kpála bini de.

⁴ Engú bini, ya ngakpokpo Bápda Ngali anga Ebhe ale ya, ani atsia au me ya ti da nakpokpokpo li lelele. Abhomu-o, ani atsia aha Bápda Ngali ango-o pi ya me ya kpokpo pi okpála koko. Ya gili nanga li okpála de, ya ngagili mangbo nanga li Ebhe inde ngale bua ní ngú nambila engú inde bhúbhú-o.

5 Yi mbila ndjindji me ya du apa 'ngú ka djila kpála 'kpí bini de. Ya pa di obabatha 'li ngú nasia ehe bini de. Ebhe apá bhobhomu-o li ya ngae.

6 Ya gili de me okpála dhége ya-a de, abana i du yi, abana i du di okpála koko.

7 A ayo nako me ya du bhú ká yi maka ongbengbe okpála, anga ya ne obhulu titima gba Kilisito . Engú bini, ya adu bhú ká yi me ya nde abedhe ne bhukú 'ngú maka 'hi ongisi inde ngaku ongisi gba e.

8 Ya kunda yi naali. Kaka-a, ya du bha bini bedhe de ngú nakpokpo pi yi Bádha Ngali gba Ebhe, engú bini ya adu bedhe ngú nateteke yi ne ndu kpadji hana, anga yi akolo kpákpá na bua ya.

9 Ondaise ya, yi bhundja nga kulu di ne ndala gba ya-o. Nedhinga ya adu akpokpo Bádha Ngali gba Ebhe-e lie pi yi-e, ya amene kulu ngbikpi ne sukpe ngubula me ya adhá bhú kpála bini bhú ká yi de.

10 Yi apá li ya ngayi, li Ebhe tsia pá di li ya ngae me, nedhinga ya adu lie bhú ká yi omabhuka-a , ya amene engú inde nganga li Ebhe, engú na ngbingibili, engú inde li okpála pá siti 'ngú li ya ka e de.

11 Yi mbila la di ndjindji me ya amene pi kpála bini bini bhú ká yi maka li 'dyi ongisi amemene pi ongisi gba e makpe lie-o.

12 Ya ato masi bhú yi, ya atsia apa di pi yi ne kekele me yi dholo maka li Ebhe akunda lie. Ngaani-e, ani nga'i yi me yi li bhú Naú gba ni, di me yi sia sangu gba ni-o.

13 La di-e, ya ngagie henipi Ebhe ndu 'kpí hana, anga yi asia eli gba Ebhe inde ya akpokpo e pi yi-e lie, yi aziba me a ko 'li okpála de. Engú bini, yi aziba me a ko eli gba Ebhe na paká, eli inde di ngamene kulu bhú yi okpála inde abhuka-o.

14 Ondaise ya, engú inde akolo li yi-e maka engú inde akolo li okpála abhuka Yesu Kilisito bhú oDadjua gba Ebhe bhú ndu doto na Yudaya-o. Padhá de, anga yi azu likabhu bhomu-o sakpa ondaise yi makpe na kuti bini maka u azu di lie sakpa omaYuda-o.

15 Ngauo-o, u abhelo Ngámá Yesu di ne opolofeta gba Ebhe, u atsia ato di mbolo li ya. U nga li Ebhe di ne li okpála de.

16 Padhá de, anga u ngamene ne kpéke me oni kpadji pi ya me ya akpókpo Bádha Ngali pi okpála inde ne omaYuda ade-e de, ngubula me u akóbho de. U ngamene lie mo-o, u ngabe ndu siti 'ngú gba o ndu 'kpí hana. La ali soso-o, ke 'ngú gba Ebhe-e atí pi uo.

Gumu gba Polo ngú nau omabhuka na Tesalonike

¹⁷ Ondaise ya, pi ya-a, pita nedhinga bedi ni agbo bhusu ni lie ne yi bhú kute, bua ni nde bha ne yi bhú dabili bini-e, ya amene ne kpéke hana me ya nu u yi, anga ya adu ne gümü naali me ya u matá yi.

¹⁸ Ya adu ne gümü me ya gie liya agba yi. Ngama Polo, ma ale bhütsibhütsi. La-a, Satana ani kpadji pi ya.

¹⁹ A ko paká. Ta na'o 'to ya 'to Ngámá-a, a ko yi. Ta djali gba ya-a, a ko yi. Nedhingga li Ngámá gba ni Yesu Kilisito agó lie, yi adú pi ya maka ndata na ngámá inde u ahaha e pi okpála inde agboko 'gú-o. Ya tsia dú kala ani ne gindaginda.

²⁰ A moko, ya ne gindaginda kabula yi, ya la di ngakpi djali kabula yi.

3

¹ Abhomü-o, i nde lie me ya nde ti da nako nakibila nagbo bhusu ni ne yi de-e, ya au ndjindji me ya tigala bhú gudhu na Atene tití ya,

² amba ya tima ndai ni Timoté agba yi mada ya. Ani ngamene kulu bhú dabili bini ne Ebhe ngú nakpokpo Bádha Ngali gba Kilisito-o . Ya atima ani me ani be ndu nabhuka gba yi, amba ani tsia to di masi bhú yi,

³ ngubula me súka yi bini a'ó ká nabhuka gba e ka olíkabhu yi ngazé e mbia inde-e de. Padhá de, anga ngayi makpe-e, yi mbila

ndjindji me Ebhe aziba ngae me ni zu ngua likabhu bhomu.

⁴ A na paká me, nedhingga ya adu lie agba yi-e, ya adu apa pi yi me okpála ató mbolo li ni. Yi mbila me, a la bhadi ngae inde akolo li yi inde.

⁵ Li ma au lie me ma ti matá da nagbite bua ma de-e, ma atsia atima Timoté me ani nu tsia lele nabhuka gba yi-o. Ma atima ani, anga ma adu akpe me djabulé alé yi de, di me kulu gba ya inde ya amene e bhú ká yi-e, akólo padhá de.

Polo asia angu li bua e ka nabhuka gba okpála na Tesalonike

⁶ Engú bini, Timoté akolo li ya mbia inde-e bhú 'nu ani ayie lie agba yi-o. Ani apa pi ya bádha ngali me yi alu kpekpeke bhú nabhuka di me yi ne mukunda súnda yi. Ani apa di pi ya me yi ngabhundja ya ndu 'kpí hana ne bádha bua, yi la di ngakunda me yi u matá ya maka ya ngakunda di lie me ya u yi-o.

⁷ Ondaise ya, ka nadje engú li Timoté apa e pi ya-a, abana ya ngazé likabhu di ne u ngato mbolo li ya lie, ya asia angu li bua ya ka yi. Padhá de, anga ya adje me yi ngalila nabhuka gba yi bhú Yesu-o ndjindji.

⁸ Mbia inde-e, ya abi matá angu, anga yi alu kpekpeke bhú nabhuka Ngámá.

⁹ Ya tì da nagie hení pi Ebhe lele pi ka ngua djali ya abedhe ne e li 'ngú gba yi kala ani-e?

¹⁰ Ngbikpi ne sukpe, ya ngazi kekele li nayo Ebhe me ani mene me ní u matá liní ne yi, amba ya bedhe 'bhé 'he inde aneke bhá nabhuka gba yi-o.

¹¹ A ayo me Ebhe 'Dyi ní ngae makpe, di ne Ngámá gba ní Yesu bhulu kpadji pi ya li pápá gba yi.

¹² A ayo me Ngámá be ndú mukunda yi nde ne e súnda yi di ne bhe yi nde ne e pi ndú okpála hana li lele mukunda ya nde di ne e pi yi ko.

¹³ A ayo me ani ha di angu pi yi li bua yi, amba yi dú bubu, amba 'Dyi ní Ebhe áú siti 'ngú napapa li yi de, bhá nedhinga li Ngámá gba ní Yesu agó lie bhá dabili bini ne okpála na bububu gba e hana-o. [A adú moko.]

4

Nadú bhá mukobho inde ngaha djali pi Ebhe

¹ Ngú nabu tata-a, ondaise ya, ya asuno pi yi lele maka ayo lie me mukobho gba yi-e ha djali pi Ebhe-o. A na paká me yi la bhadi ngamemene moko. Ya la ngayo ka yi di ne nakikiliki liya pi yi ne 'li Ngámá Yesu me, yi nü matá ne di ne kalanü ane bhende yi ngamene e ko.

² Padhá de, anga yi mbila olíli inde ya aha e pi yi bhá nasuno inde ya asuno e pi yi ne 'li Ngámá Yesu-o hana.

³ Ebhe akunda me yi du bubu ngú nasuno me yi libhomu pi ni. A akunda napa me, yi adú akunda olisi di ne obhosí ngangá de,

⁴ kpála bini ne bini bhá ká yi mbila nalila kute e* me adú bubu da napa me u manga yi.

⁵ Yi a'ó de me gámu kute ha angu yi maka li omápagano inde i mbila Ebhe de-e ngamemene lie de.

⁶ Bhá engú bhomu-o, a ayo de me kpála bini mene siti 'ngú li pá bíli gba kilí e de. Ani apité la di ani de. Ya agbele nako 'dje yi téte kpekpeke me, Ngámá a'ó 'ngú pi okpála inde ngamene ngua 'ngú bhomu.

⁷ Padhá de, anga Ebhe 'i ní ngú nadú bhá zibotu de, ani a'i mangbo ní ngú nadú bubu kala ni.

⁸ Kaka-a, kpála inde ngandjo líli bhomu-o, ani ndjo kpála bini de, ani ngandjo mangbo Ebhe inde ngaha Bu Bhopua gba e pi yi-o.

⁹ Pindji 'ngú bhe atsia mukunda súnda yi-e, yi ne gámu ade me ya ye engú pi yi pépé-e de. Padhá de, anga ngayi makpe-e, Ebhe asuno pi yi lele maka a ayo lie me yi kunda liyi-o.

* **4:4 4:4 Nambila nalila kute o:** A akunda napa me u manga yi. U tì da napa di li bíli inde-e me: «Naha lio li lelele.»

¹⁰ A ko la bhadi kolimukunda bini inde yi ngasuno e pi ondaise ni hana na ndu doto na Makedonia-o. La-a, ya ngayo ka yi me yi nu ne di ne kalanu.

¹¹ La di-e, yi du nadu ne guo 'ngu sonda yi. Yi adu ali bhá 'ngu bhe i tsia yi de-e de. Yi du amene kulu ne 'kpa yi makpe ngubula mukobho gba yi-e maka ya apa nako pi yi lie ko.

¹² Yi mene mo-o, li omupagano mánga yi, yi dhá la di bhá kpála bini de.

Nagie lie ka Ngámá Yesu

¹³ Ondaise ya, ya akunda me yi mbila kúkulu 'ngu pindji engu gba okpála inde amu, ngubula me yi adu ne likabhu maka okpála bhende i bhuka de-e de. Padhá de, anga pi uo-o, pita nakpi-e, okpála amu-o zúku de.

¹⁴ Ní abhuka me Yesu akpi, ani atsia azuku. Ní abhuka bhadi moko me Ebhe apó bhála okpála inde amu me u nde abhuka Yesu-o bhá dabili bini ne ani.

¹⁵ A inde-e engu ya ngapa e pi yi maka li Ngámá asuno lie me, li 'kpí nago ka ni-e, nganí okpála bhende adu nga uu-o, ní kódho 'kpí kala okpála inde amu-o de.

¹⁶ Padhá de, anga Ngámá ayié abhálá ngae makpe ngu nakə píla doto. Li nedhinga ang-o-o, ani há lili kpekpeke, li ngámá gba oandjelu-o bini tsia súla, li toti gba Ebhe 'ú lie. Abhomu-o, li okpála inde

amu me u nde abhuka Kilisito tsia zúku ngaiza kalanu ngao.

¹⁷ Pipita-a, nganí okpála bhende adu bhá mukobho li nedhinga bhomu-o, Ebhe a'é ní bhá ndindi bhá dabili bini ne obhende azuku-o ngubula me ní nu ke liní ne Ngámá abhá 'kpí. Abhomu-o, ní tsia dú bhá dabili bini ne Ngámá duduuma ne duduuma.

¹⁸ Kaka-a, yi teteke liyi sonda yi ne oeli bhomu.

5

¹ Ondaise ya, li bhende atsia ekpí li Yesu agié lie lie, yi ne gümü ade me u ye 'ngu pi yi pépé-e de.

² Padhá de, anga yi mbila ndjindji me ekpí nago ka Ngámá-a akoto li ní bhá gbilliki maka bhálu 'zi agógo lie sukpe me 'to kpála nde 'to ani ade-o.

³ Nedhinga li okpála apá lie me: «Egú ade, ní bhá guo 'ngu-o», a la bhomu-o nedhinga li likabhu atí pi uo lie má kii-o. A atí pi uo maka kuo nazu ká bhá 'bu ele na 'bhi adhidhika lie-o. Likabhu ango-o néke uo de.

⁴ Engu bini, ngayi ondaise ya-a, yi bhá biti ade. Kaka-a, ekpí ango-o koto li yi bhá gbilliki maka bhálu 'zi agógo lie de.

⁵ Ma apa pi yi mo-o, anga ndu yi hana yi ne okpála na zi 'kpí, yi la di ne okpála na ngbikpi. Ní ne okpála na

sukpe ade, ní la di ne okpála na biti ade.

⁶ Kaka-a, a ayo de me ní dà tìla maka okpála koko-o de. Engú bini, a ayo me ní dà li zákú, amba ní dà bedhe ndà nedhinga hana.

⁷ Padhá de, anga obhálu nala ela, lala sukpe, obhálu nalangba, nalangba sukpe.

⁸ Engú bini, nganí okpála na ngbikpi-e, a ayo me ní dà bedhe ndà nedhinga hana. Ní ha nabhuka ne mukunda maka kopí. Ní abhuka me Yesu akóbho ní makobho. Kaka-a, ní lila mabhundja bhomu-o maka ndata li osudha atoto e* ngú nalila lie bhá 'gú-o.

⁹ Padhá de, anga Ebhe 'i ní ngú nasia ke 'ngú gba e de. Engú bini, ani a'i ní me ní sia mukobho li kpadjì gba Ngámá gba ní Yesu Kilisito .

¹⁰ Yesu akpi pi ní ngubula me abana i dà me ní nde nga bha téte, ne me ní mu-o, nedhinga ani agié lie lie, ní de dà bhá mukobho bhá dabili bini ne ni.

¹¹ Kaka-a, yi to masi bhá yi sonda yi, amba yi tsia teteke liyi bhá nabhuka maka yi nde ngamemene lie-o.

Polo aha olíli na soso

¹² Ondaise ya, ya ngayo ka yi me yi dà ne mazima pi obhende ngamene kpéke kulu bhá ká yi, inde li Ebhe a'o o me u dà alá kala yi, inde di ngaha líli pi yi-o.

¹³ Yi dà pi uo ne mazima di ne mukunda naali ka kulu gba uo-o. Yi dà ne guo 'ngú sonda yi.

¹⁴ Ondaise ya, ya ngayo ka yi me yi gbele 'dje okpála bhe na ipio-o. Yi to masi bhá obhende ne tsulu-o. Yi teteke obhende bhábháku-o. Yi dà ne 'ndjá bua pi ndà okpála hana.

¹⁵ Yi lila liyi me kpála bini agié siti pi siti de. Engú bini, yi gili namene bádha 'ngú sonda yi ndà 'kpí hana, di ne pi ndà okpála hana.

¹⁶ Yi dà ne djali ndà 'kpí hana.

¹⁷ Yi zi kekele li nayo Ebhe.

¹⁸ Yi gie hení pi Ebhe li ndà 'ngú hana, anga a bhomu-o engú inde li Ebhe akunda me yi mene e bhá mukobho gba yi bhá Yesu Kilisito-o.

¹⁹ Yi aní kpadjì li kulu gba Bu Bhabua-a de.

²⁰ Yi andjó 'li opolofeta de.

²¹ Engú bini, yi gili 'ngú pindjì ndà 'ngú hana, amba yi dhedhe li bhe na babadha-o.

²² Yi lila liyi ka ndà osisiti 'ngú hana.

²³ A ayo me Ebhe ngae makpe inde bhálu guo 'ngú-o mene me yi dà libhomu pi ni. Ani lila 'lá yi libhomu, ne bua yi, ne mukobho gba yi, ne kute yi me okpála aú engú na sisiti napapa li yi de, akólo li 'kpí li Ngámá gba ní Yesu Kilisito agié lie lie-o.

²⁴ Ebhe inde nga'i yi-e améne me yi dà libhomu pi

* **5:8 5:8 Ndata li osudha atoto e:** A ko ndata na kalase inde li osudha atoto e ngú nalila 'ndji o bhá 'gú-o.

ni, anga ani memene ndu
'ngú hana inde ani apapa e-
o.

²⁵ Ondaise ya, yi yo di
Ebhe ngú ya.

²⁶ Yi yi ndu ondaise ni
hana ne nakama uo li kute
yi.

²⁷ Ma ayo ka yi ne 'li
Ngámá me, yi tanga balua
inde-e pi ndu ondaise ni
hana.

²⁸ A ayo me bádha bhá
'bu gba Ngámá gba ni Yesu
Kilisito-o du ne yi bhá dabili
bini.

Balua na bhisi gba Polo pi omabhuka na gudhu na Tesalonike Eli na kalanu

Li nadje lio de-e pindji nago gba Kilisito adu lie agbe tolo bhú Dadjua gba Ebhe na Tesalonike-e, Polo atsia aye balua na bhisi gba e inde-e pindji nabhuka inde me ekpí nago gba ngámá-a akolo. Aní atsia apa me a mo-o ade, do aní de-e, kala nago ka Kilisito-o, engú nasisiti di ne bhe nato mbolo li okpála-a, inde ayé ka kpála na tsulutsulú u a'i me «Bhulú yala» adú naali ané mane (2:3). Kpála angoo-adú nagu Kilisito.

Polo ngapa pi okpála i ngatanga balua inde-e me, u lu bha kpekpeke bhú nabhuka, abana okpekpeke da 'ngú ne olikabhu du bha pi-ie, u du bha namene kulu ngubula nasia mukobho maka li Polo ne obi e ngamemene lie-o, amba u du ne 'ndjá bua ne namene bádha 'ngú.

Ongbengbe ongú inde bhú bhuku inde-e ngae inde:

Eli na kalanu 1:1-2

Natoko ne nadhègè 1:3-12

Lílì pindji nago gba Kilisito 2:1-17

Engú inde a ayo ngubula mukobho gba makilisito 3:1-15

Eli na soso 3:16-18

Polo ne obi e yi omabhuka na gudhu na Tesalonike mayi

¹ Ngayi omabhuka na Dadjua gba 'Dyi ní Ebhe di ne Ngámá gba ní Yesu Kilisito na gudhu na Tesalonike-e, ya yi yi mayi. Ma aye balua inde-e ngama Polo, bhú dabili bini ne Silivano di ne Timoté.

² A ayo me bádha bhú 'bu ne guo 'ngú gba 'Dyi ní Ebhe di ne Ngámá gba ní Yesu Kilisito-o du ne yi bhú dabili bini.

Polo agie hení pi Ebhe, aní atsia ato masi bhú omabhuka

³ A ayo me ya gie hení pi Ebhe ndu 'kpí hana ngubula yi ondaise ya. A la bhadi ndjindji me ya mene moko, anga nabhuka gba yi-e nganu ne kalanu naali. La di-e, mukunda li ndu yi hana nde ne e sonda yi-e nganu ne kalanu.

⁴ Kaka-a, ya ngapa 'ngú gba yi-e ne gindaginda bhú oDadjua gba Ebhe kabula kekele di ne nabhuka gba yi, abana u ngato mbolo li yi lie di ne yi ngazu likabhu lie ne ndu kpadji hana-o.

⁵ Bhabhomu-o ngasuno me Ebhe ngakodho 'ngú ngbingbili. Padhá de, anga ka olikabhu inde yi ngazu e-e, Ebhe aú me yi ati ne nalí bhú Naú gba ní inde yi ngazu likabhu ngú e ko.

⁶ Li Ebhe nde lie ne ngibili kpála-a, aní agié olikabhu pi okpála inde i ngaha likabhu pi yi ko.

⁷ La di-e, ani ahá guo 'ngú pi yi okpála inde ngadje likabhu, ani tsia há di guo 'ngú pi ya. Ani améne ongú bhomu-o li 'kpí li Ngámá gba ní Yesu ayié lie abhálá, ani tsia gó bhú dabili bini ne oandjelu na angu gba e-o.

⁸ Ani agó bhú dingidhi djua ngubula na'o 'ngú pi okpála inde i kunda nambila Ebhe de, inde ngayala di naziba Bádha Ngali gba Ngámá gba ní Yesu-o.

⁹ Makalá na siti 'ngú gba uo-o, adú likabhu na duduuma, li bili inde u adú lie de Ngámá Yesu ne Naú na sangu di ne angu gba e tsutsu-o.

¹⁰ Engú ango-o akódho 'kpí li 'kpí ani agó lie ngubula me ndu okpála gba ni hana inde abhuka ni-e, dhögé ni, amba u toko di ni. Ngayi di-e, yi adú bhú ká okpála bhomu. Padhá de, anga yi abhuka ngali inde ya akpokpo e pi yi-o.

¹¹ Kaka-a, ya di ngayo Ebhe ndu 'kpí hana ngubula yi me Ebhe gba ní-e mene me yi dhukú li lele maka ani a'i yi lie-o. Ya ngayo ka ani me bhú angu gba ani-e, ani ha angu pi yi ngú namene obabadha kulu inde yi akunda namene e akólo li soso, kabula nabhuka gba yi bhú Yesu-o.

¹² Ya la di ngayo Ebhe ngubula me, okpála dhögé 'li Ngámá gba ní Yesu kabula yi, amba u dhögé di yi kabula ani. Bhobhomu-o améne lie ka bádha bhú 'bu inde

li 'Dyi ní Ebhe di ne Ngámá gba ní Yesu Kilisito asuno e pi yi-o.

2

Bhuluh Nayala líli gba Ebhe-e agó ngaiza kalanu

¹ Ondaise ya, Ngámá gba ní Yesu Kilisito agó mago, ní tsia pékebhé bhúla ní de ani. Li 'ngú ango-o, ya ngayo ka yi me,

² bua yi angámba má gala de, 'ndji yi angbíngi di-i de. Yi dje ka kpála bini me Bu Bhabua apa pi ni me: «Ekpí nago ka Ngámá akolo», ne me ya apa pi ni mo-o, i du de me ya aye bhú balúa mo-o, yi aziba de.

³ Kpála bini apité belegu yi de má kpó! Padhá de, anga kala nago ka Ngámá Yesu-o, agó ngaiza ne nedhinga na kpéke 'ndji li 'ngú gba Ebhe. Pipita-a, li Bhuluh Nayala líli gba Ebhe-e koto. Kpála ango-o ngakpata kpadji na djua na duduuma. Ebhe andjia engú gba ani-e mandjia.

⁴ Kpála ango-o ayié bhúlá, ani há 'gú ne Ebhe di ne ndu oehe koko hana inde li okpála ngau e maka oebhe, inde u nde la di ngadhogé o-o. Ani tsia pá me ni ane ndu uo hana. Ani anú nadu belegu bhú 'ngbé 'ti Ebhe gba omaYuda, ani tsia pá me ni ne Ebhe.

⁵ 'To yi a'fli de me nedhinga ní adu nga bha lie ne yi-e, ma adu apa engú inde-e pi yi uu-o de.

⁶ Yi mbila la bhadi hana me ehe inde ngani kpadji pi kpála ango-o me ani akoto mbia inde-e de-e ne ni-ie, amba ani koto bha bini li nedhinga inde li Ebhe a'o e pi ani-o.

⁷ Padhá de, anga angu inde awo lie mawo gba kpéke 'ndji bhomu-o akpo lita kulu akpo. Engú bini, kpála inde ngani kpadji pi ani-e adú nga bha o-o akólo li nedhinga u a'é ani lie-o.

⁸ Abhomu-o, li Bhulu Nayala lili gba Ebhe-e tsia koto. Ngámá Yesu bhólé ani bha ne mbulé 'wo e, ani tsia ndjia angu ani ne sangu inde ani agó ne e-o.

⁹ Bhulu Nayala lili ango-o agó bhú angu gba Sata , ani tsia méne ndu djua ongamba 'ngú , ne ndu okiaka 'ngú hana, di ne ongbengbe 'ngú ngú napite okpála.

¹⁰ Ani améne ndu djua osisiti 'ngú hana ngubula napite okpála bhende ngakpata kpadji na djua na dudu-ma-o. Ebhe andjia engú gba uo-o mandjia, anga u kunda kükulu 'ngú inde i tí da nako nakobho uo-o de, u tsia bhuka di kükulu 'ngú ango-o de.

¹¹ Kaka-a, Ebhe ató siti mabhundja bhú uo, i tsia píte uo ngubula me u bhuka ongú na eu,

¹² amba Ebhe 'o 'ngú pi ndu okpála hana inde i bhuka kükulu 'ngú de-o, inde adu akpi mangbo ndjili

li siti 'ngú-o.

Yi lu kpekpeke bhú 'bu nabhuka

¹³ Ondaise ya inde li Ngámá akunda o, pi ya-a, a ayo me ya gie hení pi Ebhe ndu 'kpí hana li 'ngú gba yi-o. Padhá de, anga Ebhe abhú nani yi nayie li lilita ngubula me yi sia mukobho li kpadji gba Bu Bhopua inde ngamene me yi du bubu, di ne li kpadji na nabhuka inde yi nde ne e bhú kükulu 'ngú-o.

¹⁴ Ebhe a'i yi me yi sia mukobho bhomu-o li kpadji na Bápda Ngali inde ya akpokpo e pi yi-o. Ani a'i yi me yi sia di sangu gba Ngámá gba ní Yesu Kilisito-o.

¹⁵ Kaka-a, ondaise ya, yi lu kpekpeke bhú 'bu nabhuka gba yi-o. Yi lila kpekpeke ongú inde ya asuno e pi yi nedhinga ya adu lie agba yi di ne bhe ya aye e pi yi bhú balúa-o.

¹⁶⁻¹⁷ A ayo me Ngámá gba ní Yesu Kilisito ngae makpe di ne 'Dyi ní Ebhe, bedhe bua yi ne masi. A ayo me u ha angu pi yi ngubula me yi du namene ndu 'kpí hana bápda 'ngú, abana i du bhú nagama 'ngú, abana i du bhú namene kulu. Padhá de, anga Ebhe akunda ní, ani aha di kpéke bua na dudu-ma pi ní ka bápda bhú 'bu gba e-o. Ani atsia amene di me ní 'o 'to ní 'to ní na paká paká.

3

Polo apa pi omabhuka me u yo Ebhe ngú ni

¹ Ngú nabu tata-a, ondaise ya, yi yo Ebhe ngú ya, amba eli gba Ngámá-a yangba má gala, amba okpála inde ngadjedje-e, mene engú inde li eli ango-o ngapa e maka yi ngamemene lie-o.

² Yi yo di Ebhe me ani kobho ya sakpa osisiti okpála na mbedhembedhe-o. Padhá de, anga a ko de me ndú okpála hana akunda nabhukaBádha Ngali-e de.

³ Engú bini, Ngámá Yesu ne kpála inde amemene engú maka ani apa lie-o. Ani ahá angu pi yi bhú nabhuka, ani tsia lila yi sakpa Siti.

⁴ Ya abhuka ne 'li Ngámá Yesu me, engú inde ya ngapa e pi yi-e, yi ngamemene moko, yi améne la bhadi mo-o ne kalanú.

⁵ A ayo me Ngámá leke bua yi ngú nambila lele maka li Ebhe akunda yi lie, di ne lele maka li Kilisito ngaha kpéke bua pi yi lie bhú nabhuka-o.

Polo agbele 'dje omabhuka li 'ngú na ipio

⁶ Ondaise ya, ya apa pi yi ne 'li Ngámá gba ní Yesu Kilisito me, yi akpétsø liyi bhú dabili bini ne ondaise ní na ipio, inde i kpata lili inde ya aha e pi yi de-e de.

⁷ Padhá de, anga ngayi makpe-e, yi mbila maka a ayo lie me yi kpata lele mukobho gba ya-a ndjindji.

Nedhingga ya adú lie agba yi-e, ya dú ne ipio de.

⁸ Ya yo ka kpála bini de me ani ha 'zú pi ya padhá-a de. Engú bini, ya aziba ndala ne likabhu, ya atsia amene kulu ngebikpi ne sukpe ngú napa me ya adhá bhú kpála bini bhú ká yi de. ⁹ A ayo nako me ya sia 'he ka yi padhá, engú bini, ya mene nako mo-o de, anga ya akunda me yi kpata lele mukobho gba ya-o.

¹⁰ Nedhingga ya adú lie agba yi-e, ya aha lili inde-e pi yi me: «Li kpála kunda namene kulu de-e, a ayo di de me ani zu 'he-e de.»

¹¹ Ya ngapa mo-o, anga ya adje me okpála koko bhú ká yi ne ipio. U memene kulu de. U bha bini nga'o 'to o li 'ngú bhe i tsia o de.

¹² Pi okpála bhomu-o, ya ngagbele 'dje uo, ya di ngayo ka uo ne 'li Ngámá Yesu Kilisito me, a ayo me u mene kulu maka ayo lie, amba u sia ezú inde akoto li 'kpa o makpe.

¹³ La pi yi ondaise ya-a, yi andála li namene bádha 'ngú de.

¹⁴ Li kpála kpata engú inde ya aye e pi yi bhú balua inde-e de-e, yi de bhele djila yi li ani. Yi améne 'he bhú dabili bini ne ani de, ngubula me ani dje námu.

¹⁵ Engú bini, yi aú ani maka bhálu yala ka yi de. Yi gbele mangbo 'dje ani maka súka yi.

Polo ayo bisagu pi omab-huka na gudhu na Tesalonike

¹⁶ A ayo me Ngámá na guo 'ngú-o , ha guo 'ngú pi yi ngae makpe ndu 'kpí hana ne bhú ndu 'ngú hana. A ayo me Ngámá du ne ndu yi hana bhú dabili bini.

¹⁷ Ngama Polo, ma aye engú na soso inde apa me ma yi yi mayi inde-e ne 'kpa ma makpe. A bhomu-o lele nadele 'kpa ma bhú balua gba ma-o.

¹⁸ A ayo me bádha bhú 'bu gba Ngámá gba ní Yesu Kilisito-o du bhú dabili bini ne ndu yi hana.

Balua na bini gba Polo pi Timoté Eli na kalanu

Timoté ne makombi bini inde adu nani makilisito bhú Adji Minele. 'Hi ani nani ne maYuda, 'dyi ani atsia adu nani ne Giliki. Ani akolo nani kpála nateteke Polo bhú dholo gba e nakpokpo Bádha Ngali gba Yesu Kilisito. Balua na bini gba Polo pi Timoté-o, ngakpokpo 'ngú pindji ongbengbe 'ngú bata.

Balua ango-o ngakpo ngaiza 'ngú pindji nalila lio ka omusuno na eu inde bhú Piga gba Ebhe-o. Nasuno ango-o a ko nakpetse mabhundja pindji omaYuda ne okpála inde ne omaYuda ade inde adu nani pindji napa me bádha 'ngú píla doto ade. A la di ngapa me, u ti da bha nasia mukobho ka imbila 'ngú inde awo lie mawo, a la di ne nakpe nazu oehe koko, di ne naha lio maka ele ne bhoko de.

Ongbengbe ongú inde bhú bhuku inde-e ngae inde:

Eli na kalanu 1:1-2

Líli pindji Piga gba Ebhe ne okpála inde ngadjedjele-o 1:3 - 3:16

Líli pi Timoté pindji kulu gba e-o 4:1 - 6:21

Polo yi Timoté mayi

1-2 Timoté, kúkulu ndili gba ma bhú 'bu nabhuka-a, a ayo me bádha bhú 'bu ne

ndjinga di ne guo 'ngú gba 'Dyi ní Ebhe ne Yesu Kilisito, Ngámá gba ní-e du bhú dabili bini ne mu. Ma aye balua inde-e pi mu ngama Polo. Ma ne bhúlú titima gba Yesu Kilisito maka li Ebhe, Mukobho gba ní, ngauo ne Yesu Kilisito inde ní nga'o 'to ní 'to e aha líli muma lie ngú nakpokpo Bádha Ngali ko.

Polo apa me a ayo nayoko omusuno na eu-o mayoko

³ Maka ma aha nako líli pi mu lie li nedhinga ma adu anu lie bhú ndu doto na Makedonia-a, du bha bhú gúdhú na Efeso oo, amba mu pa pi omusuno na eu inde oo me, u 'o nasuno bhomu-o ma'o.

⁴ Pa pi uo me, u 'o nakpokpo ongú na padhá padhá inde li okpála ngagbe e bhú 'ndji o ma'o. U 'o di nakpokpo ndjandja okpokpodumu ma'o. Padhá de, anga ongú bhomu-o ngagbe okpekebhé na padhá padhá inde i dyudyo kulu inde li Ebhe ngamene e bhú mukobho gba okpála de. Kulu ango-o ngadyudyo lie ne kalanu ka nabhuka.

⁵ Olíli ma aha e pi mu bhomu-o, a ngubula me okpála du ne mukunda súnda o. Mukunda ango-o ngayie li bádha bua, li bua nakpokpo kú 'ngú ndjindji, la di ne bhú nabhuka na kúkulu.

⁶ Okpála koko ayie li ngibili kpadji bhomu-o ayie, u atsia azi 'ndji o bhú namene okpekebhé na padhá padhá.

7 U ngapa me o ne omusuno na lili gba Ebhe, engú bini, ngauo makpe-e, u ke mboli engú inde u ngasuno e pi okpála koko ne angu o hana-a belegu de bini.

Ebhe aha lili gba e pi ni ngubula ni?

8 Ní mbila hana me lili gba Ebhe-e ndjindji, i du me u nde ngakpakpata maka a ayo lie ko.

9 Ní mbila la di hana me, Ebhe 'o lili pi okpála bhende ngadhuuk gbingbili-e de. Engú bini, ani a'o pi obhende ngau lili gba ani-e padhá di ne pi okpála na kpekpeke 'ndji. Ani a'o pi okpála bhende ngandjo 'li ani, di ne pi obhende ngamene siti 'ngú-o. Ani a'o pi okpála inde i manga ani de, i manga la di ohe na bububu gba ani-e de-o. Ani a'o pi okpála bhende ngabhili odyi o, i du di-e ohi o-o. Ani a'o pi okpála bhende ngabhili obi o bhú gandji.

10 Ani a'o pi obhosí bhende ngakunda olisi di ne pi olisi bhende ngakunda obhosí ngangá-o. Ani a'o pi obhosí bhende ngakunda lio ne obi o obhosí, i du di-e olisi bhende ngakunda lio ne obi o olisi. Ani a'o pi okpála bhende ngatsindji obalise. Ani a'o pi obhulu eu di ne pi okpála bhende ngatu silika pi eu. Ani a'o pi ndu okpála hana inde ngamene engú kpi ne bhende na kukulu ní ngasuno e ko.

11 Nasuno ango-o bhú Bádha Ngali inde li Ebhe aha e muma-o. Bádha Ngali ango-o ngasuno sangu gba Ebhe inde ngaha bádha 'ngú pi okpála-o.

Polo agie hení pi Ebhe

12 Ma ngagie hení pi Yesu Kilisito, Ngámá gba ní inde aha angu muma ngú namene kulu gba e-o. Ma ngagie hení pi ani, anga ani au me ma ti da namemene. Abhomu-o, ani atsia abhu ma ngánga.

13 La nani kalanu-o, ma adu apa osisiti 'ngú li ani, ma adu ato mbolo li okpála koko ka u abhuka ani lie-o, ma adu la di assosobho ani. Abana ma adu amene lie mo-o, ani adje ndjinga ma. Padhá de, anga ma bhuka nga nani ani de. Ma mbila la di nani de me Yesu ne Masiya-a de.

14 Engú bini, Ngámá gba ní-e atsia asuno bádha bhú 'bu gba e muma ane mane. Ani aha nabhuka muma, di ne mukunda inde bhú nakpetse liní ne Yesu Kilisito-o.

15 Engú inde ma adji apa e inde-e, a ko kukulu 'ngú inde a ayo me ndu okpála hana bhuka e ne bua o bini. Engú ango-o me, Yesu Kilisito ago nani pila doto ngú nakobho okpála na sisiti. Yi mbila la me ngámá ngámá bhú ká uo ne ma.

16 Abana ma adu lie ne ngámá ngámá bhú ká uo ngama-a, Ebhe adje ndjinga ma. Ebhe amene muma mo-o ngubula me ndu okpála

hana inde abhúka Yesu Kilisito-o, u u lele 'ndjá bua gba ni-o, amba u bhuka-a, u de sia mukobho na duduuma.

¹⁷ A ayo me ndu okpála hana dhége Ebhe, amba u toko ani duduuma ne duduuma. A adu moko. A ko 'Ngbé Ngámá na duduuma, i kpikpi de, li kpála uu di-e de. A ko bha koli Ebhe bha ngae kpi e kpi!

¹⁸ Timoté, ndíka ma, ma ngaha olíli bhomu-o pi mu nakpata oeli inde li opolofeta akpokpo nani e li 'ngú gba mu-o. A ayo me oeli ango-o teteke mu ngubula nakpokpo Bádha Ngali-e ne angu, abana li okpála du nayaya mu.

¹⁹ A ayo me mu gu egú ango-o ne nabhuka bhú dabili bini ne bua nakpokpo kú 'ngú ndjindji. Okpála koko a'o ká bua nakpokpo kú 'ngú gba o a'o. Kaka-a, u ayie li kpadji na nabhuka ayie.

²⁰ Imene ne uo ne Alekidjandele bhú ká onguia okpála bhomu. Ma atsia apu uo pi Satana,* amba u mbila lio ne napa me a ayo nasobho Ebhe de.

2

A ayo nayo Ebhe ngubula ndu okpála hana

¹ Kala ndu 'ngú hana-a, ma ngayo ka yi me yi 'o gümü gba ndu okpála hana kala Ebhe, yi yo Ebhe pi uo, yi kikiliki liyi pi ani ngubula

uo, amba yi gie la di hení pi ani ngubula ndu uo hana.

² Yi yo Ebhe pi ongbengbe ongámási, di ne pi ndu ongámási hana ngubula me kpéke 'ngú adú-u de, amba ní du bhú guo 'ngú, ní du namanga Ebhe ne nagbite liní li ani na paká paká.

³ A bhomu-o engú inde ndjindji, inde la di nganga li Ebhe, Mukobho gba ní-o.

⁴ Aní akunda me ndu okpála hana kobho, amba u mbila la di kükülu 'ngú.

⁵ Padhá de, anga koli Ebhe bha bini, a la bhadi ne koli kpála bini inde ludu sunda Ebhe ne okpála-kuti. Kpála ango-o, a ko Yesu Kilisito,

⁶ inde apu mukobho gba e ngubula nagbegbe ndu okpála hana bhú bali-o. Aní amene mo-o bhú nedhinga nani li Ebhe a'o e ngú nasuno me Ebhe akunda me ndu okpála hana kobho.

⁷ Ka 'ngú ango-o, Ebhe abhu ma bhülü titima gba Yesu di ne bhülü nakpokpo Bádha Ngali. Aní abhu ma me ma suno nabhuka di ne kükülu 'ngú pi okpála inde ne omaYuda ade-o, amba u bhuka. Ma ngapa kükülu 'ngú, ma pa eu de.

⁸ Kaka-a, ma akunda me obhosí yo Ebhe ne ndu bili hana. U yo Ebhe me u nde a'e'e 'kpa o ne abhúlá ne naha lio libhomu pi Ebhe. U adú ne engú sunda o de, u adú la di ne kpekebhé de.

* **1:20 1:20 Napu kpála pi Satana:** Ti da napa li bili inde-e me nagbe kpála bhú Piga gba Ebhe.

⁹ Pi olisi-e, ma akunda me u du adyi bongo maka a ayo lie. U adu adyi bongo bhe a'e bua kpala bhú da e ma'e-e de. U du adyi bongo li lelele. U adu apulu sundjo o nane dada mane de. U adu adyi omayaka ne omagege na olo di ne ohe na zizi de. U adu di nadyi obongo na mase naali de.

¹⁰ Engá bini, u suno mangbo bádha gba o bhú obabadha kulu inde u ngamene e-o. A bhomu-o engú inde ati ne olisi inde ngasuno me o ngamanga Ebhe-o.

¹¹ Nedhinga li bhoko ngaha olíli lie bhú Piga gba Ebhe-e, a ayo me ole ndjili má bulu, ani ke lie ne kuto.

¹² Ma ha kpadji pi ole ngú nasuno di ne nau pí 'ndji bhoko de. Engú bini, a ayo me ani ndjili má bulu!

¹³ Padhá de, anga Ebhe abho ngaiza nani kalanu-o Adamu , pipita-a ani atsia abho Eva.

¹⁴ La di-e, Satana pite nani Adamu de, engú bini, ani apite mangbo nani ole-e. Abhomu-o, ole-o atsia andjo li Ebhe.

¹⁵ Abana i nde lie mo-o, Ebhe akóbho ole ka ezu gba e-o. Ebhe akóbho ani i du me ani nde alu kpekpeke bhú 'bu nabhuka, ne mukunda, ne na'o lie bubu kala Ebhe, di ne na'o lie bhú da e.

3

Líli pi okpála natsia 'kpí li Piga gba Ebhe

¹ Engú ma adjí apa e inde-e, a ko kükulu 'ngú: i du me kpala nde akunda natsia 'kpí li Piga gba Ebhe-e, ani akunda namene bhomu-o bádha kulu.

² Kaka-a, a ayo de me u u kpala inde ngatsia 'kpí li Piga gba Ebhe-e ne siti 'ngú-o de. A ayo me ani du ne koli ole bini. Ani du naholo bua e ka 'ngú maholo. A ayo me ani du namene 'ngú li lelele, ani du la di namene babadha 'ngú. Ani du nasia ogomago ndjindji, ani mbila la di nasuno 'ngú pi okpála.

³ Ani ahá lie pi pandi de, adu la di kpala nagu gbele de. Engú bini, a ayo me adu kpala na bhuku 'ngú. Adu kpala nagbe bhayiki ne okpála koko de, adu la di kpala na gümü tia naali de.

⁴ A ayo me adu kpala inde ngatsia 'kpí li piga gba e makpe-e ndjindji, inde li ongisi gba e ngamanga e ne ndu kpadji hana.

⁵ Padhá de, anga i du me kpala nde mbila natsia 'kpí li piga gba e makpe ndjindji de-e, ani ti da nalila Piga gba Ebhe-e lele pi?

⁶ A ayo de me kpala natsia 'kpí li Piga gba Ebhe-e du kpala inde adjí bua e na mbia de. Padhá de, anga i du me a nde kpala inde adjí bua e na mbia-a, 'ngbé 'ndji ti da nali bhú ani, ani tsia lí bhú mangimbo maka Djabulú ali nani lie-o.

⁷ La matá di-e, a ayo me adu kpala inde li okpála bhe

i bhuka de-e ngakpo 'ngú gba e ndjindji, ka napa me okpála aú ani bhú djila o padhá de-o, la di ngubula me ani atí bhú oekú gba Djabulú-o de.

Líli pi okpála nateteke kulu bhú Piga gba Ebhe

⁸ A bhadi moko, a ayo me okpála nateteke kulu bhú Piga gba Ebhe-e du okpála inde ngamene 'ngú inde li okpála ti da namanga o ka e. U adú la di ne eli bhisí bhisí de, u ahá lio pi pandí de, u adú di nagilí tia li siti kpadjí de.

⁹ A ayo me u gbite lio ne bua bini li kükulu 'ngú inde li Ebhe ambamba ta e-o. U gbite lio téte ne bua nakpokpo kú 'ngú inde ndjindji.

¹⁰ Kala me u bhú uo me u kolo okpála nateteke kulu bhú Piga gba Ebhe-e, a ayo ngaiza me okpála tsia uo ndjindji, pipita-a, i du me u nde u uo ne engú na sisiti de-e, u de bhú uo ngú namene kulu ango-o.

¹¹ A ayo me, olisi gba uo-o du bhadi namene engú inde li okpála ti da namanga uo ka e. U adú napa sisiti 'ngú li okpála koko de. U du naho bua o ka 'ngú maholo. U du okpála inde li okpála koko ngaziba o bhú ndu 'ngú hana.

¹² A ayo me, kpála nateteke kulu bhú Piga gba Ebhe-e du bha ne koli ele bini. Adu kpála inde ngatsia

'kpí li ongisi gba e di ne piga gba e makpe-e ndjindji.

¹³ Padhá de, anga okpála inde ngamene kulu nateteke kulu bhú Piga gba Ebhe-e ndjindji-e, ndu okpála hana ngamanga uo mamanga, u gáma la di engú pindji nab-huka gba o inde bhú Yesu Kilisito-o ne tsulu belegu de bini.

Engú na ngbéngbé inde li Ebhe asuno e

¹⁴ Ma ngaye balua inde-e pi mu ne nabhundja me ma akólo li mu oo má gala!

¹⁵ La-a, i du me ma nde kolo li mu oo má gala de-e, balua inde-e de suno pi mu lele maka a ayo lie me okpála dhukú bhú piga gba Ebhe-o. Piga ango-o, a ko Piga gba Ebhe inde uu-o. Dadjua ango-o ngabi kükulu eli-e maka nepanda abibi eti lie-o.

¹⁶ A na paká me, engú inde li Ebhe ambamba ta e pi ni pindji nabhuka gba ni-e ngbéngbé. Engú ango-o me: Kilisito ago píla doto bhú kute maka kpála-kuti, Bu Bhopua asuno me, ani ngbingbili, oandjelu atsia au ani.

U akpokpo engú gba ani-e pi okpála inde ne omaYuda ade, okpála na píla doto lib-homu abhuka ani, Ebhe atsia a'e ani abhúlá bhú sangu gba e-o.

4

Omusuno na eu

¹ Bu Bhobua apa mbámbá me bhú onedhinga na soso-o, okpála koko a'ó ká nab-huka gba o, u tsia kpáta osisiti bua na eu, u kpáta di ongú inde li osisiti bua ngato e bhú okpála me u suno e-o.

² Obhúlú kali inde ngapa eu-o apíte uo me u yie li ngbili kpadji-e mayie. Bua nakpokpo kú 'ngú gba obhúlú kali ango-o asiti mágito me u atsulu ne kalase inde u ato e bhú djua.

³ Okpála ango-o ngasuno me a ayo de me obhosí ne olisi dú naha lio-o de. U di ngapa me a ayo de me okpála dú nazú ozú koko de. Ebhe abho la naní ozú bhomú-o ngae. Omabhuka inde ambila kúkúlú 'ngú-o tí da nazuzú ne nagie hení pi ani.

⁴ Padhá de, anga ndú 'he hana inde li Ebhe abho e ndjindji. A ayo de me ní tse ehe bini bhú káká-a de. Engú bini, a ayo nahaha ne nagie hení pi Ebhe,

⁵ anga eli gba ani bhú dabili bini ne mayo ngamene me ndú 'he hana kolo bubu kala ani.

Bádha kpála na kulu gba Yesu Kilisito

⁶ Suno ongú bhomú-o pi ondaise ní omabhuka. Li mè mene mo-o, mè dú bádha kpála na kulu gba Yesu Kilisito. Mè tsia súno di me mè ngakú bua mè ne oeli na nabhuka, di ne nasuno na kúkúlú mo okpata e ko.

⁷ Engú bini, gbe limú li otodú na padhá padhá inde

i tì ne nabhuka de-e magbe. Mene mangbo ne kpéke me mè gbite límu li namene engú inde anga li Ebhe.

⁸ Namene ngeme ngú nakpekpeke kúte-e, a ndjindji ngú ongú masudha. Engú bini, a ndjindji nane mane pi kpála ne nadhukú maka li Ebhe akunda lie-o. Padhá de, anga namene mo-o, kpála ango-o ambila me ní asia inde-e mukobho na mbia, mukobho ango-o adú dudu'ma ne dudu'ma.

⁹ Eli inde ma apa e bhomú-o, a ko kúkúlú 'ngú inde ayo me ndú okpála hana ziba e ne bua bini.

¹⁰ Kaka-a, i dú me ní nde ngamene kulu kpekpeke di ne angu ní hana-a, a ko anga ní nga'o 'to ní li Ebhe inde uu-o. A ko Mukobho gba ndú okpála hana, a ane la mane pi okpála bhende ab-huka ani-o.

¹¹ A bhomú-o ongú inde a ayo me mè gbele 'dje okpála lie, amba mè suno di-e pi uo-o.

¹² Mo oká kpadji pi kpála bini de me ani u mè padhá ka mè nde lie ne makombi-e de. Engú bini, dú mangbo ne kpála inde ngasuno kpadji pi omabhuka. Dú nasuno kpadji pi uo bhú eli inde mè ngapa e, ne bhú lele namene 'ngú gba mè, ne bhú mukunda gba mè, ne bhú nabhuka, di ne bhú nadú ka mè bubu kala Ebhe.

¹³ Nedhinga mè ngadjike nago ka ma lie-e, ha límu ngú natanga 'li Ebhe-e kala ndú okpála hana. To masi

bhú uo, amba mu suno ta eli gba Ebhe-e pi uo.

¹⁴ Mo óu kulu li Ebhe aha e pi mu-o bhú bádha bhú 'bu gba e-e padhá de, kulu inde mo osia e nedhinga li opolofeta akpokpo 'ngú gba mu-o lie, la di ne li nedhinga li obhelesi okpála a'o 'kpa o pi 'ndji mu lie-o.

¹⁵ A bhomu-o kulu inde a ayo me mu 'o bua mu li e ko. Ha limu ngú namemene ne bua mu hana, amba ndu okpála hana u me mu ngamu li kpadji gba Ebhe-e ne kalanu.

¹⁶ Lila limu ngamu makpe ndjindji bhú ongú inde mu ngamene e di ne bhende mu ngasuno e pi okpála koko-o. Nu ne di ne kalanu, anga i du me mu nde amene mo-o, mu kóbho limu ngamu makpe, mu tsia kóbho di okpála bhende ngadje mu-o.

5

Líli pi ndu omabhuka hana

¹ I du me mu nde ngali bhele kpála li 'ngú-o, mo ombémbe bhú 'ndji ani mambembe de, engú bini, gama 'ngú pi ani bhébhéku mágito me a ko 'dyi mu. Gama 'ngú pi omakombise maka ondaise mu na obhosibhosí.

² Pi olisi na obhelesibhelesi-e, gama 'ngú pi uo mágito me a ko ohi mu. Pi otsalisi-e, gama 'ngú pi uo maka ondaise mu na olisilisi me bua mu nde tuko li uo de.

Engú pindji oekesi na olisilisi

³ Teteke oekesi na olisilisi bhende li kpála nde ngú nateteke o ade-e mateteke.

⁴ Engú bini, i du me a nde ka eke na eole bini ne ongisi, i du di-e odi ye e, ngú nasuno me ongisi angoo ngamene engú inde li Ebhe akunda e, a ayo me u teteke ngaiza opiga gba o makpe. U mene mo-o, u gie bádha 'ngú pi okpála inde azu o, di ne pi onguo ogbi o bhú da bhende u amene nani e pi uo-o. Abhomu-o engú inde li Ebhe aziba e ko.

⁵ Óke inde ngadu bha ndju kpi e kpi, li kpála bini nde ka e ngú nateteke e ade-e, ani nga'o 'to e 'to Ebhe. Ani ngazi kekele li nayo Ebhe sukpe ne ngbikpi ngubula me Ebhe teteke ni.

⁶ La-a, pi eke bhende akunda bha naae odjali na doto-o, ani akpi li bua e akpi, abana ani nde lie uu-o.

⁷ A bhomu-o engú inde a ayo me mu pa e pi uo ngubula me kpála bini apá 'ngú li uo sisiti de-o.

⁸ I du me kpála nde teteke omaha e de-e, a ane la mane piga gba e makpe-e, ani abala 'kpa li nabhuka gba e abala, ani ane belegu mupagano ne siti.

⁹ La di-e, ngú napa me u ye 'li eke bini bhú ká obhende li Piga gba Ebhe-e ngabi o-o, a ayo me ani du mbo ne kalanga ndjikpa madhia. Adu la bhadi ole

inde i kunda bhoko sa 'ku 'ko e de.*

¹⁰ A ayo la di me okpála mbila ani ka obabadha kulu inde ani amene e-o. A akunda napa me, ani akú ongisi gba e ndjindji, ani asia ogomago, ani avulu 'dhú omabhuka ,[†] ani ateteke okpála inde adú bhú mbolo. Adú la di kpála inde amene ndú babadha kulu hana.

¹¹ Engú bini, pi oekesi bhende na otsalisi tsalisi-e, mo oyé li uo bhú ká obhende li Piga gba Ebhe-e ngabi o-o de. Padhá de, anga nedhinga li gumu na ha bhoko koko alí bhú uo lie, i méne me u dji 'ngbu o li Kilisito .

¹² Li u mene mo-o, u lí bhú mangimbo. Padhá de, anga u apa nani me o oha lio pi Kilisito, la mbia bhomu-o, u mene maka u apa lie de.

¹³ La di-e, mu ye 'li uo-o, u kólo obhulú ipio, u hólo nadjakadha gba okpála ngangá. U kólo bha bini obhulú ipio de, engú bini, u hólo nagama 'ngú naali, u hólo nali bhú ongú bhe i tsia o de, u tsia dú di nagama 'ngú gbélengé.

¹⁴ Kaka-a, ma akunda me, oekesi bhende na otsalisi tsalisi-e ha matá obhosí, u zu ongisi, u tsia 'kpí li opiga gba o-o, amba u aká kpadi pi obhulú yala gba ní-e napa

'ngú li ní sisiti de.

¹⁵ Ma pa mo-o padhá de, a ko anga oekesi koko ayie li ngbili kpadi-e ayie, u atsia agbida nganda Satana .

¹⁶ I dú me mabhuka bini na eeole nde ne oekesi na olisilisi bhú piga gba e-e, a ayo me ani teteke uo. Ani a'ó de me Piga gba Ebhe-e bi uo ngae de, amba Piga gba Ebhe-e bi obhende li okpála nde ka o ngubula nateteke o ade ko.

*Engú pindji obhelesi
okpála na Piga gba Ebhe*

¹⁷ Obhelesi okpála inde ngatsia 'kpí li Piga gba Ebhe ndjindji-e, a ayo me u manga uo, amba u tsia ha di makalá na kulu gba uo-o pi uo li lelele. A ane la mane pi obhende ngatse kute o ngú nakpokpo di ne nasuno 'li Ebhe-o.

¹⁸ Padhá de, anga Bhuku gba Ebhe-e ngapa me: «Nedhinga li bagala ngatu ngano lie, mo ogbite 'bhé ani de.» A apa matá di me: «Kpála na kulu ati ne makalá na kulu gba e-o.†»

¹⁹ I dú me, kpála bini nde apa 'ngú li bhele kpála na Piga gba Ebhe-e sisiti-e, mo obhúka de. Ziba bha bini me okpála bhisi nde alú pi engú ango-o, i dú okpála bhisi de-e, a de dú okpála bata.

* **5:9 5:9 Ole inde i kunda bhoko sa 'ku 'ko e de:** A akunda napa me nedhinga li 'ko ani adú lie téte-e, ani kunda bhoko koko de. † **5:10 5:10 Ani avulu 'dhú omabhuka:** Nani agba omaYuda-a, kulu nagbe maleke bhú 'dhú ogomago ne navulu 'dhú uo-o, a ko nani kulu ka obalise di ne okpála na padhá. A di ngú nasuno mukunda ne nake lio ne kuto. Tsia bhú Dja. 13:1-17. † **5:18 5:18** Tsia bhú Det. 25:4; ne bhú 1 Kol. 9:9; ne bhú Mat. 10:10; di ne bhú Luk. 10:7.

²⁰ Mbe bhú 'ndjí obhelesi okpála ìnde ngamene siti 'ngú-o bhú djila ndú okpála hana, amba okoko dje tsúlú.

²¹ Ma ngaha lílí pí mu kala Ebhe, ne kala Yesu Kilisito, di ne kala oandjelu gba Ebhe ìnde ani abhú o me, mene olílì ìnde-e hana bhú ngibili 'ngú, mu nde kúnda kpála bini ane okoko mane de.

²² Mo o'ó 'kpa mu pí 'ndjí kpála má gala de ngú na ha kulu pí ani bhú Piga gba Ebhe-o. Mu 'o 'kpa mu pí 'ndjí ani má gala-a, li okpála u sidi me ani bhú siti 'ngú-o, akúnda napa bhomú-o me yi akpetse liyi ne ani bhú siti 'ngú gba e-o. Lila límu me ni dú bubu kala Ebhe.

²³ Mo odú bha bini nandji engu de, engú bini, ndjí mbo di vino bedí uu ka kuo na bhú 'bu ìnde ngaha bhákú kute pí mu pikoo-o.

²⁴ Okpála koko ngamene siti 'ngú bhú mbasú, li okpála mbíla kala nakpata 'ngú téte. Pi okoko-o, a ayo ngaiza nakpata 'ngú téte kalanú ngú nambimbila.

²⁵ A bhadi moko pi obabádha kulu, a ngau lie li zí 'kpí, belegú obhende u u e gbálu de-e, a tí da nadú ndú 'kpí hana de me a nde awo lie mawo-o de.

6

Lílí pi obalise

¹ A ayo me omabhuka ìnde bhú bali-e manga omakúlasí o ne ndú kpadjí hana. U manga uo, amba kpála bini

asóbho 'li Ebhe de, amba u asóbho la di nasuno gba ní-e de.

² I dú me, omakúlasí uo nde ne omabhuka-a, u apá de me o mánga uo de-e de, anga a ko ondaise o-o de. Engú bini, a ayo me, u mene kulu pí omakúlasí o ndjíndjí naali, anga okpála ìnde u ngamene kulu pí o bhomú-o, a ko omabhuka, a ko la di ondaise uo na mukúnda. A bhomú-o lílí ìnde ayo me mu suno e pí okpála ne nato masi bhú uo me u mene e ko.

Engú pindji gúmu tia

³ I dú me kpála bini nde ngasuno engú koko kpi, ani dhíka li okukúlu oeli gba Ngámá gba ní Yesu Kilisito di ne ongú ìnde ní ngasuno e pindji namanga Ebhe de-e,

⁴ a ko kpála na 'ngbé 'ndjí, ani mbíla la di 'ngú belegú de bini. Ani ambila lie bha bini ne namene kpekebhé di ne natsi pindji oeli. Ongú bhomú-o ngagbe gúmu 'he, ne natsi, ne nasobho lio, ne nabhundja siti 'ngú pindji obi o,

⁵ di ne bhayiki ìnde i ndjíndjia de-e súnda okpála ìnde li 'ndjí o asiti-o. Okpála ango-o mbíla la di matá kúkulú 'ngú belegú de bini. U ngabhundja me nabhuka Ebhe-e, a ko kpadjí nasia tia.

⁶ A moko, nabhuka Ebhe-e, a ko tia na ngbéngbé, i dú me kpála nde ngakpi djali li ehe ìnde ka e-o.

⁷ Padhá de, anga ní go nani píla doto ìnde-e ne ehe bini

de, ní gie la di liní ne 'he bini na doto inde-e de.

⁸ Kaka-a, i du me a nde ka ní ne ehe nazu mazu di ne bongo ngú nadyidyi-e, amba bhobhomu-o ale pi ní ale.

⁹ Engú bini, okpála bhende ngakunda nakpo-o, u ngali bhú nale ne bhú ogumú 'he bhelé na padhá padhá di na sisiti inde li okpála ngasiti ka e, inde li okpála nde di ngamu ka e-o.

¹⁰ Padhá de, anga gumú tia ngazu ndu ongú na sisiti hana. Okpála koko ka nakunda tia naali-e, u ayie li kpadji na nabhuka ayie, u atsia ali bhú likabhu naali ka o makpe.

Bádha gbele ní nde bhú e kabula nabhuka gba ní-o

¹¹ Engú bini, ngamu kpála gba Ebhe-e, kpe ndu sisiti 'ngú bhomu-o hana makpe. Gbite limu li ngibili 'ngú , ha limu pi Ebhe, du ne nabhuka, ne mukunda, ne 'ndjá bua, di ne bhukú 'ngú.

¹² Gu bádha gbele inde ní nde bhú e ka nabhuka gba ní-o. Lila mukobho na dudu ma ndjindji, anga Ebhe a'i nani mu ngú mukobho ango-o, mo otsia apa ne djali kala okpála bhelé me ni abhuka.

¹³ Ma ngaha líli pi mu kala Ebhe inde ngaha mukobho pi ndu 'he hana, di ne kala Yesu Kilisito inde akpokpo nani kükülu 'ngú pindji nabhuka kala Pose Pilate ndjindji-e me,

¹⁴ lila líli inde ma aha e pi mu-o ndjindji, mene ndundu hana maka ma apa pi mu lie. Mene me kpála bini agú líli ango-o de, akólo li ekpi li Ngámá gba ní Yesu Kilisito agie lie lie-o.

¹⁵ Ekpí ango-o, Ebhe a'o ngae. A ko Ebhe inde ngaha bádha 'ngú pi okpála, a ko koli Ngámá bini inde ngaú pi 'ndji ndu 'he hana. A ko 'ngbé Ngámá pi 'ndji ongbengbe ongámási, a ko la di Ngámá gba ongámási.

¹⁶ Ani kpi kpi de, ani ngadu bhú zì 'kpí inde li kpála bini ti da nakolo li e de. Kpála bini u nga ani de, kpála bini tí la di da nau ani de. A ayo me okpála dhége ani! A ayo me ani u dudu ma ne dudu ma! A adu moko.

Líli pi obhulu tia

¹⁷ Pa pi obhulu tia na doto inde-e me, 'ndji uo abé kaka de, u a'ó la di 'to o 'to tia na doto inde-e de, anga tia ango-o ngakodho 'kpí makodho. Engú bini, u 'o mangbo 'to o 'to Ebhe inde ngaha ndu 'he hana pi ní bhibhiti, ngubula me ní kpi djali ne di ko.

¹⁸ Pa pi uo me, u mene bádha 'ngú, u du mangbo obhulu tia bhú namene obabadha 'ngú. U du okpála napu 'he pi obi o ne bádha bua, u du bedhe ngú naha 'he pi okpála koko.

¹⁹ U mene mo-o, u pó bhúla ohe na babadha inde di ngabhue mabhue pi o ngú

okpí inde ngago-o. Abhomu-o, u tsia tí da nasia kukulu mukobho.

²⁰ Timoté, lila kulu inde li Ebhe aha e pi mu-o ndjindji. Kpe agøle na padhá padhá inde i ti ne nabhuka de-e makpe. Kpe di obhayiki li okpála koko nga'i e ne eu me a ko imbilangu-o makpe.

²¹ Okpála koko abhundja me o ne ngua imbilangu ango-o, u atsia ayie li kpadji na nabhuka-o.

A ayo me, bádha bhú 'bu gba Ebhe-e du ne yi bhú dabili bini.

Balua na bhisi gba Polo pi Timoté Eli na kalanu

Bhú balua na bhisi gba Polo pi Timoté-e, aní aha líli pi Timoté maka kili e na kulu inde la di ngateteke aní. Engú na ngbéngbé a ko bua nakibila 'ngú. Polo aha líli pi Timoté ne nato masi bhú aní ngubula nakpokpo 'ngú gba Yesu Kilisito ngingbingili ne nasuno Bádha Ngali na Gandja na Didili di ne bhe na Mbia ndjindji. Pi bhobhomu-o, a ayo di me aní suno eli gba Ebhe-e ndjindji abana likabhu aní ngazu e di ne li okpála ngagu aní lie-o.

Polo atsia agbele 'dje Timoté pindji okpekpeke da 'ngú inde i ti da nakolo li aní ka nali bhú okpekebhó na ngingi inde li tata nde lie ade (2:23) i zu la di ngua ade, a la nga'e okpála inde ngadjedje li ngibili kpadji.

Bhú ndu 'ngú bhomu-o hana-a, Polo ngayo ka Timoté me aní kpata nganda ni di ne namene ongú inde li Polo ngamene e maka nabhuka gba Polo, ne ndja bua gba aní, ne mukunda gba aní, ne nakibila 'ngú gba aní la di ne likabhu aní ngasia bhú mbolo u ngato e li aní o.

* **1:4 1:4 Egbá:** Polo a'o nani ká Timoté bhú gudhu na Efeso, aní atsia atapa bhú ndu doto na Makedonia. Ekpí angó-o, Timotéaku nani egbá naali. Tsia bhú 1 Tim. 1:3.

Ongbengbe ongú inde bhú bhuku inde-e ngae inde:

Eli na kalanu 1:1-2
Natoko ne 'he inde a ayo
me u mene e 1:3 - 2:13
Líli ne nagbele 'dje ngú
nalila li e 2:14 - 4:5
Ongú inde atsia bha Polo
kpi e kpi 4:6-18
Eli na soso 4:19-22

Polo yi Timoté mayi

¹⁻² Timoté ndíka ma na mukunda, ma aye balua inde-e pi mu ngama Polo. Ebhe abhú nani ma me ma du ne bhúlú titima gba Yesu Kilisito ngú nakpokpo engú na mukobho na duduuma. Aní apa nani me ni ahá mukobho angó-o pi ni li kpadji gba Yesu Kilisito ko. A ayo me 'Dyi ní Ebhe ne Ngámá gba ní Yesu Kilisito suno bádha bhú 'bu gba o-o pi mu, u dje ndjinga mu, amba u ha di guo 'ngú pi mu.

Polo agie hení pi Ebhe, aní atsia ato di masi bhú Timoté

³ Ma ngagie hení pi Ebhe li 'ngú gba mu-o. Ma ngamene kulu lima pi aní maka onguo ogbi ma adu nani amemene lie-o. Ma ngamemene ne bua nakpokpo kú 'ngú ndjindji. Ma nga'o mu kala Ebhe ndu 'kpí hana. Ngbikpi ne sukpe, nedhinga ma ngayo Ebhe lie, ma nga'o mu kala aní.

⁴ Ma bhundja egbá* nani mo oku e, gumu nau mu má

gala bédhe ma bedhe, amba ma bedhe ne djali bedhe.

⁵ 'To ma 'ili 'to nabhuka na kükülu inde bhú mʉ-o de. 'Hi mʉ Enise ne bhe azu ani na œele, Loisi abhuka ngaiza nani pi mʉ kalanu. Ma abhuka na paká me ngamʉ di-e, mʉ ne nabhuka ango-o.

⁶ Kaka-a, ma matá ngapa engú inde-e pi mʉ ne toto: kpo djua bhú angu inde li Ebhe aha e pi mʉ-o bhú bádha bhú 'bu gba e-e ne kalanu. Ebhe aha nani angu ango-o pi mʉ nedhingga ma a'o 'kpa ma pi 'ndji mʉ lie ko.

⁷ Padhá de, anga Bua li Ebhe aha e pi ní-e, a ko bua na tsülü de. Engú bini, Bua ango-o ngabedhe mangbo ní ne angu, ne mʉkʉnda di ne namene 'ngú li lelele.

⁸ Kaka-a, mo odjé nʉmʉ li nakpokpo 'ngú gba Ngámá gba ní-e de. Abana ma nde lie bhú tikpu li 'ngú gba ani-e, mo odjé di nʉmʉ ka bhobhomʉ-o de. Engú bini, ziba mangbo nazʉ likabhu ne ma bhú dabili bini ngʉbulu Bádha Ngali ní ngakpokpo e-o. Zu likabhu ango-o me mʉ nde alʉ ne angu inde li Ebhe ahaha e ko.

⁹ Ebhe akobho ní ngae, ani atsia a'i ní me ní du ne piga gba ni-o. Ani kobho ní ka bádha 'ngú gba ní-e de, engú bini, ani akobho ní ka bádha bhú 'bu gba e di ne ka anga ani akʉnda nani me a adʉ moko. Kala me ani bho kokpí ne doto-o, ani atima Yesu Kilisito pi ní maka ani

abhundja lie, amba ní sia bádha bhú 'bu ango-o.

¹⁰ Bádha bhú 'bu bhomʉ-o akoto mbia inde-e bhú mbasʉ, anga Ngámá gba ní Yesu Kilisito ago. Ani andjia angu kuo ngae. Ani asuno pi ní bhú Bádha Ngali-e me ní asia mʉkobho na dʉdʉma masia.

¹¹ Ngama-a, Ebhe abhʉ ma me ma du bhʉlʉ titima, ma du di ne bhʉlʉ nakpokpo Bádha Ngali ango-o pi okpála, amba ma suno di pi uo.

¹² Ma bhadi ngazʉ likabhu inde-e kabula nakpokpo Bádha Ngali ango-o. Engú bini, ma téte ne nʉmʉ ade, anga ma mbila kpála inde ma a'o 'to ma 'to e hana. Ma abhuka la bhadi na paká me ani ne angu ngú nalila kulu inde ani aha e mʉma-a nakolo li 'kpí ani agó lie-o.

¹³ Ongú inde mo odje me ma nde ngasuno e-e, a ko ongú na kükülu inde a ayo me mʉ kpata e-o. Lu kpekpeke bhú nabhuka, ne bhú mʉkʉnda inde ní nde ne e bhú nakpətse liní ne Yesu Kilisito-o.

¹⁴ Lila bádha nasuno inde li Ebhe aha e pi mʉ-o ndjindji. Lila nasuno ango-o ne angu gba Bu Bhobua inde ngadʉ bhú ní-o.

¹⁵ Mʉ mbila hana me omabhuka bhelé na ndu doto na Adjia hana a'o ka ma a'o. Fidjele ne Elemodjene di bhú ká uo.

¹⁶ A ayo me Ngámá dje ndjinga piga gba Onesifole-o, anga ani ateteke ma bhutsibhʉtsi, ani dje di

nemū li naama 'ngú ka ma nde lie bhú tikpu-o de.

¹⁷ Engú bini, nedhinga aní akolo lie bhú gudhu na Loma-a , aní agili ma ne kekele hana nakolo bha bini li nedhinga aní au ma lie-o.

¹⁸ Mu mbila ndjindji me nedhinga ma adu lie bhú Efeso-o, aní ateteke ma naali. A ayo me, Ngámá gba ní-e gie bádha 'ngú pi aní li 'kpí inde aní akódho 'ngú gba okpála lie-o.

2

Líli pi súdha gba Yesu Kilisito

¹ Ngamú Timoté ndika ma, sia angu bhú bádha bhú 'bu inde li Yesu Kilisito ngaha e pi ní-o.

² Ongú inde mo odje ma me ma nde ngakpokpo e kala bhti okpála inde adu adje ma-a, suno pi okpála li okpála koko ngaziba o, inde i ti da nasusuno di pi okpála koko.

³ Kibila likabhu maka súdha na babadha gba Yesu Kilisito.

⁴ Kpála inde bhú kulu na súdha-a lili bhú ongú ngangá na doto inde-e de, i du me aní kunda me ni mene engú inde anga li ngámá gba ní-o. Mene bhadi moko.

⁵ Bhundja la di me, i du me okpála nde ngamene ngeme nagú holoo, li kpála gú maka li líli na ngeme aziba lie de-e, aní sia makalá de.

⁶ Kpála inde ngamene kpéke kulu nalu edyi-e, asia

ngaiza ezú na edyi ango-o kalanú ngae.

⁷ Bhundja pindji ongú ma ngapa e pi mu inde ndjindji, mu mene mo-o, li Ngámá gba ní-e há angu pi mu ngú nake mboli ndu ongú hana.

⁸ Bádha Ngali inde ma ngakpokpo e pi okpála-a, a me Yesu Kilisito ne ndili gba Davidi, Ebhe azuku aní bhú ká okpála inde amu-o. Mo o'li 'to mu li aní de.

⁹ Ma ngazu likabhu inde e kabula Bádha Ngali ango-o. U ato belegu ma bhú tikpu magito me ma amene siti 'ngú. Engú bini, u to eli gba Ebhe-e bhú tikpu de, eli ango-o nganú bha bini ne kalanú.

¹⁰ Kaka-a, ma ngakibila ndu likabhu inde ma ngazu e hana ngubula nateteke okpála li Ebhe abhu o-o, amba ngauo di-e, u sia muékobho di ne sangu inde ngadu duduuma ne duduuma ka Yesu Kilisito-o.

¹¹ Engú inde ma adji apa e inde-e, a ko kukulu 'ngú. Engú ango-o ngae inde:

«I du me ní nde amu bhú dabili bini ne Yesu-o, ní du bhadi bhú muékobho bhú dabili bini ne aní.

¹² I du me ní nde alu kpekpeke bhú likabhu ní ngazu e kabula Bádha Ngali-e, ní ú bhadi ne aní bhú dabili bini.

Engú bini, i du me ní nde apa me ní mbila aní de-e,

ngaani di-e, ani pá bhadi
me ni mbila ní de.

¹³ I dū me ní nde ngamene
engú inde i nga li ani
de-e,
ngaani-e, ani djidji lie
de,

ani améne ndu 'ngú inde ani
apa me ni améne e
hana.

Padhá de, anga ani tí da
namene 'ngú kpi ne
bhende
ani ngapa e de.»

*Kpála na kulu inde li Ebhe
abhuka e*

¹⁴ Ongú inde ma apa e
pi mu bhomu-o, kpokpo pi
omabhuka ngubula me u
bhundja pépé. Gbele 'dje uo
li 'ngú inde-e ne 'li Ebhe me
u atsi pindji oeli de. Padhá
de, anga tata téte ade, a
mangbo ngasiti bua okpála
inde ngadjedje-o.

¹⁵ La ngamá makpe-e,
mene ne kpéke ngú nadu
maka li Ebhe akunda lie-o.
Dú maka kpála na kulu inde
ne námu li kulu gba e ade, a
akunda napa me, kpokpo eli
na kükulu-o pi okpála koko
li lelele.

¹⁶ Kpe agelé na padhá
padhá inde i ti ne nabhuka
de-e makpe. Padhá de,
anga okpála inde adhika
li ngua ongú bhomu-o
ngayie li kpadji gba Ebhe-e
bhébhéku.

¹⁷ La di-e, 'li uo ngayangba
bhé ká okpála maka eka
inde ngazidhaka mazidhaka.
Imene ne Filete bhé ká
okpála ango-o.

¹⁸ U ayie li kpadji na
kükulu 'ngú ayie. U ngapa
eu pi okpála me nedhinga
nazuku ka okpála akodho
'kpí akodho. Kaka-a, okpála
koko ayie ka uo li kpadji na
nabhuka ayie.

¹⁹ Engú bini, kükulu eli
gba Ebhe-e yié bhé da e de.
Eli ango-o maka nepanda
inde alu kpekpeke. U atsia
aye balua téte me: «Ngámá
mbila okpála gba e hana.†»
U atsia aye di me: «A ayo me
ndu okpála hana inde ngapa
me ni ne okpála gba Ngámá-a,
'o namene siti 'ngú ma'o.»

²⁰ Adudu bhé 'ngbé 'ti
ne limbi osaani bhelé. U
abho osaani koko li olo,
u abho okoko li aladja, u
agolo okoko li ndula. A
pise bha bini li obhobhomu-o
de, u abho matá okoko
li doto. Osaani bhomu-o li
okulu kpikpikpi. U nga'o
obhende na babadha-a ngú
okpí na anokomía, okoko-o,
u ngamene kulu ne di ndu
'kpí hana.

²¹ A bhadi pi ní moko. Li
kpála 'o namene ndu sisiti
'ngú inde ma ngapa 'ngú lie
bhomu-o hana-a, li Ebhe 'ó
ani kpi pi e. Ani dú maka
saani na olo, anga ngaani-e,
ani bedhe ngú namene ndu
obabadha kulu hana.

*Líli pi bádha kpála na
kulu gba Ngámá*

²² Timoté, gbe limu li os-
isiti 'ngú inde li omakombise
koko ngamene e magbe.
Ngamá bhé dabili bini

† 2:19 2:19 Tsia bhé Nom. 16:5.

ne okpála bhende ngayo
Ngámá ne bua o bini-e, yi
gili namene ngbili 'ngú ,
ne nadu ne nabhuka, ne
mukunda di ne guo 'ngú
sunda yi.

²³ Gbe limu li otodu na
padhá padhá li tata nde
lie ade-e magbe. Padhá
de, anga mu mbila ndjindji
me ndu 'ngú bhomu-o hana
ngagbe tolo.

²⁴ A ayo de me kpála na
kulu gba Ngámá-a du natsi-
e de, a ayo mangbo me ani
du ne guo 'ngú pi ndu okpála
hana. Ani du kpála inde ngas-
suno 'ngú pi okpála ndjindji.
Ani du la di kpála nakibila
'ngú nedhinga li okpála ziba
engú ani ngapa e lie de ko.

²⁵ A ayo me, ani suno
'ngú pi okpála bhende nga'o
bhayiki li engú inde ani
ngapa e ne bhuku bua.
Padhá de, anga nedhinga
koko-o, li Ebhe há kpadji pi
uo ngú nadji mabhundja gba
o ngubula me u mbila eli na
kukulu-o.

²⁶ Abhomu-o, u hólo matá
nabhundja 'ngú ndjindji. U
tsia zé bhú ekú gba Djabuá
inde aholo uo, a atsia a'o di
uo sa lili gba ani-o.

3

*Engú inde akódho 'kpí li
sokpí-o*

¹ Mbila ndjindji me
bhú onedhinga na sokpí-e,
kpekpeke da 'ngú adú naali.

² Padhá de, anga okpála
adú nambila bha engú gba
o makpe, u adú akunda tia

naali, u adú apa 'li o, u adú
obhulé 'ngbé 'ndji, u adú
nasobho Ebhe, u dú nadje
okpála inde azu o-o de. U gie
heni pi okpála inde amene
bádha 'ngú pi o-o de, u
mánga ehe gba Ebhe-e de.

³ U dú ne mukunda pi
okpála koko de, u djé nd-
jinga obi o de, u adú apa
'ngú li okpála koko sisiti. U
hólo bua o ka 'ngú de, u
akúnda bha bini namene obi
o sisiti, u kúnda bádha 'ngú
de.

⁴ U apú obi o pi obhulé
yala gba o, bua uo adú ape
má pupupu, u tsia du na'o
lio ne abhulá. U akúnda
mangbo engú inde a nga li o,
u kúnda Ebhe de.

⁵ U adú namene mugito
me o ne okpála gba Ebhe,
engú bini, u ziba angu gba
ani-e de. Gbe limu de okpála
bhomu-o magbe!

⁶ Okpála koko bhú ká
okpála bhomu-o ngali bhú
okuti, u tsia hólo li ekú gba o-
o olisi na padhá padhá 'ngú
inde oo. Olisi ango-o abedhe
ne gumu 'he ngangá, u at-
sia abedhe di ne sisiti 'ngú
bedhe.

⁷ U ngagili ndu 'kpí hana
nambila 'ngú, engú bini,
angu uo kolo li nambila
kukulu 'ngú-o belegu de
bini.

⁸ Okpála bhomu-o ngayala
nakpata kukulu 'ngú maka
Djanesi ne Djambelesi ayala
nani nadje 'li Moidje lie-o.
A ko okpála li 'ndji o asiti,
u bhuka Ebhe na paká paká
de.

⁹ La-a, u lúka matá ne di tsutsu de, anga ngingi 'ngú u ngamene e akóto bhú djila ndú okpála hana ngbadha, maka bhe nani i mene Djanesi ne Djambelési-o.

Engú inde a ayo nab-hundja pindji e

¹⁰ La ngamu-o, mo okpata ma ndjindji bhú nasuno gba ma-o, mo ou lele nadhukú gba ma-o, mu mbila mab-hundja gba ma-a hana, mu mbila nabhuka gba ma-a hana, mu mbila 'ndjá bua gba ma-a hana, mu mbila mukunda gba ma-a hana, mu mbila kpéke bua gba ma-a hana.

¹¹ Mu mbila likabhu ma azú e ne mbolo u ato e li ma-a hana. Mu mbila ndú 'ngú inde apú pí ma bhú Atiokia, ne bhú Ikoniomu di ne bhú Lisitele hana. Ma azú likabhu na paká paká, engú bini, Ngámá agbegbe ma bhú ndú likabhu bhomu-o hana.

¹² A ne okpála koko inde akunda nakobho maka li Ebhe akunda lie, bhú makpetse gba ní ne Yesu Kilisito-o . A na paká me u ató mbolo li ndú uo hana.

¹³ La-a, obhalu nazi 'gú, inde di ngapite okpála-a, anú bhú siti 'ngú ne kalanu. U ngapite okpála, li okpála koko píte di uo.

¹⁴ Engú bini ngamu-o, lu kpekpeke bhú 'ngú inde mo okpata e, mo osia di-e ne bua mu hana ko. Mu mbila okpála asuno pí mu-o hana.

¹⁵ Nayie bhú ndili li mu-o, mu mbila Bhuku gba Ebhe-e ndjindji. Bhuku ango-o ti da naha pi mu imbilangú inde ngato kpála bhú mukobho na dudu ma ka nabhuka Yesu Kilisito-o.

¹⁶ Ndú 'ngú inde u aye e bhú Bhuku gba Ebhe-e hana ayie ka Ebhe. A ne tata ngú nasuno ngbili 'ngú pi kpála, ngú napana pulu 'ngú gba kpála pi e, ngú nali kpála, di ne ngú nasuno pi kpála namene 'ngú maka li Ebhe akunda lie-o.

¹⁷ Ebhe amene mo-o ngubula me kpála gba ni-e du bedhe na paká paká ngú namene ndú babadha 'ngú hana.

4

Kpokpo li Ebhe

¹ Yesu Kilisito agó galikpe mago, ani tsia ú ngámá píla doto. Aní akódho 'ngú gba okpála inde uu ne obhende amu-o. Kaka-a, ma ngaha líli inde-e pi mu kala ani ne kala Ebhe me:

² kpokpo li Ebhe, lu pépé kpekpeke bhú bádha nedhinga abana bhú siti nedhinga. Mbe bhú 'ndji okpála inde ngamene siti 'ngú-o, pa pi uo me u 'o namene siti 'ngú ma'o. To masi bhú okpála koko ngú namene bádha 'ngú. Suno ndú ongú bhomu-o pi uo hana li lelele di ne 'ndjá bua.

³ Padhá de, anga ekpí akólo makolo, okpála kúnda matá nadje nasuno pindji

kukulu 'ngú de. Engú bini, u adú nakpata gümü gba o makpe, u tsia pó bhála omusuno na eu de o. Omusuno ango-o adú apa pi ue ongú inde anga li uo-o.

⁴ U aníni 'dje o li nadje kukulu 'ngú, u tsia kpáta ongú na padhá padhá inde li okpála ngagbe e bhá 'ndjì o-o.

⁵ Engú bini ngamü-o, du naholo bua mu bhá ndu 'ngú hana maholo. Kibila nazü likabhu makibila. Mene kulu nakpokpo Bádha Ngali-e ndjindji. Ndjia kulu li Ebhe aha e pi mu-o.

⁶ Mumá-a, nedhinga nandala 'kpa li mukobho gba ma-a ngubula me u bhéle ma-a akolo masikpe. Nedhinga nabhana lima pi doto inde-e ale.

⁷ Ma agü bádha gbele, ma agü holo akolo ali soso. Ma ndala 'kpa li nabhuka de.

⁸ Mbia inde-e, Ebhe aleke makalá mumá abhúlá. A ko ndata na 'ngbø ndua inde li Ngámá ahá e mumá li 'kpí ani akódho 'ngú gba okpála lie-o. Ndata ango-o, a ko ndata na mukobho. Ngámá gba ni-e, a ko Ngámá inde ngakodho 'ngú gba okpála ngingbili. Ani há bha ndata ango-o mumá kpi ma kpi de, engú bini, ani ahá di pi ndu okpála hana inde ne djali li nago ka ani-o.

Polo apa pi Timoté me ani go bhaka ni

⁹ Mene ne kpéke me mu go bhaka ma má gala!

¹⁰ Padhá de, anga Demasi a'o ká ma ka gümü 'he na doto na naki inde-e a'o. Ani atapa bhá gudhü na Tésalonike. Kelesasi atapa bhá gudhü na Galatia. Tito atapa bhá gudhü na Dalamatia.

¹¹ Luka atigala ne ma si ngae kpi e kpi. Mu du ago-o, ha Maloko, mu go ne ani bhá dabili bini, anga ani tí da nateteke ma li kulu ma nde ne e ko.

¹² Ma atima Tisike bhá gudhü na Efeso.

¹³ Li mu du nago-o, mu de go mumá ne koti gba ma inde ma 'o nako ká e bhá gudhü na Tuluasi agba Kalipusi ko. Go di mumá ne obhuku gba ma-o, ane la mane obhende u amene e li kó 'nu-o.

¹⁴ Alekidjandele, bhálu nabho bolo-o amene ma sisiti naali. Ngámá agié pi ani nakpata lele siti 'ngú ani amene e li ma-a ngae.

¹⁵ Lila di limü ka ani malila, anga ani ngagü nasuno gba ni-e kpekpeke.

¹⁶ Nedhinga ma akpokpo 'ngú gba ma-a lie bhátsibhátsi na bini kala okpála nakodho 'ngú-o, kpála bini teteke ma de. Ndu uo hana a'o ká ma. Ebhe mbu li uo téte.

¹⁷ Engú bini, Ngámá ateteke ma ngae, ani aha angu mumá ngubula me ma kpokpo eli gba ni-e ndjindji. Ndu omugagano hana inde adu oo adje. Ani atsia agbegbe ma sakpa kuo.

¹⁸ Ngámá agbégbe matá ma sakpa ndu egü li okpála

ngagʉ ma ne e hana, ani
tsia tó ma bhʉ Naʉ gba e na
abhʉlá-o. A ayo me u dhəgə
Ngámá dʉdʉma ne dʉdʉma!
A adʉ moko.

Oeli na soso

¹⁹ Pa pi Pilisila ne Akuila, a
la di-e piga gba Onesifole me
ma yi uo mayi.

²⁰ Elasite atigala bhʉ
gʉdhʉ na Kolito. Ma a'o
ká Tolofime bhʉ gʉdhʉ na
Mileté, anga adʉ li ani ne
kuo.

²¹ Mene ne kpéke me mʉ
go ei kala nedhingga na zini.
Ebulosi, ne Pudene, ne Line
ne uo ne Kolodia, a la di-
e ondaise ní ìnde ei-e hana
apa me o yi mʉ mayi.

²² Ngámá dʉ ne mʉ. A
ayo me, bádha bhʉ 'bu gba
Ebhe-e dʉ ne yi.

Balua gba Polo pi Tito Eli na kalanu

Tito inde akolo nani kpála na kulu bhú dabili bini ne Polo, ani atsia adú di ateteke ani bhú kulu gba e na Ebhe inde ani adú adholo ne e, ani adú nani mupagano inde adji bua e, ani atsia aziba Kilisito . Polo aye balua inde pi Tito, makombi inde adú ateteke ani bhú Dadjua gba Ebhe na Kelete-o. Polo a'o nani ká ani oo ngubula natsia 'kpí li kulu na Dadjua gba Ebhe ango-o. Ngbengbe 'ngú bhú balua inde bata.

Engú na kalanu u aye bhú balua inde-e, ko nasuno pi Tito dasandu inde a ayo me obhelesi okpála na Dadjua gba Ebhe du ne e, adú kpi ne bhe na sisiti inde li okpála na Kelete nde ne e ko. Pipita-a, Polo ngaha lili pi Tito me ani du masuno pi limbi okpála ngangá na Dadjua gba Ebhe-o. Limbi okpála maka: obhosí na bhelesibhelesi, omakombise, obalise ne olisi bhe na bhelesibhelesi (inde a ayo me u ha lili pi otsalisi). Li soso-o, Polo ngaha lili pi Tito pindji lele nadholo gba makilisito, ne nadu ne mukunda, ne nadu ne guo 'ngú ngubula nakpe yala, ne nakpe tolo, a la di na gbogbo bhusu bhú Piga gba Ebhe.

Ongbengbe ongú inde bhú bhuku inde-e ngae inde:

Eli na kalanu 1:1-4
Obhelesi okpála na Piga gba Ebhe 1:5-16
Engú a ayo me limbi okpála mene e bhú Piga gba Ebhe 2:1-15
Naha lili gba Ebhe ne napa me kpála du ne nalila li e 3:1-11
Eli na soso 3:12-15

Polo yi Tito mayi

¹ Ma aye balua inde-e ngama Polo, bali gba Ebhe, la di bhul titima gba YesuKilisito . Ebhe aha kulu napana kpadji na nabhuka pi okpála inde ani abhu o-o muma ngubula me u bhuka ni, amba u ke di mboli kükülu nasuno inde ati ne mukobho inde ngadhégo ani-o.

² Abhomu-o, u ti da nadu ne 'to o me o osia mukobho na duduuma masia. Ebhe inde i papa eu de-e, apama nani mukobho ango-o pi omaha e bhutode kala me ani bho kokpi ne doto.

³ Nedhinga inde li Ebhe a'o e akolo lie, Ebhe, Mukobho gba ní-e amene me omaha ni mbila 'li ni li kpadji nakpokpo Bádha Ngali . A bhomu-o kulu inde ani aha lili me ma mene e-o.

⁴ Ma ngaye balua inde-e pi mu Tito. Mu maka kükülu ndili gba ma bhú 'bu nabhuka inde ngakpetse ní ko. A ayo me bádha bhú 'bu ne guo 'ngú gba 'Dyi ní Ebhe, di ne Yesu Kilisito Mukobho gba ní-e du ne mu bhú dabili bini.

Lele mukobho gba obhelesi okpála na Piga gba Ebhe

⁵ Ma a'o ka mu bhú kpeme na Kelete, amba mu ndjia naleke ndu 'ngú hana inde atigala-o. A ayo me mu bhú obhelesi okpála na Piga gba Ebhe-e bhú ndu gádhé hana bini ne bini nakpata olíli nako ma aha e pi mu-o moko me,

⁶ a ayo de me u u bhele kpála na Piga gba Ebhe-e ne siti 'ngú-o de. Aní du ne koli élè bini. A ayo me ongisi gba ani-e du omabhuka. U améne engú bini de inde u 'í uo ka e me, a ko ongisi na sisiti, di ne me, a ko ongisi na ndjondjo.

⁷ Bhele kpála na Piga gba Ebhe-e ngalila kulu gba Ebhe-e ngae. Kaka-a, a ayo de me u u ani ne siti 'ngú-o de. A adú kpála na 'ngbé 'ndji de. Aní adú nake 'ngú lie má gala de. Aní ahá lie pi pandi de. A adú bhulú nagú gbele de. Aní adú nagili tia li siti kpadijí de.

⁸ Engú bini, aní du nasia ogomago ndjindji. Aní kunda bádha 'ngú. Aní du nabhundja 'ngú ndjindji. Aní du ngbingbili. Aní du bubu kala okpála di ne kala Ebhe. Aní du kpála naholo bua e ka 'ngú maholo.

⁹ A ayo me ani gbite lie kpekpeke li Eli na kákálu inde ati ne engú inde ní asuno e pi ani-o. Abhomu-o, aní tí da nato masi bhú okpála koko ne nasuno na ngbingbili-o. Aní tsia tí la

di da nasuno pi okpála inde nga'o bhayiki li nasuno gba ani-e me uo li pülü kpadjí.

Polo agbele 'dje Tito pindji nasuno na eu

¹⁰ Okpála bhelé ne kpéke 'ndji, a ane la mane bhú ká okpála inde ngasuno me a ayo me omakilisito kpata lili gba omaYuda li kpadjí nali gandja-o. U ngapite okpála koko, u di ngapa ongú na padhá padhá.

¹¹ A ayo nagbite 'bhé uo, anga u ngangbingi 'ndji opiga libhomu ne nasuno ongú inde a ayo nasuno e de, ngubula nasia tia li siti kpadijí.

¹² Súka kpála bini na kpeme na Kelete-e, adú nani bhulú imbilangú. Aní apa nani ne 'bhé e me: «Okpála na Kelete-e, a ko odidili obhulú eu, uo maka onu na 'gú. A ko obhulú ipio, u ngabhundja bha bini bula 'ngú na 'zu.»

¹³ Engú inde aní apa e bhomu-o, a ko kükálu 'ngú. Kaka-a, mbe bhú 'ndji uo téte kpekpeke, ngubula me u lu kpekpeke bhú nabhuka,

¹⁴ u a'ó la di 'ndji o li ongú na padhá padhá inde li omaYuda ngagbe e bhú 'ndji o de. U adú di namene lili gba okpála bhende ngayala kükálu 'ngú-o de.

¹⁵ Pi okpála bhende kala Ebhe bubu-o, ndu 'he hana bhadi bubu. La-a, pi okpála bhende kala Ebhe bubu ade-e, inde ayala nabhuka-a,

ehe bini pi uo bubu belegu ade bini. Padhá de, anga imbilangu di ne bua nakpokpo kú 'ngú gba uo-o asiti.

¹⁶ U ngapa me, o mbila Ebhe hana, engú bini ongú inde u ngamene e ngasuno me u mbila ani de. Engú inde u ngamene e nga li okpála de, a nga la di li Ebhe de. A ko okpála na kpekpeke 'ndji. Uo la di ne angu namene bádha 'ngú belegu ade bini.

2

Polo aha lili pi omabhuka

¹ Engú bini, ngamu Tito-o, pa engú inde ati ne nasuno na ngbingbili-o.

² Pa pi obhosí bhende na gbegbegbe-e me, u du naho bua o ka 'ngú maholo. U du ne okpála inde u ngamanga o mamanga. U du nabhundja 'ngú ndjindji. U lu la di ne angu bhú nabhuka , ne mukunda, di ne 'ndjá bua.

³ Ha di lili pi olisi bhe na obhelesibhelesi-o. Pa pi uo me mukobho gba uo-o du bubu kala Ebhe. U adú napa osisiti 'ngú li okpála koko de. La di-e, u adú obalise na pandi de. A ayo me u suno pi okpála koko ongú na ndjindji.

⁴ U mene mo-o, i tsia suno pi otsalisi me, u du ne mukunda pi obhosí gba o, di ne pi ongisi gba o,

⁵ u du nabhundja 'ngú ndjindji, u adú akunda obhosí ngangá de, u 'o 'to o 'to pigi gba o, u du ndjindji. U mene la di olili gba obhosí gba o makpe, ngubula me kpála bini asóbho eli gba Ebhe-e de.

⁶ Ha di lili pi omakombise me, u du namene ndu 'ngú hana li lelele.

⁷ Ngamu makpe-e, a ayo me mu suno bhú okulu gba mu-o ongú na ndjindji, inde li okpála ti da nakpata nganda e. A ayo me nasuno gba mu-o du ngbingbili, amba adu di bhe li okpála ti da namanga e.

⁸ A ayo me 'li mu du ngbingbili, eli inde li okpála ti da naboyo e de, amba obhulé yala gba ní-e asia engú na sisiti napapa li ní de. Abhomu-o, u tsia djé numu na paká paká.

⁹ A ayo me, obalise mene lili gba omakulasi o bhú ndu 'ngú hana. A ayo me u du amene engú inde anga li omakulasi o. U adú adjidji 'ngú sa 'li uo de.

¹⁰ U azí 'he gba omakulasi o de. Engú bini, u du ndu 'kpí hana ngbingbili li pápá gba uo-o. U mene mo-o, li okpála tsia ú me nasuno inde pindji Ebhe, Mukobho gba ní-e ndjindji ka nau lele maka u ngakobho lie-o.

Yesu akunda me ní du pigi gba ni

¹¹ A moko, Ebhe asuno bádha bhú 'bu gba e inde ngakobho ndu okpála hana

bhú siti 'ngú-o asuno. I dú kaka de-e, kpála bini de kóbho de.

¹² Bádha bhú 'bu ango-o ngasuno pi ní nayala siti 'ngú. A la di ngasuno pi ní nayala ogumú ongú na doto, amba nedhingga ní nde nga lie pi doto inde-e, a ayo me ní du nabhundja 'ngú ndjindji, ní du namene engú inde ngingbili, di ne bhende nganga li Ebhe manga.

¹³ Ní du namene moko ngubula nadjeke ekpí na djali inde ní nga'o 'to ní 'to e-o. Li 'kpí ango-o, Yesu Kilisito inde Ebhe gba ní na ngingbé, di ne Mukobho gba ní-e, agié lie píla doto bhú sangu gba e ko.

¹⁴ Aní aha Mukobho gba e makpe pi ní ngubula nagingbé ní bhú ndu osisiti 'ngú hana. Aní abhú ní me ní kolo piga gba ní makpe, piga inde bubu kala ni-o, amba ní du piga inde abedhe ne gumú namene babadha 'ngú.

¹⁵ A bhomú-o engú inde ayo me mu suno e ne angu mu hana, nedhingga inde mu ngato masi lie bhú okpála inde ngadje mu, di ne nedhingga inde mu ngambe lie bhú 'ndji obhende i dje mu de ko. Mo oká kpadji pi kpála bini de me aní u mu padhá-a de.

3

*Lele nadu ka omabhuka
bhú ká omupagano*

¹ Bhundja pi ndu omabhuka hana me, a ayo me

u manga ongámási, di ne okpála bhende ngaú pi 'ndji uo-o. A ayo me u mene lili gba uo-o, amba u du bedhe ngú namene ndu ongú na babadha hana.

² A ayo de me u di kpála-a de. U adu obhulu gbele de. A ayo me u du okpála na guo 'ngú. A ayo me u du ndu 'kpí hana ne bhukú bua pi ndu okpála hana.

³ Padhá de, anga nganí di-e, ní adu nani ongingi. Ní adu nani okpála na kpekpeke 'ndji. Ní adu nani li pálú kpadji. Ondu ngangá gúmu 'he, di ne oehe nanga li ní manga a'o nani ní obalise. Mukobho gba ní-e adu nani sisiti. Ní abedhe di nani ne ogumú 'he bedhe. Ní adu ayala okpála koko, u atsia adu di ayala ní.

⁴ Engú bini, nedhingga li Ebhe, Mukobho gba ní-e asuno bádha 'ngú di ne mukunda gba e lie pi okpála-a,

⁵ aní atsia akobho ní. Aní kobho ní ka ongú na ngingbili inde ní amene e-e de. Engú bini, aní akobho ní ka aní adje ndjinga ní lie ko. Aní akobho ní li kpadji nahua Bu Bhopua pi ní. Bu Bhopua ang-o-o a'e osisiti 'ngú gba ní-o, aní atsia aha Mukobho na mbia pi ní, ne lele nadu na mbia.

⁶ Ebhe atuko Bu Bhopua ang-o-o pi ní bhelé li kpadji na okulu inde li Yesu Kilisito, Mukobho gba ní-e amene e ko.

⁷ Abhomú-o, Ebhe atsia

amene me ní kolo ngbingbili ka bádha bhú 'bu gba ní ko, amba ní tì la di da nasia mukobho na dudu'ma, inde ní nde ne 'to ní 'to e-o.

⁸ Eli bhomu'o, a ko eli na kuku'lü. Ma akunda la di me, mu lu pépé kpekpeke, amba okpála hana inde abhuka Ebhe-e, ha lio ngú namene ongú na babadha. A bhomu'o engú inde ndjindji, inde di ne tata pi ndu okpála hana ko.

⁹ Engú bini, mo odú namene obhayiki na ngingide. Mo odú namene kpekebhé li nakpokpo ndjándjá kpokpodum de. Mo odú namene otolo di ne bhayiki pindji lili gba Moidje-e de. Padhá de, anga ndu ongú bhomu'o hana padhá, tata la di téte ade.

¹⁰ Mbe bhú 'ndji bhulü nagbogbo bhusu omabhuka bhutsibhutsi na bini, mu mbe bhú 'ndji ani bhutsibhutsi na bhisi, amba pipita ani dje mu de-e, mu de gbe ani bhú ká uo magbe.

¹¹ Mu mbila ndjindji me, ngua kpála bhomu'o ayie li ngibili kpadji ayie. Ani atsia a'o lie bhú mangimbo ngae makpe, ka ani azi 'ndji e lie bhú namene siti 'ngú-o.

*Polo aha olili na soso pi
Tito*

¹² Ma ngatima Alatemasi pi mu. I du ani de-e, li ma atíma Tisike. Nedhinga ani akólo lie, mu de mene ne kpéke ngú nago nabhaka ma bhú gudhü na Nikopolisi. Padhá de, anga ma apa me

nedhinga na zini-e ané ma me, ma nde oo ko.

¹³ Tsia 'kpí li 'ngú na dhukü gba avuka Djenasi, ngauo ne Apolosi-e ndjindji, amba u adú bhú ndibhili 'he bini de.

¹⁴ A ayo di me okpála gba ní-e mbila lio ne namene ongú na babadha ngubula me u du ne oehe ngubula nateteke okpála inde ne gugumu'o ne di. U mene mo-o, kulu gba uo-o tsia zú nguwa.

¹⁵ Ndú okpála hana inde bhú dabili bini ne ma-a apa me, o yi mu mayi. Pa pi ondaise ní na mukunda, inde ní nde ne o bhú 'bu nabhuka me, ya yi uo mayi. A ayo me, Ebhe tuko bisagu pi ndu yi hana!

Balua gba Polo pi Filemo Eli na kalanu

Filemo nani ne makilisito na kpekpeke, a mana me a ko nani suka okpála na Dadjua gba Ebhe na Kolosai. La die, adu nani ka ani ne bali bini inde adu 'li e me Onedjime. Bali ango-o, akpe nani maküla e, ani anu au li e ne Polo me ani nde bhú tikpu. Ani adje Bádha Ngali gba Kilisito ka Polo, ani atsia akolo makilisito. Abhomu-o, Polo atsia aye balua pi Filemo ne nayo ka ani me, a ayo me u dje lio ne bali gba e-o. Polo atsia atima Onedjime agba Filemo ne nakikiliki li e pi Filemo me, ani sia ani ne bádha bua, ani asia bha ani maka bali inde u ambu li e de. Engú bini, ani sia ani maka ndai e inde makilisito.

Ongbengbe ongú inde bhú bhuku inde-e ngae inde:

Eli na kalanu 1-3

Napa 'ngú ndjindji li kute

Filemo 4-7

Nakikiliki lie ngubula

Onedjime 8-22

Eli na soso 23-25

Polo ne Timoté yi Filemo ne obi e mayi

¹ Ma aye balua inde-e pi mu ngama Polo. Ngama-a, ma bhú tikpu kabula 'li Yesu Kilisito . Ya aye pi mu ngaya bhú dabili bini ne ndai ní na mukunda Timoté. Ya aye pi mu ndai ya Filemo, ngamu kpála inde

ngakpokpo Bádha Ngali bhú dabili bini ne ya-o.

² Ya aye di balua ango-o pi ndai ní na oole Apia, ne pi Alisipe inde ngagu gbele bhú dabili bini ne ní-o. Ya aye di pi ondaise ní inde ayoyo Ebhe bhú 'ti gba mu-o.

³ A ayo me Ebhe 'Dyi ní, bhú dabili bini ne Ngámá Yesu Kilisito suno bádha bhú 'bu pi yi, amba u ha di guo 'ngú pi yi.

Polo agie henri pi Ebhe ngubula Filemo, ani atsia ayo di Ebhe pi ani

⁴ Ndú nedhinga hana ma ngayo Ebhe lie-e, ma ngab-hundja mu Filemo. Ma la di ngagie henri pi ani ngubula mu ndú 'kpí hana.

⁵ Padhá de, anga ma ngadje me mu ne mukunda naali pi ndú omabhuka hana, mu la di ne nabhuka bhú Ngámá Yesu.

⁶ Ma ngayo Ebhe ngubula me nabhuka inde ní akpetse liní ne mu bhú e-e, zu obabadha nguwa, amba mu ke mboli obabadha ndú 'ngú hana inde li Ebhe aha e pi ní-e má kpulukutu! Li mu mene mo-o, ndú okpála hana dhégo Kilisito.

⁷ Ndai ma, mukunda mu nde ne e pi ondaise ní-e aha djali mu ma naali, atsia ato di masi bhú ma, anga mo oké bua omabhuka koko-o.

Polo ayo ka Filemo me anisia Onezime ndjindji

⁸ Kaka-a, abana ma nde lie ne angu nayo 'he ka mu maka li bua ma akunda lie

bhú 'bu nabhuka ní nde ne
mú bhú e,

⁹ ma ayó ka mú mo-o de.
La-a, ma ayó mangbo 'he
ka mú kabula mukunda ní
nde ne mú bhú e ko. Ma
ngapa 'ngú bhomú pi mú
ngama bhele kpála Polo, ma
la di mbia inde-e bhú tikpu
kabula Yesu Kilisito.

¹⁰ Ma ngakikiliki líma pi
mú ngubula Onezime, ndili
gba ma bhú 'bu nabhuka.
Ani abhuka Yesu sa 'kpa ma
ei, nedhinga ma nde lie bhú
tikpu-o. Kaka-a, ani maka
ndili gba ma, ma maka 'dyi
ani.

¹¹ Nako kalanú-o, ani dú
pi mú li kulu bini de, engú
bini mbia inde-e, ani akolo
pi ndú ní bhisi hana li kulu.

¹² Ngaani-e, a ko kpúkpú
na bua ma. Mbia inde-e, ma
ngagie ani pi mú.

¹³ Ma nde lie bhú tikpu
ei kabula Bádha Ngali-e, bua
ma apa muma me ani dú de
ma si ngú nateteke ma mada
mú.

¹⁴ Engú bini, ma kunda
nako namene mo-o padhá de
me mú nde ziba de-e de.
Padhá de, anga ma kunda
nagbite mú li namene mo
o ne ekpú de. Ma akunda
mangbo me mú mene engú
ango-o ne bádha bua.

¹⁵ Nedhinga koko-o, Ebhe
amene me Onezime nü li
bili koko ngubula nedhinga
bedi, amba pipita-a, ani gie
lie agba mú, ngú nadú ne
mú bhú dabili bini ndú 'kpí
hana.

¹⁶ Padhá de, anga mbia
inde-e, a ko matá bali de,

engú bini ani ane bali mane.
A ko ndai ní na mukunda.
Ngama Polo-o, ma kunda
ani naali. La ngamú-o,
mukunda gba mú pi ani-e
ané la matá mane, anga a ko
kpála-kuti, a ko la di ndai mú
makilisito.

¹⁷ Kaka-a, i dú me mú nde
ngau ma maka ndai mú-o,
mú de sia ani magito me mo
osia ma makpe.

¹⁸ Li ani mene mú sisiti-e, i
dú di me ani nde ne bopulu
nagigie pi mú-o, ma agié pi
mú ngama.

¹⁹ Ngama Polo-o, ma aye pi
mú ne 'kpa ma makpe me:
«Ma agié pi mú ngama.» La
a, mú ti da nayo ehe bini
li ma de, anga mukobho na
dudúma inde mo osia e-e,
mo odje 'ngú ango-o ka ma.

²⁰ A moko ndai ma, mene
engú bhomú-o muma kabula
mukunda gba Ngámá gba ní
o. Teteke bua ma, anga ní
akpetse liní bhú 'bu Kilisito.

²¹ Nedhinga ma ngaye
balúa inde-e pi mú lie, ma
aziba na paká me mo oméne
engú ma ngayo e ka mú-o
mamene. Ma ambila la di
me mo oméne belegú ané
bhende ma ngayo e ka mú-o
mane.

²² Nedhinga inde mo osia
Onezime lie agba mú-o, mú
de leke di dabili muma ngú
nasí ka ma téte. Padhá de,
anga ma abhundja me Ebhe
asúno bádha bhú 'bu bhú
mayo gba yi-e masuno. Ani
tsia bhúlu kpadji muma me
ma kolo li yi oo ko.

²³ Epafalasi, inde bhú
tíkpú bhú dabili bini ne ma
kabula Yesu Kilisito-o yi mʉ
mayi.

²⁴ Maloko, ne Alisitaluka,
ne Demasi di ne Luka ndʉ uo
hana ngamene kulu ne ma
bhú dabili bini. U apa di me
o yi mʉ mayi.

²⁵ A ayo me bádha bhú
'bu gba Ngámá gba ní Yesu
Kilisito-o dʉ ne yi.

Balua u aye e pi omaEbele Eli na kalanu

Balua inde u aye nani e pi omaEbele, u aye nani pi limbi omakilisito inde akolo masikpe de na'o ká nabhuka gba o bhú Kilisito ka nato mbolo li uo adu anu bha ne kalanu-o. Kpála inde aye balua ango-o, adu ato masi bhú uo ane mane bhú nabhuka ne nasuno pi uo me, Yesu Kilisito ne polofeta na kukulu, a ko la di polofeta na soso inde li Ebhe apana lie bhú e pi okpála gba e-o.

Bhú 'ngú na Ebhe gba omaYuda-a, odimande adu amene mayo ne natsulu onu ngubula me Ebhe mbu li siti 'ngú gba okpála. Engú inde u adu amene bhomu-o, adu kulu Yesu inde Ndili na duduuma gba Ebhe, inde aha lie ngae makpe maka enu inde natsulu matsulu. Kaka-a, Ebhe a'o ani ngbéngbé ane opolofeta, ane oandjelu, ane Moidje ngae makpe, Ebhe atsia pa me a ko dimande na duduuma. Li pápá gba ani-e, ndu omabhuka hana asia mukobho li tsulu u adu ne e li pápá na siti 'ngú gba o ne li pápá na kuo.

Ongbengbe ongú inde bhú bhuku inde-e ngae inde:

Eli na kalanu: Ebhe ngasuno li e mbámbá bhú Kilisito 1:1-3
Kilisito ngbéngbé ane opolofeta, ane oandjelu,

ane Moidje, ane Djodjue, ane odimande, ane gandja a la di-e makiso 1:4 - 10:39

Engú na ngbéngbé a ko nabhuka 11:1 - 12:29

Nanga li Ebhe 13:1-19

Mayo na soso 13:20-21

Eli na soso 13:22-25

Yesu Kilisito ne Ndili gba Ebhe makpe

¹ Nani kalanu-o, Ebhe akpokpo 'ngú pi onguo ogbi ni bhutsibhutsi di ne li okpadji bhelé bhú 'li opolofeta.

² La bhú oekpí na soso inde-e, ani akpokpo 'ngú pi ni bhú 'li Ndili gba e inde ani a'o e ngamá pi 'ndji ndu 'he hana, di u abho nani ndu 'he hana bhú dabili bini ne e-o.

³ Ani aha bha 'Dyi e hana, kaka-a, kpála bhende au sangu gba Ndili-e au bhomu-o sangu gba Ebhe makpe. Ani abi ndu 'he hana ne 'li e na angu-o. Pita ani agbegbe okpála lie bhú siti 'ngú gba o-o, ani atsia atapa abhúlá ngú nadu li bili na ngamá li pá 'kpa na kokpa gba Ebhe Angbamili.

Ndili gba Ebhe-e ane oandjelu mane

⁴ Ndili gba Ebhe-e ane oandjelu mane, kaka Ebhe agisila 'ili li ani inde ane bhende gba uo-o mane.

⁵ Padhá de, anga Ebhe pa nga pi andjelu bini de me:

«Ngamu-o, mu ne Ndili gba ma,

nakí inde-e, ma
asuno 'ngú ango-o
mbámbá.»[†]

Aní pa di li 'ngú gba andjelu
bini de me:

«Ma adú ne 'dyi aní,
ani tsia dú ne Ndili gba
ma-o.»[†]

⁶ Li nedhingga li Ebhe adú
natima gina Ndili gba e lie
píla doto-o, aní apa me:

«A ayo me ndú oandjelu
gba ma-a hana dhége
ani.»[†]

⁷ Aní atsia apa li 'ngú gba
oandjelu-o me:

«Oandjelu gba ma-a
ngamene kulu múa
maka anvi,
u ngateteke ma maka
djua inde ngatsi
matsi.»[†]

⁸ La-a, aní atsia apa li 'ngú
gba Ndili-e me:

«Mú ne Ebhe! Nau gba
mú-o adú dudu'ma ne
dudu'ma.

Mú ngau pí 'ndji okpála
gba mú-o ne ngbili
'ngú.

⁹ Mú kunda ngbili 'ngú, mo
oyala engú na sisiti.

Kaka-a, Ebhe gba mú-o,
a'o mú kpi pí e,

aní abhú mú bhú ká obi mú,
aní atsia atuko emú na
djali pí 'ndji mú.»[†]

¹⁰ Ebhe atsia apa matá me:

«Ngámá, mo obho doto
nayie li lilita ngamú,
kokpí ne nganda 'kpa
mú.

¹¹ Ndú 'ngú bhomú-o hana
angítá mangita, la
ngamú-o,
mo otigala matigala.
Ndündú hana akádhá
maka bongo.

¹² Mo onúnu uo maka u
anunu koti lié,
u tsia yípa di maka li
bongo ayiyipa lié.

La ngamú-o, mu yiyipa de,
kalanga gba mu-o
ndjia la di-i de.»[†]

¹³ Ebhe pa nga belegú pi
andjelu bini de me:

«Ngamú-o, go dú kuto li
pa 'kpa ma na kokpa,
ma abú obhúlú yala gba mu-
o

dabili na sa 'dhú mu.»[†]

¹⁴ Oandjelu bha ne obua
inde ngamene kulu pi Ebhe.
Aní ngatima uo me u ná
nateteke okpála inde ayo me
u sia mukobho-o.

2

*Mukobho inde u akpokpo
'ngú na e-e, a ko kúkulu
mukobho*

¹ Kaka-a, a ayo me ní gbite
liní kpekpeke li kúkulu 'ngú
inde ní adje e-o, amba ní
ambú li kpadji-e de.

² Engú inde li Ebhe
akpokpo e bhú 'li oandjelu-o
, asuno lie me a ko kúkulu
'ngú. Okpála bhende i lila
eli angó-o de-e, inde agamú
lili-e, u asia ke 'ngú inde atí
ne uo-o.

³ La nganí-e, ní ti da
naneké ke 'ngú-o lele pi,
i dú me ní nde 'o 'to ní

[†] 1:5 1:5 Tsia bhú 2 Sam. 7:14. [†] 1:6 1:6 Tsia bhú Det. 32:43. [†] 1:7 1:7
Tsia bhú Ets. 104:4. [†] 1:9 1:9 Tsia bhú Ets. 45:7-8. [†] 1:12 1:12 Tsia bhú Ets.
102:26, 28. [†] 1:13 1:13 Tsia bhú Ets. 110:1.

'to kükülu mukobho-o de? Ngámá ngae makpe akpokpo 'ngú na mukobho ango-o kalanu ngae. Pipita, okpála bhende adje-e atsia apa pi ní me a ko kükülu 'ngú.

⁴ Abhomu-o, Ebhe atsia asuno me engú u akpokpo e-e, a ko kükülu 'ngú ne ongú na ngangamba, di ne ndu okiaka 'ngú hana. Ebhe apata ongú ango-o bhú naha Bu Bhopua maka ani akunda lie-o.

Yesu akpi ngubula nakobho ndu okpála hana

⁵ Ebhe ha angu pi oandjelu ngú nako pi doto inde ngago ya ngakpokpo 'ngú na e inde-e de.

⁶ Engú bini, bhú Bhuku gba Ebhe-e , kpála bini apa me:

«Kpála-kuti ne da, ngubula me mu bhundja engú gba ani-e?

Ndili gba kpála-kuti ne da me mo 'o 'to mu 'to ani-e?

⁷ Mo o'o nani ani sa oandjelu ngubula nedhinga bedi.

Mo otsia ato ndata na asasaua ne mazima bhú 'ndji ani.

⁸ Mo otsia a'o ndu 'he hana sa ani.†»

Ebhe a'o nani kpála-kuti ngámá pi 'ndji ndu 'he hana. A kunda napa me, ani 'o nani ehe bini de me aneke nadu sa ani-e de. La mbia inde-e, ní u de me kpála ne

ngámá pi 'ndji ndu 'he hana-a de.†

⁹ Engú bini, ní ngau me Yesu adu nani sa oandjelu ngubula nedhinga bedi, amba ka bádha bhú 'bu gba Ebhe-e , ani ti da nakpi pi ndu okpála hana. Ní ngau mbia inde-e me, ani adyi ndata na asasaua ne mazima, anga ani asia nani likabhu bhú nakpi ka e.

¹⁰ Padhá de, anga Ebhe abho ndu 'he hana ngae, ndu 'he hana la di ne naani. Ani akunda me ongisi gba ni-e bhelé sia di sangu gba ni-o. I nde lie me Yesu Kilisito ngasuno kpadji na mukobho pi uo ngae, a ayo nani me ani du bedhe hana li kpadji nazu likabhu.

¹¹ Yesu ngagbegbe okpála bhú siti 'ngú gba o-o ngae. La di-e, 'dyi ndu okpála hana inde ani agbegbe o bhú siti 'ngú-o bha bini. Kaka-a, námu li ani ade ngú na'i uo me ondaise ni.

¹² Ani apa pi Ebhe me:
«Ho Ebhe! Ma apá engú gba mu-o pi ondaise ma.

Ma atóko mu kala ndu okpála hana.†»

¹³ Ani apa di me:
«Ma a'o nabhuka gba ma-a bhú Ebhe.†»

La di me:
«Tsia ya bhú dabili bini ne ongisi inde li Ebhe aha o muma-o.†»

¹⁴ La di-e, ongisi gba Ebhe-e, a ko okpála-kuti inde bhú kute, a la di bhú uo ne

† 2:8 2:8 Tsia bhú Ets. 8:5-7. † 2:8 2:8 Tsia bhú Ets. 8:5-7. † 2:12 2:12 Tsia bhú Ets. 22:23. † 2:13 2:13 Tsia bhú Isa. 8:17. † 2:13 2:13 Tsia bhú Isa. 8:18.

ngute. Yesu ngae makpe akolo bhadi maka uo, ani asia di kute ne ngute maka uo. Abhomu-o, bhú nakpi ka ani-e, ani atsia aha angu djabulú inde li angu na kuo nde ka e-o.

¹⁵ Yesu amene di mo-o ngubula nakobho okpála inde akolo maka obalise gba kuo bhú makobho gba o libhomu.

¹⁶ Padhá de, anga a na paká me ani go nani nateteke oandjelu de. Engú bini, ani ago mangbo ngú nateteke piga gba Abala-hama.

¹⁷ Kaka-a, a ayo nani me ani kolo bhú ndu 'ngú hana maka ondaise e, amba ani du 'ngbé dimandé. A ayo nani me ani kolo 'ngbé dimandé inde abedhe ne ndjinga, inde di ngamene kulu gba Ebhe-e li lelele, ngubula mambu na siti 'ngú gba okpála-o.

¹⁸ Mbía inde-e, ani ti da nateteke okpála inde ngali bhú nale-o, anga ngaani makpe-e, ani apá bhú nale, ani atsia azu di likabhu.

3

Yesu ane Moidje mane

¹ Kaka-a, ondaise ma omakilisito, ngayi okpála inde li Ebhe a'i o-o, yi 'o mabhundja gba yi-e pí Yesu. Padhá de, anga Ebhe atima ani ngubula me ani du bhulú titima di ne 'ngbé dimandé gba ní-o, ní atsia abhuka la bhadi ka ani.

² Ani amene kulu kala Ebhe inde abhú ani ngú kulu ango-o ndjindji. Ani amene kulu ango-o li lelele maka li Moidje amene nani lie bhú Piga gba Ebhe-e libhomu-o.[†]

³ Kpála inde ayiki eti-e, sisia nadhégé nane eti inde ani ayiki e-o. A moko, a ayo me u dhégé Yesu nane Moidje mane.

⁴ Ayiyiki eti hana ne kpála bini. La-a, kpála inde abho ndu 'he hana-a ne Ebhe.

⁵ Moidje ngae makpe amene nani kulu li lelele bhú Piga gba Ebhe-e libhomu. Ani adu nani kpála na kulu inde adu nakpokpo 'ngú li Ebhe adu nakunda napa e sidi-o.

⁶ Engú bini, Kilisito ne Ndili inde ngamene kulu li lelele. Ani maka nepanda li Ebhe a'o e li eti gba e-o. Eti ango-o, a ko ní, i du me ní nde abhuka na paká paká, i du la di me ní nde ne gindaginda li 'ngú ní nga'o 'to ní 'to e-o.

Bili naguo inde li Ebhe aleke e pi okpála inde ngamanga ani-o

⁷ Kaka-a, a maka li Bu Bhabua apa lie me:

«I du me yi nde adje 'li Ebhe naki inde-e,

⁸ yi agbíté bua yi de, maka yi agbe nani kpéke 'ndji lie li ani,

ekpí inde yi ale ani lie abhú mili bili-o.

⁹ Bhú 'gu oo, onguo ogbi yi ale nani ma ngubula

[†] 3:2 3:2 Tsia bhú Nom. 12:7.

nambila 'ndjá bua gba ma-o,

abana u au ndu 'ngú ma amene e, ngubula kalanga ndjikpa badha lie hana-o.

¹⁰ Kaka-a, bua ma atsia ake ne uo.

Abhomu-o, ma atsia apa me:

«Uo ngadjí 'ngbu o li ma ndu nedhinga hana bhú mabhundja gba o.

U mbila engú inde ma akunda e pi uo-o belegu de bini.»

¹¹ Li bua ma ake lie, ma atsia atu silika me:

«U lí li bili ma aleke e ngú naguo pi uo-o belegu de bini!†»

¹² Ondaise ma, yi lila liyi ngubula me kpála bini bhú ká yi adú ne siti bua de. Aní adú di ne bua na nabhuka de-e de, inde nga'e okpála li kpadji gba Ebhe na mukobho-o.

¹³ Aní nga'i yi ndu 'kpí hana. Ka 'ngú ango-o, li ekpi na naki inde li Bhuku ngapa 'ngú e nde nga bha ngabhue lie, yi teteke liyi sunda yi nedhinga yi ngadjé e'i ango-o lie-o. I du mo-o, siti 'ngú píte yi de, kpála bini bhú ka yi yála la di namanga Ebhe de.

¹⁴ Padhá de, anga ní ne okpála gba Kilisito, i du me ní nde alila nabhuka inde ní asia nani e li lilita kpekpeke akolo ali soso-o.

¹⁵ Bhuku gba Ebhe-e apa me:

«I du me yi nde adje 'li Ebhe naki inde-e, yi agbite bua yi de, maka yi agbe nani kpéke 'ndji lie li ani-o.†»

¹⁶ La-a, a ko okpála bhedho inde adje 'li Ebhe, atsia agbe nani kpéke 'ndji li ani-e? A ko ndu okpála hana inde li Moidje agbe o bhú Edjipeto-o.

¹⁷ La-a, Ebhe ake 'ngú lie pi oda ngubula kalanga ndjikpa badha-a? Aní ake 'ngú lie pi okpála inde amene siti 'ngú, u atsia amu abhú 'gu.

¹⁸ Ebhe atu nani silika me: «U lí li bili ma aleke e ngú naguo pi uo-o belegu de bini.†» Aní atu nani pi oda? Aní atu pi okpála inde agbe nani kpéke 'ndji li ani-o.

¹⁹ Ní au me, u li nani li bili naguo bhomu-o de, anga u bhuka nani-i de.

4

¹ Ebhe apa nani me ní alí li bili naguo inde ni aleke e malí. Kaka-a, 'e-e! Yi lila liyi, amba kpála bini bhú ka yi anéke nali li bili ango-o de.

² Ní asia eli gba Ebhe-e bhadi maka okpála bhende adu nani abhú 'gu-o. La-a, u sia eli ango-o ne tata de. Padhá de, anga li u adje eli ango-o lie, u sia ne nabhuka de.

³ Nganí okpála bhende abhuka-a, ní alí li bili naguo

† 3:11 3:7-11 Tsia bhú Ets. 95:7-11. † 3:15 3:15 Tsia bhú Ets. 95:7-8. † 3:18

3:18 Tsia bhú Nom. 14:1-35; di ne bhú Ets. 95:11.

bhomu-o malì, li Ebhe apa 'ngú e me:

«Li bua ma ake lie,
ma atsia atu silika me:
«U lí li bili inde ma aleke e
pi uo ngú naguo belegu
de bini!†»

Abhomu-o, kulu gba ni-e atsia andjia nayie li ani abho doto lie-o.

⁴ Padhá de, anga bhú Bhuku gba Ebhe-e , u apa pindji ekpí na mananika-a me: «Ebhe aguo bhú 'kpí na mananika, li ani amene ndu kulu gba e lie hana-o.†»

⁵ Ebhe atsia apa matá di me:
«U lí li bili inde ma aleke e
pi uo ngú naguo belegu de bini.†»

⁶ Okpála bhende asia nani Bádha Ngali gba Ebhe-e kalanu-o, li nani li bili naguo ango-o de. Padhá de, anga u ayala nani namene líli gba Ebhe. Abhomu-o, Ebhe atsia ade kpadji pi okpála koko ngú nali li bili ango-o.

⁷ Kaka-a, Ebhe a'o matá ekpí koko, ekpí inde u a'i e me: «Naki inde.» Ani apa nani engú na ekpí ango-o sidi naali bhú 'li Davidi, bhú lukuluku inde u apa 'ngú li e kalanu-o me:

«I du me yi nde adje 'li Ebhe
naki inde-e,
yi agbite bua yi de.†»

⁸ Padhá de, anga i dú me Djodjue dhúkú nani ne okpála li bili naguo ango-o, Ebhe de pa matá 'ngú na 'kpí koko naguo de.

⁹ Kaka-a, naguo maka ekpí naguo na mananika-a, atigala pi okpála gba Ebhe-o.

¹⁰ Padhá de, anga kpála bhende ali li bili naguo inde li Ebhe aleke e, ngaguo li okulu gba e maka li Ebhe aguo lie li obhe gba e-o.

¹¹ Kaka-a, ní mene ne kpéke me ní li li bili naguo ango-o. Ní mene me kpála bini bhú ká ní atí ka kpéke 'ndji de maka onguo ogbi ní inde adu nani ne kpéke 'ndji-e, li lie li bili ango-o de-o.

¹² Padhá de, anga eli gba Ebhe-e bhú mukobho, a la di ne angu. A dhédhé ane mbotia inde u adyi 'te e ne pasu bhisí hana. A adudu kpála, i tsia kólo makolo li bhobua ani. A ngadu kpála akólo makolo li bili li biki di ne mbilika ake lio lie-o. Eli ango-o ngasuno engú inde awo lie li bua kpála ne bhende ani ngabhundja e-o.

¹³ Ehe bini nabho mabho inde awo lie kala Ebhe-e ade. Ndú 'he hana inde ani abho e ngau lie mbámbá kala ani. La di-e, ní akpókpo ndu 'ngú gba ní-e hana kala ani.

*Yesu ne 'ngbé dimandø
gba Ebhe*

¹⁴ Kaka-a, ní lu kpekpéke bhú nabhuka inde ní ngakpokpo 'ngú na e-o. Padhá de, anga a ka ní ne 'ngbé dimandø na angu inde anu akolo makolo abhúlá kala Ebhe. A ko Yesu, Ndili gba Ebhe.

† 4:3 4:3 Tsia bhú Ets. 95:11. † 4:4 4:4 Tsia bhú Dje. 2:2. † 4:5 4:5 Tsia bhú Ets. 95:11. † 4:7 4:7 Tsia bhú Ets. 95:7-8.

¹⁵ 'Ngbé dimandø gba ní-e ne angu ngú nadje likabhu bhú dabili bini ne ní bhú bhákú gba ní-o. Aní ali bhú nale ne ndù kpadji hana maka ní, engú bini, ngaani-e, ani mene siti 'ngú belegú de bini.

¹⁶ Kaka-a, ní dyudyo liní de kiti na ngámá gba Ebhe-o, li bili na bádha bhú 'bu gba ani-o. Oo, ní asia mambu, ani tsia suño bádha bhú 'bu gba e pi ní ngubula nateteke ní bhú nedhinga ayo lie-o.

5

¹ U bhúbhú 'ngbé dimandø gba Ebhe-e bhú ká okpála ngubula me ani mene kulu gba Ebhe-e bhú ka uo. Aní tsutsulu enu maka makiso pi Ebhe ngubula siti 'ngú gba uo-o.

² 'Ngbé dimandø gba Ebhe-e ngae makpe di bhúbhákú. Kaka-a, ani ti da nadje ndjinga okpála inde li imbilangú nde bhú 'ndji o ade, inde di ambu li kpadji-o.

³ Li 'ngbé dimandø gba Ebhe-e ngae makpe nde lie bhúbhákú-o, ani tsutsulu enu na makiso pi Ebhe bha bini ngubula siti 'ngú gba okpála de. Engú bini, ani tsutsulu di ngubula siti 'ngú gba e makpe.

⁴ Kpála bini ti da nato ndata na 'ngbé dimandø gba Ebhe-e bhú 'ndji e ngae makpe de. Kpála kokolo bha 'ngbé dimandø gba Ebhe-e

me Ebhe nde a'i ani ngae, maka ani a'i nani Alona lie-o.

⁵ A bhadi pi Kilisito moko. Aní to nani ndata na 'ngbé dimandø gba Ebhe bhú 'ndji e ngae makpe de. Engú bini, Ebhe aha nani pi ani ngae, Ebhe atsia apa pi ani me: «Ngamu-o, mu ne Ndili gba ma, nayie pi naki inde-e, ma ne 'Dyi mu.†»

⁶ Aní atsia apa di li bili koko me: «Mu ne dimandø gba ma duduuma ne duduuma, maka Malekisedeke.†»

⁷ Nedhinga li Yesu adu lie píla doto-o, ani adu nayo Ebhe di ne nakikiliki lie pi ani ne nasusula kpekpeke la di ne ngúla bhú djila e. Aní ayo Ebhe inde i ti da nani nakobho ani bhú kuo-o. Abhomu-o, Ebhe atsia adje ani, anga ani a'o nani lie ne kuto kala Ebhe.

⁸ Abana ani adu nani lie Ndili gba Ebhe-e, ani ambila lie ne namanga Ebhe bhú likabhu inde ani azu e-o.

⁹ Pita ani andjia kulu gba e lie hana ndjindji kala Ebhe-e, ani atsia akolo kpongú na mukobho na duduuma pi ndu okpála hana inde ngamanga ani-o.

¹⁰ A moko, Ebhe a'o ani 'ngbé dimandø gba e maka Malekisedeke.

A ayo me yi bhele bhú nabhuka gba yi-o

¹¹ Ya ne engú bhelé napa pindji 'ngú bhomu-o. Engú bini, da nambamba

† 5:5 5:5 Tsia bhú Ets. 2:7. † 5:6 5:6 Tsia bhú Ets. 110:4.

tata-a kpekpeke, anga yi ti da nakpokpo kúkú má gala de.

¹² Yi adu nako ne nedhinga bhelé ngubula me yi kolo omusuno. Engú bini, yi matá ne gümü me u suno ongú na kalanü na eli gba Ebhe-e pi yi ne toto. Yi nga bha ne gümü nandji miliki bhú da nazü ezu na kpekpeke.

¹³ Padhá de, anga kpála bhende nga bha ngandji miliki-e ne ndili. Ani mbila nga nagbogbo bhüsü bádha 'ngú ne siti 'ngú de.

¹⁴ La-a, ezu bhe na kpekpeke-e pi obhelesi okpála. A ko okpála inde ambila lio ne nagbogbo bhüsü siti 'ngú di ne bádha 'ngú ka okulu inde u amene e-o.

6

¹ Kaka-a, ní kodho 'kpí li nasuno bhende ati ne obhelesi okpála-o. Ní dji 'ngbü ní li nasuno na lilita gba omakilisito. Ní a'o matá 'dhü nasuno inde-e ne toto de: nadji bua o di ne na'o okulu inde ngato kpála bhú kuo,

² nasuno pindji obatisimo di ne na'o 'kpa o pi 'ndji kpála, nakpokpo 'ngú pindji nazuku ka okpála inde amu, di ne nakodho 'ngú na dudu'ma.

³ A bhomü-o ongú inde a ayo me ní 'o e-o, i du me Ebhe nde akunda-o.

⁴⁻⁶ Padhá de, anga engú gba okpála bhende ngagie lio bhú siti 'ngú gba o-o, lele

pi? U asia naní zi 'ke gba Ebhe-e asia. U ale bádha 'ngú inde li Ebhe ngaha e pi omaha e pi 'mi o. U atsia asia di Bu Bhopua bhú dabili bini ne okpála koko. U ambila ndjindji me eli gba Ebhe-e babadha. U ambila angu na doto inde ngago-o. Pipita-a, u atsia a'o ká nabhuka gba o-o! U ti da matá namene de me u dji bhobua o bhütsibhütsi na bhisi-e de. Padhá de, anga u ngagie matá Ndili gba Ebhe-e li kulusi ne toto. U la di ngaka kpadji pi okpála me u du nasobho ani.

⁷ Li doto du nandji ngubha inde ngadhi pépé ndu nedhinga hana-a, li i du la di me a nde ngagbe ezu pi okpála inde alu edyi ango-o ndjindji-e, li Ebhe túko bisagu pi doto ango-o.

⁸ La-a, i du me doto ango-o nde azu ulu na eti ne bhe na sisiti-e, tata du téte de. Doto ango-o masikpe me Ebhe tu pédjé téte. Pipita-a, u tsia bú bhú djua.

⁹ Abana ya pa mo-o, ondaise ma na mukunda, ya ambila ndjindji me yi li bádha kpadji, kpadji na mukobho.

¹⁰ Ebhe ne kpála na ngbingbili. Ani 'ili 'to e li kulu gba yi-e de. Ani 'ili la di 'to e li mukunda yi asuno e pi ani li kulu inde yi amene e, inde la di yi matá ngamene e pi omakilisito koko de.

¹¹ Gümü gba ya-a me ndu yi hana bini ne bini, yi suno ngua mukunda bhomü-o

nakolo makolo ali soso, ngabula me ndu 'ngú hana inde yi nde ne 'to yi 'to e-e, tsia mene lie hana.

¹² Yi andála de. Engú bini, yi kpata nganda okpála bhende ngabhuka ne kekele, inde la di ngasia ehe inde li Ebhe apa me ni ahá e-o.

Ní 'o 'to ní 'to ehe inde li Ebhe apa me ni ahá e pi ní-o

¹³ Li Ebhe apa nani lie pi Abalahama me ni ahá ehe pi ani-e, ani apa 'ngú ang-o-o ne natu silika ne 'li e makpe. Ani amene mo-o, anga kpála koko inde ngbéngbé ane ani ade.

¹⁴ Ani apa nani me:
«Ma atu silika me ma atuko bisagu pi mu,

ma tsia méne me odi mu kolo bhelé.[†]»

¹⁵ Abalahama adjike ne 'ndjá bua, ani atsia asia ehe inde li Ebhe apa nani me ni ahá e pi ani-o.

¹⁶ Li okpála du natu silika-a, u tutu ne 'li okpála inde ane uo mane. La di-e, natu silika ngandjia kpekebhé sunda okpála.

¹⁷ Ebhe asuno bhomu mbámbá pi okpála inde ayo me u sia ehe inde ani apa me ni ahá e-e, a anéke belegu de bini. Kaka-a, ani atsia atu silika pi 'ngú ang-o-o.

¹⁸ A ne ongú bhisi inde u ti da nadji e de, a ko natu silika di ne ehe inde li Ebhe apa me ni ahá e-o. Bhú ongú bhisi ang-o-o, Ebhe ti da napa eu belegu de bini. Nganí okpála inde awo liní bhú Ebhe-e, ní

alá kpekpeke, ní a'o la di 'to ní na paká paká 'to ehe inde ani apa me ni ahá e pi ní-o.

¹⁹ 'To ní inde ní nga'o e ang-o-o ngamene me ní lu kpekpeke maka kalase inde ahoholo zabu-o. 'To ní ang-o-o kükülu, a la di kpekpeke. A ngamene me ní gulu 'ngbé pála bongo inde ngabuku tina 'ti na bubu na 'ngbé 'ti Ebhe gba omaYuda inde abhálá-o, amba ní kolo makolo bhú tina 'ti ang-o-o.

²⁰ Oo, Yesu ali nani pi ní kalanu, la di ngabula ní. Ani akolo 'ngbé dimande gba Ebhe-e pi ní dudu-ma ne dudu-ma maka Malekisedeke.

7

Malekisedeke adu nani ne dimande gba Ebhe

¹ Malekisedeke ang-o-o adu nani 'ngbé ngámá na Saleme, ani atsia adu di nani dimande gba Ebhe Apí 'Kpí. Li Abalahama adu agie lie lie bhú egú inde ani agboko ongbengbe ongámási bhú e lie, Malekisedeke anu nake lio ne ani, ani atsia atuko bisagu pi ani.

² Abalahama atsia aha bini bhú ká ndjikpa bhú ndu 'he hana inde ani agbulu e-e pi ani. Ta 'ili na Malekisedeke apa ngaiza kalanu me: «'Ngbé ngámá na ngbili 'ngú ..» La di-e, ani adu nani ngámá na Saleme, inde akunda napa me: «'Ngbé ngámá na guo 'ngú ..»

[†] **6:14 6:14** Tsia bhú Dje. 22:16-17.

³ U mbila 'dyi ani ne 'hi ani de. U mbila la di onguo ogbi ani de. U kpo belegu engú bini pindji ekpí u azu ani lie ne ekpí ani akpi lie de. Ani maka Ndili gba Ebhe, kulu gba ani na dimandø gba Ebhe-e duduma ne duduma.

⁴ Yi tsia nga maka li Malekisedeke nde lie ngebéngbé-o! Abalahama ogbi omałsalaele aha nani bini bhá ká ndjikpa na ndu 'he hana inde ani asia nani e bhá egú-o pi ani.

⁵ La-a, okpála na piga gba Levi-e, inde ne odimande gba Ebhe-e, ne angu ngú nayo bini bhá ká ndjikpa na ndu 'he hana inde ka ongisi na lsalaele, maka li lili apa lie-o. A kunda napa me u ngayoyo li ondaise o makpe, inde la di ne odi Abalahama.

⁶ Malekisedeke du nani bhá piga gba Levi de. Engú bini, ani asia bini bhá ká ndjikpa sakpa Abalahama bhá ndu 'he hana inde ani agbulu e bhá 'gú-o. La di-e, Malekisedeke atuko bisagu pi Abalahama, kpála inde li Ebhe apa nani me ni áhá oehe pi e-o.

⁷ Kpekebhé belegu ade bini me kpála bhende ngatuko bisagu pi kpála-a ngebéngbé ane kpála bhende ngasisia-o.

⁸ Okpála inde na piga gba Levi-e, inde ngasia bini bhá ká ndjikpa-a, a ko okpála-kuti inde amú mamu. Engú bini, pi Malekisedeke inde u aha bini bhá ká ndjikpa pi e ne kpála inde i kpikpi de,

maka li Bhuku gba Ebhe-e apa lie-o.

⁹ Ngú nabu tata-a, u ti da napa me, li Abalahama aha nani bini bhá ká ndjikpa na ohe gba e lie, Levi inde li odi e ngasia bini bhá ká ndjikpa na ndu 'he hana-a, atsia aha di.

¹⁰ Padhá de, anga Levi inde u zu nga nani e de-e, adu bhá 'bu ogbi e Abalahama, nedhinga inde u akø lio lie ne Malekisedeke-o. Bhabhomu-o asuno me Malekisedeke ane Levi mane.

¹¹ Ebhe aha nani lili pi omałsalaele me, u du nabhu odimande gba ni-e bhá piga gba Levi. U adu odimande gba Ebhe maka Alona. Engú bini, kulu na dimandø gba Ebhe bhá piga gba Levi-e ti nani da nabedhe 'bhe kulu gba Ebhe-e de. Padhá de, anga li kulu gba uo-o ti nani da nabedhe 'bhe kulu gba Ebhe-e uu-o, u de du nani ne gümü dimandø koko maka Malekisedeke de.

¹² La di-e, li u yipa dimandø gba Ebhe-e, a ayo bhadi me lili-e yipa.

¹³ Padhá de, anga Ngámá gba ni inde u ngakpokpo ongú inde-e pindji e-e, naae bhá piga koko kpi. Bhá piga ango-o, kpála bini mene nga belegu kulu na dimandø gba Ebhe li bilu u atsutsulu 'he lie pi Ebhe-e de.

¹⁴ Ní mbila ndjindji me Ngámá gba ni-e adu nani bhá piga gba Yuda. Piga ango-o, Moidje gama 'ngú téte de, nedhinga ani agama

'ngú lie pindjí odimande gba Ebhe-o.

Yesu ne dimandø gba Ebhe maka Malekisedeke

¹⁵ Engú inde ngasuno nayipa ka dimande la matá mbámbá-a ngae inde: dimande koko akoto, ani maka Malekisedeke.

¹⁶ Ani kolo dimande gba Ebhe li lele lílì gba okpálakutí de. Ani akolo mo-o bhú angu na mukobho inde i ndjia de.

¹⁷ A maka li Bhuku gba Ebhe-e apa li me:
«Mu ne dimande gba ma duduuma ne duduuma,
maka Malekisedeke.†»

¹⁸ Kaka-a, u atsia a'e lílì na kalanu-o, anga lílì ango-o adu bhébhéku, tata tsia du la di téte de.

¹⁹ Padhá de, anga lílì gba Moidje ti nani da namene de me okpála kolo ngbingbili kala Ebhe-e de. Engú bini, ní asia engú bini inde ane ne bádha naali, inde ní nga'o 'to ní 'to e-o. Padhá de, anga engú ango-o ngamene me ní dyudyo liní de Ebhe masikpe.

²⁰ La di-e, Ebhe atu nani silika. Engú bini, okpála koko akolo nani odimande me u nde tu silika de.

²¹ La pi Yesu-o, Ebhe atu nani silika nedhinga li ani apa lie pi ani me:
«Ngámá atu silika-a, ani djí 'li e de:

«Mu ne dimande gba ma Ebhe Ngámá,
duduuma ne duduuma.†»

²² Kaka-a, Yesu di ne kpála inde ngamene me ní du bhú gandja na babadha naali.

²³ Engú koko inde kpi-e ngae inde: odimande koko adu nani bhelé naali, anga kuo adu nani kpadi pi uo me u adú odimande duduuma de.

²⁴ Engú bini, Yesu bhú mukobho duduuma ne duduuma, kulu gba ani na dimande-o ti da nandjia de.

²⁵ Kaka-a, ani ti da nakobho okpála inde ngadyudyo lio de Ebhe li kpadi gba ani-e ngubula duduuma ne duduuma. Padhá de, anga ani ndu 'kpí hana bhú mukobho ngú nayo Ebhe pi uo.

²⁶ Kaka-a, Yesu ne 'ngbé dimande inde ati ne ní-o. Ani bubu, pálú 'ngú bhú ani ade, siti 'ngú la di bhú ani ade. Ani agbo bhúsú e ne obhála mugwe. Ebhe atsia a'e-e ani tsutsu abhúlá.

²⁷ Ani maka ongbengbe odimande koko ade. Ani ne gümü natsulu 'he pi Ebhe ndu 'kpí hana ngaiza ngubula siti 'ngú gba e makpe, pipita ngubula bhende gba okpála koko ade. Ani amene nani bhútsibhútsi bini má kpikili, li ani aha lie lie ngae makpe-o.

²⁸ Lílì gba Moidje adu nani na'o maka ongbengbe odimande li okpála-kutí inde i du ngbingbili hana ade-o. Engú bini silika li Ebhe atu e-e, lílì-e atsia a'o

† 7:17 7:17 Tsia bhú Ets. 110:4.

† 7:21 7:21 Tsia bhú Ets. 110:4.

maka 'ngb   dimand   Ndili
inde ad   ndjindji hana lib-
homu maka li Ebhe akunda
lie, ngubula d  duma ne
d  duma.

8

Yesu ne 'ngb   dimand   gba n  -e ngae

¹ Eng   na ngb  engb   bh  
k   ong   inde n   ngapa e ngae
inde: a bhomu-o ngua 'ngb  
dimand   gba Ebhe inde ka
n  -o. Ani ad   abh  l   li
p  p   na kokpa de kiti na
ng  m   gba Ebhe na angu na
ngb  engb  -o.

² Ani ngamene kulu na
'ngb   dimand   gba e bh  
tina 'ti na bubu, a akunda
napa me bh   'ti ngbangbali
na k  k  lu. Ayiki ne Ng  m  ,
ayiki ne kp  ala-kut   de.

³ U bh  bh   ongbengbe
odimande gba Ebhe-e hana
ngubula natsulu en   maka
makiso pi Ebhe. Kaka-a,
a ayo me ad   di ka 'ngb  
dimand   gba n  -e ne ehe
natsutsulu maka makiso pi
Ebhe.

⁴ I d   nani me ani d   p  la
doto-o, ani de ne dimand  
gba Ebhe-e ade. Padh   de,
anga a ne odimande gba
Ebhe koko inde ngatsulu ehe
maka makiso pi Ebhe maka
li l  li gba omaYuda apa lie-o.

⁵ Kulu inde li odimande
ango-o ngamene e-e, a ko
lele kulu ong   inde ngamene
lie abh  l  -o. Eng   ang-o
viti bini ne ehe inde li Ebhe
apano nani e pi Moidje-o.
Li Moidje ad   akunda nayiki

'ti ngbangbali lie, Ebhe apa
pi ani me: «Tsia ndjindji
ngubula me mu mene ndu
'ng   hana li lele bhende ma
asuno e pi mu ap   'ta-o.†»

⁶ Eng   bini, mbia inde-e,
Yesu asia kulu inde kpi, ane
bhende gba odimande koko
gba Ebhe-e mane. A ko ludu
s  nda n   ne Ebhe bh   gandja
na babadha naali. Gandja
ango-o alu di pi oehe na
babadha naali inde n   nga'o
'to n   'to e-o.

*Ebhe apa me ni ak  dho
gandja na mbia ne okp  ala
gba ni*

⁷ I d   nani me gandja na
kalanu-o mene me okp  ala
kolo ngingbili kala Ebhe-e,
u de yipa ne koko de.

⁸ Eng   bini, li Ebhe au lie
me gandja na kalanu-o du
ndjindji hana de-e, ani atsia
ambembe bh   'ndji okp  ala
gba e me:

«Ng  m   apa me: oekp  
ak  lo makolo,
li 'kp   ma ak  dho gandja
na mbia lie
bh   dabili bini ne piga
gba Isalaele di ne
bhende gba Yuda-o.

⁹ A ad   maka bhende ma
akodho nani e ne
onguo ogbi uo-o de,
li 'kp   inde ma agbe
uo lie bh   doto na
Edjipito-o.

Bh   gandja ya akodho e ne
uo-o, u kpata l  li ang-o
de.

† 8:5 8:5 Tsia bh   Eki. 25:40.

Kaka-a, ma adji 'ngbú
ma li uo, Ngámá apa
mo-o.

10 Ngámá atsia apa matá me:
a bhomú-o gandja inde ma
akódho e ne ongisi
na Isalaele pita oekpí
bhomú-o.

Ma ató olílì gba ma-a
bhú imbílangú gba uo-
o.

Ma ayé olílì ango-o li bua uo.
Ma adú ne Ebhe gba uo,
u tsia dú okpála gba
ma.

11 Kpála bini bhú ká uo dú
matá ne gumú nasuno
'ngú pi ndili na kuti
gba e,
di ne pi ndai e de me ani
mbíla ma-a de-e de.

Padhá de, anga ndú okpála
hana ambíla ma,
nayie li okpála na padhá
nakolo makolo li
okpála na kúkúlu.

12 Ma ambú li ndanda 'ngú
gba uo-o.

Ma abhúndja matá os-
isiti 'ngú gba uo-o
de.[†]

13 Li nedhinga li Ebhe
ngagama 'ngú lie pindjí
gandja na mbia-a, ani a'o
bhe na kalanú-o me akolo
didili. A na paká me, li ehe
de akolo didili akolo-o, i dú
la di me a nde akadha-a, ehe
ango-o masikpe de nangita.

9

Olílì na gandja na kalanú

¹ A adú nani bhú gandja
na kalanú-o ne olílì ngú nayo

[†] 8:12 8:8-12 Tsia bhú Djlm. 31:31-34.
sanduku inde u abu nani opapala teme inde u aye olílì ndjikpa gba Ebhe-e bhú
e-o.

Ebhe. La di-e, bili nayo Ebhe
atsia adú di píla doto.

² U ayiki nani 'ti ngbang-
balí bini ne tina 'ti bhúbhú
bhisi. Bhú titina na kalanú-
o, u a'i e me dabilí na bubu-
o, u a'o misa u a'o'o tala pí
e bhúbhú. U atsia a'o di
misa ne mapa inde u aha e
pi Ebhe-e bhúbhú.

³ Kele 'ngbé pála bongo-o
, adú tina 'ti bhe u a'i e me
bili na bubu naali-o.

⁴ Li bili ango-o, u a'o nani
misa na olo inde u adú at-
sulu mungotsi pí e, di ne
sanduku na gandja* inde u
abuku nani kute e ne olo
libhomu-o. Bhú sanduku
ango-o, adú bhúbhú ne lusa
inde u amene e li olo, mana
atsia adú bhúbhú. Bhú san-
duku ango-o, adú di bhúbhú
ne ndula gba Alona inde
agbe nani felele, a la di-e
opapala teme inde li u aye
nani lili na gandja-a pí e-o.

⁵ Pí sanduku ango-o, u a'o
nani okulu kelube. Okelube
ango-o adú asuno me Ebhe
li bili bhomú-o. Kulu zini
na mbudha uo adú abuku
bili inde li 'ngbé dimande
gba Ebhe-e ahaha ngute
maka makiso pi Ebhe lie
ngú nambu li siti 'ngú gba
okpála-o. La mbia inde-e, a
ko nedhinga nagama 'ngú li
'ngú ango-o bini bini de.

⁶ U aleke nani bili bhú 'ti
ngbangbalí ango-o me, bhú
tina 'ti na kalanú, odimande
gba Ebhe-e dú nali ndú 'kpí
hana ngú namene kulu gba
o-o.

* 9:4 9:4 **Sanduku na gandja:** A ko
sanduku inde u abu nani opapala teme inde u aye olílì ndjikpa gba Ebhe-e bhú
e-o.

7 La-a, bhú titina bhe na bhisi-e, a adú bha bini nali ne 'ngbé dimande gba Ebhe-e ngae kpi e kpi. Súnda kalanga bini-e, ani adú nali bhútsibhútsi bini. A ayo di nani me ani li bhú dabili bini ne ngute enú, inde ani adú aha e pi Ebhe ngubula siti 'ngú gba e, di ngubula siti 'ngú li okpála amene e me unde mbila de-o.

8 Bu Bhopua asuno me kpadji na tina 'ti bhe u a'i e me bili na bubu naali bhulu nga nani lie de, i du me 'ti ngbangbali na kalanú-o nde ngabha u-o.

9 'Ti ngbangbali angó-o ne kulu ongú inde ngamene lie bhú onedhinga inde-o. Bhophomú-o asuno me oehe natsulu matsulu maka makiso pi Ebhe-e ti da naválu bhopua kpála inde ngamemene-e de.

10 Omakiso angó-o, a ko bha bini ongú nazú 'he, ne nandji 'he di ne ngangá mayo naválu lio ngú nakolo bubu kala Ebhe. Ndú olíli bhomú-o hana nani ne bhe gba okpála-kuti, atsia adú la bhadi ngubula nedhinga bedi nakolo li nedhinga li Ebhe ayípa ndú 'ngú hana lie ndjindji-o.

Kilisito agbegbe ní bhú siti 'ngú gba ní-e ne ngute e makpe

11 Engú bini, Kilisito ago maka 'ngbé dimande gba Ebhe ngubula naha obabadha 'ngú inde ngago-o. 'Ti ngbangbali inde ani amene kulu gba e bhú e ngbéngbé

naali, a la di babadha naali ane bhende na kalanú-o mane. A yiki 'ti ngbangbali angó-o ne okpála-kuti de, a akunda napa me, a ko 'ti ngbangbali na doto inde-e de.¹²

Kilisito ali nani bhútsibhútsi bini má kpikili li bili na bubu naali angó-o. Ani ha nani ngute meme de, ani ha la di ngute ndili bagala de. Engú bini, ani aha nani ngute e makpe. Kaka-a, ani atsia agbegbe ní bhú siti 'ngú gba ní-e duduoma ne duduoma.

13 Ngute meme, i du die ngute bhoko bagala di ne mbi bagala inde u atsutsulu e, u tsia bála e pi okpála bhende bubu kala Ebhe ade-e ti da namene me u kolo bubu kala ani li pápá na kute.

14 I nde lie mo-o, ngute Kilisito ane la matá ne angu! Ani aha lie pi Ebhe kabula Bu Bhopua na duduoma maka makiso inde ndjindji libhomu. Ngute ani aválu bua nakpokpo kú 'ngú gba ní-e bhú ndú 'ngú hana inde ngato kpála bhú kuo-o, ngubula me ní mene kulu pi Ebhe inde bhú makobho-o.

Kilisito ne lüdu súnda ní ne Ebhe bhú gandja na mbia

15 Kaka-a, Kilisito ne lüdu súnda ní ne Ebhe bhú gandja na mbia, amba okpála inde li Ebhe a'i o-o, ti da nasia babadha 'ngú na duduoma inde li Ebhe asuno nani e pi okpála gba e-o. U ti da nasisia anga Kilisito akpi ngubula nagbegbe uo bhú

siti 'ngú ìnde u amene e-o. U amene nani siti 'ngú angoo li nedhinga u adú lie bhú gandja na kalanú-o.

¹⁶ Ní mbila ndjindji me li kpála ziba me u gbogbo bhúsú ohe gba ni-e píta nakpi ka ni-e, kala me u gbogbo bhúsú ohe ango-o, a ayo ngaiza me u u mbámbá me kpála ango-o akpi.

¹⁷ Padhá de, anga i dú me kpála ìnde aziba nagbogbo bhúsú ohe gba e nde nga bha uu-o, tata li nagbogbo bhúsú ohe ìnde aní aziba me u gbogbo bhúsú e ade. Tata li nagbogbo bhúsú ohe bha bini me kpála ango-o nde akpi.

¹⁸ Kaka-a, gandja na kalanú-o asia bha bini angu li ngute atuko lie-o.

¹⁹ Moidje atanga ngaiza nani olíli kala ndú okpála hana maka u aye lie-o. Pipita-a, aní atsia aha ngute ndili bagala di ne ngute meme bhú dabili bini ne engu, aní ato ndjiga ìnde u agbite e ne mbe bongo bhú ngute ne engu-o. A adú ndjiga ndula ìnde u a'i e me idjope.[†] Pipita-a, aní abobolo pí bhuku na líli-o, di ne pí ndú okpála hana.

²⁰ Aní atsia apa me: «A ìnde-e ngute na gandja li Ebhe apa me yi manga e-o.[†]»

²¹ Abhomú-o, Moidje abolo di ngute-e pí 'ti ngbangbali

di ne pí ndú ohe hana ìnde u adhédhége Ebhe ne e-o.

²² Maka li líli apa lie, masikpe de ndú 'he hana kokolo bubu kala Ebhe bha ka ngute. La di-e, Ebhe mbumbu bha li siti 'ngú me ngute nde atuko bha ngae.

Kilisito aha lie ngae makpe maka makiso ngú na'e siti 'ngú gba ní-o

²³ Ma apa pi yi me ndú 'ngú hana ìnde na kúkúlú li Moidje asuno nani e pi okpála-a, a ko okulu okúkúlú 'ngú na abhúlá. Kaka-a, a ayo la bhadi me ongú ango-o kolo bubu kala Ebhe bhú ngute onu. Engú bini, ongú na kúkúlú na abhúlá makpe ne gúmú enu natsulu matsulu ìnde ane ne bádha.

²⁴ Padhá de, anga Kilisito li nani bhú 'ti ngbangbali ìnde li okpála amene e ne kpa o-o de. 'Ti ngbangbali angó-o ne kulu 'ti ngbangbali na kúkúlú-o. Aní ali abhúlá makpe, li bili ìnde aní ngagama 'ngú lie mbia ìnde-e kala Ebhe ngubula ní-o.

²⁵ 'Ngbé dimande gba Ebhe gba omaYuda lili nani li bili na bubu naali-e ndú kalanga hana bhú dabili bini ne ngute 'nu. Engú bini, Kilisito li nani ngú naha lie ngae makpe bhútsibhútsi bhelé de. ²⁶ I dú nani mo-o, aní de azú likabhu bhútsibhútsi, nayie maka

[†] 9:19 9:19 **Idjope:** A ko súka ondula na gba omaYuda. Epondje nani u ato e bhú kpongadha pandi ìnde u aha nani e pi Yesu me aní ndji-e, nedhinga aní adú lie li kulusi-e, u agbite nani li Idjope. [†] 9:20 9:20 Tsia bhú Eki. 24:8.

li Ebhe abho nani doto lie-o. Engú bini, ani akoto bhütsibhütsi bini má kpi kili li nedhinga na sokpí ngú na'e siti 'ngú gba ní li kpadji na ha lie ngae makpe maka makiso pi Ebhe.

²⁷ Ndú okpála-kuti hana kpi kpi bha bhütsibhütsi bini. Pipita-a, li Ebhe tsia kódho 'ngú gba uo-o.

²⁸ A bhadi moko, Kilisito aha lie maka makiso bhütsibhütsi bini, ngubula na'e siti 'ngú gba okpála bhelé. Ani akóto lie bhütsibhütsi na bhisi-e, a adú matá ngubula na'e siti 'ngú de. Engú bini, a adú ngubula me okpála inde ngadjeke nago ka ani-e sia mukobho.

10

*Makiso gba Yesu Kilisito
ane ndú omakiso na kalanu-o
hana*

¹ Líli gba Moidje ngasuno kükülu 'ngú hana má kpülkütu ade. A ko mangbo kulu ongú na babadha inde ngago-o. Lele pi li makiso inde li ngua e nde bha ndú 'kpí hana bini, inde u ngaha e ndú kalanga hana ti da lie namene me, okpála bhende ngadyudyo lio dengo Ebhe-e kolo ndjindji kala ani-e?

² I dú me okpála inde ngaha ngua makiso bhomu-o pi Ebhe-e dú bubu kala ani-e, u de 'ó nabhundja siti 'ngú gba o-o. U tsia 'ó la di na ha makiso ang-o-o.

³ Engú bini, na ha makiso ngamene me okpála du nabhundja siti 'ngú gba o-o ndú kalanga hana.

⁴ Padhá de, anga ngute bhoko bagala ne ngute meme ti da na'e siti 'ngú belegü de bini.

⁵ Kaka-a, li Kilisito adú ago lie píla doto-o, ani apa pi Ebhe me:

«Mu kunda nani ehe natsulu matsulu,
i du di-e makiso de,
engú bini, mo oha kute
muma ngubula me ma mene
kulu gba mu-o ned.

⁶ Enu inde u atsulu e pi misa
inde u atsutsulu 'he pi
e,
di ne ehe natsulu mat-
sulu koko inde
u aha e ngubula na'e siti
'ngú-o nga nani li mu
de.

⁷ Abhomu-o, ma atsia apa
me:
«O Ebhe! Tsitsia,
ma ngago ngama makpe
ngú namene engú inde
mo okunda e-o,
maka u aye engú gba ma-a
lie bhü bhuku na líli-
o.†»

⁸ Kilisito apa ngaiza pi Ebhe me: «Mu kunda nani ehe natsutsulu matsulu de, i du di-e makiso de. Enu u atsulu e pi misa inde u atsutsulu ehe pi e, di ehe koko inde u atsulu e ngú na'e siti 'ngú-o nga nani li mu de.» Engú bini, u haha makiso bhomu-o nakpata lele maka li líli apa lie ko.

† 10:7 10:5-7 Tsia bhü Ets. 40:7-9.

⁹ Pipita-a, ani atsia apa me: «Ma ngago ngama makpe ngú namene engú inde mo okündà e-o.» Kilisito a'e omakiso na kalanú-o hana, ani atsia ayipa ne bhe gba e-o.

¹⁰ Yesu Kilisito amene mukunda gba Ebhe-o. Ani atse kute e ngae makpe maka makiso bhútsibhútsi bini má kpikili, abhomu-o, ní atsia aze bhú siti 'ngú gba ní-o.

¹¹ Dimande gba Ebhe-e bini ne bini lulu ndu 'kpí hana ngubula namene kulu gba e-o. Ani ngaha piko piko koli ngua omakiso bini. La-a, omakiso ango-o ti da na'e osisiti 'ngú belega de bini.

¹² Engú bini, Kilisito aha koli makiso bini má kpikili ngú osisiti 'ngú gba okpála dudu'ma ne dudu'ma. Pipita-a, ani atsia anu adu li pá 'kpa na kokpa gba Ebhe.

¹³ Mbia inde-e, ani ngadjeke me Ebhe 'o obhulü yala gba ni-e dabili na sa 'dhü ni.

¹⁴ Abhomu-o, ne koli makiso bini inde ani aha e, ani adji okpála inde ani avulu o bhú siti 'ngú-o me, u kolo bubu kala Ebhe ngubula dudu'ma ne dudu'ma.

¹⁵ Bu Bhabua la bhadi ngapapa pi ya moko, ani apa ngaiza lie me:

¹⁶ «Yi tsia nga gandja inde ma akódho e ne uo pita oekpí bhomu-o,

Ngámá apa mo-o.

Ma ayé olíli gba ma-a li bua uo,

ma tsia tó olíli ango-o bhú imbilangü gba uo-o. †

¹⁷ Pipita-a, ani atsia apa matá me: «Ma abhúndja matá opupulu 'ngú di ne osisiti 'ngú gba uo-o de.†»

¹⁸ La-a, i du me Ebhe nde ambu li siti 'ngú ambu-o, gümü naha makiso matá ngú na'e'e ade.

Ní a'ó ká nabhuka gba ní-e de

¹⁹ Kaka-a, ondaise ma, ní ambila ndjindji me ní alí li bili na bubu naali-e kabula ngute Yesu inde atuko-o.

²⁰ Ani abhulu kpadjì na mbia pi ní, inde di na mukobho li pápá na kpadjì na 'ngbé pála bongo na 'ngbé 'ti Ebhe gba omaYuda, akündà napa me, bhú kute e makpe.

²¹ A ka ní ne 'ngbé dimande inde ngatsia 'kpí li eti gba Ebhe-o.

²² Kaka-a, ní dyudyo liní de Ebhe ne bua ní bini di ne nabhuka hana. Padhá de, anga osisiti bua nakpokpo ku 'ngú adji lie akolo bubu kala Ebhe, kute ní atsia avulu lie bhú engu inde li siti 'he nde bhú e ade. Ndu 'ngú bhomu-o hana amene lie bhú ngute Yesu.

²³ Ní lila engú inde ní nga'o 'to ní 'to e, inde ní nde ngakpokpo e kpekpeke-o. Padhá de, anga Ebhe améne engú inde ani apa me ní améne e mamene.

† **10:16 10:16** Tsia bhú Djlm. 31:33.

† **10:17 10:17** Tsia bhú Djlm. 31:34.

²⁴ Ní tsia 'kpí liní súnda ní ngú nadú ne mukunda na kukulu di ne namene obabadha kulu.

²⁵ Ní a'ó ka dadjua gba ni-e de maka li okpála koko ambila lio lie ne namemene-o. A ayo mangbo me ní to masi bhú ní súnda ní. Padhá de, anga yi ngau me ekpí gba Ngámá-a akolo bha ndju masikpe.

²⁶ Padhá de, anga pita nambila kukulu 'ngú-o, i du me ní nde ngamene siti 'ngú bhú gandji-e, makiso inde u ti da naha e ngubula na'e osisiti 'ngú-o matá ade.

²⁷ Engú bini, ehe inde atigala pi ní-e, a ko bha nadjeke ne tsúlu hana nakodho 'ngú gba Ebhe di ne dingidhi djua inde atsúlu obhulú yala gba aní-o.

²⁸ Ndú okpála hana inde adú agumú lili gba Moidjee, u adú abhili uo. U du nadje ndjinga uo de, i du me okpála bhisi, i du di-e okpála bata nde apa me a ko kukulu 'ngú-o.

²⁹ La-a, kpála bhende ngau Ndili gba Ebhe-e bhú djila e padhá-a, aní asia ke 'ngú inde ane la matá mane. A mo-o adi? Padhá de, anga kpála ango-o manga ngute na gandja na mbia inde avulú aní bhú siti 'ngú-o de. Aní ngasobho Bu Bhopua inde ngasuno bádha bhú 'bu gba Ebhe-e pi ní-o.

³⁰ A na paká me ní mbila ndjindji me, a ko kpála inde

apa me:

«Ma agie siti 'ngú inde u amene e ngama.

Ma ahá pi kpála ne kpála ehe inde

ati ne aní-o. †»

Aní atsia apa di me:

«Ngámá akódho 'ngú gba okpála gba e makodho. †»

³¹ A ko siti 'ngú na kuo kuo ngú natí bhú 'kpa Ebhe na mukobho.

³² Yi bhundja nga engú inde akolo nani li yi li nedhinga inde yi asia zi 'kpí gba Ebhe-e lie-o. Bha kolo pipita-a, yi azú likabhu naali. Engú bini, yi alu kpekpeke bhú nagú egú ango-o.

³³ U asobho okpála koko bhú ka yi, u atsia amene uo sisiti kala ndú okpála hana. Engú bini, okpála koko adú bedhe ngú nateteke okpála inde u adú ato mbolo lio bhomú-o.

³⁴ Yi azú likabhu bhú dabilí bini ne okpála inde adú bhú tikpu-o. Li u agbulú ohe gba yi-e lie, yi aziba ne djali hana me u nü nedi. Padhá de, anga yi ambila ndjindji me a ka yi ne tia inde ndjindji naali, inde ngadú dudu ma ne dudu ma.

³⁵ Kaka-a, yi adú ne tsúlu de. Padhá de, anga yi asia makalá na ngbéngbé kaka.

³⁶ A ayo me yi du ne kekele ngubula namene engú inde li Ebhe akunda e, di ne nasia ehe inde aní apa me ní ahá e-o.

† 10:30 10:30 Tsia bhú Det. 32:35. † 10:30 10:30 Tsia bhú Det. 32:36.

³⁷ Padhá de, anga u aye bhú Bhuku gba Ebhe-e me:
«A tigala nedhinga bedi, be-
legü bedi naali,
li kpála inde a ayo me
ani go-o tsia gó.

Ani bhúe de.

³⁸ La-a, kpála inde ng-
bingbili bhú djila ma-
a
tsia sia mukobho na duduuma
kabula nabhuka.

Engú bini, i du me ani
nde agie lie ne sidi-e,
bua ma ngá matá ne ani
de.†»

³⁹ Nganí-e, ní bhú ká okpála
bhende ngagie lio ne sidi,
inde di ngangita-a ade. Engú
bini, ní ne okpála bhende
ngabhuka, inde di li kpadji
na mukobho-o.

11

*Ní le nadu ne ngua nab-
huka gba onguo ogbi ní-o*

¹ Na'o nabhuka gba o bhú
Ebhe-e, a ko naziba me ní
asia ehe inde ní nde nga'o 'to
ní 'to e asia. A ko nadu ne
nabhuka me ehe inde ní u e
ne djila ní de-e uu.

² Ebhe aziba nani okpála
na kalanu-o ka nabhuka gba
o-o.

³ Ka nabhuka-a, ní ambila
me Ebhe abho nani doto ne
'li e. Abhomu-o, ohe inde ní
ngau e ne djila-a, abho lie li
ohe inde ní u e ne djila de-o.

⁴ Ka nabhuka-a, Abele aha
makiso na babadha naali
pi Ebhe, inde ane bhe gba
Kaina mane. Ka nabhuka
ango-o, Ebhe au ani bhú
djila e ngingbili. Padhá de,

anga Ebhe ngae makpe aziba
makiso gba ani-o. Ka nab-
huka gba Abele-e, ani bha
bini ngagama 'ngú, abana
ani akpi lie-o.

⁵ Ka nabhuka-a, Enoka kpi
nani-i de. Engú bini, Ebhe
aha ani abhúlá. Kpála bini
ti da nani nau ani de, anga
Ebhe aha nani ani ngú na'o
ani de e. Bhuku gba Ebhe-
e apa me, kala me Ebhe
ha ani abhúlá-a, ani amene
nani engú inde anga li Ebhe.

⁶ La-a, i du me nabhuka
nde bhú kpála ade-e, ani ti
da namene engú inde anga
li Ebhe-e de. Padhá de,
anga kpála inde ngadyudyo
lie de Ebhe-e, a ayo me ani
bhuka me: Ebhe uu, ani la di
ngaha makalá pi okpála inde
ngagili ani-o.

⁷ Ka nabhuka-a, Nua adje
engú inde li Ebhe apa nani
e pi ani pindji ongú inde
agó, inde u u nga nani e
de. Ani au me Ebhe pa
eu de, ani atsia abho 'ngbé
zabu inde ani akobho piga
gba e bhú e-o. Namene ka
ani mo-o, ani a'o mangimbo
pi 'ndji okpála na píla doto.
Ka nabhuka gba ani-e, Ebhe
atsia au ani bhú djila e me a
ko kpála na ngingbili.

⁸ Ka nabhuka-a, Abala-
hama amene lili gba Ebhe li
nedhinga inde ani a'i nani
ani lie-o. Ani anu bhú doto
inde li Ebhe apa nani lie
me ní ahá e pi ani, amba
akolo naani-o. Ani ayie bhú
doto gba e padhá me ani nde

† 10:38 10:37-38 Tsia bhú Abk. 2:3-4.

mbíla de me, ni adji bhú doto bhedho-ie de.

⁹ Ka nabhuka-a, ani anu adu maka gandji kpála bhú doto inde li Ebhe apa nani me ni ahá e pi ani-o. Ani adu nadu bhú 'ti ngbangbali, Isaka ne Yakobho atsia adu di nadu bhú 'ti ngbangbali. A bhomu-o okpála inde li Ebhe apa di nani pi o me ni ahá di doto ango-o pi o-o.

¹⁰ Padhá de, anga Abalahama adu nadjeke gudhu inde li 'dhú e alu kpekpeke. Ebhe amene lele maka li gudhu ango-o adu lie ngae, ani atsia ayiki bhadi ngae.

¹¹ Ka nabhuka-a, Abalahama asia nani angu ngubula nazu ndili bhú nedhinga ani akolo lie ne kalanga bhelé, belegu li Sala adu lie ne i zu de-o. Ani adu ne nabhuka me engú li Ebhe apa me ni améne e-e, ani améne mamene.

¹² Kaka-a, koli ogbi ni bini Abalahama, inde adu de kuo masikpe-e, azu opiga bhelé. Ongisi inde li opiga ango-o azu o-o bhelé maka ikupala inde abhúlá. Uo bhelé di maka sike inde lingo 'ngbé 'ngu, inde li kpála ti da natanga e de.

¹³ Ndú okpála bhomu-o hana amu bhú nabhuka me, u nde sia oehe inde li Ebhe apa nani me ni ahá e pi uo-o de. Engú bini, u au oehe ango-o tsutsu, u atsia akpi djali. Abhomu-o, u atsia ambila ma kpulukutu me o ne ogomago, o la di ne

okpála na dhukú píla doto ei.

¹⁴ Okpála inde ngapa ngua engú bhomu-o ngasuno mbámbá me o ngagili doto gba o makpe.

¹⁵ I dú me u du nakina doto inde u aze nani bhú e-e, u de agie lió bhú doto ango-o agie.

¹⁶ A na paká me, u adu ne gümü doto inde babadha naali. A akunda napa me doto inde abhúlá ko. Kaka-a, Ebhe ne numu ade me, u 'i ni me ni ne Ebhe gba uo-o. Padhá de, anga ani aleke gudhu bini pi uo.

¹⁷ Ka nabhuka-a, Abalahama aha Isaka maka makiso, li Ebhe ale ani lie-o. Abalahama li Ebhe apa nani me ni ahá 'he pi e-e, adu bedhe ngú naha koli ndili gba e bini-e maka makiso.

¹⁸ Ebhe apa nani pi ani me: «Li kpadji gba Isaka-a, mo osia opiga inde ma apa nani me ma ahá o pi mu-o.†»

¹⁹ Engú bini, Abalahama adu abhundja me Ebhe ne angu nazuku Isaka. Kaka-a, Ebhe atsia agie ndili gba ani-e pi ani maka kpála inde u azuku e me ani nde akpi.

²⁰ Ka nabhuka-a, Isaka atuko bisagu pi ongisi gba e bhisi-o, Yakobho ne Esau, natsia lele ongú inde abháka uo sidi-o.

²¹ Ka nabhuka-a, Yakobho atuko bisagu pi ongisi bhisi gba Djodjefu-o, kala me ani kpi. Ani ateke lie li dukú gba e, ani atsia adhegø Ebhe.

† 11:18 11:18 Tsia bhú Dje. 21:12.

²² Ka nabhuka-a, Djodjefu apa li ani akolo lie masikpe de nakpi ka e me, omaſsalaele azé bhú Edjipeto maze. Ani atsia asuno engú inde a ayo me u mene e ne biki ni-o.

²³ Ka nabhuka-a, li u azu Moidje lie, okpála inde azu ani-e awo ndje ani ngubula epe bata. U au nani me ani babadha naali, u tsia dje tsulu ka lili gba 'ngbé ngámá-a de.

²⁴ Ka nabhuka-a, li Moidje abhele lie-e, ani ayala me okpála 'i ni me ndili gba ndili na ele gba Falao.

²⁵ Ani aziba nazu likabhu bhú dabili bini ne piga gba Ebhe-o. Ani atsia ayala nakpi djali inde ngubula nedhinga bedi-e bhú siti 'ngú.

²⁶ Padhá de, anga ani adu abhundja me li kpála zu likabhu kabula Masiya-a , bhabhomu-o pi ani ne tia na ngbéngbé ane bhende na Edjipeto mane. Kaka-a, ani a'o nani djila e li makalá inde ani asia e bhú oekpí inde ngago-o.

²⁷ Ka nabhuka-a, Moidje ayie nani bhú Edjipeto me ani nde kpe ke 'ngú gba 'ngbé ngámá-a de. Ani atsia alu kpekpeke mugito me ani ngau Ebhe inde u uu e de-o.

²⁸ Ka nabhuka-a, Moidje aha nani lili me u leke anokomia na Pasika . Ani atsia aha lili me u pulu ngute li obhe bhoti, amba andjelu na kuo abhíli ongisi na kalanu gba omaſsalaele de.

²⁹ Ka nabhuka-a, omaſsalaele agulu nani 'ngbé 'ngu na Mbembe-e mugito me u ngadholo pí doto inde a'ulü má kekele! Engú bini, li omaEdjipeto ale di lie me ogulu 'ngu-o maka uo-o, engu-o atsia abuka uo.

³⁰ Ka nabhuka gba omaſsalaele, aga inde asa nani gudhu na Djeliko-o agamu pita nadji ngongo ngubula 'kpí mananika.

³¹ Ka nabhuka-a, Lahaba, ele na zabhe-e akobho nani. Ani kpi bhú dabili bini ne okpála inde adu agu Ebhe-e de. Padhá de, anga ani asia nani omaſsalaele, inde u atima nani o ngú natsia lele gudhu-o ne guo 'ngú .

³² Ma ti da napa matá pi? Nedhinga ka ma ade ngú nakpokpo 'ngú gba Djedeo, gba Balaka, gba Samisona, gba Djefete, gba Davidi, gba Samuele, di ne bhe gba opolofeta-o .

³³ Ka nabhuka-a, u agboko ongbengbe ongámási na okuti bhelé bhú 'gú. U amene ongú inde adu ngbingbili, u asia 'he inde li Ebhe apa nani me ni ahá e pi uo-o, u atsia agbite 'bhé okingbi.

³⁴ U abulu odjua inde adu nadé má ka ka ka! U akobho bhú nakpi sakpa mbotia. U adu bhébhé, la-a, u atsia akolo kpekpeke. U adu kpekpeke bhú egú, u atsia aha angu osudha na gandji gandji.

³⁵ Ka nabhuka-a, olisi au matá okpála gba o inde amu-

o. Padhá de, anga okpála ango-o azuku.

U ato mbolo li okoko nakolo masikpe de nakpi. U ayala me u gbegbe o sakpa okpála adú ato mbolo li o-o. U amene mo-o ngubula me o zuku ngú nasia mukobho na ndjindji naali.

³⁶ U amú okoko, u atsia abhi di uo ne fimbo. U agbigbite okoko ne gbindjili, u atsia amba di uo bhú tikpu.

³⁷ U abhili okoko ne teme. U akokodho bhusu okoko bhisí ne sii. U atsia abhili okoko ne mbotia. Okoko adú anú ne ndú bili hana me u nde ato ko kandélé, i du di-e ko meme. U adú obhulú ndibhili. U adú nato mbolo li uo, u atsia adú namene uo kpekpeke.

³⁸ U ti nani da nadú píla doto inde-e de. U adú nad-jakadha abhú 'gú, di ne apí oeta. U adú nadú bhú oedú di ne bhú ogudho teme.

³⁹ Ebhe aziba nani ndú okpála bhomú-o hana ka nabhuka gba o-o. La-a, u sia ehe inde li Ebhe apa nani me ni ahá e pi u-o de.

⁴⁰ Padhá de, anga Ebhe aleke nani ehe na babadha naali pi ni. Ani kunda nani de me u kolo ndjindji hana mandi ni-e de.

12

Yi lú kpekpeke bhú olíkabhu inde yi ngazu e-o

¹ Pi ni-e, ndú ndindi okpála bhomú-o hana inde abhuka nani Ebhe-e, asa dengo ni ngbalina u ngau 'ngú inde ni ngamene e ne djila o. Kaka-a, ni gbe liní li

ongú bhende ngagbigbite ni me ni adhákú ndjindji de-e magbe. A ane la mane pi siti 'ngú bhende ni ngali bhú e má gala gala-o! Holo inde li Ebhe apa me ni gu e-e, ni gu akólo makolo ali soso.

² Ni bangá djila ni li Yesu inde li nabhuka gba ni-e alu pi e, nayie li lilita akólo makolo ali soso-o. Ani aziba nakpi li kulusi. Nakpi li kulusi-e, a ko nakpi na numu. Engú bini, ani dje numu téte de. Padhá de, anga ani adú nau djali inde ani asia e-o. Mbia inde-e, ani adú li pá 'kpa na kokpa dengo kiti na ngámá gba Ebhe-o.

³ Yi bhundja nga Yesu maka ani akibila yala inde li okpála namene siti 'ngú-o adú nayala ani ne e-o. Kaka-a, yi a'ó de me ndala ha angu yi-e de.

⁴ Padhá de, anga bhú gbele inde yi ngagu e ne siti 'ngú-o, yi gu nga nakolo bhú nakpi ka yi-e de.

⁵ To yi a'ilí li líli inde li Ebhe aha e pi yi maka ongisi gba e-e a'ilí? Líli ango-o me: «Ndia ma, i du me Ngámá nde ngali mu-o, mo obóyo de.

I du me ani nde ngambembe bhú 'ndji mu-o, bua mu abí la di ndala de.

⁶ Padhá de, anga Ngámá ngali kpála inde ani akunda e-o.

Ani ngabhi kpála inde ani ambila

me a ko ndili gba ni-o.[†]»

⁷ Kaka-a, yi kibila okpekpeke da 'ngú inde li Ebhe ngali yi ne e-o. Aní ngamene yi maka ongisi gba e. A ko ndili bhedho li 'dyi e lili e de-e?

⁸ Idú me Ebhe nde li yi maka ndú ongisi koko gba e hana de-e, a akunda napa me yi ne kukulu ongisi gba aní-e ade. Yi ne ongisi inde u mbila 'dyi o de.

⁹ A li ní píla doto inde-e ne odyidyi. U adú nani nali ní. Ní atsia adú di namanga uo. A ane la matá mane me ní manga 'Dyi ní inde abhúlá, ngubula me ní sia mukobho. ¹⁰ Odyi ní adú nali ní ngubula nedhinga bedi, maka u adú abhubhundja lie-o. Engú bini, Ebhe ngali ní ngubula bádha 'ngú gba ní-o. Aní akunda me ní dú bubu maka ni.

¹¹ Nedhinga u ngali ní lie mbia inde-e, a ngau lie maka u de ngaha pi ní likabhu, a ha djali pi ní de. La-a, pipita-a, okpála inde akodho 'kpí li ngua kpadji bhomú-o ngasia nguwa na guo 'ngú inde akpetse lie ne mukobho na ngingbili-o.

¹² Kaka-a, yi 'e 'kpa yi inde andala-a ne bhúlá. Yi mene la di me 'dhú yi inde andala-a, a kolo kpekpeke!

¹³ Yi dhukú li okpadji inde ngingbili, amba 'dhú kpála bhende ndjindji ade-e agúmu de. Aní kobho mangbo makobho.[†]

[†] **12:6 12:5-6** Tsia bhú Gbt. 3:11-12. bhú Gbt. 4:26.

Yi du nagbo 'dje yi ndú 'kpí hana li Ebhe

¹⁴ Yi gili nadú ne guo 'ngú ne ndú okpála hana. Yi du la di bubu. Padhá de, anga li kpála du bubu de-e, aní ú Ngámá de.

¹⁵ Yi lila liyi me kpála bini ayie sa bádha bhú 'bu gba Ebhe-e de. Kpála bini akólo la di bhú ká yi maka ndula inde susu-o de. Ndula angoo aké lie, a asiti mukobho gba okpála bhelé ne sengé inde bhúbhú-o.

¹⁶ Kpála bini bhú ká yi adú nakunda olisi, i du di-e obhosí ngangá de. Kpála bini bhú ká yi aú oehe gba Ebhe-e bhú djila e padhá de, maka Esau. Aní atsindji nani nadú ka e ndili na kalanu ngubula koli sani 'zu bini.

¹⁷ Yi ambila ndjindji me sidi-e, aní adú ne gumu me 'dyi ní tuko bisagu pí ní. Engú bini, 'dyi aní abebe aní. Padhá de, anga abana nani aní ale nadji engú inde aní amene e lie ne naku 'gbá-a, aní sia kpadji de.

Nau inde i ti da nadyiki de

¹⁸ Yi kolo nga dengo eta bini de inde u ti da nabu 'kpa lie maka eta na Sinai, inde adú nani ne dingidhi djua-o. A adú ne biti, di ne anvi na kpekpeke naali.

¹⁹ Eta angoo adú di ne tolo toti, di ne tolo nagama 'ngú. Li omałsalaele adje eli bhomú-o lie, u ayo me

[†] **12:13 12:13** Tsia bhú Isa. 35:3; di ne

Ebhe agáma matá engú koko pí bhobhomu-o de.

²⁰ U ti nani da nakibila lili inde-e de. Liliango-o me: «Kpála inde abú 'kpa e li kute eta-a, abana i du di-e enu-o, u abhéle ani ne teme.[†]

²¹ Engú inde u adu nau e adu na tsulu tsulu. Belegu Moidje atsia apa kaka me: «Ma ngadje tsulu naali, ma la di ngaguku maguku.[†]

²² Engú bini, yi akolo dengo eta na Siona, dengo gudhu gba Ebhe na mukobho-o. A ko Yelusalema na abhúlá bhú dabili bini ne oandjelu gba e inde kete ne kete apo bhúla o bhú anokomia-o.

²³ Yi akolo dengo ongisi na gigina inde apo bhúla o, inde u aye 'li o abhúlá-o. Yi akolo dengo Ebhe, kpála nakodho 'ngú gba ndu okpála hana-o. Yi akolo dengo okpála inde ngingbili, li Ebhe amene me u kolo ndjindji hana kala ni-o.

²⁴ Yi akolo dengo Yesu, kpála inde ne ludu súnda ni ne Ebhe bhú gandja na mbia inde li Ebhe akodho e ne ni-o. Yi akolo dengo ngute ani inde atuko, inde ngaha bádha 'ngú pi ni inde ane bhe gba Abele mane-o.

²⁵ Yi lila liyi! Yi ayála nadje kpála inde ngagama 'ngú pi yi-e de. Padhá de, anga okpála inde ayala nani nadje kpála inde adu naha lili pi o píla doto-o, neke nasia ke

'ngú de. A adu bhadu pi ni moko. A ne la matá mane, i du me ni nde ayala nadje kpála inde ngagama 'ngú pi ni nayie abhúlá-o.

²⁶ 'Li ani adyíki nani doto. Engú bini, mbia inde-e, ani apa pi ni me: «Ma adyíki matá doto bhútsibhútsi bini. A du bha bini doto de, ma adyíki di ne abhúlá hana.[†]

²⁷ Eli inde me «matá bhútsibhútsi bini», akunda napa me oehe inde u abho e mabho-o adyíki, i tsia ngíta, amba ehe bhende i ti da nadyíki de-e tígala bha ngae.

²⁸ Ni ngasia nau inde i ti da nadyíki de. Kaka-a, a ayo me ni gie henpi Ebhe. Ni mene la di pi ani kulu inde anga li ani ne tsulu hana di ne namanga ani.

²⁹ Padhá de, anga Ebhe gba ni-e, a ko djua inde ngade made.[†]

13

Yi mene engú inde nganga li Ebhe

¹ Mukunda inde súnda yi-e nu bha ne kalanu maka ondaise.

² To yi a'ili nasia ogomago de. Padhá de, anga bhú namene mo-o, okpála koko asia nani oandjelu me u nde mbiла de.

³ Yi bhundja okpála bhende bhú tikpu-o mugito me, yi ne uo bhú tikpu bhú dabili bini. Yi bhundja okpála bhende u ngato

[†] 12:20 12:20 Tsia bhú Eki. 19:12, 13. [†] 12:21 12:21 Tsia bhú Det. 9:19.

[†] 12:26 12:26 Tsia bhú Adj. 2:6. [†] 12:29 12:29 Tsia bhú Det. 4:24.

mbolo lio-o, mágito me u ngato mbolo ango-o li yi.

⁴ A ayo me ndú okpála hana manga kúva mama-manga. A ayo me bhoko lila kúte e pi wala e, amba élé lila di kúte e pi 'ko e. Padhá de, anga Ebhe akódho 'ngú gba okpála inde ngakunda olisi, i dú di-e obhosí ngangá-a makodho. Aní akódho di engú gba okpála inde ngakunda olisi di ne obhosí ngangá, a la di-e okpála inde ngakunda olisi, i dú di-e obhosí koko.

⁵ Gámu tia ahá angu yi bhú mukobho gba yi-e de. Yi kpi djali li ehe bhende ka yi-o. Padhá de, anga Ebhe apa me:

«Ma 'ó ka mū de,
ma bála 'kpa li mū
belegú de bini.†»

⁶ Kaka-a, ní ti da napa ne nabhuka hana me:

«Ngámá ne kpála inde ngateteke ma,
ma djé tsúlú li 'ngú bini
de.

Okpála tì da namene ngú ma mangua 'ngú dho?‡»

⁷ Yi bhundja nga okpála inde adú nani pi 'ndjí yi kalanú-o, inde akpokpo eli gba Ebhe-e pi yi-o. Yi bhundja nga lele maka u akpata nani Ebhe lie, di ne maka u amu lie-o. Yi bhuka maka u abhuka nani lie ko.

⁸ Yesu Kilisito yiyipa de, lili, naki, duduuma ne duduuma.

⁹ Yi a'ó de me nasuno na gandji gandji 'e yi li kpadji-e de. A ndjindji me bua ní sia angu ka bádha bhú 'bu gba Ebhe, a alú pi olíli inde atsia ezú-o de. Padhá de, anga okpála bhende ngamene ngua olíli bhomú-o sía bádha 'ngú téte belegú de bini.

¹⁰ Odimandø gba Ebhe inde ngamene kulu bhú 'ti ngbangbali-e ti nani da nazú enú inde u atsutsulu e pi misa gba ní natsulu enú-o * de.

¹¹ 'Ngbé dimandø gba Ebhe nganú ne ngute onú li bili na bubu naali, ngubula nahaha maka makiso ngú na'e siti 'ngú. Engú bini, u tsutsulu kuo onú ango-o li ngongo, a adúdu bhú ká okpála de.

¹² Kaka-a, Yesu akpi di lingo gudhú na Yelusalema ngubula na'e siti 'ngú gba okpála ne ngute e makpe.

¹³ A ayo me ní nü ke liní ne ani ali ngongo, ní kibila ngua pádha inde u apadha ani ne e-o.

¹⁴ Padhá de, anga píla doto ei-e, gudhú inde ní ngadú bhú e duduuma ne duduuma ade. Engú bini, ní mangbo ngagili gudhú inde adú galikpe ko.

¹⁵ La li kpadji gba Yesu-o, ní dhögé Ebhe ndú nedhinga hana maka makiso, a akunda napa me, ní dhögé 'li ani ne 'bhø ní.

† 13:5 13:5 Tsia bhú Det. 31:6, 8.

‡ 13:6 13:6 Tsia bhú Ets. 118:6. * 13:10 13:10 Enú inde u atsulu e pi misa si-e, a ko makiso inde u apa 'ngú e bhú olukuluku 15-16.

16 'To yi a'íli li namene bádha 'ngú, di ne nateteke liyi súnda yi de. Padhá de, anga ngua makiso bhomu-o nganga li Ebhe ngae.

17 Yi manga okpála inde pí 'ndji yi-e mamanga. Yi mene la di líli gba uo-o. Padhá de, anga u ngatsia 'kpí li yi ndu nedhinga hana ne nambila ndjindji me ekpí bini, o kpókpo kú kulu inde o amene e kala Ebhe. Yi 'o me u mene kulu gba o-o ne djali hana. U améne ne nalopololo de, anga u mene ne nalopololo lio-o, bhobhomu-o téteke yi de.

18 Yi yo Ebhe pí ya. Ya ambila me bua nakpokpo kú 'ngú gba ya-a ndjindji. Padhá de, anga ya ngagili ndu 'kpí hana namene engú inde li lelele.

19 Ma ngayo ka yi ne kekele me yi yo Ebhe ngú ma, amba ani bhulu kpadji me ma gie líma de yi má gala!

20 Ebhe inde li guo 'ngú ngayie ka e,

azuku Ngámá gba ní Yesu bhú ká okpála inde amu-o.

Aní akolo 'ngbé málila gba okandélé ne ngute e i nde ani aha e maka makiso.

Aní amene me gandja na dudu-ma-a lu pí ngute ango-o.

21 A ayo me Ebhe ango-o mene me yi kolo ne angu

ngú namene 'ngú

inde ndjindji ngubula namene mukunda gba ani-o.

A ayo me Ebhe 'o bhú ní engú inde ndjindji kala e

li pápá gba Yesu Kilisito.

A ayo me u dhögé ani dudu-ma ne dudu-ma.

A adu moko!

Engú na soso

22 Ondaise ma, ma ngayo ka yi me yi dje eli inde ma ngato masi bhú yi ne e bhomu-o ne 'ndjá bua. La dí-e, balua ma aye e pí yi inde-e ndjándjá ade.

23 Ma akunda napa pí yi me u atse 'kpa li ndai ní Timoté atse. I du me ani nde akolo má gala-a, ya anu natsia yi bhú dabili bini ne ani.

24 Yi yi ndu okpála hana inde pí 'ndji yi-e mayi. Yi yi la di ndu okpála gba Ebhe-e hana mayi. Ondaise ní na Itali yi yi mayi.

25 A ayo me bádha bhú 'bu gba Ebhe-e du bhú dabili bini ne ndu yi hana.

Balua gba Djaki

Eli na kalanu

Balua gba Djaki-e, apo bhálá ongú inde a ayo me u mene e. Ani aye pí ndú okpála gba Ebhe inde atsambala píla doto libhomu. Djaki agama 'ngú ne bádha 'li píndji ongú inde atsia imbilangu, engú inde a ayo me u mene e bhú dasündú gba omakilisito.

Balua ango-o ngalu kpekpeke píndji bádha 'ngú inde bhú okulu di ne nabhuka, ne píndji namene 'ngú na Ebhe maka makilisito.

Ongbengbe ongú inde bhú bhuku inde-e ngae inde:

Eli na kalanu 1:1

Nabhuka, a la di-e imbilangu 1:2-8

Nadú bhú ndibhili ne nadú ne tia bheldé 1:9-11

Nali bhú nale 1:12-18

Nadje 'kpí, a la di-e okulu 1:19-27

Nagbele 'dje kpála píndji nagbogbo bhúsú o 2:1-13

Nabhuka, a la di-e okulu 2:14-26

Makilisito ne 'mi e 3:1-18

Makilisito, a la di-e ongú na doto 4:1 - 5:6

Olíli ngangá 5:7-20

Djaki yi okpála gba Ebhe-e mayi

¹ Ngama, Djaki, bali gba Ebhe, bali di gba Ngámá Yesu Kilisito-o, ma yi

ndú okpála gba Ebhe hana inde atsambala píla doto libhomu-o mayi.

Yi du ne kpéke bua bhú okpekpeke da 'ngú

² Ondaise ma, li okpekpeke da 'ngú du abhaka yi ne li okpadji ngangá-a, yi de du bhúbhú ne djali naali.

³ Padhá de, anga yi mbila ndjíndji me, i du me nabhuka gba yi-e nde alu kpekpeke bhú okpekpeke da 'ngú-o, nabhuka ango-o tsia há pi yi kpéke bua.

⁴ Kaka-a, yi lila liyi uu! Padhá de, anga a ayo me kpéke bua gba yi-e kolo bha bini ali soso, ngabula me yi bhele li bua yi, amba yi a'ó ká suka bádha 'ngú bini de.

⁵ I du la me kpála bini bhú ká yi nde aneke imbilangu-o, a ayo me ani yo ka Ebhe, amba Ebhe ha pí ani. Padhá de, anga Ebhe ngahaha pi ndú okpála hana ne bádha bua, la di ne bua na keke de.

⁶ Engú bini, a ayo me ani yo ne nabhuka. Ani adú ne bua na bhisi bhisi de. Padhá de, anga kpála inde ne bua na bhisi bhisi-e, ani maka ngbo 'ngu inde li anvi ngatumba e pí djila 'ngbé 'ngu.

⁷ Kpála ango-o a'ó 'to e de me ni asia 'he ka Ebhe Ngámá-a de,

⁸ anga ani ne bua na bhisi bhisi. Ani mbila la di de me bhú ká ondu 'ngú gba ni-e hana-a, ni améne pi-ie de.

Engú inde akólo li obhúlu ndibhili ne obhúlu tia

⁹ A ayo me mabhuka inde bhú ndibhili-e kpi djali. Padhá de, anga Ebhe nga'e'e ani abhúlá.

¹⁰ La di-e, mabhuka inde ne bhúlu tia-a, a ayo me ani kpi djali, anga Ebhe ngaké ani ne kuto. Padhá de, anga ani akódho 'kpí maka felele na ulu inde abhú bili.

¹¹ Ela ngakoto ne kpéke djua gba e, i tsílu ulu, li ulu-o 'úlu. Li ulu a'úlu lie, li felele felele tí kuto. Abhomú-o, li bádha gba ulu ango-o tsia kólo padhá. A bhadi moko pi bhúlu tia. Padhá de, anga kpála ango-o akólo padhá bhú ká ondu 'he gba e hana inde ani ngamene e-o.

Ebhe ti da nato kpála bhú nale de

¹² A ko djali pi kpála inde ne kpéke bua bhú okpekpeke da 'ngú. Padhá de, anga píta ani ane okpekpeke da 'ngú lie, ani tsia sía makalá inde li Ebhe apa nani me ni ahá e pi okpála bhende akunda ni ko. Makalá ango-o, a ko mukobho na duduuma.

¹³ Li nale* bhaka kpála-a, ani apá de me: «Ebhe ngato ma bhú nale-e ngae» de. Padhá de, anga mabhundja nale kpála bhú Ebhe ade. La di-e, Ebhe ngae makpe-e, ti da nale kpála bini de.

* **1:13 1:13** Bhú eli na giliki-e, kpéke da 'ngú ne nale-e, a ko bha koli 'he bini.

[†] **1:17 1:17 Ndu 'he na zizi inde abhúlá:** A akunda napa me ela, epe ne oikupala.

¹⁴ Kpála ngali bhú nale ka gúmu na sisiti inde li bua e-o. Gúmu na sisiti ango-o gbéle ani, i tsia tó ani bhú nale.

¹⁵ Pipita-a, gúmu na sisiti-e bí 'bhi, i zú siti 'ngú. Siti 'ngú ango-o bhele-e, i tsia zú nakpi.

¹⁶ Ondaise ma na mukunda, yi apíte liyi de.

¹⁷ Ndu 'ngú na babadha hana, la di ne ndu tia inde ane ne bádha hana ngayie ka Ebhe, inde abho ndu 'he na zizi inde abhúlá-a† hana ngae-o. La pi ani-e, zi ani djidji lie de, ani yé la di bhú da e 'kpí bini de.

¹⁸ Ebhe akunda nani ngae makpe naha mukobho pi ní li kpadji na eli gba e na kúkúlu-o. A ko ngubula napa me ní du ogina nguwa bhú ká ondu 'he hana inde ani abho e-o.

Nadje eli gba Ebhe, di ne namene maka li eli ango-o apa lie-o

¹⁹ Ondaise ma na mukunda, yi mbila engú inde-e ndjindji: kpála ne kpála du adje 'ngú má gala! La-a, ani adu agama 'ngú má gala gala de! Ani adu di ake 'ngú lie má gala gala de!

²⁰ Padhá de, anga ke 'ngú gba kpála-a, ngagbe ngibili 'ngú kala Ebhe ade.

²¹ Kaka-a, yi yala ndu 'ngú bhende na sisiti-e hana. Yi yala di ndu kulu na sisiti-e hana. Yi sia eli inde li

Ebhe ngalu e li bua yi-e ne nake liyi ne kuto. Padhá de, anga eli ango-o ne angu ngú nakobho yi.

²² Yi mene engú inde li 'li Ebhe ngapa me yi mene e ko. Yi adá bha nadjedje madje de. I du mo-o de-e, amba yi ngapite bhomu-o liyi ngayi makpe.

²³ Padhá de, anga kpála bhende ngadje eli, ani tsia mene maka li eli ango-o ngapapa lie de-e, ani maka kpála bhende ngatsia bhúla e bhú bitolobi. Ani ú maka ani nde lie-o.

²⁴ Pita ani atsia bhúla e lie, ani há lie, ani tsia tápa. La-a, bha kolo má gala, ani mbíla matá de me bhúla ni de iginí pi-ie de.

²⁵ Engú bini, kpála koko ngazi 'ndji e bhú lili inde babadha na kuo kuo inde ngagbegbe kpála bhú bali-e ndjindji. Ani la di ngadhedhe téte. Ani ngadje eli-e lie, ani 'ili 'to e téte de. Bhú namene maka li eli-e ngapapa lie, kpála bhomu-o adá ne djali.

²⁶ I du me kpála nde ngabhundja me ni ngamene engú na Ebhe, engú bini, ani mbila nalila 'mi e de-e, kpála ango-o ngapite lie ngae makpe. Engú na Ebhe inde li kpála ango-o ngamene e, a padhá.

²⁷ Engú na Ebhe inde kukulu-o, inde la di babadha bhú djila 'Dyi ni Ebhe-e, a ngae inde: a ko nanu nateteke otsulosi di ne

oekesi bhú likabhu gba oo, a la di-e nalila lie, amba engú na doto inde-e asiti ni de.

2

Yi aú okpála koko ngbéngbé ane okoko de

¹ Ondaise ma, yi abhuka Ngámá gba ni Yesu Kilisito, inde abedhe ne sangu bedhe-o. Kaka-a, yi aú okpála koko ngbéngbé ane okoko de.

² Ni pa nga me: bhúlú tia bini inde adyi katí na olo, di ne obabadha bongo na kuo kuo, ali li bili inde yi apokobhe bhúla yi lie-o. Pipita-a, li bhúlú ndibhili inde adyi naae okakadha bongo lí di oo.

³ Yi tsia ú bhúlú tia inde adyi obabadha bongo na kuo kuo ngbéngbé ane mane. Kaka-a, yi tsia pá pi ani me: «Ngamu-o, du si, li bádha bili inde!» Yi tsia pá la naae pi bhúlú ndibhili-e me: «Ngamu-o, lu malu», ne me: «Du kuto bhú doto bhú li 'dhú ma si!»

⁴ I du me yi nde amene mo-o, amba yi ngau okpála koko ngbéngbé ane okoko mane. Yi la di ngakodho 'ngú ne mabhundja na sisiti.

⁵ Ondaise ma na muékunda, yi djedje nga: Ebhe alo okpála bhende naao ne obhúlú ndibhili bhú djila okpála na doto-o. Ani akunda me u du ne nabhuka naali, ngubula me u li bhú Naú gba ni inde ni apa me

ní ahá e pi okpála bhende ngakunda ni ko.

⁶ Engú bini, yi ngau obhulu ndibhili-e bhú djila yi padhá! La-a, a ngato mbolo li yi-e da? A la di ngagbe yi bhú ngbanga da? A ko obhulu tia di?

⁷ A ko matá bhadi uo di inde ngasobho 'ili na babadha inde li Ebhe aha e pi yi-e?

⁸ Bhuku gba Ebhe-e apa me: «Kunda kilí mu maka mo okunda limu lie ngamu makpe ko.†» A bhomu-o líli inde bhú Naú gba Ebhe ko. I du me yi nde ngalila líli ango-o, amba yi ngamene bhomu-o ndjingi.

⁹ Engú bini, i du me yi nde ngau okpála koko ngebéngbé ane okoko mane-e, amba yi ngamene siti 'ngú. La di-e, líli-e agbite yi, anga yi ngagumu bhomu-o líli.

¹⁰ Padhá de, anga i du me kpála bini nde agumu té líli-e, ani nde la ngamene dudu-o hana ndjingi-e, amba ani agumu bhomu-o líli-e libhomu.

¹¹ Padhá de, anga Ebhe inde apa me: «Mo okunda bhoko, i du di-e ele gba kpála koko de», ani apa di ngae me: «Mo obhéle kpála de.» Kaka-a, i du me mu nde kunda bhoko, i du di-e ele gba kpála koko de-e, engú la bini, mu bhéle kpála-a, amba mo ogumu líli-e agumu.†

¹² Ka 'ngú bhomu-o, yi

gama 'ngú, yi mene di 'he me yi nde ngambila ndjingi me líli akódho 'ngú gba yi-e makodho, líli ango-o, a ko bhende ngagbegbe kpála bhú bali-o.

¹³ Padhá de, anga bhú nedhinga nakodho 'ngú-o, pi kpála bhende i dje nani ndjinga okpála koko de-e, Ebhe djé di ndjinga ani de. Engú bini, kpála bhende ngadje ndjinga okpála koko-o, ekpi nakodho 'ngú gba okpála-a 'ó tsulu li ani de.

Nabhuka inde ne kulu ade-e, a kukuo

¹⁴ Ondaise ma, kpála bini ti da napa me ni ne nabhuka. Engú bini, i du la me ani nde suno kulu kulu-o de-e, nabhuka ango-o tí da nakobho ani uu?

¹⁵ Ní pa nga me: ndai yi bini na bhobhoko, i du di-e bhe na oele, u ne bongo ade, u di ne ezu ngú ekpi bini bini ade.

¹⁶ Li kpála bini bhú ká yi pa pi uo me: «Yi nu ne guo 'ngú! Yi nu dyi bongo, amba yi zu 'he, yi 'u'u ma'u'u!» Oeli bhomu-o améne pi uo mangua bádha 'ngú dho, i du me yi nde ha ehe inde u nde bhú ndibhili e pi uo de-e?

¹⁷ A si maka nabhuka. I du me mu nde abhuka-a, engú bini, mu suno kulu kulu-o de-e, amba nabhuka gba mu-o kukuo.

¹⁸ Engú bini, kpála ti da napa me: «Okpála koko aha

† 2:8 2:8 Tsia bhú Lev. 19:18. † 2:11 2:11 Tsia bhú Eki. 20:13, 14; di ne bhú Det. 5:17, 18.

lio pi nabhuka, okoko aha lio pi kulu.» Li kpála pa mo-o, ma gie pi ani me: «Suno muma, lele pi mu ti da nadu lie ne nabhuka me mu nde mene kulu kulu-o de-e! Ngama la di-e, ma asúno nabhuka gba ma-a pi mu bhú namene kulu ango-o.»

¹⁹ Ngayi-e, yi ngabhuka me koli Ebhe bha bini. A ndjindji naali. Osisiti bua ngabhuka bhadi moko. La di-e, u ngagukú ne tsulu.

²⁰ Yi ne ongingi! Yi akunda me u suno pi yi me nabhuka inde li kulu kulu nde lie ade-e padhá-a?

²¹ Lele pi li ogbi ní Abalahama akolo nani lie ngingbili bhú djila Ebhe-e? A ko nani li pápá na okulu gba ani-e di? Li nedhinga inde ani aha ndili gba e Isaka lie, ani atsia a'o ani li bili natsulu enu pi Ebhe-e?

²² Yi ngau me nabhuka, di ne okulu gba ani-e, adu nani adholo bhú dabili bini. Ka okulu gba ani-e, Ebhe atsia au me nabhuka gba ani-e abhele.

²³ Abhomu-o, eli inde li Bhuku gba Ebhe-e apa e-e, atsia amene lie. A ko eli inde apa me: «Abalahama abhuka Ebhe. Kaka-a, Ebhe atsia au ani me, a ko ngibili kpála .†» Ebhe atsia a'i la di ani me olia ni.

²⁴ Yi ngau me Ebhe ngaziba me kpála inde-e ngingbili li pápá na okulu gba e-o. A ko bha bini ka nabhuka kpi e kpi de.

²⁵ A bhadi si maka Lahaba, ele inde adu akunda obhosí ngangá-o. Ebhe aziba nani me a ko kpála na ngingbili ka okulu gba ani-o. Padhá de, anga ani asia nani okpála inde li omałsalaele atima nani o agba e. Ani atsia amene la di me u gie lio li kpadjì koko.

²⁶ A moko. Maka li ewo du lie bhú kute de-e, amba kute bhomu-o kukuo, a bhadi moko, li nabhuka du ne kulu bhú e de-e, amba nabhuka ang-o-o kukuo.

3

Ní lila 'mi ní malila

¹ Ondaise ma, bheldé na okpála bhú ká yi agili nadu omusuno de. Padhá de, anga a ayo me yi mbila ndjindji me Ebhe akódho 'ngú gba ní omusuno-o kpekpeke naali ané okpála koko mane.

² Ndú ní hana ní ngati bhú ongú bheldé. I du me kpála nde ti bhú engú inde ani ngagama e de-e, amba kpála ang-o-o abhele. Ani ti da nadu ne angu pi 'ndji kute e libhomu.

³ I du me ní nde ato mboye kalase bhú 'bhé opunda ngubula me ní to bhúla uo li pápá inde ní ngakunda e, ní ti da namene di ne kute uo libhomu maka ní akunda lie.

⁴ Yi tsia nga ongbengbe zabu. A ngbengbengbe. Anvi na kpekpeke ngatutumba ngae. La-a, mboye 'he masudha inde

[†] 2:23 2:23 Tsia bhú Dje. 15:6.

ngalili bhála 'ngbé zabu-o ngadjidji ngae. Lí zabu-o tsia ná li pápá índe lí kpála nadjedjele ngakunda e ko.

⁵ A bhadi moko pi emi. A ko mboye ehe masudha bhá kute. Engú bini, a ngabhi 'kpa e pi 'ka e lí ongú na ngbengbengbe.

Yi tsia nga me ne mboye dhegu djua masudha, u ti da natsulu 'ngbé gbendé na ngbéngbé!

⁶ Emi bhadi maka djua, a ko dabili gba siti-o. A ko suka yá ní, a la di ngasiti kute ní libhomu. Djua na likabhu na duduuma pi 'mi ní. 'Mi ní la di ngatsulu mukobho gba ní-e libhomu ne djua angoo-o.

⁷ Kpála-kuti ne angu ngá na'o mboli li ndu djua oenu na bili hana, abana oedhu, onu índe ngagbele lio ne 'bu o, abana osungu. Ani a'o la bhadi mboli li uo a'o.

⁸ Engú bini, kpála-kuti ne angu ade ngá na'o mboli li 'mi e. Emi ne ehe na sisiti. A tili naali. A abedhe la di ne sili na bhélo kpála bhá e bedhe!

⁹ Bha ne emi bini bhomu-o, ní ngadhége Ngámá índe 'Dyi ní-o. La bhadi ne emi bini bhomu-o, ní sosobho okpála índe lí Ebhe abho o maka e makpe ko.

¹⁰ Oeli na dhége di ne oeli natu pedjé-o, a ngaze bha bhá koli ebhe bini. Ondaise ma, a ayo mo-o de.

¹¹ Koli kpongú bini ti da nagbe engu na babadha, di ne engu na susu de.

¹² Ondaise ma, ndula na figi ti da nali lí ndula na olive uu? Ne me lá ndula na vino ti da nali lí ndula na figi uu? Kpongú na 'ngu ngutu ti da nagbe engu na babadha de.

Imbilangú inde ayie abhúlá

¹³ Kpála bhende na imbilangú, índe di ake mboli 'ngú bhá ká yi uu? A ayo me ani suno bhá dasundu gba e na babadha. Ani suno di bhá kulu índe ani ngamene e ne nake lie ne kuto di ne imbilangú.

¹⁴ Engú bini, i du me yi nde ne 'ngbé bua naali-e, di ne bua me o one okpála koko mane-e, yi 'o nabhi 'kpa yi pi 'ka yi ma'o. Yi asiti engú na kákálu-o ne eu gba yi-e de.

¹⁵ Ngua imbilangú bhomu-o yie abhúlá de, a ko bhe na doto. A ko bhe na kute, a ko bhe gba kpála índe bhá e ne siti bua.

¹⁶ Padhá de, anga bili índe lí okpála nde lie ne 'ngbé bua-a, bili u nde lie ne gámu nane okpála koko mane-e, oo-o, nadje lio dí-u de. A adú bha bini oo ne ondu 'ngú hana bhe na sisiti.

¹⁷ Engú bini, imbilangú índe ayie abhúlá-a, a naae kpi hana. La di-e, a ne guo 'ngú, a ne bua na bhébhéku, di ne namanga kpála. A abedhe di ne nadje ndjinga okpála koko, a ngazu obabadha nguwa. A ngau okpála koko ngbéngbé ane okoko mane ade, a la di ne kali bhá e ade.

¹⁸ Okpála bhende akündá guo 'ngú-o, maka okpála alulu 'dyí. Nguwa inde u alulu e, a ko guo 'ngú, a ngazu pi uo ngibili 'ngú .

4

Mu kunda engú na doto-o, amba mu ne bhulü yala gba Ebhe

¹ Okpekebhø di ne ogbele-e ngayie bhú ká yi su? A ngayie bhú osisiti gümü na ndü 'ngú ngangá inde ngagü gbele bhú kute yi-o.

² Yi kükündá nasisia ehe bini, engú bini, yi ti da nasisia de. Kaka-a, yi bedhe ngú nabhilli okpála. Yi dudu ne gümü na sisiti ngú nasisia ehe bini, engú bini, yi ti da nasisia de. Kaka-a, yi ngamene kpekebhø, yi la di ngagü gbele. Yi sisia ehe inde yi akükündá e de. Padhá de, anga yi yoyo ka Ebhe de.

³ Belegü yi ayoyo lie, yi sisia de anga yi yoyo maka ayo lie de. Yi yoyo bha bini ehe inde i nganga li yi-o.

⁴ Ngayi obambakuya inde! Yi mbila de me nakündá engú na doto-o, a ko nadü bhulü yala gba Ebhe-e di? Kpála bhende akündá engú na doto-o, ani nga'o lie bhulü yala gba Ebhe.

⁵ A aye nani lie padhá de me: «Ebhe akündá bua gba e inde ani a'o nani e bhú ní-e naali.»*

⁶ Engú bini, bádha bhú 'bu inde li Ebhe nde ne e pi ní-e, ane ne engbé. Kaka-a, u aye bhú Bhuku gba ani-e me:

«Ebhe ne bhulü yala gba okpála na 'ngbé 'ndji, engú bini, ani ne bádha bhú 'bu pi obhende ngakø lio ne kuto ko.†»

⁷ Kaka-a, yi manga Ebhe. Yi holo bhú 'dhü yi ka Djabülü kpekpeke, amba ani kpe yi tsutsu.

⁸ Yi dyudyo liyi de Ebhe masikpe, amba ani dyudyo di lie de yi masikpe. Ngayi okpála na siti 'ngú, yi vülu 'kpa yi! Ngayi okpála li bua o agbolo ngangá-a, yi vülu bua yi!

⁹ Yi mbila ndjindji me yi bhú likabhu. Yi ku 'gbá, amba yi lopolö liyi. A ayo me ezo gba yi-e dji lie, a akolo egbá, amba djali gba yi-e dji lie, a akolo likabhu.

¹⁰ Yi kœ liyi bhú djila Ngámá ne kuto, amba ani tsia 'e'e yi ne abhülá.

Mo okódho 'ngú gba kpála koko de

¹¹ Ondaise ma, yi adú apa siti 'ngú li yi súnda yi de. Kpála bhende ngapa siti 'ngú li ndai e, i du di-e nakodho 'ngú gba ani-e, ani ngapa siti 'ngú bhomü-o li lili gba Ebhe, di ne nakodho 'ngú téte. Bhú nedhinga bhomü-o, ani ngamene lili

* **4:5 4:5 Ebhe akunda bua gba e inde ani a'o nani e bhú ní-e naali:** U ti da napa matá me: «Bua inde li Ebhe a'o e bhú ní-e abedhe ne osisiti gümü 'he.» † **4:6 4:6 Tsia bhú Gbt. 3:34.**

ade, ani mangbo ngakodho 'ngú téte.

¹² La-a, Ebhe aha lili ngae makpe. Ani tí la bhadi da nakodho 'ngú téte ngae kpi e kpi. Ngaani kpi e kpi, ani tí da nakobho kpála, di ne na'o me kpála kpi. Ngamu-o, mu la naamu ne da, mu ngakodho 'ngú gba kpála koko lie?

Yi adú ne 'ngbé 'ndji de

¹³ Yi dje nga ma mbia inde, ngayi okpála bhende ngapa me: «Naki, i du di-e mambi, ya anú bhú gudhú bhe. Ya así oo kalanga bini. Ya atsíndji 'he, ya tsia sía falanga.»

¹⁴ La-a, yi mbila de me mukobho gba yi-e adú mambi pi-ie de! Padhá de, anga yi maka nguwa inde ngau lie ngubula nedhinga bedi, pipita-a, u u matá-a de ko!

¹⁵ A ayo mangbo me yi pa me: «I du me Ngámá nde akunda-a, ya adú bhú mukobho. Ya tsia méne engú inde, i du mo-o de-e, ya méne engú koko.»

¹⁶ Engú bini, mbia inde-e, yi ne okpála na 'ngbé 'ndji. Yi la di ngabhi 'kpa yi pi 'ka yi. Ndú ngua ongbengbe 'ndji bhomu-o hana sisiti.

¹⁷ Kaka-a, li kpála mbila namene bádha 'ngú-o, engú bini, ani mene la bádha 'ngú ango-o de-e, amba ani amene siti 'ngú.

5

Ngayi obhulu tia-a, yi ku 'gbá

¹ Ngayi obhulu tia-a, yi dje nga ma mbia inde! Yi ku 'gbá, amba yi tu di 'ue ka olíkabhu inde akólo li kute yi ko!

² Tia gba yi-e azi. Okéké azú la di obongo gba yi-e azú.

³ Olo gba yi, la di ne al-adja gba yi-e agba mbelende. Mbelende ango-o a'o 'ngú pi yi ngae. Mbelende azú la di kute yi maka djua. Yi apo ibili bhála tia gba yi-e mbia inde-e ali sokpi!

⁴ Yi ayala naha tia pi okpála na kulu inde ngamene kulu bhú 'dyi gba yi-o. Kaka-a, u ngalopoló lio. La di-e, Ngámá na abhálá, Angbamili adje nalopoló lie gba uo-o adje.

⁵ Píla doto-o, yi adú bhú ká tia, yi atsia adú akobho ndjindji naali. Yi akolo ne tsikpa maka oenú inde akolo ne tsikpa ngubula ekpí inde u abhéle uo lie ko.

⁶ Yi a'o mangimbo pi kpála na ngingbili-o. Yi atsia abhele la di ani. La-a, ani lu kala yi ne gbele de.

Yi du ne 'ndjá bua, anga Ngámá ngago

⁷ Kaka-a, ondaise ma, yi du ne 'ndjá bua akólo bha bini li 'kpí inde li Ngámá agó lie ko. Yi tsia nga kpála inde ngalu 'dyi-o. Ani ngadjike nguwa inde ane ne bádha-a ne 'ndjá bua. Ani ngadjike bhadi nedhinga inde li ebha

na kalanu, di ne bhende na soso-o adhí lie-o.

⁸ Ngayi di-e, yi du ne 'ndjá bua. Yi du ne masi. Padhá de, anga nago gba Ngámá-a akolo masikpe.

⁹ Ondaise ma, yi apá siti 'ngú li yi súnda yi de, amba u akódho 'ngú gba yi-e de. Padhá de, anga kpála nakodho 'ngú-o alu li obhèbhoti.

¹⁰ Ondaise ma, opolofeta inde akpokpo nani 'ngú ne 'li Ngámá-a, abi nani likabhu ne 'ndjá bua. Yi kpata engú inde u amene e-o.

¹¹ Ní ngapa me okpála bhomu-o, a ko okpála na djali. Padhá de, anga u adu bhú likabhu ne kpéke bua. Yi adje maka li Djobe abi nani likabhu lie ne kpéke bua-o. Yi atsia au la di ehe inde li Ngámá aha e pi ani ali soso-o. Padhá de, anga Ngámá abedhe ne ndjinga, la di ne bua na babadha.

¹² A ane la mane ondaise ma, yi atú silika de. Yi atú silika ne 'li kokpí de. Yi atú silika ne 'li doto de. Yi atú di silika ne 'li 'he koko belegu de bini. I du me a nde mo-o, yi de pa bha me: «A moko.» I du la di me a nde mo-o ade-e, yi de pa bha me: «A mo-o ade», ngubula me yi asia mangimbo ka Ebhe de.

Nayo gba kpála na ngbingbili-e, a ne angu naali

¹³ Bhú ká yi-e, kpála bini bhú likabhu uu? A ayo me ani yo Ebhe. Bhú ká yi-e, kpála bini ne djali uu? A ayo

me ani dhögé Ngámá bhú oetsi.

¹⁴ A li kpála bini bhú ká yi ne kuo uu? A ayo me ani 'i obhelesi okpála na Piga gba Ebhe. U yo Ebhe ngubula ani, amba u tuko la di emu pi 'ndji ani ne 'li Ngámá.

¹⁵ I du me u nde ayo bhú dabili bini ne nabhuka-a, li nayo ango-o kóbho kpála na kuo-o, li Ngámá 'é ani bhúlá. I du me ani nde amene siti 'ngú-o, li Ebhe tsia 'é siti 'ngú ango-o.

¹⁶ Kaka-a, yi mbamba ta osisiti 'ngú gba yi-e súnda yi. Yi yo Ebhe ngá yi súnda yi, amba okuo gba yi-e yie. Nayó gba kpála na ngbingbili-e, a ne angu naali.

¹⁷ Eliya nani ne kpála-kuti maka ní. Ani ayo nani Ebhe ne bua e hana ngubula me ebha adhí-i de. Ebha tu pila doto belegu de bini, ngubula kalanga bata ne epe madhia.

¹⁸ Pipita-a, ani ayo matá Ebhe. Abhomu-o, ekpí atse 'kpa li ebha kuto, doto atsia aholo di nazu nguwa gba e-o.

Yi gie kpála inde a'o ká ngibili kpadji-e li kpadji na kükulu

¹⁹ Ondaise ma, kpála bini bhú ká yi ti da na'o ká ngibili kpadji. Pipita-a, li kpála koko tsia gie matá ani li kpadji na kükulu.

²⁰ Yi mbila ndjindji me kpála inde agie kpála bini na siti 'ngú, inde a'o ká ngibili kpadji li kpadji na kükulu-o, ani akóbho bua kpála

bhomʉ-o bhʉ́ kuo, ani tsia
ménɛ me u mbu li bhit i os-
isiti 'ngʉ́ gba kpála bhomʉ-
o.

Balua na bini gba Piele Eli na kalanu

Piele aye nani balua na bini gba e pi omakilisito inde u a'i o li bili inde me okpala inde nani li Ebhe abhu o. Okpala ango-o atsambala nani bhú Adji Minele, ali papá na abebe. Engú na ngbéngbé inde bhú balua inde-e, a ko nato masi bhú okpala inde ngatatanga. Padhá de, anga u adu nani ato mbolo li uo, kabula nabhuka gba o-o. Ani aye balua ango-o ngubula na ha Bádha Ngali gba Yesu Kilisito pi uo, inde nakpi, ne nazuku gba e ngaha pi okpala na'o 'to o 'to engú inde ani apa me ni améne e nedhinga nago ka ni ko. Nau ongú bhomuo, uo ne kpadji koko ade, a ayo bha me u ziba nabilia olíkabhu ne nambila ndjindji me, a ko nale inde u ngale uo ne e bhú nabhuka gba uo na kükulu-o. A ko la di me, u asia makalá li 'kpí inde li Yesu Kilisito ago lie (1:7).

Bhú nato masi inde li Piele ato e bhú okpala bhú nedhinga na likabhu-o, ani aha di líli pi okpala inde ngatanga balua inde me: u kobho maka okpala gba Kilisito.

Ongbengbe ongú inde bhú bhuku inde-e ngae inde:

Eli na kalanu 1:1-2

Nagama matá 'ngú ne toto pindji mukobho inde li Ebhe ngaha e 1:3-12

Líli pindji mukobho na bubu 1:13 - 2:10

Ongú inde a ayo me makilisito mene e bhú nedhinga na likabhu 2:11 - 4:19

Namene kulu ne nake li o ne kuto ka makilisito 5:1-11

Eli na soso 5:12-14

Piele yi omabhuka inde agbongbolo ne bili-e mayi

¹ Ma aye balua inde-e pi yi ngama Piele, ma ne bhulü titima gba Yesu Kilisito. Ma aye pi yi okpala inde li Ebhe abhu o, ngayi okpala inde ngadu maka ogandji okpala bhú kuti koko, ngayi inde atsambala bhú ondu doto na Pote, ne Galatia, ne Kapadose, ne Adjia di ne Bitinia-o.

² Ebhe 'Dyi ni abhu nani yi bhutode maka ani aleke nani engú ango-o lie-o. Ani alo yi li kpadji gba Bu Bhabua, ani a'o yi kpi ngú nadu piga gba e, ngubula me yi du namanga Yesu Kilisito, amba ngute ani vulu yi ngú nadu bubu kala ni. A ayo me bádha bhú 'bu gba Ebhe-e du ne yi, amba ani ha di guo 'ngú pi yi ane mane.

Piele adhégé Ebhe, anga ani akóbho omabhuka makobho

³ A ayo me ni dhégé Ebhe, 'Dyi Ngámá gba ni Yesu Kilisito. Padhá de, anga ani abedhe ne ndjinga pi ni bedhe, ani atsia aha

mukobho na mbia pi ni bhá nazuku Yesu Kilisito bhá ká okpála inde amu-o. Kaka-a, ni abhele djila ni li ani me ni azúku di mazuku.

⁴ Ni ti la di da na'o 'to ni 'to tia inde li Ebhe awo e pi ni opiga gba e-o. Ani awo tia ango-o pi ni abhúlá. Tia ango-o zizi de, a sisiti de, a pádha la di-i de.

⁵ Nganí okpála inde abhuka Ebhe-e, ani ngalila ni ne angu gba e, ngubula me ni sia mukobho na duduuma ango-o. Mukobho ango-o asúno lie li sokpí.

⁶ Ka ongú ango-o, yi kpi djali, abana ayo lie me yi zu olikabhu mbia inde-e li okpadji ngangá ngú nedhinga bedi-o.

⁷ Belegu olo inde asisiti masiti-e, okpála tsutsulu ngaiza bhá djua ngú naleleke me a kolo ndjindji. A si la masi maka nabhuka gba yi-e ane olo lie mane-e? Yi ngazu olikabhu bhomu-o ngubula me okpála mbila me a li nabhuka gba yi-e ne tata. A bhadi moko ne nabhuka gba yi-o. Ebhe améne mo-o ngú namene me, kabula nabhuka gba yi-e, ani toko yi, ani dhege di yi, ani mene di me 'li yi kolo ngbéngbé li 'kpí li Yesu Kilisito asúno lie lie bhá sangu gba e-o.

⁸ Belegu yi u ani lie de-e, yi ne mukunda pi ani. Abana yi nde lie ngau ani ade-e, yi ngabhuka ani. Kaka-a, yi ngakpi djali naali, djali inde li kpála ti da nakpokpo lele e de,

⁹ anga yi asia makalá na nabhuka gba yi-e masia. Makalá ango-o, a ko li bua yi akóbho lie-o.

¹⁰ Nani kalanu-o, opolofeta agili má bhotobhoto me o mbila kpadji li Ebhe akóbho okpála lie-o. U adu akpokpo 'ngú kalanu pi okpála pindji bádha bhá 'bu inde li Ebhe a'o nani e pi yi-o.

¹¹ Bua gba Kilisito inde adu bhá uo-o apa pi uo kalanu me, Kilisito azú likabhu. Pipita-a, ani tsia sía sangu gba Ebhe-o. Opolofeta ango-o agili nambila me ongú bhomu-o akódho 'kpí nadho. U atsia agili di nambila me a adu lele pi.

¹² Ebhe atsia asuno pi opolofeta bhomu-o me ongú ango-o kódho 'kpí bhá nedhinga gba uo-o de, engú bini, akódho mangbo 'kpí bhá 'kpí gba yi. Mbia inde-e, okpála inde ngakpokpo Bádha Ngali-e , akpokpo ongú bhomu-o pi yi akpokpo. U akpokpo pi yi ne angu gba Bu Bhabua inde li Ebhe atima e-o. Belegu oandjelu , u akunda nau ongú ango-o.

Piele apa pi omabhuka me u du bubu kala Ebhe

¹³ Kaka-a, yi du bedhe ndu 'kpí hana. Yi bhulu djila yi, yi 'o 'to yi libhomu 'to bádha bhá 'bu inde li Ebhe ahá e pi yi li 'kpí li Yesu Kilisito asúno lie lie bhá sangu gba e-o.

¹⁴ Yi manga Ebhe maka ongisi na babadha. Yi akpáta matá kpadji na sisiti

inde nani yi adu nakpata e kala me yi nde mbila Yesu Kilisito de-e de.

¹⁵ Engú bini, yi du bubu bhú mukobho gba yi-e libhomu, maka li Ebhe inde a'i yi-e nde lie bubu-o.

¹⁶ Padhá de, anga u aye bhú Bhuku gba Ebhe-e me: «Yi du bubu, anga ma bubu.†»

¹⁷ Nedhinga yi ngayo Ebhe lie, yi nga'i ani me «'Dyiní». Padhá de, anga ani ngakodho 'ngú gba okpála nakpata lele kulu gba kpála ne kpála. Ani tsia la di bhúla kpála bini de. Kaka-a, nedhinga yi nde nga bha lie píla doto-o, yi manga ani bhú ndu 'ngú hana inde yi ngamene e-o.

¹⁸ Yi mbila ndjindji maka li Ebhe agbegbe yi lie li kpadjí ndu ongú hana na padhá padhá inde li odyi yi apana e pi yi-o. Ebhe kala yi ne ehe inde ngasiti masiti maka aladjá, i du di-e olo de.

¹⁹ Engú bini, ani akala yi ne ngute Kilisito inde ane ndu 'he hana-o. Kilisito maka ndili kandele inde aha mukobho gba e, u atsia abhólo e-o. Ani bubu kala Ebhe, ehe na sisiti bhú ani belegú ade bini.

²⁰ Ebhe abhu nani ani ngú nakpi li 'ngú gba okpála kala me ani bho doto, la mbia inde-e, ani atsia asuno ani bhú onedhinga na soso inde-e mbámbá ngubula me ani kobho yi.

²¹ Kabula Kilisito-o, yi abhu ka Ebhe inde azuku ani bhú ká okpála inde amu-o, ani atsia aha sangu pi ani. Kaka-a, yi nga'o nabhuka gba yi-e bhú Ebhe, yi la di nga'o 'to yi 'to ani.

²² Yi avulu bua yi avulu ngú nadu ne mukunda na kukulu sunda yi. Yi avulu bua yi ango-o li kpadjí nakpata ongú na kukulu inde li Ebhe asuno e pi yi-o. Ka 'ngú ango-o, ma apa pi yi me, yi du ndu 'kpí hana ne mukunda na kukulu sunda yi di ne bádha bua.

²³ Yi mbila ndjindji me Ebhe aha mukobho na mbia pi yi li kpadjí na eli gba e na duduuma, inde di ngaha mukobho pi okpála-o. Ebhe inde i kpkipki de-e aha mukobho ango-o pi yi ngae makpe. Yi sia mukobho ango-o ka odyi yi inde amú mamu-o de.

²⁴ Padhá de, anga u aye bhú Bhuku gba Ebhe-e me: «Ndú okpála hana ngamu maka ulu a'u'ulu lie-o. Bádha gba kpála-kuti ngandjia maka bádha gba felele andjindjia lie,

i du me a nde anuku-o.

²⁵ Engú bini, eli gba Ngámá-a ngadu duduuma ne duduuma.†» Eli ango-o, a ko Bádha Ngali inde u akpokpo e pi yi-o.

2

*Piele apa me omabhuka
du maka teme na mukobho*

† 1:16 1:16 Tsia bhú Lev. 19:2. † 1:25 1:25 Tsia bhú Isa. 40:6-8.

¹ Yi bala ndu sisiti 'ngú hana kabula mákobho na mbia inde li Ebhe aha e pi yi-o. Yi apite kpála bini de, yi adú amene engú na kali de, yi adú ne gúmú 'he gba kpála de, yi adú di apa 'ngú li okpála koko sisiti de.

² Yi du maka ongisi u azu o na mbia, inde ndu 'kpí hana ne gúmú nandji 'ka. Yi du bhadi ne gúmú Eli gba Ebhe-e moko ngúbula me yi bhele, akólo li ekpí li Ebhe akóbho yi lie libhomu-o.

³ Yi du bha ne gúmú eli ango-o na paká paká, anga yi ambila bádha 'ngú inde li Ngámá ngaha e li bua yi ambila.

⁴ Yi dyudyo liyi de Ngámá Yesu Kilisito masikpe, a ko teme na mákobho, inde li okpála abhike nani e ne 'ili me a li kulu ade-o. La-a, bhú djila Ebhe inde alo nani teme ango-o, aní atsia au me a li kulu ane ndu oteme koko hana.

⁵ Ngayi makpe-e di-e, yi du maka teme inde na mákobho, amba Ebhe ha yi, aní tsia yiki eti gba Bu Bhabua ne yi maka 'ngbé 'ti Ebhe gba omaYuda-o. Bhú 'ti ango-o, yi akólo piga gba odimande inde aha lio pi Ebhe, ngúbula naha makiso na Bu Bhabua, inde ndjindji pi Ebhe li kpadi gba Yesu Kilisito.

⁶ Padhá de, anga u aye bhú Bhuku gba Ebhe-e me:

«Yi gbo nga 'dje yi, ma alo

† 2:6 2:6 Tsia bhú Isa. 28:16.

† 2:7 2:7 Tsia bhú Ets. 118:22.

† 2:8 2:8 Tsia bhú Isa. 8:14.

teme bini na mase,
ma a'ó bhú gúdhu na
Siona
maka teme inde abi eti-e
libhomu.

Kpála inde aziba teme
ango-o sia numú be-
legu de bini.†»

⁷ Pi yi okpála inde abhuka-a, teme ango-o pi yi li kulu ane ndu oteme koko hana. Engú bini, pi okpála bhende i bhuka de-e, a mo-o ade. Padhá de, anga u aye bhú Bhuku gba Ebhe-e me:

«Teme inde li okpála nayiki
eti-e abhike e-e,
akolo teme inde abi eti-e
libhomu ngae.†»

⁸ U aye matá di bhú Bhuku gba Ebhe-e me:

«Okpála ngado 'dhú o li
teme ango-o,
i tsia méne me u gu 'i o
kuto.†»

U ngado 'dhú o tété, anga u ayala nakpata 'li Ebhe, Ebhe apa nani bhútode me a méne lie mo-o.

⁹ La pi yi-e, yi ne piga inde li Ebhe abhú o-o. Yi ne piga gba odimande inde ngamene kulu pi 'ngbé Ngámá Ebhe. Yi ne piga okpála inde li Ebhe a'o o kpi pi e. Aní abhú yi ngúbula me yi kpokpo ongbengbe 'ngú inde ni amene e pi okpála. Aní a 'i yi me yi ze bhú biti, amba yi go li zi 'ke gba ni inde ngatsi ane ndu 'he hana-o.

¹⁰ Nani kalanú-o, yi du ne okpála gba Ebhe de, engú bini mbia inde-e, yi akolo

okpála gba aní. Naní kalanú-o, yi sia ndjinga gba Ebhe-e de, engú bini mbia inde-e, yi asia ndjinga gba aní asia.

Piele aha líli pi omabhuka pindji lele namanga lio, di ne namanga Ebhe

¹¹ Ondaise ma na mukunda, yi mbila ndjindji me yi píla doto ei ne ogomago. Kuti gba yi-e píla doto inde-e ade. Kaka-a, ma ayo ka yi me, yi adú améne osisiti 'ngú li gumú e nde li bua yi-e de, anga ongú bhomú-o ngazu bili li bhobua yi ngae.

¹² Yi mene ehe liyi bhá ká omúpagano ndjindji ngubula me, abana u dú apa 'ngú li yi sisiti-e, u de u obabadha 'ngú inde yi ngamene e-o, amba ekpí li Ebhe asúno lie pi uo lie, u de dhége ani.

¹³ Yi ke liyi ne kuto kala ndú okpála hana inde ngaú píla doto, kabula Ngámá gba ní Yesu Kilisito inde yi ngak-pata nganda e-o. Yi ke liyi ne kuto kala ongbengbe ongámásí na doto inde ngaú pi ndú okpála hana-o.

¹⁴ Yi ke liyi ne kuto kala oguvelenele inde li 'ngbé ngámá a'o o-o. Aní a'o uo ngubula me u mene okpála inde ngamene siti 'ngú-o kpekpeke, di ne me u dhége obhende ngamene bádha 'ngú-o.

¹⁵ Padhá de, anga Ebhe akúnda me yi gbite 'bhé ngingi 'ngú gba okpála inde

ayala nambila Ebhe-e ne namene bádha 'ngú.

¹⁶ Yi mene ehe liyi maka okpála inde bhá bali ade. Engú bini, yi apá de me, o nde lie bhá bali ade-e, o mene siti 'ngú bhá gandji-e de. Yi mene mangbo liyi maka obalise gba Ebhe.

¹⁷ Yi manga ndú okpála hana. Yi dú ne mukunda pi ondaise yi bhá 'bu nab-huka . Yi manga ongbengbe ongámásí mamanga. Yi dhége Ebhe.

¹⁸ Ngayi obalise-e, yi ke liyi kala omakulasi yi ne kuto. Yi manga uo ndjindji. Yi amángá bha bini obhende na bháku 'ngú-o de, inde ngamene yi ndjindji-e de, yi manga di obhende ngamene yi sisiti-o.

¹⁹ Padhá de, anga Ebhe ngasuno bádha bhá 'bu pi kpála inde ngazu likabhu sakpa okpála koko padhá me aní nde mene siti 'ngú de, li aní tsia kíbila likabhu ango-o kabula li Ebhe.

²⁰ Yi dú azú bhikpa ka siti 'ngú yi amene e, a dhége yi téte da? Engú bini, i dú me yi nde ngazu likabhu sakpa okpála koko kabula bádha 'ngú inde yi amene e, li yi kíbila likabhu ango-o, a ko bádha 'ngú bhá djila Ebhe.

²¹ Aní a'i yi me yi mene moko, anga Kilisito azú bhadi likabhu pi yi moko. Aní apana kpadji pi yi, amba yi mene bhadi maka ni.

²² Ngaani-e, aní mene siti 'ngú de.

Ani pa eu belegü de bini.[†]

23 Li okpála asobho ani lie, ani gie sobho pi uo de.

Abana u ato mbolo li ani lie, ani gu okpála ango-o de.

Ani a'o mangbo lie sakpa Ebhe inde ngakodho 'ngü ngingbili-o.

24 Ani abha sisiti 'ngü gba ni-e, ani atsia abi li kute e.

Ani abi siti 'ngü ango-o nedhinga u abhélé ani lie li kulusi ngubula me,

ní du maka okpála inde amu li pápá na siti 'ngü amu,

di ne me ní du mangbo bhú mukobho inde ngingbili.

Yi akobho ka oeka li ani abi e-o.

25 Padhá de, anga yi du nani maka okandele inde angita.

Engü bini, mbia inde-e, yi agie liyi agba mulila, inde ngalila bua yi-o.

3

Lele dasündü súnda olisi ne obhosí

1 Ma ngapa di pi yi olisi moko, yi ke liyi kala obhosí gba yi-e ne kuto da napa me abana li bini bini bhú ká uo bhuka 'li Ebhe de-e, u de dji bua o ka nau lele mukobho gba yi, abana yi pa 'ngü pi uo pindji eli gba Ebhe-e de-e,

² u de bhuka kabula nau me lele dasündü gba yi-e ndjindji, yi la di ngamanga uo.

³ Yi adú bha bini aleke kute yi akilidjo de, abana i du bhú napulu sundjo yi, abana i du nadyi omagege na olo, abana i du di-e bhú nadyi obongo bhe na mase naali.

⁴ Engü bini, yi leke mangbo liyi bhú naleke bua yi. Yi ke liyi ne kuto, yi du di ne guo 'ngü . Padhá de, anga a bhomu-o bádha bhe i zizi de-o, a nganga li Ebhe naali.

⁵ Olisi na kalanu inde adu akpata Ebhe-e, inde adu di na'o 'to o 'to ani-e, adu nani aleke lio ne ngua bádha kulu bhomu. U adu la di namene lili gba obhosí gba o-o.

⁶ Yi bhundja nga pindji Sala. Ani adu amene nani lili gba 'ko e Abalahama ndjindji. Ani adu a'i ani me ngámá gba ni. Yi ne ongisi na olisilisi gba Sala na paká paká, i du me yi nde ngamene bádha 'ngü, yi nde 'o la di de me tsulu ha angu yi de-o.

⁷ A bhadji moko pi yi obhosí, a ayo me dasündü gba yi ne olisi gba yi-e du ndjindji. Yi mbila ndjindji me uo bhuhukü ane yi. Yi manga uo mamanga, anga mukobho inde li Ebhe ahá e pi yi bhú bádha bhú 'bu gba e-e, ani ahá pi ndu yi ne uo hana. Yi mene mo-o, ehe bini ni kpadji kala mayo gba yi-e de.

[†] 2:22 2:22 Tsia bhú Isa. 53:9.

Lele dasündü gba omabhuka

⁸ Ngú nabu tata-a, yi du ndü yi hana ne bua bini, yi du amene bádha 'ngú li yi sonda yi, yi du ne mukunda sonda yi maka ondaise . Yi du ne ndjinga sonda yi, yi ke la di liyi sonda yi ne kuto.

⁹ Yi agié siti pi siti de, i du di-e sobho pi sobho de. Li kpála sobho yi-e, yi agié sobho pi ani de, engú bini, yi yo mangbo Ebhe me ani tuko bisagu pi ani. Padhá de, anga nedhingga li Ebhe a'i yi lie me yi du piga gba ni-e, ani apa nani pi yi me ni atúko bisagu pi yi.

¹⁰ A maka u aye lie bhú Bhuku gba Ebhe-e me:

«Li kpála kunda me mukobho gba ni-e du ndjindji-e,

ani kunda la di me ni du bhú djali-e,

a ayo de me ani du apa siti 'ngú-o de,

a ayo la di de me ani du apa eu-o de.

¹¹ A ayo me ani dji 'ngbu e li siti 'ngú,

ani mene mangbo bádha 'ngú.

Ani gili guo 'ngú ne kekele hana.

¹² Padhá de, anga Ngámá ne djila e li okpála inde ngamene ngibili 'ngú , ani bedhe ngú nadje mayo gba uo.

Engú bini, ani ngadji 'ngbu e li okpála bhende

ngamene osisiti 'ngú- o.†»

Piele apa me omabhuka kibila likabhu me u nde ngamene bádha 'ngú

¹³ I du me yi nde nga'o bua yi hana li namene bádha 'ngú-o, a ko da inde améne yi sisiti-e?

¹⁴ Yi du ne djali nedhingga yi ngazú likabhu lie ka bádha 'ngú inde yi ngamene e-o. Ka 'ngú ango-o, yi adú ne tsulu okpála inde ngakunda namene yi sisiti-e de, bua yi abáka di-i de.

¹⁵ Yi dhögé mangbo Kilisito li bua yi maka Ngámá gba yi. Yi du bedhe ndü 'kpí hana ngú nakpokpo 'ta yi nga'o 'to yi lie 'to Kilisito pi okpála bhende ngayi yi téte-o.

¹⁶ Engú bini, yi kpokpo ne bhukú bua, amba yi manga la di uo mamanga. Yi mene ndü 'kpí hana engú inde yi au e li bua yi me a ndjindji-o, amba okpála bhende ngapa 'ngú li yi sisiti-e, sia námu nedhingga u ngasobho bádha kulu yi ngamene e kabula 'li Kilisito lie-o.

¹⁷ Padhá de, anga yi sia likabhu ka siti 'ngú inde yi ngamene e, engú téte ade. La-a, yi sia likabhu kabula bádha 'ngú inde yi ngamene e, i du me Ebhe nde aziba mo-o, bhobhomú-o ane ne bádha ngae.

¹⁸ Padhá de, anga Kilisito adje di likabhu kabula siti 'ngú gba ni-e bhútsibhútsi

† 3:12 3:10-12 Tsia bhú Ets. 34:13-17.

bini má ngbi! Ngaani kpála inde i mene siti 'ngú de-e, ani akpi ngubula nakobho ní okpála inde ngamene siti 'ngú-o, ngubula me ani mba bhúla ní agba Ebhe. Okpála abhéle ani bhú kute, engú bini Ebhe atsia azuku ani li kpadjì gba Bu Bhopua .

¹⁹ Ka angu gba Bu Bhopua bhomu-o, ani atsia anu belegü di nakpokpo Bádha Ngali gba Ebhe-e pi obua inde amu inde bhú tikpu-o.

²⁰ A ko bua okpála inde ayala nani nadji bua o nedhinga li Nua adu abho 'ngbé zabu lie-o. La-a, Ebhe adjekte nani uo ne 'ndjá bua. Okpála inde li engu-o akobho nani o-o, u du bhelé de. A adu bha nani okpála madjina padhá inde a'uu nani bhú zabu-o.

²¹ Engu bhomu-o, a ko kulu batisimo. Ebhe ngakobho yi mbia inde-e li kpadjì na batisimo bhomu. Batisimo ango-o ngubula na'e zibotu na kute ade, engú bini, a ngubula naha lio libhomu pi Ebhe ne bua nambila ngbili 'ngú. Ebhe ngakobho yi li kpadjì na batisimo ango-o ka li Yesu Kilisito azuku lie-o.

²² Ani atapa abhúlá, ani adu de Ebhe li pápá na kokpa. Ani ngau pi 'ndji oandjelu di ne pi 'ndji ndu obua hana inde ne angu abhúlá oo-o.

4

A ayo me omabhuka mene engú li lele mukobho na mbia

¹ Ní mbila ndjindji me Kilisito adje likabhu bhú kute. Kaka-a, ngayi di-e, yi du bedhe ngú likabhu maka ani. Padhá de, anga kpála inde adje likabhu bhú kute-e, a'o namene siti 'ngú a'o.

² Nayie pi mbia inde-e, nedhinga hana inde yi améne e píla doto-o, a ayo me yi mene bhú mukobho gba yi-e engú inde li Ebhe akunda e-o. Yi améne engú na sisiti inde li bua yi ngakunda e de.

³ Padhá de, anga yi abala nako nedhinga gba yi-e bhelé bhú namene engú li omupagano amemene e-o. Yi améne matá mo-o de. Yi adu nani akunda olisi di ne obhosí ngangá, gümü kute aha di nani angu yi maha. Yi adu abhéle kuo yi ne pandi, yi adu apo bhúla yi ngú nandji pandi, yi adu adho 'bi na sisiti. Yi adu di amene engú inde ayo la ndju nako de me yi mene e de-o, anga yi adu adhögé oebhe na eu.

⁴ La mbia inde-e, omupagano ngangamba, u la di ngasobho yi, anga yi ke matá nganda uo bhú siti 'ngú inde u ngamene e na mugwe mugwe-e de.

⁵ Engú bini, ekpí akólo makolo. Li 'kpí ango-o, u akpókpo 'ngú gba o-o kala Ebhe inde bedhe ngú nakodho 'ngú gba okpála inde uu, di ne okpála bhende amu-o.

⁶ Ka 'ngú ango-o, Kilisito anu nani belegü nakpokpo Bádha Ngali pi okpála inde

amu-o. Ani akpokpo pi uo ngubula me, maka li Ebhe akodho 'ngú gba okpála hana lie, ngauo di-e, Ebhe akódho 'ngú gba uo-o nakpata lele maka u adú nani lie pña doto, amba u du bhú mukobho maka Ebhe li kpadji gba Bu Bhopua .

*Piele apa me omabhuka
mene kulu ne makalá u asia
e ka Ebhe-o*

⁷ Sokpí akolo masikpe. Kaka-a, yi du ne bádha mab-hundja, yi bhulu djila yi, amba yi du nayo Ebhe.

⁸ Kala ndu 'ngú hana-a, yi du ne mukunda na paká paká sunda yi, anga bhob-homu-o méne me yi mbu li bhti osisiti 'ngú li okpála koko ngamene e-o.

⁹ Yi sia okpála inde ngago agba yi-e ndjindji. Yi asia uo ne nadi mutokono de.

¹⁰ A ayo me yi teteke liyi ne makalá inde li Ebhe aha e pi yi bhú bádha bhú 'bu gba e-o. Yi mene mo-o, yi dú maka obabadha okpála inde ambila namene kulu ne makalá li Ebhe aha e pi yi kpi kpi kpi-o.

¹¹ A ayo me kpála inde asia makalá nagama 'ngú-o, kpokpo oeli gba Ebhe-o . A ayo me kpála inde asia makalá namene kulu pi okpála koko-o, mene ne angu li Ebhe aha e pi ani-e hana, amba bhú ndu 'ngú hana-a, okpála dhögé Ebhe ka Yesu Kilisito. Padhá de, anga ndu okpála hana ngadhegé Ebhe, ndu angu

hana sakpa ani dudu ma ne dudu ma. A adú moko!

*Piele apa me omabhuka
kibila likabhu ka 'li Kilisito*

¹² Ondaise ma na mukunda, yi angámba ka okpekpeke da 'ngú yi ngali bhú e de. Ongú bhomu-o ngakolo li yi ngubula nambila lele nabhuka gba yi-e nde lie-o. Yi abhúndja de me a ko ongú koko kpi-e de.

¹³ Engú bini, yi kpi djali, anga yi ngabi bhomu-o té likabhu inde li Kilisito adje e, amba li 'kpí ani asúno sangu gba e lie pi ndu okpála hana-a, yi de bedhe di ne djali na kuo kuo.

¹⁴ Yi du ne djali nedhinga li okpála nde ngasobho yi lie kabula 'li Kilisito-o. Padhá de, anga Bua na asasaua gba Ebhe-e ngadú bhú dabili bini ne yi.

¹⁵ I du me súka yi nde ngazú likabhu-o, adú de me ani amene siti 'ngú-o de. A ayo di de me ani zu likabhu anga ani abhélé kpála de, ne me ani azi 'he-e de, i du di-e me ani ali bhú 'ngú gba kpála koko-o de.

¹⁶ Engú bini, i du me kpála nde ngadje likabhu anga a ko makilisito-o, a ayo de me ani dje numu téte-e de. Ani gie mangbo hení pi Ebhe, anga a ko kpála ka Kilisito.

¹⁷ Nedhinga akolo, nedhinga inde li Ebhe akódho 'ngú gba okpála lie-o. Yi mbila la me, ani akpó lita nakodho 'ngú ango-o li

okpála gba e makpe. I du la mo-o, bhende gba okpála inde ngayala naziba Bádha Ngali gba Ebhe-e adú la ibili naae lele pi?

¹⁸ U aye bhú Bhuku gba Ebhe-e me:

«I du me da nakobho ka okpála inde ngingbili-e nde kpekpeke-e, engú bhe gba okpála inde ngayala Ebhe, inde la di ngamene siti 'ngú-o,

adú la ibili lele pi?†»

¹⁹ Kaka-a, okpála bhende ngadje likabhu anga Ebhe aziba mo-o, nu ne namene bádha 'ngú ne kalanu. U'o la di lio makpe sakpa kpála inde abho ní, inde amemene 'ngú maka ani apa lie-o.

5

A ayo nalila okandele gba Ebhe-e malila

¹ Ma ngagama 'ngú mbia inde-e pi okpála bhende bhú ká yi ne obhelesi okpála na Piga gba Ebhe-o. Ma di ne bhele kpála na Dadjua gba Ebhe maka uo. Ma au likabhu li Kilisito azu e ne djila ma. Ma asia la di té sangu gba Kilisito inde li Ebhe asúno e pi ní-o. Kaka-a, ma ngayo ka yi me:

² yi lila okpála inde li Ebhe a'o o sakpa yi-e malila. Yi lila uo maka li kpála nalila okandele alilila okandele gba e lie-o. Yi alila uo ka napa de me u agbite yi té

ne kpéke-e de. Engú bini, yi lila uo ne bádha bua maka li Ebhe akunda lie-o. Yi améne kulu ngubula nasia tia de, engú bini yi mene me yi nde abedhe ne mukunda bedhe.

³ Yi alila okpála li Ebhe a'o o sakpa yi-e de me yi nde ako angu yi pi uo mako-o de. Engú bini, yi mene me okpála kpata lele dasundu gba yi-o.

⁴ Li yi mene mo-o, ekpí li Yesu Kilisito inde ngalila ní-e agó lie-e, yi sía makalá na sangu ka ani. Makalá ango-o ngadu duduuma ne duduuma.

Yi ke liyi kala Ebhe ne kuto

⁵ A bhadi moko pi yi omakombise, yi ke liyi ne kuto kala obhelesi okpála gba yi-o. Ma ngapa pi ndu yi omabhuka hana me, yi ke liyi ne kuto sunda yi. Yi teteke liyi sunda yi, padhá de, anga u aye bhú Bhuku gba Ebhe-e me:

«Ebhe ngadji 'ngbu e li obhulu 'ngbé 'ndji, engú bini, ani ngaha bádha bhú 'bu pi okpála inde ngaké lio ne kuto.†»

⁶ Kaka-a, ma ngapa pi yi me yi ke liyi ne kuto kala Ebhe inde ne angu, amba ani 'e'e yi ne abhúlá li nedhinga ani akunda lie-o.

⁷ Yi 'o ndu 'ngú hana inde ngato mbolo li yi-e sakpa ani, anga ani ngalila yi.

⁸ Yi du bedhe, yi lila liyi, padhá de, anga djabulu

† 4:18 4:18 Tsia bhú Gbt. 11:31.

† 5:5 5:5 Tsia bhú Gbt. 3:34.

bhulu yala gba ní-e ngadji bili maka kingbi inde ngangulumba. Ani ngagili me ní azú da-ie.

⁹ Yi lu kala ani kpekpeke bhu nabhuka . Yi mbila ndjindji me omabhuka koko pla doto libhomu-o bhadi ngadje likabhu maka yi.

¹⁰ Yi adjé nga matá likabhu ngubulu nedhinga bedi. Engú bini, Ebhe inde bhulu bádha bhu 'bu-o, a'i yi ngú nali bhu sangu na duduma gba e bhu nakpötse liyi bhu dabili ne Kilisito. Ani aléke yi ngae makpe, ani tsia méne me yi lu kpekpeke bhu ndu 'ngú hana má kpokobhe!

¹¹ A ayo me ani u duduma ne duduma. A adu moko.

Oeli na soso

¹² Silivano ateteke ma li naye mbo ndu balua inde-e pi yi ngae. Ma ambila me a ko ndai ní makilisito inde ngamene 'ngú li lelele. Ma aye balua inde-e ngubulu nato masi bhu yi, di ne napa pi yi me a inde-e bádha bhu 'bu na kukulu gba Ebhe, yi gbite liyi téte.

¹³ Omabhuka inde bhu Babilona* ei, inde li Ebhe abhu o maka ani abhu di yi lie-e, yi yi mayi. Ndili gba ma Maloko yi di yi mayi.

¹⁴ Yi yi liyi sonda yi, yi kama liyi sonda yi ngú nasuno me yi ne mukunda sonda yi. A ayo me guo 'ngú du bhu dabili bini ne yi okpála inde bhu 'bu Kilisito hana.

* **5:13 5:13 Babilona:** Okpála bhelé ngabhundja me li bili inde-e, a akunda nasuno gudhu na Loma .

Balua na bhisi gba Piele Eli na kalanu

Piele aye balua gba e na bhisi pi 'ngbe limbi omakilisito na kalanu. Engú na ngbengbé inde bhábhá-o, a ko ngubula nagü kulu gba omusuno na eu di ne ongú na zabhe inde ngayie bhá ongú ango-o. Ngú na ha angu engú bhomu-o, a ayo nagbite lio li nambila Ebhe na kukulu di ne Ngámá Yesu Kilisito , ne nasuno inde li okpála inde au Yesu ne djila o akpokpo e-o. Piele alá kpekpeke li nasuno na eu inde li okpála adu apa lie me Yesu go matá de-o. Aní atsia apa me nabhue inde li Yesu ngabhue lie, a ko anga Ebhe kunda de me kpála bini kpi-e de. Engú bini, aní ngakunda me okpála hana koto bhá siti 'ngú (3:9).

Ongbengbe ongú inde bhá bhuku inde-e ngae inde:

Eli na kalanu 1:1-2

Na'i inde li Ebhe a'i makilisito ne e-o 1:3-21

Omusuno na eu 2:1-22

Nago na soso gba Kilisito 3:1-18

Simo Piele yi omabhuka mayi

¹ Ma aye balua inde-e ngama Simo Piele. Ma ne bali gba Yesu Kilisito , ma la di ne bhálu titima gba aní-o. Ma aye balua inde-e

pi okpála bhende asia nabhuka ka ngbili 'ngú gba Yesu Kilisito-o. A ko Ebhe gba ní, a ko di Mukobho gba ní-o. Nabhuka angó-o viti bini ne bhe gba ya-o.

² A ayo me bádha bhá 'bu gba Ebhe di ne Ngámá gba ní Yesu Kilisito-o, dà bhá dabili bini ne yi, amba u ha di guo 'ngú pi yi ane mane ka yi ambila ue lie ndjindji-o.

Lele nadhuku ka omakilisito

³ Yesu Kilisito bhá angu gba e aha ndu 'he hana ní nde ne gümü e ngú nakobho di ne nadu ka ní libhomu pi Ebhe. Aní amene me ní mbila Ebhe inde a'i ní bhá sangu gba e di ne bhá ngamba kulu gba e na paká paká.

⁴ Ebhe amene mo-o ngubula me ní sia oehe na mase naali di na ngbengbengbe inde nani aní apa me ní ahá e pi ní-o. Aní aha oehe bhomu-o ngubula me yi kpe osisiti gümü 'he na doto inde ngabhili okpála-o, di ne ngubula me yi kpetsé liyi bhá dabili bini ne ni.

⁵ Ka 'ngú angó-o, yi mene ne kpéke me nabhuka gba yi-e be ndu e ne nadhuku ngbingbili, pí nadhuku ngbingbili-e, yi 'o nambila Ebhe na paká paká,

⁶ pí nambila Ebhe na paká paká-a, yi 'o naholo bua yi, pí naholo bua yi-e, yi 'o kekele, pí kekele-e, yi 'o naholo lio li Ebhe,

⁷ pí naholo lio li Ebhe-e, yi 'o nadu ne mukunda sunda yi. Pí nadu ne mukunda sunda yi-e, yi 'o mukunda pi ndu okpála hana.

⁸ I du me yi nde nganu ne namene ndu ongú bhomu-o hana ne kalanu-o, i tsia méne me yi mene kulu, i méne di me yi zu nguwa bhú nambila Ngámá gba ní Yesu Kilisito-o.

⁹ La-a, kpála bhende i mene oehe bhomu-o de-e u 'kpí tsutsu de, ani maka kpála inde i u 'kpí de. Ani a'ili 'to e me Ebhe avulu osisiti 'ngú gba ni nani ni amene e-o.

¹⁰ Kaka-a, ondaise ma, yi mene la matá ne kpéke me yi lu ne angu bhú e'i li Ebhe a'i yi lie, di ne maka ani abhu yi lie-o. Li yi mene mo-o, yi lí bhú siti 'ngú 'kpí bini de.

¹¹ Abhomu-o, li Ebhe ká kpadji pi yi ne bua e bini me yi li bhú Naú na duduuma gba Ngámá gba ní Yesu Kilisito, inde di Mukobho gba ní-o.

Piele apa pi omabhuka me u 'o 'to o li 'li Ebhe

¹² Kaka-a, a ayo me ma 'o 'ngú bhomu-o bhú 'dje yi ndu 'kpí hana belegu yi ambila nani lie bhutode, yi atsia agbite liyi li kukulu 'ngú inde yi asia e-o.

¹³ Ma abhundja me nedhinga ma nde nga bha lie uu-o, a ndjindji me ma du na'o 'ngú bhomu-o bhú 'dje yi ngubula me yi alá-a de.

¹⁴ Padhá de, anga ma ambila me nedhinga nakpi ka ma-a akolo masikpe maka li Ngámá gba ní Yesu Kilisito apa muma lie-o.

¹⁵ Kaka-a, ma améne di ne kpéke me, pita ma akpi lie, 'to yi a'ili 'to ongú bhomu-o de.

¹⁶ Nani ya akpokpo 'ngú lie pi yi pindji nago gba Ngámá gba ní Yesu Kilisito bhú angu gba e-e, ya kpokpo pi yi ongú na padhá padhá inde li okpála ngapandja e bhú o-o de. Engú bini ya au ani bhú zi e ne djila ya makpe.

¹⁷ Padhá de, anga Ebhe 'Dyi ani adhègè ani nane mane. Abhomu-o, eli ayie agba Ebhe na angu di na asasaua atsia apa me: «Kpála inde-e, a ko Ndili gba ma, ma kunda ani naali, bua ma nga ne ani naali.†»

¹⁸ Ya adje eli inde ayie abhúlá-a ne 'dje ya makpe, nedhinga ya adu lie ne Ngámá Yesu Kilisito apí 'ta li Ebhe asuno lie pi ya pi e-o.

¹⁹ Ka 'ngú ango-o, ya abhuka na paká paká ngali inde li opolofeta akpokpo nani e bhú Bhuku gba Ebhe-o. A ayo me yi gbo 'dje yi téte ndjindji, anga a maka zi 'ke inde ngatsi bhú biti. Yi gbo 'dje yi téte akólo li ekpí ahólo naseke lie-o, ekpí inde li Yesu Kilisito asúno lie lie li bua yi maka zi ikupala na kókpí asusu lie-o.

† **1:17** 1:17 Tsia bhú Mat. 17:5; ne bhú Mlk. 9:7; di ne bhú Luk. 9:35.

²⁰ Kala ndu 'ngú hana-a, yi mbila ndjindji me kpála bini ade inde i ti da nakpokpo ne imbílangú gba e makpe kú oeli inde nani li opolofeta akpokpo e, inde u aye di-e bhá Bhuku gba Ebhe-o.

²¹ Padhá de, anga 'li opolofeta iyie ka kpála bini de. Engú bini, Bu Bhopua apa pi okpála ngae makpe me u kpokpo 'ngú ne 'li Ebhe.

2

Piele agbele 'dje omab-huka li 'ngú gba omusuno na eu

¹ Nani kalanu-o, opolofeta na eu adu bhá ká omañsalale. Omusuno na eu azé bhadibhá ká yi moko. U agó ne kali, u tsia súno ongú na eu inde a'é okpála li kpadji na mukobho-o. U ayála belegú Yesu Kilisito, Musuno gba ní inde agbegbe o bhá bali gba siti 'ngú-o. U améne lie mo-o, u ngagili bhomu-o me kpéke 'ngú na kpekpeke go ti pi o má gala!

² Okpála bhelé akpáta kpadji na námu gba uo-o. Kaka-a, li okpála tsia sóbho kpadji na kúkulu 'ngú inde li Yesu Kilisito asuno e ka uo.

³ Ka gúmu 'he-e, omusuno na eu ango-o apité yi ne oeli na eu, u tsia gbúlu oehe gba yi-o. La-a, Ebhe akodho 'ngú gba uo-o nani didili, kpéke 'ngú na kpekpeke atí pi uo mbia.

Engú inde akodho 'kpí bhá nedhinga gba okpála na kalanu

⁴ Padhá de, anga belegú oandjelu inde amene nani siti 'ngú-o, Ebhe dje ndjinga uo de. Engú bini, ani abala uo bhá tsu 'dú má ngbon-gobho, inde bhá e ne biti má ndundulundu me, u nde agbigbite uo ne gbindjili akólo li 'kpí ani akódho 'ngú gba okpála lie-o.

⁵ Abana okpála nani di amene siti 'ngú-o, Ebhe dje di nani ndjinga uo de, engú bini, ani amene me engu si píla doto, amba a bhili okpála inde andjo 'li ni-o. Ani akobho bha bini Nua, inde adu apa pi okpála me u dji bua o, a la di-e okpála mananika koko.

⁶ Ngubula nasuno ongú inde akólo galikpe li okpála inde ngandjo 'li Ebhe-e, Ebhe atsulu ogudhu na Sodomo ne Gomolo hana má kpékébhé!

⁷ Engú bini, Ebhe akobho Loto. A adu nani ngbili kpála. Bua ani adu nani ake ne siti 'ngú li okpála bhomu-o adu amene e bhá poli-e naali.

⁸ Ani adu nadu bhá ká obhulé poli bhomu. Ndú 'kpí hana, ani adu nau di ne nadje osisiti 'ngú gba uo-o. Ongú angó-o atsia adu nake bua ani na kuo kuo. Padhá de, anga adu ngbili kpála.

⁹ I du me a nde mo-o, Ngámá mbila kpadji inde ani akóbho okpála inde ngak-pata 'li e bhá okpekpeke da

'ngú-o ndjindji. Ani mbila la di kpadji inde ani ahólo okpála inde ngandjo 'li e ngubula me u zu likabhu li 'kpí ani akódho 'ngú gba okpála lie ndjindji.

¹⁰ Ebhe ahá likabhu ango-o, ane mane pi okpála inde ambila lio ne nakpata osisiti gümü na kute, inde di ngau angu gba Ebhe-e bhú djila o padhá-o.

Engú inde akólo li omusuno na eu

Tsul 'ngú li omusuno na eu-o ade. U dje kpála de, u manga la di oandjelu inde li o ne zizi-e* de. Engú bini, u ngasobho uo.

¹¹ Belegü li oandjelu ane omusuno na eu-o lie ne angu-o, u sobho oandjelu na ndjondjo bhomü-o kala Ngámá de.

¹² Omusuno na eu bhomü-o ngamene 'ngú bhú 'ndji o maka onu inde u azu o ngubula me okpála dhe o li 'kú. U ngasobho oehe inde u mbila e de. U amú maka onu.

¹³ U azé likabhu bhomü-o mada siti 'ngú inde u amene e li okpála koko-o. U ne gümü namene siti 'ngú belegü ne ngbikpi. Nedhinga yi inde ne uo lie bhú anokomia, u ngapite yi. Engú ango-o ngaha pi uo djali naali, la-a, a ko 'ngú na nümü.

¹⁴ U abedhe ne gümü nakunda olisi gba okpála koko bhú o bedhe. U ndandala li namene siti 'ngú de.

U ngadhe okpála bhende ne kpéke bua ade-e li 'kú gba o-o. U ngapite uo masikpe de nato uo bhú siti 'ngú. U abedhe ne gümü 'he bedhe. Ebhe atu nani pédjø li uo bhutode.

¹⁵ U ayie li kpadji na ngingbili-e ayie, u angita. U ngakpata kpadji gba Balama, ndili gba Bosolo, inde akunda nani namene siti 'ngú ngubula nasia tia-o.

¹⁶ Engú bini, Ebhe ambe bhú 'ndji ani kabula siti 'ngú gba e-o. Li nedhinga bhomü-o, punda, enu i gagama 'ngú de-e, agama 'ngú maka kpála-kuti. Ani atsia ani kpadji pi polofeta bhomü-o me ani amene matá engú na pele bhomü-o de.

¹⁷ Omusuno na eu-o maka okpongu li engu a'ulü bhú e hana, di maka ndindi inde li anvi ngandjindjimba e. Ebhe aleke dabili gba uo-o bhú biti má ndundulundu!

¹⁸ U ngatolo bha bini ne ongbengbe 'ngú na padhá padhá inde li tata nde li e ade. La di-e, u ngato okpála bhende aze nga bha na mbia bhú ká okpála inde ngamene siti 'ngú-o bhú ngita. U ngato uo bhú ngita li kpadji na gümü na kute gba o-o.

¹⁹ U ngapa pi okpála ango-o me u azé bhú bali maze, engú bini, ngau omusuno na eu bhomü-o bhú bali na siti 'ngú. Padhá de, anga kpála ne bali pi engú inde ako pi ani-o.

* **2:10 2:10 Oandjelu inde li o ne zizi:** A akunda napa me oandjelu inde ngamanga 'li Ebhe.

²⁰ A ne okpála koko inde a'o osisiti 'ngú na doto anga u ambila Ngámá Yesu Kilisito, inde di ne Mukobho gba ní-o. I du me u nde agie matá lio bhú namene osisiti 'ngú bhomu-o, li siti 'ngú bhomu-o gaga uo, i ko angu e pí uo-o, u kólo la matá sisiti nane da bhe na kalanu-o mane.

²¹ Padhá de, anga nako me u nde mbila ngibili kpadji-e de-e, engú du téte de. La mbia inde-e, u ambila, u atsia adji 'ngbu o li lili inde li Ebhe aha e-o. Bhabhomu-o la matá pi uo sisiti ane mane ngae.

²² Engú inde ngakolo li uo-o ngasuno me engú li gbitaku ngapa e-e, a ko paká. Gbitaku apa me: «Búlú gie bha lie ngú nazú zie e.†» U papa di matá me: «Pame inde u avulu kute e mbia inde-e, gie matá bha lie nato lie ne ngbedhé.»

3

Ngámá Yesu Kilisito agié galikpe lie magie

¹ Ondaise ma na mukunda, a inde-e balua na bhisi li ma aye e pi yi-o. Bhú ndu balua bhisi bhomu-o hana-a, ma aye matá pi yi ongú yi ambila e ne toto ngubula nakpo djua li bua yi li kpadji na ngibili 'ngú.

² Ma akunda me 'to yi a'ili de li ongú li opolofeta gba Ebhe, di ne lili li Ngámá gba ní, inde di Mukobho gba ní-e apa nani e pi yi bhú 'bhe

obhulu titima inde aní atima o pi yi-o.

³ Kala ndu 'ngú hana-a, yi mbila me li sokpí-e, okpála inde adú namene 'ngú li gámu gba o makpe akunda e azé píla doto. U adú amu yi.

⁴ U adú napa me: «Mugito me Yesu Kilisito apa nani me ni agié liní magie, aní la dho? Padhá de, anga maka nani li onguo ogbi ya amu lie, ndu 'ngú hana bha bhú da e maka li lilita nani li Ebhe abho kokpí ne doto lie-o!»

⁵ Okpála inde ngapa 'ngú bhomu-o ngamemene bhú gandji. U ngamene 'he mugito me u a'ili 'to o li 'ngú bini. Engú angó-o me, Ebhe abho nani kokpí ne 'li e. Aní abho doto li kute engu. Aní atsia asa dengo doto ne engu ngbalina.

⁶ Aní atsia abhélè la bhadi doto na kalanu-o ne engu, engu inde asi nani píla doto libhomu-o.

⁷ Aní apa di ne 'li e makpe me kokpí ne doto na naki inde-e, a adúdu téte, nakolo li 'kpí ni akódho 'ngú gba okpála lie-o. Ni tsia tsílu okpála bhende ngamene siti 'ngú-o.

⁸ Ondaise ma na mukunda, a ne koli 'ngú bini inde a ayo me 'to yi a'ili lie de. Pi Ebhe-e, ekpí bini maka kalanga kutu bini, kalanga kutu bini maka ekpí bini.

⁹ Okpála koko bhundja naao me, Ebhe ngamene

† 2:22 2:22 Tsia bhú Gbt. 26:11.

engú inde ani apa me ni améne e má gala ade! A mo-o ade. Ebhe mangbo ne 'ndjá bua pi yi, anga ani kunda de me súka kpála bini ngita-a de.

¹⁰ Ngámá Yesu agó galikpe bhú gbilikiti, maka li bhulú 'zi agógo lie me 'to kpála nde 'to ani ade-o. Ekpí ango-o, okpála adjé tolo na mágwe mágwe, li djua gó tsúlu kokpí ne ndú 'he inde abhálá-a hana, li doto tsámbala ka djua má mbu.*

¹¹ I nde lie me ndú ohe hana nde andjía mo-o, a ayo me lele nadhukú gba yi-e dú ndjindji, yi dú di libhomu hana pi Ebhe.

¹² Yi 'o 'dje yi li 'kpí li Ebhe a'o e ngú ongú ango-o, amba yi mene ne kpéke me ekpí ango-o go má gala! Li 'kpí ango-o, djua atsúlu kokpí, li ohe na abhálá tsúlu hana má kpékébhé!

¹³ La-a, Ebhe apa pi ni me ni abhó kokpí di ne doto na mbia. Oo-o, adú bha ne engú na ngingbili. A bhomú-o engú inde ni ngadjeke e-o.

¹⁴ Kaka-a, ondaise ma na mukunda, i nde lie me yi ngadjeke ongú bhomú-o, yi mene ne kpéke me lele nadhukú gba yi-e dú ndjindji, di ne me Ebhe aú engú na sisiti napa mapá li yi de. Yi mene di me bua yi dú ne guo 'ngú kala ani.

¹⁵ Yi mbila me 'ndjá bua gba Ebhe-e ngubula me yi sia nedhinga ngú nadji bua yi, amba yi kobho. Ndai ni na mukunda Polo aye bhadi pi yi moko, ne imbilangú maka li Ebhe aha pi ani lie ko.

¹⁶ Ani aye bhú ndú obalua gba e hana nedhinga ani ngakpokpo 'ngú lie pindji ongú bhomú-o. Da nambila ta ongú koko inde ani aye e kpekpeke. Okpála inde li imbilangú nde bhú 'ndji o ade, inde di ne kpéke bua ade-e ngakpédhéle tata-a makpédhéle. U di ngamemene li oli koko inde bhú Bhuku gba Ebhe-e moko. U bhomú-o ngagili kuo ngú o ngao.

Oeli na soso

¹⁷ Pi yi ondaise ma na mukunda, yi ambila ongú bhomú-o ambila. Kaka-a, ma apa pi yi me yi bhulu djila yi ngubula me okpála inde ngayala Ebhe-e apité yi ngú nato bhála yi li púlu kpadji gba o-o de. Yi kpata uo-o, amba yi ayie li kpadji li yi alu lie kpekpeke-e ayie.

¹⁸ La-a, yi dhika bha li nakpata Yesu Kilisito inde Ngámá, inde di ne Mákobho gba ni-o, ngubula me ani suno bádha bhú 'bu gba e pi yi ane mane, di ne me yi mbila ani ane mane. A ayo me ndú okpála hana dhége

* **3:10 3:10 Doto tsámbala má mbu:** Bhá obhuku koko-o, u aye me: doto tsia tsúlu hana. Bhá okoko-o, u aye me: Ebhe tsia kódho 'ngú gba okpála na doto ne ndú 'he inde bhábhú-o hana. Bhá okoko-o, u aye me: doto dú matá téte de.

ani duduma ne duduma. A
adumo.

Balua na bini gba Djaa

Eli na kalanu

Ngbengbe ongú inde li Djaa aye e bhú balua inde-e bhisi: Engú na bini ani aye e, a pindji nato masi bhú okpála inde ngatanga balua gba ani, ngubula me u du bhú makpetse na kúkúlú bhú dabili bini ne Ebhe, di ne Ndili gba ani Yesu Kilisito, la di ne napa me u lila lio ka nasuno nasisiti inde i ti da nabhele makpetse ango-o. Nasuno ango-o, alu pí engú inde u ngapa lie me, i du me kpála nde abu 'kpa e li ndu 'ngú hana inde atsia kute kpála-a, ani kólo sisiti. Kaka-a, a ayo nani de me Yesu Ndili gba Ebhe kolo kpála-kuti-e de. Omusuno bhomu adu apa me, a ayo me kpála koto bhú ndu 'ngú hana inde atsia kute-e makoto. U atsia asuno di me, mukobho na duduuma tsia engú napa de me kpála du amene bádha 'ngú, ne me ani du ne mukunda pi okpála koko de.

La-a, ngubula napa me engú li okpála bhomu apa e a ko eu-o, Djaa atsia apa mbámbá me, Yesu Kilisito nani ne kpála-kuti. Ani atsia apa di me, ndu okpála hana inde abhuka Yesu-o, inde la di ne mukunda pi Ebhe-e, a

ayo me u du ne mukunda sonda o.

Ongbengbe ongú inde bhú bhuku inde-e ngae inde:

Eli na kalanu 1:1-4

Zi 'kpí, a la di-e biti 1:5 - 2:29

Ongisi gba Ebhe, a la di-e ongisi gba Djabulu 3:1-24

Ngbili 'ngú, ne pulu 'ngú 4:1-6

Ongú inde a ayo me u ue bhú mukunda 4:7-21

Nabhuka na kpekpeke 5:1-21

Eli inde aye agba Ebhe-e, a ko Eli na mukobho

¹ Ya ngaye balua inde-e pi yi pindji Eli na mukobho. Eli ango-o adu nani kala ndu 'ngú hana nayie li lilita. Ya adje Eli ango-o. Ya au Eli ango-o ne djila ya makpe. Ya atsia ne kpéke djila, ya atsia abu di 'kpa ya téte.

² Li mukobho ango-o apama lie lie, ya au ne djila ya. Kaka-a, ya ngakpokpo 'ngú pi yi téte. Ya la di ngasuno pi yi mukobho na duduuma ango-o, inde adu nani agba 'Dyi ni, inde apama la di lie pi ya ko.

³ Ya au engú inde-e ne djila ya, ya atsia adje di ne 'dje ya. Ya ngasusuno pi yi, amba ngayi di-e, yi kpetsé liyi ne ya bhú dabili bini, bhú makpetse inde ya nde bhú e ne 'Dyi ni, la di ne Ndili gba e, Yesu Kilisito ko.

* 1:4 1:4 Ní: Bhú obhuku koko-o, u a aye me: «Djali gba yi.»

⁴ Ya ngaye la di engú ango-o pi yi, ngubula me ní* bedhe ne djali.

Ebhe ne zi 'kpí

⁵ Ngali inde ya adje e ka Yesu Kilisito-o, inde ya asuno la di e pi yi-e ngae inde: Ebhe ne zi 'kpí, biti la di bhú ani belegú ade bini.

⁶ I du me ní nde apa me: «Ya akpetse liya ne ani bhú dabili bini» me ní nde ngadholo bhú biti-e, amba ní ngapa eu, ní mene la di engú na kúkulu de.

⁷ Engú bini, i du la me ní nde ngadholo li zi 'kpí maka ngaani Ebhe makpe nde lie li zi 'kpí-e, amba ní akpetse liní bhú dabili bini ne ondaise ní akpetse. La di-e, ngute gba Yesu, Ndili gba ani-e, ngaválu ní ne ndu siti 'ngú hana.

⁸ I du me ní nde apa me ní mene siti 'ngú de-e, amba ní ngapite liní nganí makpe, kúkulu 'ngú la di bhú ní ade.

⁹ Engú bini, i du me ní nde apandja osisiti 'ngú gba ní-e kala Ebhe-e, ka ani nde lie ne kpála na ngbingbili-e , inde amemene di engú ani apa e-e, ani 'é osisiti 'ngú ango-o, ani tsia vúlu ní bhú ndu 'ngú hana inde ngbingbili bhú djila ani ade-o.

¹⁰ I du me ní nde apa me ní mene siti 'ngú de-e, amba ní nga'o Ebhe kpála na eu, eli gba ani-e la di bhú ní ade.

2

¹ Odi ma, ma ngaye engú inde-e pi yi, amba yi améne siti 'ngú de. Engú bini, i du la me kpála bini nde amene siti 'ngú-o, a ka ní ne kpála inde ngakpokpo 'ngú gba ní-e pi 'Dyi ní. A ko Yesu Kilisito , kpála na ngbingbili-o .

² Ngaani makpe-e, ani aha nani mukobho gba e ngubula me Ebhe 'e osisiti 'ngú gba ní ko. La-a, a ko bha bini ngubula osisiti 'ngú bhe gba ní-e de. Engú bini, a ko di ngubula osisiti 'ngú gba okpála na píla doto libhomu.

Yi lila olíli gba Ebhe-e malila

³ I du la me ní nde ngalila olíli gba Ebhe-e, ní tsia mbíla me ní mbila Ebhe hana.

⁴ Li kpála pa me ní mbila Ebhe hana, engú bini, i du la me kpála ango-o nde lila olíli gba ani-e de-e, amba a ko kpála na eu, kúkulu 'ngú la di bhú ani ade.

⁵ Engú bini, kpála bhende ngalila 'li Ebhe ndjindji-e, a ko kpála bhende akunda Ebhe kúkulu. A bhomu-o engú inde ní ambíla ka e me ní akpetse liní bhú dabili bini ne Ebhe-o.

⁶ Kpála bhende ngapa me ní akpetse liní bhú dabili bini ne Ebhe-e, a ayo me mukobho gba kpála ango-o du di maka bhende gba Yesu adu nani lie ko.

⁷ Ondaise ma na mukunda, líli inde ma ngaye e pi yi inde-e, a ko líli na mbia de. Engú bini, a ko líli

na didili. Yi asia nani lili
ango-o nayie li lilita.* Lili na
didili ango-o, a ko eli inde yi
adje e-o.

⁸ La-a, ma ngaye pi yi inde-
e lili na mbia. Kukulu 'ngu
na lili ango-o ngau lie bhú
Yesu, la di ne bhú yi. Padhá
de, anga biti aholo nandjia
aholo, zi 'kpí na kukulu-o
aholo la di nasu aholo.

⁹ Kpála bhende ngapa me
ni bha ndju li zi 'kpí me ani
nde ngayala ndai e-e, kpála
ango-o nga bha ngadu bhú
biti.

¹⁰ Kpála bhende ngakunda
ndai e-e, kpála ango-o ngadu
li zi 'kpí. Kaka-a, engu inde i
ti da nato kpála koko bhú siti
'ngu-o bhú ani belegu ade
bini.

¹¹ Engu bini, kpála bhende
ngayala ndai e-e, kpála ango-o
ngadu bhú biti. Ani ngad-
holo bhú biti, ani mbila la
di de me ni adji ne su-oie
de, anga biti anini djila ani
manini.

*Yi lila liyi ka ongu na doto
malila*

¹² Odi ma, ma ngaye engu
inde-e pi yi,
anga ka 'li Kilisito-o,
Ebhe a'e siti 'ngu gba
yi-e a'e.

¹³ Odyi ma, ma ngaye engu
inde-e pi yi,
anga kpála inde adu
nani kala ndu 'ngu
hana nayie li lilita-a,
yi mbila ani hana.

Omakombise, ma ngaye
engu inde-e pi yi,
anga yi aha angu Siti
aha.

¹⁴ Odi ma, ma aye engu inde-
e pi yi.

Padhá de, anga yi mbila
'Dyi ni hana.

Odyi ma, ma aye engu inde-e
pi yi,
anga kpála inde adu
nani kala ndu 'ngu
hana nayie li lilita-a,
yi mbila ani hana.

Omakombise, ma aye engu
inde-e pi yi, anga yi ne
angu bhú nabhuka .

La di-e, 'li Ebhe ngadu
bhú yi, yi atsia aha la
di angu Siti.

¹⁵ Kaka-a, yi akanda doto
inde-e de. Yi akanda di
oehe inde bhúbhú-o belegu
de bini. Li kpála kunda doto-
o, amba ani kunda 'Dyi ni
Ebhe de.

¹⁶ Padhá de, anga ndu
oehe na doto-o hana maka;
gumu na sisiti inde bhú
kpála, gumu nasia ndu 'he
hana inde li djila ngau e, a la
di-e, nadu ne 'ngbé 'ndji ka
otia na doto, ndu 'he bhomu-
o hana ngayie ka 'Dyi ni
Ebhe ade. Engu bini, a ko
ndu 'he na doto.

¹⁷ La-a, doto ngakodho
'kpí, di ne ndu 'he inde
bhúbhú-o hana. Engu la
bini, kpála bhende ngamene
engu li Ebhe akunda e,
ani ngadu bhú mukobho
duduma ne duduma.

* **2:7 2:7 Nayie li lilita:** A ko nayie li nedhinga inde u adje nani 'li Ebhe lie
ko. Tsia bhú 1 Dja. 2:24, 3:11, di ne bhú 2 Dja. 1:5.

Yi lila liyi ka obhulu yala gba Kilisito malila

¹⁸ Odi ma, sokpí-e akolo masikpe! Yi adje nani engú inde u apa e adje. U apa nani me: «A ayo me bhulu yala gba Kilisito-o go.» Mbia inde-e, obhulu yala gba Kilisito aze bhibhti. Kaka-a, ní ngambila me sokpí-e akolo masikpe.

¹⁹ Okpála ango-o ayie bhú ká ní. Padhá de, anga a ko nani okpála ka ní de. I dú me u dú nani ne okpála ka ní-e, u de adú ne ní bhú dabili bini. Engú bini, u ayie bhú ká ní, mbia inde-e, a au lie mbámbá me ndú okpála bhomu-o hana, a ko nani naao okpála ka ní de.

²⁰ La pi yi-e, yi asia nani naayi Bua gba Ebhe. A atuko Bua ango-o pi yi ne Kpála na bubu. Kaka-a, yi ambila engú na kúkulu-o ndú yi hana.

²¹ Engú inde ma aye e pi yi-e, a ko de ka me yi mbila engú na kúkulu de-e de. Engú bini, ma aye pi yi anga yi mbila engú na kúkulu-o hana. La di-e, eu ti da nakoto bhú engú inde kúkulu-o belegü de bini.

²² Kpála na eu-o, a ko da? A ko kpála bhende ngapa me Yesu ne Kilisito ade ko. Kpála ango-o, a ko bhulu yala gba Kilisito. Ani ayala Ebhe, ani atsia ayala di Ndili gba ani-o.

²³ Padhá de, anga kpála bhende ayala Ndili-e, ani ayala di bhomu-o 'Dyi ani.

Kpála bhende ngapa 'ngú gba Ndili-e mbámbá-a, ani ngapa di bhomu-o engú gba 'Dyi ani.

²⁴ Kaka-a, eli inde yi adje nani e nayie li lilita-a, a ayo me asi kuti e li bua yi. Padhá de, anga i dú me eli inde yi adje nani e nayie li lilita-a nde asi kuti e li bua yi-e, ngayi di-e, yi dú ne Ndili-e kpála bini, yi tsia dú la di ne 'Dyi ani kpála bini.

²⁵ A bhomu-o ehe inde li Kilisito apa nani me ní ahá e pi ní-e, a ko mukobho na duduma.

²⁶ Ma aye engú inde-e pi yi pindji obhende ngagili napite yi ko.

²⁷ Engú bini ngayi-e, Kilisito atuko Bua gba e pi yi. Bua ango-o ngadú bhú yi. Kaka-a, yi matá ne gámu muesuno koko ade. Padhá de, anga Bu Bhabua ngasuno ndú 'ngú pi yi hana. La di-e, engú inde ani ngasuno e, a ko kúkulu 'ngú, a ko eu de. Kaka-a, yi dú bhú Kilisito maka li Bu Bhabua asuno lie pi yi ko.

²⁸ A moko odi ma, yi dú bhú Kilisito, amba nedhinga inde ani akóto lie, ní adú ne tsúlu de, ní adú kala ani ne numu de.

²⁹ Yi mbila ndjindji me Kilisito ngbingbili. Kaka-a, ayo me yi mbila la di me ndú kpála hana inde ngamene engú na ngbingbili-e, kpála ango-o, Ebhe azu ani ngae.

Engú inde asuno me ongisi gba Ebhe-e kpi ne obhende gba Djabulú-o

¹ Yi tsia nga maka li 'Dyí ní asuno mukunda gba e pi ní lie-o. Mukunda ango-o, a ko me ní asia 'ili me ní ne ongisi gba Ebhe. Ní la bhadi mo-o na paká! Kaka-a, okpála na doto mbila ní de, anga u mbila di nani Ebhe de.

² Ondaise ma na mukunda, mbia inde-e, ní ne ongisi gba Ebhe. Engú la bini, lele maka ní adú lie, asuno nga lie mbámbá de. La-a, ní ngambila me, nedhinga inde li Kilisito akólo lie, ní adú maka ani. Padhá de, anga ní aú ani maka ani nde lie-o.

³ Kaka-a, kpála ne kpála inde nga'o 'to e 'to ani-e, nga'o lie bubu maka ani nde lie bubu ko.

⁴ Ndú okpála hana inde ngamene siti 'ngú-o, ngagumu lili gba Ebhe. Padhá de, anga siti 'ngú, a ko nagumu lili.

⁵ Engú bini, yi mbila hana me Yesu Kilisito ago ngubula na'e ongú na sisiti. La di-e, siti 'ngú bhú ani belegu ade bini.

⁶ A moko, kpála inde ngadú me ani nde bhú Yesu-o, ani memene siti 'ngú de. La-a, kpála inde amemene siti 'ngú-o, kpála ango-o u nga ani de. Ani mbila la di ani de.

⁷ Odi ma, a ayo de me kpála bini pite yi-e de! Kpála inde ngamene ngibili 'ngú ,

ngaani makpe-e, ani ngbingbili maka li Yesu Kilisito nde lie ngbingbili ko.

⁸ Kpála bhende adhedhe li namene siti 'ngú-o, a ko kpála ka Djabulú. Padhá de, anga nayie bha bini ali lilita-a, Djabulú bha naae ne kpála na siti 'ngú. Ta nago ka Ndili gba Ebhe-e ngae inde: ani ago ngubula nabhele okulu gba Djabulú-o.

⁹ Kpála bhende li Ebhe azu e ngae, ani dhédhe matá li siti 'ngú belegu de bini. Padhá de, anga nguwa* inde ngayie ka Ebhe-e, ngadú bhú kpála ango-o ko. Ani ti da nadhedhe matá li siti 'ngú belegu de bini, anga Ebhe azu ani ngae.

¹⁰ Engú inde-e ngagbogbo bhúsú ongisi gba Ebhe ne obhende gba Djabulú-o ngae inde: ndú kpála hana inde i mene 'ngú na ngbingbili de-e, inde i kunda la di ndai e de-e, a ko ndili ka Ebhe de.

Ní du ne mukunda súnda ní

¹¹ Engú inde yi adje nani e nayie li lilita-a, ngae inde: a ayo me ní du ne mukunda súnda ní.

¹² Ní adú maka Kaina de, inde adú nani kpála gba Sito-o. La di-e, ani abhele ndai e. Ani abhele la nani ani ngubula ni? Ani abhele ani anga okulu bhende gba ani-e adú nani sisiti. Engú bini, obhende gba ndai ani atsia adú nani ngbingbili.

* 3:9 3:9 *Nguwa*: Nguwa gba Ebhe-e, a ko Bu Bhopua.

¹³ Ondaise ma, i du me okpála na doto inde-e nde ngayala yi-e, yi angámba de.

¹⁴ Engú bini nganí-e, ní ambila me ní ayie bhú kuo, ngú nali bhú mukobho, anga ní ngakunda ondaise ní. Kpála bhende li mukunda nde bhú e ade-e, ani ngadu nga bha bhú kuo.

¹⁵ Ndú kpála hana inde ngayala ndai e-e, a ko bhulú nabhélé kpála. Yi mbila la di ndjindji me bhulú nabhélé kpála bini ade inde ne mukobho na dudu ma bhú e.

¹⁶ Mukunda-a, a ko ni? Ní ngambila mukunda li ehe inde: Yesu Kilisito aha nani mukobho gba e pi ní. Kaka-a, nganí di-e, a ayo me ní ha mukobho gba ní-e pi ondaise ní.

¹⁷ Ní pa nga me, kpála bini inde ka e ne oehe, ani au ndai e inde li ehe nde ka e ade, la-a, ani dje ndjinga ani de. Lele pi u ti da napa lie me kpála ango-o akunda Ebhe-e?

¹⁸ Odi ma, a ayo de me ní du bha napa 'ngú na mukunda ne babadha eli-e de. Engú bini, a ayo me ní suno bhú kulu, di ne bhú engú na kukulu.

Ní adú kala Ebhe ne tsulú de

¹⁹ A bhomú-o engú inde ní ambila ka e me ní bhú kukulu 'ngú ko. La di-e, li bua ní tsia dú guguo kala Ebhe.

²⁰ Padhá de, anga i du me bua ní nde ngapa pi ní me ní ne engú-o, ní

ngambila ndjindji me Ebhe-e, ani ngbéngbé ane bua ní mane. La di-e, ani ambila ndú 'ngú hana má kpékébhe!

²¹ Ondaise ma na mukunda, i du me bua ní nde apa me ní ne engú ade-e, ní dú kala Ebhe ne tsulú de.

²² Ní ngasia 'he inde ní ngayo e ka ani-e, anga ní ngalila olíli gba ani, ní la di ngamene engú inde ani akunda e-o.

²³ Líli gba ani inde ani aha e pi ní-e ngae inde: a ayo me ní bhuka 'li Ndíli gba ani Yesu Kilisito. A ayo la di me ní du ne mukunda sunda ní maka li Kilisito aha líli lie pi ní ko.

²⁴ Kpála bhende ngalila olíli gba Ebhe-e, kpála ango-o ngadu bhú Ebhe, Ebhe ngadu la di bhú ani. A inde-e engú inde ní ngambila ka e me Ebhe ngadu bhú ní-o: ní ngambimbila li Bu Bhopua inde li Ebhe aha e pi ní-o.

4

Yi gbo bhush Bua na kukulu 'ngú ne bua na eu

¹ Ondaise ma na mukunda, yi abhúka ndú okpála hana bhende ngapa me a bhú o ne Bua gba Ebhe-e de. Engú bini, yi le ngaiza uo kalanú-o male, amba yi mbila ne me bua inde bhú uo-o, ayie ka Ebhe na paká. Padhá de, anga opolofeta na eu, aya naali píla doto.

² Ehe inde yi ambila Bua gba Ebhe-e ka e, a ngae

inde: kpála ne kpála bhende ngapa me Yesu Kilisito ago nani bhú kute na kpála-kuti na paká-a, kpála ango-o, a bhú ani ne Bua bhende ayie ka Ebhe.

³ La-a, kpála bhende ngapa me Yesu Kilisito go bhú kute na kpála-kuti de-e, kpála ango-o, bua bhende bhú ani-e, ayie ka Ebhe de. Engú bini, bua bhende bhú kpála ango-o, a ko mangbo bhende gba bhúlú yala gba Kilisito ko. Yi adje nani adje me, a ayo me bhúlú yala gba Kilisito go. Mbia inde-e, ani píla doto.

⁴ Engú bini, odi ma, ngayi-e, yi naayi ne okpála gba Ebhe. Yi aha angu opolofeta na eu-o aha. Padhá de, anga Bua bhende bhú yi-e ne angu naali ane bua bhende bhú okpála na doto-o mane.

⁵ Opolofeta ango-o, a ko okpála na doto. U ngakpo la bhadi engú na doto. Kaka-a, okpála na doto ngadje uo ndjindji.

⁶ Engú bini, nganí-e, ní ne okpála gba Ebhe. Kpála bhende ambila Ebhe-e ngadje ní ndjindji. Kpála bhende naae ne kpála gba Ebhe ade-e, ani djé ní de. A bhomu-o engú inde ní ngambila Bua na kúkúlú 'ngú di ne bua na eu-o ka e ko.

Ebhe-e, a ko mukunda

⁷ Ondaise ma na mukunda, ní du ne mukunda sonda ní, anga mukunda ayie ka Ebhe.

Kpála bhende ne mukunda bhú e-e, Ebhe azu ani ngae, ani mbila la di Ebhe hana.

⁸ Kpála bhende li mukunda nde bhú e ade-e, ani mbila Ebhe de, anga Ebhe-e, a ko mukunda.

⁹ Lele maka li Ebhe asuno mukunda gba e lie pi ní-e ngae inde: ani atima koli Ndili gba e bini píla doto, ngubula me ní du bhú mukobho ka ani.

¹⁰ Lele maka li mukunda nde lie ngae inde: ní kunda nani Ebhe nganí de, engú bini, ani akunda mangbo nani ní ngae, ani atsia atima Ndili gba e pi ní maka tia mangimbo, ngubula na'e osisiti 'ngú gba ní ko.

¹¹ Ondaise ma na mukunda, i du me Ebhe nde akunda ní naali mo-o, nganí di-e, a ayo me ní du ne mukunda sonda ní.

¹² Kpála u nga Ebhe belegü de bini. I du me ní nde ne mukunda sonda ní-e, amba Ebhe ngadu bhú ní. La di-e, mukunda gba ani inde bhú ní-e bedhe má kpambi!

¹³ Ehe inde ní ngambila ka e me ní ngadu bhú Ebhe, Ebhe la di ngadu bhú ní-e, a ngae inde: Ebhe aha Bua gba e pi ní.

¹⁴ 'Dyi ní atima Ndili gba e ngubula nadu Mukobho gba okpála. Ní au, ní la di ngakpokpo 'ngú téte.

¹⁵ Kpála ne kpála inde apa mbámbá me Yesu ne Ndili gba Ebhe-e, Ebhe ngadu bhú kpála ango-o. Kpála ango-o la di ngadu bhú Ebhe.

16 La di nganí-e, ní ngambilà mukùnda ìnde li Ebhe nde ne e pi ní-o. Ní atsia abhuka la di mukùnda ango-o ko. Ebhe-e, a ko mukùnda. Kpála bhende ngadú bhú mukùnda-a, ngadú bhú Ebhe, Ebhe la di ngadú bhú ani.

17 I du me mukùnda ìnde bhú ní-e nde bedhe-e, ní du ne tsulu li ekpí ìnde li Ebhe akódho 'ngú gba okpála lie de. Padhá de, anga pila doto ìnde-e, mukobho gba ní-e mana lie ne bhende gba Ebhe ko.

18 Tsulu bhú mukùnda ade, anga li mukùnda du bedhe-e, a nga'e tsulu hana. A moko, kpála bhende ngadje tsulu-o, a pa me mukùnda gba ani-e kolo nga bedhe de. Padhá de, anga kpála bhende ngadje tsulu-o, abhú ani ne mabhundja me u améne ní sisiti.

19 Engú bini, nganí-e, ní sonda ní ne mukùnda, anga Ebhe akunda ngaiza ní kalanu ngae.

20 I du me kpála bini nde apa me: «Ma akunda Ebhe», ani nde la ngayala ndai e-e, amba kpála ango-o ne bhulu eu. Padhá de, anga ani ti da nakunda Ebhe ìnde ani u e de-e de, i du me ani nde kunda ngaiza ndai e ìnde ani nde ngau e mau-o de ko.

21 Lili ìnde li Kilisito aha e pi ní-e ngae ìnde: kpála ìnde akunda Ebhe-e, a ayo me ani kunda di ndai e.

5

A ti da naha angu engú na doto da?

1 Ndú kpála hana ìnde ngabhuka me Yesu ne Kilisito-o, Ebhe azu kpála ango-o ngae. La di-e, kpála ìnde ngakunda Ebhe ìnde azu kpála bhomu-o, ani ngakunda bhadi ongisi ìnde li Ebhe azu o moko.

2 Ehe ìnde ní ambila ka e me ní ngakunda ongisi gba Ebhe-e ngae ìnde: a ko nakunda Ebhe, di ne namene olili gba ani ko.

3 A moko, lele nakunda Ebhe-e ngae ìnde: a ko namene olili gba ani-o. La di-e, olili gba ani-e pi ní kpekpeke ade.

4 Padhá de, anga ndú kpála hana ìnde li Ebhe azu e, ani aha angu engú na doto aha. Nabhuka gba ní-e ngaha angu pi ní ngú naha angu engú na doto ngae.

5 A ti da naha angu engú na doto da? A ko bha bini kpála bhende abhuka me Yesu ne Ndili gba Ebhe.

*Nakpokpo 'ngú pindji
Yesu Kilisito*

6 Yesu Kilisito, a ko kpála ìnde nani ago-o. Ani ago nani ne engu di ne ngute* Ani go bha bini ne engu de, engú bini, ani ago ne engu di ne ngute. La di-e, Bua gba Ebhe-e ngakpokpo 'ngú gba ani-e ngae, anga Bua gba Ebhe-e, a ko kükulu 'ngú.

* 5:6 5:6 **Engu di ne ngute:** Bhelé na okpála ngabhundja me engu-o, a ko batismo gba Yesu-o, ngute-e, a ko nakpi gba ani-o.

⁷ A ngakpokpo 'ngú tété ne oehe bata:

⁸ a ko Bu Bhopua , a ko engu, a la di-e ngute. Ndandum bata hana aziba ne bini.

⁹ Ní ziziba engú inde li okpála ngakpokpo e ndjindji. La-a, engú bhende li Ebhe akpokpo e ngae-e, ane bhende gba okpála-a mane. A bhomu-o engú bhende li Ebhe akpokpo e pindji Ndili gba e-o.

¹⁰ A na paká me kpála bhende abhuka Ndili gba Ebhe-e, kpála ango-o asia engú inde akpokpo lie bhomu-o li bua e makpe asia. Engú bini, kpála bhende i bhuka Ebhe de-e, kpála ango-o nga'o Ebhe bhulue eu. Padhá de, anga engú inde li Ebhe akpo e pindji Ndili gba e, kpála ango-o bhuka naae de.

¹¹ Engú ango-o ngae inde: Ebhe aha nani mukobho na duduuma pi ni, mukobho ango-o la bhú Ndili gba ani ko.

¹² Kpála bhende li Ndili-e nde bhú e, abhú kpála ango-o ne mukobho. Engú bini, kpála bhende li Ndili gba Ebhe-e nde bhú e ade-e, mukobho bhú kpála ango-o ade.

Engú pindji mukobho na duduuma

¹³ Ma aye balua inde-e pi yi, ngayi okpála bhende abhuka 'li Ndili gba Ebhe-o. Ma aye pi yi, amba yi mbila me yi asia mukobho na duduuma asia.

¹⁴ Engú ní nde lie ne tsulu kala Ebhe belegu ade bini-e ngae inde: ní ngambila ndjindji me, i du me ní nde ayo 'he ka ani maka ani ngakukunda lie, ani djé ní.

¹⁵ I du la me ní nde ambila me ani ngadje ní bhú ndu mayo gba ní-e hana-a, ní ambila di ndjindji me ní asia 'he inde ní ayo e ka ani-e asia.

¹⁶ I du me kpála bini nde au ndai e ngamene siti 'ngú-o, li siti 'ngú ango-o du bhende i to ani bhú kuo de-e, a ayo me ani yo Ebhe ngú ani, amba kpála na siti 'ngú ango-o sia mukobho. Bhophomu ndjindji pi kpála bhende ngamene siti 'ngú inde i to ani bhú kuo de ko. Engú bini, a ne siti 'ngú inde ató kpála bhú kuo, ma pa de me u yo Ebhe ngú bhende bhomu-o de.

¹⁷ Ndú 'ngú hana inde ngbingbili bhú djila Ebhe ade-e, a ko siti 'ngú. La-a, ndú 'ngú hana toto kpála bhú kuo de.

¹⁸ Ní ngambila ndjindji me kpála inde li Ebhe azu e ngae dhedhedhe li namene siti 'ngú belegu de bini. Padhá de, anga Yesu Ndili gba Ebhe-e ngalila ani ngae, la di-e, Siti ti da namene 'he ngú ani belegu de bini.

¹⁹ Ní ambila me ní naaní ne okpála gba Ebhe, engú la bini, doto libhomu sa 'kpa Siti.

²⁰ Ní ambila me Ndili gba Ebhe-e ago, ani atsia aha imbilangu pi ni, amba

ní mbila Ebhe na kükülu-o. Ní akpətsø liní ne Ebhe na kükülu-o, li pápá gba Ndili gba ani Yesu Kilisito. Ngaani-e, a ko Ebhe na kükülu, a ko la di mukobho na duduuma.

²¹ Odi ma, yi lila liyi ka oebhe na eu-o ndjindji.

Balua na bhisi gba Djaa

Eli na kalanu

Bhele kpála Djaa , aye nani balua gba e na bhisi pi ole bini ne ongisi gba e. A mana magito me, u aye pi Dadjua gba Ebhe inde u adu ayo Ebhe bhú e ne okpála inde bhúbhú. Engú na ndundu inde adu bhúbhú-o, a ko bha me u du ne mukunda súnda o. Ani atsia apa me u lila lio ka omusuno na eu, ne nasuno gba o-o.

Ongbengbe ongú inde bhú bhuku inde-e ngae inde:

Eli na kalanu 1-3

Engú na kalanu inde a ayo
me mukunda mene e 4-6
Nalila lio ka nasuno na eu
7-11

Eli na soso 12-13

*Djaa yi okpála inde li Ebhe
abhu o-o mayi*

¹ Ngama, Bhele Kpála , ma ngaye balua inde-e pi yi, Ohi ní,* ngamu kpála inde li Ebhe abhu e di ne ongisi gba e inde ma ngakunda o na kúkulu-o. Ma ngakunda bha yi ngama kpi ma kpi ade, ndu okpála hana inde ambila kúkulu 'ngú-o akunda bhadi yi moko.

² Padhá de, anga a ngadu bhú ní ne engú na kúkulu. La di-e, kúkulu 'ngú angoo

adú bhú dabili bini ne ní ndu 'kpí hana.

³ A ayo me Ebhe 'Dyi ní, di ne Yesu Kilisito , Ndili gba 'Dyi ní-e, bhú mukunda di ne kúkulu 'ngú gba o-o, suno bádha bhú 'bu pi ní, u dje ndjinga ní, amba u ha la di guo 'ngú pi ní.

*Engú pindji engú na
kúkulu di ne mukunda*

⁴ Ma akpi djali naali, anga ma abhaka ongisi koko gba mu-o ngadholo bhú engú na kúkulu, maka líli inde ní asia e ka 'Dyi ní ko.

⁵ Pi mbia inde-e, Ohi ní, engú inde ma ngayo e ka mu-o, a ngae inde: ní du ne mukunda súnda ní. A ko de me ma ngaye pi mu líli na mbia de, a ko líli inde ní asia e nayie bha bini li lilita† ko.

⁶ Lele li mukunda nde lie ngae inde: a ko namene olíli gba Ebhe-o. La di-e, líli angoo, a ko bha bhende yi adje nani e nayie li lilita me, a ayo me yi du bhú mukunda.

*Yi lila liyi ka okpála
napite okpála-a malila*

⁷ Okpála bhelé inde ngapite okpála atsambala ne bili ngangá píla doto. U ziba naao de me Yesu Kilisito ago nani bhú kute na kpála-kuti-e de. Kpála inde ngapa mo-o, a ko bhulú napite okpála, a ko la di bhulú yala gba Kilisito.

* **1:1 1:1 Ohi ní:** Okpála bhelé ngabhundja me Ohi ní inde si-e, a ko Piga gba Ebhe, ongisi gba ani-e, a ko omabhuka . † **1:5 1:5 Nayie li lilita:** A ko nayie li nedhinga inde u adje nani 'li Ebhe lie ko. Tsia bhú lukuluku 6, di ne bhú 1 Dja. 2:7, 24, 3:11.

⁸ 'E-e! Yi lila liyi ngayi makpe-e ndjindji, ngubula me yi anéke makalá na kulu gba ya-a de. Engú bini, a ayo me yi sia makalá-a libhomu.

⁹ Kpála ne kpála inde i lila nasuno inde u aha e pi yi pindji Kilisito de-e, inde i nga'o la di engú koko pépé-e, kpála ango-o bhú Ebhe ade. Kpála inde la ngalila nasuno ango-o, kpála ango-o ngadu bhú 'Dyì Ndili-o, di ne Ndili-o.

¹⁰ I du me kpála nde ago, ani suno la di pi yi engú koko kpi-e, yi asia ani agba yi de, yi abhia di kúo li ani de.

¹¹ Padhá de, anga kpála inde abhia kúo li ani-e, a asuno bhomu-o me u akpötse lio ne ani bhú osisiti 'ngú gba ani-o.

¹² Ma ne engú bhelé ngú napapa pi yi. La-a, ma kunda nayeye maye de, anga ma ne 'to ma 'to nanu agba yi oo, ngubula me ni gama 'ngú ne yi me ni nde ngau liní mau, amba ni kpi djali ndjindji.

¹³ Ongisi gba Ndai mu na Øøle, kpála inde li Ebhe abhu e-e‡ apa me, o yi mu mayi.

‡ **1:13 1:13 Ongisi gba Ndai mu na Øøle li Ebhe abhu e-o:** A akunda napa me omabhuka na Dadjua na Ebhe li Djaa adu nadu lie-o.

Balua na bata gba Djaa

Eli na kalanu

Bhele kpála Djaa , aye balua inde-e pi bhele kpála natsia 'kpí li Dadjua gba Ebhe inde 'li e me Gaiusi. Djaa adu agama 'ngú gba aní-e ndjindji, anga aní adu asia omakilisito inde adu ago agba aní-e ndjindji-e naali. Aní atsia a ayo ka aní me, aní lila li e ka bhoko bini inde a du 'li e me Diotelefe malila.

Ongbengbe ongú inde bhú bhuku inde-e ngae inde:

Eli na kalanu 1-4

Nakpo 'ngú ndjindji li kute

Gaiusi 5-8

Na'o 'ngú pindji Diotelefe 9-10

Na'o 'ngú pindji Demetilius 11-12

Eli na soso 13-15

Djaa yi Gaiusi mayi

¹ Ngama, Bhele Kpála , ma ngaye balua inde-e pi mu Gaiusi, ngamu ndai ma na mukunda, inde ma kunda e kúkulu-o.

² Ndai ma na mukunda, gúmu gba ma me ndu 'ngú gba mu-o hana dholo ndjindji, mu du ne kute na angu, maka mu nde lie ne angu li bua mu ko.

Gaiusi ngadholo bhú engú na kúkulu

³ Ma akpi nako djali naali, anga li nedhinga inde li ondaise ni ago lie, u akpokpo

múma me mu ngamene engú na kúkulu. A moko, mu ngadholo bhú engú na kúkulu.

⁴ Ehe inde la ngaha djali múma ane ndu ongú koko hana-a, a ko nadje me ongisi gba ma-a ngadholo bhú engú na kúkulu.

⁵ Ndai ma na mukunda, mu ngamene engú inde na babadha pi ondaise ni, belégü di ne pi obhende mu mbila o de-o.

⁶ U akpokpo engú na mukunda gba mu-o kala okpála na Piga gba Ebhe. Mene 'he inde ndjindji bhú djila Ebhe, ne naha ehe inde atéteke uo li kpadji-e pi uo.

⁷ Padhá de, anga u ngadholo ngubula 'li Kilisito . La di-e, u ti da nasia 'he ka omupagano belegü de bini.

⁸ Kaka-a, a ayo me nganí makpe-e, ni teteke ngua okpála bhomu-o nganí, amba ni kpötse di liní ne uo ngú nakpokpo 'ngú na kúkulu.

Engú pindji Diotelefe ngauo ne Demetiliusí

⁹ Ma aye nako mboye balua pi okpála na Dadjua gba Ebhe. Engú bini, Diotelefe, kpála inde akunda naae me bhú ndu 'ngú hana u dje bha ni-e, atsia au engú ango-o bhú djila e padhá.

¹⁰ Kaka-a, ma agó lie, ma ambámba ta engú na sisiti inde aní ngamene e-o. Aní ngapa ongú na sisiti di ne eu li kute ya. Engú bini, aní pise bha bini li bhende

bhomu-o de, ani ngayala nasia ondaise ni. Ani ngapa la di pi obhende ngakunda nasia uo me u mene mo-o, ni p\u00e1ndja uo bh\u00f9 Piga gba Ebhe-o.

¹¹ Ndai ma na m\u00e1k\u00e1nda, mo om\u00e9ne 'ng\u00f9 maka okp\u00e1la na sisiti de. Eng\u00f9 bini, mene mangbo eng\u00f9 maka okp\u00e1la na babadha. Kp\u00e1la bhende ngamene b\u00e1dha 'ng\u00f9-o, a ko kp\u00e1la gba Ebhe. Kp\u00e1la bhende ngamene siti 'ng\u00f9-o, kp\u00e1la bhomu-o mbila Ebhe de.

¹² Nd\u00e1 okp\u00e1la hana ngakpo 'ng\u00f9 p\u00edndji Demetiliusi ndjindji. La di-e, eng\u00f9 na k\u00e1kul\u00e1 ngae makpe ngakpokpo 'ng\u00f9 gba an\u00e7-o. Ngan\u00e7 di-e, n\u00f9 bhadi ngakpokpo 'ng\u00f9 gba an\u00e7-e moko. Mu ngambila la di me eng\u00f9 inde n\u00f9 ngakpokpo e, a ko k\u00e1kul\u00e1 'ng\u00f9.

¹³ Ma ne ong\u00f9 bhel\u00e9 n\u00e1papa p\u00e7i mu. La-a, ma k\u00e1nda n\u00e1yeye maye de,

¹⁴ anga ma ak\u00e1nda nau mu m\u00e1 gala, amba n\u00f9 gama 'ng\u00f9 me n\u00f9 nde ngau lin\u00e7 mau.

¹⁵ A ayo me guo 'ng\u00f9 du bh\u00f9 dabili bini ne mu! Ondaise n\u00f9 inde ei-e apa me, o yi mu mayi. Pa la di pi ondaise n\u00f9 inde oo me, ya yi kp\u00e1la bini ne bini mayi.

Balua gba

Djude

Eli na kalanu

Djude aye nani balua inde-e ngubula napa me, omabhuka lila lio ka omusuno na eu inde adu apa me ni ne omabhuka-a malila, Bhú ndu balua inde-e, ongú inde bhábhá-o, maka bhende bhú balua na bhisi gba Piele-o. Djude ngato masi bhú okpála inde ngatatanga me, u gu gbele ngubula nabhuka inde li Ebhe aha e pi omaha e-o. Nabhuka ango-o djí galikpe lie belegu de bini.

Ongbengbe ongú inde bhú bhuku inde-e ngae inde:

Eli na kalanu 1-2

Dasündu, ne nasuno, a la di-e likabhu gba omusuno na eu 3-16

Líli ngubula nalila nabhuka 17-23

Bisagu 24-25

Djude yi omabhuka mayi

¹ Ma aye balua inde-e ngama Djude. Ma ne bali gba Yesu Kilisito, ma la di ne ndai Djaki. Ma aye balua inde-e pi okpála inde li Ebhe, 'Dyi ni a'i o-o. Ani ne mukunda pi uo, ani di ngalila uo bhú 'bu Yesu Kilisito.

² A ayo me Ebhe dje ndjinga yi, ani ha guo 'ngú pi yi, amba ani bedhe yi ne mukunda gba e ane mane.

Yi lila liyi ka omusuno na eu-o malila

³ Ondaise ma na mukunda, ma adu nako ne gümü naali me ma ye balua pi yi pindji mukobho inde ngakpetse ndu ni hana-o. La mbia inde-e, ma au ndjindji me ma ye balua pi yi ngú nato masi bhú yi me yi gu gbele ngú nabhuka inde li Ebhe aha e pi omaha e-o. Nabhuka ango-o djí galikpe lie belegu de bini.

⁴ Padhá de, anga okpála koko bhú ká yi sisiti, u ali bhú ká yi bhú pepe. U ngadjí ta bádha bhú 'bu gba Ebhe gba ni-e ngú nasia kpadji me o mene ndu osisiti 'ngú inde u akunda e hana. U bhomu-o ngayala koli Músuno inde di Ngámá gba ni Yesu Kilisito-o. Okpála ango-o, u aye nani mangimbo gba uo-o bhú Bhuku gba Ebhe-e bhutode.

⁵ Belegu yi ambila nani ndu ongú inde-e lie hana didili-e, ma akunda matá napapa pi yi ne toto me, Ebhe Ngámá gba ni-e agbegbe nani okpála na Isalaele bhú bali bhú doto na Edjipeto agbegbe. Ani atsia abhili obhende i bhuka ani de-o.

⁶ Yi kina nga me oandjelu inde i lila nani kulu gba oo de-e, inde a'o ká dabili gba o-o, Ebhe agbigbite uo ne gbéndjili na duduuma, ani atsia abu uo li bili na biti bhe má ndundulundu ngú nadjeke 'ngbé 'kpí nakodho mangimbo gba okpála-o.

⁷ Yi kina nga me okpála na Sodomo ne Gomolo di ne ogudhu koko na ngo ogudhu

bhomu-o amene bhadi nani siti 'ngú maka oandjelu bhomu. U adu amene 'ngú na sisiti inde li kpála-kuti tì da namene e de. Kaka-a, u naki ngazu likabhu bhu djua na duduma ngú nasuno pí okpála me, a ayo namene ngua siti 'ngú bhomu-o de.

⁸ Okpála na sisiti inde ali bhu ká yi bhomu-o bhadi ngamene ngua siti 'ngú bhomu-o moko. Ka 'ngú na ngingi inde bhu 'ndji uo-o, u ngasiti kute o. U kunda de me Ebhe u ngámá pí 'dji o-o de. U manga la di oandjelu inde li o ne zizi-e* de.

⁹ La-a, belegu Mikaele ngámá gba oandjelu-o mene nani mo-o de. Bhu nagbe bhayiki gba uo ne Djabulu-o, u adu amene kpeke 'bho lie ngubulu kuo Moidje-e , Mikaele pa 'ngú na numu li kute djabulu de. Engu bini ani apa bha pí ani me: «Ebhe mene bhado mu sisiti!»†

¹⁰ Engu bini, okpála na sisiti inde bhu ká yi-e, ngagama 'ngú sisiti li kute engu bhende u mbila e de. Uo maka onu abhu bili, u ngabhuhundja ade. U ngamene bha bini engu bhende akoto bhu 'ndji o. Engu ango-o la ngabhili uo ngae.

¹¹ A ko likabhu pí uo! Padhá de, anga u akpata kpadji li Kaina akpata nani

e-o. U akpata nganda Balama ka gumu tia gba o-o. U amu anga u ngamene kpéke 'ndji pí Ebhe maka li Kole amene nani lie-o.

¹² Uo ngaha numu pí yi bhu obili li yi apopekobho bhuala yi li e ngú nazu 'he na mukunda sunda yi-o. U ngabedhe 'bu o ne ezu má kpambi! Numu li uo ade, uo bha bini ngabhundja engu gba o makpe. Uo maka ndindi inde li anvi ngandjindjimba e, li ebha nde bhu e ade-o. Uo maka ndula inde i li llíll de bhu nedhinga nali llíll-o, inde u agbe du e, a tsia akpi hana má kpekobho-o!

¹³ Uo maka ongbengbe 'ngbo 'ngu na ngade 'ngu. U ngapandja ongu na numu gba o-o maka li ngade 'ngu agbegbe efu lie. Uo maka oikupala inde ambu li kpadji o. Ebhe aleke dabili na duduma ne duduma pí uo bhu biti má ndundulundu!

¹⁴ Enoka, nani ne ogbi ní na mananika nayie li Adamu. Ani akpokpo nani maka polofeta li 'ngú gba okpála ango-o me: «Yi tsitsia nga Ngámá ngago bhu dabili bini ne bhti obubu okpála gba e na bhibhiti-o,

¹⁵ ngú nakodho 'ngú gba ndu okpála hana. Ani a'ó mangimbo pí ndu okpála na sisiti hana ngubulu ndu osisiti 'ngú inde u amene e, nedhinga li u agbe kpéke

* **1:8 1:8 Oandjelu inde li o ne zizi:** A akunda napa me oandjelu inde ngamanga 'li Ebhe. † **1:9 1:9** Ongu koko inde bhu lukuluku inde-e, a bhu obhuku koko na gandja na didili-e ade. A ko ongu inde li omaYuda adu nani akpokpo e maka tsingu. A viti bini ne bhende bhu lukuluku 14-15.

'ndji lie li Ebhe, di ne ngubula sisiti oeli inde li okpála na mugwe apa e li kute ani-o.»

¹⁶ Okpála ango-o ngadi mukonono di ne nalopolon lio ndu 'kpí hana, uo ngaduhuku bha bini maka li gümü gba uo makpe apa lie. U ngapa bha bini ongú inde ane dada mane, u la di ngapa 'li okpála koko ngubula me o sia 'he ka uo.

Dapo pi omakilisito

¹⁷ La pi yi ondaise ma na mukunda-a, yi bhundja oeli inde li obhulu titima gba Ngámá gba ní Yesu Kilisito apa nani e pi yi-o.

¹⁸ U apa nani pi yi me: «Li sokpi-e, adú ne okpála inde amá yi, u tsia dú akpata osisiti gümü gba o makpe.»

¹⁹ Okpála ango-o, a ko okpála inde ngagbo bhusu okpála. A bha bini bhá 'ndji uo ne imbilangú bhe na kute, Bua gba Ebhe-e bhá uo ade.

²⁰ La pi yi ondaise ma na mukunda-a, yi mene ne kpéke me yi teteké liyi sunda yi ngubula me ndu yi hana yi lu kpekpeke bhá nab-huka inde bubu naali-o. Yi yo Ebhe ne angu gba Bu Bhobua.

²¹ Yi du nadhuku li lele da napa me Ebhe du nasuno mukunda gba e pi yi. Yi 'o 'to yi li nedhinga li Ngámá gba ní Yesu Kilisito apána ndjinga gba e lie pi yi, ani tsia há mukobho na dudu ma pi yi-o.

²² Yi dje ndjinga okpála bhende ne bua na bhisibhi bhá ká yi-o.

²³ Yi kobho uo, amba u atsúlu bhá djua de. Yi dje ndjinga okpála koko, la-a, yi lila liyi me, belegu bongo gba uo inde asiti ne osisiti 'ngú gba uo inde u ngamene e, atenu lie li kute yi de.

²⁴⁻²⁵ Sangu pi koli Ebhe bini inde akobho ní li kpadji gba Yesu Kilisito, Ngámá gba ní-o. Ani ti da nayoko me yi atí bhá siti 'ngú de, ani ti da namene me yi koto kala ni me engú na sisiti nde bhá yi ade, di ne me yi nde abedhe ne djali bedhe. A ayo me okpála dhögé ani, a ayo me ani u, a ayo me angu di ne ngámá du bhá dabili bini ne ani mbia inde, dudu ma ne dudu ma. A adú moko!

Apokalipisi Ongú inde u ambamba ta e Eli na kalanu

Djaa aye bhuku na Apokalipisi inde-e bhú nedhinga u adú ato mbolo li omakilisito lie kabula nabhuka bhú Yesu Kilisito maka Ngámá gba o. Engú na ngbéngbé inde bhú bhuku inde-e, Djaa ngapa pi okpála inde ngatatanga me u du ne nabhuka di ne masi. Djaa atsia aha líli pi uo me, u lu kpékpéke bhú 'ngú na kúkulu nedhinga na líkabhu di ne bhú onedhinga u ngato mbolo li uo lie-o.

Bhú bhuku inde-e, u aye bhúbhú ongú bheldé pindji nambamba ta ongú, di ne pindji nau ongú maka loto li da e nde kpékpéke ngú nambimbila. Engú na ngbéngbé bhúbhú-o mbámbá. A ko engú inde me: li pápá gba Kilisito Ngámá gba ní-e, a li soso-o, Ebhe ahá angu obhulú yala gba e hana, ani há di angu Satana. Ani há di makalá pi okpála na ngingbili gba e, ne bisagu na abhulá na mbia di ne doto na mbia inde ani ako angu e pi ndu 'ngú lie hana-o.

Ongbengbe ongú inde bhú bhuku inde-e ngae inde:

Eli na kalanu 1:1-20
Balua pi oDadjua
mananika gba Ebhe 2 - 3

Malika 4:1 - 8:5
Otötí mananika 8:6 - 11:19
Nau ongú mananika maka loto 12:1 - 15:8
Okópo mananika na ke 'ngú gba Ebhe 16:1-21
Ongú mananika u apa e pindji babilona 17:1 - 19:10
Nabu ta 'ngú pindji nau ongú mananika maka loto 19:11 - 21:8
Yelusalema na mbia, ele gba Ndili Kandélé 21:9 - 22:21

Lita 'ngú-o

¹ Bhuku inde-e ngakpokpo 'ngú pindji engú inde li Ebhe ambamba ta e pi Yesu Kilisito-o . Ebhe ambamba tata pi ani ngubula me ani suno pi obalise gba ní-o, engú inde améne lie mbia inde-o. Abhomu-o, Yesu Kilisito atsia atima andjelu gba e me ani mbamba ta engú ango-o pi bali gba ni Djaa .

² Djaa akpokpo ndu 'ngú inde ani au e hana. Ndu 'ngú inde ani au e hana-a, a ko 'li Ebhe, a ko la di kúkulu 'ngú inde li Yesu Kilisito ambamba ta e pi ani-o.

³ A ko djali pi kpála inde ngatanga bhuku inde, ne obhende i ngadje ongú inde li Ebhe ambamba ta e bhúbhú-o, inde di ngakpata ongú inde aye lie bhú bhuku inde-o. Padhá de, anga nedhinga na ongú ango-o akolo masikpe.

*Djaa yi okpála na oDadjua
mananika gba Ebhe-e mayi*

⁴⁻⁵ Ngama Djaa, ma atima balua inde-e bhú oDadjua mananika inde bhú ndu doto na Adjia-o.

A ayo me Ebhe inde uu inde adu nani uu, inde la di ngago-o, suno bádha bhú 'bu ne guo 'ngú gba e pi yi. A ayo di me obua mananika inde kala kiti na ngámá gba Ebhe-e, bhú dabili ne Yesu Kilisito suno bádha bhú 'bu ne guo 'ngú pi yi. Yesu Kilisito-o, a ko kpála inde akpokpo ngibili 'ngú. A ko di kpála na kalanu inde azuku bhú ká okpála inde amu, a ko la di ngámá gba ongbengbe ongámási na doto.

Kilisito ngakunda ní, ani atsia agbegbe ní bhú osisiti 'ngú gba ní-e ne ngute e.

⁶ Ani amene me ní kolo okpála na Naú gba Ebhe. Ani amene di me ní kolo odimande ngubula namene kulu liní pi Ebhe, 'Dyi ní. A ayo me sangu di ne angu du pi ani duduwa ne duduwa! A adu moko.

⁷ Yi tsitsia, ani ngago bhú ndindi!

Ndu okpála hana aú ani, belegu obhende adu nani kala ani ne mandambi-o.

Ndu opiga inde píla doto libhomu adu bhú 'gbá li 'ngú gba ani-o.

Heni, a adu moko!

⁸ Ebhe Ngámá Apí 'Kpí apa me: «Ma ne Kpála inde akpolita ndu 'ngú hana, ma di ne Kpála inde abú ta ndu 'ngú hana.» Ebhe ne Kpála inde

uu, Kpála inde adu nani uu, Kpála inde di ngago.

Djaa au Kilisito bhú 'he maka loto

⁹ Ngama Djaa, ma ne ndai yi inde ngakobho bhú dabili bini ne yi bhú likabhu, ne bhú Naú ne nazi kekele bhú nabhuka Yesu. Ngama-a, ma du nako bhú kpata bhú kpemé inde u a'i e me Patemosi kabula 'li Ebhe, la di anga ma ngakpokpo kükulu 'ngú inde li Yesu ambamba ta e-o.

¹⁰ Bhú 'kpí gba Ngámá-a, Bu Bhopua abedhe ma, ma atsia adje ne akele ma kpéke eli bini maka mbala.

¹¹ Eli ango-o apa me: «Ehe inde mu ngau e-e, ye bhú bhuku bini, amba mu tima bhú oDadjua mananika gba Ebhe inde bhú Efeso, bhú Similine, bhú Pelegame, bhú Tiatile, bhú Salade, bhú Filadelefí ne bhú Laodisé.»

¹² Abhomu-o, ma adjí lima ngú natsia kpála inde adu nagama 'ngú muma-o. Ma adjí lima lie, ma au otala na olo mananika.

¹³ Bhú ka otala ango-o, ehe bini adu maka kpála-kuti. Ani adyi 'ndjá bongo akolo bhú 'dhú e, ani atsia agbite mbulu e ne mukabha inde u amene e li olo.†

¹⁴ 'Ndji ani ne sundjo ani avu má tuu, maka kato! Djila ani adu nade maka zi djua.

¹⁵ 'Dhú ani adu nasu maka kalase na kpéke mase inde u ato e bhú djua, zizi atsia

† 1:13 1:13 Tsia bhú Dan. 7:13.

aholo nasu. 'Li ani adu maka tolo wowo 'ngu.

¹⁶ Ani aholo ikupala mananika ne 'kpa e na kokpa. A adu akoto bhú 'bhé ani ne mbotia inde adhe ne ndu pasu bhisi hana. Bhála ani adu asu maka kpéke zindjila na tulukpe.

¹⁷ Ma au ani lie, ma ati bhú li 'dhu ani maka kpála inde akpi. Pipita-a, ani a'o 'kpa e na kokpa-a pí ma, ani atsia apa múma me: «Mo okpé-e de! Ma ne Kpála inde akpo lita ndu 'ngú hana, ma di ne Kpála inde abú ta ndu 'ngú hana.

¹⁸ Ma la di bhú múkobho. Ma adu nako me ma nde akpi, la mbia inde-e, ma bhú múkobho na dédéuma. Ma ne angu pí 'ndjì kuo di ne pí 'ndjì bili gba okpála inde amu.

¹⁹ Kaka-a, ye ongú inde mo ou e inde. A ko ongú inde ngakodho 'kpí, di ne ongú inde a ayo me ago pipita ko.

²⁰ Pindji oikupala mananika inde mo ou e sa 'kpa ma na kokpa, di ne otala mananika na olo-o, gbo nga 'dje mu, ma mbamba kékulú tata-a pi mu. Mbila me, oikupala mananika-a, a ko oandjelu na oDadjua mananika gba Ebhe, otala mananika-a, a ko oDadjua mananika gba Ebhe-o.»

2

Balúa pi okpála na Dadju na Efeso

¹ Kpála inde ma au e apa matá múma me: «Ye balúa

pi andjelu na Dadju na kúti na Efeso me:

<Kpála inde aholo oikupala mananika sa 'kpa e na kokpa, inde ngadholo bhú ká otala mananika na olo-o apa me: ² Ma mbila okulu gba mu-o hana. Ma mbila hana me mo omene kulu kpekpeke, me mu di ne bua na kekele, Ma mbila hana me mu tí da naziba osisiti okpála de. Ma mbila hana me mo ole okpála inde ngapa me o ne obhúlu titima gba maa me u nde la mo-o ade-e, mo atsia au me a ko obhúlu eu.

³ Ma mbila hana me a bhú mu ne kekele, mo osia likabhu ngubula 'li ma, mu tsia ndala de.

⁴ La-a, siti 'ngú inde ma au e li pabili gba mu-o, a ko me mo o'o ká mukunda inde mo okunda nani ma ne e a'o.

⁵ Kaka-a, bhundja nga bili inde mo oti li e-o. Dji bua mu, amba mu mene okulu maka mo odu nako namemene lie kalanú ko. I du mo-o de-e, ma agó li pabili gba mu, ma a'é tala gba mu li bili i nde li e-o, i du me mu nde dji bua mu de ko.

⁶ Engú bini, bádha 'ngú inde bhú mu-o ngae inde: mu ngayala okulu inde li oNikolaite ngasuno e, maka ngama makpe di-e, ma ngayayala lie-o.

⁷ A ayo me kpála inde li e ne djedje-e, dje engú inde li Bu Bhobua ngapa e pi

oDadjua gba Ebhe ko!

Kpála inde agbóko 'gú bhomu-o, ma ahá lí ndula na mukobho inde bhú edyi gba Ebhe-e pi ani me ani du nazuzu. Edyi ango-o bhú kuti na mündeyi gba Ebhe-o.»

Balua pi okpála na Dadju na Similine

⁸ Kpála inde ma au e apa matá muma me: «Ye balua pi andjelu na Dadjua na Similine me:

«Kpála inde akpo lita ndu 'ngú hana, inde di abú ta ndu ongú hana, Kpála inde akpi nani, engú bini atsia azuku-o apa me:

⁹ Ma mbila likabhu gba mu di ne ndibhili gba mu-o hana, engú bini, kükülu tia mangbo ngae inde ka mu-o. Ma mbila la di maka li okpála inde ngapa me o ne omaYuda me u nde ne omaYuda ade-e, ngadi mu lie hana. La ngauo-o, a ko omaYuda de, a ko okpála gba Satana !

¹⁰ Mo odjé tsulu ka likabhu inde mo osia e de. Djedje nga, djabalu andí okpála bini bini bhú ká yi bhú tikpu ngú nale yi. U ató mbolo li yi ngubula ekpí ndjikpa. Mo oyála ma de, abana i yo bha me u bhøle mu. Pipita-a, ma ahá ndata na 'ngbø ndua pi mu maka makalá gba mu-o. Ndata na 'ngbø ndua ango-o, a ko mukobho na dudu-ma.

¹¹ A ayo me kpála inde li e ne djedje-e, dje engú

inde li Bu Bhopua ngapa e pi oDadjua gba Ebhe ko!

Kpála inde agbóko 'gú bhomu-o, ani sia likabhu gba nakpi na bhis-i-belegu de bini.»

Balua pi okpála na Dadju na Pelegame

¹² Kpála inde ma au e apa matá muma me: «Ye balua pi andjelu na Dadjua na Pelégame me:

«Kpála inde ka e ne mbotia inde ngadhe ne ndu pasu bhisihana-a, apa me:

¹³ Ma mbila bili inde mu ngadu li e hana, bili ango-o, Satana ne ngámá oo ngae. Mu ngalila li ma. Mu ndala 'kpa li nabhuka gba mu bhú ma-a de, abana bha li nedhingga u abhøle Atipasi lie agba yi, li bili li Satana ngadu li e-o. Atipasi adu nani nakpokpo 'ngú gba ma mbámbá kala okpála.

¹⁴ La-a, siti 'ngú inde ma au e li pabili gba mu-o, a ko me, a agba mu ne okpála koko inde ngadhedhe li 'ngú li Balama adu nani nasuno e pi Balaka-o. Balama adu nani nasuno pi Balaka me ani to omañsalaele bhú siti 'ngú. Ani adu apite uo me u zu oenú inde u aha o pi oebhe na eu, amba u du di nakanda olisi, i du di-e obhosí ngangá.

¹⁵ A bhadi moko, a di bhú ká okpála gba mu-o ne obhende adhedhe li nasuno siti líli maka oNikolaite ngasusuno lie-o.

¹⁶ Kaka-a, dji bua mʉ. Padhá de, anga i dʉ mo-o de-e, ma ngago agba mʉ má gala, ma tsia gú okpála ango-o ne mbotia inde ngakoto bhú 'bhø ma-o.

¹⁷ A ayo me kpála inde li e ne djedje-e, dje engú inde li Bu Bhopua ngapa e pi oDadjua gba Ebhe ko!

Kpála inde agbóko 'gú bhomʉ-o, ma ahá mana inde awo lie mawo-o pi ani. Ma ahá la di linga pi ani. U aye pi linga ango-o 'ili na mbia inde li kpála bini mbila ta e de, bha bini kpála inde asia linga ango-o ko!»

Balha pi okpála na Dadju na Tiatile

¹⁸ Kpála inde ma au e apa matá mʉma me: «Ye balua pi andjelu na Dadju na Tiatile me:

«Ndili gba Ebhe inde li Djila e ngade maka djua, li zi 'dhu e nde ngasu maka kalase na kpéke mase, apa me:

¹⁹ Ma mbila okulu gba mʉ-o hana. Ma mbila mukunda gba mʉ-o hana. Ma mbila nabhuka gba mʉ-o hana. Ma mbila kulu mo omemene e pi okpála di ne kekele gba mʉ-o hana. Ma mbila hana me kulu mʉ ngamene e mbia inde-e ane bhe na kalanʉ-o ne bheté.

²⁰ La-a, siti 'ngú inde ma au e li pabili gba mʉ-o, a ko me, mʉ ngaziba Djedjabele, ele inde ngapa me ni ne polofeta gba Ebhe-o. Ani ngapite obalise gba ma-a ne

nasuno pi uo engú na zabhe, di ne nazʉ onʉ inde u aha o pi oebhe na eu-o.

²¹ Ma a'o nako nedhinga pi ani me ani dji bua e. Engú bini, ani kʉnda nadji bua e de me ni 'o nakʉnda obhosí ngangá ma'o-o de.

²² Kaka-a, ma agú 'i ani pi polo na 'ngbé likabhu bhú dabili bini ne obhende ngakunda obhosí, i dʉ di-e olisi gba okpála koko bhú dabili bini ne ani-o, i dʉ me okpála ango-o nde dji 'ngbʉ o li sisiti kulu gba ani de-o.

²³ Ma abhili okpála inde ngakpata nganda ani-o, li ndʉ okpála na oDadjua gba Ebhe-e hana mbila me ma ne kpála inde i ngambilà mabhundja di ne gʉmʉ gba okpála hana. Ma ahá pi kpála ne kpála bhú ká yi makalá nakpata bha lele siti 'ngú inde ani amene e ko.

²⁴ La ngayi okpála na Dadju na Tiatile, inde i dhedhe li nasuno na sisiti bhomʉ-o de-e, inde i kpata di engú li okpála bhomʉ-o nga'i e me, "Engú nawo mawo gba Satana" de-e, ma ne lili koko na'o'o pi yi ade.

²⁵ Engú bini, yi dhedhe bha li engú inde ka yi akólo bha bini li 'kpí inde ma agó lie ko.

²⁶⁻²⁸ Kpála inde agbóko 'gú bhomʉ-o, inde alila okulu gba ma nakolo ali soso-o, ma ahá pi ani angu inde ma asia e ngama makpe ka 'Dyi ma-o. Ma a'o ani ngámá pi 'ndji

opiga. Ani aú ngámá pí 'ndji uo. Ani ahólo kalase sa 'kpa e, ani tsia dú agugumú uo maka u agugumú omadakpa lie ko.[†] Ma ahá di ikupala inde asusu kékpi-e pi kpála ango-o ngú nasuno me ani agboko 'gú-o agboko.

²⁹ A ayo me kpála inde li e ne djedje-e, dje engú inde li Bu Bhopua ngapa e pi oDadjua gba Ebhe ko!»

3

Balúa pi okpála na Dadju na Salade

¹ Kpála inde ma au e apa matá muma me: «Ye balúa pi andjelu na Dadju na Salade me:

«Kpála inde li obua mananika gba Ebhe, di ne oikupala mananika nde ka e apa me: Ma mbila okulu gba mu-o hana. Okpála ngapa me mu uu, engú bini, mo okpi.

² Zézéku, mene ne kpéke me mo obálú bha má pii de! Padhá de, anga ma au me kulu gba mu-o kolo nga li lelele de.

³ Kaka-a, bhundja nasuno inde mo osia nani e-o ne lele maka mo odje nani lie-o. Dji bua mu, amba mu lila nasuno ango-o malila! I du la me mu nde zéku de-e, ma gó maka bhálú 'zi, ma kóto li mu bhú gbilikit, me mu nde mbila nedhinga ango-o de.

⁴ Engú bini, a bhú ka yi okpála na Salade ne okpála bini bini inde i siti obongo gba o-o de. U adyí obongo na bububu, ngaya ne uo-o, ya tsia dhólo bhú dabili bini. Padhá de, anga u ati ne nadhukú ne ma bhú dabili bini ngao.

⁵ A moko, kpála inde agbóko 'gú bhomú-o, adyí obubu bongo. Ma bálú 'li ani bhú bhuku na mukobho-o de. La di-e, ma aziba kala 'Dyi ma, di ne kala oandjelu gba ani-e me, a ko kpála ka ma.

⁶ A ayo me kpála inde li e ne djedje-e, dje engú inde li Bu Bhopua ngapa e pi oDadjua gba Ebhe ko!»

Balúa pi okpála na Dadju na Filadelefí

⁷ Kpála inde ma au e apa matá muma me: «Ye balúa pi andjelu na Dadju na Filadelefí me:

«Kpála inde bubu, inde i papa eu de, inde li fungula gba Davidi nde ka e-e, inde i 'u bhoti-e, kpála bini ti da nanini de, inde i ni la di bhoti-e, kpála bini ti da na'u'u de-e, apa me:

⁸ Ma mbila okulu gba mu-o hana. Ma mbila hana me mu kpékpéke ade. La-a, mo olila 'li ma ndjindji. Mo opa mbámbá me mu ne kpála ka ma. Kaka-a, ma a'u bhoti kala mu, bhoti ango-o, kpála bini ti da nanini de.

⁹ Tsia nga engú inde ma améne e li okpála gba Satana

[†] 2:26-28 2:26-28 Tsia bhú Ets. 2:8-9.

, obħul u eu inde ngapa me o ne omaYuda me a nde omaYuda ade-o: ma agbèle uo kala mu, u tħutu lipuk u kuto kala mu ngú nadhegħe mu, amba u mbila me ma ngakun da mu.

¹⁰ Mo olila lili gba ma pindji naholo bua o ndjindji. Kaka-a, ngama di-e, ma alila bhadi mu moko li nedħinga na kpéke da 'ngú inde agó pila doto libhomu ngú nale okpála na doto ko.

¹¹ Ma agó mbia! Dhedhe li nasuno inde mo odje e ndjindji, ngubula me kpála bini adhépe ndata na 'ngħe ndua gba mu-o de.

¹² Kpála inde agbóko 'għu bhomu-o, ma a'ō ani maka nepanda bhuxx 'ngħe 'ti Ebhe gba Ebhe gba ma-o. Ehe bini ti da nagħbi matā ani oo belegħu de bini. Ma ayé 'li Ebhe gba ma-a li kute ani, bhuxx dabili bini ne 'li għadhu għadha Ebhe għadha ma-o. Gudhu ango-o, a ko Yelusalema na mbia inde ayie abħul, inde li Ebhe atima galikpe e-o. La di-e, ma ayé 'il għadha ma na mbia li kute ani.

¹³ A ayo me kpála inde li e ne djedje-e, dje engú inde li Bu Bħobua ngapa e pi oDadjua għadha Ebhe ko!»

Balha pi okpála na Dadju na Laodisé

¹⁴ Kpála inde ma au e bhomu-o atsia apa mħma li soso me: «Ye balha pi and-jelu na Dadju na Laodisé-e me:

«Kpála inde li e me "A du moko", kukulu kpála inde ngakpokpo 'ngú me ani nde 'o koko pépé de-e, inde lita ndu 'he li Ebhe abho e hana-a apa me:

¹⁵ Ma mbila okulu għa mu-o hana. Mu kpiċċina ade, mu di kpakpá ade. A ayo iginu me mu de adu kpiċċina, i du mo-o de-e, mu du kpakpá.

¹⁶ I nde lie me mu nde yapayapa-a, mu nde kpiċċina adi-e, mu la di kpakpá adi-e, ma azie mu mazie!

¹⁷ Mu ngapa me: "Ma ne bhul u tia, ma asia tia bħelé, ma ne għumu 'he belegħu ade bini." Engu la bini, mu mbila de me ni bhuxx likabhu-o de. Mu mbila de me ni nga'o li ma ndjingħa-a de. Mu mbila de me ni ne bhul u ndibħili-e de. Mu mbila de me ni u 'kpí de-e de. Mu mbila la di de me ni ndumbu-o de.

¹⁸ Kaka-a, ma ngayo ka mu me, a ayo nakala olo inde li djua aleke e ndjindji-e ka ma, ngubula me mu kolo bhul u tia. Ma ngayo ka mu me, a ayo nakala di obongo na bububu ka ma ngú nadyidyi li kute mu, amba numentha améne mu ka ndumbu għadha mu-o de. Ma ngayo ka mu me, a ayo nakala la di elá ngú nasese bhuxx djila mu, amba mu du 'kpí ndjindji.

¹⁹ La pi ma-a, ndu okpála inde ma akukun da hana, ma ngambe bhuxx

'ndjì uo, ma di ngasuno oehe inde u mene e ndjindjì de-e pi uo. Kaka-a, a ayo me mu dji bua mu, amba mu du kpákpá.

²⁰ Djedje nga, ma alu li 'bhé bhoti-o, ma ngabhibhi. Li kpála dje 'li ma, ani 'u 'bhé bhoti-e, ma lí agba ani, lí ngaya ne ani-e, ya tsia zú 'he ne ani bhú dabili bini.

²¹ Kpála inde agbóko 'gú bhomu-o, ma aziba pi ani nadu bhú dabili bini ne ma pi kiti na ngámá gba ma maka ngama di ma agboko 'gú lie, ma atsia adu bhú dabili bini ne 'Dyi ma pi kiti gba e na ngámá ko.

²² A ayo me kpála inde li e ne djedje-e, dje engú inde li Bu Bhopua ngapa e pi oDadjua gba Ebhe ko!»

4

Abhúlá-a, ndu okpála hana ngadhégo Ebhe

¹ Pipita-a, ma au engú koko bhú 'he maka loto. Ma au bhoti inde adu baba abhúlá.

Eli ma adje igini e kalanu mágito me u nga'u toti-e, apa mu'ma me: «'U ei, amba ma suno engú inde ngago sidi-e pi mu.»

² Kolo me-e, Bu Bhopua abedhe ma. Abhúlá oo, kiti bini na ngámá adu oo, kpála bini atsia adu pépé.

³ Zi kpála ango-o adu nasu maka oteme* na zizi. Makilima asa dengo kiti na ngámá inde ani adu pi e ne zi e ngbalina. Zizi adu di maka zi teme na zizi.

⁴ Okiti na ngámá ndjikpa bhisi ne ká badha asa dengo kiti na ngámá ango-o ngbalina. Obhelesi okpála ndjikpa bhisi ne ká badha atsia adulu pépé. U adyidyi obubu bongo, u atsia adyidyi ondata na ngámá inde u amene e li olo-o bhú 'ndjì o.

⁵ Li bili li kiti ango-o adu lie, ekpi adu andjendjengene, mugbálá adu asusula. O'i 'ke mananika inde adu atsi matsi adu kala kiti ango-o. O'i 'ke ango-o, a ko obua mananika gba Ebhe-o.

⁶ Kala kiti ango-o, ma au 'he bini maka 'ngbé 'ngu inde li pila e adu nasu má ngingingi maka bitolobi. A adu má ngilili maka teme† na zizi.

Lingo kiti na ngámá ango-o, okpála badha na ngangamba‡ adu oo. (A akunda napa me sunda kiti na ngámá di ne bili li obhelesi okpála ndjikpa bhisi ne ká badha adu lie-o.) Djidjila abedhe li bhúla uo di ne li 'ngbu uo bedhe.

⁷ Kpála bhe na bini-e, adu maka kingbi. Bhende na bhisi-e, adu maka folo bagala na bhobhoko.

* 4:3 4:3 **Oteme:** Bhú eli na giliki-e, u aye limbi oteme bata: djasepe, saladuane ne emelode. † 4:6 4:6 **Teme:** Bhú eli na giliki-e, u aye me «Teme na kilisitale.»

‡ 4:6 4:6 **Okpála badha na ngangamba:** Li bili inde-e, u mbila de me ne me a ko okpála-kuti, ne me a ko oandjelu-o de.

5

*Ndili Kandølø-o abhúlu
'kpá balúa inde agagala lie
magagala-o*

Bhende na bata-a, bhála
ani adú maka kpála-kuti.
Bhende na badha-a atsia adú
maka ndua índe bhá holo.

⁸ Ndú uo badha hana, u
adú ne mbumbudha madhia
madhia. Djidjila atsia
abedhe téte bedhe bedhe, ali
ngbungbu di ne asabusabu.
U ngali 'tsi sukpe ne ngbíkpi
mandi naguo me:

«Ebhe Ngámá Apí 'Kpí,
Bubu, ani Bubu, ani
Bubu.

A ko Kpála índe adú
nani uu, índe uu, índe
di ngago!»

⁹ Ndú nedhingga hana li
okpála badha bhomú-o ngali
'tsi ngú nadhège kpála índe
adú pí kiti na ngámá, kpála
índe la di bhá mukobho
dúdúma ne dúdúma, u
ngaha sangu di ne nagie
heni pi e lie,

¹⁰ obhelesi okpála ndjíkpa
bhisi ne ká badha-a ngatutu
lipukú o kuto kala kpála
ango-o. U ngadhège kpála
índe bhá mukobho dúdúma
ne dúdúma-o. U ngapandja
ndata na ngámá gba o-o, u
ngabubu kala kiti na ngámá-
a ne napa me:

¹¹ «Ebhe Ngámá gba ya, mo
otí ne napa me okpála
toko mu, u dhège mu,
amba mu sia sangu kab-
ula ngámá gba mu-o.

Padhá de, anga mo obho ndú
'he hana ngamú.

A atsia amene lie,
anga mo okunda nani me a
amene lie moko.»

¹ Pipita-a, ma au 'kpá
balúa bini sakpa kpála índe
adú pí kiti na ngámá-o, ani
aholo li pá 'kpa e na kokpa.
U aye 'he pépé ne ndú pasú
bhisi hana. U agagala, u
atsia ayele ne malíka li obili
mananika.

² Abhomú-o, ma au
andjelu bini na angu índe
adú asusúla me: «A ti da
nasosoko malíka li kute
'kpá balúa índe-e ngú
nabhuhulu-o da?»

³ Engú bini, kpála bini
índe atí da nabhuhulu di
ne natsia 'kpí bhábhá-o du
de, abana abhúlá, abana píla
doto, abana asa doto.

⁴ Kaka-a, maaku 'gbá
naali, anga kpála índe atí da
nabhuhulu di ne natsia 'kpí
bhábhá-o du de.

⁵ Engú bini, suka obhe-
lesi okpála apa muma me:
«Mo okú 'gbá de. Tsit-
sia nga, kingbi na piga gba
Yuda, ndili gba 'ngbé ngámá
Davidi-e agboko egú-o ag-
boko. Aní ti da nasosoko
malíka mananika bhomú-o,
ani tsia bhúlu di 'kpá balúa
ango-o.»

⁶ Abhomú-o, ma au Ndili
Kandølø bini alu tutu, li
bili na kiti na ngámá-
o. Okpála badha na
ngangamba bhá dabili bini
ne obhelesi okpála-a asa ani
ngbalina. Aní adú magito
me u akodho ngulú ani
makodho. A adú bhá 'ndji

ani ne odidi mananika di ne djidjila mananika. Odjidjila mananika bhomu-o, a ko obua mananika gba Ebhe li ani atima o píla doto libhomu-o.

⁷ Ndili Kandele-o ago, ani atsia aha 'kpá balua sakpa kpála inde adu pí kiti na ngámá-o. 'Kpá balua ango-o adu sakpa ani li pápá na kokpa.

⁸ Nedhinga ani aha 'kpá balua lie, okpála badha na ngangamba di ne obhelesi okpála ndijkpa bhisi ne ká badha-a, atuko ne lipuku o kuto kala Ndili Kandele-o. A adu sakpa ndu uo bini ne bini hana ne dumu di ne kópo na olo inde abedhe ne bandeles bedhe. Bandele ango-o, a ko mayo gba okpála gba Ebhe-o.

⁹ U adu nali etsi na mbia me:

«Mu ti da naha 'kpá balua-o
ne nasosoko malika
ango-o,
anga u abhole nani mu,
mo otsia agbegbe okpála
inde adu bhu bali-e
ne ngute mu pi Ebhe.

A ko okpála na ndu bili
hana,
ne ndu opiga hana,
ne ndu okongu hana.

¹⁰ Mo otsia amene me
u kolo pi Ebhe gba ní-e
okpála na kuti-ngámá
gba ani,
u kolo di odimande pi ani,
u tsia u píla doto.»

¹¹ Pipita-a, ma au, ma atsia
adje 'li bhiti oandjelu. U adu
nani oketo ne keto. U alu
dengo kiti na ngámá-o, ne

dengo okulu 'he badha-o, di
ne dengo obhelesi okpála-o.

¹² U adu asusula kpekpeke
me:

«Ndili Kandele nani inde u
abhole e
ati ne nasia sangu ,
ani ati ne nasia tia, ne
imbilangu, di ne
ngámá.

A ayo me okpála toko
ani,
u manga ani.

A ko kpála na angu.»

¹³ Ma atsia adje di ndu ohe
na píla doto libhomu ne ohe
na abholá ne obhe na sa
doto, ne obhe na abhu 'ngu-
o hana aholo nali etsi me:
«A ayo me duduma ne
duduma ní toko,
ní dhoge, amba ní ha
di sangu ne ngámá pi
kpála inde

ngadu pí kiti na ngámá-a
bhu dabili bini ne Ndili
Kandele-o.»

¹⁴ Okpála badha na
ngangamba-a adu abhuka
engu u adu apa e bhomu-
o me: «A adu moko!»
Obhelesi okpála atsia adu
atutu lipuku-o kuto kala
kiti na ngámá ne nadhoge
Ebhe bhu dabili bini ne Ndili
Kandele-o.

6

*Ndili Kandele-o aholo na-
sosoko omalika mananika li
kute 'kpá balua-o*

¹ Abhomu-o, ma atsia 'kpí,
ma au Ndili Kandele-o asoko
suka omalika mananika li
'kpá balua-o. Ani asoko lie,
ma adje suka okpála badha
na ngangamba-a ngagama
'ngu kpékpéke mugito me

mugbálá ngasusúla ngae. Aní me: «Gogo!»

² Ma me ma tsia 'kpí me-e, ma au punda bini na bubu akoto. A adú sakpa kpála índe adú pí ani-e ne adili. U ato ndata na ngámá bhú 'ndji ani. Aní anú maka kpála índe agboko 'gú ngú nagboko matá egú koko.

³ Nedhíngá ani asoko malika na bhisi-e lie, ma adje kulu 'he na bhisi-e apa me: «Gogo!»

⁴ Abhomú-o, li punda koko akoto lie-e, kute ani ambe maka djua. U aha pi kpála índe adú pí ani-e angu na'e guo 'ngú píla doto ngubula me okpála bhili lio. U atsia aha di pi ani mbotia na ndjándjá.

⁵ Li Ndíli Kandéle-o asoko malika na bata lie, ma adje kulu 'he na bata-a apa me: «Gogo!» Ma me ma tsia 'kpí me-e, ma au punda na bíbíli. A adú sakpa kpála índe adú pí ani-e ne kilo.

⁶ Ma adje 'he mugito me kpála agama 'ngú bhú ká okpála badha na ngangamba-a me: «Li kpála mene kulu ekpí bini libhomu-o, ani de sia tia índe i ti da nakala bha bini koli kilo na ngano bini, i du mo-o de-e, ani de sia tia índe i ti da nakala bha bini koli kilo na olodje bata.* Engú bini, vino ne emú-o adúla lie de.»

⁷ Li Ndíli Kandéle-o asoko malika na badha-a lie, ma

adje kulu 'he na badha-a apa me: «Gogo!»

⁸ Ma me ma tsia 'kpí me-e, ma au punda na 'ngu kpála. A adú li kpála índe adú pí ani-e me «kuo.» Bili gba okpála índe amu-o adú li 'ngbu ani. U aha nani angu pi uo ngubula nabhili té okpála na píla doto. I du me okpála nde badha-a, u bhéle kpála bini bhú ká uo. U abhili té okpála bhomú-o ne egú, ne gumú, ne okuo di ne onáte.

⁹ Li Ndíli Kandéle-o asoko malika na bhuluvue lie, ma au bua okpála índe u abhili nani o sa misa natsulu enú pi Ebhe-o. U abhili nani okpála bhomú-o ka anga u abhuka li Ebhe, u atsia akpokpo di mbámbá.

¹⁰ U adú asusúla kpekpeke me: «Ngámá na bubu, mu ne kukulu ngámá ngamu. Mu ngadjéke ni ngú nakodho 'ngú súnda ya ne okpála na doto-o? Ngauo, u abhili nani ya. Kodho 'ngú bhomú-o kokodho, amba mu 'o 'ngú pí uo.»

¹¹ Abhomú-o, u aha pi ndú uo hana bini ne bini lobe na bubu. U atsia apa pi uo me: «Yi djeke nga mbo bedi, alo gba yi-e le nga de. A ne ondaise yi koko índe ngakpata nganda Ebhe. A ayo me okpála na doto bhili nga di uo maka u abhili nani yi lie ko. Pipita-a, u tsia kódho 'ngú gba yi ne uo bhú dabili bini.»

* **6:6 6:6** Bili índe si-e akunda napa me adyindi adú naali. Mase ezú akpéke na kuo kuo.

¹² Pipita-a, ma au Ndili Kandele-o asoko malika na madhia-o. Abhomu-o adjigidjo na ngbéngbé amene lie. Ela abili bhála e má mbilili maka bongo na pili. Epe libhomu atsia andju má ngua maka ngute.

¹³ Oikupala ayie abhúlá, abala kuto maka lí 'lá bhe i mbe de-e ababala lie ka kpéke anvi-o.

¹⁴ Kokpí angita maka 'kpá balua inde u agagala e magagala. Ndú oeta hana ne okpeme hana ayie bhú dá o.

¹⁵ Ongbengbe ongámási na doto, ne ongbengbe okpála, ne ongbengbe ongámási na sudha, ne obhulu tia, ne okpála na angu di ne ndú okpála koko hana, obalise ne okpála inde bhú bali ade, ndú uo hana awowo lio bhú ogudho teme ne bhú oeta.

¹⁶ U aholo apa pi oeta di ne pi ongbengbe teme me: «Yi bala pi ya, amba yi wo ya tsutsu. Yi wo ya me kpála inde adú pi kití na ngámá-a aú ya de. Yi wo ya ka kpéke ke 'ngú gba Ndili Kandele-o.

¹⁷ Padhá de, anga 'ngbé 'kpí na ke 'ngú gba uo akolo. A ti da nalú kakala da?»

7

Okpála kutu kámá bini ne ndjíkpa badha ne ká badha

¹ Pipita-a, ma au oandjelu badha, u nde alulu li odje doto badha hana. U adú ayoko me anvi bini apé pi doto, i du di-e pi 'ngbé 'ngu ne pi ondula de.

² Abhomu-o, ma au andjelu koko bini ayie ne andjongu. A adú sakpa ani ne kasé gba Ebhe na uu-o. Ani asúla ne angu hana pi oandjelu badha inde li Ebhe aha nani angu nabhili doto pi o bhú dabili bini ne angu nasiti 'ngbé 'ngu-o pi o me:

³ «Yi abhili nga doto ne ondula padhá de. Yi asítínga di 'ngbé 'ngu padhá de. Yi djeke nga me ya tu kasé pidi obalise gba Ebhe gba níe paká.»

⁴ Ma atsia adje alo gba okpála inde u atu kasé lio-o. A adú okpála kutu kámá bini ne ndjíkpa badha ne ká badha bhú ndú opiga gba omafsalaele hana.

⁵ Bhú piga gba Yuda, okpála bhe u atu kasé lio-o adú okpála kutu ndjíkpa ne ká bhisi. Bhú piga gba Lubeni-e, okpála adú kutu ndjíkpa ne ká bhisi. Bhú piga gba Gada-a, okpála adú kutu ndjíkpa ne ká bhisi.

⁶ Bhú piga gba Asela-a, okpála adú kutu ndjíkpa ne ká bhisi. Bhú piga gba Nefitali-e, okpála adú kutu ndjíkpa ne ká bhisi. Bhú piga gba Manase-e, okpála adú kutu ndjíkpa ne ká bhisi.

⁷ Bhú piga gba Simeona-a, okpála adú kutu ndjíkpa ne ká bhisi. Bhú piga gba Levi-e, okpála adú kutu ndjíkpa ne ká bhisi. Bhú piga gba Isakala-a, okpála adú kutu ndjíkpa ne ká bhisi.

⁸ Bhú piga gba Djabulona-

a, okpála adú kutu ndjíkpa ne ká bhisi. Bhú piga gba Djodjefu-o , okpála adú kutu ndjíkpa ne ká bhisi. Bhú piga gba Bendjame-e, okpála adú kutu ndjíkpa ne ká bhisi. U atu kasé li ndú okpála bhomu-o hana.

Libi okpála inde li Ebhe alo o-o

⁹ Pipita-a, ma atsia matá 'kpí, ma au bhti okpála na bhibhiti inde li kpála bini ti da nako alo gba o-o de. A dú okpála na ndú bili hana, ne ndú opiga hana, ne ndú okongú hana. U alulú kala kiti na ngámá di ne kala Ndili Kandele-o . U adyidyi olobe na bububu, adú sakpa uo ne okpá ngulu.

¹⁰ U adú asusula ne angu o hana me:

«Mukobho ngayie ka Ebhe
gba ní
inde adú pí kiti na
ngámá-o,

di ne ka Ndili Kandele-o!»
¹¹ Ndú oandjelu hana alulú dengo kiti na ngámá-o, ne dengo obhelesi okpála di ne dengo okpála badha na ngangamba-o. U atutu bhúla o ne kuto kala kiti na ngámá-o, u atsia adhègo Ebhe.

¹² U adú apa me:

«A adú moko!

A ayo me okpála toko
Ebhe gba ní-o.

A ko Ebhe na sangu,
a bhú ani ne imbilangú.

A ayo me okpála gie hení pi
ani, u manga ani.

A ko Ebhe na angu.

Aní kpekpeke, dudu ma ne
dudu ma!
A adú moko!»

¹³ Suka obhelesi okpála bhomu-o ayi ma me: «Okpála inde adyí obubu lobe-e, a ko oda? U ayie la di su?»

¹⁴ Ma agie pi ani me: «Bhele kpála-a, mu mbila hana.» Aní atsia apa mu ma me: «A ko okpála inde apu bhú 'ngbé likabhu na ngbéngbé-o. U avulú olobe gba o-o, u atsia aleke ne ngute Ndili Kandele-o ngubula me akolo bubu.

¹⁵ Ka 'ngú ango-o, u alulú kala kiti na ngámá gba Ebhe-o.

U ngamene kulu lio pi ani sukpe ne ngbikpi hana bhú 'ngbé 'ti gba ani-o.

Kpála inde adú pi kiti na ngámá-a adú bhú dabili bini ne uo ngú nalila uo.

¹⁶ U djé matá gumu belegu de bini, u djé di matá gumu 'ngu belegu de bini.

Ela, i dú di-e mangua kpá bili dho-ie tsúlu matá uo de.

¹⁷ Padhá de, anga Ndili Kandele inde alu kala kiti na ngámá-a adú maka mulila gba uo ngae.

Aní ató bhúla uo li bili li okpongu na mukobho nde lie-o.

Ebhe tsia kúo ngula sala uo hana.»

8

Ndili Kandølø-o asoko malika na mananika-o

¹ Nedhingga li Ndili Kandølø-o asoko malika na mananika-a lie, sukpe andjili abhúlá má bulu, masikpe de miniti ndjíkpa bata.

² Pipita-a, ma au oandjelu mananika inde alulu kala Ebhe-o. U aha ototi pi uo mananika.

³ Andjelu koko bini ago ala dengo misa natsulu mèngotsi pi Ebhe-o. A adu sakpa ani ne saani na olo ngú natsulu bandele. U aha bandele pi ani bhelé ngú napa me ani tsulu pi Ebhe bhú dabili bini ne omayo gba okpála gba Ebhe-o. Ani tsulu pi misa inde u abho e li olo-o. Misa ango-o adu kala kiti na ngámá-o.

⁴ Ngúwa bandele li andjelu-o adu atsulu e-e, a'e'e lie abhúlá bhú dabili bini ne omayo gba okpála gba Ebhe, anu a'u kala Ebhe.

⁵ Pipita-a, andjelu-o aha saani natsulu bandele-o. Ani abedhe ne djua inde adu oo-o, ani atsia abhike píla doto. Ekpí andjengene, mugbálá asula, adjigidjo adhika.

Ototi badha na kalanu-o asula

⁶ Abhomu-o, oandjelu mananika inde aholo ototi mananika-a aleke lio ngú na'u'u.

⁷ Andjelu na bini-e a'u toti gba e-o. Itimeli, ne djua bhú dabili bini ne ngáte abala píla doto. A tsia atsulu té doto di ne ondula. I du

me u nde agbo bhúsú doto di ne ondula hana bata-a, akunda napa me bini bhú káká atsulu bhomu-o ngae.

⁸ Pipita-a, andjelu na bhisi-e a'u toti gba e-o. Ehe bini maka 'ngbé 'ta djua ati bhú 'ngbé 'ngu. Engu agbo bhúsú e bata, bhe bini-e atsia adji lie ngáte.

⁹ Té ndu 'he li Ebhe abho e hana inde ngadu abhú 'ngbé 'ngu, bhú dabili bini ne ozabu-o atsia amu. U po bhúla ndu 'he inde li Ebhe abho e bhú 'ngbé 'ngu, u po di bhúla ozabu hana-a, u tsia gbo bhúsú bhúsú bata-a akunda napa me akpi bhomu-o ne bini bhú káká.

¹⁰ Abhomu-o, andjelu bhe na bata a'u toti gba e-o. 'Ngbé ikupala bini inde li zi e adu atsi maka zi 'ké na ngbéngbé ayie abhúlá, ati kuto. A atsia ati pi té ongade 'ngu di ne okpongu-o. I du me u nde apo bhúla ongade 'ngu di ne ondjingu hana-a, u tsia gbo bhúsú bhúsú bata-a, akunda napa me ati bhomu-o pi bini bhú káká.

¹¹ A adu 'li ikupala ango-o me «Ehe na susu.» Abhomu-o, té oengu-o akolo susu. Bhelé na okpála inde andji-e atsia amu, anga akolo susu.

¹² Pipita-a, andjelu na badha-a a'u toti gba e-o. A asu té ela ne té epe di ne té oikupala. I du me u nde agbo bhúsú ela ne epe di ne oikupala ne ndundundu bata-a, akunda napa me a asu bhomu-o bini bhú ká ndundu hana. A atsia abili

bhála uo hana li pápá bini bini. Zi ngbikpi du matá nasu libhomu de, abana di zi epe. I du me u nde agbo bhásu zi ngbikpi ne ndundundu bata, u gbo di bhásu zi epe ne ndundundu bata-a, akunda napa me bini bhá ká ndu uo bini bini hana du matá nasu-u de.

¹³ Pipita-a, ma atsia matá 'kpí, ma adje ndua bini me ani nde ngakodho 'kpí abhúlá tsutsu naali. Ani adu nasusula me: «A ko likabhu! A ko likabhu! A ko likabhu pi okpála na doto li oandjelu bata bhe koko a'u toti gba o-o lie ko.»

9

Andjelu na bhuluvue a'u toti gba e-o

¹ Abhomu-o, andjelu na bhuluvue a'u toti gba e-o. Ma au ikupala bini ayie abhúlá, ati píla doto. U atsia aha lifungula na 'bhé tsu 'dú-o* pi ikupala ang-o-o.

² Ikupala bhomu-o abhulu bhébhé. Ngúwa bini akoto bhábhá maka ngúwa na ndingidhi djua. Bhála ela ne bhála 'kpí atsia abili ka ngúwa ang-o-o má pi!

³ Omakilingbo aze bhá ngúwa bhomu, u atsia ayangba píla doto. U aha nani pi uo sili maka bhende gba oapekebhe. ⁴ U aha lili pi uo me u améne ulu sisiti de, u améne ondula sisiti de, u améne di ohe inde ngake bhá doto sisiti de. Engú bini,

u mene mangbo sisiti bha bini okpála bhende li kasé gba Ebhe-e nde pidi o ade-o.

⁵ U ha kpadji pi uo ngú nabhili okpála bhomu-o de, engú bini, u to mbolo li uo ngú epe bhuluvue. Mbolo ango-o adu ami li uo maka ngabhé apekebhe amimi lie me a nde adho kpála-o.

⁶ Bhá epe bhuluvue bhomu-o, okpála agíli kuo, engú bini, u úu de. U adu ne gamu namu, engú bini, kuo akpé de uo tsutsu.

⁷ Omakilingbo bhomu-o adu maka opunda inde bedhe ngú egú. A adu pi 'ndji uo ne ehe maka ndata na ngámá inde u abho e li olo. Bhála uo adu maka bhála okpála-kuti.

⁸ Sundjo adu bhá 'ndji uo ndjandjandja maka sundjo olisi. 'Te uo adu maka ote okingbi.

⁹ Mbulu uo adu mugito me u adyi téte bongo na kalase. Gili mbudha uo adu aú mugito me a ko gili bhti opunda inde adji bhá 'gú.

¹⁰ A adu li uo ne soso maka 'so apekebhe, atsia adu bhábhá ne sili inde u adu ato mbolo li okpála ne e ngubula epe bhuluvue-o.

¹¹ Ngámá gba uo adu ne andjelu na tsu 'dú. A adu 'li ani bhá eli gba omaYuda me: «Abadona.» Bhá eli gba oGiliki-e, a adu 'li ani me: «Apoliona.» A akunda napa me bhábhá nabhélé kuti.

¹² Likabhu na bini-e akodho 'kpí akodho. 'E-e!

* **9:1 9:1 Tsu 'dú:** A ko bili inde li osisiti bua ngadu li e.

Likabhu koko bhisi matá ngago pipita.

Andjelu na madhia a'u toti gba e-o

¹³ Pipita-a, andjelu na madhia a'u toti gba e-o. Ma adje eli ayie ne li odje misa natsulu bandele pi Ebhe-e badha hana. Misa ango-o adu kala Ebhe, u amene li olo.

¹⁴ Eli ma adje e apa pi andjelu na madhia inde adu ne toti sakpa e me: «Bhulu oandjelu badha inde u agbigbite o ne ekpu dengo ngade 'ngu na Efalate-o.»

¹⁵ U atsia abhulu oandjelu badha-o. Li nedhinga bhomu-o, bhú ekpí bhomu, bhú epe bhomu di ne kalanga bhomu-o, oandjelu bhomu-o adu nani bedhe ngú nabhili té okpála na doto. A akunda napa me, i bhaka okpála bata-a, u bhéle bini bhú ká uo.

¹⁶ U atsia apa di alo na osudha inde adu agu 'gú me u nde ne punda-a muma. A adu osudha kete ne kete.

¹⁷ Lele li opunda di ne osudha inde adu pi uo akoto li ma lie bhú 'he maka lotoo adu me: u adyidiyi om bulu bongo na kalase me a nde andjundju maka djua, bibili maka kokpi, a adu di ndjendje maka 'kpá bhugú. 'Ndji opunda ango-o adu maka ondji kingbi. Adu nazé bhú 'bhé uo ne djua, ne ngúwa di ne baluti.

¹⁸ Té okpála na doto atsia amu ka olikabhu bata inde adu aze bhú 'bhé opunda

bhomu-o. A akunda napa me okpála adu amu ka djua, ne ngúwa di ne baluti. I bhaka okpála bata-a, akunda napa me a bhéle kpála bini bhú ká uo.

¹⁹ Padhá de, anga angu opunda bhomu-o bhú 'bhé o di ne bhú 'so o, anga 'so uo mana kpulü. A tété ne 'ndji 'ndji inde u ngamene okpála ne e sisiti-o.

²⁰ Dú okpála bhe atigala-a, inde i mu ka olikabhu bata bhomu-o de-e, u dji bua o li nadhégé oehe inde u amene e ne 'kpa o-o de. U 'o nadhégé osisiti bua de, ne okulu 'he na olo ne aladja di ne bhe na kalase na kpéke mase, ne obhe na teme, i dà di-e obhe na ndula-a de. Okulu 'he ango-o u 'kpí de, u dje 'kpí de, u dhukü di-i de.

²¹ Okpála ango-o dji bua o li nabhili okpála de. U dji di bua o li kobha gba o-o de. U dji di bua o li namene zabhe gba o-o de. U dji di bua o li ezi gba o-o de.

10

Andjelu inde adu sakpa e ne mboye 'kpá balua-o

¹ Pipita-a, ma au andjelu koko bini na angu ayie abhúlá. Bongo gba ani-e adu maka ndindi, atsia abuku ani má bhelele! Makilima aga 'ndji ani ngbalina, bhúla ani adu maka ela. 'Dhu ani adu maka dingidhi djua.

² A adu sakpa ani ne mboye 'kpá balua inde u abhulu e mabhulu. Ani a'o 'dhú e na kokpa-a pi 'ngbé

'ngu, ani atsia a'o bhe na gali-e pí doto.

³ Ani asúla kkekpeke maka kingbi inde ngangulumba. Ani asúla lie, mugbálá mananika atsia asúla.

⁴ Ma di me ye engú inde li omugbálá mananika bhomu-o apa e bhú nasúla ka o-o. Engú bini, ma adje eli bini ayie abhúlá, atsia apa muma me: «Wo engú inde li omugbálá mananika bhomu-o apa e mawo. Mo oyé-e de.»

⁵ Abhomu-o, andjelu inde ma de au e me ani nde a'o 'dhú e bini pí 'ngbé 'ngu, koko pí doto-o a'e 'kpa e na kokpa-a ne bhúlá.

⁶ Ani atsia atú silika ne 'li Ebhe inde bhú mukobho duduuma ne duduuma-o, Ebhe inde abho kokpí di ne ndú 'he hana inde bhúbhú-o, abho doto di ne ndú 'he hana inde bhúbhú-o, inde abho 'ngbé 'ngu di ne ndú 'he hana inde bhúbhú-o. Andjelu angó-o apa me: «Nedhinga matá-a ade!»

⁷ Engú bini, nedhinga li andjelu na mananika-a ahólo na'u toti gba e lie, abhomu-o Ebhe tsia méne engú inde ani awo nani e ko. Ani améne maka ani apa nani pi obalise gba e opolofeta lie ko.»

⁸ Abhomu-o eli ma de adje iginí e ayie abhúlá-a apa matá muma me: «Nu ha mboye 'kpá balua inde abhulu lie mabhalu-o sakpa andjelu alá me ani nde a'o 'dhú e bini pí 'ngbé 'ngu, ne

koko pí doto ko.»

⁹ Ma atuto líma de andjelu-o. Ma atsia ayo ka ani me ani ha mboye 'kpá balua-a muma. Ani agie muma me: «Haha, amba mu zu. A adú bhú 'bhe mu kpikpili maka 'mu eú, la mo obhí lie, a adú bhú 'ndja mu susu.»

¹⁰ Ma aha mboye 'kpá balua sakpa andjelu-o, ma atsia azu. A adú bhú 'bhe ma kpikpili maka 'mu eú. Engú bini, ma azu lie, a adú bhú 'ndja ma susu.

¹¹ Abhomu-o, u atsia apa muma me: «A ayo matá me mu kpokpo 'ngú li Ebhe apa me ni améne e pi bhti okpála na ndú bili hana-o, engú ani apa me ni améne e pi bhti okongú, di ne pi bhti ongbengbe ongámási-o.»

11

Ebhe atima opolofeta bhisi

¹ Pipita-a, u aha mbamba muma bini. A adú maka ndula u apipima 'he ne e-o. U atsia apa muma me: «Nu pima 'ngbé 'ti Ebhe di ne misa natsulu enu pi Ebhe-o. Mu tsia ko di alo gba okpála inde ngadhegə Ebhe bhú 'ngbé 'ti gba ani-o.»

² Engú bini, 'o mbadhasu na 'ngbé 'ti Ebhe-e li ngongo. Mo opíma de, anga Ebhe apu nani bhobhomu-o pi okpála inde ne omaYuda ade-o. U adédele gudhá na bubu gba Ebhe-e ngubula epe ndijkpa badha ne ká bhisi.

³ Ma atíma obhūlū nakpo 'ngú gba ma bhisi-e me u nde adyi bongo na talia. Ma atíma uo ngú nakpokpo engú gba Ebhe. U akpókpo 'ngú angó-o ngübula ekpí kete bini, kámá bhisi ne ndjíkpa madhia.»

⁴ Obhūlū nakpokpo 'ngú bhisi bhomu-o, a ko ondula na olive bhisi di ne otala bhisi inde ngalū kala Ngámá na doto-o.

⁵ Lí kpála le namene uo sisiti-e, djua kóto bhú 'bhe uo, i tsia bhili obhūlū yala gba uo-o. A bhomu-o lele maka u abhéle bhūlū yala gba o lie-o.

⁶ A bhú uo ne angu nagbite kokpí ngübula me ebha adhí-i de, nakolo lí 'kpí inde u andjía nakpokpo engú gba Ebhe-e lie-o. A di bhú uo ne angu nadji engu me akolo ngute. A bhú uo ne angu natu pédjé pí doto me ndu olíkabhu ngangá mene doto lí ndu nedhinga hana inde u akanda lie.

⁷ Nedhinga u andjía nakpokpo 'ngú lí Ebhe atíma uo ne e lie, enu inde adu bhú tsu 'dú-o há 'gú ne uo. Ani há angu uo, ani tsia bhili uo.

⁸ Kuo uo atigala lí 'ngbé 'hi kpadjí na 'ngbé gudhú inde u agi nani Ngámá gba uo lie lí kulusi-o. U agisila lí gudhú angó-o 'ili. U agisila lili me Sodomo, i du di-e Edjipeto.

⁹ U zíba de me okpála zi kuo uo-o de. Okpála na ndu bili hana, ne ndu opiga hana, ne ndu okongú hana adu ago

natsia okuo uo ngú okpí bata ne ndundu.

¹⁰ Okpála na doto akpí djali li nakpi ka uo-o. U améne anokomia na djali, u tsia dú apu 'he súnda o. U améne mo-o anga opolofeta bhisi bhomu-o amene uo kpékpeke naali.

¹¹ Engú bini, pita ekpí bata ne ndundu bhomu-o, ewo bini na mukobho ayie agba Ebhe ali bhú uo, u atsia ayie abhúlá. Abhomu-o, 'ngbé tsulú na ngbéngbé atí pí okpála bhende adu natsia uo-o.

¹² Opolofeta bhisi bhomu-o atsia adje eli na kpékpeke inde ayie abhúlá. Eli angó-o apa pi uo me: «Yi 'u ei!» U atsia a'uh abhúlá bhú ndindi me obhūlū yala gba uo nde ngatsia uo.

¹³ Bha bhú nedhinga bhomu-o, kpéke adjigidjo adyiki bili, té gudhú-o atuko. I du me u nde agbo bhusu gudhú-o ne ndundundu ndjíkpa-a, akunda napa me adjigidjo bhomu-o adyiki bini bhú káká. Abhomu-o, okpála kete mananika amu ka adjigidjo angó-o. Obhe atigala-a, tsulú abedhe uo bedhe. U atsia adhégé Ebhe inde abhúlá-o.

¹⁴ Likabhu bhe na bhisi-e akodho 'kpí akodho. 'E-e! Bhe na bata agó mbia inde?

Andjelu na mananika-a a'u toti gba e-o

¹⁵ Abhomu-o, andjelu na mananika-a a'u toti gba e-o. Oandjelu atsia asúla abhúlá kpekpeke me:

«Nau na doto ibili sakpa
ngámá gba ya,
ne Masiya gba e-o.

Ngámá gba ya-a aú duduma
ne duduma!»

16 Obhelesi okpála ndjíkpa
bhisi ne ká badha inde adulu
pí odabili na ngámá gba o
kala Ebhe-e atutu bhúla o ne
kuto. U atsia adhóge Ebhe,
17 u apa me:

«Ebhe Ngámá Apí 'Kpí
ngamu kpála inde uu,
inde adu di nani uu,
ya ngatoko mu,
anga mo opana angu
gba mu,

ndu 'ngú hana agie lie sakpa
mu.

Mo otsia au ngámá pépé.

18 Opiga na doto azi nani
mbutu li mu naali,
la mbia inde-e,
ke 'ngú gba mu-o ago pí
uo ago.

Nedhinga nakodho 'ngú gba
okpála inde amu-o
akolo.

A ko nedhinga inde mo
ogie bádha 'ngú lie
pi obalise gba mu opolofeta
di ne ndu okpála gba
mu-o hana,
inde di ngamanga mu,
ongbengbengbe ne
odjedjedje-o.

A ko nedhinga ngú nabhilli
obhe ngabhéle doto-
o.»

19 Abhomu-o, 'ngbé 'ti
Ebhe inde abhúlá-a abhulu
lie, u atsia au sanduku na
gandja-o.* Ekpí andjengene,
mugbálá asúla, adjigidjo di

ne itimeli na kpekpeke ad-
hika.

12

*Engú na ngangamba inde
abhaka olø inde adu nazu*

¹ Pipita-a, ma au engú bini
na ngangamba ngamene lie
abhúlá: a adu olø bini inde
adyi li kute e ela. Epe adu
sa 'dhú ani. A adu bhú 'ndji
ani ne ndata na ngámá inde
li e ne oikupala ndjíkpa ne
ká bhisi.

² Olø ango-o adu ne ebhi.
Nedhinga ani adu adjeke
nazu lie, ani adu natu 'ue ka
nazu ka bhú 'bu e-o.

³ Engú na ngangamba
koko amene matá lie abhúlá:
a adu 'ngbé kpulú na
ngbéngbé. Kute ani adu
mbembe má ngua! A adu li
ani ne ondji 'ndji mananika,
di ne odidi ndjíkpa. A adu pí
ndu ondji ani hana ne ndata
na ngámá.

⁴ Ani apo té oikupala ne
'so e, ani atsia abala uo kuto.
A akunda napa me u po
bhúla ndu oikupala hana-a,
u tsia gbo bhúsú bhúsú bata-
a, ani abala kuto bhomu-o
bini bhú káká. Ani atsia anu
alü kala olø inde adu akunda
nazu-o ngubula me, ni zu
ndili li olø bhomu-o azú e
bha li nedhinga nakoto ka
ani-o.

⁵ Abhomu-o, olø-o azu
ndili na bhabhoko. Ani aú
pí 'ndji ndu opiga hana ne
angu. Kolo me-e, u atsia
a'e ndili bhomu-o anu ne ani

* 11:19 11:19 **Sanduku na gandja:** A ko sanduku inde u abu nani opapala
teme inde u aye olíli ndjíkpa gba Ebhe-e bhú e-o.

dengo Ebhe, di ne dengo kiti na ngámá gba ani-o.

⁶ Ólə-o atsia akpe abhú 'gu li bili inde li Ebhe aleke nani e pi ani, ngú napa me ni ku ani ngubula ekpí kete bini, kámá bhisi ne ndjikpa madhia-o.

⁷ Abhomu-o, gbele aka abhúlá. Mikaele ne oandjelu gba e agú 'ngbé kpulu-o. Kpulu anglo-o atsia aholo di gbele bhú dabili bini ne oandjelu gba e-o.

⁸ Engú bini, Mikaele ne oandjelu gba e agboko egú-o. Kaka-a, 'ngbé kpulu-o ne oandjelu gba e sia matá bili da nadú abhúlá de.

⁹ U atsia abhike 'ngbé kpulu-o kilidjo. A ko kpulu na didili, inde u nga'i e me Djabulu, i du di-e Satana, bhulu napite okpála na doto libhomu-o. U abhike ani kuto bhú dabili bini ne oandjelu gba e-o.

¹⁰ Pipita-a, ma adje kpéké eli bini ayie abhúlá. Eli anglo-o adu apa me:

«Nedhinga li Ebhe gba ní-e ngakobho okpála lie akolo!

Mbia inde-e, Ebhe gba ní-e asuno angu gba e me ni ne ngbé Ngámá-a asuno!

Mbia inde-e, angu sakpa Masiya gba ani-o.

Padhá de, angu u abhike bhulu napa 'ngú li ondaise ní-e akilidjo, ngaani kpála inde adu apa 'ngú li uo pi Ebhe gba ní-e ngbikpi ne sukpe-o.

¹¹ Ondaise ní aha angu ani ka ngute gba Ndili Kandélé di ne ka nakpokpo 'li Ebhe pi okpála. U kpe kuo de, u atsia atse 'kpa li mukobho gba o ngubula me o mumu.

¹² Kaka-a, ne kokpí ne yi okpála inde ngadulu bhábhú hana-a, yi du bhú djali!

A ko la mangua likabhu dho pi yi okpála inde ngadulu píla doto ne yi obhe ngadulu bhú 'ngbé 'ngu-o, anga djabulu aké agba yi aké.

Ani abedhe ne egú bedhe, anga ani mbila hana me nedhinga atigala pi ni bedi.»

¹³ Li 'ngbé kpulu-o au lie me u abhike ni kuto abhike-e, ani aholo nabhike ele inde azu iginí ndili na bhobhoko bhomu-o.

¹⁴ Engú bini, u aha mbudha 'ngbé ndua pi ele bhomu-o ngú napa me ani 'ulu, amba ani nu du li bili inde u aleke e pi ani abhú 'gu-o. U atsia adu akú ani oo ngubula kalanga bata ne ndundu me 'ngbé kpulu-o nde to mbolo li ani de.

¹⁵ Abhomu-o, kpulu-o atsia azie engu bhelé nganda ele-o maka ngade 'ngu, da napa me akpe ne ani.

¹⁶ Engú bini, doto ago ateteke ele-o. Doto abhulu 'bhé e, atsia abhi engu li 'ngbé kpulu-o azie e-o.

¹⁷ Li bua kpulu-o ake lie ne ele-o, ani anu aha 'gú ne dù ongisi gba ele-o, obhende ngamanga Ebhe inde di ngalila kukulu 'ngú inde li Yesu ambamba ta e-o.

¹⁸ Pipita-a, 'ngbé kpulu-o anu adu pi sike lingo 'ngbé 'ngu.

13

'Ngbé kpulu-o aha angu gba e pi nute koko

¹ Pipita-a, ma au enu bini ngakoto abhú 'ngbé 'ngu. 'Di ani adu ndjikpa, 'ndji ani adu mananika. Ani adyi ndata na ngámá ne ndu odi e hana. Ani atsia adyi di o'ilí nasobho Ebhe ne pi 'ndji e hana.

² Enu inde ma au e adu maka sia. Odhu ani adu maka bhe gba onute, 'bhe ani adu maka 'bhe kingbi. 'Ngbé kpulu-o aha angu na ngbéngbé gba e pi enu-o. Enu-o atsia adu pi kitu na ngámá gba ani-o.

³ Suka ondji ani adu mugito me u abi eka bhe na mugwe mugwe, engú bini eka na mugwe mugwe angoo atsia ambe. Engú bhomu-o atsia angamba okpála na doto libhomu. Kaka-a, u atsia akpata enu bhomu-o.

⁴ Ndù okpála hana atsia aholo nadhége 'ngbé kpulu-o, anga ani aha angu pi enu-o. Ndù okpála hana adhége di enu-o ne napa me: «A ko da inde maka enu inde? Ati da nagu ani da?»

⁵ U aha nani kpadji pi enu bhomu-o me ani du

napa oeli na 'ngbé 'ndji, amba ani du di nasobho Ebhe. U aha angu pi ani ngú namene engú bhomu-o ngú epe ndjikpa badha ne ká bhisi.

⁶ Ani aholo napa osisiti 'ngú li Ebhe, ne nasobho 'li ani di ne nasobho bili inde ani adudu li e, di ne okpála hana inde adudu abhúlá-o.

⁷ U aha kpadji pi ani me ani gu okpála gba Ebhe di ne naha angu uo. U aha angu pi ani pi 'ndji okpála na ndu bili hana, ne ndu opiga hana, ne ndu okongú hana.

⁸ Ndù okpála na pila doto hana inde u ye nani 'li o bhú bhuku na mukobho-o de-e, adhége ani. Bhukuango-o, a ko bhe gba Ndili Kandele inde u abhele e-o. U ye nani 'li uo bhúbhú de, nayie maka li Ebhe abho doto lie-o.

⁹ Yi dje ndjindji, i du me a nde li yi ne djedje nadje 'kpí ko.

¹⁰ Kpála inde ayo me ani nu bhú tikpu-o,
anu bha bhú tikpu.

Kpála inde ayo me ani kpi li mbotia-a,
akpí bha li mbotia.

Kaka-a, a ayo me okpála gba Ebhe-e du ne 'ndjá bua,
di ne nabhuka .

Enu koko akoto bhú doto

¹¹ Pipita-a, ma au enu koko ngakoto bhú doto. Adu bhú 'ndji ani ne didi bhisi maka ndili kandele. Ani atsia adu agama 'ngú maka 'ngbé kpulu.

¹² A adu di bhú ani ne angu maka angu inde adu bhú enu bhende akoto bhú 'ngbé 'ngu-o. Ani adu amene 'he ne di kala enu bhe na 'ngbé 'ngu-o. Ani adu apa pi ndu okpála na doto hana me, u dhégo enu na 'ngbé 'ngu li eka na mugwe mugwe gba e ambe-o.

¹³ Enu bhe na bhisi inde-e adu amene ongamba 'ngú na ngbengbengbe. Ani adu belegu nagbele djua nayie abhúlá nake pi doto. Ani adu amemene li djila ndu okpála hana.

¹⁴ Ani adu apipite ndu okpála na píla doto hana inde u ye nani 'li o bhú bhuku na mokobho-o de-o. Ani adu apipite uo ne ongamba 'ngú inde ani adu amene e li djila enu na 'ngbé 'ngu-o. Ani adu akata uo me u bho kulu enu inde abi nako eka na mugwe mugwe li mbotia, eka ango-o atsia ambe-o.

¹⁵ Enu na bhisi-e asia angu ngú nato ewo bhú kulu enu na bini-o, ngubula me a du nagama 'ngú, amba a du nabhili ndu okpála hana inde i dhégo ni de-o.

¹⁶ Enu ango-o aye tele li ndu okpála hana. Ani aye li okpála koko li 'kpa o na kokpa, ani aye li okpála koko pidi o, abana i du mboye ndili, abana i du bhele kpála, abana i du bhulú ndibhili, abana i du bali, abana i du kpála inde bhú bali ade.

¹⁷ Kpála bini ti da nakala 'he de, i du di-e natsindji 'he

de, i du me tele nde li kute ani ade-o. Tele ango-o, a ko 'li enu bhomu, i du di-e alo na 'li ani-o.

¹⁸ A inde-e nedhinga inde ayo ne imbilangú. Kpála inde ne imbilangú-o tí da nambila ta alo gba enu-o, anga alo ango-o viti bini ne 'li kpála-kuti. Alo ango-o kámá madhia, ndjikpa madhia ne ká madhia.

14

Okpála inde li Ndili Kandélé-o akala o

¹ Ma atsia matá 'kpí, ma au Ndili Kandélé-o me ani nde alu pi eta na Siona. Okpála kete kámá bini, ndjikpa badha ne ká badha inde u aye 'li Ndili Kandélé di ne 'li 'Dyi ani pidi o alulú de ani.

² Pipita-a, ma adje eli ayie abhúlá. Eli ango-o adu mugito me a ko gili wowo 'ngu, maka gili mugbálá na kpekpeke. Eli inde ma adje e adu maka gili dumu, nedhinga li obhubhulu-o abhibhi lie-o.

³ Bhiti okpála bhomu-o adu ali etsi na mbia kala kitin na ngamá, di ne kala okpála badha na ngangamba ne obhelesi okpála-o. Kpála bini ti da nale etsi ango-o de, bha bini okpála kete kámá bini, ndjikpa badha ne ká badha li Ndili Kandélé-o akala o píla doto-o.

⁴ Ngauo-o, u siti lio ne olisi de. U alila lio bubu kala Ebhe. U ngakpata Ndili Kandélé-o ne ndu bili hana ani nganu li e-o. Ani akala

nani uo bhú ká okpála-kuti ngubula napu uo pi Ebhe di ne pi e bhúbhulu maka gina ngua.

⁵ Eu koto nani bhú 'bhe uo belegu de bini. Engú na sisiti napapa li uo ade.

Oandjelu bata akpokpo 'ngú pindji lele maka li Ebhe akódho 'ngú lie-o

⁶ Pipita-a, ma au andjelu koko. Ani adu akodho 'kpí abhúlá tsutsu naali maka edhu. Adu ka ani ne Bádha Ngali na dudu'ma inde ani adu akpokpo e pi okpála na píla doto, okpála na ndu bili hana, ne ndu opiga hana, ne ndu okongú hana.

⁷ Ani adu nasusula kpekpeke me: «Yi kpe Ebhe, amba yi dhége di ani! Padhá de, anga nedhinga me ani kodho 'ngú gba okpála na doto akolo. Yi dhége kpála inde abho kokpí ne doto ne 'ngbé 'ngu di ne okpongu-o.»

⁸ Pipita-a, andjelu na bhisi-e akpata bhe na kalanu-o. Ani adu apa me: «Babilona na ngbéngbé-e ati! A ati na paká paká! Ani ase ndu opiga hana ne siti vino gba e-o. Vino ango-o, a ko zabhe inde ani ngamene e-o!»

⁹ Pipita-a, andjelu na bata akpata obhe bhisi bhomu-o. Ani adu asusula me: «Li kpála dhége enu-o, ne kulu ani-e, li u aye di tele gba enu-o pidi e, i du di-e li 'kpa e,

¹⁰ kpála ango-o ndjí bhadi vino na ke 'ngú gba Ebhe-o! Ebhe atúko ngili vino ango-o

bhú kópo na ke 'ngú gba e-o! Ngua kpála bhomu-o asia likabhu bhú djua na baluti kala oandjelu na bububu di ne kala Ndilí Kandele-o.

¹¹ Ngúwa na djua inde ngato mbolo li uo-o nga'u abhúlá ndu 'kpí hana. Ndu okpála hana inde ngadhége enu, inde di ngadhége kulu ani, inde u aye tele gba ani-e li o-o, ngazu likabhu ngbikpi ne sukpe. U guguo de.»

¹² Kaka-a, a ayo me okpála gba Ebhe inde ngakpata lili gba ani-e, inde di ngalila nabhuka gba o bhú Yesu-o du ne 'ndjá bua.

¹³ Pipita-a, ma adje eli bini ayie abhúlá, a atsia apa mu'ma me: «Ye me: <A ko djali pi okpála inde amu nayie pi mbia inde-e me u nde abhuka Ngámá-o!> Bu Bhopua apa me: <A na paká, u guo ka bhti kulu u amene e guguo. Padhá de, anga kulu gba uo-o ngakpata uo.>»

Nedhinga na'e nguwa na píla doto

¹⁴ Pipita-a, ma atsia matá 'kpí, ma au ndindi bini na bubu. A adu pi ndindi angoo ne ehe maka kpála. A adu pi 'ndji ani ne ndata na ngámá inde u abho e li olo. A adu sakpa ani ne dhádha bini na dhedhe.[†]

¹⁵ Abhomu-o, andjelu koko bini akoto bhú 'ngbé 'ti Ebhe inde abhúlá-o. Ani atsia asula pi kpála inde adu pi ndindi-e me: «Ha dhádha gba mu-o, amba mu holo

[†] **14:14 14:14** Tsia bhú Dan. 7:13.

na'e nguwa abhiye. Padhá de, anga nedhingga na'e'e-e akolo. Nguwa na píla doto abhele ngú nakoko abhele!»

¹⁶ Abhomu-o, kpála inde adu pí ndindi-e apu ne dhádha gba e píla doto. Nguwa na píla doto atsia a'e lie.

¹⁷ Pipita-a, andjelu koko akoto bhú 'ngbé 'ti Ebhe inde abhálá-o. A adu di ka ani ne dhádha na dhédhé.

¹⁸ Pipita-a, andjelu koko akoto li bili natsulu enu pi Ebhe-o. A adu bhú ani ne angu pí djua. Ani asula pi bhe adu ne dhé dhádha sakpa e me: «Ha dhé dhádha gba mu-o, amba mu ko vino inde píla doto-o nedí. Lílí-e ambe.»

¹⁹ Andjelu-o atsia apu ne dhádha gba e píla doto. Ani atsia ako vino na píla doto-o. Ani atsia abu bhú 'ngbé ngbengelé na ke 'ngú gba Ebhe-o.

²⁰ U agbe ngbengelé-o bhú gudhu-o kilidjo, u atsia api lí vino-o. Abhomu-o, ngute atsia aze bhú ngbengelé-o. Ngute ango-o anu a'u nakolo li 'bhe opunda. A atsia ayangba masikpe de kilometre kámá bata.

15

Oandjelu mananika ago ne olikabhu mananika

¹ Pipita-a, ma atsia 'kpí, ma au matá engú na ngangamba koko akoto abhálá. A adu engú na ngbengbé inde di na tsulu tsulu. Ma au oandjelu

mananika, a adu sakpa uo ne gba olikabhu mananika. Pipita-a, likabhu koko matá ade, anga a ngasuno ke 'ngú inde li Ebhe apuna e li soso-o ngae.

² Pipita-a, ma au ehe bini maka 'ngbé 'ngu i mana bitolobi, a atsia amata lie ne djua. Ndú okpála hana inde aha naní angu enu-o, inde aha di angu kulu ani bhú dabili bini ne alo inde ngasuno 'li ani-e, alála pí 'ngbé 'ngu ango-o. A adu sakpa uo ne odumu li Ebhe aha e pi uo-o.

³ U adu ali etsi gba Moidje , bali gba Ebhe-o, di ne etsi gba Ndili Kandele-o . Etsi ango-o adu me:

«Ebhe Ngámá Apí 'Kpí,
okulu gba mu-o ngbeng-
bengbe.

A di na ngangamba.

'Ngbé Ngámá gba
okpála,
okpadji gba mu-o ne
okukulu kpadji,
a la di ngbingbili.

⁴ A mánga mu de da, Ngámá?
A adhégo mu de da?

Padhá de, anga mu bubu
ngamu kpi mu kpi.

Ndu opiga hana agó
atutu lipuku o kala
mu.

Padhá de, anga mo opana
ngbili 'ngú gba mu-o
pi uo apana.»

⁵ Pipita-a, ma atsia 'kpí, ma au 'ngbé 'ti Ebhe inde abhálá-a abhulu lie. A adu bhúbhú ne 'ti ngbangbali li Ebhe adu asuno lie bhú e-o.

⁶ Abhomu-o, oandjelu mananika inde adu ne gba olíkabhu mananika sakpa o-o akoto bhú 'ngbe 'ti Ebhe-o. U adyidiyi obongo inde na kpéke mase,* inde avuvu má tuu tuu! U agbigbite di mbulu o ne mukabha na olo.

⁷ Suka okpála badha na ngangamba-a aha kópo na olo mananika pi oandjelu mananika-o. Okópo angoo adu bedhe bedhe ne oke 'ngú gba Ebhe inde bhú mukobho duduma ne duduma-o.

⁸ Abhomu-o, 'ngbe 'ti Ebhe-e abedhe ne ngúwa bedhe ka zi Ebhe di ne angu gba ani-o. Kaka-a, kpála bini ti da nali bhú 'ngbe 'ti Ebhe-e de, nakolo li nedhinga li olíkabhu mananika li oandjelu-o adu ne e amene lie lie-o.

16

Okópo na ke 'ngú gba Ebhe

¹ Pipita-a, ma adje kpéke eli ayie ne bhú 'ngbe 'ti Ebhe . Eli angoo apa pi oandjelu mananika-a me: «Yi nunu, amba yi tuko okópo na ke 'ngú mananika gba Ebhe-e pila doto!»

² Andjelu na bini-e anu, an*i* atsia atuko ke 'ngú inde adu bhú kópo gba e pila doto. Abhomu-o, oeka na sisiti, inde di nake make atsia aze li kute ndu okpála hana inde adu ne tele gba

enu-o, inde adu di natoko kulu ani-o.

³ Andjelu na bhisi-e atuko ke 'ngú inde adu bhú kópo gba e pi 'ngbe 'ngu. 'Ngbe 'ngu-o akolo maka ngute kpála inde akpi. Abhomu-o, ndu ohe hana inde adu bhú 'ngbe 'ngu-o me a nde uu-o atsia amu.

⁴ Andjelu na bata-a atuko ke 'ngú inde adu bhú kópo gba e bhú ongade 'ngu, ne bhú okpongu. A atsia adji lie ngute.

⁵ Ma atsia adje andjelu inde adu ne angu pi ongu-o ngapa me:

«Ngamu kpála na bubu, inde uu, inde adu di nani uu-o, mu ne ngibili kpála , anga mo opana ngibili 'ngú gba mu-o.

⁶ Padhá de, anga okpála abhili okpála gba mu-o di ne opolofeta .

Mo oha bhadi pi uo ngute me u ndji.

U asia engú inde ati ne uo-o!»

⁷ Pipita-a, ma adje eli akoto pi misa natsulu mangotsi pi Ebhe-o. Eli angoo apa me:

«A ko paká, Ebhe Ngámá Apí 'Kpí,

ndu 'ngú mo okodho e hana-a, mo okodho li lelele, a la bhadi ngingbili.»

⁸ Andjelu na badha-a atuko ke 'ngú inde adu bhú kópo gba e pila ela. An*i* atsia

* 15:6 15:6 **Bongo na kpéke mase:** U abho nani bongo angoo li lene.

aha kpadji pi ela me a atsulu okpála ne djua gba e-o.

⁹ Abhomu-o, bili akpa na mágwe mágwe, okpála atsia atsulu kaka. U asobho 'li Ebhe inde adu bhú e ne angu ngú natima ngua oke 'ngú bhomu-o. Engú bini, u dji bua o ngú nadhögé Ebhe de.

¹⁰ Andjelu na bhuluvue atuko ke 'ngú inde adu bhú kópo gba e pi kiti na ngámá li enu-o adu nadu pi e-o. Abhomu-o, biti agba kuti- ngámá gba enu-o. Okpála atsia adu nazu 'mi o ka likabhu.

¹¹ U adu asobho 'li Ebhe abhúlá ka olíkabhu gba o di ne ka oeka inde adu li uo-o. Engú bini, u dji bua o li osisiti 'ngú inde u adu namene e de.

¹² Andjelu na madhia-a atuko ke 'ngú inde adu bhú kópo gba e pi ngade 'ngu na Efalata. Engu-o atsia a'lu hana ngú naka kpadji pi ongámási inde ngayie ne ndjongo-o.

¹³ Abhomu-o, ma au osisiti bua bata ngakoto bhú 'bhé 'ngbé kpulu-o ne bhú 'bhé enu-o, di ne bhú 'bhé polofeta na eu-o. Osisiti bua ango-o adu maka omabi-anga.

¹⁴ A ko osisiti bua inde li djabulu atima o-o. U adu amene ongamba 'ngú . U adu nanu agba ongbengbe ongámási na doto libhomu ngú napo bhúla uo ngubula gbele na 'ngbé 'kpí gba Ebhe Apí 'Kpí-o.

¹⁵ Ngámá Yesu apa me:

«Tsitsia! Ma ngago maka bhulü 'zi! A ko djali pi kpála inde li zukü, inde ngalila obongo gba e li kute e ngú napa me ni aná ndumbu de, me ni asia námu de ka nakoto bhú djila okpála ndumbu-o.»

¹⁶ Osisiti bua apo bhúla ongbengbe ongámási li bili inde u a'i e bhú eli gba omaYuda me Alamagedo.

¹⁷ Andjelu na mananika-a atuko ke 'ngú inde adu bhú kópo gba e atu 'kpí. Kpéke eli bini atsia akoto abhú 'ngbé 'ti Ebhe. A ayie li pápá na kiti na ngámá-o. A apa me: «A amene lie amene!»

¹⁸ Abhomu-o, ekpi andjengene, mugbálá asula, adjigidjo na kpekpeke adhika. Ngua 'ngú bhomu-o mene nga nani lie kalanu de, nayie maka li Ebhe abho kpála píla doto lie-o!

¹⁹ 'Ngbé gudhu na Babilona agugumü bhusu e ne ndundundu bata. Abhomu-o, ndu ogudhu na okuti hana atuko kuto. Abhomu-o, Ebhe atsia a'o nga la 'to e 'to 'ngbé gudhu na Babilona. Ani atsia aha pi ani kópo na vino na ke 'ngú gba e na sisiti inde adu adula bhú e madula me ani ndji.

²⁰ Ndu okpeme hana atsia angita, ndu oeta hana atsia angita di.

²¹ Ongbengbe itimeli na titili masikpe de kilo ndjikpa badha atsia abala pi okpála. Abhomu-o, okpála atsia asobho Ebhe ka likabhu

na itimeli-o. Padhá de, anga likabhu ango-o adu kpekpeke na kuo kuo.

17

Nakodho 'ngú gba okpála na Babilona

¹ Abhomu-o, suka oandjelu mananika inde i de ne okópo na ke 'ngu-o sakpa o ago apa muma me: «Gogo, ma asúno pi mu lele maka li Ebhe akodho 'ngú gba 'ngbé bhuluh zabhe-e lie-o. A ko 'ngbé gudhu inde u ayiki e lingo ongbengbe ongade 'ngu bheldé.

² Ongbengbe ongámási na doto amene zabhe ne ani. Okpála na doto atsia alangba ne vino gba ani na zabhe-o.»

³ Abhomu-o, Bu Bhopua abedhe ma, Andjelu-o atsia anu ne ma abhu mili bili, Ma au ele bini inde adu pi enu na mbembe má ngua! Enu ango-o abuku kute e libhomu ne o'ili inde ngasobho Ebhe, 'ndji 'ndji adu li ani mananika di ne didi ndjikpa.

⁴ Ólø ango-o adyi obongo na mbembembe na tia naali. Ani atsia adyi omagege na olo ne obhe na teme na mase naali di ne omayaka li kute e bedhe. A adu sakpa ani ne kópo na olo inde abedhe ne zibotu bhú e bedhe ka zabhe gba ani-o.

⁵ U aye pidi ani 'ili bini inde li ta e awo lie mawo. 'Hí ango-o me: «BABILONA NA NGBÉNGBÉ, 'HI OBHULU ZABHE DI NE OSISITI 'NGU NA DOTO-O.»

⁶ Ma au me ele ango-o alangba ne ngute okpála gba

Ebhe-o, ngute obhe u abhili o ka u abhuka Yesu lie-o. Ma au ani lie, ma angamba naali.

⁷ Abhomu-o, andjelu-o apa muma me: «Mu ngangamba ka ni? Ngama-a, ma ambamba ta 'ngu gba ele bhomu-o ne enu inde abi ani-e pi mu, enu inde li e ne 'ndji 'ndji mananika di ne odidi ndjikpa-o.

⁸ Enu inde mo ou e bhomu-o, adu nani téte. La-a, ani matá ade. Ani akoto bhú tsu 'dú-o, ani tsia nu bhú ngita gba e-o. Okpála na doto inde u ye nani 'li o bhú bhuku na mukobho-o de nayie maka nani li Ebhe abho doto lie, angamba li nau enu-o. Padhá de, anga ani adu nani téte, la-a ani matá ade. Engú bini, ani akoto matá ne toto.

⁹ A ayo mbia inde-e nadu ne imbilangú di ne bua nakpokpo kú 'ngu. Ondji 'ndji mananika-a, a ko oeta mananika inde li ele-o ngadu pi e-o. A ko di ongbengbe ongámási mananika-o.

¹⁰ Obhe bhuluvue bhú ká uo-o, kulu gba uo-o andjia, bhe na madhia ngabha bhú kulu, bhe na mananika-a go nga de. Ani agó lie, ani améne bha nedhinga masudha.

¹¹ Enu inde adu nako téte, inde matá téte ade bhomu-o, ngaani makpe-e, a ko 'ngbé ngamá na madjina. Ani bhú ká ongbengbe ongámási mananika-o. Ani adjí bhú ngita gba e-o.

¹² Odidi ndjikpa inde mo ou e bhomu-o, a ko ongbengbe ongámási ndjikpa inde i 'u nga pí kiti na ngámá de-o. Engú bini, u asia angu ngú na bhú dabili bini ne enu-o ngú saa bini.

¹³ Ndu ongámási ndjikpa bhomu-o hana bha ne koli mabhundja bini. U ne gümü na ha angu di ne ngámá gba o ngú namene kulu lio pi enu-o.

¹⁴ U agú gbele ne Ndili Kandele-o , la-a, Ndili Kandele-o ahá angu uo. Padhá de, anga a ko Ngámá gba ongámási, a ko 'Ngbé Ngámá gba ongbengbe ongámási. Omaha Ndili Kandele inde ani a'i o-o, ani atsia alo o-o, u ahá bhadi angu uo bhú dabili bini ne ani. U ngakpata Ndili Kandele-o ne bua o bini.»

¹⁵ Pipita-a, andjelu-o apa matá muma me: «Oengu inde mo ou e li bili inde li ele na zabhe alu li e bhomu-o, a ko okpála na ndu bili hana, a ko bhti okpála, a ko opiga di ne okongú.

¹⁶ Odi 'nu ndjikpa ne enu inde mo ou e bhomu-o, ayála ele na zabhe-o. U bhá 'he li ani hana, u a'ó ká ani ndumbu, u azú mbiliká ani, u tsia bú dú ani bhú djua.

¹⁷ Padhá de, anga Ebhe a'o li bua uo me u mene mukunda gba ani-o. U améne ne bua bini me o ha angu na ngámá gba o me o mene kulu lio nedhi ngú li Ebhe améne lie lie-o.

¹⁸ La di-e, ele inde mo ou e-e, a ko 'ngbé gudhu inde ngaú pí ongámási na doto-o.»

18

Nati ka gudhu na Babilona

¹ Pipita-a, ma au andjelu koko ayie abhúlá ngaké kuto. A adu bhú ani ne angu na ngbéngbé. Abhomu-o zi ani abha doto libhomu.

² Ani asula kpekpeke me: «'Ngbé Babilona ati-e ngae! 'Ngbé Babilona ati-e ngae!

A akolo ibili bili li odjabulú ngadulú li e, bili inde li ndu osisiti bua hana ngadulú li e.

A bhomu-o bili li odhu ne onu inde kala Ebhe sisisi-e ngadulú li e-o.

³ Padhá de, anga ndu okpála na doto hana andji siti zabhe gba ani-e maka okpála andjindji vino lie-o.

Ongbengbe ongámási na doto amene zabhe ne ani, obhulú natsindji 'he na píla doto atsia akpo di li angu na bhti tia gba ani-o.»

⁴ Pipita-a, ma adje eli koko ayie abhúlá. A adu apa me: «Ngayi okpála gba ma-a, yi ze bhú Babilona zeze, amba yi améne siti 'ngú bhú dabili bini ne ani de,

ngú napa me yi asia olíkabhu inde abháka ani-e bhú dabili bini ne ani de.

5 Padhá de, anga osisiti 'ngú gba ani-e apo 'ta e akolo makolo abhélá.

Ebhe atsia abhundja osisiti 'ngú gba ani-o.

6 Yi mene ani maka ani amene okpála koko lie-o.

Yi gie siti 'ngú ani amene e pi ani bhutsibhutsi bhisi.

Yi ha pandi inde ane bhe gba ani-e ne kpéke bhutsibhutsi bhisi-e pi ani bhú kópo inde ani adú a'o pandi gba e bhú 'bhe okpála ne e ko.

7 Ani adú akpi ndjili naali bhú asasaua na tia gba e-o.

Kaka-a, yi gie di likabhu ne mulopolo pi ani li lelele.

Padhá de, anga ani ngapa li bua e me:

«Ma adú pi kiti na ele gba ngámá, ma ne eke ade,

ma adú galikpe bhú talia de.»

8 Kaka-a, ndú okpekpeke da 'ngú inde a'o lie pi ani-e agó galikpe atí pi ani li koli 'kpí bini ndündú hana.

Okpekpeke da 'ngú angoo ngae inde: nakpi ka okpála, talia di ne gümü,

li djua tsia tsúlu di ani hana má kpékébhé!

Padhá de, anga Ngámá Ebhe inde akodho 'ngú gba ani-e, ne kpála na angu.»

9 Abhomu-o, ongbengbe ongámási na doto inde-e

amene zabhe bhú dabili bini ne ani. U akpi ndjili ne ani li bhti tia gba ani-o. Li u aú ngúwa djua atsúlu ani-e lie, u kú 'gbá, u tsia lópolo di lio ngú ani.

10 U alálá de ani tsutsu ka nakpe likabhu inde abhaka ani-o. U tsia pá me:

«A ko likabhu na ngbéngbé pi mu, Babilona!

Mu ne 'ngbé gudhu, mu la di ne angu.

La-a, Ebhe akodho 'ngú gba mu-o bha bhú saa bini padhá!»

11 Obhálu natsindji 'he di ngaku 'gbá, uo di bhú talia li 'ngú gba ani-o. Padhá de, anga kpála bini ngakala matá ehe gba uo-o ade.

12 Abana i du di-e olo, ne oaladja, ne oteme na mase ne omayaka, kpála bini ngakakala ade. Abana i du obongo na kpéke mase, ne ombembe obongo na zizi, ne obongo inde u abho e li dele gba okeké, kpála bini ngakakala ade. Abana i du ndú djua ondula na babadha sese hana, abana i du ndú djua oehe inde u abho e li 'te 'ya hana di ne obhe u abho e li ondula na mase hana, ne obhe u abho e li teme, kpála bini ngakakala ade. Abana i du di-e ndú djua kalase hana, kpála bini ngakakala ade.

13 Abana i du oehe ne okpálá koko inde u aleleke se bili abhú 'ti ne e, ne mila di ne omungotsi koko, ne bandele, kpála bini ngakakala ade. Abana i du pandi,

ne emu, ne fufú, kpála bini ngakakala ade. Abana i du obagala, ne okandelé, ne opunda, ne okpulukpulu, kpála bini ngakakala ade. Abana i du 'lá kpála-kuti, kpála bini ngakala susuka ade.

¹⁴ Obhálu natsindji 'he bhomu-o apa pi gudhu bhomu-o me:

«Ndú oehe inde mo okukunda e hana andjia gba mu andjia!

Ndú otia gba mu di ne obabadha 'he gba mu-o

andjia ka mu andjia,

u ú matá gba mu belegu de bini!»

¹⁵ Obhálu natsindji 'he inde akpo li tia na gudhu ango-o alálu de ani tsutsu ka nakpe likabhu inde abhaka ani-o. U adú aku 'gba, u tsia lópolo di lio ngú ani.

¹⁶ U adú apa me:

«A ko likabhu na ngbéngbé pi yi, okpála na 'ngbé gudhu-o!

Yi adyi li kute yi babadha bongo inde na kpéke mase.

Yi atsia adyi di li yi obongo na mase naali inde na mbembe má ngua,

inde li e ne zizi.

Yi adyi di omagege na olo bhá dabili bini ne oteme na kpéke mase di ne omayaka.

¹⁷ Ndú 'he bhomu-o hana angítá bha li saa bini má kpikili!»

Abhomu-o, ndú obhálu nadjele zabu hana, bhá dabili bini ne okpála inde

u abi o, okpála nadháku pi 'ngbé 'ngu bhá dabili bini ne obhálu nagili tia pi 'ngbé 'ngu-o alálu mbo tsutsu.

¹⁸ U atsia adú asusula ka nau ngúwa adú aze ka natsi ka gudhu-o me: «A akpo 'ndji e li 'ngbé gudhu inde e ne bhedho?»

¹⁹ U adú aba embi bhá 'ndji o, u adú aku 'gbá, u atsia adú alopolo lio me:

«A ko likabhu na ngbéngbé pi yi, okpála na 'ngbé gudhu-o!

Bhiti tia gba yi-e ngae inde li okpála inde ngamene kulu pi 'ngbé 'ngu-o

akpo ka e ko.

La-a, ndú 'he bhomu-o hana andjia bha li saa bini má kpikili!»

²⁰ Ngayi okpála inde abhálá-a, yi kpi ndjili li nakpi ka gudhu ango-o!

Ngayi omaha Ebhe, ne yi obhálu titima gba Ebhe, di ne yi opolofeta, yi kpi ndjili!

Padhá de, anga Ebhe akodho 'ngú gba ani-e ka siti 'ngú inde ani amene e li yi ko!

²¹ Abhomu-o, andjelu bini na angu aha teme bini maka 'ngbé teme nadyi ngano, ani atsia atumba bhá 'ngbé 'ngu ne napa me:

«U atumba bhadi ngebé gudhu na Babilona ne kpéke me, kpála bini ú matá galikpe ani de.

22 Obh

- lu nabhi dum bhí matá galikpe agba mu de.

Obh

- lu na'u toti 'ú matá galikpe agba mu de.

Obh

- lu nali 'tsi lí matá galikpe agba mu de.

Obh

- lu ikalana dú matá di agba mu de.

Okpála dyí di matá ngano agba mu de.

23 Zi tala dú matá di agba mu de.

U djé matá di 'li okpála inde aha lio agba mu de.

Padhá de, anga obh

- lu natsindji 'he inde adu bhú gudhu gba yi-e, adu ongbengbe kpála na doto.

Obh

- lu kobha gba yi-e apite ndu okpála hana.

24 Okpála na Babilona abhili opolofeta,

ne okpála gba Ebhe di ne ndu okpála hana inde u abhili o píla doto-o.»

19

Etsi ngú nadhögø Ebhe

¹ Pipita-a, ma adje eli kpekpeke ayie abhúlá. Eli ango-o adu mugito me bhti okpála ngagama 'ngú. U adu apa me:

«Aleluya! Yi toko Ebhe, Ngámá gba ní-o!

A ko mukobho, a ko Ebhe na sangu, a ko Ebhe na angu!

² Engú ani ngakodho e han-a, ani ngakokodho li lelele, a la bhari ngbingbili.

Padhá de, anga ani akodho 'ngú gba 'ngbé bhúlú zabhe inde adu nako asiti 'ndji okpála na doto ne zabhe gba e ko.

Ani atsia agisila engú nabhili obalise gba e li ani.»

3 U atsia apa matá me:
«Aleluya! Yi toko Ebhe, Ngámá gba ní-o!

Ngúwa inde ngakoto bhú gudhu-o nga'u abhúlá duduma ne duduma.»

4 Obhelesi okpála ndjikpa bhisi ne ká badha bhú dabili bini ne okpála badha na ngangamba-a atutu lipukú o kuto, u atsia adhögø Ebhe inde ngadu pí kiti na ngámá-o. U adu apa me:

«A du moko! Aleluya! Yi toko Ebhe, Ngámá gba ní-o!»

Anokomia gba Ndili Kandelø-o

⁵ Abhomu-o, eli bini ayie ne li pápá na kiti na ngámá-o. Eli ango-o apa me:

«Yi toko Ebhe gba ní-o, ndu yi obalise gba ani-e hana, ngayi okpála inde ngamanga ani-o, abana ngayi ongbengbe okpála ne yi odjed-jedje!»

⁶ Pipita-a, ma adje tolo mugito me a ngagama 'ngú ne bhti okpála. Tolo ango-o adu mugito me a ko gili wowo 'ngu, mugito me kpéke mugbálá ngasusula ngae. A adu apa me:

«Aleluya! Yi toko Ebhe,
Ngámá gba ní-o!
Padhá de, anga a ko Apí
'Kpí.

Aní ngaú maka ngámá.
7 Ní kpi ndjili, amba ní dū di
bhú djali!

Ní dhége aní!

Padhá de, anga nedhinga na
anokomia na kúva
gba Ndili Kandélé-o
akolo,

wala* ani aleke lie aleke.
8 U aha bongo inde na
kpéke mase pi ani.

Zi bongo ango-o ngasu masu,
zibotu bini téte ade.»
(Bongo na kpéke mase
bhomu-o ngasuno me
okpála gba Ebhe-e amene
obabadha kulu lio pi ani.)

9 Abhomu-o, andjelu-o apa
múma me: «Ye engú inde
e me: <A ko djali pi okpála
inde u a'i o bhú anokomia na
kúva gba Ndili Kandélé-o!>»
Aní atsia apa matá múma
me: «A bhomu-o okukulu eli
inde ayie ka Ebhe-o.»

10 Abhomu-o, ma atutu
lipuku ma kuto bhú li 'dhú
ani ngú nadhége aní. Engú
bini, ani apa múma me:
«Mo oméne mo-o de. Ma
ne bali gba Ebhe maka mu.
Ma bhadi maka ondaise mu
inde ngakpokpo kukulu 'ngú
inde li Yesu ambamba 'ta e-
o. Tuttu mangbo lipuku mu
kala Ebhe.»

Padhá de, anga ngibili 'ngú
inde li Yesu akpokpo e ngaha
angu pi opolofeta ngae.

* 19:7 19:7 **Ndili Kandélé ne wala e:** Ndili Kandélé-o, a ko Kilisito , wala
ani-e, a ko Piga gba Ebhe. Tsia bhú Efe. 5:25, 32. † 19:15 19:15 Tsia bhú Ets.
2:9.

*Kpála inde adú pí punda
na bubu-o aha 'gú ne obhulu
yala gba e*

11 Pipita-a, ma au kokpí ab-
hulu lie. Abhomu-o, punda
bini na bubu akoto. Kpála
inde adú pépé-e, adú 'li aní
me: «Kpála inde ngamene
kulu lie pi Ebhe ne bua e
bini.» Aní ngakodho 'ngú
ngbingbili, aní di ngagú egú
bhú ngibili 'ngú .

12 Djila aní adú nadé maka
zi djua. Adú di bhú 'ndji aní
ne ondata na ngámá bhelé.
U aye 'ili bini li kute aní. Aní
ambila bha bini 'ta 'ili ango-
o ngae.

13 Aní adyi koti bini inde u
azí e bhú ngute-e li kute e.
Adú 'li aní me: «Li Ebhe.»

14 Osudha na abhúlá adú
akpata aní me u nde a'u'u
pí opunda na bububu. U
adyidyi obongo na kpéke
mase. Bongo ango-o adú
bubu, zibotu bini dū téte de.

15 Mbotia inde li 'bhé e
adú bebedhe-e adú akoto
bhú 'bhé aní. Mbotia ango-
o adú ngabula nabhilli opiga
ne di. Aní aú pi 'ndji uo ne
angu e hana. Aní tsia pi vino
bhú 'ngbé ngbengelé na ke
'ngú gba Ebhe Ngámá Apí
'Kpí-o. Ke 'ngú ango-o adú
nadúla madúla.†

16 U aye 'ili bini li koti gba
ani di ne pi 'ku aní. U aye 'ili
ango-o me: «'NGBÉ NGÁMÁ
GBA ONGBENGBE ONGAMÁSI,
NGAMÁ GBA ONGAMÁSI.»

17 Pipita-a, ma au andjelu

20

U agbite Satana ngú kalanga kete bini

¹ Pipita-a, ma au andjelu bini ayie abhála, ani atsia aké píla doto. A adu sakpa ani ne lifangúla na tsu 'du-o. A adu di sakpa ani ne 'ngbé gbindjili na ngbéngbé.

² Ani ago aholo 'ngbé kpulu na didili-o. 'Ngbé kpulu ango-o, a ko Satana inde djabulu. Andjelu ango-o agbite ani ngubula kalanga kete bini.

³ Ani abhike ani bhú tsu 'dú. Ani adho bhébhé nganda ani, ani atsia aye balua pépé. Balua ani aye e adu me, ngubula kalanga kete bini-e, ani ngbíngi matá 'ndji okpála de. Pipita-a, u atsé mbo 'kpa li ani ngú nedhinga bedi.

⁴ Pipita-a, ma au okiti na ngámá. Okpála inde adulu pépé-e, u aha pi uo angu nakodho 'ngú gba okpála. Ma au di bua okpála bhende u ava nani ngulu o ka u abhuka kükülu 'ngú inde li Yesu ambamba ta e di ne 'li Ebhe lie-o. U dhége nani enu-o de. U dhége di kulu ani-e de. U ye di nani tele gba ani-e pidi uo, i du di e li 'kpa uo de. U azuku matá, u atsia au ngámá bhú dabili bini ne Kilisito ngubula kalanga kete bini.

⁵ A bhomu-o bhütsibhütsi na bini me Ebhe zuku okpála-o. Okpála bhe koko adjéke ngaiza me kalanga kete bini-e le paká, li Ebhe tsia zúku uo.

bini, alu tu ela. Ani asula kpekpeke pi ndu odhu hana inde adu adholo abhála tsutsu naali-e me: «Yi go po bhála yi ngú 'ngbé anokomia gba Ebhe-o!

¹⁸ Yi go zu mbilika ongbengbe ongámási ne ongámási gba osudha di ne osudha. Yi go zu mbilika opunda di ne mbilika osudha inde adhudhukú ne di-o. Yi go zu mbilika okpála, abana i du obhende bhú bali ne obhe bhú bali ade-o, abana i du odjedjedje ne ongbengbengbe.»

¹⁹ Abhomu-o, ma au enu inde i de akoto bhú 'ngbé 'ngu-o, ne ongbengbe ongámási na doto, bhú dabili bini ne osudha gba o me u nde apo bhúla o ngú na ha 'gú pi kpála inde adu pi punda ne osudha gba e-o.

²⁰ Abhomu-o, kpála inde adu me ani nde a'u pi punda aholo enu-o bhú dabili bini ne polofeta na eu inde adu nani amene ongamba 'ngú li djila ani-o. Ani adu nani amene ongamba 'ngú bhomu-o ngú nato okpála inde u aye nani tele gba ani-e li kute o bhú ngita, inde adu di adhégé kulu ani-o. Kpála bhomu-o abhike enu-o bhú dabili bini ne polofeta na eu-o bhú dé djua na baluti. Ani abhike uo bhúbhú me u nde mu de.

²¹ Ani atsia abhili osudha gba uo ne ngise inde adu akoto bhú 'bhe ani-o. Abhomu-o, ndu odhu hana azu mbilika uo. U atsia a'u'u ne di.

6 A ko djali pi okpala inde azuku bhú ká okpala inde li Ebhe azuku o kalanu bhomu-o. A ko okpala gba Ebhe, la di-e, nakpi na bhisie ne angu pi uo ade. U adú odimande gba Ebhe di ne gba Kilisito. U aú ngámá bhú dabili bini ne ani ngubula kalanga kete bini.

Satana ati

7 Li kalanga kete bini-e de ale-e, u gbé Satana bhú tikpu gba e-o.

8 Ani tsia nü napite opiga inde agbolo píla doto libhomu. A akunda napa me nayie bhú Gogo nakolo bhú Magogo.* Ani apó bhúla uo ngubula gbele. U tsia dú bheldé nane sike lingo 'ngbé 'ngu mane.

9 U abha doto libhomu, u atsia asa bili li omaha Ebhe apo bhúla o lie-o. U atsia asa di gudhu gba okpala li Ebhe akunda o-o. Engú bini, djua ayie abhúlá, atsia ago atsulu uo hana.

10 Abhomu-o, Ebhe atsia atumba djabul, kpala inde adú nako napite uo, bhú dé djua na baluti nganda enu-o bhú dabili bini ne polofeta na eu-o. U adú nazú likabhu oo ngbikpi ne sukpe duduuma ne duduuma.

Lele maka li Ebhe akodho 'ngú na soso-o lie-o

11 Pipita-a, ma au 'ngbé kiti na ngámá bini me kpala bini nde adú pépé. Kiti angoo adú bubu. Kokpí ne doto

akpekpe de ani tsutsu. Kpala tsia u matá uo de.

12 Abhomu-o, ma au okpala inde amu-o, ongbengbengbe ne odjedjedje, alul kala kiti na ngámá-o. U abhulu obhuku. U atsia abhulu di bhuku koko, a adú bhuku na mukobho-o. Abhomu-o, Ebhe atsia akodho 'ngú gba okpala inde amu-o nakpata lele kulu gba uo-o, nakpata engú inde u aye e bhú obhuku-o.

13 'Ngbé 'ngu azie okpala inde amu inde adú bhúbhú-o. Kuo ne kuti gba okpala inde amu-o azie di okpala inde adú agba uo-o. Abhomu-o, Ebhe atsia akodho 'ngú gba kpala ne kpala nakpata lele kulu gba e-o.

14 Abhomu-o, Ebhe atsia atumba kuo bhú dabili bini ne kuti gba okpala inde amu-o bhú dé djua-o. Dé djua bhomu-o, a ko nakpi na bhisí.

15 Abhomu-o, ndú kpala hana inde u ye 'li e bhú bhuku na mukobho-o de-e, u abhike ani bhú dé djua bhomu-o.

21

Ebhe abhó ndú 'he hana ne toto

1 Pipita-a, ma au kokpí na mbia ne doto na mbia, anga kokpí na kalanu ne doto na kalanu-o andjia. 'Ngbé 'ngu dú matá di-i de.

2 Ma atsia au gudhu na bubu-o ngayie abhúlá. Gudhu angoo, a ko

* **20:8 20:8 Gogo ne Magogo:** A ko 'ili ngú nasuno obhul yala gba omañsalaele.

Yelusalema na mbia. Ebhe atima gudhu ang-o-o ngae. A adu ak-e kuto me a nde bedhe maka el-e inde aleke lie ngú nanu nake lie ne 'ko e.

³ Ma adje kpála bini ngatobhila kpekpeke li pápa li kiti na ngámá-a adu li e me: «Mbía inde-e dabili nadu gba Ebhe-e bhú ká okpála. Ani adú ne uo, u tsia dú omaha ani. Ebhe ngae makpe adú bhú dabili bini ne uo, ani adú Ebhe gba uo.

⁴ Ani akúo ndu ngula sa kúla uo hana, okpála mú matá-a de. Engú na da kuo dú matá-a de, egbá dú di-i de, likabhu dú di-i de, anga doto na kalanu-o nde and-jia.»

⁵ Abhomu-o, kpála inde adu pí kiti na ngámá-a at-sia apa me: «Mbía inde-e, ma ngabho ndu 'he hana na mbia.» Pipita-a, ani apa muma me: «Ye 'ngú inde, anga eli ma ngapa e-e, a ko kükülu 'ngú, inde a ayo la di me okpála bhuka e ko.»

⁶ Ani atsia apa matá muma me: «A amene lie amene! Ngama-a, ma ne Alafa di ne Omega. Ngama-a, ma ne Kpála inde akpo lita ndu 'ngú hana, ma di ne Kpála inde abú ta ndu 'ngú hana. Kpála inde lie ne gumi 'ngu-o, ma ahá engu nandji mandji pi ani padhá bhú kpongú inde ngaha mukobho.

⁷ Kpála inde agbóko egú-o, ma ahá ndu 'he bhomu-o

hana pi ani, ma adú ne Ebhe gba ani, ani tsia dú ndili gba ma.

⁸ La pi okpála bhende ngamene siti 'ngú-o, dá uo abhú dé djua na baluti na dudu ma ne dudu ma. A bhomu-o nakpi na bhisi. A ko okpála namene ngua siti 'ngú inde: obhulu tsulu, okpála ayala nabhuka, obhulu namene zabhe, obhulu nabhelo kpála, obambakuya, obhulu kélé, obhulu nayo oebhe na eu, ne obhulu eu.»

Yelusalema na mbia

⁹ Abhomu-o, súka oandjelu mananika inde adu sakpa o ne okópo mananika, inde abedhe ne olikabhu mananika na soso-o ago apa muma me: «Gogo, ma nu suno ele na kúva-a pi mu. A ko wala Ndili Kandélé-o.»

¹⁰ Bu Bhopua ago abedhe ma, abhomu-o andjelu-o anu a'o ma pi 'ndjá 'ta. Eta ang-o-o adu ngbéngbé. Ani asuno gudhu na bubu-o muma. Gudhu ang-o-o, a ko Yelusalema li Ebhe atima e ngae-o. A ayie abhúlá, a atsia adu ak-e kuto.

¹¹ Zizi adu asu ka sangu gba Ebhe-o. Zi gudhu ang-o-o adu nasu má ngingingi muggito me a ko teme* na mase.

¹² Aga inde u asa e li kükute-e adu ngbéngbé, di ndjándjá. Bhébhé adu téte ndjikpa ne ká bhisi, oandjelu ndjikpa ne ká bhisi atsia adu nalilila. U atsia aye 'li

* **21:11 21:11 Teme:** Bhú eli na giliki-e, u aye me «Teme na djasepe ne kilisitale.»

opiga ndjikpa ne ká bhisi na Isalaele-e téte.

¹³ Ne ndú pasú hana bhébhé adú téte bata: bata ne ndjongu, bata ne katí, bata li pápá na abebe, bata li pápá na yoyoko.

¹⁴ U ayiki aga bhomú-o pí oteme ndjikpa ne ká bhisi. U atsia aye 'li obháhl titima ndjikpa ne ká bhisi gba Ndili Kandélé-o téte.

¹⁵ Andjelu inde adú apa 'ngú muma-a, adú sakpa ani ne mbamba na olo inde ani adú napima ne e gúdhú-o, ne obhébhé, di ne aga ango-o.

¹⁶ Gúdhú ango-o adú ne odjedje badha. A aviti bhá 'ndjá ne bhá bá, ne bhá 'ngbé-e bini. Li andjelu-o apima gúdhú-o lie ne mbamba gba e-e, mbamba-a ali bhábhá bhátsibhátsi kóte ^{12†} ne ká bhisi ne ndú pasú hana.

¹⁷ Ani apima di aga-o, mbamba gba ani-e ali bhábhá bhátsibhátsi kóte ^{144‡} bhá 'ndjá abhállá. Ani apima bha maka li okpála apipima 'he lie-o.

¹⁸ U ayiki nani aga ne teme inde u a'i e me djasepe. Gúdhú-o libhomu adú ngili olo. A atsia adú má ngilili maka tsupa na bubu.

¹⁹ Oteme inde u amene 'dhú aga na gúdhú-o ne e, u aye nani tele téte ne ndú djua oteme na mase hana: bhe na bini-e adú teme na djasepe, bhe na bhisi-e adú

teme na safile, bhe na bata-a adú teme na kalasedhane, bhe na badha-a adú teme na emelode,

²⁰ bhe na bhuluvue adú teme na saladuane, bhe na madhia adú teme na kolonaline, bhe na mananika adú teme na kilidjolite, bhe na madjina adú teme na belile, bhe na odukpabini-e adú teme na topadje, bhe na ndjikpa-a adú teme na kilidjopaladje, bhe na ndjikpa ne ká bini-e adú teme na yasete, bhe na ndjikpa ne ká bhisi-e adú teme na ametisite.

²¹ Obhoti ndjikpa ne ká bhisi-e adú omayaka ndjikpa ne ká bhisi. U abho nani bhoti bini ne bini li lí mayaka bini má kpíkili! 'Ngbé 'hi kpadjí na gúdhú-o adú nani ngili olo. A atsia adú má ngilili maka tsupa na bubu.

²² Ma u belegú 'ngbé 'ti Ebhe bhá gúdhú bhomú-o de, anga Ebhe Ngámá Apí 'Kpí ngae makpe bhá dabili bini ne Ndili Kandélé-o ne 'ngbé 'ti Ebhe ango-o ngao.

²³ Gúdhú ango-o dú ne gúmu ela abana di epe ngú na ha zi kpí oo de, anga sangu gba Ebhe-e ngasu zi e oo ngae, Ndili Kandélé-o la di ne tala ango-o ngao.

²⁴ Opiga na doto adú adháku li zi gúdhú ango-o. Ongbengbe ongámási na doto tsia gó di ne tia gba o bhá gúdhú ango-o.

[†] 21:16 21:16 **Mbamba bhátsibhátsi kóte 12:** Gúdhá bhomú-o adú bhá 'ndjá-a masikpe de kilometele kóte bhisi ne 'he pépé ndú pasú hana. [‡] 21:17

21:17 Mbamba bhátsibhátsi kóte 144: A ko masikpe de metele ndjikpa mananika ne ká bhisi.

²⁵ Obhe bhoti na gudhu ango-o adú ndú nedhinga hana bábabá, u ní galikpe-e de, anga ekpí bí galikpe oo de.

²⁶ Opiga na doto adú nali bhúbhú ne sangu di ne obabadha tia gba o-o.

²⁷ Ehe bini na sisiti lí oo de, abana okpála namene engú inde lí Ebhe ayala e, abana obhúeu. A alí bha bini oo ne okpála inde u aye 'lí o bhú bhuku na múkobho-o, bhuku gba Ndili Kandele-o.

22

¹ Pipita-a, andjelu-o asuno múma ngade 'ngu inde ngaha múkobho pi okpála-o. Ngade 'ngu ango-o adú má ngilili maka tsupa na bubu. A adú ayie lí bili lí kiti na ngámá gba Ebhe ne Ndili Kandele-o adú lí e-o.

² Engu ango-o atsia adú akpe lí 'ngbé 'hi kpadji na gudhu na bubu-o. Ne ndú pasu bhisi na ngade 'ngu-o hana adú téte ne ndula inde ngaha múkobho. Ndula ango-o ngali lílí bhútsibhútsi ndjikpa ne ká bhisi bhú kalanga bini. A ngali lílí bhútsibhútsi bini ndú epe bini ne bini hana. Kpákpa-a atsia adú nateteke ngubula nakobho okuo gba opiga.

³ Ohe inde lí Ebhe tú matá pédje lí e, lí bhú gudhu ango-o de. Kiti na ngámá gba Ebhe ne uo ne Ndili Kandele-o adú bhú gudhu-o. Obalise gba Ebhe-e tsia dú nadhégé aní.

⁴ U aú bhúla ani, u tsia yé 'li ani pidi uo.

⁵ Sukpe dú matá-a de, u dú di matá ne gúmú zi tala abana zi ela de, anga zi Ebhe Ngámá asú pi uo ngae, u tsia ú ngámá dúdúma ne dúdúma.

Nago ka Yesu

⁶ Pipita-a, andjelu-o apa múma me: «Ongú inde ma apa e, a ko kúkúlu 'ngú inde ayo me okpála bhuka e. Ebhe Ngámá inde ngato 'li e bhú opolofeta-a, atima andjelu gba e ngú nasuno pi obalise gba e engú inde ayo me akolo mbia inde-o.»

⁷ Yesu apa me: «Gbo 'dje mú, Ma ngago mbia inde! A ko djali pi kpála inde ngalila ongú inde lí Ebhe ambamba ta e bhú bhuku inde-o!»

⁸ Ngama Djaa, ma adje ongú bhomú-o ne 'dje ma, ma atsia au di ne djila ma. Pita nadjedje ne nauu-o, ma ati bhú li 'dhu andjelu inde asuno ongú bhomú-o múma-a ngú nadhégé aní.

⁹ Engú bini, aní apa múma me: «Mo oméne mo-o de! Ma ne bali gba Ebhe-e maka mú. Ma bhadi maka ondaise mú inde ngakpokpo kúkúlu 'ngú inde lí Yesu ambamba ta e-o. Ma maka ndú okpála hana inde ngalila engú inde u aye e bhú bhuku inde. A ayo mangbo me mú dhégé Ebhe!»

¹⁰ Pipita-a, andjelu-o apa múma me: «Mo owó ongú inde lí Ebhe ambamba ta e bhú bhuku inde-e de, anga

nedhingga ngú namene lie ka ongú ango-o akolo masikpe.

¹¹ A ayo me kpála bhende ngamene siti 'ngú-o nü bha nedi ne kalanü, kpála bhende ngamene engú inde li Ebhe ayala e nü bhadi nedi ne kalanü. Kpála bhende ngamene ngbili 'ngú nü bhadi nedi ne kalanü, amba kpála bhende ngamene engú inde nganga li Ebhe-e nü bhadi ne di ne kalanü.»

¹² Yesu apa me: «Gbo 'dje mʉ, ma ngago mbia inde! Ma ngago sakpa ma ne makalá inde ayo me ma ha e pi kpála ne kpála nakpata lele kulu inde ani amene e-o.»

¹³ Ngama-a, ma ne Alafa di ne Omega, a kʉnda napa me ma ne kpála na kalanü, ma la di ne kpála na soso. Ma ne Kpála inde akpo lita ndʉ 'ngú hana, ma di ne Kpála inde abú ta ndʉ 'ngú hana.»

¹⁴ A ko djali pi okpála inde ngavʉlʉ obongo gba o-o. Ebhe Ngámá ahá kpadji pi uo me, u li li obhoti na gʉdhʉ na bubu-o, amba u zu di lí 'lá inde ngaha mʉkobho-o.

¹⁵ Engú bini, ndʉ okpála bhe koko hana, u lí bhʉ gʉdhʉ-o de. Okpála ango-o ngao inde: okpála inde li Ebhe atʉ pədjø lí o, obhʉlʉ kelø, obhʉlʉ zabhe, obhʉlʉ nabhili okpála, okpála inde ngadhegø oebhe na eu, di ne ndʉ okpála hana inde ngakpi ndjili lí eu, inde di ngapà eu-o.

¹⁶ «Ngama Yesu-o, ma atima andjelu gba ma-a ngú

nago nambamba ta ongú bhomʉ-o pi yi bhʉ oDadjua gba Ebhe-o. U azu ma bhʉ piga gba 'ngbé ngámá Davidi. Ma ne ikupala inde asusu kækpi-o.»

¹⁷ Bu Bhopua ngauo ne ele na kʉva apa me: «Gogo!»

A ayo me kpála inde adje engú inde-e pa di me: «Gogo!»

A ayo me kpála inde li e ne gʉmʉ 'ngu-o gógo.

A ayo me kpála inde li e ne gʉmʉ engu inde ngaha mʉkobho-o sia padhá.

Engú na soso

¹⁸ Ngama Djaa, ma ngagbele 'dje ndʉ okpála hana inde ngadje ongú inde li Ebhe ambamba ta e bhʉ bhuku inde-e me, li kpála bini 'o engú koko pépé-e, Ebhe 'ó bhadi ndʉ olikabhu hana inde u aye e bhʉ bhuku inde-e pi ani!

¹⁹ Li kpála bini 'e la di ehe bini bhʉ ká ongú inde li Ebhe ambamba ta e bhʉ bhuku inde-e, Ebhe 'é makalá gba ani inde u akpokpo 'ngú e bhʉ bhuku ango-o. Makalá ango-o, a ko lí 'lá inde ngaha mʉkobho pi okpála, a ko la di nali bhʉ gʉdhʉ na bubu-o.

²⁰ Kpála inde alʉ pi ndʉ 'ngú inde-e hana apa me a ko kʉkʉlʉ 'ngú-o apa me: «A moko, ma ngago mbia inde!»

Ngama Djaa, ma atsia apa me: «A adʉ moko! Gogo, Ngámá Yesu.»

21 A ayo me Ngámá Yesu suno bádha bhú 'bu gba e pi
ndú yi hana.